


Cohãcjã Yere
Yahuducuri Tju



New Testament in Piratapuyo (CO:pir:Piratapuyo)

Cohãcjã Yere Yahuducuri Tju

New Testament in Piratapuyo (CO:pir:Piratapuyo)

copyright © 2011 Wycliffe Bible Translators, Inc.

Language: Piratapuyo

Translation by: Wycliffe Bible Translators, Inc.

Piratapuyo [pir], Colombia

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Piratapuyo

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 11 Nov 2022 from source files dated 29 Jan 2022
ad83cef1-6eb5-5233-a8f3-356e47bbda0d

Contents

San Mateo	1
San Marcos	50
San Lucas	80
San Juan	131
Hechos	167
Romanos	212
1 Corintios	234
2 Corintios	255
Gálatas	269
Efesios	277
Filipenses	285
Colosenses	290
1 Tesalonicenses	295
2 Tesalonicenses	299
1 Timoteo	302
2 Timoteo	308
Tito	312
Filemón	315
Hebreos	317
Santiago	334
1 San Pedro	340
2 San Pedro	346
1 San Juan	350
2 San Juan	355
3 San Juan	356
San Judas	357
Apocalipsis	359

San Mateo

Jesucristo Cohācjū macano tiqiro acaye panopu cjēna ijire (Lc 3.23-38)

¹ Jesucristo acayere panopu cjēnare yahutja yaha. Tiquiro ñesuno munano panopu cjāno Davi wame tiriqiro ijie tiahye. Tiquiro ijiato pano tiquina ñesuno munano iji turiariqiro Abrahā wame tiriqiro ijie tiahye.

² Abrahā Isaac pacuro ijiahye. Isaac Jacob pacuro ijiahye. Jacob Judā gāhu pacuro ijiahye. ³ Fare, Zara mehna tiquina pacuro Judā ijiahye. Tiquina pacoro Tamar wame tricoro ijiahye. Fare Esrom pacuro ijiahye. Esrom Aram pacuro ijiahye. ⁴ Aram Aminadab pacuro ijiahye. Aminadab Naasón pacuro ijiahye. Naasón Salmón pacuro ijiahye. ⁵ Salmón Booz pacuro ijiahye. Tiquiro pacoro Rahab ijiahye. Booz Obed pacuro ijiahye. Tiquiro pacoro Rut ijiahye. Obed Isai pacuro ijiahye. ⁶ Isai Davi pacuro ijiahye. Davi pehe Israe masa puhtoro ijiahye. Tiquiro Uria wame tiriqiro munano namonore tiqiro namo tiri bato Salomo wame tiriqirore pohna tiahye.

⁷ Salomo Roboam pacuro ijiahye. Roboam Abia pacuro ijiahye. Abia Asa pacuro ijiahye. ⁸ Asa Josafat pacuro ijiahye. Josafat Joram pacuro ijiahye. Joram Uzia pacuro ijiahye. ⁹ Uzia Jotam pacuro ijiahye. Jotam Acaz pacuro ijiahye. Acaz Ezequia pacuro ijiahye. ¹⁰ Ezequia Manase pacuro ijiahye. Manase Amón pacuro ijiahye. Amón Josia pacuro ijiahye. ¹¹ Josia Jeconia gāhu pacuro ijiahye. Tiquina ijiri pjere Israe yehpa cjēnare Babilonia cjēna pehe ñehē chāhye tiquina ya yehpapa.

¹² Sa ye Babilonia yehpapa tiquina esari bato, Jeconia Salatiere pohna tiahye. Salatiel Zorobabel pacuro ijiahye. ¹³ Zorobabel Abiud pacuro ijiahye. Abiud Eliaquim pacuro ijiahye. Eliaquim Azor pacuro ijiahye. ¹⁴ Azor Zadoc pacuro ijiahye. Zadoc Aquim pacuro ijiahye. Aquim Eliud pacuro ijiahye. ¹⁵ Eliud Eleazar pacuro ijiahye. Eleazar Matán pacuro ijiahye. Matán Jacob pacuro ijiahye. ¹⁶ Jacob José pacuro ijiahye. José María manano ijiahye. María pehe Jesu pacoro ijiri. Jesu pehe masare yahduoatiqiro ijiro, Cristo tiquina ni pisuriqiro ijiri.

¹⁷ Sa yeye Abrahāre mari queo muhtagā tee Davire mari queo bato tigū ahriquina ijipihityequina tiquina panamena mehna ijiye, catorce cururi waro ijiahye. Sa yeye mari pari turi Davire mari queo muhtagā tee Babiloniapū Israe masare tiquina neatō pano mari queo bato tigū ijipihityequina

tiquina panamena mehna ijiye, catorce cururi waro pari turi ijiahye. Sa ye tuhasa Babiloniapū tiquina esari bato mari queo muhtagā tee Cristo tiqiro masa bajuagāpū mari queo bato tigū ijipihityequina tiquina panamena mehna ijiye, catorce cururi waro ijiahye tja.

Jesucristo tiqiro masa bajarire yahuahye (Lc 2.1-7)

¹⁸ Sa ye ohō saha Jesucristo masa bajaru jiri. Tiquiro pacoro María pehe José mehna omoca duhteaticoro ijiahye. Sa yero ticoro omoca duhteato pano Espiritu Santo tutuaye mehna coā nijinogāre ne bucua cāhtarō masiahye ticoro basi. ¹⁹ Sa yero José ticorore omoca duhteatiqiro tire masino, poto ijiyere yeriqiro ijiro ticorore cohāno taro nimahye. Masa tiquina ihñono ticorore buoro ye dueraro, masa tiquina tuhoato pano yahuro marieno ticorore cohāno taro nimahye. ²⁰ Tire tiqiro tahoturi watoa Cohācjū yaqiro angel pehe quehēnopu Josére bajararo, ohō saha niahye:

—José, Davi munano panami iji turiagu, María mehna bue tiro marieno omoca duhteya. Ticoro Espiritu Santo yedohoro mehna coā nijinogāre ne bucua cāhtaricoro ijire. Sa yegu bue tiro marieno omoca duhteya ticorore. ²¹ Ticoro pohna tirota. Tiquirota ticoro macnota tiqiro ya maca cjēnare pecapu wahaboriquinare yahduoatiqiro ijirota. Tiquiro sa yahduoatiqiro ijigū ihñagū Jesu wame yegata mahu tiqirogāre, niahye angel Josére.

²² Ahri ijipihitye sa wahahye panopu cjāno Cohācjū yere yahu muhtariqiro tiqiro ni ojoaruro sahata. Tire tiqirore Cohācjū oja dutiahye. Ohō saha ni ojoahye Cohācjū yere:

²³ Nuhmino, nijinogāre bocaro pohna tirota ticoro macanogāre. Sa yero Emanuel wame tirota tiqirogā, ni ojoahye Cohācjū yere.

“Emanuel” nino “Cohācjū mari mehnata ijire”, nino niaga.

²⁴ Cohācjū yaqiro angel Josére tiqiro ni yahuri bato José pehe wahcā, angel dutiriro sahata María mehna omoca duhteahye. ²⁵ Tiquiro macanogāre ticoro pohna tiato pano José pehe ticoro mehna ijiera tiahye. Ticoro pehe pohna tia wahahye. Sa yero tiqiro pehe macanogāre Jesu wame yeahye.

2

Asū muja taro cjēna Jesugāre ihñāñe esahye

¹ Herode Judea yehpa cjēna puhtoro tiqiro ijiri pje ti yehpapa ijiri macapu

Belêpu Jesu masa bajuahye. Tiquiro sa masa bajuari bato ñahpicohare buheyequina ñahpicohare quehnoano masiñequina asū muja taro cjēna ahta, Jerusalêpu wihiahye.

² Sa wihye, masare to cjēnare sinituahye:

—¿Judio masa puhtoro ijitiqiuero yojopare nohoru masa bajuagari tiquiro? Asū muja taropu cjāna ijiaja. Sa yena ñahpicoha coā bajua wahā sagū ihñana “Puhtoro masa bajuaro niaga”, ni masii usā. Sa tia bajuagū ihñana, usā ihcāno mehna tiquirore ño peona ahtañ ohōpu, ni, yahuahye buheyequina masare.

³ Sa ye apequina Herodere tire yahuahye. Tiquina sa yahugū tuhoro Herode pehe bujua witi tuhotuahye. Sa yeye ijipihtiequina Jerusalē cjēna gāhu tiquiro yero sahata bujua witi tuhotuahye tiquina gāhu.

⁴ Sa yero Herode pehe ijipihtiequina pahia puhtoare, mari judio masare buheyequina gāhare tiquiro piji cahmecoa peho, tiquinare sinituahye tiquiro:

—¿Nohoru masa bajuaboagari Cristo pehe, masa tuhotugū? ni sinituahye tiquiro.

⁵ Ohō saha ni yahuahye tiquirore:

—Belêpu, Judea yehrapu ijiri macapu Cristo masa bajuarota. Ohō saha ni ojoahye Cohācjū yere yahu muhtariquiro:

⁶ Belêpu yeequinare Israe masare duti-tiquiro, tiquinare cohteatiquiro ahtarota. Sa yero apeye macari Judea yehrapu ijire macari yuhduoro ijire Belē pehe, ni ojoahye Cohācjū yere, ni yahuahye tiquina Herodere.

⁷ Tiquina sa ni yahuri bato Herode masa tuhoeroru asū muja taropu ahtariquinare pijioahye. Tiquiro cahapu tiquina esagū ihñano, tiquinare sinituahye. Tiquiro sa sinitugū tuhoye, tiquina ñahpicohare ihñari decore yahuahye tiquina. ⁸ Tiquina sa yahuri bato Herode pehe tiquinare Belêpu ohoro, ohō saha niahye tiquinare:

—Tiquirogāre quehnoano macaña. Tiquirogāre bocana yuhare tojoana yahu tojoaya. Yuhu gāhu tiquirogāre ño peou wahau tuñ niaja, niahye tiquinare Herode.

⁹ Tiquiro sa nidi bato, tiquina wahahye. Tiquina sa wahagū asū muja taropu tiquina ihñaria ñahpicoha pehe tiquina pano uhmu tāducuahye. Sa yero nijinogā tiquiro ijiro bui waro tojoa wahā sahye tia ñahpicoha.

¹⁰ Sa yeye ñahpicohare ihñañe, tutuaro bucueahye tiquina.

¹¹ Nijinogā tiquiro ijiri wuhupu esa, sajāa wahahye tiquina. Sa sajā saye, nijinogāre tiquiro pacoro mehna ijiriqiuogāre ihñahye tiquina. Sa ihñañe tiquina dusepe curi mehna quehe sa, tiquirogāre ño peoahye. Ño peo tuhasa tiquina acarire pōoahye. Urure, bueyere, mirra wame tiye ehme sitiye gāhare ne wio, tire tiquirogāre wapa marieno ohoahye. ¹² Tire oho tuhasa caria wahahye

tiquina. Tiquina sa carīgū quehēnoru Cohācjū yahuahye tiquinare: “Herode cahapu tojoeracāhña”, ni yahuahye Cohācjū tiquinare quehēnopare. Tiquiro sa ni yahuri bato, tiquina pehe wahcāhye. Tiquina sa wahcāri bato ape mahapu tiquina ya dihtapu tojoa wahahye.

José gāhu Jesugāre Egiptoru ne duhti cāa wahahye

¹³ Tiquina sa wahari bato Cohācjū yaquiro angel quehēnoru Josere bajuaro, ohō saha niahye:

—Wahcāña. Herode pehe nijinogāre wejēno taro, macano nine yojopare. Sa ye nijinogāre tiquiro pacoro gāhare Egiptoru amañano ne duhti cāa wahaya. Topare yuhu nidiro punota ijiaja, tee yuhu yahugāpu, ni yahuahye angel Josere.

¹⁴ Tiquiro sa nigū tuhoro, José pehe ñamita wahcā, nijinogāre, tiquiro pacoro gāhare Egiptoru ne duhti cāa wahahye. ¹⁵ Egiptoru esa, Herode catiro puno topare ijiahye tiquina. Sa yeahye panoru cjāno Cohācjū yere yahu muhtariquiro tiquiro ni ojoariro sahata. Tire tiquirore Cohācjū oja dutiahye. Ohō saha ni ojoahye Cohācjū yere: “Egiptoru ijiriqiuoro yuhu macare pijiou”, ni ojoahye Cohācjū yere.

Herode macanagāre wejē dutiahye

¹⁶ Sa ye ñahpicohare buheyequina tiquina duhti yuhdu cāgū tuhoro Herode pehe usua yuhdua wahahye. Sa usuario, Belē cjēnare, ti maca duhta caha cjēna gāhare tiquina pohnene amaagāre pua cahma cuoyequinagāre wejē bato ti dutiahye tiquiro. Coā warore ñahpicohare buheyequina ñahpicohare tiquina ihñari decore yahuahye Herodere. Tiquina sa nigū tuhoro tiquiro wejē duariquirogā masa bajuari decore masino, “Ohōpe cahmari cuore” nino, pua cahma cuoyequinagāre wejē bato ti dutiahye. ¹⁷ Panoru cjāno Jeremia Cohācjū yere yahu muhtariquiro tiquiro ni ojoariro sahata wahahye. Ohō saha ni ojoahye tiquiro:

¹⁸ “Ramá wame tiropu bisirota. Tutuaro bujua witiye mehna utiye bisirota. Raquel panamena numia iji turiaje numiapu Israe masa namosānumia tiquina pohnene tutuaro utieta. Tiquina pohnene apequina wejēgū ihñañe, ne bujua witi duhusi”, ni ojoahye panoru.

¹⁹ Sa ye Herode tiquiro yariari bato Egiptoru ijiriqiuoro Josere Cohācjū yaquiro angel quehēnoru bajuahye. Sa bajuaro ohō saha niahye Josere:

²⁰ —Nijinogāre wejē duamediquina yariaa wahari. Sa yegu wahcāña. Tiquirogāre pacoro mehna Israe yehrapu

ne tojoaa wahaya mũhũ, ni yahuahye angel Josére:

²¹ Tiqairo sa nidi bato José wahcã, nijinogãre pacoro mehnata Israe yehparũ ne tojoaa wahahye. ²² Sa yeperota Arquelao Herode macũno pehe tiqairo pacũro comesariqairo ijigũ tũhoro José pehe Judea yehparũ tojoa duaro cueahye. Sa yero pari turi tja quehẽnopũ tiqairore yahu nemoahye. Tiqairore pari turi Judea yehparũ iji dutierahye. Tiqairo sa ni yahuri bato, tiqaina Galilea yehparũ wahaa wahahye. ²³ Ti yehparũre Nazare wame tiri macarũ ijiahye tiqaina. Sa yeahye tiqaina Cohãcjũ yere yahu mũhtariqaina tiqaina ojoariro sahata. Ohõ saha ni ojoahye: “Cristo Nazare cjãnota ijire”, nieta masa”, ni ojoahye Cohãcjũ yere yahu mũhtariqaina panopũ cjẽna.

3

*Ñu wame yeriqairo masare yahuahye
(Mr 1.1-8; Lc 3.1-9, 15-17; Jn 1.19-28)*

¹ Sa ye ti pjere Ñu Cohãcjũ yequinare wame yeriqairo ijiahye. Judea yehparũ masa marienopũ tiqairo Cohãcjũ yere yahu dũcahye masare. ² Ohõ saha ni yahuahye tiqinare:

—Musa ñaife yerire bũjua witiya. Tire duhuuya. Ëhmuse cjãno Cohãcjũ mũa puhtoro tiqairo ijato mehenogã dũhsare, ni yahuahye tiqairo.

³ Panopũ cjãno Isaia Cohãcjũ yere yahu mũhtariqairo Ñu tiqairo buheatire ohõ saha ni ojoahye:

Masa marienopũ yahuducu sañuducuriqairo ohõ saha ni buherota tiqairo: “Mari puhtoro ahtato pano mahare mari quehnoyoro saha quehnoana ijyuyua mũa. Musa ñaife yerire bũjua witiya”, ni sañuducurota, ni ojoahye Isaia Nure.

⁴ Sa yero Ñu camello poari suhtirore sañariqairo, wahiqairo cahsero mehna tũã dihoriquiro ijiahye. Poreroare, nũcũ cjẽ umi gũhũre ihyae tiahye. ⁵ Jerusalẽ cjẽna, ijipihitiro Judea yehparũ ijyeyquina, Jordã wame tiri ma caharũ ijyeyquina gũhũ tiqairore tũhoye ahtahye. ⁶ Wihi, tiqairore tũho, tiqaina ñaife yerire bũjua witi, Cohãcjũre tire yahu yũhdũahye tiqaina. Sa tiqaina yahugũ tũhoro Jordãrũ Ñu tiqinare wame yeahye.

⁷ Sa yero peyeyquina fariseo masa, saduceo masa gũhũ Ñure tiqaina wame ye dutiye ahtagũ ihũano tiqairo yahuahye tiqinare:

—Añaã yero saha ña yũhdũana ijire mũa. Musa ñaife yerire bũjua witi duerana Cohãcjũ mũa ñaife yeri buhiri tiqairo buhiri dahreato pano duhti masiedare

mũa. ⁸ Sa yena potota mũa ñaife bũjua witiya. Quehnoañene comesaya. Sa yena quehnoañe pehere yeya mũa. ⁹ Ohõ saha ni tũhotueracãhña: “Panopũ cjãno Abrahã mari ñecũ mũnãno ijie tiahye. Sa yena tiqairo panamena iji turiana ijina mari Cohãcjũ yequina ijiaja”, ni, tũhotueracãhña mũa. Mũsare niita niaja. Abrahã panamena iji turiana ijimene mũa. Mũa sa ijiepegãta ti mũa sa ijyey dũhseati ijierare. Cohãcjũ pehe ahri utã paca mehna Abrahã panamenare dojogũ ye masine. Sa yero Abrahã panamena iji turiana mũa ijyey ihyo waro ijire utã paca ti paca ihyo waro ijiro sahata. ¹⁰ Ohõ saha ijire: Masa yucari yero saha ijire. Cohãcjũ pehe yucãire quẽatiare comeare cãoriqairo yero saha ijire. Sa yero ñaife dũca tye cãre quẽ cohã, ti nũhcori gũhũre dũte surerota. Dũte sure tuhãsa, pecarũ uããanota tiqairo ti cãre, nũhcori gũhũre. Sata yerota masa gũhũre tiqairore cahmeeñeyinare. ¹¹ Yũhũ bato yũhũ yũhdũoro tutuariqairo ahtarota. Quehnoa yũhdũariqairo ijire tiqairo. Tiqairo yero saha ijieraja yũhũ pehe. Sa yegu tiqairore tũhotugu, “Ihoy ijigũ ijiaja yũhũ”, ni tũhotuaja yũhũ. Yũhũ pehe mũa ñaife yerire bũjua witi duti, mũare wame yegu aco mehna yemi. Tiqairo pehe yũhũ yũhdũoro yerota. Espiritu Santore masa mehna ijiducugũ yerota tiqairo. Sa yero peca ñaifene uããa wero sahata tiqairo ahtariqairo pehe mũa ñaife yerire cose werota. ¹² Yũhũ bato ahtariqairo cahseri cohãriqairo yero saha ijire. Cahseri cohãriqairo tiqairo batiro mehna ijipihitiye trigo cahserire puti were. Tiqairo sa puti weri bato trigo pehere tiqairo ihbori wũhũrũ ihborota. Sata yerota tiqaina ñaifene bũjua witiyequinare yũhũ bato ahtariqairo. Tiqairo puti weye cahseri pehere tiqairo uããanota. Ti peca uããari peca ne yatisi. Sata yerota tiqairo yũhũ bato ahtariqairo tiqaina ñaifene bũjua witiyequinare, ni yahuahye Ñu.

*Ñu Jesure wame yeahye
(Mr 1.9-11; Lc 3.21-22)*

¹³ Came Jesu Galilearũ ijiriquiro waha, Jordã wame tiri marũ buha sahye Ñure wame ye dutiro. ¹⁴ Coã warore Ñu wame ye dueramahye.

—Yohou, mũhũ pehe yũhũ yũhdũoro tutuagu yũhũ pehere mũhũ wame yegu quehnoaboaga. Mũhũre wame yegũ ijieraja yũhũ, ni yũhtimahye Ñu Jesure.

¹⁵ Jesu pehe yũhtiahye tiqairore:

—Yũhũre wame yeya. Ohõ saha yena, Cohãcjũ dutiro saha sohtoa tina niaja mari, niahye Jesu.

Tiqairo sa nigũ tũhoro,

—Aa, ni yuhtiahye Ñu.

¹⁶ Sa ni tuhasa, Jesure wame yeahye. Tiquiro wame ye tuhasagū Jesu diarū ducuriquiro maja ducahye. Tiquiro maja ducagū, ahmuanorū parī maahye. Cohācjū yaquiro Espiritu bujua yero saha tiquiro bui dijia tagū ihñahye. ¹⁷ Sa dijia tagū ahmuanorū yahuducuye bisiahye:

—Ahriquiro yahu macu yuhu cahñiquiro ijire. Tiquiro mehna tutuaro bucueja, niahye ahmuanorū.

4

*Watīno ñañene ye dutimahye Jesure
(Mr 1.12-13; Lc 4.1-13)*

¹ Sa ye Espiritu Santo pehe Jesure masa marienorū neahye, torū watīno tiquirore ñañene ye dutiatio saha.

² Torū esaro cuarenta decori waro ihyaro marieno ijiahye Jesu. Sa yero ujua ahbahye.

³ Ujua tiquirore ahbagū ihñano watīno pehe tiquiro caharū esaro, ohō saha niahye:

—Muhū Cohācjū macu ijigu, ahria utāre ihyaye dojmehneña, nimahye tiquiro Jesure.

⁴ Jesu ohō saha ni yuhtiahye:

—Yeraja. Cohācjū yere tiquina ojoari pūrū ohō saha nine: “Masare ihyame mehna dihita catieraro cahmene. Ijipihtiye Cohācjū tiquiro ye yahuye mehna ijiro cahmene”, nine Cohācjū, ni yuhtiahye Jesu watīnore.

⁵ Tiquiro sa ni yuhtiri bato watīno pehe Jerusalērū “Cohācjū ya maca” tiquina nidi macarū Jesure neahye. Torū esa, Cohācjū ya wahu bui Jesure ne sahye tiquiro. ⁶ Ne sa tuhasa, tiquirore ohō saha nimahye:

—Cohācjū yere tiquina ojoari pū ohō saha nine:

“Cohācjū tiquiro yequina angelere mūhare ihña ihbo dutirota. Sa yeye tiquina pehe mūhare ihña ihboeta ‘Utārū puha tu maari,’ niñe”, nine tiquiro ojoari pū.

Tiquiro sa nidi poto ijigū muhū Cohācjū macu ijigu yehparū uhpu dijia ihñoña yuhare. Mūhare tiquina yedohogū ihñoña yuhare, nimahye watīno.

⁷ Jesu uhpu dijia ihño dueraro ohō saha ni yuhtiahye:

—Cohācjū yere tiquina ojoari pū ohō saha nine: “Musa puhtoro Cohācjū tiquiro nidire ‘¿Poto ijiajari?’ ni masi duana Cohācjūre ye ihño duti tuhueracāhña”, nine Cohācjū yere tiquina ojoari pū, niahye Jesu.

⁸ Tiquiro sa ni yuhtiri bato ahmūa yahdūa sanarū Jesure ne mūjahye watīno tja. Tu buirū ne mūja sa pje, ijipihtiye macarine ihñodoque dijioahye Jesure. Tiquina cuoye gūhare ihñoahye. ⁹ Sa ihñoño Jesure ohō saha nimahye:

—Yuhare dūsepe curi mehna quehe sa, ño peoya muhū. Muhū sa yegū ijipihtiye ahri macarine mūhare ohoutja, ni yahumahye watīno.

¹⁰ Tiquiro sa nigū Jesu ohō saha ni yuhtiahye:

—Satana, wahaya muhū. Ohō saha nine Cohācjū yere tiquina ojoari pū: “Muhū puhtoro Cohācjū dihitarē ño peoya. Tiquiro ye dutiye dihitarē yeya”, nine Cohācjū yere tiquina ojoari pū, niahye Jesu watīnore.

¹¹ Tiquiro sa nigū tuhoro watīno wahaa wahahye. Tiquiro wahari bato angele pehe wihi, Jesure yedohoye ihyayere ohoahye angele.

*Galilea yehparū Jesu buhe dūcahye
(Mr 1.14-15; Lc 4.14-15)*

¹² Sa ye Nure peresurū tiquina yegū tuhoro, wahaa wahahye Jesu. Waha, Galilea yehparū esahye. ¹³ Torū ijiri macarū Nazarepū waha, yuhdū cā,

Capernau wame tiri macarū esahye. Galilea wame tiri ditara dūhtū caharū ijiri Capernau. Ti maca Zebulón yehpa caharū, Neftalí yehpa caharū ijiri Capernau. Torū esa, ijiahye Jesu. ¹⁴ Sata yeahye Jesu panorū cjāno Cohācjū yere yahu mūhtariquiro Isaia tiquiro ni ojoariro sahata. Ohō saha ni ojoahye:

¹⁵ Zebulón yehpa caharū, Neftalí yehpa caharū, ditarapū wahari maharū, Jordā wame tiri ma ape sie pahrepu Galilea yehpa ijire. Ti yehpa judio masa ijieyequina ya yehpa ijire. ¹⁶ To cjēna Cohācjū yere quehnoano masiedare. Sa masiedapeta quehnoariquirore ihñañerū masieta. Tiquina pehe Cohācjūre ne masiedare. Sa yeye pecarū wahaboriquina ijimahye. Sa yero ihcāquiro tiquinare Cohācjū yere masigū yerota, ni ojoahye Isaia.

¹⁷ Torū ijiro, Cohācjū yere yahu dūcahye Jesu:

—Musa ñañe yerire bujua witiya. Sa yena quehnoañene comesaya. Uhmūse cjāno Cohācjū ijipihtiyequina puhtoro tiquiro ijia-ato mehenogā dūhsare, ni yahu dūcahye tiquiro.

*Pititaro wahi wejēñequinare tiquiro mehna cjēna ijiatiquinare pijiahye Jesu
(Mr 1.16-20; Lc 5.1-11)*

¹⁸ Sa ye Galilea wame tiri ditara dūhtū caharū esaro, Simore, tiquiro baharo Andre mehna boca sahye Jesu. Simo tiquina Pedro ni pisuriquiro ijiahye. Tiquina pehe wahi wejēñequina ijieye, tiquina wēñecjūre doque ñoñe niahye ditarapū.

¹⁹ —Yuhū mehna cjāna ijianaja ahtaya mūsa. Yuhū mehna mūsa ahtagū mūsa wahire ñeñe cahmecoana mūsa ijiro saha, Cohācjū yequina ijiatiquinare masare piji

cahmecoana ijigū yeitja māsare. Yuhū mehna masa ahtagū sa yeanaajare cūtja māsare, niahye tiqūiro tiquinare.

²⁰ Tiqūiro sa nigū tuhoyeta tiquina wēñecjäre cū cā, tiqūiro mehna wahahye.

²¹ Sa ye Jesu tiquina mehna yuhū cā, Santiagore tiqūiro baharo Nū gāhūre boca sahye tja. Tiquina Zebedeo pohne ijiri. Tiquina yaria yucūsapu tiquina pacuro mehna tiquina wēñecjäre quehnoñe niahye. Tiquina puarore tiqūiro pijioahye. ²² Tiqūiro sa pijiogū tuhoye, tiquina pehe duita tiquina pacurore, yucūsa gāhūre cū, Jesu mehna wahahye.

*Peyequina masare buheahye Jesu
(Lc 6.17-19)*

²³ Sa ye ijipihitropu Galilea yehpare Jesu buhe tinidi. Judio masa mari buheye wuhūseru quehnoañe buheyere, uhūse cjäno tiqūiro puhtoro ijiye tiyere buheri. Tiquinare buhe, dohatiyequinare quehnoa wahagū yero, ijipihitiye dohatiye yehdūori tiqūiro. ²⁴ Tiqūiro sa yegū tuhoye Siria yehpa cjēna ijipihitropu ti yehparu ijieyequina tiqūirore masi ducari. Sa masiñe, sijoro saha ijiye dohatiye cuoyequinare, watiare cuoyequinare, ñama yariaye cuoyequinare, tini masieñequina gāhūre ne sari. Sa yero ijipihitiyequina tiquinare yuhdūgū yeri Jesu. ²⁵ Tiqūiro sa yegū ihñañe, Galilea yehpa cjēna, Decapoli cjēna, Jerusalē cjēna, Judea yehpa cjēna, Jordā ape sie pahre cjēna peyequina masa tiqūiro mehna wahari.

5

*Синѣри мѣја, топѣ буеахѣе Јесу масаре
(Lc 6.20-23)*

¹ Sa ye masa peyequina tiqūiro cahapu tiquina esagū ihñano Jesu cūnupu mājaa wahahye. Maja sa, topu dujiahye. Topu dujigū tiqūiro buheyequina tiqūiro cahapu esahye. ² Tiquina esagū ihñano ohō saha ni buhe dūcahye.

³ —Tiquina ñañene bujua witiyequina Cohācjäre cahmeñequina bucueyequina ijire. Uhmuse cjäno tiqūiro puhtoro ijiropure wahaeta tiquina. Uhmuse cjē tiquina ye ijire.

⁴ Utiyequina gāhū bucueyequina ijire. Tiquinare bucuegū yerota mari Pacu.

⁵ Apequinare yuhdūduca dueyequina “Ihyo ijina ijiaja usā”, ni tuhotuyequina bucueyequina ijire. Cohācjū “Ohoutja”, tiquinare tiqūiro nidi yehpare cuoeta tiquina.

⁶ Cohācjū dutiro saha ye duayequina, quehnoañene ye duayequina bucueyequina ijire. Cohācjū tiqūiro yedohogū tiquina quehnoañene yeducueta.

⁷ Apequinare paja ihñañequina bucueyequina ijire. Tiquina sa paja ihñagū Cohācjū tiquina gāhūre paja ihñanota.

⁸ Tiquina ñañene cosenohriquina bucueyequina ijire. Cohācjäre ihñañeta tiquina.

⁹ Apequinare cahmequedagū yeyequina bucueyequina ijire. Tiquinare “Yuhū pohna ijire”, ninota Cohācjū.

¹⁰ Cohācjū dutiyere tiquina yeri buhiri apequina ñano yere Cohācjū tiqūiro duti-quinare. Tiquina sa ñano yegū bucueyequina ijire tiquina pehe. Uhmuse cjäno tiqūiro puhtoro ijiropu tiqūiro yere cuoeta tiquina.

¹¹ Yeere masa yeri buhiri apequina māsare tiquina tuhtiepegūta bucuena ijire masa. Māsare tiquina ñano yepēgūta bucuena ijire masa. Yeequina masa ijiri buhiri māsare ijipihitiye ñañe tiquina quiti dojomehnepegūta tiquina ni mehoepēgūta bucuena ijire masa. ¹² Cohācjū yere yahu muhtariquinare masa pano ijiriquinare tiquinapūreta ñano ye muhtahye. Tiquinare yeriro sahata masa gāhūre apequina sa yegū bucueya. Quehnoano jeripohna tiya. Sa yero uhūseru masa esagū pajiro quehnoano yerota māsare Cohācjū, ni yahuahye Jesu.

*Moa yero saha, buhrioro yero saha ijire
Jesu yequina*

(Mr 9.50; Lc 14.34-35)

¹³ Sa ye Jesu buhe nemoahye:

—Moa mehna wahiquiro dihire ti ñano wahaeragū yero sahata masa pehe yeequina pehe ijipihitiyequina apequinare ñañene tiquina ye dueragū yere. Sa ijieperota moa pehe ti ñañe wahagū pari turi quehnoañe ye masiedare. Ti moa ne quehnoaedare. Ti sa wahagū ti moare cohāno cahmene. Ti moare cohāri bato ti bui masa cuhta cūre. Ne dūhseati ijierare ti moa tiqūiro cohāñe. (Ti dūhseati ijieraro saha ijieracāhña masa. Cohācjū ye pehere cohāedacāhña,) ni yahuahye Jesu.

¹⁴ Sa ye tiqūiro buhe nemoahye:

—Buhrioro marine ihñagū yero sahata masa pehe yeequina pehe ahri yehpa cjēnare Cohācjäre masigū yere. Cūñu bui ijiri macare nuono basioerare. ¹⁵ Sa ye sihāriare masa sihāñe, sutu docapu moha dapo masiedare. Tiare sihāriare uhūmanopu duhu peore ti wuhū cjēna ijipihitiyequina tiquina ihñatiare. ¹⁶ Ohō sahata masa gāhū buhrioro yero saha ijina, quehnoañene yeya. Masa sa yegū ihñañe masa mari Pacu uhūse cjäno ño peo, “Tutuagu, quehnoagu ijire”, nieta, ni yahuahye Jesu.

*Cohācjū tiqūiro dutiyere tiqūiro ojoari
gāhūre yahuahye Jesu*

¹⁷ Sa ni tuhasa, tiquinare yahu nemoahye:

—Ahrire masa masigū cahmeaja yahu. Cohācjū dutiyere Moiserē tiqairo cūrire, tiqairo yere yahu mahāñeqina tiqina ojoari gūhare cohāgū tagū niedū. Ti dutiyere masare quehnoano yahu potou tūū nīi. Ti dutiyere poto ijigū ihñou ahtau. Ti dutiye nidiro sahata ye sohtori tii tūū nīi. ¹⁸ Ijirota masare niaja. Pihitiri deco pano ijinigū Cohācjū dutiye Moiserē tiqairo cūrire ne mehenogā cohāsi mari. Ahri yehpa, ahmase gūhu ti jiuro puno tiqairo dutiye gūhu ijirota. ¹⁹ Sa yeye ti dutiyere ihquēquina yuhduducaye, apequinare sata ye dutiye, ahmase cjāno tiqairo puhtoro ijiropu cahacjēna yero saha ijieta. Ihcā dutirogā ijepegūta tiqina yuhduducaye, cahacjēna yero saha ijieta tiqina. Apequina ti dutiyere quehnoano yeye, apequinare tiqina yero saha ye dutiye, ahmase cjāno tiqairo puhtoro ijiropu puhtoa yero saha ijieta tiqina pehe. ²⁰ Masare niita niaja yahu. Judio masare buheyequina, fariseo masa gūhu Cohācjū cahmeñene queoro yere. Tiquina yuhduoro Cohācjū cahmeñene yeya masa. Masa sa yerana, tiqairo puhtoro ijiropure ne esasi masa, ni yahuahye Jesu.

Usuyere yahuahye Jesu
(Lc 12.57-59)

²¹ Sa ni tuhasa, tiquinare yahu nemoahye:

—Panopu cjēna ohō saha ni tiqina yahurire tūhori jimedi masa: “Masare wejēdacāhña. Masare wejēdiqirore tiqina buhiri dahreatiqiro jire”, tiqina nidire tūhori jimedi masa. ²² Ahri tiqina yahuri yuhduo cjūno masare ahri pehere yahu nemoutja. Tiquiro acayuro mehna usuariqiro pehe tiqina buhiri dahreatiqiro jire masunore wejēdiqirore yero saha. Tiquiro acayurore tuhtiriqiro “Ne tūho masiñe mariegū jire mahu”, nidiqiro buhiri dahre dutiyequina cahapu tiqina neatiqiro jire. “Tūho masiegū jire mahu”, tiqiro acayurore sa nidiqirore pecapu wahaboaga tiqiro.

²³ ‘Masa acayuro masare tiqiro ihña tuhtigū ohō saha yeya. Cohācjū wuhupu Cohācjūre masa ño peoato pano, tiqirore wahiqirore masa ohoato pano ohō saha yeya. ²⁴ Cohācjūre masa ohoatire duhu cū, masa acayuro cahapu waha, “Pari turi cahmequedacāhña. To punota duhuuhna tire”, niña tiqirore. Masa sa nidi bato Cohācjūre oho, ño peona wahaya tiqiro ya wuhupu.

²⁵ ‘Apequiro mahure yahusā duaro, puhtoro masare beseriqiro cahapu mahure tiqiro nea duagū, tiqiro mehna usuaro marieno ijiya. Beseriqiro cahapu tiqiro neatō pano tiqiro mehna quehnoano ijiya. Mahu sa yegū ihñano tiqiro mahure yahusāedaboaga. Mahu

sa quehnoano ijieragū ihñano topure masa esagū tiqiro pehe mahure masare beseriqirore yahusānota. Tiquiro sa yahusāgū, beseriqiro pehe peresu yeyequinapure mahure ohorota. Sa yeye tiqina mahure peresu yeeta. ²⁶ Ijirota niaja mahure. Topu ijiniita mahu. Tee tiqina wapa ye dutirire mahu wapa ye pehogupu wijiaguta mahu, ni yahuahye Jesu.

Apequiro namono mehna ñano yeyere yahuahye Jesu

²⁷ Ohō saha ni yahu nemoahye Jesu:

—Panopu cjēnare ohō saha tiqina ni yahurire tūhori jimedi masa: “Apequiro namono mehna ñano yeracāhña”, tiqina nidire tūhori jimedi masa. ²⁸ Ahri tiqina yahuri yuhduo cjūno masare ahri pehere yahu nemoutja. Numinore ñehedaperota, ihcāquiro ticorore ñano tutuaro cahmeno, ñano wacū tūhoturo, ñano ye tuhasari ticoro mehna.

²⁹ ‘Sa yegu mahu capea poto pehepu ijiria mehna ñano yegu, tiare ore we ne mahu cohāboriro sahata ti ñañene duhuya. Tire duheragu pecapu wahaguta. Mahu capeare mahu cohāgū tia capea dihita butire. Mahu pehere pecapu mahu wahagū ña yuhduare. Sa yegu ti ñañene duhuya. ³⁰ Sa yegu mahu omoca poto pehe ijiri omoca mehna ñano yegu, ti omocare mahu dute cohāboriro sahata ti ñañene duhuya. Tire duheragu pecapu wahaguta. Mahu omocare mahu cohāgū ti omoca dihita butire. Mahu pehe pecapu mahu wahagū ña yuhduare. Sa yegu ti ñañene duhuya, ni yahuahye Jesu.

Tiquiro namonore cohāñene, wame peoye gūhare yahuahye Jesu
(Mt 19.9; Mr 10.11-12; Lc 16.18)

³¹ Ohō saha ni yahu nemoahye Jesu:

—Panopu ahri gūhare niahye: “Tiquiro namonore cohā duariqiro tiqiro cohātire yahuri pū mehna ticorore cohā masine”, nimahye panopu. ³² Ahri tiqina yahuri yuhduo cjūno masare ahri pehere yahu nemoutja. Tiquiro namono apequiro mehna ñano yericoro ticoro ijierapēgūta ticoro manano ticorore cohāboaga. Ticoro sa cohānhoricoro apequiro mehna omoca duhtero, ñano yero niaga ticoro apequiro mehna ijiro. Ticoro manano ticorore tiqiro cohāri bato ticorore apequiro mehna ñano yegū yere. Sa yero tiqiro bato namo tiriqiro gūhu ticoro mehna ñano yero nine, ni yahuahye Jesu.

³³ Ohō saha ni yahu nemoahye Jesu:

—Panopu cjēna ohō saha tiqina ni yahurire tūhori jimedi masa: “Masa nidiro sahata yeya. ‘Cohācjū mehna poto sa yeitja’ masa nidiro sahata yeya”, tiqina ni yahurire tūhori jimedi masa. ³⁴ Ahri

tiquina yahuri yuhduo cjüno musare ahri pehere yahu nemoutja. “Uhmuse mehna poto nii niaja”, ni uhmuse mehna wame peeracähña. Uhmuse pehe Cohäcju mari puhtoro tiquiro ijiro ijire. Ihyo ijiro ijierare. Sa ijigü ihñana sa niedacähña. ³⁵ Ahri yehpa mehna ne wame peeracähña. Ahri yehpa Cohäcju ya yehpa ijire. Sa ijigü ihñana sa niedacähña. Jerusalë mehna ne wame peeracähña. Tutuariquiro mari puhtoro ya maca ijire Jerusalë. Ihyo ijiri maca ijierare. Sa ijigü ihñana sa niedacähña ti wamene. ³⁶ “Yuhü dapu mehna poto nii niaja”, ni wame peeracähña. Musa poari yehseye poari wahagü ye masiedare musa. Ti poarire ñiñe wahagü gähure ye masiedare musa. Sa ye masiena “Yuhü dapu mehna poto nii niaja”, ni wame peeracähña. ³⁷ “Yenatja”, nina wame peoro marieno ohö saha dihita tire niducuya. “Yesi”, nina gähü wame peoro marieno niducuya. Musa wame peo nina, wafüno ñariquiro dutiro saha yena niaga, ni yahuahye Jesu.

Tiquina cahme ihña tuhtiyere yahuahye Jesu

(Lc 6.29-30)

³⁸ Ohö saha ni yahu nemoahye Jesu:

—Panopu ohö saha tiquina ni yahurire tuhori jimeidi musa. “Muhure apequiro muhu capeare tiquiro quë tihäriro sahata muhu gähü tiquirore quë tihä cahmeña. Muhu upiriare tiquiro quë nuhariro saha muhu gähü quë nuha cahmeña”, tiquina nidire tuhori ijimeidi musa. ³⁹ Tiquina yahuri yuhduo cjüno ahri pehere yahu nemoutja musare. Muhure ñano yeriquirore sa ihña cähña. Ihcä pehe muhu wahsupure tiquiro quëgü, ape sie gähure quë dutiya tiquirore. ⁴⁰ Apequiro buhiri dahre dutiriquirore muhure tiquiro yahusägü, dutiriquiro pehe muhu camisare muhure yahusäriquirore oho dutiboaga. Tiquiro oho dutigü, tiquirore ohoya. Muhu bui cjä suhtiro gähure oho nemoña tiquirore. ⁴¹ Apequiro surara apee borore ihcä kilómetro muhure tiquiro nea basa dutigü, ape kilómetrore waha nemoña tja. ⁴² Muhure sinidiquirore ohoya. Sa yegu apequiro muhure waso dutigü wasoya tiquirore, ni yahuahye Jesu.

Musare ihña tuhtiyequinare cahña

(Lc 6.27-28, 32-36)

⁴³ Ohö saha ni yahu nemoahye Jesu:

—Masa ohö saha nine: “Musa mehna cjënare cahña. Sa yena musare ihña tuhtiyequinare ihña tuhti cahmeña tja”, tiquina nidire tuhori jimeidi musa. ⁴⁴ Tiquina yahuri yuhduo cjüno ahri pehere yahu nemoutja musare: Musare ihña tuhtiyequinare cahña. Musare ñano yeyequinare tiquina ye ijiatire Cohäcjüre

sini basaya. ⁴⁵ Musa sa yena mari Pacu uhmuse cjüno pohna ijire musa. Cohäcju pehe ihcäno saha yere masare. Ñañequina gähure quehnoañequina gähure asü asigü yere tiquiro. Sa yero Cohäcju dutiyere yeyequina gähure, yeyequina gähure acoro ahtagü yere tiquiro. Masare ihcäno saha tiquiro yeriro sahata musa gähü yeya. ⁴⁶ Musare cahñequina dihitare musa cahigü ti ne dahseati ijierare. Wapa ne cohteyequina gähü sata yere. Sa yena ijipihiteyequinare cahña. ⁴⁷ Musa acaye dihitare musa quehnoano piti cagü ti ne dahseati ijierare. Cohäcjüre masieñequina gähü sata yere. Sa yena ijipihiteyequinare quehnoano piti caya. ⁴⁸ Ñañe mariena ijiya musa. Mari Pacu uhmuse cjüno tiquiro ñañe marieniquiro tiquiro ijiro sahata musa gähü ñañe mariena ijiya, ni yahuahye Jesu.

6

Quehnoañe yeyere yahuahye Jesu

¹ Pari turi tiquiro yahu nemoahye:

—Cohäcju ye ijiatire quehnoañene yena, tire masare “Ohö saha ijigü ijiaja yuhü”, ni ye ihñoro ahequinare. Musa sa ni ye ihñori buhiri quehnoañene musa yeri dahseati ijierare. Sa yero Cohäcju uhmuse cjüno quehnoañene musa yeri wapa musare ohosi. ² Sa yena pejecuoyequinare yedohona, tire masare ye ihñoredacähña. Masa tiquina ihñenopu yedohoya tiquinare. Sata ihquëquina ye ihñore mahapu ijiyequinare, judio masa mari buheye wuhusepu ijiyequina gähure. Tiquina mari ihñono dihita quehnoano iji mehoñequina ijire. Sa ye ihñore tiquina, “Quehnoañequina ijire ahriquina”, masare ni ihña dutiye. Tiquina sa ni ihñagü sa ye ihñonequina pehe bucue tuhasari. “Quehnoañequina ijire”, ni masa tiquina ño peogü bucue tuhasari tiquina. Sa yero Cohäcju pehe ne bucue nemogü yesi tiquinare. ³ Sa yena pejecuoyequinare yedohona, masa tiquina ihñenopu yedohoya tiquinare. Musa mehna cjëna mehna ijina tiquina ihñeno pejecuoyequinare yedohoya. ⁴ Masa tiquina ihñenopu musa yedohoepegüta Cohäcju pehe ihñare. Sa ihñano musa sa yeri wapa ohorota musare, ni yahuahye Jesu.

Cohäcjüre siniñene yahuahye Jesu

(Lc 11.2-4)

⁵ Pari turi tiquiro yahu nemoahye:

—Cohäcjüre sinina, masa ihñono dihita quehnoano iji mehoñequina yero saha yeracähña musa. Judio masa mari buheye wuhusepu ducu, mahapu gähure ducu, Cohäcjüre sini ihñore tiquina masare. Sa sini ihñone poto masa tiquina ño peoye mehna tiquina bucue tuhasari. ⁶ Cohäcjüre sinigü tagu, muhu ya tucüpu biha sañaña.

Biha sajá, mari Pacu ihñamehneniquirore siniña. Musa sa yegū masa marienopu musa siniepegūta mari Pacu musare tuhorota. Sa tuhoro musare quehnoano yerota tiquiro.

⁷ Sa yena Cohācjüre sinina, tuhoturo marieno musa sinidireta pari turi sini majare tojoeracāhña. Ohō sahata yere Cohācjüre masieñequina. “Peye tahari ihcāno saha usā sinigū Cohācjū usāre tuhorota”, ni tuhotumene tiquina. ⁸ Tiquina yero saha yeracāhña musa. Musa siniato pano mari Pacu musa cahmeñene masi tuhasare. ⁹ Sa yena ohō saha ni siniña musa Cohācjüre:

Usā Pacu, umuse cjū mahu quehnoagu sa ijiducure.

¹⁰ Yojopure ijiphiyequina puhto ijiya. Umusepu mahu dutiro sahata tiquina yeriro sahata ahri yehpa cjēna gāhu yehro.

¹¹ Sa yegu decoripe usā ihyatire ohoducuya usāre.

¹² Apequina usāre tiquina ñano yerire usā boaja. Sa yegu mahu gāhu usā ñano yerire boya.

¹³ Sa yegu usā ñañene ye duagū usā tutaro cahmegū ihñagū tire usāre ye dutieguta. Sa yegu usāre usā ñañene yeragū yeya.

Mahu usā puhto tutuagu sa ijiducugata. Ijiphiyequina mahure sa ño peoducuahro, ni siniña Cohācjüre.

¹⁴ Apequina musare tiquina ñano yerire musa bogū ihñano, mari Pacu umuse cjāno gāhu musa ñano yerire borota. ¹⁵ Sa boeperota apequina musare tiquina ñano yerire musa boeragū mari Pacu gāhu musa ñano yerire bosu, ni yahuahye Jesu.

Sijiyere buheahye Jesu

¹⁶ Sa yero tiquiro tiquinare yahu nemoahye:

—Cohācjüre ño peona tana sijina bujua witiyequina yero saha ye ihñoadacāhña. Sata yere masa ihñono dihita quehnoano iji mehoñequina. Tiquina wahdo a paca bujua witiyequina yero saha ijire. Tiquina sa ijiyequina ijigū tiquina sijigū ihña masine masa. Ijirota musare nii niaja. Masa tiquinare ño peogū cahmene tiquina. Sa yeye tiquinare tiquina ño peogū ihñañe bucue tuhasari. Cohācjū pehe tiquirore tiquina ño peori wapa tiquinare bucuegū yesi. Sa yena tiquina yero saha ye ihñoadacāhña musa. ¹⁷ Musa sijina, musa poarire aco mehna wa peo wuhapo peoya. Sa yena musa wahdo a pacare coseya. ¹⁸ Musa sa yegū musa sijigū ihña masisi masa. Cohācjū dihita musa sijiyere ihña masinota. Musa sehsharo musa ijigū tiquiro musa mehna sa ijiducure. Sa ihñano tiquiro

musare quehnoano yerota tiquirore musa ño peori wapa, ni yahuahye Jesu.

Umuse cjēne cuo dutiahye Jesu (Lc 12.33-34)

¹⁹ Sa yero tiquiro yahu nemoahye:

—Ahri yehpa cjēne ne cahmecoedacāhña. Ohō cjē ahbaa wahaboaga. Ti ahbaeragū yaqueriquiro neboaga tire. Tiquiro yaqueragū mecasia tuaaboaga. Sa yero ahri yehpa cjē butiario cuarñe. Sa yena ahri yehpa cjēne tutuaro cahmedacāhña. ²⁰ Umuse cjē pehere cahmeña musa. Umuse cjēne mecasia tua masiedare. Topu musa cuoye ne ahbaerare. Topure yaqueriquiro ne masiedare. Sa yena umuse cjēne cahmeña musa. ²¹ Topu musa cuoye ijigū, umuse cjēne Cohācjū yere tutuaro wacūre musa, ni yahuahye Jesu.

Masa tiquina tuhoturo sahata yere (Lc 11.34-36)

²² Sa yero ohō saha ni yahu nemoahye tiquinare:

—Sihāria quehnoano buhriogū mari quehnoano ihña masino sahata quehnoañene tuhotuye mehna quehnoano ye masinata musa. Musa tuhoturo sahata yere musa. Quehnoañene tuhotuna quehnoano yere musa. ²³ Quehnoañene tuhotuerana ñañene yere musa. Musa ñañe dihitare musa tuhotuducugū ti ñañe pehe ña yuhdaye ijire, ni yahuahye Jesu.

Niñerure cahñequina, Cohācjū pehere cahñedare

(Lc 16.13)

²⁴ Sa yero tiquiro yahu nemoahye tiquinare:

—Ihcāquiuro Cohācjū pehere wacūno, tutua yuhduaro niñeru pehere wacūedare. Niñeru pehere tutua yuhduaro wacūno Cohācjū pehere wacūedare. Niñeru dihitare cahmediquiro ijiro Cohācjüre bucuegū yerare. Cohācjū gāhure, niñeru gāhure puarore cahme yuhduarocar basioerare musare.

Cohācjū tiquiro pohmene ihña ihbore (Lc 12.22-31)

²⁵ Sa yegu ahrire musare nii niaja: Musa ihyayere, sihniñene, suhti gāhure pajiro bujua witi tuhotueracāhña. Musare bajumehnenno ihyayere ihyatina dihitare suhti sañatina dihitare Cohācjū yerari musare. ²⁶ Minicjua parire Cohācjū tiquiro ihña ihboyere masiña musa. Tiquina weseri marieñequina ijire. Sa yeye ihyayere tiquina ihboye wuhuse tiquinare mariedare. Mari Pacu pehe tiquinare tiquina ihyatire ohore. Minicjua yuhduoro musa pehere cahñe Cohācjū. Sa yero musa gāhure ihña ihborota tiquiro. ²⁷ Pajiro musa tuhotuye mehna ti

mūsare ihcā hora cati nemogū yerare. Sa yero mūsa pajiro tuhotuye duhseati ijierare.

²⁸ 'Sa yena mūsa suhti sañatire pajiro bujua witi tuhotueracāhña. Nucū cjē cohuri ti cohoyere tuhotuya. Ti cohuri ti basi suhtire yerare. Sa yerapeta ti cohuri quehnoañe suhti yero saha quehnoañe cohuri bajure. ²⁹ Salomo manano quehnoañe suhtire sañariquiرو tiquiرو ijiepegūta ti cohuri pehe tiquiرو yuhduoro quehnoa yuhduaye cohuri waro ijire. ³⁰ Cohorire quehnoañe cohuri yere Cohācjū pehe. Ti cohuri pehe meheñe decorigā ijiducu ñai bora dijiaa wahare. Mehenogā iji, ape decopu pecapu ujāa wahare. Sa ijiepegūta cohorire quehnoañe cohuri ijigū yere Cohācjū. Sa yero Cohācjū cohorire tiquiرو quehnoañe cohuri tiquiرو yeriro yuhduoro mūsa gūhure quehnoano yerota. Suhtire ohorota. Cohācjūre mehenogā wacū tutuare mūsa. ³¹ Sa yena mūsa ihyatire, mūsa sihniatire, mūsa suhti sañatire pajiro bujua witi tuhotueracāhña. ³² Cohācjūre cahmeñequina pehe tire sa macaducuye nine. Mari Pacu ūhmase cjāno ijipihtiye mūsa cahmeñene masine. Tiquiرو sa masigū pajiro bujua witi tuhotueracāhña. ³³ Cohācjū mūsa puhtoro tiquiرو ijiatore cahme muhtaña mūsa. Ijipihtiye apee boro yuhduoro tiquiروre cahmeña mūsa. Quehnoañene tiquiرو ye dutiye gūhure cahmeña. Mūsa sa yeri bato Cohācjū pehe mūsa cahmeñe duhsagū ohorota. ³⁴ Sa yena ñamiarure mūsa duhse wahatore pajiro bujua witi tuhotueracāhña. Ñamiare mūsa ñano yuhdugū Cohācjū yedohorota mūsare. Miare mūsa ñano yuhduato iji tuhasare. Sa yena mia cjē dihitare tuhotuya. Ape deco cjēne pajiro bujua witi tuhotu nemoedacāhña. Cohācjū pehe mūsare yedohorota, ni yahuahye Jesu.

7

Apequinare "Ñañequina ijire", niedacāhña (Lc 6.37-38, 41-42)

¹ Sa yero tiquiرو tiquinare yahu nemoahye:

—Apequinare "Ñañequina ijire", niedacāhña mūsa. Mūsa sa niedagū Cohācjū mūsare "Ñana ijire", nisi. ² Apequinare "Quehnoano yerare", mūsa ni ihñano sahata Cohācjū pehe mūsa gūhure sata ni ihñanota. ³ Mari queoye mehna mari buhegū ohō saha yena ijire mūsa. Mūsa acayuro tiquiرو capeapu meheni pohcarogā sajāgū ti pohcarogāre quehnoano ihñare mūsa. Mūsa ya capea pehere pajiri pji ijiepegūta ti pñine ne ihñedare mūsa. Meheni pohcarogāre mūsa ihñano saha mūsa acayuro tiquiرو ñano yeye pehere quehnoano ihñare mūsa. Mūsa basi mūsa ñañene tutuaro yepenata

tire masiedare mūsa, pajiri pñine mūsa ihñeno saha. ¿Duhse ijiro boro sa ijiajari mūsa? ⁴ Ohō saha nibona ijire mūsa: "Yuhū acayu, ñañene yei nine muhu. Sa yegū tire duhuya", nibona ijire mūsa. Sa nibona ijiepenata pajiro ñañene yere mūsa. ¿Duhse mūsa ñañene yepenata tire masiedajari mūsa? ⁵ Masa tiquina ihñono dihita quehnoano iji mehona ijire mūsa sa yena. Pajiri pñine mūsa capeapu ijiri pñine mūsa ne muhtaboriro sahata mūsa ñano yeye pehere duhu muhtaña. Mūsa sa yeri bato mūsa acayuro tiquiرو ñano yeyere duhugū ye masiboaga, meheni pohcarogāre mūsa neboriro sahata.

⁶ 'Diaye yero saha ijieyequina, yesea yero saha ijieyequina gūhū ñañequina Cohācjū yere quehnoa yuhduyere tiquina ño peerare. Tiquina pehere yahueracāhña. "Tiquina bujure, ñano niari", nina, yahueracāhña tiquinare, ni yahuahye Jesu.

Cohācjūre mari siniñene yahuahye Jesu (Lc 11.9-13; 6.31)

⁷ Sa yero tiquiرو tiquinare yahu nemoahye:

—Cohācjūre siniña mūsa. Sinina mūsa nenata. Mūsa sinidire bocanata. Tiquiروre sa siniducuya mūsa. Mūsa sa yegū tiquiرو mūsare ohorota. ⁸ Ijipihtiyequina Cohācjūre siniñequina neeta. Sa yeye tiquina sinidire bocaeta. Sa yero ijipihtiyequina Cohācjūre sa siniducuyequinare tiquiرو tiquinare ohorota.

⁹ '¿Mūsa pohna pāgāre mūsare tiquina sinigū utā pehere ohoboagari mūsa tiquinare? Ne ohosi. ¹⁰ ¿Mūsa pohna wahire mūsare tiquina sinigū aña pehere ohoboagari mūsa tiquinare? Ne ohosi. ¹¹ Mūsa ñana ijiepenata mūsa pohnare quehnoañene ohoe tiri mūsa. Sa yero Cohācjū pehe mūsa yuhduoro quehnoañene ohore mūsare tiquiرو pohnare tiquiروre sininare. Mūsa pohnare mūsa ohoriro yuhduoro Cohācjū pehe tiquiرو pohnene ohore.

¹² 'Apequina mūsare tiquina quehnoano yegū cahmene mūsa. Tiquinare mūsa quehnoano yegū cahmeno sahata quehnoano yeya tiquina gūhure. Tiquina quehnoano yerapegūta mūsa pehe tiquinare quehnoano yeya. Sata ye dutire Cohācjū dutiye Moiserre tiquiرو cūripu, Cohācjū yere yahu muhtariquina tiquina ojoari gūhū, ni yahuahye Jesu.

Meheni sopecahagā quitire yahuahye Jesu

(Lc 13.24)

¹³ Sa yero tiquiرو yahu nemoahye tiquinare.

—Ūhmusepu Cohācjū cahapu waha duana tiquiرو yere yero cahmene mūsare. Sa yena

tiqiro yere sa ye macaedacāno cahmene. Meheni sopecahagāpū mūsa sajā duagū mijorīne. Sata mijorīne Cohācǰū cahapū mūsa waha duagū. Pecapū masa tiqina wahagū mijoadare. Pajiri sopecahapū mari sajāgū mijoadare. Ti sopecahapū masa tiqina sajāboro saha pecapū masa tiqina wahagū mijoadare. Sa yeye peyequina masa topū wahaye nine. ¹⁴ Cohācǰū cahapū mūsa waha duagū mijorīne. Meheñequinagā masa topū wahaeta. Topū wahayequina ijipihitiye decori Cohācǰū mehna ijiducuetā, ni yahuahye Jesu.

Yucǰū dūcare masina, tū padū gūhure masine mūsa

(Lc 6.43-44)

¹⁵ Sa yero tiqiro yahu nemoahye tiquinare:

—Quehnoano yeya. “Cohācǰū yere yahu mūhtana ijiaja”, ni mehoñequinare tūhoeracāhña mūsa. Tiqina oveja yero saha usueyequina saha bajumene. Tiqina tuhotuyepū ñañequina ijire tiqina. ¹⁶ Tiqina ñano yegū ihñana, ñañequina tiqina ijigū masinata mūsa. Tiqina quehnoano yegū ihñana quehnoañequina tiqina ijigū masinata mūsa. Pota bucǰū hñe tōhorine dūca tierare. Potagū higuera pacare dūca tierare. ¹⁷ Quehnoadū yucǰū quehnoañene dūca tire. Ñadū pehe ñañene dūca tire. ¹⁸ Quehnoadū yucǰū ñañene ne dūca tierare. Sa yero ñadū quehnoañene dūca tierare. ¹⁹ Quehnoañene dūca tieye cjure date cohā cā, pecapū ujānata. Sata yerota Cohācǰū tiqiro cahmeñene yerariquinare. ²⁰ Sa yena “Cohācǰū yere yahu mūhtana ijiaja”, ni mehoñequinare ohō saha masinata. Tiqina yerire ihñana, tiqina ni mehoñequina ijigū masinata, ni yahuahye Jesu.

“Mūsare ne masiedaja”, ninota Cohācǰū peyequina masare

(Lc 13.25-27)

²¹ Sa yero tiqiro yahu nemoahye tiquinare:

—Peyequina yūhure “Puhto” niñequina ijiepetā uhmūse cǰāno Cohācǰū tiqiro puhtoro ijioropure wahasi tiqina. Yūhū Pacū uhmūse cǰāno tiqiro cahmeñene yeyequina dihita tiqiro puhtoro ijioropure wahaeta. ²² Decori pihitǰūpare peyequina masa ohō saha nieta yūhure: “Puhto, mūhū yere usā buhei. Mūhū wame mehna wafāre cohān. Sa yena mūhū tutuaye mehna peye bajumehneñene yei usā”, yūhure niñequina ijietā. ²³ Ohō saha yūhtitja tiquinare: “Mūsare ne masiedaja. Ñañene yena ijire mūsa. Yūhū cahapū ahtaeracāhña”, nūitja yūhū tiquinare, ni yahuahye Jesu.

Pūa wūhū yeyequina quitire yahuahye Jesu

(Mr 1.22; Lc 6.47-49)

²⁴ Sa yero tiqiro yahu nemoahye tiquinare:

—Sa ye ijipihitiyequina ahri yūhū buherire tūhoriquina yūhū dutiyere yeyequina, quehnoano tūho masiniqiro wūhū dahreriquiro yero saha ijire tiqina. Tiqiro pehe uhcūāñe coperi sehe, wūhure doco dūcahye. ²⁵ Ti wūhure peho tuhasari bato acoro tutuaro ahta, dia mini yūhdūa waha, tutuaro wiñono wēahye. Sa ti tutuaro wēpegūta ti wūhū uhcūāno tiqiro docori wūhū ijiro ne waha sa queherahye. ²⁶ Sa yeye ijipihitiyequina yūhū buherire tūhoepeta yūhū dutiyere yerariquina, tūho masieni qiro wūhū dahreriquiro yero saha ijire. Tiqiro pehe ti wūhure padaro buigā doco, quehnoano ye dūcaerahye. ²⁷ Ti wūhure peho tuhasari bato, acoro tutuaro ahta, dia mini yūhdūa waha, wiñono tutuaro wēahye. Sa tutuaro wēno ti wūhū pehere wēdoque cū cāhye. Sa yero ti wūhū tutuaro bora sa quehea wahahye, ni yahuahye Jesu.

²⁸ Tiqiro sa ni buhegū tūhoye, tūho maria wahahye masa. ²⁹ “Tiqiro potota puhtoro ijire. Sa yero quehnoano masi pehoriquiro ijiro marine buhere tiqiro. Mari judio masare buheyequina yero saha buherare”, ni tuhotuahye tiqina.

8

Jesu camī bucū mūna wihirore yūhdūa wahagū yeahye

(Mr 1.40-45; Lc 5.12-16)

¹ Jesu cūnarū buhe dujiriquiro dijaa wahahye. Tiqiro dijagū ihñañe masa peyequina tiqiro bato wahahye. ² Tiqiro sa wahagū ihcāquiro camī bucū mūna wihiro tiqirore piti ca, dūsepe curi mehna quehe sa, tiqirore siniahye.

—Puhto, mūhū yūhure yūhdūo duagū yūhdūoya, niahye.

³ Tiqiro sa nigū tūhoro tiqiro omoca mehna Jesu tiqirore ña peoahye.

—Tire ye duaja. Mūhure yūhdūgū yeitja, niahye Jesu tiqirore.

Tiqiro sa nigūta camī bucū mūna yatia wahahye. ⁴ Sa ni tuhasa Jesu tiqirore niahye tja:

—Yūhū mūhure ohō saha yerire ne arequinare yahuera cāhña. Mūhū pagure quehnoari pagū waharire pahire ihñogū wahaya. Moiserē Cohācǰū tiqiro cūriro sahata pahire minicjare ohoya mūhū yūhdūre masa ijipihitiyequina tiqina masino quehnoano, niahye Jesu.

Surara puhtoro tiqiro cahacjano dohatigū Jesu yuhduoahye tiqirore
(Lc 7.1-10)

⁵ Sa ye Jesu Capernau wame tiri macapu tiqiro esagū cien surara puhtoro tiqiro cahapu esa, tiqirore tutuaro ohō saha ni sinidi:

⁶ —Puhto, yuhu cahacjano ne pagu tutueriqiro waha masiedaro tiqirore tutuaro purigū ya wuhapu cuñari tiqiro, nidi tiqiro Jesure.

⁷ Tiqiro sa nigū,
—Añ, tiqiro dohatiyere yuhduogu wahaatja, nidi Jesu.

Tiqiro sa nigū ohō saha nidi surara puhtoro:

⁸⁻⁹ —Puhto, quehnoanota. Wahaeguta. Yuhu yuhduoro quehnoa yuhduagu ijire mahu. Ya wuhapu mahare sajā ta dutibogu ijieraja yuhu. Mahu masiñe mehna yuhduoya tiqirore. Mahu sa yegū yuhu cahacjano quehnoa wahaerota. Yuhare yuhu bui ijiyequina apequna puhtoa dutire. Yuhu gahu surarare dutiaja. Ihcāqirore “Wahaya”, yuhu nigū tiqiro wahare. Apeqirore “Ahtaya”, yuhu nigū tiqiro ahtare. Yuhu cahacjano “Ahrire yeya”, yuhu nigū tire yere. Mahu gahu dutiguta ijire. Sa yero mahu dutiro sahata tiqiro dohatiriqiro yuhduerota, nidi tiqiro.

¹⁰ Tiqiro sa nigū tuho maria waharo, peyequina masa tiqiro mehna ijiyequinare ohō saha nidi Jesu:

—Ijirota masare niita niaja. Ahriqiro surara puhtoro Israe masano ijieri qiro Cohācjäre tutuaro wacū tutuare. Tiqiro cahacjano yuhu yuhdugu yeatire masi tuhasare. Ne Israe masare ahriqiro yero saha ijiyequinare ihñedaga yuhu. ¹¹ Masare niita niaja. Peyequina ahriqiro yero saha Cohācjäre wacū tutuayequina ijiptiro cjēna gahu uhmase cjēno puhtoro tiqiro ijiropu esa, toru ijiyequina mehna ihyæta. Abrahā, Isaac, Jacob mehna ihyæta tiqina. ¹² Masa apequna pehe Cohācjā tiqiro puhtoro ijiropu wahaboriquina tiqina ijipegūta ñanoru nahitianoru cohā cānota tiquinare. Toru tiqiro cohāriquina tutuaro uti, bujua witiye mehna bahque dihoeta, ni yahuri Jesu.

¹³ Tire sa ni tuhasa, surara puhtoro nidi.

—Tojoahya mahu ya wuhapu. Mahu cahacjano yuhduerota. “Potota yuhduerota”, ni mahu tuhoturiro sahata yuhduerota, nidi Jesu.

Sa nigūta tiqiro cahacjano pehe quehnoa wahari.

Pedro mareonore dohatiricorore yuhduoahye Jesu
(Mr 1.29-31; Lc 4.38-39)

¹⁴ Sa ye Jesu Pedro ya wuhapu esa, Pedro mareono dohatigū ihñahye tiqiro. Ujuaye tigū cuñahye ticoro. ¹⁵ Ticoro sa ijigū ihñano ticoro omocare ña peoahye. Tiqiro sa ña peogūta ujuaye surua wahahye. Surugū tuhoturo ticoro pehe wahcāduca, tiquinare ihyayere peoahye.

Jesu peyequina dohatiyequinare yuhduoahye
(Mr 1.32-34; Lc 4.40-41)

¹⁶ Sa ye ñamicahapu peyequina watāre cuoyequinare masa ne wihahye Jesu cahapu. Tiqina sa ne wihigū ihñano ihcā tahata tiqiro waha dutigū watā wahaa wahahye. Sa yero ijiptiyequina dohatiyequina tiqina ne sariquinare yuhduo pehoahye Jesu. ¹⁷ Sata yeahye tiqiro panoru cjāno Cohācjā yere yahu mahitariqiro Isaia tiqiro nidiro sahata. Ohō saha ni ojoahye: “Mari dohatiyere yuhduo cānota tiqiro. Mari duti tiyere cohā cānota”, ni ojoahye Isaia Jesure.

Ihquēquina Jesu mehna waha duamahye
(Lc 9.57-62)

¹⁸ Ape taha Jesu peyequina masa tiqiro cahapu tiqina ijigū ihñano, ohō saha nidi.

—Ape sie pahēru isa pehāhna, nidi.

¹⁹ Sa usā pehāto pano mari judio masare buheriqiro Jesu cahapu esa, ohō saha nidi:

—Buhegu, mahu mehna waha duaja noho mahu waharoru, nidi.

²⁰ Jesu ohō saha ni yahtiri:

—Ihquēquina nacu cjēna wahiquina tiqina coperi cuore. Minicjua gahu tiqina suhti cuore. Yuhu masu Cohācjā ohorigu pehe yuhu carīni wahu cuoreraja, ni yahtiri Jesu.

²¹ Sa ye apeqiro Jesu buheriqiro ohō saha nidi:

—Puhto, yuhu pacu tiqiro yariagū yariġutja. Sa ya tuhasagu pūrita mahu mehna wahagutja, nidi tiqiro Jesure.

²² Jesu yahtiri:

—Yuhare cahmeeñequina yariariquina yero saha ijire. Tiqina pehe yariariquinare yaahro. Sa yegu mahu pehe yuhu mehna cjū ijicjū ahtaya, nidi tiqiro.

Jesu wihnonore yusu dutiahye
(Mr 4.35-41; Lc 8.22-25)

²³ Sa ni tuhasa yucasapu sajāri. Sa yena usā tiqiro buhena gahu tiqiro mehna waha, sajāu. ²⁴ Ti ditarapu usā pehāgu waro wihnono tutuaro wēdi. Sa yero pahcōri yucasare quē mio cāmedi. Sa wihnono wēpegūta Jesu pehe carīno nidi. ²⁵ Sa wahagū ihñana usā tiqirore wahcōu. Wahcō ohō saha nii:

—Puhto, yuhduoya. Mari minina tana niajā, nii usā.

²⁶ Usā sa nigū Jesu yahtiri:

—¿Dahsena cue maca cãri mäsä? Yuhäre wacü tutuerare mäsä, nidi Jesu usäre.

Sa ninota wahcädüca sa, wihnonore pahcõri gähure “Yusuhya”, nidi. Tiquiro sa nigü wihnono yuhdüa wahari. Sa ye pahcõri gähü yusü dijiaa wahari. ²⁷ Tiquiro sa yegü ihña acüana, ohõ saha nii usä:

—¿Yohou, dahse ijiriquiro boro masäno ijijari ahriquiro? Ahri wihnono, pahcõri gähü tiquiro dutigü yuhdücaerare tiquirore, nii usä.

Watia cuoyequinare watiare cohähye Jesu (Mr 5.1-20; Lc 8.26-39)

²⁸ To bato pehä sa, Gadara cjëna ya yehparü esau. Topü usä esagü puaro ümua masa coperi caharü ijieyquina Jesure piti cari. Tiquina watiare cuoyequina cuayequina ijiri. Sa yero topü masa tiquina wahamehnenno ijiri. ²⁹ Tiquirore piti ca, sañuducuri:

—¿Mühü Cohäcjü macü dahse yegü ahtajari mühü usä caharüre? ¿Usäre Cohäcjü tiquiro buhiri dahreati pje ijierapegüta usäre buhiri dahrei ahtaü nijajari mühü? ni sañuducuri tiquina.

³⁰ Tiquina caharü peyequina yesea maca ihyaye nidi. ³¹ Tiquinare ihñañe, watia ohõ saha nidi Jesure:

—Usäre cohägu sisequina caharü waha dutiya usäre. Tiquina mehna iji dutiya usäre, ni sinidi watia Jesure.

³² —Au, wahaya, nidi Jesu.

Tiquiro sa nigü watia puaro masa mehna ijiriquina waha, yesea caharü esari. Tiquina mehna tiquina ijigüta yesea pari, pari cjëru oma maa buha, ditarapü bora ñojoa, mini yaria pihtia wahari.

³³ Tiquina sa wahagü ihñañe yeseare ihña ihboyequina pehe cuea waha, oma maa cãa wahari. Macarü esa, yesea tiquina minidire yahu site pehoahye. Watiare cuoriquinare Jesu watiare tiquinapüre ijiriquinare cohä wiori gähure yahu pehoahye tiquina. ³⁴ Sa tiquina yahu siteri bato ti maca cjëna ijip-ihkiyequina Jesure ihñañe ahtari. Sa ye tiquirore ihñañe, tutuaro mehna waha dutiri tiquirore.

9

Tini masieniquirore yuhdüoahye Jesu (Mr 2.1-12; Lc 5.17-26)

¹ Sa ye Jesu yucäsarü sajä, ditarapü pehä, tiquiro masari macarü esahye.

² Topü arequina tini masieniquirore tiquiro cuñari cahsero mehna yo wña wihiahye Jesu caharü. “Jesu ahriquirore dohatiyere yuhdügü yerota”, ni tãhotuahye tiquina. Tiquina sa ni tãhotugü masino dohatiriquirore ohõ saha niahye Jesu:

—Bucueya mühü. Mühü ñañe yeyere cohä tuhasau yuhü, niahye tiquiro.

³ Tiquiro sa nigü tãhoye ihquëquina mari judio masare buheyequina ohõ saha ni tãhotumahye. “Ahriquiro ihyo ijiriquiro sa nino ‘Cohäcjü ijijaja’, nino nine. Sa nino Cohäcjüre ñano nino nine”, ni tãhotumahye tiquina. ⁴ Tiquina sa ni tãhotugü masino, ohõ saha niahye Jesu:

—¿Dahsena sa ñano tãhotuajari mäsä? ⁵ “Mühü ñañe yeyere cohä tuhasaja”, yuhü nigü “Ni mehogü ijire”, nine masa quehnoano masiedapenata. “Wahcädüca, wahaya”, yuhü nigü tiquiro tinigü ihñana, yuhü nidi poto ijigü duita mäsä masinata. ⁶ Yuhü masü Cohäcjü ohorigu ahri yehparü masa tiquina ñañe yeyere cohä masiaja yuhü. Masa tiquina ñañe yeyere cohäcjüre cüri Cohäcjü yuhäre. Yuhü sa cohärire masa masiatio saha ohõ sahata ye ihñoutja masa ihñatire, niahye Jesu.

Sa ni tuhasa tini masieniquirore ohõ saha niahye:

—Wahcädücaya. Mühü cuñari cahserore ne cãhña mühü ya wuhäpü, niahye tiquirore.

⁷ Tiquiro sa nigü tãhoro tini masieniquiro wahcädüca sa, tiquiro ya wuhäpü tojoa wahahye. ⁸ Sa wahagü ihñañe masa cueahye. Sa ye Jesure Cohäcjü tiquiro tutuayere tiquiro ohogü ihñañe masa Cohäcjüre ño peo, quehnoano yahuducuahye.

Jesu Mateore pijiahye

(Mr 2.13-17; Lc 5.27-32)

⁹ Tiquina sa yeri bato Jesu topü ijiriquiro ahta, yuhäre Mateore boca sari. Puhtoä ye ijiatire masare wapa ne cohtegu ijimi. Sa yegü ti pjere yuhü dahrari tucüpu dujii. Topü yuhü dujigü ihñano ohõ saha nidi yuhäre:

—Yuhü mehna cjä ijiajü ahtaya, nidi Jesu yuhäre.

Tiquiro sa nigü tãhogü wahcädüca tiquiro mehna wahau.

¹⁰ Came ya wuhäpü Jesu gähü ihyaye ahtari. Peyequina wapa ne cohteyequina, “Ñano yeyequina”, tiquina niñequina gähü usä mehna ihyari. ¹¹ Tiquina mehna usä ihyagü ihñañe, fariseo masa usäre Jesu buhenare ohõ saha nidi:

—¿Dahse yero müsare buheriquiro wapa ne cohteyequina mehna, ñano yeyequina mehna ihyajari? nidi tiquina usäre tiquiro buhenare.

¹²⁻¹³ Tiquina sa nigü tãhoro Jesu pehe queoye mehna buhero yuhtiri:

—Dohatiyequina duturure macaedare. Dohatiyequina dihita duturure macare. Ñañequina dohatiyequina yero saha ijire. Sa yegü ñañequina dihitaré tiquina ñañene yerire bujüa witi duti, quehnoañe pehere comesagü yei ahtaü nii yuhü. Tiquina basi “Quehnoana ijijaja usä”, ni tãhotuyequinare yedohogü ahtaerü. Cohäcjü tiquiro nidire tiquina ojoarire masiña mäsä.

“Wahiquinare m̄sa wejē, w̄j̄a m̄w̄oñe mehna yuh̄are m̄sa ño peogū cahmedaja. Apequinare m̄sa paja ih̄nagū pehere cahmeaja”, ni ojoahye. Ahri tiq̄uiro ojoari d̄hse nidire masiña m̄sa. Tire quehnoano buhe nemona wahaya, nidi Jesu fariseo masare.

Sijiyere sinituahye Ñu buheyequina Jesure
(Mr 2.18-22; Lc 5.33-39)

¹⁴ Came Ñu wame yeriquiro buheyequina Jesu cahap̄ esa, sinituri:

—Ūs̄a Ñu buhena pehe peye tahari Coh̄acj̄ure ño peona tana, sijaia. Fariseo masa ḡh̄u sata sijire. ¿D̄hse yeye muh̄u buheyequina pehe sijierajari? nidi tiquina Jesure.

¹⁵ Jesu tiq̄uiro tuh̄otuye mehna queoye mehna buhero taro tiquinare oh̄o saha ni yahtiri:

—Oh̄o saha ijire ti: Omoca d̄ah̄terop̄u tiquina pijioriquina omoca d̄ah̄teriquiro mehna ijiye, siji masiedare. Sata yuh̄u buheyequina ḡh̄u yuh̄u mehna ijiye, siji masiedare. Yuh̄u omoca d̄ah̄teriquiro yero saha ijiaya. Omoca d̄ah̄teriquiro bose deco tiq̄uiro yegū tiq̄uiro mehna cj̄ena buj̄u witiye mehna ijierare. Sa yeye ih̄yeyequina ijierare. Yuh̄u Pac̄u Coh̄acj̄u yuh̄are tiq̄uiro nedi bato p̄uritare yuh̄u buheyequina mehna ijisi yuh̄u. Sa yeye ti p̄jep̄uta yuh̄u buheyequina ḡh̄u sijieta, ni yahtiri Jesu.

¹⁶ Panop̄u cj̄e buheye wahma buheye mehna tiquina buhe more duagū ih̄n̄ano oh̄o saha ni nemori Jesu tiquinare queoye mehna buhero.

—Ne wahma cahsero suhtiro cahsero mehna m̄n̄ano suhtirore sere oh̄ono cahmedare. Sa yegū wahma cahsero mari coseri bato m̄n̄ano suhtirore weje cahmeco, paji yuh̄duaro tuh̄nagū yere. (Ahri yero saha m̄na buheyere wahma buheye mehna piti dah̄re buheraro cahmene.) ¹⁷ Sa yena ne ūh̄se co bisiyere core wahiquiro cahsero ajurore m̄na ajurore pose yeraro cahmene. Sa yegū ūh̄se co bisiyere pah̄muñep̄u m̄na ajurore tuh̄rē c̄ahre. Sa tuh̄nagū ūh̄se co ḡh̄u, ajuro ḡh̄u coh̄aa wahare. Sa yena ūh̄se co wahma core wahma ajurore pose yero cahmene. Sa yegū ūh̄se co coh̄æda, ajuro ḡh̄u coh̄ædare. (Sata wahma buheye m̄na buheye mehna buhe moreदारो cahmene,) ni yahuri Jesu tiquinare.

Jairo maconore maso, dii m̄na dohatiducurico ḡh̄are yuh̄duoahye Jesu
(Mr 5.21-43; Lc 8.40-56)

¹⁸ Tiq̄uiro sa ni yahuri watoa mari judio masa p̄h̄toa mehna cj̄ano Jesu cahap̄ wih̄iri. Wih̄i, d̄usepe curi mehna quehe sa, oh̄o saha nidi.

—Yuh̄u maco mianogā yariaa wahari. Ticorore muh̄u omocare duhu peogū ah̄taya. Muh̄u sa yegū masanota, nidi tiq̄uiro Jesure.

¹⁹ Tiq̄uiro sa nigū tuhoro Jesu wahc̄ad̄uca tiq̄uiro mehna wahari. Ūs̄a tiq̄uiro buhena ḡh̄u wahau. ²⁰ Ūs̄a mahap̄u wahaducugū top̄u numino dii m̄na dohatiducurico Jesu batop̄u ahta, tiq̄uiro suhtiro sohtoare dah̄ra tuh̄uahye. Doce cah̄mari waro decoripe dii m̄na dohatiro niah̄ye. ²¹ Oh̄o saha ni tuh̄otuahye ticoro sa yero: “Ti suhtirore dah̄ra tuh̄ugo, quehnoa wahagota”, ni tuh̄otuahye ticoro. ²² Ticoro sa yegū masino Jesu majared̄uca, ticorore nidi.

—Maco, bucueya muh̄u. Muh̄u yuh̄are wacū tutuaye mehna quehnoago tojore yojop̄are, nidi tiq̄uiro.

Tiq̄uiro sa nigūta yuh̄duu wahari ticoro.

²³ Sa ye tuhasa Jesu p̄h̄toro ya wuh̄ap̄u esari. Top̄u esa, ñehe quea utiyequinare weoḡu m̄te pohoro saha ijidare putiyequinare ih̄n̄ari. Peyequina masa tiquina ñano bisigū ḡh̄are tuhori tiq̄uiro. ²⁴ Tiquina sa yegū ih̄n̄ano masare oh̄o saha nidi:

—Wijiaa m̄sa. Yariere ticoro. Car̄ino nine, nidi tiquinare.

Tiq̄uiro sa nigū tuhoye “Sa ni maca c̄ano nine ah̄riquirō”, niñe, masa buj̄uri tiq̄uirore. ²⁵ Sa yero wuh̄u puh̄iap̄ure ijieyequina masare tiq̄uiro wio pehori bato yariaricoro cahap̄u esa, ticoro omocare ñeheah̄ye. Tiq̄uiro sa ñeh̄egū masa quehe sa, wahc̄ad̄uca sahye ticoro. ²⁶ Tiq̄uiro sa yerire tuhoye, to cj̄ena masa ijip̄ihtieyequina yahu siteri.

P̄n̄aro caperi bajueyequinare ih̄n̄agū yeahye Jesu

²⁷ Sa yero Jesu top̄u ijiriquiro wahagū, p̄n̄aro caperi bajueyequina tiq̄uirore pisu n̄n̄u t̄ari:

—Davi panami iji turiagu, masare yuh̄duoacj̄u, ūs̄are paja ih̄n̄a ña muh̄u, ni sañducuri tiquina.

²⁸ Tiquina sa nigūta Jesu ape wuh̄ap̄u saj̄ari. Tiq̄uiro sa saj̄agū masiñe caperi bajueyequina tiq̄uiro cahap̄u saj̄aa wahari. Tiquina sa saj̄a sagū ih̄n̄ano tiq̄uiro pehe sinituri tiquinare:

—¿“Marine ih̄n̄agū yerota tiq̄uiro”, ni tuh̄otujari m̄sa yuh̄are? nidi tiq̄uiro.

—P̄h̄to, sata ni tuh̄otujaja ūs̄a, ni yahtiri tiquina.

²⁹ Tiquina sa nigūta tiquina caperire ña peori. Ña peo oh̄o saha nidi:

—Yuh̄are “Sa yerota”, m̄sa ni tuh̄oturiro sahata sa yeaja masare, nidi Jesu.

³⁰ Tiquiro sa nigūta tiquina caperi pehe quehnoa wahari. Sa ye Jesu ohō saha nidi tiquinare:

—Ahri yuhū ohō saha yerire apequinare ne yahueracāhña, nidi.

³¹ Tiquiro sa niepegūta waha, topū ijiyequinare yahu siteri tiquina tiquiro sa yerire.

Yahuducueriquirore yahuducugū yeahye Jesu

³² Ti wuhare tiquina wijiagū waro ihcāquiro yahuducueriquirore ne cāhtari masa. Watīno tiquiro mehna ijiriqiro tiquirore yahuducueragū yeahye. ³³ Tiquina ne sagū ihñano watīnore suoriquiro pehe yahuducua wahari. Tiquiro sa yegū ihñañe ijipihiteyquina ihñā maria pihitia wahari.

—Ne, ahri yehpa Israe yehpapare ohō saha yeyere ihñedahti mari, ni yahuducuri tiquina basi.

³⁴ Fariseo masa pehe sijoro saha ni yahuducuri:

—Watīa puhtoro tutuaye mehna watīare cohāre ahriquiro, ni yahuducuri tiquina.

Masare paja ihñahye Jesu

³⁵ Sa ye ijipihiteye macari topū ijiye macarigāre, bujaye macari gūhare buhe tinino wahari Jesu. Quehnoañe buheyere judio masa mari buheye wuhusepū buhero wahari tiquiro. Sa yero Cohācjū puhtoro tiquiro ijiatire yahuri. Ijipihiteye dohatiyeh gūhare to cjēnare yuhduori tiquiro. ³⁶ Masa peyequina ñano yuhduyequinare, pejecuoro wahayequinare tiquina ijigū ihñano Jesu tiquinare paja ihñari. Tiquina oveja opana marieñequina yero saha tiquina ijigū ihñano Jesu tutuaro paja ihñari tiquinare. ³⁷ Sa yero ohō saha nidi tiquiro usāre tiquiro buhenare, queoye mehna buhero:

—Trigo peye bucua tuhasagū peye ijigū dahraye pajiro ijire. Sa ijiepegūta dahrayequina pehe meheñequinagā ijire. Sata quehnoañe buheyere tuhoatiquina peyequina ijigū pajiro ijire mari dahraye. Sa ijiepegūta meheñequinagā dahrari masa yero saha quehnoañe buheyere buheatiquina gūhu meheñequinagā ijire. ³⁸ Sa yena quehnoañe buheyere buheatiquinare apequinare tiquiro ohoatire siniña Cohācjūre, nidi Jesu.

10

Jesu doce waro beseahye tiquiro ohoatiquinare

(Mr 3.13-19; Lc 6.12-16)

¹ Came doce usāre tiquiro buhenare Jesu pijio, tutuayere ohori usāre. Watīare usā cohā masiatire ijipihiteye dohatiyere usā cohā masiatire ohori usāre.

² Ohō saha wame tii usā Jesu cūrīna: Simo ijiri. Tiquiroreta Pedro ni pisuri Jesu. Simo bahuro Andre gūhu ijiri. Santiago gūhu tiquiro bahuro Ņu mehna ijiri. Tiquina Santiago gūhu pacuro Zebedeo wame tiri. ³ Felipe, Bartolomé, Tomasu, yuhū Mateo ijii usā. Yuhū pehe puhtoa ye ijiatire masare wapa ne cohtegu ijimi. Usā mehna Santiago ijiri. Tiquiro pehe Alfeo macano ijiri. Sa yero Tadeo gūhu ijiri. ⁴ Simo celote ya curua cjāno ijimediquiro, Juda Iscariote gūhu ijiri. Juda pehe Jesure ihñā tuhtiyequinare ihñoatiquiro ijiri.

Jesu tiquiro buheyequinare buhe dutiro ohoahye

(Mr 6.7-13; Lc 9.1-6)

⁵ Sa ye usāre doce tiquiro buhenare ohoro, “Ohō saha yeya”, ni yahuri usāre Jesu:

—Judio masa ijieyequina cahapure wahaeracāhña. Ne Samaria yehpapū ijiye macaripū gūhare wahaeracāhña. ⁶ Israe yehpa cjēna cahapū pehere wahaya. Cohācjūre masieñequina ijire tiquina. ⁷ “Uhmuse cjāno puhtoro tiquiro ijiato mehenogā duhsare”, ni buheya tiquinare. ⁸ Sa yena camī bucū mūna wihare, apeye peye sijoro saha ijiye dohatiyere cuoyequina gūhare yuhdugū yeya. Yariariquinare masoña. Watīa masa mehna ijieyequinare cohāña tiquinare. Masare sa ohogu niaja ahri tutuayere. Sa yena masa gūhu yuhū sa ohoriro sahata masare yuhdugū yeya wapa neno marieno.

⁹ Musa wahana niñerure ne nedacāhña. ¹⁰ Ne masa ajurore, puaro camisare, puā pa dahpo suhtire, tuaye cju gūhare nedacāhña. Musa sañano dihitate sañaa wahaya. Apeye suhtire nedacāhña. Musa buhena waharopū ijieyequina tiquina pehe masare pohe ijiatire ohoeta. Sata ohoro cahmene tiquinare.

¹¹ “Ti macaripū esana, masare quehnoano piti catiquirore macaña. Sa yena ti wuhupūta tojarīña. Tee, coā wahanapū wijiaya ti wuhare. ¹² Sa yena wuhupū sajāna, “¿Ijiajari masa?” niña ti wuhū cjēnare. Masare quehnoano tiquina cahmegū “Cohācjū mehna quehnoano ijiya masa”, niña tiquinare. ¹³ Masare tiquina cahmedagū, masa sa niborire nedacāhña. ¹⁴ Sa yena masare tiquina cahmedagū, tiquina tuho dueragū ti wuhare wijiaya. Wijiana, dahpocāri cjē dihta esa wahārire wejē site cūña masa tiquinare tiquina ye buhirire masigū yena. Ti maca cjēna masare cahmedagū sata yeya tiquina gūhare. ¹⁵ Ijirota masare niita niaja. Ahri deco pihtigūpure Sodoma cjēna, Gomorra cjēna gūhu tutuaro buhiri tiatiquinata ijire. Tiquina sa ijiepegūta tiquina yuhduoro

músare cahmeeñequina buhiri tiatiquina ijjeta, ni yahuri Jesu.

Jesu yequinare apequina ñano yeatire yahuahye Jesu

¹⁶ Sa ni tuhasa ohō saha ni nemori:

—Yuhure tuhoya musa. Oveja yero saha ijinare musare ñañequina watoa ohogū niaja. Tiquina ñañequina nūcū cĵēna yayia usuayequina yero saha ijire. Sa yena musa pehe apequina wahiquina wacū masiñequina yero saha ijiya. Sa ijina ijiepenata bujua yero saha ne usuena ijiya musa. ¹⁷ Quehnoano yeya musa. Musare masa puhtoare ohoeta. Judio masa mari buheye wuhusepū quēeta musare. ¹⁸ Sa yeye yeequina musa ijiri buhiri macari cĵēna puhtoā cahapū tiquina bui ijieyequina puhtoā cahapū gūhure neañeta musare. Sa yena musare topū tiquina neagū puhtoare, judio masa ijieyequina gūhure quehnoañe buheyere buhenata musa. ¹⁹⁻²⁰ Musare puhtoare tiquina ohogū tiquinare musa niatire “Yohou, masiedaboaga”, ni tūhotueracāhña. Musare tiquina sinitugāta musa niatire masinata. Sa masina tiquinare yahuna, musa tire musa esa tuharo yahuducuna nisi. Cohācĵū pehe mari Pacū tiquiro yaquiro Espiritu mehna musare yahuducugū yerota.

²¹ Ti pjere tiquina wahmisumma tiquina bahanare wejē dutiye ohoeta puhtoare yeequina tiquina ijiri buhiri. Tiquina pacusumma tiquina pohnene wejē dutiye ohoeta puhtoare. Tiquina pohne pehe tiquina pacusummare wejē dutiye ohoeta puhtoare. ²² Sa yeye yeequina musa ijiri buhiri ihña tuhtieta masa ijiphtiyequina musare. Tiquina sa yepegūta ahri yehparū musa catiro puno musare tiquina ñano yerire ihcāno sahana yuhure duhuerana, yuhdunata musa. ²³ Ihcā macapū musare tiquina ñano yegū ape macapū duhti cāhña. Ijirota musare niita niaja. Israe yehparū ijie macarine musa pehoato pano, yuhū masū Cohācĵū ohorigū ahri yehparū tojoa tantja.

²⁴ Ne ihcāquiro buheriquiro tiquirore yahuriquiro buipū ijierare. Sa yero cahacĵūno gūhū tiquiro puhtoro bui cĵūno ijierare. ²⁵ Sa yero ohō saha tūhoturo cahmene buheriquirore: “Yuhure buheriquiro yero sahata ijigūta”, ni tūhoturo cahmene. Cahacĵūno gūhure sata ni tūhoturo cahmene. “Yuhū puhtoro yero sahata ijigūta”, ni tūhoturo cahmene. “Tiquiro bui ijigūta. Sa yegū yuhū puhtoro tiquiro ñano yuhdūriro sahata ñano yuhdūsi yuhū pehe”, ni tūhotueraro cahmene. Yuhū pehe wuhū cĵūno yero saha ijiaja. Musā pehe ti wuhūpū dahrayequina yero saha ijire. Sa yeye masa yuhure “Beelzebū ijire”,

ni yahusañe, musa gūhure yeequinare ñano ni yahuducuetā tiquina, ni yahuri Jesu.

“¿Noa pehere cuegū quehnoajari?” ni yahuahye Jesu

(Lc 12.2-7)

²⁶ Sa ni tuhasa ohō saha ni nemori:

—Sa yena musare ñano yeequinare cueracāhña. Masa tiquina yahuerarire came apequina masieta. Sa yeye tiquina nūori gūhure apequina masieta. ²⁷ Musare tūhoerogā yuhū yahurire peyequina masa watoa buhe turiaya musa. ²⁸ Masūnore wejēñequina tiquiro pagū dihitare wejēne. Tiquiro jeripohna yariere. Sa yena musare wejē duayequinare cueracāhña. Cohācĵū pehere cueya. Tiquiro musa pagurire, musa jeripohnari gūhure pecapū cohā masine. Sa yena tiquiro pehere cueya.

²⁹ Pwaro siripia wapa mariedare. Tiquina sa wapa mariedapegūta ihcāquirogāre Cohācĵū ne boerare. Cohācĵū dutierogā ne yariere tiquirogā. ³⁰ Sa yero musa poarire ne ihcā poa da dūhsaro marieno masi pehore Cohācĵū. Sata musa ijieye tiye gūhure masi pehore Cohācĵū. Sa masino musare ihña ihboducure. ³¹ Siripiare tiquiro cahñno yuhdūoro, musa pehere cahñne Cohācĵū. Sa yena pajiro tūhotueracāhña musa.

Jesure musa wacū tutuarire yahuya masare

(Lc 12.8-9)

³² Ihcāquiro “Jesu yaquiro ijiaja”, masare tiquiro ni yahugū yuhū gūhū tiquirore “Yaquiro ijire”, ni yahugūta yuhū Pacūre uhmuse cĵūnore. ³³ Sa ijiepegūta ihcāquiro “Jesu yaquiro ijieraja”, masare tiquiro nigū yuhū gūhū “Yaquiro ijierare tiquiro”, ni yahugūta yuhū Pacūre, ni yahuri Jesu.

Jesu masare tu wagū yere

(Lc 12.51-53; 14.26-27)

³⁴ Sa ni tuhasa ohō saha ni yahu nemori:

—¿Duhse ni tūhotuajari musa yuhure? ¿“Tiquiro masare tiquiro buheri bato apequina tiquinare ihña tuhtisi”, ni, tūhotuajari musa? Sa ijierare. Masare yuhū buheri bato ihquēquina yeere tūhoeta. Apequina pehe tiquinare ihña tuhtieta. Ihcāno saha ijisi masa. ³⁵ Busūna yuhū buheyere tiquina tūhori buhiri tiquina pohne tiquinare ihña tuhtieta. Busūna numia gūhū yuhū buheyere tiquina tūhori buhiri tiquina pohna numia tiquinare ihña tuhtieta. Tiquina mareosānumia yuhū buheyere tiquina tūhori buhiri tiquina macū namosānumia tiquinare ihña tuhtieta. ³⁶ Sa yeye masa tiquina acayere ihña tuhtiyequina ijjeta.

³⁷ Yuhure tiquina cahīboriro yuhdūoro tiquina pacusumma pehere cahī yuhdūducaye, yeequina ijisi tiquina. Yuhure

tiquina cahīboriro yuhdoro tiquina pohne pehere cahī yuhdūcaye, yeequina ijisi tiquina. ³⁸ Sa yeye apequina curusap̄ yariariro saha yeequina tiquina ijiri buhiri ñano yuhdeta tiquina gāh̄u. Sata ñano yuhd̄ duyeequina yeequina ijisi tiquina. ³⁹ Masa yuhare wacūno marieno tiquina esa tuharo yeye pecap̄ wahaeta tiquina. Sa yeye yeere sa yeducuye ijipihtiye decori yuh̄ mehna ijjeta tiquina, ni yahuri Jesu.

*Mari wapatafire yahuahye Jesu
(Mr 9.41)*

⁴⁰ Sa ni tuhasa ohō saha ni yahu nemori: —M̄sare yeequinare ihcāquiro quehnoano cahmeno, yuh̄ gāhare cahmeno nine tiquiro. Sa yero tiquiro yuh̄are quehnoano cahmediquiro yuh̄are ohoriquiro gāhare cahmeno nine. ⁴¹ Sa yero Cohācj̄u yere yahuriquiro wapatarota. Tiquirore quehnoano yerota Cohācj̄u. Sa yero tiquiro yere yahuriquiro tiquiro ijigū ihñano apequiro pehe yahuriquirore quehnoano cahmeno, yahuriquiro yero sahata wapatarota tiquiro gāh̄u. Sa ye apequiro quehnoano yeriquiro wapatarota. Sa yero quehnoano yeriquiro tiquiro ijigū ihñano apequiro pehe tiquirore quehnoano cahmeno, quehnoano yeriquiro yero saha wapatarota tiquiro gāh̄u. ⁴² Yaquirogā ihcāquiro tiquiro ijigū ihñañe d̄hse ijiequina tiquirogāre acore mehenogā tiquina sihōpegāta, potota tiquinare quehnoano yerota Cohācj̄u, ni yahuri Jesu.

11

*Ñu wame yeriquiro tiquiro buheyequinare Jesure sinitu dutiro ohoahye
(Lc 7.18-35)*

¹ Ūsāre tiquiro buhenare tiquiro sa ni yahuri bato to cahap̄ ijieye macarip̄ buhero wahari tiquiro.

² Sa ye tiquiro yerire Ñu peresup̄ ijiriquiro tuhooahye. Sa tuhoro Ñu tiquiro buheyequinare Jesure sinitu dutiro ohoahye. ³ Sa ye Jesu cahap̄ esa, sinituri tiquina Ñu buheyequina.

—¿Ñu “Yuh̄u bato apequiro ahtarota”, tiquiro nidigū ijiajari muh̄u? ¿Tiquiro nidigū muh̄u ijieragū apequirore cohtenatari usā? ni sinituri tiquina pehe Jesure.

⁴ Tiquina sa nigū tuhoro Jesu yuhtiri:

—Yojoṗare masa thohorire, masa ihñarire Ñure yahuna wahaya: ⁵ “Caperi bajueyequina ihñare. Tini masieñequina tinine. Cami buc̄na quehnoa wahare. Cahmono tuhoeyequina t̄hoa wahare. Yariariquina masaa wahare. Tiquina ijipihtiyequinare quehnoa wahagū yei yuh̄u. Sa yegū pejec̄oyequinare quehnoañe buheyere yahuaja. ⁶ Yuh̄are thohoriquiro “Poto ijire”,

niniquiro tiquiro bucueriquiro ijire’, nidi”, ni, Ñure yahuna wahaya, nidi Jesu.

⁷ Ñu buheyequina tiquina wahari bato, Jesu pehe Ñu ijieye tiyere yahu d̄cari peyequina masare:

—Masa marienop̄ taare wihnono wēdoqueo mujagū ihñana eserari m̄sa. ⁸ “Quehnoañe suhti tiriquirore ihñana wahañhna”, niedari masa masa marienop̄ wahana. Quehnoañe suhti tiyequina wapa buj̄ayere cuoyequina p̄htoa ye wuh̄seṗu ijire. ⁹ Masa marienop̄ esana Cohācj̄u yere yahu mahtariquirore ihñana esari m̄sa. Ijirota ijire. Ñu Cohācj̄u yere yahu mahtariquiro ijire. Apequina Cohācj̄u yere yahu mahtañequina yuhdoro ijiriquiro ijire tiquiro pehe. ¹⁰ Panop̄ Cohācj̄u yere tiquina ojoari p̄p̄u Ñure ohō saha ni yahuahye:

Mari Pac̄u tiquiro mac̄nore ohō saha ni ah̄ye: “Muh̄u pano muh̄are yahuyuatiquirore ohogū niaja”, ni ah̄ye, ni ojoahye panop̄re Ñure.

¹¹ M̄sare ijirota niaja. Apequina ijipihtiyequina bui ijire Ñu wame yeriquiro. Ahri decorip̄re tiquiro sa ijiepegāta uhm̄se cj̄ano p̄htoro ijiroṗare ijipihtiyequina dop̄ap̄ ijiriquiro p̄rita Ñu bui ijire.

¹² Ñu wame yeriquiro tiquiro buhe, wame ye d̄cagū peyequina masa uhm̄se cj̄ano p̄htoro ijiroṗu tiquina tutuaye mehna, tiquina esa tuharo sajā duamedī. ¹³ Cohācj̄u yere yahu mahtañequina tiquina ojoarire, Cohācj̄u Moiserē tiquiro c̄urip̄u gāhare buhena Cohācj̄u tiquiro p̄htoro ijiatore masiaja mari. Ñu gāh̄u tireta yahuri. ¹⁴ “Elia ahtarota”, panop̄u tiquina nidiquirota ijire Ñu pehe. Panop̄u cj̄ena tiquina nidire “Poto ijire”, ni duana Ñu tiquina sa nidiquiro tiquiro ijigū masinata m̄sa. ¹⁵ Quehnoano tuhoya m̄sa ah̄rire.

¹⁶ ¿Yojoṗu cj̄ena masa yabequina yero saha ijiajari tiquina, m̄sa tuhotugū? Tiquina macanagā yero saha ijire. Apequina tiquina cahmeno saha tiquina yeragū bucuere tiquinagā. Doeri cj̄e duarop̄u ape dujiye, ohō saha ni pisupere tiquinagā basi: ¹⁷ “M̄sa basatire usā putipemi. ¿D̄hsena m̄sa basaerari usā t̄re putigū? Ūsā tutuaro ñehe quea utipe, sañuducupemi. ¿M̄sa pehe d̄hsena usā mehna utiperari?” niducuriquina yero sahata ijire yojoṗu cj̄ena gāh̄u. Yojoṗu cj̄ena tiquina cahmeno saha usā yeragū ihñañe bucuere tiquina gāh̄u. ¹⁸ Tiquina yero saha yena ohō saha yere m̄sa yojoṗu cj̄ena. Ñu wame yeriquiro Cohācj̄ure ño peoro taro sijiro, vinore sih̄nedari. Tiquiro sa sih̄nedagū ihñana “Wat̄nore cuoriquiro ijire”, nimedī m̄sa tiquiro pehere. ¹⁹ Yuh̄u

masu Cohācjū ohorigu ijigū yuhū ihya, sihniaja. Yuhū sa yegū ihñana ohō saha nine masu yuhū pehere: “Ihñaña. Ahriquiuro pajiro ihyariquiuro, queheriquiuro ijire. Wapa ne cohteyequina, ñano yeyequina gūhu tiquina piti tiriquiuro ijire tiquiuro”, nine masu yuhūre. Sa nina macanagā yero saha yahuducuna nine masu. Mūsa cahmeno saha usā yeragū bucuerare masu. Sa masiedapenata usā ye ihñore ihñana, Cohācjū yere usā masigū masinata masu, nidi Jesu tiquinare.

Tiquina ñañene bujua witiyequina ye macari cjēnare tuhtiahye Jesu

(Lc 10.13-15)

²⁰ Apeye macari cjēnare tuhtiri Jesu. Ti macarine apeye macari yuhduoro Cohācjū tutuaye mehna ye ihñomedi tiquiuro. Tiquiuro sa ye ihñoepegūta tiquina ñañe yerire duherari tiquina. Sa yero ohō saha ni tuhtiri Jesu tiquinare.

²¹ —Corazín cjāna, mūsa ñano yuhdunata. Betsaida cjāna, mūsa gūhu ñano yuhdunata. Mūsa ye macaripare Cohācjū tutuaye mehna ye ihñomi. Tiro wame tiri macare, Sidō wame tiri maca gūhare tiquiuro tutuaye mehna yuhū ye ihñogū ihñañe panopu to cjēna pehe tiquina ñañene bujua witiwoaga. Sa yeye quehnoañene comesaboaga. Masa dija suhtire saña, peca cjē nujuare tiquina bui dahra site peoboaga tiquina ñañene bujua witiyere ihñofne. ²² Mū sare niita niaja. Buhiri dahreati deco ijigū Cohācjū Tiro cjēna, Sidō cjēna yuhduoro mūsa pehere mūsa ñari buhirire ña yuhduoro buhiri dahrerota. ²³ Capernau cjāna, mūsa esa tuharo uhmusepu waha duamede. Mū sare Cohācjū pecapu cohānota. Mūsa ya macapu Cohācjū tutuaye mehna ye ihñomi. Mūsa yuhūre tuhoerari. Sodoma wame tiri macare Cohācjū tutuaye mehna yuhū ye ihñogū ti maca pehe yojopare ijiboaga. ²⁴ Mū sare niita niaja. Buhiri dahrerari deco ijigū Cohācjū Sodoma cjēna yuhduoro, mūsa pehere mūsa ñari buhiri ña yuhduoro buhiri dahrerota, nidi Jesu ti macari cjēnare.

—Yuhū capapu sona taya, niahye Jesu
(Lc 10.21-22)

²⁵ Ti pjere ohō saha nidi Jesu tiquiuro Pacuro mehna yahuducuro:

—Yuhū Pacu, mūhu uhmuse cjēna puhto, ahri yehpa cjēna puhto ijire. Ahri mūhu buheyere “Quehnoano masina ijiaja usā”, niñequinare masigū yerare mūhu. Buhe pehoeyequina pehere mūhu yere masigū yere mūhu. Mūhu sa yegū, “Quehnoare”, niaja yuhū mūhare. ²⁶ Sata ijire. Tiquina pehere masigū cahmedi mūhu, nidi Jesu tiquiuro Pacurore.

²⁷ Sa yero masare ohō saha ni yahu nemori:

—Yuhū Pacu ijipihiyere yuhūre ohori. Tiquiuro dihita yuhūre quehnoano masine. Sa yena usā dihita yuhū masi dutiyequina mehna yuhū Pacure masiaja usā. ²⁸ Mūsa ñañe apee boro nūcañe yero saha ijire. Nūcañene wāna mūsa tahrīno saha ñañene wahyia wahare mūsa. Sa wahyarina ijina yuhūre cahmeña mūsa. Mū sare sogū yeitja. Mūsa ñañe yeyere duhugū yeitja. ²⁹ Yuhū dutiyere yeya. Yeere quehnoano masiña. Yuhū paja ihñagu ijiaja. Sa yegū yuhducaegū ijiaja. Yuhū sa ijigū yeere quehnoano masiña mūsa. Sa yena soye mehna quehnoano jeripohna tinata mūsa. ³⁰ Yeere mūsa yegū mijoadare. Sa yero mūsa wūaye ti nūcedaro sahata yuhū pehe mū sare mehenogā ye dutiaja, nidi Jesu.

12

Judio masa tiquina sori decore trigore peheahye Jesu buheyequina

(Mr 2.23-28; Lc 6.1-5)

¹ Mehenogā tiquiuro sa ni buheri bato saurú ijigū usā Jesu mehna trigo wesepu esau. Usā tiquiuro buhena ujua ahbana, trigore pehe, ihya tuhasa, yuhdu cā waha usā. ² Usā sa yegū ihñañe, fariseo masa Jesure ohō saha nidi:

—Tuhoriña usāre. ¿Dahse ye mūhu buheyequina saurú mari sori deco ijiepegūta dahrajari? Marine dutiyere yuhducaeyē nine, nidi tiquina.

³⁻⁴ Jesu yuhtiri. “Yuhū buheyequina yuhducaeyē niedare”, ni yahuro taro ohō saha ni yuhtiri:

—Davi tiquiuro mehna cjēna mehna ujua ahbaro Cohācjū wuhūpu sajā, Cohācjū ye pāre ihyahye. Ti pāre pahia dihita ihyae tiahye. Cohācjū dutiyere tiquina ojoari pū apequinare ti pāre ihya dutierare. ¿Davi gūhu tire tiquina yerire Cohācjū ojoari pūpu buherari mūsa? (Ti pāre ihyaro Cohācjūre yuhducaro niedahye. Miare ahri pjerire ihyaye yuhū buheyequina gūhu Cohācjūre yuhducaeyē niedare.) ⁵ Sa ye Cohācjū wuhūpu dahrayequina pahia ne soerare mari soye decorire. Sa soerapeta Cohācjū dutiyere yuhducaeyequina ijierare. ¿Tire buherari mūsa Cohācjū Moisere tiquiuro cūri pūpu? ⁶ Mū sare niita niaja. Cohācjū wūhare ño peona ti wuhūpu dahrayequina tiquina soeragū ihñapenata “Quehnoanota”, nine masu. Ti wūhu yuhduoro yuhū pehere ño peoro cahmene. ⁷ Cohācjū yere tiquina ojoari pū ohō saha nine: “Wahiquinare wejē, ujua mūofne mehna yuhūre mūsa ño peogū cahmedaja. Apequinare mūsa paja ihñagū pehere cahmeaja yuhū”, nine tiquiuro yere tiquina ojoari pū. Tiquiuro sa nidire mūsa quehnoano tuhona, yuhū buheyequinare tiquina buhiri mariedapegūta

tiquinare tuhtieraboaga masa. ⁸ Yuhū masū Cohācjū ohorigū ahri deco saurū decore masa tiquina yeatire yahugu ijigū pūhto ijijaja, nidi Jesu fariseo masare.

Omoca bahariquiro quti ijire
(Mr 3.1-6; Lc 6.6-11)

⁹ Tiquiro sa nidi bato waha, judio masa mari buheri wuhapū esau usā Jesu mehna. ¹⁰ Topū omoca bahariquiro ijiri. Sa yeye fariseo masa pehe Jesure yahusāne tehe, tiquirore sinituri:

—Saurū decore mari sori decore masunore yuhduo dutierare Cohācjū. ¿Sata ijijari, mūhu tuhotugū? ni sinituri tiquina.

¹¹ Jesu yuhtiri tiquinare:

—¿Musa yaquiro oveja saurū ijigū copepū tiquiro bora sajāgū tiquirore ne wioeraboagarī masa? Ne wionata masa. ¹² Oveja yuhduoro ijire masuno pehe Cohācjū tiquiro ihñagū. Sa yero saurū ijigū quehnoañene mari yegū quehnoarīne, ni yuhtiri Jesu tiquinare.

¹³ Tiquiro sa nidi bato omoca bahariquirore ohō saha nidi:

—Mūhu omocare siō potoya, nidi tiquiro.

Tiquiro sa nigū omoca bahariquiro pehe siō potō, omoca quehnoa wahari ape omoca quehnoari omoca yero saha. ¹⁴ Sori decore tiquiro sa yegū ihñañe, fariseo masa waha, tiquina basi ohō saha niahye:

—¿Duhse Jesure wejēnatarī mari? niahye tiquina basi.

Cohācjū yere yahu muhtariquiro panopū
cjāno Jesure yahuahye

¹⁵ Jesu tiquina sa nidire masino, wahaa wahari. Tiquiro sa wahagū peyequina masa tiquirore nūnū tāri. Sa yero tiquiro pehe ijipihitiyequina tiquina mehna cjēnare dohatiyequinare yuhdagū yeri. ¹⁶ Sa yero dohatiyequinare tiquinare tiquiro yuhduorire apequinare yahu site dutierari tiquiro. ¹⁷ Sa dohatiyequinare yuhdagū yero, Cohācjū yere yahu muhtariquiro Isaia panopū tiquiro ni ojoariro sahata yero nidi Jesu. Ohō saha ni ojoahye Isaia:

¹⁸ Ohō saha nine Cohācjū: “Ahriquiro yuhū cahacjāno ijire. Tiquiro yuhū beseriquiro ijire. Tiquirore cahāja. Sa yegū tiquiro mehna buceaja. Yaquiro Espiriture tiquirore ohogutja. Sa yero yuhū tutuaye mehna ijipihitiyequina masare yuhū buheyere yahurota tiquiro. ¹⁹ Sa yahuro tiquiro ne purīno mehna yahusi. Sa yero sañuducusi. Sa yero maca cjā mahapū peyequina masa watoa tiquiro tutuaro sañuducu yahusi. ²⁰ Wajugū nuhrino cuadū tiquiro nuhriedagū yero saha masa gūhure quehnoano yerota tiquiro. Mehenogā ūjiri pecare tiquiro yatigū yeraro saha

masa gūhure quehnoano yerota tiquiro. Sata yeducurota tiquiro watīnore tiquiro yuhduaducato pano.

²¹ Sa yeye peyequina masa tiquirore wacū tutueta”, nine Cohācjū, ni ojoahye Isaia.

—*Jesu watīno tutuayere cūore, ni yahusāhye masa*

(Mr 3.20-30; Lc 11.14-23; 12.10)

²² Ihcā deco watīno cūoriquirore masa ne cāhtari Jesu cahapū. Tiquiro pehe watīnore cūoro yahuducu masiedari. Sa yero caperi ne bajuerari. Tiquina sa ne wihigū ihñāno, yuhdagū yeri Jesu tiquirore. Tiquiro sa yegū watīno cūoriquiro ihñā, yahuducuri. ²³ Tiquiro sa wahagū ihñāne, masa ihñā maria wahari.

—¿Ahriquiro Davi panamino iji turiariquiro masare yuhduoatiquiro ijijari? nidi tiquina basi.

²⁴ Jesu watīare tiquiro cohārire tuhoye fariseo masa ohō saha ni tuhoturi:

—Beelzebū watīa puhtoro tiquiro tutuaye mehna watīare cohāre Jesu, ni tuhoturi tiquina.

²⁵ Tiquina sa ni tuhotugū masino, Jesu queoye mehna yahuri tiquinare, “Watīno ye tutuaye mehna watīare cohāgū niedaja”, nino taro:

—Ihcā yehpa cjēna tiquina basi cahmequeñe, ti yehpa cjēna waha pihitia wahaboaga. Ihcā maca cjēna tiquina basi cahmequeñe ti maca cjēna waha pihitia wahaboaga. Ihcā wuhū cjēna gūhū sata wahaboaga. ²⁶ Sa yeye Beelzebū watīa puhtoro pehe watīare cohāno, tiquina watīa tiquina basi cahmequeñe ni boaga. Sa ye tiquina gūhū waha pihitia wahaboaga. ²⁷ Ohō saha ni yahusāre masa yuhure: “Tiquiro Beelzebū yedohoye mehna watīare cohāre”, ni yahusāre masa. Musa mehna cjēna gūhū watīare cohāre. ¿Watīno tiquiro tutuaye mehna watīare cohājari tiquina gūhū, masa ihñagū? Sa cohāedare. Tire masine masa. Yuhū gūhū watīno tutuaye mehna watīare cohāedaja. ²⁸ Sa yegū yuhū pehe watīare cohāgū Cohācjū yaquiro Espiritu tutuaye mehna tiquinare cohāja. Yuhū sa cohāgū ihñāna ohō saha masiña masa: Cohācjū masa bui puhtoro ahri yehpapure iji tuhasare yojopure.

²⁹ Ohō sahata ijire queoye mehna mari buhegū: Tutuariquiro ya wuhapū apequiro sajā sa yaque masiedare. Tutuariquirore duhteraro tiquiro ya wuhapū sajā sa yaque masiedare. Tutuariquirore tiquiro duhteri bato sajā sa yaque masine, ni yahuri Jesu.

(Sa ni yahuri, watīnore tiquiro yuhduaducarire yahuro. Watīno tutuariquiro tiquiro ijiepegūta Jesu tiquirore yuhduaducare watīare cohāno.)

Sa ni tuhasa ohō saha ni yahu nemori Jesu.

³⁰—Ihcāquiro yuhure cahmedaro, yuhure ihña tuhtiriquire ijire. Ihcāquiro yuhure yedohoeraro, yuhure wape tigū yero nine.

³¹ Sa yegu musare poto niita niaja yuhū. Ijipihtiye ñañene masa tiquina yegū, yahuducugū gūhure Cohācjū bo masine. Sa boeperota Espiritu Santore tiquina ñano ni yahuducugū ti pūritare ne bosī. ³² Yuhure masu Cohācjū ohorigure yuhure tiquina ñano ni yahuducurire bo masine Cohācjū. Espiritu Santo pehere tiquina ñano ni yahuducurire ne bosī Cohācjū. Yojoꝛꝛe, deco pihtigū gūhure tiquina sa nidire bosī tiquire, ni buheri Jesu tiquire.

Masa tiquina yahuducuyere tuhona tiquina ijiye tiyere masiaja mari

(Lc 6.43-45)

³³ Sa yero queoye mehna buhero ohō saha ni yahu nemori tiquire:

—Quehnoadu yucūꝛꝛ quehnoañene dūca tire. Ñadu yucūꝛꝛ ñañene dūca tire. Yucūꝛꝛ dūcare masina “Tu dūcata ijire”, ni masiaja mari. Mari sa masino saha masa tiquina yahuducuyere tuhona tiquina ijiye tiyere masiaja mari. ³⁴ Añaa yero saha ñana ijire musa. Musa ñana ijina, quehnoañene ni masiedare musa. Mari wacūñerꝛ mari tuhoturiro sahata mari dūseroꝛꝛ wijiare. ³⁵ Quehnoariquire quehnoañene tuhoture. Sa yero quehnoañene yahuducure. Ñariquire ñañene tuhoture. Sa yero ñañene yahuducure. ³⁶ Quehnoano tuhotu yahuducuna ijiya musa. Quehnoano yahuducuerana, buheri dahreati deco ijigū musa sa ni maca cārire Cohācjūre yahu yūhdūnata. ³⁷ Queoro musa yahuducurire masino “Quehnoana ijire”, ninota Cohācjū. Sa yero ñano musa yahuducurire masino “Ñana ijire”, ninota tiquire, nidi Jesu tiquire.

Masa ñañequina Jesure Cohācjū tutuaye mehna ye ihño dutiahye

(Mr 8.12; Lc 11.29-32)

³⁸ Tiquire sa nidi bato mari judio masare buheyequina, fariseo masa gūhū tiquireore ohō saha nidi:

—Buheꝛꝛ, Cohācjū ohorigū ijigū Cohācjū tutuaye mehna ye ihñoña usāre, nimesi tiquina.

³⁹ Jesu yuhtiri:

—Yojoꝛꝛ cĵena ñañequina, Cohācjūre cahmeeñequina Cohācjū tutuaye mehna yuhū ye ihñogū ihña duamene. Tiquina sa ihña duepegūta Cohācjū yere yahu muhtariquireore Jona panorꝛ cĵanore Cohācjū tiquire tutuaye mehna tiquire yeri dihitare ye ihñonota masare. ⁴⁰ Jona ihtia deco waro pajiriquire wahi paa puhiarꝛ

ijiahye. Tiquire sa wahariro sahata yuhū gūhū masu Cohācjū ohorigū ihtia deco waro masa coporꝛ ijigūta. ⁴¹ Nīnive cĵena pehe Jona Cohācjū yere tiquire yahurire tuhoꝛꝛ tiquina ñañe yerire bujua witiahye. Sa bujua witiyequina ijiye buheri dahreati deco ijigū tiquina yojoꝛꝛ cĵenare tiquina ñañene bujua witiyequinare “Ñañequina ijire”, ni, yahusāeta. Jona tiquireare Cohācjū yere tiquire yahugū tuhoꝛꝛ quehnoañene cahmeahye tiquina pehe. Sa cahmeñe quehnoano yeye niahye yojoꝛꝛ cĵena yūhdūoro. Sa yeye tiquina yojoꝛꝛ cĵenare yahusāeta. Musare niita niaja. Yojoꝛꝛ musare yuhū buheye Jona tiquire buheri yūhdūoro ijire. ⁴² Sa ye buheri dahreati deco ijigū puhtoro sur cĵōno panorꝛ cĵōno ducu, yojoꝛꝛ cĵenare “Ñañequina ijire”, ni yahusānata ticoro gūhū. Ticoro Salomo panorꝛ cĵano tiquire masiñene tuho duaro yoarorꝛ ahri yehpa ape sieꝛꝛ ijiricoro Salomoro tuhoꝛꝛ ahtahye. Sa yero quehnoano yero niahye yojoꝛꝛ cĵena yūhdūoro. Sa yero ticoro yahusānata yojoꝛꝛ cĵenare. Musare niita niaja. Yojoꝛꝛ musare yuhū buheri Salomo tiquire buheri yūhdūoro ijire, nidi Jesu tiquire.

Watño pari turi masunore tiquire sajāri quitire yahuahye Jesu

(Lc 11.24-26)

⁴³ Sa yero pari turi Jesu tiquire tuhotuye mehna ohō saha ni quiti yahuri tiquire:

—Watño masuno mehna ijiriquire waha, aco marieni yehparꝛ tini, tiquire ijiatore macamahye. ⁴⁴ Sa bocaeraro, ohō saha ni tuhotuahye tiquire. “Masuno yuhū cohāriquire mehnata pari turi ijigū wahautja”, ni tuhotuahye tiquire. Sa ni tuhoturo tojoaa waha, tiquire cohāriquireoreta bocahe. Sa tiquire bocagū masuno pehe quehnoariquire ijimahye. ⁴⁵ Sa yero watño apequina siete watñare tiquire yūhdūoro ñañequinare pijiro wahahye. Tiquire sa pijigū tiquina ijipihtiyequina tiquire mehna ijiahye. Masuno pehe to pano ihcāquiro watñore cūoro, ñariquire ijimahye. Camerꝛ pehere peyequina watñare cūoriquire ijiro, to pano tiquire ijiriro yūhdūoro ña yūhdūariquire ijiahye. Yojoꝛꝛ cĵena Cohācjūre cuomediquina tiquireore cohāñe, tiquina gūhū ña yūhdūayequina waro wahaeta, nidi Jesu tiquire.

Jesu acaye tiquireore yahu duahye

(Mr 3.31-35; Lc 8.19-21)

⁴⁶ Masare tiquire sa ni yahuducuri watoa tiquire pacoro tiquire bahana mehna sopecaharꝛ ducu, tiquireore yahu duari. ⁴⁷ Sa yero ihcāquiro Jesure yahuri:

—Mũhũ paco mũhũ bahana mehna mũhũre yahu duaye sopечahapũ ducuri, nidi.

⁴⁸ Tiquiro sa nigũ tũhoro topũ ijijeyequinare ohõ saha nidi Jesu tiquinare buhero taro:

—¿Noa ijiajari yũhũ paco, yũhũ bahana gãhũ, mũa isa ihũagũ? nidi.

⁴⁹ Sa nino, usãre tiquiro buhenare ñupuha, ohõ saha nidi:

—Ahriquina ijire yũhũ paco, yũhũ bahana yero saha ijijeyequina. ⁵⁰ Tiquina yũhũ Pacũ ahũmũse cãno tiquiro cahmeñene yere. Sa yeyequina yũhũ bahũ, yũhũ baho, yũhũ paco yero saha ijire, nidi Jesu tiquinare.

13

Jesu oteriquiro quitire yahuahye

(Mr 4.1-9; Lc 8.4-8)

¹ Ti decota Jesu wũhũpũ ijiriquiro wi-jiari. Wijia, ditarapũ waha, ditara dũhtũ cahapũ dũjiri. ² Tiquiro sa dũjigũ ihũañe peyequina masa tiquiro cahapũ cahmecoa wahpaa waha, bihsaro yeri Jesure. Sa bihsagũ ihũano yucũsapũ sajã, tiapũ dũjiri tiquiro. Masa pehe padũropũ ducuri. ³ Sa yero tiquiro peye queoye mehna yahuri tiquinare, buhero taro. Ohõ saha nidi tiquiro:

—Oteriquiro otero wahahye. ⁴ Tiquiro sa otero wahagũ apeye pjeri maha dũhtũ cahapũ bora quehe sahye. Topũ bora quehe saye pjerire minicjua ahta, ihya cãhye. ⁵ Sa ye apeye pjeri utã paca watoa bora quehe sahye. Utã paca watoa dihta marieda cãũnopũ duita pihnimahye. ⁶ Sa pihnieper-ota asũ tutuaro asigũ, nũhcori marieda, ñaia wahahye. ⁷ Apeye pjeri tia watoa bora quehe sahye. Taa pehe dia yũhdũa waha, oteye pehere wejẽahye. ⁸ Apeye pjeri quehnoari yehpapũ bora quehe sahye. Quehnoano pihni, dũca tiahye. Apeye cãũ cien pjeri, apeye cãũ sesenta pjeri, apeye cãũ treinta pjeri dũca tiahye. ⁹ Ahrire quehnoano tũhoya mũa, nidi Jesu.

Jesu queoye mehna tiquiro buherire yahuahye

(Mr 4.10-12; Lc 8.9-10)

¹⁰ Tiquiro sa nidi bato usã tiquiro buhena tiquiro cahapũ esa, sinituu usã tiquirore:

—¿Dũhse yegũ masare queoye mehna buheajari mũhũ? ni, sinituu usã.

¹¹ Jesu yũhtiri:

—Uhmũse cãno tiquiro pũhoro ijijere panopũ cãna tiquina masiedarire mũsare yũhũ buhenare masigũ yere Cohãcjũ. Apequina pehere sa yerare tiquiro. ¹² Sa yero masiñequinare masi nemogũ yerota tiquiro. Sa yeye tiquina pehe quehnoano masieta. Masiñequina pehe mehenogã tiquina masiepegũta tiquina pehere

masiedagũ yerota tiquiro. ¹³ Sa yegũ queoye mehna buheaja. Ohõ saha ijire. Yojoopũ cãna ihũaepeta, ihũedariquina yero saha tojoare. Sa yeye tũhoepeta masiedare. Tire tũhoeyequina yero saha ijire tiquina. ¹⁴ Sa ijijeyequina ijijeye Isaia panopũ cãno tiquiro ni ojoariro sahata yere tiquina. Ohõ saha ni ojoahye:

Ohõ saha nine Cohãcjũ: “Cohãcjũ yere tũhonata mũa. Sa tũhoepenata, ne masisi mũa. ¹⁵ Ahriquina masa dapu paca butijeyequina tojoare. Sa ye tiquina cahmo coperire bihare, ‘tũhoari’, niñe. Tiquina caperire ihmitihãre, ‘ihũari’, niñe. Sa yeraye quehnoano ihũañe, masiboaga tiquina. Sa ye tũhoye, masiboaga tiquina. Tiquina wacũñepũ quehnoano masiboaga. Sa masiñe yũhũre Cohãcjũre cahmeboaga tiquina. Sa yũhũre cahmegũ tiquina ñañene cohã, tiquinare pecapũ wahaboriquinare yũhdũgũ yeboaga yũhũ”, nine Cohãcjũ, ni ojoahye Isaia.

¹⁶ Mũa pehe mũa caperi mehna ihũana, masine. Mũa cahmo mehna tũhona, masine. Sa yena bucuenta ijire mũa. ¹⁷ Mũsare niita niaja. Yojoopũ mũa ihũañene mũa tũhoyere panopũ cãna Cohãcjũ yequina tutuaro ihũa duamahye. Cohãcjũ yere yahu mũhtariquina gãhũ tire tutuaro ihũa duamahye. Sa ihũa duereta ne ihũedahye. Yojoopũ mũa tũhoye gãhũre tutuaro tũho duamahye tiquina. Sa masi duereta tire masiedahye, ni yahuri Jesu usãre tiquiro buhenare.

Jesu oteriquiro queoyere yahu pehoahye

(Mr 4.13-20; Lc 8.11-15)

¹⁸ Came Jesu usãre yahu nemori:

—Tũhoya mũa. Oteriquiro queoyere mũsare yahutja. Yũhũre tũhona, quehnoano masiña. ¹⁹ Oteye pjeri quehnoañe buheye yero saha ijire. Sa yeye maha dũhtũ cahapũ borari pjeri quehnoañe buheye yero saha ijire. Sa yeye masa quehnoañe buheyere tũhoepeta ne masiedare. Sa yero masa quehnoañe buheyere tiquina tũhogũ ihũano watĩno pehe ahta, ti buheyere quehnoañe buheyere masi dutierare masare. Minicjua ti pjerire tiquina dote nediro saha yere watĩno. ²⁰ Sa ye utã paca watoa borari pjeri quehnoañe buheye yero saha ijire. Sa yeye masa quehnoañe buheyere tũho, bucueye mehna duita tire tũho nene. ²¹ Sa tũho nepeta utã paca watoa ijijey cãũ nũhcori marieñe cãũ yero saha ahriquina masa gãhũ tutuerare. Sa tutueraye ñano yũhdũye, yeequina tiquina ijiri buhiri apequina tiquinare ñano yegũ ihũañe yee pehere duhu cãhre. Apequina tiquinare

ñano yegū tire ihcāno sahaeraye, yeere duhu cāhre. ²² Sa ye taa watoa borari pjeri quehnoañe buheyere yero saha ijire. Sa ye ye masa quehnoañe buheyere tuhōepeta, ahri yehpa cjēne pajiro bujua witi tuhōtuye, niñeru pehere cahñe. Tiquina sa yegū ti pehe quehnoañe buheyere cahmotare. Sa cahmotagū masa quehnoañe pehere yerare. ²³ Sa ye quehnoari yehparū borari pjeri quehnoañe buheyere yero saha ijire. Sa ye masa quehnoañe buheyere tuhoye, tire quehnoano masine. Sa masiñequina ijiye, Cohācjū cahmeno sahata quehnoañene yere tiquina. Ihquēquina pajiro quehnoañene yere cien pjeri dūca tiro saha. Apequina doca cjūnogā quehnoañene yere sesenta pjeri dūca tiro saha. Apequina mehenogā quehnoañene yere treinta pjeri dūca tiro saha, ni yahuri Jesu usāre.

Trigo watoa taa diari queoyere yahuahye

²⁴ Sa ye pari turi queoye mehna buheri Jesu:

—Ūhmuse cjāno tiquiro pūhtoro ijiye ohō saha ijire. Wese upūro tiquiro wesepū quehnoañe pjerire tiquiro oteriro saha ijire ūhmuse cjāno tiquiro pūhtoro ijiye. ²⁵ Wese upūro ijipihitiyequina tiquiro mehna cjēna gūhū tiquina carīno watoa tiquirore ihñā tuhtiriquiro ahtahye. Sa ahtaro trigore ti oterirorū taare oteahye. Ote tuhasa wahaa wahahye. ²⁶ Came trigo pihniahye. Sa ye ti dūca tiro taro yegū waro diaa wahahye. ²⁷ Sa ye wese upūrore dahra cohteyequina tiquiro caharū esa, yahuahye: “¿Pūhto, quehnoañe pjeri dihitarē mūhū weseere mūhū otepegūta, dahse ye taa gūhū diajari ti wesere?” nidi tiquina. ²⁸ “Yuhare ihñā tuhtiriquiro ijiaga ti taare oteriquiro”, niahye wese upūro. “¿Taare usā curegū cahmeajari mūhū?” nimahye tiquirore dahra cohteyequina. ²⁹ “Taare cureracāhñā, ‘Trigo pehere cureari’, nina. ³⁰ Trigo taa mehnata bucuarīahdo. Dūca nedi pje ijigū neñequinare ohō saha niitja: ‘Taare cure mūhtaña. Tuhasa masa curerire ūjūañā. Came trigore peheya. Pehe peho, tire yahu ihbori wūhūpū cūñā’, niitja tiquinare”, niahye wese upūro, nidi Jesu, queoye mehna yahuro.

Mostaza pje queoyere yahuahye Jesu
(Mr 4.30-32; Lc 13.18-19)

³¹ Sa ye apeye queoye mehna usāre ohō saha ni buheri tja:

—Ūhmuse cjāno tiquiro pūhtoro ijiye mostaza pjegā yero saha ijire. Ti pjegā meheni pjegā waro ijire. ³² Ti pjegāre wesepū tiquiro oteri bato, quehnoano pihnine. Sa yero paji yūhdūadu wahare. Sa wahagū minicjua pari ti dūpūripū suhti suhare, ni yahuri Jesu. (Sa nino ohō

saha nino niahye. Mostaza pjegā pajidu tū bucuariro saha ūhmuse cjānore mari pūhtoro masiñequina meheñequinagā tiquina iji mūhtaepēgūta camerū peyequina wahaeta.)

Pāre pugū ye ye queoyere yahuahye Jesu
(Lc 13.20-21)

³³ Sa ye apeye queoye mehna usāre ohō saha ni buheri tja:

—Ūhmuse cjāno tiquiro pūhtoro ijiye pāre pugū ye ye yero saha ijire. Tire numino ihcā ajuro trigore aco mehna quehnoano tire dahra morene pā bucuatire. Ticoro sa yegū pāre pugū ye ye pehe trigore quehnoano sehsaa wahare, nidi Jesu. (Sa nino ohō saha nino niahye. Pāre pugū ye ye trigore ti sehsaa wahariro saha ūhmuse cjānore mari pūhtoro peyequina masa ijipihitiro cjēna masieta.)

Queoye mehna Jesu tiquiro buherire yahuahye

(Mr 4.33-34)

³⁴ Ahri ijipihitiyere buhero, queoye mehna yahuri Jesu. Queoye marieno yahuerari tiquiro tiquinare. ³⁵ Sata yeri tiquiro Cohācjū yere yahu mūhtariquiro ni ojoariro sahata. Ohō saha ni ojoahye panopū:

Queoye mehna yahutja. Cohācjū ahri yehpare tiquiro bajumehnedi bato ne masare tiquiro yahuerarire yahutja, ni ojoahye Cohācjū yere yahu mūhtariquiro mūnano.

Trigo watoa taa diari queoyere yahu pehoahye

³⁶ Sa ye masare cohe ti, wūhūpū sajāa wahari Jesu. Sa yena usā tiquiro buhena tiquiro caharū esa, sinituu usā:

—Trigo watoa taa diari queoyere yahu pehoya usāre, ni usā tiquirore.

³⁷ Jesu yūhtiri usāre:

—Wese upūro quehnoañe pjerire oteriquiro yero saha ijiaja yūhū. Yūhū masū Cohācjū ohorigū ijiaja. ³⁸ Wese pehe ahri yehpa yero saha ijire. Quehnoañe pjeri pihniñe ūhmuse cjāno pūhtoro ijiropū ijiatiquina yero saha ijire. Taa pehe watīno yequina yero saha ijire. ³⁹ Wese upūrore ihñā tuhtiriquiro taare oteriquiro watīno yero saha ijire. Tire nedi pje pihtiri deco yero saha ijire. Sa ye trigore neñequina angele yero saha ijire. ⁴⁰ Taare tiquina cure ūjūariro saha pihtiri deco ijigū watīno yequinare pecarū cohāeta tiquinare. ⁴¹ Yūhū masū Cohācjū ohorigū yequina angelere ohogutja. Yūhū ohogū angele pehe ñañene ye dutiyequinare, ñañene ye yequinare yūhū pūhtoro ijiropū neañeta. ⁴² Ne sa tuhasa pecarū cohāeta tiquinare. Topū tiquina tutuaro uti, bujua witiye

mehna bahque dihoeta. ⁴³ Sa ye Cohācǵū yequina tiquina Pacaro tiqiro puhtoro ijiropu ijieta. Topu ijiye, asā deco cǵano yero saha quehnoano buhrioeta tiquina. Ahrire quehnoano tuhoya musa, ni yahuri Jesu.

Quehnoa yuhduyere tiqiro nuorire tiqiro bocari queoyere yahuahye

⁴⁴ Sa ye apeye queoye mehna yahuri tja:
—Uhmuse cǵano tiqiro puhtoro ijiye niñeru tiqiro nuori yero saha ijire. Masuno tire wesepu wacūno mehna boca, pari turi tire nuo nemoahye. Sa bocaro tutuaro bucueahye tiqiro. Sa yero tiqiro bocarire neno taro, ti wesere dū duahye. Sa yero tiqiro yere dua peho, ti wesere dūahye, ni yahuri Jesu. (Sa nino ohō saha nino niahye. Uhmuse cǵano tiqiro puhtoro ijiye tiqiro bocari yero saha ijire. Tiqiro bocarire tiqiro tutuaro cahmediro sahata uhmuse cǵanore masa puhtore tiquina masidi bato masa tutuaro cahmene tiqirore.)

Wapa bujuri pje queoyere yahuahye

⁴⁵ Sa ye apeye queoye mehna yahuri tja:
—Uhmuse cǵano tiqiro puhtoro ijiye wapa bujaye pjerire perla wame tiye pjerire dūriqiro yero saha ijire. ⁴⁶ Ti pjerire macano quehnoa yuhduari pje bocahye. Bocaro, ti pjere dū duaro, ijiptiye tiqiro yere dua pehoro wahahye. Sa dua tuhasa ti pjere wapa bujuri pjere dūahye, nidi Jesu. (Sa nino ohō saha nino niahye. Ti pjere perla pjere tiqiro cahmediro sahata uhmuse cǵanore masa puhtore quehnoano tiquina masidi bato masa tutuaro cahmene tiqirore.)

Wēñanu queoyere yahuahye

⁴⁷ Sa ye apeye queoye mehna Jesu yahuri tja:

—Uhmuse cǵano tiqiro puhtoro ijiye wēñanu tiquina doque ñodu yero saha ijire. Tu wēñanu mehna peyequina wahi sijoro saha ijiyequinare ñehene. ⁴⁸ Tu wahpaa wahagū wahi wejēñequina pehe tare paduropu weje ñajua, quehnoañequina wahire besere. Quehnoañequinare tiquina puhusepu bese sajäre. Ñañequina wahire cohäre. ⁴⁹ Pihtiri deco jigū ohō saha ijirota. Angele pehe masare beseeta. Ñañequinare ne wioeta quehnoañequina cahapu ijiyequinare. ⁵⁰ Ne wio, tiquinare pecapu cohäeta. Topu tiquina uti, tutuaro bujua witiye mehna upiri bahque dihoeta ñañequina pehe, ni yahuri Jesu.

Muna buheyere, wahma buheye gāhure yahuahye

⁵¹ Tiqiro sa ni yahuri bato sinituri usäre:
—ǵAhri ijiptiyere tuhøjari musa? ni sinituri tiqiro.

—Tuhøjaja usä, ni yuhtii usä.

⁵² Usä sa nigū tiqiro yahuri usäre:

—Judio masare buheyequina uhmuse cǵano tiqiro puhtoro ijiyere buheye, puaro buheyere yahure. Muna buheyere, wahma buheye gāhure yahure. Tiquina wāhu uparo yero saha ijire. Tiqiro wāhuru ijiyere quehnoañene ne wioro, wahmare, muna gāhure ne wioro tiqiro, nidi Jesu usäre.

Jesu Nazarepu wahahye

(Mr 6.1-6; Lc 4.16-30)

⁵³ Ti queoyere tiqiro buheri bato, wāhu usä tiqiro mehna. ⁵⁴ Waha, tiqiro masari macapu esau. Topu esa, judio masa mari buheye wāhusepu buheri tiqiro. Tiqiro sa buhegū tuhoye, tuho maria wahari tiquina.

—ǵAhriqiro nohopu tuhoyari ahri buheyere? ǵDuhsero quehnoano masi pehoajari tiqiro? Cohācǵū tutuaye mehna ye ihñore tiqiro basi. ⁵⁵ Ahriqiro taboa dahrariqiro macano ijire. Sa ye tiqiro pacoro María ijire. Sa ye Santiago, José, Simo, Juda, tiqiro bahana ijire. ⁵⁶ Yojobure tiqiro bahana numia ahri macapu ijire. Sa yero tiqiro mari yero saha ijiqiro ijire. ǵSa ijiiperota nohopu tuhoyari tiqiro ahri buheyere? ni yahuducuri tiquina basi.

⁵⁷ Sa ye tiquina tiqirore cahmedari. Tiquina sa cahmedagū ihñano ohō saha nidi Jesu tiquinare:

—Cohācǵū yere yahu mahtariqirore apequina ño peore. Tiquina sa ño peoepegūta tiqiro ya maca cǵena, tiqiro acaye tiqirore ño peoerare. Sa yena yuhare ño peoerare masa ohōpu yahu masarigu jigū, nidi tiqiro tiquinare.

⁵⁸ Sa yero tiqirore tiquina wacū tutueragū ihñano, ti macapu Cohācǵū tutuaye mehna peye tahari ye ihñodari Jesu.

14

Ñu wame yeriqiro manano yariarire yahuahye

(Mr 6.14-29; Lc 9.7-9)

¹ Ti pjere Herode Galilea cǵano puhtoro Jesu yerire tuhooahye. ² Sa tuhoooro ohō saha nimahye:

—Ñu wame yeriqiro ijiaga masatjiāno. Sa yero yojobure tiqiro masari bato ahri tutuayere cūore tiqiro bajumehneñene yero, nimahye Herode tiqiro cahacǵenare. Jesure “Ñuta ijire”, ni tuhutumahye tiqiro Ñure tiquina wejēdi bato.

³⁻⁵ Sa yero Ñure tiqiro wejē dutiatio pano Herode tiqiro baharo Felipe namonore namo tiahye. Tiqiro sa yegū ihñano Ñu wame yeriqiro Herode pehere ohō saha nie timahye:

—Mahuu bahu namonore namo tigu Cohacjü dutiyere yuhduhucagu nine mahu, nie timahye Ñu.

Tiquiro sa nidi buhiri Herode tiquirore wejê duamahye. “Ñu Cohacjü yere yahu mahitariquiro ijire’, ni tuhutori judio masa”, nino, tiquina pehere cueahye Herode. “Ñure yuhu wejêgü tiquina usuaboaga”, nino tiquinare cueahye. Sa cuero Ñure wejê dueramahye. Sa wejê dueraperota Herode tiquirore ñehe dahte duti, peresu yeahye. Tiquiro namono Herodia dutiro mehna sa yeahye Herode. ⁶ Sa ye Herode masa bajuari deco ijigü bose deco yeahye tiquiro. Topu Herodia macono bose deco wihiyequina tiquina ihñonopu basa ihñohaye. Ticoro sa basa ihñogü ihñano Herode bucueahye. Sa bucuero ticorore niahye:

⁷ —Cohacjü mehna poto niita niaja. Yuhare mahu sinino punota ohogutja yuhu mahare, niahye Herode pehe Herodia maconore.

⁸ Tiquiro sa nigü tahoro Herodia ticoro maconore ticoro siniatire yahuahye ticorore. Ticoro sa yahugü ticoro macono pehe ohõ saha ni siniahye Herodere.

—Ñu wame yeriquiro dapure date sure dutiya. Sa yegu waparo mehna tiquiro dapure ohoya yuhare, niahye ticoro.

⁹ Ticoro sa nigü tahoro Herode tutuaro buja witiyahye. Masa tiquina ihñonopu “Ohogutja mahare”, niahye tiquiro. Sa yero tiquiro bue tiro “Mahare ohoeraja”, ni masiedahye ticorore. Sa yero ticoro dutiriro sahata Herode pehe tiquiro hacjênare Ñure wejê dutiahye. ¹⁰ Sa yero Ñu dapure date sure dutiahye. ¹¹ Sa date sure tuhasa, waparo mehna tiquiro dapure ne cãhtahye tiquina. Herodia maconore tiquiro dapure tiquina ohogü, ticoro pehe ticoro pacorore yuhduohaye tja.

¹² Tiquina sa yeri bato Ñu buheyequina ahta, tiquiro pagare masa copepu nea cüahye. Sa cü tuhasa, tiquina tire Jesure yahuye wihiri.

*Cinco mil masare ihyaye ohoahye Jesu
(Mr 6.30-44; Lc 9.10-17; Jn 6.1-14)*

¹³ Tiquina sa ni yahugü tahoro, Jesu usã mehna yucsapu sajã, masa marienopu siho wahari. Jesu topu wahagü tuhoye, masa tiquina ye macaripu ijiriquina ahta, mahapu tiquirore nenu tã cãa wahari. ¹⁴ Sa yero usã wahã sari bato tiquiro peyequina masare ihñano, paja ihñari tiquinare. Sa paja ihñano tiquina mehna cjêna dohatiyequinare yuhdagü yeri. ¹⁵ Namichapu usã tiquiro buhena tiquirore ohõ saha nii:

—Ñamichapu waharo nine. Ohõ masa marienopu ijire. Sa yegu macaripu masare

tiquina ihyatire dú dutiya tiquina pohetiatire, nimi usã tiquirore.

¹⁶ Jesu yuhtiri usãre:

—Wahaeracãhdo tiquina. Musa basita ihyayere ohoya tiquinare, nidi usãre.

¹⁷ —Ihcã omope paca pã paca, wahi puaro to punota ijire usãre, ni yuhtii usã.

¹⁸ —Tire yuhare ne cãhtaya masa, nidi usãre.

¹⁹ Tiquiro sa nigü tuhona neau usã. Usã ne sari bato taa bui masare tiquiro duji dutiri. Tiquina dujigü ihcã omope paca pã pacare, puaro wahire ne, ahmusepu ihña muo, Cohacjüre “Quehnoare”, nidi. Sa ninota pã pacare nuhano, usãre tiquiro buhenare ohori. Tiquiro sa ohogü usã pehe tire masare itii. ²⁰ Sa ye ijipihtiyequina quehnoano ihya, yapi yuhduu wahari. Tiquina yapi wehorire doce puhuse waro ne cahmeco, wahpo dapou usã tiquiro buhena. ²¹ Topu tire ihyariquina umua dihitare queogü cinco mil umua ijiri. Numia, macanagã gãhu ijiri.

*Jesu aco bui tiniahye
(Mr 6.45-52; Jn 6.16-21)*

²² Came usãre tiquiro buhenare Jesu ditara ape sie pahrepu pehãyu dutiri masare tiquiro cohe tiri watoa. ²³ Cohe ti tuhasa, cunupu mja, Cohacjüre sinino wahahye. Ñamine topu tiquiro ihcãquirotã ijiahye. ²⁴ Ti pjeta ditara decopu yucusa mehna pehãducuna nimi usã. Wihnono tutuaro ahta, pahcõri bujuye wahcã, yucusare quẽ sajãri. ²⁵ Sa wahagü bohrea mja tato pano Jesu aco bui tini cãhtari usã cahapu. ²⁶ Usã cahapu tiquiro ahtagü ihñana cue nii usã. Sa cuena sañuducumi usã.

—Yariariquiro manano pagu ijire, ni sañuducumi usã.

²⁷ Usã sa cuegü ihñano Jesu ohõ saha nidi:

—Ne yuhare ihña cueracãhña. Yuhata ijiaja, nidi usãre.

²⁸ Tiquiro sa nigü tahoro Pedro nidi tiquirore:

—Puhto, potota mahata ijigu, aco bui yuhare mahu cahapu ducu cã dutiya, nidi tiquiro.

²⁹ —Ahtaya, ni yuhtiri tiquiro pehe.

Tiquiro sa nigü Pedro yucusare dijia, aco bui Jesu cahapu ducu cãmedi. ³⁰ Wihnono tutuaro ahtagü ihñano cueri tiquiro. Sa cuero diha dijiaa wahamedi.

—Yuhare yedohoya puhto, ni sañuducuri tiquiro Jesure.

³¹ Tiquiro sa nigüta tiquiro omocare ñehe,

—Mehenogü wacü tutuare mahu yuhare. ¿Duhsegu yuhare wacü tutuerajari mahu? nidi tiquiro Pedrora.

³² Tiquiro sa nidi bato yucsapu sajãri tiquina. Tiquina sa sajãri bato wihnono

yuhdua wahari. ³³ Sa yena usã tiquiro buhena yucsapu ijina Jesure ño peou.

—Potota muhu Cohãcjũ macuta ijire, nii usã tiquirore.

Genesare cjëna dohatiyequinare yuhduoahye Jesu (Mr 6.53-56)

³⁴ Sa yeri bato pehã, Genesare wame tiri yehparu esau. ³⁵ To cjëna Jesure ihña masidi. Sa masiñe tiquiro cahapu ijiyequinare dohatiyequinare ne cãhta dutiri. Sa ye tiquina dohatiyequinare tiquiro cahapu ne cãhtari.

³⁶ —Muhu suhtiro duhtu caha dihitare usãre ñehe tuhu dutiya, ni sinidi tiquina Jesure.

Sa ye tiquiro suhtirore ñehe tuhuriquinape topequinata quehnoa wahari.

15

Masa ñañequina wahagũ yeyere yahuahye Jesu (Mr 7.1-23)

¹ Sa ye Jerusalẽ cjëna, fariseo masa, marine judio masare buheyequina mehna Jesu cahapu wihiye, sinituri tiquirore:

² —¿Duhse ijiro boro mari acaye bucana munapu tiquina dutirire yerajari muhu buheyequina pehe? Tiquina ihyato pano tiquina dutiriro sahata omo coserare, nidi tiquina Jesure.

³ Jesu yuhtiri tiquinare:

—¿Duhse yena mari acaye panopu cjëna ye dutiye dihitare yena tana Cohãcjũ ye dutiye pehere yerajari masa pehe? ⁴ Ohõ saha nine Cohãcjũ: “Musa pacusumare ño peoya”, nine. Sa yero “Ihcãquiro tiquiro pacusumare ñañene quitu dahreriquiro ijiro ti buhiri apequina tiquina wejãtiquiro ijirota”, nine Cohãcjũ. ⁵ Tiquiro sa niepegũta ohõ saha ye dutire musa pehe tiquina pacusumare yedoho dutierana: Tiquina pacusumare ohoborire Cohãcjũ pehere oho dutire masa. Sa ni buhemene masa.

⁶ Sa buhena tiquina pacusumare ño peogũ yerare masa. Musa sa yena Cohãcjũ dutiyere yuhducacana nine musa, mari acaye panopu cjëna ye dutiye dihitare yena. ⁷ Masa tiquina ihñono dihita quehnoano iji mehona ijire masa. Cohãcjũ yere yahu muhtariquiro Isaia musare potota yahu ojahye panopure:

⁸ Ahriquina masa yuhure quehnoano yahuducupeta yuhure ne ño peoerare. ⁹ Sa ye yuhure tiquina ñu buheye ne duhseati ijierare. “Cohãcjũ ye dutiye ijire ahri”, ni meho buhere tiquina ye buheye pehere, ni ojahye Isaia, nidi Jesu fariseo masare, mari judio masare buheyequina gũhare.

¹⁰ Sa ni tuhasa tiquiro cahapu masare pijio, ohõ saha nidi:

¹¹ —Tuhoya musa. Yuhu niñene quehnoano masiña musa. Musa duserire sajãñe pehe musa ihyaye pehe musare ñana ijigũ yerare. Musa ñañe yahuducuye pehe musa duseri wijiaye pehe musare ñana ijigũ yere, nidi Jesu.

¹² Tiquiro sa ni buheri bato usã tiquiro buhena pehe tiquirore yahuu.

—Muhu sa nigũ tuhoye fariseo masa usuari, ni yahuu usã tiquirore.

¹³ Tire tuho, ohõ saha ni yuhtiri usãre:

—Tiquina fariseo masa taa yero saha ijire. Yuhu Pacu uhmuse cjãno ijiptiye oteyere tiquiro oterarire nuhcori mehnata cure, cohãnota. Sata yerota tiquinare.

¹⁴ Tiquinare sa ihña cãhña musa. Tiquina caperi bajueyequina tiquina ihña masiedaro saha ne Cohãcjũ yere masiedare. Sa ye pecapu wahaeta. Sa masiedapeta apequina masieñequinare buhe duamedĩ. Sa ye caperi bajueyequina coperu tiquina boraboriro saha tiquina buhenohriquina gũhu pecapu wahaeta, nidi Jesu.

¹⁵ Tiquiro sa nigũ tuhoro Pedro nidi:

—Ahri quitire yahu nemoña usãre tja, nidi tiquiro Jesure.

¹⁶ Jesu yuhtiri:

—¿Ne, vojopu tuhoerajari musa? ¹⁷ Masa ihyayere ihyagũ tiquina duseripu sajãre. Sa ye tiquina paapu sajã, yuhdua wahare. Ihyo waro ijire. Mari ihyaye marine ñana wahagũ yerare. ¿Ahrire masiedajari musa? ¹⁸ Masa duseripu wijiaye, tiquina yahuducuye pehe tiquina tuhotuyepu ahtare. Tiquina yahuducuye pehe ñañe ijiro, masare ñañequina ijigũ yere. ¹⁹ Ñañe tuhotuye, masare wejẽñe, apequiro namono mehna ñano yeye, ñano yeye numia mehna ñano yeye, yaqueye, ni mehoñe, masare ñañe quitu dahreye masa tuhotuyepu ahtare. ²⁰ Ti ñañe pehe masare ñañequina ijigũ yere. Sa yepegũta bucana yee tiriro sahata masa omo coserapeta tiquina ihyagũ ti masare ñañequina ijigũ yerare, nidi Jesu.

Judio masono ijiericoro Jesure wacũ tu-tuahye

(Mr 7.24-30)

²¹ Sa ni buhe tuhasa, usãre siho wahari tja. Tiro wame tiri maca cahapu Sidõ wame tiri maca cahapu esau usã. ²² Usã topu esagũ Canaa yehpa cjõno topu ijiricoro Jesu cahapu esa, sañuducuri:

—Pũhto, Davi panami iji turiagu masare yuhducacju, yuhure raja ihñaña muhu. Yuhu maco watĩnore cuoro, ña yuhduaro yuhdari ticoro, ni sañuducuri ticoro.

²³ Ticoro sa niepegūta Jesu yūhtierari. Sa yegū ihñana usā tiquiro buhena pehe tiquirore ohō saha nimi.

—Waha dutiya ticorore. Ñano cariboro bisiaga, nimi usā.

²⁴ Usā sa nigū tuhoro yūhtiri ticorore:

—Israe masare Cohācjüre masieñequina dihitare yedoho dutiro ohori yūhū Pacu yūhūre, nidi tiquiro.

²⁵ Tiquiro sa niepegūta Jesu dahpocāri cahapū dusepe curi mehna quehe sari ticoro.

—Puhto, yedohoya yūhūre, nidi ticoro.

²⁶ Jesu yūhtiri ticorore.

—Ohō saha ijire ahri: Coā warore wūhū upūro pohne ye ihyayere diayearo oho mūhtagū quehnoaedare. Israe masa yere ape yehpa cjenare yūhū oho mūhtagū quehnoaedare, nidi Jesu ticorore queoye mehna yahuro.

²⁷ —Sata ijire puhto. Sa ijiepegūta diayea gūhū wūhū upūro mesa docapū tiquina ihya site boroyere ihya cohtere tiquina gūhū. Ape yehpa cjo yūhū ijiepegūta yūhū gūhūre yedoho masine mūhū, ni yūhtiri ticoro.

²⁸ Ticoro sa nigū tiquiro yūhtiri:

—Numio, mūhū yūhūre tutuaro wacū tu-tuare. Mūhū cahmeno sahata sa waharota, nidi Jesu ticorore.

Tiquiro sa nigūta duita quehnoa wahari ticoro macono.

Peyequina dohatiyequinare yūhdugū yeahye Jesu

²⁹ Sa ni tuhasa usāre siho waha, Galilea wame tiri ditara dūhtū cahapū siho esari tja. Esa, mehenugā cūnare mūja, tu buipū dūjiri. ³⁰ Topū tiquiro ijigū peyequina masa tini masieñequinare, caperi bajueyequinare, pari yuri wahayequinare, yahuducu masieñequinare, peyequina apequina dohatiyequinare tiquiro cahapū ne wihiri masa. Ne wihi tuhasa Jesu dahpocāri cahapū duhu cūri tiquina. Tiquina sa duhu cūri bato quehnoa wahagū yeri Jesu tiquinare. ³¹ Tiquiro sa yegū ihñañe masa ihñā maria wahari. Yahuducu masieñequina tiquina yahuducugū ihñañe, pari yuri wahayequina tiquina quehnoa wahagū ihñañe, tini masieñequina tiquina tinigū ihñañe, caperi bajueyequina tiquina ihñagū ihñañe, ihñā maria wahari tiquina. Sa ye ohō saha nidi:

—Israe masa usā puhto, Cohācjū tutuagu, quehnoagu ijire, ni ño peori tiquina Cohācjüre.

Cuatro mil masare ihyayere ohoahye Jesu

(Mr 8.1-10)

³² Tiquiro sa yeri bato Jesu usāre tiquiro buhenare ohō saha nidi:

—Ahriquina masa yūhū mehna ihtia deco waro iji tuhasare. Sa ye pohe

mariedare tiquinare. Pohe mariedagū ihñagu tiquinare paja ihñaja. “Tiquina ujūa ahbayequina, mahapū borari”, nigū tiquinare ihyaye marieno tiquina ye wūhusepū waha duti dueraja. Sa yegū tiquinare pohe oho duaja, nidi tiquiro.

³³ Tiquiro sa nigū usā tiquiro buhena tiquirore sinituu:

—¿Dahse mari ohōre masa marienopūre pāre boca ohoboagari mari? nii usā tiquirore.

³⁴ —¿Nohope paca pā pacare cūojari masa? nidi.

—Siete pā pacare, meheñequinagā wahire cūoaja, ni yūhtii usā.

³⁵ Usā sa nigū tiquiro masare yehpapū duji dutiri. ³⁶ Tuhasa siete pā pacare, wahigā gūhūre ne, Cohācjüre “Quehnoare”, nidi. Sa ninota pā pacare nuha, usāre tiquiro buhenare ohori. Sa yena usā pehe ti ihyayere masare itii. ³⁷ Sa ye masa tire ihya, yapi yūhdūa wahari. Tiquina yapi wehorire siete pūhuse waro ne cahmecoa, wahpo dapou usā. ³⁸ Topū ihyariquinare umūa dihitare queogū cuatro mil waro umūa ijiri. Numia, macanagā gūhū ijiri. ³⁹ Tiquina sa ihya tuhasagū Jesu masare waha duti, yucūsapū sajā, Magadān wame tiri yehpapū usāre siho esari.

16

Fariseo masa, saduceo masa gūhū Cohācjū tutuaye mehna ye ihñogū ihñā duamahye

(Mr 8.11-13; Lc 12.54-56)

¹ Sa ye fariseo masa, saduceo masa mehna Jesu cahapū wihiri. Tiquiro ñano yegū ihñā duamedī tiquirore yahusā duaye. Sa ye tiquina tiquirore Cohācjū tutuaye mehna ye ihñā dutimedī tiquiro masiedagū ihñā duaye, “Cohācjū ohoriquiro ijierare”, ni duaye. ² Tiquina sa ye dutigū Jesu yūhtiri tiquinare:

—Ñamicahapū umūano sohāgū ihñāna “Quehnoari ñami ijirota”, nine masa. ³ Sa yena bohrearo umūano sohāgū, ñicuri deco ijigū ihñāna “Acoro ahtarota”, nine masa. Sa quehnoano masiepenata Cohācjū tutuaye mehna musare yahu ye ihñogū ihñāepenata ne tire quehnoano masiedare masa. ⁴ Yojopū cjenā ña yūhdūyequina Cohācjüre ño peo dueyequina Cohācjū tutuaye mehna ye ihñogū ihñā duamene. Ye ihñosi yūhū. Cohācjū yere yahu mūhtariquiro Jona tiquiro dūhse waharire masi tuhasare masa. Ti dihitare ihñoutja musare, ni yūhtiri Jesu.

Sa ni yahu tuhasa siho wahaa wahari tja.

Fariseo masa saduceo masa tiquina ñañe buheyere yahuahye Jesu

(Mr 8.14-21)

⁵ Ditarare usã pehãna, pãre bo cû cã, pehã tari jii usã. ⁶ Sa yero Jesu usãre yahuri:

—Quehnoano yeya. Fariseo masa, saduceo masa tiquina ye pã pugũ yeyere ihñana quehnoano yeya. Cuarĩne ti, ni yahuri.

⁷ Tiquiro sa nigũ tuhona taho masiedana, usã basi tire yahuducuu:

—Mari pãre mari ne cãhtaeragũ ihñano sa niaga ahriquiro, nimi usã basi.

⁸ Usã sa nidire masino, usãre sinituri:

—¿Duhsena musa pã borire wacũajari musa? Mehenogã waro yuhure wacũ tutuare musa. ⁹ ¿Yojoꝛũ masiedajari musa? ¿Cinco mil amũare ihcã omope pã pacare yuhũ nuha ohorire, numia gũhure yuhũ ohorire wacũedagari musa? ¿Nohope puhuse waro musa ne cahmecoa wahpo daporire wacũedagari musa? ¹⁰ ¿Sa yegu siete pã pacare nuha, cuatro mil amũare yuhũ ohorire, numia gũhure yuhũ ohorire wacũedagari musa? ¿Nohope puhuse waro musa ne cahmecoa wahpo daporire wacũedagari musa? ¹¹ ¿Sa yena pã pugũ yeyere yuhũ yahugũ duhse yena quehnoano tũhoerajari musa? Sa nigũ pã warore nigũ niedaja. Fariseo masa, saduceo masa tiquina pã pugũ yeyere ihñana quehnoano yeya. Cuarĩne ti, ni yahuri usãre tiquiro.

¹² Tiquiro sa ni yahugũ usã masii. “Pã pugũ yeye”, nino pã warore nino niedari. Sa nino fariseo masa, saduceo masa tiquina buheyere nino nidi. “Tiquina ye buheyere tũhoeracãhña”, nino nidi.

Jesu poto Cristo tiquiro ijyere Cohãcũ ohoriquiro tiquiro ijyere yahuahye Pedro (Mr 8.27-30; Lc 9.18-21)

¹³ Sa ye Jesu mehna wahana, Cesarea Filipo wame tiri maca cahapũ ijyere macaripũ esau usã. Sa yero macapũ sajã sari bato Jesu usãre tiquiro buhenare sinituri:

—¿Noa boro ijiagari yuhũ, masa yuhure tiquina tuhutugũ? ni sinituri tiquiro.

¹⁴ —“Ñu wame yeriquiro ijire”, nine mũhure. Apequina “Elia ijire”, nine. Apequina “Jeremia ijiboaga o apequiro Cohãcũ yere yahu mũhtariquina mehna cjũno mũnana ijiboaga”, nine, ni yuhtii usã tiquiro.

¹⁵ —¿Musa pehe musa tuhutugũ noa boro ijiagari yuhũ? ni, sinituri tiquiro.

¹⁶ Simo Pedro yuhtiri:

—Mũhũ Cristo Cohãcũ ohorigũ ijire. Cohãcũ catiriquiro waro macũ ijire mũhũ, ni yuhtiri Simo Pedro.

¹⁷ —Simo Ñu macũ mũhũ bucuegu ijire. Ohõ saha ni mũhũ yuhure yuhtiyere masa tiquina yahuri ijierare. Yuhũ Pacũ ahmuse cjũno pehe tire mũhure masigũ yeri.

¹⁸ Mũhure niita niaja. Mũhũ Pedro wame tigu ijire. (Pedro nino utã nino nine.) Ahri

utã paa bui tutuari wuhure yuhũ yeboriro saha yeequina pehere wacũ tutuayequina ijigũ yeitja yuhũ. Sa ye yeequina ne pecapũ wahasi. ¹⁹ Uhmuse cjũno mari puhoro ijero cjã sawire mũhure ohoutja. Sa yegu ahri yehpare mũhũ ye dutieragũ ahmusepũ gũhure ye dutisi. Ahri yehpare mũhũ ye dutigũ ahmusepũ gũhure ye dutiye ijieti, nidi Jesu.

²⁰ Tiquiro sa nidi bato usãre tiquiro buhenare ohõ saha nidi:

—Yuhure “Cristo ijire tiquiro”, ni yahu sitenedacãhña apequinare, ni, dutiri usãre.

Jesu tiquiro yaria masa wijiatire yahuahye

(Mr 8.31–9.1; Lc 9.22–27)

²¹ Ti pjeta Jesu usãre tiquiro buhenare quehnoano yahu peho dũcari:

—Jerusalẽpũ yuhure waharo cahmene yojoꝛũ. Topũ judio masa mari bucũna, mari pahia puhõto, marine judio masare buheyequina gũhũ yuhure ñano yeeta. Yuhure wejẽeta. Sata ñano yuhũro cahmene yuhure. Sa yegu ihtia deco wahaboro masa wijiajuta, ni yahuri usãre tiquiro.

²² Tiquiro sa nigũ tuhoro Pedro pehe ape sie cjũnogã Jesure ne saduca, tiquirore ohõ saha nidi:

—Puhõto, mũhũ nino saha sa wahaeracãhdo. Mũhure tiquina wejẽdacãhdo, nimesi tiquiro Jesure.

²³ Tiquiro sa nigũ tuhoro Jesu majareduca, tiquirore ohõ saha nidi:

—Satana yero saha yahuducugũ nine mũhũ. Sa niedacãhña. Mũhũ tuhutuye masa ye ijire. Cohãcũ ye ijierare. Sa yegu yuhũ yeatire cahmota duare mũhũ, nidi Jesu Pedroro.

²⁴ Tiquiro sa nidi bato usãre yahuri:

—Ihcãquiro yaquiro iji duaro, tiquiro cahmeno ye duamedire duhu cãnota. Sa yero yaquiro tiquiro ijiri buhiri ñano yuhũperota yuhure duhusi. Sa yero yeere yeducuriquiro ijirota. ²⁵ Masũno yuhure wacũno marieno tiquiro esa tuhoro tiquiro cahmeno sahata yero, pecapũ waharota. Sa yero yeere masũno sa yeducuriquiro ijipihiyere decori yuhũ mehna ahmusepũ ijirota tiquiro. ²⁶ ¿Ihcãquiro masũno ahri yehpa cjẽne ijipihiyere cuoriquiro Cohãcũre cahmedaro pecapũ waharo, yabere wapatajari tiquiro? Sa ijiriquiro ne wapataerare. Pecapũ tiquiro jeripohna wahagũ ne duhse wapa ye wioro basioerare. ²⁷ Yuhũ masũ Cohãcũ ohorigũ yeequina anele mehna ahri yehpapũ tojoa tagũ yuhũ Pacũ asi siteye mehna tojoa tagũ ijipihiyequina masare tiquina ñaũe yeri buhiri buhiri dahreitja. Tiquina quehnoaũe pehere yegũ quehnoano yeitja

tiquinare. ²⁸ Ijirota musare yahutja. Ihuq̄equina musa ohōrp̄are ijina musa yariato pano yuhare yuhu puhto sajāgū ihñanata, ni yahuri Jesu.

17

Jesu tiqiro pagure comesahye
(Mr 9.2-13; Lc 9.28-36)

¹ Sa ye seis decori bato Jesu Pedore, Santiagore tiqiro bahuro Ñu gāhare ahmanan canap̄u tiquina dihitare piji mujari. ² Uhmuanop̄u tiquina esari bato tiquina ihñonop̄u tiqiro pagure comesahye. Tiqiro wuhdo asū deco cjan̄o yero saha asi siteahye. Sa yero tiqiro suhtiro buhrioro yero saha yehsero wahahye. ³ Sa ye Jesu Moise manano, Elia manano mehna tiquina yahuducugū ihñahye tiquina ihtiaro buhreyequina. ⁴ Sa yero Pedro Jesure nimahye:

—Puhto, mari ohōrp̄u ijigū quehnoa duare. Mūhu cahmegū ihtia wuhugā yeitja. Mūhu ya wuhugā, Moise ya wuhugā, Elia ya wuhugā yeitja, nimahye tiqiro.

⁵ Tiqiro sa ni yahuducuri watoa ehmeo quehnoano asiye ehmeo tiquinare cahmotahye. Sa wahagū ehmeo watoap̄u yahuducye bisiro ca tahye.

—Ahriqiro yuhu macu yuhu cahniqiro ijire. Tiqiro mehna bucueaja. Tiquirore tuhoya, ni yahuducuro ca tahye.

⁶ Sa nigū tuhoye tiqiro buhreyequina tuho maria waha, yehparp̄u doque quehe sahye. ⁷ Tiquina sa wahari bato Jesu tiquina cahap̄u esa, tiquinare buacarero, ohō saha niahye:

—Wahcādūcaya musa. Yojoap̄are musa ihñarire, musa tuhori gāhare cueracāhña, niahye tiqiro tiquinare.

⁸ Tiqiro sa nigū tiquina ihña wahcō. Jesu dihitare ihñahye. Tiquina ihñariquina pehe mariedahye.

⁹ Sa ye canap̄u tiquina dijia tagū Jesu tiquinare tutuaro mehna niahye:

—Mianogāta yuhu sa waharire apeqinane yahueracāhña. Yuhu masu Cohācjū ohorigu yuhu yaria masa wijari batop̄u tire apeqinare yahuya musa, niahye Jesu.

¹⁰ Tiqiro sa nidi bato Pedro gāhu tiqirore sinituahye:

—“Cristo masare yuhduoatiqiro tiqiro ahtato pano Eliare ahta muhtano cahmene”, nine marine judio masa buhreyequina. ¿Dahse ijiro boro sa nijari tiquina? ni sinituahye tiquina tiqirore.

¹¹ Jesu yuhtiahye:

—Potota ijire. Eliare ahta muhta dutiri Cohācjū, ijipihiyere quehno muhtatiqirore. ¹² Ohō saha nigū musare nigū nijaja. Elia wihi thasari. Tiqiro sa wihiepegūta tiquina tiqirore ne ihña

masiedari. Sa ye tiquina dahse ye duaro yeri jiri tiqirore. Sata yeeta yuhu gāhare. Yuhu masu Cohācjū ohorigu ijijaja. Tiquina sa yegū ñano yuhduगतja yuhu, niahye Jesu.

¹³ Tiqiro sa ni yahugū tiquina quehnoano tuhoahye. “Elia”, nino, Ñu wame yeriqirore nino niahye. Tire masiahye tiquina.

Jesu watinore cuoriquirore yuhduoahye
(Mr 9.14-29; Lc 9.37-43)

¹⁴ Sa ye peyequina masa cahap̄u tiquina dijia tagū ihñano ihcāqiro amuno Jesu cahap̄u esa, dasepe curi mehna quehe sari.

¹⁵ —Puhto, yuhu macure paja ihñaña. Tiqiro ñama yariayere dohatiriquiro ijire. Sa yero ña yuhduaro yuhdare. Peye tahari pecap̄u bora sa quehea mujare tiqiro. Ihuq̄e tahari diap̄u bora ñojoa mujare. ¹⁶ Sa yegu mūhu buhreyequina cahap̄u tiqirore ne sami. Tiquina tiqirore yuhduo masiedari, nidi tiqiro Jesure.

¹⁷ Jesu yuhtiri:

—Yojoap̄u cjan̄a, ñana ijire musa. Yuhare ne wacū tutuerare. Yoa yuhduari pje musare buhemi yuhu. ¿Noho puno yoari pje yuhare musa cariboajari? Tiquirore ne cāhtaya yuhare, nidi Jesu.

¹⁸ Sa yero watinore tiqiro tuhtigāta watino pehe masano mehna ijiriquiro wahaa wahari. Sa wahari batogāta quehnoa wahari tiqiro.

¹⁹ Came usā tiqiro buhena usā sehsaro ijina Jesure sinituu:

—¿Dahsena usā pehe ahriqiro pehere watinore cohā masiedari, mūhu tuhutugū? ni sinituu usā.

²⁰ Jesu yuhtiri:

—Yuhare mehenogā wacū tutuare musa. Poto musare yahugata nijaja. Mostaza capegā meheni pjegā ijire. Ti yero saha Cohācjūre mehenogā musa wacū tutuana ohō saha wahagū ye masinata musa. Ahdu canare “Sohōp̄u wahaya”, musa nigū, waharota. Cohācjūre sata wacū tutuana, ijipihiyere ye masine musa. [²¹ Sa ijiepegūta ahriqiro boro watinore musa cohā duana Cohācjūre tutuaro sinino cahmene musare. Sa ye duana sijiro cahmene musare Cohācjūre sinina tana,] nidi Jesu usāre.

Pari turi Jesu tiqiro yaria masa wijiatire yahuahye

(Mr 9.30-32; Lc 9.43-45)

²² Sa ye Galilea yehparp̄u usā tinigū, Jesu usāre yahuri:

—Yuhu masu Cohācjū ohorigu ijijaja. Masa yuhare ñehe, apeqinap̄are yuhare ohoeta. ²³ Sa tiquina ohori bato yuhare wejēta. Sa tiquina wejēgū ihtia deco wahaboro masa wijiağata, ni yahuri tiqiro usāre.

Tiquiro sa ni yahugū tutuaro bujua witi usā.

Cohācjū wuhū cjē wapare sinituahye apequina

²⁴ Sa yena Capernaupū sajā sagū, Cohācjū wuhū cjē ijiatire wapa ne cohteyequina Pedro cahapū esa, tiquirore sinituahye.

—¿Musare buheriquiro Cohācjū wuhū cjē wapa ijiatire wapa yeajari tiquiro? ni sinituahye tiquina.

²⁵ —Wapa yere tiquiro, ni yūhtiahye Pedro.

Tiquiro sa nidi bato wuhupū tiquiro sajāgū Jesu sinitu mūhtahye Pedrorē:

—¿Simo dūhse ni tūhotujari mūhū? ¿Ahri yehpa cjēna pūhtoa yabequina pehere wapa neajari, mūhū tūhotugū? ¿Tiquina mehna cjēnare wapa neajari? ¿O ape yehpa cjēna pehere wapa neajari, mūhū tūhotugū? ni sinituahye tiquiro Pedrorē.

²⁶ —Ape yehpa cjēna pehere wapa nene, ni yūhtiahye Pedro.

Tiquiro sa nigū Jesu yahuahye:
—Sa yero pūhoro tiquiro ya yehpa cjēnare wapa nedari. ²⁷ Sa ijiepegūta wapa ne cohteyequinare usuagū ye dueraja mari. Sa yena wapa yenata. Ditarapū wahaya. Topū esa, yohyeri dare doque űoña. Sa yegū wahi mūhare ihyariquirore weje űoña. Tiquiro dūseropū niñeru cjoere bocagata mūhū. Ti cjoere queoro wapa tiri cjoere ijirota. Yūhure, mūhū gūhare Cohācjū wuhū cjēna tiquina wapa negū quehnoano queoro esa tuharota ti cjoere. Ti cjoere bocagu mari wapamonore wapa yegū wahaya, niahye Jesu Pedrorē.

18

Jesu buhayequina tiquina mehna cjanore pūhota sō duamahye

(Mr 9.33-37; Lc 9.46-48)

¹ Ti pjere usā tiquiro buhena Jesu cahapū esa, sinituu tiquirore:

—¿Uhmuse cjāno pūhoro ijiropare usā mehna cjāno noa wahaboagari pūhoro? ni sinituu usā.

² Usā sa nigū Jesu nininogāre pijio, tiquirogāre usā caha duhu docori. Duhu doco tuhasa, usāre nidi:

³ —Poto musare yahugūta. Ahriquina macanagā Cohācjāre tiquina pūhoro waro tūhoture. Sa yena musa gūhū tiquina yero saha tūhotuna, quehnoañene came-sana, uhmuse cjāno pūhoro ijiropare wahanata. Tiquina yero saha tūhotuerana pūhoro tiquiro ijiropū wahasi musa. ⁴ Sa yero uhmuse cjāno pūhoro ijiropare sa tūhotu cāriquiro ahriquiro nininogā yero saha tūhoturiquirota apequina bui pūhoro wahare. ⁵ Sa yena yeere yena tana ohō

saha ijiyequinagāre cahmena, yuhū gūhare cahmene musa, ni yahuri Jesu.

Ñañene yegū cuarīne
(Mr 9.42-48; Lc 17.1-2)

⁶ Sa yero tiquinare yahu nemori:

—Ahriquirogā yero saha ijiriquiro yūhure wacū tutuariquirogāre yahutja musare. Apequiro ahriquirogā yero saha ijiriquirore ñañene ye dutiro tiquiro ña yūhdūaro yūhdūrota. Tiquiro wamūare pajiria utāre dūhte yo, pajiri mapū tiquirore cohāgū ñano wahaboaga tiquiro. Sa ijiepegūta ahriquirogā yero saha ijiriquirore ñañene ye dutiriquiro tiquiro pehe pajiri mapū tiquina cohāriquiro yūhdūoro ñano yūhdūrota. ⁷ Masare ñañene yegū yeye ijire. Tire yeye ahri yehpa cjēna ñano yūhdure. Ñañene yeducure masa. Tiquina sa yegū tiquinare ñañene yegū yeyequina pehe ña yūhdūaro yūhdūeta.

⁸ Mūhū omoca mehna ñano yegū ti omocare mūhū dūte cohāboro saha ti ñañene duhuya. Tire duhueragu pecapū wahaguta. Topure ne peca yatierare. Mūhū omocare mūhū cohāgū ti si dihita butiboaga. Sa yegū mūhū pehe sa bajuri turu ijiepegūta came Cohācjū mehna ijiguta. Pua omoca mehna pecapū wahagu mūhū sa wahagū ña yūhdūaboaga. Sa yegū ti ñañene duhuya. Mūhū dahpocā mehna ñano yegū ti dahpocā gūhare mūhū dūte cohāboro saha ti ñañene duhuya. Tire duhueragu pecapū wahaguta. Topure ne peca yatierare. Mūhū dahpocāre mūhū cohāgū ti si dihita butiboaga. Sa yegū sa bajuri turu ijiepegūta came Cohācjū mehna ijiguta. Pua dahpocā mehna pecapū wahagu mūhū sa wahagū ña yūhdūaboaga. Sa yegū ti ñañene duhuya. ⁹ Mūhū capea mehna ñano yegū tiare ore we mūhū cohāboro saha ti ñañene duhuya. Tire duhueragu pecapū wahaguta. Topure ne peca yatierare. Tiare mūhū cohāgū tia dihita butiboaga. Ihcā pehe capea mariedapeguta came Cohācjū mehna ijiguta. Pua capea mehna pecapū wahagu mūhū sa wahagū ña yūhdūaboaga. Sa yegū ti ñañene duhuya, ni yahuri Jesu.

Oveja butiriquiro queoyere yahuahye Jesu

(Lc 15.3-7)

¹⁰ Sa ni tuhasa ohō saha ni yahu nemori:

—Ne, ahriquinagāre macanagāre ihñā tuhtieracāhña. Musare niita niaja tiquina. Tiquinagā yeequina angele tiquinagāre cohteyequina uhmusepū ijiyequina pehe yuhū Pacū cahapū sa ijiducure. [¹¹ Yuhū masū Cohācjū ohorigū ahri yehparū pecapū wahaboriquinare yūhdūogu tūū nū yuhū,] ni yahuri Jesu.

¹² Sa ni tuhasa tiquiro tūhotuyē mehna ohō saha ni queoyē mehna buheri usāre.

—Ovejare cohteriquiro cien ovejare c̄oriquiro ihc̄aquirō oveja butia wahagū ohō saha yerota tiquinare cohteriquiro pehe. Apequina ovejare noventa y nueve ovejare tiquina ihyaropu duhu doco, butiriquirore macano waharota. ¹³ Ijirota nii niaja musare. Tiquirore bocaro bucueroa tiquiro. Apequina noventa y nueve duhsayequina mehna bucuero tiquiro. Tiquinare tiquiro bucuero yuh̄duoro butiriquiro pehere bocaro tutuaro bucueroa. ¹⁴ Sata mari Pacu ah̄muse cjāno ahriquina ihyo ijiyequina gūh̄are pecapu tiquina wahagū cahmedare, ni yahuri Jesu.

Muh̄u acayuro muh̄are ñano yegū ohō saha ye dutiah̄ye Jesu
(Lc 17.3)

¹⁵ Sa ni tuhasa ohō saha ni yahu nemori: —Muh̄u acayuro muh̄are ñano tiquiro yegū tiquiro mehna yahugū wahaya. Musa seh̄saro tire yahuya. Muh̄u sa yegū tiquiro muh̄are tuh̄oboaga. Tiquiro tuh̄ogū “Muh̄are ne pari turi ohō saha yesi yuh̄u”, tiquiro nigū muh̄u acayurore pari turi piti tigu niaga muh̄u. ¹⁶ Muh̄are tiquiro tuho dueragū pūrita ihc̄aquirō mehna waha duagu o puaro mehna waha duagu tiquinare piti ti cā, pari turi tiquirore yahuna wahaya. Musa sa yena puana o ihtiana tiquirore musa yahusāgū, “Poto tjire”, ni masieta apequina. ¹⁷ Sa yena muh̄u mehna cjēna gūh̄are tiquiro tuho dueragū ijiptiyequina Jesu yequina cahmecoah̄equinare yahusāna wahaya. Sa yena Jesu yequina cahmecoah̄equinare tiquiro tuho dueragū ih̄ñana Coh̄ācjāre ño peo dueriquiro tiquiro ijiro saha yeya tiquirore. Wapa ne cohteriquiro tiquiro ijiro saha yeya tiquirore.

¹⁸ Ijirota musare niita niaja. Ahri yehparu musa Jesu yequina ñañene musa ye dutieragū ah̄musepu gūh̄are ye dutisi. Ahri yehparu musa quehnoañene ye dutigū ah̄musepu gūh̄are ye dutiye ijirota.

¹⁹ Pari turi musare yahutja ah̄rre: Musa puana Coh̄ācjāre sinigū, musa puana musa sinidire ihc̄āno saha musa tuh̄otugū yuh̄u Pacu ah̄muse cjāno tire yerota. ²⁰ Puaro o ihtiaro yequina, yeere yeatiquina tiquina cahmecoagū yuh̄u tiquina mehna ijjaja, ni yahuri Jesu.

Cahacjāno apequiro tiquiro wapamonore tiquiro bo duerari quitire yahuah̄ye Jesu

²¹ Came Pedro Jesu cahapu esa, sinituri:

—¿Puhto, yuh̄u acayuro muh̄u yaquiro peye tahari yuh̄are ñano tiquiro yegū ih̄ñagu nohope tahari tire bogutari yuh̄u? ¿Siete tahari bogutari yuh̄u? ni sinituri Pedro.

²² Jesu yahtiri:

—Siete taharita muh̄are apequiro ñano yerire muh̄u bogū to wahaerare. Peye tahari muh̄are ñano tiquiro yegū gūh̄are boya.

²³ Ah̄muse cjāno masa puhtoro tiquiro ijiye ahri queoye yero saha ijire. Ijiptiyequina masa puhtoro tiquiro cahacjēnare tiquirore wapamoh̄equinare wapa ye peho duti duamah̄ye. ²⁴ Tiquina wapamorire tiquiro queo ducagū, tiquirore dahra cohteyequina pehe pajiro wapamoriquire tiquiro cahapu ne cāhtah̄ye. Wapamoriquire paji yuh̄duaro wapamoh̄ye tiquiro puhtoro. ²⁵ Sa yero tiquiro wapa ye masiedagū tiquiro puhtoro tiquirore, tiquiro namonore, tiquiro poh̄nene cahacjēna sō, tiquinare apequinare dua dutimah̄ye. Sa ye ijiptiye tiquiro c̄oye gūh̄are dua dutimah̄ye, tiquiro wapamonore wapa ye peho dutiro. ²⁶ Tiquiro sa dua dutigū pajiro wapamoriquire pehe dusepe curi mehna quehe sa, tiquiro puhtoro tutuaro siniah̄ye: “Puhto, yuh̄are paja ih̄ñagu cohteniña. Muh̄are wapa ye pehoutja”, niah̄ye tiquiro puhtoro. ²⁷ Tiquiro sa nigū tuh̄oro, tiquirore paja ih̄ñano tiquiro wapamonore sata bo cāh̄ye.

²⁸ Tiquiro sa yeri bato wapamoriquire pehe waha, apequiro cahacjānore tiquirore mehenogū wapamoriquire boca sahye. Sa boca saro wama ñeheah̄ye tiquirore. “Yuh̄are muh̄u wapamonore wapa ye pehoya”, niah̄ye tiquiro mehna cjānore tiquiro yero saha ijiptiye cahacjānore. ²⁹ Tiquiro sa nigū apequiro cahacjāno pehe dusepe curi mehna quehe sa, tiquirore tutuaro sinimah̄ye. “Yuh̄are paja ih̄ñagu mehenogū cohteniña. Muh̄are wapa ye pehoutja”, nimah̄ye apequiro cahacjāno tiquirore. ³⁰ Tiquiro sa ni siniepegūta yahtierah̄ye. Sa yero tiquiro apequiro cahacjānore peresu ye dutiah̄ye. Tee tiquiro wapa ye pehogūpu wioro taro niah̄ye tiquirore. ³¹ Pajiro wapamoriquire mehenogū wapamoriquire tiquiro sa yegū ih̄ñā, usua, apequina cahacjēna pehe tiquina puhtorore yahusāñe wahah̄ye. ³² Tiquina sa ni yahusāgū tuh̄oro tiquina puhtoro tiquina yahusāriquirere pijio, ohō saha niah̄ye: “Muh̄u ña yuh̄duagu ijire. Muh̄u yuh̄are tutuaro sinigū muh̄u wapamonore bo pehomi yuh̄u. ³³ Muh̄are yuh̄u sa yepegūta muh̄u pehe muh̄are wapamoriquire boerañoh̄ti. Muh̄u wapamono pehere yuh̄u boriro sahata tiquiro muh̄are wapamono gūh̄are muh̄u bogū quehnoa yuh̄duaboaga. ¿Dah̄segū tiquirore paja ih̄ñedari muh̄u, sa yegu?” niah̄ye puhtoro tiquirore. ³⁴ Sa nino tutuaro usua, peresu yeah̄ye tiquiro cahacjānore. Tee tiquiro wapa ye pehogūpu wioro taro niah̄ye, ni yahuri Jesu.

³⁵ Sa yero ohō saha ni ahri quitire yahu bato tiri:

—Sata yerota yuhū Pacu ahmuse cjāno musare. Mūsa ijipihitina mūsa acaye musare tiquina ñano yerire quehnoano mūsa bo pehoeragū tiquiro musare buhiri dahrerota, nidi Jesu.

19

Tiquina namosānumiare cohāñene yahuahye Jesu

(Mr 10.1-12; Lc 16.18)

¹ Tire tiquiro sa ni yahuri bato tiquiro Galileapū ijiriquiro Judea yehpapū usāre siho wahari. Jordā wame tiri ma ape sie pahrēpū esau usā. ² Topū usā wahagū peyequina masa usāre nānū tā cāri. Tiquina mehna cjēnare dohatiyequinare yuhdugū yeri tiquiro.

³ Sa ye ihquēquina fariseo masa Jesure yahusā duaye, ñano tiquiro yahuducugū tūho duaye, tiquirore sinituri:

—¿Mari namosānumiare cohāgū quehnoaboagari? ¿Mari dutiye pehe sata ye dutiagari, mūhū tūhotugū? ni sinituri tiquina.

⁴ Jesu yūhtiri:

—¿Cohācjū yere tiquina ojoari pūpū ne ahrire buherari mūsa? Ohō saha ni ojoahye: “Coā waropure ahri yehpare bajumehnediquiro amūno, numino gūhare yeahye”, ni ojoahye. ⁵ Sa yero ohō saha ni ojoa nemoahye: “Sa yero amūno tiquiro pacusumūare cohā wījia, tiquiro namono mehna ijirota. Sa ye tiquina pūaro ijiepetā ihcā pagū yero saha ijire. ⁶ Sa ye tiquina pūaro yero saha ijierare. Ihcā pagū yero saha ijiye nine. Cohācjū tiquiro omoca dūhite dutiyequina ijire. Sa ye tiquinare cahme duheraro cahmene”, ni ojoahye, nidi Jesu tiquinare.

⁷ Tiquiro sa nigū fariseo masa sinituri tja:

—Mūhū ohō saha ni yahuepegūta ohō saha ni ojoahye Moise pehe: “Mūhū namonore cohā duagu papera pūre tire ojoaya. Sa ojoagu ti pūre mūhū namonore mūhū ohori bato ticorore cohā masine mūhū”, ni ojoahye Moise. ¿Mūhū nino saha ijiepegūta Moise pehe dūhsero ohō saha ni ojoayari? ni yūhtiri tiquina tiquirore.

⁸ Jesu yūhti cahmedi tiquinare:

—Cohācjūre mūsa ñecusumūa panopū cjēna tiquina tūho dueragū ihñano tiquina namosānumiare tiquina cohāgū, “Sata wahacūnahdo”, niahye Moise. Tiquiro sa niepegūta coā waropure ahri yehpare sa ijierari. ⁹ Mū sare niita niaja. Masano tiquiro namono ticoro ñano yerapegūta ticorore cohāno, apecorore namo tiro, tiquiro apecoro mehna ñano yero nine. [Sa yero ahriquiro cohāricorore namo tiriquiro

gūhū ticoro mehna ñano yeriquiro ijire,] nidi Jesu.

¹⁰ Tiquina sa nigū tūhona, usā tiquiro buhena pehe tiquirore ohō saha nii:

—Sata amūno tiquiro namono mehna tiquina cahme cohāedagū mari pehere mari namo tieragū quehnoaboaga, nii usā.

¹¹ Jesu yūhtiri:

—Ihquēquinareta namo ti dutierare Cohācjū. Tiquiro namo ti dutiriquina dihita namo tieta. ¹² Ūmuare namo ti dutieraye ihquēgā ijire. Ihquēquina amūa numiare cahmeeñequina masa bajuare. Apequina amūa masa tiquina apēni tōho tiquina weriquina pehe namo ti masiedare. Apequina amūa ahmuse cjāno tiquina pūhtoro yere yedoho duaye, namo tierare. Sa ye ahriquina namo ti dueyequina sata tūhotu cāhñequina, sata tiquina sohtori tigū quehnoare, nidi Jesu usāre.

Macanagā ye ijiatire Cohācjūre sini basahye Jesu

(Mr 10.13-16; Lc 18.15-17)

¹³ Sa ye masa macanagāre Jesu cahapū ne wihiri. Sa ne wihie, tiquina Jesure tiquiro omocare tiquinagā bui ña peo duti duamedī. Sa ye tiquinagāre Cohācjūre sini basa duti duamedī Jesure. Tiquina sa yegū ihñana usā tiquiro buhena tiquinare tuh-timi. ¹⁴ Usā sa tuhtigū ihñano, usāre Jesu ohō saha nidi:

—Macanagā yuhū cahapū ahtaahro. “Waharīsa”, niedacāhña tiquinagāre. Tiquinagā Cohācjūre tiquina pūhtoro tūhoture. Sa ye tiquiro ahmuse cjāno pūhtoro ijirōpū ahriquinagā yero saha tūhotuyequina ijire topure, nidi Jesu usāre.

¹⁵ Sa ninota tiquiro omocare tiquinagā bui ña peo tuhasa, wahaa wahari.

Doeri cjē upūro Jesure sinituahye

(Mr 10.17-31; Lc 18.18-30)

¹⁶ Tiquiro sa yeri bato ihcāquiro Jesu cahapū wihī, sinituri tiquirore:

—¿Ne quehnoagu buhegu, ijipihiteye decori Cohācjū mehna iji duagu, quehnoañene ye duagu dūhse yeboagari yuhū? nidi tiquiro.

¹⁷ —¿Dūhse ijiro boro yūhare quehnoañene sinituajari mūhū? Cohācjū dihita quehnoariquiro ijire. Ijipihiteye decori Cohācjū mehna iji duagu tiquiro dutiyere yeya, nidi Jesu.

¹⁸ —¿Dise boro dutiye pehere nigū niajari? ni sinitu nemori tiquiro.

Jesu yūhtiri:

—Masare wejēdacāhña. Wūana tier-acāhña. Yaqueracāhña. Ni mehoedacāhña. ¹⁹ Mūhū pacusumūare ño peoya. Mūhū basi mūhū cahño saha mūhū cahapū ijiriquiro gūhare cahña. Ahri dutiyere yero cahmene, nidi Jesu.

²⁰—Ahri dutiyere ne yãhdũdũcaera tii yũhũ. ¿Dũhse ye nemoagari yũhũ ijipihtiyere decori Cohãcãjũ mehna iji duagu? nidi tiqũiro Jesure.

²¹ Tiquiro sa nigũ tuhoro Jesu yahu nemori:

—Mũhũ ñãñe mariegu iji duagu mũhũ ye ijipihtiyere duagu wahaya. Sa duagu ijipihtiyere mũhũ wapatari niñerure pejesũoyequinare ohoya. Mũhũ sa yegũ pajiro mũhũ ye ãhmũsepu, Cohãcãjũ cahapu ijirota. Mũhũ sa yeri bato yũhũ mehna cãjũ ijigũ ahtaya, ni yahuri Jesu.

²² Tiquiro sa nigũ tuhoro tutuaro bujua witiiri. Tiquiro doeri cãjũ upũro ijipihtiyere sũoriqũiro ijiri. Sa yero Jesu yahugũ tuhoro tutuaro bujua witiiri. Pejesũoyequinare oho dueraro wahaa wahari.

²³ Tiquiro sa wahari bato Jesu usãre tiqũiro buhenare yahu nemori:

—Ijirota musare niita niaja. Doeri cãjũ upũro Cohãcãjũ puhtoro ijirorũre tiqũirore waharo basioera cãjũre. ²⁴ Musare yahu nemoutja: Camello pehe awia copepu tiqũiro sajã duagũ basioerare tiqũirore. Tiquiro sa ijiro yũhdũro doeri cãjũ upũro Cohãcãjũre cahmedaro, Cohãcãjũ puhtoro ijirorũre waharo basioerare, nidi tiqũiro.

²⁵ Tiquiro sa nigũ tuhona usã tuho maria waha, usã basi ohõ saha nii:

—Aa, dũhse tiqũiro nino sahata ijigũ, ne ihcãqũiro masũno Cohãcãjũ cahapu waha masiedaboaga, nii usã basi.

²⁶ Usã sa nigũ Jesu usãre ihũano, yahuri:

—Masa tiqũina esa tuhoro tiqũina quehnoano yeri mehna Cohãcãjũ cahapu waha masiedare. Cohãcãjũ pehe masare pecapu wahaboriqũinare yũhdũro masine. Tiquiro ijipihtiyere quehnoano ye masi peho cãre, nidi tiqũiro usãre.

²⁷ Tiquiro sa nigũ Pedro tiqũirore nidi:

—Tuhoriña. Usã pehe usã ye ijipihtiyere cũ cãhũ mũhũ mehna wahana tana. ¿Usã ohõ saha yena, dũhse ijiyere wapatanatari usã? nidi tiqũiro.

²⁸ Tiquiro sa nigũ tuhoro ohõ saha nidi Jesu:

—Musare niita niaja: Pihtiri deco bato ijipihtiyere wahma dihata comesaeta. Ti pjeũre yũhũ masũ Cohãcãjũ ohorigũ yũhũ puhtoro yũhũ dujiropũ asi siterorũ dujiitja yũhũ. Topũ yũhũ dujigũ musa gãhũ doce dujiye pahtaripũ puhtoa tiqũina dujiye pahtaripũ dujinata. Sa yena Israe masare doce cururi cãjũnare besenata musa quehnoañequina gãhũre, ñãñequina gãhũre. ²⁹ Sa ye yeere yena tana musa wãhũsere, musa bahanare, musa pacũsmũare, musa pohmare, musa weserire cũrina ijina, pajiro wapatanata. Sa yena ijipihtiyere decori Cohãcãjũ mehna ijinata. ³⁰ Sa ijiepegũta yojopũre peyequina puhtoa ijiriqũina

ti pjeũre ihyo ijieyequina tojoaeta. Sa ye yojopũre peyequina ihyo ijieyequina ijimediquina ti pjeũre puhtoa comesaeta, ni yahuri Jesu usãre tiqũiro buhenare.

20

Ehse wesere dahrayequina queoyere yahuaye Jesu

¹ Sa ye Jesu pari turi queoye mehna yahu nemori tja:

—Ehmũse cãno masa puhtoro ijire. Wese upũro queoye mehna tiqũiro puhtoro ijiyere yahutja musare. Tiquiro wese upũro bohrea quehagũ tiqũiro ya wesere dahratiquinare pijiro wahahye. ² “Ihcã cjeoe niñeru cjeoe wapa yegutja ihcã decore”, niahye tiquinare. “Aũ”, niahye dahratiquina. Tiquina sa nigũ wesepũ dahra dutiro ohoahye tiqũiro tiquinare.

³ Sa yero decopũ nueve ijigũ doeri cãjũ duaropũ wahahye tiqũiro. Topũ esaro, apeqũina dahraeyequinare ihũahye. ⁴ Sa ihũano tiquinare niahye: “Musa gãhũ ya wesere dahrana wahaya. Quehnoano wapa yegutja”, niahye tiqũiro. ⁵ Sa ye tiqũina wesepũ dahraye wahahye. Sa ye wese upũro coheri pje ijigũ, ñamicahapu tres ijigũ gãhũre dahra dutiahye. ⁶ Sa ye ñamicahapu cinco ijigũ doeri cãjũ duaropũ tiqũiro wahahye tja. Topũ esa, apeqũina dahraeyequinare ihũano, tiquinare niahye:

“¿Musa dũhse yena nijari dahraerapenata ohõpũre?” ni sinituahye tiquinare. ⁷ “Ne, usãre dahraye mariedare”, ni yũhtiahye tiqũina. “Musa gãhũ ya wesere dahrana wahaya”, niahye tiquinare. Sa ye tiqũiro nidiro sahata tiqũiro ya wesere dahraye wahahye.

⁸ Sa ye ñamicahapu dahra duhuri pje ijigũ wese upũro tiqũiro dahrayequinare cohteriqũirore ohõ saha niahye: “Dahrayequinare pijiya. Tiquina wihigũ tiquinare wapa yeya. Camepu yũhũ dahra dutiriquinare wapa ye mahtaña. Tiquinare wapa ye tuhasa, apeqũina gãhũre wapa ye tuhasa, yũhũ dahra duti muhtariquinare wapa ye bato tiya”, niahye tiqũiro. ⁹ Sa yero cinco ijigũ dahra dũcayequinare ihcã cjeoe niñeru cjeoe wapa yeahye. ¹⁰ Tiquiro sa wapa yegũ ihũañe, “Usãre paji cãjũnogã wapa yerota”, ni tuhutumahye tiqũiro duti muhtariquina pehe. Tiquina gãhũre ihcãno saha wapa yeahye. ¹¹ Sa ye niñerure tiqũiro wapa yegũ tiqũina puhtoro mehna usuaye, tiqũina basi cahme niahye: ¹² “Ahriqũina usã batopũ tiqũiro dahra dutiriquina pehe ihcã horata dahrari. Usã pehe ihcã deco quehnoano dahra nahũoa wahami. Ñano asũ asiri usãre. Usã sa yoari pje dahraepẽgũta usã batopũ dahra dũcariquina gãhũre ihcãno saha wapa

yeri tiqiro”, ni usuahye tiquina basi.
 13 Ihcãquiro tiquina mehna cãano tiqiro sa nigũ tuhoro, wese uparo yũhtiahye tiqirore: “Ne yũhu acayũ, Ihcã cjoẽ niñeru cjoere wapa yegũtja”, nimi mũsare. Yũhu sa nigũ yũhtiri mũsa. Sa yegũ yũhu nidiro sahata mũsare wapa yei yũhu. Queoro wapa yei mũsare. Ne yaquerũ mũsare. 14 Sa yegũ yũhu wapa yerire ne, mũhu ya wũhũpũ tojoarĩsa. Ahriquirore came yũhu dahra dutiriqiro gũhũre mũsare yũhu wapa yeriro punota wapa yegũtja. 15 Yee niñeru ijire ahri. Sa yegũ yũhu cahmeno sahata ahri mehna wapa yegũtja. ¿Apequinare bui cãũnogã yũhu quehnoano wapa yegũ ihña tuhtiajari mũhu?” niahye tiqiro wese uparo, ni yahuri ti queoyere Jesu.

16 Sa nino, yahu nemori tiqiro:
 —Ahri queoye nidiro saha came cãã curua iji mũhtari curua ijirota ahmũsepu. Sa ye iji mũhtari curua pehe tiquina camepu cãã curua tojoarota ahmũsepu, ni yahuri Jesu.

*Pari turi Jesu tiqiro yaria masa wiji-
 atire yahuahye*

(Mr 10.32-34; Lc 18.31-34)

17 Sa ye Jerusalẽpu wahaducu, usãre doce tiqiro buhenare pijio tuhasa, ape sierũ usãre usã sehsaro neari Jesu. Usã sehsaro usã ijigũ usãre yahuri:

18 —Tũhoya yũhũre. Yojoũpũre Jerusalẽpu wahana niaja mari. Topũ yũhũre masũre Cohãcãũ ohorigũre ñehe, apequinapũre yũhũre ohoeta. Pahia pũhtoare, judio masare buheyequina gũhũre yũhũre ohoeta. Sa ye yũhũre wejẽ dutieta tiquina. 19 Sa wejẽ dutiye, judio masa ijieyequinare yũhũre ohoeta. Tiquina sa ohori bato tiquina pehe yũhũre bajũpe, tana, curusapũ quẽ bihaeta yũhũre. Sa yegũ yũhu yariari bato ihtia deco wahaboro masa wijiagũtja, ni yahuri Jesu usãre.

*Santiago, Ñũ mehna tiquina pacoro pehe
 tiquinare sini basahye Jesure*

(Mr 10.35-45)

20 Sa ye Zebedeo namono puaro ticoro pohne mehna Jesu cahapũ esa, dũsepe curi mehna quehe sahye tiqirore sinino taro.

21 —¿Dũhse yũhu yegũ cahmeajari mũhu? niahye Jesu ticorore.

—Mũhu pũhto sajãgũ yũhu pohmare dutiyequina sõña. Sa yegũ mũhu pũa peheripũ duji dutiya tiquinare, ni siniahye ticoro.

22 Jesu ohõ saha niahye:

—Mũsa ñano yũhdũatire masiedapenata sa sinine mũsa. ¿Yojoũpũre yũhu ñano yũhdũato saha mũsa gũhu ñano yũhdũana ihcãno sahaboagari mũsa? niahye Jesu ticoro pohnene.

—Ihcãno sahanata, ni yũhtiahye Santiago, Ñũ mehna.

23 —Ijirota niita niaja mũsare. Yũhu ñano yũhdũato saha ñano yũhdũanata mũsa gũhu. Sa ijiepegũta yũhu mehna dutiatiquinare, yũhu mehna dujatiquinare bese masiedaja yũhu. Yũhu Pacũ pehe quehno tuhasari tire. Sa ye tiqiro beseatiquina dihita yũhu poto pehe yũhu cũ pehe pehe dujieta, niahye Jesu tiquinare.

24 Sa yena usã apequina diez tiqiro buhena pehe Santiago, Ñũ ahriquina puaro mehna usuau usã. Jesure tiquina pacoro ticoro sini basarire tuhona usuau tiquina mehna. 25 Usã sa usuagũ ihñano, Jesu usãre ijipihitina tiqiro buhenare pijio cahmecoa, yahuri usãre:

—Cohãcãũre masieñequina pũhtoa pehe tiquina masare dutiye, usuaro mehna dutiye. 26 Mũsa pehe ne sa yesi mũsa basi. Mũsa mehna cãano pũhtoro iji duaro, ijipihitiyequina tiqiro mehna cããna cahacãano ijio cahmene tiqirore. 27 Sa yero ijipihitiyequinare dutiriqiro iji duaro, apequina cahacãano ijio cahmene tiqirore. 28 Sata ijigũ ijiaja yũhu gũhu. Yũhu masũ Cohãcãũ ohorigũ ahri yehparũre masare yedohogũ ahtau. Sa yegũ peyequina masa ye buhirire yariagu ahtau ni. Sa yegũ masare pecapũ wahaboriquinare yũhdũogũ ahtau ni. Masare dutipegũ tagũ niedũ, nidi Jesu usãre.

*Pũaro caperi bajueyequinare ihñagũ
 yeahye Jesu*

(Mr 10.46-52; Lc 18.35-43)

29 Sa ye Jericõpu ijirina usã wahagũ peyequina masa Jesure nanũ tãri. 30 Sa ye Jesu tiqiro yũhdũagũ puaro caperi bajueyequina maha dahũ cahapũ dujiyequina tuhori. Sa tuhoye, ohõ saha ni sañuducuri:

—Pũhto, Davi mũnano panami iji turiagu, masare yũhdũoacãũ, usãre paja ihñaña, ni sañuducuri.

31 Tiquina sa ni sañuducugũ masa pehe tiquinare tuhtiri.

—Dihta mariaña, nidi masa tiquinare.

Tiquina sa tuhtigũ tuhoye, to pano tiquina sañuducuri yũhdũoro sañuducuri nemori tja.

—Usã pũhto, Davi mũnano panami iji turiagu, usãre paja ihñaña, ni sañuducuri nemori.

32 Tiquina sa nigũ tuhoro Jesu esadũca, tiquinare pijio, sinituri:

—¿Dũhse yũhu yegũ cahmeajari mũsa? ni sinituri.

33 —Pũhto, usãre ihñagũ yeya, ni yũhtiri tiquina.

34 Tiquina sa nigũ Jesu tiquinare paja ihñari. Sa paja ihñano tiquina caperire ña peori. Tiqiro sa ña peogũta tiquina pehe ihñaa wahari. Sa ihñañe, tiqirore nanũ tã cãa wahari.

21

*Jerusalēpu esahye Jesu**(Mr 11.1-11; Lc 19.28-40; Jn 12.12-19)*

¹ Sa ye Jerusalēpu esana tana Betfagē wame tiri macarpu esa mūhtau usā Jesu mehna. Cūnu Olivo wame tidu caharpu Betfagē ijiri. Topu esaro, usā tiquiro buhena mehna cjenare puaro Jesu tiquiro pano oho mūhtari. ² Ohō saha dutiri tiquinare:

—Si macarpu burroare nena wahaya. Topu esana, duita burrore ticoro macanogā mehna tiquina duhte dicatorore bocanata. Tiquinare boca, yuta dare pā, ne cāhta basaya yuhare. ³ Musa sa yegū ihñano, burroa uparo “¿Dahsena tana burroare pājari mūsa?” tiquiro nigū tuhona ohō saha ni yūhtiya. “Mari puhtoro burroare cahmedī. Sa yero mianogā wiarota tiquiro”, ni yūhtiya tiquirore, ni duti ohori Jesu puaro tiquiro buheyequinare.

⁴ Sa yeri Cohācjū yere yahu mūhtariquiro tiquiro ni ojoariro sahata. Ohō sahata ni ojoahye panorpu:

⁵ Jerusalē cjenare ohō saha ni yahuya:

“Ihñaña mūsa. Musa puhtoro mūsa caharpu ahtare. Tiquiro quehnoano masa quehnoariquiro ijire. Burro macanogā bui pesariquiro ahtarota”, ni yahuya Jerusalē cjenare, ni ojoahye panorpu.

⁶ Jesu tiquiro dutiriquina puaro ti macarpu esa, tiquiro dutiriro sahata yeahye tiquina. ⁷ Burrore, ticoro macanogā gūhare ne cāhta, tiquina bui sañañe suhtire tu we ne, burrogā bui duhu peori tiquina. Tiquina sa yeri bato Jesu tiquirogā bui mūja pjeri, waharo taro. ⁸ Mūja pje tuhasa, tiquirogā bui Jerusalēpu wahari. Tiquiro ahtagā ihñaña masa peyequina tiquina bui cje suhtire tu we ne, seō cū mūhtari tiquiro wahari mahare, Jesure ño peoye. Apequina pehe pūri tiye dāpurire maharpu cū mūhtari tiquirore ño peoye. ⁹ Sa ye tiquiro pano wahayequina, tiquiro bato nanu tāñequina mehna sañuducuri:

—Davi panamino iji turiariquirore marine yuhduoatiquirore ño peouhna. Ahriquiro Cohācjū ohoriquiro quehnoano ijjahro. Uhmuse cjanore “Tutuagu ijire”, ni ño peouhna, ni sañuducuri masa.

¹⁰ Sa ye Jerusalēpu tiquina esagū to cjenā pehe ihña maria wahari.

—¿Noa ijjajari ahriquiro? ni cahme sinirtu tiquina.

¹¹ Apequina masa yahtiri:

—Ahriquiro Cohācjū yere yahu mūhtariquiro Nazare cjenā Jesu wame tiriquiro ijire, ni yahuri tiquina masare.

*Cohācjū wuharpu esahye Jesu**(Mr 11.15-19; Lc 19.45-48; Jn 2.13-22)*

¹² Came Cohācjū wuharpu esari Jesu. Ti wuharpu esa, saña wahari. Ti wuharpu duayequinare, dūyequina gūhare cohā wiori tiquiro. Sa yero niñeru comesaye mesarire ne majare cū mūjari. Bujuaare duayequina tiquina dujiye pahitari gūhare sata yeri. ¹³ Sa yero tiquina ohō saha nidi:

—Cohācjū yere tiquina ojoari pūpu ohō saha nine: “Ya wuhū Cohācjū mehna yahuducuri wuhū wame tirota”, nimene tiquiro ojoari pūpu. Mūsa pehe ahri wuharpu duana mūsa basi cahme yaquere mūsa, nidi tiquiro tiquinare.

¹⁴ Tiquiro sa yeri bato caperi bajueyequina, tini masieñequina gūhu Cohācjū wuharpu tiquiro caharpu wihiri. Tiquina sa wihigū tiquinare yuhdagū yeri tiquiro. ¹⁵ Sa quehnoañene tiquiro yegū ihñañe, pahia puhtoa, marine judio masare buheyequina gūhu usuari tiquiro mehna. Sa ye macanogā Jesure “Davi panami iji turiagu, masare yuhduoacuri, tutuagu mūhu”, tiquina ni ño peogū tuhoye usuari pari turi tiquina. ¹⁶ Sa usuaye ohō saha nidi Jesure:

—¿Tiquina sa nigū tuhoerajari mūhu? Sa niedacāhdo, ni tuhtiri tiquina Jesure.

—Tiquina sa nigū tuhoaja. ¿Cohācjū ojoari pūpu ahrire ne buherari mūsa?

Macanagāre Cohācjūre quehnoano ño peogū yeri mūhu, nine Cohācjū yere tiquina ojoari pūpu, nidi Jesu.

¹⁷ Sa ni tuhasa tiquinare cohā cā, Betania wame tiri macarpu esa, ti ñamine topu ijiri.

*Jesu higeragure yaria dutiahye**(Mr 11.12-14, 20-26)*

¹⁸ Ape deco bohrearopu Jerusalēpu tojoaro, uña ahbari Jesu. ¹⁹ Sa uña ahbaro, maha duhtu caharpu ijjidū higeragū wame tidare ihñano, tu dūcare macano wahamedī. Dūca mariedari tu pehe. Pūri dihita ijiri. Tu sa ijjigū ihñano Jesu tare ohō saha nidi:

—Ahdū ne pari turi dūca tisi, nidi tiquiro.

Tiquiro sa nigūta duita tu pehe ñaia wahari. ²⁰ Tu sa wahagū ihñana usā tiquiro buhena ihña maria waharpu.

—¿Yohou, dūshero ahdū duita ñaia waharjari? ni sinittuu usā.

²¹ Jesu yahtiri:

—Ahrire wacūña mūsa. Cohācjūre quehnoano wacū tutuaya. “Potota sa yerota tiquiro”, nina, ahdūre yuhū yeriro sahata ye masinata mūsa gūhu. Sa yena ahdūre yuhū yaria dutiriro yuhduoro ye masinata mūsa. Ahdū canure “Duha ne, pajiri mapu cohādu ijjahro”, mūsa nigū duha cohādu ijjirota. ²² Cohācjūre mūsa wacū tutuagū, “Yuhū sinidiro sahata waharota”, mūsa ni wacūgū mūsa sinidiro sahata waharota, nidi Jesu usāre.

*Jesure dutiriquirore sinituahye apequina**(Mr 11.27-33; Lc 20.1-8)*

²³ Sa ye Cohācjū wahapū tojoa sa, buheri tiqiro. Tiquiro sa buhegū pahia pūhtoā, mari judio masa bācūna mehna tiqiro cahapū wihi, sinituri:

—¿Dahsegu canū űamicahare sa yeari māhū? ¿Noa māhāre tire sa ye dutiari? ni sinituri tiquina.

²⁴ Tiquina sa nigū Jesu yahtiri:

—Mūsa pehere sinitu māhtagutja. Quehnoano yahāre masa queoro yahtigū masare yahutja yahū gūhū. ²⁵ ¿űū masare tiqiro wame yegū noa boro pehe tiqirore wame ye dutiari, masa tāhotugū? ¿O Cohācjū dutierayari? ¿O masa pehe dutiari, masa tāhotugū? ni sinituri Jesu tiquinare.

Tiqiro sa nigū tiquina pehe tiquina basi ohō saha nidi:

—¿Dahse ni yahtinatari mari? “Cohācjū űure dutie tiahye”, mari nigū, “¿Dahsena űū tiqiro dutiepegūta tāho duerari māsa?” niboaga Jesu marine. Sa yena “Cohācjū űure dutie tiahye”, ni yahti masiedaja mari.

²⁶ Ahriquina masa pehe “Potota űū Cohācjū yere yahu māhtariqiro ijiri”, ni tāhoturi tiquina. Sa ni tāhotuye “űū tiqiro wame yegū Cohācjū pehe tiqirore dutierahye”, mari nigū tāhoye masa usueta mari mehna. Sa yena ti gūhāre yahu masiedaja mari, nidi tiquina basi.

²⁷ Tiquina sa nidi bato Jesure yahtiri tiquina.

—űure wame ye dutiriquirore usā masiedaga, nidi tiquina.

Tiquina sa nigū tāhoro ohō saha nidi Jesu:

—Ti pje pūrita yahū gūhū masa sinitu māhtarire yahueraja masare. Yahū yerire dutiriquirore yahueraja masare, nidi tiqiro tiquinare.

Pūaro pacūro queoyere yahuahye Jesu

²⁸ Tiquiro sa nidi bato Jesu queoye mehna buhe nemori tiquinare:

—¿Ne, dahse tāhotuajari māsa ahri queoyere? Pūaro pacūro ijiahye. Wahmino pehere ohō saha niahye tiqiro pacūro: “Macū, wesepū dahragū wahaya”, niahye.

²⁹ “Wahaeraja”, ni yahtimahye tiqiro macūno cōā warore. Sa nieperota camepūre wesepū waha duaro ijiahye tiqirore. Sa yero wahahye tiqiro.

³⁰ Sa yero tiquina pacūro tiqiro macūno dahsariqiro cahapū esa, tiqiro wahminore tiqiro dutiriro sahata wesepū waha dutimahye. “Au”, nimahye dahsariqiro. Sa nieperota wahaerahye tiqiro. ³¹ ¿Diquiro pehe tiqiro pacūro dutiriro sahata yeari? ni sinituri Jesu.

—Tiquiro wahmino pehe yeahye, ni yahtiri tiquina.

Tiquina sa nigū Jesu yahuri:

—Mū sare niita niaja. Wapa ne cohteyequina, amūa mehna űano yeducuye numia tiquina buipū waro māsa pehe űa yahduana ijire. Sa ye Cohācjū pūhtoro ijirōpūre māsa esaborirore tiquina pehe masare esa māhtaboaga. ³² űū wame yeriquiro buhero masare “Quehnoano yeya”, ni yahumedi. Sa tiqiro yahugū dahsariqiro pacūrore tiqiro yahtierariro sahata tiqirore tāhoerari māsa. Sa yena tiqirore yahtierari. Wapa ne cohteyequina pehe, amūa mehna űano yeducuye numia gūhū tiqirore tāhori. Tiquina sa tāhogū ihūari māsa. Mūsa sa ihūaepenata tiqirore ne tāho duerari. Sa yena tāhoerari māsa, nidi Jesu pahia pūhtoare, mari judio masa bācūna gūhāre.

űaűequina dahra cohteyequina queoyere yahuahye Jesu

(Mr 12.1-12; Lc 20.9-19)

³³ Sa ye Jesu pari turi queoye mehna ohō saha ni tiquinare buhe nemori:

—Apeye queoyere tāhoya māsa. Dihta cūoriqiro ijiahye. Tiquiro ya dihtapū ahse darire oteahye. Ote tuhasa, sahrūnōre ye tuhasa, ahserē tiquina cūhta mātoati copere sehe, ahmūari wahugū yeahye.

‘Sa yero ti wesere apequinare ihcā pehe pahre pahma cūahye. Sa yero ti wesere tiquinare ihūa ihbo duti, ape yehpapū wahā wahahye tiqiro. ³⁴ Sa ye ahse űidi pje ijigū wese upūro tiqiro cahacjēnare wesere ihūa ihboyequina cahapū ohoahye. Wese cjē tiqiro oteri dūcare tiqiro ya pahre cjē dūcare ne dutiro ohomahye. ³⁵ Sa ye wesere ihūa ihboyequina pehe tiqiro cahacjēnare űano yeahye. Ihcāqirore tutuaro quē, apeqirore wejē, apeqirore utā mehna doqueahye. ³⁶ Came wese upūro pari turi tiqiro cahacjēnare tiqiro oho māhtariquina yahduo cjūno ijiri curuare ohomahye tja. Sa ye wesere ihūa ihboyequina tiquina gūhāre mānanota yeahye tja.

³⁷ ‘Sa yero tiqiro oho bato tiriquiro tiqiro macūno ijiahye. “Yahū macū pehere űo peota”, nino tiqirore ohomahye.

³⁸ Tiquiro sa ni tāhotuepegūta wesere ihūa ihboyequina tiqiro macūno ahtagū ihūaűe, ohō saha niahye: “Wese upūro macūno ijire ahriqiro. Tiquirore wejēihna mari. Sa yero ahri wese mari ya wese tojoarota”, nimahye tiquina basi. ³⁹ Sa niűeta tiqirore űehe, wese dahūa cahapū ne cā, wejēahye tiquina tiqirore.

⁴⁰ ¿Ne, wese upūro ahtarō dahse yerotari tiqiro wesere ihūa ihboyequinare? ni sinituri Jesu pahia pūhtoare, bācūna gūhāre.

⁴¹ Tiquiro sa nigū tiquina yahtiri:

—Tiquiro apequinare wesere ihūa ihboayequinare comesarota iji māhtaűequinare űa yahduayequinare wejēno taro. Tiquirore

queoro ducare tu watiquina pehere ihña ihbo dutirota, ni yuhtiri tiquina.

⁴² Tiquina sa nigäta Jesu yahu nemori tiquinare:

—¿Cohäcjä yere tiquina ojoari püru ahrire yuhre tiqiro ni ojoarire ne buherari musa?

Ahriqiro Cristo utä yero saha ijire. Utäre wuhu dahreyequina tiquina cohäno saha masa tiqirore cohäeta. Tiquina sa yepögäta vojopäre wuhu dahreyequina wuhure yeye tiquina cü mühtaria utäre tiquina cüno saha Cohäcjä tiqirore puhtoro söri. Cohäcjä pehe ahrire yeri. Tiquiro sa yegü ihñana, “Quehnoa yuhduare”, ni, tuhotuaja mari, ni ojoahire panopu.

¿Tire ne buherari musa? ⁴³ Musare niita niaja yuhu. Cohäcjä tiqiro puhtoro ijiro musa ijiato ijiboaga. Tiquiro puhtoro ijirore apequina pehere musa ijbörorore ohorota Cohäcjä. Apequina masa pehe tiqiro dutiro sahata yeeta. [⁴⁴ Ijipihtiyequina tia utä bui doque queheyequinare müta sitea wahaeta. Sa yero tia utä pehe masuno bui bora pjero mütaa wahagü yerota tiqirore. Tiquiro pagu mananore daye manarigä wahagü yerota. (Sata yuhure ño peo dueyequina yuhu buhiri dahreatiquina ñano yuhdueta.)] nidi Jesu pahia puhtoare, mari acaye judio masa bucana gühure.

⁴⁵ Ti queoyere tiqiro nigü tuhoye, “Sohö tiqiro yahu mühtari queoye, wesere ihña ihboyequina queoye mehna marine nino niaga tiqiro”, ni tuhoturi tiquina. ⁴⁶ Sa ni tuhotuye, tiqirore ñehe duamedü. Masa pehe Jesure ño peo, “Cohäcjä yere yahu mühtariqiro ijire tiqiro”, niñequina ijie tiri tiquina. Tire masiñe, pahia puhtoa, bucana mehna masare cueye, Jesure ñehedari.

22

Pajiri bose deco cjä queoyere yahuahye Jesu

(Lc 14.15-24)

¹ Sa ye pari turi queoye mehna tiquinare buhe ducari Jesu.

² —Ühmuse cjäno puhtoro ijiro ahri queoye yero saha ijire. Ihcä yehpa cjäna puhtoro ijiahye. Sa yero tiqiro macano ya deco bose deco yeahye. Tiquiro omoca dakteri bose deco ijiahye. ³ Sa yero puhtoro tiqiro cahacjäne bose decore ihñañe ahtatiquinare piji dutiro ohomahye. Tiquina pehe ahta duerahye. ⁴ Sa yero apequinare piji dutiro ohomahye tja tiqiro cahacjäne. “Yuhu pijioriquinare ohö saha ni yahuya. ‘Mari ihyatire dahre tuhasari. Wecüare, wecüagä dihi tiyequinagä gühure wejé tuhasari. Sa yero ijipihtiro bose deco cjä ijiatire quehno tuhasari. Sa yena

bose deco cjäne ihyana ahtaya’, ni yahuya tiquinare”, ni ohomahye puhtoro tiqiro cahacjäne. ⁵ Tiquina sa yahuri bato tiqiro pijionohriquina sa tuhotu cähye.

Bose decore ihñañe wahaerahye. Ihcäqiro tiqiro ya wesepu waha wahahe. Apeqiro tiqiro dahrayere ihñano wahahe. ⁶ Apequina pehe tiqiro cahacjäne ñehe, tiquinare ñano ye, wejé cähye. ⁷ Tiquina sa yegü tuhoro, puhtoro pehe usuahye. Usua, tiquina sa wejédi buhiri buhiri dahre dutiro tiqiro surarare ohoahye. Sa ye surara tiquinare wejé peho, tiquina ya macare üjüa cähye. ⁸ Tiquina sa yeri bato, puhtoro tiqiro cahacjäne ohö saha niahye:

“Bose deco cjä ijiatire quehno tuhasamedü. Sa ijepegäta yuhu pijio mühtariquina yuhu bose decore ihñaboriquina ijierare. Ñañequina ijiri tiquina. ⁹ Sa yena macare ijie maharipu dühse ijieyequina musa boca sayequinare bose decore ihñatiquinare pijiya”, niahye tiqiro cahacjäne. ¹⁰ Tiquiro sa nigü tiqiro cahacjäna maharipu waha, ijipihtiyequinare tiquina boca sayequinare, ñañequina, quehnoañequina gühure yahuahye. Tiquina sa pijiri bato esahye tiquina pari. Quehnoano ti bose deco tiquina yeri tucüre masa wahpa yuhduu wahahe.

¹¹ “Topu tiquina dujigü puhtoro pehe ihcäqirore omoca dakteri deco cjä suhtirore sañeniquirore ihñahye. ¹² “¿Ne yahu acaya, dühse yegu omoca dakteri deco cjä suhtirore sañedapeguta sajä tari mühu?” ni sinituahye puhtoro.

“Tiquiro sa sinitugü masuno pehe yuhtierahye. ¹³ Tiquiro sa yuhtieragü ihñano tiqiro cahacjäne ohö saha niahye: “Ahriqirore omocarine duhteya. Tiquiro dahpöcäri gühure duhteya. Duhte tuhasa ne wijia, sopecahapu cohäna tiqirore nahitianopu. Topu tiqiro tutuaro uti, bujua witiro mehna bahque dihöröta”, niahye puhtoro, ni yahuri Jesu.

¹⁴ Tiquiro sa nidi bato ohö saha ni bato tiri tiqiro:

—Ahri queoye ijiro saha Cohäcjä peyequina masa tiqiro pijioriquina ijiepete meheñequinagä tiqiro mehna tojoaeta, ni yahu bato tiri Jesu.

Puhtoa ye wapare apequina sinituahye Jesure

(Mr 12.13-17; Lc 20.20-26)

¹⁵ Tiquiro sa nidi bato fariseo masa waha, tiqirore tiquina yahusätire tiquina basi yahuducuahye. Tiquiro ñano yuhtigü tuho duaye nimahye tiqirore yahusäñe tehe. ¹⁶ Sa yahuducuye tiquina mehna cjäne, Herode ya curua cjäna gühure Jesure sinitu dutiye ohoahye. Tiquina pehe Jesu cahapu wihi, tiqirore meje cü sinitumedi:

—Buhegu, poto yahuducugu ni mehoñe mariegu mahu ijigū masiaja usā. Cohācjū yere queoro mahu yahugū gūhare usā masiaja. Sa yegu ihcāquiro puhtoro waro ijiepegāta tiquiro gūhare dōyaro marieno potota yahure mahu. ¹⁷ Sa yegu usāre yahuya. ¿Roma cjāno ijipihiteyequina puhtoro yere marine wapa yero cahmeajari, mahu tuhutugū? ¿Mari dutiye wapa ye dutiajari, mahu tuhutugū? ni sinitumedi tiquina Jesure.

¹⁸ Tiquina sa nigū tūhoro tiquirore tiquina ñano ye duayere masino ohō saha nidi:

—Masa ihñono dihita quehnoano iji mehona ijire masa. ¿Duhsena yuhu ñano yahuducugū tūho duajari masa? ¹⁹ Yojoṗare niñeru cjoere puhtoare wapa yeati cjoere ne cāhtaya. Ti cjoere ihñahna, nidi tiquiro.

Tiquiro sa nigū tūhoye niñeru cjoere ne cāhtari tiquina.

²⁰ Sa yero tiquiro sinituri tiquinare:

—¿Noa boro queoye wahñajari ahri cjoere? ¿Noa boro wame wahñajari? ni sinituri.

²¹ —César, masa ijipihiteyequina puhtoro queoye, tiquiro wame gūhu wahñare, ni yahtiri tiquina.

Tiquina sa nigū tūhoro Jesu yahuri:

—Ti pje pūrta masa ijipihiteyequina puhtoro yere tiquiro pehere ohoya. Cohācjū yere Cohācjū pehere ohoya, nidi Jesu.

²² Tiquiro sa nigū tūhoye, tūho maria waha, waha wahari.

Saduceo masa Cohācjū tiquiro masoñene sinituahye Jesure

(Mr 12.18-27; Lc 20.27-40)

²³ Sa ye ti decota ihquēquina saduceo masa Jesu caharu wihiri. Saduceo masa pehe “Cohācjū yariariquinare masosi”, ni tuhutuyequina ijiri. Sa ye ohō saha nidi tiquina tiquirore:

²⁴ —Buhegu, ohō saha ni buheahye Moise: “Ihcāquiro wahmino namo tiriquiro pohna mariedaperota yariagū ihñano tiquiro baharore tiquiro wahmino namono ijiricorore nūoano cahmene. Sa yero wahmino mūnāno tiquiro pohna tiboriro saha pohna tiro cahmene tiquiro baharore. Sa ye tiquiro pohne tiquiro wahmino mūnāno pohne yero saha ijieta”, ni ojoahye Moise, nidi tiquina saduceo masa.

²⁵ Tire sa ni yahu tuhāsa ahri queoyere yahu nemori tiquina Jesure:

—Ihcāquiro masūno ijiahye. Seis bahana tiahye tiquiro. Tiquina wahmino pehe namo ti, pohna mariediquiro yariaa wahahye. Sa yero apequiro tiquiro baharo gūhu tiquiro wahmino namono ijiricorore nūoahye. ²⁶ Sa nūoari bato tiquiro wahmino yero sahata pohna mariedaperota yariaa wahahye tja. Sa yero ahriquiro baharo

tiquiro wahmino mūnāno yero sahata pohna mariedaperota yariaa wahahye. Sa dihita wahahye ihcāquiro pohne waro. Ne pohna mariedapeta yaria pihita wahahye tiquina. ²⁷ Tiquina namono ijiricoro gūhu tiquina bato yariaa wahahye. ²⁸ ¿Cohācjū ijipihiteyequinare yariariquina mūnāre tiquiro masogū diquiro boro namono pehe ijiboagari ticoro? Tiquina ijipihiteyequina ticorore namo tiriquina mūna ijiahye. ¿Sa yero diquiro namono pehe ijiboagari ticoro pototi? ni sinituri tiquina.

²⁹ Jesu yahtiri tiquinare:

—Cohācjū yere tiquina ojoari pūre, tiquiro masiñe gūhare ne masiedare masa. Sa ye masa tuhutuye pehe ne poto ijierare. ³⁰ Yariariquina mūna tiquina masa mūjari bato tiquina angele yero saha ijire. Namō marieñequina, manū marieñe numia ijire topare. ³¹ Yariariquina mūna tiquina masa wjiato pehere masare yahutja. ¿Cohācjū masare tiquiro nidire ne buherari masa? Ohō saha niahye tiquiro. ³² “Yuhu Abrahā, Isaac, Jacob tiquina puhto ijiaja”, nine Cohācjū”, ni ojoahye panopare. Tiquina yariari bato “Tiquina puhto ijiaja”, ni yahuahye Cohācjū. Sa nieperota yariariquina mūna puhtoro ijierare Cohācjū. “Tiquina puhto ijiaja”, tiquiro niñe mehna catiyequina tiquina ijigū masiaja mari. Tiquiro catiyequina puhtoro ijire, ni yahuri Jesu tiquinare.

³³ Tiquiro sa ni buhegū tūhoye peyequina masa tūho maria wahari.

Quehnoa yuhduari dutirore yahuahye Jesu

(Mr 12.28-34)

³⁴ Sa ye saduceo masa Jesure tiquina yahti masiedagū tūhoye, fariseo masa pehe tiquiro caharu cahmecoari. ³⁵ Sa yero tiquina mehna cjāno marine judio masare buheriquiro pehe Jesu tiquiro ñano nigū tūho duaro meje cū sinitumedi tiquirore.

³⁶ —¿Buhegu, Cohācjū ye dutiro quehnoa yuhduari dutiro noho pehe ijiajari, mahu tuhutugū? ni sinituri tiquiro.

³⁷ Jesu tiquirore yahtiri:

—“Tutaro masa jeripohna mehna, masa tutuaye mehna, quehnoano masa wacūñe mehna Cohācjūre cahñā”, nine Cohācjū.

³⁸ Ahri dutirota ijire quehnoa yuhduari dutiro apeye dutiye yuhduoro. ³⁹ Ahri dutiro bato apero dutiro quehnoa yuhduare: “Mahu basi mahu cahñā saha mahu caharu ijieyequina gūhare cahñā”, nine Cohācjū.

⁴⁰ Ahri pua dutirota apeye dutiye gūhare masi pehogū yere. Ahri pua dutirore yena, ijipihiteyapeye dutiyere ye pehona niaja mari. Cohācjū yere yahu mūhtariquina panopu tiquina ojoari gūhare yena niaja mari, ni yahuri Jesu.

Cristo Davi manano puhtoro ijire
(Mr 12.35-37; Lc 20.41-44)

⁴¹ Sa ye fariseo masa topu cahme-coañequina tiquina ijigū Jesu tiquinare sinituri:

⁴² —“Cristo Cohācjū tiquiuro ohoatiquiuro ijire”, nine masa. ¿Noa boro ijajari tiquiuro ñecano manano panopu cjāno, masa tuhotugū? nidi tiquiuro.

—Cristo Davi manano panamino iji turiariquiuro ijirota, ni yahtiri tiquina.

Jesu yahuri:

⁴³ —¿Cristo Davi manano panamino iji turiariquiuro tiquiuro ijigū dahse yero Davi pehe puhtoro tiyari Cristore? ¿Dahse yero sa puhtoro ti dutiyari Espiritu Santo tiquiore? Ohō saha niahye Davi:

⁴⁴ Cohācjū yuhu puhtorore ohō saha nidi: “Ohōpu yuhu poto pehepu dujiya. Sa yegu mahare ihña tuhtiyequinare mahare yuhduca basautja yuhu”, nidi Cohācjū yuhu puhtorore, ni ojoahye Davi.

⁴⁵ Sa ni ojoarota Davi puhtoro tiahye Cristore. ¿Davi Cristo ñecano iji turiariquiuro ijiro dahse yero tiquiuro puhtoro tiyari Cristore? Cristo Davi puhtoro ijire, ni yahuri Jesu.

⁴⁶ Tiquiuro sa ni yahugū tiquina tiquiore ne yahti masiedari. Sa ye to punota sinitu duhu cāri tiquina tiquiore. Sa ye cueye, pari turi sinituerari tiquiore.

23

Judio masare buhyequina, fariseo masa gāhu tiquina ñano yeyere yahuahye Jesu
(Mr 12.38-40; Lc 11.37-54; 20.45-47)

¹ Sa ye peyequina masare, usā gāhure Jesu yahuri tja.

² —Marine judio masare buhyequina fariseo masa gāhu Cohācjū dutiye Moiseri tiquiuro cūrire yahuyequina ijire tiquina.

³ Tiquina sa yahuyequina ijigū masare tiquina yahuriro sahata tire ye pehoya masa. Sa yepenata tiquinare ihña cūedacāhña masa. Tiquina buheriro sahata yerare tiquina. ⁴ Masare peye dutire tiquina. Sa dutiepeti tiquina dutiro saha masa yeragū ihñañe tiquinare yedohoerare.

⁵ Masa tiquina ihñono dihita quehnoano ye ihñomene tiquina. Cohācjū yere tiquina ojoari pūre tiquina duhu sñe acarigāre, buju cūñe acarigāre tiquina wāhda bui dahte yori, masare ihña dutiye. Tiquina omocari gāhure dahte yori. Sa ye tiquina suhti tu pjeri da bui tiquina ohōri da ehsa yuhduari da ijire. Cohācjūre tiquina ño peorire masa pehere ye ihñone nimene tiquina. Ti queoro ijierare tiquina sa ye ihñone. ⁶ Sa ye bose decori ijigū puhtoa tiquina dujiyepu duji duare. Sa

ye judio masa mari buheye wāhūseru gāhure quehnoañe dujiye pahtari dihitate cahmene tiquina. ⁷ Sa ye doeri cjē duaropu apequina puhtoare quehnoano ño peo tiquina sinino saha tiquina piti cagū cahmene tiquina. Tiquinare “Buhegu”, masa tiquina ni pisugū cahmene.

⁸ Apequina masare pisuye “Buhegu”, niedacāhdo. Masa ijiphtina ihcāno saha ijina nine. Sa yegu masare buhegu ihcāta ijiaja. ⁹ Sa yena ahri yehpa cjēnare “Mari pacu”, nina tiquinare ño peona niaga. Ne sa niedacāhña. Ūhmuse cjāno dihita mari Pacu ijire. Tiquiuro dihitate ño peoro cahmene marine. ¹⁰ Sa yena masanore “Puhto”, niedacāhña. Masa puhto yuhu Cristo pehe ihcāta ijiaja. ¹¹ Cahacjāno yero saha masare yedohoriquiuro tiquiuro ijire masa puhtoro ijiatiquiro. ¹² Ihcāquiuro puhtoro iji duaro tiquiore ihyo ijiriquiro yero saha ijiro cahmene. Sa yero “Ihyo ijigu ijiaja yuhu”, ni tuhoturiquiro pehe puhtoro ijirota, ni yahuri Jesu.

Judio masare buhyequina, fariseo masa mehna tiquina ni mehoñene yahuahye Jesu

¹³ Tiquiuro sa nidi bato tiquinare yahu nemori:

—Masa judio masare buhena, fariseo masa gāhu ñano yuhduata. Masa ihñono dihita quehnoano iji mehona ijire masa. Sijoro saha masa buhegu tuhoye masa pehe Cohācjū puhtoro ijirorure wahasi. Masa gāhu topure wahasi. Sa yena topure waha duayequinare cahmotare masa.

[¹⁴ ‘Masa judio masare buhena, fariseo masa gāhu ñano yuhduata. Masa ihñono dihita quehnoano iji mehona ijire masa. Wape wiha numia ye wāhūseru tiquina cuoye gāhure ehmare masa tiquina numiare. Sa yena yoari pje masa ihñonopu Cohācjūre sini ihñomene masa masare. Masa sa yeri buhiri peyequina yuhduoro Cohācjū buhiri dahrerota masare.]

¹⁵ ‘Masa judio masare buhena, fariseo masa gāhu ñano yuhduata. Masa ihñono dihita quehnoano iji mehona ijire masa. Pajiri mapu pehā, yoaro cjē yehparipu wahare masa, masa dutiyere yeatiquiore macana tana. Masa dutiyere yeatiquiore boca, tiquiore buhere. Masa sa yegū tiquiuro pehe masa yuhduoro pecapu wahatiquiuro ijirota.

¹⁶ ‘Masa ñano yuhduata. Caperi bajueyequina tiquina ihña masieno saha masiena ijire masa. Sa ijiepenata apequinare buhemene masa. Ohō saha ni buhemene masa: “ ‘Cohācjū wāhu mehna yuhu nino sahata yetija’, nidiquiro, tiquiuro nidiro sahata yerapegūta quehnoanota”, ni buhemene masa. “ ‘Cohācjū ya wāhu cjē uru mehna yuhu nino sahata yetija’, nidiquiro tiquiuro pehere tiquiuro nidiro

sahata ye sohtori tiro cahmene”, ni ti gūhare buhemene masa. ¹⁷ Caperi bajueyequina tiquina ihña masieno saha masiena ijire masa. Tuho masiena ijire. ¿Dise boro pehere ño peoro cahmeajari? Urure ño peoraro cahmene. Cohācjū pehe ti uru ti wuhupū ijigū quehnoañe ijigū yere tire. Sa yena ti wuhū pehere ño peoro cahmene masare. Sa ye masa buheye pehe queoro ijierare. ¹⁸ Ahri gūhare buhemene masa: “Cohācjū wuhū cjā altar mehna yuhū nino sahata yeitja”, nidiquiro tiquiro nidiro sahata yeragū quehnoanota”, ni buhemene masa. “Ti altar bui ijije mehna Cohācjūre tiquina ohori mehna yuhū nino sahata yeitja”, nidiquiro tiquiro pehere tiquiro nidiro sahata ye sohtori tiro cahmene”, ni buhemene masa. ¹⁹ Caperi bajueyequina tiquina ihña masieno saha masiena ijire masa. ¿Dise boro pehe ti waro ijiajari, masa tūhotugū? Cohācjūre masano tiquiro ohori ti waro ijiera cjūre. Ti altar bui Cohācjūre tiquiro ohogū, quehnoañe wahare ti altar bui ijije. Sa yero ti altar pehe ihyo ijiri altar ijierare. Cohācjūre tiquina ohori bui cjūnogā quehnoari altar ijire. ²⁰ Sa yero “Cohācjū wuhū cjā altar mehna yuhū nino sahata yeitja”, ihcāquiro nino, ti altar bui cjē tiquiro ohori mehna sa nino niaga. Sa ye masa buheye pehe queoro ijierare. ²¹ Sa yero “Cohācjū wuhū mehna yuhū nino sahata yeitja”, ihcāquiro nino, potota Cohācjū mehnata sa ninota niaga. Cohācjū ti wuhū cjāno ijire. ²² Sa yero “Uhmuse mehna yuhū nino sahata yeitja”, ihcāquiro nino, Cohācjū ijirorū mehnata sa nino niaga. Sa yero Cohācjū mehnata sa nino niaga. Tiquiro pehe to cjāno ijire. Sa ye masa buheye pehe queoro ijierare.

²³ Masa judio masare buhena, fariseo masa gūhū ñano yuhdanata. Masa ihñono dihita quehnoano iji mehona ijire masa. Moa yero saha ijijere ihyayere ocagū yeyere cūona mehenogā ohomene masa. Cohācjūre ño peona tana pahiare ohomene masa. Mehenogā ohomene masa. Menta, anís, comino wame tiye ocagū yeyere ohomene masa. Sa ohoopenata quehnoañene yerare masa. Sa yena masare paja ihñedare masa. Sa yena Cohācjūre wacū tutuere masa. Oteye dūcare masa nedire mehenogā pahiare masa ohogū quehnoare. Sa ohona ohō saha ye nemoña: Quehnoañene yeya. Sa yena paja ihñaña masare. Sa yena Cohācjūre wacū tutuaya. ²⁴ Caperi bajueyequina tiquina ihña masieno saha masiena ijire masa. Ohō saha yere masa: Masa ye dutiyere ye dutina, ihyo ijijegā warore dutiyere yere masa. Sa yepenata Cohācjū pototi tiquiro dutiye warore yerare masa.

²⁵ Masa judio masare buhena, fariseo masa gūhū ñano yuhdanata masa. Masa

ihñono dihita quehnoano iji mehona ijire masa. Masa waparire, masa sihniñe waparire bui masa cosero saha quehnoañene ye ihñore masa buigā warona. Sa yepenata Cohācjū yere queoro yerare masa. Apequina yere ehmana, masa basi dihita bajuyere ne duana ijire masa. Sa dihita tūhoture masa. ²⁶ Caperi bajueyequina tiquina ihña masieno saha masiena ijire masa fariseo masa. Masa jeripohnarine comesaya masa. Quehnoañe pehere yeya. Masa sa yena masa tiquina ihñonorū quehnoana ijinata masa.

²⁷ Masa judio masare buhena, fariseo masa gūhū ñano yuhdanata. Masa ihñono dihita quehnoano iji mehona ijire masa. Masa cope, yehseye mehna tiquina wisōri cope yero saha ijire masa. Masa ti copere tiquina ihñagū quehnoari cope bajure. Sa bajuepegūta, puhaparū ahbariquirore, tiquiro cohārine, ñañene ihñedare tiquina. ²⁸ Sata masa gūhū masa ihñonorū quehnoañequina yero saha bajumene masa. Sa quehnoañequina yero saha bajuna masa ijiepegūta masa tūhotuyepū ñañe, ni mehoñe iji yuhduare ahbaye yero saha, ni yahuri Jesu.

Judio masare buheyequina, fariseo masa gūhare tiquiro buhiri dahreatire yahuahye Jesu

²⁹ Sa ni tuhasa ohō saha ni yahu nemori tiquinare:

—Masa judio masare buhena, fariseo masa gūhū ñano yuhdanata. Masa ihñono dihita quehnoano iji mehona ijire masa. Cohācjū yere yahu muhtarēquina panorū cjēna tiquina masa copere quehnoano quehnomene masa, tiquinare ño peoro saha yena. Sa yena quehnoano yeyequina muna tiquina queoyere masa yeri queoyere quehnoano quehnomene masa.

³⁰ Sa yena ohō saha niducumene masa: “Panorūre usā ñecusumua iji turiayequina muna tiquina yeriro saha usā pehe yeraboaga. Ti jepu ijijequinare Cohācjū yere yahu muhtariquinare usā wejēdaboaga”, niducumene masa. ³¹ Sa nina masa ñecusumua iji turiayequina Cohācjū yere yahu muhtariquinare wejēdiquina muna tiquina yerire ihñona nine. Tiquinare wejēdiquina muna tiquina panamena iji turiana masa ijije gūhare ihñona nine masa. ³² Masa ñecusumua iji turiayequina muna tiquina yeriro sahata ye sohtori ticūnahña.

³³ Añaña yero saha ña yuhduna ijire masa. Masa ñañe yerire bujua witi duerana Cohācjū masa ñañe buhirire pecarū masare tiquiro cohāto pano duhti masiedare masa. ³⁴ Sa yegu masare niita niaja. Cohācjū yere yahu muhtariquinare, apequina quehnoano masifequinare, apequina

mūsare buheatiquinare mūsa cahapū ohoutja. Yūhū sa ohogū mūsa pehe ihquēquina tiquinare wejēnata. Apequinare curusapū quē bihanata. Apequinare mūsa buheye wūhūsepū tananata. Sa yena macariperū tiquinare űano yena, oma nūhū tānata mūsa. ³⁵ Mūsa sa yena ijipihitiyequina űaűe marieűequinare mūsa wejēdi buhiri buhiri tinata. Abe mūnanore Caī wejēdi buhiri ijipihitina mūsa gūhū buhiri tinata. Ijipihitiyequina tiquiuro bato ijiyequinare quehnoaűequinare tiquina wejēdi buhiri gūhūre buhiri tinata mūsa gūhū. Sa yena Cohācjū wūhū cahapū wahiquinare mūsa ohori altar cahapū Zacariare wejēahye mūsa. Tiquiuro pehe Berequia macūno ijiahye. Sa yena tiquiuro gūhūre mūsa wejēdi buhiri buhiri tinata mūsa. ³⁶ Ijirota mūsare yahugata niaja. Tiquina ijipihitiyequinare tiquina wejēdi buhiri yojopū cjēna gūhū buhiri tieta, ni yahuri Jesu.

*Jerusalē cjēnare tutuaro cahīahye Jesu
(Lc 13.34-35)*

³⁷ Sa ni tuhasa ohō saha ni nemori:

—Ahyou, Jerusalē cjāna, Cohācjū yere yahu mūhtariquinare wejēdina ijire mūsa. Mūsa acaye panopū cjēna gūhū sata yeyequina mūna ijiahye. Sa yena mūsa cahapū tiquiuro ohoriquinare utā paca mehna doque wejēdina ijire mūsa. Canaca ticoro pohnene ticoro wūye dūpūri mehna ticoro moħa cuħano saha peye tahari cahīducumi mūsare. Mūsare cahmemi. Mūsa pehe yūhūre ne cahmedari. ³⁸ Yojopū mūsa ya maca cohōri maca ijirota. ³⁹ Ijirota mūsare niita niaja. Camerū ahtaataja yūhū. Sa yūhū ahtagū ihñana mūsa yūhūre “Cohācjū tutuaye mehna ahtariquiuro quehnoahdo”, ninata. Yūhūre mūsa tire niato pano yūhū tojoa tato pano pari turi yūhūre ihñasi mūsa, nidi Jesu tiquinare.

24

—Cohācjū wūhū cohāri wūhū ijirota, ni-ahye Jesu

(Mr 13.1-2; Lc 21.5-6)

¹ Sa ye Cohācjū wūhūpū ijiriquiuro Jesu tiquiuro wijia wihigū usā tiquiuro buhena ti wūhūre ti wūhū cahapū ijiye wūhūse gūhūre ihñana,

—Quehnoa yūhūdūye wūhūse ijicjoare. Ihñāna mūhū gūhū, niī usā tiquiore.

² Jesu yūhtiri:

—Ahri wūhūserere yojopūre ihñamene mūsa. Mūsare yahugata niaja. Ahri wūhūserere ijipihitiye mūsa ihñari, ahri wūhūse cjē utā paca gūhūre cohā pehoeta. Ne ihcāria utā tojoasi, nidi tiquiuro usāre.

*Pihitiri deco ijiatire yahuahye Jesu
(Mr 13.3-23; Lc 21.7-24; 17.22-24)*

³ Came Olivo wame tidū cūhūpū esa, topū dujiri Jesu. Topū dujigū usā tiquiuro buhena usā sehšaro tiquiuro cahapū esau.

—Yahuya usāre. ĶDūhse ijigū sa waharotari mūhū nidiro saha waharo? ĶAhri yehparū mūhū tojoa tati deco, pihitiatu deco panogā ijigū dūhse ti waha dūcagū ihñanataru usā? ni sinituu usā.

⁴ Jesu yūhtiri:

—Quehnoano yeya mūsa. Sa yena mūsare apequina tiquina ni mehoűene tūhoeracāhña. ⁵ Peyequina masa “Cristo ijiaja yūhū”, ni mehoűequina ahtaeta. Tiquina sa ni mehogū tūhoye peyequina masa Cohācjū yere duhueta. ⁶ Mūsa cahagāpū masa apequina tiquina cahme wejēgū tūhonata mūsa. Sa yena yoaropū gūhūre tiquina cahme wejēgū tūhoonata mūsa. Sa tūhooopenata ne tire pajiro wacūedacāhña. Sa waharota. Tiquina sa yegū pihitiatu deco dūhsarīnata. ⁷ Ti pjere ihcā yehpa cjēna ape yehpa cjēna mehna cahme wejēeta. Sa ye ihcāquiuro pūhtoro yequina apequiuro pūhtoro yequina mehna cahme wejēeta. Sa ye peyequina masa űjua mehna yarieta. Sa yero peye yehparipū yehpa űhūminota. ⁸ Sa wahagū ahri yehpa cjēnare tiquina űano yūhūdū nemoato dūhsarota ti pjere. űano yūhūdū nemoeta.

⁹ ĶTi pjere apequina mūsare űehe, űano ye dutiye ohoeta mūsare apequina pūhtopāre. Tiquina sa ohogū mūsare wejēeta. Yeequina masa ijiri buhiri ijipihitiyequina mūsare ihñā tuhtietā. ¹⁰ Ti pjere peyequina yeequina ijimediquina yūhūre cohāeta. Sa ye tiquina mehna cjēnare tiquina ihñā tuhtietā. Sa ye tiquina mehna cjēna tiquina ijiepegūta tiquinare űano yeatiquinare ohoeta tiquina. ¹¹ Ti pjere peyequina “Cohācjū yere yahu mūhtana ijiaja”, ni mehoűequina ijietā. Sa ye peyequina masa tiquina ni mehoűene tūhoeta. ¹² Ti pjere űa yūhūdūaro yeeta masa. Sa ye tiquina mehna cjēnare cahī nemosi. ¹³ Sa yena masa tutuana ijina, ahri yehparū mūsa catinino puno ihcāno sahana, yūhūdnata mūsa. ¹⁴ Sa yero ahri quehnoaűe buheye ijipihitiropū ahri yehparūre tiquina yahuri buheye ijirota. Cohācjū pūhtoro ijiyere yahuri buheye tiquina yahu siteri buheye ijirota, ijipihitiyequina ti buheyere tiquina masiatu saha. Tiquina sa yahuri bato pihitiri deco dūcarota.

¹⁵ ĶCohācjū yere yahu mūhtariquiuro Daniel mūnāno panopū cjūno űa yūhūdūariquiore Cohācjū yere űano yeriquiore yahue tiahye panopūre. Ti pjere tiquiuro űariquiuro pehe Cohācjū ya wūhūpū tiquiuro dūcugū ihñanata mūsa. Ahri yūhū nidire quehnoano masiűa mūsa. ¹⁶ Topū tiquiuro dūcugū ihñāne, Judea

yehparu ijiyequina pehe canu caharu oma duhtiaho. ¹⁷ Sojaro mehna oma duhtiaho. Ti pjere tiquina wuhuseri bui cjê paaripu ijiyequina wuhu puhiahu ijiyere tiquina yere neñe wahaeracâhdo tiquina umañano waharo. ¹⁸ Sa ye ti pjere apequina wesaripu ijiyequina tiquina bui cjê suhti wuhuru ijiye suhtire neñe wahaeracâhdo tiquina umañano waharo. ¹⁹ Ti pjere nihi pacosânunia, tiquina pohne apũoñe numia gâhu pejecoro wahaeta. ²⁰ Sa yena Cohâcjüre ohô saha ni siniña: “Pohecû ijigû judio masa usâ soye decori ijigû gâhure usâ oma duhtiatî deco ijieracâhdo”, ni siniña masa Cohâcjüre. ²¹ Ti decorire masa ña yuhduaro wahaeta. Ahri yehpare tiquiro bajumehnedi bato masa ñano yuhdue tiahye. Tiquina sa yuhduepegûta ijiptiye ti puriñe yuhduoro pihtiri deco panogâ ña yuhduaro yuhdueeta masa. Sa ñano tiquina yuhdari bato pari turi sata ñano yuhdusi ahri yehparu. ²² Cohâcjû ti decorire meheñe decorigâ ijigû yerota. Tiquiro sa yeragû ne ihcâquiro masano yuhdueraboaga. Sa yero tiquiro beseriquina tiquina yuhduatire meheñe decorigâ cûnota Cohâcjû.

²³ Ti pjere apequina musare “Ihñaña. Ohõru ijire Cristo”, tiquina nigû tiquinare tahoeracâhña. “Topu ijire Cristo”, tiquina nigû tiquinare tahoeracâhña. ²⁴ “Cristo ijjaja”, ni mehoñequina, “Cohâcjû yere yahu muhtarina ijjaja”, ni mehoñequina ijietâ ti pjere. Sa ye Cohâcjû tiquiro beseriquinare ni mehoñe, tiquina bajumehneñe ye ihñoeta. Cohâcjû yequinare Cohâcjüre tiquina cohâgû ye duare tiquina ni mehoñequina. ²⁵ Ahri ijiptiye yahu yuaja musare ti sa wahato pano. Sa yena tuhoya masa. ²⁶ Apequina masa musare “Ihñaña. Masa marienoru ijire Cristo”, tiquina nigû torure ihñana wahaeracâhña. Sa yena “Ohõru ahri tucûripu ijire tiquiro”, tiquina nigû tiquinare tahoeracâhña. ²⁷ Yuhu masu Cohâcjû ohorigu wacûeno mehna tojoa taatja. Upo miadoqueoro umusere asû mûja taroru, asû sajãnoru wacûeno mehna ti miadoqueoro saha wacûeno mehna tojoa taatja yuhu. ²⁸ Masa tiquina ñañe yeducuriopu toru Cohâcjû tiquina ñañe buhiri buhiri dahrerota tiquinare, ni yahuri Jesu.

Cristo ahri yehparu tiquiro tojoa tatire yahuahye tiquiro

(Mr 13.24-37; Lc 21.25-33; 17.26-30, 34-36)

²⁹ Sa ye tiquinare yahu nemori:

—Ti ñano yuhduye decori bato asû deco cjãno, ñami cjãno gâhu buhrio duhuetâ. Tiquina sa wahagû ñahpicoha paca umusere ijiye paca bora dijia taeta. Sa ye umuse cjê yehpari, ñahpicoha gâhu ti sa

wahaducurore comesaeta. Sa ye ñuhmieta. ³⁰ Ti pjeta yuhu masu Cohâcjû ohorigu umusere yuhu bajumehnenore yuhu ihñogû ihñæta masa. Sa ye ijiptiye cururi cjêna utieta. Sa yegu yuhu tutuaye mehna, yuhu asi siteye mehna umuano cjê ehmeo cururi bui ahri yehpare yuhu tojoa tagû ihñæta tiquina. ³¹ Corneta bisirota. Sa yegu yeequina angelere ijiptiropu ahri yehparu ohoutja yuhu. Sa ye ijiptiropu yeequina yuhu beseriquinare tiquina neeta.

³² Yojopure higueraure tãhotuya masa. Tu queoye mehna musare buheitja. Tu yucugu puri tigû ihñana, cãhma mehenogâ dahsagû masine masa. ³³ Sata ahri ijiptiye yuhu nidire ti sa wahagû ihñana, yuhu tojoa tato mehenogâ ti dahsagû masinata masa. ³⁴ Ijirota niita niaja musare. Ti pje cjêna tiquina yariato pano ijiptiye yuhu nidiro sahata sa waharota. Umuse, ahri yehpa gâhu pihtia waharota. ³⁵ Yuhu yahuducuye pehe ne comesasi. Ijiptiye yuhu nidiro sahata sa waha sohtori tirota.

³⁶ Ti decore yuhu tojoa tati decore, ti hora gâhure masiedaja yuhu. Angele gâhu tire masiedare. Masa gâhu masiedare. Yuhu Pacu dihita tire masine.

³⁷ Noé tiquiro ijiri pje cjêna tiquina ijiriro sahata ahri yehparu yuhu tojoa tato panogare sata ijietâ masa. ³⁸ Yehpa miniato pano masa ihya, sihni, yeahye. Sa yeye umua, numia mehna omoca duhteahye. Noé gâhu yucasapu tiquina sajãto pano sa yee timahye masa. ³⁹ Duita tutuaro acoro ahta, wacûeno mehna yehpa minia wahahye. Masa gâhu mini pihtia wahahye. Wacûeno mehna tiquina minidiro saha yuhu masu Cohâcjû ohorigu ahri yehpare wacûeno mehna tojoa taatja. ⁴⁰ Ti pjere wesepu puaro dahrayequina ijigû ihcâquiro yuhure cahmediquirore neitja. Sa yero yuhure cahmediquiro toru tojoarota. ⁴¹ Ti pjere puaro numia ihcãnoru tiquina trigore ña mutofequina numia ijigû ihcãcoro yuhure cahmedicoro neitja. Sa yero yuhure cahmedicoro topata tojoarota.

⁴² Quehnoano wacû masi cohteya. Yuhu masa puhto, yuhu tojoa tati decore ne masiedare masa. ⁴³ Ahrire wacûna. Yaqueriquiro wuhuru tiquiro sajã yaqueato panore wuhu upuro masino, ti ñami tiquiro cariedaboaga, yaqueriquiro cohtero. Sa yero yaqueriquiro tiquiro ya wuhuru sajã dutieraboaga. Yaqueriquiro tiquiro wacûeno mehna tiquiro ahtariro saha wacûeno mehna ahtaatja yuhu. ⁴⁴ Sa yena yeere sa yeducuna yuhure cohteya. Yuhu masu Cohâcjû ohorigu ahri yehparu tojoa tagu wacûeno mehna ahtaatja, nidi Jesu.

Apequiro dahra cohteriquiro tiquiro

puhtorore ño peo, apeqüiro ño peoerare
(Lc 12.41-48)

⁴⁵ Sa ye Jesu queoye mehna ohõ saha ni buhe nemori tja:

—Dahra cohteriquiro tiqüiro puhtorore ño peoriquiro tuho masiniqüiro ijire. Tiqüiro sa ijigü ihñano apeqüina dahra cohteyequina bui cüre tiqüirore tiqüiro puhtoro pehe waharo taro. Sa tiqüirore cü tuhasa wahaa wahare puhtoro. Sa yero ihyari pje ijigü dahra cohteriquiro apeqüinare ihyayere itire. ⁴⁶ Came puhtoro tiqüiro ya wuhapu tojoa wihire. Tiqüiro tojoa wihigü ihñano dahra cohteriquiro pehe tiqüiro puhtoro dutiriro sahata ye pehoriquiro ijiro, bucueriquiro ijirota. ⁴⁷ Ijirota musare niita niaja. Tiqüiro sa yegü ihñano tiqüiro puhtoro ijipihtiye tiqüiro yere ihña ihboriquiro cünota tiqüirore. ⁴⁸ Sa yepegüta ñariqüiro dahra cohteriquiro pehe “Yuhü puhtoro bajuerare”, nino, ⁴⁹ apeqüina dahra cohteyequinare quepe, pajiro ihya, sihni, quehoyequina mehna queherota. ⁵⁰ Came tiqüiro puhtoro wacüeno mehna tojoa tarota. Ti deco, ti hora gähure ne masiedare dahra cohteriquiro. ⁵¹ Puhtoro pehe tojoa taro ñariqüiro tiqüiro ñano yerire tuhorro, tiqüirore tutuaro buhiri dahrerota. Sa yero ni mehoñequina tiqüina waharopu cohñota tiqüirore. Topare tiqüiro tutuaro uti, bujua witiro mehna bahque dihorota, ni yahuri Jesu.

25

Pua omope nuhmia queoye mehna buheahye Jesu

¹ Sa ye Jesu pari turi queoye mehna ohõ saha ni buhe nemori tja:

—Uhmase cjäno puhtoro tiqüiro ijiye ahri queoye yero saha ijire: Pua omope nuhmia ijiahye. Ihcã ñami tiqüina sihõñe paca mehna omoca dũhteatiqüirore piti caye wahahye. ² Tiqüina mehna ihcã omope numia tuho masieñequina numia ijiahye. Apeqüina numia pehe ihcã omope numia tuho masieñequina numia ijiahye. ³ Tuho masieñequina numia pehe tiqüina sihõñe pacare, pose tiye pacare nemahye. Apee pacare uhse pose tiye pacare ti pihtigü tiqüina pioborire nedahye. ⁴ Tuho masieñequina numia pehe tiqüina sihõñe paca uhse pose tiye pacare neahye. Apee paca tiqüina pioati paca gähure neahye. ⁵ Sa ye omoca dũhteatiqüiro tiqüiro bajueragü tiqüina numiare wujua purigü caria wahahye. ⁶ Sa yero ñami decopu sañuducugü tuhoahye. “Tũhoya. Omoca dũhteatiqüiro ahtaro ca tare. Tiqüirore piti cana ahtaya”, ni sañuducugü tuhoahye. ⁷ Tiqüiro sa nigü tahoye numia wahcã, tiqüina ye

sihõñe pacare quehnoahye. ⁸ Sa ye tuho masieñequina numia pehe apee numia tuho masieñequina numiare ohõ saha niahye: “Ušã sihõñe paca yatiro nine. Sa yena mehenogã musa ye uhsero ohoya usãre”, ni sinimahye tiqüina numia. ⁹ Tiqüina sa siniepegüta tuho masieñequina numia ohõ saha yuhtiahye: “Ušã ye uhse mari ijipihtinare esa tuhaeraboaga. Sa yena uhse cwoyequinare musa basi ihña wahaya”, ni yuhtiahye tuho masieñequina numia pehe. ¹⁰ Sa ye tuho masieñequina numia düye wahahye. Tiqüina sa wahari bato omoca dũhteatiqüiro wihiahye. Tiqüiro wihigü ihña tiqüina yere quehno tuhasariqüina numia tuho masieñequina numia tiqüirore piti cahye. Piti ca bose deco omoca dũhteri decopu tiqüiro mehna ihñañe wahahye. Sa ye bose decore tiqüina yeri wuhapu apeqüina mehna numia tiqüina sajãri bato, sopecahare biha cãhye. ¹¹ Cameru tuho masieñequina numia pehe wihimahye. “Puhto, usãre pũohña”, nimahye tiqüina numia. ¹² “Ijirota musare niita niaja. Musare masiedaja yuhü”, niahye tiqüiro tiqüina numiare.

¹³ ‘Sa yena tuho masieñequina numia tiqüina yere quehnoano quehno tuhasa, tiqüina cohteriro saha quehnoana, ñahe mariena iji, cohteya musa gähü. Yuhü tojoa tati decore ti hora gähure ne masiedare musa, ni yahuri Jesu.

Niñeru cjoeri uru cjoeri queoyere yahuahye Jesu

¹⁴ Sa ni yahu tuhasa queoye mehna ohõ saha ni buhe nemori tja:

—Ti pjere yuhü tojoa tati pje ahri queoye yero saha ijirota. Wuhü upuro ijiahye. Tiqüiro ape siepu tinino waharo taro, tiqüirore dahra cohteyequinare pijioahye. Sa yero tiquinare tiqüiro yere cohte dutiahye.

¹⁵ ‘Sa cohte dutiro tiqüina ihbo masino puno tiquinare niñeru cjoerire ohoahye. Ihcãquirore ihcã omope cjoeri wapa bujaye cjoerire uru cjoerire ohoahye. Apeqüirore pua cjoie ohoahye. Apeqüirore ihcã cjoie ohoahye. Tiquinare oho tuhasa, wahaa wahahye. ¹⁶ Sa ye ihcã omope cjoeri tiqüiro ohoriquiro duita tiqüiro wahari batota ti cjoeri mehna apee borore düahye. Tiqüiro dürire apeqüinare duahye. Tiqüiro duari wapa pua omope cjoeri wapa yeahye tiqüirore. Sa yero pua omope cjoeri cwoahye. ¹⁷ Sa yero pua cjoie tiqüiro ohoriquiro duita tiqüiro wahari batota ti cjoeri mehna apee borore düahye. Tiqüiro dürire apeqüinare duahye. Tiqüiro duari wapa pititia cjoie wapa yeahye tiqüirore. Sa yero pititia cjoie cwoahye. ¹⁸ Ihcã cjoere

tiqiro ohoriquiro pehe cope sehe, ti cjoere yahye, ti copepu nuono.

¹⁹ 'Came yoari bato tiquina puhtoro wihiahye. Sa wihiro tiqiro niñeru cjoeri mehna tiquina ñehe memorire queoro ahtaro tiqirore dahra cohteyequinare pijioahye. ²⁰ Sa yero ihcã omope cjoeri tiqiro ohoriquiro puhtoro cahapu esa, puã omope cjoeri wiahye tiqirore. "Ihcã omope cjoeri yuhare ohori muhu. Ihñaña. Ti cjoeri mehna apeye cjoerire ñehe nemou", niahye tiqirore. ²¹ "Quehnoano yeaya muhu. Muhu quehnoagu, yuhu dutiriro saha yerigu ijire. Mehenogãre quehnoano yeaya muhu. Sa yegu yojoPURE muhare pajiro muhu dahratire cõtja. Sa yegu yuhu mehna bucueya muhu", niahye tiqiro puhtoro. ²² Sa yero puã cjoere ñehediquiro puhtoro cahapu esa, yahuahye tiqirore: "Puã cjoere yuhare ohori muhu. Ihñaña. Ti cjoeri mehna apeye cjoeri puã cjoere ñehe nemou", niahye tiqiro. ²³ "Quehnoano yeaya muhu. Muhu quehnoagu, yuhu dutiriro saha yerigu ijire. Mehenogãre quehnoano yeaya muhu. Sa yegu yojoPURE pajiro muhu dahratire cõtja. Sa yegu yuhu mehna bucueya muhu", niahye tiqiro puhtoro.

²⁴ Sa yero ihcã cjoere ñehediquiro puhtoro cahapu esa, yahuahye tiqirore: "Puhto, muhu apequina pehere tutuaro dahra dutigu ijire. Sa tutuaro dahra dutigu ijigu muhu basi oterapeguta ti ducare nene muhu. ²⁵ Muhu sa ijigũ muhare cuei. Sa cuegu cope sehe, ti copepu muhu niñeru cjoere nuou. Ihñaña. Ohõpu ijire muhu ya cjoere niñeru cjoere", niahye tiqiro. ²⁶ "Muhu ñagu, cape bujugu ijire. Yuhu basi oterapeguta ti ducare yuhu negu ijigũ masine muhu. ²⁷ Yuhu sa ijigũ ihñaepeguta yuhu niñeru cjoere niñeru ihbori wuhapu ihboboaya muhu. Muhu sa ihbogũ tiquina ti cjoere wiayerpu apee niñeru oho nemoboaya tiquina", niahye puhtoro tiqirore. ²⁸ Sa nino apequina tiqiro dahra cohteyequinare dutiahye tiqiro: "Niñeru cjoere ehmaña tiqirore. Puã omope cjoerire cuoriquiro pehere ohoya. ²⁹ Cuoyequinare oho nemoutja. Sa ye pajiro cuoeta. Cuoyequina pehere mehenogã tiquina cuoepeguta tire ehmatja. ³⁰ Ahriquiro dahra cohteyequiro dahseatiqiro jhrirare. Nahitianopu ñanopu cohã cãña tiqirore. Topu tiqiro tutuaro uti, bujua wiro mehna bahque dihorota", niahye puhtoro, ni yahuri Jesu.

Buhiri dahreatire yahuahye Jesu

³¹ Sa ye Jesu yahu nemori:

—Yuhu masu Cohãcũ ohorigu ijipihtiyequina angele mehna puhto ijigu tagu, yuhu puhtoro dujiropu yuhu asi siteye mehna dujigtja. ³² Sa yuhu dujigũ, ahri yehpa cãna ijipihtiyequina yuhu cahapu

cahmecoara. Tiquina sa cahmecoari bato puã curua tu wantja tiquinare. Ovejare ihña ihboriquiro ovejare, cabra gãhure tiqiro tu wariro saha masare tu wa docoutja. ³³ Sa tu wagu oveja yero saha ijieyequinare quehnoañequinare yuhu poto pehe bese docoutja. Sa yegu cabra yero saha ijieyequinare ñañequinare yuhu cũ pehe pehepu bese docoutja. ³⁴ Yuhu sa yeri bato yuhu ijipihtiyequina puhto pehe yuhu poto pehepu yuhu bese docoriquinare ohõ saha ni yahutja: "Yuhu Pacu masare quehnoano yere. Ahri yehpare bajumehnenopu masa ye ijiatire tiqiro puhtoro ijireore quehoyu tuhasari Cohãcũ. Sa yena yojoPURE tiqiro quehnorirorpure ijina ahtaya. ³⁵ Yuhu ujua ahabagũ masa pehe yuhare ihyayere ohori. Yuhu aco wuogũ yuhare masa sihõri. Masa cahapu yuhu tinigũ yuhare ihña masiedapenata yuhare quehnoano piti cari masa. ³⁶ Suhti mariegu yuhu ijigũ ihñana masa pehe yuhare suhti sãari. Dohatigu yuhu ijigũ masa yuhare ihñana ahtari. Peresupu yuhu ijigũ gãhure yuhare ihñana ahtari masa", niitja quehnoañequinare. ³⁷ Yuhu sa nigũ tuhoye tiquina yuhare sinitueta: "¿Puhto, dahse ijigũ muhu ujua ahabagũ muhare ihyayere ohori usã? ¿Dahse ijigũ muhu aco wuogũ muhare sihõri usã? ³⁸ ¿Dahse ijigũ muhare ihña masiedapenata muhare quehnoano piti cari usã? ¿Dahse ijigũ suhti mariegu muhu ijigũ muhare suhti sãari usã? ³⁹ ¿Dahse ijigũ muhu dohatigũ o peresupu muhu ijigũ gãhure muhare ihñana esari usã?" nieta yuhare. ⁴⁰ Tiquina sa ni sinitugũ tuhogu yuhu puhto tiquinare yahutja. "Ijirota masare niita niaja. Ahriquina yeequina mehna cãano ihyo ijiriquiro tiqiro ijiepeguta, tiqirore masa sata yeri. Sa ijiriquirore sa yena, yuhare yero saha yena nidi masa tiquinare", ni yahutja.

⁴¹ 'Quehnoañequinare yuhu sa ni yahuri bato yuhu cũ pehe pehepu ducuyequinare yuhu ijipihtiyequina puhto ohõ saha ni yahutja: "Cohãcũ tiqiro buhiri dahreatina ijire masa. Yuhu mehna tojoeracãhña. Pecapu wahaya masa. Ti peca ne yatierare. Watino, tiqiro yequina angele gãhu tiquina ijiatire ti pecare yeri Cohãcũ. ⁴² Yuhu ujua ahabagũ masa pehe yuhare ihyayere ohoerari. Yuhu aco wuogũ masa yuhare sihõdari. ⁴³ Yuhare masiedana masa yuhare piti caerari. Sa ihña cãri. Suhti mariegu yuhu ijiepeguta, yuhare suhti sãadari masa. Dohatigu yuhu ijigũ peresupu yuhu ijigũ gãhure sa ihña cãri masa yuhare", ni yahutja tiquinare ñañequinare. ⁴⁴ Yuhu sa nigũ tuhoye tiquina yuhare sinitueta: "¿Puhto, muhu ujua ahabagũ, muhu aco wuogũ, usã masiedigu muhu ijigũ, suhti mariegu muhu ijigũ, dohatigu muhu ijigũ, peresupu muhu

ijigā dahse ijigā usā pehe mähare yedohoerari?" ni sinitueta yahare. ⁴⁵ Tiqina sa ni sinitugā yahū tiqinane ohō saha ni yahutja: "Ijirota musare niita niaja. Ahriquina yeequina mehna cjäno ihyo ijiriquirore masa ne yedohoerari. Sa ijiriquirore masa yedohoerana, yahareta sa yena nidi masa", ni yahutja tiqinane. ⁴⁶ Sa yero tiqinane sa buhiri dahreducurota Cohācjā. Ti buhiri dahreye ne pihitisi. Sa ye, quehnoaŋequina pehe ijipihitiye decori quehnoano ijietā, ni yahuri Jesu.

26

Pahia puhtoā, judio masa bucsna mehna Jesure wejē duahye

(Mr 14.1-2; Lc 22.1-2; Jn 11.45-53)

¹ Ti ijipihitiye tiquirore buheri bato Jesu usāre tiquirore buhenare yahuri:

² —Pua deco bato pascua ijirota. Tire masa masine. Ti pjere yahū masare Cohācjā ohorigure ŋeheeta. Ŋeheŋe, yahare curusapū wejēeta, nidi tiquiro usāre.

³ Sa ye pahia puhtoā, judio masa bucsna gāhū cahmecoahye. Caifa pahia puhtoro ya wuhapū cahmecoahye tiqina. ⁴ Topū cahmecoā, tiqina ni mehoŋe mehna Jesure ŋehe tiqina wejēatire cahme yahuye ni ahye.

⁵ —Bose deco ijigā tiquirore ŋehedacāhna, "Masa usuari", nina, niahye tiqina basi.

Numino ehme sitiye uhse mehna Jesure pio peoahye

(Mr 14.3-9; Jn 12.1-8)

⁶ Ti pjere Simo camī bucs māna wihiro ijimediqiro ya wuhapū ijiri Jesu. Tiquiro ijiri maca Betania wame tiri maca ijiri. ⁷ Ti wuhapū tiquiro ihyari watoa ihcācoro numino ehme sitiye ne cāhta, Jesu dapu bui pio peori. Ti ehme sitiye alabastro wame tiriapū pose tiri. Wapa bujūye co ijiri. ⁸ Ticoro sa pio peogū ihñana usā Jesu buhena usuau.

—¿Dahsero ahricoro ahri core wapa bujūyere sa ye siteajari? ⁹ Ti ehme sitiye duaboaya. Sa duaro pajiro wapa ŋeheboaya. Sa ŋeheno ti niŋerure pejecuoyequinare ohoboaya ahricoro, nii usā tiquiro buhena.

¹⁰ Usā sa ni usuagū ihñano, Jesu yahuri usāre:

—Sa niedacāhña ticorore. Yahare quehnoano yero nine. ¹¹ Pejecuoyequina pehe masa mehna sa ijiducuetā. Sa yena tiqina pehere masa oho masine. Yahū pehe ahri yehpapūre masa mehna sa ijiducusi. ¹² Yahare tiqina yato pano yahū pagure quehnoyuro, ticoro yahare pio peori. ¹³ Ijirota musare niita niaja. Ijipihitiro ahri yehpapū quehnoaŋe buheyere tiqina yahuropū ahricoro yojopūre ticoro yerire yahuetā. Tiqina sa yahugū tahoye ticorore

masa peyequina wacūeta, ni yahuri Jesu usāre.

Juda Iscariote Jesure ihña tuhtiyequinare ihñoaŋe

(Mr 14.10-11; Lc 22.3-6)

¹⁴ Ti pjere ihcāquiro usā mehna cjäno Juda Iscariote pahia puhtoā cahapū esahye.

¹⁵ Esa, tiqinane sinituahye.

—¿Jesure musare yahū ihfōgū noho puno wapa yenatari masa? ni sinituahye tiqinane.

Tiquiro sa nigū tiqina tiquirore treinta cjoeri plata cjoerire ohoahye.

¹⁶ Tiqina sa ohogū Juda pehe Jesure tiquiro ihñoati ŋamine cohtero niahye.

Jesu tiquiro buheyequina mehna tiquiro ihya bato tiri deco ijiahye

(Mr 14.12-25; Lc 22.7-23; Jn 13.21-30; 1 Co 11.23-26)

¹⁷ Sa ye pugū yeye moremehneŋe pāre tiqina ihyati deco bose deco iji ducari deco usā tiquiro buhena Jesu cahapū waha, sinituu tiquirore:

—¿Noho boropū bose deco ijigū mari ihyatiŋe quehnoyū dutigū ohoutjari mahū usāre? nii tiquirore.

¹⁸ Usā sa nigū tiquiro yuhtiri:

—Jerusalēpū wahaya. Topū ijiriquirore ohō saha ni yahuya: "Marine buheriquiro tiquiro ŋano yuhduati deco mehenogā dahsatjāŋhohti. Pascua ijigū mahū ya wuhapū Jesu usāre tiquiro buhenare siho ihyati ijifhohti", ni yahuya ti wuhū uparore, ni ohori Jesu usāre.

¹⁹ Sa yena usāre tiquiro dutiriro sahata yena, pascua ijigū usā ihyatiŋe quehnoyū usā.

²⁰ Sa ye ti ŋamine usā mehna doce tiquiro buhena mehna ihyaro nidi Jesu. ²¹ Usā ihyari watoa tiquiro usāre yahuri:

—Ijirota musare niita niaja. Ihcāquiro masa mehna cjäno yahare ihña tuhtiyequinare ihñonota yahare, ni yahuri tiquiro usāre.

²² Tiquiro sa nigū tuhona tutuaro bujua witina, tiquirore sinitu ducāu usā ijipihitina:

—¿Puhto, yahuta ijiajari mähare ihñoaŋe? ni sinituu.

²³ Usā sa ni sinitugū tiquiro yuhtiri:

—Yahū ihyari papū yahū mehna soha ihyariquiro ijire yahare ihña tuhtiyequinare ihñoaŋequiro. ²⁴ Panopū yahare tiqina ojariro sahata yahū masū Cohācjā ohorigū yariagutja. Sa yero yahare ihña tuhtiyequinare ihñoaŋequiro ŋano yuhduarota. Tiquiro pehe masa bajueraro quehnoa yuhduaboaya. Ŋano yuhdueraboaya, nidi Jesu.

²⁵ Tiquiro sa nigūta tiquirore ihñoaŋequiro Juda sinituri:

—¿Buhegū, mähare ihñoaŋe ijiajari yahū? ni sinituri tiquiro.

Jesu yuhtiri:

—Ehu. Mũhata ijire, nidi.

²⁶ Sa ni yahu tuhasa usã tiqiro buhena mehna ihyaro taro nidi. Sa yero Jesu pãre ne, Cohãcjãre “Quehnoare”, nidi. Sa ni tuhasa tire nuha, usãre tiqiro buhenare itiri.

—Ahrire ne, ihyaya. Ahri yuhu pagu ijire, nidi tiqiro.

²⁷ Sa ni tuhasa tiqiro sihnidi pare ne, Cohãcjãre “Quehnoare”, ni, usãre ohori.

—Musa ijipihina ahrire sihniña. ²⁸ Ahri yuhu dii ijire. Peyequina masa tiquina ñaife yerire cohãgũ tagu yariitja. Sa yegu yuhu di-ire cohãutja. Cohãcjũ “Musare yuhduoutja”, tiqiro nidiro esagũ yuhu yariaro mehna tiqiro nidiro sohtori tirota. ²⁹ Musare niita niaja. Yuhu Pacu tiqiro puhtoro ijiroru umusepu musa mehna wahma core uhse core sihniitja. Mari sa sihniato pano ahri core sihni nemosi yuhu, nidi Jesu usãre.

³⁰ Sa yena Cohãcjũ yere basa tuhasana canapu Olivo wame tidupu wahau usã.

Pedro Jesure tiqiro cohãtire yahuahye Jesu

(Mr 14.26-31; Lc 22.31-34; Jn 13.36-38)

³¹ Topu usã esagũ Jesu pehe usãre yahuri:

—Mia ñami yuhure cohã canata musa. Ohõ sahata nine Cohãcjũ tiqiro yere tiquina ojoari pũpu yuhure yahuro: “Ovejare ihña ihboriqiro yero saha ijiriquirore yuhu Cohãcjũ cohãgũtja. Yuhu sa cohãgũ tiqiro yequina oveja yero saha ijieyquina duhti site cãa wahaeta”, nine Cohãcjũ tiqiro yere tiquina ojoari pũpu. ³² Sa yegu Cohãcjũ yuhure tiqiro masori bato musa pano Galileapu wahayutja yuhu, nidi tiqiro.

³³ Tiqiro sa nigũ tuhoro ohõ saha nimesi Pedro:

—Yuhu mehna cjẽna ijipihiyequina muhure tiquina cohãepegũta yuhu pehe muhure ne cohãsi, nimesi Pedro tiqirore.

³⁴ Jesu yuhtiri:

—Ijirota niita niaja muhure. Mia ñami canaca tiqiro yahuato pano “Yuhu Jesure masiedaga”, niita muhu. Ihtia taha sa niita muhu, nidi tiqiro Pedore.

³⁵ Tiqiro sa niepegũta Pedro ohõ saha ni yuhtiri:

—Muhu mehna yuhure tiquina wejẽ duepegũta “Jesure masiedaga”, ne nisi yuhu, ni yuhtimedi Pedro.

Sa yena usã gãhu apequina tiqiro buhena Pedro tiqiro nidiro sahata nimi usã Jesure.

Getsemani wame tiri wesepu Cohãcjãre siniahye Jesu

(Mr 14.32-42; Lc 22.39-46)

³⁶ Sa ye Getsemani wame tiri wesepu Jesu usã tiqiro buhena mehna waha, topu esa, usãre nidi:

—Ohõ dujiyuya. Musa ohõ dujiri watoa sohõ cjũnogãpu Cohãcjãre sinigu wahagu niaja, nidi tiqiro usãre.

³⁷ Sa ni tuhasa, Pedore, puaro Zebedeo pohnene tiquina ihtiarore piji cãri. Sa yero tiqiro tutuaro bujua witi, ñano jeripohna tiahye. ³⁸ Sa bujua witiro tiqiro mehna cjẽnare tiqiro piji cãriquinare ohõ saha niahye:

—Tutuaro ñano jeripohna tiaja yuhu. Yuhure tutuaro purino saha tuhutugu niaja. Sohõ cjũnogã wahagu niaja. Ohõpu tojoaya. Sa yena yuhu mehna cariedacãhña musa gãhu, niahye tiqiro tiquinare.

³⁹ Sa ni tuhasa mehenogã waha nemo, yehrapu quehe sa, Cohãcjãre niahye:

—Mai, yuhu ñano yuhduatire ye dueragu yeracãhña. Yuhu sa niepegũta yuhu cahmeno saha yeracãhña. Muhu pehe masine. Muhu cahmeno saha yeya yuhure, ni siniahye tiqiro Cohãcjãre.

⁴⁰ Sa ni tuhasa, ihtiaro tiqiro buheyequina cahapu wihiro, carĩnequinare ihñahye. Tiquinare ihñano, Pedore ohõ saha niahye:

—¿Ihcã hora waro yuhu mehna carĩegu iji masiedajari muhu? ⁴¹ Quehnoano yeya musa. Sa yena Cohãcjãre siniducuya musa, “Ñano yeari”, nina. Musa tuhutuye mehna quehnoañene ye duamene musa. Musa sehsharo sa ye duepenata tire ye masiedare musa, ni yahuahye Jesu.

⁴² Sa ni yahu tuhasa, pari turi waha, Cohãcjãre siniahye:

—Mai, yuhu ñano yuhduatire ye duagu yeya yuhure. Muhu cahmeno saha yeya, ni siniahye tiqiro.

⁴³ Ni, tiqiro buheyequina ihtiaro buheyequina cahapu pari turi wihiahye tja. Sa wihiro carĩnequinare ihñahye tja. Wujua purĩ yuhduahye tiquinare. ⁴⁴ Sa yero tiquinare cũ cã, pari turi waha, Cohãcjãre siniahye. To pano tiqiro nidiro sahata niahye tja. ⁴⁵ Sa ni tuhasa tiqiro buheyequina cahapu wihi, tiquinare ohõ saha niahye:

—¿Yojoapu pũritare carĩnina nijari musa? ¿Sorĩna nijari musa? niahye tiqiro.

Sa ni tuhasa, masa tiquina ahtagũ ihñano, ohõ saha niahye.

—Tuhoya. Mianogãta yuhu masure Cohãcjũ ohorigure ñaĩnequinare ohoeta yuhure. ⁴⁶ Wahcãña. Isa wahana. Ihñaña. Yuhure ihña tuhtiyequinare ihñoatiqiro ohõpu ahtare, niahye tiqiro.

Jesure ihña tuhtiyequina tiqirore peresu yeahye

(Mr 14.43-50; Lc 22.47-53; Jn 18.2-11)

⁴⁷ Tiqiro sa nino watoa usã mehna cjãno ijimediqiro juda pehe wihiri. Masa peyequina ahtari tiqiro mehna. Tiquina pahia puhtoa, judio masa bucuna gãhu

tiquina ohoriquina ijiri. Ñoseñe pñine, yuca tiari gähare cuori. ⁴⁸ Coã warore Jesure ihña tuhtiyequinare ihñaotiQUIRO masare ohõ saha ni yahuyu tuhasahye:

—Yuhũ wahsupu ihmidiQUIROta ijjirota masha ñeheatiquiro. Tiquirore yuhũ ihmidi bato ñeheña tiquirore, niahye Juda tiquinare.

⁴⁹ Sa ye wihiro Jesu cahapũ duita wahari.

—¿Buhegũ, ijiajari mahu? ni, tiquirore wahsupu ihmidi.

⁵⁰ Tiquiro sa ihmigũ Jesu ohõ saha nidi:

—Yuhũ acayu, ohõpũre mahu yei tuũ ahtarire yeya mahu, nidi tiquiro.

Sa ye tiquina Jesure ñehedi.

⁵¹ Tiquina sa yegũ ihñano Jesu mehna cãno tiquiro ñoseni pñine tuã we ne, pahia puhtoro cahacjãnore cahmonore date pahre cãri. ⁵² Tiquiro sa yegũ ihñano Jesu tiquirore yahuri.

—Mahu ñoseni pñine ihboya. Apequinare mahu ñosegũ tiquina ñose cahmegũ yariaguta mahu. ⁵³ Yuhũ Pacũre yuhũre yuhũ yedoho dutigũ tiquiro pehe peyequina angelere doce cururire yuhũ cahapũ ohoboaya tiquiro. ¿Tire masiedajari mahu?

⁵⁴ Sa yedohoboriQUIRO tiquiro ijiepegũta tiquirore yuhũre yedoho dutisi yuhũ. Yuhũ sa dutieragũ Cohãcũ yere tiquina ojoari pũ ti nidiro sahata sa waharota, nidi tiquiro.

⁵⁵ Sa ni tuhasa masare yahuri tiquiro:

—¿Dahse ijiro boro masa ñoseñe pñini mehna, yuca tiari mehna yaque bucũrore yero saha masa yuhũre ñehena ahtajari? Decoripe Cohãcũ wuhũpũ masare yuhũ buhe dujigũ, masa yuhũre ne ñehedari. ⁵⁶ Sa ijiepegũta ahri ijipiltiye sa waharo nine Cohãcũ yere yahu mahitariquina tiquina ni ojoariro sahata, nidi Jesu.

Tiquirore tiquina sa ñehegũ ihñana usã tiquiro buhena tiquirore cohã oma cãa wahau usã.

Judio masa puhtoa Jesure sinituahye

(Mr 14.53-65; Lc 22.54-55, 63-71; Jn 18.12-14, 19-24)

⁵⁷ Sa ye tiquirore ñehediquina pahia puhtoro Caifa wame tiriQUIRO ya wuhũpũ ne sahye tiquirore. Ti wuhũputa marine judio masare buheyequina, bucũna gũhũ cahmecoahye. ⁵⁸ Topũ Jesure tiquina neagũ Pedro yoropũ tiquinare ihña nũnũ tãhye. Sa nũnũ tãno Caifa ya wuhũre cahmotari sahrĩnore esa, ti sahrĩno puhapũ sajàa wahahye. Sajã sa, ti wuhũre cohteyequina surara mehna dujahye. Jesure tiquina dahse yegũ ihñano taro niahye.

⁵⁹ Sa ye pahia puhtoa, apequina puhtoa mehna Jesure wejẽ duti duaye, ni mehoñe mehna tiquirore tiquina ñano buhiri dahreatire wacũ macamahye. ⁶⁰ Tiquina yahusãtire wacũ bocaerahye. Sa wacũ

bocaerapeta peyequina masa tiquirore sa ni meho yahusã maca cãhye. Sa ye puaro tiquina bato wihiyequina tiquirore yahusãhye tja.

⁶¹ —AhriQUIRO ohõ saha nidi: “Cohãcũ wuhũre cohã masiaja. Sa cohãgũ ihtia deco wahaboro ti wuhũre pari turi yeitja”, tiquiro nigũ tuhõ usã, ni yahusã maca cãhye Jesure.

⁶² Tiquina sa nidi bato pahia puhtoro wahcãdũca sa, Jesure sinituahye:

—¿Ahriquina muhũre tiquina yahusãepegũta tiquinare yuhti cahmedajari mahu? niahye puhtoro.

⁶³ Tiquiro sa nigũ tuhõeperota Jesu sata tuhõtu cãhye. Tiquiro sa yuhtieragũ ihñano pahia puhtoro pari turi sinituahye tja:

—Cohãcũ catiriquiro wame mehna poto niña mahu. Mahu sa niedagũ tiquiro muhũre buhiri dahrerota. Yahuya usãre. ¿Cristo Cohãcũ macuta ijiajari mahu? ni sinituahye tja.

⁶⁴ Tiquiro sa nigũputa Jesu yuhtiahye:

—Tiquirota ijiaja. Masare poto yahugũta niaja. Came yuhũ masũ Cohãcũ ohorigũ yuhũ Pacũ tutuariQUIRO cahapũ tiquiro poto pehepũ yuhũ dujigũ ihñanata masa. Sa yena ahmase cã ehmeo cururi bui yuhũ ahtagũ gähare ihñanata masa, ni yuhtiahye Jesu.

⁶⁵ Tiquiro sa nigũ tuhõro pahia puhtoro tiquiro sañari suhtirore tuhre cãhye apequinare “Usua yuhũare”, ni ihña masi dutiro.

—Cohãcũre pajiro ñano yahuducuro nine ahriQUIRO. Sa ye tiquiro ñano yahuducuyere tuhõ tuhasaja mari. Sa ye topequinata yahusãahdo ahriQUIROre. Ohõputa tiquiro ñano yahuducugũ tuhõaja mari basta. ⁶⁶ ¿Dahse yenatari mari yojopũre ahriQUIROre? ni sinituahye tiquiro apequina puhtoare.

—Tiquiro ñari buhiri wejẽ cãno cahmene tiquirore, ni yuhtiahye tiquina.

⁶⁷ Tiquina sa nidi bato tiquiro wuhõoare sihco puti ohõ, tiquirore quẽpeahye tiquina.

⁶⁸ Tiquirore quẽpe tuhasa, ohõ saha niahye tiquirore:

—¿Noa pehe muhũre quẽajari? Cristo ijigũ ihñedapegũta yahuya usãre, ni bujũpeahye tiquina.

—*Tiquirore masiedaga, niahye Pedro Jesure*

(Mr 14.66-72; Lc 22.56-62; Jn 18.15-18, 25-27)

⁶⁹ Sa ye ti wuhũ cahapũ ijiri paapũ quehnoari paapũ Pedro pehe dujahye. Tiquiro sa dujigũ ihñano pahia puhtoro cahacjõno tiquiro cahapũ esaro, ohõ saha niahye:

—Mahu gũhũ Jesu Galilea cãno mehna ijiri, niahye ticoro.

⁷⁰ Ticoro sa nigū tūhoro, Pedro ohō saha niahye:

—¿Dahse ni maca cōo niajari mūhū? Mūhū nidiquirore ne masiedaga yūhū, niahye Pedro ticoro ijiptiyequina tiquina tūhoropū.

⁷¹ Tiquiro sa nidi bato ti paa cĵā sahrīno sopecaha cahapū wahahye Pedro. Topū tiquiro ijiġū apecoro cahacjōno tiquirore ihñano, topū ijiyequinare ohō saha niahye:

—Jesu Nazare cĵano mehna ijiri ahriquiro, niahye ticoro Pedore tja.

⁷² Ticoro sa nigū tūhoro Pedro yūhtiahye:

—Cohācĵū mehna potō nii niaja. Tiquiro mūhū nidiquirore ne masiedaga yūhū, ni yūhtiahye Pedro.

⁷³ Sa ye came cĵūno topū ducuyequina Pedro cahapū waha, tiquirore ohō saha niahye tja:

—Poto tjire. Jesu yequina mehna cĵū ijire mūhū gāhū. Tiquina yero saha yahuducure mūhū, niahye tiquina Pedore.

⁷⁴ Tiquina sa nigū Pedro yūhtiahye:

—Poto Cohācĵū mehna nii niaja māsare. Yūhū potō yūhū niedagū Cohācĵū yūhūre buhiri dahreahro. Tiquirore mūsa nidiquirore ne masiedaga yūhū, ni yūhtiahye tiquiro tiquinare.

Tiquiro sa nigūta canaca yahuahye.

⁷⁵ Tiquiro yahugū tūhoro Jesu tiquirore nidire wacūahye. “Canaca tiquiro yahuato pano ‘Jesure masiedaga’, niita mūhū. Ihtia taha waro sa niita mūhū”, Jesu tiquirore nidire wacūahye Pedro. Sa wacūno, ti sahrīnore wijia, tutuaro utiahye.

27

Pilato cahapū Jesure neahye

(Mr 15.1; Lc 23.1-2; Jn 18.28-32)

¹ Sa ye bohrea quehagapū pahia pūhtoa mari judio masa bēcūna gāhū Jesure tiquina wejē dutiatire cahme yahuducuahye.

² Tiquina sa yeri bato tiquirore dahye, Pilato cahapū nea, tiquirore ohoahye Pilatore. Pilato pehe ti yehpa cĵēna pūhtoro ijiri.

Juda Iscariote yariaa wahahye

³ Sa yero Jesure tiquina wejē dutigū ihñano Juda pehe Jesure ihñoriquiro tiquirore tiquiro ihñorire tutuaro wacū bujūa witiyahye. Sa bujūa witiro treinta cjoeri tiquiro ñehedi niñeru cjoerire wiaro waharo, pahia cahapū, bēcūna cahapū esa, ohō saha niahye:

⁴ —Jesu māsare yūhū ihñoriquiro ñāñe marieniquiro tiquiro ijipegūta tiquina wejē dutiri tiquirore. Sa yegū māsare tiquirore ihñogu ñano yegu niaya yūhū, ni yahuahye Juda tiquinare.

Tiquiro sa ni yahuri bato tiquina yūhtiahye:

—Sata yecūnahdo. Hsāre dahseati ijierare ti mūhū sa niñe. Mūhū dihita sa ni tūhature tire, ni yūhtiahye tiquina tiquirore.

⁵ Tiquina sa ni yūhtiri bato Cohācĵū ya wūhūpū Juda tiquiro ye niñeru cjoerire doque site cūahye. Doque site cū, waha wahahye. Waha, yuta dare dahye ohō, tiquiro basi wamūare tu suha, uhpu cĵū sa, yariaa wahahye.

⁶ Sa ye pahia pūhtoa niñeru cjoerire ne, ohō saha niahye:

—Ahri niñerure Cohācĵū wūhū cĵā acaropū niñeru ihbōri acaropū mari cū masiedaja. Ahri niñeru mehna masunore wejē dutiri. Sa ye mari ye dutiye marine sa ijiye niñerure ihbō dutiare, niahye tiquina basi.

⁷ Tiquina sa nidi bato “Ohō saha yeihna”, tiquina ni yahuri bato dihi suturire yeriquiro ya yehpare dūahye. Ti cjoeri mehna dūahye. Ape sie cĵēna tiquina wihi tiquina yariagū tiquina yati yehpa ijiatore ti yehpare dūahye. ⁸ Sa ye ti yehpare “Dii yehpa”, wame yeri masa. Yoĵopū gāhūre sata wame tire. ⁹ Ahri ijiptiye sa wahahye Jeremia panopū “Sa waharota”, tiquiro ni ojoariro sahata. Tiquiro Cohācĵū yere yahu māhtariquiro ijahye. Ohō saha ni ojoahye tiquiro: “Treinta niñeru cjoerire plata cjoerire ‘To punota wapa yenata tiquirore usā ñeheatire’, nieta Israe masa. ¹⁰ Sa ye ti cjoeri mehna dihi suturire yeriquiro ya yehpare dūeta tiquina. Ohō sahata yūhūre ye dutiri Cohācĵū”, ni ojoahye Jeremia panopū.

Pilato Jesure sinituahye

(Mr 15.2-5; Lc 23.3-5; Jn 18.33-38)

¹¹ Sa ye Pilatore tiquina ohori bato tiquiro pehe Jesure sinituahye:

—¿Potota judio masa pūhtota ijiajari mūhū? ni sinituahye Jesure.

—Mūhū nino sahata ijiaja, ni yūhtiahye Jesu.

¹² Sa ni yūhtieperota, pahia pūhtoa, bēcūna gāhū tiquina tiquirore yahusāgū yūhtierahye Jesu. ¹³ Tiquiro sa yūhtieragū ihñano Pilato sinituahye:

—¿Ahri ijiptiye mūhūre tiquina yahusāñere tūhoerajari mūhū? ni sinituahye tiquiro Jesure.

¹⁴ Tiquiro sa ni sinituepegūta Jesu ne mehenogū yūhtierahye. Tiquiro sa yūhtieragū ihñano Pilato ne dahse ni masiedahye.

Jesure wejē dutiahye

(Mr 15.6-20; Lc 23.13-25; Jn 18.38–19.16)

¹⁵ Cūhmaripe pascua ijiġū masa yaquiro ijiatiquirore ihcāquiro peresupū ijiiriquirore Pilato sa wio basaducue tiahye. ¹⁶ Ti pjere Barrabā wame tiriquiro peresupū ijiyahye. Tiquirore masiahye masa. ¹⁷ Sa yero tiquina cahmecoagū Pilato pehe sinituahye tiquinare:

—¿Diquiro pehere mäsare wio basaboagari yuhu? ¿O Barrabá pehere o Jesure Cristo tiquina nidiqirore wio basaboagari yuhu? ni sinituahye tiqiro.

¹⁸ Jesure masa cahĩgũ ihñañe judio masa mari puhtoa tiqirore ihña tuhtiahye. Sa ihña tuhtiyehye tiqirore ohoahye Pilatore. Sa yero masa tiquina cahĩdi buhiri tiquina ihña tuhtirire masino Pilato Jesure wio duamahye.

¹⁹ Sa ye Pilato masare ñañe yeyequinare tiqiro beseri pahtapu dujigũ tiqiro namono tiqirore quitũ ohoahye: “Mia ñamine Jesure quehẽgo, tutuaro ñano yuhdu. Sa yegu tiqirore ñañe marieniqirore ne sijo ro saha yeracãhña mahu”, ni yahudocueoahye tiqiro namono Pilatore.

²⁰ Sa ye coã waropare pahia puhtoa, bucana gãhu masare ohõ saha ni duti tuhasahye. “Barrabá pehere wio duti, Jesu pehere wejẽ dutiya”, ni dutiahye masare. ²¹ Sa yero Pilato masare sinituahye:

—¿Ahriquina puarore diquiro pehere mäsare wio basaboagari yuhu? ni sinituahye.

—Barrabá pehere wio basaya usãre, ni yuhtiahye.

²² —¿Ahriquiro Jesu Cristo tiquina nidiqiro pehere dahse yeitari yuhu, masa sa ni sañuducugũ? ni sinituahye tiqiro.

—Curusapu quẽ biha wejẽña tiqirore, ni yuhtiahye masa ijiphtiyequina.

²³ —¿Yabe borore ñañene yeari ahriquiro, masa sa nigũ? niahye tiqiro.

Tiqiro sa nigũ tuhoye tiquina tutuaro mehna sañuducuahye:

—Curusapu quẽ biha wejẽña tiqirore, ni sañuducuahye masa tiqirore.

²⁴ Tiquina sa ni sañuducugũ tuhoro, tiqirore tiquina tuho dueragũ ihñano “Masa usua, cahmequeboaga”, nino, yuhtiro ohõ saha yeahye Pilato. Masa tiquina ihñonopu tiqiro omo coseahye. Sa omo cosero ohõ saha niahye.

—Ahriquirore wejẽdi buhiri yee buhiri ijierare. Masa ye buhiri ijire, nino omo coseahye.

²⁵ Tiqiro sa nigũ tuhoye ijiphtiyequina masa ohõ saha niahye.

—Ahriquirore wejẽdi buhiri usã, usã pohna gãhu usã ye buhiri ijiaho, niahye masa.

²⁶ Tiquina sa nigũ tuhoro Pilato Barrabáre peresupu ijiriquirore wio dutiahye masa tiquina cahmeniqirore. Sa ye tuhasa Jesu pehere yuta dari mehna tana duti, tiqirore curusapu wejẽ dutiro ohoahye surarare.

²⁷ Tiqiro sa ohogũ Pilato ya wuharu tiqiro yequina surara Jesure neñe esahye. Sa ye tiquina surara ijiphtiyequina Jesu cahapu cahmecoahye. ²⁸ Sa ye tiqiro suhtire tu we ne, puhtoro ya suhtiro saha

bajuri suhtirore tiqirore sãahye. ²⁹ Sa sãa tuhasa, pota behtore ye tuhasa, tiqirore dapu bui duhu peoahye. Sa duhu peo tuhasa, yucugure poto pehe dahra suhahye. Dahra suha tuhasa, dasepe curi mehna quehe sa, bujapeahye tiqirore.

—Quehnoano ahtaya. Judio masa puhto, quehnoano ahtaya, ni bujapeahye tiqirore.

³⁰ Sa nieta tiqirore sihco puti ohõ, tiquina dahra suhadare tiqirore tuã we ne, tiqirore dapure quẽahye tu mehnata.

³¹ Tiquina sa bujaperi bato tiquina sãari suhtirore tu we ne, tiqirore ye suhti pehere sãahye tja. Sãa tuhasa, curusapu wejẽñe tehe, tiqirore ne wijiahye.

Tiquina Jesure curusapu quẽ biha, wejẽahye

(Mr 15.21-32; Lc 23.26-43; Jn 19.17-27)

³² Tiqirore ne cã, Simo wame tiriqirore Cirene cjanore piti ca, tiqirore Jesu wuhari curusare wua cã dutiri.

³³ Wua cã Gólgota wame tiropu esari. “Gólgota”, nino “Dapu pehtoro”, nino nine.

³⁴ Sa ye vinore suẽñe co mehna tiquina moreñe core Jesure ohomedi. Ti acore sihni tuhu, sihnedari tiqiro.

³⁵ Sa ye Jesu ye suhtire tiquina tu we nedi bato tiqirore curusapu quẽ bihari tiquina. Sa quẽ biha tuhasa, tiqirore ye suhtire “¿Noa yaro ijirrotari ohõ?” ni, cahme doqueperi, ni ojoahye panopu. ³⁶ Doquepe tuhasa tiqirore ihña dujiducuri tiquina.

³⁷ Tiqirore dapu bui curusapu ohõ saha ni ojoari piñe duhu ohõri tiquina tiqiro ñañe buhirire yahu duaye. “AHRIQUIRO JESU JUDIO MASA PUHTORO IJIRE”, ni ojoari tiquina ti piñe.

³⁸ Came puaro yaque bucunare Jesu cahapu apeye curusaripu quẽ biha docori tiquina. Ihcãquiro tiqirore poto pehe, apeqiro tiqirore cũ pehe pehe quẽ biha docori tiquina. ³⁹ Curusari cahapu yuhdu cãñequina Jesure ihña, tiquina dapu pacare yure, tiqirore ñano yahuducuri:

⁴⁰ —¿Cohãcjũ wuhare cohã, ihtia deco wababoro pari tiri ti wuhare dahreborigu ijiajari mahu? Cohãcjũ macu ijigu mahu basi dijia taya. Sa yegu mahu basi yedohoya, nidi masa.

⁴¹ Sata ni bujaperi tiqirore. Pahia puhto gãhu, marine judio masare buhoyequina gãhu, bucana gãhu tiqirore sa ni bujaperi.

⁴² —Tiqirore apeqinare yuhduoriquiro ijiro tiqirore basi gãhu yuhduoahro. “Israe masa puhto ijiaja”, nimene tiqirore. Sa yena tiqirore basi dijia tagũ ihñana tiqirore wacũ tutuanata. ⁴³ Tiqirore pehe Cohãcjũre wacũ tutuamene. Sa yero “Cohãcjũ macu ijiaja”, nimene tiqirore. Tiqirore sa ijigũ Cohãcjũ

pehe tiqiurore yedohoahro, ni bujaperi tiqiuna.

⁴⁴ Yaque bacuna tiqiuro cahapu tiqiuna que bihanohriqiuna sata tiqiurore bujape, niano yahuducuri tiqiuna gahu.

Jesu yariaa wahahye

(Mr 15.33-41; Lc 23.44-49; Jn 19.28-30; He 6.19-20; 10.19-20)

⁴⁵ Sa ye coheri pje ijigū ihtia hora waro ijipihtiropu nahitiano ijiri. ⁴⁶ Sa yero ti pjere nahitia yahdugū waro Jesu tutuaro sañuducuri:

—¿Elí, Elí lema sabactani? nidi tiqiuro. Sa nino ohō saha nino niahaye: “¿Yahu Pacu, yahu Pacu, dahsegu yahare cohājari mahu?” nino nidi.

⁴⁷ Tiquiro sa nigū tuhoye ihquēqiuna topu ducuyeqiuna ohō saha nimedi:

—Cohācjū yere yahu mahitariqiurore Eliare pijiro niboaga, nimedi tiqiuna.

⁴⁸ Sa yero ihcāqiuro tiqiuna mehna cjāno oma cā, aco ihmini sahte mehna vino suēne core soha tuhasa, yucagu sohtoapu duhte ohō, Jesu cahapu esa, tiqiurore sihōmedi. ⁴⁹ Tiquiro sa yegū ihñañe apeqiuna sihōriqiurore ohō saha nidi:

—Cohteniña. Elia ahriqiurore tiqiuro yahduogū ihñañhna nidi, nidi apeqiuna.

⁵⁰ Tiquina sa nidi bato pari turi sañuducu, Jesu pehe yariaa wahari. ⁵¹ Tiquiro yariagūta Cohācjū wahu cjā suhtiro cahsero, topu tiqiuna cahmotari cahsero deco tuhnu maa dijia, cjū saa wahahye. Sa yero yehpa gahu ñuhmidi. Sa ñuhmigū utā paca bujape paca wahtia wahari. ⁵² Sa ye masa coperi parigū, peyeqiuna Cohācjū yeqiuna muna panopu yariariqiuna muna masa wijiahye. ⁵³ Masa wijia, Jesu masa wijlari bato ti copere cohā cā, quehnoari macapu Jerusalēpu wahari tiqiuna. Topu tiqiuna wahagū peyeqiuna masa ihñahye tiquinare.

⁵⁴ Sa ye ti ijipihtiyere ihñañe, yehpa ñuhmigū ihñañe, surara puhtoro tiqiuro yeqiuna surara mehna ihña maria wahari. Tiquina Jesure curusapu ijiriquirore cohteyeqiuna ijiri. Ihña maria waha, ohō saha nidi:

—Ijirota ijire. Ahriqiuro Cohācjū macanota ijimeya, nidi tiqiuna.

⁵⁵ Sa ye Galileapu Jesu mehna ahtariqiuna numia tiqiurore yedohoriquina numia yoaropu tiqiurore curusapu ijiriquirore ihñaducuye nidi. ⁵⁶ Tiquina numia mehna María Magdalena ijiri. Apecoro María wame tiricoro gahu ijiri. Ticoro pehe Santiago, José gahu pacoro ijiri. Apecoro Zebedeo namono ijiri.

Jesu pagure masa copepu cūahye José

(Mr 15.42-47; Lc 23.50-56; Jn 19.38-42)

⁵⁷ Sa ye ñamicahapu José Arimatea cjāno doeri cjē uparo topu wihiahye. Tiquiro Jesu

buhერიყო იჯირი. ⁵⁸ Wihi, Pilato cahapu esa, Jesu pagure siniyahye. Tiquiro sa sinigū tuhoro Jesu pagure tiqiurore oho dutiahye Pilato. ⁵⁹ Tiquiro sa dutiri bato José pehe tiqiuro pagure ne dijio, quehnoari suhtiro wete marieni suhtiro mehna tiqiuro pagure wahmeahye. ⁶⁰ Wahme tuhasa, José tiqiuro ya masa copepu cūahye Jesu pagure. Ti cope tiqiuna utāpu seheri cope wahma cope ijiri. Ti copepu ne sajā duhu cū tuhasa, pajiria utāre tu torē cāhye tia mehna bihoro taro. Biha tuhasa, wahaa wahahye. ⁶¹ Sa ye María Magdalena, apecoro María mehna ti copepe ihña dujuducuahye.

Jesure tiqiuna cūri copere surara cohteahye

⁶² Sa ye ape deco, pascua ijiatire tiqiuna quehnoari deco bato, saurū ijigū pahia puhto, fariseo masa gahu Pilato cahapu cahmecoahe. ⁶³ Cahmecoa tuhasa ohō saha niahye tiqiuna Pilatore:

—Puhto, tiqiuro ni mehoriquiro Jesu catiro ohō saha niahye: “Ihtia deco wahaboro masa wijiajutja yahu”, niahye tiqiuro. ⁶⁴ Tiquiro sa nidiquiro ijigū tiqiuro buhēyēqiuna pehe tiqiuro pagure yaqueboaga. Sa yaqueye masare ohō saha niboaga: “Jesu masa wijlari”, niboaga tiqiuna. Tiquiro Jesu pehe masare ni mehono nidi. Sa ijepegūta tiqiuro buhēyēqiuna pehe “Tiquiro masa wijlari”, niñe, ni mehoñe nieta. Sa yero Jesu tiqiuro ni mehoriro yahduoro tiqiuna ye ni mehoñe pehe ña yahduarota. “Sa yaqueari”, nigū ihtia deco waro tiqiuro masa copere mahu yeqiuna surarare cohte dutiya, niahye tiqiuna Pilatore.

⁶⁵ Pilato yahutiahye:

—Au. Ti copere cohteahro. Sa yena masa gahu musa ye masino puno ti copere quehnoano cohteya, niahye tiqiuro tiquinare.

⁶⁶ Tiquiro sa nigū tiqiuna waha, ti copere biharia utā mehnaputa ñehogūputa wihtā ñeheahye masa tiqiuna sajāgū ihña masiñe tehe. Sa ye surarare ti copere cohte dutiahye.

28

Jesu masa wijiahye

(Mr 16.1-8; Lc 24.1-12; Jn 20.1-10)

¹ Sa ye judio masa mari sori deco saurū pehe yahdugū domingo ijigū ñami cjūnogā ijigū María Magdalena apecoro María mehna Jesu masa copere ihñañe wahahye. ² Sa yero duita yehpa tutuaro ñuhmiahye. Sa ñuhmigū mari puhtoro tiqiuro yaqiuro angel umusepu ijiriquiro dijia ta, masa copere biharia utāre tu torē cā, tia bui dujahye. ³ Upo miadoqueoro yero saha quehnoano asi siteahye tiqiuro. Sa

ye tiqiro suhti ehmeo curua yero saha quehnoano yehseye suhti ijiahye. ⁴ Tiquiro sa bajuagū ti copere cohteyequina surara cue yuhdāye, nanare yuhdūa waha, buigā warona yaria yuhdūa wahahye. ⁵ Sa yero angel pehe tiquina numiare ohō saha niahye:

—Yuhare cueracāhña. Curusapū tiquina quē bihariqiro, Jesure mūsa macagū masiaja yuhū. ⁶ Tiquiro yojopure ohōre mariedare. Tiquiro nidiro sahata masa wijiaa wahari. Tiquiro pagure tiquina cūrirore ihñana ahtaya. ⁷ Sa yena tiqiro buheyequina cahapū amñāno waha, ohō saha ni yahuna wahaya: “Jesu masa wijari. Sa yero mūsa pano Galileapū tiqiro wahayurota. Topū tiqirore ihñanata mūsa”, ni yahuna wahaya mūsa. Ahrita ijire mū sare yuhū yahuri quiti, niahye angel tiquina numiare.

⁸ Tiquiro sa nidi bato tiquina numia masa copere ijiye numia sojaro mehna wijia, tiqirore cuepeta bucue yuhdāye mehna Jesu buheyequinare yahuye oma cāa wahahye. ⁹ Sa wahayequina numiare Jesu piti ca, ohō saha niahye:

—¿Quehnoano ijiajari mūsa? niahye tiqiro.

Tiquiro sa nidi bato, tiquina pehe tiqiro cahapū esa, dahpocārine ñehe, tiqirore ño peoahye.

¹⁰ —Cueracāhña mūsa. Yuhū bahanare “Galileapū wahaya”, ni yahuna wahaya. Topū yuhare ihñāeta tiquina, niahye Jesu tiquinare.

Masa copere cohteyequina surara tiquina ihñarire yahuahye

¹¹ Tiquiro sa nidi bato numia wahari watoa ihquēquina masa copere cohteriquina mehna cñēna surara, Jerusalēpū pahia pūhtoare ijipihtiyere yahu pehoye wahahye. Jesu tiqiro masa copere wijiarire yahu peho cāhye. ¹² Tiquina sa ni yahugū pahia pūhtoa, judio masa mari bucūna mehna cahmecoahye. Cahmecoa, yahuducuahye. Sa yeye surare ni meho dutiye niñerure wapa yeahye.

¹³ —Ohō saha niña mūsa masare: “Ñami usā carīdi bato tiqiro buheyequina pehe masa copere wihi, tiqiro pagure ne cāri jiri”, ni yahuya masare. ¹⁴ Mūsa sa ni yahugū Pilato pehe mūsa carī yuhduarire tuhoboaga. Tiquiro sa tuhogū, “Mū sare tuhtiari”, nina, mū sare yahu basanata usā tiqirore, niahye tiquina surarare.

¹⁵ Tiquina sa nidi bato surara pehe niñerure ñehe, tiquinare tiquina ni meho dutiriro sahata masare yahuye wahahye. Sa ye tiquina ni mehoriro sahata Jesu tiqiro masa copere wijiarire yahuducuri

judio masa. Yojopū gāhure sata nine tiquina.

Jesu tiqiro yere buhe dutiro ohoahye tiqiro buheyequinare

(Mr 16.14-18; Lc 24.36-49; Jn 20.19-23)

¹⁶ Sa ye usā Jesu buhena once buhena cūnarū Galileapū ijidūpū Jesu tiqiro waha dutidūpū waha usā. ¹⁷ Topū esa, Jesure ihñana, ño peou usā tiqirore. Sa ño peoepe-nata, usā ihquēquina “Ahriqiro Cohācñū macano ijieraboaga”, ni tuhotumi. ¹⁸ Usā sa ño peogū tiqiro pehe usā cahapū wihi, ohō saha nidi:

—Ahri yehpapure, ahmūsepu gāhure Cohācñū ijipihtiyequina bui tutuayere ohori yuhare. ¹⁹ Tiquiro sa ohogū ohō saha dutiaja mū sare: Ijipihtiro cñēnare yeere buhena wahaya. Yeequina tiquina wahatire buhena wahaya. Sa yena mari Pacū wame mehna, yuhū wame mehna, Espiritu Santo wame mehna tiquinare wame yeya. ²⁰ Sa yena mū sare yuhū dutirire tiquina ye pehoatire buheya tiquinare mūsa. Sa yena ahrire yuhū niatire wacūña: Ijipihtiyē decori ahri yehpa ijiro puno mūsa mehna sa ijiducugutja. Mūsa mehna yuhū sa ijiducuatire wacūña mūsa, ni yahuri usāre Jesu.

San Marcos

Ñu wame yeriquiro buhe dũcahye
(Mt 3.1-12; Lc 3.1-9, 15-17; Jn 1.19-28)

¹ Ahri pũrũ Jesucristo Cohãcjũ macũno tiquiro yerire quehnoañe buheyere yahu dũcaja. ² Cohãcjũ yere yahu mũhtariquiro mũnũno Isaiã tiquiro ojoariro sahata yahuye ijire. Ohõ saha ni ojoahye tiquiro: Cohãcjũ tiquiro macũnore ohõ saha niahye: “Mũhũ pano mũhũre yahuyuatiquirore ohoyugũ niaja. ³ Sa yero tiquiro masa marienopũ waharota. Tiquirore tũhoyequinare yahuro sañuducurota: ‘Mari puhtoro tiquiro ahtato pano mahare mari quehnoyuro saha quehnoana ijyuyua musa. Musa ñañe yerire bujua witiya,’ ni sañuducurota,” niahye Cohãcjũ, ni ojoahye Isaiã.

⁴ Ñu wame yeriquiro masa marienopũ buhee tiahye.

—Musa ñañe yerire bujua witiya. Yo-jopũre quehnoañe pehere comesaya. Sa yena wame yenhõrina ijia. Musa sa comesagũ ihñano Cohãcjũ musa ñañe yerire borota, ni buhee tiahye tiquiro.

⁵ Sa yero ijiphtiyequina Judea dihta cjẽ macari cjẽna Jerusalẽ cjẽna mehna tiquiro cahapũ esagũ ihñañõ Ñu pehe Jordã wame tiri mapũ wame yeahye tiquinare. Tiquinare tiquiro wame yegũ tiquina pehe tiquina ñañe yerire yahu yũhdũahye Cohãcjũre.

⁶ Sa yero Ñu camello poari suhtirore sañariquiro wahiquina cahsero mehna tũã dihoriquiro ijiahye. Poreroare, umiquina nũcũ cjẽna umine ihyae tiahye. ⁷ Sa yero ohõ saha ni buhee tiahye.

—Yũhũ bato yũhũ yũhdũoro tutuariquiro ahtarota. Quehnoa yũhdũariquiro ijire tiquiro. Tiquiro yero saha ijieraja yũhũ pehe. Sa yegũ tiquirore tũhotugũ, “Ihyo ijigũ ijiaja yũhũ”, ni tũhotuaja yũhũ. ⁸ Mũsare wame yegũ aco mehna wame yei. Tiquiro pehe yũhũ yũhdũoro yerota. Espĩritu Santore masa mehna ijiducugũ yerota, ni buhee tiahye Ñu.

Ñu Jesure wame yeahye
(Mt 3.13-17; Lc 3.21-22)

⁹ Sa ye ti pjere Jesu Nazarepũ Galilea yehparũ ijiri macapũ ijiriquiro Jordã wame tiri mapũ esahye. Topũ tiquiro esagũ Ñu wame yeahye tiquirore. ¹⁰ Tiquiro wame ye tuhasagũ Jesu diapũ ijiriquiro maja sadũca mũmũanopũ ihñã mũoahye. Uhmũse parĩ maa wahahye. To parĩ maagãta Espĩritu bujua yero saha Jesu bui dijia tahye. ¹¹ Sa yero mũmũsepu yahuducuro ca tahye:

—Mũhũ yũhũ macũ yũhũ cahĩgũ ijire. Mũhũ mehna tutuaro bucueaja, nino ca tahye mũmũsepu.

Satana ñañene ye dutimahye Jesure
(Mt 4.1-11; Lc 4.1-13)

¹² Ti pjere Jesure masa marienopũ Espĩritu Santo neahye. ¹³ Topũre esaro cuarenta decori waro ijiahye. Watino pehe Jesu tiquiro ñañene yegũ ihñã duaro ñañene ye dutimahye tiquirore. Sa yero Jesu wahiquina nũcũ cjẽna mehna ijiahye. Topũ tiquiro ijigũ ihñãne angele pehe tiquirore yedohoahye.

Jesu Galilea yehparũ buhe dũcahye
(Mt 4.12-17; Lc 4.14-15)

¹⁴ Sa ye Ñure peresupũ tiquina biha dapori bato Jesu pehe Galilea yehparũ quehnoañe buheyere Cohãcjũ puhtoro ijyere yahuro wahahye. ¹⁵ Ohõ saha ni yahuahye:

—Yo-jopũre ohõ saha ijire. Cohãcjũ tiquiro puhtoro ijato mehenogã dũhsare. Musa ñañe yerire bujua witiya. Sa yena quehnoañene comesaya. Quehnoañe buheyere tũhoya musa, ni buhee tiahye Jesu.

Jesu pititiaro wahi yohyeyequinare
“Yũhũ mehna cjãna ijiana ahtaya”, niahye
(Mt 4.18-22; Lc 5.1-11)

¹⁶ Tire yahu tuhasaro Galilea wame tiri ditara dũhtũ cahapũ esaro, ihñahye Simore, tiquiro bahũro Andre mehna. Tiquina wahi yohyeyequina ijiahye. Sa ye tiquina wẽñecjũre doque ñoñe niahye ti ditarapũ.

¹⁷ —Yũhũ mehna cjãna ijiana ahtaya musa. Yũhũ mehna musa ahtagũ musa wahire ñehe cahmecoana musa ijiro saha Cohãcjũ yequina ijiatiquinare masare piji cahmecoana ijigũ yeitja mũsare. Yũhũ mehna musa ahtagũ sa yeana-jare cõtja mũsare, niahye Jesu.

¹⁸ Tiquiro sa nigũ tũhoye tiquina wẽñecjũre cũ cã, tiquiro mehna wahahye.

¹⁹ Sa ye tiquina mehenogã yũhdũ cã, Santiagore, tiquiro bahũro Ñu gũhũre boca sahye tja. Tiquina pehe Zebedeo pohne ijiahye. Tiquina yaria yucũsapũ wẽñecjũre quehnoñe niahye. ²⁰ Sa yero tiquiro pijogũ tiquina pehe tiquina pacũrore, tiquirore yedohoyequina mehna yucũsapũ cũ cã, Jesu mehna wahahye.

Watĩare cuoriquiro Jesure piti cahye
(Lc 4.31-37)

²¹ Sa ye tiquina Capernau wame tiri macapũ esahye. Sa yero saurũ ijigũ judio masa buheri wũhũpũ buhero esahye tiquiro. ²² Sa yero tiquiro quehnoano masi pehoriquiro buhero usã judio masare buheyequina yero saha ijierahye tiquiro. Tiquiro sa buhegũ ti maca cjẽna tũho maria wahahye. ²³ Ti pjere ti wũhũpũ ijiriquiro

watiare caoriquiro ijiahye. Sa yero ohō saha niahye Jesure:

²⁴—Mũhũ Jesu Nazare cjũ cariboeracãhña usãre. ¿Duhse yei tũu niajari usãre? ¿Mũhũ usãre butigũ yei tũu niajari? Cohãcjũ macũ quehnoagu mũhũ ijigũ yũhũ masiaja, ni sañuducuahye tiquiro Jesure.

²⁵ Tiquiro sa nigũ tuhoro Jesu tuhtiahye watiare:

—Dihta mariahña. Duhuya tiquirore, niahye Jesu.

²⁶ Sa yeye watiã tiquirore yehpapũ doque quehe sa tunugũ yeye, tiquiro tutuaro sañuducuri watoa duhuahye tiquirore. ²⁷ Sa ye ijipihtiyequina ti wũhũpũ dujiyequina acũa yũhdũa waha, ohō saha niahye:

—Ahyou. ¿Ahri wahma buheye ijiajari? Tiquiro pũhoro yero saha dutire watiare. Tiquiro dutigũ tiquina watiã pehe yũhdũucaerare tiquirore, ni yahuducuahye ti wũhũpũ dujiyequina tiquina basi.

²⁸ Sa ye meheñe decori batota duita ijipihtiyequina Galilea yehpa cjẽna tire tiquiro sa yerire tũhoahye.

Jesu Simo Pedro mareonore duti yũhdũgũ yeahye

(Mt 8.14-15; Lc 4.38-39)

²⁹ Sa ye Jesu gũhũ judio masa buheri wũhũpũ ijiriquina wijiaa wahahye. Tiquina sa wijari bato Jesu, Santiago, Ñu, apequina tiquina mehna cjẽna gũhũre, Simo, tiquiro bahuro Andre mehna tiquina ya wũhũpũ siho sajã sahye. ³⁰ Ti pjere Simo mareono ujuaye dohatiricoro cuñano bui ticoro cuñagũ ihñañe yahuahye Jesure. ³¹ Tiquina sa ni yahugũ tuhoro tiquiro pehe ticoro cahapũ esaro, ticoro omocare ñehe, ticorore weje wahcõ dapoahye. Tiquiro sa weje wahcõ dapogũta ticorore ujuaye surua wahahye. Ti sa sururi bato ticorota ihyayere peoahye.

Jesu peyequina dohatiyequinare yũhdũoahye

(Mt 8.16-17; Lc 4.40-41)

³² Namicahapũ asũ sajãri bato masa peyequina dohatiyequinare, watiã cũoyequinare Jesu cahapũ ne sahye. ³³ Sa ye ijipihtiyequina ti macã cjẽna cahmecoã dũca sahye ti wũhũ sopecahapũ. ³⁴ Sa yero Jesu peyequina dohatiyequinare, peyequina watiã cũoyequinare quehnoã wahagũ yeahye. Peyequina watiãre cohãhye. Sa yero Jesure watiã tiquirore masigũ ihñaño Jesu pehe tiquinare yahuducu dutierahye.

Jesu buhe tinino wahahye
(Lc 4.42-44)

³⁵ Sa ye ñami cjũno wahcã, nahitia cjũgũ masa marienopũ Cohãcjũre sinino wahahye Jesu. ³⁶ Tiquiro sa wahagũ ihñañe Simo gũhũ

tiquirore macañe esahye. ³⁷ Sa ye tiquirore piti caye, ohō saha niahye:

—Masa ijipihtiyequina mũhũre macañe nidi, niahye tiquina.

³⁸ Tiquina sa nigũ tuhoro ohō saha niahye Jesu:

—Ahri macarine buhegũ ahtaũ yũhũ. Sa yena apeye macari ohō cahagã cjẽ macaripũ wahũhũna mari. Yũhũ ti macari gũhũre buheitja, niahye Jesu tiquinare.

³⁹ Sa yero ijipihtiyẽ Galilea yehpare buhe tiniahye. Sa yero macaripe judio masa buheye wũhũsepũ buhero, watiãre masa mehna ijieyquinare cohã wioahye.

Jesu camĩ bucũ mũna wihirore yũhdũoahye

(Mt 8.1-4; Lc 5.12-16)

⁴⁰ Sa ye apequiro dohatiriquiro camĩ bucũ mũna wihiro Jesure piti caro dũsepe curi mehna quehe sa siniahye:

—Mũhũ yũhũre yũhdũo duagu yũhdũoaya, niahye camĩ bucũ mũna wihiro.

⁴¹ Tiquiro sa nigũ tuhoro Jesu tiquirore paja ihñañe. Sa yero tiquiro omocare siõdoqueo tiquirore ña peoahye. Sa ña peoro ohō saha niahye:

—Tire ye duaja. Quehnoagu ijiya mũhũ, niahye Jesu.

⁴² Tiquiro sa nigũta tiquiro camĩ ahbari yati maa wahahye. Quehnoã wahahye tiquiro. ⁴³ Tiquiro sa wahagũ ihñaño Jesu tiquirore tutuaro mehna yahuahye:

⁴⁴—Apequinare ahrire yahu siteracãhña. Sa yahuerapegũta mũhũ pagure pahire ihñaño. Cohãcjũ dutiye Moiserẽ tiquiro cũriro sahata yeya. Sa yegu minicjũare ohoya pahire mũhũ quehnoagu mũhũ waharire masare mũhũ ihñaotire, niahye Jesu. Sa ni tuhasa “Wahaya”, niahye tiquirore.

⁴⁵ Tiquiro sa yahu dutierapegũta tiquiro waha, ijipihtiyẽ macari cjẽnare Jesu yerire yahuahye. Tiquiro sa yahuri bato Jesu masa peyequina ijiorũre waha masiedahye. Sa yero tiquiro meheñequinagã ijiorũpũ ijiahye. Topũ tiquiro ijigũ peye macari cjẽna tiquiro cahapũ esahye.

2

Jesu tini masieniquirore tinigũ yeahye

(Mt 9.1-8; Lc 5.17-26)

¹ Meheñe decori bato Jesu Capernaupũ tojoa wahahye. Wũhũpũ tiquiro ijigũ masa tũhoahye. ² Sa ye topũ masa peyequina cahmecoã, ti wũhũre wahpa wijiadũca saa wahahye. Sa yero Jesu tiquinare quehnoañe buheyere yahuahye. ³ Sa ye apequina gũhũ ahta, pititiaro amũa tini masieniquirore ne wihiahye. ⁴ Tiquina masa peyequina ijigũ ihñañe Jesu cahapũ sajã masiedahye. Sa ye tiquina wũhũ buipũ muji pahmare ne

wedoqueo, Jesu bui waro meheni copegã dahre, tini masieniquirore tiqiro cuñari cahsero mehna duhu dijioahye Jesu caha waro. “Jesu ahriquiroro tiqiro dohatiyere yuhdugã yerota”, ni tãhotuahye tiquina. ⁵ Tiquina sa ni tãhotugã masino Jesu pehe dohatiriquirore ohõ saha ni yahuahye:

—Yũhu macũ, mũhu ñaŋe yerire cohã tuhasau, niahye Jesu tini masieniquirore.

⁶ Tiquiro sa nigũ tãhoye, usã acaye judio masare buheyequina topure dujiyequina tiquina basi ohõ saha ni tãhotumahye: ⁷ “Ahriquiroro sa ni yahuducueracãhdo. Cohãcũre ñano yahuducuro nine tiqiro. Masino mari yero saha ijiriquiro ijire tiqiro gãhu. Sa yero tiqiro ahriquiroro ñaŋe yerire cohã masiedare. Cohãcũ dihita masa tiquina ñaŋe yerire cohã masine”, ni tãhotumahye tiquina. ⁸ Tiquina sa ni tãhotugã ihñano Jesu tiquina tãhotuyere masino ohõ saha niahye:

—¿Dũhse yena musa sa ni tãhotujari? ⁹ “Mũhu ñaŋe yerire cohã tuhasaja”, yũhu nigũ, “Ni mehogu ijire”, yũhure nina nine musa masiedapenata. Tiquiro tini masieniquirore “Wahcãducã, wahaya”, yũhu nigũ, tiqiro tinigũ ihñana yũhu nidi potota ijigã duita masinata musa. ¹⁰ Yũhu masũ Cohãcũ ohorigũ ahri yehpapure masa tiquina ñaŋe yerire cohã masiaja yũhu. Yũhu sa cohãrire musa masiato saha ohõ saha tiqiro wahagũ yeitja, niahye Jesu judio masare buheyequinare.

Sa ni tuhasa tini masieniquirore ohõ saha niahye:

¹¹ —Mũhure niita niaja. Wahcãducaya. Mũhu cuñari cahserore ne cãhña mũhu ya wũhũpũ, niahye Jesu tiqirore.

¹² Tiquiro sa nigãta tini masieniquiro wahcãducã sa, tiqiro cuñari cahserore ne, ijipihitiyequina tiquina ihñono wijiaa wahahye. Tiquiro sa yegũ ihñãŋe tiquina ijipihitiyequina ihña acũaa wahahye. “Cohãcũ tutuariquiroro ijire. Ne mari ohõ saha yegũre ihñeda tii”, niahye tiquina basi.

Jesu Levĩre “Yũhu mehna cã ijicãũ ahtaya”, niahye

(Mt 9.9-13; Lc 5.27-32)

¹³ Sa ye pari turi Jesu ditara dũhtũ cahapũ wahahye. Sa yero masa peyequina tiqiro cahapũ tiquina cahmecoagũ ihñano tiqiro buheahye tiquinare. ¹⁴ Sa ye tuhasa topũ ijiriquiro waharo Levĩre Alfeo macanore tiqiro dahrari tucũpũ boca sahye. Apequina mehna pãhtoa ye ijiatire wapa ne cohteyequina ijiahye Levĩ gãhu. Tiquirore boca saro ohõ saha niahye:

—Yũhu mehna cã ijicãũ ahtaya mũhu, niahye Jesu Levĩre.

Tiquiro sa nigũ Levĩ pehe wahcãducã sa, Jesu mehna wahahye.

¹⁵ Jesu mehna wahayequina peyequina ijiahye. Sa yero Levĩ ya wũhũpũ mesa cahapũ peyequina wapa ne cohteyequina mehna, “Ñano yeyequina”, tiquina niñequina mehna tiqiro buheyequina mehna dujiyahye Jesu. ¹⁶ Topũ tiquina dujiri bato apequina usã judio masare buheyequina, fariseo masa mehna Jesu tiqiro ihyagũ ihñahye tiquina. Sa ihñãŋe ohõ saha niahye:

—¿Dũhsero ñano yeyequina, wapa ne cohteyequina mehna ihyajari Jesu? ni sinituahye judio masare buheyequina Jesu buheyequinare.

¹⁷ Tiquina sa nigũ tãhorõ queoye mehna yũhtiahye Jesu:

—Dohatiyequina duturure macaedare. Dohatiyequina dihita duturure macare. Ñãñequina dohatiyequina yero saha ijire. Sa yegũ ñãñequina dihitarẽ tiquina ñãñe yerire bũjũa witi duti, quehnoãŋe pehere tiquinare comesagũ yegũ tagũ nii yũhu. Tiquina basi “Quehnoana ijiaja usã”, ni tãhotuyequinare yedohogu tagũ niedũ yũhu, niahye tiqiro tiquinare.

Sijiyere Jesure sinituahye apequina
(Mt 9.14-17; Lc 5.33-39)

¹⁸ Ti pjere Ñũ buheyequina, fariseo masa gãhu Cohãcũre ño peoye tehe, sijie tiahye. Sa ye masa Jesure sinituahye:

—Ñũ buheyequina, fariseo masa buheyequina gãhu Cohãcũre ño peoye tehe sijie. ¿Dũhse ye mũhu buheyequina sijierajari? niahye tiquina Jesure.

¹⁹ Jesu tiqiro tãhotuyẽ mehna queoye mehna buhero tiquinare ohõ saha ni yũhtiahye:

—Ohõ saha ijire ti: Omoca dũhteriquiro bõse deco ijigũ tiqiro mehna cãña bũjũa witiro mehna ijierare. Sa ye sijiyequina ijierare. Sata yũhu buheyequina gãhu yũhu mehna ijieye, siji masiedare. ²⁰ Yũhu Pacũ Cohãcũ yũhure tiqiro neari bato pũritare pari turi yũhu buheyequina mehna ijisi yũhu. Sa ye ti pjepũ yũhu buheyequina gãhu sijieta, niahye Jesu.

²¹ Panopũ cãjẽ buheye mehna tiquina buhe more duagũ ihñano ohõ saha ni nemoahye Jesu tiquinare queoye mehna buhero.

—Ne wahma cahsero suhtiro cahsero mehna mũnãno suhtirore sere ohõno cahmedare. Sa yegũ wahma cahsero mari coseri bato mũnãno suhtirore weje cahmecoã, pãji yũhdũaro tãhũngũ yere. (Sata mũna buheye wahma buheye mehna piti dahre buheraro cahmene.) ²² Sa yena ne uñse co bisieye core wahiquiro cahsero ajurõpũre mũna ajurõpũre pose yeraro cahmene. Sa yegũ uñse co bisieye pahmuñepũ mũna ajurõre tãhũnã dijiaa wahare. Ti ajuro tãhũngũ uñse co gãhu ajuro

gāhu cohāa wahare. Sa yena uhse co wahma core wahma ajurorū pose yero cahmene. (Sata wahma buheye māna buheye mehna buhe moredaro cahmene,) ni buheahye Jesu tiquinare.

Saurū ijigū Jesu buheyequina trigo parorire peheahye

(Mt 12.1-8; Lc 6.1-5)

²³ Ape deco saurū ijigū Jesu gāhu trigo weseperū wahahye. Tiqairo buheyequina pehe trigo parorire pehe yuhdu cāhye. ²⁴ Tiqaina sa yegū ihñāne ohō saha ni tuhtiahye fariseo masa Jesure:

—Tuhorīña usāre. ĶDuhse ye muhu buheyequina saurū mari sori deco ijiepegūta dahrajari? Mari dutiyere yuhduḍucaye nine, niahye tiqaina Jesure.

²⁵⁻²⁶ Tiqaina sa nigū tūhoro Jesu tiquinare yuhtiahye. “Yuhū buheyequina yuhduḍucaye niedare”, nino taro ohō saha niahye:

—Davi mānano tiqairo mehna cjēna mehna ūjua ahbaro, Cohācjū wuhurū sajā, Cohācjū ye pāre ihyahye. Sa yero tiqairo mehna cjēna gāhure ti pāre ohoahye. Ti pāre pahia dihita ihyae tiahye. Cohācjū dutiye tiqaina ojoari pū apeqinane ti pāre ihya dutierare. Ti pjere Abiatar wame tiriqiro pahia puhtoro ijiahye. ĶDavi gāhu tire tiqaina yerire Cohācjū yere tiqaina ojoari pūre buherari masa? (Ti pāre ihyaro Cohācjūre yuhduḍucaro niedahye. Miare ahri pjerire ihyaye yuhū buheyequina gāhu Cohācjūre yuhduḍucaye niedare,) niahye Jesu tiquinare.

²⁷ Sa ni tuhasa ohō saha ni nemoahye:

—Sa yero Cohācjū saurū decore tiqaina sori deco cūno, masa ya deco cūno nidi dahra wahyariquinare so dutiro. Ti deco cahācjēna ijiatire cūno niedari masare. ²⁸ Sa yegu yuhū masu Cohācjū ohorigū ahri deco saurū decore masa tiqaina yeatire yahugu ijigū puhto ijiaja, niahye Jesu tiquinare.

3

Omoca buhariquiro quiti ijire

(Mt 12.9-14; Lc 6.6-11)

¹ Sa ye Jesu usā judio masa buheri wuhurū esaro, sajāhye tja. Sa yero omoca buhariquiro gāhu topū ijiahye. Sa ye ti wuhurū ijieyequina Jesu dihitarē ihñadoque ohōahye. ² Saurū ijigū Jesu omoca buhariquirore tiqairo yuhduogū ihñā duahye tiqaina. Tiqairo sa yegū ihñāne tiqairore yahusā duahye. “Mari sori decore Jesu dahrarō nine”, ni yahusā duahye tiqaina. ³ Sa yero ohō saha niahye Jesu omoca buhariquirore:

—Wahcāduca saya. Ohōpū ahtaya, ni-ahye.

Sa ni tuhasa ti wuhurū ijieyequinare yahuahye:

⁴ —ĶSaurū ijigū quehnoañene yegū quehnoedajari? ĶO ñāne yegū pehere quehnoajari, masa tuhotugū? Saurū ijigū masunore masogū quehnoarīne. Masunore wejēgū pehere quehnoedare, ni yahuahye Jesu tiquinare.

Tiqairo sa niepegūta tiqaina pehe ne yuhtierahye. ⁵ Tiqaina sa yuhtieragū ihñano Jesu tiqaina mehna usuahye. Tiqaina tuho dueragū ihñano Jesu bujua witiahye.

—Muhū omocare siō potoya, niahye tiqairo omoca buhariquirore.

Tiqairo sa nigū tūhoro tiqairo omocare siō potoahye. Tiqairo siō potogūta omoca quehnoa wahahye. ⁶ Sa omoca quehnoa wahagū ihñāne fariseo masa wijiaa wahahye. Wijia, Herode mehna cjēna mehna cahmecoa, “ĶDuhse ye Jesure wejēnatarī mari?” niahye tiqaina basi.

Masa peyequina ditara daktu cahapū ijiahye

⁷⁻⁸ Sa ye Jesu tiqairo buheyequina mehna ditara cahapū wahahye. Tiqaina sa wahagū ihñāne Galilea cjēna masa peyequina tiqairo bato esahye. Sa ye Judea yehpa cjēna, Jerusalē cjēna, Idumea yehpa cjēna, Jordā wame tiri ma ape sie pahrē cjēna, Tiro wame tiri maca cjēna, to cahapū ijieyequina, Sidō wame tiri maca cjēna, to cahapū ijieyequina mehna masa peyequina ijieyequina tiqairo yerire tuhoje, tiqairo cahapū esahye. ⁹ Sa ye masa peyequina ijieye, Jesu cahare bihsa ḍuca sahye. Sa yero Jesu yucasare quehno pahsa dutiahye tiqairo buheyequinare. ¹⁰ Peyequina dohatieyequinare tiqairo yuhduogū ihñāne apeqina dohatieyequina gāhu Jesure piha duaye, bihsa ḍuca sahye. ¹¹ Sa ye watīare cuoyequina pehe Jesure ihñāne tiqairo cahapū ḍusepe curi mehna quehe sahye.

—Muhū Cohācjū macū ijire, ni sañuducuaahye tiqaina tiqairore.

¹² Sa yero tiquinare Cohācjū macano tiqairo ijyere tutuaro mehna apeqinane yahu dutierahye Jesu.

Jesu tiqairo buheyequinare doce tiqairo ohoatiquinare bese docoahye

(Mt 10.1-4; Lc 6.12-16)

¹³ Sa ye Jesu cūpū mūja, tiqairo cahmeñequinare pijiahye. Tiqairo pijigū tuhoje, tiqairo cahapū esahye tiqaina. ¹⁴ Sa yero doce amūare tiqairo mehna cjēnare, tiqairo ohoatiquinare, apeye macaripūre tiqairo yere buheatiquinare bese docoahye Jesu. Sa ye tiqaina ya curua Jesu cūriquina wame tiahye. ¹⁵ Sa yero dohatieyequinare yuhduoatire, watīare cohāti gāhure cūahye tiquinare. ¹⁶⁻¹⁹ Ahriquina ijiahye doce amūa Jesu tiqairo bese docoriquina: Simo,

Santiago Zebedeo macano, Ñu Santiago bahuro, Andre, Felipe, Bartolomé, Mateo, Tomasu, Santiago Alfeo macano, Tadeo, Simo celote ya curua cjano ijimediquiro, Juda Iscariote, ahriquina ijiahye tiquiro bese docoriquina. Jesu Simore Pedro wame yeahye. Santiago, Ñu mehna Boanerges wame yeahye. Boanerges “Ḥpo cjēna”, nino nine. Juda Iscariote Jesure ihña tuhtiyequinare ihñootiquiro ijiahye.

—*Jesu watño tutuayere core, ni yahusāhye masa*

(Mt 12.22-32; Lc 11.14-23; 12.10)

²⁰ Tiquinare bese doco tuhasa, dijia, Jesu tiquiro buheyequina mehna wuhpu sajā wahahye. Sa ye topu pari turi masa peyequina cahmecoāñe, bihsaa wahahye. Tiquina sa bihsagū ihñano Jesu ihya masiedahye. Sa ye tiquiro buheyequina gāhu ihya masiedahye. ²¹ Sa ye apequina Jesu acaye tire tuhoye tiquiro cahapu esaye, tiquirore ñehemahye. “Tiquiro tuho masieniquiro waharo nine”, nimahye tiquina.

²² Apequina ohō saha nimahye:

—Beelzebú tiquirore sa wahagū yero niga. Tiquiro watiare cohāno, Beelzebú watia puhtoro tutuaye mehna tiquinare cohāre, nimahye Jerusalēpu ahtariquina usā judio masare buheyequina.

²³ Tiquina sa nigū tuhoro Jesu pehe tiquinare piji, tiquiro tuhotuye mehna queoye mehna yahuahye tiquinare, “Watño ye tutuaye mehna watiare cohāgu nidadaja”, nino taro.

²⁴ —Watia tiquina basi cohā masiedare. Sa ye ihcā yehpa cjēna tiquina basi cahme wejē, ti yehpa cjēna yaria pihtia wahaboaga. ²⁵ Sa ye ihcā wahu cjēna tiquina basi cahmequeñe ti wahu cjēna waha pihtia wahaboaga. ²⁶ Sa yero Satana watia puhtoro pehe watiare cohāno tiquina basita cahmequeñe nioboaga. Sa ye tiquina waha pihtia wahaboaga.

²⁷ “Ohō sahata ijire mari queoye mehna buhegū. Tutuariquiro ya wuhpu apequiro sajā sa yaque masiedare. Tutuariquirore duhteraro tiquiro ya wuhpu sajā sa yaque masiedare. Tutuariquirore tiquiro duhteri bato sajā sa yaque masine, ni yahuahye Jesu.

(Ohō saha ni yahuahye watñore tiquiro yuhducarire yahuro. Watño tutuariquiro tiquiro ijiepegūta Jesu tiquirore yuhducare watiare cohāno.)

²⁸ Sa ni tuhasa ohō saha ni yahu nemoahye Jesu:

—Poto niita niaja musare. Ijipihtiyē ñañe masa tiquina yegū tiquina yahuducugū gūhare Cohācjū bo masine. ²⁹ Sa boeperota Espiritu Santore tiquina ñano

yahuducugū ti pūritare ne bosí. Tiquina sa nidi buhiri sa buhiri tiducuyequina ijietā, niahye Jesu tiquinare.

³⁰ Jesu Espiritu Santo tiquiro tutuaye mehna watiare tiquiro cohāepēgūta “Tiquiro watño tutuaye mehna watiare cohāno nine”, nimahye masa. Tiquina sa nigū tuhoro ti quitire Espiritu Santo quitire yahuahye Jesu tiquinare.

Jesu acaye tiquirore pijiahye

(Mt 12.46-50; Lc 8.19-21)

³¹ Sa ye Jesu bahana tiquiro pacoro mehna wihiahye. Sa wihye sopecahapu ijiahye. Apequinare piji dutiahye tiquirore. ³² Sa ye masa tiquiro cahapu dujiyequina yahuahye tiquirore.

—Mahu paco, mahu bahana mehna sopecahapu mahare pijiri, niahye.

³³ Tiquina sa nigū tuhoro ohō saha niahye Jesu tiquinare buhero taro:

—¿Noa ijijari yuhu paco, yuhu bahana gūhu, masa ihñagū? niahye tiquiro tiquinare buhero.

³⁴ Sa nino tiquiro caha dujiyequinare ihñano ohō saha niahye:

—Ahriquina ijire yuhu paco, yuhu bahana yero saha ijieyequina. Cohācjū cahmeñene yere ahriquina. ³⁵ Sa yeyequina yuhu bahu, yuhu baho, yuhu paco yero saha ijire, ni buheahye Jesu tiquinare.

4

Jesu oteriquiro quitire buheahye

(Mt 13.1-9; Lc 8.4-8)

¹ Sa ye pari turi ditara duhtu cahapu Jesu buhe ducahye. Sa ye topare buhe ducaro masa peyequina tiquiro cahapu tiquina cahmecoagū ihñano Jesu pehe yucasapu buhe pahsahye. Sa ye masa pehe ditara duhtu cahapu ducuahye. ² Sa yero Jesu peye tiquiro tuhotuye mehna piti dahre yahuahye tiquinare buhero.

³ —Ahri quitire tuhoya musa, niahye tiquiro.

—Oteriquiro otero wahahye. ⁴ Tiquiro sa otegū apeye pjeri maha duhtu cahapu bora quehe sahye. Sa bora quehe saye pjerire minicjua ahta, ihya cāhye. ⁵ Sa ye apeye pjeri utā pjeri watoa bora quehe sahye. Utā pjeri watoa dihta marieda cjūno ijiepegū duita pihnimahye. ⁶ Sa pihnidī ijieperota, asū tutuaro asigū nuhcori marieda, ñaia wahahye. ⁷ Apeye pjeri taa watoa bora quehe sahye. Taa pehe dia yuhduha waha, oteri pehere wejē cāhye. Sa yero duca mariedahye. ⁸ Apeye pjeri quehnoari dihtare bora quehe sahye. Quehnoano pihniñe ijiro quehnoano duca tiahye. Apeye cju treinta pjeri, apeye cju sesenta pjeri, apeye cju cien pjeri duca tiahye. ⁹ Ahrire quehnoano tuhoya musa, niahye Jesu.

Jesu quti mehna tiqiro buherire yahuahye

(Mt 13.10-17; Lc 8.9-10)

¹⁰ Sa ye tiquina sehsaro ijiye doce buheye-quina, apequina Jesu mehna ijiyequina ti qutire masi duaye, Jesure sinituahye. ¹¹ Tiquina sa sinituri bato Jesu ohō saha ni yahuahye:

—Cohācjū masa pūhtoro tiqiro ijiyere, panopū apequina tiquina masiedarire masare masigū yere Cohācjū. Apequina pehere sa yerare tiqiro. Tiqinare quti mehnta buheitja. ¹² Sa ye tiquina ihñāepeta ihñedariquina yero saha tojoare. Sa ye tuhoepeta masisi. Tiquina masiñe quehnoañe pehere comesaboaya. Tiquina sa comesagū ihñano tiquina ñañe yerire boboya Cohācjū. (Sa ijipegūta tiquina pehe ne tuho duerare,) niahye Jesu.

Jesu oteriquiro qutire yahu pehoahye

(Mt 13.18-23; Lc 8.11-15)

¹³ Tiqiro sa nidi bato ohō saha ni yahu nemoahye tiqinare:

—¿Ahri qutire tuhoena niajari mūsa? ¿Mūsa ahri qutire tuhoerana, dahse apeye qutire tuhonatari mūsa? niahye Jesu tiqinare.

Sa ni tuhasa ohō saha ni yahu nemoahye tiqinare:

¹⁴ —Oteriquiro tiqiro oteri pjeri quehnoañe buheye yero saha ijire. ¹⁵ Sa yero maha dahnta caha bora quehe sari pjeri quehnoañe buheye yero saha ijire. Sa yero masa quehnoañe buheyere tiquina tuhogū ihñano Satana pehe ahta, ti buheye quehnoañe buheyere masi dutierare tiqinare, minicjua ti pjerire tiquina dote nediro saha yero. ¹⁶ Sa ye utā pjeri watoa bora quehe sari pjeri quehnoañe buheye yero saha ijire. Sa ye masa quehnoañe buheyere tuho, bucueye mehna duita tire tuho ñehe maa wahare. ¹⁷ Sa tuho ñehopeta utā pjeri watoa ijiye cju nahcori marieñe cju yero saha ahriquina masa gāhū tutuerare. Sa tutueraye, ñano yahduye, yeequina tiquina ijiri buhiri apequina tiqinare ñano yegū ihñañe yee pehere duhu cāhre. Apequina tiqinare ñano yegū tire ihcāno sahaeraye, yeere duhu cāhre. ¹⁸ Sa ye taa watoa bora quehe sari pjeri quehnoañe buheye yero saha ijire. ¹⁹ Sa ye masa quehnoañe buheyere tuhoepeta, ahri yehpa cjeñe pajiro bujua witi tuhotuye, niñeru pehere cahñe. Apee boro gāhūre peye tutuaro cahmene. Tiquina sa ni tuhotugū ti pehe quehnoañe buheyere cahmotare. Ti sa cahmotagū masa quehnoañe pehere yerare. ²⁰ Sa ye quehnoari yehparū bora quehe sari pjeri quehnoañe buheye yero saha ijire. Sa ye masa quehnoañe buheyere tuhoeye tire cahmene. Sa masiñequina

ijiye, Cohācjū tiqiro cahmeno sahta quehnoañene yere tiquina. Ihquēquina meheno quehnoañene yere treinta pjeri dūca tiro saha. Apequina bui cjūno quehnoañene yere sesenta pjeri dūca tiro saha. Apequina pajiro quehnoañene yere cien pjeri dūca tiro saha, ni yahuahye Jesu tiqinare.

Jesu sihāria qutire buheahye

(Lc 8.16-18)

²¹ Sa ni tuhasa ohō saha ni nemoahye:

—Ne sihāriare dihi sutu docarū cūedare. Sa ye tiare cumuno docarū cūedare. Uhmuanopū duhu peore quehnoano buhrio dutiye. ²² Ijipihtiye tiquina masiedarire came masa masieta. Sihāria buhriogū mari ihñā masino saha panopure tiquina masiedarire masieta masa. ²³ Ahrire quehnoano tuhoya mūsa. ²⁴ Mehenogā masi duana mehenogā masinata. Pajiro masi duana pajiro masinata. Sa yena mūsa tuhona quehnoano tuho nunñā. ²⁵ Quehnoano tuho nunñariquiro quehnoano masinota. Tuho nunñariquiro, “Mehenogā tuhoaja”, tiqiro niepegūta ti pehe butia waharota, niahye Jesu tiqinare.

Jesu trigore oteriquiro qutire buheahye

²⁶ Sa ni tuhasa ohō saha ni yahu nemoahye:

—Cohācjū masa pūhtoro tiqiro ijiye trigore oteriquiro yero saha ijire. ²⁷ Ote tuhasa bohrearo tiqiro oteri pihñiñene ihñare tiqiro. “¿Dahse pihni wijia ta dūcajari?” ni ihñā masiedare oteriquiro tiqiro basi. ²⁸ Ti oteri ti basi dūca tire. Pari pūgā wijia muhtare. Came pari paro wijia, bucare. ²⁹ Ti parori buca tuhasagū ihñano, pehere peheri pje ijigū. (Tiqiro ote, ti bucarire tiqiro masiedaro saha Cohācjū yequina masa tiquina wahari gāhūre yahu peho masiedare masa,) ni buheahye Jesu.

Mostaza pje qutire yahuahye Jesu

(Mt 13.31-32; Lc 13.18-19)

³⁰ Sa ni tuhasa ohō saha ni buhe nemoahye queoye mehna buhero:

—¿Ne Cohācjū masa pūhtoro tiqiro ijiye yabe boro yero saha ijajari, masa tuhotugū? ¿Dise quti mehna tire yahunatari? ³¹ Mostaza pjegā yero saha ijire Cohācjū pūhtoro ijiye. Ti pjegā tiqiro otegaro meheni pjegā waro ijire. ³² Sa ijieperota ti pjegā quehnoano pihmine. Sa yero pajidu wahare. Sa ye tu dūpūri bujūye dūpūri bucaagū ihñañe minicjua ti dūpūripū suhti suhare, niahye Jesu. (Sa nino ohō saha nino niahye. Mostaza pjegā pajidu tu bucariro saha uhmūse cjūnore mari pūhtoro masiñequina meheñequinagā tiquina iji muhtaepēgūta camepare peyequina wahaeta.)

Quiti mehna tiqiro buherire yahuahye Jesu

(Mt 13.34-35)

³³ Sa yero ti quiti tiqiro nidiro saha peye quitire tiquina taho ñeheno puno quehnoañe buheyere buheahye tiquinare. ³⁴ Quiti marieno yahuerahye tiquinare. Sa yero tiquina sehsaro ijiyequinare Jesu quehnoano yahu pehoahye tiqiro buheyequinare.

Jesu wihnonore yusu dutiahye
(Mt 8.23-27; Lc 8.22-25)

³⁵ Sa ye ti decore ñamicaharu Jesu tiqiro buheyequinare ohõ saha niahye:

—Isa, si pahrëru pehãhna, niahye tiquinare.

³⁶ Tiqiro sa nigũ tuhoye yucasaru sajã, masare yehparu ducuyequinare tota cũ, tiqiro buheyequina dihita Jesure ne pehã wahahye. Sa ye apeye yucasari mehna apequina tiquina bato pehãhye.

³⁷ Tiquina sa pehãgũ wihnono tutuaro wẽahye. Sa wẽno yucasare tutuaro pahcõri quẽ sajãhye. Mehenogã duhsamahye tiquina miniboriro. ³⁸ Sa wahari watoa Jesu yucasa ohotururu suhti puti buiru carino niahye. Sa ye tiquina tiqirore wahcõahye.

—¿Buhegu, mũhu cuerajari? Mari minina tana niajã, niahye tiquina tiqirore.

³⁹ Tiquina sa nigãta Jesu pehe wahcã, wihnonore,

—To punota wẽ duhuya, niahye.

Sa ninota pahcõri gãhure,

—Yusahya, niahye.

Tiqiro sa nigãta wihnono yuhdua wahahye. Sa ye pahcõri gãhu yusu dijiaa wahahye.

⁴⁰ —¿Dũhse yena cue maca cãna nijari msa? ¿Msa yuhure wacũ tutuerajari? niahye Jesu.

⁴¹ Sa wahagũ ihñañe acua yuhdua wahahye.

—¿Yohou, dũhse ijiriquiro boro masano ijiajari ahriquiri? Ahri wihnono, pahcõri gãhu tiqiro dutigũ yuhducuerare tiqirore, niahye tiquina pehe.

5

Watãre cuoriquirore yuhduoahye Jesu
(Mt 8.28-34; Lc 8.26-39)

¹⁻² Sa ye tiquina si pahrëru Gerasa cjẽna ya yehparu pehã sahye. Sa yero Jesu pehe yucasaru sañariquiri maja saducahye. Tiqiro sa maja saducari bato watã cuoriquiro masa coperi utã coperi watoaru ijiriquiro wijia ta, tiqiro caharu ahtahye. ³ Watã cuoriquiro masa coperi watoa ijiriquiro ijiahye. Apequina pehe tiqirore come da pajiri da mehna ñehẽ duhte masiedahye. ⁴ Sa ye peye tahari masa tiqirore dahpocãri apõñe behtori mehna,

come dari mehna dũhtemahye. Tiqiro omocari gãhure dũhtemahye. Sa yero tiqiro pehe come darire nuha, dahpocãri apõñe behtori gãhure nuha site mujahye. Sa ye tutuariquiro tiqiro ijiro mehna masa pehe tiqirore ñehẽ masiedahye. ⁵ Nami ijigã, deco ijigũ utã coperi watoaru canuru sa sañuducue tiahye tiqiro. Sa yero utã mehna tiqiro basi tiqiro pagure quẽ tiahye. ⁶ Sa yero yoaruru Jesure ihñadoqueo tiqiro caharu oma maa cãhta, dũsepe curi mehna quehe sahye tiqirore ño peoro taro.

⁷⁻⁸ —Watã duhuya tiqirore, niahye Jesu.

Tiqiro sa nigũ tuhoro watã cuoriquiro ohõ saha niahye:

—¿Jesu, Cohãcũ tutuariquiro macu, yabere yegu tuu nijari mũhu yuhure? Cohãcũ tiqiro ihñonoru siniaja yuhu mũhure. Yuhure ñano yeracãhña, ni sañuducuahye watã cuoriquiro Jesure.

⁹ —¿Dũhse wame tiajari mũhu? niahye Jesu tiqirore.

—Usã peyequina ijiaja. Sa yena “Peyequina watã” wame tiaja. ¹⁰ Usã ahri dihtaru ijinare ape sieru waha dutieracãhña, niahye watã cuoriquiro.

¹¹ Ti pjere yesea peyequina tiquina caharu canu dahpotoru ihyaye niahye. ¹² Toru tiquina ihyaducugã ihñañe, ohõ saha ni siniahye watã:

—Sisequina yesea caharu waha dutiya usãre. Tiquina mehna iji dutiya usãre, ni siniahye watã tiqirore.

¹³ Tiquina sa nigũ tuhoro tiquinare waha dutiahye Jesu. Tiqiro sa waha dutigũ watã masano mehna ijiriquina waha, yesea dos mil yesea caharu esahye. Tiquina caharu tiquina esari bato yesea pehe ijiphtiyequina ditara duhtu caharu oma buha, ti ditararu bora ñojoa, mini yaria pihtia wahahye.

¹⁴ Tiquina sa minigũ ihñañe, yeseare cohteyequina pajiri macaru, daye macarigãru gãhure tire yahuye waha, oma cãa wahahye. Tiquina sa yahugũ tuhoye masa pehe peyequina tiqiro yerire ihñañe wahahye. ¹⁵ Sa ye Jesu caharu wihiye, watã cuoriquiro tiqiro suhti tiriqiro, tũho masiniquiro tiqiro dujigũ ihñañe, ihña maria waha, cueahye. ¹⁶ Sa ye watã cuomediqiro, yesea gãhure tiquina sa waharire ihñariquina apequinare yahu pehoahye. ¹⁷ Tiquina sa yahu pehogũ tuhoye, Jesure tutuaro mehna ape sieru waha dutiahye.

¹⁸ Sa yero yucasaru Jesu tiqiro sajãgũ ihñano, “Mũhu mehna waha duaja”, ni tutuaro sinimahye watãre cuomediqiro Jesure. ¹⁹ Tiqiro sa nigũ Jesu tiqirore yahuahye:

—Yuhũ mehna wahaeracãhña. Mũhu ya wũhũrũ mũhu caha ijyeyũquina caharũ yũhu mũhu ruhto mũhũre yũhu yerire yahugũ waha. Mũhũre yũhu paja ihñarĩre yahugũ wahaya tiqũinare, niahye tiqũore.

²⁰ Tiquiro sa nigũ wafũa curomediquiro pehe Decapoli wame tiri macarũ Jesu tiqũore yũhdũorire yahu dũcahye. Tiquiro sa ni yahugũ tũhoye ijipihyeyũquina masa tũho maria wahahye.

Jairo maconore yũhdũoro, dii mũna wihoro dohatiducuricoro gũhũre yũhdũoahye Jesu

(Mt 9.18-26; Lc 8.40-56)

²¹ Sa ye pari turi Jesu tiqũiro majare pehã sagũ masa peyeũquina tiqũiro caharũ ditara dũhtũ caharũ cahmecoahye. ²² Sa yero usã judio masa buheri wũhũre ihña ihboriquiro Jairo wame tiriquiro ahta, Jesure ihña, tiqũiro dahpocãri caharũ dũsepe curi mehna quehe saro, ohũ saha niahye:

²³ —Yuhũ macogã yariaro nidi. Sa yegũ ticorore mũhu omoca mehna ña peogũ, yũhdũogũ ahtaya. Mũhu sa yegũ ticoro masanota, niahye tiqũiro Jesure.

²⁴ Tiquiro sa nigũ Jesu gũhu pehe tiqũiro mehna wahahye. Maharũ tiqũiro wahagũ masa peyeũquina tiqũore nũnũ tã cã bihsaro esadũca sahye. ²⁵ Sa yero numino doce cahmari waro decoripe dii mũna dohatiducuricoro topũ ijyahye. To pano peyeũquina daturua ticorore ñano yũhdũgũ yeahye. ²⁶ Sa yero daturuare ijipihyeyũ ticoro niñeru mehna wapa yemahye ticoro aco ye dutiro. Tiquina sa yepegũta ticoro mũnanota ijiducu cãhye. Sa yero ticoro tiqũinare ihñari bato to pano ijiriro yũhdũoro ñano wahahye. ²⁷ Ticoro sa ñano yũhdũuri bato Jesu yeyere tũhoye, apeũquina yahuahye ticorore. Sa yero ticoro Jesu bato masa peyeũquina watoa ahta, Jesu suhtirore ñehe tuhuahye. ²⁸ “Yuhũ tiqũiro suhtiro dihitarẽ ñehe tuhugo quehnoa wahagota”, ni tũhotuahye. ²⁹ Sa yero ticoro sa ñehe tuhuri bato ticoro dii mũna dohatiyere yũhdũgũ ticoro pagure quehnoari paga tũhotuahye. ³⁰ Sa yero Jesu tiqũiro tutuaye mehna dohatiyere tiqũiro cohãrĩre masino, masa watoa majaredũca sa ihñahye.

—¿Noa yuhũ suhtirore ñehe tuhuajari? niahye tiqũiro.

³¹ Tiquiro sa nigũ tũhoye tiqũiro buheye-quina ohũ saha niahye:

—Bihsarĩne. Sa ye masa peyeũquina mũhũre pihare. “¿Noa yũhũre ñehe tuhuajari?” nigũ, ¿dũhse nigũ sa nijari mũhu? niahye tiqũina pehe tiqũirore.

³² Sa yero Jesu tiqũirore ñehe tuhuri- corore macahye. ³³ Tiquiro sa macano watoa ticoro pehe ticoro pagũ quehnoa wahagũ tũhoturo, cue nanare dũsepe curi

mehna quehe sahye tiqũiro caha tiqũirore ño peoro. ³⁴ Sa yero ticoro potota yahu pehoahye tiqũirore. Ticoro sa ni yahuri bato Jesu ticorore yahuahye:

—Maco, yũhũre mũhu wacũ tutuaye mehna quehnoago tojoare yojopure. Bucueye mehna wahaya. Dohatiye mariego ijiya, niahye Jesu ticorore.

³⁵ Tiquiro sa ni yahuducuri bato judio masare buheri wũhũre ihña ihboriquiro ya wũhu cẽna yahuye wihiahye.

—Mũhu maco yaria wahari. Sa yegũ buheriquirore piji cãhteracãhña, niahye tiqũina.

³⁶ Tiquina sa niepegũta sa tũhotu cãhno, Jesu ti wũhũre ihña ihboriquirore ohũ saha ni yahuahye:

—Bũjua wutieracãhña. Yũhũre wacũ tutu-aya. Ti dihitarẽ yeya, niahye ti wũhũre ihña ihboriquirore.

³⁷ Sa ni tuhasa Santiago, tiqũiro bahũro Ñũ, Pedro tiqũina dihitarẽ “Yuhũ mehna ahtaya”, niahye Jesu. ³⁸ Sa yero judio masa buheri wũhũre ihña ihboriquiro ya wũhũrũ esahye. Ti wũhũrũ masa peyeũquina ñano bisi ñehe quea utigũ, tiqũina sañuducugũ tũhoahye Jesu.

³⁹ —Ñano ni, ñehe quea utieracãhña mũsa. Ticorogã mũsa sa ni utigũ yariere. Carĩno nine, niahye Jesu tiqũinare.

⁴⁰ Tiquiro sa nigũ tũhoye “Sa ni maca cãhno nine ahriqũiro”, ni bũjahye tiqũina pehe tiqũirore.

Sa yero tiqũiro tiqũinare sopecaharũ wio peho cãhye. Sa wio tuhasaro ticorogã racasũtuare, tiqũiro mehna cẽna gũhũre ticorogã caharũ neahye Jesu. ⁴¹ Sa yero Jesu ticoro omocare ñehe, “Talita cum”, niahye tiqũiro. “Talita cum”, nino, “ ‘Meheni- corogã wahcãña’, niaja yũhu”, nino nine.

⁴² Tiquiro sa nigũ ticorogã wahcãdũca sa, tiniahye. Doce cahmari cũoricoro ijyahye ticoro. Ticorore ticoro sa yegũ ihñañe tiqũina ihña maria wahahye. ⁴³ Sa yero Jesu tutuaro mehna tiqũiro sa yerire yahu site dutierahye. Sa ye tuhasa ticorore ihyayere oho dutiahye.

6

Nazare cẽna Jesure cahmedahye

(Mt 13.53-58; Lc 4.16-30)

¹ Sa ye topũ ijiriquiro Jesu waha, tiqũiro buheyeũquina mehna tiqũiro ya dihtarũ tojoa sahye. ² Sa yero Jesu saurũ ijigũ judio masa buheri wũhũrũ buhe dũcahye. Tiquiro sa buhegũ masa peyeũquina tiqũirore tũhoye, acua wahahye.

—¿Ahriqũiro nohopũ tũhoyari ahri buheyere? ¿Dũhse yero quehnoano masi pehoajari ahriqũiro? Cohãcã tutuaye mehna ye ihñore ahriqũiro masare.

³ Ahriquiroy taboa dahrari masano María macano, Santiago, José, Juda, Simo tiquina wahminota ijimederoy. Sa ye tiquiroy bahana numia mari ya macarū ijimimedi. Sa yero tiquiroy gūhū mari yero saha ijiriquiroy ijire, niahye tiquina Jesure tuhoriquina.

Sa ye Jesure ihña tuhtiyey, tiquiroyre cahmedahyey. ⁴ Tiquina sa cahmedagū ihñano ohō saha niahye Jesu:

—Cohācjū yere yahu mūhtariquiroyre apequina űo peore. Tiquina sa űo peorepegūta tiquiroy ya maca cjēna, tiquiroy acayey tiquiroy ya wūhūpū ijiyequinata űo peerare tiquiroyre. Sa yena yūhūre űo peerare mūsa ohōre bucuarigū yūhū ijigū, niahye Jesu tiquinare.

⁵ Sa yero ti macarū ijiriquiroy Jesu Cohācjū tutuayey mehna ye ihñoy masiedahyey. Sa ye ihñoyedaperota ihquēquina dohatiyequina bui tiquiroy omocare duhu peo, yūhdūoahyey tiquiroy. ⁶ Sa yero to cjēna Jesure tiquina wacū tutueragū ihñano, “¿Dūhsey ijiro boro yūhūre cahmedajari?” ni tuhoutuahyey tiquiroy. Sa yero Jesu ti maca caharū ijiyey macaripū buheroy wahahyey.

Jesu doce buheyequinare buhe dutiro ohoahye

(Mt 10.5-15; Lc 9.1-6)

⁷ Sa ye Jesu doce tiquiroy buheyequinare pijio, pūeyequina dihitoy ohoahyey tiquinare macaripūre buhe dutiro. Sa yero tiquiroy tutuayere ohoahyey tiquinare wafārey tiquina cohātire. ⁸ Sa ohoroy apey boro, ihyayere, ajurire, niñerure tiquiroy ne cā dutierahyey tiquinare. Tiquina tuayey cjū dihitare ne cā dutiahyey tiquinare. Ihcānotoy suhtirorey saña dutiahyey tiquinare. Pūaro saña dutierahyey. ⁹ Sa yero cahṭay cūñey cahserire saña dutiahyey tiquinare. Ihcā suhtiroṭay saña dutiahyey tiquinare. Pūaro saña dutierahyey. ¹⁰ Sa yero ohō saha ni yahuahyey tiquinare:

—Ijipihtiyey macaripūre mūsarē tiquina carīno ohogū ti wūhūpūte tojoarīña. Coā wahanarū wijiayay ti wūhūre. ¹¹ Sa yena apey maca cjēna mūsarē tiquina cahmedagū tiquina tūho dueragū ti macare yūhdūana dahpocārī cjē dihtoy esa wahārirey wejē site cūñay mūsa tiquinare tiquina ye buhirire masigū yena, ni yahuahyey Jesu tiquinare.

¹² Sa ye doce buheyequinay masare tiquina űaṭey yerire būjū witi dutiyey, quehnoañey peherē ye dutiyey, buheyy wahahyey. ¹³ Sa wahayey peyequina wafārey cohāñey, dohatiyequinare űhsey mehna wisōñey yūhdūgū yeahyey.

űū wame yeriquiroyre apequina wejēahyey
(Mt 14.1-12; Lc 9.7-9)

¹⁴ Sa ye Jesure masay peyequina masiahyey. Sa yero tiquiroy yerire pūhtoroy Herodē tuhooahyey. Sa tūhooroy ohō saha ni tuhoutuahyey tiquiroy: “űū wame yeriquiroy

yariariquiroy pari turi bajuaro niagay. Sa bajuariquiroy ijiro tiquiroy tutuayey mehna tire yero niagay”, ni tuhoutuahyey Herodē. “Jesu űūta ijire”, ni tuhoutuahyey. ¹⁵ Apequina pehe ohō saha ni tuhoutuahyey: “Elīy ijire”, ni tuhoutuahyey. Apequina pehe “Cohācjū yere yahu mūhtariquiroy panopū cjēnay yero saha ijire tiquiroy”, ni tuhoutuahyey tiquina Jesure. ¹⁶ Tiquina sa ni tuhoutupegūta Herodē pehe Jesu tiquiroy yerire tūhoroy ohō saha ni tuhoutuahyey. “űū yūhū dapuy datē sure dutiriquiroy bajuaro niagay”, ni tuhoutuahyey.

¹⁷⁻¹⁸ űūre tiquina wejēatoy panoy Herodē tiquiroyre űehey duti, peresuy ye dutiahyey. Herodē tiquiroy bahūroy Felipe namonore Herodiy wame tiricorore ehmay, namoy tiahyey.

—Mūhū bahū namonore namoy tigū Cohācjū dutiyey yūhdūducagū ninē mūhū, ni yahuahyey űū Herodere.

Tiquiroy sa nidi buhiriy Herodē namonoy Herodiy űūre peresuy tiquina yegū cahmeyehyey. ¹⁹ Sa yero ticoroy pehe űūre ihñay tuhtiroy, tiquiroyre wejē duti duamahyey. Sa ye dueperotay ticoroy tiquiroyre wejē duti masiedahyey. ²⁰ Herodē űūre cueroy “űū quehnoañeyey yeriquiroy, quehnoariquiroy ijire”, ni tuhoutuahyey. Sa yero Herodere cariboroy yeahyey űū pehe tiquiroyre yahuroy. Sa cariboepegūta tiquiroy bucueyey mehna tuhomahyey űūre. ²¹ Tiquiroy sa bucueyey mehna tuhoepegūta Herodiy tiquiroyre ticoroy wejē dutiatoy deco űūmū sahyey. Ti pje Herodē masay bajuari deco ijigū tiquiroy bōsey deco dahreahyey. Sa ye tiquiroy yequina gobiernoy cjēnay, suraray pūhtoy, Galileay cjēnay pūhtoy gūhū tiquiroy ya bōsey deco ihñañey wihiahyey. ²² Sa yero Herodiy maconoy bōsey decoy ihñanoy wihiroy tiquina ihñonopū basay ihñohyey. Ticoroy sa basay ihñogū ihñañey, Herodē tiquiroy pijioriquinay gūhū bucueahyey. Tiquina sa bucuegū ihñanoy ohō saha niahyey Herodē:

—Mūhū cahmeyēney siniñay yūhūre. Sa yegū ohogutjay mūhūre mūhū cahmeyēney. ²³ Cohācjū mehna potoy niayay mūhūre. Mūhū sininoy punoy yeerē deco mehna ohogutjay mūhūre, niahyey tiquiroy ticorore.

²⁴ Tiquiroy sa nigū ticoroy Herodiy maconoy pehe ticoroy pacoroy caharū wahay, sinituahyey:

—¿Yabere sinigotaroy yūhū? ni sinituahyey ticoroy pacorore.

—űū wame yeriquiroy dapure siniñay, ni ahyy ticoroy pacoroy pehe.

²⁵ Ticoroy sa nigūtay Herodiy maconoy űūmūñanoy pūhtoroy Herodē caharū wahay, siniyahyey:

—Mianogāta Ñu wame yeriquiro dapure waparo mehna ohoya yuhare, niahye ticoro.

²⁶ Ticoro sa nigū tuhoro puhtoro Herode pehe tutuaro bujua witiahye. Masa tiquina ihñonopu “Ohogutja muhare”, niahye tiquiro. Sa yero buē tiro, tiquiro “Muhare ohoeraja”, ni masiedahye ticorore. ²⁷ Sa yero duita surarare peresupu ijiyequinare cohteriquirore Ñu dapure dute sure ne cāhta dutiahye. ²⁸ Tiquiro sa dutigū tuhoro surara pehe waha, tiquiro dapure dute sure, waparo mehna ne cāhtahye. Ne cāhta nuhminore Herodia maconore ohoahye. Sa yero ticoro tiquiro dapure ñehe, ticoro pacorore oho yuhduoahye.

²⁹ Sa ye Ñu buheyequina ijiriquina pehe tire tuhoye, topu esa, tiquiro pagure masa coperu ne cā, cūahye.

Jesu cinco mil masare ihyaye ohoahye
(Mt 14.13-21; Lc 9.10-17; Jn 6.1-14)

³⁰ Sa ye Jesu ohoriquina tiquiro cahapu tojoa saye, tiquina yerire, tiquina buherire yahuahye tiquirore. ³¹ Ti pjere masa peyequina sa majareducuye, tiquinare ne ih-yaro ohoerahye. Sa yero ohō saha niahye Jesu tiquinare.

—Masa marienopu mari sehsaro sona wahaahna, niahye tiquinare.

³² Sa ye tiquina sehsaro yucasa mehna masa marienopu wahahye. ³³ Tiquina sa wahagū ihñañe masa peyequina tiquinare masiahye. Sa masiñe peye macari cjēna mahapu waha, Jesu tiquiro esatopu tiquina masa pehe oma cā esa muhtahye. ³⁴ Tiquina sa esagū Jesu tuha sa paha, yucasapu sañariquiro maja ducaro, tiquiro masa peyequina ijigū ihñahye. Oveja cohteriquiro marieñequina yero saha ijiahye masa, tiquiro ihñagū. Sa yero Jesu tiquinare paja ihñano, peye quehnoañe buheyere buheahye. ³⁵ Ñamicahapu doce buheyequina Jesu cahapu esa, ohō saha niahye:

—Ohō masa marienopu ijire. Ñamicaha waharo nine. ³⁶ Ohō cahagā ijiye wuhuseripu, macaripu gūhare tiquina ihyatire dū dutiya masare tiquina pohe tiatire, niahye tiquina Jesure.

³⁷ —Ihyayere ohoya tiquinare, nimahye Jesu tiquiro buheyequinare.

Tiquiro sa nigū ohō saha ni yuhtiahye:

—¿Dos cientos niñeru cjoeri mehna tiquina ihyati pāre dūnatari usā? niahye tiquina Jesure.

³⁸ —¿Nohope paca pā ijiajari? Ihñana waha, niahye tiquiro.

Tiquiro sa nigū tiquina pehe ihyayere bo-caye, ohō saha niahye:

—Ihcā omope paca pā paca, puaro wahi ijire, niahye tiquina pehe.

³⁹ Tiquina sa nigū tuhoro Jesu pehe pe cururi taa bui duji dutiahye masare. ⁴⁰ Tiquiro sa duji dutiri bato tiquina pe cururi duji-ahye. Ihquē cururire cincuenta masa iji-ahye. Apeye cururi pehere cien masa iji-ahye. ⁴¹ Tiquina sa duji tuhasagū ihñano Jesu pehe ihcā omope paca pā pacare, puaro wahi mehna ne, ahmusepu ihña muoahye. Sa ihña muono Cohācjüre “Quehnoare”, nino niahye. Tiquiro sa nidi bato pā pacare nuha, tiquiro buheyequinare masare iti duti ohoahye. Sa yero puaro wahire iti dutiahye ijiptiyequinare. ⁴² Sa ye ijiptiyequina ihya, yapi yuhduu wahahye. ⁴³ Tiquina ihya duharire doce puhuse waro pāre, wahi gūhare ne cahmecoa wahpo dapoahye tiquina. ⁴⁴ Sa ye pāre ihyariquina muña dihitare tiquina queogū cinco mil muña ijiahye.

Jesu aco bui tiniahye
(Mt 14.22-27; Jn 6.16-21)

⁴⁵ Ti pjeta Jesu tiquiro buheyequinare yucasapu sañā duti, ape sie pahrepu Betsaidapu tiquiro pano pehāyu dutiahye. Sa yero tiquina pehāri watoa Jesu pehe masare cohe tiahye. ⁴⁶ Cohe ti tuhasa canupu Cohācjüre sinino wahahye. ⁴⁷ Came ñamipu yucusa mehna ditarapu tiquina pehāducugū Jesu ihcāquiota tiquina pehā tariropu ijiahye. ⁴⁸ Sa yero tiquina ñano yuhdu wajagū, tiquina pano wihnono wēgū ihñadoqueoahye tiquiro. Sa yero bohrea muja tato pano tiquina cahapu esaro, aco bui tini cā wahahye. Tiquinare tiquiro yuhdu cā duamahye. ⁴⁹ Tiquiro yuhdu cā duepegūta tiquirore aco bui ahtagū ihñañe, cue niahye. “Yariariquiro ijiboaga”, ni ihñamahye tiquina. Sa ni tuhotuye tiquina sañuducuahye. ⁵⁰ Ijiptiyequina tiquirore ihñañe, ihña maria wahahye. Tiquina sa ihña mariagū ihñano Jesu tiquinare yahuahye:

—Wacū tutuaya musa. Ne, yuhare cuer-acāhña. Yuhata ijiaja, niahye tiquinare.

⁵¹ Sa ni tuhasa tiquiro tiquina mehna yucasapu sañahye. Tiquiro sañari batogāta wihnono yuhduu wahahye. Sa wahagū tiquina pehe acua yuhduu wahahye. ⁵² Tiquiro pāre peye yerire wacūedahye tiquina. Tire quehnoano masiedahye.

Jesu Genesare cjēnare, dohatiyequinare yuhduoahye
(Mt 14.34-36)

⁵³ Sa ye tiquina pehā sa, Genesare dihtapu pehā sa, tiare duhte poho, duhtu cahapu pahsahye. ⁵⁴ Sa ye yucasapu ijiriquina tiquina majagūta masa pehe Jesure ihña masiahye. ⁵⁵ Sa ihña masiñe ijiptihiro tiquina ya yehapu oma maja, dohatiyequinare tiquina cuñañe cahseri mehna yo cāhtahye. “Jesu topu ijiri”, masa

nigū tūhoye top̄are esahye tiquina. ⁵⁶ Sa ye ijipihtiye macari tiquiro esaye macarip̄u, buj̄ūye macarip̄u, daye macarigā̄p̄u, meheñe wuh̄usegā̄ ij̄iye cahap̄u gāh̄ure masa dohatiyequinare Jesu cahap̄u nea cūahye. Sa top̄u maharip̄u tiquina cūnop̄u Jesure tiquiro suhtiro dāht̄u cahare ñehe tuhu duaye, tutuaro siniahye tiquina:

—Muh̄u suhtiro dāht̄u caha dihitare usāre ñehe tuhu dutiya, ni siniahye.

Sa ye tiquiro suhtirore ñehe tuhuriquinape quehnoa wahahye tiquina.

7

Masa ñañequina wahagū yeyere yahuahye Jesu
(Mt 15.1-20)

¹ Sa ye Jerusalēp̄u ahtariquina usā acaye judio masare buheyequina, fariseo masa gāh̄u Jesu cahap̄u cahmecoahye. ²⁻⁴ Fariseo masa ijipihtiyequina apequina judio masa mehna panop̄u cjēna tiquina dutiriro saha tiquina omocarine omo coserape ihyera tiahye. Sa ye doeri cjē duayequina cahap̄u esayequina tiquina ye wuh̄usep̄u wihiye tiquina dutiriro saha tiquina omocarine omo coserape ihyera tiahye. Sa ye peye apeye dutiyere panop̄u cjēna judio masa tiquina dutiyere yee tiahye. Sihniñe parire coseye, dihi suturire coseye, come suturire coseye, yee tiahye tiquina judio masa, “Cohācjū sa cahmene”, niñe. Sa ye Jesu cahap̄u cahmecoahne Jesu buheyequina judio masa tiquina dutiriro saha tiquina omo coseragū ihñahye fariseo masa. ⁵ Sa ihñā tuhasaye Jesure sinituahye:

—Muh̄u buheyequina ihyaye mari ñecusum̄a m̄ana tiquina dutiriro sahata tiquina omocarine omo coserare. ¿Dahse yeye mari dutiyere yerajari? niahye tiquina Jesure.

⁶ Tiquina sa nigū tuhoro Jesu yahuahye tiquinare.

—Masa tiquina ihñono dihita quehnoano iji mehona ijire masa. Cohācjū yere yahu m̄ah̄tariquiro m̄unano Isaia musare panop̄are potota yahue tiahye. Ohō saha niahye:

Ahriquina masa yuh̄ure quehnoano yahuducuepeta yuh̄ure ne ño peoerare. ⁷ Sa ye yuh̄ure tiquina ñu buheye dahseati ijierare. “Cohācjū ye dutiye ijire ahri”, ni meho buhere tiquina buheye, ni ojoahye Isaia.

⁸ Ti ijirota ijire. Panop̄u cjēna ye dutiye pehere yena tana Cohācjū ye dutiyere yerare masa. ⁹ Cohācjū ye dutiyere cohāna, masa acaye ye dutiye pehere yere masa. ¹⁰ Ohō saha yena Cohācjū ye pehere yuh̄uducana nine masa. Panop̄are ohō saha niahye Cohācjū tiquiro dutiyere

Moisere cūno: “Masa pacusum̄are ño peoya. Ihcāquiro tiquiro pacusum̄are ñano quiti dahreriquiro ijiro ti buhiri tiquina wejēatiquiro ijirota”, niahye Cohācjū Moiserere tiquiro cūri dutiye. ¹¹ Tiquiro sa niepegūta ohō saha ye dutire masa tiquina pacusum̄are yedoho dutierana: Tiquina pacusum̄are tiquina ohoborire Cohācjū pehere oho dutire masa. Sa ni buhemene masa. ¹² Sa buhena tiquina pacusum̄are ño peogū yerare masa tiquinare. ¹³ Sa yena Cohācjū dutiyere yuh̄uducana nine masa mari acaye panop̄u cjēna ye dutiye pehere yena. Apequinare masa ye buheye dihitare tūho dutire masa. Peye sa ijiyere yere masa, niahye Jesu tiquinare.

¹⁴ Sa ni tuhasaro apequinare pijioahye. Ohō saha niahye:

—Masa ijipihtina tuhoya yuh̄ure. Yuh̄u niñene quehnoano masiña masa. ¹⁵ Masa duserire sajāñe pehe masa ihyaye pehe musare ñana ijigū yerare. Masa ñañe yahuducuye pehe masa duseri wijiaye pehe musare ñana ijigū yere. [¹⁶ Yuh̄ure quehnoano tuhoya,] niahye Jesu.

¹⁷ Sa ni tuhasa Jesu masa cahap̄u ijiriquiro waha, wuh̄up̄u sajāa wahahye. Sa sajā sagū ihñañe tiquiro buheyequina pehe tiquiro buherire sinituahye. Tiquina sa sinitugū tuhoro ohō saha niahye tiquiro:

¹⁸ —¿Ne tūho ñehedajari masa? Masa duserire sajāñe pehe masa ihyaye pehe musare ñana ijigū yerare. ¹⁹ Ti masa tuhoyep̄are sajāedare. Masa paap̄u sajā yuh̄dua wahare, niahye Jesu.

Sa nino “Ijipihtiye ihyaye quehnoañe ijire”, nino niahye. ²⁰ Ohō saha ni nemoahye:

—Masa ñañe yahuducuye pehe masa duseri wijiaye pehe musare ñana ijigū yere. ²¹⁻²² Ñano tuhoye, w̄ana tiye, numia mehna ñano yeducuye, um̄ana mehna ñano yeducuye, masare wejēñe, yaqueye, apequiro yere tutuaro cahme yuh̄duye, ñano yeye, ni mehoñe, peye ñañene yeducuye, apequiro yere coo ihñā tuhtiye, ñano quiti dahreye, “Apequinare yuh̄uducaja”, ni tuhoye, tūho masieñequina ij̄iye, ti ijipihtiye musare masa tuhoyep̄u ahtare. ²³ Ijipihtiye ahri ñañe masa tuhoyep̄u ahta, musare ñana ijigū yere, niahye Jesu.

Judio masono ijericoro Jesure wacū tuuahye
(Mt 15.21-28)

²⁴ Sa yero Tiro wame tiri maca cahap̄u esaro, to cjā wuh̄up̄u sajāa wahahye. Sa yero apequinare tiquiro ijiri wuh̄ure yahu dutierahye. Sa yahu dutieraperota tiquinare tiquiro duhti masiedahye. ²⁵ Ti pjereta numino ticoro macono wat̄ino c̄oricoro tiquiro cahap̄u ijiahye. Sa ye Jesu yerire

ihñañe apequina ticoro pacorore yahuahye. Tiquina sa yahuri bato ticoro pacoro pehe waha, Jesu dahpocāri cahapū dusepe curi mehna quehe sahye tiqūirore ño peoro. ²⁶ Ticoro Siria yehparū ijiri yehpa Fenicia wame tiri yehpa cōno ijiahye.

—Watīnore cohāñña yuhū macore, ni sini-ahye ticoro Jesure.

²⁷ Ticoro sa sinigū tūhoro ohō saha niahye Jesu:

—Wahmanore wuhū upūro pohne ye ihyayere diayeare yuhū oho māhtagū to wahaerare. (Israe masa yere ape yehpa cñenare yuhū oho māhtagū to wahaerare,) niahye Jesu ticorore queoye mehna yahuro.

²⁸ —Sa tjire pūhto. Sa ijiepegūta di-ayea gūhū mesa doca tiqūina pohne ihya site dijioyere ihya cohtere tiqūina gūhū. (Ape yehpa cōno ijiepegūta yuhū gūhūre yedoho masine mūhū,) ni yūhtiahye ticoro.

²⁹ —Mūhū sa ni yūhtigū mūhū macore watīno duhu tuhasari. Ihñago wahaya, ni-ahye Jesu ticorore.

³⁰ Tiquiro sa nigū tūhoro waha, ticoro wuhūpū esaro, ticoro maconore watīno marienitoropūre cūñanopū ijiricorore ihñahye.

Cahmono tūhoeriquirore, yahuducu masieniquirore yūhdūoahye Jesu

³¹ Ti pjere Jesu Tiro wame tiri maca cahapū ijiriquiro waha, Sidō wame tiri macare esa yūhdū cā, Decapoli wame tiri macare esa yūhdū cā, Galilea wame tiri ditarapū esahye. ³² Sa ye cahmono tūhoeriquirore, yahuducu masieniquirore Jesu cahapū ne cāhtahye apequina.

—Mūhū omoca mehna ña peoya tiqūirore, ni siniahye tiqūina tiqūirore.

³³ Tiquina sa nigūta Jesu pehe tūhoeriquirore ne cā, masa marienopū siho esahye. Tiquina sehsaro ijiahye. Sa yero Jesu tiqūiro omo piri mehna tūhoeriquirore cahmo coperire ohbe sōahye. Sa ye tuhasa, sihco puti, tiqūiro ñehmenore ña peoahye.

³⁴ Sa ye tuhasa ūhmūserū ihñā mūo, jeri ne, ohō saha niahye:

—Efata, niahye Jesu. “Efata”, nino “Pōhñā”, nino nino. Sa nino tiqūirore tūho dutiro niahye. Sa yero yahuducu dutiro niahye.

³⁵ Tiquiro sa nigūta tiqūiro pehe tuho boca, tiqūiro ñehmeno cahbiro wahagū tūhoturo quehnoano yahuducuahye. ³⁶ Sa yero Jesu tiqūinare tire apequinare yahu site dutierahye. Tiquiro sa yahu site dutieraripe taharita tja tiqūina apequinare yahu site nemoahye. ³⁷ Sa ye masa tuho maria wahaye, ohō saha niahye:

—Ijipihtiyere tiqūiro quehnoano yere. Tūhoeyequinare quehnoano tūhogū yere.

Yahuducu masieñequina gūhūre quehnoano yahuducugū yere Jesu, niahye masa.

8

Cuatro mil masare ihyayere ohoahye Jesu

(Mt 15.32-39)

¹ Ti pjere pari turi masa peyequina cah-mecoari bato ihyaye marieñequina tiqūina ijigū ihñano Jesu tiqūiro buheyequinare pi-jioahye:

² —Ahriquina masa ihtia deco waro yuhū mehna iji tuhasari. Sa ye tiqūinare pohe mariedare. Tiquina pohe mariedagū ihñagu tiqūinare paja ihñaja yuhū. ³ Apequina tiqūina mehna cñēna yoaropū ahtari. “Tiquinapū ūjua ahbayequina mahapū borari”, nigū tiqūinare ihyaye marieno tiqūina ye wuhūserū waha duti dueraja. Sa yegū tiqūinare pohe oho duaja, niahye Jesu tiqūiro buheyequinare.

⁴ —¿Dūhse ye mari ohōre masa marienopūre pāre boca ohoboagari mari? niahye Jesu buheyequina tiqūirore.

⁵ —¿Nohope paca pā pacare cūoajari mūsa? ni sinituahye Jesu.

—Siete pā paca ijire, niahye tiqūina.

⁶ Sa yero tiqūiro masare yehparū duji duti, siete pā pacare ne, Cohācñure “Quehnoare”, niahye. Sa ni tuhasa, ti pacare nuha, tiqūiro buheyequinare oho, masare iti dutiahye. Tiquiro sa dutiri bato tiqūiro buheyequina pehe pāre masare itiahye. ⁷ Sa ye wahi gūhūre meheñequinagū cūoahye tiqūina. Sa yero tiqūinare Cohācñure “Quehnoare”, ni, wahi gūhūre iti dutiahye. ⁸ Tiquina iti tuhasagū tiqūina ihyaye, yapi yūhdūa wahahye. Tiquina ihya dūharire siete pūhūse waro ne cahmecoa wahpo dapoahye tiqūina. Tiquina cuatro mil masa ijiahye. ⁹⁻¹⁰ Sa ye tuhasa Jesu masare cohe tiahye. Cohe ti tuhasa tiqūiro buheyequina mehna yucūsapū sajāhye. Sajā tuhasa Dalmanuta wame tiri maca cahapū wahahye.

Fariseo masa Jesure Cohācñū tutuaye mehna ye ihñō dutiahye

(Mt 16.1-4; Lc 12.54-56)

¹¹ Sa ye fariseo masa wihi, Jesu mehna cahme dūse tutuahye. Tiquina Jesure Cohācñū tutuaye mehna ye ihñō dutiye, tiqūiro ye ihñō masiedagū ihñā duamahye. ¹² Tiquina sa dutigū tūhoro Jesu tutuaro bujua witi pihopūri, jeri sajāedarō, ohō saha niahye:

—¿Mūsa yojopū cñāna dūhse yena mūsa Cohācñū tutuaye mehna ye ihñōñene ihñā duajari? Potota niita niaja mū sare. Yojopū cñānare mū sare Cohācñū tutuaye mehna ne ye ihñōsi yuhū, niahye Jesu.

¹³ Sa ni tuhasa waha, pari turi yuc̄sapu sajā, ape sie pahr̄epu pehāa wahahye.

Fariseo masa, Herode mehna cjēna gūhure tiquina ñañe buheyere yahuahye Jesu (Mt 16.5-12)

¹⁴ Sa wahaye, pāre bo cū, yuc̄sapu ihc̄ariata pāre c̄oahye tiquina. ¹⁵ Sa yero Jesu cua pesaro mehna yahuahye tiquinare.

—Quehnoano yeya. Fariseo masa, Herode mehna cjēna gūhū tiquina ye pāre pugū yeyere ihñana quehnoano yeya. Cuarīne ti, ni yahuahye.

¹⁶ Tiqiuro sa nigū tūhoye tiqiuro buheyequina pehe tire tiquina basi yahuducuahye.

—Mari pāre mari ne cāhtaeragū ihñano sa niaga ahriqiuro, nimahye tiquina.

¹⁷ Tiquina sa nidire masino tiquinare sinituahye Jesu:

—¿Dūhse yena m̄asa pā borire wacūajari m̄asa? ¿M̄asa masiedajari? ¿Tūhoerajari? ¿Tūho duerajari m̄asa? ¹⁸ ¿Caperi tina ijiepenata ihñedajari m̄asa? ¿Sa yena cahmono tina ijiepenata tūhoerajari m̄asa? ¿M̄asa ahrire wacūedajari? ¹⁹ ¿Yūhū ihc̄ā omope paca pā pacare nuha, cinco mil masare yūhū ohorire wacūedajari m̄asa? ¿Tiquina ihya dūharire nohope pūhūserē pā pacare m̄asa ne cahmecoa wahpo daporī pūhūserē neari m̄asa? niahye Jesu tiquinare.

—Doce pūhūse nei, niahye tiquina tiqiurore.

²⁰ —¿Sa ye yūhū siete pā pacare cuatro mil masare yūhū ohori bato nohope pūhūserē pā pacare m̄asa wahpo daporī pūhūserē neari m̄asa? niahye Jesu.

—Siete pūhūse nei, niahye tiquina tiqiurore.

²¹ —¿Sa ihñāepenata quehnoano masiedajari m̄asa? niahye Jesu tiquinare.

Jesu caperi bajueriqiurore ihñagū yeahye

²² Sa ye Betsaidapu tiquina esagū ihñañe, masa pehe caperi bajueriqiurore ne cāhtahye.

—Tiqiurore ña peoya, ni tutuaro siniahye tiquina Jesure.

²³ Sa yero Jesu caperi bajueriqiurore omocare ñehe, ti maca dūhtū cahapu tiqiurore tūā cāhye. Topu ne sa, tiqiuro caperire sihco puti, tiqiuro omocari mehna tiqiurore ña peohaye.

—¿Mūhū ihñagū bajuajari? ni sinituahye Jesu.

²⁴ Tiqiuro sa nigū tiqiuro pehe ihñano ohō saha niahye:

—Ūmūare ihñaja. Yūhū sa ihñāepēgūta tiquina yucari tinīñe cju yero saha bajure, niahye caperi bajueriqiuro.

²⁵ Tiqiuro sa nigū tūhoro Jesu pehe tiqiuro omocari mehna tiqiuro caperire ña peohaye tja. Tiqiuro sa ña peori bato caperi

bajueriqiuro tutuaro tiqiuro ihñagū caperi quehnoano bajuahye. Sa yero ijiphtiyere quehnoano ihñahye tiqiuro. ²⁶ Sa yero Jesu tiqiurore tiqiuro ya wūhūpu ohohaye.

—Macapu pūritare wahaeracāhña, niahye Jesu tiqiurore.

Jesu potota Cristo tiqiuro ijiyere Cohācjū ohoriqiuro tiqiuro ijiyere yahuahye Pedro (Mt 16.13-20; Lc 9.18-21)

²⁷ Sa ye Jesu tiqiuro buheyequina mehna Cesarea Filipino wame tiri maca cahapu ijie macaripu waha nemoahye. Topu waharo Jesu sinituahye tiqiuro buheyequinare:

—¿Noa boro ijiagari yūhū, masa yūhūre tiquina tūhotugū? ni sinituahye tiqiuro.

²⁸ Tiqiuro sa sinitugū tūhoye yūhtiahye tiquina:

—“Ñu wame yeriqiuro ijire”, nine. Apequina “Elia ijire”, nine. Apequina “Cohācjū yere yahu mūhtariquina mehna cjūno iji-boaga”, nine, ni yūhtiahye tiqiuro buheyequina tiqiurore.

²⁹ Tiqiuro sa nidi bato Jesu sinitu nemoahye:

—¿M̄asa pehe tūhotugū noa boro ijiagari yūhū? ni sinituahye tja.

—Mūhū Cristo Cohācjū ohorigu ijire, ni yūhtiahye Pedro.

³⁰ Tiqiuro sa nigū tūhoro Jesu ohō saha niahye:

—Yūhūre “Cristo ijire tiqiuro”, ni yahu site niedacāhña apequinapure, niahye tiquinare.

Jesu tiqiuro yaria masa wijiatire yahuahye

(Mt 16.21-28; Lc 9.22-27)

³¹ Sa ye tiqiuro buhe dūcahye tiquinare.

—Yūhū masū Cohācjū ohorigu ijiája. Sa yegū tutuaro ñano yūhdugūta. Sata waharo cahmene yūhūre. Judio masa bucāna, pahia pūhota, mari judio masare buheyequina yūhūre cahmedaye, yūhūre wejēta. Tiquina sa wejēgū ihtia deco wahaboro masa wijiajutja, niahye Jesu tiquinare.

³² Sa nino ne tūho wisiagū yero marieno yahuro niahye tiquinare. Tiqiuro sa nigū tūhoro Pedro pehe yoa cjūnogā Jesure ne sadūca, tiqiurore sa ni dutierahye.

³³ Tiqiuro sa ni dutieragū tūhoro Jesu tiqiuro buheyequinare majare ihñā, tuhtiahye Pedore.

—Satana yero saha yahuducugū nine mūhū. Sa niedacāhña. Mūhū tūhotuye masa ye ijire. Cohācjū ye ijierare, niahye tiqiuro Pedore.

³⁴ Sa ni tuhasa masare tiqiuro buheyequina mehna tiqiuro cahapu pijio ohō saha niahye:

—Ihc̄aquiuro yaquiuro iji duaro, tiqiuro esa tuharo ye duamedire duhu cānota. Sa yero yaquiuro tiqiuro ijiri buhiri ñano

yuhndeperota yuhure duhusi. Sa yero yeere yeducuriqiro ijirota. ³⁵ Masuno tiqiro esa tuharo tiqiro cahmeno sahata yeriqiro pecaru waharota. Sa yero masuno, yeere sa yeducuro, quehnoaŋe buheyere sa yeducuro, ijiphtiyere decori yuhu mehna ahmusepu ijiducurota. ³⁶ Ihcãqiro masuno ahri yehpa cĵene ijiphtiyere caoriqiro pecaru waharo yabere wapatajari tiqiro? Sa ijiriqiro ne wapataerare. ³⁷ Pecaru tiqiro jeripohna wahagũ ne duhse wapa ye wioro basioeraga. Masuno jeripohna ihyo waro ijierare. ³⁸ Yoĵopare, ñaŋequina Cohãcĵere cahmeŋequina tiqina esa tuharo yeri deco ijiro nine. Ihuẽquina yuhure, yuhu buheye gũhure bue tisãboaga. Tiquina sa yegũ ihñagu yuhu masu Cohãcĵũ ohorigũ quehnoaŋequina angele mehna yuhu Pacu asi sitero mehna tojoa tagũ yuhure bue tisãŋequinare bue tisãgũtja yuhu gũhũ, ni yahuahye Jesu.

9

¹ Sa ni tuhasa ohõ saha ni nemoahye Jesu: —Potota niita niaja masare. Ihuẽquina masa ohõpare ijina masa yariato pano Cohãcĵũ tiqiro puhtoro ijropare yuhu saĵãgũ yuhure ihñanata, niahye Jesu tiquinare.

Jesu tiqiro pagure comesahye
(Mt 17.1-13; Lc 9.28-36)

² Sa ye seis decori bato Jesu Pedroro, Santiagore, tiqiro bahuro Ñu gũhure ahmuanu canaru tiqina dihitare piji mujahye. Uhmuanoru esari bato tiqina ihñonoru tiqiro pagure comesaa wahahye. ³ Tiquiro suhtiro asi sitero yero saha yehsero wahahye. Ahri yehpa cĵena numia suhti coseyequina numia sa yehseye ye masiedare. ⁴ Sa ye Jesu Elia munano, Moise munano mehna tiqina yahuducugũ ihñahye tiqina ihtiaro tiqiro buheyequina. ⁵⁻⁶ Sa ye tiqina tutuaro cueahye. Sa cuero duhse ni masiedamehno ohõ saha nimahye Pedro:

—Puhto, mari ohõ ijigũ quehnoa duare. Ihtia wuhugã yenatja. Mũhu ya wuhugã, Moise ya wuhugã, Elia ya wuhugã yenatja, nimahye tiqiro Jesure.

⁷ Sa yero tiqina bui ehmeo curua cahmotahye. Sa cahmotagũta ehmeo watoaru nino ca tahye:

—Ahriqiro yuhu macu yuhu cahniqiro ijire. Tũhoya tiqirore, nino ca tahye.

⁸ Sa nigũta Pedro gũhũ ihñamahye. Jesu dihitare ihñahye. Tiquina ihñariqina pehe mariedahye. ⁹ Sa yero canaru tiqina dijia tagũ Jesu tiquinare yahuahye:

—Mianogã yuhure sa waharire apequinare yahueracãhña. Yuhu masu Cohãcĵũ ohorigũ yuhu yaria masa wijiari bato tire

apequinare yahuya masa, ni yahuahye tiqiro.

¹⁰ Sa ye tiqiro dutiriro sahata tiquina ihñarire yahuerahye apequinare. Sa ye tiqina basi ohõ saha ni sinitu yahuducuahye:

—¿Yuhu yaria masa wijiari bato”, nino duhse nino niari tiqiro? ni, yahuducuahye tiquina.

Sa ye Jesure ohõ saha ni sinituahye:

¹¹ —“Cristo tiqiro ahtato pano Eliare ahta muhtano cahmene”, nine mari acaye judio masare buheyequina. ¿Duhse ijiro boro sa niagari tiqina? ni sinituahye tiquina tiqirore.

¹²⁻¹³ Jesu yahtiahye:

—Ijirota ijire. Eliare ahta muhta dutiri Cohãcĵũ, ijiphtiyere quehno muhtatiqirore. Yuhu masu Cohãcĵũ ohorigũ peye tahari ñano yuhduguta. Apequina yuhure cahmedaye, ñano yeeta. ¿Duhse ijiro boro tire sa ni ojoari, masa tuhotugũ? Sa yegu ahrire niitja masare: Elia wihi tuhasari. Tiquiro sa wuhiepegũta tiqina cahmediro saha tiqirore ñano yeahye. Sata ni ojoahye tiqirore, niahye Jesu tiquinare.

Jesu coã wahmaã cãhtariqirore yuhduoahye

(Mt 17.14-21; Lc 9.37-43)

¹⁴ Sa ye dijia ta, apequina buheyequina caharu esa, peyequina masare ihñahye. Tiquiro buheyequina pehe judio masare buheyequina mehna cahme duhe tutuaye niahye. ¹⁵ Sa ye Jesu gũhũ tiqina dijia tagũ ihñañe, ijiphtiyequina masa acua waha, tiqiro caharu oma cãa wahahye. Tiquiro caharu esaye,

—¿Ahtajari? niahye tiqirore.

¹⁶ —Ahtaja, ni tuhasa,

—¿Duhse ni cahme duhe tutuana niari masa tiqina mehna? ni sinituahye Jesu tiqiro buheyequinare.

¹⁷ Tiquiro sa ni sinitugũ tuhoro, masa watoa ducuriqiro yahuahye tiqirore:

—Buhegu, yuhu macure watino caoriqirore mahure ne cãhtami. Watino pehe tiqirore yahuduce dutierare. ¹⁸ Yuhu macure tiqiro ñehegũ yehparu bora, bahque diho, buhaa wahae tiri tiqiro. Sa waharo sahpo tua wahae tiri. Sa yegu muhu buheyequinare watinore cohã dutimi. Yuhu sa dutiepegũta tiqina cohã masiedari watinore, ni yahuahye Jesure.

¹⁹ Tiquiro sa nigũ tuhoro Jesu ohõ saha niahye tiquinare:

—Ne, yuhure wacũ tutuerare masa. Yoari pje masare buhemaja yuhu. ¿Noho puno yoari pje yuhure masa cariboajari? Tiquirore ne cãhtaya yuhure, niahye Jesu.

²⁰ Tiqiro sa nigū tūhoye watīno cūoriquore Jesu caha ne cāhtahye. Tiquina ne wihigū ihñano watīno pehe coā wahmua cāhtariquore yehpapu doque quehe sa, tunu nanaregū yeahye. Sa yero sahpo tuua wahahye.

²¹ —¿Noho puno yoari pje watīnore cūoajari ahriquiro? ni, sinituahye Jesu pehe tiqiro pacurore.

—Nijinogā ijiropata tiqirore cao ducari.

²² Sa yero watīno pehe tiqirore pecapu, acopu cohā wejēmedi. Sa yegu mūhu ye masigu usāre paja ihña, yedohoya, niahye tiqiro pacuro Jesure.

²³ Tiqiro sa nigū tūhoro ohō saha niahye Jesu:

—¿“Mūhu ye masiegu ijire”, nijari mūhu yūhure? Yūhure mūhu wacū tutuagū ihñano, Cohācjū ijiptiyere ye peho masine, mūhure yedohoro, niahye Jesu.

²⁴ Tiqiro sa nigūta coā wahmua cāhtariquiro pacuro ohō saha ni sañuducuahye:

—Mūhure wacū tutuaja. Yūhu wacū tutueragū ihñagu yūhure yedohoya mūhure yūhu wacū tutuato saha, niahye tiqiro.

²⁵ Sa yero masa peyequina tiquina cahapu oma cāhta, tiquina cahmecoagū ihñano, Jesu watīnore ohō saha ni tuhtiahye:

—Mūhu yahuducu dutiegu, tūho dutiegu ahriquiro mehna ijirigu wahaya. Sa wahagu tiqirore pari turi cariboeracāhña, niahye Jesu.

²⁶ Tiqiro sa nigū tūhoro watīno sañuducu, coā wahmua cāhtariquore yehpapu doque quehe sa tunu nanaregū ye, wahahye. Tiqiro sa yegū coā wahmua cāhtariquiro yariariquiro yero saha wahahye.

²⁷ —Tiqiro yariaa wahare, nimahye masa peyequina.

Tiquina sa niepegūta Jesu pehe tiqiro omocare ñehe, tiqirore wahcōahye. Tiqiro sa wahcōgū wahcāhye tiqirore pehe. ²⁸ Came Jesu gūhu wūhupu tiquina saajā sagū tiqiro buheyequina tiqirore sinituahye:

—¿Dahse yena usā pehe watīnore cohā masiedayari, mūhu tuhotugū? ni sinituahye tiquina.

²⁹ —Ahriquiro boro watīnore cohā duana Cohācjūre tutuaro sinino cahmene musare, ni yūhtiahye Jesu tiquinare.

*Pari turi Jesu tiqiro yaria masa wiji-
atire yahuahye*

(Mt 17.22-23; Lc 9.43-45)

³⁰ Sa ye topu ijiriquina waha, Galilea yehpapu esa, yūhdna wahahye. Topu tiquina waharire apequina masigū cahmedahye Jesu tiqiro yequinare buhero taro. ³¹ Topu esaro tiqiro buheyequinare buheahye. Ohō saha ni buheahye:

—Yūhu masu Cohācjū ohorigu ijiaja. Masa yūhure ñehe, apequinapure yūhure ohoeta. Tiquina sa ohori bato yūhure wejēeta. Tiquina sa wejōrigu ijepegata ihtia deco wahaboro masa wijiagūta, niahye tiquinare.

³² Tiqiro sa nigū tūhoye tiquina quehnoano tūho ñehedahye. Sa ye cueye, pehe tiqirore tire sinitu nemoedahye.

*Jesu buheyequina tiquina mehna cjānore
puhto sō duaye nimahye*

(Mt 18.1-5; Lc 9.46-48)

³³ Sa ye Capernaupu tiquina esari bato wūhupu tiquina ijigū Jesu pehe sinituahye tiquinare.

—¿Mahapure ahtana, dahse ni yahuducu cāhtana niari mūsa? ni, sinituahye tiquinare.

³⁴ Tiqiro sa sinitugū tiquina yūhtierahye. Mahapure ahtaye, cahme ohō saha ni yahuducu cāhtaye niahye:

—¿Mari mehna cjānore diquiro pehere mari puhtoro sōnataro mari? ni yahuducuyeh niahye mahapure ahtaye.

³⁵ Sa ye tiquina sa nidire bue tiye Jesure yūhtierahye. Tiquina sa yūhtieragū ihñano Jesu nuju sa, tiqiro buheyequinare doce buheyequinare pijio ohō saha niahye:

—Mūsa puhtoia iji duana ijiptiyequina masa tiquina cahacjāna ijiro cahmene musare. Sa yena ihyo ijina ijiptiyequina docapu ijinata mūsa, niahye Jesu tiquinare.

³⁶ Sa nino nijinogāre tiquina watoa duhu docoahye. Duhu doco tuhasa tiqirogāre ne wūa, ohō saha ni yahuahye:

³⁷ —Yeere ye duana ahriquirogāre masa cahmena, yūhu gūhure cahmene mūsa. Sa yena yūhure cahmena, yūhure ohorigu mari Pacu gūhure cahmene mūsa, niahye Jesu tiquinare.

*Marine ihña tuhtiriquiro ijieraro, mari
mehna cjāno ijire*

(Mt 10.42; Lc 9.49-50)

³⁸ Came Ņu ohō saha niahye Jesure:

—Buhegu, mūhu wame mehna watīare cohāriquore usā ihñau. Mari mehna cjāno tiqiro ijieragū ihñana tire tiqirore ye dutierahiti usā, niahye tiquina.

³⁹ Tiquina sa nigū tūhoro Jesu tiquinare yahuahye:

—Sa niedacāhña mūsa tiqirore. Ihcāquiro yūhu wame mehna Cohācjū tutuaye mehna yero, came yūhure ñano ni yahuducu masiedare. ⁴⁰ Marine ihña tuhtiriquiro ijieraro, tiqiro mari mehna cjāno ijire. ⁴¹ Musare potota nii niaja. Yeequina mūsa ijigū ihñañe apequina musare tiquina yedohogū ihñano Cohācjū tiquinare quehnoano yerota. Acore musare tiquina mehenogā sihōgū tiquinare

quehnoano yerota Cohācjū tiquina sa yeri wapa, niahye Jesu tiquinare.

Ñañene yegū cuarīne
(Mt 18.6-9; Lc 17.1-2)

⁴² Sa yero Jesu yahu nemoahye:

—Ahriquirogā yero saha ijiriquirore yuhare wacū tutua ducariquirore yahugutja musare. Apequiro ahriquirogā yero saha ijiriquirore ñañene ye dutiro tiquiro ña yuhduaro yuhdurota. Ihcāquirore tiquiro wamuaru pajiria utāre duhte yo, pajiri mapu tiquirore tiquina cohāgū ñano wahaboaga tiquiro. Sa ijiepegūta ahriquirogā yero saha ijiriquirore ñañene ye dutiriquiro tiquiro pehe pajiri mapu tiquina cohāriquiro yuhduoro ñano yuhdurota. ⁴³⁻⁴⁴ Mūhu omoca mehna ñano yegu ti omocare mūhu dute cohāboriro saha ti mūhu ñano yeye pehere duhuuya. Tire duhueragu pecaru wahagūta. Topare ne peca yatierare. Sa ye becoa ne yarierare. Mūhu omocare cohāgū ti si dihita butiboaga. Sa yegu mūhu pehe sa bajuri turu ijiepegūta came Cohācjū mehna ijigūta. Pua omoca mehna pecaru wahagu mūhu sa wahagū ña yuhduaboaga. Sa yegu ti mūhu ñano yeye pehere duhuuya. ⁴⁵⁻⁴⁶ Mūhu dahpocā mehna ñano yegu ti dahpocā gāhure mūhu dute cohāboriro saha ti mūhu ñano yeye pehere duhuuya. Tire duhueragu pecaru wahagūta. Topare ne peca yatierare. Sa ye becoa ne yarierare. Mūhu dahpocāre mūhu cohāgū ti si dihita butiboaga. Sa yegu sa bajuri turu ijiepegūta came Cohācjū mehna ijigūta. Pua dahpocā mehna pecaru wahagu mūhu sa wahagū ña yuhduaboaga. Sa yegu ti mūhu ñano yeye pehere duhuuya. ⁴⁷⁻⁴⁸ Mūhu capea mehna ñano yegu tiare ore we mūhu cohāboriro saha ti mūhu ñano yeye pehere duhuuya. Tire duhueragu pecaru wahagūta. Topare ne peca yatierare. Sa ye becoa ne yarierare. Tiare mūhu cohāgū tia dihita butiboaga. Ihcā capea mariedapegūta came Cohācjū mehna ijigūta. Pua capea mehna pecaru wahagu mūhu sa wahagū ña yuhduaboaga. Sa yegu ti mūhu ñano yeye pehere duhuuya.

⁴⁹ 'Ahri yehparu ijina ñano yuhdunata musa. Pecaru mari ujīgū marine purīno saha ñano yuhdunata musa. ⁵⁰ Moa quehnoano ocare. Moa ocaeragū ti moare ocagū yero basioerare. Moa ocaeraro ti moa ne quehnoaedare. Ti moare dahsero basioerare. Sa ijigū ihñana ti moare cohāno cahmene. Moa quehnoano ti ocaro saha musa gūhu masa quehnoana ijuya. Sa yena apequina mehna quehnoano mehna ijuya, ni yahuahye Jesu tiquinare.

10

Tiquina namosānumiare cohāñene yahuahye Jesu

(Mt 19.1-12; Lc 16.18)

¹ Sa ye tiquiro topu ijiriquiro waha, Judea yehpa caharu esa, Jordā wame tiri ma ape sie pahrēpu esahye. Topu tiquiro esagū ihñane masa peyequina tiquiro caharu cahmecoagū ihñano to pano tiquiro buheriro sahata pari turi buheahye tja. ² Tiquiro sa buheri watoa fariseo masa wihiahye. Jesure ñano tiquiro yahuducgū tūho duamahye tiquina. Sa tūho duaye tiquina Jesure sinituahye.

—¿Mari namosānumiare cohāgū quehnoaboagari? ¿Mari dutiye pehe sata ye dutijari, mūhu tūhotugū? ni sinituahye tiquina.

³ —¿Dahse ye dutijari to Moise musare tiquiro cūri? ni yūhtiahye Jesu.

⁴ —“Pāpera pūre musa cohāñene yahuyere ojoana musa namosānumiare cohā masine”, niahye Moise, ni yūhtiahye fariseo masa pehe.

⁵ Tiquina sa nigū tūhoro ohō saha ni yahuahye Jesu:

—Cohācjū dutiyere musa ye dueragū ihñano sa ni ojoahye Moise. ⁶ Tiquiro sa ni ojoari ijiepegūta ahri yehpare bajumehnediquiro amano, numino gāhure yeahye. ⁷ Sa yero amano tiquiro pacasumare cohā wijia, tiquiro namono mehna ijirota. ⁸ Sa ye tiquina puaro ijiepetā ihcā pagu yero saha ijire. Sa ye tiquina puaro yero saha ijierare. Ihcā pagu yero saha ijire nine. ⁹ Cohācjū tiquiro omoca duhte dutiriquina ijire. Sa ye tiquinare cahme duhueraro cahmene, niahye Jesu tiquinare.

¹⁰ Sa ni tuhasa tiquiro buheyequina mehna wuharu sajāa wahahye. Wuharu sajā sa, tiquina namosānumiare cohāñene tiquiro buheyequina sinituahye tja tiquirore. ¹¹ Tiquina sa sinitugū tiquiro yūhtiahye:

—Tiquiro namonore cohāriquiro apecorore namo tiro, apecoro mehna ñano yeriquiro ijire. Sa yero tiquiro cohāricorore ñano wahagū yero nine. ¹² Sa yero numino pehe ticoro manūore cohāno, apequirore manū tiro, tiquiro mehna ñano yericoro ijire, niahye Jesu tiquinare.

Macanagā ye ijiatire Cohācjūre sini basahye Jesu

(Mt 19.13-15; Lc 18.15-17)

¹³ Sa ye macanagāre Jesure ña peo dutiye tehe tiquinagāre Jesu caharu ne cāhtaye niahye. Tiquina sa yegū ihñane tiquiro buheyequina pehe tiquinagāre ne cāhtayequinare tuhtiahye. ¹⁴ Tiquina sa

tuhtigū ihñano Jesu usuaro, ohō saha niahye tiquinare:

—Macanagā yuhū caharū ahtaahro. “Waharisa”, niedacāhña tiquinagāre. Tiquinagā Cohācjüre tiquina puhtoro tuhoture. Sa ye Cohācjū tiquiro puhtoro ijiropure ahriquinagā yero saha tuhotuyequina ijire topure. ¹⁵ Ijirota niita niaja musare. Ahriquinagā Cohācjüre tiquina cahmeno saha musa pehe cahmedana, tiquiro caharū wahasi musa. Musa wahaeragū musa puhtoro ijisi tiquiro, niahye Jesu.

¹⁶ Sa ni tuhasa Jesu macanagāre ne wua, tiquinagāre ña peoro ohō saha niahye:

—Ahriquinagā quehnoañequina wahaahro, ni sini basahye Cohācjüre.

*Doeri cjē upuro Jesure sinituahye
(Mt 19.16-30; Lc 18.18-30)*

¹⁷ Sa ye Jesu maharū tiquiro wahaducugū apequiro pehe oma cā, tiquiro dahpocāri caharū dasepe curi mehna quehe sahye tiquirore ño peoro.

—¿Ne, quehnoagu buhegu, yuhū ijipihtiyere decori Cohācjū mehna iji duagu dahse yegutari yuhū? niahye tiquiro Jesure.

¹⁸ Tiquiro sa nigū Jesu yuhtiahye:

—¿Dahse ijiro boro yuhāre “Quehnoagu”, ni pisuajari muhu? Cohācjū dihita quehnoariquiro ijire. ¹⁹ Ahri Cohācjū dutiyere masine muhu: Masare wejēdacāhña. Wuana tieracāhña. Yaqueracāhña. Ni mehoedacāhña. Apequina yere ni meho nedacāhña. Musa pacasumare ño peoya. Ahri dutiyere yero cahmene masare, ni yahuahye Jesu tiquirore.

²⁰ —Buhegu, tire ijipihtiyere coā wahmua cāhtagu ijigupata yuhducaera tii yuhū, niahye tiquiro Jesure.

²¹ Tiquiro sa nigū tuhoro Jesu pehe tiquirore ihñadoque ohō, cahñahye. Sa yero ohō saha niahye:

—Mehenogā duhsare muhure muhu ye pehoato. Ijipihtiyere muhu yere duagu waha. Sa yegu ijipihtiyere muhu wapatari niñerure pejesoyequinare oho. Muhu sa yegū pajiro muhu ye ummuseru, Cohācjū caharū ijirota. Muhu sa yeri bato yuhū mehna cjū ijiajū ahtaya, niahye Jesu tiquirore.

²² Tiquiro sa nigū tuhoro tiquiro pehe peye doeri cjē cuoriquiro ijiro tire pejesoyequinare oho dueraro, bujua witi, coera, waha wahahye.

²³ Tiquiro sa bujua witiḡ ihñano Jesu majareduca sa, tiquiro buheyequinare ihñadoque ohō, ohō saha niahye:

—Doeri cjē cuoyequina Cohācjū puhtoro ijiropure tiquinare waharo basioera cjüre, niahye tiquinare.

²⁴ Tiquiro sa nigū tuhoye tiquina pehe tiquirore tuho maria wahahye. Sa ni tuhasa Jesu pari turi yahuahye tiquinare:

—Yuhū acaye, ijipihtiyequina doeri cjē opana Cohācjüre wacūno marieno Cohācjū puhtoro ijiropū tiquinare waharo basioerare. ²⁵ Camello pehe awia copepū tiquiro sajā duagū basioerare. Tiquiro sa ijiro yuhduoro doeri cjē cuoriquirore Cohācjüre wacūno marieno Cohācjū puhtoro tiquiro ijiropure tiquirore waharo basioerare, ni yahuahye tiquinare.

²⁶ Tiquiro sa nigū tuhoye to pano tiquina tuho mariariro yuhduoro tuho maria waha, tiquina basi ohō saha niahye:

—Yohou, tiquiro nino sahata potota ijigū ne ihcāquiro masnore yuhduoeraboaga Cohācjū, niahye tiquina basi.

²⁷ Tiquina sa nigū tuhoro Jesu tiquinare ihñadoque ohō, ohō saha niahye:

—Masa tiquina esa tuharo quehnoano yeri mehna Cohācjū caharū waha masiedare. Cohācjū pehe masare pecarū waboriquinare yuhduo masine. Tiquiro ijipihtiyere quehnoano ye masi peho cāhre, niahye Jesu tiquinare.

²⁸ Tiquiro sa nigū Pedro tiquirore ohō saha niahye:

—Tuhorñā. Usā pehe ijipihtiyere usā yere cū cāu muhu mehna wahana tana, niahye tiquiro Jesure.

²⁹ Tiquiro sa nigūta Jesu ohō saha niahye:

—Ijirota niita niaja musare. Quehnoañe buheyere, yeere yena tana yuhure ño peona tana musa wuhusere, musa bahanare, musa pacasumare, musa pohñare, musa weserire cūrīna ijina, pajiro wapatanata musa yojopure. ³⁰ Sa yena musa wuhusere, musa bahanare, musa pacosānumiare, musa pohñare, weserire, to pano musa cuoriro yuhduoro yojopure peye cuonata musa. Sa ye apequina musare ñano yeeta. Sa yena camerure ape tjuropū ijipihtiyere decori Cohācjū mehna ijinata. ³¹ Yojopure peyequina puhtoa ijiriquina ti pjepure ihyo ijieyequina tojoaeta. Sa ye yojopure peyequina ihyo ijieyequina ijiriquina ti pjepure puhtoa comesaeta tja, ni yahuahye Jesu tiquinare.

*Pari turi Jesu tiquiro yaria masa wiji-
atire yahuahye*

(Mt 20.17-19; Lc 18.31-34)

³² Sa ye tiquina maharū maja, Jerusalēpū mujañe niahye. Jesu tiquina panogā umhu tāhye. Sa tiquiro umhu tāgū ihñañe tiquiro buheyequina ihña maria wahahye. Sa ye tiquina bato nūnū tāriquina pehe cuero mehna nūnū tāhye. Sa yero Jesu tiquiro buheyequinare tiquina sehsaro neahye tja. Sa yero masa tiquirore dahse yeatire Jesu yahu dahahye tiquinare.

³³ —Tuhoya yuhure. Yojopure Jerusalēpū wahana niaja mari. Topū masa yuhū

masare Cohācjū ohorigure ñehe, apequinapure yuhare ohoeta. Pahia puhtoare, mari acaye judio masare buheyequina gūhare yuhare ohoeta. Sa ye yuhare wejē dutieta tiquina. Sa wejē dutiye judio masa ijieyequina pehere yuhare ohoeta. ³⁴ Tiquina sa ohori bato tiquina pehe yuhare bujape, sihco puti ohō, tana, wejēeta. Sa yegu yuhā yariari bato ihtia deco wahaboro masa wijiagatja, ni yahuahye Jesu tiquinare.

Santiago, Ñu mehna Jesure siniahye
(Mt 20.20-28)

³⁵ Sa ye Santiago, Ñu mehna Jesu caharū esaye, siniahye tiquireore. Tiquina Zebedeo pohne ijiahye. Sa ye ohō saha ni siniahye: —Buhegū, usā sinino saha usāre yeya mūhū, niahye tiquina Jesure.

³⁶ —¿Duhse yuhū yegū cahmeajari mūsa? niahye Jesu tiquinare.

³⁷ —Ijipihtiyequina puhtoro ijigū usāre mūhū mehna duji dutiya. Ihcāquiro mūhū poto pehe, apequiro mūhū cū pehe pehe duji dutiya usāre, mūhū mehna puhtoā usā ijiato saha, niahye tiquina Jesure.

³⁸ Tiquina sa nigū tuhoro ohō saha ni yahuahye Jesu tiquinare:

—Mūsa ñano yuhduatore masiedapenata sa sinine yuhare. ¿Yojo pure yuhū ñano yuhduato saha mūsa gūhū ñano yuhdūna ihcāno sahaboagari? ni sinituahye tiquinare.

³⁹ Tiquireo sa sinitugū tuhoye tiquina yuhtiahye:

—Ihcāno sahanata, ni yuhtiahye tiquina.

Tiquina sa nigū Jesu ohō saha ni yahuahye:

—Yuhū ñano yuhduato saha ñano yuhdūnata mūsa gūhū. ⁴⁰ Mūsa sa yuhdūnanaja mūsa ijiepegūta, yuhū mehna dutiatiquinare, yuhū mehna dujiatiquinare bese masiedaja yuhū. Ahrire yuhū Pacū pehe quehno tuhasari. Sa ye tiquireo beseatiquina dihita yuhū poto pehe yuhū cū pehe pehe dujieta, niahye Jesu tiquinare.

⁴¹ Sa ye apequina pūa omopequina buheyequina Santiago, Ñu ahriquina pūaro mehna usuahye tiquina sa sinidire tuhoye.

⁴² Tiquina sa usuagū ihñano Jesu tiquireo buheyequinare pijio ohō saha niahye:

—Cohācjūre masiefequina puhtoā pehe tiquina masare dutiye, usuaro mehna dutire. ⁴³ Mūsa pehe ne sa yesi mūsa basi. Mūsa mehna cjāno puhtoro iji duaro, ijipihtiyequina tiquireo mehna cjēna cahacjāno ijiro cahmene tiquireore. ⁴⁴ Sa yero ijipihtiyequinare dutiriquiro iji duaro, apequina cahacjāno ijiro cahmene tiquireore. ⁴⁵ Sata ijigū ijiaja yuhū gūhū. Yuhū masū Cohācjū ohorigū ijiepegūta ahri yehpapū masare yedohogū ahtaū. Sa yegu

peyequina masa ye buhirire yariagū ahtagū nii. Sa yegu peyequina masare pecarū wahaboriquinare yuhduogū ahtagū nii. Masare dutiregū ahtagū niedū, niahye Jesu tiquinare.

Bartimeore, caperi bajueriquirore ihñagū yeahye Jesu

(Mt 20.29-34; Lc 18.35-43)

⁴⁶ Sa ye tiquina Jericóru esahye. Sa yero Jesu tiquireo buheyequina, masa peyequina mehna ti macarū ijieyequina tiquina wahagū Bartimeore pehe maha dūhtū caharū dujiyahye. Tiquireo Timeo macūno caperi bajueriquiro ijiro, decoripe masare niñerure siniducuriquiro ijiahye. ⁴⁷ Sa yero torū Jesu Nazare cjāno tiquireo caharū ahtagū tuhoro Bartimeore ohō saha ni sañuducuahye:

—Jesu, Davi mūnāno panamī iji turiagū, masare yuhduoacjū, paja ihñāña yuhare, ni sañuducuahye Jesure.

⁴⁸ Tiquireo sa nigū tuhoye masa peyequina Bartimeore “Dihta mariañña”, ni tuhtiahye tiquina tiquireore. Tiquina sa tuhtigū tuhoro Bartimeore to pano tiquireo sañuducuriro yuhduo cjūno sañuducu nemoahye tja:

—Jesu, Davi mūnāno panamī iji turiagū, masare yuhduoacjū, paja ihñāña yuhare, ni sañuducuahye tiquireo.

⁴⁹ Tiquireo sa ni sañuducugū tuhoro Jesu pehe esadūca, “Pijiohū tiquireore”, niahye. Tiquireo sa nigū tiquina pehe caperi bajueriquirore pijī cāhye:

—Bucueya. Wahcādūcaya. Tiquireo mūhare pijiore, niahye tiquina Bartimeore.

⁵⁰ Tiquina sa nigū tuhoro tiquireo bui cjā suhtirore tu we cū, uhpu yuhdū cā, Jesu caharū esadūcahye. ⁵¹ Sa yero Jesu sinituahye tiquireore.

—¿Duhse yuhū yegū cahmeajari mūhū? niahye Jesu tiquireore.

—Yuhū puhto, yuhare ihñagū yeya, niahye caperi bajueriquiro.

⁵² —Wahaya. Mūhū yuhare wacū tutuagū quehnoa wahare, niahye Jesu tiquireore.

Tiquireo sa nigūta caperi bajueriquiro ihñāa wahahye. Sa quehnoa waharo Jesu mehna maharū wahāa wahahye.

11

Jerusalēru esahye Jesu

(Mt 21.1-11; Lc 19.28-40; Jn 12.12-19)

¹ Sa ye Jerusalēru tiquina esato panogā Betfagē wame tiri maca caharū, Betania wame tiri maca caharū ijidūru, Olivo wame tidū cūnarū esa mūhtahye. Torū esaro pūarore tiquireo buheyequina mehna cjēnare Jesu ohoro ohō saha niahye:

² —Sī macarū wahaya. Torū esana duita burrogāre tiquina dūhte docoriquirogāre bocanata. Apequina pesamehnediquirogā ijiaja. Tiquireogāre bocana, yuta dare pā, ne

cāhta basaya yahure. ³ Musa sa yegū ihñano burrogā uparo “¿Dahsena burrogāre pājari?” tiquiro nigū tahona, ohō saha ni yahtiya tiquirore: “Mari puhtoro burrogāre cahmedoqueo nidi. Sa yero mianogāta wiarota tiquiro”, ni yahuya tiquirore, ni yahu duti ohoahye tiquiro buheyequinare parore.

⁴ Tiquiro sa nigū waha, wahu cahapu ijiri mahapu sopecaha cahapu burrogāre tiquina duhte docoriquirogāre bocahye. ⁵ Sa ye tiquirogāre yuta dare tiquina pāgū ihñañe topu ducuyequina sinituahye tiquinare:

—¿Dahse yena tana musa yuta dare pājari burrogāre? ni sinituahye tiquina.

⁶ Tiquina sa nigū tahoye, tiquina pehe Jesu tiquiro nidiro sahata yahuahye topu ducuyequinare. Tiquina sa yahugū tahoye topu ducuyequina pehe “Neahña”, niahye tiquinare. ⁷ Sa ye tiquina burrogāre Jesu cahapu ne sahye. Tiquina ne sari bato tiquirogā bui tiquina suhtire duhu peo tuhasagū ihñano, Jesu pehe tiquirogā bui mija pjeahye, waharo taro. ⁸ Sa ye masa peyequina tiquina bui sañañe suhtire tu we ne, mahapu seō cū mahtahye, Jesure ño peoye. Apequina pehe pūri tiye dūparire wesoripū tiquina ne cāhtari dūparire mahapu cūahye.

⁹ Sa ye tiquiro pano wahayequina, tiquiro bato ahtayequina mehna ohō saha ni sañuducuahye:

—Ahriquirore ño peouhna. Ahriquirō Cohācjū tiquiro ohoriquiro quehnoano ijiahiro. ¹⁰ Mari ñecu iji turariquirō Davi manano puhtoro tiquiro ijiriro saha ahtariquirō quehnoano ijiahiro. Ūhmuse cjānore “Tutuagu ijire”, ni ño peouhna, ni sañuducuahye tiquina.

¹¹ Sa yero Jesu Jerusalēpu esaro Cohācjū ya wuhuru saǵa saro, ti wuhuru ijiyere ijipihtiyere ihña peho cāhye. Ihña tuhasa “Ñamicahapu ijire. Deco cjūnota wahauhna”, nino, Jesu tiquiro buheyequina doce buheyequina mehna Betaniapu wahahye.

Jesu higeragure yaria dutiahye
(Mt 21.18-19)

¹² Sa ye ape deco tiquina Betaniapu ijiriquina wahaa wahahye. Sa yero Jesu pehe ujna ahbaa waha, yoraropu higuera wame tidare quehnoano pūri tidare ihñano ta ducare macano wahamahye. ¹³ Dūca mariedahye. Dūca tiri pje ijieraro pūri dihita ijiahye. ¹⁴ Sa yero dūca mariedagū ihñano ohō saha niahye:

—Ahdū ducare masa ne pari turi ihyeracāhdo. Ne dūca tieracāhdo, niahye Jesu.

Tiquiro sa nigū tiquiro buheyequina pehe tahoahye.

Jesu Cohācjū wuhure Cohācjū mehna yahuducuri wahu ye dutiahye
(Mt 21.12-17; Lc 19.45-48; Jn 2.13-22)

¹⁵ Tiquiro sa yeri bato tiquina Jerusalēpu esahye. Topu esaro, Jesu Cohācjū ya wuhuru saǵa saro apee boro duayequinare, dūyequina gūhure cohā wioahye. Sa yero niñeru comesaye mesarire yo wahcō, ne majare cū mujahye. Bujuaare duayequina tiquina dujiye pahtari gūhure sata yeahye. ¹⁶ Sa yero apee borore ne saǵa dutierahye masare. ¹⁷ Sa yero Jesu ohō saha ni buheahye tiquinare:

—Ohō saha nine Cohācjū yere tiquina ojoari pū: “Ya wahu Cohācjū mehna yahuducuri wahu wame tirota. Sa yero ijipihitiro cjēna ya wahu ijirota”, ni ojoahye Cohācjū yere tiquina ojoari pū. Ti pū sa niepegūta musa pehe ahri wuhuru duana, musa basi cahme yaquere musa, ni buheahye tiquinare.

¹⁸ Tiquiro sa ni buhegū ijipihtiyequina masa pehe tuho maria wahahye. Sa ye pahia puhtoa, usā judio masa buheyequina mehna tiquirore cue niahye. Sa ye tiquina tiquirore wejēatire wacū macamahye. ¹⁹ Tiquina sa yegū ñamicahapu Jesu tiquiro buheyequina mehna ti macapu ijiriquina wahaa wahahye.

Higeragu ñaia wahahye
(Mt 21.20-22)

²⁰ Sa ye bohrearo mahapu maja taye, higeragure ihñahye. Tu nuhcoripū ñai dūca, ñaia wahahye tu. ²¹ Tare ihñano Pedro pehe wacū, ohō saha niahye:

—Buhegū, ihñañe. Higeragu mahu yaria dutidu yaria wahaya, niahye Pedro.

²² Tiquiro sa nigūta Jesu yahuahye tiquinare:

—Cohācjūre wacū tutuaya musa. ²³ Ijirota niita niaja musare. Ahdū cūnare pajiri mapu musa cohā dutigū musa nidiro saha sa waharota. Cohācjūre quehnoano musa wacū tutuagū “Yahu sinidiro saha waharota”, musa ni tuhutugū musa nidiro saha waharota. ²⁴ Sa yegū ahrire yahugutja musare. Cohācjū mehna yahuducuna, tiquirore sinina, “Yahu sinidiro saha ohorota yahure”, ni tuhutuya. Musa sa yegū ihñano Cohācjū musa siniñene ohorota. ²⁵ Sa yena Cohācjū mehna musa yahuducuna, tiquirore musare apequina tiquina ñano yegū musa usarire duhuya. Musa sa yegū ihñano mari Pacu ūhmuse cjāno musa ñañe yeri pehere tiquiro gūhu usua duhurota. [²⁶ Musare ñano yeriquinare musa usua duhueragū mari Pacu gūhu ūhmuse cjāno musa ñañe yeri pehere usaro ne duhusi tiquiro gūhu,] niahye Jesu.

Pahia p̄h̄toa, judio masare buheye-quina, b̄c̄na mehna Jesu mehna cahme d̄use tini wiahye

(Mt 21.23-27; Lc 20.1-8)

²⁷ Tiquiro sa nidi bato tiquina Jerusalēp̄ wahahye tja. Sa ye Jesu Cohācjū w̄h̄p̄p̄ tiquiro tinigū ih̄ñāne pahia p̄h̄toa, usā judio masare buheyequina, b̄c̄na gūh̄ tiquiro cahap̄ esaye, tiquirore sinituahye:

²⁸ —¿Dahseḡ can̄re sa yeari m̄h̄h̄? ¿Noa m̄h̄re tire sa ye dutiari? ni sinituahye tiquina Jesure.

²⁹ Tiquina sa nigū Jesu ȳhtiahye:

—M̄sa pehere sinitu m̄htagatja. Quehnoano ȳh̄re m̄sa ȳhtigū masare yahuḡtja ȳh̄ gūh̄. ³⁰ ¿N̄u masare tiquiro wame yegū noa boro pehe tiquirore wame ye dutiari, m̄sa t̄hotugū? ¿O Cohācjū dutierari? ¿O masa pehe tiquirore dutiari, m̄sa t̄hotugū? ni sinituahye tiquinare.

³¹ Tiquiro sa nigū tiquina pehe tiquina basi oh̄ saha niahye:

—¿Dahse ni ȳhtinatari mari? “Cohācjū Ñure dutiri jiri”, mari nigū, “¿Dahsena Cohācjū Ñure tiquiro dutiepeḡta tiquirore t̄ho duerari m̄sa?” niboaga Jesu marine.

³² Sa yero “N̄u tiquiro wame yegū Cohācjū pehe tiquirore dutierari jiri”, mari nigū masa pehe usueta mari mehna, niahye tiquina basi.

“Potota N̄u Cohācjū yere yahu m̄htariquiro ijire”, ni t̄hotue tiahye masa pehe. Sa ye pahia p̄h̄toa, usā judio masare buheyequina, b̄c̄na mehna tiquinare cue niahye. ³³ Sa ye tiquina Jesure oh̄ saha ni ȳhtiahye:

—Ñure wame ye dutiriquirore usā masiedaga, niahye tiquina Jesure.

—Ti pje p̄rita yahu gūh̄ ahrire ȳh̄ yerire dutiriquirore yahueraja m̄sare, niahye Jesu tiquinare.

12

Ñañequina dahra cohteyequina quitire yahuahye Jesu

(Mt 21.33-46; Lc 20.9-19)

¹ Sa ye Jesu tiquiro t̄hotuye mehna oh̄ saha ni queoye mehna buhe d̄cahye tiquinare.

—Wese up̄ro uh̄se darire oteahye. Ote tuhasa, sahr̄nore doco, uh̄sere tiquina cahta m̄toati copere sehe, uh̄m̄ari w̄h̄ḡ dahreahye tiquiro. Sa yero ti wesere apequinare ih̄cā pehe pahma c̄no, ti wesere cohte dutiahye. Cohte duti tuhasa ape sierp̄ wahaa wahahye tiquiro. ² Came uh̄se ñidi pje ijigū wese up̄ro tiquiro cahacjanore wese cjē tiquiro ya pahma cjē d̄care ne dutiro ohomahye. ³ Sa ye wesere cohteyequina pehe tiquiro cahacjanore

ñehe, quēahye tiquirore. Sa ye tuhasa tiquiro cahacjanore uh̄se t̄horine ohoerapeta tojoa dutiahye tiquirore. ⁴ Sa yero wese up̄ro apequiro tiquiro cahacjanore ohomahye tja. Sa ye cohteyequina pehe tiquiro dapure cami dahre, ñano yeahye tiquina tiquirore. ⁵ Sa yero apequiro pehere tiquiro ohogū cohteyequina tiquirore wejēahye. Peyequina apequina gūhare sa dihita ye m̄jahye. Apequina pehere quē, apequina pehere wejēahye tiquina.

⁶ Sa yero wese up̄ro mac̄no dihita dahsahye. Tiquiro cahiniquiro ijiahye. Sa yero tiquiro mac̄no ohoahye, “Yahu mac̄ pehere ño peoeta”, nino. ⁷ Tiquiro sa ni t̄hotuepeḡta cohteyequina tiquina basi oh̄ saha ni yahuducuahye: “Wese up̄ro mac̄no ijire ahriquiro. Tiquirore wejēihna mari. Sa yero ahri wese mari ya wese tojoarota”, nimahye tiquina basi. ⁸ Sa ñine tiquirore ñehe, wejē, wese d̄ht̄ cahap̄ ne cā, cohā cāhye tiquina tiquirore.

⁹ Ne wese up̄ro ahtaro dahse yerotari tiquiro wesere cohteyequinare, masa t̄hotugū? Oh̄ saha yerota tiquinare: Tiquiro tiquinare wejēno, apequina pehere wesere cohte dutirota. ¹⁰⁻¹¹ ¿Cohācjū yere tiquina ojoari p̄re ahrire buherari m̄sa? Oh̄ saha ni ojoahye:

Ahriquiro Cristo utā yero saha ijire. Utāre wuh̄re dahreyequina tiquina cohāno saha masa tiquirore cohāeta. Tiquina sa cohāep̄ḡta yojopure wuh̄re dahreyequina wuh̄re yeye, tiquina cū m̄htaria utāre tiquina c̄no saha Cohācjū tiquirore p̄htoro s̄ori. Cohācjū pehe ahrire yeri. Tiquiro sa yegū ih̄ñana, “Quehnoa yuh̄dare”, ni t̄hotuaja mari, ni ojoahye panop̄re.

¿Tire ne buherari masa? niahye Jesu tiquinare.

¹² Tiquiro sa nigū t̄hoye pahia p̄h̄toa, usā acaye judio masare buheyequina, b̄c̄na mehna oh̄ saha ni t̄hotuahye: “Jesu wesere cohteyequina quitu mehna marine tuhtiro ñine”, ni t̄hotuahye. Sa ni t̄hotuye Jesure ñehe duamahye. Sa ñehe duepeta masare cue niahye. Sa cueye tiquirore cohā cāa wahahye.

Fariseo masa, Herode ya curua cjēna mehna gobierno cjē wapare sinituahye Jesure

(Mt 22.15-22; Lc 20.20-26)

¹³ Waha, tiquina fariseo masare, Herode ya curua cjēna gūhare Jesure sinitu dutiye ohoahye tja. Jesu ñano tiquiro ȳhtigū ye duamahye tiquina, tiquirore yahusāne tehe. ¹⁴ Sa ye Jesu cahap̄ esaye, tiquirore niji sio sinitumahye:

—Buhegu, poto yahuducugū, ni mehoñe mariegu muhu ijigū masiaja usā. Cohācjū yere queoro muhu yahugū gūhare masiaja usā. Sa yegu ihcāquiro puhtoro waro ijiepegūta tiquiro gūhare dōyaro marieno potota yahure muhu. Sa yegu usāre yahuya. ¿Roma cĵano ijipihtiyequina puhtoro yere marine wapa yero cahmeajari, muhu tūhotugū? ¿Mari dutiye wapa ye dutiajari, muhu tūhotugū? ni sinituahye tiquina Jesure.

¹⁵ Tiquina sa sinitugū tūhoro tiquina ñano ye duayer masino Jesu ohō saha ni sinituahye tiquinare:

—¿Dahse yena yuhu ñano yahuducugū tūho duajari mūsa? Yojoṗare niñeru cjoere ne cāhtaya. Ti cjoere ihñauhna, niahye Jesu tiquinare.

¹⁶ Tiquiro sa nigū tūhoye tiquina pehe ihcā cjoē ne cāhtahye. Tiquina ne wihigū Jesu sinituahye tiquinare:

—¿Noa boro queoye wahñajari ahri cjoere? ¿Noa boro wame wahñajari? ni sinituahye tiquiro.

—César, masa ijipihtiyequina puhtoro queoye, tiquiro wame gūhu wahñare, ni yuhtiahye tiquina.

¹⁷ Tiquina sa nigū Jesu yahuahye tiquinare:

—Ti pje pūrita masa ijipihtiyequina puhtoro yere tiquiro pehere ohoya. Cohācjū yere Cohācjū pehere ohoya, ni yahuahye Jesu.

Tiquiro sa nigū tūhoye tūho maria wahahye.

Cohācjū tiquiro masoatire yahuahye Jesu saduceo masare

(Mt 22.23-33; Lc 20.27-40)

¹⁸ Sa ye ihquēquina saduceo masa Jesu caharu wihiahye. Saduceo masa pehe “Cohācjū yariariquinare masosi”, ni tūhotuyequina ijiahye. ¹⁹ Sa ye tiquina ohō saha niahye tiquirore:

—Buhegu, ohō saha ni buheahye Moise: “Ihcāquiro wahmino namo tiriquiro pohna mariedaperota yariagū ihñano tiquiro baharore tiquiro wahmino namono ijiricorore nūoano cahmene. Sa yero wahmino manano tiquiro pohna tiboro saha pohna tiro cahmene tiquiro baharore. Sa ye tiquiro pohne tiquiro wahmino manano pohne yero saha ijijeta”, ni ojoahye Moise, niahye tiquina Jesure.

²⁰ Tire ni tuhasa, ahri quitireta yahu nemoahye Jesure:

—Ihcāquiro masūno ijiahye. Seis bahana tiahye. Tiquiro wahmino pehe namo ti, pohna mariedaperota yariaa wahahye. ²¹ Sa yero apequiro tiquiro baharo gūhu tiquiro wahmino namono ijiricorore cuomahye. Tiquiro sa nūoari bato tiquiro

wahmino yero saha pohna mariedaperota yariaa wahahye tja. Sa yero ahriquiro baharo tiquiro wahmino manano yero saha pohna mariedaperota yariaa wahahye. ²² Sa dihita wahahye ihcāquiro pohne waro. Ne pohna mariedapeta yaria pihita wahahye tiquina. Tiquina namono ijiricoro gūhu tiquina batota yariaa wahahye. ²³ ¿Ne, Cohācjū ijipihtiyequinare yariariquina manare tiquiro masogū diquiro namono pehe ijiritari ticoro? Tiquina ijipihtiyequina ticorore namo tiriquina mūna ijiahye. ¿Sa yero diquiro namono pehe ijiboagari ticoro pototi? ni sinituahye tiquina.

²⁴ Jesu yuhtiahye tiquinare:

—Cohācjū yere tiquina ojoari pūre, tiquiro masiñe gūhare ne masiedare mūsa. Sa yero mūsa tūhotuye pehe ne poto ijierare. ²⁵ Yariariquina mūna tiquina masa mūjari bato angele yero saha ijire. Namō marieñequina, manū marieñe numia ijire topure. ²⁶ Yariariquina mūna tiquina masa wijiato pehere mū sare yahugutja: Tire Moise quehnoano yahu pehoahye. Mehenegā ujāri quitire ohō saha ni yahuahye tiquiro: “Yūhu Abrahā, Isaac, Jacob tiquina puhto tjiaja”, ni yahuri Cohācjū yūhare”, ni ojoahye Moise tiquiro ojoari pūru. ²⁷ Tiquina yariari bato “Tiquina puhto tjiaja”, ni yahuahye Cohācjū.

Sa nieperota yariariquina mūna puhtoro ijierare Cohācjū. “Tiquina puhto tjiaja”, tiquiro niñe mehna catiyequina tiquina ijigū masiaja mari. Tiquiro catiyequina puhtoro ijire. Sa yena “Yariariquina masasi”, ni tūhotuna potota tūhotuerare mūsa, niahye Jesu tiquinare.

Quehnoa yūhdari dutirore yahuahye Jesu

(Mt 22.34-40)

²⁸ Sa ye ihcāquiro usā acaye judio masare buheyequina mehna cĵano tiquina caharu wihi, tiquina cahme yahuducugū tūhoahye. Jesu quehnoano yuhtiyere tūhoro sinituahye tiquirore.

—¿Cohācjū ye dutiro quehnoa yūhdari dutiro noho pehe ijijari, muhu tūhotugū? ni sinituahye tiquiro Jesure.

²⁹ Jesu tiquirore yahuahye:

—Ahri dutiro ijire apeye dutiye bui quehnoa yūhdari dutiro: “Israe masa, tūhoya. Cohācjū mūsa puhtoro yūhu ihcāta ijiaja. ³⁰ Tutuaro mūsa jeripohnari mehna, quehnoano mūsa wacūñe mehna, mūsa tutuaye mehna yūhare cahñā”, nine Cohācjū. ³¹ Ahri dutiro bato apero dutiro quehnoano ijire. “Mūhu basi mūhu cahñā saha mūhu caharu ijieyequina gūhare cahñā”, nine Cohācjū. Ahri pūaro dutirota

ijipihtiye apeye dutiye yuhduoro ijire, ni yahuahye Jesu tiqirore.

³² Tiquiro sa nigū judio masare buheriquiro ohō saha niahye:

—Sa tjire. Buhegu, potota nine mūhu. Cohācjū ihcāquiota ijire. Apequiro tiquiro yero saha ijiriquiro mariedare. Mūhu niñe potota ijire. ³³ Cohācjūre tutuaro mari jeripohnari mehna, mari wacūñe mehna, mari tutuaye mehna tiqirore cahīno cahmene marine. Yūhu caha ijieyquinare yūhu basi yūhu cahīno saha tiqina gūhure cahīno cahmene yūhure. Wahiquinare wejē ujūa mūo mari ohori mehna mari ño peogū quehnoarimene. Ahri yuhduoro Cohācjūre, masa gūhure mari cahīne quehnoa yuhduare. Mūhu sa niñe ijirota ijire, niahye judio masare buheriquiro Jesure.

³⁴ Tiquiro sa quehnoano yuhtigū tūhoro Jesu yahuahye tiqirore:

—Mehenogā duhsare mūhure Cohācjūre mūhu quehnoano masiatio, niahye tiqirore.

Tiquiro sa nigū tūhoye apequina cueye, ne sinituerahye Jesure.

Cristo Davi mūnano puhtoro ijire
(Mt 22.41-46; Lc 20.41-44)

³⁵ Sa ye Cohācjū wuhupū buhero ohō saha niahye Jesu:

—“Cristo Davi mūnano panamino iji turiariquiro ijire”, ni buhere mari acaye judio masare buheyequina. ¿Duhse niñe sa ni buheajari tiqina? ³⁶ Davi tiquiro basi Espiritu Santo tiquiro dutiro saha ohō saha ni yahuahye:

Cohācjū yūhu puhtorore ohō saha nidi: “Ohōpū yūhu poto pehe dujiya. Sa yegu mūhure ihña tuhtieyquinare mūhure yuhduca basagutja yūhu”, nidi Cohācjū yūhu puhtorore, ni ojoahye Davi mūnano.

³⁷ Sa ni ojoaro Davi mūnano puhtoro tiahye Cristore. ¿Davi mūnano Cristo ñecano mūnano iji turiariquiro ijieperota duhsero Davi pehe puhtoro tiyari Cristore? Cristo Davi mūnano puhtoro ijire, ni yahuahye Jesu.

Tiquiro sa ni buhegū peyequina masa bucueye mehna tūhoahye tiqirore.

Jesu judio masare buheyequina tiqina ñañene yahuahye
(Mt 23.1-36; Lc 11.37-54; 20.45-47)

³⁸ Sa yero tiquiro buhe nemono ohō saha niahye:

—Mari acaye judio masare buheyequina tiqina ñañe yeyere quehnoano ihñaña. Sa yena tiqina yero saha yeracāhña. Tiquina yoaye suhti saña, masa tiqina ihñonopū majare, doeri cjē duaropū apequina puhtoare quehnoano ño peo tiqina sinino

saha tiqina piti ca sinigū cahmene tiqina. ³⁹ Sa ye mari judio masa buheye wuhusepū quehnoañe dujiye dihitare duji duare. Sa ye bose deco ijigū topū gūhure quehnoañe dujiye dihitare cahmene tiqina. ⁴⁰ Tiquina wape wiha numia ye wuhusere tiqina cuoye gūhure ehmare ti numiare. Sa ye tiqina masa ihñonopū yoari pje Cohācjūre siniducumene masare ihña dutiye. Tiquina sa yeri buhiri apequina bui cjūno tiquinare Cohācjū pajiro buhiri dahrerota, niahye Jesu tiquinare.

Wape wihoro ticoro ohorire yahuahye Jesu

(Lc 21.1-4)

⁴¹ Sa yero Jesu Cohācjū wūhu cjē niñeru tiqina sāri acaro cahapū dujahye. Topū masa tiqina niñeru duhu sāgū ihña dujiro niahye. Sa ye niñeru opana ti acaropū pajiro duhu sāhye. ⁴² Sa yero wape wihoro pejecuoricoro ti acaropū ahta, pua cjoegā duhu sāhye. Pua cjoegā ihcā centavo pose ijire. ⁴³ Ti cjoeri ticoro duhu sāgū ihñano tiquiro buheyequinare pijioahye:

—Ijirota niita niaja masare. Ahricoro wape wihoro pejecuoricoro pehe niñeru ihbori acaropū duhu sāno apequina ijipihtieyquina tiqina ohori yuhduoro ohori ticoro pehe. ⁴⁴ Apequina doeri cjē opana pajiro tiqina ohopegūta tiqina ye pajiro duhsare. Ahricoro pehe pejecuoricoro ijieperota ijipihtiye ticoro ihyatire dūborigāre oho pehori, niahye Jesu.

13

—Cohācjū wūhu cohāri wūhu ijirota, niahye Jesu

(Mt 24.1-2; Lc 21.5-6)

¹ Sa ye Cohācjū wuhupūre tiqina wijiagū ihcāquiro buheyequina mehna cjūno ohō saha niahye:

—Buhegu, ihñaña. Ahri wuhuse quehnoañe utā paca mehna tiqina yeri wuhuse quehnoa yuhduaye wuhuse ijicjoare, niahye tiquiro.

² Tiquiro sa nigū Jesu yahuahye tiquinare:

—Ahri ijipihtiye mari ihñari wuhuse, ahri wuhuse cjē utā paca gūhure cohā pehoeta. Ne ihcāria utā tojoasi, niahye Jesu tiquinare.

Decori phtiatire yahuahye Jesu
(Mt 24.3-28; Lc 21.7-24; 17.22-24)

³ Sa ye Jesu Olivo wame tidū canupū Cohācjū wūhu potopū ijidupū esahye. Tu buipū dujahye. Topū Pedro, Santiago, Ņu, Andre mehna tiqina sehsaro ijie, tiqina tiqirore sinituahye:

⁴ —Yahuya usāre. ¿Duhse ijigū sa waharotari mūhu nidiro saha waharo? ¿Deco phtiatio panogā ijigū duhse ti waha ducagū ihñanatarī usā? ni sinituahye tiqina Jesure.

⁵ Jesu yuhtiahye:

—Quehnoano yeya musa. Sa yena apequina tiquna ni mehoñene tuhoeracãhña musa. ⁶ Peyequina masa “Cristo ijiaja yahu”, ni mehoñequina ahtaeta. Tiquina sa ni mehogũ tuhoye peyequina masa Cohãcjũ yere duhueta.

⁷ Musa cahagã masa apequina tiquna cahme wejẽgũ tuhonata musa. Sa yena yoropũ gãhure tiquna cahme wejẽgũ tuhoonata musa. Sa tuhoopenata ne tire pajiro tuhotueracãhña. Sa wahaerota. Tiquina sa yegũ pihtiati deco duhsarĩnata. ⁸ Ti pjere ihcã yehpa cjenã ape yehpa cjenã mehna cahme wejẽeta. Sa ye ihcãquiro puhtoro yequina apequiro puhtoro yequina mehna cahme wejẽeta. Sa yero ijipihitiri yehpa ñuhminota. Sa ye peyequina masa ujuã mehna yarieta. Sa wahagũ ahri yehpa cjenãre tiquna ñano yuhdu nemoato duhsarĩnata. Ñano yuhdurĩeta.

⁹ Sa wahagũ ihñana musa basi quehnoano yeya. Apequina musare ñehe, ñano ye dutiye ohoeta apequina puhtoapure. Sa ye judio masa mari buheye wuhusepũ musare queẽeta. Tiquina sa yegũ bujaye macari cjenã puhtoã, tiquna bui puhtoã gãhu musare buhiri dahreye tehe sinitueta musare. Yeequina musa ijiri buhirire apequina musare yahusaeta. Sa yena yeere yahunata musa tiquinare. ¹⁰ Sa ye pihtiati deco pano quehnoañe buheye ijipihitije yehpari cjenãre buheripũ ijirota. ¹¹ Sa yena musare buhiri dahre dutiye, buhiri dahre dutiatiquiro cahapũ tiquna neagũ tiquirore musa niatire “Yahu masiedaboaga”, ni tuhotueracãhña musa. Ti pjere musa niatire musare Espĩritu Santo yahurota. Tiquiro sa yahurire yahuya musa. Musa esa tuharo yahuducusi musa. Espĩritu Santo musare yahuducu basarota. ¹² Ti pjere tiquna wahmismũã tiquna bahanare wejẽ dutiye ohoeta puhtoare, yeequina tiquna ijiri buhiri. Tiquina pacysũmũã tiquna pohne wejẽ dutiye ohoeta puhtoare. Tiquina pohne pehe tiquna pacysũmũãre wejẽ dutiye ohoeta puhtoare. ¹³ Sa ye yeequina musa ijiri buhiri musare masa ijipihitijequina ihña tuhtueta. Tiquina sa yepẽgũã ahri yehparũ musa catiro puno musare tiquna ñano yerire ihcãno sahana yuhure duhuerana, yuhduanata musa.

¹⁴ Sa yena ña yuhduariquirore Cohãcjũ yere ñano yeriquirore ihñanata musa. Cohãcjũ ya wuhũpũ tiquiro ducugũ ihñanata. Topũ tiquirore ijierano cahmene. Topũ tiquiro ducugũ ihñañe Judea yehparũ ijijyequina sũũ cjuũpũ duhti oma mũjaa wahaahro. Ahri yuhũ nidire quehnoano masiña musa. ¹⁵ Sojaro mehna oma duhtiauro. Ti pjere tiquna wuhuse bui cje paaripũ ijijyequina wuhũ puhiapũ

ijijere tiquna yere ñeñe wahaeracãhdo tiquna waha madoqueoato saha. ¹⁶ Sa ye ti pjere apequina tiquna weseripũ ijijyequina tiquna bui cje suhtire wuhũpũ ijijye suhtire ñeñe wahaeracãhdo tiquna waha madoqueoato saha. ¹⁷ Ti pjere niji pacosãnumia, tiquna pohne apũoñe numia gãhu pejesũoro wahaeta. ¹⁸ Sa yena ohõ saha ni siniña Cohãcjũre: “Pohẽcũ ijigũ sa wahaeracãhdo”, ni siniña tiquirore. ¹⁹ Ti decorire masa ña yuhduaro wahaeta. Ahri yehpare tiquiro bajumehnedi bato masa ñano yuhduẽ tiahye. Ti sa ijijepẽgũã ijipihitije ti purĩne yuhduoro pihtiati deco ijigũre ña yuhduaro masa yuhdueta. Sa ñano tiquna yuhduari bato pari turi sa ña yuhduaro yuhduari ahri yehparũ. ²⁰ Sa yero Cohãcjũ ti decorire meheñe decorigã ijigũ yerota. Tiquiro sa yeragũ ne ihcãquiro masũno yuhdueraboaga. Sa yero tiquiro beseriquina tiquna yuhduare meheñe decorigã cunota Cohãcjũ.

²¹ Ti pjere apequina musare “Ihñañã. Ahriquiro ijire Cristo”, tiquna nigũ tiquinare tuhoeracãhña. “Topũ ijire Cristo”, tiquna nigũ gãhure tuhoeracãhña. ²² “Cristo ijiaja”, ni mehoñequina, “Cohãcjũ yere yahu muhtana ijiaja”, ni mehoñequina ijietã ti pjereta. Sa ye Cohãcjũ beseriquinare ni mehoñe, tiquna tutuaye mehna ye ihñoeta. Cohãcjũ yequinare Cohãcjũre tiquna cohã duagũ ye duare tiquna mehoñequina. ²³ Ahrire yahuyuaia musare sa wahato pano. Sa yena quehnoano yeya musa, ni yahuahye Jesu.

Jesu ahri dihtapure tiquiro tojoa tatire yahuahye

(Mt 24.29-35, 42-44; Lc 21.25-36)

²⁴ Sa ni tuhasa ohõ saha ni yahuahye Jesu:

—Ti decori ijigũ tiquna ñano yuhduari bato asũ deco cjanõ, ñami cjanõ gãhu buhrio duhu cãeta. ²⁵ Tiquina sa wahagũã ñahpicoha paca uhmusepũ ijijye paca bora dijiaa wahaeta. Sa ye uhmuse cje yehpari, ñahpicoha gãhu ti sa wahaducurore comesaeta. Sa ye ñuhmieta. ²⁶ Ti pjeta yuhũ masũ Cohãcjũ ohorigũ ahtagutja. Sa ye uhmusepũ yuhũ tutuaye mehna yuhũ asi siteye mehna uhmuse cje ehmeo cururi buipũ ahri yehpapure yuhũ tojoa tagũ ihñãeta masa. ²⁷ Sa yegũ yeequina angelere ijipihitiropũ ahri yehparũ ohogutja. Sa ye ijipihitiropũ yeequina yuhũ beseriquinare tiquna neeta.

²⁸ Yojopure higueraçure tuhotuya musa. Tu quiti mehna musare queoye mehna buhegutja. Tu yucugũ puri tigũ ihñana cahma mehenogã duhsagũ masine musa. ²⁹ Sata ahri ijipihitije yuhũ nidi sa wahagũ ihñana, yuhũ tojoa tato mehenogã duhsagũ masinata musa. ³⁰ Ijirota niita niaja musare. Ti

pje cĵena tiquina yariato panore ijiphtiye yuĥu niĉiro sahata sa waharota. ³¹ Uĥmase, ahri yehpa gĥu pihtia waharota. Yuĥu yahuducuye pehe ne comesasi. Ijiphtiye yuĥu niĉiro sahata sa waha sohtori tiarota.

³² Ti decore yuĥu tojoa tati decore, ti hora gĥure masiedaja yuĥu. Angele gĥu tire masiedare. Masa gĥu ne masiedare. Yuĥu Pacu dihita tire masine.

³³ Mĥsa gĥu ti decore masiedare. Sa yena quehnoano yeya. Quehnoano cohteya. Cohĥcĵure siniĥa mĥsa. ³⁴ Ohō saha cohteya mĥsa. Ahri quiti mehna mĥsare queoye mehna buhegĥja. Wuĥu upĥro yoaropu tiquiro tinino saha ijire ahri. Tiquiro wahato pano tiquiro cahacĵenare wĥure cohte dutiahye. Tiquinape tiquina dahrayere cĥahye. Sa yero wĥure cohteriquirore tiquiro tojoa tatore cohte dutiahye. ³⁵ Sa yena mĥsa gĥu quehnoano wacĥ masi cohteya. Wuĥu upĥro tiquiro tojoa tatore tiquina masiedariro saha yuĥu mĥsa pĥto tojoa tati decore masiedare mĥsa gĥu. Namicahapu, ņami deco, canaca tiquiro yahuri pje ijigĥ bohrearopu ahtaboaga. ³⁶ Yuĥu sa wacĥeno mehna yuĥu wihiatore masina, yeere sa yeducuya. Sa yena yuĥure quehnoano cohteya. ³⁷ Sa yega mĥsare yuĥu nino sahata ijiphtiyequinare sa niaja: Quehnoano wacĥ masi cohteya, niahye Jesu tiquinare.

14

Pahia pĥtoa, judio masare buheyequina mehna Jesure wejĥ duahye

(Mt 26.1-5; Lc 22.1-2; Jn 11.45-53)

¹ Sa ye ti pjere pascua wame tiri bose deco pano pugĥ yeye moremehneĥe pĥre tiquina ihyati deco pano, pĥa deco duhsariĥahye. Ti pjere pahia pĥtoa, usĥ acaye judio masare buheyequina mehna Jesure tiquina ni mehoĥe mehna tiquina ņehe wejĥeatire cahme yahuducuye niahye.

² —Bose deco ijigĥ tiquirore ņehedacĥhna “Masa usuari”, nina, niahye tiquina basi.

Numino ehme sitiye uĥse mehna Jesure pio peoahye

(Mt 26.6-13; Jn 12.1-8)

³ Sa ye Jesu gĥu Betaniapu, Simo cami bacu mĥna wihiro ijimediquiro ya wĥapu ijiahye. Sa yero tiquina ihyari watoa numino pehe alabastro mehna yeriare ehme sitiye nardo wame tye uĥsere pose tiriare ne wihiĥahye. Ti uĥse pehe wapa buĵaye ijiahye. Sa yero ticoro tiare pohadoqueo, Jesu dapu bui pio peoahye. ⁴ Ticoro sa yegĥ ihĥaĥe apequina usuaa wahahye.

—ĶDahse yero ahricoro ahri ehme sitiye co wapa buĵayere sa ye siteajari? ⁵ Tire ticoro duaboaya. Tire duaro tres cientos niĥeru cjoerire wapataboaya. Sa yero

ti niĥerure pejecuoyequinare ohoboaya ticoro, ni cohteahye apequina pehe ticoro sa yegĥ ihĥaĥe.

Sa ye tiquina ticorore tuhtiahye.

⁶ Tiquina sa nigĥ tuĥoro Jesu tiquinare yahaahye:

—Sa niedacĥĥa ticorore. Yuĥure ticoro quehnoano yero nine. ⁷ Pejecuoyequina pehe masa mehna sa ijiducueti. Sa yena mĥsa cahmedi pje tiquinare oho masine. Yuĥu pehe ahri yehpare mĥsa mehna sa ijiducusi. ⁸ Ticoro cuoro puno mehna ticoro yuĥure sa yeri. Yuĥure tiquina yato pano yuĥu pagure quehnoyuro, ehme sitiye pio peori ticoro. ⁹ Sa yegu potota niĥa niaja mĥsare. Ijiphtiyo ahri yehparu quehnoĥe buheyere tiquina yahuatopu ahricoro yojopure ticoro yerire yahueta. Tiquina sa yahugĥ tuĥoye ticorore masa peyequina wacĥeta, ni yahuahye Jesu.

Juda Iscariote Jesure ihĥa tuhtiyequinare tiquiro ihĥoatire yahuahye pahia pĥtoare

(Mt 26.14-16; Lc 22.3-6)

¹⁰ Ti pjereĥa Juda Iscariote doce buheyequina mehna cĵano Jesure tiquiro ihĥoatire yahuro wahahye tiquirore ihĥa tuhtiyequinare, pahia pĥtoare. ¹¹ Sa ye pahia pĥtoa tire tuĥoye bucueahye.

—Mĥure niĥerure ohonatja, niahye tiquina Judare.

Sa yero Jesure ihĥa tuhtiyequinare tiquiro ihĥoatire wacĥ macahye.

Jesu tiquiro buheyequina mehna tiquina ihyata bato tiri deco ijiahye

(Mt 26.17-29; Lc 22.7-23; Jn 13.21-30; 1 Co 11.23-26)

¹² Pugĥ yeye moremehneĥe pĥre tiquina ihyati bose deco iji ducari deco, ovejare pascua deco ijigĥ ihyatiquirore tiquina wejĥati deco ijiahye. Ti pjere tiquiro buheyequina pehe sinituahye Jesure:

—ĶNoho boropu bose deco ijigĥ mari ihyatire quehnoyuro dutigĥ ohoutjari mahu usĥere? niahye tiquirore.

¹³ Tiquina sa nigĥa Jesu pehe pĥaro tiquiro buheyequina mehna cĵenare ohoahye.

—Jerusalĥru wahaya. Topu mĥsa esagĥ aco suture wĥariquiro mĥsare piti carota. Tiquiro piti cagĥ tiquiro mehna wahaya. ¹⁴ Sa wahana tiquiro siho sajĥari wĥapu esana wĥu upĥrore ohō saha ni yahuya: “ĶNohoru yuĥu buheyequina mehna pascua cĵĥ ihyayere ihyanatari?” nidi buheriquiro”, niĥa wĥu upĥrore. ¹⁵ Mĥsa sa nigĥ tuĥoro uĥmĥano cĵĥ tucĥre pajiri tucĥre mari cahmeĥe mehna tiquina quehnoiri tucĥre ihĥonota wĥu upĥro. Topu mari ihyatire dahreya mĥsa, niahye Jesu tiquinare.

¹⁶ Tiqairo sa nigū tūhoye tiqaina tiqairo buheyequina ti macapū wahahye. Topū esagū tiquinare tiqairo nidiro sahata wahahye. Sa ye tiqaina pascua cĵē ihyayere dahreahye.

¹⁷ Sa ye nahitia cāhtagū Jesu doce tiqairo buheyequina mehna topūre esahye. ¹⁸ Sa yero tiqaina mehna mesapū ihyaro Jesu tiquinare yahuahye:

—Poto niita niaja mūsare. Ihcāqairo mūsa mehna cĵēno yūhū mehna ihyariquirotā yūhūre ihñā tuhtiyequinare ihñonota, ni yahuahye Jesu tiquinare.

¹⁹ Tiqairo sa nigū tūhoye tiqaina pehe bujūa witiyahye.

—¿Yūhūta iĵiajari mūhūre ihñōacjū? ni sinitu pihitahye tiqaina Jesure.

²⁰ —Mūsa mehna cĵēnota ĵire tiqairo. Yūhū ihyari papū yūhū mehna soha ihyariquirotā ĵire yūhūre ihñā tuhtiyequinare ihñōatitqairo. ²¹ Panopū yūhūre tiqaina yahu oĵaroro sahata yūhū masū Cohācĵū ohorigū yariagūta. Sa yero yūhūre ihñā tuhtiyequinare ihñōritqairo pejecūoro yūhūrotā. Tiqairo pehe masa bajueragū, quehnoa yūhūaboya. Ñāno yūhūderaboya, niahye Jesu tiquinare.

²² Sa ni yahu tuhasaro tiqairo buheyequina mehna ihyaro taro niahye. Sa yero Jesu pāre ne, Cohācĵūre “Quehnoare”, niahye. Sa ninota tiare nuha, itiahye tiquinare.

—Ahrire ne ihyaya. Ahri yūhū pagū ĵire, niahye tiqairo tiquinare.

²³ Sa ni tuhasa tiqairo sihni pare ne, Cohācĵūre “Quehnoare”, ni tuhasa, ohoahye tiquinare. Tiqairo oho tuhasagū tiqaina ĵiĵihtiyequina tire sihniahye.

²⁴ —Ahri yūhū di ĵire. Peyequina masa tiqaina ñāñe yerire cohāgū tagū yariagūta. Sa yegū yūhū diire cohāgūta. Mari Pacū “Mūsare yūhūdogūta”, tiqairo nidiro esagū yūhū yariaro mehna tiqairo nidiro sohtori tirota. ²⁵ Poto niita niaja mūsare. Cohācĵū tiqairo pūhtoro ĵiĵropū wahma core ūhse core yūhū sihniato pano, ahri dihtapūre ūhse core pari turi sihni yūhū, niahye Jesu tiquinare.

Pedro Jesure tiqairo cohātire yahuahye Jesu

(Mt 26.30-35; Lc 22.31-34; Jn 13.36-38)

²⁶ Sa ye tiqaina ihcā taha Cohācĵū ye basayere basa tuhasa, cūñapū Olivo wame tidapū wahaa wahahye. ²⁷ Topū siho esaro Jesu tiquinare yahuahye:

—Yojopūre mūsa ĵiĵihtiina yūhūre cohānata. Ohō sahata nine Cohācĵū yere tiqaina oĵari pūpū yūhūre yahuro: “Ovejare ihñā ihboriqiuro yero saha ĵiriqirore Cohācĵū cohānata. Sa tiqairo cohāgū tiqairo yequina oveja yero saha ĵiyequina duhti

site cāa wahaeta”, nine Cohācĵū yere tiqaina oĵari pūpū. ²⁸ Sa yegū Cohācĵū yūhūre tiqairo masori bato mūsa pano Galileapū wahayugūta yūhū, niahye Jesu tiquinare.

²⁹ Tiqairo sa nigū Pedro ohō saha niahye: —Yūhū mehna cĵēna ĵiĵihtiyequina tiqaina cohā cāepēgūta yūhū pehe mūhūre ne cohāsi, nimahye Pedro tiqirore.

³⁰ Jesu yūhtiahye:

—Potota niita niaja mūhūre. Mia ñamita canaca pūa taha tiqairo yahuato pano “Yūhū Jesure masiedaja”, niguta mūhū. Ihtia taha sa niguta mūhū, niahye Jesu Pedroro.

³¹ Tiqairo sa niepēgūta Pedro ohō saha ni tutuaro bisiro yūhtiahye:

—Mūhū mehna yūhūre tiqaina wejē duepēgūta “Jesure masiedaja”, ne nisi yūhū, ni yūhtimahye tiqairo Jesure.

Pedro sa nigū tūhoye tiqairo mehna cĵēna gūhū sa dihita ni yūhtiahye.

Getsemani wame tiri wesepū Jesu Cohācĵūre siniahye

(Mt 26.36-46; Lc 22.39-46)

³² Sa ye tiqaina Getsemani wame tiri wesepū wahahye. Topū esaro ohō saha niahye Jesu:

—Yūhū Cohācĵūre yūhū sinino watoa ohō duĵiyuya, niahye tiqairo buheyequinare.

³³ Sa ni tuhasa Pedroro, Santiagore, Ñure tiquinare ihtiarore piĵi cāhye. Tiquinare sa piĵi cāno, pajiro tūhotu dūcāhye tiqairo. Sa yero ñano jeripohna tiahye.

³⁴ Sa bujūa witiro tiqairo mehna cĵēnare tiqairo piĵi cāriquinare ohō saha niahye:

—Yūhū ñano jeripohna tiaja. Yūhūre tutuaro purīno saha tūhotugu niaja. Ohō tojoaya. Sa yena yūhū mehna carīedacāhñā mūsa gūhū, niahye Jesu tiquinare.

³⁵⁻³⁶ Sa ni tuhasa tiqairo topū mehenogā waha nemo, yehpapū quehe saro, Cohācĵūre niahye:

—Mai, mūhū ĵiĵihtiye ye masine. Sa yegū yūhū ñano yūhūatire ye dueragū yercāhñā. Yūhū sa niepēgūta yūhū cahmeno saha yercāhñā. Mūhū pehe masine. Mūhū cahmeno saha yeya yūhūre, ni siniahye tiqairo Cohācĵūre.

³⁷ Sa ni tuhasa, ihtiaro tiqairo buheyequina cahapū wihiro, carīñequinare ihñahye. Tiquinare ihñano Pedroro niahye:

—¿Simo, carīgū niajarī mūhū? ¿Ihcā hora waro yūhū ihcāno mehna carīgū ĵi masiedajari mūhū? ³⁸ Quehnoano yeya mūsa. Sa yena Cohācĵūre siniducuya mūsa, “Ñano yearī”, nina. Mūsa tūhotuye mehna quehnoañene ye duamene mūsa. Mūsa sehsaro sa ye duepenata tire ye masiedare mūsa, niahye Jesu Pedroro.

³⁹ Sa ni yahu tuhasa pari turi waha, Cohācĵūre siniahye. To pano tiqairo sinidiro sahata siniahye tja. ⁴⁰ Sa sini tuhasaro pari

turi tiquna cahapü wihiahye tja. Sa wihiro carñiequinare ihñahye tja. Wujua quehe yuhdñahye tiquna. Sa ye tiquna Jesure dñhse ni masiedahye. ⁴¹ Sa yero pari turi Cohãcjüre tiqiro sinidi bato tiquna cahapü wihí, tiquinare niahye:

—¿Yojopü püritare carñina niajari msa? ¿Sorña niajari msa? To punota umu saro taro nine. Mianogãta yuhare Cohãcjü ohorigure ñañequinare tiquna ohoati pje umu saro nine. ⁴² Wahcãña. Isa wahana. Ihñaña. Yuhare ihña tuhtiequinare ihñoatiqiro ohõ ahtare, niahye Jesu tiquinare.

Jesure ihña tuhtiequina tiqirore peresu yeahye

(Mt 26.47-56; Lc 22.47-53; Jn 18.2-11)

⁴³ Tiquiro sa nino watoata Juda, doce buheyequina mehna cjãno ijimediqiro wihiahye. Sa ye masa peyequina ñoseñe pjñi, yucu tiãri cñoyequina tiqiro mehna wihiahye. Pahia puhto, judio masare buheyequina, bucna, tiquna ohoriquna masa pehe ijiahye. ⁴⁴ Coã warore Jesure ihña tuhtiequinare ihñoatiqiro masare ohõ saha ni yahu queo tuhasahye.

—Wahsupure yuhu ihmidiqiro tiqirota ijirota msa ñeheatiqiro. Tiquirore yuhu ihmidi bato ñehaña tiqirore. Sa yena quehnoano ñehaña tiqirore “Duhtiarí”, nina, ni yahu tuhasahye Juda pehe.

⁴⁵ Sa yero wihirota Jesu cahapü duita waha madoqueoahye.

—Buhegü, ninota wahsupure ihmiahye tiqirore.

⁴⁶ Tiquiro sa yegü ihñañe tiquna Jesure ñeheahye.

⁴⁷ Tiquina sa yegü ihñano to cahapü ducuyequina mehna cjãno tiqiro ñoseni pjñe tuã we nedoqueo, pahia puhtoro cahacjünore tiqiro cahmonore ðate pahrë cãhye.

⁴⁸ Sa yero Jesu ohõ saha niahye:

—¿Dñhse ijiro boro msa ñoseñe pjñi mehna, yucu tiãri mehna ahtana, yaque-riqirore yero saha yuhare ñehena ahtajari? ⁴⁹ Decoripe Cohãcjü wuharu masare yuhu buhe dujigü, msa yuhare ne ñehedari. Sa ijiepegüta ahri ijipihtie sa waharo niaga Cohãcjü yere tiquna ni ojariro sahata, niahye Jesu masare.

⁵⁰ Sa ye Jesu buheyequina tiqirore cohã cã, ijipihtiequina oma site cãa wahahye.

⁵¹ Sa yero wahmuno suhti mariedi- qiro ihcãno coma cjãno dihita comariqiro Jesu bato nñu tãmahye. Tiquiro sa nñu tãgü ihñañe tiqirore ñehemahye. ⁵² Tiquirore tiquna ñehë duagü ihñano tiqiro coma cjünore cohã cã, suhti mariedi- qiro oma cãa wahahye.

Puhto cahapü neahye Jesure
(Mt 26.57-68; Lc 22.54-55, 63-71; Jn 18.12-14, 19-24)

⁵³ Sa ye pahia puhtoro cahapü Jesure ne cãhye. Sa ye ijipihtiequina pahia puhto, bucna, acay acaje judio masare buheye- quina gũhu cahmecoaheye. ⁵⁴ Sa yero Pe- dro pehe Jesu bato yoraropü nñu tãhye. Sa nñu tãno pahia puhto ya wuhü cahapü esahye. Sa yero tiqiro ti wuhare cohteyequina surara mehna peca ðuhtu cahapü sohma dujahye.

⁵⁵ Pahia puhto, ijipihtiequina apequna puhto gũhu Jesure wejë duti duaye, ni mehoñe mehna tiqirore tiquna ñano buhiri dahreatore wacü macañe nimahye. Tiquina yahusãtire wacü bocaerahye. ⁵⁶ Sa wacü bocaerapeta peyequina masa tiqirore sa yahusã maca cãhye. Tiquina yahusãñe poto ijierahye. Apeqiro sijoro saha ni, apeqiro sijoro saha niahye. ⁵⁷ Sa ye apequna topü esaye, Jesure yahusãhye.

⁵⁸ —Ahriqiro ohõ saha nidi: “Yuhu ahri wuhare Cohãcjü wuhare masa tiquna dahreri wuhare cohãgütja. Sa cohãgü ihtia deco wahaboro ti wuhare pari turi yegütja. Ti wuhü masa tiquna dahreri wuhü ijisi”, tiqiro nigü usã tuhou, niahye ni meho yahusãñequina.

⁵⁹ Tiquina sa ni yahusãepëgüta tiquna yahusãñe gũhu poto ijierahye. Apeqiro sijoro saha ni, apeqiro sijoro saha niahye.

⁶⁰ Tiquina sa nigü tuhoro pahia puhtoro tiquna watoa ducuriqiro wahcãduca sa, Jesure sinituahye:

—¿Ahriquna wuhare tiquna yahusãepëgüta tiquinare yuhti cahmedajari mñu? ¿Muhare tiquna yahusãre dñhse ni yuhti cahmeajari mñu? niahye tiqiro Jesure.

⁶¹ Tiquiro sa nigü tuhoeperota Jesu sata tuhotu cãhye. Tiquiro sa yuhtieragü ihñano pahia puhtoro tiqirore sinituahye tja:

—¿Cristota ijiajari mñu? ¿Quehnoariqiro Cohãcjü macu warota ijiajari mñu? niahye tiqiro Jesure.

⁶² —Tiquiro tjiaja. Sa yena wuhare masare Cohãcjü ohorigure yuhü Pacu tutuariqiro poto peheru yuhu dujigü ihñanata msa. Sa yena uhmase cjë ehmeo cururi watoa yuhu ahtagü gũhure ihñanata msa, niahye Jesu tiqirore.

⁶³⁻⁶⁴ Tiquiro sa nigüta pahia puhtoro pehe tiqiro sañari suhtirore tiqiro basi tuhrë cãhye, apeqinare “Usua yuhdñare”, ni ihña masi dutiro.

—Cohãcjüre ñano yahuducuro nine ahriqiro. Sa yena tiqiro ñano yahudu- cuyere tuho tuhasaja mari. Sa ye tope- quinata yahusãahdo ahriqirore. ¿Sa yena dñhse yenatari mari yojopure ahriqirore? niahye pahia puhtoro apequna puhtoare.

—Tiquiro ñari buhiri wejēno cahmene tiqiurore, ni yuhtiahye apequna puhto.

⁶⁵ Sa ye tiquina mehna cjenā Jesure sihco puti, tiqiuro caperire duhte biha, tiqiurore quēpeahye. Quēpe tuhasa ohō saha ni-peahye:

—¿Noa pehe muhare quēari? Ihñedapegata yahuya usāre, ni bujūpeahye tiquina.

Sa ye puhtoro yequina surara pehe Jesure quēpe tuhasa, neahye.

—*Tiqiurore masiedaga, niahye Pedro Jesure*
(Mt 26.69-75; Lc 22.56-62; Jn 18.15-18, 25-29)

⁶⁶ Sa yero wuhū caha ijiri paapu quehnoari paapu Pedro ijigū pahia puhtoro cahacjōno wihiahye. ⁶⁷ Pedro tiqiuro sohmagū ihñano ticoro tiqiuro dihitare ihñaducuahye.

—Nazare cjāno mehna, Jesu mehna muhu gāhu ijiri, niahye ticoro Pedrose.

⁶⁸ Ticoro sa nigū tūhoro tiqiuro ohō saha niahye:

—¿Duḥse ni macago niajari muhu? Muhu nidiquirore ne masiedaja yuhū, niahye Pedro ticorore.

Tiqiuro sa nidi bato Pedro sahrīno sopecaha cahapu wahahye. Sa yero topu tiqiuro ducugū canaca yahuahye. ⁶⁹ Topu tiqiuro ijigū ihñano cahacjōno pehe ticoro cahapu ducuyequinare yahuahye tja:

—Ahriqiuro gāhu Jesu buheyequina mehna cjāno ijire, niahye ticoro.

⁷⁰ Ticoro sa nigū tūhoro Pedro pari turi ohō saha niahye tja:

—Tiqiurore masiedaja yuhū, niahye tja.

Sa yero came cjūnopu topu ducuriquina Pedrose ohō saha niahye:

—Ijirota ijire. Muhu Galilea cjū ijire. Sa yegū tiquina mehna cjāta ijire muhu, niahye tiquina tiqiurore.

⁷¹ Tiquina sa nigū tūhoro tiqiuro yuhtiahye:

—Potota Cohācjū mehna niaja musare. Potota yuhū niedagū Cohācjū yuhure buhiri dahreahro. Tiqiurore musa nidiquirore ne masiedaga yuhū, ni yuhtiahye Pedro tiquinare.

⁷² Tiqiuro sa nigūta canaca yahuahye tja. Tiqiuro sa yahugū tūhoro Jesu tiqiurore nidire wacūahye Pedro: “Canaca pua taha tiqiuro yahuato pano muhu yuhure ‘Jesure masiedaga’, nigūta muhu. Ihtia taha sa nigūta muhu”, Jesu tiqiuro nidire wacūahye Pedro pehe. Tiqiuro sa nidire wacūno, tutuaro utiahye Pedro.

15

Pilato Jesure sinituahye
(Mt 27.1-2, 11-14; Lc 23.1-5; Jn 18.28-38)

¹ Sa ye bohrearopu pahia puhto, bucana, usā judio masare buheyequina, ijiphtiye-quina apequna puhto mehna cahmeco, yahuducuahye tiquina yeatire masiñe tehe. Tiquina basi yahuducu tuhasa, Jesure duhte, ne cā, Pilatore ohoahye tiqiurore.

² Tiquina ne sagū ihñano Pilato tiqiurore sinituahye:

—¿Potota judio masa puhtota ijajari muhu? niahye tiqiuro Jesure.

—Muhū nino sahata ijajaja, ni yuhtiahye Jesu.

³ Sa ye pahia puhto peye yahusāhye tiqiurore. ⁴ Tiquina sa ni yahusāgū tūhoro Pilato tiqiurore sinituahye tja:

—Ahriquina muhare peye yahusāñe nine. ¿Tiquina sa yahusāepegūta yuhtierajari muhu? niahye tiqiuro.

⁵ Tiqiuro sa niepegūta Jesu ne pari turi yuhti nemoedahye. Sa yero Pilato ne duḥse ni masiedahye.

Jesure wejē dutiahye
(Mt 27.15-31; Lc 23.13-25; Jn 18.38-19.16)

⁶ Cahmaripe pascuaripe masa yaqiuro ijiatiqiurore ihcāqiuro peresupu ijiriquirore tiquina cahmediquirore Pilato wio basaducue tiahye. ⁷ Ti pjere Barrabá wame tiriqiuro peresupu ijiahye. Tiqiuro puhtoare cohā duayequina, masare wejēñequina mehna cjāno ijiahye. ⁸ Sa ye masa peyequina Pilato cahapu esaye, tiqiurore siniahye:

—Cahmaripe usāre muhu yeducuriro sahata yeya usāre. Ihcāqiuro peresupu ijiriquirore usāre wio basaya, niahye tiquina.

⁹ Tiquina sa nigūta Pilato tiquinare sinituahye:

—¿Musa yaqiuro ijiatiqiurore masa judio masa puhtorore wio basaboagari yuhū? ni sinituahye masare Jesure wio duaro.

¹⁰ Jesure masa tiquina cahīgū ihñañe pahia puhto gāhu tiqiurore ihñā tuhtiahye. Sa ihñā tuhtiye tiqiurore ohoahye Pilatorore. Sa yero masa tiquina cahīdi buhiri tiquina ihñā tuhtirire masino Pilato Jesure wio duamahye. ¹¹ Tiqiuro sa wio duepegūta pahia puhto Jesu mehna masare usuagū yeahye. Ohō saha ni dutiahye tiquinare: “Barrabá pehere wioya. Jesure wejē dutiya”, ni dutiahye masare. ¹² Sa yero Pilatore Barrabáre tiquina wio dutiri bato Pilato tiquinare sinituahye tja:

—¿Ahriqiuro judio masa puhtoro musa nidiquiro pehere duḥse yegutari yuhū, musa sa nigū? ni sinituahye tiqiuro.

¹³—Curusapu quē biha wejēña tiqiurore, ni sañuducuahye masa.

¹⁴—¿Yabe borore ñañene yeari ahriquiuro, musa sa ni sañuducugū? ni sinituahye tiquinare.

Tiquiro sa nigū tūhoye tiquina sañuducu nemoahye tja:

—Curusapū quē biha wejēña tiquirore, ni sañuducuahye tiquina.

¹⁵ Tiquina sa ni sañuducugū tūhoro Pilato pehe masare bucuēgū ye duaro Barrabá pehere peresupū ijiriquiurore wio dutiahye masa tiquina cahmediquirore. Sa yero Jesu pehere yuta dari mehna tana duti, curusapū quē biha wejē dutiro ohoahye surarare.

¹⁶ Sa ye surara Pilato ya wāhupū pretorio wame tiri wāhupū tiquirore ne sahye. Ne sa tuhasa tiquina apequina surarare tiquina mehna cñēnare cahmecoañe tehe pijioahye.

¹⁷ Sa ye tiquina pūhtoro ya suhtiro yero saha bajuri suhtirore Jesure sāa, pota behtore dahre, ti behtore tiquiro dapu bui duhu peohye. ¹⁸ Sa ye tuhasa ohō saha ni bujūpeahye tiquina tiquirore:

—Quehnoano ahtaya. Judio masa pūhto, quehnoano ahtaya, ni bujūpeahye.

¹⁹ Sa nieta yucūgū mehna tiquiro dapure quē, tiquirore sihco puti wisō, cua pesaro yeyequina yero saha tiquirore quehe sa, ño peoro saha yeahye. Tiquirore ñano yeye niahye. Sa ye bujūpeye niahye. ²⁰ Sa yeye tuhasa tiquina sāari suhtirore tu we nedo-queo, tiquiro ye suhti pehere tiquirore sāa, tiquirore curusapū quē biha wejēñe wahaye, nea wahahye tiquina.

Tiquina Jesure curusapū quē biha wejēahye

(Mt 27.32-44; Lc 23.26-43; Jn 19.17-27)

²¹ Sa ye topū wahariquiuro, Simo Cirene cñāno ihquē wāhuse ijirorū esariquiuro, tiquina cahapū wihigū ihñāñe surara pehe tiquirore Jesu ya curusare wāa cā dutiahye. Alejandro, Rufo pacaro ijiahye Simo pehe.

²² Waha, Gólgota wame tirorū esahye. Gólgota nino “Dapu pehtoro”, nino nine. ²³ Sa ye vinore mirra wame tiye co mehna tiquina moredi core Jesure ohomahye. Sa yero ti core sihni duerahye tiquiro. ²⁴ Sa ye curusapū Jesure quē bihahye tiquina. Quē biha tuhasa tiquiro suhti ijirire “¿Noa yaro ijirrotari ohō?” ni cahme doquepeahye tiquina.

²⁵ Jesure curusapū tiquina quē bihagū ihtia hora dahsahye coheri pje esato. ²⁶ Sa ye curusapū ohō saha ni ojoari pjine duhu ohōahye tiquina tiquiro ñañe buhirire yahu duaye. “AHRIQUIRO JUDIO MASA PŪHTORO IJIRE”, ni ojoahye tiquina ti pjine. ²⁷ Sa ye pūaro yaque bucūna Jesu caha apeye curusaripū tiquina quē biha ohōriquiina ijiahye tiquina. Ihcāquiuro poto pehe, apequiuro cū pehe pehe quē biha ohōahye tiquina gāhare. [²⁸ Tiquina sa yegū panorū

Cohācñū yere tiquina yahu ojoariro sahata waharo niahye. Ohō saha ni ojoahye: “ ‘Dutiyeere yāhñdñcayequina mehna cñāno ijire’, ni, tūhoturi masa tiquirore”, ni ojoahye panorū.]

²⁹ Sa ye curusari cahapū yāhñ cāñequina Jesure ihñā, tiquina dapu pacare yuredo-queo, tiquirore ñano ni yahuducuahye:

—Quehnoare. Quehnoare. ¿Cohācñū wāhare cohā, ihtia deco wahaboro pari turi ti wāhare dahreacñū ijiajari mūhū? ³⁰ Mūhū basi dijjahya. Sa yegū mūhū basi yedohoya. Sa yegū yāhñ witiḡata mūhū, ni bujūpeahye tiquina.

³¹ Tiquina yero sahata pahia pūhto gāhū usā judio masare buheyequina gāhū tiquirore sa ni bujūpeahye. Sa ni bujūpeye ohō saha niahye tiquina basi:

—Tiquiro apequinare yāhñwōriquiuro ijieperota tiquiro basi yāhñwō masiedare.

³² “Israe masa pūhto, Cristo ijiaja”, nimesi tiquiro. Sa yena tiquiro basi dija tagū ihñāna tiquirore wacū tutuanata, ni bujūpeahye tiquina.

Sa ye yaque bucūna tiquiro caha tiquina quē biha ohōriquiina gāhū sata ñano ni bujūpeahye tiquirore tja.

Jesu yariaa wahahye

(Mt 27.45-56; Lc 23.44-49; Jn 19.28-30; He 6.19-20; 10.19-20)

³³ Sa ye coheri pje ijigū ihtia hora waro ijipihtirorū nahitiaa wahahye. ³⁴ Sa yero nahitia yāhñagū waro Jesu tutuaro sañuducuahye:

—¿Eloi, Eloi lema sabactani? niahye tiquiro.

Sa nino ohō saha nino niahye. “¿Yāhñ Pacu, yāhñ Pacu, dahsegū yāhare cohājari mūhū?” nino niahye.

³⁵ Tiquiro sa nigū tūhoye ihquēquina topū ducuriquiina ohō saha nimahye:

—Cohācñū yere yahu mūhtariquiurore Elia mūnanore pijioro niboaga, nimahye tiquina.

³⁶ Sa yero ihcāquiuro tiquina mehna cñāno oma cā, aco ihmini sahtere vino sūñe core tiquiro sohari sahtere ne cā, yucūgū sohtoapū dahte ohō, Jesure sihōmahye. Sa sihōno ohō saha nimahye:

—Cohteniña. Elia mūnanano ahriquiurore tiquiro yāhñwōgū ihñāñihna mari, nimahye tiquiro apequinare.

³⁷ Tiquiro sa nidi bato Jesu pehe tutuaro sañuducu, yariaa wahahye. ³⁸ Tiquiro yariagūta Cohācñū wāhū cñā suhtiro cahsero tore tiquina cahmotari cahsero deco mehna bui pehe tūhñū dija ta, tūhñū maa cñū saa wahahye. ³⁹ Tiquiro sa yariagū ihñāno surara pūhtoro Jesu caha ducuriquiuro ohō saha niahye:

—Ijirota ijire. Ahrikiro Cohācjū macanota ijire, niahye tiqiro.

⁴⁰ Sa ye yoaropu ducuye numia Jesure ihñaducuye niahye. Tiquina numia mehna María Magdalena ijiahye. Apecoro María wame tiricoro gāhu ijiahye. Ticoro pehe José, tiqiro baharo Santiago, tiquina pacoro ijiahye. Apecoro Salomé ijiahye. ⁴¹ Tiquina numia Jesu yere quehnoano tūhoyequina numia ijihye, Galilea yehparū tiqiro ijigū tiqirore yedohoe tiahye. Tiquina numia mehna peyequina apequina numia gāhu Jerusalēpu Jesu mehna ahtariquina numia ijiahye.

Jesu pagure masa coperu cūahye
(Mt 27.57-61; Lc 23.50-56; Jn 19.38-42)

⁴²⁻⁴³ Sa ye ti deco tiqiro yariari deco saurū pano judio masa usā sori deco pano ijiri deco ijiahye. Sa yero pascua cjē ijiatire tiquina quehnoyuri deco ijiahye. Ti nāmita José Arimatea cjāno cuero marieno Pilato cahapu esahye Jesu pagure sinino esaro. José judio masa usā pūhōta mehna cjāno, pūhōta tiquina cua pesaro ihñarikiro waro ijiahye. Sa yero Cohācjū masa bui tiqiro pūhōtoro sajātoro cohtoro niahye. ⁴⁴ Sa yero José Pilatore tiqiro sini tuhasagū tūhoro tūho maria wahahye Pilato pehe. “¿Jesu yaria tuhasayari?” ni tūhoturo, tūho maria wahahye. Sa yero surara pūhōtoro pijio ohō saha niahye tiqirore:

—¿Jesu yariaa wahari? ni, sinituahye tiqirore.

⁴⁵ Tiquiro sa nigū surara pūhōtoro yahtiahye:

—Yariaa wahari, niahye.

Tiqiro sa nigū Pilato Jesu pagure oho dutiahye Josere. ⁴⁶ Tiquiro sa oho dutiri bato José quehnoari suhtirore dūahye. Dú tuhasa, Jesu pagure ne dijio, suhtiro mehna wahme, masa coperu utāpu tiquina seheri coperu tiqiro pagure cūahye. Cū tuhasa, ti cope caha ijiria utāre pajiria utāre tu torē cā, ti copere bihahye. ⁴⁷ Sa ye María Magdalena, María José pacoro Jesure tiquina cūiroro ihñahye.

16

Jesu masa wijiahye
(Mt 28.1-10; Lc 24.1-12; Jn 20.1-10)

¹ Sa ye saurū yuhdugū María Magdalena, María Santiago pacoro, Salomé mehna wisōñe co ehme sityere dūahye tiqiro pagure wisōñe tehe. ² Sa ye domingo bohrea queharo Jesure tiquina cūri coperu wahahye tiquina. ³ Wahaducuye, ohō saha niahye:

—¿Ti copere biharia utāre noa marine pōo basarotari na? niahye tiquina basi.

⁴ Ti coperu esaye, ti copere biharia utāre pajiria utāre tiquina pōo cūriare ihñahye

tiquina. ⁵ Sa ihñañe ti coperu sajā sahye. Sa sajā saye, wahmānore poto pehe dujiriqirore yehseye suhti tiriqirore ihñā, acnaa wahahye. ⁶ Tiquina sa acnagū ohō saha niahye tiqiro:

—Yuhare ihñā acneracāhñā. Jesu Nazare cjāno tiquina quē biha wejēdiqiro masa macariqiro masa wijia tuhasari. Ohōre mariedare. Tiquirore tiquina cūiroro ihñāñā. ⁷ “Tiquiro masa pano Galileapu waharota”, ni yahuna wahaya tiqiro buheyequinare, Pedro gāhure. Topu tiqiro nidiro sahata masa tiqirore ihñanata, ni yahuahye wahmāno tiqirore.

⁸ Tiquiro sa nigū tūhoye tiquina cueye, nanare, masa cope cahapu ijiriqina oma cāa wahahye. Sa cueye apequinare yahuerahye.

Jesu María Magdalenare bajuahye
(Jn 20.11-18)

[⁹ Sa ye domingo ijigū Jesu tiqiro masa wijari bato María Magdalenare bajua māhtahye. Ticoro siete watāre cuomedicoro ijimahye. Sa yero Jesu tiqiro yariato pano watāre tiqiro cohānohricoro ijiahye. Sa yero ticoro pehere bajua māhtahye tiqiro masa wijari bato. ¹⁰ Sa ye Jesu mehna cjēna tiqiro yariagū ihñañe tutuaro bājua witi, utiye niahye. Sa tiquina utiri watoa ticoro pehe tiqirore ihñarire yahumahye tiquinare. ¹¹ “Cristo catiri. Ihñāñ”, ticoro ni yahuepegāta tūho duerahye.

Jesu tiqiro buheyequinare bajuahye
(Lc 24.13-35)

¹² Came pūaro tiquina mehna cjēna wāhuse marienopu tiquina tinigū Jesu sijoro saha bajuriqiro tiquinare bajuahye. ¹³ Tiquiro sa bajuagū ihñañe tiquina tojoaa waha, apequinare Jesu yequinare tire yahuahye. Tiquina sa ni yahuepegāta tiquina pehe tūho duerahye.

Jesu tiqiro yere buhe dutiro ohoahye tiqiro buheyequinare

(Mt 28.16-20; Lc 24.36-49; Jn 20.19-23)

¹⁴ Came doce tiqiro buheyequinare mesa cahapu tiquina dujigū tiquinare bajuahye tiqiro. Sa yero tiqirore ihñariquinare tiquina yahugū tūho dueyequinare masino Jesu tiquinare tuhtiahye. Tiquirore tiquina quehnoano wacū tutuere arī buhirire tuhtiahye tiquinare. ¹⁵ Sa tuhti tuhasaro tiquinare ohō saha niahye:

—Ahri yehpa ijiphtiropu quehnoañe buheyere ijiphtiequina masare buhena wahaya. ¹⁶ Yuhare wacū tutuayequinare tiquina wame yenohriquinare pecapu wahaboriquinare yuhduorota Cohācjū. Sa ye yuhare wacū tutuayequina Cohācjū tiqiro buhiri dahreatiquina pecapu

wahatiquina ijjeta. ¹⁷ Sa ye yuhare wacū tutuayequina yuhū tutuaye mehna ohō saha yeeta: Yuhū tutuaye mehna, yuhū wame mehna watīare cohāeta. Sa ye wahma yahuducuyere yahuducueta. ¹⁸ Sa ye añāare tiquina ñehegū, ijipihtiye nima dūhse ijiye nimare tiquina sihnigū, tiquinare ne purīsi. Sa ye dohatiequina bui tiquina omocarine tiquina ña peogū dohatiequina pehe quehnoa wahaeta, niahye Jesu tiqiro buheyequinare.

*Jesu uhmusepu mujaa wahahye
(Lc 24.50-53)*

¹⁹ Sa ni yahu tuhasa mari puhtoro Jesu uhmusepu mujaa wahahye. Topu esaro Cohācjū poto pehe dujjahye tiqiro mehna puhtoro ijiro. ²⁰ Sa ye Jesu buheyequina ijipihitropu quehnoañe buheyere buheye wahaah wahahye. Tiquina sa buhegū mari puhtoro tiquinare yedohoahye. Tiquiro tutuaye mehna ye ihño, masigū yeahye tiquinare, masare tiqiro ye buheyere tūho dutiro. To punota ijire.]

San Lucas

1-2 Pahto Teófilo, ahrire mahu buheatire mahure oja ohogu niaja. Jesu usá mehna ijinino tiquiro yerire apequna oja dca tuhasari jiri. Coá waropare Jesure ihñariquina, tiquiro yere buheriquina tiquina ni yahuro sahata apequna tire oja dca tuhasari jiri. ³ Sa yegu ahri ijiptiyere quehnoano masi peho duagu buhei. Sa yegu yahu gahu tire quehnoano oja duaia mahu buheatire yegu. ⁴ Jesu yere yahuyequina mahure buhe tuhasari. Tire quehnoano mahu masi nemoatire ahri pure mahure oja ohogu niaja.

Ñu wame yeatiquiro tiquiro masa bajuatire angel yahuahye

⁵ Jesu masa bajuato pano, Herode Judea yehpa cjéna puhtoro tiquiro ijigü Zacaria wame tiriquire pehe pahí ijahaye. Sa yero Zacaria tiquiro ya curua cjéna pehe pahia curua Abia munano ya curua cjéna ijahaye. Zacaria namono gahu pahí Aaron munano panameono iji turiaricoropu ijahaye. Ticoro pehe Elisabe wame tiri-coro ijahaye. ⁶ Tiquina puaro Cohácjü dutiyere quehnoano ye pehoyequina tiquina ijigü ihñano, “Decoripe quehnoañene yere”, ni ihñahye Cohácjü tiquinare. ⁷ Elisabe ne pohna marienico ijahaye. Ticoro Zacaria mehna sata muhñu cáhye pohna mariedape.

⁸ Pahia dahrayere dahraye tehe, decoripe tiquina comesae tiahye. “Zacaria ya curua cjéna ijire”, tiquina nidi bato tiquiro pahia decoripe tiquina yeducuriro saha Cohácjü ya wuhuru dahraro taro niahye Zacaria. ⁹ Pahia sa yeducuriro saha tiquina “¿Noare ijirrotari ujáa maoatiquiro?” niñe, doquepeye mehna bueyere ehme sityere ujáa maoatiquirore beseahye. Cohácjüre ño peori altarpu tiquina besequiro Zacaria ehme sityere ujáa maoatiquiro ijahaye. Sa yero tiquiro Cohácjü wuhuru sajáa wahahye ujáa muono waharo. ¹⁰ Wuhuru ijiro ehme sityere tiquiro ujáa muono watoa ijiptiyequina masa pehe sopecahapu Cohácjüre sinie tiahye. ¹¹ Ti pjere Cohácjü yaquiro angel Cohácjüre ño peori altar pota pehe bajuaduca sahye Zacariare. ¹² Tiquiro sa bajuagü ihñano Zacaria tiquirore ihña maria, cuea wahahye. ¹³ Sa tiquiro cuegü ihñano angel tiquirore yahuahye:

—Zacaria, cueracahña. Cohácjü mahu sinidire tuhori. Sa yena musa pohna tinata. Musa macu masa bajarota. Tiquiro bajuagü Ñu wame yeya tiquirogäre. 14-17 “Tiquiro quehnoariquiro, tutuariquiro ijire”, ni, ihñanota Cohácjü mahu macure.

Tiquiro masa bajuari bato vinore, sihbiorire sihnisi. Sa yero tiquiro masa bajuari bato Espiritu Santo nidiro sahata yeriquiro ijirota tiquiro. Sa yero peyequina mahu acaye Israe masare Cohácjü mari puhtoro quehnoano cahmegü yerota mahu macu. Sa yero tiquiro Cohácjü yere buhero Elia munano Cohácjü yere yahu muhtariquiro tiquiro buheriro sahata Espiritu Santo yedohoro mehna Cohácjü tutuaye mehna mahu macu gahu buherota. Sa buhero tiquina pacusumma tiquina pohne mehna quehnoano cahme cahigü yerota. Sa yero dutiyere yuhducariquinare quehnoano tiquina ño peoye mehna yuhtigü yerota. Sa buhero mari puhtoro Cohácjü yequina ijiatire yerota tiquiro. Sa yegu tiquiro masa bajuari bato mahu bucuegata. Peyequina apequna gahu bucueeta, niahye angel Zacariare.

¹⁸ Tiquiro sa nigü tuhoro Zacaria pehe sinituahye angelre:

—Usá bucuna ijiaja. ¿Sa yegu mahu nidi pota ijigü duhse masigutari yuhu? niahye tiquiro.

¹⁹ Tiquiro sa nigü angel pehe tiquirore yahuahye:

—Yuhu Gabriel wame tigu ijiaja. Cohácjü cahacjü tiquiro cahapu ducugu ijiaja yuhu. Cohácjü ahri quehnoañe quitire yahu dutiro, mahu cahapu yuhure ohori. ²⁰ Yuhu yahuro sahata potota waharota. Yuhu sa niepegata yuhure mahu pota tuhoerari. Sa yegu yojopure mahu yahuducuegu wahagata. Mahu macu tiquiro bajuari bato yahuducugata tja, niahye angel Zacariare.

²¹ Sopecahapu ijiyequina masa Zacariare cohteye niahye. “¿Duhse ijiro boro tiquiro Cohácjü wuhuru ijiro, sojaro wijia taerajari?” ni, cohteye niahye masa tiquirore. ²² Sa yero ti wuhuru ijiriquiro wijia wihi, tiquina mehna yahuducu masiedahye. Tiquiro sa yahuducu masiedagü ihñañe “Tiquiro Cohácjü wuhuru bajuano hno niaya”, ni, tuhoutuahye tiquina. Sa yero yahuducu masiedaro tiquiro omocari mehna masare yahuducuahye.

²³ Cohácjü wuhuru tiquiro dahraye pihigü, tojoa wahahye tiquiro ya wuhuru. ²⁴ Tiquiro sa wahari bato tiquiro namono Elisabe coá nijinore cuo cáhtaro niahye. Sa yero ticoro ihcá omope asári waro masa cahapu wahaerahye. ²⁵ Ohó saha niahye ticoro: “Yojopure yuhure Cohácjü yedohori. Yuhu pohna mariego ijigo tutuaro buoro tuhottuu yuhu. Cohácjü yedohoro mehna nijinogäre bogagota”, ni tuhoutuahye ticoro.

Jesu tiquiro masa bajuatire yahuahye angel

²⁶⁻²⁷ Elisabe seis asári ticoro niji pacoro ticoro ijiri bato Cohácjü pehe angel

Gabriel wame tiriquirore nuhmino cahap̄ ohoahye. Ticoro Nazarep̄ Galilea yehpap̄ ijiri macap̄ ijiahye. María wame tiricoro ijiahye. José wame tiriquiro ijiahye ticoro mehna omoca d̄hteatiq̄iro. Tiquiro panop̄ c̄j̄no Davi m̄nano panamino iji turiariq̄iro ijiahye. ²⁸ Sa yero María cahap̄ esaro, angel yahuahye:

—¿Ne, ijjajari m̄h̄u, María? Coh̄c̄j̄ m̄h̄u mehna ijiro nine. Sa yero m̄h̄ure quehnoano yero nine. [Ijipihtiye numia arequina numia ȳhd̄oro quehnoano yere m̄h̄ure,] niahye angel ticorore.

²⁹ Tiquiro sa niḡu t̄horo, ticoro tutuaro wac̄u t̄hotuahye. Angel tiquiro yahurire t̄hoturo “¿D̄h̄se nino ȳh̄ure sa niagari?” ni wac̄uh̄e ticoro. ³⁰ Ticoro sa ni wac̄ūḡu ih̄ano angel yahuahye ticorore:

—María, Coh̄c̄j̄ m̄h̄ure tutuaro cah̄ne. Sa yego m̄h̄ure ȳh̄u yahuatire t̄ho ac̄erac̄h̄a. ³¹ Quehnoano t̄hoya. Nijinore bocagota m̄h̄u. Sa yero m̄h̄u mac̄u masa bajarota. Tiquirore Jesu wame yegota m̄h̄u. ³²⁻³³ Tiquiro tutua ȳhd̄ariq̄iro ijirota. Sa ye tiquirore “Coh̄c̄j̄ uhm̄se c̄j̄no mac̄no ijire”, nieta masa. Sa yero m̄h̄u mac̄u ñec̄no iji turiariq̄iro m̄nanop̄ Davi m̄nano Israe masa tiquina p̄htoro tiquiro ijiriro sahata m̄h̄u mac̄u ḡh̄ure c̄nota Coh̄c̄j̄. Sa yero ijipihtiye decori tiquiro Israe masare dutirota. Sa yero tiquiro p̄htoro ijiye pehe ne pihtisi, niahye angel.

³⁴ Tiquiro sa niḡu María pehe sinutuahye:

—¿D̄h̄se ȳh̄u man̄u mariedapegota pohna tiboagari ȳh̄u? niahye ticoro.

³⁵ Ticoro sa niḡu angel pehe yahuahye:

—Esp̄ritu Santo m̄h̄ure pohna tiḡu yero. Sa yero Coh̄c̄j̄ tiquiro tutuaye ehmeo curua yero saha ahtarota m̄h̄ure. Sa ye “Coh̄c̄j̄ mac̄no ijire”, nieta masa m̄h̄u mac̄ure ñāne yerariq̄irore. ³⁶⁻³⁷ Coh̄c̄j̄ ijipihtiyere ye masine. Sa yero m̄h̄u acayoro Elisabe buc̄oro ijeperota nijinoḡare bocari ticoro ḡh̄u. Ticoro pohna tirota um̄noḡare. Masa ticorore “Pohna marienico ijire”, tiquina nidicoro, yojop̄re seis as̄ari waro wahare nijino ticoro bocari bato, niahye angel Mariare.

³⁸ Tiquiro sa niḡu María ȳhtiahye:

—Ȳh̄ure t̄hoya. Mari p̄htoro tiquiro cahac̄j̄ ijijaja ȳh̄u. M̄h̄u nidiro saha ȳh̄ure sa wahaahro, niahye ticoro.

Ticoro sa nidi bato angel wahaa wahahye.

María Elisabere ih̄ano wahahye

³⁹ Tiquiro sa nidi bato María c̄n̄u c̄j̄ ijiri yehpap̄ Judea yehpap̄ ijiri macap̄ sojaro mehna wahaa wahahye. ⁴⁰ Top̄ esaro, Zacaria ya w̄h̄ap̄ saj̄ano, “¿Ne, ijjajari?” niahye ticoro Elisabere. ⁴¹ Ticoro sa niḡu Elisabe t̄hoḡata, ticoro mac̄no pehe

niji suhtirop̄ ijiriq̄iro ñuhmiahye. Elisabe Esp̄ritu Santo dutiriro sahata ye pehoricoro ijiro, tiquiro tutuayere c̄oricoro ijiahye. ⁴² Sa yero tutuaro bucueye mehna ticoro tutuaro yahuducuahye.

—Ijipihtiyequina numia ȳhd̄oro m̄h̄ure quehnoano yeri Coh̄c̄j̄. M̄h̄u mac̄u ḡh̄ure quehnoano yeri Coh̄c̄j̄. ⁴³ Cuehi, ȳh̄u p̄htoro pacoro ȳh̄u cahap̄ ahtaḡu quehnoano yeri ȳh̄ure Coh̄c̄j̄. ⁴⁴ M̄h̄u ȳh̄ure “¿Ne, ijjajari?” m̄h̄u niḡu ȳh̄u mac̄u pehe niji suhtirop̄ ijiriq̄iro bucueye mehna ñuhmiahti ȳh̄ure. ⁴⁵ Coh̄c̄j̄ tiquiro nidiro sahata yerota. Sa yego tiquiro yahurire t̄horigo ijigo bucuego ijire m̄h̄u, niahye Elisabe.

⁴⁶ Ticoro sa niḡu María ȳhtiahye:

“Coh̄c̄j̄ quehnoariq̄iro, tutuariq̄iro ijire”, nija. Ȳh̄u quehnoano jeripohna tiaja. ⁴⁷ Coh̄c̄j̄ ȳh̄ure pecap̄ wahaborigore yedohoriq̄iro ijire. Sa yero yojop̄re ȳh̄ure quehnoano bucueye mehna ijiḡu yere. ⁴⁸⁻⁴⁹ Ȳh̄ure tiquiro cah̄c̄j̄ore wac̄uri jiri. Coh̄c̄j̄ tutua ȳhd̄ariq̄iro quehnoañe dihitare ȳh̄ure yedohori. Sa ye yojop̄re “Ticorore Coh̄c̄j̄ quehnoano yeri”, ijipihtiyequina masa sa ni, yahuducuetā ȳh̄ure. Coh̄c̄j̄ ñāne marienico ijire. ⁵⁰ Ijipihtiye decori ijipihtiyequina tiquirore ño peoyequinare tiquiro paja ih̄ariq̄iro ijire. ⁵¹ Coh̄c̄j̄ tiquiro tutuaye mehna yeahye. “Apequinare masi ȳhd̄uduc̄aja”, ñīequinare ȳhd̄uduc̄ahye tiquiro. ⁵² P̄htoare coh̄h̄e tiquiro. Sa yero cahac̄j̄na pehere p̄htoa yero saha c̄uh̄e tiquinare. ⁵³ Ūj̄na ahbayequinare tiquiro quehnoañe ih̄yere ohoahye. Sa yero peye doeri c̄j̄ c̄oyequinare doeri c̄j̄ c̄oeraḡu yeahye tiquiro. ⁵⁴⁻⁵⁵ Mari ñec̄sum̄a iji turiayequina m̄nare tiquiro yahu c̄uriro sahata ye pehoahye Coh̄c̄j̄. “Pecap̄ wahaboriquire ȳhd̄out̄ja”, tiquiro ni yahu c̄uriro sahata ye pehoahye. Sa yero tiquiro cahac̄j̄nare Israe masare tiquiro yedohoahye. Abrah̄a m̄nanore mari ñec̄sum̄a m̄nare ijipihtiyequina tiquiro acaye tiquiro bato ijiequina ḡh̄ure Coh̄c̄j̄ ijipihtiye decori sa paja ih̄aduc̄uriq̄iro ijie tiahye. Tiquinare tiquiro yahu c̄uriro boerahye Coh̄c̄j̄, niahye María.

⁵⁶ Ihtia as̄u waro Elisabe mehna ijiahye. To puno ticoro ijiri bato ticoro ya macap̄ tojoaa wahahye Maria.

Ñu masa bajuahye

⁵⁷ Elisabe ticoro niji wahcō, pohna tiahye. Ticoro macano masa bajuahye. ⁵⁸ Sa yero Cohācjū ticorore tiquiro sa yegū ticoro ya masa cjēna ticoro acaye gāhū ticoro mehna bucueahye. ⁵⁹ Ocho decori tiquiro masa bajuari bato, tiquiro pacasumua tiquirogāre cuhnucunū sohtoa cahserogāre yahre ne dutiye tee niahye. Sa yeye tiquina mehna cjēna tiquina caharū esahye tiquina yahre negū ihñañe tehe. Tiquina mehna cjēna Zacaria tiquiro pacaro wamene tiquirogāre wame ye duamahye. ⁶⁰ Tiquina sa wame ye duepegāta tiquiro pacoro ohō saha niahye: —Tiquiro pacaro wamene wame yeraja. Ñu wame yenatja tiquirogāre, niahye ticoro.

⁶¹ —Mūhū acaye ne ihcāquiro Ñu wame tiriquiro mariedare, niahye tiquina ticorore.

⁶² Sa ye tiquina omocari mehna yahuducu, Zacariare sinituahye tiquina:

—¿Mūhū waro dahse wame ye duajari mūhū macare? ni, sinituahye tiquirore.

⁶³ Tiquina sa nigū tiquiro pehe ojoari pñine sini, ñehe, ojoahye: “Yūhū macū Ñu wame tirota”, ni, ojoahye Zacaria. Tiquiro sa ni ojoagū tiquina pehe tuho maria wahahye. ⁶⁴ Tiquiro sa ni ojoari bato tiquirore yahuducugū yehaye Cohācjū. Sa yero tiquiro yahuducua wahahye.

—Cohācjū tutuariquiro, quehnoariquiro ijire, niahye tiquiro.

⁶⁵ Tiquiro sa ni yahuducugū tuhoye to cjēna tuho maria wahahye. Sa ye ahri ijipihitiyere Judea yehpa cjēnare canū cju watoa ijieyequinare masa yahu siteahye. Sa ye masa to cjēna quehnoano masi pñitia wahahye. ⁶⁶ Ijipihitiyequina tire tuhoye wacūahye. “Cohācjū tutuayere ahriquirogā core. Sa yero ihyo ijiriquiro ijisi tiquirogā”, ni, tuhotuahye masa.

Zacaria Cohācjūre ño peoahye

⁶⁷ Sa yero tiquiro pacaro Zacaria Espiritu Santo dutiriro sahata ye pehoriquiro ijiro tiquiro tutuayere corequiro ijiro Cohācjū yere yahuahye:

⁶⁸ Cohācjūre ño peuhna mari. Mari Israe masa tiquiro yequina ijjaja mari. Sa yero mari caharū wihiro, marine yedohoro quehnoano yuhdugū yerota. ⁶⁹ Sa yero Cohācjū tutuariquirore marine pecarū wahaborinare quehnoano yuhdugū yeatiquirore ohori jiri. Marine quehnoano yuhdwoatiquiro tiquiro acayuro manano Davi ijire. Davi manano pehe marine yuhdwoatiquiro cahacjāno ijire. ⁷⁰ Panorū tiquiro yere yahu mahariquinare Cohācjū ohō sahata ni ahrire yahu dutiahye. ⁷¹ Marine

ihña tuhtiyequina marine ñano tiquina ye duagū ihñano “Musare yedohoutja”, ni, cūahye Cohācjū marine. ⁷² Mari ñecasumua manare “Musare paja ihñagu, yedohoutja. Musare yūhū yahu cūire wacūtja”, niahye Cohācjū mari ñecasumua iji turiayequina manare. Ti pjerere tiquiro nidiro sahata marine yojore yere. ⁷³⁻⁷⁵ Ohō saha ni cūahye Cohācjū panopure Abrahāre: “Mūhū acaye camerū ijieyequinare ihña tuhtiyequina tiquina ijigū cohāntja. Sa yegū mūhū acayere yedohoutja. Sa ye tiquina cuero marieno yūhū dutiyere ye masieta. Sa yegū tiquina ñañene yūhū cohāgū, tiquina yūhū ihñonopū ijipihitiye decori quehnoañequina ijiducuetā”, ni, yahu cūahye panorū Cohācjū mari acayuro mananore Abrahāre, niahye Zacaria.

Sa ni tuhasa tiquiro macanore ohō saha niahye:

⁷⁶⁻⁷⁷ Macū, mūhūre ohō saha nieta masa: “Cohācjū tutua yuhdwoariquiro tiquiro yere yahu mahariquiro ijire”, nieta mūhūre. Sa yegū mūhū mari puhtoro Cristo pano wahayugata mūhū. Sa wahagu ohō saha ni yahugata mūhū. “Cohācjū masa ñañene cohāno, pecarū wahaborinare yuhdwo rota masare”, ni, yahugata mūhū. Sa ni yahugū mari puhtoro tiquiro ahtatire yahuyugū niguta mūhū.

⁷⁸ Cohācjū pehe marine tutuaro paja ihñariquiro marine quehnoano yeriquiro ijiro, tiquiro marine pecarū wahaborinare yuhdwo duare. Marine yuhdwo ahtaro Cristo mari caharū ahtarota. ⁷⁹ Ijipihitiyequina marine pecarū wahaborinare yuhdwo duare tiquiro. Sa yero Cohācjūre masiena mari ijigū ihñano marine masigū ye duare tiquiro. Sa yero mari quehnoano ihcāno mehna mari ijiatire yahurota marine, niahye Zacaria.

⁸⁰ Sa yero Zacaria macano quehnoano pagū tiriquiro masahye. Sa yero Cohācjūre tutuaro ño peoahye. Sa yero yoari pje masa marienopū ijie tiahye. Israe masare buhe ducaro torpata ijie tiahye.

2*Jesu masa bajuahye*
(Mt 1.18-25)

¹ Ti pjere ijipihitiye yehpari cjēna puhtoro Augusto ijie tiahye. Sa yero ijipihitiyequinare queo dutiahye. ² Ahriquina masare tiquina coā queo ducagū Siria yehpa cjēna

pũhoro Cirenio wame tiriqũiro ijiahye. ³ Sa ye ijipih̄tiyequina tiqũina ñecũsum̄a panopũ c̄j̄na ye macaripũ tiqũina wamene ojoa ohõñe wahahye. ⁴ José ḡahũ Nazarepũ Galilea yehparũ ijiri macarũ ijiriqũina waha, Judea yehparũ Belẽ wame tiri macarũ esahye. Pũhoro Davi mũnano panopũ c̄j̄no tiqũiro masa bajuariro ijiahye Belẽ. José Davi mũnano panamino iji turariqũiro ijiro Belẽpũ tiqũiro wamene ojoa ohõ dutiro wahahye. ⁵ Sa yero María tiqũiro omoca dũhteaticoro mehna topũ tiqũiro wamene ojoa ohõ dutiro esahye. Ticoro pehere meheñe decorigã dũhsahye nijino bajuato. ⁶ Sa yero Belẽpũ esaro ticoro niiji wahcõahye. ⁷ Topũre masa tiqũina carĩni wũhũ ne esa tuhaerahye tiqũinare. Sa yero ticoro pohna ti tuhasa, tiqũirogãre suhtiro mehna coma, wecũa tiqũina ihyari cohropũ, taa bui tiqũirogãre duhu peoahye. Tiquirogã ticoro coã macũ ti mũhtariqũirogã ijiahye.

Angele ovejare ihña ihboyequinare bajuahye

⁸ Ti ñamine oveja tiqũina ijioropũ ovejare ihña ihboyequina tiqũina yequina ovejare ihña ihboye niahye. ⁹ Sa yero Cohãc̄jũ ohoriquiro angel tiqũinare bajuahye. Tiquiro sa bajuagũ Cohãc̄jũ asi siteye tiqũinare buhriohahye. Tiquiro sa asi sitegã ihñañe, ovejare ihña ihboyequina cuea wahahye. ¹⁰ Tiquina sa wahagũ angel tiqũinare yahuahye:

—Quehnoañe quitire mũsare yahugũ ahtaja. Ijipih̄tiyequinare masare bucuegã yerota ahri quiti. Sa yena yũhũre cueracãhña mũsa. ¹¹ Mía ñamine pũhoro Davi mũnano ya macarũ musare pecarũ wahaborinare yũhũoatiqũiro, Cristo Cohãc̄jũ ohoriquiro mari pũhoro masa baja tuhasari. ¹² Sa yero suhtiro mehna comariqũirogã wecũa ihyari cohro bui tiqũina duhu peoriquirogã mũsa ihñatiqũirogã tiqũiro ijirota, ni yahuahye angel tiqũinare.

¹³ Tiquiro sa nigãta peyequina ãhmũse c̄j̄na iji mũhtariqũiro angel mehna Cohãc̄jũre ño peoahye. Ohõ saha ni ño peoahye tiqũina:

¹⁴ Cohãc̄jũre ãhmũse c̄j̄noro ño peohũna. Sa ye Cohãc̄jũ tiqũiro cahñequina cuero marieno cahmequeno marieno quehnoano ijiahro, ni, ño peoahye angele pari.

¹⁵ Sa ni tuhasa ãhmũsepũ tiqũina mũjari bato ovejare ihña ihboyequina pehe tiqũina basi cahme yahuducuahye:

—Ahrire Cohãc̄jũ marine tiqũiro yahurire Belẽpũ isa ihñañhna, niahye tiqũina basi.

¹⁶ Sa niñe sojaro mehna wahaa wahahye. Tiquina Marĩare, Josere boca sa, nijinogãre

wecũa ihyari cohropũ tiqũina duhu peoriquirogãre ihñañe tiqũina. ¹⁷ Ovejare ihña ihboyequina tiqũirogãre ihña tuhasa nijinogãre angel tiqũiro yahurire yahuahye apequinare. ¹⁸ Tiquina sa ni yahugũ ijipih̄tiyequina tiqũinare tuho maria wahahye. ¹⁹ Ahri ijipih̄tiyere María wacũ tuhotuahye. ²⁰ Sa yeye ovejare ihña ihboyequina pehe angel tiqũiro yahuriro saha ijigũ ihñañe, “Cohãc̄jũ tutuariqũiro ijire”, ni bucueahye. Sa ni bucueye tojoaa wahahye.

Cohãc̄jũ wũhũpũ Jesu pacũsum̄a tiqũirogãre neahye

²¹ Ihcã semana bato nijinogã tiqũiro cuhnucunũ sohtoa cahserogãre yũhũre ne tuhasa tiqũirogãre tiqũina Jesu wame yeahye. Jesure coã waro ticoro bocato pano angel pehe “Jesu wame yeya tiqũirogãre”, ni yahu tuhasahye. Sa yeye tiqũirogãre Jesu wame yeahye.

²²⁻²⁴ Cohãc̄jũ dutiye Moise tiqũiro yahuriro saha yeye tehe, José, María mehna Jerusalẽpũ wahahye. Topũ wahahye María ticoro pohna tiri bato pagũ quehnoaricoro ticoro tojoarire ihñono taro. Cohãc̄jũ dutiriro sahata tiqũina minicjũare ohoye wahahye Cohãc̄jũre ño peoye. Ohõ saha dutiahye Cohãc̄jũ: “Bujuaare pũaro ohoya yũhũre. O tiqũina mariedagũ apequina boro minicjũare ohoya yũhũre ño peona”, ni dutiahye Cohãc̄jũ. Tiquiro dutiriro sahata yeahye tiqũina ticoro pagũ quehnoari pagũ ticoro waharire ihñõñe taye.

Topũ wahaye tiqũina Jesugãre neahye. Tiquirogãre Cohãc̄jũre “Ahriqũirogã mũhũ yaqũiro ijiatiquirogã ijire”, ni ihñõñe wahahye. Ohõ saha yeahye Cohãc̄jũ yere tiqũina ojoari pũpũ tiqũiro ye dutiriro sahata. “Ijipih̄tiyequina mũsa pohna coã baja mũhtañequinagãre Cohãc̄jũre ihñõña. ‘Ahriqũirogã mũhũ yaqũirogã ijiatiquiro ijire’, ni ihñõña”, ni dutiahye Cohãc̄jũ. Sa ye tiqũiro dutiriro sahata yeahye tiqũina, Jerusalẽpũ ijiye.

²⁵ Tĩ macarũ Simeo wame tiriqũiro ijiahye. Tiquiro quehnoariquiro, Cohãc̄jũre ño peoriquiro ijiro, Israe masare Cohãc̄jũ yedohoatire cohteriquiro ijiahye. Sa yero Simeo Espĩritu Santo tiqũiro nidiro saha yeriquiro ijiahye. ²⁶ Sa yero tiqũiro yariato pano Cohãc̄jũ tiqũiro ohoatiquirore Cristore tiqũiro ihñatire yahuahye Espĩritu Santo tiqũirore Simeore. ²⁷ Sa yero Espĩritu Santo tiqũirore dutigũ Cohãc̄jũ wũhũpũ sajã wahahye. Tiquiro sajã sari bato Jesu pacũsum̄a tiqũina macũnogãre ne sajãhye. Cohãc̄jũ tiqũiro dutiriro sahata yeye niahye. ²⁸ Simeo pehe tiqũirogãre wũa ne, Cohãc̄jũre ño peo, “Quehnoare”, ni, tiqũiro mehna yahuducuahye.

Ohõ saha niahye tiqũiro Cohãc̄jũre:

29-32 Yojoin pūritare puhto, muhu ni-diro sahata masare pecaru wahaboriquinare yuhduoatiqirore ohori jiri muhu. Tiquiro judio masa ijieyequinare buhero muhare quehnoano masigū yerota tiquinare. Masare yuhduoatiqiro Israe masanore muhu cūahye. Usā acayūrore Israe masanore muhu cūgū ijiphiyequina masiñe, “Israe masare quehnoano yere Cohācjū”, nieta masa. Ahriquirōgā usāre yuhduoatiqiro ijire. Sa yegu ahriquirōgāre ihña tuhasagu, yojore quehnoano bucuegu yariutja, niahye Simeo.

33 Simeo tiquirōgāre tiqiro sa nigū tiquirōgā pacusumua pehe tuho maria wahahye. 34 Sa yero Simeo tiquinare “Quehnoano ijiya musa”, nino tiqiro María Jesu pacorore yahuahye:

—Cohācjū ahriquirōgāre beseahye. Sa beseriquirōgā tiqiro ijiepegūta judio masa peyequina tiqirore yuhducaeta. Sa ye tiquina pecaru wahaeta. Sa yero judio masare peyequina tiqiro yuhduoatiqiro gūhure Cohācjū beseri tiquirōgāre. Tiquiro Cohācjū yere yahuriqiro tiqiro ijiepegūta masa peyequina tiqirore ñano ni yahuduceta. 35 Tiquina sa yegū apeqina tiquina ñano wacūñene masieta. Sa yego muhu tutuaro purino yero saha buña witiqota, niahye Simeo Mariare.

36 Topu Cohācjū yere yahu muhtaricoro Ana wame tiricoro ijiahye. Ticoro Fanuel macono ijiro, Aser manano ya curua cōno ijiahye. Bucuro waro ijiahye. Ticoro nuhmino ijiro manū tiahye. Sa yero siete cūhmarī waro ticoro manano mehna ijiahye. To puno tiqiro ijiri bato ticoro manano yariaa wahahye. 37 Sa yero ochenta y cuatro cūhmarī waro wape wihero ijie tiahye ticoro. Sa yero ticoro deco gūhure ñami gūhure Cohācjū yere yero taro siji, Cohācjū mehna yahuducū, Cohācjū wūhure ne wijiaera tiahye. 38 Simeo tiqiro yahuducuri watoa ticoro tiquina caharu wihiro, bucuero, Cohācjūre “Quehnoare”, niahye. Sa yero Jerusalē cjēnare pecaru wahaboriquinare yuhduoatiqirore cohteyequinare ticoro Jesugāre yahuahye peyequina masare.

José, María, Jesu mehna Nazarepu tojoaa wahahye tja

39 Cohācjū dutiriro sahata ye tuhasaye, tiquina ya macaru Nazarepu tojoaa wahahye. Galilea yehparu ijiahye ti maca Nazare. 40 Sa yero Jesu quehnoano masa, tutuariqiro wahahye. Sa yero tiqiro quehnoano tuho masiniqiro ijiahye. Sa yero tiqirore Cohācjū quehnoano yeahye.

Jesu coñ wahumua ducaro, Cohācjū ya wūhuru judio masare buheyequina mehna yahuducuro niahye

41 Cūhmaripe Jesu pacusumua Jerusalēpu pascua decorire bose decorire ihñañe wahaetiahye. 42 Jesu doce cūhmarī tiqiro cūogū tiquina yeducuriro sahata tiquina ijiphiyequina Jerusalēpu wahahye. 43 Sa yeye bose decorire ihña tuhasa tiquina ya macaru tojoaa wahahye tja. Tiquina sa tojoepegūta Jesu pehe Jerusalēpu tojoa cāhye. Tiquiro pacusumua tiqiro tojoa queherire masiedahye. 44 “Tiquiro mari mehna cjēna mehna ijiaga”, ni tūhotumahye tiquina. Sa ye tiquina ihcā deco waro Jesu marieno wahamahye. Sa ye tiquina Jesure tiquina acaye watoa macamahye. 45 Ne bocaerahye. Sa ye tiquina Jerusalēpu tiqirore macañe wahahye.

46 Ihtia deco bato Cohācjū wūhuru tiqirore boca sahye. Sa yero Jesu judio masare buheyequinare tuho, tiquinare sinituro niahye. Sa ye cahme yahuducuye niahye. 47 Tiquina ijiphiyequina Jesure tūhoye quehnoano masiniquirōgā tiqiro ijigū ihñañe, tiquina tuho maria wahahye. 48 Tiquiro pacusumua gūhu Jesure ihñañe, ihña maria wahahye. Sa yero tiqiro pacoro tiqirore ohō saha niahye:

—¿Macu, dahsegu sa yeajari muhu usāre? Muhu pacusumua ohō saha ni tūhotuu usā. “Tiquiro butia wahaga”, ni macaja usā muhare, niahye ticoro macanore.

49 Ticoro sa nigū tiqiro pacusumuaare yahuahye:

—¿Duhseña yūhure macajari musa? Yūhu Pacu yūhure tiqiro dutiriro saha yegu niaja. ¿Tire masiedajari musa? niahye tiqiro.

50 Tiquiro sa niepegūta tiquina tuho ñehedahye.

51 Sa yero Jesu Nazarepu tojoaa waha, tiqiro pacusumuaare ne yuhducaerahye. Ahri ijiphiye tiqiro yerire María quehnoano wacūahye. 52 Sa yero Jesu bucua, quehnoano tuho masiniqiro wahahye. Sa ye Cohācjū, masa gūhu “Quehnoariqiro ijire”, ni ihñahye tiqirore.

3

Ñu wame yeriqiro masare Cohācjū yere yahuahye

(Mt 3.1-12; Mr 1.1-8; Jn 1.19-28)

1 Ti pjere tiquina puhtoro Tiberio wame tiriqiro puhtoro ijiri bato quince cūhmarī wahahye. Sa yero Poncio Pilato wame tiriqiro Judea yehpa cjēna puhtoro ijiahye. Sa yero Herode wame tiriqiro Galilea yehpa cjēna puhtoro ijiahye. Tiquiro bahuro Felipe Iturea yehpa cjēna, Traconite yehpa cjēna gūhu tiquina puhtoro ijiahye. Sa yero Lisania wame tiriqiro Abilinia

yehpa cjēna puhtoro ijiahye. ² Sa ye Anás, Caifa mehna ijiphtiyequina pahia puhtoa ijiahye. Ahriquina ijiphtiyequina tiquina ijiri pjere Ņu Zacaria macano masa marienopu ijiriquireore Cohācjū pehe tiquireore tiquireo yere yahu dutiahye. ³ Sa yero Jordā wame tiri ma duhtu cahapu ijiri yehpapu ijiphtitropu Ņu buhero wahahye.

—Musa ñaŋe yeyere bujua witiya. Yo-jopare quehnoañe pehere comesaya. Sa yena wame yeno hrina ijija. Musa sa comesagū ihñano Cohācjū musa ñaŋe yerire borota, ni, buhee tiahye tiquireo.

⁴ Isaia manano panopu cjāno Cohācjū yere yahu muhtariquireo ojoariro sahata ahriquireo yojopare yero niahye. Ohō saha ni ojoahye Isaia Ņu tiquireo buheatire:

Masa marienopu yahuducu sañuducuriquireo ohō saha ni buherota: “Mari puhtoro ahtato pano mahare mari quehnoyuriro saha quehnoana ijijuyua musa. Musa ñaŋe yerire bujua witiya. ⁵ Pe wuhtari, pe buhuari gāhure quehnoari paa mari yeriro saha, pari yawi ijije maharine potoye mahari mari yeriro saha, ñaŋe maharine quehnoañe maharine mari yeriro saha, wetera musa coseriro saha musa ñaŋe yeyere duhuya. ⁶ Musa sa yegū Cohācjū musare pecapu wahaborinare tiquireo yuhduogū ihñæta ijiphtiri yehpa cjēna”, ninota tiquireo sañuducu yahuriquireo pehe, ni ojoahye Isaia manano panopure.

⁷ Masa peyequina Ņu cahapu wihiye tiquireo tiquinare wame yegū cahmeahye tiquina. Sa yero tiquireo tiquinare yahuahye:

—Añaa pari yero saha ña yuhduna, cue duhti duana ijire musa. Musa ñaŋe yerire bujua witi duerana Cohācjū musa ñaŋe buhirire tiquireo buhiri dahreato pano duhti masiedare musa. ⁸ Sa yena potota musa ñaŋene bujua witiina ijina, quehnoañene comesana ijina, quehnoañe pehere yeya musa. Ohō saha ni tuhotueracāhña. “Panopu cjāno Abrahā mari ñecu manano ijie tiahye. Sa yena tiquireo panamena ijina mari Cohācjū yequina ijiaja”, ni tuhotueracāhña musa. Musare niita niaja. Abrahā panamena iji turiana ijimene musa. Musa sa ijepegūta ti musa sa ijije dahseati ijierare. Cohācjū pehe ahri utā paca mehna Abrahā acayere dahre masine. Sa ye Abrahā acaye musa ijije ihyo waro ijire utā paca ihyo waro ti ijiro saha. ⁹ Ohō saha ijire: Masa yucari yero saha ijire. Cohācjū pehe yucare quēatiare comeare cuoriquireo yero saha ijire. Sa yero ñaŋe dāca tiye cjare date cohā, ti nuhcori gāhure date sure peho

cānota. Date sure tuhasa, pecapu ujanota tiquireo ti cjare, nuhcori gāhure. Sata yerota masa gāhure tiquireore cahmeefnequinare, niahye Ņu masare.

¹⁰ Tiquireo sa nigū tuhoye masa pehe tiquireore sinituahye:

—¿Dahse yenatari usā? niahye tiquina Ņure.

¹¹ —Pua suhtiro cuoriquireo suhti mariediquireore ihcāno ohoya. Sa yena musa ihyaye cuona apequna gāhure ohoya, niahye Ņu.

¹² Meheñequinagā puhtoa ye ijiatire wapa ne cohteyequina wame yeno hrina iji duahye tiquina gāhu. Sa yeye Ņu cahapu wihiye, tiquireore sinituahye:

—¿Buhegu, usā pehe dahse yenatari usā? niahye tiquina tiquireore.

¹³ —Musa puhtoa tiquina dutiro punota masare wapa neña. Ni meho wapa ne nemoedacāhña, ni yahuahye Ņu tiquinare.

¹⁴ Apequna surara tiquireore sinituahye tja:

—¿Usā pehe dahse yenatari? niahye tiquina tiquireore tja.

—Masa yere niñerure ehmedacāhña. Sa yena tiquina ye niñerure ni meho nedacāhña. Musare tiquina wapa yero punota bucueya, ni, yahuahye Ņu.

¹⁵ Masa Cristore Cohācjū tiquireo ohoat-iquireore cohteye niahye. Sa yeye ohō saha ni tuhotu dācahye tiquina Ņure. “Ahriquireo Ņu pehe Cristo ijiboaga”, ni tuhotumahye tiquina. ¹⁶ Tiquina sa nigū tuhoro Ņu ijiphtiyequinare yahuahye:

—Yuhu bato yuhu yuhduoro tutuariquireo ahtarota. Quehnoa yuhduariquireo ijire tiquireo. Tiquireo yero saha ijieraja yuhu pehe. Sa yegu tiquireore tuhotugu, “Ihyo ijigu ijiaja”, ni tuhotuaja yuhu. Yuhu pehe musare wame yegu aco mehna wame yemi. Tiquireo pehe yuhu yuhduoro yerota. Espiritu Santore masa mehna ijiducugū yerota. Sa yero pecapu ñaŋene tiquireo ujuā wero saha tiquireo ahtariquireo pehe musa ñano yeyere cose werota. ¹⁷ Yuhu bato ahtariquireo trigo cahseri cohāriquireo yero saha ijire. Ti cahserire cohāriquireo tiquireo batiro mehna ijiphtiye trigo pjeri cahserire puti were. Sa ye tuhasa trigo pehere tiquireo ihbori wuhuru cūnota. Sata yerota tiquina ñaŋene bujua witiyequinare yuhu bato ahtariquireo. Tiquireo puti weri cahseri pehere ujanota. Ti peca tiquireo ujuāri peca ne yatisi. Sata yerota tiquireo yuhu bato ahtariquireo tiquina ñaŋene bujua witiyequinare, ni yahuahye Ņu.

¹⁸ Peye tiquireo sa ni yahuye mehna masare quehnoañe buheyere yahuahye Ņu. ¹⁹ Sa yero puhtoro Herode pehe tiquireo

bahuro Felipe namonore tiqairo namo tiri buhiri, pajiro ñañene tiqairo yeri buhiri gähure Ñu tiqairore yahumahye. ²⁰ Tiqairo sa ni yahuri buhiri Herode pehe Ñure peresu yeahye, pari turi ñañene yero.

*Ñu Jesure wame yeahye
(Mt 3.13-17; Mr 1.9-11)*

²¹ Ñure tiqaina peresu yeato pano apequna masare Ñu pehe wame yero niahye. Tiqinare wame yero Jesu gähure wame yeahye. Sa yero Jesu diaru ducuriqairo Cohäcüre tiqairo sinino watoa ühmuse pari maa wahahye. ²² Sa pari maari bato Espiritu Santo bujua yero saha bajuriqairo Jesu buipru dijia tahye. Tiqairo ahtagü ühmusepu yahuducuro ca tahye:

—Muhü yuhü macu yuhü cahügu ijire. Muhü mehna tutuaro bucueaja, nino ca tahye ühmusepu.

*Jesu acaye raporu cjenä ijiahye
(Mt 1.1-17)*

²³ Jesu buhe dycari cahmare treinta cahmari cyoahye tiqairo. “Tiqairo José macno ijire”, ni, ñahotumahye masa. José pehe Elí macno ijiahye. ²⁴ Elí Matat macno ijiahye. Matat Leví macno ijiahye. Leví Melqui macno ijiahye. Melqui Jana macno ijiahye. Jana José macno ijiahye. ²⁵ José Matatía macno ijiahye. Matatía Amós macno ijiahye. Amós Nahúm macno ijiahye. Nahúm Esli macno ijiahye. Esli Nagai macno ijiahye. ²⁶ Nagai Maat macno ijiahye. Maat Matatía macno ijiahye. Matatía Semei macno ijiahye. Semei Josec macno ijiahye. Josec Judá macno ijiahye. ²⁷ Judá Joanán macno ijiahye. Joanán Resa macno ijiahye. Resa Zorobabel macno ijiahye. Zorobabel Salatiel macno ijiahye. Salatiel Neri macno ijiahye. ²⁸ Neri Melqui macno ijiahye. Melqui Adi macno ijiahye. Adi Cosam macno ijiahye. Cosam Elmadam macno ijiahye. Elmadam Er macno ijiahye. ²⁹ Er Josué macno ijiahye. Josué Eliezer macno ijiahye. Eliezer Jorim macno ijiahye. Jorim Matat macno ijiahye. ³⁰ Matat Leví macno ijiahye. Leví Simeo macno ijiahye. Simeo Judá macno ijiahye. Judá José macno ijiahye. José Jonam macno ijiahye. Jonam Eliaquim macno ijiahye. ³¹ Eliaquim Melea macno ijiahye. Melea Mena macno ijiahye. Mena Matata macno ijiahye. Matata Natán macno ijiahye. ³² Natán Davi macno ijiahye. Davi Isai macno ijiahye. Isai Obed macno ijiahye. Obed Booz macno ijiahye. Booz Salmón macno ijiahye. Salmón Naasón macno ijiahye. ³³ Naasón Aminadab macno ijiahye. Aminadab Admin macno ijiahye. Admin Arni

macno ijiahye. Arni Esrom macno ijiahye. Esrom Fare macno ijiahye. Fare Judá macno ijiahye. ³⁴ Judá Jacob macno ijiahye. Jacob Isaac macno ijiahye. Isaac Abrahā macno ijiahye. Abrahā Taré macno ijiahye. Taré Nacor macno ijiahye. ³⁵ Nacor Serug macno ijiahye. Serug Ragau macno ijiahye. Ragau Peleg macno ijiahye. Peleg Heber macno ijiahye. Heber Sala macno ijiahye. ³⁶ Sala Cainán macno ijiahye. Cainán Arfaxad macno ijiahye. Arfaxad Sem macno ijiahye. Sem Noé macno ijiahye. Noé Lamec macno ijiahye. ³⁷ Lamec Matusalē macno ijiahye. Matusalē Enoco macno ijiahye. Enoco Jared macno ijiahye. Jared Mahalaleel macno ijiahye. Mahalaleel Cainán macno ijiahye. ³⁸ Cainán Eno macno ijiahye. Eno Sete macno ijiahye. Sete Adán macno ijiahye. Adán Cohäcüre yeriqairo ijiahye.

4

*Watino ñañene ye dutimahye Jesure
(Mt 4.1-11; Mr 1.12-13)*

¹ Jesu Espiritu Santo dutiriro saha ye perhoriquiro ijiro. Jordā wame tiri ma caharu ijiriquiro tojoaa wahahye. Tiqairo sa tojoaa wahagü Espiritu Santo pehe tiqairore masa marienopru neahye. ² Topru esaro cuarenta decori ijiahye. Sa yero watino pehe Jesure ñañene yegü cahmemahye. Sa yero ñañene ye dutimahye tiqairore. Ti decorire ne Jesu ihyerahye. Sa yero ti decori pihtigü waro tiqairo ujua ahbahye.

³ Tiqairo sa ujua ahbagü ihñano watino ohō saha nimahye Jesure:

—Muhü Cohäcüre macu ijigu, ahria utäre ihyaye dojomehneña, nimahye Jesure.

⁴ Jesu ohō saha ni yuhtiahye:

—Yeraja. Cohäcüre yere tiqaina ojoari püpu ohō saha nine: “Masare ihyaye mehna dihita catieraro cahmene. Ijipihtiye Cohäcüre ye yahuye mehna ijiro cahmene”, nine Cohäcüre, ni yuhtiahye Jesu watinore.

⁵ Tiqairo sa nidi bato watino pehe tiqairore canu ühmuanu buipru ne mujä saro, duita ijipihtiye macarine ihño dijoahye Jesure. ⁶ Sa ihñono Jesure yahuahye:

—Ijipihtiye ahri macari yuhure tiqairo ohori ijire. Sa yegu yuhü cahmediquirore oho masiaja. Sa yegu ahri macarine, ahri macari cjenare dutiati gähure, tiqaina cwoye mehna mahure ohoutja. ⁷ Yuhure muhu ño peogü ahri macari ijipihtiye macarine mahure ohoutja, niahye watino Jesure.

⁸ Jesu ohō saha ni yuhtiahye tiqairore:

—Mahure ño peeraja. Ohō saha nine Cohäcüre yere tiqaina ojoari pü: “Muhü puhtoro Cohäcüre dihitaré ño peoya. Tiqairo ye dutiye dihitaré yeya”, ni ojoahye Cohäcüre yere, niahye Jesu watinore.

⁹⁻¹¹ Tiquiro sa nidi bato Jerusalēpū watīno pehe tiquirore ne cā, Cohācǵū wāhū buipū ne sahye. Ne sa tuhasa tiquirore ohō saha nimahye:

—Cohācǵū yere tiquina ojoari pū ohō saha nine: “Cohācǵū tiquiro yequina angelere mūhare ihña ihbo dutirota. Sa yeye tiquina pehe mūhare ihña ihboeta, ‘Mūhūpū utāpū pūhari’, niñe”, ni ojoahye Cohācǵū yere tiquina ojoari pūpū. Tiquiro sa nidi poto ijigū mūhū Cohācǵū macū ijigū, yehpapū uhpu dijia ihñoña yūhare. Mūhare tiquina yedohogū ihñoña yūhare, nimahye watīno Jesure.

¹² Jesu uhpu dijia ihño dueraro ohō saha ni yūhtiahye tiquirore:

—Cohācǵū yere tiquina ojoari pū ohō saha nine: “Masa pūhtoro Cohācǵū tiquiro nidire ‘¿Poto ijiajari?’ ni masi duana, Cohācǵū yere ihño duti tuhueracāhña”, nine Cohācǵū yere tiquina ojoari pūpū, niahye Jesu watīnore.

¹³ Sa yero watīno ijiphtiye ñañene Jesure ye dutimahye. Sa duti tuhasaro mehenogā duhu cāriahye.

*Galilea yehpapū Jesu buhe dūcahye
(Mt 4.12-17; Mr 1.14-15)*

¹⁴ Came Jesu Galileapū tojoaa wahahye. Sa yero tiquiro Espiritu Santo tutuaye mehna yeahye. Topū ijiphtiropū masa tiquirore quti tiahye. ¹⁵ Judio masa buheye wūhūsepū Jesu gūhū buhee tiahye. Sa ye ijiphtiyequina masa tiquirore quehnoano yahuducuahye.

*Nazare cjēna Jesure ne cahmedahye
(Mt 13.53-58; Mr 6.1-6)*

¹⁶⁻¹⁷ Came Nazarepū Jesu tiquiro masariropūta esahye. Topū esa, saurū ijigū tiquiro sa yeducuriro saha judio masa tiquina buheri wūhūpū sajā sahye. Topū tiquiro Cohācǵū yere tiquina ojoari pūre buhero taro topū ducuahye. Tiquiro sa ducugū ihñañe to cjēna pehe Cohācǵū yere yahu māhtariquiro Isaia mūnāno tiquiro ojoari pūre tiquirore ohoahye. Ti pūpū Jesu ahri yahuyere bocaro buheahye:

¹⁸ Cohācǵū yaquiro Espiritu yūhū mehna ijiro, yūhare dutiri. Tiquiro pejecūoyequinare quehnoañe buhehyere yahu dutiro ohori yūhare. Sa yero peresupū ijieyequina gūhare tiquinare tiquiro yūhdūoatire yahu dutiro ohori yūhare. Caperi bajueyequina tiquina quehnoano ihñatire ohori yūhare. Sa yero masa ñāno tiquina yenhriquinare wioacjare yūhare ohori. ¹⁹ Mari pūhtoro Cohācǵū tiquiro yequinare pecapū wahaboriquinare tiquiro yūhdūoatire yūhare yahu dutiro ohori, ni buheahye Jesu.

²⁰ Sa ni buhe tuhasa Jesu ti pūre quehnoari tunu torē, wāhū cǵūnore wia tuhasa, nuju sahye. Tiquiro nuju sagū ihñañe topū ijieyequina ijiphtiyequina tiquiro dihitarē ihñahye. ²¹ Tiquina sa yegū tiquiro tiquinare yahu dūcahye:

—Ahri mianogāta yūhū buhero saha Cohācǵū tiquiro nidiro sahata waharo nine, niahye Jesu.

²² Tiquiro sa nigū tūhoye “Ahriquiro quehnoariquiro ijire”, ni tūhotuahye tiquina. Sa yeye tiquina tiquiro quehnoano yahuducugū tūhoye, tūho maria wahahye. Sa yeye ohō saha niahye tiquina basi:

—¿Yohnah, José macūno ijierajari ahriquiro? niahye tiquina basi.

²³ Tiquina sa nigū masino Jesu yahuahye tiquinare:

—Yūhū buhehyere tūho duerana, ohō saha ni tūhoture masa yūhare: “Duturu dohatiro tiquiro basi aco ti masine duturu waro tiquiro ijyere ihñoño. Mūhū gūhū duturu tiquiro ye ihñoño saha mūhū nidiro saha ijigū Cohācǵū tutuaye mehna ye ihñoña usāre. Capernaupūre Cohācǵū tutuaye mehna ye ihñoñohti mūhū. Usā gūhare sa ye ihñoña, mūhū buhehyere ‘Poto tjire’, usā niato saha”, ni duare masa yūhare. ²⁴ Ahrire yahutja mūhare. Cohācǵū yere yahu māhtariquirore tiquiro ya maca cjēna ño peoerare. Sa yena yūhare ño peoerare masa ohōpū yūhū masarigū ijigū. ²⁵ Sata ijiahye panopūre. Panopū Elia tiquiro ijiri pjere ihtia cūhma ape cūhma deco waro ne acoro ahtaerahye. Sa yero ijiphtiropūta ne ihyaye mariedahye. ²⁶ Ti pjere peyequina wape wiha numia Israe yehpapū tiquina ijiepegūta Cohācǵū Elia mūnanore tiquinare yedoho dutiro ohoerahye. Tiquiro ya macare sa ye dutieraperota ape yehpapū Sidō cahapū ijiri macapū Sarepta wame tiri maca cjōno wape wihorore yedoho dutiro Elia mūnanore ohoahye Cohācǵū. ²⁷ Came Cohācǵū yere yahu māhtariquiro Eliseo mūnāno tiquiro ijiri pjere Israe yehpapū peyequina camī būca mūna wiha tiquina ijiepegūta ihcāquiro Israe masūnore ne quehnoa wahagū yerahye Eliseo mūnāno. Tiquiro ya yehpa cjēnare yeraperota Naamān wame tiri quiro Siria yehpa cjāno dihitarē quehnoa wahagū yeahye tiquiro. Sa yero Israe masare yedohoeraro, Israe masa ijieyequina pehere yedohoahye Cohācǵū, niahye Jesu tiquinare.

²⁸ Tiquiro sa nigū tūhoye ijiphtiyequina ti wūhūpū ijieyequina usua yūhdūa wahahye. ²⁹ Sa yeye tiquina wahcādūca, Jesure ne wijia, ti maca dūhtū cahapū ijiri cūhūpū tiquirore tūdoque dijio duamahye. ³⁰ Tiquina sa ye duepegūta Jesu tiquina watoata wahaa wahahye.

*Watĩnore c̄uoriquiro Jesure piti cahye
(Mr 1.21-28)*

³¹ Came Jesu Galilea yehparũ ijiri macarũ Capernau wame tiri macarũ esa, saurũ ijigũ masare buheahye. ³² Quehnoano masi pehoriqũiro tiqũiro buhegũ tũhoye masa tũho maria wahahye. ³³ Ti wũhũrũ watĩnore c̄uoriquiro ijiahye. Tutuaro saũducuahye:

³⁴ —Mũhũ Jesu Nazare cjũ usãre cariboer-acãhña mũhũ. ¿Dũhse yegũ tagũ nijari usãre? ¿Mũhũ usãre butigũ yegũ tagũ nijari? Cohãcjũ macũ, quehnoagũ mũhũ ijigũ yũhũ masiaja, ni saũducuahye Jesure.

³⁵ Tiquiro sa nigũ tũhoro Jesu tuhtiahye watĩnore:

—Dihta mariahña. Duhuya tiqũirore, ni-ahye Jesu.

Tiquiro sa nidi bato masũnore watĩno pehe yehparũ doque quehe sa tunugũ yeahye. Tiquiro sa yeri bato tiqũiro pehe quehnoa wahahye. ³⁶ Topũ ijieyũquina ijipihtieyũquina tiqũiro sa wahagũ ihñañe, ihña maria wahahye. Sa ye tiqũina basi ohõ saha ni yahuducuahye:

—¿Yabe boro buheye ijiajari ahli sa wahagũ yeye? Yohnah. Tutuaro mehna pũhoro yero saha ahriqũiro watĩare dutire. Sa yeye tiqũiro dutiro sahata tiqũina masare duhure, ni yahuducuahye tiqũina basi.

³⁷ Tiquiro sa yegũ ihñañe ti yehparũ ijipihtirogũ masa Jesure quiti dahreahye.

Jesu Simo Pedro mareonore dutire yũhdũoahye

(Mt 8.14-15; Mr 1.29-31)

³⁸ Judio masa tiqũina buheri wũhũre wi-jia, Simo ya wũhũrũ sajã sahye Jesu. Topũ Simo mareono dohatiro niahye. Tutuaro ujuaye tiahye. Sa ye tiqũina ticoro dohatigũ yahuahye Jesure. ³⁹ Tiquina yahuri bato tiqũiro ticoro caharũ esa, ujuayere suru dutiahye. Tiquiro sa suru dutiri bato ticorore ujuaye surua waha, duita quehnoa wahahye. Ticoro sa waharo wahcã nuju sa, ticorota tiqũinare ihyayere peoahye.

Peyequina dohatiyequinare yũhdũoahye Jesu

(Mt 8.16-17; Mr 1.32-34)

⁴⁰ Asũ sajãri bato ijipihtieyũquina masa tiqũiro caharũ ijieyũquina dohatiyequinare Jesu caharũ ne sahye. Dohatiyequinare peyequina sijoro saha ijie dohatiyere c̄uohahye. Sa yero Jesu tiqũiro omocari mehna tiqũina bui ña peo, ijipihtieyũquinare tiqũina dohatiyere quehnoano yũhdũoahye. ⁴¹ Watĩa gãhũre Jesu duhu dutigũ tiqũina duhuye saũducuahye:

—Mũhũ potota Cohãcjũ macũ ijire, niahye tiqũina Jesure.

Jesu Cohãcjũ ohoriqũiro tiqũiro Cristo ijigũ watĩa masiahye. Sa yero Jesu tiqũinare

yahuducu dutierahye, “ ‘Cristo ijire’, ni yahu siteari”, nino.

*Galilea yehparũ buheahye Jesu
(Mr 1.35-39)*

⁴² Bohrea mũja tagũ Jesu ti macarũ ijiriquiro waha, masa marienopũ esahye. Tiquiro sa esari bato masa tiqũirore macã cã, boca saye, ohõ saha niahye:

—Usã ya macarũ tojoaya usã mehna. Ape sie wahaegũta, nimahye tiqũina Jesure.

⁴³ Tiquina sa niepegũta tiqũiro pehe ohõ saha ni yũhtiahye:

—Cohãcjũ tiqũiro pũhoro ijieyere quehnoañe buheyere apeye macaripũ gãhũre buhe duaja yũhũ. Cohãcjũ yũhũre ohori tire yahuacjũre, niahye Jesu tiqũinare.

⁴⁴ Sa yero Judea yehparũ ijieyere wũhũserũ, judio masa tiqũina buheye wũhũserũ tiqũiro buhe tiniahye.

5

Jesu tiqũiro buheyequinare peyequina wahi wejẽgũ yeahye

(Mt 4.18-22; Mr 1.16-20)

¹ Ape deco Jesu Genesare wame tiri ditara dũhtũ caharũ esahye. Topũ tiqũiro ijigũ ihñañe peyequina masa Cohãcjũ yere tũho duaye tiqũirore nũnũ tã sahye. Quehnoano wahpa dũca saa wahahye masa pari. ² Pũa yucũsa padũrogũ pahsaye yucũsarire Jesu ihñañe. Ti yucũsari cjẽna yohyeyequina maja sadũca, tiqũina wẽñecjũre coseye niahye. ³ Sa yero Jesu Simo yariarũ sajãhye. Sajã tuhasa tia yucũsare dia dũhtũ caharũ cuñariare weje buho dutiahye. Sa yero yucũsarũ duji, masare buheahye. ⁴ Buhe tuhasa, Jesu Simore ohõ saha niahye:

—Deco cjũnogã tu wioya. Sa yena mũhũ mehna cjẽna mehna mũsa wẽñecjũre doque ñoña wahi ñeheanaja, niahye Jesu.

⁵ Tiquiro sa nigũ tũhoro Simo Jesure yũhtiahye:

—Pũhto, wahi wejẽ bohreami usã mia ñamine. Bohreepenata ne ihcãquirogã wejẽdahti usã. Sa wejẽdapenata mũhũ dutiro saha doque ño tuhunata, ni yũhtiahye Simo.

⁶ Sa ni tuhasa tiqũina doque ñoahye. Sa tiqũina doque ñogũ tiqũina wẽñecjũre peyequina wahi sajãhye. Peyequina tiqũina sajãgũ wẽñecjũ tuhũna wahamahye. ⁷ Sa wahagũ ihñañe aperia cjẽnare tiqũina mehna cjẽnare pijioahye.

—Mũsa gãhũ yedohona ahtaya usãre, ni pijioahye Simo gãhũ.

Tiqũina sa yedohori bato puaria yucũsa quehnoano miniparo bocahye wahire.

⁸ Simo Pedro sa wahi peyequina tiqũina sajãgũ ihñaño, Jesu caharũ dusepe curi mehna quehe sa, tiqũirore niahye:

—Yuhũ pũhto, mũhũ mehna ijibogũ ijier-
aja yuhũ. Nãgũ ijiaja yuhũ. Sa yegũ yuhũre
duhuya, niahye Simo Jesure.

⁹ Tiquiro, ijipihtyequina tiquiro mehna
cjẽna gãhũ peyequina wahi sajãgũ ihñañe,
ihña maria wahahye tiquina gãhũ. ¹⁰ Pũaro
Simo mehna cjẽna Zebedeo pohne Santiago,
tiquiro bahũro Ñũ mehna, tiquina gãhũ ihña
maria wahahye. Tiquina sa ihña mariagũ
ihñaño Jesu Pedre yahuahye:

—Ihña mariedacãhña. Yojoũre mũhũ
wahire ñehe cahmecoagũ mũhũ ijiro saha
Cohãcjũ yequina ijiatiquinare piji cahme-
coagũ ijigũta mũhũ, niahye Jesu Simore.

¹¹ Tiquiro sa nidi bato tiquina yucsarire
ditara duhtũ caharũ weje mo cũ cã, tiquina
ye ijipihtiyere topũta cũ cã, Jesu mehna wa-
hãa wahahye.

*Jesu camĩ bũcũ mũna wihĩrore camĩ
yatigũ yeahye*

(Mt 8.1-4; Mr 1.40-45)

¹² Jesu ape macarũ tiquiro ijigũ camĩ bũcũ
mũna wihĩro tiquirore piti cahye. Sa piti
caro tiquiro Jesure ihña, dũsepe curi mehna
quehe sa, tutuaro siniahye:

—Pũhto, mũhũ yuhũre yũhdũo duagũ
yũhdũoya, ni siniahye.

¹³ Tiquiro sa nidi bato Jesu tiquirore ña
peoro ohõ saha niahye:

—Tire ye duaja. Yojoũrũ quehnoagũ ijia
mũhũ, niahye.

Tiquiro sa nigũta tiquiro camĩ ahbari ya-
tia wahahye. ¹⁴ Sa yero Jesu tiquirore duti-
ahye:

—Ahri yuhũ ohõ saha yerire arequinare
yahueracãhña. Pahi caharũ wahaya
yojoũre. Sa yegũ mũhũ pagũre quehnoari
pagũ waharire ihñaña tiquirore. Cohãcjũ
dutiye Moiserẽ tiquiro cũri nidiro saha
yeya. Sa yegũ pahire pũaro minicjũare
ohoya mũhũ camĩ yũhdũrĩre ijipihtye-
quinare ihñogũ tũhũ, niahye camĩ bũcũ
mũna cõmediquirore.

¹⁵ “Yahueracãhña”, tiquiro sa niepegũta
ijipihtiroũ masa Jesure quiti dahre
nemoahye. Tiquina sa quiti dahregũ tũhoye
masa peyequina tiquiro caharũ esahye.
Dohatiyequina yũhdũ duaye, tiquina gãhũ
tiquiro caharũ esahye. ¹⁶ Tiquina sa
esaepẽgũta Jesu masa marienopũ Cohãcjũre
sinino wahãa wahahye.

Jesu tini masieniquirore yũhdũoahye

(Mt 9.1-8; Mr 2.1-12)

¹⁷ Ape deco Jesu buhegũ fariseo masa,
judio masare buheyequina gãhũ topũ
dujiahye. Tiquina peye macari Galilearũ
ijie macari cjẽna, Judearũ ijie macari
cjẽna, Jerusalẽ cjẽna ijiahye. Sa yero Jesu
Cohãcjũ tutuaye mehna dohatiyequinare
yũhdũoahye. ¹⁸ Meheñequinagã mũna tini
masieniquirore tiquiro cuñari cahsero

mehna yo wãa wihiahye. Sa yeye tiquirore
Jesu caharũ cũ duaye, wũhũrũ yo sajã
duamahye tiquina tiquirore. ¹⁹ Sa sajã
duepeta masa peyequina ijigũ tiquina
tiquirore yo sajã masiedahye. Sa yeye
tiquirore wũhũ buipũ yo mũjahye. Yo
mũja sa, mehenogã põ we, ti copepũ tini
masieniquirore tiquiro cuñari cahsero
mehna duhu dijioahye Jesu caharũ
ijieyequina watoa. ²⁰ “Jesu ahriquirõre
tiquiro dohatiyere yũhdũgũ yerota”, ni
tũhotuahye tiquina. Tiquina sa ni tũhotugũ
masino Cohãcjũre tiquina wacũ tutuayere
masino, Jesu tini masieniquirore ohõ saha
ni yahuahye:

—Yuhũ acayũ, mũhũ ñañe yeyere yuhũ
cohã tuhasaũ, niahye Jesu tiquirore.

²¹ Tiquiro sa nigũ tũhoye fariseo masa, ju-
dio masare buheyequina gãhũ tiquina basi
ohõ saha ni tũhotumahye: “Ahriquirõ sa ni
yahuducueracãhdo. Masũno mari yero saha
ijiro, tiquiro ñañe yeyere cohã masiedare.
Cohãcjũ dihita masa tiquina ñañe yeyere
cohã masine”, ni, tũhotumahye tiquina.

²² Jesu tiquina tũhotuyere masino, ohõ
saha niahye:

—¿Dũhse yena sa ni tũhotuajari mũsa?

²³ “Mũhũ ñañe yeyere yuhũ cohã tuhasaja”,
yuhũ nigũ, “Ni mehõgũ ijire”, yuhũre
nine mũsa quehnoano masiedapenata.
“Wahcãdũca wahaya”, yuhũ nigũ tiquiro
tiniğũ ihñaana yuhũ nidi poto ijigũ duita
masinata. ²⁴ Yuhũ masũ Cohãcjũ ohorigũ
ahri yehparũ ñañe yeyere cohã masiaja
yuhũ. Masa tiquina ñañe yeyere cohãcjũre
cũri Cohãcjũ yuhũre. Yuhũ sa cohãrĩre mũsa
masiato saha ohõ saha ye ihñoutja mũsa
ihñatire, niahye Jesu.

Sa ni tuhasa tini masieniquirore ohõ saha
niahye:

—Mũhũre niita niaja. Wahcãdũcaya.
Mũhũ cuñari cahserore ne cãhña mũhũ ya
wũhũrũ, niahye tiquirore.

²⁵ Tiquiro sa nigũ tũhorota ijipihtyequina
tiquina ihñonopũ wahcãdũca, tiquiro cuñari
cahserore ne, tiquiro ya wũhũrũ tojoa
wahahye. Sa waharo tiquiro Cohãcjũre
ño peoro, bucueye mehna quehnoano
yahuducuahye. ²⁶ Tiquiro sa yegũ ihñañe
masa pehe ijipihtyequina ihña maria
wahahye. Tiquina ihña maria waha,
Cohãcjũre ño peoye, bucueye mehna
quehnoano yahuducuahye:

—Miare sijoro saha ijiyere ihñañã mari,
niahye tiquina.

Jesu Levĩre pijiahye

(Mt 9.9-13; Mr 2.13-17)

²⁷ Sa ye tuhasa waha, Levĩ wame
tiriquirõre tiquiro dahrari tucũpũ
ijiriquirore boca sahye Jesu. Levĩ pehe

puhtoia ye ijiatire masare wapa ne cohteriquero ijjahye. Sa boca saro tiqirore ohō saha niahye:

—Yuhū mehna cĵū ijiacĵū ahtaya, niahye tiqiro Levíre.

²⁸ Tiquiro sa nigū Leví pehe ijipihitiye tiqiro dahrayere dūhu cā, Jesu mehna wahaa wahahye.

²⁹ Came Leví ya wuhupū Jesu ya bose deco yeye niahye. Topū peyequina wapa ne cohteyequina, apequina Leví gāhū mehna dujjahye. ³⁰ Tiquina mehna Jesu gāhū dujigū ihñāne meheñequinagā fariseo masa, judio masare buheyequina mehna usua, Jesu buheyequinare sinituahye.

—¿Duhseña ñano yeyequina, wapa ne cohteyequina mehna ihyajari mūsa? ni tuhtiahye tiquina.

³¹ Tiquina sa nigū tuhoro Jesu yuhtiahye tiquinare. Ohō saha ni queoye mehna buehahye:

—Dohatiyequina duturure macaedare. Dohatiyequina dihita duturure macare. Ñañequina dohatiyequina yero saha ijire.

³² Sa yegū ñañequina dihitare tiquina ñañene bujua witi dutigū, quehnoañe pehere comesagū yegū tuū nii yuhū. Tiquina basi “Quehnoana ijjaja usā”, ni tuhotuyequinare yedohogū ahtaerū yuhū, niahye Jesu.

Sijiyere Jesure sinituahye apequina
(Mt 9.14-17; Mr 2.18-22)

³³ Sa yeye meheñequinagā masa Jesure ohō saha ni sinituahye:

—Ñū buheyequina peye tahari Cohācjāre ño peoye tehe, sijire. Sa yeye, tiquina peye tahari Cohācjāre sinine. Fariseo buheyequina gāhū tiquina yero saha yere. Tiquina sa yepegūta mahū buheyequina pehe ihya, sihmine. Sa ye Cohācjāre ño peoye tehe, sijirare. ¿Duhse yeye sa yerajari tiquina? niahye tiquina Jesure.

³⁴ Tiquina sa nigū Jesu tiqiro tuhotuyequina mehna quiti dahre buhero taro tiquinare ohō saha ni yuhtiahye:

—Ohō saha ijire ti: Omoca duhteropū tiquina pijioriquina omoca duhteriquiro mehna ijiye, siji masiedare. Sata yuhū buheyequina gāhū yuhū mehna ijiye, siji masiedare. Yuhū omoca duhteriquiro yero saha ijjaja. Omoca duhteriquiro bose deco tiqiro yegū tiqiro mehna cjēna ihyeyequina ijjerare. ³⁵ Yuhū Pacū Cohācjū yuhare tiqiro nedi bato pūritare yuhū buheyequina mehna ijisi yuhū. Sa yeye ti pjerpata yuhū buheyequina gāhū sijieta, niahye Jesu.

³⁶ Panopū cjē buheye wahma buheye mehna tiquina buhe more duagū ihñano ohō saha ni nemoahye Jesu tiquinare queoye mehna buhero.

—Ne wahma suhtirore meheni cahserogā tuhrē ne, māna suhtirore sere

ohōno cahmedare. Mari sa sere ohōna wahma cahserore tuhrē cohāna niaja. Sa yero wahma cahsero māna suhtiro mehna ihcāno saha bajerare. ³⁷ Sa yena ne uhse co bisiye core wahiuro cahero ajuropare māna ajuropare pose yero cahmedare. Sa yegū uhse co bisiye pahmuñerū māna ajurore tuhrē cāhre. Sa tuhnugū uhse co gāhū, ajuro gāhū cohāa wahare. ³⁸ Sa yena uhse co wahma core wahma ajuropare pose yero cahmene. (Sata wahma buheye māna buheye mehna buhe moredaro cahmene.) ³⁹ Māna core masa tiquina sihni bato, wahma core cahmedare tiquina. Ohō saha nine masa. “Māna co wahma co bui cĵūnogā quehnoañe ijire”, nine masa, niahye Jesu tiquinare.

6

Judio masa tiquina sori decore trigore peheahye Jesu buheyequina

(Mt 12.1-8; Mr 2.23-28)

¹ Ape deco saurū ijjigū Jesu gāhū trigo wesepū esahye. Topū esa, tiqiro buheyequina pehe trigo parorire pehe, ti pjerire sahquē site dijio, ti pjerire ihya cā wahaa wahahye tiquina. ² Tiquina sa yegū ihñāne meheñequinagā fariseo masa tiquinare sinituahye:

—¿Duhse yena mūsa saurū mari sori deco ijiepegūta Cohācjū tiqiro dutierari decore dahrajari mūsa? niahye fariseo masa.

Tiquina sa nigū tuhoro Jesu tiquinare yuhtiahye “Yuhū buheyequina yuhduwucaye niedare”, nino taro:

³⁻⁴ —Davi mānano tiqiro mehna cjēna mehna ujua ahbaro, Cohācjū wuhupū saajā, Cohācjū ye pāre ihyahye. Sa ihyaro tiqiro mehna cjēna gāhure ti pāre ihya dutiro ohoahye. Ti pāre pahia dihita ihyae tiahye. Cohācjū dutiye ti pāre apequinare ihya dutierare. ¿Davi mānano tire tiqiro yerire buherari mūsa? (Ti pāre ihyaro Cohācjūre yuhduwucaro niedahye. Miare ahri pjerire ihyaye yuhū buheyequina gāhū Cohācjūre yuhduwucaye niedare.) ⁵ Yuhū masū Cohācjū ohorigū ahri deco saurū decore masa tiquina yeatire yahugū ijjigū puhto ijjaja, niahye Jesu.

Omoca buhariquiro quiti

(Mt 12.9-14; Mr 3.1-6)

⁶ Ape deco saurū ijjigū Jesu judio masa tiquina buheri wuhupū saajā saro, buheahye masare. Topū omoca poto pehe buhariquiro ijjahye. ⁷ Meheñequinagā judio masare buheyequina, fariseo masa gāhū Jesure yahusā duamahye. “Saurū decore masunore dohatiyere yuhduwoboaga Jesu”, ni, ihñā māna yahusā duamahye tiquina Jesure. ⁸ Jesu tiquina tuhotuyere masino, omoca buhariquirore ohō saha niahye:

—Wahcãduca. Ohõrũ ahtaya, niahye tiquiro.

Tiquiro sa nidi bato omoca buhariquiro pehe wahcãduca, topũ ducuahye. ⁹ Sa yero Jesu tiquinare sinituahye.

—Musare sinitutja: ¿Saurú ijigũ yabere ye dutiajari Cohãcjũ dutiye? ¿Quehnoañene yegũ quehnoaedajari? ¿Ñañene yegũ pehere quehnoaboagari, musa tuhutugũ? Saurú ijigũ masõnore masogũ quehnoarĩne. Saurú ijigũ masõnore wejẽgũ pehere quehnoaedare. Ñarĩne, niahye Jesu tiquinare.

¹⁰ Sa nino Jesu tiquinare ijipihtiyequinare ihñadoqueo, omoca buhariquirore ohõ saha niahye tja:

—Muhũ omocare siõ potoya, niahye tiquiro.

Tiquiro sa nigũta omoca buhariquiro pehe siõ potogũta, omoca quehnoa wahahye. ¹¹ Tiquiro sa yegũ ihñañe tiquina tiquiro mehna tutuaro usuahye.

—¿Dahse yenatari mari ahriquirore? ni-haye tiquina basi.

Jesu tiquiro buheyequinare docere tiquiro ohoatiquinare bese docoahye
(Mt 10.1-4; Mr 3.13-19)

¹² Ti decorire Jesu canũrũ Cohãcjũre sinino mujaa wahahye. Topũ ijiro, ñamine Cohãcjũ mehna yahuducu bohreahye. ¹³ Bohrearopũ tiquiro buheyequinare tiquiro cahapũ pijioahye. Pijio tuhasa, tiquina mehna cjẽnare doce waro tiquiro ohoatiquinare bese docoahye. Sa ye tiquiro cũriquina wame tiahye. ¹⁴⁻¹⁵ Ahriquina ijiahye Jesu tiquiro bese docoriquina: Simo ijiahye. Simore Pedro ni pisuahye Jesu pehe. Simo bahũro Andre, Santiago, Ñu, Felipe, Bartolomé, Mateo, Tomasu, Santiago ijiahye. Santiago pehe Alfeo macãno ijiahye. Sa ye Simo celote ya curua cjũno ijimediquiro, ¹⁶ Juda Santiago bahũro, Juda Iscariote tiquina ijiahye tiquiro bese docoriquina. Juda Iscariote pehe Jesure ihña tuhtiyequinare ihñõatiquiro ijiahye.

Jesu peyequina masare buheahye
(Mt 4.23-25)

¹⁷ Sa ye Jesu tiquiro buheyequina mehna canũ buirũ ijiriquina dijia taye, peyequina arequina tiquiro buheyequina mehna dijia wihidũca, quehnoari paapũ ducuahye tiquina. Ijipihĩropũ Judea yehparũ ijie macari cjẽna, Jerusalẽ cjẽna, Tiro wame tiri maca cjẽna, Sidõ wame tiri maca cjẽna pajiri ma dũhtũ cahapũ ijie macari cjẽna masa peyequina tiquiro cahapũ wihiahye. ¹⁸ Tiquina Jesu buheyere tuhoye tehe, tiquina dohatiyere cohãgũ cahmeahye. Watĩa cõoyequina gũhũ tiquiro cahapũ wihi, quehnoa wahahye. ¹⁹ Jesu tiquiro tutuaye

mehna yuhdũgũ yeahye tiquinare. Sa ye tiquina ijipihĩtiyequina tiquirore dahra tuhuye ahtahye.

Jesu bucueye, bujua witiye gãhũre buheahye
(Mt 5.1-12)

²⁰ Came Jesu tiquiro buheyequinare ihña, yahuahye:

—Musa pejesuona, (musa ñañene bujua witina), Cohãcjũ tiquiro puhtoro ijirõpũ wahanata musa. Sa yena musa bucuenata.

²¹ Yojoõpũre musa ujuã ahbana, yapina ijinata. Sa yena bucuenata.

Yojoõpũ utina ijina, came musa bujũnata. Sa yena musa bucuenata.

²² Yũhũ masũ Cohãcjũ ohorigũ ijiaja. Sa yena yeere yena musa ijiri buhiri arequina musare tiquina ihña tuhtiepegũta bucuena ijire musa. Musare tiquina cohãepẽgũta bucuenata. Musare tiquina ñano yahuducuepegũta “Ñana ijire”, musare tiquina niepegũta musa pehe bucuenata. ²³ Musare tiquina sa yegũ ihñano uhmũserũ musa esagũ pajiro quehnoano yerota Cohãcjũ musare. Sa yena tutuaro bucuena ijiaja. Quehnoano jeripõhna tina ijiaja. Musare ihña tuhtiyequina tiquina acaye panopũ cjẽna sata ñano yeahye Cohãcjũ yere yahu muhtariquina gãhũre.

²⁴ Sa yena musa yojoõpũ peye cõona ahri yehparũ musa quehnoano iji cã tuhasari. Sa yena ñano yuhdũna ijinata musa.

²⁵ Yojoõpũ yapina musa ujuã ahbanata. Musa sa ijirina ñano yuhdũnata.

Yojoõpũre musa bujũrina ijina camepũre utinata. Sa yena ñano yuhdũnata.

²⁶ “Cohãcjũ yere yahu muhtana ijiaja”, ni mehoñequinare “Quehnoañequina ijire”, nimahye peyequina panopũ cjẽna. Sa nimeydiquina tiquina acaye yojoõpũ cjẽna gãhũ sata “Quehnoañequina ijire”, niboaga ihquẽquina musa mehna cjẽnare. Tiquina sa ninõhrina musa ijina ñano yuhdũnata musa gãhũ, ni buheahye Jesu.

Musare ihña tuhtiyequina tiquina ijiepegũta tiquina gãhũre cahña
(Mt 5.38-48; 7.12)

²⁷ Sa yero ohõ saha ni buhe nemoahye Jesu:

—Yũhũre tuho duanare, musareta nigũ niãja. Musare ihña tuhtiyequina tiquina ijiepegũta tiquina gãhũre cahña. Musare ihña tuhtiyequinare quehnoano yeya. ²⁸ Musare “Ñano yuhdũhũro”, niñequina tiquina ijiepegũta quehnoa dutiya tiquinare. Musare ñano yeyequina tiquina ijiepegũta “Tiquina gãhũ quehnoano ijiahũro”, ni sini basaya Cohãcjũre. ²⁹ Ihcãquiro musa wahsupure tiquiro quẽgũ, ape sie gãhũre quẽ dutiya tiquirore. Musã bui cjã suhtĩrore tiquiro ehmagũ musã camisa

gāhure sa oho cāhña tiqirore. ³⁰ Mūsare sinidiqirore tiqiro sinino punota ohoya tiqirore. Mūsa yere tiqiro negū tiqirore sinituera cāhña pari turi tire. ³¹ Apequina mūsare tiqina quehnoano yegū cahmene mūsa. Tiqinare mūsa quehnoano yegū cahmeno saha quehnoano yeya tiqina gāhure. Tiqina quehnoano yerapegūta mūsa pehe tiqinare quehnoano yeya.

³² Mūsare cahñequina dihitarē mūsa cahñgū ti ne dahseati ijierare apequina pehere mūsa cahñedagū. Nāñequina gāhu sata yere. ³³ Sa yena mūsare quehnoano yeyequina dihitarē mūsa quehnoano yegū ti gāhu ne dahseati ijierare apequina pehere mūsa quehnoano yeragū. Tire nāñequina gāhu yere. ³⁴ Sa yero “Yūhare wiaya tire”, mūsa nāñequina dihitarē mūsa wasogū ne ti dahseati ijierare. Nāñequina gāhu apequinare “Yūhare wiaya tire”, tiqina nāñequinare wasore. ³⁵ Sa yena mūsa pehe mūsare ihña tuhtiyequina gāhure cahñña. Sa yena tiqinare quehnoano yeya. Apeqirore wasona “Yūhare ne wiasi ahriqiro”, ni tuhotuena tiqirore wasoya. Cohācjū pehe tiqirore “Quehnoare”, nieñequina gāhure, nāñequina gāhure quehnoano yere. Tiqiro yero saha yeya mūsa gāhu. Mūsa sa yegū Cohācjū tutuaro quehnoano yerota mūsare. Sa yena Cohācjū tutua yūhdariqiro hūmuse cjāno pohna ijinata. ³⁶ Mari Pacu hūmuse cjāno tiqiro paja ihñariro sahata mūsa gāhu masare paja ihñña, ni yahuahye Jesu.

Apequina gāhure “Nāñequina ijire”, niedacāhña

(Mt 7.1-5)

³⁷ Sa yero tiqinare yahu nemoahye:

—Apequinare “Nāñequina ijire”, niedacāhña mūsa. Mūsa sa niedagū Cohācjū mūsa gāhure “Nana ijire”, nisi. Apequina mūsare tiqina ñano yerire tiqina ñano nidi gāhure boya mūsa. Mūsa sa bogū ihñano Cohācjū mūsa gāhure mūsa ñañe yerire borota. ³⁸ Apee borore cūona apequinare ohoya. Mūsa sa ohogū Cohācjū gāhu mūsare ohorota. Sa ohoro quehnoano queoro mūsare pajiro ohorota. Quehnoano wahpa yūhdaro ohorota. Apequinare mūsa ohoriro punota Cohācjū gāhu mūsa gāhure ohorota, niahye Jesu tiqinare.

³⁹ Sa ni tuhasa Jesu quti mehna buhero ohō saha ni yahu nemoahye:

—Caperi bajueyequina sehsharo tiqina basi quehnoano tuā cā masiedare. Sa tuā cāñe, tiqina pūaropu bora maa sajāa wahaeta coperu. (Sata Cohācjū yere masieñequina apequinare buhe masiedare. Sa ye tiqina ijipihtiyequina pecapu wahaeta.) ⁴⁰ Buheyequina tiqinare buheriqirore masi yūhdūcaerare.

Sa ijiepetā ijipihtiyequina buheyequina tiqina quehnoano buhe pehori bato tiqinare buheriqiro yero saha ijietā, niahye Jesu.

⁴¹ Sa ni tuhasa apeye quti mehna yahu nemoahye:

—Mari queoye mehna buhegū ohō saha yena ijire mūsa: Mūsa acayaro tiqiro capeapu meheni pohcarogā tiqirore bora sajāgū ti pohcarogāre quehnoano ihñare mūsa. Mūsa ya capeapu pajiri pñi ijiepegūta ti pñine ne ihñedare mūsa. Meheni pohcarogāre mūsa ihñano saha mūsa acayaro tiqiro ñano yeye pehere quehnoano ihñare mūsa. Mūsa basi mūsa ñañene tutuaro yepinata tire masiedare mūsa pajiri pñine mūsa ihñedaro sahata. ¿Dahse yena sa yeajari mūsa? ⁴² Ohō saha nina yero saha ijire mūsa: “Yūhu acayū, ñañene yegū nine mūhu. Sa yegū tire duhuya”, nina yero saha ijire mūsa. Sa nina ijiepenata pajiro ñañene yere mūsa pehe. ¿Dahse yena mūsa ñañene yepinata tire masiedari mūsa? Masa ihñono dihita quehnoano iji mehona ijire mūsa sa yena. Pajiri pñine mūsa capeapu ijiri pñine mūsa ne muhtaboriro saha mūsa ñano yeye pehere duhu muhtaña. Mūsa sa yeri bato mūsa acayaro tiqiro ñano yeyere duhgū ye masiboaga meheni pohcarogāre mūsa neboriro saha, ni buheahye Jesu.

Masa yahu ducuyere tuhona tiqina ijie tyere masiaja mari

(Mt 7.17-20; 12.34-35)

⁴³ Sa yero queoye mehna buhero ohō saha ni yahu nemoahye tiqinare:

—Quehnoadu yucūgu ñañene dūca tierare. Sa yero ñadu quehnoañene dūca tierare. ⁴⁴ Yucu dūcare masina ture masine mūsa. Potagu higuera pacare dūca tierare. Sa yero pota bucūgu hñse tōhorine dūca tierare. ⁴⁵ Sata ijire masa gāhu. Quehnoariqiro tiqiro tuhotuyepu quehnoañe ijire. Sa yero tiqiro quehnoañene yere quehnoadu quehnoañene dūca tiro saha. Nariqiro tiqiro tuhotuyepure ñañe ijire. Sa yero tiqiro ñañene yere ñadu ñañene dūca tiro saha. Mari tuhotuyepu marine ti ijiro saha yahu ducuaaja mari, ni yahuahye Jesu.

Pna wñhu yeyequina quitire yahuahye Jesu

(Mt 7.24-27)

⁴⁶ Sa yero tiqinare yahu nemoahye:

—Mūsa yūhare “Pūhto”, nine. Sa niepenata yūhu dutiye pehere yerare mūsa. ¿Dahse ijiro boro sa yerajari? ⁴⁷ Ijipihtiyequina yūhare cahmeñequina yūhu yahu yere tuhore. Sa yeye yūhu dutiyere yūhdūcaerare. Ohō sahata ijire yūhare yūhdūcaeyequina: ⁴⁸ Wñhu dahreriqiro yero saha ijire tiqina. Tiqiro ahcūñe copere sehe, wñhure

doco ducare. Ti wahu quehnoano tiqiro yeri wahu ijiro dia minigū tutuaro aco tutuepegāta ti wahu quehnoano tojoare. ⁴⁹ Sa yeye yahu dutiyere tuhōepeta yuhduducayequina pehe wuhare quehnoano yerariqiro yero saha ijire. Ti wuhare buigā doco, quehnoano ye ducare. Tiquiro sa yeri wahu ijiro dia minigū aco tutuagū duita ti wahu cohō bagna wahare. Sa yero ti wahu tutuaro bora quehea wahare, niahye Jesu.

7

Surara puhtoro cahacjanore tiqiro dohatigū Jesu yuhduoahye tiqirore
(Mt 8.5-13)

¹ Ti quitire masare yahu tuhasa Jesu gahu Capernaum esahye. ² Tom ijiriqiro cien surara puhtoro tiqiro cahacjanore tutuaro cahāhye. Tiquiro cahacjano pehe tutuaro dohatiro, yariarom niahye. ³ Sa yero Jesu yeyere tuhoro, judio masa bucanare Jesu cahapu ohoahye puhtoro pehe.

—Dohatiriqirore yuhduogū ahtaya, ni, yahu dutiro bucanare ohoahye puhtoro.

⁴ Tiquina Jesu cahapu esa, ohō saha ni tutuaro mehna yahuahye tiqirore:

—Surara puhtoro usāre ohori. Tiquiro cahacjanore dohatiriqirore yuhdugū cahmedi tiqiro. Tiquiro puhtoro pehe quehnoariqiro ijire. Tiquiro sa ijigū yedohoya tiqirore. ⁵ Mari ya maca cjēnare tiqiro cahine. Sa yero tiqiro usā buheri wuhare tiquina yeri wapare wapa yere, niahye bucana Jesure.

⁶ Tiquina sa ni yahugū tuhoro Jesu pehe tiquina mehna wahahye. Surara puhtoro ya wahu cahagapu tiqiro esagū puhtoro pehe tiqiro mehna cjēnare Jesure ohō saha ni yahu dutiro ohoahye:

—Puhto, quehnoanota. Ahtaeracāhña. Quehnoagu ijieraja yahu. Ya wuhapu mūhare sajā ta dutibogu ijieraja yahu. ⁷ Sa yegu mahu cahapu wahaeraja. Yahu sa ijiepegūta mahu masife mehna yuhdu dutiya mahu tiqirore. Mahu sa yegū yahu cahacjano quehnoanota. ⁸ Yuhare yahu bui ijieyequina apequina puhto dutire. Sa yegu yahu gahu surarare dutiaja. Ihcāqirore “Wahaya”, yahu nigū tiqiro wahare. Apeqirore “Ahtaya”, yahu nigū tiqiro ahtare. Yahu cahacjanore “Ahrire yeya”, yahu nigū tire tiqiro yere. Mahu gahu dutiguta ijire. Sa yero mahu dutiro saha tiqiro dohatiriqiro yuhdurota, ni yahu dutiahye surara puhtoro.

⁹ Tiquiro sa nigū tuho maria waharo, peyequina masa tiqiro mehna ijieyequinare majaredaca sa, yahuahye:

—Masare niita niaja. Tiquiro surara puhtoro Israe masuno ijieriqiro Cohācjäre

tutuaro wacū tutuare. Tiquiro cahacjanore yahu yuhdugū yeatire masi tuhasare. Israe masare ne ahriqiro yero saha ijieyequinare ihñeda tiru yahu, niahye Jesu.

¹⁰ Tiquiro sa nidi bato surara puhtoro Jesu cahapu tiqiro ohoriquina tiquina puhtoro ya wuhapu tojoa wahahye. Tojoa sa dohatiriqiro yuhdariqirore ihñahye tiquina.

Jesu wape wihoro macanore masoahye

¹¹ Came cjūnogā Nai wame tiri macapu Jesu tiqiro buheyequina mehna peyequina masa mehna wahahye. ¹² Ti macare sajāri sopecaha cahapu tiqiro esagū yariariqirore masa ne wijia taye niahye. Yariariqiro pacoro wape wihoro ijiahye. Ihcāqirota ijiriqiro yariahye. Sa ye to cjēna masa peyequina ticoro mehna wahahye. ¹³ Tiquina sa wahagū ihñano Jesu ticorore paja ihñahye.

—Utieracāhña, niahye Jesu ticorore.

¹⁴ Sa nino yariariqiro tiqiro masa putire ña peoahye. Tiquiro sa ña peogū ihñāñe ti putire wuayequina pehe esadacahye.

—Macu, yahu mūhare ohō saha niaja. Wahcā nujuña, niahye Jesu.

¹⁵ Tiquiro sa nidi bato yariariqiro manano wahcā nuju, yahuducuahye. Sa yero Jesu tiqirore tiqiro pacorore wiahye. ¹⁶ Tiquiro sa yegū ihñāñe tiquina ijieyequina cuea wahahye. Sa yeye tiquina Cohācjäre ño peo, ohō saha niahye:

—Cohācjū yere yahu mūhariqiro masi yuhdariqiro yojoru pūritare mari watoa ijire, niahye tiquina.

—Cohācjū marine tiqiro yequinare yedohoro wihi tuhasare, niahye apequina.

¹⁷ Sa yeye ijieyequina Judea yehpa cjēnare ti yehpa duhtu cahapu ijieyequinare Jesu yerire masa yahu site pehoahye.

Ñu wame yeriqiro tiqiro buheyequinare Jesure sinitu dutiahye

(Mt 11.2-19)

¹⁸ Sa ye Jesu yerire ihñāñe Ñure yahuahye tiqiro buheyequina. Sa tiquina yahugū tuhoro puarore tiqiro cahapu pijio, ¹⁹ Jesure sinitu dutiro ohoahye Ñu. Ohō saha ni sinitu dutiahye:

—¿Ñu “Yahu bato apeqiro ahtarota”, tiqiro nidiguta ijajari mahu? ¿Tiquiro nidigu mahu ijieragū apeqirore cohtenatari usā? ni sinitu dutiahye Ñu puaro tiqiro buheyequinare.

²⁰ Sa ye tiquina Jesu cahapu esa, sinitu-ahye tiqirore:

—Ñu wame yeriqiro mūhare sinitu dutiro ohori usāre. ¿Ñu “Yahu bato apeqiro ahtarota”, tiqiro nidiguta ijajari mahu?

¿Tiquiro nidigü mähü ijieragü apeqüirore cohtenatari usä? ni sinituahye tiquina Jesure.

²¹ Ti pjeta peyequina dohatieyequinare, wafia cüoyequinare, caperi bajueyequinare yuhdagü yeahye Jesu. ²² Sa yero Ñu ohoriquire Jesu yuhtiahye:

—Yojoapäre masa ihñare masa tühore Ñure yahuna wahaya: Ohö saha niña: “Caperi bajueyequina ihñare. Tini masieñequina tinine. Cami ahbariquina quehnoa wahare. Tühoreariquina tühoo wahare. Yariariquina masaa wahare. Tiquina ijipihtieyequinare quehnoa wahagü yei yuhü. Sa yegü pejecüoyequinare quehnoañe buheyere yahuaja. ²³ Yuhäre tühoriquire ‘Poto ijire’, nidiquiro tiquiro bucueroquire ijire”, Ñure ni yahuna wahaya, niahye Jesu.

²⁴ Ñu buheyequina tiquina wahari bato Jesu pehe Ñu tiquiro ijieye tiyere yahu ducahye peyequina masare:

—Masa marienopü esana, taare wihnono wëdoqueo mujagü ihñana eserari masa. ²⁵ “Quehnoañe suhti sañariquire ihñana wahañna”, niedari masa masa marienopü wahana. Quehnoañe suhti sañañequina wapa bujuyere cüoyequina puhtoä ye wuhäsepu ijire. Masa marienopü ijierare. ²⁶ Masa marienopü esana Cohäcjö yere yahu mühtariquire ihñana esari masa. Ijirota ijire. Ñu Cohäcjö yere yahu mühtariquire ijire. Apequina Cohäcjö yere yahu mühtariquina yuhduoro ijiriquiro ijire tiquiro pehe. ²⁷ Panopü Cohäcjö yere tiquina ojoari püpu Ñure ohö saha ni yahuahye:

Mari Pacü tiquiro macanore ohö saha niahye: “Mähü pano mahäre yahuyuatiquire ohogutja. Mähü wihiatore quehnoyurota tiquiro”, niahye Cohäcjö, ni ojoahye panopäre Ñure.

²⁸ Mäsare poto niita niaja. Apequina masa ijipihtieyequina bui ijire Ñu. Ahri decoripäre tiquiro sa ijiepegüta Cohäcjö tiquiro puhtoro ijiröpäre ijipihtieyequina docapu ijiriquiro pürta Ñu bui ijire, niahye Jesu masare.

²⁹ Tiquiro sa nigü tühoye ijipihtieyequina masa, wapa ne cohtieyequina mehna Ñu tiquiro wame yenohriquina ijieye ohö saha ni tühotuahye Cohäcjö. “Cohäcjö poto yeriquiro ijire”, ni tühotuahye tiquina. ³⁰ Fariseo masa pehe, judio masare buheyequina gühü Ñu wame yenohriquina iji duerahye. Sa ye tiquinare Cohäcjö yequina tiquiro ye duagü cahmedahye tiquina.

³¹ Sa yero Jesu pari turi yahuahye:

—¿Yojoapäre cjäna masa disequina yero saha ijiajari tiquina, masa tühotugü? ³² Tiquina

macanagä yero saha ijire. Apequina tiquina cahmeno saha yeragü bucuere tiquinagä. Doeri cjä duaropü apepe dujiye, ohö saha ni pisuducure tiquinagä basi: “Masa basatire usä putipemü. ¿Dühsena masa basaerari usä putipegü? Usä tutuaro ñehe quea utipe, sañuducumi. ¿Masa pehe dühsena usä mehna utiperari?” niducueyequina yero sahata ijire yojoapäre cjäna gühü. Yojoapäre cjäna tiquina cahmeno saha usä yeragü ihñañe bucuere tiquina gühü. ³³ Ñu wame yeriquiro Cohäcjöre ño peoro taro siji, vinore sihniedare. Tiquiro sa sihniedagü ihñana, “Watñore cüore. Sa yero tüh masieniquiro ijire”, nimesi masa tiquirore. ³⁴ Yuhü masü Cohäcjö ohorigü ijigü, yuhü ihya sihniaja. Yuhü sa yegü ihñana ohö saha nine masa yuhü pehere. “Ihñaña. Ahriquire pajiro ihyariquire, queheriquiro ijire. Wapa ne cohtieyequina, ñano ye yequina gühü tiquina mehna piti tiriquire ijire tiquiro”, nine masa yuhäre. Sa nina macanagä yero saha yahuducuna ijire masa. Masa cahmeno saha usä yeragü bucuere masa. ³⁵ Sa masiedapenata usä ye ihñore ihñana, Cohäcjö yere usä masigü masinata masa, ni yahuahye Jesu.

Simo wame tiriquire fariseo masüno ya wuhäpu ijiahye Jesu

³⁶ Fariseo masüno tiquiro ya wuhäpu ihya dutiro pijiahye Jesure. Tiquiro sa pijigü Jesu tiquiro ya wuhäpu esa, tiquina ihyari mesa cahapü nuju sahye. ³⁷⁻³⁸ Ti macapäre ñañe yericoro ijiahye. Jesu fariseo masüno ya wuhäpu tiquiro dujigü ticoro tühoohye. Sa tühoro alabastro mehna yeriare ehme sitiye pose tiriare ne cähta, Jesu behero pehepu wihiduca, utiahye. Sa utiro, Jesu dahpocäre ticoro yahco co mehna weo, ticoro poari mehna wüoahye. Tiquiro dahpocäre wüagü ihñano ticoro tiquiro dahpocäre ihmi, ehme sitiye mehna pio peoahye. ³⁹ Ticoro sa yegü ihñano fariseo masüno Jesure pijiriquiro tiquiro basi ohö saha ni tühotumahye: “Ahricoro tiquirore ñehe tühuricoro ñañe yericoro ijire. Ahriquire Jesu Cohäcjö yere yahu mühtariquire ijiro tire masiboaga”, ni, tühotumahye. ⁴⁰ Tiquiro sa ni tühotuyere masino Jesu yahuahye tiquirore:

—Simo, yojoapäre pürtare mahäre yahu duaja, niahye Jesu.

—¿Buhegü, yuhäre dühse ni yahu duajari mähü? niahye Simo.

⁴¹ Tiquiro sa nigü Jesu ohö saha ni queoye mehna buhe yahuahye:

—Pühtorore puaro wapamöñequina ijiahye. Ihcäquire wapamoriquire quinientos niñeru cjoerire wapamöñequina. Apequire pehe cincuenta niñeru cjoerire wapamöñequina. ⁴² Sa ye tire tiquina wapa

ye masiedagā ihñano tiqiro tiquina wapamofene wapa ye dutierahye. ¿Yojorū pūritare diquiro pehe wapamoriqiro tiqiro pūhtorore cahī yahdūrotari? ni sinituahye Jesu.

⁴³ Simo yahtiahye:

—Ōbah, pajiro wapamoriqiro mehenogā wapamoriqiro yahdūoro tiqiro pūhtorore cahīboaga, niahye Simo.

—Poto yahtiri mahū yahure, niahye Jesu.

⁴⁴ Sa ni tuhasa tiqirore pio peoricorore majare ihña, Jesu Simore yahu nemoahye:

—Ahricorore ihñaña mahū. Mahū ya wahūpū yahū sajā wihiri bato yahū dahpocārine coseati acore yahure ohoerari mahū. Ahricoro pehe ticoro yahco co mehna yahū dahpocārine weo, ticoro poari mehna wāori yahure. ⁴⁵ Mahū pehe yahure piti ca ihmiedari. Ahricoro pehe ohōrū yahū dujiro puno yahū dahpocārine ihmidi. ⁴⁶ Mahū pehe yahū dapure ahse mehna pio peorari. Ticoro pehe yahū dahpocārine ehme sitiye mehna pio peori. ⁴⁷ Sa nigū mahūreta yahugata niaja. Ahricoro ticoro ñañe yepe ye yahdūaye ijire. Sa ijieperota ticoro tutuaro cahīne yahure. Sa yegū ticoro ñañene bou. Sa yepe tiquina ñañene mehenogā yahū bonohriquina mehenogā cahīne yahure, niahye Jesu Simore.

⁴⁸ Sa ni tuhasa tiqirore yahuahye: —Yojorū pūritare mahū ñañe yeyere bou, niahye Jesu.

⁴⁹ Tiquiro sa nigū tahoye Jesu mehna dujiyequina tiquina basi ohō saha ni yahuducuahye:

—Ahriquiro potota ñañe yeyere boriquiro ijire. ¿Dahse ijiriquiro boro ijajari ahriquiro ñañene boriquiro? niahye tiquina basi.

⁵⁰ Sa yero Jesu numinore ohō saha ni yahuahye:

—Yahure mahū wacū tutuagū mahure pecarū wahaborigore yahdūoaja. Cuero marieno mahū ya wahūpū tojoa wahaya, niahye Jesu ticorore.

8

Numia Jesure yedohoahye

¹ Came bñjye macaripū, daye macarigāpū gāhure esa, Cohācjū tiqiro pūhtoro ijiyere quehnoañe buheyere yahuahye Jesu. Doce tiqiro buheyequina pehe tiqiro mehna ijiahye. ² Sa ye numia gāhū watīa cūomediquina numia, dohatimediquina numia Jesu quehnoa wahagū tiqiro yeriquina numia tiqiro mehna tiniahye. “María”, tiquina nidicorore “Magdalena”, ni pisue tiahye ticorore. Ticorore siete watīare Jesu cohāhye to pano. Sa yero ticoro gāhū Jesu mehna tiniahye. ³ Chuza wame tiriquiro Herodere

yedohomediquiro namono Juana gāhū Jesu mehna tiniahye. Susana wame tiricoro gāhū apequina numia mehna peyequina tiquina cūoye mehna Jesu gāhure yedohoahye.

Jesu oteriquiro quitire yahuahye

(Mt 13.1-9; Mr 4.1-9)

⁴ Sa ye peye macari cjēna Jesu cahapū cahmecoahye. Tiquina sa cahmecoari bato Jesu tiqiro tahotuye mehna queoye mehna tiquinare yahuahye buhero taro:

⁵ —Oteriquiro otero wahahye. Tiquiro sa otegū apeye pjeri maha dahūta cahapū bora quehe sahye. Sa yepe ti pjerire masa cūhta diho cūahye. Sa ye minicjūa pari pehe ti pjerire ihyahye. ⁶ Sa ye apeye pjeri utā paca watoa bora quehe sahye. Topū yehpāpū aco mariedahye. Sa ye ti pjeri pihni wahcādūca ñaia wahahye. ⁷ Apeye pjeri taa watoa bora quehe sahye. Taa pehe ti oteye mehna pihniahye. Taa pehe dia yahdūa waha, oteyere wejēahye. ⁸ Apeye pjeri quehnoari yehpāpū bora quehe sahye. Quehnoano pihni, dāca tiahye. Sa ye peye dāca tiahye, niahye Jesu.

Sa ni tuhasa ohō saha tutuaro ni nemoahye:

—Ahrire quehnoano tahoya masa, niahye tiqiro.

Jesu queoye mehna tiqiro buherire yahuahye

(Mt 13.10-17; Mr 4.10-12)

⁹ Came tiqiro buheyequina ti queoyere masi duaye, Jesure sinituahye:

—¿Ahrī queoye mehna dahse ni yahugū nijari mahū? ni, sinituahye tiquina.

¹⁰ Tiquina sa nigū Jesu yahtiahye:

—Cohācjū masa pūhtoro tiqiro ijiyere panopū apequina tiquina masiedarire masare masigū yerota Cohācjū. Apequina pehere sa yerare tiqiro. Tiquinare queoye mehnata buheitja. Yahū sa yegū tiquina yahū buheyere tūhoepeta masisi, niahye Jesu tiqiro buheyequinare.

Jesu oteriquiro quitire yahu pehoahye

(Mt 13.18-23; Mr 4.13-20)

¹¹ Sa ni tuhasa tiquinare yahu nemoahye:

—Ohō saha ni yahure ahrī qiti: Oteye pjeri quehnoañe buheyere yero saha ijire. ¹² Sa ye maha dahūta cahapū borari pjeri pehe quehnoañe buheyere yero saha ijire. Sa yero masa quehnoañe buheyere tiquina tahogū ihñano watīno pehe ahta, ti buheyere masi dutierare masare. Minicjūa ti pjerire tiquina dote nediro saha yere. Tiquiro sa yeragū tiquina Cohācjūre wacū tutuaboa. Tiquina sa wacū tutuagū ihñano Cohācjū pehe tiquinare pecarū wahaboriquinare yahdūoaboa. ¹³ Utā pjeri watoa borari pjeri quehnoañe buheyere yero saha ijire. Sa ye masa quehnoañe buheyere tahō, bucuaye

mehna tire taho nene. Sa taho nepeta utā watoa ijyie cju nāhcori mariefe cju yero saha ahriquina masa gāhu tutuerare. Sa tutueraye yeequina tiquina ijiri buhiri apequina tiquinare űano yegū ihñāñe yee pehere duhu cāhre. ¹⁴ Sa ye taa watoa borari pjeri quehnoañe buheye yero saha ijire. Sa ye masa quehnoañe buheyere tahoepeta, ahri yehpa cĵene pajiro bujua witi tūhotu, niñeru pehere cahī, ahri yehpa cĵene bucuere tiquina. Sa yeye ti pehe quehnoañe buheyere cahmotagū, masa pehe quehnoañe pehere yerare. ¹⁵ Sa ye quehnoari yehparū borari pjeri quehnoañe buheye yero saha ijire. Sa yeye masa quehnoañe buheyere tūhoye, quehnoano mehna ti buheyere yūhdūcaerare. Sa ye yucūgū dūca tiro saha quehnoañe buheyere tūhoyequina pehe Cohācĵū tiqiuro cahmeno saha quehnoañene yere, niahye Jesu.

Jesu sihāria quitire buheahye
(Mr 4.21-25)

¹⁶ Sa ni tuhasa apeye queoye mehna buheahye tiqiuro:

—Ne sihāriare dihi sutu docarū cūedare masa. Sa ye tiare cumuno docarū cūedare. Ūhmanorū tiare duhu peore wūhparū sajā tayequina tiquina quehnoano ihñā sajā tato saha. ¹⁷ Ijipihtiye tiquina masiedarire came masa masieta. Sihāria buhriogū mari ihñā masino saha panorū tiquina masiedarire masieta masa.

¹⁸ Sa yena mūsa tūhona quehnoano tūho nūnūñā. Quehnoano tūho nūnūriqiuro, quehnoano masinota. Tūho nūnūediqiuro “Mehenogā tūhoaja”, tiqiuro niepegūta ti pehere boaa waharota, niahye Jesu.

Jesu acaye tiqiurore pijiahye
(Mt 12.46-50; Mr 3.31-35)

¹⁹ Came Jesu bahana tiquina pacoro mehna tiqiuro caharū wahaye nimahye. Masa peyequina ijigū tiqiuro caharū eserahye. ²⁰ Sa yero ihcāqiuro Jesure yahuahye:

—Mūhu paco mūhu bahana mehna sopecaharū ducuri. Mūhare ihñāñe taye niñohti, niahye tiqiuro Jesure.

²¹ Tiqiuro sa nigū Jesu ohō saha ni yahuahye ijipihtiyequinare:

—Cohācĵū buheyere tūhoyequina, tire yūhdūcaeyequina tiquinata yūhu paco yūhu bahana yero saha ijire, niahye Jesu tiquinare.

Jesu wiñnonore yūshū dutiahye
(Mt 8.23-27; Mr 4.35-41)

²² Ape deco Jesu tiqiuro buheyequina mehna yucūsarū sajāhye.

—Isa, pehāhna, ni, tiquina ijipihtiye-quina tia mehna ditararū pehāa wahahye.

²³ Sa pehāno carīa wahahye Jesu. Tiquina sa pehādūcororū tutuaro wiñnono wēahye. Wiñnono wēgū bujūye pahcōri wahcā, tiquinare mio cāmahye. Sa waharo miono cua yūhdūahye tiquinare. ²⁴ Sa wahagū ihñāñe, acūaa waha, Jesu caharū waha, tiqiurore wahcōahye.

—Buhegū, mari yariana tana niajū, niahye tiquina.

Tiquina sa nigū Jesu pehe wahcā, wiñnonore,

—To punota wē duhuya, niahye.

Sa nino pahcōri gūhare,

—Yūsuā wahaya, niahye.

Tiqiuro sa nigūta wiñnono yūhdūa wahahye. Sa ye pahcōri gūhu yūsu dijjāa wahahye. ²⁵ Sa wahari bato Jesu tiquinare ohō saha niahye:

—ĶMūsa yūhare wacū tutuerajari? niahye tiqiuro.

Tiqiuro sa nigū tiquina pehe cue, acūaa waha, tiquina basi ohō saha ni yahuducuahye:

—ĶYohou, dūhse ijiriqiuro boro masūno ijijajari ahriqiuro? Ahri wiñnono, pahcōri gūhu tiqiuro dutigū yūhdūcaerare tiqiurore, niahye tiquina basi.

Watīa cūoriqiurore yūhdūoahye Jesu
(Mt 8.28-34; Mr 5.1-20)

²⁶ Sa ye tiquina ape sie pahrēpū Gerasa cĵēna ya yehparū pehā sahye. Ti yehpa Galilea yehpa potō ijiahye. ²⁷ Topū Jesu tiqiuro maja sadacagū waro to cĵāno watīa cūoriqiuro tiqiuro caharū ahtahye. Tiqiuro yoari pje suhti marieniqiuro ijiro, tiqiuro ya wūhparū ne ijierahye. Sa yero masa coperi utāpū tiquina seheri coperi caharū ijie tiahye tiqiuro. ²⁸⁻²⁹ Sa ye peye tahari watīa tiqiurore űeheahye. Sa yero tiqiuro peresupū ijigū tiqiuro omocarine, dahpocārine come dari mehna dūhteriqiuro ijieperota, ti darire tuā sure mājahye. Sa ye watīa pehe tiqiurore masa marienorū ne cā mājae tiahye. Sa yero tiqiuro Jesure ihñādoqueo, tutuaro sañuducu, Jesu caharū dūsepe curi mehna quehe sahye. Tiqiuro sa yegū ihñāno Jesu pehe tiqiurore dutiahye:

—Ahriqiuro mehna ijieracāhñā. Wahaya watīa, niahye.

Tiqiuro sa nigū tūhoro watīa cūoriqiuro tutuaro sañuducu, sinituahye Jesure:

—ĶJesu, ūhmuse cĵū Cohācĵū macū yabere yei tūu niajari mūhu yūhare? Yūhare űano yeracāhñā, niahye watīa cūoriqiuro.

³⁰ Tiqiuro sa nigū Jesu pehe sinituahye tiqiurore:

—ĶDūhse wame tiajari mūhu? niahye.

Peyequina watīa tiqiuro mehna ijiahye. Sa yero ohō saha niahye tiquinare cūoriqiuro.

—Watia peyequina wame tiaja usā, ni, yuhtiahye watia cuoriqiro.

³¹ —Uhcuaari coperu usāre waha dutier-acāhña, ni, tutuaro siniahhye watia pehe.

³² Ti pjere topu canu dahpotopu yesea peyequina ihyaye niahhye. Tiquina topu ihyagū ihñañe watia ohō saha ni siniahhye Jesure:

—Sisequina yesea cahapu waha duti ya usāre. Tiquina mehna iji duti ya usāre, ni, siniahhye watia.

Tiquina sa nigū tuhoro Jesu tiquinare yesea cahapu waha dutiahhye. ³³ Tiquiro sa waha dutiri bato watia pehe masano mehna ijimediquina waha, yesea cahapu esahhye. Tiquina cahapu tiquina esari bato yesea pehe pari cjaru oma maa buhaa waha, ditarapu bora ñojoa mini yaria pihia wahhye.

³⁴ Yeseare cohteyequina yesea tiquina sa minigū ihñañe, cue, oma cāa wahhye. Sa oma cā macapu esa, ti maca cjēnare, ihquē wuhuse ijiro cjēna gūhure tiquina ihñarire yahu siteahhye. ³⁵ Tiquina sa yahu siteri bato masa ihñañe wahhye. Sa ye Jesu cahapu esa, watia cuomediquirore suhti sañariqiro tuho masiniquiro tiquiro dujigū ihñahhye tiquina. Tiquina ijipihiyere ihñañe, tiquina cue niahhye. ³⁶ Watia cuomediquiro tiquiro quehnoa wahaire ihñañequina apequinare tiquina ihñarire yahuahhye. ³⁷ Ti pjeta Gerasa yehpa cjēna peyequina Jesure tutuaro cueye, tiquirore waha dutiahhye. Tiquina sa waha dutigū Jesu yucasapu saja, waharo taro niahhye. ³⁸ Watia cuomediquiro Jesu wahato pano tutuaro sinimahhye tiquirore:

—Muhū mehna waha duaja, ni sinimahhye.

³⁹ Tiquiro sa nigūta Jesu tiquirore yuhtiahye:

—Muhū ya macapu wahaya. Sa wahagu Cohācjū mūhure tiquiro yerire yahuya apequinare, niahhye Jesu.

Tiquiro sa nidi bato waha, tiquiro ya macapu esaro, masano pehe Jesu tiquirore yerire ijipihiyequina tiquiro ya maca cjēnare yahuahhye.

Jairo maconore yuhduoro, dii mana wihoro dohatiducuricoro gūhure yuhduoahhye Jesu

(Mt 9.18-26; Mr 5.21-43)

⁴⁰ Ape sie pahrēru Jesu pari turi tiquiro pehā sagū ihñañe masa peyequina tiquirore cohte, bucueye mehna piti cahye tiquirore. ⁴¹⁻⁴² Topu judio masa buheri wahu cohteriquiro Jairo wame tiriqiro Jesu cahapu esa, tiquiro dahpocari cahapu dusepe curi mehna quehe sahye tiquirore ño peoro. Tiquiro macono yariaro niahhye. Ticoro ihcācorota ijiricoro doce cahmari cuoricoro

ijiahhye. Sa yero tiquiro ya wuhuru Jesure piji cahye. “Au”, ni, tiquiro mehna wahahhye Jesu gāhu.

Mahapu tiquina sa wahagū pe yuhduayequina masa ijiye, wahpa yuhduahhye. ⁴³ Sa yero apecoro numino doce cahmari waro dii mana dohatiducuricoro topu ijiahhye. To pano duturuare ijipihiyere ticoro ye niñeru mehna wapa yemahhye ticoro aco ye dutiro. Tiquina sa aco yepegāta mananota ijiducu cahye ticoro. ⁴⁴ Sa yero ticoro Jesu behero peheru ahta, tiquiro suhtiro sohtoare ticoro ñehe tuhugāta ticoro dohatiyere pihia wahhye. ⁴⁵ Ticoro sa ñehe tuhugū tahoturo Jesu sinituahhye.

—¿Noa yuhū suhtirore ñehe tuhuajari? niahhye tiquiro.

Ijipihiyequina “Ñehe tuhuera”, niahhye. Sa ye Pedro gāhu ohō saha niahhye:

—Buhegu, bihsarīne. Sa yeye masa peyequina mūhure ñehe tuhure. ¿Duhsegu sa ni sinituajari mūhu? niahhye tiquina Jesure.

⁴⁶ Tiquina sa nigū Jesu yuhtiahye:

—Mianogāta yuhū yuhduagū yei ihcācorore. Sa yegu yuhure ticoro ñehe tuhugū masiaja, niahhye tiquiro.

⁴⁷ Tiquiro sa nigū tuhoro ticoro duhti masiedaro, nanarericoro Jesu cahapu dusepe curi mehna quehe sahye tiquirore ño peoro. Sa ye ijipihiyequina masa tiquina tuhoro topu ticoro dohatiyere, Jesure ticoro ñehe tuhurire, ticoro quehnoa wahaire yahuahhye ticoro. ⁴⁸ Ticoro yahu tuhasagū Jesu ticorore yahuahhye:

—Maco, yuhure mūhu wacū tutuaye mehna quehnoago tojoare yojorure. Bucueye mehna wahaya, niahhye ticorore.

⁴⁹ Tiquiro sa nini watoa Jairo ya wuhuru ijiriquiro yahuro wihiahye:

—Muhū macogā yariaa wahari. Sa yegu buheriquirore piji cāhtaeracāhña, niahhye tiquiro.

⁵⁰ Tiquiro sa nigū tuhoro, Jairore ohō saha ni yahuahhye Jesu:

—Buja witi tahotueraacāhña. Yuhure wacū tutuaya. Ti dihitaro yeya. Muhū sa yegū ticorogā masaa wahaota, niahhye Jesu.

⁵¹ Sa ni tuhasa tiquiro ya wuhuru esa, Pedro, Ñu, Santiago, dohatiricoro pacusumna topequinata ne sajahhye. Apequina pehere Jesu saja dutierahhye. ⁵² Topu ijipihiyequina masa tiquina ñehe quea utiri watoa saja sahye Jesu.

—Utieracāhña. Ticorogā yarierare. Carīno nine, niahhye tiquiro.

⁵³ Tiquiro sa nigū tuhoye tiquina pehe ticoro yariaricoro ijigū masiñe, Jesure bujahhye. “Sa ni maca cāno nine”, ni bujahhye. ⁵⁴ Sa yero Jesu ticorogā omocare ñehe, pisuahhye:

—Mehenicorogã wahcãña, niahye.

⁵⁵ Tiquiro sa nigãta yariaricoro masaa waha, wahcãduca sahye ticorogã. Ticoro wahcãducari bato Jesu ticorore ihyayere oho dutiahye. ⁵⁶ Ticoro sa masagũ ihñañe ticoro pacusũma ihña maria wahahye. Sa yero Jesu tire apeqũnare yahu dutierahye.

9

Jesu doce tiquiro buheyequinare buhe dutiro ohoahye

(Mt 10.5-15; Mr 6.7-13)

¹ Sa ye Jesu docere tiquiro buheyequinare pijio, tiquiro tutuayere ohoahye tiquinare. Watiare tiquina cohãtire, dohatieyquinare yãhdugã yeati gãhure tiquiro tutuayere ohoahye tiquinare. ² Sa ye tuhasa tiquinare Cohãcjũ tiquiro puhtoro ijyere buhe dutiro, dohatieyquinare yãhdũo dutiro ohoahye tiquinare. ³ Ohõ saha ni dutiahye Jesu tiquinare:

—Musa wahana apee borore nedacãhña. Tua dũre, ajurore, ihyayere, niñerure nedacãhña. Musa sañano dihitare saña cãhña. Apeye suhtire nedacãhña. ⁴ Ijipihtiyẽ macaripũ musare tiquina carĩno ohogũ ti wãhpũta ijiniña. Coã wahanapũ wijiaya ti wãhure. ⁵ Apeye macari cjẽna musare tiquina cahmedagũ ihñana ti macarine yãhdũ cãa wahaya. Sa wahana musa dahpocãri cjẽ dihta esa wahãrre wejẽ site cũña musa tiquinare tiquina ye buhirire masigũ yena, niahye Jesu.

⁶ Tiquiro sa nidi bato tiquiro buheyequina pehe waha, ijipihtiyẽ macaripũ quehnoañe buheyere yahu tiniyahye. Sa ye dohatieyquinare yãhdũo tiahye.

Jesu tiquiro yerire Herode tãhoahye

(Mt 14.1-12; Mr 6.14-29)

⁷ Sa ye Herode Galilea yehpa cjẽna puhtoro Jesu yerire tãhoahye. “¿Noa boro ijijari tiquiro Jesu?” nieperota ne masiedahye. Ihquẽquina ohõ saha nimahye Jesure. “Ñu wame yeriquiro mũnano masa mũjahye. Sa yero ‘Jesu’, tiquina nidiquiro tiquirota ijire”, nimahye ihquẽquina. Tiquina sa nigũ tãhoro Herode Jesure dahse ni masiedahye. ⁸ Sa ye apeqũna “Tiquiro Elia mũnano yojopũ bajuaro nine”, nimahye. Apeqũna pehe “Cohãcjũ yere yahu mũhtariquina panopũ cjẽna mehna cjãno yojopũ masa bajuaro nine”, nimahye Jesure. ⁹ Tiquina sa ni yahuducuepegũta ohõ saha ni tãhotuahye Herode: “Ñu dapure date sure duti tuhasaa yãhũ. ¿Yojopure ijiriquiro masa tiquina yahuriquiro noa boro ijiboagari tiquiro pehe?” ni, tãhoturo tiquiro Jesure ihña duamahye.

Jesu cinco mil masare ihyayere ohoahye
(Mt 14.13-21; Mr 6.30-44; Jn 6.1-14)

¹⁰ Sa ye Jesu tiquiro ohoriquina tiquiro cahapũ tojoa sa, tiquina yerire yahuahye Jesure. Tiquina yahu tuhasagũ Jesu tiquina dihitare Betsaida wame tiri macapũ siho wahahye. ¹¹ Tiquina waharire masiñe, masa peyequina tiquinare nãnu tã cãa wahahye. Jesure tiquina amũ sagũ ihñano piti cahye Jesu tiquinare. Sa yero tiquiro Cohãcjũ puhtoro ijyere tiquinare yahu, dohatieyquinare yãhdugã yeahye.

¹² Nãmihapũ doce tiquiro buheyequina tiquiro cahapũ esa, Jesure yahuahye:

—Ohõ masa marienopũ ijire. Ohõ majano cjẽ wãhũsepũ ahriquina masare ohoya. Carãto, tiquina ihyati gãhure maca dutiya tiquinare, niahye tiquina Jesure.

¹³⁻¹⁴ Tiquina sa nigũ Jesu yãhtiahye tiquinare:

—Sa niedacãhña. Ihyayere ohoya tiquinare, niahye.

Tiquiro sa nigũ tãhoye tiquina yãhtiahye:

—Ihcã omope paca pã paca, pũaro wahi to punota cãoaja mari. ¿Ahriquina peyequina masa tiquina ihyatire dũboagari usã? niahye tiquiro buheyequina.

Peyequina masa tiquina ijigã ihñañe sa niahye tiquiro buheyequina. Topãre cinco mil amũa ijiahye. Sa yero Jesu yahuahye tiquiro buheyequinare:

—Cincuenta masare ihcã curua duji dutiya. Apeye cururi gãhure topequinata duji dutiya, niahye Jesu tiquiro buheyequinare.

¹⁵ Tiquiro sa nigũ buheyequina tiquiro dutiro sahatã ye, ijipihtiyẽquina masare duji dutiahye. ¹⁶ Duji duti tuhasa Jesu ihcã omope paca pã pacare pũaro wahire ne, mũmãanopũ ihña mũoahye. Sa ihña mũono Cohãcjũre “Quehnoare”, niahye. Tiquiro sa nidi bato pã pacare nuha, tiquiro buheyequinare masare iti dutiro ohoahye. ¹⁷ Sa ye tiquina ijipihtiyẽquina masa ihyã, yapi yãhdũa wahahye. Tiquina yapi wehorire doce pũhuse ne cahmecoã wahpo dapoahye tiquiro buheyequina.

Jesu potota Cristo tiquiro ijyere Cohãcjũ ohoriquiro tiquiro ijyere yahuahye Pedro
(Mt 16.13-19; Mr 8.27-29)

¹⁸ Ihcã deco Jesu ihcãquirota ijiro, Cohãcjũre sinino niahye. Tiquiro sinini watoã tiquiro buheyequina tiquiro cahapũ esahye. Sa yero Jesu sinituahye tiquinare:

—¿Noa boro ijiaagari yãhũ, masa yãhure tiquina tãhotugã? ni sinituahye.

Tiquiro sa sinitugã tãhoye tiquiro buheyequina yãhtiahye:

¹⁹ —“Ñu wame yeriquiro ijire”, nine mũhure. Apeqũna “Elia ijire”, nine. Apeqũna “Cohãcjũ yere yahu mũhtariquina mehna cjãno panopũ cjãno masa bajuaro

nine vojopare”, nine, ni yuhtiahye tiquiro buheyequina pehe tiquirore.

²⁰ Tiquina sa nidi bato Jesu tiquinare sini-tuahye tja:

—¿Musa pehe masa tuhohugā, noa boro ijiagari yahu? ni, sinituahye tja.

—Mahu Cristo Cohācjū ohorigu ijire, ni yuhtiahye Pedro.

Jesu tiquiro yaria masa wijiatire yahuahye

(Mt 16.20-28; Mr 8.30-9.1)

²¹ Sa ye Pedro “Cristo ijire mahu”, tiquiro nidire apequinare Jesu yahu site dutierahye tiquiro buheyequinare. ²² Sa ni yahu site dutiera tuhasa ohō saha ni nemoahye:

—Yuhu masu Cohācjū ohorigu tutuaro ñano yuhdata. Sata yuhdaro cahmene yuhure. Sa ye mari judio masare buheyequina, bucana, pahia puhtoah mehna yuhure cahmeda, yuhure wejēeta. Tiquina wejēdi bato ihtia deco wahaboro masa wijiatigatja, niahye Jesu tiquinare.

²³ Came ijipihituequinare ohō saha ni yahuahye Jesu:

—Ihcāquiro yaquiro iji duaro, tiquiro cahmeno ye duamedire duhu cānota. Sa yero yaquiro tiquiro ijiri buhiri ñano yuhduperota yuhure duhusi. Sa yero yeere yeducuriquiro ijirota. ²⁴ Masano yuhure wacūno marieno tiquiro esa tuharo tiquiro cahmeno saha yero, pecaru waharota. Sa yero yeere sa yeducuriquiro ijipihitue decori yuhu mehna ummusepu ijiducurota. ²⁵ ¿Ihcāquiro masano ahri yehpa cjeñe ijipihituyere cuoriquiro Cohācjūre cahmedaro pecaru waharo, yabere wapatajari tiquiro? Sa ijiriquiro ne wapataerare. ²⁶ Ihuēquina yuhure, yuhu buheye gāhure bue tisāboaga. Tiquina sa yegū ihñagu yuhu gūhu yuhure sa yevequinare bue tisāgūta. Yuhu masu Cohācjū ohorigu quehnoañequina angele mehna usā asi siteropu, yuhu Pacu tiquiro asi siteropu tojoa tagu tiquinare bue tisāgūta. ²⁷ Poto niita niaja masare. Yojopare ihquēquina masa ohōpore ijieyequina masa yariato pano Cohācjū ijipihituequina bui puhtoro tiquiro iji ducagū ihñanata masa, niahye Jesu tiquinare.

Jesu tiquiro pagure comesahye

(Mt 17.1-8; Mr 9.2-8)

²⁸ Sa ye ocho decori tire tiquiro yahuri bato Jesu Pedrora, Ñure, Santiagore tiquina dihitare pijiahye. Sa ye waha, Cohācjūre siniñe waha, canaru mujaa wahahye tiquina. ²⁹ Cohācjūre tiquiro sinini watoa Jesu ya wuhdoa comesahye. Sa yero tiquiro suhtiro asi siteri suhtiro quehnoano yehseri suhtiro wahahye. ³⁰ Tiquiro sa wahari watoa puaro mma tiquiro mehna yahuducuyeh niahye. Yahuducuyequina pehe Elia manano, Moise manano gūhu

ijiahye. ³¹ Tiquina ummase cjē asi siteye mehna bajuahye. Jesu camegāta Jerusalēpu tiquiro yariatire tiquina Jesu mehna yahuducuyeh niahye. ³² Pedro gāhure wājua puri yuhduahye. Sa carīepeta acua, wahcā wihi, Jesu tiquiro asi siteyere ihñañe, puaro tiquiro mehna ducuyequina gāhure ihñahye. ³³ Moise manano gūhu tiquina wahato panogā Pedro Jesure ohō saha nimahye:

—Puhto, mari ohōre ijigū quehnoa duare. Ihtia wuhugā yematja. Mahu ya wuhugā, Moise ya wuhugā, Elia ya wuhugā yematja, nimahye Pedro.

Sa nieperota tiquiro nidire ne masiedahye. ³⁴ Tiquiro sa ni yahuducuri watoa tiquinare ehmeo curua cahmotahye. Sa cahmotagū ihñañe tiquina cuea wahahye. ³⁵ Sa yero ehmeo puhiaru yahuducuyeh bisiro ca tahye:

—Ahriquiro yuhu macu, yuhu beseriquiro ijire. Quehnoano tuhoya tiquirore, nino ca tahye ehmeo curua puhiarare.

³⁶ Tiquiro sa nidi bato Jesu dihitare ihñahye tiquina. Came tiquina ihñarire apequinare yahuerahye. Ne ihcāquirore yahuerahye.

Jesu watino cuoriquirogāre yuhduahye

(Mt 17.14-21; Mr 9.14-29)

³⁷ Ape deco tiquina canaru tiquina dijia tagū peyequina masa Jesure piti cahye. ³⁸ Sa yero tiquina mehna cjāno Jesure pisaahye:

—Buhegu, mūhure tutuaro ahrire sini duaja yuhu. Yuhu macu ihcāquirota ijire. Sa yegu tiquirore ihñā basaya mahu. ³⁹ Watino tiquirore ñehe, sañuducu tunu nanaregū ye, sahpo tua wahagū yee tire. Sa yero watino yuhu macure ñano yuhdugū ye, ne duhu duerare. ⁴⁰ Mūhu buheyequinare watinore cohā dutigu tutuaro sinimi. Yuhu sa siniepegūta tiquina tiquirore cohā masiedari, niahye tiquiro Jesure.

⁴¹ Tiquiro sa nigū Jesu pehe ohō saha niahye tiquiro buheyequinare:

—Yojopu cjeña masa ñana ijire. ¿Yuhure ne wacū tutuerabutiajari? Yoabutiari pje masare buhemi yuhu. ¿Noho puno yoari pje yuhure masa cariboboagari? ni tuhtiahye Jesu.

Sa ni tuhasa watia cuoriquiro pacarore ohō saha niahye:

—Mūhu macure ne cāhtaya, niahye.

⁴² Tiquiro sa nidi bato tiquiro macano Jesu caharu tiquiro ahtari watoa watino pehe tiquirore yehparu doque quehe sa, tunu nanaregū yeahye. Tiquiro sa yegū Jesu watinore waha dutiahye. Tiquiro sa dutigū watinore cuoriquirogā yuhduah wahahye. Sa yero Jesu pehe tiquirogāre wiahye tiquiro pacarore. ⁴³ Ijipihituequina masa Cohācjū

tutuaye mehna tiqiro quehnoa wahagū ihñañe, ihña maria wahahye.

*Pari turi Jesu tiqiro yaria masa wiji-
atire yahuahye*

(Mt 17.22-23; Mr 9.30-32)

Masa Jesu tiqiro yerire tiquina ihña, ihña maria wahagū Jesu pehe tiqiro buheyequinare ohō saha ni yahuahye:

⁴⁴ —Mianogāta yuhū yahuatire boeracāhña mūsa. Yuhūre Cohācjū tiqiro ohorigare apeqiro yuhūre ñehe dutiro ohorota masare, niahye Jesu.

⁴⁵ Tiqiro sa niepegāta tiquina pehe tiqiro yahuyere quehnoano tuhōerahye. Tiqiro yahurire tiquinare masino basioerahye. Ti pjeta Cohācjū tiquinare tire tuhō dutiero niahye. Sa ye tiquina cueye, tire tiqirore sinituerahye.

*Jesu buheyequina tiquina mehna cjānore
pūhto sō duamahye*

(Mt 18.1-5; Mr 9.33-37)

⁴⁶ Came Jesu buheyequina cahme sehña soye niahye:

—¿Mari mehna cjāno diqiro pehe pūhtoro sajānotari? niñe niahye tiquina basi.

⁴⁷ Tiquina sa nigū Jesu pehe tiquina tuhōtuyere masino, nijinogāre tiqiro caharū ducu duti, tiqiro buheyequinare yahuahye:

⁴⁸ —Yeere yena tana ahriquiogāre cahmena, yuhū gūhūre cahmene mūsa. Sa yena yuhūre cahmena, yuhūre ohoriquo gūhūre cahmene mūsa. Mūsa mehna cjāno mūsa cahacjāno ijiro tiqiro gūhū pūhtoro ijirota, niahye Jesu.

*Marine ihña tuhtiriquiro ijieraro, mari
mehna cjāno ijire*

(Mr 9.38-40)

⁴⁹ Came Ņu Jesure ohō saha ni yahuahye:

—Buhegū, mūhū wame mehna watāre cohāriquiore usā ihñau. Mari mehna cjāno tiqiro ijieragū ihñana tire tiqirore ye dutierū usā, niahye Ņu Jesure.

⁵⁰ Tiqiro sa nigū Jesu Ņure apequina buheyequina gūhūre ohō saha ni yahuahye:

—Sa niedacāhña mūsa tiqirore. Marine ihña tuhtiriquiro ijieraro, tiqiro mari mehna cjāno ijire, niahye Jesu tiqiro buheyequinare.

Jesu Santiagore, Ņu gūhūre tuhtiahye

⁵¹ Ti pjere Jesu ahmūseperū tiqiro wahato panogā, “Jerusalēperū wahātja”, niahye tiqiro. Sa nino topū waharo niahye. ⁵² Sa ye Jesu tiqiro pano ohoriquina waha, Samaria yehpa cjā macarū esa, topū Jesu tiqiro ijiatire quehno duamahye. ⁵³ Jesu Jerusalēperū waharo taro niahye. Topū wahatiqiro tiqiro ijigū tuhoye, to cjēna

tiqirore cahmedahye. ⁵⁴ Tire tuhoye Santiago, Ņu mehna yahuahye Jesure:

—Pūhto, mūhū cahmegū ahmūse cjā peca mehna tiquinare wejē dutinata, nimahye tiquina tiqirore.

⁵⁵ Tiquina sa nigū Jesu majare ihña, tuhtiahye tiquina pūarore.

⁵⁶ Sa tuhti tuhasa, ape macarū Jesu gūhū wahaa wahahye.

Apequina Jesu mehna wahamahye

(Mt 8.19-22)

⁵⁷ Ti maharū tiquina wahagū, ihcāqiro Jesure yahuahye:

—Mūhū mehna waha duaja noho mūhū waharopū, niahye tiqiro.

⁵⁸ Tiqiro sa ni tuhasagū Jesu yūhtiahye:

—Ihquēquina nūcu cjēna wahiquina tiquina coperi cūore. Minicjūa gūhū tiquina suhti cūore. Yuhū masū Cohācjū ohorigū pehe yuhū carīni wūhū cūoeraja, niahye Jesu.

⁵⁹ Came apeqirore Jesu pijiahye:

—Yuhū mehna cjā ijiajū ahtaya, niahye.

Tiqiro sa nigū yūhtiahye Jesure:

—Pūhto, yuhū pacū tiqiro yariagū yarigūta. Sa ya tuhasagū pūrita mūhū mehna wahagūta, niahye tiqiro.

⁶⁰ Tiqiro sa nigū Jesu yahuahye:

—Yuhūre cahmeeñequina yariariquina yero saha ijire. Tiquina pehe yariariquinare yaahro. Sa yegū mūhū pehe Cohācjū tiqiro pūhtoro ijiyere quehnoañe buheyere buhegū ahtaya, niahye Jesu tiqirore.

⁶¹ Sa yero apeqiro Jesure ohō saha niahye:

—Pūhto, mūhū mehna wahātja. Mūhū mehna yuhū wahato pano yuhū acayere cohe tiniī wahātja, niahye tiqiro Jesure.

⁶² Tiqiro sa nigū Jesu yahuahye tiqirore:

—Dahrariqiro dahra dueraro tiqiro dūhseatiqiro ijierare. Tiqiro yero sahata ijiriquiro ohō saha ijire: “Cohācjū yere ye duaja”, nieperota tire yerare. Tiqiro Cohācjū yaqiro ijiboriqiro ijierare, niahye Jesu.

10

*Jesu setenta y dos buheyequinare buhe
duti rohoahye*

¹ Came Jesu apequina buheyequinare setenta y dos buheyequinare bese, macaripū tiqiro wahato pano ohoyuahye. Ti macarine pūeyequina dihita ohoyuahye tiqiro. ² Sa ohoyuro ohō saha ni yahuahye tiquinare queoye mehna buhero:

—Trigo peye ti būcua tuhasagū peye ijigū dahraye pajiro ijire. Sa ijiepegāta dahrayequina pehe meheñequinagā ijire. Sata quehnoañe buheyere tuhōatiquina

peyequina ijigū pajiro ijire mari dahraye. Sa ijiepegāta meheñequinagā dahrari masa yero sahata quehnoañe buheyere buheatiquina gūhu meheñequinagā ijire. Sa yena quehnoañe buheyere buheatiquinare apequinare tiqiuro ohoatire siniña Cohācjüre masa. ³ Wahaya masa. Musare yūhu ohogū masa oveja pohne yayia watoa tiquina ijiro sahata masa gūhu ñañequina usuayequina watoa ijinata. ⁴ Niñeru ajurore, paji cjūri ajuro gūhare, dahpo suhtire nedacāhña. Musa mahapū tinina apequinare boca sa yahuducueracāhña. Poto wahaya. ⁵ Ijipiitiye masa sajāñe wuhusepū sajāna, “Ahri wūhu cjēna quehnoano ijiahro”, ni muhtaña. ⁶ Ti wūhu cjēna quehnoano mehna ijieyequina cahmequeno marieñequina tiquina ijigū, tire niña tiquinare. Quehnoano mehna tiquina ijieragū ihñana ti wūhu cjēnare sa nedacāhña. ⁷ Ihcā wuhupū sajā saducana tiquina quehnoañequina ijigū ti wuhupūta tojoaya. Topū tiquina duhu peorire ihya, sihniña. Dahrayequinare tiquina wapatayere neno cahmene. Sa yena tiquina wapatayere tiquina neno sahata tiquina duhu peorire neña masa gūhu. Sa yena ihcā wuhupūta masa esari wuhupūta ijina, ti maca cjē wuhusepū carī tiniedacāhña. ⁸ Macapure masa esana to cjēna pehe musare tiquina cahmeñequina ijigū ti ihyayere tiquina duhu peorire ihyaya. ⁹ To cjēna dohatiyequinare yuhduoya. Sa yena ohō saha niña to cjēnare: “Cohācjū yojopure mari puhtoro tiqiuro ijia ti mehenogā dahsare”, niña tiquinare. ¹⁰ Ape macapū masa esagū tiquina pehe musare cahmedaboaga. Tiquina cahmedagū ihñana ti maca decopū waha, ohō saha niña tiquinare. ¹¹ “Ahri maca cjē dihtare dahpocāri cjē dihtare wejē site cohāna niaja usāre masa cahmedari buhiri ihñona. Sa yena ahrire wacūña. Cohācjū mari puhtoro yojopure tiqiuro ijia ti mehenogā dahsare”, niña tiquinare. ¹² Musare poto niita niaja. Sodoma cjēna ña yuhduayequina ijiahye. Tiquina sa ijiepegūta pihtiatu deco ijigū Cohācjū tiqiuro buhiri dahreati deco ijigū Sodoma cjēna yuhduoro musare cahmeñequina pehere buhiri dahrerota, niahye Jesu.

Apeye macari cjēna Cohācjüre yuhduacayequina ijire
(Mt 11.20-24)

¹³ Came Jesu ohō saha niahye macari cjēnare:

—Corazín cjāna, masa ñano yuhdunata. Betsaida cjāna, masa gūhu ñano yuhdunata. Musa ye macaripure Cohācjū tutuaye mehna ye ihñomi. Tiro wame tiri macare, Sidō wame tiri maca gūhare tiqiuro

tutuaye mehna yūhu ye ihñogū ihñañe panopū to cjēna pehe tiquina ñañene bujua witiboaga. Sa ye quehnoañene comesaboaga. Duita tiquina masa dija suhtire saña, tiquina basi peca cjē nujuare tiquina bui dahra site peoboaga tiquina ñañene bujua witiyere ihñofne. ¹⁴ Cohācjū tiqiuro buhiri dahreati deco ijigū Tiro cjēna, Sidō cjēna yuhduoro masa pehere masa ñari buhiri musare tutuaro buhiri dahrerota tiqiuro. ¹⁵ Capernau cjāna, masa esa tuharo uhmusepū waha duamene. Musa sa waha duepegūta masa ñari buhiri musare Cohācjū pecapū cohānota, niahye Jesu.

¹⁶ Sa ni tuhasa Jesu tiqiuro buheyequinare yahuahye:

—Musare tuhoyequina yūhu gūhare tuhore. Musare cahmeñequina, yūhu gūhare cahmedare. Sa yeye yūhare cahmeñequina, tiquina yūhare ohoriqiuro gūhare cahmedare, niahye Jesu tiquinare.

Setenta y dos buheyequina tojoa wihi-ahye

¹⁷ Came setenta y dos buheyequina bucu-eyeye mehna tojoa wihiyahye:

—Puhto, muhu wame mehna muhu tutuaye mehna wafare usā dutigū tiquina pehe usāre yuhducaerare, niahye tiquina Jesure.

¹⁸ Tiquina sa nigū Jesu yuhtiahye tiquinare:

—Uhmusepū mia sitedoque dijioro sahata, watino tiqiuro bora dija tagū ihñau. ¹⁹ Quehnoano tuhoya. Musare yūhu tutuayere ohou yūhu. Sa yegū añaa parire, cutipa parire, watinore marine ihñā tuhtiriquiore masa yuhduacatire ohou yūhu. Sa ye tiquina musare ñano ye masiedare. ²⁰ Yūhu sa ohoepegūta watia musare tiquina yuhducaeragū ihñana ti dihtare bucieracāhña. Ahri pehere bucueya. Uhmusepū Cohācjū yequina tiquina wamene tiqiuro ojoa ohōri tjupū masa wamene tiqiuro ojoa ohōgū ihñana, ti pehere bucueya masa, niahye Jesu tiquinare.

Jesu bucuahye

(Mt 11.25-27; 13.16-17)

²¹ Ti pjere Espiritu Santo Jesure tutuaro bucuegū yeahye. Sa yero Jesu ohō saha niahye:

—Mai, muhu uhmusepū gūhare yehpū gūhare puhto ijire. Masi yuhduacayequinare muhu yahuerarire ihyo ijieyequina pehere yahuri muhu. Muhu sa yegū ihñagu “Quehnoa yuhduare”, niaja. Sata ijire mai. Muhu ye duariro sahata, muhu cahmediro sahata tiquinare muhu yere yahuri muhu, niahye Jesu.

Sa ni tuhasa apequinare ohō saha niahye:

²² —Yuhũ Pacũ ijipihtiyere yuhũre ohori. Yuhũ Pacũ dihita yuhũre masine. Yuhũ gũhũ tiqũirore masiaja. Yuhũ beseriquina gũhũ tiqũirore masine, yuhũ masi dutiyequina ijiye. Topequinata yuhũ Pacũre masiaja usã, niahye Jesu.

²³ Tiquiro sa nidi bato tiquina sehsaro ijigũ Jesu tiquiro buheyequinare ohõ saha niahye:

—Ahri ijipihtiyere mũa ihũana bucuena ijire. ²⁴ Ijirota ijire. Peyequina Cohãcjũ yere yahu mahtariquina, ihquẽ yehpari cjẽna pũtoa gũhũ yojopũ mũa ihũarire ihũna duamahye tiquina gũhũ. Sa ye mũa tũhori gũhũre tũho duamahye, niahye Jesu.

Quehnoariquiro Samaria cjãno quitire yahuahye Jesu

²⁵ Ti pjeta judio masare buheriquiro Jesu cahapũ wihi, Jesure tiquiro ñano yahuducugũ ye duamahye:

—¿Buhegũ, yuhũ ijipihtiyere decori Cohãcjũ mehna iji duagũ dũhse yeboagari yuhũ? ni, sinituahye tiquiro Jesure.

²⁶ Tiquiro sa nigũ Jesu yũhtiahye tiqũirore:

—¿Dũhse ni yahuajari Cohãcjũ yere tiquina ojoari pũpũ? ¿Cohãcjũ tiquiro ni ojoarire dũhse ni tũhotuajari mũhũ? niahye Jesu tiquirore.

²⁷ Jesu sa nigũ tiquiro yũhtiahye:

—Ohõ saha niahye Cohãcjũ: “Tutuario mũa jeripohnari mehna, quehnoano mũa tutuaye mehna, mũa wacũne mehna Cohãcjũre cahũña. Sa ye mũhũ basi mũhũ cahũno saha mũhũ cahapũ ijiyequina gũhũre cahũña”, niahye tiquiro Jesure.

²⁸ Tiquiro sa nigũ Jesu yũhtiahye:

—Potota nine mũhũ. Tire yeya. Sa yegũ ijipihtiyere decori Cohãcjũ mehna ijigũta mũhũ, niahye tiquirore.

²⁹ “Ahriquiro Cohãcjũ dutiyere ye pehoriquiro ijire”, masa tiqũirore tiquina ni ihũagũ cahmeahye judio masare buheriquiro. Sa cahmeno tiquiro Jesure ohõ saha ni sinituahye:

—¿Noa boro ijiboagari yuhũre mũhũ cahĩ dutiriquiro? niahye tiquiro.

³⁰ Tiquiro sa nigũ Jesu ohõ saha ni queoye mehna piti dahre buheahye:

—Ihcã deco Jerusalẽpũ ahtariquiro Jericópũ wahariquirore mahapũ tiquiro tinigũ yaqueyequina tiquirore ñeheahye. Sa ñeheñe, tiquiro suhtĩrore tu we ne, tiqũirore tutuario quẽahye. Sa tutuario quẽ, tiquiro yariaro taro yegũ duhuahye tiquina tiquirore. ³¹ Ti pjeta pahi ti mahapũ ahtahye. Sa ahtaro tiquina quẽdiquirore ihũaeporota maha ape sie dũhtũ cahapũ yuhũ cãa wahahye. ³² Sa ye Cohãcjũ wũhũpũ dahrariquiro gũhũ pejecũoriquiro cahapũ esa, tiquirore ihũña, maha ape

siepũ yuhũ cãa wahahye. ³³ Sa ye Samaria cjãno pehe topũ waha, yoa cjũnopũ pejecũoriquirore ihũña, tiquirore paja ihũnahye. ³⁴ Sa yero tiquiro pejecũoriquiro cahapũ esa, uhse, vino mehna moredire tiquiro camine pio peohahye. Pio tũhasa suhtiro cahsero mehna dũhteahye tiquiro camine. Tũhasa, pejecũoriquirore tiquiro yaquiro burro bui duhu peo, carĩni wũhũpũ ne cãhye tiqũirore. Topũ ijiro, Samaria cjãno quehnoano ihũña ihboahye tiqũirore. ³⁵ Ape deco tiquiro carĩni wũhũ upũrore pũa cjoe niũneru cjoerire oho, ohõ saha niahye: “Ahriquirore ihũña ihboya. Ahri esa tuhaeragũ pari turi tojoa tagũ wapa ye pehoutja”, niahye Samaria cjãno wũhũ upũrore, niahye Jesu.

³⁶ Sa ni tũhasa judio masare buheriquirore sinituahye Jesu:

—¿Ahriquina ihtiaro amũa diquiro pehe iji-ajari pejecũoriquirore cahĩdiquiro? niahye Jesu.

³⁷ Tiquiro sa nigũ tũhoro buheriquiro pehe Jesure yũhtiahye:

—Pejecũoriquirore yedohoriquiro ijiaga tiqũirore cahĩdiquiro, niahye tiquiro Jesure.

—Wahaya. Mũhũ gũhũ masare sata yei wahaya, niahye Jesu buheriquirore.

Marta, María gũhũ cahapũ tiniyahye Jesu

³⁸ Sa ye Jesu tiquiro buheyequina mehna tiquina wahagũ, ape macapũ tiquina tinigũ, Marta wame tiricoro tiquinare ticoro ya wũhũpũ sajã ta dutiahye. ³⁹ Ticoro bahoro María tiquiro dahpocãri cahapũ duji, tiquiro buheyere tũhoahye. ⁴⁰ Ticoro sa yegũ ihũano Marta ticoro dahraye peye ijigũ usuahye. Sa yero ticoro Jesure yahuahye:

—¿Pũhto, yuhũ ihcõta dahragũ yuhũre yuhũ baho ticoro yedohoeragũ mũhũre quehnoajari, mũhũ ihũagũ? Ticorore yuhũre yedoho dutiya, niahye Marta Jesure.

⁴¹ Ticoro sa nigũ Jesu yũhtiahye:

—Marta, dahraye peye cũogo pajiro tũhoture mũhũ. ⁴² Cohãcjũ tiquiro yere tũho dutire. María quehnoañene yero taro, tire cahmene. Sa yegũ yuhũre ticoro tũhogũ “Yedohogo wahaya”, niedaja ticorore, niahye Jesu Martare.

11

Jesu Cohãcjũre siniñene buheahye (Mt 6.9-15; 7.7-11)

¹ Ihcã deco Jesu Cohãcjũre sinino niahye. Tiquiro sini tuhasagũ, ihcãquiro tiquiro buheyequina mehna cjãno tiquirore ohõ saha niahye:

—Pũhto, Ñũ tiquiro buheyequinare tiquiro buheriro sahata Cohãcjũre siniñene usã gũhũre buheya mũhũ, niahye tiquiro Jesure.

² Tiqairo sa nigū tūhoro Jesu tiqinare yahuahye:

—Ohō saha Cohācjüre siniña: “Ušā Pacu, uhmuse cǰū mūhu quehnoagu sa ijiducure. Yojoṗare ijiphiṭiyequina pūhto ijiya. ³ Sa yegū decoripe usā ihyatire ohoducuya usāre. ⁴ Apequina usāre tiquina űaűe yerire usā boaja. Sa yegu mūhu gūhu usā űaűe yerire boya. Sa yegu usā űaűene ye duagū usā tuturo cahmegū ihűagu tire usāre ye dutiegata”, ni siniña Cohācjüre, niahye Jesu tiqinare.

⁵ Came Jesu qiti mehna tiqairo buheyequinare ohō saha ni buheahye:

—Ihcāqairo űami decopu tiqairo acayuro ya wūhupu waha, tiqirore siniyahye: “Yūhu acayū, ihtiarīa pā pacare ohoya yūhure. ⁶ Apeqiro yūhu acayuro tinino ahtariqiro mianogāta ya wūhupu wihiri. Sa yegu tiqirore yūhu nuati mariedare”, niahye tiqairo acayurore. ⁷ Tiqairo sa nigū tiqairo acayuro wūhu puhīaru ijiriqiro yūhtiahye: “Yūhure cariboeracāhűa. Sopecaha bihariro ijire. Yūhu, yūhu pohna mehna carīna nīaja. Wahcāno pjeraga yūhure mūhure ihyayere ohoborigu”, niahye tiqairo acayuro. ⁸ űDahse waharotari siniditqirore? Poto nīaja mūsure. Tiqairo acayuro ijieperota, ihyaye ohoboriguro wahcā duerahye. Tiqiro wahcā duerapegāta ihyaye siniditqiro pehe bue tiro marieno tiqiro yoari pje siniducugū ijiphiṭiye tiqiro sinidiro sahata ohorota. ⁹ Sa yegu ahrire mūsure ni yahugū nīaja: Cohācjüre siniña. Sa sinina mūsa nenata. Mūsa sinidire bocanata. Tiqirore sa siniducuya. Mūsa sa yegū tiqiro ohorota. ¹⁰ Ijiphiṭiyequina Cohācjüre siniñequina neeta. Sa ye tiquina sinidire bocaeta. Sa yero ijiphiṭiyequina Cohācjüre sa siniducyeyequinare tiqiro tiqinare ohorota.

¹¹ űMūsa pohna mūsure wahire tiquina sinigū aűare ohoboagari mūsa tiqinare? ¹² űMūsa pohna canaca dūere tiquina sinigū cutipare ohoboagari mūsa tiqinare? Ne ohosi. ¹³ Mūsa űana ijiepenata mūsa pohnare quehnoaűene ohoe tiri mūsa. Sa yero Cohācjū pehe mūsa ohori yūhdūoro quehnoaűene ohore mūsure. Tiqiro mari Pacu uhmuse cǰāno Espīritu Santore ohorota tiqirore siniñequinare, niahye Jesu tiqairo buheyequinare.

—Jesu waűino tutuayere cūore, ni, yahusāhye masa

(Mt 12.22-30; Mr 3.20-27)

¹⁴ Ti pje Jesu waűinore cohāno niahye. Waűino pehe yahuducu masiedagū yeahye masūnore. Sa yero waűino masūnore tiqiro duhuri bato masūno pehe yahuducu

dūcahye. Tiqiro yahuducugū tūhoye masa peyequina tūho maria wahahye. ¹⁵ Tiquina sa tūho mariepegāta apequina pehe ohō saha niahye:

—Ahriqiro Jesu waűare tiqiro cohāgū Beelzebū wame tiriqiro waűa pūhtoro pehe tiqirore yedohore, niahye apequina.

¹⁶ Apequina “űJesu Cohācjū tiqiro ohoriqiro ijīajari?” ni masi duaye tiqirore Cohācjū tutuaye mehna ye ihűo dutimahye. ¹⁷ Tiquina sa dutigū tūhoro “Waűino tutuaye mehna waűare cohāre”, ni, tiquina tūhotuyere masino, tiqinare ohō saha ni yahuahye Jesu, “Waűino ye tutuaye mehna waűare cohāgū niedaja”, nino taro:

—Ihcā yehpa cǰēna tiquina basi cahmequeűe, ti yehpa cǰēna yaria pihtia wahaboaga. Sa ye ihcā wūhu cǰēna tiquina basi cahmequeűe, ti wūhu cǰēna waha pihtia wahaboaga. ¹⁸ Sa ye, waűino yequina waűa tiquina basi cahmequeűe, tiquina waűa gūhu waha pihtia wahaboaga. Ihcā curua iji masiedaboaga. Mūsa yūhure ohō saha nine. “Tiqiro waűino tutuaye mehna waűare cohāre”, mūsa yūhure nina niaga. ¹⁹ űYūhure mūsa nidi poto ijigū mūsa mehna cǰēna waűare cohāűe waűino tutuaye mehnata cohājari tiquina gūhu, mūsa ihűagū? Mūsa mehna cǰēna waűare cohāűe, waűino tutuaye mehna cohāűe niedare. Ahrire masina waűino tiqiro tutuaye mehna waűare yūhu cohāedagū masinata mūsa. ²⁰ Sa yegu yūhu pehe waűare cohāgū Cohācjū tutuaye mehna cohāja. Ahrire masina, Cohācjū tiqiro pūhtoro iji ducayere masinata mūsa.

²¹ Tutuariqiro tiqiro ye wamoā mehna tiqiro ye wūhure tiqiro ihűa ihbogū tiqiro yere apequina yaque masiedare. ²² Tiqiro sa ihűa ihboepēgāta apeqiro tutuā yūhdūriqiro tiqiro mehna cahmeque, tiqirore yūhdūdūca, tiqiro ye wamoare ehma cā, tiqiro yere ehma cāhre. Ohō sahata ye yūhdūdūcaro cahmene waűare. ²³ Ihcāqiro yūhure cahmedaro, yūhure ihűa tuhtiriqiro ijire. Ihcāqiro yūhure yedohoeraro yūhure űano yero nine, ni buheahye Jesu.

Waűino pari turi masūnore tiqiro saǰari qitire yahuahye Jesu

(Mt 12.43-45)

²⁴ Sa yero tiqiro tūhotuyē mehna ohō saha ni queoye mehna buheahye tiqinare:

—Waűino masūno mehna ijiriqiro waha, tiqiro aco marieni yehparu tinino, tiqiro ijiatore macamahye. Bocaeraro, ohō saha ni tūhotuahye: “Masūno yūhu duhuriqiro mehna pari turi ijigū wahastja”, ni, tūhotuahye tiqiro. ²⁵ Sa nino tiqiro tojoa waha, masūnore bocahye. Sa tiqiro bocagū masūno pehe quehnoariqiro ijimahye. ²⁶ Sa yero waűino apequina siete

watfāre tiqiro yuhduoro ñañequinare pijiro wahahye. Tiquiro sa pijigū tiquina ijipih-tiyequina watfā masano mehna ijiahye. Sa yero masano pehe to pano ihcāquiro watfānore cuoro, ñariquiro ijimahye. Camerū pehere peyequina watfāre cuoriquiro ijiro, to pano tiqiro ijiriro yuhduoro ña yuhduariquiro ijiahye, niahye Jesu.

Jesu bucueyere yahuahye

²⁷ Tire tiqiro sa nigū masa watoa ijiricoro numino Jesure yahuahye:

—Muhare pohna tiricoro, muhare apūoricoro bucuericoro ijire, niahye Jesure.

²⁸ Ticoro sa ni tuhasagū tuhoro Jesu ticorore yuh-tiahye:

—Cohācjū yahuducuyere tuhoyequina tiqiro dutiyere yeyequina tiquinata ijiaga bucueyequina, niahye Jesu ticorore.

Masa ñañequina Jesure Cohācjū tutuaye mehna ye ihño dutiahye

(Mt 12.38-42; Mr 8.12)

²⁹ Sa ye peyequina masa Jesu caharū tiquina wihigū, tiqiro tiquinare yahu nemoahye:

—Yojoṛū cjenā ñañequina ijire. Yuhare poto nigū yuhū ijiyere tiquina masi duaye, Cohācjū tutuaye mehna yuhū ye ihñogū ihña duamene. Tiquina sa ihña duepegūta Jona panorū cjenā Cohācjū tutuaye mehna tiqiro yeri dihitarē ihñonota Cohācjū tiquinare. ³⁰ Jona Cohācjū yere yahu muhtariquiro ijiro, tiqiro Nínive wame tiri maca cjenare Cohācjū yere tiqiro masigū yeriro sahata yuhū masū Cohācjū ohorigū masigū yeaja yojoṛū cjenare. ³¹ Buhiri dahreati deco ijigū puhtoro sur cjenā panorū cjenā ducu, yojoṛū cjenare “Ñana ijire masa”, ni, yahusānota ticoro. Ticoro Salomo panorū cjenā tiqiro masifene tuho duoro yoarorū ahri yehpa ape siepū ijiricoro Salomore tuhoro ahtahye. Sa yero quehnoano yero niahye yojoṛū cjenā yuhduoro. Sa yero ticoro yahusānota yojoṛū cjenare. Sa nigū masare poto niita niaja. Yojoṛū masare yuhū buheye Salomo tiqiro buheri yuhduoro ijire. ³² Buhiri dahreati deco ijigū Nínive wame tiri maca cjenā gāhū ducu, yojoṛū cjenare “Ñana ijire masa”, ni yahusāeta tiquina. Jona tiquinare Cohācjū yere tiqiro yahugū tuhoye, tiquina ñañene bujua witi, quehnoañene cahmeahye tiquina pehe. Sa cahmeañe quehnoano yeye niahye yojoṛū cjenā yuhduoro. Sa ye tiquina gāhū yojoṛū cjenare “Ñana ijire masa”, ni yahusāeta. Masare poto niita niaja. Yojoṛū masare yuhū buheye Jona tiqiro buheri yuhduoro ijire, ni yahuahye Jesu.

Masa tiquina tuhoturo sahata yere
(Mt 5.15; 6.22-23)

³³ Sa yero queoye mehna buhero ohō saha ni yahu nemoahye tiquinare:

—Masa sihāriare sihāñe nuoadare. Tiare sihāñe dihi sutu docarū duhu dapoerare. Tiare uhmuseṛū duhu peore wuhurū sajà tayequina tiquina quehnoano ihña sajà tatore yeye. ³⁴ Sihāria quehnoano buhriogū mari quehnoano ihña masino sahata quehnoañene tuhotuyē mehna quehnoano ye masinata masa. Masa tuhoturo sahata yere masa. Quehnoañene tuhotuna quehnoano yere masa. Quehnoañene tuhotuerana ñañe pehere yere masa. ³⁵ Sa yena quehnoano yeya. Masa tuhotuyepū ñañene wacūedacāhña. Ñañene ne cahmedacāhña. ³⁶ Tuhasa masa tuhotuyepū quehnoañe ijigū, ñañe ne mariedagū quehnoañe dihitarē tuhotunata, ni buheahye Jesu.

Fariseo masare, judio masare buheye-quina gāhare Jesu tuhti yahuahye

(Mt 23.1-36; Mr 12.38-40; Lc 20.45-47)

³⁷ Jesu tiqiro buhe tuhasagū ihña, fariseo masano tiqirore tiqiro ya wuhurū ihya dutiro pijiahye. Sa yero Jesu tiqiro ya wuhurū sajà sa, tiquina ihyarorū tiquina mehna nuju sahye. ³⁸ Tiquiro sa nuju sagū fariseo masano pehe Jesure ihña nunano judio masa tiquina omo coseducuro sahata tiqiro omo coseragū ihñano ohō saha ni tuhotuahye: “Yohou. ¿Ahriquiro duhsero omo coserajari usā yero saha?” ni tuhotuahye. ³⁹ Tiquiro sa ni tuhotugū masino Jesu tiqirore yahuahye:

—Masa fariseo masa sihniñe parire, wapari gāhare bui pehe dihitarē masa cosero sahata quehnoañene ye ihñore masa buigū warona. Sa yepenata Cohācjū yere queoro yerare. Apequina yere ehma mujare masa. Sa yena ñañe dihitarē tuhoture masa. ⁴⁰ Tuho masiedare masa. Cohācjū masa pagurire yeriquiro masa tuho masiñe gāhare yeahye. ¿Tire masiedajari masa? ⁴¹ Sa yena masa yere pejecuoyequinare ohoya masa. Masa sa yena quehnoañene tuhotuna ijinata.

⁴² Masa fariseo masa ñano yuhduonata. Moa yero saha ijiyere ihyayere ocagū yeyere cuona mehenogā ohomene masa. Cohācjüre ño peona tana pahiare ohomene masa. Sa ohopenata quehnoañene yerare masa. Sa yena masare paja ihñedare masa. Sa yena Cohācjüre ño peoerare masa. Oteye ducagāre masa nedire mehenogā Cohācjüre masa ohogū quehnoarīne. Sa ohona ohō saha ye nemoña: Quehnoañene yeya. Sa yena paja ihñañā masare. Sa yena Cohācjüre ño peoya masa.

⁴³ Masa fariseo masa ñano yuhduonata. Buheri wuhurū ijina, quehnoañe dujiye dihitarē duji duare masa. Doeri cjē

duaropu apequna pũhtoare quehnoano ño peo tiquina sinino saha musare piti cagũ cahmene musa.

⁴⁴ Nãno yũhdunata musa. Masa cope nũori cope yero saha ijire musa. Ti cope cahagã masa ijije, puhiaru cãno ahbariquirore ihñedare tiquina. (Sata masa musa cahagã ijije, musa tuhutuyepũre ñaife ijijere masiedare tiquina,) niahye Jesu tiquinare.

⁴⁵ Tiquiro sa nigũ tũhoro judio masare buheyequina mehna cãno Jesure yahuahye:

—Buhegu, tire nigũ usã gãhũre ñano nii niaga mũhu, niahye tiquiro Jesure.

⁴⁶ Tiquiro sa nigũ Jesu yũhtiahye:

—Ijirota ijire. Judio masare buhena musa gãhu ñano yũhdunata. Musa apequnare tiquina ye masiedarire ye dutire musa tiquinare. Sa ye dutiepenata musa pehe tiquinare ne mehenogã yedohoerare ti dutiyere tiquina yeati pehere.

⁴⁷ Sa yena musa ñano yũhdunata. Cohãcjũ yere yahu mũhtariquina panopũ cãna tiquina masa coperire quehnoano quehnomene musa tiquinare ño peoro saha yena. Musa sa yepẽgũta panopũ cãna musa acaye pehe tiquinare wejẽahye. ⁴⁸ Musa acaye panopũ cãna pehe Cohãcjũ yere yahu mũhtariquinare tiquina wejẽdiro sahata musa gãhu yeboaga. Sa yena yojopũre ti masa coperire quehnomene musa. Sa quehnona musa acaye tiquinare tiquina wejẽdire wacũre musa. Sa tiquina wejõrire wacũna “Quehnoa cãhre”, ni wacũre musa.

⁴⁹ Cohãcjũ tiquiro masiñe mehna ohõ saha ni yahuahye: “Yeere yahu mũhtariquina gãhũre yũhu buhe duti cũriquina gãhũre ohoutja tiquinare. Sa yeye tiquina yũhu ohoriquinare apequnare wejẽ, apequnare ñano yeeta”, niahye Cohãcjũ. ⁵⁰⁻⁵¹ Ahri yehpare Cohãcjũ tiquiro bajumehnedi bato Caĩ pehe Abere wejẽahye. Sa ye Cohãcjũ yere yahu mũhtariquinare Abe bato ijijequina gãhũre ñaifequina wejẽahye. Came Zacariare Cohãcjũ wũhũpũ Cohãcjũre ño peori altar caharu musa acaye wejẽahye. Ijiphtiyequina tiquinare tiquina wejẽdi buhiri yojopũ cãnare Cohãcjũ buhiri dahrerota. Sata ijire. Musare niguta nijaja. Ijiphtiyequina tiquinare tiquina wejẽdi buhirire yojopũ cãnare Cohãcjũ buhiri dahrerota.

⁵² Musa judio masare buhena, musa ñano yũhdunata. Cohãcjũ masiñene tiquina ojoari pũrine cãopenata apequnare yahuerare musa. Musa basi Cohãcjũ yere tũhoerare. Sa yena apequna tiquiro yere tiquina tũho duepegũta tire musa tiquinare tũho dutiare, niahye Jesu tiquinare.

⁵³⁻⁵⁴ Tiquiro sa nigũ tũhoye judio masare buheyequina, fariseo masa gãhu tiquiro

mehna usua, tiquirore ñano yahuducuahye. Sa ye Jesu tiquiro ñano yũhtigũ tũho duaye, tiquina peye ni meho cũ sinitumahye tiquirore, tiquirore yahusã duaye.

12

Tiquina ni mehoducurire Jesu yahuahye (Mt 16.6; 10.26-27; Mr 8.15)

¹ Sa ye Jesu caharu masa peyequina cahmecoa, wahpa yũhduahye. Topũ Jesu tiquiro buheyequinare ohõ saha ni yahu dũcahaye:

—Quehnoano wacũ masiña musa. Fariseo masa tiquina ye pãre pugũ yeyere ihñana quehnoano wacũ masiña. Tiquina ni mehoducurire nigũ nijaja “Pãre pugũ yeye”, nigũ. ² Ijiphtiyere apequna tiquina masiedarire came masieta. ³ Sa yero ñamipũre tiquina nũo yahuducurire buhri-oropũ bajugũ yero sahata Cohãcjũ yahurota. Bihari tucũpũ apequrore cahmono caha tiquina nidire masa peyequina watoa yahurota Cohãcjũ, ni yahuahye Jesu.

Masa tiquina cueatiquirore yahuahye Jesu

(Mt 10.28-31)

⁴ Sa yero Jesu yahu nemoahye tiquinare:

—Poto niita nijaja musare. Masare wejẽñequina wejẽ tuhãsa pari turi tiquina wejõriquina mũnare ñano ye nemo masiedare. Sa yena musare wejẽ duayequinare cueracãhã. ⁵ Yojopũre musa cueatiquirore musa ño peoatiquirore yahutja. Cohãcjũ pehere cue, ño peoya. Tiquiro masa yariari bato pecaru cohã masine musare. Sata ijire. Poto nigũ nijaja. Cohãcjũ pehere cue, ño peoya.

⁶ Ihcã omopequna siripia wapa mariedare. Sa wapa mariedapegũta ihcãquirogãre Cohãcjũ ne boerare. ⁷ Sa yero musa poarire ne ihcã poa da dũsaro marieno masi pehere Cohãcjũ. Sata musa ijije tiye gãhũre masi pehere Cohãcjũ. Sa masino musare ihña ihboducure. Siripia yũhdũoro Cohãcjũ cahũne musa pehere. Sa yena tiquirore ño peona, cueracãhã musa, niahye Jesu.

Jesu yequina musa ijijere yahuya masare (Mt 10.32-33; 12.32; 10.19-20)

⁸ Sa ye Jesu yahu nemoahye:

—Musare niita nijaja. Ihcãquiro “Jesu yaquiro ijijaja”, masare tiquiro nigũ ihñagu, yũhu masũ Cohãcjũ ohorigũ “Tiquiro yaquiro ijire”, ni yahutja Cohãcjũ yequina angelere. ⁹ Ihcãquiro “Jesu yaquiro ijieraja”, masare tiquiro nigũ, yũhu gãhu “Tiquiro yaquiro ijierare”, ni, yahutja Cohãcjũ yequina angelere.

¹⁰ Ihcãquiro yũhũre ñano tiquiro ni yahuducugũ ti ñañene Cohãcjũ bo masine. Sa boeperota ihcãquiro Espiritu Santo

pehere tiqiro ñano ni yahuducugā ti ñañene ne Cohācjū bosi.

¹¹ 'Mari judio masa buheri wāhupū puhto cahapū apequina māsare ne sajā "Ñañequina ijire", ni yahusāeta. Tiquina sa yahusāgū masa yahuducuatire "Acuehi, masiedaboaga", ni tūhotueracāhña. ¹² Tiquina māsare yahusāgūta Espiritu Santo masa yahuducuatire yahurota, niahye Jesu.

Doeri cjē upuro quitire yahuahye Jesu

¹³ Sa ye masa mehna cjāno Jesure ohō saha ni yahuahye:

—Buhegū, usā pacū tiqiro yariari bato tiqiro ye usāre tojoare. Sa yegu yuhū wahmine tire yuhū gūhare queoro tu wa dutiya, niahye tiqiro Jesure.

¹⁴ Tiquiro sa nigū Jesu yahtiahye:

—Ne ti borore tu wabogū ijieraja yuhū, niahye Jesu tiqirore.

¹⁵ Sa ni tuhasa Jesu ijipihitiyequinare yahuahye:

—Quehnoano yeya masa. Doeri cjēne, apee boro gūhare cahīedacāhña. Peye cuopenata ti mehnata bucueducueraja mari, niahye Jesu.

¹⁶ Sa ni tuhasa Jesu qiti mehna yahuahye tiquinare:

—Doeri cjē upuro quehnoari yehpare cuoahye. Sa ye ti yehpapū tiqiro otegū quehnoano dūca tiahye. ¹⁷ Sa yero tiqiro basi ohō saha ni tūhotumahye: "Dūca ihboye wūhuse ne esa tuhaerare. ¹⁸ Yojoapure ohō saha yeitja: Yojoapū yuhū ihboye wūhūserē cohā cā, muna wūhuse yuhduoro wahma wūhuse yeitja. Ti wūhusepū yuhū oteye dūcare, ijipihitiye yeere ihbūtja. ¹⁹ Yuhū sa yeri bato, ohō saha ni, tūhotutja yuhū basi: 'Yuhū peye apee boro cuogū ijiaja. Quehnoano soutja. Sa yegu ihya, sihni, bucuaitja', ni tūhotutja yuhū basi", ni tūhotumahye tiqiro. ²⁰ Tiquiro sa ni tūhotugū Cohācjū tiqirore yahuahye: "Mūhū ne tūho masiegū ijire. Mīa ñamita mūhū yariagūta. Mūhū sa wahagū mūhū ye, mūhū cahīdi butia waharota", niahye Cohācjū tiqirore, niahye Jesu masare.

²¹ Tire nino, masare ohō saha ni yahuahye Jesu:

—Sata wahaeta doeri cjē opana Cohācjūre wacūñequina. Sa yero peye doeri cjēne, niñerure tiqiro ye ijati dihitare ihboriqiro Cohācjūre wacūedarō, tiqiro pejecuoriquiro yero saha ijirota, Cohācjū tiqiro ihñagū. Sa yero Cohācjū tiqirore ihña bucuere, niahye Jesu.

Cohācjū tiqiro pohne ihña ihbore

(Mt 6.25-34)

²² Sa ye Jesu tiqiro buheyequinare ohō saha ni yahuahye:

—Ahrire māsare nigū niaja: Masa ihyatire, masa suhti sañatire, pajiro bñjua

witi tūhotueracāhña. ²³ Cohācjū māsare bajumehnenō, ihyatiquina dihitare yerari māsare. Sa yero suhti sañatiquina dihitare yerari māsare tiqiro. ²⁴ Minicjua parire Cohācjū tiqiro ihña ihboyerē masiña. Tiquina weseri marieñequina ijire. Sa ye ihyayere tiquina ihboye wūhuse tiquinare mariedare. Tiquina sa ijigū ihñano tiquinare Cohācjū tiquina ihyatire ohore. Minicjua yuhduoro masa pehere cahīne Cohācjū. ²⁵ Pajiro masa tūhotuye mehna ti māsare ihcā hora cati nemogū yerare. Sa yero masa pajiro tūhotuye dūhseati ijierare. ²⁶ Sa ye pajiro masa tūhotuye mehna ne mehenogā ye masiedare masa. ¿Sa yena pajiro masa tūhotuye ti dūhseati ijierapegūta dūhse yena masa ihyatire, masa sihniatire, masa sañatire pajiro bñjua witi tūhotuajari?

²⁷ 'Nucū cjē cohōrire tūhotuya. Ti cohōri ti basi suhtire yerare. Sa yerapeta quehnoañē suhti sañañequina yero saha quehnoano bajure ti cohōri. Salomo mūnāno quehnoañē suhtire sañariquiro tiqiro ijiepegūta ti cohōri pehe tiqiro yuhduoro quehnoa yuhduaye cohōri waro ijire. ²⁸ Cohōrire quehnoañē cohōri yere Cohācjū pehe. Tiquiro sa yepegūta cohōri pehe meheñē decorigā ijiducume ñai bora dijiaa wahare. Mehenogā iji, ape deco pecapū uñūa wahare. Ti sa ijiepegūta cohōrire quehnoañē cohōri ijigū yere Cohācjū. Sa yero Cohācjū cohōrire tiqiro quehnoañē cohōri tiqiro yeriro yuhduoro masa gūhare quehnoano yerota. Suhtire ohorota. Mehenogā Cohācjūre wacū tutuare masa. ²⁹ Sa yena masa ihyatire, masa sihniatire pajiro bñjua witi tūhotueracāhña. ³⁰ Cohācjūre cahmeñequina pehe ahri yehpa cjēna pehe tire sa macaducuyē nine. Mari Pacū uhmūse cjāno ijipihitiye masa cahmeñene masine. Tiquiro sa masigū pajiro bñjua witi tūhotueracāhña. ³¹ "Cohācjū yuhū puhtoro ijire", ni tūhotu, tiqirore cahmeña masa. Masa sa yeri bato Cohācjū pehe masa cahmeñē dūhsagū ohorota, ni yahu nemoahye Jesu.

Uhmūsepū mari peye cuo masiaja

(Mt 6.19-21)

³² Sa yero tiquinare yahu nemoahye:

—Yuhū cahīna, meheñequinagā ijiepenata, cueracāhña masa. Cohācjū tiqiro puhtoro ijiorapure tiqiro mehna masa ijigū cahmene tiqiro. ³³ Sa yena masa yere dua pehoya. Tire dua, ti niñerure ne, pejecuoyequinare ohoya. Sata masa yegū uhmūse cjē masa wapataye ne pihitisi. Uhmūsepū masa ye ijiro ne pihitierare. Topure masa yere nea masiedare yaqueriquiro. Sa ye mecasia gūhū tire tua masiedare. ³⁴ Uhmūsepū masa ye ijigū

ahmase cjê dihitaré tãhotunata masa, niahye Jesu.

Jesu tiqiro tojoa tatire cohte dutiahye tiqiroyequinare

³⁵⁻³⁶ Sa ni tuhasa tiquinare yahu nemoahye:

—Masa yere quehnoyu tuhasariquina yero saha yeere sa yeducuna ijina yuhare cohteya. Dahra cohteyequina tiquina puhtoro omoca dahteri bose decopu tiqiro wahagã tiqiro tojoa tatire tiquina cohtere. Tiquina sa cohteriro saha yuhã tojoa tatire cohteya masa gãhu. Puhtoro tiqiro wãhãpu wihi, sopecahare tiqiro dotegã tãhoye tiquina duita pão sõre tiqirore. ³⁷ Dahra cohteyequina tiquina puhtoro wihigã tiqiro cahmeno sahata yeducuyequina ijiye, bucuyequina ijieta. Tiquina sa yegã ihãno puhtoro pehe dahra cohteriquiro yero saha comesarota. Sa yero dahra cohteyequinare duji dutiro, tiqiro tiquina ihyayere peorota. ³⁸ Tiqiro wihiri pje ñami decopu, o bohreagãpu ijipegãta dahra cohteyequina pehe tiqiro wihiri pjere tiqirore quehnoano cohteyequina ijiye, bucuyequina ijieta tiquina. ³⁹ Ahrire wacũña. Yaqueriquiro wãhãpu tiqiro wihiatu pano ti wãhu cjãno masiedare. Wãhu cjãno yaqueriquiro tiqiro wihiatore masino, yaqueriquirore sajã ta dutieraboaga. Sa yero wacũno mehna ahtare yaqueriquiro. ⁴⁰ Sa yena masa gãhu cohteya. Yuhã masu Cohãcjũ ohorigu wacũno mehna ahtaãtja. Sa yena yeere sa yeducuna ijina cohteya masa, niahye Jesu tiquinare.

Apequiro dahra cohteriquiro tiqiro puhtorore tiqiro ño peogã, apequiro pehe ño peorahye

(Mt 24.45-51)

⁴¹ Tiqiro sa nigã Pedro pehe sinituahye Jesure:

—¿Ahri quitire yahugu usãre nigã niajari? ¿O ijiptiyequinare sa nigã niajari? niahye Pedro.

⁴² Tiqiro sa nigã Jesu tiqiro tãhotuye mehna ohõ saha ni queoye mehna buheahye tiquinare:

—Dahra cohteriquiro tiqiro puhtorore ño peoriquiro tãho masiniquiro ohõ sahata ijire. Puhtoro tinino waharo, dahra cohteriquirore tiqiro ya wãhare cãre. Tiqiro cãnohriquiru pehe dutiriquiro ijirota. Sa yero tiqiro ihyari pje ijigã apequina dahra cohteyequinare ihyayere itire. ⁴³ Came puhtoro tiqiro wihigã dahra cohteriquiro pehe tiqiro puhtoro tiqiro dutiriro sahata ye pehoriquiro ijiro, tiqiro bucueriquiro ijirota. ⁴⁴ Poto nigãta niaja masare. Tiqiro sa yegã tiqiro puhtoro ijiptiye tiqiro yere ihã

ihboriquiro cãnota tiqirore. ⁴⁵ Apequiro dahra cohteriquiro pehe “Yuhã puhtoro yoari pje bajuerare”, niboaga. Sa nino apequina dahra cohteyequinare ãmãare, numia gãhare quẽ mãja, pajiro ihya, sihni, queheboaga. ⁴⁶ Tiqiro sa yeri bato wacũno mehna tiqiro puhtoro wihirota. Sa wihiro tiqirore ñano buhiri dahrerota. Sa yero Cohãcjũre yãhdũcayequinare tiqiro cohãnopu tiqirore cohãnota.

⁴⁷ Sa yero dahra cohteriquiro tiqiro puhtoro cahmeñene masiniquiro ijieperota tire tiqiro yeragã, tiqiro quehnoano dahraeragã tiqiro puhtoro pehe tiqirore yuta da mehna tananota. ⁴⁸ Apequiro pehe dahra cohteriquiro tiqiro puhtoro cahmeñene masiniquiro ijiro quehnoano yeragã ihãno tiqiro puhtoro pehe derogã tiqirore tananota. Cohãcjũ pajiro masare ohoro pajiro tiquinare apequinare oho dutirota. Sa yero tiqiro cahmeñene masigã yere masare. Quehnoano tiqiro masigã yenhriquinare quehnoano yãhti dutire tiqiro, niahye Jesu.

Jesu masare cahme tu wagã yere

(Mt 10.34-36)

⁴⁹ Sa ni tuhasa Jesu tiquinare yahuahye tja:

—Peca ãjãa weriro sahata yuhã ahri yehpapure masa tiquina ñãñe yeyere cose wegã ahtagã nii. Yojoapu pãrita peca ãjãa wero saha ñãñe marieñequina masa tiquina ijigã tutuaro cahmeaja yuhã. ⁵⁰ Yuhã ñano yãhdãtja. Yuhã sa ñano yãhdũatire cohtegu, ñano jeriphona tãja yuhã. ⁵¹ ¿Dãhse ni tãhotuajari masa yuhãre? ¿“Tiqiro masare tiqiro buheri bato apequina tiquina basi ihã tuhtisi”, ni tãhotuajari masa yuhãre? Sa ijierare. Masare yuhã buheri bato ihquẽquina yeere tãhoeta. Apequina pehe tiquinare ihã tuhtieta. Ihcãno saha ijisi masa. Masare nigãta niaja. Masa yuhã buheyere tãhoye, pãa curua cahme tu waeta. ⁵² Yojoapure ihcã wãhu cjãna ihcã omopequina masa yuhã buheyere tãhoye, pãa curua tiquina basi cahme tu waeta. Ihcã curua ihtiaro, ape curua puaro ijieta. ⁵³ Tiqiro pacaro tiqiro macnõre ihã tuhtirota yaquiro tiqiro ijiri buhiri. Tiqiro macãno gãhu tiqiro pacorore ihã tuhtirota yaquiro tiqiro ijiri buhiri. Sa yero ticoro pacoro maconore ihã tuhtirota yacoro ticoro ijiri buhiri. Sa yero apecoro macono gãhu ticoro pacorore ihã tuhtirota yacoro ticoro ijiri buhiri. Sa yero apecoro macã namonore ihã tuhtirota yacoro ticoro ijiri buhiri. Sa yero apecoro macã namono gãhu ticoro mareonore ihã tuhtirota yacoro ticoro ijiri buhiri. Sa waharota, yuhã buheyere tiquina tãhogã, niahye Jesu.

*Quehnoari deco ijiatire, ñari deco ijiatire
masa tiquina masiñene yahuahye Jesu*
(Mt 16.1-4; Mr 8.11-13)

⁵⁴ Sa ye Jesu masare ohō saha ni yahuahye tja:

—Ahrie peheru aco ro cururire ihñana, duita “Aco ro ahtarota”, nine musa. Musa sa nidi bato aco ro ahtarare. ⁵⁵ Sa yena surpu wihnono ahtagū “Asiri deco ijirota”, nine musa ahri yehpapu ijina. Musa sa nidi bato cahmari deco ijire. ⁵⁶ Musa masa ihñonopu quehnoano iji mehoducuna ijire. Musa ahri yehpare ahmuse gāhare ihñana, quehnoari deco ijiatire, ñari deco ijiatī gāhare masine musa. ¿Sa yena yojopu cjē decorire masiepenata dūhsena ahri yehpa cjāna yojopure musa dūhse wahatire masiedajari musa? ni-ahye Jesu.

*Musare ihña tuhtiriqiro mehna musa
cahmequedire cahmeque duhuya*
(Mt 5.25-26)

⁵⁷ Sa ni tuhasa ohō saha ni yahu nemoahye:

—¿Musa poto yeatire yojopu masiedajari musa? ⁵⁸ Apequiro mūhare yahusāno waharo buhiri dahre dutiri wūhūpu waha dutiboaga. Topu wahana “Pari turi mūhare sa yesi”, nigū cahmeque duhuya. Mūhu sa duhueragū tiquiro buhiri dahre dutiriqiro cahapu neaboaga mūhare. Sa yero buhiri dahre dutiriqiro pehe mūhare surarare tiquiro ohogū, mūhare surara peresu yeeta. ⁵⁹ Mūhare nigū niaja. Topu ijiniita mūhu. Tee tiquina wapa ye dutiri mūhu wapa ye pehogupu wijiaguta mūhu, niahye Jesu.

13

*Musa ñañe yerire bujua witi, quehnoañe
pehere comesaya*

¹ Ti pjere meheñequinagā masa Jesure ohō saha ni yahue tiahye:

—Galilea cjēna wahiquire wejē ujā mūo Cohācjūre tiquina ño peori watoa Pilato pehe tiquire wejēahye. Tiquiro sa wejēgū wahiquire dīi mehna masa dīi moreahye, ni, yahuahye tiquina Jesure.

² Tiquina yahu tuhasagū Jesu yūhtiahye:

—¿Galilea cjēna Pilato tiquiro wejēgū wejōriquina mūnare dūhse ni tūhotuajari musa? ¿Tiquina sa yariagū apequina Galilea cjēna yūhdūoro ñañequina tiquina ijiri buhiri sa yeyari Cohācjū tiquire, musa tūhotugū?

³ Ijierare. Musare niita niaja. Musa pehe musa ñañene bujua witierana, quehnoañe pehere comesaerana, musa gūhu yariana pecapu wahanata. ⁴ Sa ye sohō ijiriquina diez y ocho masa Siloé wame tiri wūhu ahmūari wūhu tiquina bui wihnoa dijiaro, tiquire wejē pehoahye. ¿Sa waha yariaye, apequina Jerusalē cjēna yūhdūoro ñañequina ijijari tiquina, musa tūhotugū? ⁵ Ijierare.

Musare niita niaja. Musa ñañene bujua witierana quehnoañe pehere comesaerana, musa gūhu yarianata. Sa yena pecapu wahanata, niahye Jesu tiquire.

*Higueragu dūca mariedu quitire
yahuahye Jesu*

⁶ Sa ni tuhasa apeye queoye mehna piti dahre yahuahye tiquire:

—Wese upūro tiquiro wesepu higueragure cūoahye. Sa yero tiquiro tu dūcare macano wahamahye. Bocaerahye.

⁷ Bocaeraro tiquiro wese dahrariquire yahuahye. “Tūhoya yūhare. Ihtia cūhma waro higueragu dūcare macamaja. Dūca mariedare. Tu dūca mariedagū tare quē cohā cāhña. Tu ya wesepu ijigū apedure otero basioerare. Apepu tu ihyaborire ihyaboaga tu dūca mariedu pehe”, niahye wese upūro tiquiro dahra cohteriquiro.

⁸ Tiquiro sa nigū tūhoro dahra cohteriquiro ohō saha niahye: “Pūhto, ahdu ihcā cūhma waro ducuriahdo. Tu nūhcoripū yūhu seheguta. Tuhasa, wahiquire cūhta mehna ti copere yautja. ⁹ Yūhu sa yeri bato tu ape cūhma dūca tiro dūca tiboaga. Tu dūca mariedagū mūhu quē cohā dutiguta”, niahye dahra cohteriquiro wese upūro, ni, yahuahye Jesu.

*Saurū deco ijigū Jesu dohatiricore
yūhdūoahye*

¹⁰ Ti pjere saurū deco ijigū Jesu judio masa buheri wūhūpu buhero niahye. ¹¹ Topu watīno cūoricoro ijiahye. Watīno pehe diez y ocho cahmari waro dohatigū yeahye ticorore. Sa yero pari tū ducuricoro ijiro, poto ducu masiedahye. ¹² Ticoro sa ijigū ihñano Jesu ticorore ihñana, pisuahye:

—Numio, mūhu dohatiye pihtia wahare, ni, pisuahye Jesu.

¹³ Tiquiro pisuri bato ticorore tiquiro ña peogū duita ticoro quehnoano poto dūca sahye. Sa waharo “Cohācjū tutuagu, quehnoagu ijire mūhu”, ni ño peoahye ticoro. ¹⁴ Jesu ticorore saurū deco ijigū tiquiro yūhdūogū ihñano judio masa buheri wūhu cohteriquiro pehe tiquiro mehna usuahye. Sa usaro tiquiro masare ohō saha niahye:

—Seis decore ijire mari dahraye decori. Sa yena musa dohatiyequinare yūhdūo duana, ti decorire tire yeya. Saurū mari sori decore tire yeracāhña, niahye ti wūhare cohteriquiro.

¹⁵ Tiquiro sa nigū Jesu ohō saha ni yūhtiahye:

—Masa ihñono dihita quehnoana iji mehona ijire musa. Musa wecure, burro gūhare cūona saurū decore tiquina dūhteri dare pā, tiquire ne buha, sihni dutiboaga. ¹⁶ Yojopu ahricorore Abrahā mūnāno acayorore watīno diez y ocho cahmari waro

ticorore dohatigã yere. ¿Saurú deco ijigã ticorore yãhdno dutierajari mûsa? niahye Jesu.

¹⁷ Tiquiro sa nigũ tuhoye, tiquina buoro wahahye. Sa ye apequina pehe ijipihtiyequina Jesu yerire ihña, bucueahye.

*Mostaza pje queoyere yahuahye Jesu
(Mt 13.31-32; Mr 4.30-32)*

¹⁸ Sa ye Jesu queoye mehna buheahye masare:

—¿Ne Cohãcjũ masa pãhtoro tiquiro ijiye yabe boro yero saha ijijajari? Ahri quiti mehna tire tiquiro pãhtoro ijiyere yahutja yũhũ. ¹⁹ Mostaza pjegã yero saha ijire. Ti pjegãre oteriquiro tiquiro ya wesere otere. Tiquiro oteri bato ti pjegã pihnine. Sa ye tu bucuagũ minicjũa pari ti dupãripũ suhti suhare, niahye Jesu. (Sa nino ohõ saha nino niahye. Mostaza pjegã pajidũ tu bucuariro saha uhmũse cjãnore mari pãhtorore masiñequina meheñequinagã tiquina iji mũhtaepẽgũta camerũ tiquina peyequina wahaeta.)

*Pã pugũ yeye queoyere yahuahye Jesu
(Mt 13.33)*

²⁰ Sa yero pari turi Jesu queoye mehna buheahye:

—¿Ne Cohãcjũ masa pãhtoro tiquiro ijiye yabe boro yero saha ijijajari? ²¹ Pãre pugũ yeye yero saha ijire. Tire numino ihcã ajuro trigore aco mehna quehnoano tire dahra morene pã bucuatire. Ticoro sa yegũ pãre pugũ yeye pehe trigore quehnoano sehssaa wahare, niahye Jesu. (Sa nino ohõ saha nino niahye. Pãre pugũ yeye trigore ti sehssaa wahariro saha uhmũse cjãnore mari pãhtorore peyequina masa ijipihtiro cjẽna masieta.)

Meheni sopecahagã quitire yahuahye Jesu

(Mt 7.13-14, 21-23)

²² Sa ye Jesu bujũye macaripũ, daye macarigãpũ gãhũre buhe cã, Jerusalẽpũ esaro taro niahye. ²³ Tiquiro sa wahari watoa masũno Jesure ohõ saha ni sinituahye:

—¿Pãhto, meheñequinagã masare pecarũ wahaboriquinare yãhdnorotari Cohãcjũ? niahye tiquiro Jesure.

Tiquiro sa nigũ Jesu queoye mehna buhero ohõ saha ni yahuahye:

²⁴ —Peyequina masa Cohãcjũ caharũ waha duaye, sajã duamene. Meheni sopecahagãre mûsa sajã duagũ mijorĩne. Sata Cohãcjũ caharũ mûsa waha duagũ mijorĩne. Masa sa sajã duepeta sajã masiedare. Sa yena mûsa pehe meheni sopecahagãre mûsa tutuaro sajã duaboro sahata Cohãcjũ pehere tutuaro masiña. ²⁵ Ohõ saha yerota Cohãcjũ peyequina masare. Tiquiro wũhũ upũro yero saha ijire. Wũhũ upũro wahcã,

sopecahagãre biharota. Tiquiro sa yegũ sopecahagãpũ ducuna, dotenata. Dotena ohõ saha ninata. “Pãhto, sope pahmare põohña”, mûsa nigũ wũhũ upũro pehe yãhtirota. “Mûsare, mûsa ahtariro gãhũre ne masiedaja yũhũ”, ni yãhtirota. ²⁶ Tiquiro sa nigũ mûsa yãhtinata. “Mũhũ mehna usã ihya, sihnii. Usã ya macarũ buheri mũhũ”, ninata mûsa. ²⁷ Mûsa sa nigũ tiquiro pehe yãhtirota. “Mûsare, mûsa ahtariro gãhũre ne masiedaja. Ijipihtina mûsa ñãñe yerina yũhũ caharũ ahtaeracãhña”, ninota wũhũ upũro. ²⁸ Sa ye Abrahãre, Isaare, Jacore, ijipihtiyequina Cohãcjũ yere yahu mũhtariquinare Cohãcjũ tiquiro pãhtoro ijirore tiquina ijigũ ihñana, mûsa pehe sopecaharũ cohõrina ijina tutuaro utinata. Sa yena mûsa tutuaro bujũa witina, bahque dihonata. ²⁹ Ti pjere ijipihtiro cjẽna Cohãcjũ tiquiro pãhtoro ijiorũre esa, tiquiro mehna ihya dujieta. ³⁰ Yojoũre ihyo ijijequina ijiriquina ti pjere pãhtoa ijijeta. Sa yeye yojoũre pãhtoa ijiriquina ti pjeũre ihyo ijijequina ijijeta, niahye Jesu.

*Jerusalẽ cjẽnare tutuaro cahñahye Jesu
(Mt 23.37-39)*

³¹ Ti pjere meheñequinagã fariseo masa Jesu caharũ esa, tiquirore yahuahye:

—Herode mũhũre wejẽ duare. Sa yegũ ape siepũ wahaya mũhũ, niahye tiquirore.

³² Tiquina sa nigũ Jesu pehe yãhtiahye:

—Herode ni mehoñe peyariquiro ijire tiquiro. Ohõ saha ni yahuya tiquirore: “Jesu wafare cohãno nine. Sa yero dohatiyequinare yãhdũoro nine. Tire miare, ñamia gãhũre yerota. Sa yero ñamia bohrearo dahra bato tirota”, ni yahuya Herodere. ³³ Sa yegũ miare waha, ñamia gãhũre waha, ñamia bohrearo gãhũre waha, Jerusalẽpũ esautja. Cohãcjũ yere yahu mũhtagũre yũhũre wejẽeta masa. Cohãcjũ yere yahu mũhtariquinare tiquina wejẽgũ Jerusalẽpũ ijiro cahmene tiquinare. Sa yegũ yũhũ gãhũre Jerusalẽpũ ijiro cahmene.

³⁴ “Ahyou, Jerusalẽ cjãna, mûsa Cohãcjũ yere yahu mũhtariquinare wejẽ, mûsa caharũ tiquiro ohoriquinare utã paca mehna doque wejẽdi mûsa. Canaca ticoro pohnene wũye dupãri mehna ticoro moha cuñano saha peme tahari mûsare cahĩducumi. Mûsare cahmedari. Mûsa pehe yũhũre ne cahmedari. ³⁵ Yojoũpũ mûsa ya maca cohõri maca ijirota. Ijirota niita niaja mûsare. Cohãcjũ mari pãhtoro tiquiro tutuaye mehna ahtaũtja yũhũ. Yũhũ ahtagũ mûsa yũhũre “Cohãcjũ tutuaye mehna ahtariquiro quehnoahdo”, ninata. Yũhũre mûsa tire niato pano pari turi yũhũre ihñasi mûsa, niahye Jesu.

14

Dohatiriquirore yuhduoahye Jesu

¹ Ape deco saurú ijigü fariseo masa puhtoah mehna cjäno ya wuhupü Jesu ihyaro wahahye. Ti wuhupü ijিয়েquina tiquirore ihña nühahye. ² Sa yero omoca, ñecu gühu ipinohriquiرو tiquiro cahapü esahye. ³ Sa yero Jesu judio masare buheyequinare, fariseo masa gühure sinituahye:

—¿Saurú ijigü dohatiriquirore yuhduo dutiajari Cohäcjä yere tiquina ojoari püpu? niahye Jesu.

⁴ Tiquiro sa ni sinituepegäta tiquina yuhtierahye. Tiquina yuhtieragü ihñano Jesu dohatiriquirore yuhduo, “Wahaya”, niahye tiquirore. ⁵ Sa ye tuhasaro, tiquinare sinituahye tja:

—¿Ihcäquiرو masa mehna cjäno tiquiro macüno saurú deco mari sori deco ijigü aco ijiri coperu tiquiro bora sajägü ne wioeraboagari, müsa tuhotugü? ¿Tiquiro yaquiرو wecu gühure ne wioeraboagari, müsa sa nina? Ne wioaboaga tiquiro, niahye Jesu.

⁶ Tiquiro sa niepegäta tiquina tiquiro siniturire yuhti masiedahye tja.

Omoca duhteri bose deco ijigü pijoriquinare yahuahye Jesu

⁷ Fariseo masüno ya wuhupü ijiri ti wuhü cjäno tiquiro pijoriquina quehnoañe dujiyere tiquina besegü ihñahye Jesu. Sa ihña tuhasa ohö saha ni yahuahye ijipihtiyequinare:

⁸ —Omoca duhteri bose deco müsare tiquiro pijiogü, quehnoañe dujiyere bese dujeracähña. Müsa yuhduoro cua pesayequinare pijioaboaga ahri wuhü upüro. ⁹ Tiquiro sa yegü müsa quehnoañe dujiyepü dujigü “Ahriquina cua pesayequina pehere müsare dujiyere ohoya”, niboaga wuhü upüro müsare. Tiquiro sa nigü müsare pehe büoro wahana, ñañe dujiyepü dujioaboaga. ¹⁰ Sa yena wuhü upüro müsare tiquiro pijiogü, ñañe dujiyepü duji mühtaña. Müsa sa yegü wuhü upüro müsare “Quehnoañe dujiyere pehere dujina ahtaya”, ninota müsare tiquiro. Müsa sa wahagü apeqüina tiquiro pijoriquina pehe müsare ño peoye mehna ihñaeta. ¹¹ Ihcäquiرو tiquiro basi “Puhtota ijijaja”, ni tuhoturiquiro cahacjäno ijirota. Sa yero apeqüiro “Cahacjä ijijaja”, ni, tuhoturiquiro, apeqüinare yuhduo dueriquiro tiquiro pehe puhtoro ijirota, niahye Jesu tiquinare.

¹² Sa ni tuhasa Jesu wuhü upürore yahuahye:

—Muhü bose deco dahregü mühu cahapü ijিয়েquinare, mühu bahanare, mühu acayere, doeri cjä opanare pijioeracähña. Muhü tiquinare pijiogü mühu gühure tiquina gühu piji cahmeeta. Sa piji cahmeñe mühure tiquina wapamonore

wapa yeeta. ¹³ Muhü bose deco dahregü pejesuoyequinare, tini masieñequinare, pari yuri wahayequinare, caperi bajueyequinare pijiohya. ¹⁴ Muhü sa yegü ihñano Cohäcjä mühure quehnoano yerota. Tiquina pehe mühure tiquina wapamonore wapa ye masiedare. Sa yero quehnoañequina yariariquina tiquina masa müjari pje ijigü Cohäcjä pehe quehnoano mühu yeri wapa mühure quehnoano yerota, niahye Jesu wuhü upürore.

Pajiri bose deco queoyere yahuahye Jesu (Mt 22.1-10)

¹⁵ Tiquiro sa nigü tuhororo apeqüiro ihyari mesa cahapü dujiriquiro, Jesure yahuahye:

—Cohäcjä tiquiro puhtoro ijiorü tiquiro ihyari mesa cahapü dujiyequina tutuaro bucueyequina ijietä, niahye tiquiro Jesure.

¹⁶ Tiquiro sa nigü Jesu ahri queoyere yahuahye tiquirore:

—Pajiri bose deco dahreriquiro peyequina masare pijioahye. ¹⁷ Tiquiro pijiori bato bose deco tiquiro cahacjänoare tiquiro pijoriquinare yahu dutiro ohoahye. “Isa, ijipihtiyere bose deco cjä ijiatire quehno tuhasari. Sa yero müsare pijiori”, ni, yahu dutiahye tiquiro cahacjänoare. ¹⁸ Tiquiro cahacjäno tiquiro sa ni yahuepegäta, tiquiro pijionohriquina pehe “Waha masiedaja”, niahye tiquina. Tiquiro pijio mühtanohriquiرو ohö saha ni yahuahye tiquiro cahacjänoare. “Mianogäta yehpare düu. Sa yegu ti yehpare ihñagu wahagu niaja. Sa yero waharo basioeraga. Ño peo cjäññ mühu yuhure. Yuhure basioerare”, niahye tiquiro pijio mühtanohriquiرو pehe tiquiro cahacjänoare. ¹⁹ Apeqüiro pehe ohö saha niahye: “Wecuare puca omoca pihtiyequinare mianogäta düu. Buhe tuhugu wahau tuu niaja ti weje cätore. Sa yegu wecuare ‘¿Quehnoano dahrajari?’ ni ihñagu wahagu tuu niaja. Sa yegu wahasi. Yuhure basioerare”, niahye tiquiro gühu. ²⁰ Apeqüiro pehe ohö saha niahye: “Yuhü mianogäta omoca duhteri. Sa yero bose decoru waharo basioeraga yuhure”, niahye tiquiro cahacjänoare.

²¹ Tiquiro sa nigü cahacjäno pehe tojoa waha, tiquiro puhtoropüre tiquina nidire yahu peho cähye. Tiquiro sa ni yahugü tiquiro puhtoro tutuaro usua, ohö saha niahye tiquiro cahacjänoare. “Wuhuse watoa cjä maharipü wahaya. Pejesuoyequinare macarisa. Sa yegu pejesuoyequinare, tini masieñequinare, caperi bajueyequinare, pari yuri wahayequinare müñano ne cähtaya tiquinare”, niahye puhtoro. ²² Came cjänogä tiquiro cahacjäno yahuahye tiquiro puhtorore: “Puhto, mühu dutiro sahata yei. Yuhü sa yepegäta apeqüina gühu esa tuhaeta”, niahye tiquiro

cahacjano. ²³ Tiquiro sa nigū pūhoro tiquirore dutiahye: “Ihquē wūhuse ijirorū wahaya. Тору бужье maharipū, daye maharigāpū gūhure masare ya wūhūpū ahta dutiye, ya wūhūpū tiquina wahpagā. ²⁴ Poto niita niaja mahure. Ahriquina yūhū pijio mahtamediquina yūhū ihyayere ne mehenogā ihyasi”, niahye pūhoro, ni yahuahye Jesu.

Jesu mehna wahagū mijorīne
(Mt 10.37-38)

²⁵ Ti pjere peyequina masa Jesu mehna wahahye. Sa yero Jesu tiquinare majare ihña, yahuahye:

²⁶ —Ihcāquiro yūhū buheriquiro iji duaro apequina yūhdūoro yūhū pehere cahīno cahmene. Tiquiro pacorore, tiquiro pacorore, tiquiro namonore, tiquiro pohene, tiquiro bahanare, tiquiro pagū gūhure tiquiro cahīno yūhdūoro yūhū pehere cahīno cahmene. ²⁷ Ihcāquiro yūhū buheriquiro iji duaro yeere sa yeducuriquiro ijirota. Sa yero yaquiro tiquiro ijiri buhiri ñano yūhdūeperota yūhūre ne duhusi. ²⁸ Ahrire masiyuro cahmene masare. Ohō saha ijire ti: Wūhū dahreriquiro tiquiro ūhmūari wūhūre yeato pano wūhū wapa tiatire queo mahtare. Sa yero, ti wūhūre tiquiro pehoatire masine tiquiro. ²⁹ Wapa tiyere queoeraro ti wūhūre yero pehoeraboa. Sa ye tiquirore ihñañequina bujūpeboa. ³⁰ “Ahriquiro ti wūhūre yero, tutuerare”, ni, bujūpeboa. ³¹ Pūhoro apequiro pūhoro yeequina mehna tiquina cahmequeato pano, tiquiro yequina surarare tiquiro cahme wejē dutiatio pano, tiquiro yequina surarare queorota. “¿Yūhū diez mil surara mehna apequiro veinte mil surara cūoriquiro mehna cahme wejēgū tutueraboagari yūhū?” ni, tūhoturo queorota tiquiro. ³² Sa queoro, tiquiro tutueratire masinota. Sa masino apequiro pūhoro tiquiro yequina surara mehna cahme wejēno ahtariquiro yoarorū tiquiro ijigāta, tutueriquiro pehe “Cahme wejēdacāhna”, ni dutiro ohoboaga dahra cohteriquirore. ³³ Sa yena yūhū buhena iji duana, mūsa yeatire masare masino cahmene. Mūsa ye duaye pehere duhu duerana, yūhū buhena iji masiedare, ni yahuahye Jesu.

Moa ocayere yahuahye Jesu
(Mt 5.13; Mr 9.50)

³⁴ Sa yero tiquinare yahu nemoahye: —Moa quehnoano ocare. Ti ocaeragū ocaye yero basioerare. ³⁵ Moa ocaeraro ti moa ne quehnoaedare. Ti moare dūhsero basioerare. Ti sa ijigū ti moare cohāno cahmene. Ne dūhseati ijierare ti moa. (Ti dūhseati ijieraro saha ijieracāhña mūsa.

Cohācjū ye pehere cohāedacāhña.) Ahrire quehnoano tūhoya mūsa, niahye Jesu.

15

Oveja butiriquiro queoyere yahuahye Jesu

(Mt 18.10-14)

¹ Sa ye ape deco peyequina wapa ne cōhteyequina apequina “Ñañequina”, tiquina ñañequina mehna Jesure tūhoye ahtahye. ² Tiquina sa yegū ihñañe fariseo masa, judio masare buheyequina gūhū Jesure ihña tuhtiyē, ohō saha niahye tiquina basi:

—Ahriquiro ñañequinare piti tire. Sa yero tiquina mehna ihyare, ni, yahuducuahye tiquina basi.

³ Tiquina sa ni yahuducugū Jesu tiquiro tūhotuyē mehna ohō saha ni, queoye mehna buheahye tiquinare:

⁴ —¿Cien oveja cūoriquiro ihcāquiro oveja butigū ihñano dūhse yerotari tiquiro? Ohō saha yerota. Tiquiro noventa y nueve ovejare tiquina ihyariorū cū, butiriquirore macano waharota. Ovejare bocarorū duhurota. ⁵ Tiquirore bocaro bucuerota. Sa yero tiquiro butiriquirore wūa peo, tiquiro ya wūhūpū ne tojoa waharota. ⁶ Ne tojoa sa, tiquiro cahapū ijieyequinare, tiquiro acayere piji cahmecoanota. “Yaquiro oveja butiriquirore boca tuhasa. Sa yena yūhū mehna bucueya”, ninota tiquiro tiquinare. ⁷ Poto niita niaja mūsa. Noventa y nueve oveja peyequina tiquina ijiro sahata, peyequina masa ohō saha ni tūhoture: “Ñano yeraja. Sa yegū yūhū ñañene bujūa wītisi. Quehnoañe pehere comesasi yūhū”, ni, tūhoture peyequina masa. Tiquina sa ni tūhotugū ihñañe ūhmūse cjēna Cohācjū cahapū ijieyequina bucuerare. Apequiro pehere bucure. Butiriquiro oveja ihcāquirota butiriro sahata tiquiro upūro tiquirore bocariro sahata ihcāquiro ñariquiro tiquiro ñañene bujūa wītigū, quehnoañe pehere comesagū ihñañe, Cohācjū cahapū ijieyequina tutuaro bucure, niahye Jesu.

Niñeru cjoere butiri queoyere yahuahye Jesu

⁸ Sa ni yahu tuhasa, queoye mehna yahu nemoahye tja:

—¿Pūa omope cjoeri niñeru cjoeri cūoricoro ihcā cjoere butigū dūhse yerotari ticoro? Ohō saha yerota ticoro. Sihāiare sihā, wūhūre coha, quehnoano maca pehorota. Ti cjoere bocarorū duhurota. ⁹ Ti cjoere boca tuhasa, ticoro cahapū ijieyequinare, ticoro mehna cjēnare piji cahmecoanota. “Niñeru cjoere yūhūre butiri cjoere bocan. Sa yena yūhū mehna bucueya”, ninota ticoro. ¹⁰ Potota niita niaja mūsa. Sata ihcāquiro ñariquiro tiquiro

ñañene bujua witiġu quehnoaŋe pehere comesaġu Cohăcju yequina angele pehe tutuaro bucueeta, niahye Jesu.

Tiquiro macano butiri queoyere yahuahye Jesu

¹¹ Sa ni yahu tuhasa Jesu queoye mehna yahu nemoahye tja:

—Висаго pohne p̄arog am̄na ijiahye.

¹² Duhsariġuoro pehe ohō saha niahye tiquiro pacurore: “Mai, muhu yariari bato muhu ohoatire yuhare ohoya”, niahye tiquiro pacurore. Tiquiro sa nigū tiquina pacuro p̄arop̄areta tiquiro pohnene itiahye tiquiro cuorire. ¹³ Meheñe decorigā bato duhsariġuoro tiquiro yere ijipihtiyere ne, yoarop̄ are yehrap̄ wahaah wahahye.

Topu esaro tuho masienġuoro yero saha ye, tiquiro niñerure, tiquiro yere ye site peho cāhye. ¹⁴ Tiquiro ye site pehori bato ti yehrap̄are ne ihyaye mariedi pje iji dcahye. Sa yero tiquiro bujua ahbahye.

¹⁵ Sa yero ti yehpa cġe dahrayere macahye. Tiquiro bocagū tiquiro puhtoro yesea cohteriquiro sōahye tiquirore. ¹⁶ Sa yero tiquiro yeseare nu, tiquina ihyayere ihya duamahye. Tiquiro sa ihya duepegūta ti ihyayere to cġena ohoerahye tiquirore.

¹⁷ Sa ye tiquiro topu wacūahye. “Yuhu pacure dahra cohteyequina pehe bujuyere ihyayere ihyare. Tiquina ihya duhari gāhu bujuyere duhsare. Tiquina sa quehnoano yuhduri watoa yuhu pehe ohōpu ijigu, uja ahbagu niaga. ¹⁸ Yojoypure yuhu pacu cahapu tojoagūta. Yuhu pacu cahapu esagu ohō saha niitja tiquirore: ‘Mai, Cohăcjare ñano yei. Muhu gūhure ñano yei. ¹⁹ Ņagu ijiaja yuhu. Muhu macu yero saha ijbogu ijieraja yuhu. Mūhure dahra cohteriquiro yero saha yeya yuhare’, niitja yuhu pacure”, ni tuhotuayeh tiquiro. ²⁰ Sa ni tuhoturota wacādaca, tiquiro pacuro cahapu tojoaa wahahye. Topu tiquiro esariġuoro tojoa tagū tiquiro pacuro pehe yoarop̄ata tiquiro macanore ihñahye.

Tiquiro sa wihigū ihñano macanore paja ihñahye. Paja ihñano tiquiro cahapu oma cā, tiquirore quē suhsu maa, tiquiro wahsupure ihmiahye pacuro tiquiro macanore.

²¹ “Mai, Cohăcjare ñano yei. Muhu gūhure ñano yei. Ņagu ijiaja yuhu. Muhu macu yero saha ijbogu ijieraja yuhu”, niahye tiquiro pacurore. ²² Tiquiro sa nigū tuhoro pacuro pehe dahra cohteyequinare pijiahye. “Sojaro mehna, quehnoa yuhduri suhtirore ne cāhtaya. Sa yena yuhu macure sāaŋa. Sāa tuhasa, tiquiro omoca sañari behtere sāa, dahpo suhti gūhure sāaŋa. ²³ Sāa tuhasa, dihi tiriġuogāre wecūgāre wejēña. Bose deco yeihna mari. ²⁴ Ahriġuoro yuhu macu yariariġuoro yero saha wahariġuoro ijire. Sa wahaaperota yojoypure catire tiquiro.

Tiquiro butimediquirore pari turi bocaau. Sa yena bose deco yeihna mari”, niahye tiquiro pacuro. Tiquiro sa nidi bato bose deco dahre dcahye tiquina.

²⁵ “Ti pjere tiquiro wahmino pehe wesepu ijiahye. Wesepu ijiriġuoro cohe tojoa taro wuhu cahapu esaro, tiquina basayere tuhoahye tiquiro. ²⁶ Tuhooro, ihcāġuoro dahra cohteriquirore pijio, tiquirore sinutuaahye tiquiro: “¿Dahse ijiro boro basaye niari?” niahye tiquiro dahra cohteriquirore. ²⁷ “Muhu bahu coheri. Tiquiro quehnoariġuoro, catiriġuoro tiquiro cohegū muhu pacu dihi tiriġuogāre wecūgāre wejē dutiri”, ni yahtiahye dahra cohteriquiro. ²⁸ Tiquiro sa ni yahugū tiquiro wahmino pehe tutuaro usuaro, wuhapu sajāedahye. Tiquiro sajāedagū ihñano tiquiro pacuro sopecahapu wijia ta, “Sajā taya”, ni, pijimahye tiquiro macanore. ²⁹ Tiquiro sa pijigū macano yahtiahye. “Tuhoaya mai. Yoari pje mūhure dahra cohteriquiro yero saha mūhure yedohomi. Sa yegu muhu dutiyere ne ihcā taha yuhdudacaera. Yuhu mūhure dahra cohtepegāta yuhare ne ohoerari muhu. Ne ihcāġuoro wahiġuogāre ne ohoerari muhu yuhare yahu piti tiyequina mehna yuhu bose deco dahreatire. ³⁰ Sa yero ahriġuoro muhu macu pehe ñañequina numia mehna muhu yere ye site pehoñtohti. Tire ye site peho tuhasa, wuhapu tiquiro tojoa wihigū dihi tiriġuogāre wecūgāre wejē dutiñtohti muhu tiquiro ihyatiġuoro”, niahye tiquiro wahmino pehe pacurore. ³¹ “Macu, yuhu mehna ijipihtiyere decori muhu ijigū ijipihtiyere yuhu cuoye muhu ye ijire. ³² Muhu bahu pehe yariariġuoro yero saha wahari marine. Sa ye yojoypure tiquiro catiriġuoro ijire. Tiquiro butiriġuoro yero saha ijiri. Tiquiro sa wahari bato yojoypure tiquirore bocaau. Sa yero tiquiro tojoa wihigū mari bose deco ye bucuegū quehnoare”, niahye tiquiro macanore, niahye Jesu tiquinare.

16

Niñeru cohteriquiro tuho masiniġuoro quitire Jesu yahuahye

¹ Sa ye ahri quitire tiquiro buheyequinare yahuahye Jesu:

—Doeri cġe upuro ye niñerure cohteriquiro niñerure quehnoano tiquiro ihboeragū ihñano apeġuoro pehe yahusāhye doeri cġe upurore. “Muhu ye niñerure ye sitero nine”, ni yahusāhye tiquirore. ² Tiquiro yahusā tuhasari bato niñeru cohteriquirore pijioahye. Sa yero tiquiro wihigū ihñano, tiquirore puhtoro yahuahye. “Yee niñerure muhu ye siterire apeġuoro yuhare yahuri. Sa yegu yeere cohtegu iji nemosi muhu. Sa yegu yeere muhu

—Doeri cġe upuro ye niñerure cohteriquiro niñerure quehnoano tiquiro ihboeragū ihñano apeġuoro pehe yahusāhye doeri cġe upurore. “Muhu ye niñerure ye sitero nine”, ni yahusāhye tiquirore. ² Tiquiro yahusā tuhasari bato niñeru cohteriquirore pijioahye. Sa yero tiquiro wihigū ihñano, tiquirore puhtoro yahuahye. “Yee niñerure muhu ye siterire apeġuoro yuhare yahuri. Sa yegu yeere cohtegu iji nemosi muhu. Sa yegu yeere muhu

—Doeri cġe upuro ye niñerure cohteriquiro niñerure quehnoano tiquiro ihboeragū ihñano apeġuoro pehe yahusāhye doeri cġe upurore. “Muhu ye niñerure ye sitero nine”, ni yahusāhye tiquirore. ² Tiquiro yahusā tuhasari bato niñeru cohteriquirore pijioahye. Sa yero tiquiro wihigū ihñano, tiquirore puhtoro yahuahye. “Yee niñerure muhu ye siterire apeġuoro yuhare yahuri. Sa yegu yeere cohtegu iji nemosi muhu. Sa yegu yeere muhu

—Doeri cġe upuro ye niñerure cohteriquiro niñerure quehnoano tiquiro ihboeragū ihñano apeġuoro pehe yahusāhye doeri cġe upurore. “Muhu ye niñerure ye sitero nine”, ni yahusāhye tiquirore. ² Tiquiro yahusā tuhasari bato niñeru cohteriquirore pijioahye. Sa yero tiquiro wihigū ihñano, tiquirore puhtoro yahuahye. “Yee niñerure muhu ye siterire apeġuoro yuhare yahuri. Sa yegu yeere cohtegu iji nemosi muhu. Sa yegu yeere muhu

—Doeri cġe upuro ye niñerure cohteriquiro niñerure quehnoano tiquiro ihboeragū ihñano apeġuoro pehe yahusāhye doeri cġe upurore. “Muhu ye niñerure ye sitero nine”, ni yahusāhye tiquirore. ² Tiquiro yahusā tuhasari bato niñeru cohteriquirore pijioahye. Sa yero tiquiro wihigū ihñano, tiquirore puhtoro yahuahye. “Yee niñerure muhu ye siterire apeġuoro yuhare yahuri. Sa yegu yeere cohtegu iji nemosi muhu. Sa yegu yeere muhu

—Doeri cġe upuro ye niñerure cohteriquiro niñerure quehnoano tiquiro ihboeragū ihñano apeġuoro pehe yahusāhye doeri cġe upurore. “Muhu ye niñerure ye sitero nine”, ni yahusāhye tiquirore. ² Tiquiro yahusā tuhasari bato niñeru cohteriquirore pijioahye. Sa yero tiquiro wihigū ihñano, tiquirore puhtoro yahuahye. “Yee niñerure muhu ye siterire apeġuoro yuhare yahuri. Sa yegu yeere cohtegu iji nemosi muhu. Sa yegu yeere muhu

—Doeri cġe upuro ye niñerure cohteriquiro niñerure quehnoano tiquiro ihboeragū ihñano apeġuoro pehe yahusāhye doeri cġe upurore. “Muhu ye niñerure ye sitero nine”, ni yahusāhye tiquirore. ² Tiquiro yahusā tuhasari bato niñeru cohteriquirore pijioahye. Sa yero tiquiro wihigū ihñano, tiquirore puhtoro yahuahye. “Yee niñerure muhu ye siterire apeġuoro yuhare yahuri. Sa yegu yeere cohtegu iji nemosi muhu. Sa yegu yeere muhu

—Doeri cġe upuro ye niñerure cohteriquiro niñerure quehnoano tiquiro ihboeragū ihñano apeġuoro pehe yahusāhye doeri cġe upurore. “Muhu ye niñerure ye sitero nine”, ni yahusāhye tiquirore. ² Tiquiro yahusā tuhasari bato niñeru cohteriquirore pijioahye. Sa yero tiquiro wihigū ihñano, tiquirore puhtoro yahuahye. “Yee niñerure muhu ye siterire apeġuoro yuhare yahuri. Sa yegu yeere cohtegu iji nemosi muhu. Sa yegu yeere muhu

—Doeri cġe upuro ye niñerure cohteriquiro niñerure quehnoano tiquiro ihboeragū ihñano apeġuoro pehe yahusāhye doeri cġe upurore. “Muhu ye niñerure ye sitero nine”, ni yahusāhye tiquirore. ² Tiquiro yahusā tuhasari bato niñeru cohteriquirore pijioahye. Sa yero tiquiro wihigū ihñano, tiquirore puhtoro yahuahye. “Yee niñerure muhu ye siterire apeġuoro yuhare yahuri. Sa yegu yeere cohtegu iji nemosi muhu. Sa yegu yeere muhu

—Doeri cġe upuro ye niñerure cohteriquiro niñerure quehnoano tiquiro ihboeragū ihñano apeġuoro pehe yahusāhye doeri cġe upurore. “Muhu ye niñerure ye sitero nine”, ni yahusāhye tiquirore. ² Tiquiro yahusā tuhasari bato niñeru cohteriquirore pijioahye. Sa yero tiquiro wihigū ihñano, tiquirore puhtoro yahuahye. “Yee niñerure muhu ye siterire apeġuoro yuhare yahuri. Sa yegu yeere cohtegu iji nemosi muhu. Sa yegu yeere muhu

—Doeri cġe upuro ye niñerure cohteriquiro niñerure quehnoano tiquiro ihboeragū ihñano apeġuoro pehe yahusāhye doeri cġe upurore. “Muhu ye niñerure ye sitero nine”, ni yahusāhye tiquirore. ² Tiquiro yahusā tuhasari bato niñeru cohteriquirore pijioahye. Sa yero tiquiro wihigū ihñano, tiquirore puhtoro yahuahye. “Yee niñerure muhu ye siterire apeġuoro yuhare yahuri. Sa yegu yeere cohtegu iji nemosi muhu. Sa yegu yeere muhu

—Doeri cġe upuro ye niñerure cohteriquiro niñerure quehnoano tiquiro ihboeragū ihñano apeġuoro pehe yahusāhye doeri cġe upurore. “Muhu ye niñerure ye sitero nine”, ni yahusāhye tiquirore. ² Tiquiro yahusā tuhasari bato niñeru cohteriquirore pijioahye. Sa yero tiquiro wihigū ihñano, tiquirore puhtoro yahuahye. “Yee niñerure muhu ye siterire apeġuoro yuhare yahuri. Sa yegu yeere cohtegu iji nemosi muhu. Sa yegu yeere muhu

yerire yahu peho ojoaya. Muhare cohãgu niaja”, niahye puhtoro tiqurore. ³ Tiquiro sa nidi bato ohõ saha ni tuhutuahye cohteriquiro tiquro basi: “Yuhu puhtoro yuhare cohãno taro niaga. Yuhu tutueraja. Sa yegu tutuaro dahra masiedaja. Sa yegu apequinare yuhu niñerure sinigã buoro yuhduboaga yuhu. ¿Sa yegu dahse yeitari yuhu?” ⁴ Yojoru pūritare yuhu yeatire masiaja yuhu. Ohõ saha yuhu yegã yuhu dahraye mariedagã yuhu puhtorore wapamoñequina yuhare cahieta. Sa ye tiquina ye wuhsepu sajã dutieta yuhare”, ni tuhutuahye tiquro. ⁵ Sa ni tuhuturo tiquro ijiphtiyequina tiquro puhtorore wapamoñequinare pijioahye. Pijio tuhasa, cohteahye. Wihi muhtariquirore ohõ saha ni sinituahye tiquro. “¿Yuhu puhtorore noho puno wapamoajari muhu?” niahye tiquro. ⁶ Tiquiro sa nigũ wapamoriquro pehe yuhtiahye. “Cien tambore uhsero olivo dũca mehna tiquina yeri uhsero wapamoaja tiqurore”, ni, yuhtiahye. Tiquiro sa ni yahugũ cohteriquiro pehe ohõ saha ni yahuahye. “Ohõru ijire muhu wapamonore ojoa ohõri pũ. Dujiya. Sa yegu muhu wapamonore deco mehna ne, deco mehna ojoa quehnoña”, niahye cohteriquiro wapamoriqurore. ⁷ Sa ni tuhasa apequiro wapamoriqurore sinituahye tiquro. “¿Muhu waro, noho puno wapamoajari?” niahye tja. “Cien ajuri trigo pjeri ajurire wapamoaja yuhu”, niahye wapamoriquro niñerure cohteriquirore. “Ohõru ijire muhu wapamonore ojoa ohõri pũ. Muhu wapamonore ochenta ojoa quehnoña”, niahye cohteriquiro. ⁸ Tiquiro sa quehnoano ni meho mihnigũ ihñano “Ahriquro ni mehoriquiro quehnoano masidiquiro ijiaga”, ni tuhutuahye tiquro puhtoro niñerure cohteriquirore. Ahri deco cãna, Cohãcãre cahmeeñequina tiquina yere quehnorire tiquina niñeru ihborire Cohãcã yequina yuhduoro masiaga tiquina, niahye Jesu.

⁹ Sa ni tuhasa Jesu yahu nemoahye:

—Sa yegu musare niita niaja. Mũsa cuoyere, pejecuoyequinare mũsa ohogũ, tiquina pehe musare cahieta. Mũsa sa yegũ mũsa cuoye pihtiari bato mũsa uhmušepũ esagũ musare cahieta topre.

¹⁰ Ihyo ijieyequina ye dahrayere potu yena, puhtoa ye dahraye gũhare potu yenata. Ihyo ijieyequina ye dahrayere queoro yerana, puhtoa ye dahraye gũhare queoro yesi mũsa. ¹¹ Sa yena ahri yehrapũ mũsa cuoye mehna mũsa quehnoano yerana Cohãcã musare tiquro ye buhaye gũhare quehnoano yesi mũsa. Sa yero ti buhayero cũsi tiquro. ¹² Sa yena apequiro yere mũsa quehnoano ye basaeragũ ihñano mũsa ye ijiatire ohosi musare.

¹³ Ithcãquiro Cohãcã pehere wacũno, tutua yuhduaro niñeru pehere wacũedare. Niñeru pehere tutua yuhduaro wacũno Cohãcã pehere wacũedare. Niñeru dihitaro cahmediquiro ijoro Cohãcãre bucuegũ yerare. Cohãcã gũhare, niñeru gũhare puarore cahme yuhducaro basioerare musare. Niñerure cahme yuhduariquiro Cohãcãre quehnoano ño peo masiedare, niahye Jesu.

¹⁴ Tiquiro sa nigũ tuhoye fariseo masa pehe tiqurore bujũpeahye. Tiquina pehe niñerure cahiahye. Sa ye bujũpeahye. ¹⁵ Tiquina bujũpegũ tuhoro Jesu tiquinare yahuahye:

—Masa tiquina ihñonore mũsa quehnoano yemene. Mũsa sa yegũ “Quehnoañequina, potu yeyequina ijire”, nimene masa musare. Cohãcã pehe mũsa tuhutuyere masine. Masa “Quehnoa yuhduare”, tiquina nidire Cohãcã pehe sijoro saha ni tuhutore. Tire ihña yabire, niahye Jesu.

Cohãcã dutiyere, tiquro puhtoro ijiyere yahuahye Jesu

¹⁶ Sa ni tuhasa ohõ saha ni nemoahye Jesu:

—Ñu wame yeriquiro tiquro ijiatu pano Moisere tiquro cũri dutiye mehna Cohãcã marine dutiri. Cohãcã yere yahu muhtariquina tiquina ojoari mehna gũhu marine dutiri. Yojoru pehere Ñu tiquro buhe dũcari bato quehnoañe buhayero, Cohãcã tiquro puhtoro ijieyere gũhare masi dũcare masa. Sa masiñe masa tiquina esa tuhoro tiquina tutuaye mehna Cohãcã tiquro puhtoro ijire sajã duamene. ¹⁷ Moisere tiquro cũri dutiyepũ Cohãcã nidiro sahata ye pehorota tiquro. Uhmũse gũhu ahri yehpa gũhu pihita wahaepẽgũta Cohãcã nidiro sahata ye pehorota, niahye Jesu.

Namonore cohãñene yahuahye Jesu (Mt 19.1-12; Mr 10.1-12)

¹⁸ Sa ni tuhasa ohõ saha ni nemoahye Jesu:

—Masano tiquro namonore cohãno, apesoru mehna omoca dũhtero, ticoro mehna ñano yero nine. Apequiro tiquro cohãricoro mehna omoca dũhtero, tiquro gũhu ticoro mehna ñano yero nine, niahye Jesu.

Doeri cã upũro, pejecuoriquro queoyere yahuahye Jesu

¹⁹ Sa ye queoye mehna yahuahye Jesu:

—Ti pjerare doeri cã upũro ijie tiahye. Tiquiro suhti pehe wapa buju yuhduahye. Sa yero decoripe quehnoañe dihitaro ih-yaro, peye cuoahye tiquro. ²⁰ Sa yero ti pjere apequiro pejecuoriquro, Lázaro

wame tiriquireo ijie tiahye. Tiquiro pagu peye camí tiriquireo ijiahye. Sa ye apequina pehe tiquirore doeri cje uparo ya wahu cja sahrino caharu ne sae tiahye. ²¹ Sa yero pejecuoriquireo pehe doeri cje uparo tiquiro ihyari mesa docaru yehparu duiro tiquiro ihya site dijiyere ihyaetimahye. “Tiquiro ihya site dijiorire ihyagu yapigata yahu”, ni, tshotue timahye tiquiro. Sa ye diayea tiquiro camine nehnefe ahtae tiahye.

²² Sa yero pejecuoriquireo tiquiro yariaa wahagu, Abrahā caharu paraiso wame tiropu angele tiquirore ne mujahye. Sa yero doeri cje uparo gahu tiquiro batogata yariaa wahahye. Tiquiro yariagu tiquirore yahye. ²³ Sa yero doeri cje uparore tutuaro peca ujūahye. Sa yero pecaru ijiro ahmusepu ijiriquirore Abrahāre ihñahye. Lázaro gāhure ihñahye. ²⁴ Ihña tuhasa, tiquiro Abrahāre pisuahye. “Yuhu acayu Abrahā, paja ihña yuhure. Pecaru yuhu ñano yuhdugu niaja. Yuhu sa wahagu Lázarore yuhure ohoya. Sa yero acore tiquiro omo piriaru soha, yuhu ñehmenore aco mehna nehono ahtaahro. Tire yusuoahro tiquiro”, niahye doeri cje uparo. ²⁵ Tiquiro sa nigū Abrahā tiquirore yahuahye: “Yuhu acayu, catiguru mahu ijiphtiyere quehnoañene cuori. Lázaro pehe decoripe ñano yuhduri. Yojoru pehere mahu ñano yuhdugu tiquiro pehe ohōpore bucueye mehna ijiro nine. ²⁶ Sa ye mari watoa ahcuari cope ijire. Sa ye ohōre ijieyquina torape waha masiedare. Sa ye toru ijieyquina ohōpore ahta duayequina ahta masiedare”, niahye Abrahā doeri cje uparore. ²⁷ Tiquiro sa nigū doeri cje uparo ohō saha ni nemoahye: “Yuhu acayu, tutuaro siniaja mähure. Lázarore yuhu pasu ya wuhuru ohoya. ²⁸ Yuhu ihcā omorequina bahana tii. Lázaro tiquinare yahuahro. Tiquina ohōre ñano yuhdugopore ahtaeracāhdo”, niahye tiquiro. ²⁹ Sa nigū Abrahā pehe yahtiahye: “Cohācjū dutiyere Moise marine cūrire, Cohācjū yere yahu muhtariquina tiquina ojarire cuore mahu bahana. Sa ye mahu bahana tireta tahoahro”, niahye Abrahā. ³⁰ Tiquiro sa nigū doeri cje uparo pehe yahtiahye: “Yuhu acayu Abrahā, tire cuoepeta quehnoano tuhosi. Lázaro yariariquireo masa bajua, tiquina caharu esagū ihñañe tiquina pehe ñañene buja witi, quehnoañe pehere comesaeta. Sa ye quehnoañene yeeta yuhu bahana pehe”, niahye doeri cje uparo manano. ³¹ Tiquiro sa nigū Abrahā pehe yahuahye: “Mahu bahana Moise cūri pū tiquiro yahuyere, Cohācjū yere yahu muhtariquina mana tiquina yahuyere taho dueyequina ijire. Sa ye Lázaro yariariquireo manano masa bajuepegata tiquina Cohācjūre taho duasi”, niahye Abrahā, ni, yahuahye Jesu.

17

Ñañene yegū cuarīne

(Mt 18.6-7, 21-22; Mr 9.42)

¹ Sa ye Jesu yahuahye tiquiro buheyequinare:

—Masare ñañe yegū yeye peye ijire. Sa yeye masa ñañene yere. Ti sa ijiepegata masnore ñañene yegū yeriquiro pehe ña yuhduaro yuhdurota. ² Masnore tiquiro wamuru pajiria utāre duhte yo, pajiri maru tiquirore cohāgū ñano wahaboaga tiquiro. Apequiro pehe ahriquinagā mehna cjanogāre ñañene yegū yero pajiri maru tiquina cohāriquireo yuhduoro ñano yuhdurota. Tiquirore tutuaro buhiri dahrero cahmene. ³ Quehnoano yeya masa. Masa acayuro ñano tiquiro yegū ihñana “Yeracāhña”, niñā tiquirore. Sa yena tiquiro ñañene buja witi, quehnoañene comesagū masa pehe tiquiro ñañe yeyere boya. ⁴ Sa yero masa acayuro ihcā decota siete tahari masare ñano tiquiro yegū masare tiquiro bo dutigū boya. “Pari turi mähure ñano yesi”, siete tahari tiquiro nigū tope taharita tiquiro ñano yerire boya, niahye Jesu.

Cohācjūre wacū tutuayere yahuahye Jesu

⁵ Sa ye Jesu buheyequina tiquirore ohō saha niahye:

—Cohācjūre usāre quehnoano wacū tutua nemoagū yeya, niahye tiquina Jesure.

⁶ Tiquina sa nigū Jesu yahtiahye:

—Mostaza capegā meheni pjegā ijire. Ti yero saha Cohācjūre mehenogā wacū tutuana, ohō saha wahagū yere masinata masa: Ahdu yucugure ohō saha ni masine: “Mahu yucugu mahu basi duhtu cā, pajiri maru bora ñojoaña”, ni masine masa. Masa sa nigū tu yucugu pehe masa dutiro sahata waharota, niahye Jesu.

Dahra coheriquiro tiquiro dahrayere yahuahye Jesu

⁷ Came ahri qutire yahuahye Jesu:

—Masare dahra coheriquiro ijiro wesepu tanare. Sa yero ovejare ihña ihbore. ¿Dahra coheriquiro tiquiro tojoa wihigū dahse niboagari masa tiquirore? ¿“Sojaro mehna ahtaya. Mahu ihyaetihye ohōpore ijire”, niboagari masa? ⁸ Sa niedare masa. Tiquirore ohō saha nine masa: “Yuhu ihyaere doha quehnoña. Sa yegu yuhu ihya sihnigū yuhure cohteya. Yuhu bato mahu gahu ihya sihnña”, nine masa dahra coheriquirore. ⁹ Dahra coheriquiro masa dutiyere tiquiro yegū tiquirore “Quehnoare”, niedare masa. Tiquiro dahraye dihitaro yero niaga tiquiro. ¹⁰ Masa gahu tiquiro yero saha ijire. Cohācjū dutiro sahata ye pehona ohō saha ni, tshotuya masa. “Usā gahu dahra cohtena

dihita ijiaja. Ihyo ijina ijiaja usã. Usã dahraye dihitare yei usã”, ni, tãhotuya mûsa, niahye Jesu tiqûiro buheyequinare.

Pna omopequina cami bñcu mña wihare yuhduoahye Jesu

¹¹ Ape deco Jerusalẽpũ Jesu waharo niahye. Topũ waharo Samaria yehpa, Galilea yehpa, ti pna yehpa watoa yuhdu cãhye. ¹²⁻¹³ Ape macapũ wahari mahapũ tiqûiro tinigũ pna omopequina cami bñcu mña wiha pehe tiqûirore piti cahye. Sa ye yoa cñunopũ ducuyey pisuahye:

—Jesu, pũhto, usãre paja ihñaña, niahye tiqûina.

¹⁴ Sa nigũ tiqûinare ihña, yahuahye Jesu:

—Pahire musa pagurire quehnoañe paguri musa waharire ihñaona wahaya, niahye tiqûinare.

Sa nidĩ bato tiqûina wahari watoa quehnoa wahahye. ¹⁵ Sa yero ihcãquiro tiqûina mehna cñano quehnoano tiqûiro pagũ wahagũ ihñaño, Jesu cahapũ majare tojoa tahye. Sa tojoa taro tutuaro mehna Cohãcjũre ño peoahye. “Cohãcjũ tutuariquiro, quehnoariquiro ijire”, ni, ño peoahye tiqûiro. ¹⁶ Sa nino tiqûiro Jesu dahpocãri caha dũsepe curi mehna quehe sa, “Quehnoare”, niahye tiqûiro. Samaria cñano ijiahye. ¹⁷ Tiqûiro sa yeri bato Jesu ohõ saha ni sinituahye:

—Pna omopequina ijiri masa quehnoa wahariquina. ¿Apequina nueve dũhsayequina pehe nohopũ ijiagari tiqûina? ¹⁸ Ahriquiro ape yehpa cñano dihita Cohãcjũre “Quehnoare”, nino taro tojoa tari. ¿Dũhse ijiro boro apequina ahtaerajari? niahye Jesu.

¹⁹ Sa ni tuhasa Jesu yahuahye dũsepe curi mehna quehe sariquirore.

—Wahcãdũcaya. Wahaya. Mũhũ Cohãcjũre wacũ tutuagu, yuhdure mũhũ, niahye Jesu tiqûirore.

Cohãcjũ tiqûiro pũhtoro ijiatire yahuahye Jesu

(Mt 24.23-28, 36-41)

²⁰ Ti pjere meheñequinagã fariseo masa Jesure sinituahye:

—¿Dũhse ijigũ Cohãcjũ pũhtoro iji dũcarotari? niahye tiqûina.

Tiqûina sa nigũ Jesu yũhtiahye:

—Cohãcjũ tiqûiro pũhtoro iji dũcagũ masa ihña masiedare. ²¹ “Cohãcjũ pũhtoro ijie ohõpũ ijire”, ni masiedare. “Sohõpũ ijire”, ni masiedare. Cohãcjũ tiqûiro pũhtoro ijie masa tiqûina tãhotuyepũ ijire, niahye Jesu fariseo masare.

²² Sa ni tuhasa Jesu tiqûiro buheyequinare ohõ saha ni yahuahye:

—Came yũhũ masũ Cohãcjũ ohorigũ ahri yehparũ yũhũ tojoa tatire tutuaro cahmenata mûsa. Mehenogã yũhũre ihña

duepenata yũhũre ihñasi musa. Musa yũhũre sa ihña duepegũta ti pjere ahtasi yũhũ. ²³ Apequina musare ohõ saha nieta. “Tiqûirore ihñaña. Cristo ijire. Ahriquirore ihñaña. Cristo ijire”, nieta musare. Tiquina sa niepegũta tiqûinare tũhoeracãhña. ²⁴ Hpo miadoqueoro wacũeno mehna ti mia sitedoqueoro sahata yũhũ gũhũ masũ Cohãcjũ ohorigũ wacũeno mehna tojoa tautja. ²⁵ Ahrire yũhũ yeato pano yũhũ tutuaro ñano yuhdata. Sa ye yojopũ cñena yũhũre cahmesi. ²⁶ Noẽ tiqûiro ijiri pje cñena tiqûina ijiriro sahata yũhũ masũ Cohãcjũ ohorigũ yũhũ tojoa tagũ sata ijietã masa. ²⁷ Noẽ tiqûiro ijiri pjere ijipihitiyequina masa sa ihyaducue tiahye. Sa ye sihniducue tiahye. Hmua, numia mehna omoca dũhtee tiahye. Noẽ pajiria yucasapũ tiqûiro sajãto pano Cohãcjũ tiqûinare tiqûiro mioato pano ti ijipihitiyere masa yeducue tiahye. Sata ijirota yũhũ tojoa tagũ gũhũre. ²⁸ Lote tiqûiro ijiri pje cñena tiqûina ijiriro sahata yũhũ tojoa tagũ ijietã masa. Lote tiqûiro ijie tiri pjere masa ihya, sihni, dũ, dua, weserire ote, wũhuse yeahye. ²⁹ Tiquina sa yeri watoa Sodoma wame tiri macapũ ijiriqûiro Lote tiqûiro wahari deco uhmũse cã peca, peca asiye paca utã pjeri gũhũ acoro ahtaro saha tiqûina bui bora pje, tiqûinare wejẽ pehoe tiahye. ³⁰ Yũhũ masũ Cohãcjũ ohorigũ wacũeno mehna yũhũ tojoa tagũ tiqûina yero sahata yeyequina ijietã masa ti pjere.

³¹ Ti pjere ihcãquiro tiqûiro ya wũhũ bui cã paapũ quehnoari paapũ ijiriqûiro wũhũ puhiaipũ tiqûiro ye ijigũ tire neno wahaeracãhõ tiqûiro sojaro mehna wahato saha. Sa yero wesepũ ijiriqûiro gũhũ ti pjere tiqûiro ya wũhũpũ pihercãhõ tiqûiro sojaro mehna wahato saha. ³² Lote namono ticoro waharire wacũña mûsa. ³³ Masũno yũhũre wacũno marieno tiqûiro esa tuharo tiqûiro cahmeno saha yero, pecapũ waharota. Sa yero yeere sa yeducuriqûiro ijipihitiye decori yũhũ mehna uhmũsepũ ijirota.

³⁴ Ti ñamine pũaro ihcã cuñanopũ carĩñequinare ihcãquiro yũhũre cahmeniquirore neitja. Sa yero yũhũre cahmedariquiro topũ tojoarota. ³⁵ Ti pjere pũaro numia ihcãnopũ tiqûina trigore tu mtofe numiare ihcãcoro yũhũre cahmenicorore neitja. Sa yero yũhũre cahmedaricoro topũta tojoarota. ³⁶ [Sa ye wesepũ pũaro dahrayequina tiqûina ijigũ ihcãquirota neitja. Ihcãquiro topũ tojoarota.] niahye Jesu.

³⁷ Sa nigũ tiqûiro buheyequina pehe sinituahye tiqûirore.

—¿Nohopũ sa waharotari? ni sinituahye tiqûina.

Tiqûina sa nigũ Jesu yũhtiahye:

—Masa tiquina ñano yeducuriopu, topu Cohācjū buhiri dahrerota tiquinare, niahye Jesu.

18

Wape wihoro ticoro buhiri dahre dutiye queoyere yahuahye Jesu

¹ Sa ye Jesu tiquinare Cohācjüre siniñene yahuro ohō saha niahye:

—Musa Cohācjüre sinina, cohteya tiquiuro yahtiatire. Yoari pje cohtepenata bujua witteracāhña. Tiquiurore sinina duhueracāhña, niahye Jesu.

² Tiquiuro sa nidire buhero taro ahri queoye mehna yahuahye tiquinare:

—Ape macapu tiquina buhiri dahre dutiriquiuro ijiahye. Tiquiuro Cohācjüre ño peerahye. Sa yero masa gūhare ño peerahye. ³ Sa yero wape wihoro gūhu topu ijiahye. Ticoro tiquiuro cahapu sa majareno ohō saha niahye: “Yuhare ihña tuhtiriquiurore buhiri dahre dutiya mahu. Yuhare ni cahmota basaya”, ni siniducuahye ticoro tiquiurore. ⁴ Ticoro sa nigū peye tahari tiquiuro “Yesi yuhu”, nimahye ticorore. Tiquiuro sa niepegūta ticoro peye tahari sa siniducuro tiquiurore ni cariboro ye cāmahye. Ticoro caribogū, ohō saha niahye tiquiuro basi. “Yuhu Cohācjüre, masa gūhare ño peeraja. ⁵ Yuhu sa ño peogū yuhu ijiepegūta ahricoro pehe yuhare caribo ye cāmaga. Yuhare sa cariboro yuhare caributigū yerota ticoro. Sa ni yahusāducugū ticorore ihña tuhtiriquiurore buhiri dahre dutitja”, niahye buhiri dahre dutiriquiuro, niahye Jesu.

⁶ Sa nino Jesu tiquinare yahu nemoahye: —Sa niahye ñariquiuro buhiri dahre dutiriquiuro. Tiquiuro nidire wacūna musa. ⁷ Tiquiuro yuhduoro Cohācjū pehe tiquiuro yequina tiquiuro beseriquinare ñamipu, decoru tiquiurore sinidiquinare yahtiro, yedohorota. ⁸ Musare niita niaja. Cohācjüre tiquina sinidiro sahata duita tiquinare yedohorota. ¿Tiquiuro sa yahtiriquiuro ijiepegūta yuhu masu Cohācjū ohorigū ahri yehpapu tojoa tagu Cohācjüre wacu tutuayequinare bocaboagari yuhu? niahye Jesu.

Pñaro masa Cohācjüre tiquina siniñe quitiye yahuahye Jesu

⁹ Sa ye apewe quiti mehna ohō saha ni yahuahye Jesu: “Ūsā pehe quehnoana ijiaja. Apequina pehe ñano yeyequina ijire”, ni, tuhotuyequinare ahri quitiye yahuahye: ¹⁰ —Cohācjū ya wuhuru pñaro umua Cohācjüre siniñe wahahye. Ihcāquiuro fariseo masuno ijiahye. Apequiuro wapa ne cohteriquiro ijiahye. ¹¹ Sa yero fariseo masuno pehe ducu, ohō saha ni yahuahye

Cohācjüre: “Yuhu yaquerigu, ñañene yerigu, numia mehna ñano yerigu ijieraja. Apequina yero saha ijieraja. Ahriquiuro wapa ne cohteriquiro yero saha ñagu ijieraja. Sa yegu mahare ‘Quehnoare’, niaja Cohācjū. ¹² Yuhu semanaripe pua decore mahu yere yegu sijiaja. Sa yegu pua omope cjoeri niñeru cjoerire wapatagu ihcā cjoere mahare ohoaja”, niahye fariseo masuno Cohācjüre. ¹³ Sa yero wapa ne cohteriquiro pehe yoaropu muhri yo ducu, tiquiuro ñañene bujua witi, ummusepore ihñedahye. Tiquiuro ñañene bujua witiiriquiuro ijiro tiquiuro cutirore quē ohō, siniahye Cohācjüre: “Cohācjū, yuhu ñagu ijiaja. Sa yegu mahu paja ihñaña yuhare”, niahye tiquiuro Cohācjüre. ¹⁴ Musare niita niaja. Ahriquiuro wapa ne cohteriquiro pehere tiquiuro ya wuhuru tojoagū Cohācjū pehe “Muhu ñañene cohā tuhasau”, niahye tiquiurore. Apequiuro fariseo masunore “Muhu ñañene cohāu”, niedahye Cohācjū. “Yuhu quehnoagu ijiaja”, nidiquiuro Cohācjū ihñagū ñariquiuro ijire. “Yuhu ñagu ijiaja. Sa yegu yee ñañene bujua witiya”, nidiquiurore Cohācjū quehnoariquiuro ijigū yerota tiquiurore, niahye Jesu.

Macanagāre tiquina ye ijiatire Cohācjüre sini basahye Jesu

(Mt 19.13-15; Mr 10.13-16)

¹⁵ Sa ye masa tiquina pohnene macanagāre Jesure ña peo dutiye tehe, tiquiuro cahapu ne wihiahye. Tiquina sa yegū ihñañe Jesu buheyequina tiquinagāre ne wihiyequinare tuhtiahye. ¹⁶ Tiquina sa tuhtigū ihñano Jesu macanagāre pijioahye tiquiuro cahapu. Pijio tuhasa ohō saha niahye tiquiuro buheyequinare:

—Macanagā yuhu cahapu ahtaahro. “Waharīsa”, niedacāhña tiquinagāre. Tiquinagā Cohācjüre tiquina puhtoro tuhoture. Sa ye Cohācjū puhtoro ijirorure ahriquinagā yero sahata tuhotuyequina ijire torpe. ¹⁷ Potota niita niaja musare. Ahriquinagā Cohācjüre tiquina cahmeno saha musa pehe cahmedana, tiquiuro cahapu wahasi musa. Musa wahaeragū musa puhtoro ijisi tiquiuro, niahye Jesu.

Doeri cjē upuro Jesure sinituahye

(Mt 19.16-30; Mr 10.17-31)

¹⁸ Tiquiuro sa nidi bato judio masa puhtoa mehna cjāno Jesure sinituahye:

—¿Ne, quehnoagu, buhegu, ijipihtiye decori Cohācjū mehna iji duagu, dahse yeboagari yuhu? niahye tiquiuro.

¹⁹ Tiquiuro sa nigū Jesu yahtiahye:

—¿Duhse ijiro boro yuhare “Quehnoagu”, ni pisujari mahu? Cohācjū dihita quehnoariquiuro ijire. ²⁰ Ahri Cohācjū dutiyere masine mahu. “Wuana tieracāhña. Masare wejēdacāhña. Yaqueracāhña. Ni

mehoedacāhña. Mūsa pacasumwāre ño peoya”, ni, sa ye dutire Cohācjū. Sa yegū tire yeya mūhū, niahye Jesu.

²¹ Tiquiro sa nigū Jesure yūhtiahye:

—Tire ijiphtiyere yūhū coā wahmūa cāhtagū ijigūpata yūhdūcaerahti, niahye tiquiro.

²² Tiquiro sa nigū tūhoro, Jesu tiquirore ohō saha ni yahuahye:

—Mehenogā dūhsare mūhūre mūhū ye pehoati. Ijiphtiyere mūhū yere duagū wahaya. Sa yegū ijiphtiyere mūhū wapatarī niñerure pejesuoyequinare ohoya. Mūhū sa yegū peye mūhū ye ūhmūserū, Cohācjū cahapū ijirōta. Sa ye tuhasagū yūhū mehna cjū ijicajū ahtaya, niahye Jesu tiquirore.

²³ Tiquiro sa nigū tūhoro tiquiro pehe peye doeri cjē suoriquiro ijiro tire pejesuoyequinare oho dueraro, tutuaro bājua witi, wahaa wahahye.

²⁴ Tiquiro sa bājua witiḡ ihñano Jesu ohō saha ni yahuahye apequinare:

—Doeri cjē opana Cohācjū tiquiro pūhtoro ijipore tiquinare waharo basioera cjūre.

²⁵ Camello pehe awia copere tiquiro sajā duagū basioerare tiquirore. Tiquiro sa ijiro yūhdūoro doeri cjē upūro Cohācjūre cahmedaro, Cohācjū tiquiro pūhtoro ijipore waharo basioerare, niahye Jesu.

²⁶ Tiquiro sa nigū tiquirore tūhoyequina ohō saha niahye:

—Aa, dūhse tiquiro nino saha poto ijigū, ne ihcāquiro masuno Cohācjū cahapū waha masiedaboaga, niahye tiquina basī.

²⁷ Tiquina sa nigū Jesu yūhtiahye:

—Masa tiquina esa tūhoro quehnoano yeri mehna Cohācjū cahapū waha masiedare. Cohācjū pehe masare pecapū wahaboriquinare yūhdūo masine. Tiquiro ijiphtiyere quehnoano ye masi peho cāre, niahye Jesu tiquinare.

²⁸ Tiquiro sa nigū Pedro tiquirore ohō saha niahye:

—Tūhorīña. Ūsā pehe ijiphtiyere ūsā yere cū cān mūhū mehna wahana, niahye tiquiro Jesure.

²⁹ Tiquiro sa nigū Jesu ohō saha niahye:

—Potota mū sare niita niaja. Mūsa Cohācjū yere yena tana masa wūhsere, masa pacasumwāre, masa bahanare, masa namosānumiare, masa pohmare cūrīna ijina pajiro wapatanata masa yojopure. ³⁰ Mūsa cūrī yūhdūoro wapatanata. Sa yena masa yariari bato ijiphtiyere decori Cohācjū mehna ijinata masa, niahye Jesu tiquinare.

*Pari turi Jesu tiquiro yaria masa wiji-
atire yahuahye*

(Mt 20.17-19; Mr 10.32-34)

³¹ Sa ye Jesu doce tiquiro buheyequinare neahye. Sa neano tiquinare yahuahye:

—Tūhoya yūhūre. Yojopure mari Jerusalēpū wahana niaja. Topū yūhūre masare Cohācjū ohorigure Cohācjū yere yahu māhtariquina panopū tiquina yahuriro sahata sa yeeta yūhūre. ³² Topū masa yūhūre ñeñeñe, judio masa ijieyequinare ohoeta yūhūre. Yūhūre tiquina ohoi bato tiquina yūhūre bājūre, ñano ni, yūhūre sihco puti ohōeta. ³³ Sa ye yuta dari mehna tana tuhasa wejēeta yūhūre. Sa yegū ihtia deco wahaboro masa wijiagūta yūhū, niahye Jesu tiquinare.

³⁴ Tiquiro sa ni yahurire quehnoano masiedahye tiquiro buheyequina. Cohācjū tire tiquinare quehnoano masigū yerani-ahye.

*Caperi bajueriquirore ihñagū yeahye Jesu
(Mt 20.29-34; Mr 10.46-52)*

³⁵ Sa ye Jesu gūhū Jericó wame tiri maca cahagāpū esahye. Topū caperi bajueriquiro maha dūhtū caha duji, niñeru sinino niahye. ³⁶ Sa yero masa peyequina tiquiro caha yūhdūagū tūhoro sinituahye tiquinare:

—¿Dūhse ijiro boro masa peyequina yūhdūajari? ni sinituahye tiquiro.

³⁷ —Jesu Nazare cjūno waharo nine, ni, yahuahye apequina tiquirore.

³⁸ Tiquina sa ni yahugū tūhoro tiquiro sañuducuahye:

—Jesu, Davi mūnano panami iji turiagū, masare yūhdūoacjū, yūhūre paja ihñañā, ni sañuducuahye Jesure.

³⁹ Tiquiro sa nigū tiquiro caha ihñaducuyequina pehe, “Dihta mariahñā”, ni tuhtiepegūta to pano tiquiro sañuducuriro yūhdūoro sañuducu nemoahye tja:

—Davi mūnano panami iji turiagū, masare yūhdūoacjū, yūhūre paja ihñañā, ni sañuducuahye tiquiro.

⁴⁰ Tiquiro sa ni sañuducugū tūhoro, Jesu pehe esadūca, “Pijioya tiquirore”, niahye. Tiquiro sa nigū tiquina pehe caperi bajueriquirore piji cāhye. Tiquina sa piji cāgū Jesu cahapū esagū Jesu pehe tiquirore sinituahye:

⁴¹ —¿Dūhse yūhū yegū cahmeajari mūhū? niahye Jesu.

—Yūhū pūhto, yūhūre ihñagū yeya, ni yūhtiahye caperi bajueriquiro.

⁴² —Ihñañā. Yūhūre wacū tutuagū, quehnoa wahare mūhū, niahye Jesu tiquirore.

⁴³ Tiquiro sa nigūta caperi bajueriquiro ihñāa wahahye. Sa quehnoa waharo, tiquiro Jesu mehna wahahye. “Cohācjū tutuariquiro ijire”, niahye tiquiro. Sa ye masa peyequina caperi bajueriquiro ihñagū ihñañe “Cohācjū quehnoariquiro, tutuariquiro ijire”, niahye tiquina gūhū.

19

Zaqueo Jesure piti cahye

¹ Sa ye Jesu Jericópa esa, ti macapa yuhdu cāno taro niahye. ² Doeri cje uparo Zaqueo wame tiriquireo wapa ne cohteyequina puhtoro topa ijiahye. ³ Sa yero tiquireo Jesure “¿Diquiro boro ijigari?” ni ihña masino taro Jesure ihña duamahye. Sa tiquireo ihña duepegata hñmediquirogā ijigū masa peyequina tiquireogāre cahmotahye. ⁴ Sa yero tiquireo masare oma yuhdu cā, sicómoro wame tidu yuscugapa majahye Jesure ihñano taro. Came cjunogā tu cahapa Jesu yuhduaro taro niahye. Sa yero Zaqueo tupa cohtero niahye. ⁵ Tiquireo sa cohte pesari watoa Jesu pehe tu dahpotopa esadaca, Zaqueore ihña mño, tiquireore pisuahye:

—Zaqueo yojopare maha ya wuhupa tojoagutja. Sa yegu sojaro mehna dijia taya, niahye Jesu.

⁶ Tiquireo sa nigū Zaqueo pehe sojaro mehna dijia ta, tutuaro buceyeye mehna tiquireo ya wuhupa waha dutiahye Jesure. ⁷ Tiquireo sa piti cagū ihñañe, ijiphtiyequina masa tiquina basi ohō saha ni yahuducuahye:

—Ahriquireo Jesu ñariquireo ya wuhupa tinino waha duare, ni, yahuducuahye ijiphtiyequina tiquina basi.

⁸ Zaqueo pehe piti ca tuhasa topa ducuro, Jesure yahuahye:

—Puhto, tuhoya yuhare. Ijiphtiyeye yeere deco mehna pejecuoyequinare ohoutja. Sa yegu yuhū apequireore cien niñeru cjoerire ni meho ehmarigu ijigu, cuatro cientos niñeru cjoerire wapa ye bui peoutja tiquireore, niahye Zaqueo Jesure.

⁹ Tiquireo sa nigū Jesu pehe yahuahye tiquireore:

—Miare mahare maha ya wuhupa ijieyequina gūhare pecapa wahaboriquinare Cohācju yuhduo tuhasare. Mūhu gūhu Abrahā manano acayu ijire. ¹⁰ Yuhū masu Cohācju ohorigu pecapa wahaboriquinare macagu ahtagu ni. Topa wahaboriquinare quehnoano yuhduogū ahtagu ni, niahye Jesu Zaqueore.

Niñeru cjoeri uru cjoeri quitire yahuahye Jesu

(Mt 25.14-30)

¹¹ Sa ye tiquireore tuhoyequinare Jesu apeye queoye mehna yahuahye. Mehenogā dahsahye Jerusalēpa tiquireo esato. Sa ye tiquireore tuhoyequina ohō saha ni tuhoutuahye: “Cohācju puhtoro yojopare iji ducaro taro nine”, ni, tuhoutuahye tiquina. ¹² Tiquina sa ni tuhoutugū Jesu yahuahye tiquireore:

—Ihcāquiro puhtoro macano puhtoro sajātiquireo yoaropa ape yehpapa waharo taro niahye. Topare esagū ihñano tiquina

tiquireore puhtoro sōñe tee niahye. Came tiquireo ya wuhupa tojoa wihiro taro niahye. ¹³ Coā warore tiquireo wahato panore puhtoro pua omopequina dahra cohteyequinare pijioahye. Sa pijioro, tiquireo tiquireore tiquireore cjoeri niñeru cjoeri wapa bujaye cjoeri uru cjoerire ohoahye. Oho tuhasa, yahuahye tiquireore: “Yuhū mariedagū ahri niñeru mehna masa wapata nemoatire macaña”, niahye tiquireo dahra cohteyequinare. ¹⁴ Sa ye tiquireo ya maca cjenata tiquireore cahmedahye. Sa cahmedaye, apequireore tiquireore puhtoro yahu dutiye ohoahye. “Mūhu usā puhto ijigū cahmedaja usā”, niahye tiquireo yahu dutiriquina pehe. ¹⁵ Sa tiquireo cahmedapegata came tiquireo puhtoro sajāhye tiquireo. Puhtoro sajā tuhasa tiquireo ya wuhupa tojoa tahye.

‘Sa tojoa wihiro dahra cohteyequinare tiquireo ye niñeru mehna tiquireo wapata nemorire masino taro, tiquireore pijioahye.

¹⁶ Tiquireo pijiori bato, wihi mahitariquireo tiquireore yahuahye: “Puhto, maha niñeru cjoer, yuhare maha ohori cjoer mehna pua omope cjoeri wapata nemou yuhū”, niahye dahra cohteriquiro puhtoro.

¹⁷ “Quehnoano yeaya maha. Mūhu quehnoaga dahra cohtegu ijire. Mūhu mehenogā mehna yuhū dutiriro sahata ye pehogū ijigu yojopa pua omope macari cjenā tiquireo puhto ijicju wahaguta maha”, niahye puhtoro dahra cohteriquiro.

¹⁸ Tiquireo bato wihiriquireo tiquireo mehna cjanō ohō saha niahye: “Puhto, maha ya cjoer niñeru cjoer yuhare maha ohori cjoer mehna ihcā omope cjoeri wapata nemou yuhū gūhu”, ni yahuahye tiquireo puhtoro.

¹⁹ “Ihcā omope macari cjenā puhto ijicju wahaguta maha”, niahye puhtoro tiquireore.

²⁰ Tiquireo sa nidi bato apequireo dahra cohteriquiro wihi, yahuahye: “Puhto, maha niñeru cjoer ohō ijire. Suhtiro cahsero mehna coma, ti cjoere ihbou.

²¹ Mūhu tutuaro dahra dutigu ijire. Sa tutuaro dahra dutigu ijigu maha basi oterapegata ti ducare nene maha. Sa yegu mahare cue ni”, niahye tiquireo puhtoro “Ti cjoer mehna wapataerū yuhū”, ni yahuro.

²² Tiquireo sa nigū tiquireo puhtoro ohō saha niahye: “Mūhu sa nigū ñagu ijire maha. Yuhare maha sa nidi buhiri mahare buhiri dahregutja yuhū. Yuhū mahare tutuaro dahra dutigu yuhū ijigū masine maha. Apequina yere yuhū negū yuhū oterarigu ijiepegata ducare negū yuhū ijigū masine maha.

²³ Yuhū sa ijigū ihñapegata ya cjoer niñeru ihbori wuhupa ctedahya maha. Tire tiquireo wasori wapa wapata nemoboaya maha. ¿Duhsegu sa yerari maha? Tire maha yegū tojoa wihigu wapata nemoboaya yuhū”, niahye tiquireo puhtoro.

²⁴ Sa ni

tuhasa tiqiro caharū ducuyequinare dutiahye: “Niñeru cjoere ehmaña tiqirore. Pua omope cjoerire cūoriquirore ohoya”, niahye pūhtoro. ²⁵ Tiquiro sa nigū tiquina pehe yahuahye tiqirore: “Pūhto, pua omope cjoeri cūoriquirore peye cūo tuhasare”, niahye tiquina. ²⁶ Tiquina sa nigū pūhtoro yūhtiahye: “Mūsare niita niaja. Ijipihtieyquina cūoyequinare oho nemoutja. Cūoeriquiro pehere mehenogā tiqiro cūoepegāta tire ehmagatja. ²⁷Yojopū pūritare yūhare ihña tuhtieyequinare yūhare tiquina pūhtoro iji dutierariquinare yūhū caharū ne cāhtaya. Sa yena yūhū ihñonopū wejēña tiquinare”, niahye pūhtoro dahra cohteyequinare, ni, buheahye Jesu.

Jerusalēpū esahye Jesu
(Mt 21.1-11; Mr 11.1-11; Jn 12.12-19)

²⁸ Sa ni tuhasa Jesu apequina pano Jerusalēpū wahahye. ²⁹ Tiquiro Betfagē wame tiri maca caharū Betania wame tiri maca caharū esa, cūnū Olivo wame tidū caharū esa mūhtahye. Jerusalēpū tiqiro esato mehenogā dūhsatjāhye. Sa yero pūaro tiqiro buheyequinare Jesu ohoro ohō saha niahye:

³⁰ —Si macarū burrogāre nena wahaya. Topū esana, burrogāre tiquina dahte docoriquirogāre boca sanata. Apequina pesamehnediquirogā ijiaga. Tiquirogāre bocana, yuta dare pā, ne cāhta basaya yūhare. ³¹ Mūsa sa yegū ihñā, burrogā upūro “¿Dūhsena burrogāre pājari?” tiqiro nigū tūhona ohō saha ni yūhtiya tiqirore: “Mari pūhtoro burrogāre cahmedoqueo nidi”, ni, yahuya tiqirore, ni yahu duti ohoahye tiqiro buheyequinare pūarore.

³² Tiquiro sa nigū tiquina pūaro pehe tiqiro nidiropū esahye. Tiquina sa esagū ijipihtiey Jesu tiqiro nidiro sahata ijiahye.

³³ Sa ye tiqirogāre tiquina pāgū ihñāne tiqirogā opana tiquinare sinituahye:

—¿Dūhse yena tana mūsa yuta dare pājari burrogāre? ni, sinituahye tiquina.

³⁴ —Mari pūhtoro burrogāre cahmedoqueo nidi, ni yūhtiahye tiquina.

³⁵ Sa ni yahu tuhasa tiqirogāre Jesu caharū ne sahye. Ne sa tuhasa tiquina bui cjē suhtire tiqirogā bui seō peo, tiqirogā buipū Jesu mūja pjegū yedohoahye tiquina. ³⁶ Jesu tiqirogā bui pesagū tiqirore wahato pano masa tiquina bui cjē suhtire tu we ne, maharū seō cū mūhtahye Jesure ño peoye.

³⁷ Sa ye tiquina Jerusalē cahagāpū esa, Olivo wame tidūpū dijia tari maharū esahye. Topū Jesu buhegū tūhoyequina peyequina ijipihtiey Cohācjū tutuaye mehna tiqirore ye ihñorire, tiqiro quehnoañe yerire tiquina ihñarire wacūñe, Cohācjūre “Quehnoagu, tu-tuagu ijire”, ni sañuducuahye. Sa ye tutuaro

sañuducu, Cohācjūre ño peoye, ohō saha niahye:

³⁸ —Ahriquirō Cohācjū tiqiro ohoriquirore, mari pūhtoro Cohācjū quehnoano yeahro. Uhmūse cjenā quehnoano ijiahro. Cohācjū tiqiro tutu-ariquirō ijigū ijipihtieyquina masiahdo, ni ño peohye tiquina.

³⁹ Tiquina sa nigū tūhoye fariseo masa meheñequinagā tiquina watōa ijieyequina Jesure yahuahye:

—Buhegū, mūhū buheyequinare dihta maria dutiya, niahye tiquina.

⁴⁰ —Mūsare niita niaja. Tiquina sañuducueragū utā paca pari pehe sañuducuboaga, niahye Jesu fariseo masare.

⁴¹ Sa ni tuhasa Jesu Jerusalē cahagāpū esa, ti macare ihñāno, utiahye. ⁴² Ohō saha niahye tiqiro:

—Jerusalē cjāna yojopū pūritare mūsare pecarū wahaborinare Cohācjū tiqiro yūhduoatire mūsa masigū quehnoa yūhduaboaga. Sa ijiepegāta yojopūre mūsa tire ne tūho duerare. Sa yero Cohācjū tire mūsare masi dutierare. ⁴³ Mūsare ihñā tuhtieyquina mūsa ijiri macare cahmota sotoa peho quēheeta. Sa ye, mūsare tiquina wijia dutisi. ⁴⁴ Ti pjeta tiquina mūsa ya macare cohā pehoeta. Mūsa gūhare wejēeta. Mūsare ihñā tuhtieyquina quehnoano cohā pehoeta mūsa ya macare. Cohācjū pecarū wahaborinare mūsare tiqiro yūhduoatire mūsa masi duerari. Mūsa masi duerari buhiri mūsare ihñā tuhtieyequinare Cohācjū mūsare cohā dutirota, niahye Jesu Jerusalē cjēnare.

Cohācjū wūhūpū Jesu esahye
(Mt 21.12-17; Mr 11.15-19; Jn 2.13-22)

⁴⁵ Sa ye Jerusalēpū esaro, Jesu Cohācjū wūhūpū sajāa wahahye. Sa yero apee boro duayequinare ti wūhūpū ijieyequinare boca saro, tiquinare cohā wio cāhye. Ohō saha niahye tiquinare:

⁴⁶ —Cohācjū yere tiquina ojoari pūpū ohō saha nine: “Ya wūhū Cohācjū mehna yahuducuri wūhū wame tirota”, niahye tiqiro yere tiquina ojoari pūpū. Tiquiro sa niepegūta mūsa pehe ahri wūhūpū duana, mūsa basi cahme yaquere mūsa, niahye Jesu.

⁴⁷ Sa ye decoripe Cohācjū wūhūpū Jesu buheahye. Sa ye pahia pūhtoa, judio masare buheyequina, masa pūhtoa gāhū tiqirore tiquina wejēatire wacū macahye. ⁴⁸ Masa ijipihtieyquina tiqirore sa tūhoducuye, tiqiro buheyerē quehnoano tūho nūnūñequina ijiahye. Tiquina sa quehnoano tūho nūnūgū Jesure wejē duayequina pehe tiqirore tiquina wejēatire bocaerahye.

20

Pahia pãhtoa, judio masare buheye-quina, bucuna gãhu Jesu mehna cahme tuhtiyeh niahye

(Mt 21.23-27; Mr 11.27-33)

¹ Ape deco Cohãcjũ wãhũpũ Jesu masare quehnoañe buheyere buhero niahye. Tiqiro sa buhegũ pahia pãhtoa, judio masare buheyequina, bucuna mehna tiqiro cahapũ wihye, sinituahye:

² —Yahuya usãre. ¿Dãhsegu canãre sa yeari mũhu? ¿Noa mũhare tire sa ye dutiari? niahye tiquina Jesure.

³ Tiquina sa nigũ Jesu yãhtiahye tiquinare:

—Musa pehere sinitu mãhtagutja. Yahuya yũhare. ⁴ ¿Ñu masare tiqiro wame yegũ noa boro pehe tiqirore wame ye dutiyari, musa tãhotugũ? ¿O Cohãcjũ dutierayari? ¿O masa pehe dutiyari, musa tãhotugũ? ni sinituahye Jesu tiquinare.

⁵ Tiqiro sa nigũ tiquina pehe tiquina basi ohõ saha niahye:

—¿Dãhse ni yãhtinatari mari? “Cohãcjũ Ñure dutie tiahye”, mari nigũ, “¿Dãhsena Ñure Cohãcjũ dutiepegũta tiqirore tãho duerari musa?” ni boaga Jesu marine. Sa yena “Cohãcjũ Ñure dutie tiahye”, ni yãhti masiedaja mari. ⁶ Ahriquina masa pehe “Potota Ñu Cohãcjũ yere yahu mãhtariqiro ijire”, ni tãhoture tiquina. Sa ni tãhotuye “Ñu tiqiro wame yegũ Cohãcjũ tiqirore dutierahye”, mari nigũ tãhoye marine masa utã paca mehna doqueeta. Sa yena ti gãhare yãhti masiedaja mari, ni yahuducuahye tiquina basi.

⁷ Sa ni yahuducu tuhasa tiquina Jesure yãhtiahye:

—Ñure wame ye dutiriqirore usã masiedaja, niahye tiquina.

⁸ Tiquina sa nigũ Jesu yãhtiahye:

—Ti pje pũrita yũhu gãhu musa sinitu mãhtarire yahueraja musare. Ahrire yũhu yerire dutiriqirore yahueraja musare, niahye tiquinare.

Ñãnequina dahra cohteyequina queoyere yahuahye Jesu

(Mt 21.33-44; Mr 12.1-11)

⁹ Sa ye Jesu tiqiro tãhotuye mehna queoye mehna ohõ saha ni buhe ducahye masare:

—Wese upũro ãhse darire oteahye. Ote tuhasa, ti wesere apequinare ihcã pehe pahma cũahye. Pahma cũno ti wesere tiquinare ihña ihbo dutiahye. Sa duti tuhasa ape yehpãpũ waha, yoari pje bãjueahye. ¹⁰ Sa yero ãhse ñidi pje ijigũ wese upũro tiqiro cahacjãnore wesere ihña ihboyequina cahapũ ohoahye. Wese cjẽ oteri ducare tiqiro ya pahrẽ cjẽne ne

dutiro ohomahye. Sa ye ihña ihboyequina pehe tiqiro cahacjãnore piti ca quẽahye tiqirore. Sa ye tiquina tiqirore ducare ohoerapeta tojoa dutiahye. ¹¹ Sa yero wese upũro apeqiro tiqiro cahacjãnore ti wese cjẽ oteri ducare ne dutiro ohomahye tja. Sa ye wesere ihña ihboyequina tiqiro gãhare quẽ, ñano yeahye tiqirore. Sa ye tuhasa tiqirore ti ducare ohoerapeta tojoa dutiahye tja. ¹² Tiquina sa yeri bato wese upũro apeqiro cahacjãnore ohomahye tja. Sa ye wesere ihña ihboyequina pehe tiqiro gãhare cami dahre, ti wese dũhtũ cahapũ cohã cãhye tiqirore.

¹³ Tiquina sa yeri bato wese upũro ohõ saha ni tãhotumahye: “¿Dãhse yegutari yũhu? Ohõ saha yegutja. Yũhu macãre yũhu cahñiqirore ohogutja. Ijirota ijire. Tiquina tiqirore ño peoeta”, ni tãhotumahye wese upũro pehe. ¹⁴ Sa ye tiqiro macãnore tiqiro ohoriqirore esagũ ihñañe ihña ihboyequina pehe tiquina basi ohõ saha ni, yahuducuahye. “Ahriqiro wese upũro macãno ijire. Tiqirore wejẽihna. Sa yero ahri wese mari ya wese tojoarota”, nimahye tiquina basi. ¹⁵ Sa ni tuhasa wese upũro macãnore wese dũhtũ cahapũ nea, wejẽ cãhye tiqirore. ¿Tiquina sa yegũ ihñano dãhse yerotari wese upũro wesere ihña ihboyequinare? niahye Jesu.

¹⁶—Ti wesere ihña ihboyequinare wejẽno taro, apequinare wesere ihña ihbo dutirotã, ni yãhtiahye Jesu tiqiro basi.

Tiqiro sa nigũ tãhoye masa pehe ohõ saha niahye:

—Marine sa wahaeracãhdo, niahye tiquina.

¹⁷ Tiquina sa nigũ Jesu pehe tiquinare sinituahye:

—¿Cohãcjũ yere tiquina ojoari pũre ohõ saha ni yahuducuye, dãhse nino nijari, musa tãhotugũ?

Ahriqiro Cristo utã yero saha ijire.

Utãre wãhu dahreyequina tiquina cohãno saha masa tiqirore cohãeta. Tiquina sa yepegũta yojoapũre wãhu dahreyequina wãhare yeye tiquina cũ mãhtaria utãre tiquina cũno saha Cohãcjũ tiqirore pãhoro sãri, ni ojoahye.

¹⁸ 'Ijipihiyequina tia utã bui doque queheyequinare mãta sitea wahaeta. Sa yero tia utã mãsũno bui bora pjero, mãtaa wahagũ yerota tiqirore. Tiqiro pagũ mnanore daye manarigã wahagũ yerota, niahye Jesu. (Sa nino tiqirore cahmedariquina, tiqiro buhiri dahreatiquina tiquina ñano yãhdũatire yahuro niahye.)

Puhtoa ye wapare apequina sinituahye Jesure

(Mt 21.45-46; 22.15-22; Mr 12.13-17)

¹⁹ Tiquiro sa nigū tuhoye judio masare buheyequina, pahia puhto gāhu, “Jesu wesehere ihña ihboyequina queoye mehna marine tuhtiro nine”, ni, tuhoutuahye tiquina.

Sa ni tuhoutuahye tiquina Jesure ñehe duamahye. Sa ñehe dueteta tiquina masare cue niahye. ²⁰ Sa cueye, Jesure tiquina ñeheatu pjerer cohteahye tiquina. Sa ye “Poto ijiyequina yero saha ye meho ijiya masa”, niahye tiquina apequinare. Tiquiro ñano ni yuhtigū ye duaye nimahye tiquirore yahusā duaye. Sa ye Jesure sinitu dutiye ohoahye ni mehoñequinare. Jesu ñano ni yahuducugū tuhoye ti yehpa cñena puhtoro peresu ye dutiye tee nimahye. ²¹ Sa ye tiquina Jesure ni meje cū sinitu ye nimahye:

—Buhegu, poto yahuducugu, ni mehoñe mariegu muhu ijigū usā masiaja. Sa yegu ihcāquiro puhtoro waro tiquiro ijiepegūta tiquiro gūhare dóyaro marieno potota yahure muhu. Muhu Cohācjū yere poto muhu buhegū gūhare usā masiaja. ²² Yahuya usāre. ¿Ne, Roma cñanore ijipihtiequina puhtoro gobierno cñene marine wapa yero cahmeajari, muhu tuhutugū? ¿Mari dutiye wapa ye dutiajari, muhu tuhutugū? ni sinituahye tiquina Jesure.

²³ Tiquina sa nigū tuhoro Jesu tiquina ñano ye duayer masino, tiquinare yuhtiahye:

²⁴ —Yojopare niñeru cjoere puhtoare wapa yeati cjoere ne cāhtaya. Ti cjoere ihñauhna, niahye.

Ti cjoere tiquina ne wihigū ihñano ohō saha niahye Jesu:

—¿Noa boro queoye wahñajari ahri cjoere? ¿Noa boro wame wahñajari? niahye Jesu tiquinare.

—César, masa ijipihtiequina puhtoro queoye, tiquiro wame gūhu wahñare, ni yuhtiahye tiquina.

²⁵ Tiquina sa nigū Jesu yahuahye:

—Ti pje pūrita masa ijipihtiequina puhtoro yere tiquiro pehere ohoya. Cohācjū yere Cohācjū pehere ohoya, niahye Jesu tiquinare.

²⁶ Sa ye masa tiquina ihñonopu Jesure ñano ni yahuducugū ye masiedahye tiquina. Sa ye Jesu yuhtiyere tuhoye, tiquina tuho maria wahahye. Sa tuho maria waha, dihta maria wahahye.

Cohācjū tiquiro masoatire yahuahye Jesu saduceo masare

(Mt 22.23-33; Mr 12.18-27)

²⁷ Sa ye meheñequinagā saduceo masa Jesu cahapu wihiahye. “Cohācjū yariariquinare masosi”, ni tuhoutuahye ijiyahye saduceo masa. Sa ye tiquina ohō saha niahye tiquirore:

²⁸ —Buhegu, ohō saha ni buheahye Moise: “Ihcāquiro tiquiro wahmino namo tiriqiro pohna mariedaperota tiquiro yariagū ihñano tiquiro bahoro tiquiro wahmino namono ijiricorore nuoano cahmene. Sa yero tiquiro wahmino munano tiquiro pohna tiboriro sahata pohna tiro cahmene tiquiro bahoro. Sa ye tiquiro pohne tiquiro wahmino munano pohne yero saha ijieta”, ni, ojoahye Moise, niahye tiquina.

²⁹ Tire ni tuhasa ahri quitire tja yahu nemoahye Jesure:

—Ihcāquiro masano ijiyahye. Seis bahana tiahye. Tiquina wahmino pehe namo ti, pohna mariediquiro yariaa wahahye. ³⁰ Sa yero apequiro tiquiro bahoro gūhu tiquiro wahmino namono ijiricorore nuoahye. Tiquiro sa nuoari bato tiquiro wahmino yero sahata pohna mariedaperota tiquiro gūhu yariaa wahahye. ³¹ Sa yero ahriquiro bahoro gūhu tiquiro wahmino munano yero sahata pohna mariedaperota yariaa wahahye. Sa dihita wahahye ihcāquiro pohne waro. Ne pohna mariedapeta yaria pihtia wahahye. ³² Tiquina namono ijiricoro gūhu tiquina batota yariaa wahahye. ³³ ¿Ne, Cohācjū ijipihtiequinare yariariquina munare tiquiro masogū diquiro namono pehe ijiboagari ticoro pototi? Tiquina ijipihtiequina ticoro namo tiriqiro muna ijiyahye. ¿Sa yero diquiro namono pehe ijiritari? ni sinituahye tiquina.

³⁴ Tiquina sa nigū Jesu yuhtiahye:

—Yojopu cñena omoca duhtere. ³⁵ Tiquina sa duhtepegūta apequina pehe topu cñena pehe sa ijierare. Apequina umuare, numia gūhare poto yeyequinare Cohācjū quehnoahequina ijigū yerota. Tiquina yariari bato masa mwaeta. Sa ye tiquina topu omoca duhterare. ³⁶ Sa ye tiquina angele yero sahata ne yariasi. Tiquina Cohācjū masoriquina ijiye, Cohācjū pohne ijire. ³⁷ Yojopare yariariquina mana tiquina masa wijiati pehere masare yahutja. Tire Moise quehnoano yahu pehoahye. Tiquiro mehenagā ujari quitire ohō saha ni yahuahye: “Abrahā, Isaac, Jacob tiquina puhtoro ijire Cohācjū,” ni ojoahye Moise. ³⁸ Tiquina yariari bato “Tiquina puhto ijiya”, ni yahuahye Cohācjū. Sa nieperota yariariquina mana puhtoro ijierare Cohācjū. “Tiquina puhto ijiya”, tiquiro niñe mehna catiyequina tiquina ijigū masiaja mari. Tiquiro catiyequina puhtoro ijire. Ijipihtiequina masa catire, Cohācjū ihñagū, niahye Jesu tiquinare.

³⁹ Tiquiro sa nigū meheñequinagā judio masare buheyequina ohō saha niahye:

—Buhegu, muhu quehnoano yuhtiri, niahye tiquina Jesure.

⁴⁰ Sa ye pari turi Jesure sinitu duerahye tiquina.

Cristo pehe Davi manano puhtoro ijire
(Mt 22.41-46; Mr 12.35-37)

⁴¹ Came Jesu ohō saha ni yahu nemoahye tiquinare:

—“Cristo Davi manano panamino iji turariquiro ijirota”, ni buhere apequina. ¿Duhse ye tiquina sa ni buheajari? ⁴² Davi manano tiquiro basi Salmoru tiquiro ojoari pūru ohō saha ni, ojoahye:

Cohācjū yūhu puhtoro ohō saha nidi:

“Ohōru yūhu poto pehepu dujiya.

⁴³ Sa yegu mahure ihña tuhtiyequinare mahure yuhducaca basautja yūhu”, nidi Cohācjū yūhu puhtoro, ni, ojoahye Davi manano.

⁴⁴ Sa ni ojoaro Davi manano Cristore “Yūhu puhtoro”, ni pisuahye. Davi manano Cristo ñecano iji turariquiro ijieperota Cristore “Yūhu puhtoro”, ni pisuahye. ¿Davi manano Cristo ñecano iji turariquiro ijieperota duhse ijiro boro tiquiro “Yūhu puhtoro”, ni pisuyari Cristore? Cristore pehe Davi manano puhtoro ijire, ni yahuahye Jesu.

Judio masare buheyequina tiquina ñañe yeyere yahuahye Jesu

(Mt 23.1-36; Mr 12.38-40; Lc 11.37-54)

⁴⁵ Masa peyequina Jesure tiquina tuhori watoa Jesu pehe tiquiro buheyequinare ohō saha ni yahuahye:

⁴⁶ —Mari judio masare buheyequina tiquina ñañe yeyere ihñana quehnoano wacū masña. Sa yena tiquina yero saha yeracāhña. Tiquina yoaye suhti saña, masa tiquina ihñonopu tini, doeri cjē duaropu apequina puhtoare quehnoano ño peo tiquina sinino saha tiquina pitu ca sinigū cahmene tiquina. Sa ye tiquina mari judio masa buheye wuhsepu quehnoañe dujiye dihitare duji duare. Sa ye bose deco ijigū topu gūhare quehnoañe dujiye dihitare cahmene. ⁴⁷ Tiquina wape wiha numia ye wuhusere tiquina cūoye gūhare ehmare ti numiare. Sa ye tiquina masa ihñonopu yoari pje Cohācjūre siniducumene masare ihña dutiye. Tiquina sa yegū apequina bui cjūno tiquinare Cohācjū buhiri dahrerota, niahye Jesu tiquinare.

21

Wape wihoro Cohācjū wuhupu ticoro ohorire yahuahye Jesu

(Mr 12.41-44)

¹ Sa ni yahu tuhasa Cohācjū wūhu cjē niñeru tiquina sārī acarore niñeru opana tiquina ye niñerure duhu sīgū ihña dujiro niahye Jesu. ² Sa ihñano wape wihoro pejecoricoro pua cjoegāre ticoro duhu sīgū gūhare ihñahye. ³ Tire ihña tuhasa ohō saha ni yahuahye:

—Potota niita niaja masare. Ahricoro wape wihoro pejecoricoro pehe niñeru

sārī acaropu duhu sāno apequina ijipihtiyequina ohori yuhduoro ohori ticoro pehe. ⁴ Apequina niñeru opana pajiro tiquina ohoepegūta tiquina ye pajiro duhsare. Ahricoro pehe pejecoricoro ijieperota ijipihkiye ticoro iyhatire ticoro dūborigāre oho pehori, niahye Jesu.

—Cohācjū wūhu cohōri wūhu ijirota, niahye Jesu

(Mt 24.1-2; Mr 13.1-2)

⁵ Sa ye apequina Cohācjū wūhure ohō saha niahye:

—Quehnoañe utā paca mehna yeri wūhu, quehnoa yuhduari wūhu ijicjoare. Masa Cohācjū ya wūhu ijiatire tiquina ohori gūhu ti wuhupare quehnoano cūri jire, ni, yahuducuye niahye.

Tiquina sa nigū Jesu yahuahye tiquinare:

⁶ —Ahri ijipihtiyē mari ihñari wuhusere, ahri utā paca gūhare cohā pehoeta. Ne ihcāria utā tojoasi, niahye Jesu tiquinare.

Pihtiati deco ijiatire yahuahye Jesu

(Mt 24.3-28; Mr 13.3-23)

⁷ Tiquiro sa nigū tuhoye tiquina pehe sinituahye tiquirore:

—¿Buegu, duhse ijigū mahū nidiro saha sa waharotari? ¿Pihtiati deco panogā ijigū duhse ti waha ducagū ihñanatari usā? ni sinituahye tiquina Jesure.

⁸ Jesu yuhtiahye tiquinare:

—Quehnoano yeya mūsa. Sa yena masare apequina tiquina ni mehoñene tuhoeracāhña. Peyequina masa “Cristo ijijaja yūhu”, ni mehoñequina ahtaeta. Sa niñe, “Yojopure pihtiati deco ijiat mehenogā duhsare”, nieta. Tiquina sa nigū tuhoeracāhña. ⁹ Sa ye apequina “Cahme wejēne nine”, masare nieta. “Yojopure puhtoare masa cohāñe nine”, nieta. Masa tire tuhona cueracāhña. Pihtiati deco pano ohō saha waha muhtanota. Sa wahagū pihtiati deco wahato duhsarñota, niahye Jesu.

¹⁰ Sa ni tuhasa ohō saha ni yahu nemoahye:

—Ihcā yehpa cjēna ape yehpa cjēna mehna cahme wejēta. ¹¹ Sa yero tutuaro yehpa ñuhmi, masa peyequina uja mehna yaria, ijipih tiro cjēna dōhatieta. Sa ye uhmuse cjē cua pesaye bajuagū ihñañe, masa ihña maria wahaeta.

¹² Ahri ijipihtiyē sa wahato pano, apequina masare ñehe, ñano yeeta. Sa ye mari judio masa buheye wuhsepu tiquina masare yahusā, peresu yeeta masare. Tiquina sa yegū peye yehpari cjēna puhtoa cahapu, peye macari cjēna puhtoa cahapu ducunata mūsa tiquina yahusānohrina. Yeequina mūsa ijiri buhiri sa yeeta. ¹³ Tiquina sa yahusāgū mūsa pehe quehnoañe buheyere tiquinare

yahunata. ¹⁴ Ti pjere musare tiquina yahusägü puhtorore musa yuhtiatire “Yahu masiedaboaga”, ni tuhotueracähña musa. ¹⁵ Yahu musare yahu basautja. Musare sa yedohogu tuho masifene, quehnoañe yahuducuye gühure musare yahugü yeitja. Musa sa yegü musare ihña tuhtiyequina pehe musa yahuducuyere tuho, “Ti poto ijierare”, ni, yuhti masisi. ¹⁶ Ti pjere musa pacsumña, musa bahana, musa acaye, musa mehna cjëna gühu musare ihña tuhtiyequinare ohoeta musare, yeequina musa ijiri buhiri. Tiquina sa yegü musare ihña tuhtiyequina musa mehna cjënare apequinare wejëeta. ¹⁷ Sa ye yeequina musa ijigü ihñañe, ijipihtiyequina musare ihña tuhtietia. ¹⁸ Musare sa ihña tuhtiepetia ne mehenogä musare ñano yesi. ¹⁹ Sa yena musa wacü tutuana ijija. Musa sa yena, Cohäcjü mehna sa ijiducunata.

²⁰ Sa ye peyequina surara Jerusalëpü tiquina cahmota sotoa cohö cägü ihñana, Jerusalëne tiquina cohöto mehenogä duhsagü masinata musa. ²¹ Ti sa wahagü ihñañe Judea yehparü ijieyequina canü cju cahapü oma duhtiauro. Sa ye Jerusalëpü ijieyequina wahaahro. Sa ye weseripü ijieyequina Jerusalëpü tojoeracähdo sojaro mehna tiquina wahato pehe. ²² Ti decoripü buhiri dahreye decoripü ijipihtiye Cohäcjü tiquiuro ojoari pü tiquiuro nidiro sahata sa waharota. ²³ Ijipihitropü ahri yehparü ñano yuhdueta. Ti sa wahagü, niji wahcöñe numia, tiquina pohene apöñe numia gühu pejecuoro wahaeta. ²⁴ Apequina ahri maca cjëna mehna cahme wejëeta. Sa ye apequina ahri maca cjënare ijipihtiye yehparipü ne cä, peresu yeeta. Sa ye judio masa ijieyequina Jerusalëne ñano ye, tiquinare yuhdueta. Judio masa ijieyequina ya deco pihitigapü Jerusalë cjënare ñano ye duhueta, ni yahuahye Jesu.

Jesu ahri yehparü tiquiuro tojoa tatire yahuahye

(Mt 24.29-35, 42-44; Mr 13.24-37)

²⁵ Sa yero tiquinare yahu nemoahye:

—Ti pjere asü deco cjëno, ñami cjëno, ñahpicoha gühu sijoro saha ijieyequina wahaeta. Ijipihtiyequina ahri yehpa cjëna “Acuehi, yarianata”, ni tuhotuyequina pajiri ma cjë pahcöri cua yuhduaro ti pahcöri bisi cähtagü tuhoje tutuaro cueeta. ²⁶ Ti pjere uhmuse cjë yehpari, ñahpicoha gühu ti sa wahaducurore camesaeta. Sa ye ñuhmieta. Ti sa wahagü ihñañe, masa pehe ahri yehpa pihtiatire cohtey, tutuaro cueeta. ²⁷ Ti pjeta yahu masu Cohäcjü ohorigu Cohäcjü tutuaye mehna tiquiuro asi siteye mehna ehmeo curua buipü yuhü ahtagü ihñaeta masa. ²⁸ Ahri sa waha ducagü ihñana, wacü tutuana ijija. Sa yena

uhmusepü ihñaña. Ti pjere Cohäcjü musare pecapü wahaborinare tiquiuro yuhduoato mehenogä duhsarota, niahye Jesu.

²⁹ Sa ni tuhasa ahri queoye mehna buheahye Jesu:

—Higueragure, apeye cju gühure tuhotuya musa. ³⁰ Tu yucagü püri tigü ihñana, cuhma mehenogä duhsagü masine musa. ³¹ Sata ahri ijipihtiye yahu nidire ti sa wahagü ihñana, Cohäcjü tiquiuro puhtoro ijiati pje mehenogä duhsagü masinata musa.

³² Musare poto niita niaja. Ti pje cjëna tiquina yariato pano ijipihtiye yahu nidiro sahata sa waharota. ³³ Uhmuse, ahri yehpa gühu pihtia waharota. Yuhü yahuducuye pehe ne camesasi. Ijipihtiye yahu nidiro sahata sa waha sohtori tirota.

³⁴ Yuhü tojoa tati decore ne masiedare musa. Sa yena quehnoano yeya. Bose decorire queheye decorire yeducueracähña. Sa yena queheracähña. Ahri yehpa cjëne pajiro tuhotueracähña. Musa yahu nidiro sahata yena, wacüeno mehna ahri yehparü yuhü ahtagü musa ne acuasü. ³⁵ Wahiquirore yuri da wacüeno mehna ti da tuä suhoro saha wacüeno mehna ahtautja yahu. Ijipihtiyequina ahri yehpa cjëna tiquina masiedi watoa ti deco wacüeno mehna sa waharota. ³⁶ Quehnoano wacü masi cohtey. Sa yena Cohäcjüre ahrire sa siniducuya: “Ahri pihtiatia decore sa wahagü yuhure yedohoya. Tutuayere ohoya yuhure ahrire quehnoano yahu yuhduatire. Sa yegü Cristore mahü ohorigurore cuero marieno yuhure piti cagü yeya”, ni, siniña Cohäcjüre, niahye Jesu.

³⁷ Sa ye ti decorire Cohäcjü wuhapü Jesu buhee tiahye. Naminipe buhe tuhasaro Olivo wame tidü canupü waha, topü iji bohreaye tiahye. ³⁸ Bohreayepe tahari ijipihtiyequina masa Cohäcjü wuhapü tiquiurore tahoye waha tiahye.

22

Pahia puhtoa, judio masare buheyequina mehna wejë duahye Jesure

(Mt 26.1-5, 14-16; Mr 14.1-2, 10-11; Jn 11.45-53)

¹ Sa ye ti pjere pugü yeye moremehneñe päre tiquina ihyati bose deco mehenogä duhsahye. Ti bose deco pascua wame tiahye. ² Sa ye pahia puhtoa, judio masare buheyequina mehna Jesure wejë duaye, tiquina wejëatire wacü macahye. Jesure wejë duepeta, masa pehere cueahye, “Usuari”, niñe.

³ Sa ye watino Juda Iscariotere ñano tiquiuro ye dutigü Juda pehe yuhtiahye tiquiuro. Juda doce buheyequina mehna cjëno ijimahye. ⁴ Sa yero tiquiuro pahia

puhtoare, Cohācjū wuhū cjēna surara puhtoa mehna gūhare yahuro wahahye. Tiquna cahapu esa, tiquinare Jesure tiqairo ihñootire yahuahye tiquinare. ⁵ Tiqairo sa nigū tuhoye, tiquina bucue, “Muhare niñerure wapa yenaŕja”, niahye tiquina Judare. ⁶ Tiquna sa nigū Juda “Au, tiqairore musare ihñoutja”, ni, masa tiquina ihñeno watoa Jesure ihña tuhtiequinare tiqairo ihñoati ñamine cohtero niahye.

Jesu buheyequina mehna tiqairo ihya bato tiati deco ijiahye

(Mt 26.17-29; Mr 14.12-25; Jn 13.21-30; 1 Co 11.23-26)

⁷ Pugū yeye moremehneñe pāre ihyati bose deco iji ducari deco ijiahye. Sa yero pascua cjē ijiatire ovejare tiquina ihya-tiquinare tiquina wejēdi deco ijiahye. ⁸ Ti pjeta Pedore, Ñu gūhare Jesu yahuahye:

—Bose decoru mari ihyatire quehnona wahaya, niahye Jesu tiquinare.

⁹—¿Noho bororu mari ihyatire quehnoyu dutigū ohoajari muhū usāre? ni sinituahye tiquina tiqairore.

¹⁰ Tiquna sa nigū Jesu yuhtiahye:

—Jerusalēru masa esagū aco sutu wariqairo musare piti carota. Tiqairo piti cagū tiqairo mehna wahaya. ¹¹ Sa wahana tiqairo siho sajāri wuhuru esana wuhū uparore ohō saha ni yahuya. “¿Nohoru yuhū buheyequina mehna pascua cjē ihyayere ihyanatari?” nidi buheriqairo”, niña wuhū uparore. ¹² Musa sa nigū tuhoro ahmmano cjā tucūre pajiri tucūre mari cahmeñe mehna tiquina quehñori tucūre ihñonota wuhū uparo. Toru mari ihyatire dahreya masa, niahye Jesu tiquinare.

¹³ Tiqairo sa nigū tiquina ti macaru wahahye. Toru tiquina esagū tiquinare tiqairo nidiro sahata wahahye. Sa ye tiquina pascua cjē ihyatire dahreahye.

¹⁴ Ihyari pje ijigū Jesu doce tiqairo buheyequina mehna ihya dujiyahye. ¹⁵⁻¹⁶ Toru ihyaroru dujiro Jesu tiquinare yahuahye:

—Musare niita niaja. Ahri pascua bose decore mari dahreaja Cohācjū tiqairo yequinare tiqairo yuhñootire wacūna. Came Cohācjū tiqairo puhtoro ijioru tiqairo yequinare yuhñoo tuhasarota. Tiqairo sa yuhñooato pano ahri deco cjēne pari turi ihyasi yuhū. Sa yegu yojopare yuhū ñano yuhñooato pano ahri pascua cjē ihyayere masa mehna tutuaro ihya duahti yuhū, niahye Jesu.

¹⁷⁻¹⁸ Sa ninota Jesu sihñidi pare ne, Cohācjūre “Quehnoare”, ni sini, tiquinare yahuahye:

—Musare niita niaja. Cohācjū ijipihitiyequina puhtoro tiqairo ijiato pano ahri nu-nore ne pari turi sihñisi yuhū. Sa yena ahri vinore ne, masa basi iti sihñiña, niahye Jesu.

¹⁹ Sa ni tuhasa pāre ne, Cohācjūre “Quehnoare”, niahye. Sa yero tiare nuha, itiahye tiquinare. Tiare itiro, tiquinare yahuahye:

—Ahri yuhū pagu ijire. Yuhū pagu yuhure ihña tuhtiequinare tiquina ohori pagu ijirota musare yuhū yuhñooati. Sa yena yuhure masa wacūatire ahrire ihyaya, niahye Jesu.

²⁰ Sa ihya tuhasa sata tiqairo tiquinare sihñidi pa gūhare ohoahye. Sa ohoro, tiquinare yahuahye:

—Musa ñañe yeyere cohāgu tagu yariatja. Sa yegu yuhū diire cohātja. Cohācjū “Musare yuhñooatja”, tiqairo nidiro esa tuhagū yuhū yariaro mehna tiqairo nidiro sohtori tirota.

²¹ Yojopare tuhoya masa. Yuhure ihña tuhtiequinare yuhure ihñootiqairo yojopare yuhū mehna ohō dujire. ²² Cohācjū tiqairo dutiriro sahata yuhū masu Cohācjū ohorigu yariatja. Tiqairo sa yaria dutiepegūta yuhure ihña tuhtiequinare ihñootiqairo pūrita ña yuhñooaro yuhñurota, niahye Jesu tiquinare.

²³ Tiqairo sa nigū tiquina pehe tiquina basi ohō saha ni sinituahye:

—¿Jesure ihña tuhtiequinare ihñootiqairo mari mehna cjāno diqairo boro ijiagari? ni, yahuducuahye tiquina basi.

—¿Mari mehna cjāno diqairo pehe ijiagari puhtoro? ni yahuducuahye Jesu buheyequina tiquina basi

²⁴ Came Jesu buheyequina ohō saha ni yahuducuahye:

—¿Mari mehna cjāno diqairo pehe ijiagari puhtoro? ni yahuducuahye tiquina basi.

²⁵ Tiquna sa ni yahuducugū tuhoro Jesu tiquinare yahuahye:

—Cohācjūre cahmeeñequina puhtoa pehe tiquina masare dutiye, purino mehna dutire. Sa ye puhtoare “Tiquna masare yedohoyequina ijire”, nimene apequina masa tiquinare. ²⁶ Musa pehe sa yesi masa basi. Masa mehna cjāno masa wahmi pehere tiqairo bahuro yero saha ijiro cahmene. Masa mehna cjāno puhtoro iji duaro cahacjāno yero saha ijiro cahmene tiqairore.

²⁷ ¿Diquiro ijiagari puhtoro? ¿Ihya dujiriqairo pehe puhtoro ijiagari? ¿O ihyayere itiriqairo pehe puhtoro ijiagari? Ihya dujiriqirota ijiaga puhtoro. Tiqairo sa ijiepegūta yuhū pehe cahacjāno yero saha musare yedohogu ahtau.

²⁸ Masa yuhure tiquina ñano yepegūta masa pehe yuhure duhuerare. ²⁹ Sa yegu yuhū Pacu yuhure tiqairo puhtoro sōriro

sahata m̄sa ḡhure puhto s̄ogutja yuh̄u.
³⁰ Yuh̄u puhto yuh̄u ijigū yuh̄u ihyari mesap̄u
 m̄sa ḡh̄u ihya, sih̄ninata. Sa yena m̄sa
 puhto dujiyere dujinata. M̄sa top̄u du-
 jina Israe masare doce cururi c̄j̄nare bese-
 nata m̄sa ñānequinare, quehnoānequinare,
 niahye Jesu tiquiro buheyequinare.

*Pedro Jesure tiquiro coh̄atire yahuahye
 Jesu*

(Mt 26.31-35; Mr 14.27-31; Jn 13.36-38)

³¹ Sa ni tuhasa Pedroro Jesu oh̄o saha ni
 yahuahye:

—Simo Pedro yuh̄ure tuhoya. Musare
 ijip̄htinare wat̄no yuh̄ure coh̄agū ye duare.
 Trigo wese c̄j̄ano trigore tiquiro wej̄e site
 coh̄airo sahata musare ijip̄htinare wat̄no
 ñano ye duare. Sa ye duaro, Coh̄ac̄j̄ure
 sinidi. ³² Tiquiro sa sinigū ih̄ñagū yuh̄u pehe
 Coh̄ac̄j̄ure sini basau m̄h̄ure. Yuh̄ure m̄h̄u
 wacū tutua duhueratire sini basau m̄h̄ure.
 Sa yegū m̄h̄u yuh̄u mehna c̄j̄u pari turi ijigū
 yeequinare yedohoya m̄h̄u, yuh̄ure tiquina
 wacū tutua nemoati, niahye Jesu Pedroro.

³³ Tiquiro sa nigū Pedro yuhtiahye:

—Puhto, yuh̄ure tiquina peresu yep̄egata,
 yuh̄ure tiquina wej̄e duep̄egata m̄h̄u
 mehna c̄j̄u ijiitja, niahye Pedro.

³⁴ Jesu yuhtiahye:

—Pedro, m̄h̄ure niita niaja. Mia ñami
 canaca tiquiro yahuato pano “Jesure
 masiedaja”, niguta m̄h̄u apequinare. Ihtia
 taha sa niguta m̄h̄u, niahye Jesu Pedroro.

*Jesure tiquina ñano ye ducato mehenogā
 d̄ahsahye*

³⁵ Sa ni tuhasa Jesu tiquiro buheye-
 quinare yahuahye:

—¿Soh̄o ijiri p̄je niñeru ajuro mariena,
 pajiri ajuro mariena, dahpo suhti mariena
 musare yuh̄u ohogū apee boro d̄ahsari
 musare? ni sinituahye Jesu.

—Ne us̄are yabe d̄ahsaerari, ni yuhtiahye
 tiquina.

³⁶ —Ti p̄jere musare d̄ahsaerapegata
 yojop̄u pehere niñeru ajurore cuona tire
 neña. Pajiri ajurore cuona ḡh̄u neña. Sa
 yena musare ñoseni p̄ji mariedagū m̄sa
 suhtire duana ti p̄jine d̄uya. ³⁷ Ahrire
 musare nii niaja. Coh̄ac̄j̄u yere tiquina
 ojoari p̄p̄u tiquina nidiro sahata yuh̄ure sa
 waharo cahmene. Oh̄o saha niahye ti p̄p̄u:
 “Tiquiro dutiyere yuh̄ud̄ucayequina
 mehna c̄j̄ano ijire’, nieta masa”, ni, ojoahye,
 niahye Jesu.

³⁸ —Ih̄ñaña puhto. P̄ua p̄ji ñoseñe p̄j̄ine
 cuoaja us̄a, niahye tiquiro buheyequina.

—To punota ijire, ni yuhtiahye Jesu.

*Getsemaní wame tiri wesep̄u Jesu
 Coh̄ac̄j̄ure siniahye*

(Mt 26.36-46; Mr 14.32-42)

³⁹ Sa ye Jesu tiquiro sa yeducuro sa-
 hata Olivo wame tid̄u c̄unap̄u wahahye.
 Tiquiro sa wahagū tiquiro buheyequina
 tiquiro mehna wahahye. ⁴⁰ Top̄u esaro
 tiquiro tiquinare yahuahye:

—Coh̄ac̄j̄ure siniña m̄sa ñano yeratire, ni-
 ahye Jesu tiquinare.

⁴¹ Sa ni tuhasa tiquiro dihita mehenogā
 waha nemo, d̄asepe curi mehna quehe sa,
 Coh̄ac̄j̄ure siniahye:

⁴² —Mai, yuh̄u ñano yuh̄ud̄atire ye dueragu
 yerac̄h̄ña. Yuh̄u sa niep̄egata yuh̄u cah-
 meñe pehere yerac̄h̄ña. M̄h̄u pehe ma-
 sine. M̄h̄u cahmeno saha yeya yuh̄ure, ni
 siniahye Jesu Coh̄ac̄j̄ure.

⁴³ Tiquiro sa sinigū ah̄m̄sepe ahtariquiro
 angel Jesure bajua, yedohoahye tiquiro.

⁴⁴ Sa yero Jesu ñano jeripohna ti, tutuaro
 mehna Coh̄ac̄j̄ure siniahye. Sa yero tiquiro
 asi ti cuhsaye dii p̄jere yero saha tiquirore
 wija, yehpap̄u bora quehe sahye.

⁴⁵ Coh̄ac̄j̄ure sini bato ti, wahc̄ad̄uca sa,
 tiquiro buheyequina cahap̄u wihiahye.
 Tiquiro wihigū tiquiro buheyequina
 tutuaro bujua witiyequina ijiye, car̄ñe
 niahye. ⁴⁶ Sa yero Jesu tiquinare oh̄o saha
 ni yahuahye:

—¿D̄ahsena car̄ñajari m̄sa? Wahc̄aña.
 Coh̄ac̄j̄ure siniña m̄sa, “Ñano yeari”, nina,
 niahye Jesu tiquinare.

*Jesure ih̄ña tuhtiyequina tiquirore peresu
 yeahye*

(Mt 26.47-56; Mr 14.43-50; Jn 18.2-11)

⁴⁷ Tiquiro sa ni yahuducuri watoa
 masa peyequina wihiahye. Juda doce
 buheyequina mehna c̄j̄ano ijimediquiro
 masare ah̄m̄u t̄a c̄ah̄tariquiro ijiahye. Sa
 yero tiquiro Jesu cahap̄u wih̄i, wahsupu
 ihmiahye tiquirore. ⁴⁸ Tiquiro sa ihmigū
 Jesu tiquirore sinituahye:

—¿Juda, yuh̄u masare Coh̄ac̄j̄u ohorigure
 yuh̄ure ih̄ña tuhtiyequinare ih̄ñogu yuh̄ure
 wahsupu ihm̄ñe mehna sa yeajari m̄h̄u?
 niahye Jesu.

⁴⁹ Tiquiro sa nidi bato Jesu buheyequina
 masa Jesure tiquina ñeheatire masiñe,
 tiquirore sinituahye:

—¿Puhto, us̄a ñoseñe p̄j̄ini mehna tiquina
 mehna cahmequema? niahye tiquina.

⁵⁰ Tiquina sa nidi bato ihc̄aquiuro Jesu
 buheyequina mehna c̄j̄ano pehe pahia
 puhtoro cahac̄j̄anore tiquiro ñoseni p̄j̄i
 mehna tiquiro cahmonore poto pehe ijiri
 cahmonore d̄ute pahr̄e c̄ahye. ⁵¹ Tiquiro sa
 yegū ih̄ñano Jesu tiquirore oh̄o saha niahye:

—Sa yerac̄h̄ña, niahye.

Ni, cahac̄j̄ano cahmono ijirirorp̄u ña
 oh̄ahye. Tiquiro ña oh̄ogata cahmono
 manano sahata ijiahye tja. ⁵² Sa ye tuhasa
 pahia puhtoare Coh̄ac̄j̄u wuh̄u c̄j̄ena surara

puhtoare, bɛcna gũhare tiqirore ñehẽñe ahtariquinare Jesu sinituahye:

—¿Dũhse ijiro boro masa ñoseñe p̃ĩni, yuca tiãri mehna yaqueriqirore tiquina yeriro saha masa yũhare ñehena ahtajari?⁵³ Decoripe Cohãcjũ wũhũpũ masa mehna yũhũ ijigũ, masa yũhare ñehedari. Sa ijiepegũta yojopure masa ya deco yũhare masa ñano yeati deco ijire. Yojopũ watĩno tiqirore ñano yeati deco gũhũ ijire, niahye Jesu.

—*Tiqirore masiedaja, niahye Pedro Jesure*

(Mt 26.57-58, 69-75; Mr 14.53-54, 66-72; Jn 18.12-18, 25-27)

⁵⁴ Tiquina Jesure ñehẽ tuhasa pahia puhtoro ya wũhũpũ neahye tiquina tiqirore. Tiquina topũ neagũ Pedro yooropũ tiquinare ihña nũnũ tãhye.⁵⁵ Puhtoro ya wũhũpũ esa, topũ wũhũ cahapũ ijiri paarpũ, quehnoari paa decorpũ peca wijiãhye apeqũna. Tiquina wijiãgũ ihñano Pedro peca cahapũ dujিয়েequina mehna dujiahye.⁵⁶ Tiquiro dujiri bato ihcãcoro cahacjõno tiqirore quehnoano ihña, apeqũnare ohõ saha ni yahuahye:

—Ahriqiro gũhũ tiqirore mehna ijiri, niahye ticoro.

⁵⁷ Ticoro sa nigũ tuhoro Pedro yũhtiahye:

—Numio, tiqirore ne masiedaja yũhũ, nimahye tiqiro.

⁵⁸ Came cjũnogã apeqũro Pedroro ihña, ohõ saha ni yahuahye:

—Mũhũ gũhũ tiquina mehna cjũ ijire, niahye tiqiro.

—Ne ijieraja, nimahye Pedro.

⁵⁹ Ihcã hora bato apeqũro apeqũnare ohõ saha ni yahuahye:

—Ijirota ijire. Ahriqiro Galilea cjãno ijire. Sa yero potota Jesu mehna ijiri ahriqiro gũhũ, niahye tiqiro apeqũnare.

⁶⁰ Tiquiro sa nigũ Pedro yũhtiahye:

—Ne, mũhũ nidiquirore masiedaja yũhũ, ni yũhtiahye Pedro.

Tiquiro sa ni yahuducuri watoa canaca yahuahye.⁶¹ Tiquiro yahugũta Jesu wũhũ cahapũ ijiriquiro Pedroro majare ihñadoqueohaye. Tiquiro sa yegũ Pedro pehe Jesu tiqirore nidire wacũahye. “Mia ñami canaca tiqirore yahuato pano, ‘Yũhũ Jesure masiedaja’, nigũta mũhũ. Ihtia taha sa nigũta mũhũ”, Jesu tiqirore nidire wacũahye Pedro.⁶² Sa wacũno Pedro topũ wijiã ta, tutuaro utiahye.

Jesure bujũpe, quẽahye tiquina
(Mt 26.67-68; Mr 14.65)

⁶³ Sa ye Jesure cohteyequina surara tiqirore bujũpe, quẽpeahye.⁶⁴ Sa quẽpeye, tiqirore caperire dũhte cahmota, tiqirore sinituahye:

—¿Diquiro mũhũre quẽari? Ihñedapegũta yahuya usãre, ni sinitupeahye tiquina.

⁶⁵ Sa ye peye ñano ni yahuducuahye tiquina tiqirore.

Jesure puhto sinituahye

(Mt 26.59-66; Mr 14.55-64; Jn 18.19-24)

⁶⁶ Bohrearopũ judio masa bɛcna, pahia puhto, judio masare buheyequina gũhũ cahmecoahye. Tiquina sa cahmecoanopũ apeqũna tiquina cahapũ Jesure ne cãhtahye.

⁶⁷ —Yahuya usãre. ¿Cristota ijiajari mũhũ? ni sinituahye tiquina Jesure.

Tiquina sa nigũ Jesu yũhtiahye:

—Masare yũhũ yahugũ, yũhare tuhosi masa.⁶⁸ Masare yũhũ sinitugũ yũhare yũhtisi masa. Sa yena yũhare wiosi masa.⁶⁹ Musa wioerapegũta came cjũnogã ijip̃ihtiye decori yũhũ masũ Cohãcjũ ohorigũ Cohãcjũ tutuariquiro tiqirore poto peherũ dujigũta, niahye Jesu.

⁷⁰ Tiquiro sa nigũ tiquina ijipihtiyequina sinituahye tja pari turi:

—¿Sa nigũ Cohãcjũ macata ijiajari mũhũ? niahye tiquina.

—Musa nino sahata ijiaja, ni yũhtiahye Jesu tiquinare.

⁷¹ Tiquiro sa nigũ tiquina ohõ saha ni yahuducuahye tiquina basi:

—Ahriqiro Cohãcjũre pajiro tiqirore ñano yahuducugũ mari basi tuhõ. Sa ye topequinata yahusãahdo ahriqirore, niahye tiquina basi.

23

Pilato Jesure sinituahye

(Mt 27.1-2, 11-14; Mr 15.1-5; Jn 18.28-38)

¹ Sa ni tuhasa tiquina ijipihtiyequina wahcãdaca, Jesure Pilato cahapũ neahye.

² Ne esa, Jesure yahusã dũcahye:

—Ahriqiro mari ya yehpa cjẽnare tiqirore ñano ye dutigũ usã tuhõ. Mari puhtoro ahriqiro wapa ye dutierare. Sa yero tiqirore “Puhto ijiaja. Cristo masare yũhũoacjũ ijiaja yũhũ”, ni yahuducure tiqirore basi, ni yahusãhye tiquina Jesure.

³ Tiquina sa ni yahusãri bato Pilato Jesure sinituahye:

—¿Judio masa puhtota ijiajari mũhũ? niahye tiqirore Jesure.

—Mũhũ nino sahata ijiaja, ni yũhtiahye Jesu.

⁴ Tiquiro sa nigũ Pilato pahia puhtoare, masa gũhare yahuahye:

—Ahriqiro buhirĩ mariedare, niahye tiqirore.

⁵ Tiquiro sa niepegũta tiquina tutuaro yahusã nemoahye:

—Tiquiro buheye mehna masare cahmequegũ yere. Galilea yehpapũ tiqirore tire ye dũcari. Sa ye dũca tuhasa ijipihtiuro

Judea yehparu tire tiqiro yere. Sa yero yojopu ohõru gahare tire yero taro nine, ni, yahusahye tiquina.

Herode Jesure sinituahye

⁶ Tiquina sa ni yahusagũ tuhoro Pilato pehe sinituahye:

—¿Ahriquiuro Galilea cjãno ijiajari? niahye tiqiro.

⁷ —To cjãnota ijire, ni yãhtiahye apequina.

Tiquina sa ni yãhtigũ tuhoro Pilato pehe Jesu tiqiro ijiri yehpare masino puhtoro Herode ya yehpa cjãno Jesu tiqiro ijigũ masiahye. Tire masino Jesure Herode caharu ohoahye. Ti pjere Herode Jerusalẽpu ijiahye. ⁸ To pano Herode Jesure tuho tuhasahye. Tiquiro sa tuhori bato yoari bato tiqirore ihña duahye. Jesu Cohãcjũ tutuaye mehna tiqiro ye ihñogũ ihña duamahye tiqiro. Sa yero tiqiro Jesure ihñano, bucueahye. ⁹ Sa yero peye tahari sinituahye Jesure. Tiquiro sa sinituepegũta Jesu ne yãhtierahye tiqirore. ¹⁰ Pahia puhto, judio masare buheyequina gũhu Herode caharu esa, tutuaro Jesure yahusahye. ¹¹ Tiquina yahusãri bato, Herode tiqiro yequina surara mehna bujape, Jesure ñano yeahye. Sa bujapeye, quehnoari suhtirore puhtoro tiqiro sañari suhtiro yero saha bajuri suhtirore sãhye tiquina Jesure. Sa bujape tuhasa, tiqirore Pilato caharu ohoahye tja. ¹² Ti decore Herode, Pilato mehna quehnoano tiquina basi cahme yeyequina iji dcahye. To panore tiquina basi cahme ihña tuhtieyquina ijinimahye.

Masa Jesure wejẽ dutiahye

(Mt 27.15-26; Mr 15.6-15; Jn 18.39-19.16)

¹³ Sa ye Pilato pahia puhtoare, apequina puhtoare, masa gũhure tiqirore pijiogũ, cahmeoahye. ¹⁴ Tiquina cahmecoa pihdigũ ihñano ohõ saha niahye Pilato tiquinare:

—Ahriquiore yũhure ne cãhtana, “Tiqiro masare ñano ye dutiri”, nimesi masa yũhure. Yojopu masa ihñonopu ahriquiore quehnoano sinitu pehou tja. Yũhu sa sinituri bato masa tiqirore sa yahusãducugũ tiqirore ñahe buhiri ne mariedare, yũhu ihñagũ. ¹⁵ Herode gũhu tiqirore “Ne, ñahe buhiri mariedare”, nidi. Sa nino ahriquiore pari turi usãre oho majare tojore tja. Sa yena ahriquiore tiqiro ñahe buhiri mariedagũ tiqirore masa wejẽ duti masiedare. ¹⁶ Sa yegu tiqirore yuta dari mehna tana dutiitja yũhu. Sa tiquina tanari bato tiqirore wioutja, nimahye Pilato masare.

[¹⁷ Cũhmaripe pascua bose decorire masa yaquiuro ijiatiquiurore ihcãquiuro peresupu ijiriquiurore Pilato wio basaducue tiahye.]
¹⁸ Sa ye Pilato “Jesure wioutja”, tiqiro nigũ

tũhoye ijipihtieyquina masa ohõ saha ni sañuducuahye:

—Tiqirore Jesure wejẽña. Barrabã pehere usãre wio basaya, ni sañuducuahye masa.

¹⁹ To pano Barrabã pehere Jerusalẽpu puhtoare tiqiro cohã dutiri buhiri, masare tiqiro cahmeque dutiri buhiri, tiqiro wejẽdi buhiri, peresu yeahye tiqirore. Sa ye camepũre tiqirore masa wio dutie niahye. ²⁰ Pilato Jesu pehere wio duamahye. Sa yero tiqiro masare sinituahye tja. ²¹ Tiquiro sa wio duepegũta tiquina tiqirore niahye tja:

—Curusapu quẽ biha wejẽña tiqirore. Wejẽña tiqirore, ni sañuducuahye tiquina.

²² Tiquina sa nigũ Pilato ihtia taha waro ohõ saha nimahye tiquinare:

—¿Yabere ñano yeri tiqirore masa sa ni sañuducugũ? Ne tiqirore ñahe buhiri mariedare. Sa yegu tiqirore wejẽ duti masiedaja. Tiquirore yuta dari mehna tana dutiitja. To punota ye dutiitja. Sa yegu wioutja tiqirore, nimahye Pilato.

²³ Tiquiro sa niepegũta tiquina tutuaro mehna sañuducu nemo, Jesure curusapu wejẽ dutiahye. Tiquina sa ni sañuducugũ tuhoro tiquina cahmediro sahata Pilato yeahye. ²⁴ Sa yero tiquina sinidiro sahata Pilato Jesure wejẽ dutiahye. ²⁵ Sa dutiro tiqiro peresupu ijiriquiurore masare cahmequegũ yeriqirore, masare wejẽdiqirore masa tiquina sinidiro sahata Pilato Barrabã pehere wioahye. Sa yero Pilato Jesure curusapu wejẽ dutiahye.

Tiquina Jesure curusapu quẽ biha wejẽahye

(Mt 27.32-44; Mr 15.21-32; Jn 19.17-27)

²⁶ Sa ye tiquina Jesure wejẽhe wahaye, neahye. Ti pje tiquina sa yeri watoa Simo wame tiriquiro Cirene cjãno ihquẽ wũhuse ijiorpu esariquiuro tojoa taro niahye. Jerusalẽpu tiqirore wihigũ ihñahe Jesure neañequina tiqirore piti ca, ñehe, curusare tiqirore wua cã dutiahye Jesu bato pehe.

²⁷ Sa ye masa peyequina Jesure ihña nunũ tãhye. Sa ye masa watoa ijieyquina numia tiqirore tiquina sa yegu ihñahe tutuaro utiahye. ²⁸ Tiquina utigũ tuhoro, tiquina numiare Jesu majare ihña, ohõ saha niahye:

—Jerusalẽ cjãna numia, yũhure utieracãhña. Masa ye ijiatire, masa pohna ye ijiahi gũhure utiya. ²⁹ Apeye decori ijigũ ña yũhdũaro yũhdũanata masa. Ti pjere masa ohõ saha nieta. “Pohna mariena numia, pohna tien numia, apũoedari numia yojopu mari ijigũ quehnoa yũhdũaboaga”, nieta numia. ³⁰ Ti pjere cãhure ohõ saha ni yahuducueti masa. “Mũhu cãhu usã buipũ bora dija taya. Usãre mũoña”, nieta masa cueye.

³¹ Masa yuhare buhiri mariegure ohō saha tiquna yegū, ñaṇe buhiri cnoyequina pehe ña yuhduaro wahaeta, niahye Jesu.

³² Apequina puaro dutiyere yuhduacayequina⁴⁴ Sa ye coheri pje ijigū asū asi duhuahye. Sa yero ijiphihiro ti dihtapure ihtia hora waro quehnoano nahitiahye. ⁴⁵ Nahitiani watoa, Cohācǰū wahu cǰā suhtiro cahsero, tiquna tore cahmotari cahsero decopu ti cahsero uhmasepu tahnū dūca, tahnū yojoa saa wahahye. ⁴⁶ Sa yero Jesu tutuaro sañuducuahye:

—Mai, ahriquina yuhare wejēatiquna yojopu tiquna ñano yerire boya tiqunare. Tiquina dūhse yerire masiedare tiquna. Sa yegū tiquna ñano yerire boya, niahye Jesu.

Sa ye Jesu suhtire cahme itiyē, tiquna doquepeahye. Tiquiro suhtire “¿Noa yaro ijiro-tari ohō?” ni cahme doquepeahye tiquna.

³⁵ Sa ye masa topu ducyeyequina tiquna ihñaducuri watoa judio masa puhto Jesure bujapeahye:

—Tiquiro apequina masare yariaboriqunare yuhduoñohiti. Sa yero tiquiro Cristo Cohācǰū beseriquiro ijiro, yojopu yariaboriquiro ijiro, tiquiro basi yuhduoahro, ni, bujapeahye tiquna.

³⁶ Surara gūhu tiquirore bujapeahye. Jesu cahapu esa, tiquna tiquirore ñaṇe co vinore ohomahye. ³⁷ Tire yeye ohō saha niahye tiquna:

—Mūhu judio masa tiquna puhto ijigū mūhu basi yuhduya. Sa yegū yuhdu witigata mūhu, ni, bujapeahye tiquna.

³⁸ Sa ye tiquiro bui ohō saha ni ojoa ohōahye. “AHRIQUIRO JUDIO MASA PUHTORO IJIRE”, ni, ojoa ohōahye.

³⁹ Apequiro tiquiro mehna tiquna quē biha ohōriquiro yuhduacariquiro pehe ñano yahuducuahye Jesure:

—¿Mūhu Cristo masare yuhduoacǰū ijierajari? Mūhu basi, asā gūhare yedohoya, niahye tiquiro Jesure.

⁴⁰ Tiquiro sa nigū tūhoro apequiro yuhduacariquiro Jesu poto peherpu tiquna quē biha ohōriquiro pehe tiquirore ohō saha niahye:

—Mari gūhare poto ijiye mehna buhiri dahrere tiquna. ¿Dūhsegū Cohācǰūre ne ño peoerajari mūhu? ⁴¹ Marine ñaṇe buhiri ye, poto yeye nine tiquna. Ñaṇene mari yeri buhiri marine buhiri dahrere tiquna. Ahriquiro pehe ñaṇene yerare, niahye tiquiro apequiro yuhduacariquirore.

⁴² Sa nino, tiquiro Jesure ohō saha niahye: —Jesu, mūhu puhto ijigū tojoa tagu, yuhare wacūña, niahye tiquiro Jesure.

⁴³ —Mūhare ahrire nū niaja. Miare paraíso wame tirōpu mūhu yuhū mehna iji-ita, niahye Jesu tiquirore.

Jesuyariaa wahahye

(Mt 27.45-56; Mr 15.33-41; Jn 19.28-30; He 6.19-20; 10.19-20)

—Mai, yuhū jeripohnare mūhare wiaja mūhu ihña ihboatire, ni, sañuducuahye Jesu. Sa ni tuhasa yariaa wahahye.

⁴⁷ Tiquiro sa yariagū ihñano, surara puhtoro pehe “Cohācǰū tutuariquiro ijire”, nino, “Ahriquiro Jesu munano potota quehnoariquiro ijimeya”, niahye surara puhtoro.

⁴⁸ Sa ye tiquna wejēgū ihñaṇe ahtariquina Jesu tiquiro yariagū ihñaṇe, tiquna ye wuhasepu tojoa wahahye. Tojoa waha, tiquna ñaṇe yerire bujua witiye mehna tiquna cutiro bui quē ohōahye. ⁴⁹ Ijipihitiyequina Jesu yequina tiquiro mehna cǰēna Galileapu tiquiro mehna ahtariquina numia gūhu Jesure yoaropu ihñaducuahye.

Jesu pagure masa copepu cūahye
(Mt 27.57-61; Mr 15.42-47; Jn 19.38-42)

⁵⁰⁻⁵¹ Ti pjere José wame tiquiro topu ijiahye. Judea yehpa cǰā maca Arimatea wame tiri maca cǰāno ijiahye. Sa yero tiquiro quehnoariquiro, poto yeriquiro ijiro, Cohācǰū puhtoro iji ducature cohteriquiro ijiahye. Sa yero tiquiro judio masa puhtoa mehna cǰāno ijieperota Jesure tiquna wejē dutigā cahmedamahye tiquiro.

⁵² Sa yero Pilato cahapu esa, Jesu pagure siniahye. ⁵³ Sini tuhasa, Jesu pagure ne dijio, quehnoari suhtiro mehna tiquiro pagure wahmeahye. Sa wahme tuhasa, masa copepu utāpu tiquna seheri copepu cūahye tiquiro pagure. Ti copere ne apequina yariariquinare cūedarīahye. ⁵⁴ Ti deco saurū deco ijiatire tiquna quehnoyuri deco ijiahye. Saurū tiquna sori deco ijiasi mehenogā dūhsahye.

⁵⁵ Sa ye Galileapu Jesu mehna ahtariquina numia masa copepu José mehna wahahye. Masa copepu esa, ti copere ihña, Jesu pagure tiquna cūrire ihñahye. ⁵⁶ Came tiquna ye wuhasepu tojoa waha, ehme sitiye co, wisōñe mehna quehnoahye tiquna. Sa ye saurū ijigū Cohācǰū dutiye Moiserē tiquiro cūri dutiye nino sahata tiquna soahye.

24

Jesu masa wijiahye

(Mt 28.1-10; Mr 16.1-8; Jn 20.1-10)

¹ Domingo ijigū bohrearopu tiquina numia ehme sitye tiquina quehnorire Jesu masa copepu ne cāmahye. ² Ti copepu esa, ti copere bihariare utāre tiquina pōo duhu cūria utāre ihñahye. ³ Sa ihñañe tiquina ti copepu saǰā wahahye. Jesu pagure bocaerahye tiquina. ⁴ Tiquiro pagure bocaera, “¿Duhse wahayari?” ni tuhotaahye tiquina. Tiquina sa ni tuhota yahuducuri watoa pñaro umua asi siteye suhti sañañequina tiquina cahapu ducuahye. ⁵ Topu tiquina ducugū ihña, numia cueye, dusepe curi mehna quehe sahye. Sa ye umua pehe tiquinare yahuahye:

—¿Duhse na yariariquiro ijire Jesure macajari musa? Yojopure tiquiro catiriquiro ijire. ⁶ Tiquiro ohōre mariedare. Masa wijia tuhasari. ¿Sohō ijiri pjere tiquiro Galileapu musa mehna ijiro musare tiquiro nidire wacūajari musa? ⁷ “Yuhare Cohācjū ohorigure apequiro ohorota ñañequinare. Tiquiro ohori bato yuhare curusapu quē biha wejēta tiquina. Sa yegu yuhu yariari bato ihtia deco wahaboro masa wijiatgaja yuhu”, nidi musare. ¿Tiquiro sa nidire wacūajari musa? niahye umua pehe.

⁸ Tiquina sa nigū tuhoye, numia pehe tiquiro nidire wacūahye. ⁹ Tiquina sa nidi bato tiquina tojoaa waha, once buheyequinare apequina gāhure tire yahu pehoahye. ¹⁰ Tiquina numia pehe María Magdalena, Juana, María Santiago pacoro ijiahye. Tiquina numia apequina numia gāhu ijiahye Jesu buheyequinare yahuri numia. ¹¹ Tiquina sa ni yahuepegūta Jesu buheyequinare pehe “Poto niñe niedaga. Ni mehoñe niaga ahriquina numia”, ni tuhotumahye. Sa ye tiquina numiare tūho duerahye.

¹² Tiquina sa nigū tuhoro, Pedro pehe masa copepu oma cā, ihñano wahahye. Ti copepu esa, tiquiro muhri ihña sōahye. Jesure tiquina wahmedi suhtiro dihitare ihñahye. “¿Duhse wahayari?” ni, tuhota, tiquiro ya wāhuru tojoaa wahahye.

Emau wame tiri maca cǰā mahapu Jesu bajuahye

(Mr 16.12-13)

¹³ Ti decota pñaro Jesu buheyequina mehna cǰēna Emau wame tiri macapu wahaye niahye. Jerusalē once kilómetro yoaro ijire Emauru esato. ¹⁴ Emauru waha, ijiphihtye Jerusalēpu ti pjere Jesu tiquiro sa waharire tiquirore tiquina ñano yerire yahuducu cāne niahye. ¹⁵ Tiquina sa ni yahuducuri watoa Jesu pehe tiquina cahapu esa, tiquina mehna wahahye. ¹⁶ Sa ye tiquirore ihñāepeta tiquina tiquirore ihña masiedahye.

¹⁷ —¿Duhse ni yahuducu cāna nijari musa? ni, sinituahye Jesu.

Tiquiro sa nigū tiquina bājua wityequina esaducyahye.

¹⁸ Cleofa wame tiriquiro pehe Jesure yuhtiahye:

—¿Yojopure Jerusalēpu tiquina yerire muhu dihita masiedajari? ni sinituahye tiquiro.

¹⁹ —¿Duhse wahari Jerusalēpura? niahye Jesu.

Tiquiro sa nigū Cleofa yuhtiahye:

—Jesure Nazare cǰānore tiquina yerire nina niaja. Tiquiro Cohācjū yere yahu mūhtariquiro ijimedi. Sa ye tiquiro yahuducurire tuhoye, tiquiro yeri gāhure ihñañe, “Tutuariquiro ijire”, ni, tuhotumedi masa. Cohācjū gāhu sata ni tuhotauga. ²⁰ Mari pahia pñatoa, apequina pñatoa mehna tiquirore wejē dutiye, apequinare ohori. Tiquina sa ohogū apequina pehe tiquirore curusapu quē biha wejēdi. ²¹ “Roma cǰēnare cohātiquiro Israe masa pñatoro ijiatiquiro ijire”, ni, tuhotumi usā tiquirore. Mía mehna ihtia deco wahare tiquiro yariari bato. ²² Meheñequinagā numia usā mehna cǰēna numia usāre acuaǰū yeri. Bohrearopu Jesu tiquiro masa copepu tiquina numia esa, ²³ tiquiro pagure bocaerañohiti. Tiquiro pagure bocaeraye, tiquina tojoa wihi yahuri. “Usāre angele bajuari. Jesu catiñohiti”, ni yahuri usāre numia pehe. ²⁴ Tiquina sa nigū apequina usā mehna cǰēna ti copepu esa, numia tiquina nidiro sahata ihñāñohiti. Tiquina gāhu Jesure ihñedañohiti, niahye tiquiro Jesure.

²⁵ Tiquiro sa nidi bato Jesu yahuahye tiquinare:

—Musa ne tūho masiedare. ¿Cohācjū yere yahu mūhtariquina muna tiquina nidire quehnoano tūhoerari musa? ²⁶ Cristore tiquiro pñatoro ijiatō pano ahmusepu tiquiro mujato pano tiquirore ñano yuhdoro cahmedi. ¿Tire masiedajari musa? niahye Jesu tiquinare.

²⁷ Sa nino Cohācjū Cristore tiquiro ni yahu tiquina ojoarire Jesu yahu peho cāhye tiquinare. Moise mnanano tiquiro ojoarire Jesu yahu ducyahye. Sa yero ijiphihtyequina Cohācjū yere yahu mūhtariquina Cristore tiquina ojoari gāhure yahu peho cāhye tiquiro.

²⁸ Tiquina wahari macapu tiquina esaye taye yegū, Jesu pehe tiquinare yuhdu cāa wahamahye. ²⁹ Tiquiro sa yepegūta tiquina tiquirore waha dutierahye:

—Usā mehna tojoaya. Ñamicahapu ijire. Nahinopu nine, niahye tiquina tiquirore.

Sa yero Jesu tiquina mehna wāhuru saǰā wahahye. ³⁰ Wāhuru saǰā sa, tiquiro tiquina mehna ihyari mesapu nuju sa, pāre ne, Cohācjūre “Quehnoare”, niahye. Sa nino ti pāre nuha ne, tiquinare ohoahye. ³¹ Tiquiro

sa yegū ihñañe tiquina Jesure ihña masi-ahye. Tiquina ihña masi ducagūta tiquiro buti maa wahahye. ³² Tiquiro sa buti maa wahagū ihñañe tiquina basi ohō saha ni yahuducuahye:

—Mahapū tiquiro marine tiquiro yahuducuri watoa Cohācǵū tiquiro ojoarire tiquiro yahuri watoa mari jeripohnari mehna quehnoano bucueye mehna tūhotuu mari, niahye tiquina basi.

³³ Sa ni tuhasa tiquina duita Jerusalēpū majare tojoaa wahahye tja. Topū esa, once buheyequinare apequina mehna cahme-coañequinare bocahye. ³⁴ Tiquina esagū, once buheyequina ohō saha niahye:

—Potota mari puhtoro masa wijiañohti. Simo Pedro tiquirore ihñañohti, niahye once buheyequina.

³⁵ Tiquina sa nigū puaro Emau cǵēna mahapū Jesure tiquina ihñarire yahuahye:

—Jesu pāre tiquiro nuhagū usā ihña masii tiquirore, ni, yahu pehoahye tiquina apequinare.

*Jesu tiquiro buheyequinare bajuahye
(Mt 28.16-20; Mr 16.14-18; Jn 20.19-23)*

³⁶ Tiquina sa ni yahuri watoa tiquina cahapū iji tuhasahye Jesu pehe.

—ǵIjajari mūsa? niahye tiquiro tiquinare.

³⁷ Tiquiro sa nigū tūhoye tiquina “Mari yariariquiro mūnanore ihñana niaja”, ni tūhotuye, tutuaro cueahye. ³⁸ Tiquina sa cuegū ihñano tiquiro tiquinare yahuahye:

—ǵDūhsena cueajari mūsa? ǵDūhsena “Ahri poto ijierare”, nijari mūsa? ³⁹ Yūhū omocarine, yūhū dahpocāri gūhūre ihñañe. Mūsa yūhūre ihñana, ihña masinata. Yūhūre ñehe tuhuya. Ñehe tuhuna masinata mūsa. Yariariquiro mūnanopū pagū mariedare. Yūhū pehe pagū tiaja, niahye Jesu.

⁴⁰ Sa nino tiquiro omocari gūhūre, tiquiro dahpocāri gūhūre ihñoahe tiquinare.

⁴¹ Tiquiro sa ihñoepegūta tiquina tutuaro bucue, ihña maria waha, “Ahri poto ijieraga”, ni tūhoturiahe. Tiquina sa tūhotugū masino Jesu tiquinare sinituahye:

—ǵOhōpū ihyaye ijajari? niahye tiquiro.

⁴² Tiquiro sa nigū tūhoye wahi dohariquirore ohoahye tiquirore. ⁴³ Tire ne, tiquina ihñonopū Jesu ihyahye. ⁴⁴ Ihya tuhasa, Jesu yahuahye tiquinare:

—Sohō ijiri pje mūsa mehna ijigū mū sare yūhū yahuriro sahata yojopū yūhū sa waha. Cohācǵū dutiye Moise marine tiquiro cūri tiquiro sa ni ojoariro sahata yūhūre sa wahari. Cohācǵū yere yahu mūhtariquina, Salmo ojoari pūre ojoayequina gūhū panopū yūhūre tiquina ni yahuriro sahata yojopure yūhūre sa wahari. Sa wahacǵata iji yūhū, niahye Jesu.

⁴⁵ Sa ni tuhasa Cohācǵū yere tiquina yahu ojoarire tiquiro buheyequinare masigū yeahye Jesu:

⁴⁶ —Cohācǵū yere tiquina ojoari ohō saha nine: “Cristore ñano yūhdaro cahmene. Sa yero ihtia deco wahaboro tiquiro yariari bato tiquiro masa wijiarota. ⁴⁷ Tiquiro masa wijari bato ijiphtiye yehparipū tiquiro yequina Cristo yere yahueta. Masa tiquina ñañene tiquina bujūa witiatire, quehnoañene tiquina comesatire Cohācǵū tiquina ñañene tiquiro cohātire yahueta tiquiro yequina. Sa yahuye taye, Jerusalēpū yahu dūcaeta”, niahye Cohācǵū yere tiquina ojoari pūpū, niahye Jesu.

⁴⁸ Sa ni tuhasa ohō saha ni yahu nemoahye:

—Mūsa pehe ahri ijiphtiyere ihñarina ijire. Sa yena apequinare yahunata.

⁴⁹ “Espiritu Santore mū sare ohoutja”, Cohācǵū tiquiro nidiquirore yūhū pehe mū sare ohoutja. Tiquiro uhmūse cǵē tutuayere ohoatiquiro ijire. Sa yena Jerusalēpū tiquiro wihiatire cohteya mūsa, niahye Jesu tiquiro buheyequinare.

*Jesu uhmūsepū mūjaa wahahye
(Mr 16.19-20)*

⁵⁰ Sa ni tuhasa Jesu tiquinare Jerusalēpū ijieyequinare Betania cahapū neahye. Topū esa, Jesu tiquiro omocarine ne mūo, “Quehnoano ijiya”, niahye tiquinare.

⁵¹ Sa ni tuhasa, tiquinare cū, uhmūsepū mūjaa wahahye. ⁵² Tiquiro mūjari bato tiquina tiquirore ño peo, Jerusalēpū tutuaro bucueye mehna tojoaa wahahye. ⁵³ Topū iji, decoripe tiquina Cohācǵū wūhūpū Cohācǵū mehna yahuducu, “Quehnoare”, ni ño peohaye tiquina tiquirore. To punota ijire.

San Juan

Cohācjū ye yahuducuyere yahuriquiro masanota iji ducahye

¹ Duitaputa ahri yehpa to ijiato panoputa Cohācjū ye yahuducuyere yahuriquiro Cristo masare yehduoatiquiro duita iji tuhasae tiahye. Tiqiro Cohācjū mehna ijiahye. Sa yero tiqiro Cohācjūta iji cāhno niahye. ² Duitaputa coā waropare Cristo Cohācjū mehna ijiahye. ³ Sa yero coā waropare ne mariedaribe bajumehneahye. Ahri yehpare, ahmūserere, ijipihtiyere, masa gūhare bajumehne dutiahye Cohācjū tiqirore. Sa yero ahrire bajumehne pehoahye tiqiro. Ahrire yojopare mari ihñañene, mari ihñedari gūhare tiqiro bajumehnedagū ne mariedaboya. ⁴ Cristo catiyere ohoriquiro ijiro nine. Buhrioro marine to quehnoano ihña masigū yero saha mari Pacare quehnoano masigū yere. Sa yero mari Pacare masigū yere masare. ⁵ Ahri yehpa cjenā ñañene wacū, tiquina tutuaro cahmeñe nahitiano yero saha ijie yere nine. Buhrioro quehnoano marine to ihña masigū yero saha Cohācjū ye yahuducuyere yahuriquiro masare masigū yere. Sa yero nahitiano buhrioro to yehducaero sahata Cristore ne ñañe yehducaerare.

⁶⁻⁷ Cohācjū Ņu wame tiriqiro pehere ohoahye, Cristo buhrioro yero saha ijiriqirore masare yahu mahta dutiro. Tiqiro ohogū Ņu pehe masare yahuro ahtari tiqiro yahuriqirore Cristore ijipihtiyequina tiquina wacū tutuatire. ⁸ Ņu pehe Cristo ijierari. Sa ijieraro tiqiro Cristo pehere masare yahu mahtano ahtari. ⁹ Cristo buhrioro yero saha ijiriqiro ijipihtiyequina masare Cohācjūre masigū yeatiqiro pehe ahri yehparū ahtari jiri. Ijirota ijire ahri. Tiqiro buhrioro yero saha ijiriqiro warota ijire.

¹⁰ Sa yero Cristo ahri yehparū ijiri jimedi. Ahri yehpare bajumehnediquiro ijiahye. Tiqiro sa ijiepegūta tiqiro ya yehpa cjenā tiqirore ne masiedari. ¹¹ Tiqiro ya yehparū masa bajuari jimedi. Tiqiro ya yehparū tiqiro masa bajuariquiro ijiepegūta tiqiro ya yehpa cjenā pehe ne tiqirore cahmedari jiri. ¹² Tiquina sa cahmedapegūta apequina pehere ijipihtiyequina tiqirore cahmeñequina pehere tiquinare Cohācjū tiqiro pohne ijigū yeri jiri. Tiqirore wacū tutuayequina pūrta potota tiqiro pohne warota ijire. ¹³ Tiquina Cohācjū pohnetā ijie yere nine. Sa ye masa tiquina masa bajuariro saha ijierare, Cohācjū pohne tiquina wahagā.

¹⁴ Sa yero Cristo masano tiqiro iji ducari bato mari mehnata ijire tiqiro. Tiqiro sa ijigū ihñana masare cahñiquiro, potota yahuriquiro tiqiro ijigū usā masii. Tiqiro dihita Cohācjū macano ijiro tutuariquiro quehnoariquiro ijiri. Tiqiro sa ijiriqiro ijigū usā masii. ¹⁵ Ņu Cristore yahu mahtano ohō saha ni sañuducuri masare yahuro:

—Siquiro ahtare yahu ohō saha ni yahuriquiro: “Tiqiro yahu bato ahtariquiro ijire. Sa ijieperota tiqiro yahu yehduoro tutuariquiro ijire. Tiqiro yahu masa bajuato panopu iji tuhasahye. Sa yero tiqiro yahu yehduoro tutuariquiro ijire”, masare yahu ni yahuriquiro ahriqirota ijire, nidi Ņu Jesure masare yahuro.

¹⁶ Tiqiro Cristo pehe quehnoano tutuaro masare cahñiquiro ijiro marine ijipihtinare quehnoano yeducuri. ¹⁷ Cohācjū dutiyere Moise pehe cū mahtahye marine. Jesucristo pehe Cohācjū masare tiqiro cahñene buhero ahtari. Cohācjū tiqiro potota yahuducuyere gūhare buhero ahtari. ¹⁸ Masa ne Cohācjūre ihñedare. Tiqirore mari ihñedapegūta tiqiro macano ihcāquirota ijiriqiro tiqiro Pacaro mehna sa ijiducure. Sa yero tiqiro Pacarore marine masigū yeri.

Apequina Ņu wame yeriqirore sinitu-ahye

(Mt 3.3, 11-12; Mr 1.2-3, 7-8; Lc 3.4-6, 15-17)

¹⁹ Ņsā acaye judio masa pahtoa Jerusalēpu ijieyequinare pahiare, Cohācjū wāhupū dahrayequina gūhare Ņu cahapū ohori jiri. “¿Noa boro ijiajari māhū?” ni sinitu dutiye ohori jiri tiquinare. Tiquina sa sinitugū ohō saha ni yahuri Ņu pehe. ²⁰ Yeero boro marieno yahuri. Potota yahuri:

—Yahu Cristo Cohācjū masare yehduo dutiro tiqiro ohorigū ijieraja, nidi tiqiro.

²¹ Tiqiro sa nigū tiquina pehe tiqirore pari turi sinituri tja:

—¿Māhū Cristo ijieragū Elia pehe ijiajari māhū? nidi tiquina.

—Ijieraja yahu, nidi tiqiro.

—¿Ņsā coherigū Cohācjū yere yahu mahtacjū pehe ijiajari māhū? nidi tiquina.

—Tiqiro ijieraja yahu, nidi Ņu pehe.

²² Tiqiro sa nigū tiquina tiqirore pari turi sinituri tja:

—Ņsāre sinitu dutiriquinare usā yahuro quehnoano poto usāre yahu madoqueohya. ¿Noa boro pehe ijiajari māhū? ¿Māhū basita dahse ijigū ijiajari māhū? “Sa ijigū ijiaja yahu”, ni yahuya usāre, nidi tiquina Ņure.

²³ Tiquina sa nigū ohō saha ni yuhtiri tiqiro:

—Masa marienopū ohō saha ni sañuducugū ijiaja yahu, Cohācjū yere yahu

māhtariquiro Isaia mānano tiquiro ni yahuriro sahata: “Mari pūhtoro tiquiro ahtato pano mahare mari quehnoyuro saha quehnoana ijyuyua mūsa”, ni masare yahu sañuducugū ijiaja yūhū, nidi Ņū tiquinare.

²⁴ Ņure sinituyequina fariseo masa tiquina ohoriquina ijiri. ²⁵ Sa ye tiquina Ņure sinituri tja:

—*ζ*Mūhū Cristo, Elia, Cohācǰū yere yahu māhtagū usā cohterigū ijierapeguta dūhsegū masare wame yeajari mūhū? nidi tiquina.

²⁶ Tiquina sa nigū tūhoro yūhtiri tiquiro: —Yūhū aco mehna masare wame yeaja. Apequiro pehe mūsa masieniquiro pehe mūsa watoa iji tuhasare. ²⁷ Tiquiro pehe yūhū bato ahtariquiro yūhū yūhdūoro tutu-ariquiro ijire. Quehnoa yūhdūariquiro ijire. Tiquiro yero saha ijieraja yūhū pehe. Sa yegū tiquirore tūhotugū, “Ihyo ijigū ijiaja yūhū”, ni tūhotuaja yūhū, nidi Ņū tiquinare.

²⁸ Sa ni yahuducuri tiquina, Betaniapū Jordā wame tiri ma ape sie pahrēpū, Ņū masare tiquiro wame yeriropū.

Jesu Cohācǰū ohoriquiro tiquiro yaquiro cordero yero saha ijiriquiro ijire

²⁹ Ape decopū Jesu Ņū cahagā cǰūno tiquiro ahtagū Ņū tiquirore ihñano ohō saha nidi:

—Ihñāña. Ahriquiro Cohācǰū ohoriquiro tiquiro yaquiro cordero yero saha ijiriquiro ijire. Corderore mari wejēdiro sahata masa ahriquiro gūhūre wejēeta. Sa yariaro ahri yehpa cǰēnare tiquina ñāñe yerire cohānota tiquiro. ³⁰ Ahriquirota ijire yūhū ohō saha nidiquiro: “Yūhū bato ahtariquiro yūhū yūhdūoro tutu-ariquiro ijire. Yūhū masa bajuato pano tiquiro iji tuhasahye. Sa yero tiquiro yūhū yūhdūoro tutuare”, yūhū nidiquiro ahriquirota ijire. ³¹ Yūhū pehe ahriquirore masiedahti. Sa masiedapeguta aco mehna wame yei ahtaū nii yūhū acaye Israe masa ahriquirore tiquina masiatore, nidi Ņū.

³² Sa ni tuhasa Ņū yahu nemori:

—Espiritu Santo ahmūsepū bujua yero saha Cristo bui dijia ta, tiquiro bui wihiđucagū ihñānū. ³³ Cohācǰū yūhūre tiquiro yahueragū tiquirore ne masiedaboaga yūhū. Tiquiro yūhūre mū sare aco mehna wame ye dutiro ohoriquiro Cohācǰū pehe ohō saha ni yahu māhta tuhasari yūhūre: “Espiritu Santo dijia ta tiquiro bui wihiđucanohriquiro tiquirota ijirota. Tiquiro pehe Espiritu Santore masa mehna ijiducugū yerota”, nidi Cohācǰū yūhūre. ³⁴ Yojoṙpū pūritare tiquirore ihñā tuhasaū yūhū. Sa ihñagū “Potota Cohācǰū macano ijire”, nii yūhū mū sare, ni yahuri Ņū usāre.

Jesu buheyequina tiquiro piji māhtariquina ijire

³⁵⁻³⁶ Ape decopū Ņū mehna usā pūana tiquiro buhena usā ducugū, Jesu usā cahapū yūhdū cāno nidi. Tiquiro sa yūhdū cāgū Ņū tiquirore ihñano, pari turi ohō saha nidi usāre:

—Ihñāña. Ahriquiro Cohācǰū yaquiro cordero yero saha ijiriquiro ijire, nidi Ņū.

³⁷ Tiquiro sa nigū usā pūana tiquiro buhena pehe tire tūhona Jesure nūnū tān. ³⁸ Usā sa nūnū tāgū ihñano Jesu usāre majare ihñā, sinituri:

—*ζ*Yabere macana nijari mūsa? nidi tiquiro.

Tiquiro sa nigū usā gūhū sinituu tiquirore: —*ζ*Buhego, nohopū ijiajari mūhū? nii usā tiquirore.

³⁹ —Yūhū mehna ahtatǰiāna ihñana taya, nidi Jesu usāre.

Tiquiro sa nigū usā pehe tiquiro ijiropū ihñana wahau. Ti pjere ñamicahapū cuatro hora ijiri. Sa yena ti decore tiquiro mehna tojoaū usā.

⁴⁰ Usā pūana Ņure tūhorina, Jesure nūnū tārina yūhū piti Andre mehna ijii. Andre pehe Simo bahuro ijiri. ⁴¹ Sa yero duita tiquiro wahminore Simore maca, boca, tiquirore ohō saha ni yahuahye:

—Mesiare Cohācǰū marine yūhdūo dutiro tiquiro ohoriquirore usā bocaū, niahye Andre Simore. Mesia usā ye mehna nina, Cristo nina niaja.

⁴² Sa ni tuhasa tiquiro Simore Jesu cahapū neari. Tiquiro cahapū esagū ihñano Jesu pehe Simore ohō saha nidi:

—Mūhū Simo wame tigū, Ņū macū ijire. Yojoṙpūre mūhūre Cefa wame yeitja, nidi Jesu Simore. Cefa usā ye mehna nina, Pedro nina niaja.

Felipere, Natanae gūhūre pijiahye Jesu

⁴³ Ape decopū Jesu Galilea yehpapū waha duari. Sa yero tiquiro wahato pano Felipere piti ca ohō saha nidi:

—Yūhū mehna cǰū ijiajū ahtaya, nidi Jesu.

⁴⁴ Felipe pehe Betsaida cǰāno ijiri. Tiquiro Andre, Pedro mehna ihcā maca cǰēna ijiri tiquina. ⁴⁵ Sa yero Felipe Natanaene maca, tiquirore bocaro ohō saha ni yahuri:

—Cohācǰū dutiyere Moise tiquiro ojoari pūpū tiquiro yahuriquirore apequina Cohācǰū yere yahu māhtariquina gūhū tiquina yahuriquirore usā bocaū. Jesu Nazare cǰāno, José macanota ijire, nidi tiquiro Natanaene.

⁴⁶ —Nazarepūre ne ihcāquiro quehnoariquiro mariedare, nidi Natanae.

—Ihñagū taya mūhū, nidi Felipe.

⁴⁷ Sa ye Jesu cahapū tiquiro esagū ihñano Jesu pehe ohō saha nidi Natanaene:

—Ahriquiro yojoṙpū ahtariquiro potota quehnoariquiro judío masano warota ijire.

Tiquirore mehoñe ne mariedare, nidi Jesu Natanae pehere.

⁴⁸ Tiquiro sa nigū tuhoro Natanae pehe tiquirore sinituri:

—¿Duhsegu yuhare quehnoano masiajari mahu? nidi.

—Felipe mahare tiquiro pijiato pano, higeragu docapu mahu ijigū ihñau yahu mahare, nidi Jesu.

⁴⁹ Tiquiro sa nigū Natanae pehe ohō saha nidi tja:

—Buhegu, potota mahu Cohācjū macu ijire. Mahu Israe masa usā pūhto ijiacu ijire, nidi Natanae.

⁵⁰ Tiquiro sa nigū tuhoro ohō saha ni yuhtiri Jesu:

—Higeragu docapu yahu mahare ihñarire masigu yuhare “Cohācjū macu ijire”, ni wacū tutuare mahu. ¿Tita mahare sa masigū yeajari? Ahri mahare yahu ihñari yuhduoro Cohācjū tutuaye mehna ye ihñogutja yahu mahare. Yuhu sa ye ihñogū ihñaguta mahu, nidi Jesu Natanae.

⁵¹ Sa ninota ohō saha ni yahu nemori:

—Potota mahare niita niaja. Yuhu masu Cohācjū ohorigata ijaia. Umuseru pari maagū Cohācjū tiquiro yequina angele yuhu bui tiquina dijia tagū, tiquina mujagū gūhare ihñaguta mahu, nidi Jesu tiquirore.

2

Caná wame tiri macapu tiquina omoca duhteropu Jesu wahahye

¹ Htia deco bato Canápu Galilea yehpapu ijiri macapu omoca duhteri bose deco ijiri. Sa yero Jesu pacoro ti wuhupu ijiri. ² Jesu mehna usāre tiquiro buhena gūhare omoca duhteropu pijiori tiquina. ³ Ti bose deco cjē vino pihtigū Jesu pacoro tiquirore yahuri:

—Yojopure vino pihtia wahari, nidi ticoro Jesure.

⁴ Ticoro sa nigū tuhoro Jesu ohō saha nidi:

—¿Iño, duhsego tago tire yuhare yahujari mahu? Masa yuhare tiquina masiatio duhsarñe, nidi Jesu tiquiro pacorore.

⁵ Tiquiro sa nidi bato tiquiro pacoro pehe tiquina cahacjēnare dutiri:

—Yuhu macu tiquiro dutiro sahata yeya, nidi ticoro.

⁶ Ti pjeppure usā acaye judio masa Cohācjū yere yeye tehe masare tiquina pagurire sa coseducu dutie tiri. Sa ye ti wuhupure seis suturi utā mehna tiquina yeri suturi aco pose tiye suturi ijiri. Ti suturi Cohācjū yere yeye tehe tiquina coseye aco pose tiye suturi ijiri. Ti suturi cincuenta o setenta litro pose esa tuhari. ⁷ Sa yero tiquina cahacjēnare dutiri Jesu:

—Ahri suturire acore pio sã nemoña. Quehnoano wahpo dapoya, nidi Jesu.

Tiquiro sa nigū tiquina pehe quehnoano wahpo dapō pēho cāhri ti suturire.

⁸ Tiquina sa yeri bato Jesu tiquinare dutiri tja:

—Yojopure ti acore wa ne, wahu cjānore ohoya, nidi.

Tiquiro sa nigū tuhoye ti acore wa ne, wahu cjānore ohori. ⁹ Tiquina sa ohogū tiquiro pehe ti acore vino wahagū yeri acore sihni tuhuri. Ti acore tiquiro duhse yerire masiedari tiquiro. Tiquiro sa masiedapēgūta tiquiro cahacjēna ti acore wayequina pehe masidi. Wahu cjāno sa masiedaro omoca duhteriquirore pijio, ohō saha ni yahuri:

¹⁰ —Apequina masa quehnoañe vinore sihō muhtare. Masa tiquina quehnoano sihnidi batopu ña cjūñe core sihōri tiquina. Mahu pehe quehnoañe core ihbo, came cjūno ti core sihōri usāre, nidi wahu cjāno omoca duhteriquirore.

¹¹ Canápu Galileapu ijiri macapu Jesu acore vino tiquiro wahagū yero, topu Cohācjū tutuaye mehna coā ye ducari. Sa yero apequinare tiquiro tutuayere ihñori Jesu. Tiquiro sa ihñori bato usā tiquiro buhena tiquirore wacū tutuau.

¹² Came Jesu tiquiro pacorore, tiquiro bahanare, usāre tiquiro buhena gūhare Capernaup siho esari. Topu esana, meheñe decorigā tojoarñi usā.

Jesu Cohācjū wuhupure esahye

(Mt 21.12-13; Mr 11.15-18; Lc 19.45-46)

¹³ Pascua ijigū judio masa usā bose deco ijiao mehenogā duhsatjiāri. Sa yero Jesu Jerusalēpu esari. ¹⁴ Topu esaro tiquiro Cohācjū wuhupu sajā saro, wecuare, ovejare, bujuaare duayequinare boca sari. Sa yero niñerure comesayequina mesaripu dujigū tiquina gūhare boca sari. ¹⁵ Sa boca saro yuta dari mehna tanari da ye, tiquinare ijip-ihkiyequinare sopechapu tana nūnu wiori. Oveja, wecuā gūhu tana nūnu wio cāri tiquiro. Sa yero niñeru comesayequina ye mesarire ne majaredoqueo, doque cū cāri. Ti niñeru cjoeri gūhare doque site cāri. ¹⁶ Sa ye tuhasa bujuaare duayequinare ohō saha nidi:

—Musa bujuaare ne wijiaya. Yuhu Pacu ya wuhare apee boro duari wahu yeracāhña, nidi Jesu tiquinare.

¹⁷ Tiquiro sa yegū ihñana usā tiquiro buhena pehe Cohācjū yere tiquina ojoari pūpu tiquiro nidire wacū: “Cohācjū, mahu ya wuhare tutuaro cahñaja. Sa cahigu ti wuhare ñano tiquina yegū ihñagu tutuaro bujna witiaya yahu”, ni ojoahye Cohācjū yere tiquina ojoari pūpu”, ni wacū usā Jesu buhena.

¹⁸ Jesu tiquiro sa yeri bato usā acaye judio masa pūhtoa tiquirore sinituri:

—¿Dahsegu mahu ahriquinare Cohācjū wuhpāre ijiyequinare cohā wioari? Cohācjū mahare tire ye dutiriquireo tiquireo ijigū Cohācjū tutuaye mehna ye ihñoña mahu usā ihñatire, nidi tiquina Jesure.

¹⁹ Tiquina sa nigū Jesu yahtiri:

—Ahri wuhare masa cohāgū ihtia deco wahaboro tuhasatja yahu, nidi Jesu tiquinare.

²⁰ —Ihtia deco ahri wuhare yesi mahu. Cuarenta y seis cahmari waro tiquina yeri wahu ijire ahri wahu, nidi tiquina pehe Jesure.

²¹ Tiquireo sa nigū tiquina tiquireo quehnoano tahoerari. Jesu “Ahri wuhare”, nino tiquireo pagare nino nidi jimedi.

²² Sa ye tiquireo yariari bato, tiquireo masa wijiari bato usā tiquireo buhena pehe tiquireo nidire wacūna, Cohācjū yere tiquina ojoari pūre Jesu tiquireo yahuri gāhare “Ti ijirota ijire”, ni wacūna usā.

Ijiphtiyequina tiquina wacūne Jesu masine

²³ Pascua bose deco ijigū Jesu Jerusalēpu ijiri. Topu tiquireo ijigū masa peyequina Cohācjū tutuaye mehna tiquireo ye ihñogū ihñañe tiquireo wacū tutuari. ²⁴ Tiquina sa wacū tutuepegūta Jesu masa tiquina wacūne quehnoano masino, “Yuhare sa wacū tutuaducuetā”, ni tūhotuerahye. ²⁵ Masa tiquina tūhotuyere quehnoano masidi tiquireo. Sa masino masa tiquina tūhotuyere apeqinane ne sinituerari.

3

Jesu Nicodemore yahuahye

¹ Ti macare Nicodemo wame tiriquireo, judio masa pahtoa mehna cjāno ijiri. Tiquireo fariseo masa ya curua cjāno ijiri. ² Sa yero ihcā nāmi tiquireo Jesu cahapu ahta, tiquireo mehna yahuducuahye:

—Buhegu, mahu Cohācjū buhe dutiro tiquireo ohorigu mahu ijigū usā masiaja. Cohācjū mahare tiquireo yedohoeragū mahu pehe tiquireo tutuaye mehna ne ye ihñoedaboaga. Mahu peye tahari Cohācjū tutuaye mehna ye ihñore, niahye Nicodemo Jesure.

³ Tiquireo sa nigū Jesu pehe yahuahye:

—Ijirota mahare niita niaja. Wahma masa bajuariquireo yero saha pari turi masa bajuariquireo dihita Cohācjū yaquireo iji masine, niahye Jesu.

⁴ —Yohnah. ¿Bucaro pehe dahse ye pari turi masa bajuaboari tiquireo? Tiquireo pacoro niji suhtiropu majare sajā, pari turi bajua masiedaboaga tiquireo, niahye Nicodemo.

Tiquireo sa nigū Jesu yahtiahye:

⁵ —Ijirota niita niaja mahare. Wahma masa bajuariquireo yero saha aco mehna,

Espiritu Santo tiquireo tutuaye mehna pari turi masa bajuariquireo dihita Cohācjū yaquireo iji masine. ⁶ Numia niji pacosānumia ijiye, macanagare masa bajuagū yere. Espiritu Santo pehe masare Cohācjū pohne ijigū yere. ⁷ “Wahma masa bajuariquireo yero saha pari turi masa bajuariquireo dihita Cohācjū yaquireo iji masine”, yahu nigū, tūho wisieracāhña.

⁸ Espiritu Santo masare Cohācjū pohne tiquireo yegū ti wihnono yero saha ijire. Wihnono to ahtariroru ahtare. To ahtaro ca tagū mari tūhoaja. Sa tūhoepenata to ahtariroro, to waharirone ne masiedaja. Sata yere Espiritu Santo masare Cohācjū pohne yero, niahye Jesu Nicodemore.

⁹ —Mahu niñene quehnoano masiedaga, niahye Nicodemo.

¹⁰ Tiquireo sa nigū tūhoro ohō saha niahye Jesu:

—¿Mahu judio masare buhegu ijiepeguta, dahsegu yahu niñene tūhoerajari? ¹¹ Ijirota niita niaja mahare. Usā masidire usā ihñarire usā yahuaja. Usā sa yahuepegūta ne masa acaye judio masa ne tūho duerare. ¹² Ahri yehpa cjē mehna masa tiquina masa bajuari mehna masare queoye mehna yahu buhe mahtarire “Ijirota ijire”, niedare masa. Sa niedana queoye mehna buhero marieno Cohācjū yere yahu yahugū gāhare “Ijirota ijire”, nisi masa.

¹³ ‘Ne ihcāquireo ahmusepu Cohācjū cahapu wahariquireo ne pari turi tojoa tasi. Yahu masu Cohācjū ohorigu yahu dihita ahmusepu ijirigu ahri yehparu ahtau. Sa yegu yahu dihita Cohācjū yere masare yahu masiaja. ¹⁴ Panopuru masa marienopuru Moise mūnāno bronco wame tiri come mehna tiquina yeriquireo añare yucugū tiquina docodupu duhu yoahye. Yucuguru tiquina duhu yoriro sahata yuhare masare Cohācjū ohorigure tiquireo tiquina yeriro sahata yahu gāhare duhu yoeta. ¹⁵ Yuhare tiquina sa yeri bato ijiphtiyequina yuhare wacū tutuayequina ijiphtiye decori Cohācjū mehna ijiducuetā, niahye Jesu.

Cohācjū ijiphtiyequinare cahñe

¹⁶ Sa ni tuhasa ohō saha ni nemoahye:

—Cohācjū ijiphtiyequina ahri yehpa cjēnare tutuaro cahñe. Sa yero yuhare tiquireo macare ihcāta ijigure Cohācjū ohori ijiphtiyequina yuhare wacū tutuayequina pecapu tiquina “Wahaeracāhdo”, nino. Sa ye ijiphtiye decori Cohācjū mehna ijietā tiquina. ¹⁷ Cohācjū yuhare tiquireo macare masare buhiri dahre dutiro ohoerari yuhare ahri yehpare. Sa yero masare pecapu wahaboriquireo yuhduocajure yuhare ohori.

18 'Yuhare Cohăcĵu macure wacū tutu-ayequinare ne buhiri dahresi Cohăcĵu. Yuhare wacū tutueyequina pūritare Cohăcĵu buhiri dahre duti tuhasari. Masa yuhare Cohăcĵu macure ihcāta ijigure tiquina wacū tutuerari buhiri, buhiri dahrerota tiquinare. 19 Yuhu, Cohăcĵu macu ahri yehparu ahtagu buhrioro quehnoano marine to ihña masigū yero sahata Cohăcĵu yere quehnoano masigū yeaja. Yuhu sa masigū yegū ihñañe yuhare wacū tutueyequina yuhare cahmedare. Tiquina ñahe yeve pehere quehnoano cahmene. Tiquina sa cahmedi buhiri tiquinare buhiri dahrerota. 20 Ijipihtiyequina ñañene yeve-quina tiquina ñahe yeve duhu duerare. Sa ye buhrioro to bajumehnoano sahata tiquina ñahe yerire "Bajumehneari", niñe, yuhare cahmedari tiquina. 21 Quehnoañene yevequina pehe yuhare, yuhu buheye gāhure cahmene. Cohăcĵu yere tiquina yeve yuhu quehnoano bajuro dahregū bue tierare tiquina. Sa ye yuhare buhrioro yero saha ijigure cahmene, ni yahuahye Jesu.

Pari turi Ņu wame yeriquiro Jesure yahuahye

22 Came Jesu usāre tiquiro buhenare Judea yehparu siho wahari. Topu esaro to cĵena mehna meheñe decorigā toja, wame yeri tiquinare. 23 Ņu gāhu masare wame yero niahye Enón wame tiri macapu. Enón Salim wame tiri maca cahapu ijiri. Topu dia ijiri. Sa yero Ņu topu wame yero niahye masare. 24 Tiquina peresu yeato pano Enóru wame yero niahye Ņu. 25 Ti pjere Ņu buheyequina mehna cĵena meheñequinagā judio masuno mehna wame yeve yahuducuye niahye. 26 Sa ye tiquina Ņu cahapu esa, tiquirore yahuahye:

—Buhegu, Jordā si pahrēru mahu mehna ijiriquiro "Tiquirota ijiaga", mahu nidiquiro pehe yojobure masare wame yero nine. Tiquiro sa yegū ijipihtiyequina tiquiro cahapu dihita wahare, niahye tiquina Ņure.

27 Tiquina sa nigū tūhoro Ņu yuhtiahye:

—Tiquiro tutuariquiro ijigū Cohăcĵu pehe tiquirore sa ijigū yere. 28 "Cristo ijier-aja", yuhu nigū musa tūhori. Sa ijier-apegūta tiquiro pano ohonoho muhtarigu ijiaja yuhu. 29 Cristo mehna masa tiquina wahagū ihñagu tutuaro bucueaja. Ohō saha ijire ti: Omoca dāhtericoro ticoro manano mehna ijiro wahare. Omoca dāhtegū cohteriquiro pehe dāhteatiquiro namo tigū ihñano tiquiro yahuducugū tūhoro tutuaro bucuere. Sa yegū yuhu omoca dāhtegū cohteriquiro tiquiro bucuero saha Cristo

mehna masa tiquina wahagū ihñagu tutu-aro bucueaja. 30 Cristo pehere wacū tutu-aro cahmene masare. Yuhu pehere wacū tutu-aro cahmene masare, ni yuhtiahye Ņu.

Cohăcĵu macuno ūhmusepu ahtariquiro ijire

31 Sa ni tuhasaro ohō saha ni nemoahye Ņu:

—Ūhmusepu ahtariquiro ijipihtiyequina yuhduoro tutuariquiro ijire. Ahri yehparu masarina ijina ahri yehpa cĵana ijiaja mari. Sa yena ahri yehpa cĵene yahuducuaja mari. Ūhmusepu ahtariquiro pehe ijipihtiyequina yuhduoro tutuariquiro ijire. 32 Tiquiro ihñarire, tiquiro tūhorire tiquiro yahure. Tiquiro sa yahuepegūta tiquiro yahuyere masa pehe ne tūho duerare. 33 Ūhmusepu ahtariquiro tiquiro yahuyere masa tūhoje, "Cohăcĵu potota nidiquiro ijire", niñe nine tiquina. 34 Ahriquiro Cristore Cohăcĵu ohoriquirore Espiritu Santo ye tutuayere oho pehore Cohăcĵu. Sa yero tiquiro Cohăcĵu ye yahuducuyere yahure. 35 Cohăcĵu tiquiro macunore tutuaro cahne. Sa yero ijipihtiyequina puhtoro iji dutiri tiquiro macunore. Ijipihtiye upuro iji dutire tiquirore. 36 Cohăcĵu macunore wacū tutuayequina pehe ijipihtiye decori Cohăcĵu mehna ijieta. Tiquiro macunore yuhduducayequina pehe Cohăcĵu cahapu wahasi. Sa ye ijipihtiye decori ūhmusepu ijisi. Sa yero Cohăcĵu tiquinare tutuaro buhiri dahrerota, niahye Ņu.

4

Jesu Samaria cĵeno mehna yahuducuro niahye

1 Jesu Ņu yuhduoro peyequina buheye-quinare tiquiro cūogū, Ņu yuhduoro masare tiquiro wame yegū fariseo masa tūhoahye. 2 Tiquina sa tūhoepēgūta Jesu pehe tiquiro basi masare wame yerari. Usā tiquiro buhena pehe masare wame yei. 3 Fariseo masa tiquina sa masigū tūhoro Jesu pehe Judea yehparu ijiriquiro Galilea yehparu usāre siho tojoaa wahari.

4 Topu wahana Samaria yehpare esa yuhdu cāna tana nii usā. 5 Sa yuhdu cāna Samaria yehparu ijiri macapu Sicar wame tiri macapu esau. Ti maca cahapu panoru cĵeno Jacob mūnano tiquiro macuno José mūnanore tiquiro ohori yehpa ijiri. 6 Topu Jacob mūnano tiquiro sihnidi cope ijiri. Sa yero Jesu pehe yoaroru ahtariquiro ijiro, tiquiro wahyia yuhduaro ti cope dāhtu cahapu nuju sari. Ti pje tiquiro nuju sari pje coheri pje waro ijiri. 7-8 Usā tiquiro buhena pehe macapu ihyayere usā dūna wahari bato ihcāquirota tiquiro topu tojoa nuju sari.

Sa yero Samaria cǎno ti copere aco waro wihigā Jesu ticorore acore siniahye:

—Acore ohoya yuhare, niahye.

⁹ —Muhū judio masū ijire. Yuhū pehe Samaria cǎo ijiaja. ¿Duhsegu yuhare acore sinijari muhū? niahye ticoro Jesure.

Judio masa Samaria cǎnare ihña tuhtiyequina ijire. Sa yero ticoro sa niahye.

¹⁰ Ticoro sa nidi bato Jesu ticorore yahuahye:

—Muhūre Cohācǎ tiquiro yedoho duayere masigo, muhūre acore sinigare masigo, muhū yuhū pehere siniboaya. Muhū sa sinigū apeye aco pehere ohoboaya yuhū. Ti aco pehe catigū yere, niahye Jesu ticorore.

¹¹ Tiquiro sa nigū tahoro ticoro yuhtiahye tiquirore:

—Ne muhūre sutu mariedare. Sa yero ahri cope uhcārīne. ¿Sa yegu ahri catigū yeye acore nohorū wa neboagari muhū?

¹² Mari ñecu munano Jacob panorū cǎno ahri copere marine cūe tiahye. Tiquiro, tiquiro pohne, nuñequina gūhū ahri acore sihnie tiahye. ¿“Apeye acore ohoboaya yuhū”, muhū nigū, Jacob yuhduoro tutuagu ijiajari muhū, sa ni tuhotugu? niahye ticoro.

¹³ Ticoro sa nigū Jesu yuhtiahye:

—Ijiphtiyequina ahri acore sihniñequina, pari turi aco wnoeta. ¹⁴ Yee aco pehere sihniñequina ne pari turi aco wnosī. Sa ye, yee acore sihniñequina Cohācǎ mehna sa ijiducuetā. Ma pohterū aco to sa wijiaducuro sahata yee aco ne pihtisi, niahye Jesu.

¹⁵ Tiquiro sa nigū tahoro numino pehe ohō saha niahye:

—Ti acore ohoya yuhare pari turi yuhū aco wnoeraro quehnoano. Sa yego pari turi ne ohōpūre aco wasi yuhū, niahye ticoro.

¹⁶ Ticoro sa nigū Jesu ticorore yahuahye:

—Ti pje pūrita muhū manūnore pijigo wahaya. Piji tuhasa ohōpū ahtaya tiquiro mehna, niahye Jesu ticorore.

¹⁷⁻¹⁸ —Manū mariego ijiaja yuhū, niahye ticoro.

—Ijirota nimene muhū. Ihcā omope tahari manū ti tuhasamedī muhū. Sa yero yojoypūre muhū mehna ijiriquiro muhū manūno ijierare. Sa ye “Manū mariego ijiaja”, nigo potota nimene muhū, niahye Jesu ticorore.

¹⁹ Tiquiro sa nigū tahoro ohō saha niahye ticoro:

—Āa, Cohācǎ yere yahu muhtagu ijire muhū, yuhū tuhotugū. ²⁰ Ūsā ñecusūma iji turiayequina māna ahdū cūnāpū Cohācǎre ño peoe tiahye. Sa yena masa pehe judio masa “Jerusalēpū Cohācǎre ño peoro cahmene masare”, nie tiri mūsa judio masa, niahye ticoro.

Ticoro sa nigū Jesu yuhtiahye:

²¹ —Numio, yuhū pehere tuhorīña. Camerū ahdū cūnāpū, Jerusalēpū gūhūre mari Pacure ño peosi mūsa. ²² Mūsa pehe mūsa ño peoriquirore masiedare.

Masare yuhduoatiquiro judio masūnota ijire. Sa yena ūsā judio masa pehe ūsā ño peoriquirore masiaja. ²³ Yojoypūre, camerū gūhūre Cohācǎre potota ño peoyequina tiquina quehnoano tuhotuye mehna tiquirore ño peoeta. Sa mari ño peogū cahmene Cohācǎ. ²⁴ Cohācǎre, pagū marieniquiro tiquiro ijigū masa tiquirore ihñedare. Sa ye tiquirore ño peoye, tiquina quehnoano tuhotuye mehna tiquirore quehnoano potota ño peoro cahmene masare, niahye Jesu.

²⁵ Tiquiro sa nigūta ticoro yuhtiahye:

—Mesia, “Cristo” tiquina nidiquiro pehe masare yuhduoatiquiro tiquiro ahtatire masiaja yuhū. Tiquiro ahtaro marine ijiphtiyere buhe peho cānota, niahye ticoro.

²⁶ —Yuhūta ijiaja Cristo, niahye Jesu ticorore.

²⁷ Tiquiro sa nigū waro wihii ūsā. Sa yena ūsā tiquiro buhena pehe Jesu numino mehna tiquiro yahuducugū ihñana, ihña maria wahā. Sa ihña mariepenata, “¿Duhse cahmejari muhū? ¿Duhse niari muhū ticorore?” ni sinituerū tiquirore. ²⁸ Sa yero numino ticoro ya sutare duhu dapo cā, macarū wahā wahari. Topū esaro masare yahuro, ohō saha niahye:

²⁹ —Yuhū yerire yahu pehoriquirore ihñana ahtaya mūsa. Tiquiro potota Cristo ijiboaga, ape taha yero, niahye ticoro.

³⁰ Ticoro sa nigū tuhoje ti maca cǎna pehe Jesure ihñañe ahtari. ³¹ Ti pjere ūsā Jesu buhena pehe tiquirore tutuaro ihya dutimi:

—Buhegu, ihyaya, nimi ūsā.

³² —Sijoro ijie ihyayerē cūoaja yuhū. Tire mūsa masiedare, nidi tiquiro.

³³ Tiquiro sa nigū tuhona ūsā basi ohō saha ni yahuducuu:

—¿Apequina tiquirore ihyaye oho tuhasayari? nii ūsā basi.

Ūsā sa nigū Jesu yahuri:

³⁴ —Masa pehe ihya coare. Yuhūre ohoriquiro tiquiro cahmeñe pehere ye coaja yuhū pehe. ³⁵ “Pititia asū duhsare mari dūca duha neato”, wese upūro tiquiro nidiro saha mūsa pehe ni tuhotueracāhña. “Cohācǎ yere ūsā yahuato duhsarīne”, ni tuhotueracāhña. Ijirota niita niaja mūsa. Yojoypū pūritare masare ihñaña. Dūcare neni pje to ijiro sahata, yojoypū pūrita masa yuhū buheyere tiquina tuhoati pje ijiro nine. ³⁶ Oteye dūcare neñequinare tiquina wapa yeriro sahata yeere buheriquinare, yeequina ijiatiquinare pijiyequinare, tiquina sa yeri wapa tiquinare quehnoano yeitja yuhū. Tiquina sa buhegū tuhoje yuhū buheyere tuhojequina yeequina pehe

Cohãcǵũ mehna ijipihtiye decori ijiducuetā. Sa ye tiqināre buhe mahtañequina, came yeequina wahagũ yeequina gũhu ihcãno saha bucueducuetā. ³⁷ “Ihcãquiroy ote mahtariquiroy ijire. Apequiroy pehe dũcare neniquiroy ijire”, nie tiahye panopũ. Ti ijirota ijire. Tiquina sa nidiroy sahata ihquẽquina yeere yahu mahtañequina ijire. Apequina pehe yeere buheye, yeequina wahagũ yere. ³⁸ Wese upũroy yequina dahra cohteyequina oterariquina tiqina ijipegũ tiquiroy oteye dũcare tiqināre ne dutiroy ohore. Sa masare buhe mahtaedarina masa ijipegũta yeequina wahatiqināre buhe dutigu ohoaja musare. Apequina pehe tiqināre buhe mahta tuhasari. Tiquina buheriquināpāre pari turi buhe nemona, yeequina wahagũ yenata masa pehe. Sa ye buhe mahtañequina pehe tiqina yedohoro mehna apequināre yeequina wahagũ yenata masa, nidi Jesu.

³⁹ Ti pĵere Samaria cĵõno “Yũhu yerire tiquiroy yahu pehori”, ticoro sa nigũ tuhoye Samaria cĵena peyequina Jesure cahmeahye. ⁴⁰ Sa ye Samaria cĵena Jesu cahapũ esaye, “Usã mehna tojoarĩna”, nidi tiquiroy. Tiquina sa nigũ usã gũhu tiquiroy mehna pua deco tojoarĩ. ⁴¹ Apequina gũhu peyequina Jesure tuhoye, cahmedi tiquiroy. ⁴² Ohõ saha nidi masa numinore:

—Coã waropāre mũhu yahurire tuhona, Jesure cahmei. Yojoꝛũ pũritare tiquiroy yahuducuyere tuhona tiquiroy cahmeaja. Sa yena tiquiroy pehere tuhona ahri yehpa cĵenāre pecapũ wahaboriquināre yuhduoriquiroy potota tiquiroy ijigũ yojoꝛũ usã masiaja, nidi masa Samaria cĵõnore.

Puhtoro macũnore dohatiriquiroye yuhduoahye Jesu

⁴³ Pua deco bato Jesu usāre Galilea yehpapũ siho wahari. ⁴⁴ Coã waropāre ohõ saha nie tiri tiquiroy: “Cohãcǵũ yere yahu mahtariquiroye tiquiroy ya yehpa cĵena tiquiroy ño peoerare. Sa ye yuhare ño peoerare ohõ cĵena ohõꝛũ yũhu bucuarigu ijigũ”, nie tiri Jesu. ⁴⁵ Sa ye Galileapũ tiquiroy esagũ to cĵena tiquiroy quehnoano piti cari. To pano Jerusalẽꝛũ bose deco Jesu tiquiroy yerire ihñariquina ijiri tiqina.

⁴⁶ Sa ye Canapũ Galileapũ ijiri macapũ acore tiquiroy uhse co bajumehnedi macapũ wahaũ usã tiquiroy mehna. Canã cahapũ ijiri macapũ Capernau wame tiri macapũ puhtoro macũno dohatiro niahye. ⁴⁷ Sa yero Jesu Judeapũ ijiriquiroy tiquiroy Galileapũ esagũ puhtoro tuhoahye. Tire tuhoro Jesu cahapũ wihiri:

—Yũhu macũ yariaro nidi. Sa ye tiquiroye yuhduogũ ahtaya, ni tutuaro mehna pijiri tiquiroye.

⁴⁸ Tiquiroy sa nigũ tuhoro Jesu yahtiri:

—Cohãcǵũ tutuaye mehna yũhu yegũ ihñedana, ne yuhare wacũ tutuerare masa, nidi Jesu tiquiroye.

⁴⁹ Tiquiroy sa nigũ puhtoro pehe ohõ saha nidi:

—Puhto, yũhu macũ tiquiroy yariato pano ahtaya, nidi tiquiroy Jesure.

⁵⁰ —Tojoahya. Mũhu macũ catiaga, nidi Jesu.

Tiquiroy sa nigũ tuhoro, “Tiquiroy nidiroy sahata catiroyta yũhu macũ”, nino, puhtoro tojoaa wahari.

⁵¹ Sa tojoaducuriquiroye tiquiroy cahcǵena tiquiroye piti ca, yahuahye:

—Mũhu macũ catiri, ni yahuahye tiqina tiquiroye.

⁵² —¿Nohõ asũ ijigũ yuhduari yũhu macũ? ni sinituahye tiquiroy cahcǵenāre.

—Canũre coheri pĵe batogã ujuaye sururi tiquiroye, niahye tiqina.

⁵³ Tiquina sa nigũ tuhoro ohõ saha ni tuhoutuahye tiquiroy: “Jesu yuhare tiquiroy sa ni yahuri pĵeta ujuaye suruaya”, ni tuhoutuahye puhtoro pehe. “Poto ninota ni-aya yuhare”, nino, tiquiroy ijipihtiyequina tiquiroy acaye mehna Jesure wacũ tutuahye.

⁵⁴ Jesu Judea yehpapũ ijiriquiroy Galilea yehpapũ tiquiroy esari bato puhtoro macũnore tiquiroy yuhduorire mari queogũ pua taha Cohãcǵũ tutuaye mehna ye ihñõ tuhasari Jesu.

5

Tini masieniquiroye yuhduoahye Jesu

¹ Came judio masa Cohãcǵũre usã ño pe-ori bose deco ijigũ Jesu Jerusalẽꝛũ esari tja. ² Topũ oveja wame tiri sopecaha cahapũ cuhsari cope ijiri. Usã judio masa ye mehna niñe Betzata wame tiri cope ijiri. Ti cope cahapũ ihcã omope tihamehneñe tucũri ijiri. ³ Ti tucũriꝛũ peyequina dohatiyequina cuñari. Caperi bajueyequina, pari yuri wahayequina, tini masieñequina tiqina ti cope cahapũ ijiri. [Topũ ijiiye aco ñuhmi maanore cohteye nidi. ⁴ Topũ buharo ti cope cĵẽ acore ihquẽ tahari ñuhmigũ ye mujahye angel. Ti cope cĵẽ aco ñuhmidi bato ña mio mahtariquiroy pehe dahse ijiiyere dohatiyere cuoriquiroy quehnoa wahahye.]

⁵ Sa yero tore treinta y ocho cahmari waro dohatiriquiroy ijiri. ⁶ Topũ tiquiroy cuñagũ ihñano tiquiroy sa yoari pĵe dohatiriquiroy ijigũ masidi Jesu tiquiroye. Sa masino tiquiroye sinituri:

—¿Pagu dohatiyē mariegũ iji duajari mũhu? nidi Jesu.

⁷ Tiquiroy sa nigũta dohatiriquiroy yahtiri:

—Ti aco ñuhmigũ yuhare aco ijiri copeꝛũ neaboriquiroy mariedare. Ti copeꝛũ yũhu ña mio duepegũta apequina pehe yũhu pano sa ña mio mahtaducure, nidi tiquiroy Jesure.

⁸—Wahcãducaya. Mũhũ cuñari cahserore ne cãhña, nidi Jesu tiqũirore.

⁹ Tiquiro sa nigũta dohatiriquiro pehe tiqũiro cuñari cahserore ne, tini dũcari. Ti deco saurũ judio masa usã sori deco ijiri. ¹⁰ Ti decore Jesu sa yegũ ihñañe judio masa usã pũhũa pehe dohatimediquirore ohõ saha ni yahuahye:

—Miare saurũ deco mari sori deco ijiepegũta mũhũ cuñari cahserore neare mũhũ. Sa yegũ mari dutiyere yũhdũdcagũ nine mũhũ, niahye tiquina tiqũirore.

¹¹ —Yũhũre yũhũ dohatiyere cohãriquirõ pehe ohõ saha nidi yũhũre: “Mũhũ cuñari cahserore ne cãhña”, nidi tiqũiro yũhũre, ni yũhtiahye dohatimediquiro.

¹² —¿Tire mũhũre sa nidiquiro pehe noa boro ijiri tiqũiro? ni sinituahye tiquina.

¹³ Topũ masa peyequina tiquina ijigũ ihñano Jesu pehe waha tuhasari. Sa yero dohatimediquiro pehe tiqũirore yũhdũroriquiro wamene masiedahye. ¹⁴ Came Cohãcjũ wũhũpũ Jesu tiqũirore piti ca yahuri:

—Tũhorĩña mũhũ yũhũre. Yojoipũre quehnoano pagũ tire mũhũ. Ñañene ye nemoedacãhña. Pari turi ñañene ye nemogũ mũhũ dohatiriro yũhdũoro wahagũta mũhũ, nidi Jesu tiqũirore.

¹⁵ Tiquiro sa nidi bato dohatimediquiro pehe usã judio masa pũhũa tiqũirore sinituriquina cahapũ esaro yahuahye tiquinare:

—Jesu wame tiriqũiro yũhũre yũhdũgũ yeri, ni yahuahye tiqũiro.

¹⁶ Sa ye saurũ ijigũ dohatiriquirore tiqũiro dohatiyere Jesu cohãgũ masiñe, judio masa usã pũhũa pehe tiqũirore ñano ye dũcari.

¹⁷ Sa ñano tiqũirore tiquina ye duagũ masino Jesu pehe yahuri tiquinare:

—Yũhũ Pacũ yojoipũre dahrarĩno nine. Yũhũ gũhũ dahrarĩ niaja, ni yahuri tiqũirore ñano ye duayequinare.

¹⁸ Tiquiro sa nigũ judio masa usã pũhũa pehe tiqũiro mehna tutuaro usuaye, to pano tiquina nidiro yũhdũoro tiqũirore wejẽ duari. Saurũ decore tiquina sori decore ihcãquirõ dohatiriquirore tiqũiro yũhdũogũ ihñañe tiquina usuari. Sa usuaye tiqũiro Cohãcjũre “Yũhũ Pacũ”, nigũ tũhoye, tiquina pehe to pano tiquina nidiro yũhdũoro usua nemoahye tja. “ Yũhũ Pacũ”, nino Jesu tiqũiro basi ‘Cohãcjũ mehna ihcãno saha ijiaja’, ni wacũaga tiqũiro”, ni tũhoturi judio masa usã pũhũa.

Jesu Cohãcjũ ohoriqũiro ijire

¹⁹ Sa ye Jesu tiquinare yahuari:

—Ijirota niita niaja mũsare. Yũhũ Cohãcjũ macũ, yũhũ esa tuharo yeraja. Yũhũ Pacũ tiqũiro yerire ihñagũ, tire yeaja. ²⁰ Yũhũ

Pacũ yũhũre tiqũiro macũre cahĩne. Sa yero tiqũiro yerire yũhũre ihñõ pehore. Ahri yojoipũ tiqũiro tutuaye mehna yũhũ yeri yũhdũoro tiqũiro apeyere ye dutirota yũhũre. Tiquiro sa ye dutigũ tiqũiro tutuaye mehna ye ihñoutja yũhũ. Sa yena ihña maria wahanata mũsa. ²¹ Yũhũ Pacũ yariariquinare tiqũiro masoriro sahata yũhũ gũhũ yũhũ cahmeñequinare masoutja. ²²⁻²³ Ne yũhũ Pacũ pehe masa tiquina ñañe buhirire buhiri dahreriquiro ijierare. Yũhũ pehere tire tiquina ñañe buhirire buhiri dahreacjũre cũri yũhũ Pacũ. Ijipihtiyequina masa tiqũirore tiquina ñõ peoriro sahata yũhũ gũhũre tiquina ñõ peoatire buhiri dahreacjũre cũri yũhũre. Yũhũre tiqũiro macũre ñõ peoerana yũhũ Pacũ gũhũre ñõ peoerare mũsa. Tiquiro ijire yũhũre ohoriqũiro, nidi Jesu.

²⁴ Sa ni tuhasa ohõ saha ni yahu nemori:

—Ijirota niita niaja mũsare. Yũhũ yahuducuyere tũhoyequina, yũhũre ohoriqũirore wacũ tutuayequina ijipihtiye decori mũmũserũ sa ijiducueta. Sa yegũ tiquinare buhiri dahresi yũhũ. Sa ye tiquina pecarũ wahaboriquina yũhdũeta.

²⁵ Ijirota niita niaja mũsare. Pecarũ wahatiquina yũhũre Cohãcjũ macũre tiquina tũhoati pje yojoipũ ijire. Camerũ gũhũre yũhũre tiquina tũhoeta tja. Sa tũhoye tũho nũhũñequina pehe Cohãcjũ mehna sa ijiducueta. ²⁶ Cohãcjũ yũhũ Pacũ pehe sa ijiducugũ yeriqũiro ijire. Sa yero yũhũre tiqũiro macũre sa ijiducugũ yeacjũ iji dutiri tiqũiro yũhũre. ²⁷ Sa yegũ yũhũ masũ Cohãcjũ tiqũiro ohorigũ yũhũ ijigũ tiqũiro masare buhiri dahreacjũre cũri yũhũre. ²⁸ Ahriire tũhona, tũho mariedacãhña mũsa. Ape decorpũre ijipihtiyequina yariariquina masa coperipũ ijieyequina yũhũ yahuducugũ tũhoeta. ²⁹ Sa tũhoye, quehnoañene yeriquina ijipihtiye decori Cohãcjũ mehna ijiatiquina masa mũjaeta. Ñañene yeriquina pehe ñañene tiquina yeri buhiri pecarũ wahaeta, ni yahuri Jesu.

³⁰ Sa ni tuhasa ohõ saha ni yahu nemori:

—Yũhũ esa tuharo ne yeraja. Ne yũhũ basi yũhũ cahmeno ye deraja. Yũhũre ohoriqũiro tiqũiro dutiriro sahata ye duaja. Sa yegũ tiqũiro nidiro sahata buhiri dahreaja. Sa yegũ yũhũ masare buhiri dahregũ queoro yeaja. ³¹ “Yũhũ tutuagũ ijiaja”, yũhũ ni yahugũ “Mũhũ yahuye ne poto ijierare”, ni masiboaga mũsa. ³² Apeqũiro ijire yũhũre yahuriqũiro. Tiquiro Ñũ pehe masare yahure yũhũre. Masare yũhũre tiqũiro yahuri ijirota ijire. Tire yũhũ quehnoano masiaja. ³³ Mũsa apequina pehere Ñũpũre yũhũre sinitu dutina ohori. Sa yero potota yahure tiqũiro mũsare. ³⁴ “Cohãcjũ macũno ijire

ahriquiro”, yuhare ni yahuatiquinare macaedaja. Sa macaedapegata Ñu masano tiquiro ijiepegata yuhare “Cohâcjü macano ijire”, tiquiro ni yahurire yahugü niaja. Mûsa yuhare wacü tutuatire, mûsa pecapü wahaborina mûsa yuhduatire yuhare Ñu tiquiro yahurire yahugü niaja. ³⁵ Sihâria meheñe decorigâ ihña masigü yero sahata Ñu mûsare buhe mûhtano mehenogâ tiquiro catiro puno mûsare masigü yeri. Tiquiro sa buhegü tahona meheñe decorigâ bucueri mûsa. ³⁶ Yuhü ijire tiyere tiquiro sa buhepegata Cohâcjü pehe yuhü ijire quehnoano yahure. Tiquiro sa yahugü Ñu yuhü ijire tiquiro yahuye yuhduoro ijire Cohâcjü ye yahuye. Sa yegü Cohâcjü tiquiro tutuaye mehna yuhare tiquiro ye dutirire yojopü yei niaja. Ahrire yuhü yegü ihña potota Cohâcjü ohorigü yuhü ijire masine mûsa. ³⁷ Sa yero yuhü Pacü yuhare ohoriquiro tiquiro basi “Tiquiro yuhü ohoriquiro ijire”, ni yahure mûsare. Tiquiro sa ni yahuepegata tiquiro yahuducuyere ne tahocerari mûsa. Sa yena mûsa tiquirore ne masiedari. ³⁸ Yuhare Cohâcjü ohorigure mûsa ne taho duerari. Sa yena mûsa Cohâcjü yere ne cahmedari. ³⁹ Cohâcjü yere tiquina ojoari püre mûsa buhena, “Mari ahri püre buhena ijipihtiye decori Cohâcjü mehna sa ijiducunata”, nine mûsa. Ti pûta yuhare yahure. ⁴⁰ Ti pû yuhare ti yahuepegata mûsa pehe yuhare cahmedare. Ijipihtiye decori Cohâcjü mehna mûsa sa ijiducuatire yuhare sini duerare mûsa, ni yahuri Jesu.

⁴¹ Sa ni tuhasa ohõ saha ni nemori:

—Yuhare mûsa ño peoragü ihñagu usueraja yuhü pehe. ⁴² Mûsa pehe Cohâcjüre mûsa cahñedagü masiaja yuhü. ⁴³ Cohâcjü yuhü Pacü tiquiro yuhare dutirire sahata yuhü ahtaepagata mûsa yuhare cahmedari. Apequiro pehere Cohâcjü ohoeriquiro tiquiro ijiepegata tiquiro pehere cahmedana mûsa. ⁴⁴ Apequina masa mûsa tiquina ño peogü cahmene mûsa. Cohâcjü mûsa mehna tiquiro bucuégü cahmedare mûsa. Tiquiro dihita Cohâcjü waro ijire. Sa cahmedana yuhü gühare tahocerare mûsa. Yuhare wacü tutuerare. ⁴⁵ Mûsare yuhü Pacure ne yahusâsi yuhü. Tire masiña mûsa. Moise tiquiro ojoari pû pehe mûsare yahusânota. “Ti pû cjê dutiyere mari ye pehona, Cohâcjü cahapü wahanata”, mûsa nidi pû pehe mûsare yahusânota. ⁴⁶ Moise tiquiro ojoari pûpü yuhü pehere yahuahye. Sa yena ti püre “Ijirota ijire”, nina, yuhü yahuye gühare “Ijirota ijire”, niboaya mûsa. ⁴⁷ Moise tiquiro ojoari püre “Ijirota ijire”, niedana, yuhü yahuducuye gühare “Ijirota ijire”, nisi mûsa, nidi Jesu tiquinare.

6

Cinco mil masare ihyayere ohoahye Jesu (Mt 14.13-21; Mr 6.30-44; Lc 9.10-17)

¹ Sa tiquiro buheri bato Galilea wame tiri ditara ape sie pahrëpü usâ Jesu mehna pehâa wahau. Ti ditara pajiri ditara Tiberia wame tiri. ² To pano Galilea yehpapü Jesu dohatiyequinare tiquina dohatiyere tiquiro cohâgü masa ihñae tiri. Tiquina sa ihñari bato Jesu pehâgü ihñae masa peyequina tiquirore nuna tâ câri. ³ Topü esana usâ tiquiro buhena pehe tiquiro mehna canapü mûja sa, tu buipü dujii. ⁴ Ti deco pascua wame tiri bosc deco ijiato judio masa usâ ya bosc deco mehenogâ dahsari. ⁵⁻⁶ Topü dujiro, Jesu peyequina masa tiquiro cahapü tiquina ahtagü ihñaadoqueori. Sa ihñaadoqueori Felipere sinituri:

—¿Ahriquina masa tiquina ihyatire nohopü dúnatari mari? nidi Felipere.

Jesu tiquiro basi tiquiro yeatire masieperota Felipere sinituri, “¿Dahse yuhtirota?” nino. ⁷ Tiquiro sa sinitugü tahoro Felipe yuhtiri:

—Doscientos niñeru cjoeri pose ihyayere mari düepagata masare dayegâ ihyayere mari itiepegata ne esa tuhasi, nidi Felipe Jesure.

⁸ Usâ mehna cjano Andre, Simo Pedro bahuro pehe Jesure yahuri:

⁹ —Ihcâ omope pâ pacare, pûaro wahire nijino ohõ core. To punogata tiquiro coepegata masa pehe peyequina waro ijire. Sa yero ahri mehenogâ ihyaye ne esa tuhasi, nidi Andre.

¹⁰ —Masare duji dutiya mûsa, nidi Jesu usâre tiquiro buhenare.

Topü taa dayegâ ijiro ijiri. Usâ duji dutigü masa nuju sa pihtiari taa buipü. Umua dihitare mari queogü cinco mil ijiri.

¹¹ Tiquina sa nuju sagü ihñano Jesu pehe pâre ne, Cohâcjüre “Quehnoare” nidi. Sa ni tuhasarota usâre tiquiro buhenare iti dutiri. Tiquiro sa dutigü usâ pehe dujiyequinare iti câu. Pûaro wahi gühare iti câu. Ijipihtiyequinare quehnoano tiquina esa tuhoro ihyayere tiquinare itii. ¹² Sa ye masa pehe yapia wahari. Tiquina sa yapigü ihñano Jesu usâre nidi:

—Tiquina ihya daharire quehnoano ne peho câhña. Sa yena tiquina ihya daharire ne bos, nidi.

¹³ Tiquiro sa nigü usâ pehe ihcâ omope pâ paca dahsarire usâ ne cahmecoagü doce puhare waro wijari. ¹⁴ Sa ye masa ti bajumehnenore Jesu tiquiro yegü ihñae, ohõ saha nidi:

—Ijirota ijire. Ahriquiro Cohâcjü yere yahu mûhtariquiro ahri yehpapü ahtariquiro mari cohteriquirota ijire, nidi tiquina.

¹⁵ Tiquna Jesure tiquna puhtoro ijia-tiqiuro ñehe sō duamedī. Jesu tire masino pari turi ihcāquirotā cānupū wahaa wahari.

Jesu aco bui tiniahye
(Mt 14.22-27; Mr 6.45-52)

¹⁶ Ñamicahapū usā tiqiuo buhena ditarapū buhaū. ¹⁷ Topūre buha sa, yucūsapū sajā, Capernau wame tiri macapū pehāū. Usā pehāri pje ñamipū ijiri. Sa yero Jesu usā cahapū ahtaeranidī. ¹⁸ Wihnono tutuaro wēgū, pajiri ma pahcōri wahcāri. ¹⁹ Ihcā omope kilōmetro esaboro waro usā esagū waro Jesu usā cahapū wihiri. Aco bui tiqiuo ahtagū ihñāū usā. Sa usā cahapū tiqiuo ahtagū ihñāna usā cuei. ²⁰ Sa usā cuegū ihñāno tiqiuo usāre yahuri:

—Ne yūhure ihñā cueracāhña. Yūhata iji-aja, nidi Jesu.

²¹ Tiqiuo sa nigū tūhona usā bucueye mehna tiqiuore piti ca sajā dutii. Tiqiuo sajāri batogāta usā wahari yehpapūre pehā sa tuhasaū.

Masa pehe Jesure macahye

²² Ti ñamine masa topū tojoariquna pehe ihcāriata usā pehātiare ihñāhye. Tia mehna usā pehāgū ihñāri tiquna. Jesu usā mehna tiqiuo wahaeragū gūhure ihñāri tiquna. Sa ye ape decore tiqiuore cohteye nimahye. ²³ Tiberia wame tiri macapū ahtaye, Jesu Cohācjūre “Quehnoare”, tiqiuo nidiro cahagā cjūnopū, masare tiqiuo ihyaye itiriro caha cjūnopū wahā sahye tiquna yucūsa mehna. ²⁴ Sa ye ape deco usā Jesu mehna ijiriroro usā mariedagū ihñāñe, masa yucūsapū sajā, Capernaupū usāre nanū tā pehā sari. Jesure maca saye nidi tiquna.

Jesu catiyere oho, ihyaye yero saha ijtiriquiuro ijtire

²⁵ Ditarapū pehā, Jesure boca saye, masa sinituri tiqiuore:

—¿Buhegu, dūhse ijigū ahtari mahū ohōpūre? ni sinituri tiquna.

²⁶ Tiquna sa sinitugū Jesu tiquinare yahuri:

—Ijirota niita niaja musare. Ba-jumehnedire yūhū yepegūta yūhū pehere wacū tutuerare masa. Yūhūre wacū tutuerapenata yūhūre macare masa. Yūhū mehna bujūye ihyana, masa yapirina yūhūre maca cāhtari tja. ²⁷ Ihyaye ne sa ijiducuerare. Camepū pihtia wahare. Sa yena tire wacūducueracāhña. Apeye ihyaye sijoro saha ijiye ihyaye pehere macañā masa. Ti ihyayere bocana ijipihtiye decori Cohācjū mehna ijinata. Sa ye ti ihyaye pūrita ne pihtierare. Ti ihyayere yūhū masū Cohācjū ohorigu musare ohoutja. Cohācjū yūhū Pacū yūhūre tire oho dutiriquiuro ijire. Cohācjū tiqiuo ohorigu yūhū ijiyere ihñō tuhasari musare, nidi Jesu.

²⁸ Tiqiuo sa nigū tiquna sinituri tiqiuore:

—¿Cohācjū tiqiuo ye dutiyere yena tana dūhse yenatari usā? ni sinituri tiquna.

²⁹ —Ahrire Cohācjū musare ye dutire: “Yūhū ohoriquiuro wacū tutuaya”, nino musare ye dutire Cohācjū, nidi Jesu.

³⁰ Tiqiuo sa nigū tūhoye tiquna ohō saha nidi tja:

—Cohācjū ohorigu ijigū tiqiuo tutuaye mehna ye ihñōña usāre muhure usā quehnoano wacū tutuatire. ¿Yabe borore yeitjari mahū? ³¹ Mari ñecūsumā manapū panopū cjēna masa marienopū manā wame tiye pacare ihyae tiahye. Cohācjū yere tiquna ojoari pūpū ohō saha ni yahuahye: “Tiqiuo tiquinare ahmūse cjē ihyayere ohoe tiahye tiquna ihyatire”, ni ojoahye Cohācjū yere tiquna ojoari pūpū. ¿Tiqiuo sa yeriro sahata yeitjari mahū gūhū? nidi tiquna.

³² Tiquna sa nigū Jesu yahuri tiquinare:

—Ijirota niaja musare. Moise ahmūse cjē ihyayere ohoerari musare. Yūhū Pacū pehe ahmūse cjē ihyaye potota ijiyere musare ohoriquiuro ijire. ³³ Cohācjū ye ihyaye ahmūsepū dijia taye, ijipihtiiri yehpa cjēnare catiyere oho masine, nidi Jesu tiquinare.

³⁴ —Puhto, decoripe ti ihyayere ohoya usāre, nidi tiquna.

³⁵ Tiquna sa nigū tūhoro Jesu yahuri tiquinare:

—Yūhū pehe catiyere oho, ihyaye yero saha ijigū ijiaja. Mari ye ihyayere mari ihyari batota duita ujūa ahbaa wahaja mari tja. Sihniñe gūhure mari sihniñi batota aco wūoa wahaja tja. Sa ijiepegūta yūhūre cahmediquiuro, yūhūre wacū tutuariquiro ujūa ahbaerariquiro yero saha tiqiuo bucueye tiqiuore pihtisi. ³⁶ Musa pehe yūhūre ihñāepenata yūhūre wacū tutueranine. Tireta musare yahue timi yūhū. ³⁷ Ijipihtiyequina yeequina ijiatiquinare yūhūre yūhū Pacū tiqiuo cūriquna pehe yūhūre cahmeeta. Sa ye yūhūre cahmeñequinare ne cohāsi yūhū.

³⁸ Ahmūsepū ahtagū yūhū cahmeno yei ahtagū niedū yūhū. Yūhūre ohoriquiuro tiqiuo cahmediro sahata yei ahtagū nii yūhū. ³⁹ Ahrita ijire yūhūre ohoriquiuro tiqiuo cahmeñe waro: Ijipihtiyequina yeequina yūhūre tiqiuo ohoriquinare yūhū boeragū cahmene yūhūre ohoriquiuro pihtiri deco ijigū tiquna masa mūjatire.

⁴⁰ Ijipihtiyequina yūhūre Cohācjū macare ihñāñequina, yūhūre wacū tutuayequina ijipihtiye decori tiqiuo mehna tiquna ijigū cahmene yūhū Pacū. Sa yegū pihtiri decopū tiquinare masoutja, nidi Jesu.

⁴¹ “Yūhū ahmūsepū ahtaye ihyaye yero saha ijigū ijiaja”, tiqiuo nigū tūhoye judio

masa usã pahtoa pehe tiqiro mehna usua, tiquina basi Jesure ñano ni yahuducuri.

⁴²—¿Ahriquiuro Jesu José macano ijierajari? Tiquiro pacaro, pacoro gũhare mari masi-aja. Sa yero mari yero saha pagu tiriquireta ijire. ¿Sa ijieperota duhsero “Uhmusepu ahtau”, niajari tiquiro? ni usuari tiquina.

Tiquina sa nigũ tũhoro Jesu yahuri tiquinare:

⁴³—Musa yũhare ñano ni yahuducuer-acãhña. ⁴⁴Yũhu Pacu yũhare ohoriquire pehe masare yũhu pehere cahmegũ yere. Tiquiro sa yeragũ masa pehe yeequina iji masiedaboaya. Pihtiri deco ijigũ yeequinare masoutja yũhu.

⁴⁵Cohãcjũ yere yahu mũhtariquina pehe ohõ saha ni ojoahye: “Cohãcjũ tiquinare buherota”, ni ojoahye Cohãcjũ yere yahu mũhtariquinaru. Ijipihtiyequina yũhu Pacu ye buheyere tuhoyequina, tiquire yũhtiyequina yũhare cahmene. Sa yeye yeequina ijire.

⁴⁶Yũhu Pacure ne ihcãquiuro masano ihñedare. Yũhu Cohãcjũ ohorigu dihita yũhu Pacure ihñau. ⁴⁷Ijirota niája musare. Yũhare wacũ tutuariquiuro ijipihtiyede decori yũhu Pacu mehna sa ijiducurota. ⁴⁸Yũhu catiyere oho, ihyaye yero saha ijigũ ijaia. ⁴⁹Musa ñecusũmũa mũna iji turiayequina masa marienopũ manãre ihyae tiahye. Sa tire ihyaeypeta yariaa wahae tiahye. ⁵⁰Uhmusepu ahtari ihyayere yũhu niñe ihyayere masano ihyaro, ne pecapu wahasi. ⁵¹Yũhu uhmusepu ahtari ihyae catiyere oho, ihyaye yero saha ijigũ ijaia yũhu. Ahri ihyayere ihyariquiuro ijipihtiyede decori yũhu Pacu mehna sa ijiducurota. Ahri ihyae catigũ yere. Ahri ihyaye yero saha ijigũ paguta ijire. Ijipihtiri yehpa cjẽna Cohãcjũ mehna tiquina sa ijiducuatire yũhu pagure ohogutja. Sa ohogu yariagutja, nidi Jesu.

⁵²Tiquiro sa nigũ tuhoye usã acaye judio masa pehe tire ohõ saha ni yahuducuri tiquina basi:

—¿Ahriquiuro dahse ye tiquiro pagure ihyatire ohorotari? nidi tiquina basi.

⁵³Tiquina sa nigũ tũhoro Jesu yahuri:

—Ijirota niája musare. Yũhu masu Cohãcjũ ohorigu ijaia. Yũhu pagure ihyariquiuro, yũhu diire sihnieniquire uhmusepu wahasi. ⁵⁴Sa yũhu pagure ihyariquire, yũhu diire sihnidiquire pihtiri deco ijigũ masoutja. Sa yero uhmusepu sa ijiducurota tiquiro. ⁵⁵Yũhu pagu potota ihyaye waro yero saha ijire. Yũhu dii potota sihniñe yero saha ijire. ⁵⁶Yũhu pagure ihyariquiuro yũhu diire sihnidiquiro yũhu mehna bucueye mehna ijiducurota. Sa yegu yũhu gũhu tiquiro mehna bucueye mehna ijiducujaja. ⁵⁷Yũhu Pacu yũhare ohoriquire sa ijiducure. Sa ijiducuro, yũhu gũhare sa ijiducugũ yere.

Sa yeye yũhare sa ijiducugure masa ihyaye, Cohãcjũ mehna uhmusepu sa ijiducueti tiquina gũhu. ⁵⁸Ahri tjire uhmusepu ahtari ihyaye. Mari ñecusũmũa mũna iji turiayequina tiquina ihyari yero saha ijierare ahri ihyaye. Tiquina pehe ti ihyayere ihyaeypeta yaria pihtia wahae tiahye. Ahri ihyaye pehere ihyariquiuro uhmusepu sa ijiducurota, nidi Jesu.

⁵⁹Capernaupũ judio masa usã buheri wũhũpũ Jesu buhero, sata ni yahuri.

Jesu ye buheyere tuhona uhmusepu sa ijiducunata mari

⁶⁰Peyequina Jesure cahmeñequina tiquiro sa ni buheyere tuhoye, ohõ saha ni yahuducuri:

—Ahri buhoye tutuaro mijore. Sa yena mari tũho duera cjũaja, ni yahuducuri tiquina basi.

⁶¹Tiquina sa nigũ Jesu pehe tiquina yahuducurire masidi. Sa masino tiquiro sinituri tiquinare:

—¿Ahri buheyere tuhona usuajari musa?

⁶²¿Yũhu masu Cohãcjũ ohorigu uhmusepu yũhu tojoaa wahagũ ihñana dahse ni tuhutonari musa? ¿To gũhare usuanari musa? ⁶³Masano tiquiro jeripohnare curo catire. Tiquiro pagu pehe tiquire catigũ yerare. Masano tiquiro jeripohna tiquire catigũ yero saha yũhu buhoye pehe musare Cohãcjũ mehna sa ijiducugũ yere. ⁶⁴Apequina musa mehna cjẽna ne yũhare wacũ tutuerare, nidi Jesu.

Coã waropure Jesu tiquire wacũ tutueyquinare masidi. Sa yero tiquire ihña tuhtiyequinare ihñõatiquiro gũhare masi tuhasari. Sa tiquire wacũ tutueyquinare masino “Apequina musa mehna cjẽna yũhare wacũ tutuerare”, nidi Jesu. ⁶⁵Sa ni tuhasa ohõ saha ni nemori:

—Ohõ saha ni yahumi musare: “Yũhu Pacu masare yũhu pehere cahmegũ yere. Tiquiro sa yeragũ masa pehe yeequina iji masiedaboaya”, musare nie timi, nidi Jesu.

⁶⁶Tiquiro sa ni buhegũ tuhoye peyequina Jesure cahmemediquina tiquire cohã, tiquiro mehna pari turi wahaerari. ⁶⁷Tiquina sa yegũ ihñano Jesu usãre doce tiquiro buhenare sinituri:

—¿Musa gũhu yũhare cohãnatjari? ni sinituri usãre. ⁶⁸Tiquiro sa nigũ Simo Pedro yahrti tiquire:

—Puhto, usãre apequiuro buheriquiro mariedare. Mũhu ye buheyere tuhona Cohãcjũ mehna sa ijiducunata usã. Mũhu ye buhoye dihita tire yahure usãre. ⁶⁹Sa yena usã mũhare wacũ tutuaja. Sa yena mũhu quehnoagu, Cohãcjũ macu tiquiro ohorigu mũhu ijigũ usã masiája. Sa yena mũhare cohãsi usã, nidi Simo Pedro Jesure.

⁷⁰ Tiquiro sa nigū tuhoro Jesu yahuri usāre:

—Yuhū pehe musare doce besei. Sa ijiepegūta ihcāquiro mūsa mehna cjāno watīno yaquiro ijiatiquiro ijire, nidi usāre tiquiro buhenare.

⁷¹ Sa nino Judare Simo Iscariote macanore nino nidi. Juda pehe doce usā mehna cjāno Jesure ihña tuhtiyequinare ihñoatiquiro ijiri.

7

Jesu acaye tiquirore “Cohācjū macano ijire”, ni, ne masiedahye

¹ Came Jesu Galilea yehpapū tinino wahari. Judea yehpapū judio masa tiquirore wejē duari. Tiquina sa wejē duagū masino tiquiro ti yehpapū wahaerari. ² Judio masa daye wuhusegā usā yeati bose deco mehenogā dūhsatjīari. ³ Sa ye Jesu bahana tiquirore yahuri:

—Judeapū wahaya. Topū mūhū yequinare mūhū bajumehneñene ihñogu wahaya mūhū. ⁴ Masare mūhū bajumehneñene ihñō duagū ne nuosi mūhū. Ye ihñono cahmene. Potota ahri bajumehneñene ye masigū ijigū tire masare ihñōña, nimedī tiquina.

⁵ Tiquiro bahana ijiepetā Jesure “Cohācjū macano ijire”, niedari. Sa yeye sa nidi tiquina tiquirore. ⁶ Tiquina sa nidi bato Jesu yahuri tiquinare:

—Masa yuhūre tiquina quehnoano masiati pje dūhsarīne. Mūsa ihña duana bose deco ijigū waha masine. ⁷ Ahri yehpa cjēna mūsa pehere ihña tuhtierare. Tiquina ñañe yerire yuhū yahugū tiquina yuhū pehere ihña tuhtire. ⁸ Bose deco ijigū wahaya mūsa sehsaro. Yuhū pehere yuhū wahati pje dūhsarīne. Sa yegū yuhū pehe bose decore mianogāre ihñau waharīsi, nidi Jesu tiquinare.

⁹ Sa nino tiquiro Galileapū tojoari.

Jesu daye wuhusegā tiquina yeri bose deco ijigū wahahye

¹⁰ Bose decopū Jesu bahana tiquina wahari bato Jesu gūhū tiquina bato wahari. Sa waharo masa tiquina ihñeno watoa wahari. ¹¹ Bose deco ijieyequina judio masa usā puhtoā tiquirore macari:

—¿Nohopū ijiagari tiquiro? ni sinituahye tiquina.

¹² Sa ye masa gūhū Jesure peyequina yahu wajahye. Apequina “Tiquiro quehnoariquiro ijire”, niāhye. Apequina “Tiquiro ñariquiro ijire. Masare mehoriquiro ijire”, ni yahu wajahye tiquina.

¹³ Sa niepeta judio masa usā puhtoare cueye masa tiquina ihñenopū Jesure yahu wajahye.

¹⁴ Bose decori deco mehna dūhsagū Cohācjū wuhūpū Jesu sajā saro, buheri. ¹⁵ Tiquiro sa buhegū usā acaye judio masa tuho maria waha, ohō saha nidi:

—¿Ahriquiro buheropū buhemehnediquiro ijieperota dūhsero quehnoano masi pehoajari? nidi tiquina basi tiquirore.

¹⁶ Tiquina sa nigū Jesu yahuri tiquinare:

—Yuhū buheri yee yahuducuye ijierare. Yuhūre ohoriquiro ye yahuducuye pehe ijire ahri buheye. ¹⁷ Cohācjū cahmeñene ye duayequina yuhū buheye pehere Cohācjū ye yahuducuye ti ijigū masieta. Yuhū esa tuharo yuhū buheragū gūhare masieta tiquina. ¹⁸ Ihcāquiro tiquiro esa tuharo tiquiro masiñe mehna buhero “Yuhū dihitare ño peoya”, nino nine tiquiro. Sa ijiepegūta yuhūre ohoriquiro pehere mūsa ño peogū cahmeaja yuhū pehe. Yuhū sa nigū tuhona “Potota ni yahuducure tiquiro. Ne mehoedare”, ni masinata mūsa.

¹⁹ Cohācjū dutiyere Moise mūnāno pehe cūahye musare. Tiquiro sa cūiepegūta mūsa ijipihtina ti dutiye pehere ne yuhtierari. ¿Dūhsena yuhūre wejē duajari mūsa? nidi Jesu usā acaye judio masare.

²⁰ —Tuho masiedare mūhū. Watīnore cūore mūhū. Mūhare wejē duayequina mariedare, ni yuhtiri tiquina Jesure.

Tiquina sa nigū Jesu yuhtiri:

²¹ —Mari judio masa mari sori deco saurū ijigū ihcā tahata Cohācjū tutuaye mehna dohatiriquiro tiquiro dohatiyere yuhū cohāgū mūsa ihña maria wahari. ²² Mari ñecusūmūa mūna panopū cjēna pehe tiquina pagure cuhnucunū sohtoa cahserogāre yuhūre neñequina tiquina yeriro sahata Moise yuhūre ne dutiahye. Potota Moise pehe ti dutirore cūedahye. Mari ñecusūmūa mūna iji turiayequina pehe tire cū, yahu turiahye. Tiquiro sa dutigū saurū sori deco ijiepegūta masūnore tiquiro cuhnucunū sohtoa cahserogāre yuhūre nene mūsa. ²³ Saurū ijigū masūnore tiquiro cuhnucunū sohtoa cahserogāre yuhūre nene mūsa, Moise dutiyere yena tana. ¿Mūsa gūhū saurū decore tire yepenata ti decopū dohatiriquirore yuhū yuhūdogū dūhsena yuhū mehna usuajari mūsa? ²⁴ Yuhū yerire mūsa quehnoano masiedapenata, yuhūre ñāno tuhotueracāhña. Mūsa quehnoano masidi bato yuhūre mūsa tuhotugū potota ijirota. Yuhū yerire masina, queoro masiña mūsa, nidi Jesu.

Jesu coā waropū tiquiro ahtarirone yahuahye

²⁵ Tiquiro sa ni yahuri bato meheñequinagā Jerusalē cjēna tiquirore ohō saha ni yahu wajari:

—¿Ahriquiro judio masa puhtoā tiquina wejē duariquiro ijierajari? ²⁶ Sa yero

tiqirore tiquina wejê duepegâta ijipih-tiyequina ihñono masare buhero nine tiqiro. Sa ye tiqirore wejê duayequina ijiepetâ sa ihña câre. ¿“Tiqiro potota Cristo ijire”, ni, tãhotuagari pãhtoa pehe?²⁷ Sa ijiepegâta ahriqiro Jesu tiqiro ahtaritore mari masiaja. Cristo pehe masare yuhduoatiqiro tiqiro ahtagã tiqiro ahtarito pehere masimehnedare. Sa yero masare yuhduoatiqiro Cristo waro ijierare Jesu, ni yahu wajari tiquina Jerusalê cjêna.

²⁸ Tiquina sa niñene masino, Jesu ohõ saha ni tutuaro sañuducu buheri Cohãcjũ wãhũpũ:

—Yuhare ohõ saha ni tãhoture masã: “Tiqirore masiaja. Sa yena tiqiro ahtarito gãhare masiaja”, ni tãhotumene masã. Masã sa ni tãhotuepenata yuhare ohoriquirore ne masiedare masã. Yuhare ohoriquirore poto niniqiro, poto yeriquiro ijire. Tiqirore ne masiedare masã.²⁹ Tiqirota yuhare ohori. Sa yegũ tiqiro cahapũta ahtaũ. Sa yegũ yuhũ pehe tiqirore masiaja, nidi Jesu judio masare.

³⁰ Tiqiro sa nigũ tãhoye tiqirore ñehe duamedĩ. Tiquina sa ñehe duepegãta Jesu tiqiro ñano yuhduati pje dahsarĩdi. Sa ye tiquina tiqirore ñehe masiedari.³¹ Apequina masã pehe peyequina tiqirore wacũ tutuaye, ohõ saha nidi:

—“Cristo peye tahari Cohãcjũ tutuaye mehna ye ihñonota”, panopũ tiquina ni yahu mãhtarito sahata ahriqiro Jesu pehe peye tahari Cohãcjũ tutuaye mehna ye ihñore. Ijipih-tiyequina apequina yuhduoro Cohãcjũ tutuaye mehna ye ihñore tiqiro. Sa yero Cristo Cohãcjũ ohoriquirota ijire ahriqiro Jesu, nidi Jesure wacũ tutua ducayequina.

Fariseo masã Jesure peresũ ye dutiahye

³² Masã Jesure tiquina sa ni yahuducugã tãhoahye fariseo masã. Sa ye tiquina, pahia pũhtoa mehna Jesure ñehe dutiye ohoahye surarare, Cohãcjũ wuhare cohteyequinare.

³³ Sa yero Jesu judio masare ohõ saha nidi:

—Meheñe decorigã masã mehna ijiniitja. Sa yegũ mehenogã bato yuhare ohoriquiro cahapũ wahautja. ³⁴ Yuhũ ijiatore masã waha masiedare. Sa yena yuhare macaepenata ne bocasi masã, nidi Jesu judio masare.

³⁵ Tiqiro sa nigũ tãhoye tiquina basi ohõ saha ni yahuducuri:

—¿Ahriqiro sa nino nohopũ waharotari, masã tãhotugũ? ¿Griego masã cahapũ judio masã waha siteriquina tiquina ijie macaripũ griego masapũre buhero wahaboagari ahriqiro? ³⁶ ¿“Yuhũ ijiatore masã waha masiedare. Sa yena masã yuhare macaepenata ne bocasi”, tiqiro

nigũ dahse nino boro ahriqiro sa niajari? ni yahuducuri judio masa tiquina basi.

Catigã yeye mãrine yahuahye Jesu

³⁷ Bose deco bato tiri deco ti deco waro ijiro nidi. Ti deco Jesu topũ ducuro, tutuaro mehna sañuducu yahuri:

—Aco wãoyequina acore tiquina tutuaro cahmeno saha ijipih-tiye decori Cohãcjũ mehna masã ijiatire tutuaro cahmena yuhare siniña. Masã sa sinigũ tiqiro yequina masare iji dutiitja. ³⁸ Yuhare wacũ tutuayequina ohõ saha ni ojoahye Cohãcjũ yere tiquina ojoari pũpũ: “Mãri pohteripũ catigã yeye aco sa wijiaducuro sahata catigã yeriquiro tiquina mehna sa ijuducurota”, ni ojoahye Cohãcjũ yere tiquina ojoari pũpũ, ni yahuri Jesu judio masare.

³⁹ Sa catigã yeriquirore wame peo yahuro “Yuhare wacũ tutuayequina Espĩritu Santore cãoeta”, nino nidi Jesu. Tiqiro ahmasepũ tiqiro mãjaedarigũ Espĩritu Santo pehe wihieraniahye.

Judio masã tu wahye pũã curua

⁴⁰ Jesu tiqiro sa nigũ tãhoye, masã peyequina ohõ saha ni yahuducuri:

—Ahriqiro potota Cohãcjũ yere yahu mãhtariquiro mari cohteriquiro ijire, nidi masã.

⁴¹ Ohõ saha nidi apequina gãhũ:

—Ahriqiro Cristo marine yuhduoatiqiro ijire, nidi.

Apequina pehe ohõ saha nidi:

—Cristo ahtarõ, Galilea yehpa cjãno ijisi tiqiro. Ahriqiro Jesu pehe to cjanota ijire. ⁴² Cristo Davi mãnãno panamino ape tjuro cjãno ijiatiquiro ijirota. Sa yero Davi ya macã ijirirorpũ Belẽpũ Cristo masã bajuarota. Ohõ saha ni yahure Cohãcjũ yere tiquina ojoari pũpũ. Ahriqiro Jesu pehe Belẽpũ masã bajuerahye. Sa yero tiqiro Cohãcjũ ohoriquiro Cristo waro ijierare, nidi tiquina.

⁴³ Sa ye Jesure tãhomediquina pũã curua tu wari tiquina basi. ⁴⁴ Meheñequinagã masã pehe Jesure ñehe duamedĩ. Sa ñehe duepetã tiqirore ñehedari.

Judio masã pũhtoa Jesure ne wacũ tutuerahye

⁴⁵ Sa ye surara pahia pũhtoa cahapũ fariseo masã cahapũ tojoaa wahahye. Tiquina tojoa sagũ ihñañe tiquina surarare sinituahye:

—¿Dahsena Jesure ñehedari masã? ni sinituahye tiquina pehe.

⁴⁶ —Tiqiro quehnoa yuhduaro yahuducuriquiro ijiri. Apequina tiqiro yero saha yahuducuyequina ne mariedare, ni yuhtiahye surara tiquinare.

⁴⁷ Tiquina sa nigū fariseo masa pehe ohō saha ni yahuahye:

—¿Mūsare tiqairo mehogū “Potota nino niaga”, niajari mūsa gūhū? ⁴⁸ Mari puhto Jesure wacū tutueyequina ijiye ne tiqairore cahmedare. Ūsā gūhū sa ijina tiqairore cahmedaja. ⁴⁹ Ahriquina masa pehe Cohācjū dutiyere Moiserē tiqairo cūrire masiedare. (Sa masieñequina ijiye Jesure wacū tutuayequina ijiye, tiqairore cahmene.) Tiquina sa cahmedi buhiri tiquinare mari Pacū buhiri dahrerota, niahye fariseo masa.

⁵⁰ Fariseo masano Nicodemo Jesure yahuducuro esariquiro topū ijahye tiquina mehna. Tiquina sa nigū tuhoro ohō saha niahye tiqairo tiquinare:

⁵¹ —Jesu ñano yerire masiedaja mari. Sa masiedana marine tiqairo yahuato pano tiqairore buhiri dahre masiedaja mari. Sa masiedapenata tiqairore buhiri dahrena, mari ye dutiyere yuhdudacana niaja mari, niahye Nicodemo tiquinare.

⁵² Tiquiro sa nigū tuhoye ohō saha ni yuhtiahye tiquina:

—¿Mūhū gūhū tiqairo yero saha Galilea cjēta ijjajari? Cohācjū yere tiquina ojoari pūre buhe pehoya. Sa buhegū “Cohācjū yere yahu muhtariquina ne ihcāquiro mariedare Galileare”, ni buhe masiita mūhū. (Sa yero sa ni maca cāno nine Jesu,) ni yuhtiahye tiquina Nicodemore.

[⁵³ Tiquina sa nidi bato tiquina ye wuhusepū tojoaa wahahye.

8

Ūmano mehna ñano yericorore judio masa puhto wacūeno mehna esa pjeahye

¹ Jesu canupū Olivo wame tidupū wahari. ² Sa yero bohrearo Cohācjū wuhupū tiqairo esari tja. Tiquiro esagū ihñañe masa peyequina tiqairo cahapū cahmecoari. Tiquina sa cahmecoagū ihñano tiqairo pehe dutijāno tiquinare buhe ducari. ³ Tiquiro sa buheri watoa ūsā acaye judio masa buheyequina, fariseo masa mehna ti wuhupū numinore ne cāhtari. Ticoro ūmano mehna ñano yegū waro wacūeno mehna esa pjeahye tiquina ticorore. Sa esa pjeje ticorore Cohācjū wuhupū ne sajāri tiquina. Ne sajā sa tuhasa ijipihtiequina ihñono ticorore duhu docoye ohō saha nidi:

⁴ —Buhegū, ahricoro ūmano mehna ñano ticoro yegū waro wacūeno mehna ticorore esa pje. ⁵ Cohācjū dutiyere Moise mūnanopū marine tiqairo cūri ohō saha nine: “Ūmano mehna ñano yericorore utā paca mehna doque wejēña”, niahye Cohācjū dutiye. ¿Mūhū waro dahse ni tuhotuajari ahrire? ni sinituri tiquina Jesure.

⁶ Jesu ñano nigū taho duaye nimeri tiquina tiqairore yahusāñe tehe. Tiquina sa sinituepegūta Jesu muhri quehe, yehpapū tiqairo omo piria mehna ojoari. ⁷ Sa tiquina ni sinituducugū Jesu pehe wahcā nuju sa, tiquinare yahuri:

—Musa mehna cjāno ñano yerariquiro ticorore utā mehna doque muhtaahdo, nidi Jesu.

⁸ Sa ni tuhasa pari turi muhri quehe, yehpapū ojoari tja. ⁹ Tire tuhoye tiquina ñañe yerire wacūñe, tiquina wahmisamua pehe wijia muhtari. Tiquina bato tiriquina mehna cjēna gūhū wijia pihtia wahari. Sa yero numino topū ducuricoro Jesu mehna tojoari. ¹⁰ Sa yero Jesu wahcā nuju sa ticorore sinituri:

—¿Nohopū wahajari tiquina? ¿Mūhūre buhiri dahre duamediquina mariedajari yojopare? nidi ticorore.

¹¹ —Mariedare puhto, ni yuhtiri ticoro.

—Yūhū gūhū buhiri dahreraja mūhūre. Wahaya. Sa yego ñañene ye nemoedacāhña, nidi Jesu ticorore.]

Buhriero marine ihñā masigū yero saha Jesu ahri yehpa cjēnare mari Pacure masigū yere

¹² Pari turi Jesu ti wuhupū ijiyequinare yahuri:

—Buhriero marine to ihñā masigū yero sahata yūhū ahri yehpa cjēnare Cohācjūre masigū yeaja. Yūhūre wacū tutuariquiro ijipihtie decori Cohācjū mehna sa ijiducurota. Sa yero tiqairo quehnoañene wacūnota. Sa yero tiqairo ñañene wacū duerare, ni yahuri Jesu.

¹³ Tiquiro sa nigū tiqairore fariseo masa ohō saha nidi:

—Mūhū basi mūhū ijiye tiyere sa ni yahuducugū nine. Sa ye mūhū ohō saha ni mūhū esa tuharo mūhū ni yahuducu maca quēhe ne dahseati ijierare, nidi tiquina Jesure.

Tiquina sa nigū Jesu yuhtiri:

¹⁴ —Yūhū ahtaritore masiaja yūhū. Yūhū wahato gāhūre masiaja yūhū. Mūsa ne tire masiedare. Mūsa ohō saha niepegūta yūhū ijiye tiyere mūsare yūhū yahuri poto tjire. ¹⁵ Mūsa esa tuharo mūsa ihñari dihitarē masine mūsa. Sa yena quehnoano masiedare mūsa. Sa masiedapenata yūhūre ñano ni yahuducure mūsa. Yūhū pehe yūhū esa tuharo masare ne sa niedaja. ¹⁶ Sa yegū masa tiquina ijiye tiyere ihñā masigū yūhū esa tuharo ihñā masiedaja. Yūhū pūrita yūhūre ohoriquiro mehna ihñā masiaja. Sa yegū masa tiquina ijiye tiyere yūhū ihñā masiñe poto tjire. ¹⁷ Mūsare dutiye tiquina ojoari pū ohō saha ni yahure. “Pūaro masa ihcāno saha tiquina yahugū ohō saha tiquina yahuye poto tjire”, ni yahu ojoari

jiri. ¹⁸ Yuhure yahuriquiro mehna usã pũana tijaia. Yuhũ ijije tiyere yahuaja yuhũ. Sa yero yuhũ Pacũ gãhũ yahure yuhũ pehere. Tiquiro tjire yuhure ohoriquiro, nidi Jesu.

¹⁹ —¿Nohopũ ijagari muhũ pacũ? ni sinituri tiquina.

—Yuhure masa masiedare. Yuhũ Pacũ gãhure masiedare masa. Yuhure masina, yuhũ Pacũ gãhure masiboaga masa, ni yahtiri Jesu tiquinare.

²⁰ Jesu tiquinare buhero sa ni yahuducuri Cohãcjũ wuhũpũ tiquina niñeru sãñe acari caharu. Tiquiro ñano yuhduati pje ijieranidi. Sa ye tiquina mehna tiquiro ijiepegũta tiquina tiquirore ñehedari.

—Yuhũ wahatopũre masa pehe waha masisi, niahye Jesu

²¹ Pari turi Jesu tiquinare yahuri tjia:

—Yuhũ ahtaripũ wahautja. Yuhũ wahari bato masa yuhure macanata. Sa yena masa ñañe buhiri tiye mehna yarianata. Yuhũ wahatopũre masa pehe waha masisi, ni yahuri Jesu.

²² —“Yuhũ wahatopũre masa pehe waha masisi”, tiquiro nigũ tahoye, “¿Ahriquiro tiquiro basi wejẽ yariarotari, sa nino?” nidi usã acaye judio masa tiquina basi.

²³ Tiquina basi sa nigũ Jesu yahuri tiquinare:

—Masa pehe ahri yehpa cjãna ijire. Yuhũ pehe uhmuse cjũ ijiaia. Ahri yehpapũ ba-juarina ijire masa pehe. Uhmusepũ ahtarigu ijiaia yuhũ pehe. ²⁴ Masa yuhũ ijije tiyere yuhũ nidire “Poto ijierare”, nina, masa ñañe buhiri tiye mehna yarianata masa. Sa yegu “Masa ñañe buhiri tiye mehna yarianata masa”, nimi musare, nidi Jesu tiquinare.

²⁵ —¿Noa boro ijajari muhũ? ni sinituri tiquina.

—Coã waropũre yuhũ niducuriro sahata ijiaia yuhũ. ²⁶ Musare yuhũ yahuati pajiro duhsarĩne. Sa yero masa ñano yeri buhirire musare yuhũ yahuati pajiro duhsarĩne. Sa yegu yuhure ohoriquiro tiquiro yahurire ahri yehpa cjẽnare yahuaja. Tiquiro yahuri poto tjire, nidi Jesu tiquinare.

²⁷ “Yuhure ohoriquiro”, tiquiro nigũ tahoye, “Mari Pacũ ijiaga”, ni tuhoterari tiquina. ²⁸ Tiquina sa ni tuhoteragũ ihñano Jesu yahuri tiquinare.

—Yuhure masare Cohãcjũ ohorigure masa yucũ teõ mehna wahcõ doconata. Masa sa yena, “Tiquiro Cohãcjũ ohoriquiro tjire”, ni masinata masa yuhure. Sa yena yuhũ esa tuharo yuhũ yerarigũ ijigũ masinata masa. Sa yena yuhũ Pacũ yuhure tiquiro buheri dihitarẽ yahurigu yuhũ ijigũ gãhure masinata masa. ²⁹ Sa yero yuhure ohoriquiro pehe yuhũ mehna ijire. Tiquiro cahmeñene ijipihtiye decori yeducuaja. Sa yero yuhure tiquiro ne cohãedare, nidi Jesu.

³⁰ Tiquiro sa nigũ tahoye, tiquirore masa peyequina wacũ tutuari.

Cohãcjũ pohnene, ñañe yeyequina gãhure yahuahye Jesu

³¹ Sa ye ayequina judio masa Jesure wacũ tutuari. Sa yero Jesu tiquinare yahuri:

—Yuhũ dutiyere ye pehona, potota yuhũ buhena ijire masa. ³² Sa yena poto masinata masa. Poto ijiyere masina, ñañe yeyere duhu masinata. Sa yena cahacjẽna yero saha iji nemosi masa, nidi Jesu tiquinare.

³³ Tiquiro sa nigũ tahoye ohõ saha ni yahtiri tiquina:

—Usã pehe panopũ cjãno Abrahã manano panamena iji turiana ijiaia. Sa yena ne ayequina tiquina cahacjãna ijieraja usã. ¿Sa yegu “Cahacjẽna yero saha iji nemosi”, nigũ, duhse ijero boro usãre sa niajari muhũ? ni sinituri tiquina Jesure.

³⁴ Tiquina sa nigũ tahoro ohõ saha nidi tiquiro:

—Ijirota niaja musare. Ijipihtiyequina ñañene yeyequina pehe tiquina ñañene ye duhu masiedare. Sa yero ñañe pehe tiquina puhtoro yero saha ijire. Sa ijieyehna ijije cahacjẽna yero saha ijire tiquina.

³⁵ Cahacjãno pehe tiquiro puhtoro ya curua cjãno ijipihtiye decori ijiducuerare. Ti wuhũ cjãno macãno pehe ijipihtiye decori potota ti curua cjãno ijire tiquiro. (Yuhũ pehe Cohãcjũ macũ ijiaia. Sa yegu dutigu ijiaia. Masa ñañe yeyere duhu dutiitja.)

³⁶ Sa yena yuhũ Cohãcjũ macũ ñañene yuhũ duhugũ yenhõrina ijina potota ñañene duhurina ijire masa. ³⁷ Abrahã manano panamena iji turiana masa ijigũ masiaja. Sa ijiepenata yuhũ yahuyere pehere tuho duerare masa. Sa yena yuhure wejẽ duare masa. ³⁸ Yuhũ Pacũ yuhure tiquiro masigũ yerire yahuaja musare. Yuhũ sa yahuepegũta masa pacũ watĩno musare tiquiro dutiyere yere masa gãhũ, nidi Jesu tiquinare.

³⁹ —Abrahã manano panopũ cjãno usã ñecu manano ijie tiahye. Sa yero watĩno usã pacũ ijierare, ni yahtiri tiquina.

Tiquina sa nigũ Jesu yahtiri:

—Abrahã panamena iji turiana ijina, tiquiro yeriro sahata yeboaga masa.

⁴⁰ Cohãcjũ yuhure poto tiquiro yahuyere musare yuhũ yahuepegũta yuhure wejẽ duare masa. Abrahã manano pehe ne sa yera tiahye. ⁴¹ Masa pacũ tiquiro yeriro sahata yere masa, nidi Jesu tiquinare.

Tiquiro sa nigũ tiquina yahtiri:

—Omoca duhtemehneñequina pohna ijieraja usã. Ihcãquirota ijire usã Pacũ. Tiquirota ijire Cohãcjũ, nidi tiquina.

⁴² Tiquina sa nigũ Jesu yahtiri:

—Cohãcjũ mehna cjã ijigũ, ohõpũre ahtau. Sa yena Cohãcjũ masa Pacũ tiquiro ijigũ

yuhure cahıboya m̄sa. Yuh̄u esa tuharo ahtaer̄u yuh̄u p̄urita. Coh̄ãcj̄u tiq̄uiro ohoḡu ahtaer̄u oh̄õp̄ure. ⁴³ ¿D̄ah̄sena yuh̄u yahuducuyere t̄ahoerajari m̄sa? Yuh̄u yahuyere t̄aho duerare m̄sa. Sa yena t̄ahoerare m̄sa. ⁴⁴ M̄sa pac̄u pehe wat̄ino ijire. Sa yena wat̄ino cahmeñe pehere ye duare m̄sa. Ahri yehpa coã warop̄u to iji d̄ucaḡap̄u, yojop̄u ḡuh̄ure tiq̄uiro masare wej̄ed̄iquiro ijire. Tiq̄uirore poto yahuducuyere mariedare. Sa yero tiq̄uiro ne poto yahuducuerare. Tiq̄uiro coã warop̄ure ni mehoñta d̄ucariquiro ijie tiahye. Sa yero tiq̄uiro sa ni mehoducriquiro ijiro, ni mehoñene yahure. ⁴⁵ Yuh̄u pehe musare poto yahuaja. Sa yuh̄u yahuepeḡuta yuh̄ure t̄ahoerare m̄sa. ⁴⁶ “M̄uh̄u ñano yeḡu ijire”, yuh̄ure ni masiedare m̄sa. ¿Poto musare yuh̄u yahuepeḡuta d̄ah̄sena t̄ahoerajari m̄sa? ⁴⁷ Coh̄ãcj̄u pohne pehe tiq̄uiro yahuducuyere t̄ahore. Tiq̄uiro pohne ijierana, tiq̄uiro yahuducuyere t̄aho duerare m̄sa, nidi Jesu tiquinare.

Abrah̄a tiq̄uiro ijato pano Cristo pehe iji tuhasae tiahye

⁴⁸ Tiq̄uiro sa niḡu t̄ahoye judio masa tiq̄uirore oh̄o saha nidi:

—“M̄uh̄u Samaria cj̄u ijire. Sa yeḡu wat̄inore cuore m̄uh̄u”, us̄a nidi poto tjire, nidi tiquina Jesure.

⁴⁹ Tiquina sa niḡu t̄ahoro oh̄o saha ni yahtiri Jesu:

—Wat̄inore cuoeraja yuh̄u. Yuh̄u Pacure ño peoaja. M̄sa pehe yuh̄ure ño peoerare. ⁵⁰ Yuh̄ure masa tiquina ño peoḡu cahmedaja yuh̄u. Yuh̄u Pacu pehe yuh̄ure ño peoḡu cahmene masare. Tiq̄uiro p̄urita yuh̄u ijiye tiyere quehnoano ih̄ña masino, sata ño peo dutire. Sa yero yuh̄ure tiquina cahmedari buhiri, buhiri dahreatiquiro ijirota tiq̄uiro. ⁵¹ Ijirota niaja musare. Yuh̄u dutiyere yeriquiro ijipihtiye decori Coh̄ãcj̄u mehna sa ijiducurota, nidi Jesu.

⁵² Tiq̄uiro sa niḡu t̄ahoye oh̄o saha nidi tiquina:

—Yojop̄u p̄uritare wat̄inore cuoḡu m̄uh̄u ijiḡu us̄a quehnoano masiaja. Abrah̄a m̄unano yariaa wahahye. Coh̄ãcj̄u yere yahu m̄ahtariquina ḡuh̄u yaria pihtia wahahye. ¿Sa yeḡu “Yuh̄u dutiyere yeriquiro ijipihtiye decori Coh̄ãcj̄u mehna sa ijiducurota”, niḡu d̄ah̄se niḡu sa niajari m̄uh̄u? ⁵³ ¿Us̄a ñecu m̄unano Abrah̄a yuh̄duoro tutuajari m̄uh̄u? Tiq̄uiro, Coh̄ãcj̄u yere yahu m̄ahtariquina ḡuh̄u yariaa wahahye. ¿M̄uh̄u pehe noa boro ijijajari m̄uh̄u, sa ni yahuducuga? M̄uh̄u sa niboḡu ijierare, nidi tiquina.

⁵⁴ Tiquina sa niḡu t̄ahoro Jesu yahu nemori:

—Yuh̄u basi “Tutuaḡu ijiaja yuh̄u”, yuh̄u niḡu, tutuaḡu ijieraboaga yuh̄u. Yuh̄u Pacu pehe “Tiq̄uiro tutuariquiro ijire”, nine yuh̄ure. “Us̄a Pacu”, m̄sa nidiquiro pehe yuh̄u Pacu tjire. ⁵⁵ M̄sa pehe yuh̄u Pacure ne masiedare. Yuh̄u pehe tiq̄uirore masiaja. “Tiq̄uirore masiedaja”, niḡu m̄sa yero saha ni mehoñe peyaḡu ijiboaga yuh̄u. Potota tiq̄uirore masiaja. Sa yeḡu tiq̄uiro dutiyere yeaja. ⁵⁶ Ahri yehpap̄u yuh̄u ahtatore mari ñecu Abrah̄a m̄unano masie tiahye. Sa masino tiq̄uiro bucuee tiahye, nidi Jesu.

Tiq̄uiro sa niḡu tiquina yahtiri:

⁵⁷ —Cincuenta cuh̄mari cuoeraga m̄uh̄u. Abrah̄a m̄unano panop̄u cj̄ano ijiri. ¿Yojop̄u tiq̄uiro m̄unano m̄uh̄u d̄ah̄se masi-boagari? nidi judio masa Jesure.

⁵⁸ —Ijirota niaja musare. Abrah̄a tiq̄uiro ijato pano yuh̄u pehe iji m̄ahta tuhasae ti, nidi Jesu tiquinare.

⁵⁹ Tiq̄uiro sa niḡu t̄ahoye tiquina pehe at̄a pacare ne, tiq̄uirore doque duamedı. Tiquina sa doque duepeḡuta Jesu pehe Coh̄ãcj̄u wuh̄ap̄u ijiriquiro duhti wijiaa wahari.

9

Caperi bajueriquirore ih̄ñaḡu yahye Jesu

¹ Sa yena Jesu us̄a tiq̄uiro buhena mehna mahap̄u wahana, apequirore caperi bajueriquirore boca sa. Tiq̄uiro wahma masa bajuarop̄ata caperi bajueriquiro ijie tiahye. ² Us̄a ḡuh̄u tiq̄uirore ih̄ñana, sinituu Jesure:

—¿Buhegu, ahriquiro d̄ah̄sero caperi bajueriquiro masa bajuayari? ¿Ñañene yeyari tiq̄uiro sa waharo? ¿O tiq̄uiro pacasum̄a pehe ñañene yeyari tiq̄uiro sa wahaḡu? ni sinituu us̄a pehe Jesure.

³ Us̄a sa niḡu t̄ahoro oh̄o saha ni yahtiri tiq̄uiro:

—Ahriquiro ñañene yeri buhiri caperi bajueriquiro wahaerari. Tiq̄uiro pacasum̄a ḡuh̄u ñañene tiquina yeri buhiri caperi bajueriquiro wahaerari. Coh̄ãcj̄u tiq̄uirore caperi bajuereḡu yeri tiq̄uirore ih̄ñaḡu yero taro, masare tiq̄uiro ih̄ñoatire. ⁴ Yuh̄ure ohoriquiro tiq̄uiro c̄urire yojop̄ure yero cahmene marine. Ñamip̄u mari dahra masieno sahata camep̄u yuh̄ure ohoriquiro tiq̄uiro c̄urire ye masiedaja mari. ⁵ Ahri yehpap̄u buhrioro marine to ih̄ña masiḡu yero saha ijiḡu ahri yehpa cj̄enare Coh̄ãcj̄u yere masiḡu yeaja yuh̄u, nidi Jesu.

⁶ Sa ni tuhasarota yehpap̄u sihco puti c̄uri. Tiq̄uiro sa sihco puti c̄urire dihta mehna dahra more, caperi bajueriquirore tiq̄uiro caperire wis̄ori. ⁷ Sa wis̄ono oh̄o saha nidi Jesu:

—Siloé wame tiri cop̄ep̄u cuhsari cop̄ep̄u m̄uh̄u caperire cosegu wahaya, nidi Jesu.

Siloé usā ye mehna niñe “Ohuri cope”, niñe nidi.

Jesu tiqiro caperire cose dutiriquiro pehe waha, cose, caperi ihñariquiropa tojoa wihiri. ⁸ Tiquiro tojoa wihigū tiqiro cahapu ijyeyquina tiqirore ihñari. To pano niñeru sinimediquiro tiqiro ijigū ihñariquina tiqirore ohō saha nidi tiquina basi:

—¿Ahriquiro sohō ijiriquiro niñeru sinidiquiro ijierajari? nidi tiquina.

⁹—Tiquirota ijire, nidi apequina pehe.

—Tiquiro ijierare. Tiquiro saha bajuriquiro ijire, nidi apequina pehe.

Tiquina sa nigū tuhoro caperi bajueramediquiro pehe ohō saha nidi:

—Tiquiro tjajaja yuhū, nidi tiquinare.

¹⁰ Tiquiro sa nigū masa tiqirore sinituri.

—¿Caperi bajuegu ijirigu dahse waha ihñari mahū? ni sinituri tiquina tiqirore.

¹¹—Jesu wame tiriquiro sihco co mehna dihta mehna dahra more, yuhū caperire wisōri. Yuhūre wisō tuhasa “Siloé wame tiri copere mahū caperire cosegu wahaya”, tiqiro nigū cosegu esau yuhū. Yuhū sa coseri bato yuhū caperi quehnoano bajuri yuhūre, ni, yahuri tiqiro masare.

¹²—¿Muhūre sa yeriquiro nohopu ijiagari tiqiro? nidi tiquina.

—Ōbah. Noho ijiro ijiaga, nidi tiqiro.

Caperi bajueramediquirore fariseo masa sinituahye

¹³ Sa ni yahuducu tuhasa tiquina caperi bajueramediquirore fariseo masa cahapu neari. ¹⁴ Ti deco Jesu dihtare sihco co mehna dahra more caperi bajueriquirore tiqiro ihñagū yeri deco sauru deco ijiri. Ti deco usā sori deco ijiri. ¹⁵ Sa ye fariseo masa pehe tiqirore sinituahye tja.

—¿Dahse ye mahū ihñari? ni sinituahye tiquina.

—Dihta mehna yuhū caperire wisōri. Sa yegu yuhū caperire yuhū coseri bato ihña dūcau yuhū, ni yahuahye tiqiro tiquinare.

¹⁶—Tiquiro sauru decore mari sori decore mari dahra dutieri decore dahraya. Sa yero tiqiro Cohācjū yaquiro ijierare, niahye apequina fariseo masa pehe.

Apequina pehe ohō saha niahye:

—Ñañene yeriquiro ohō saha yuhduo masiedare. Sa yero tiqiro quehnoariquiro ijiboaga, niahye apequina.

Sa ye tiquina pa curua tu wahye tiquina basi. ¹⁷ Sa ye pari turi tiquina caperi bajueramediquirore sinituahye tja.

—¿Muhūre caperire quehnoano yeriquirore mahū waro dahse ni tuhotuajari Jesure? niahye tiquina tiqirore.

—Tiquiro potota Cohācjū yere yahu muhtariquiro ijire, niahye caperi bajueramediquiro.

¹⁸ Coā waropare judio masa ohō saha ni tuhutumahye. “Ahriquiro caperi bajueramediquiro ijierare”, ni tuhutumahye tiquina. Sa ni tuhutuye caperi bajueramediquiro pacusumare pijioahye tiquina. ¹⁹ Pijio, tiqiro pacusumare sinituahye fariseo masa puhto.

—¿Ahriquiro potota masa macu ijiajari? ¿Duita tiqiro caperi bajueriquiro masa bajuari? ¿Potota caperi bajueriquiro ijieperota dahsero ihñajari yojopare? ni sinituahye tiquina tiqiro pacusumare.

²⁰—Ahriquiro usā macuta ijire. Sa yero duita caperi bajueriquiro masa bajue tiri tiqiro. ²¹ Tire masiepenata tiqiro ihñarire, tiqirore ihñagū yeriquiro gūhūre masiedaja usā. Usā macure sinituya. Вучро ijire tiqiro. Tiquiro basi yahu masine, niahye tiqiro pacusumare.

²² Judio masa usā puhto coā waropare ohō saha nie tiahye.

—“Jesuta Cristo Cohācjū ohoriquiro ijire”, niñeyinare mari buheye wuhūseru sajā dutisi usā, nie tiahye judio masa puhto.

Tiquina sa nigū tuhoye caperi bajueramediquiro pacusumare judio masa puhtoare cue niahye. ²³ Sa cueye, “Вучро ijire tiqiro. Tiquirore sinituya”, niahye tiquina judio masa puhtoare.

²⁴ Came judio masa puhto pari turi pijioahye caperi bajueramediquirore tja. Pijio ohō saha niahye tiqirore:

—Cohācjū mehna poto yahuya mahū. Jesure ni mehoriquro tiqiro ñañe yeriquiro ijigū usā masiaja. Sa yegu poto yahuya usāre, niahye judio masa caperi bajueramediquirore.

²⁵ Tiquina sa nigū tuhoro ohō saha ni yuhtiahye tiqiro:

—Jesure tiqiro ñañe yeriquiro ijigū masiedaja yuhū. Ihcānota masiaja yuhū. Panopare caperi bajuegu ijie tii yuhū. Yojopare ihñaja yuhū. Ti dihtare masiaja yuhū, ni yuhtiahye caperi bajueramediquiro tiquinare.

²⁶—¿Dahse yeri mahūre tiqiro? ¿Muhū caperi ihñatire dahse yeri tiqiro mahūre? ni sinituahye tiquina.

²⁷—Tireta masare yahu tuhasami yuhū. Yuhū sa niepegāta masa ne tuho duerare yuhūre. ¿Dahse ye duana pari turi yuhū yahugū tuho duajari masa? ¿Masa gūhū tiqiro buhena iji duajari? niahye tiqiro tiquinare.

²⁸ Tiquiro sa nigū tuhoye tiquina tuhtiahye tiqirore:

—Mahū Jesu buherigu ijire. Usā pehe Moise buhena ijiaja. ²⁹ Potota Cohācjū Moiserre yahuducue tiahye. Jesu tiqiro

ahtaritore usã masiedaja, niahye tiquina caperi bajueramediquirore.

³⁰ Tiquina sa nigũ yãhtiahye tiquiro:

—¿Tiquiro ahtaritore musa masiedagũ yãhure ihãgũ yeriquiro ijiro, Cohãcjũ ohoriquiro ijieraboagari tiquiro? ³¹ Cohãcjũ ñahe yeyequinare tiquina siniñene tãhoerare. Ti pũritare mari masiaja. Tiquinare tãhoeraperota Cohãcjũre ño peoriquirore, tiquiro dutiyere yeriquirore tiquiro siniñene tãhore Cohãcjũ. ³² Coã waropũre ahri yehpa jii dũcagũpũre ne coã masa bajaropũ caperi bajueriquirore ne ihcãquiro ihãgũ yeriquiro marieda tiahye. ³³ Sa yero Jesu Cohãcjũ ohoriquiro ijieraro yãhure ihãgũ yeraboaya tiquiro, niahye tiquiro tiquinare.

³⁴ —Mũhũ duita ñagũ ijie tiahye. ¿Sa ijiepegũta usãre buhe duajari mũhũ? niahye judio masa pũthoa tiquirore.

Sa ni tuhasayeta tiquina tiquirore cohã wio cãhye.

Jesu yere cahmeñequina caperi bajueyequina tiquina ihãa masieno saha mari Pacũre masiedare

³⁵ Sa yero caperi bajueramediquirore tiquina cohã wiorire Jesu tãhori. Sa tãhoro caperi bajueramediquirore boca saro tiquirore sinituri:

—¿Masũnore Cohãcjũ ohoriquirore wacũ tutuajari mũhũ? nidi Jesu.

³⁶ —¿Pũhto, noa ijiajari tiquiro? Tiquirore masigũ wacũ tutuagũtja tiquirore, nidi caperi bajueramediquirore Jesure.

³⁷ —Tiquirore ihãa tuhasari mũhũ. Yojopũre mũhũ mehna yahuducugũ tiquirota ijiaja yũhũ, nidi Jesu caperi bajueramediquirore.

³⁸ —Pũhto, mũhũre wacũ tutuaja, nidi caperi bajueramediquirore.

Sa nino tiquiro Jesu caha dũsepe curi mehna quehe sa, tiquirore ño peori.

³⁹ Tiquiro sa ño peogũ ihãano ohõ saha nidi Jesu:

—Quehnoañequina, ñañequina gãhũ tiquina yerire masigũ yei ahtaũ ahri yehpũre. Caperi bajueyequina tiquina ihãa masieno saha tiquina yero saha ijieyequina yũhũ Pacũre masiedare. Sa masieñequinare yũhũ Pacũre masigũ yei ahtaũ yũhũ. “Usã quehnoano masiaja”, ni tãhotumediquina quehnoano tiquina masiedarire masigũ yei ahtaũ yũhũ, nidi Jesu.

⁴⁰ Tiquiro sa nigũ tãhoye meheñequinagã fariseo masa tiquirore ohõ saha nidi:

—¿Caperi bajueyequina tiquina ihãa masieno saha quehnoano masiedare musa gãhũ”, nii njajari mũhũ usãre? nidi fariseo masa Jesure.

⁴¹ Tiquina sa nigũ ohõ saha nidi Jesu:

—Caperi bajueyequina tiquina ihãa masieno saha poto musa quehnoano masiedagũ, musare buhiri mariedaboaya. “Usã quehnoano masina ijiaja”, musa nidi buhiri, buhiri tina ijinine musa yojopũre, nidi Jesu tiquinare.

10

Ovejare cohteriquiro quitire yahuahye Jesu

¹ Came queoye mehna buhero ohõ saha nidi Jesu:

—Ijirota niaja musare. Ovejare cohteri sahrĩno sopecaha sajàedariquiro, sopecaha marienopũ sajàriquiro pehe yaque bucũro ijire. ² Sopecaha sajàriquiro pehe ovejare cohteriquiro ijire. ³ Sopecahare cohteriquiro sopecahare pũore ovejare cohteriquiro sajàtore. Ovejare cohteriquiro yahuducugũ tãho cãhtare tiquiro nuñequina oveja pari. Tiquinare pijioro tiquina wame mehna pisuducure tiquiro. Sa yero tiquinare sahrĩnopũ ijiriquinare piji wiodocore sopecahapũ. ⁴ Tiquiro yequinare ijipihtieyequinare piji wio tiquinare sa õhmũ tãducure. Oveja pehe tiquiro yahuducuyere tãho masiñe tiquiro bato nũnũ tãre. ⁵ Apequirore tiquina ihãa masieniurore nũnũ tãedare tiquina. Sa ye apequina tiquina yahuducuyere tãhoye, cue oma sitea wahare, nidi Jesu tiquinare.

⁶ Ahri queoyere tiquiro sa yahuepegũta tiquiro yahuyere masiedari tiquina.

Jesu ovejare quehnoano cohteriquiro yero saha tiquiro yequinare quehnoano cohtere

⁷ Pari turi Jesu tiquinare yahuri tja:

—Ijirota niaja musare. Ovejare cohteri sahrĩno sopecaha yero saha ijiaja yũhũ. ⁸ Ijipihtieyequina yũhũ pano ahtayequina ni mehoñene buheyequina yaqueyequina yero saha ijire. Tiquina sa ijiepegũta oveja yero saha ijieyequina yequina pehe apequinare ne tãho cãedare. ⁹ Yũhũ ovejare cohteri sahrĩno sopecaha yero saha ijiaja. Sopecaha sajàñequina yero saha ijire yãhure wacũ tutuayequina. Sa yegũ tiquinare pecapũ wahaboriquinare yãhdũoutja. Ovejare cahmotari sahrĩno tiquinare cahmotariro sahata yũhũ yãhdũoyequinare cahmotatja. Sa ye tiquina cahmeñene cãoeta tiquina, nidi Jesu.

¹⁰ Sa ni tuhasa ohõ saha ni nemori:

—Musare ni meho buheyequina ovejare yaqueyequina yero saha ijire. Apequina yaque duaye, apequina wejẽ duaye ahtare. Oveja yero saha ijieyequinare, yeequina ijipihitiye decori Cohãcjũ mehna ijiatiquinare yegũ ahtaũ yũhũ. Sa yegũ yeequina decoripe tiquina bucueatire ahtaũ yũhũ. ¹¹ Ovejare quehnoano cohteriquiro yero saha ijiaja

yuhũ. Ovejare quehnoano cohteriquiro yariatiquiro ijieperota tiquiro yequina ovejare cohtere, “Sijoro wahari”, nino. Yeequina Cohãcjũ mehna tiquina sa ijiducuatire yegu yariatja yuhũ. ¹² Oveja uparo cahacjano pehe oveja uparo ijierare. Sa yeje oveja tiquiro yequina ijierare. Sa yero yairo ovejare tiquiro ihyarõ ahtagũ ihñano tiquiro cahacjano pehe ovejare cohã docori bato, yairo ovejare tiquiro ñehẽgũ ihñañe oveja pari oma site cãa wahare. ¹³ Tiquiro cahacjano pehe tiquiro wapataye dihitare cahmene. Sa yero tiquiro ovejare quehnoano cohte coerare, nidi Jesu.

¹⁴ Sa ni tuhasa ohõ saha ni nemori:

—Ovejare quehnoano cohteriquiro yero saha ijiaja yuhũ. Sa yegu yeequinare masiaja yuhũ. Sa yeje yeequina pehe yuhare masine. ¹⁵ Sata yuhũ Pacũ gãhu yuhare masine. Sa yegu yuhũ gãhu yuhũ Pacure masiaja. Oveja yero saha ijieyquina yeequina Cohãcjũ mehna tiquina sa ijiducuatire yariatja yuhũ. ¹⁶ Apequina oveja ape sahrĩno cãena yero saha ijieyquina apequina masa gãhu yeequina ijeta. Tiquina gãhure neagutja. Sa ye yuhũ yahuducugũ tũho cãeta tiquina gãhu. Sa ye yeequina ijipihtiyequina ihcã curuata ijeta. Sa yegu yuhũ dihita yeequinare cohteitja, nidi Jesu.

¹⁷ Sa ni tuhasa ohõ saha ni nemori:

—Yeequina Cohãcjũ mehna tiquina sa ijiducuatire yariatja yuhũ. Yuhũ yariari bato masa mujagutja. Sa yeacjũ yuhũ ijigũ yuhũ Pacũ yuhare cahĩne. ¹⁸ Yuhũ wejẽ dutieragũ yuhare wejẽ masiedaboaya tiquina. Yuhũ cahmeno sahata yuhare wejẽeta. Sa yegu yeequina Cohãcjũ mehna tiquina sa ijiducuatire yariatja. Yaria masiaja yuhũ. Sa yegu masa muja masiaja. Yuhũ Pacũ yuhare tĩreta ye dutiri, nidi Jesu.

¹⁹ Tiquiro sa nigũ tuhoye judio masa pua curua tu wari. Apequina sijoro tuhutu, apequina gãhu sijoro tuhuturi.

²⁰ —Tiquiro watĩno cuore. Sa yero tũho masiedare. ¿Dahsena tiquirore pari turi tuhoajari masa? nidi apequina peyequina judio masa.

²¹ Apequina pehe ohõ saha nidi:

—Watĩno cuoriquiro ijiro sa ni yahuducueraboaya. Caperi bajueriquirore ihñagũ ye masiedare watĩnore cuoriquiro. Sa yero watĩnore cuerare Jesu, nidi apequina judio masa.

Judio masa Jesure cahmedahye

²² Ape deco usã acaye judio masa Jerusalẽpũ bõse deco yeje nidi pari turi. Cohãcjũ wuhare panopũ Cohãcjũre tiquina ohorire tiquina wacũati deco ijiri. Ti pjere pohẽcũ ijiri. ²³ Ti decore Salomo wame tiri tucũpũ Cohãcjũ wuhũpũ ijiri tucũpũ Jesu

ihña tinino nidi. ²⁴ Ti tucũpũ tiquiro ijigũ ihñañe usã acaye judio masa tiquiro cahapũ cahmecoa, tiquirore sinituri.

—Yoabutiari pje usãre quehnoano yahueraga mũhu. Poto usãre quehnoano yahu madoqueohya mũhu. ¿Cohãcjũ ohorigũ Cristota ijiajari mũhu? nidi tiquina Jesure.

²⁵ Tiquina sa nigũ tuhoro ohõ saha ni yuhtiri Jesu:

—Mũsare yahu tuhasamajagu. Yuhũ sa yahuepegũta yuhare tũho duerare masa. Yuhũ Pacũ yuhare tiquiro dutiriro sahata tiquiro tutuaye mehna ye ihñõaja. Sa yegu yuhũ Cristo ijiereta mũsare ihñõgu niaja. ²⁶ Yuhũ sa ihñõpegũta yuhare tũho duerare masa. Masa pehe yeequina ijierare. Sa yena apequiro yequina oveja yero saha ijina, yuhũ pehere tuhoerare masa. ²⁷ Ovejare cohteriquirore tiquiro yequina tiquina tuhõrõro saha yuhare yeequina tuhõre. Sa yegu tiquinare masiaja yuhũ. Sa ye tiquina yuhũ mehna wahare. ²⁸ Sa yegu ijipihtiyede cori Cohãcjũ mehna ijigũ yeaia tiquinare. Sa ye tiquina pecapũ wahasi. Sa yegu yeequinare yuhũ cohtegũ apequina pehe ne yuhare ehma masiedare yeequinare. ²⁹ Yuhũ Pacũ yuhare yeequinare ohoriquiro ijipihtiyequina yuhdũoro tutuariquiro ijire. Sa ye yuhũ Pacũ pehe yeequinare tiquiro cohtegũ apequina pehe tiquiro gãhure ne ehma masiedare tiquinare. ³⁰ Yuhũ, yuhũ Pacũ mehna ihcãta ijiaja, nidi Jesu judio masare.

³¹ Tiquiro sa nigũ tuhoye judio masa pehe tiquirore tiquina doque wejẽati utã pacare pari turi nemedi tja. ³² Tiquina sa yegũ ihñano Jesu sinituri tiquinare:

—Yuhũ Pacũ tutuaye mehna peye tahari ye ihñõmi masare. ¿Dise boro pehere yuhũ yeri buhiri yuhare utã paca mehna doque wejẽ duajari masa? ni sinituri Jesu.

³³ Tiquiro sa nigũ tuhoye ohõ saha nidi tiquina:

—Cohãcjũ tutuaye mehna mũhu ye ihñõri buhiri mũhare utã mehna doque wejẽ dueraja usã. Cohãcjũre mũhu ñano yahuducuri buhiri mũhare utã paca mehna doque wejẽ duaja usã. Masũ ijiepegũta “Cohãcjũ ijiaja yuhũ”, mũhu niñe buhiri mehna mũhare utã paca mehna doque wejẽ duaja usã, ni yuhtiri tiquina.

³⁴ Tiquina sa ni yuhtigũ tuhoro Jesu tiquinare yahuri:

—Mũsa gãhure “Cohãmana”, ni pisuri Cohãcjũ. Sata ni ojoahye tiquiro dutiyere tiquina ojoari pũpũ. ³⁵ Cohãcjũ yere tiquina ojoari pũ potota ijigũ mari masiaja. “Ni mehoñe ijire”, ti pũre ni masiedaja mari. Sa yero tiquiro yere tuhoyequinare potota tiquiro “Cohãmana”, ni pisure. ³⁶ Cohãcjũ yuhare besetjãno, ahri yehpapure ohori. Sa yegu yuhũ “Cohãcjũ macũ ijiaja”, yuhũ

nidi buhiri “Cohãcãre ñano yahuducuro nine Jesu”, nine musa yahure. ¿Duhseña yahure sa niajari musa? ³⁷ Yuhũ Pacũ tiquiro cahmediro sahata tiquiro tutuaye mehna yuhũ ye ihñoedagũ pũritare yuhũ buherire “Poto tjire” niedaboaga musa. ³⁸ Yuhũ Pacũ tiquiro tutuaye mehna yuhũ ye ihñoepegũta yuhũ pehere tuho duerare musa. Sa tuho duerapenata tiquiro tutuaye mehna yuhũ ye ihñogũ ihñana yuhũ yerire “Poto tjire”, niña musa. Musã sa nina, yuhũ Pacũ mehna usã ihcãno saha ijigũ masinata musa. Sa yena tuhonata musa, nidi Jesu tiquinare.

³⁹ Tiquiro sa nigũ tiquina pari turi tiquirere ñehe duamedì. Tiquina sa ñehe duagũ ihñano tiquiro duhti wijiaa wahari.

⁴⁰ Sa wijariquiroputa Ñũ masare tiquiro wame ye muhtaripũ Jordã asũ muja taro pehepũ pari turi Jesu wahari tja. Topũ esaro tojoa cãri tiquiro. ⁴¹ Sa ye masa peyequina tiquirere ihñañe esari. Ohõ saha nidi tiquina basi:

—Ñũ pehe Cohãcã tutuaye mehna ye ihñoedari. Sa ye ihñoedapegũta ijipihtiye Jesure tiquiro yahuri pehe queorota ijire, nidi masa tiquina basi.

⁴² Sa ye topũre masa peyequina wacũ tutua dũcari Jesure.

11

Lázaro wame tiriquire yariaa wahahye

¹ Sa ye Betania wame tiri maca cãno Lázaro wame tiriquire dohatiro niahye. Ti macapũ tiquiro wahmiosãnumia gãhũ María, Marta mehna ijiri. ² María pehe Jesure ehme sitiye pio wisõaticoro, ticoro poari mehna tiquirere tu coseaticoro ijire. Ticoro bahuro Lázaro pehe dohatiro niahye. ³ Sa ye tiquina numia apequinare Jesure yahu dutiye ohoahye.

—Puhto, muhũ cahñiquiro dohatiro nine, ni yahu dutiye ohoahye Lázaro wahmiosãnumia.

⁴ Ti quitire tuhoro ohõ saha nidi Jesu:

—Yojopũre Lázaro tiquiro dohatiye tiquiro yariati ijierare. Cohãcã tutuayere masare ihñoatire yojopũre tiquiro dohatire. Sa ye yuhũ tutuagu yuhũ ijigũ gãhũre masa ihñaeta, nidi Jesu.

⁵ Jesu Martare, ticoro bahoro gãhũre, Lázaro gãhũre tutuaro cahidi. ⁶ Sa nino Lázaro tiquiro dohatigũ tuhoeporota topũ Jesu pua deco tojoari. ⁷ Pua deco bato Jesu ohõ saha nidi usãre tiquiro buhenare:

—Pari turi Judea yehpapũ tojoa wahahna tja, nidi usãre.

⁸—Buhegu, canuagãta judio masa muhũre utã paca mehna doque wejẽ duamedì. ¿Duhsegu pari turi tojoaa waha duajari muhũ? niñ usã pehe.

⁹ Usã sa nigũ tuhoro tiquirere tiquina wejẽ masiedarĩne yahuro, queoye mehna buhero ohõ saha nidi usãre:

—Pajiro tuhotueracãhña. Ihcã decore doce horari waro ijire. Asũ deco cãno ijigũ quehnoano ihñaja mari. Sa yena decore tinina, ne pua boraeraja mari. ¹⁰ Nahitianopũ tiniñequina pua boraa wahare. Asũ deco cãno mariedagũ quehnoano ihñedare tiquina, nidi Jesu. (Sa nino ohõ saha nino niahye: “Yojopũre yuhũ Pacũ yere yuhũ yahu pehoato duhsarĩne. Sa ye yahure wejẽ masiedarĩne”, nino niahye.)

¹¹ Sa nino usãre yahu nemori tja:

—Mari mehna cãno Lázaro, carĩno niaga. Tiquiro sa carĩpegũta yuhũ tiquirere wahcõgu wahautja, nidi usãre.

¹² —Puhto, Lázaro carĩniquire ijiro, yuhũdũrota, niñ usã.

¹³ Usã sa niepegũta Jesu “Carĩno niaga”, nino “Yariaa wahare”, nino nidi jimedi. Tiquiro sa nigũ tuhona “Lázaro soro niaga”, ni tuhotumi usã pehe. ¹⁴ Usã sa ni tuhotugũ masino Jesu poto yahuri usãre:

—Lázaro yariaa wahaga. ¹⁵ Yuhũ marieno tiquiro yariagũ quehnoarĩne. Sa yena musa yahure wacũ tutua nemonata. Isa mari ihñana wahahna tiquiro cahapũ, nidi Jesu.

¹⁶ Tomasu sũhdũariquire tiquina ni pisuriquire ohõ saha nidi usãre:

—Mari gãhũ Jesu mehna wahahna. Tiquirere wejẽñe, mari gãhũre wejẽahdo, nidi Tomasu.

Jesu sa ijiducugũ yeriquiro masare masoriquire ijire

¹⁷ Sa ye topũre usã esari bato to cãna ohõ saha ni yahuri Jesure:

—Pititia deco wahare Lázaro munanore masa copepũ tiquina cãri bato, ni yahuri tiquirere.

¹⁸ Betania pehe Jerusalẽ cahapũ ihtia kilómetro yoaro ijiri. ¹⁹ Sa ye usã acaye judio masa peyequina Martare, María gãhũre ñehe quea utiye ahtahye Lázaro yariari bato. ²⁰ Sa yero Jesu mehna usã esana tana yegũ tuhoro Marta pehe usãre piti caro ahtari jiri. Ticoro sa piti caro wahagũ María pehe tiquina ya wuhũpũ tojoahye. ²¹ Sa piti caro Marta ohõ saha nidi Jesure:

—Puhto, yuhũ bahũ tiquiro yariato pano muhũ ohõpũ ijigũ tiquiro yariaraboaya. ²² Yojopũ gãhũre Cohãcãre muhũ sini basagũ tiquiro muhũ sinino sahata yerota, nidi Marta Jesure.

²³—Muhũ bahũ masa wijiarota, nidi Jesu ticore.

²⁴—Ahri yehpa pihtiati deco tiquiro masa wijiatore masiaja yuhũ, nidi ticoro.

²⁵ Ticoro sa nigũ Jesu yahuri tja:

—Yuhū masa wijiagū yegū tjiaja. Yuhū sa ijjiducugū yegū tjiaja. Yuhūre wacū tutu-
ariquiro yarieperota sa ijjiducurota. ²⁶ Sa ye
ijipihtiyequina Cohācjū mehna ijjiducuye-
quina yuhūre wacū tutuayequina ne pecapū
wahasi. ¿Ahrire masiajari muhū? nidi Jesu
ticorore.

²⁷ —Puhto, masiaja yuhū. Cristo Cohācjū
macū, “Ahri yehpapū ahtarota”, tiquina ni-
digū muhū ijjigū masiaja yuhū, nidi Marta
Jesure.

*Lázaro masa cope cahapū esaro Jesu uti-
ahye*

²⁸ Marta sa ni tuhasa ticoro bahoro
Mariare pijiro wahari.

—Marine buheriquiro mari ya macapūre
wihiri. Muhūre pijire, derogā ni yahuahye
Mariare.

²⁹ Ticoro sa nigū tuhoro María sojaro
mehna wahcāduca, usā cahapū ahtahye
Jesure ihñano taro. ³⁰ Tiquina ya macapū
esera nii usā. Marta ticoro piti cariropū
ijiniū usā. ³¹ Judio masa ti wuhūpū Mariare
ñehe quea utiye nahye. Sa ye ticoro
wahagū ihñañe, tiquina ticorore nūnū tā
cāhye. “Ticoro bahoro munanore tiquina
cūri copepū utiro waharo nine ticoro”,
ni tuhutumahye tiquina. Sa ni tuhutuye
ticorore nūnū tā cāhye.

³² Sa yero María usā cahapū wihiro, Jesure
ihñā, tiquiro dahpocāri cahapū dusepe curi
mehna quehe sari.

—Puhto, yuhū bahū tiquiro yariato pano
muhū ohōpū ijjigū tiquiro yarietaboaya, nidi
ticoro Jesure.

³³ Sa yero judio masa ticoro mehna
ahtariquina gūhū tiquina utigū ihñano Jesu
pehe tutuaro bujua witi ñano jeripohna tiri.

³⁴ —¿Lázaro munanore nohopū cohāri
musa? ni sinituri Jesu.

—Ihñānū taya, ni piji cāri tiquina.

³⁵ Tiquina sa nigū tuhoro Jesu utiri.

³⁶ —Lázaro munanore Jesu tutuaro
cahimeyari, nidi judio masa tiquina basi.

³⁷ Apequina pehe ohō saha nidi:

—Caperi bajueriquirore ihñagū yeriquiro
ijire ahriquiro Jesu. ¿Sa yero Lázaro tiquiro
yariato pano tiquirore yuhūoeraboayari?
nidi tiquina.

Lázaro masa wijiayahye

³⁸ Sa yero Jesu pari turi tutuaro bujua
witiri. Sa yena usā ijipihitina Lázaro masa
copepū esau. Utāpū tiquina seheri cope ijiri.
Sa yero tiquiro pagure tiquina siō sāa cūri
cope ijiri. Sa yero ti cope pajiria utā mehna
tiquina bihari cope ijiri.

³⁹ —Utā bihariare neña, nidi Jesu.

Tiquiro sa nigū tuhoro Marta yariariquiro
munano wahmiono ohō saha nidi:

—Puhto, yojopū pititia deco waha
tuhasare tiquiro yariari bato. Sa yero

tiquiro pagū ijiriro arī yuhūuaga, nidi
Jesure.

⁴⁰ —“Yuhūre wacū tutuago Cohācjū tutu-
ayere ihñagota”, muhūre nimigū, nidi Jesu
Martare.

⁴¹ Tiquiro sa nidi bato tiquina utā bihari-
are ne wiori. Tiquina sa nedi bato Jesu pehe
uhmusepū ihñā muo, Cohācjūre ohō saha
nidi:

—Mai, yuhūre muhū tuho tuhasari. Tire
muhū yegū masigū bucueaja muhūre.

⁴² Yuhūre muhū decoripe tuhoducure.
Tire masiaja. Sa masiepeguta yuhū muhū
ohorigū yuhū ijjigū ohōre ducuyequina
tiquina masiatire muhūre sa niaja. Tire
“Potota ijire”, tiquina nino quehnoano sa
nigū niaja, nidi Jesu tiquiro Pacarore.

⁴³ Sa ni tuhasa Jesu tutuaro sañuducuri:

—Lázaro ahtaya, ni sañuducuri tiquiro.

⁴⁴ Tiquiro sa nigū yariariquiro munano
omocarine tiquiro dahpocāri gūhūre suhti
cahseri mehna tiquina dahtemediquiro,
tiquiro dapure suhtiro mehna tiquina
wahmemediquiro, masa copepū wijiā tari.

—Tiquina dahterire pāña tiquirore, nidi
Jesu.

*Judio masa puhto pehe Jesure ñehe
duamahye*

(Mt 26.1-5; Mr 14.1-2; Lc 22.1-2)

⁴⁵ Tiquiro sa masogū ihñañe peye-
quina judio masa mehna cjēna María
mehna ahtariquina Jesure wacū tutua,
cahmedi. ⁴⁶ Apequina tiquina mehna
cjēna pehe fariseo masa cahapū esaye,
Jesu yerire yahuahye tiquinare. ⁴⁷⁻⁴⁸ Sa
ye pahia puhto, fariseo masa puhto
gūhū cahmecoa, tiquina basi ohō saha ni
yahuducuahye:

—Jesu peye tahari Cohācjū tutuaye
mehna ye ihñore. Tiquiro sa ye ihñogū “Tire
yeracāhña”, mari niedagū ijipihtiyequina
masa tiquirore cahmeñe, tiquiro mehna
wahaboaga. Sa ye Roma cjēna puhto
Cohācjū wuhūre cohā dutiye ohoeta tiquina
yequina surarare. Mari ya dihta gūhūre
ehmaeta tiquina. (Mari ya dihta cjēna
Jesure tiquina puhtoro cūgū ihñañe Roma
cjēna puhto “Marine cohāñe nine”, ni usua
ñano yeeta marine.) ¿Sa yena dahse yenatari
yojopure? ni yahuducuahye tiquina basi.

⁴⁹ Tiquina sa niepegata apequiro Caifa
wame tiriquiro ti cahmare pahia puhtoro
ijiro, tiquinare yahuahye:

—Masa pehe ne masiedare. ⁵⁰ Judio masa
ijipihitina mari ye ijiatire ihcāquiro masuno
tiquiro yariagū quehnoare. Tiquiro yari-
eragū marine ijipihitina judio masare cohā
peho cāboaga. Tire masa masiedare, niahye
Caifa tiquinare.

⁵¹ Sa nino tiquiro esa tuhoro sa nino
niedahye. Pahia puhtoro tiquiro ijjigū judio

masa ye ijiatire Jesu yariatire mari Pacu pehe Caifare sa ni yahu dutiahye. ⁵² Jesu yariato judio masa dihitare yuhduoro taro niedare. Sa yariato ijiptiyequina Cohăcju pohnene ahri yehparu iji siteyequina găhure ihcă curuata ijigă yeatire yariatiquiro ijiri Jesu. ⁵³ Sa ye ti decota tiquina “¿Jesure dăhse ye wejănatarî mari?” ni yahuducuye, tiqiurore wejănă tee niahye.

⁵⁴ Tiquina sa wejă duagă masino Jesu peyequina judio masa watoa pari turi tinino wahaerari. Sa yero masa marieno cahagă Efraî wame tiri macapu usăre siho wahari. Usăre ti maca siho tojarîdi Jesu.

⁵⁵ Ti pjere pascua bose decori usă judio masa usă bose decori ijiato mehenogă dăhsatjări. Sa ye bose deco panogă masa peyequina apeye macari cjăna Jerusalăpu cahmecoari. Pascua cjăne tiquina ihyato pano Cohăcju yere yeye tehe, tiquina cahmomohnore cohoro saha tiquina năñene cosee tee nidi. ⁵⁶ Sa ye tiquina Jesure macăñe niahye. Sa ye Cohăcju wăhăpu ijiyequina ohô saha ni yahuducuahe:

—¿Bose decore ihñano ahtaeraboari Jesu, masa tuhutugă? niahye tiquina basi.

⁵⁷ Sa ye pahia păhtoa, fariseo masa găhu ohô saha ni yahu dutiahye masare:

—Jesu wihigă ihñana, yahuya usăre. Tiqiurore năhena tana niaja, niahye păhtoa masare.

12

María Jesu dahpocărine ehme sitye mehna pio peoahye

(Mt 26.6-13; Mr 14.3-9)

¹ Jesu, usă tiqiuro buhena mehna Betaniaru usă esari bato pascua deco esato seis decori waro dăhsarîdi. Lázaro Jesu masoriquiro ti maca cjăno ijiri. ² Usă esari bato Jesu găhu usă ihyatire dahreri apequina. Sa ye Lázaro, Jesu, usă mehna mesa cahapu nuju sau. Usă sa nuju sari bato Marta ihyayere peori usăre. ³ Sa yero María ehme sitye ũhsere nardo wame tiye cohori ũhsere kilo deco mehna ne căhta Jesu dahpocărine pio peori. Ti ũhse wapa ti yuhduari. Pio peo tuhasa ticoro poari mehna wăori. Ticoro sa pio peori bato ti wăhu quehnoano ehme siti sehśaa wahari. ⁴ Usă mehna cjăno, Jesure ihña tuhtiyequinare ihñotatiqiuro Juda Iscariote pehe ohô saha nidi:

⁵ —¿Dăhse yero ahricoro sa ye siteajari? Tire ticoro duaboaya. Tire duaro tres cientos niñeru cjœrire wapataboaya. Sa yero ticoro ti niñerure pejecăoyequinare ohoboaya, nidi tiqiuro.

⁶ Juda pehe pejecăoyequinare yedoho duerari. Tiqiuro usă niñerure ihbo basariqiuro ijiaperota yaqueriquiro ijiri. Sa yero tiqiuro usă niñerure ihquă tahari ne

măjari. Sa yero “Ti niñerure neitja”, nino, sa nidi Mariăre tiqiuro.

⁷ Tiqiuro sa nigă tuhoro ohô saha nidi Jesu:

—Sa niedacăhña ticorore. Ticoro ehme sityere yăhure ticoro dăharire yăhure pio peori, yăhure tiquina yato pano yăhu pagure quehnoyuro. Pejecăoyequina pehe masa mehna sa ijiducuetă. Sa yena tiquinare oho masine masa. ⁸ Yăhu pehe ahri yehpapure masa mehna sa ijiducusi, nidi Jesu.

Pahia păhtoa Lázarore wejă duahye

⁹ Sa ye Jesu Betaniaru tiqiuro ijigă tuhoye, usă acaye judio masa peyequina tiqiurore ihñăñe ahtari. Tiqiuro dihitare ihñăñe ahtaye niedari. Lázaro yariamediquirore Jesu masoriquirore tiqiuro găhure ihñăñe ahtaye nidi. ¹⁰ Tiquina ihñăñe esarire masiñe, pahia păhtoa Lázaro găhure wejă duari. ¹¹ Lázaro yariamediquiro Jesu masoriquiro ijigă ihñăñe peyequina masa Jesure wacū tutuari. Tiqiuro sa masogă ihñăñe peyequina judio masa tiquina pahia ye buheye pehere duhu cări. Tiquina sa duhugă ihñăñe pahia păhtoa pehe usua yăhdăye Lázarore wejă duari.

Jerusalăpu esahye Jesu

(Mt 21.1-11; Mr 11.1-11; Lc 19.28-40)

¹² Pascua bose decore tiquina yegă peyequina masa Jerusalăpu ihñăñe wahari jiri. Ape deco Jerusalăpu Jesu ahtatire masa tuhori. ¹³ Sa ye iqui pohnarine ne că, tiqiurore piti caye wahari. Sa piti caye ohô saha ni sañuducuri tiquina:

—Ahriqiurore nă peouhna. Ahriqiuro Cohăcju ohoriquiro quehnoano ijiahro. Ahriqiuro judio masa mari păhtoro tjire, ni sañuducuri tiquina.

¹⁴ Jesu burrogă tiqiuro bocariqiurogă bui pesari. “Ohô sahata yerota”, ni ojoahye Cohăcju yere tiquina ojoari pūpu:

¹⁵ Jerusală wame tiri macă cjăna, cueracăhña masa. Ihñăña. Masa păhtoro burrogă bui pesa căhtare, ni yahuahye Cohăcju yere tiquina ojoari pūpu.

¹⁶ “Tiquina sa ni ojoari Jesure nino niağa”, ni, usă tiqiuro buhena quehnoano masiedarî. Sa masiedapenata ũhmăsepă Jesu măjari bato usă ti ojoarire wacū boca tuhă masii. Ohô saha ni tuhotu: “Cohăcju yere tiquina ojoari pū pehe Jesure yahuro nimeya. Sa ye Cohăcju yere tiquina ojoari pū niđiro sahata yeri masa Jesure”, ni tuhotu, masii usă.

¹⁷ Lázarore masa copepu ijiqiqiurore Jesu pisu masogă ihñariquina pehe yahuri masare. ¹⁸ Sa ye Lázarore Jesu masorire tuhori bato masa peyequina Jesure ihñăñe

ahtari. ¹⁹ Tiquina sa ahtagā ihñañe fariseo masa tiquina basi ohō saha niahye:

—Jjipihtiyequina Jesu yequina dihita wahye nine yojopare. Sa yena mari dahse ye masiedaga tiquinare, niahye fariseo masa tiquina basi.

Meheñequinagā griego masa Jesure maca cāhtahye

²⁰ Sa ye bose deco Cohācjüre ño peoye ahtayequina mehna cjēna meheñequinagā griego masa ijiri. ²¹ Sa ye tiquina Felipe cahapū wihiahye. Felipe pehe Betsaida wame tiri maca Galilea yehparū ijiri maca cjāno ijiri. Sa ye tiqiuro cahapū wihiriquina ohō saha niahye tiqiurore:

—Jesure ihña duaga usā, niahye tiquina.

²² Tiquina sa nigū tūhoro Felipe Andrepure tire yahuro wahahye. Sa ye tiquina puraro Jesure yahuri. ²³ Tiquina sa ni yahuri bato Jesu tiquinare yahuri:

—Yuhū masū Cohācjū ohorigū ijiaja. Yuhūre ijipihtiyequina tiquina ño peoati pje yojopare ijirota nine. Yojopare yuhū yariati pje ijirota nine. ²⁴ Potota musare yahugū niaja. Oteri pjere yehparū mari yaeragū, ti pjere mari oteragū ihcā pjeta tojoarota. Sa yero ti pjere mari yari bato pihni, dūca tirota. (Sata yuhū yariati bato yuhūre tiquina yari bato peyequina masare Cohācjū mehna sa ijiducuatiquina ijigū yeitja yuhū.) ²⁵ Ahri yehparū masa ijiyere pajiro tūhotuboaga masa. Sa tūhotuna Cohācjüre wacūedana, pecapū wahanata masa. Ahri yehparū masa ijiyere sa tūhotu cāna, Cohācjū mehna sa ijiducunata. ²⁶ Yeere ye duana yuhū buheyere quehnoano tūhoya masa. Masa sa yena masa gūhū yuhū ijioropū ijinata. Yeere yeriqiurore yuhū Pacū pehe ño peorota, nidi Jesu.

Jesu tiqiuro yariatore yahuahye

²⁷ Sa ni tuhasa ohō saha ni nemori:

—Yojopare yuhū ñano jeripohna tiaja. ¿Yuhū Pacure dahse nigutari yuhū? ¿“Maí, yuhū ñano yuhduatire yeracāhña yuhūre”, niboagari yuhū? Tire niedaja yuhū. Ñano yuhduacjūta ahri yehparū ahtau. Sa yero yuhū ñano yuhduati pje yojopare ijirota nine, ni yahuri usāre tiqiuro buhenare.

²⁸ Sa yero ohō saha nidi tiqiuro Pacūrore: —Maí, mahū tutuagu ijiyere yojopare ihñofña masare, nidi Jesu tiqiuro Pacūrore.

Tiqiuro sa nigū ūhmusepū yahuducuro ca tari:

—Tutuagu yuhū ijiyere masare ihño tuhasau. Yojopare sa yegu pari turi ihñoutja masare, nino ca tari.

²⁹ Tiqiuro sa nigū tūhoye topū ducuyequina masa peyequina ohō saha nidi:

—Ūpo ijiaga sa bisiro, nidi masa.

—Angel Jesure yahuro nidi, nidi apequina masa.

³⁰ Ohō saha nidi Jesu pehe:

—Ūhmusepū sa bisiro yuhūre tūho dutiro niedari. Masa pehere tūho dutiro sa bisiro ca tari. ³¹ Yojopare ahri yehpa cjēna tiquina ñañe yeri buhirire buhiri dahrerota tiquinare. Ahri yehpa cjēna puhtoro watinore cohānota Cohācjū. ³² Sa yegu yuhūre curusapū tiquina wahcō docogū peyequina masare yeequina ijiatiquinare yeitja yuhū, nidi Jesu.

³³ Sa nino curusapū tiqiuro yariatore yahuro nidi Jesu masare. ³⁴ Tiqiuro sa nigū tūhoye masa pehe tiqiurore ohō saha nidi:

—Cohācjū yere tiquina ojoari pūpū ohō saha nine: “Cristo ijipihtiye decori ijirota”, ni ojoahye. ¿Tiqiuro sa ni ojoagū mahūre masare Cohācjū ohorigure dahse yeye curusapū wahcō docoetari masa mahūre? ¿Masano Cohācjū ohoriquiro noa ijiajari tiqiuro? ni sinituri tiquina.

³⁵ Tiquina sa nigū ohō saha ni yūhtiri Jesu:

—Buhrioro mehna mari ihña masigū yero saha masare Cohācjū yere quehnoano masigū yeaja yuhū. Came cjūnogā masa mehna ijisi yuhū. Musare yuhū buhegū yojopare tūhoya masa “Ñañe yeari”, nina, Cohācjū mehna masa sa ijiducuatire. Yuhū buheyere tūhoeyequina nahitiano tiniñequina yero saha tiquina wahatore masiedare. ³⁶ Sa yegu buhrioro yero saha ijigū ijiaja yuhū. Sa yegu musare buhegū Cohācjū yere quehnoano masigū yeaja masare. Yojopare yuhū wahato pano yuhūre wacū tutuaya. Sa wacū tutuana yeequina ijinata masa, nidi Jesu.

Sa ni yahu tuhasa duhti cāa wahari.

Judio masa Jesure cahmedahye

³⁷ Peye tahari Cohācjū tutuaye mehna tiquinare Jesu tiqiuro ye ihñoepegūta peyequina judío masa tiqiurore ne tūho duerari.

³⁸ Cohācjū yere tiquina ojoari pūpū Isaia manano tiqiuro ojoariro sahata yeye nidi tiquina. Ohō saha ni ojoahye Isaia manano: Cohācjū, mahū buheyere usā yahugū masa ne tūho duerare. Mahū tutuayere tiquinare mahū ye ihñoepegūta, tire “Poto ijierare”, nidi tiquina, ni ojoahye Isaia manano.

³⁹ Tiquina sa tūho dueragū ihñano Cohācjū tiquinare masiedagū yeri. Ti gūhūre Isaia manano ohō saha ni ojoahye:

⁴⁰ Caperi bajueyequina yero saha ijigū yee tiahye Cohācjū tiquinare. Sa yero tiqiuro yere masiedagū yee tiahye tiquinare. Sa ye tiqiuro tutuayere ihñaepeta tiquina ihñarire masiedare. Sa ye tiqiuro buheyere tūhoepeta tire masiedare tiquina. Cohācjū ye buheyere masife tiquina ñañe yerire

cohã dutiboaya. Sa yero tiquinare yuhdnooboaya tiqairo, ni ojoahye Isaia manano Cohãcjũ yere tiquina ojoari pũpũ.

⁴¹ Sa ni ojoaro Isaia Cristo tutuayere masino tiqairo nidiro sahata Cristore yahu ojoahye.

⁴² Apequina Jesure tiquina cahmedapegũta judio masa usã puhto mehna cjẽna peyequina Jesure wacũ tutua, cahmedi. Sa cahmepeta tiquina fariseo masare cueye apequinare “Jesu yequina waha usã”, ni yahu duerari. Tire tiquina yahugũ tuhoye Jesure tiquina cahmedi buhiri judio masa usã buheri wãhũpũ tiquinare sajã dutieraboaga fariseo masa pehe. ⁴³ Cohãcjãre bucuegũ ye duepeta ti yuhdnooro fariseo masa pehere bucuegũ ye duari Jesure cahme ducayequina. Sa ye tiquina “Jesu yequina waha”, ni apequinare yahu duerari.

Jesu yahuyere tiquina tuho duerari buhiri masa buhiri tieta

⁴⁴ Sa ye Jesu tutuaro sañuducu, yahuri: —Yũhare wacũ tutuariqairo yũhũ dihitarẽ wacũ tutuere. Yũhare ohoriquiro gãhũre wacũ tutuare tiqairo. ⁴⁵ Sa ye yũhare masifequina yũhare ohoriquiro gãhũre masine. ⁴⁶ Buhirio mehna mari ihña masigũ yero saha ahri yehpãpũ Cohãcjũ yere masigũ yei ahtaũ nii yũhũ. Sa yegũ Cohãcjũ yere masare masigũ yeaja. Ihcãqairo nahitiano wahariquiro yero saha ñañene yeducure. Yũhare wacũ tutuariqairo tiqairo yero saha yesi. Yũhare wacũ tutuariqairo potota tuhorota. ⁴⁷ Apequina yũhũ yahuyere tuhoepeta yũhũ nidiro saha yerare. Tiquina sa yerapegũta tiquina yerari buhirire buhiri dahresi yũhũ pehe tiquinare. Ahri yehpare buhiri dahregũ ahtagũ niedũ yũhũ. Ahri yehpa cjẽnare pecarũ wahaboriquinare yuhdnoacjũ ahtagũ nii yũhũ. ⁴⁸ Yũhare cahmeeñequina, yũhũ yahuyere gãhũre cahmeeñequina buhiri dahrenohatiquina ijleta. Tiquina yũhũ yahuyere tiquina tuhoerari buhiri ahri yehpa pihtiri deco ijigãpũ buhiri tieta. ⁴⁹ Yũhũ esa tuharo yeraja. Yũhũ Pacũ yũhare ohoriquiro pehe yũhare yahu dutiri. Sa yero yũhũ yahuyere pehe tiqairo ye yahuducuyere ijire. ⁵⁰ Tiqairo ye yahuducuyere tuhona Cohãcjũ mehna sa ijiducunata mũsa. Sa yegũ yũhũ Pacũ tiqairo yahu dutiriro sahata yahuaja mũsare, nidi Jesu.

13

Jesu buheyequina dahpocãrine coseahye tiqairo

¹ Sa ye pascua deco bose deco panogã ahri yehpare tiqairo cohã cãtore tiqairo

Pacũro cahapũ tiqairo wahata masidi Jesu. Sa yero ahri yehpa cjẽnare tiqairo yequinare tiqairo tutuaro cahĩdi tiquina mehna tiqairo ijiro puno. Sa cahĩducure tiqairo yequinare.

² Ti ñamine Jesu usã tiqairo buhena mehna usã ihyagũ Juda Iscariotere Simo macũnore Jesure ihña tuhtieyquinare ihño duti tuhasari jiri watĩno pehe. ³ Sa yero mari Pacũ Cohãcjũ Jesure ijipihtieyquina bui tiqairo puhtoro sũrire masidi Jesu. Sa yero Cohãcjũ cahapũ tiqairo ahtarire came uhmũsepũ tiqairo mũjati gãhũre masidi. ⁴ Sa masino wahcãduca, tiqairo suhtiro bui cjãnore tu we ne, tore cũ tuhasa, suhtiro cahsero mehna tiqairo pari yũhũ dũhteri. ⁵ Dũhte tuhasa, waparorũ acore pio sãa, usã tiqairo buhena dahpocãrine cose dũcari. Uẽsãre cose tuhasa tiqairo dũhteri cahsero mehna wũori usã dahpocãrine.

⁶ Apequina buheyequinare cose cã, Simo Pedropũre esari. Tiqairo dahpocãrine tiqairo coseato pano Pedro pehe tiqairore ohõ saha nidi:

—¿Puhto, yũhũ dahpocãrine cosegũ tuũ ni-ajari mũhũ? nidi Pedro Jesure.

⁷ —Mianogã mũhare yũhũ yeatire masiedare mũhũ. Sa masiedapegũta camerũ masiita mũhũ, nidi Jesu tiqairore.

⁸ —Yũhũ dahpocãrine ne cõsesi mũhũ, nidi Pedro.

—Mũhare yũhũ coseragũ yaqairo ijisi mũhũ, nidi Jesu.

⁹ —Puhto, yũhũ dahpocãri dihitarẽ coseracãhña. Yũhũ dahpocãrine, yũhũ omocarine, yũhũ dapũ gãhũre coseya, nidi Pedro.

¹⁰ Tiqairo sa nigũ Jesu queoye mehna buhero ohõ saha nidi:

—Ihcãqairo masũno cuhsaro tiqairo pagũre quehnoano tu cose pehore. Sa yero pari turi tiqairore tu cosero cahmedare. Tiqairo dahpocãri dihitarẽ tu cosero cahmene. Ijipihtina masa ñañe yerire coserina mũsa ijiepegũta ihcãqairo mũsa mehna cjãno tiqairo ñañene cosemehnediquiro ijire, nidi Jesu.

¹¹ Jesu tiqairore ihña tuhtieyquinare ihñoatiqairore masidi: Sa masino “Ihcãqairo mũsa mehna cjãno tiqairo ñañene cosemehnediquiro ijire”, nidi.

¹² Uẽsã dahpocãrine cose tuhasa, tiqairo suhtirore saña tuhasa, nuju sari tiqairo dujiripota.

—¿Mianogã mũsare yũhũ yerire masiajari mũsa? ¹³ Mũsa yũhare “Buhegu”, ni pisuna, “Puhto”, ni pisuna poto ninata nine mũsa yũhare. Mũsare buhegu, mũsa puhto potota ijiaja yũhũ. ¹⁴ Sa yena yũhũ mũsare buhegu, mũsa puhto ijiepegũta mũsa dahpocãrine yũhũ cosegũ ihñana mũsa gãhũ mũsa mehna cjẽna dahpocãrine coseya. ¹⁵ Mianogã mũsa yeatire mũsare ihñou. Mũsa mehna cjẽnare

musa yedohoatire ihñou. Musare yuhũ yeriro sahata musa gũhũ yeya. ¹⁶ Ijirota niaja musare. Musa yuhũ cahacjēna yero saha ijina yuhũ bui ijierare. Musare buhe duti yuhũ ohorina ijire musa. Sa yena yuhũ bui ijierare musa. Sa yegu “Yuhũ yeriro sahata yeya”, nii musare. ¹⁷ Ahrire masina, yuhũ dutiyere yena, bucuena ijinata musa.

¹⁸ Musare ijiphtinare sa niedaja. Yuhũ beseriquinare masiaja yuhũ. Cohācjũ tiqiro yere tiquina ojoari pũpũ tiqiro ni ojoariro sahata waharota. “Yuhũ mehna ihyariquiroti yuhũre wejē duari”, ni ojoahye Cohācjũ yere tiquina ojoari pũpũ. ¹⁹ Tiquiro sa yeato pano ahrire yahuyugu niaja musare. Yuhũre tiqiro sa yeri bato, “Jesuta Cristo Cohācjũ ohoriquiroti ijire”, musa niatire ahrire musare yahuyugu niaja yuhũ. ²⁰ Ijirota musare niaja. Yuhũ ohoriquinare cahmediquiro yuhũ gũhũre cahmene tiqiro. Sa yero yuhũre cahmediquiro yuhũre ohoriquiroti gũhũre cahmene tiqiro, nidi Jesu usāre tiqiro buhenare.

Juda Jesure ihña tuhtiyequinare tiqiro ihñootore yahuahye Jesu

(Mt 26.20-25; Mr 14.17-21; Lc 22.21-23)

²¹ Sa ni yahu tuhasa Jesu tutuaro bujua witi. Sa bujua witiro yahuri tiqiro usāre.

—Ijirota musare niaja. Ihcāquiroti musa mehna cjāno yuhũre ihña tuhtiyequinare yuhũre ihñonota, nidi Jesu.

²² Tiquiro sa nigũ tuhona Jesure ihñootiquirore masiedana, usā basi cahme ihñau. ²³ Jesu buheyequina mehna cjũ yuhũ, Jesu cahidigu ijii. Sa yegu tiqiro caharu pari paha dujii. ²⁴ Sa yero Simo Pedro yuhũre tiqiro omoca mehna sinituri:

—¿Jesure ihñootiquiro noa pehere nino niajari Jesu? Yahuya usāre, nino, tiqiro omoca mehna sinituri Pedro.

²⁵ Tiquiro sa nigũ yuhũ pehe Jesu caharu dujirigu sinituu tiqirore:

—¿Puhto, noare nigũ niajari mũhũ? nii yuhũ.

²⁶ —Ahria pāre dahra waha ne, yuhũ ña mio yuhũ ohoatiqiro pehe tiquiroti ijire yuhũre ihñootiquiro, nidi Jesu.

Sa ni tuhasa pāre tiqiro dahra waha nedirore ña mio tuhasa tire Simo Iscariote macunore Judare ohori. ²⁷ Sa yero pāre tiqiro ñehedi bato watino pehe Judare ñano ye dutiri jiri. Sa yero Jesu tiqirore ohõ saha nidi:

—Mũhũ yeatore sojoro mehna ye madoqueohya mũhũ, nidi Jesu Judare.

²⁸ Tiquiro sa nigũ tuhona usā mesaru dujina, Jesu Judare tiqiro nidire quehnoano masieda. ²⁹ Ihquēquina ohõ saha ni tuhutumi: “Juda usā niñerure ihboriquiro

ijire. Sa yero bose deco usā ihyatire dú dutiro ohori Jesu Judare. O pejesnoyequinare niñerure oho dutiro niõaga Jesu”, ni tuhutumi usā ihquēquina. ³⁰ Sa yero Juda ti pāre ñehe tuhasa, wijiã wahari. Tiquiro wijiari pje ñami ijiri.

Wahma dutirore yahuahye Jesu

³¹ Tiquiro wijiari bato ohõ saha nidi Jesu:

—Yojoaru pũritare yuhũ masũ Cohācjũ ohorigũ yuhũ tutuagu yuhũ ijie tyere ihñonota Cohācjũ masare. Sa yegu Cohācjũ tiqiro tutuariquiroti ijiyere ihñoutja yuhũ pehe. ³² Sa yegu Cohācjũ tiqiro tutuayere yuhũ ihñogũ tiqiro pehe yuhũ tutuaye gũhũre yojoaru pũritare ihñõ madoqueorota. ³³ Yuhũ pohna yuhũre tuhoya. Meheñe decorigã musa mehna ijinigtja. Yuhũ wahari bato yuhũre macanata musa. Sa yegu mari acaye judio masare yuhũ nidiro sahata musa gũhũre niaja. “Yuhũ wahatore musa pehe waha masiedare”, tiquinare yuhũ nidiro sahata musa gũhũre yahuaja. ³⁴ Wahma dutirore musare yahugata. Musa mehna cjēnare cahña musa. Musare yuhũ cahñiro sahata, musa mehna cjēnare cahña. ³⁵ Sa yena musa mehna cjēnare musa cahigũ ihñañe, yeequina musa ijiyere masieta apequina, nidi Jesu usāre.

“Jesure masiedaja”, Pedro tiqiro niatire yahuahye Jesu

(Mt 26.31-35; Mr 14.27-31; Lc 22.31-34)

³⁶ Tiquiro sa nigũ Simo Pedro Jesure sinituri:

—¿Puhto, nohorũ wahañtjari mũhũ? nidi Pedro.

—Yuhũ wahatorũre yojoaru yuhũ mehna waha masiedare mũhũ. Yojoaru waha masiedapegũta came yuhũ caharu wahañta mũhũ, nidi Jesu Pedrore.

³⁷ —¿Puhto, duhsegũ yojoaru mũhũ mehna waha masiedaboari yuhũ? Yuhũre tiquina wejē duepegũta mũhũre ne duhũsi yuhũ, nidi Pedro Jesure.

³⁸ —¿Yuhũre ne duhueragũtari mũhũ? Poto mũhũre yahutja. Canaca tiqiro yahutato pano “Jesure masiedaja”, niita mũhũ apequinare. Ihtia taha sa niita mũhũ, nidi Jesu Pedrore.

14

Jesu Cohācjũ caharu wahari maha yero saha ijire

¹ Came Jesu usāre ohõ saha ni yahuri:

—Ne bujua witi, pajiro wacũedacãhña. Cohācjũre wacũ tutuaya. Sa yena yuhũ gũhũre wacũ tutuaya. ² Yuhũ Pacũ tiqiro ijiroaru peye wuhũse ijire. Musã ijiatore quehnoyugũ wahagutja. Ti ijirota ijire. Sa yegu musare tire yahuaja. ³ Sa yegu musã ijiatore quehno tuhasa, tojã tautja yuhũ. Sa yegu yuhũ caharu musã ijiatore musare negũ

ahtaatja yuhū. ⁴ Sa yena yuhū wahati mahare masine mūsa, nidi Jesu usāre tiqiro buhenare.

⁵ —Puhto, mūhū wahatore masiedaja usā. ¿Sa yena dūhse ye mūhū wahati mahare masinatarī usā? ni sinituri Tomasu Jesure.

⁶ Tiquiro sa ni sinitugū Jesu yūhtiri:
—Cohācjū caharū wahagū yegu ijiita niaja yuhū. Sa yegu poto ijiyere yahugū ijiita niaja yuhū. Sa yegu uhmūsepere catiducugū yegu ijiita niaja yuhū. Sa ye yeequina dihita yuhū Pacū caharū wahaeta. ⁷ Yūhūre masina, yuhū Pacū gūhūre masiboya mūsa. Yojoṗare tiqirore ihñari mūsa. Sa yena tiqirore masi tuhasare mūsa, nidi Jesu usāre.

⁸ Tiquiro sa nigū Felipe ohō saha nidi:
—Puhto, mari Pacūre ihñofa usāre. To punota ihña duaja usā, nidi tiqiro.

⁹ Tiquiro sa nigū Jesu yahuri:
—¿Felipe, yoari pje yuhū mehna ijepegata, mūhū masiedajari yūhūre? Yūhūre ihñariqiro yuhū Pacū gūhūre ihña tuhasari. ¿Sa yegu “Mari Pacūre ihñofa usāre”, nigū dūhsegu sa niajari mūhū yūhūre? ¹⁰ Yuhū, yuhū Pacū mehna puana ijepernata ihcūta ijaia. ¿Tire “Poto ijerare”, niimeye niajari mūhū? Mūhare yahugū yuhū esa tuhoro yahugū niedaja. Yuhū Pacūre yahu basagu niaja. Sa yero tiqiro yuhū mehna ijiqiqiro tiqiro tutuaye mehna ye ihñore. ¹¹ Yuhū, yuhū Pacū mehna puana ijepernata ihcūta ijaia. Tire “Ijirota ijire”, ni wacūña mūsa. Tire “Ijirota ijire”, niedana, Cohācjū tutuaye mehna yuhū ye ihñore wacūna, yuhū Pacū mehna yuhū ihcūta ijiyere “Ijirota ijire”, ni wacūña mūsa. ¹² Ijirota mūhare niaja. Yūhūre wacū tutuariqiro yuhū yeriro sahata yerota. Sa yero tiqiro pehe yuhū yūhdūoro yerota. Yuhū Pacū caharū tojoa wahaū tū niaja yojoṗare. Sa yero yūhūre wacū tutuariqiro yuhū yūhdūoro Cohācjū tutuaye mehna ye ihñota. ¹³ Sa yegu yūhūre wacū tutuayequina tiquina sinino punota yeitja. Sa yegu yuhū Pacū tiqiro tutuariqiro ijiyere ihñoutja. ¹⁴ Yūhūre wacū tutuana mūsa ijiḡ mūsa sinino punota yeitja, nidi Jesu.

—Espiritu Santore mūhare ohoutja, ni yahuahye Jesu

—Espiritu Santore mūhare ohoutja, ni yahuahye Jesu

¹⁵ Sa ni tuhasa ohō saha ni nemori:
—Yūhūre mūsa cahīna, yuhū dutiyere quehnoano ye pehonata. ¹⁶ Yuhū Pacūre siniiija. Yuhū sa sinigū yuhū Pacū pehe apeqirore mūhare yedohoatiqirore mūhare ohorota. Sa yero tiqiro mūhare yedohoatiqiro pehe ijiḡtiye decori mūsa mehna ijirota. ¹⁷ Tiquiro poto yahuriqiro Espiritu Santota ijire. Ahri yehpa cjēna pehe Espiritu Santore masiedare. Sa ye tiqirore cūo masiedare. Tiquirota mūsa mehna ijirota. Sa yena mūsa pehe tiqirore

cūonata. Sa yena tiqirore masine mūsa. ¹⁸ Mūhare cohāsi yuhū. Mūsa mehna ijiḡ tagū, tojoa tautja yuhū. ¹⁹ Sa ijepegūta mehenogā dūhsare yuhū wahato. Yuhū wahari bato ahri yehpa cjēna yūhūre wacū tutuayequina yūhūre pari turi ihñasi. Mūsa pehe yūhūre ihñanata. Yuhū catigū ijiḡ mūsa gūhū ijiḡtiye decori Cohācjū mehna catinata. ²⁰ Ti deco yuhū tojoa tati deco yuhū Pacū mehna ihcūta usā ijiḡ masinata mūsa. Sa yegu yuhū mehna cjāna mūsa ijiḡ mūsa mehna cjū yuhū ijiḡ gūhūre masinata mūsa. ²¹ Yuhū dutiyere yeriqiro yūhūre cahñiqirota ijire. Sa yero yūhūre cahñiqirore yuhū Pacū pehe cahñota. Sa yegu yuhū gūhū tiqirore cahñitja. Sa ye yūhūre quehnoano masigū yeitja tiqirore, nidi Jesu usāre tiqiro buhenare.

²² Usā mehna cjāno apeqiro Juda wame tiriqiro ijiri. Juda Iscariote Jesure ihña tuhtiyequinare ihñoti qiro ijerari tiqiro. Apeqiro Juda ijiri. Sa yero tiqiro Jesure sinituri:
—¿Puhto, dūhse yeitjari mūhū usāre sa nigū? ¿Ahri yehpa cjēnare mūhūre masigū yeragu, yabere yeitari mūhū usā dihitarē mūhūre masigū yegu? ni sinituri Juda.

²³ Tiquiro sa nigū tuhoro Jesu tiqirore yahuri:
—Yūhūre cahñequina, yuhū dutiyere quehnoano yeye nine. Tiquina sa yegū yuhū Pacū pehe tiquinare cahñota. Sa yena tiquina mehna ijina ahtanatja usā. ²⁴ Yūhūre cahñiqiro yuhū dutiyere yerare. Sa ye yuhū yahuyē mūsa tuhori pehe yee yahuyē ijerare. Yūhūre ohoriqiro ye yahuyē pehe ijire. Tiquiro yuhū Pacūta ijire.

²⁵ Mūsa mehna ijinigū ahrire mūhare yahugū niaja. ²⁶ Came yuhū sinigū yuhū Pacū Espiritu Santore ohorota mūhare. Sa yero Espiritu Santo pehe mūhare yedohoatiqiro ijiro, mūhare buhe pehorota tiqiro. Sa yero mūhare yuhū yahurire mūhare wacūḡ yerota tiqiro.

²⁷ Mūhare quehnoano ijiḡ yeitja yuhū. Yuhū quehnoano ijiro sahata quehnoano ijiḡ yeitja yuhū mūhare. Ahri yehpa cjēna tiquina ni mehoriro sahata yesi yuhū mūhare. Yuhū pūrita potota quehnoano ijiḡ yeitja mūhare. Bujūa witi pajiro wacūdacāhña mūsa. Sa yena cueracāhña mūsa. ²⁸ “Yuhū wahautja. Sa yegu mūsa mehna ijiḡ tagū tojoa tautja”, mūhare yuhū sa ni yahugū tūo tuhasari mūsa. Tire tūhona, bucueboaya mūsa. Yūhūre mūsa poto cahīna, bucueboaya mūsa. Yuhū Pacū pehe yuhū yūhdūoro tutuare. Sa yena tiqiro caharū yuhū wahatore mūsa masidi bato yūhūre cahīna, bucueboaya mūsa. ²⁹ Mūsa yūhūre wacū tutuare yuhū wahatore yahuyugū niaja mūhare.

²⁹ Mūsa yūhūre wacū tutuare yuhū wahatore yahuyugū niaja mūhare.

²⁹ Mūsa yūhūre wacū tutuare yuhū wahatore yahuyugū niaja mūhare.

²⁹ Mūsa yūhūre wacū tutuare yuhū wahatore yahuyugū niaja mūhare.

³⁰ 'Ahri yehpa cjēna puhtoro watfno puhtoro ijiro taro nine yojoṗare. Tiqiro sa ijiro tagū yuhū mūsa mehna yuhū yahuducu bato tiati pje mehenogā dūhsare. Tiqiro pehe yuhūre yuhdūduca masiedare. ³¹ Sa yegū yuhūre yuhū Pacū tiqiro dutiriro sahata yeaja yuhū. Sata yeaja yuhū, yuhū Pacūre yuhū cahīñene ahri yehpa cjēna tiqina masiatire. Wahcādūcaya. Isa wahana, nidi Jesu ūsāre tiqiro buhenare.

15

Jesu ūhse da yero saha ijiriquiro ijire

¹ Came queoye mehna buhero ūsāre ohō saha nidi Jesu:

—Yuhū potota ūhse da yero saha ijigū ijiaja. Yuhū Pacū pehe ūhse dare ihña ihboriquiro yero saha ijire. ² Yeequina ūhse da dūṗari yero saha ijieyquina yuhū mehna cjēnata ijire. Ūhse da dūṗari dūca marieñe dūṗarire ihña ihboriquiro tiqiro pehe cohāriro saha yuhū Pacū tiqiro cahmeñene yerariquinare cohāre. Dūca tiye dūṗarire ihña ihboriquiro tiqiro quehnoriro saha yuhū Pacū tiqiro cahmeñene yeyequinare yedohorota tiqiro, “Yuhū cahmeñene ye nemoahdo”, nino. ³ Yeere tuhona, “Ijirota ijire”, nidi mūsa. Sa yero yuhū Pacū mūsa ñañe yerire cohā tuhasari. ⁴ Yuhū mehna cjāna ijiaja mūsa. Sa yegū mūsa mehna ijitja. Ūhse da dūṗari ūhse da mehna wahñaedaye dūṗari ijieye, ti dūṗari pehe dūca mariedare. Sata yuhū mehna cjāna ijierana, yuhū Pacū cahmeñene ye masiedare mūsa.

⁵ Yuhū ūhse da yero saha ijigū ijiaja. Mūsa pehe ti da dūṗari yero saha ijina ijire. Yuhū mehna cjāno mehna yuhū ijigū dūca tiye dūṗari yero saha tiqiro yuhū Pacū cahmeñene yere. Yuhū mehna cjāna ijierana yuhū Pacū cahmeñene ye masiedare mūsa. ⁶ Ñañe dūṗarire tiqiro cohāboriro saha yuhū mehna cjēna ijieyquinare yuhū Pacū cohānota. Ti dūṗari ñai dijiaa wahagū ūhse dare ihña ihboriquiro ti dūṗarire ne cahmecoa pecarū ūjūa cohānota. Sata yerota Cohācjū yuhū mehna cjēna ijieyquinare.

⁷ Yuhū mehna cjāna ijina, yuhū buheyere boeraboaga mūsa. Sa boerana, mūsa cahmeno punota siniña. Sa yegū mūsa sinino punota ye basautja. ⁸ Yuhū Pacū cahmeñene yena mūsa ijigū ihñañe “Jesu yequina ijire ahriquina”, ni masieta masa. Sa ye mūsa ihñañe yuhū Pacūre ño peoeta. ⁹ Yuhū Pacū yuhūre tiqiro cahīdiro sahata mūsa yuhū gāhū cahīe tii. Yuhū cahīna ijiducuya mūsa. ¹⁰ Yuhū cahīnequina ijiducuyequina yuhū dutiyere yere. Yuhū Pacū ye dutiyere yeaja yuhū. Sa yegū tiqiro cahñogu ijiducujaja yuhū. Sata mūsa gāhū yuhū dutiyere yena yuhū cahīna ijiducunata mūsa.

¹¹ 'Ahrire mūsa yahuu yuhū mehna mūsa quehnoano bucueatire. Sa yena tutaro bucuenata mūsa. ¹² Ohō saha dutiaja mūsa: Mūsa yuhū cahīdiro sahata mūsa mehna cjēna gāhūre cahīña. ¹³ Ihcāquiro masino tiqiro mehna cjāno ye buhiri yariraro tiqiro mehna cjānore tutaro cahīne, apeqina tiqina cahīdiro yuhdūoro. ¹⁴ Sa yena yuhū dutiyere yena yuhū mehna cjāna ijire mūsa. ¹⁵ Potota yuhū mehna cjāna waro ijire mūsa. Mūsa sa ijigū ijipihtiye yuhū yerire yahuaja mūsa. Cahacjāno tiqiro puhtoro yerire masiedare tiqiro. Sa yegū “Yuhū cahacjāna ihyo ijina ijire mūsa”, mūsa niedaja. Yuhū Pacū yuhūre tiqiro yahurire mūsa yahu pehou. Sa yahugu “Yuhū mehna cjāna ijire mūsa”, mūsa niaja yojoṗare. ¹⁶ Mūsa pehe yuhūre ne beserari. Yuhū pehe mūsa besei yuhū Pacū cahmeñene mūsa yeatire. Mūsa sa yegū mūsa yeye ne ihyo waro ijisi. Ahri deco yoaro punota sa ijiducuaati ijire mūsa yeye. Mūsa sa yegū yuhūre mūsa wacū tutuagū yuhū Pacūre mūsa sinino punota tiqiro mūsa ohorota. ¹⁷ Ahrire mūsa dutiaja yuhū: Mūsa mehna cjēnare cahīña mūsa, ni yahuri Jesu.

Jesure tiqiro yequina gāhūre ahri yehpa cjēna ihña tuhtire

¹⁸ Sa yero tiqiro yahu nemori:

—Ahri yehpa cjēna mūsa tiqina ihña tuhtigū ihñana ahrire wacūña mūsa: Mūsa tiqina ihña tuhtiatu pano yuhū pehere ihña tuhti mūhtari tiqina. ¹⁹ Cohācjūre cahmedana mūsa ijigū, ahri yehpa cjēna tiqina cahmeñene mūsa gāhūre cahīboaya tiqina. Ahri yehpa cjāna mūsa ijigū mūsa besei. Sa yena yojoṗare ahri yehpa cjāna waro ijierare mūsa. Mūsa sa ijieragū ihñañe ahri yehpa cjēna mūsa ihña tuhtire. ²⁰ “Yeequina ijina mūsa yuhū bui ijierare”, mūsa yuhū nidire wacūña mūsa. Sa yena yuhū docarū ijina yuhū ñano yuhdūriro sahata ñano yuhdūnata mūsa gāhū. Yuhūre ñano yeriquinata mūsa gāhūre ñano yeeta. Yuhū buhegū yuhūtiquinata mūsa buhegū gāhūre yuhūtieta tiqina. ²¹ Ahri yehpa cjēna yuhūre ohoriquore masiedare. Sa ye yuhūre wacū tutuana mūsa ijigū ihñañe tiqina ñano yeeta mūsa.

²² Tiquinare yuhū buhegū ahtaeragū yuhūre tiqina cahmedari buhiri, buhiri mariedaboaya. Yojoṗare tiquinare yuhū buheri bato “Ñañe buhiri mariedare ūsāre”, ni masiedare tiqina. ²³ Yuhūre ihña tuhtiriquiro yuhū Pacū gāhūre ihña tuhtire. ²⁴ Cohācjū tiqiro tutuaye mehna apeqina tiqina ne yerarire ye ihñou. Sa ye tiquinare tire yuhū ye ihñoadagū tiquinare ñañe buhiri mariedaboaya. Cohācjū tutuaye

mehna yuhū ye ihñorire tiquina ihñari bato yuhure yuhū Pacu gūhure ihña tuhtire tiquina. ²⁵ Sa ihña tuhtiyē Cohācǵū yere tiquina ojoari pūpū duitapūta tiquiro ni ojoariro sahata yeye nidi tiquina. Ohō saha ni ojoahye: “Tiquinare yuhū ñano yerapegūta yuhure ihña tuhtire tiquina”, ni ojoahye duitapūta Cohācǵū yere tiquina ojoari pūpū.

²⁶ Yuhū batopū mūsare yedohoatiquiro, yuhū Pacu mehna ijiriquiro mūsare yuhū ohoatiquiro Espiritu Santota ijire. Tiquiro potota yahuriquiro ijire. Sa yero tiquiro ahtarō, yuhū ijire tiyere yahurota mūsare. ²⁷ Masare yuhū buhe ducagūpūta masa gūhū decoripe yuhū mehna ijiducuri. Sa yena masa gūhū yuhū ijire tiyere yahunata apequnare, ni yahuri Jesu.

16

¹ Sa ni tuhasa usāre ohō saha ni yahu nemori:

—Came yuhū buheyere yuhū gūhure masa cohāedatire ahrire ijipihiyere yahuu mūsare. ² Judio masa mari buheye wūhūserū masa saǵā duagū mūsare saǵā dutisi yeequina masa ijiri buhiri. Sa ye ape tahapū mūsare wejē, “Cohācǵū cahmeñene yena niaǵa”, ni tuhotuetamaga apequna. ³ Sa ye yuhū Pacure, yuhū gūhure tiquina masiedare. Sa masiedaye mūsare ñano yeeta tiquina. ⁴ Sa yena mūsare ñano tiquina yegū ihñana “Tiquina ohō saha yeato panota Jesu yahu tuhasari usāre”, ni wacūnata masa. Masa sa ni wacūtare yojopure ahrire yahu mahtagū niaǵa mūsare, ni yahuri Jesu.

Espiritu Santo tiquiro yeatire yahuahye Jesu

Sa ni tuhasa ohō saha ni yahu nemori:

—Coā waropure masa mehna ijigū ahrire mūsare yahuern. ⁵ Yojopū pehere yuhūre ohoriquiro cahapū wahaŋtja. “ǵNohopū wahaŋtjari mahū?” yuhure ni, ihcāquiro borota ne sinituerari masa. ⁶ Sa sinituerapenata yuhū waharire mūsare yuhū yahu mūǵagū masa ñano jeripohna tire. ⁷ Mūsare ijirota yahugūta niaǵa. Yuhū wahari bato mūsare quehnoanota. Yuhū ūhmūserū wahaeragū mūsare yedohoatiquiro pehe ahtaeraboaya. Wahagū mūsare tiquirore oho dijioutja yuhū. ⁸ Yuhū sa oho dijiogū tiquiro ahtarota. Sa wihiro ahri yehpa cǵēna ñaŋe yeequina tiquina ijiyere tiquinare masigū yerota tiquiro. Sa yero quehnoano ijire tiye gūhure buherota tiquiro masare. Sa yero Cohācǵū masare tiquiro buhiri dahreato gūhure yahurota masare yedohoatiquiro pehe. ⁹ Yuhure wacū tutueyquina ijire ahri yehpa cǵēna. Sa yero yedohoatiquiro pehe masa ñaŋe yeequina tiquina ijire tiyere tiquinare

masigū yerota. ¹⁰ Yuhū Pacu cahapū wahaŋtja. Yuhū sa wahari bato masa yuhure ihñasi. Sa yero quehnoano ijire tiye gūhure buherota yedohoatiquiro pehe. ¹¹ Ahri yehpa cǵēna pūhtorore wātinore Cohācǵū buhiri dahre duti tuhasari. Sa yero Cohācǵū masare tiquiro buhiri dahreati gūhure yahurota yedohoatiquiro pehe.

¹² Pajiro ijire mūsare yuhū yahuati. Yuhū sa yahu nemo duepegūta tire yuhū yahugū yojopū masinisi masa. Sa yena yojopure quehnoano tuhosi masa. ¹³ Yuhū sa yahu nemoedagū Espiritu Santo pehe mūsare yahu nemono ahtarota. Tiquiro esa tuhoro mūsare yahusi. Tiquirore yuhū Pacu yahu dutirire tiquiro yahurota mūsare. Sa yero mūsare poto yahu pehorota. Sa yero “Camerū ohō saha wahaŋtja”, ni yahurota tiquiro mūsare. ¹⁴ Sa yero yeere mūsare tiquiro yahurota. Sa yahuro yuhure ño peogū yerota masare. ¹⁵ Ijipihiyē yuhū Pacu ye, yee gūhū ijire. Sa yegū “Espiritu Santo pehe yeere yahurota mūsare”, nii mūsare, ni yahuri Jesu.

—*Būǵua witina ijiepenata came bucuenata masa, ni yahuahye Jesu*

¹⁶ Sa ni tuhasa ohō saha ni yahu nemori:

—Mehenogā bato masa yuhure ihñasi. Sa yena mehenogā bato masa yuhure ihñanata tja, nidi Jesu usāre tiquiro buhenare.

¹⁷ Tiquiro sa nigū tuhona, usā pehe meheñequinagā ohō saha ni yahuducuu usā basi:

—ǵ“Mehenogā bato masa yuhure ihñasi. Sa yena mehenogā bato masa yuhure ihñanata tja”, nino dūhse nino sa niajari marine? ǵSa yero “Yuhū Pacu cahapū wahaŋtja”, nino dūhse ijiro boro marine sa niagari tiquiro? ¹⁸ ǵ“Mehenogā bato”, nino dūhse nino sa niajari ahriquiro? Tiquiro ni yahurire quehnoano masiedaja mari, ni yahuducuu usā basi.

¹⁹ Usā sa ni yahuducugū Jesu tiquirore usā sinitu duarire masino, usāre yahuri:

—ǵ“Mehenogā bato masa yuhure ihñasi. Sa yena mehenogā bato yuhure ihñanata tja”, yuhū nidire sinitu duajari masa? ǵTire yuhū nidire masiedajari masa? ²⁰ Ijirota mūsare nigū niaǵa. Yuhū yariagū ihñana masa utinata. Sa yena tutuaro būǵua witi-nata. Sa ye yuhure ño peoequina pehe bucueta. Masa pehe būǵua witi-nata, came bucuenata masa. ²¹ Ohō saha ijire ti: Numino niji wahcōno, ticoro ñano yuhduato pano ijire. Sa yero ticoro tutuaro būǵua witi-re. Sa būǵua witi-perota ticoro pohna tiri bato ticorore puridire wacūedare ticoro. Nijinogā ahri yehpapū tiquiro masa bajuagū ticoro bucuere. Sa yero ticorore puridire wacūedare. ²² Sata masa yojopure būǵua witinata. Came mūsare ihñanata. Sa

yena mäsä tutuaro bucuenata. Mäsä sa bucuägü apeqüina müsare bujua witiägü ye masisi.

²³ Ti deco mäsä yuhäre ihñari deco yuhäre sinitusi mäsä. Masi tuhasarinapü ijinata. Ijirota müsare nigü niaja. Yuhäre mäsä wacü tutuagü ihñano yuhü Pacure mäsä siniñene tiqüiro müsare ohorota. ²⁴ Ahri deco pano yuhü tutuaye mehna Cohäcüre siniedarüdi mäsä. Yuhäre wacü tutuatjiäna Cohäcüre siniña. Mäsä sa sinigü mäsä sinidire müsare ohorota, mäsä quehnoano bucuatire, nidi Jesu usäre.

Ñañequinare Jesu pehe yuhdüncahye

²⁵ Sa ni tuhasa ohö saha ni nemori:

—Queoye mehna müsare yahue tii. Sa yahuepegüta came müsare queoye mehna yahusi yuhü. Sa yahueragü yuhü Pacu pehere quehnoano poto yahutja müsare. ²⁶ Ti decore müsare yuhü Pacure sini basasi yuhü. Yuhäre wacü tutuana, mäsä basi tiqüirore sininata. ²⁷ Mäsä yuhäre cahine. Sa yena yuhü Pacu cahapü yuhü ahtarigü ijigü “Ijirota ijire”, nine mäsä. Sa nina mäsä ijigü ihñano yuhäre cahina mäsä ijigü ihñano yuhü Pacu pehe müsare cahine. Tiqüiro sa cahigü tiqüirore mäsä sininata. ²⁸ Yuhü Pacu cahapü ijirigü ahri yehpare ahtau yuhü. Sa yegu yojopäre ahri yehpare ijirigü yuhü Pacu cahapü wahaütja, nidi Jesu.

²⁹ Tiqüiro sa nigü usä tiqüiro buhena ohö saha nii:

—Yojopü pürita queoye marieno yahuducügü quehnoano bajuro yahugü nine mähü usäre. ³⁰ Mähü quehnoano masi pehogü mähü ijigü yojopü püritare usä masiaja. Sa ye apeqüina mähäre buhe masiedare. Tire yojopäre usä quehnoano masiaja. Usä quehnoano masina, Cohäcü cahapü ahtarigü mähü ijigü “Ijirota ijire”, niaja usä, nii usä Jesure.

³¹ Usä sa nigü Jesu yahtiri usäre:

—Yojopäre “Ijirota ijire”, niajari mäsä?

³² Came cjöno ijipihüna mäsä wuhusepü waha sitena, yuhäre cohänata mäsä. Mäsä sa cohäpegüta yuhü Pacu pehe yuhü mehna ijire. Sa yegu yuhü ihcäta ijieraja. ³³ Ahrire müsare yahu mähtau, yuhäre mäsä wacü tutuaye mehna mäsä quehnoano ijiatore. Cohäcüre cahmeñequina cahapü mäsä ijigü ñano yeeta müsare tiqüina. Tiqüina sa yepögüta bucuaya mäsä. Ahri yehpa cjöna tiqüina ñañe yerire yuhdüncagü ijiäja yuhü. Sa yena yuhäre wacü tutuana bucuaya mäsä, nidi Jesu usäre tiqüiro buhenare.

17

Jesu tiqüiro buheyequinare Cohäcüre sini basahye

¹ Sa ni yahu tuhasa Jesu ahmuanopü ihña mho, Cohäcüre ohö saha ni yahuducuri:

—Mai, yojopäre mähü yahu queoriro sahata yuhäre ñano tiqüina yeati pje esarota nine. Yuhäre mähü macure masare ño peogü yeya. Mähü sa yegü mähäre masare ño peogü yeitja yuhü gähü. ² Ijipihüequina pühto yuhäre cürü mähü. Sa yegu yuhäre mähü ohoriquinare mähü mehna sa ijiducügü yeitja yuhü. Sa yegu mähäre masare ño peogü yeitja yuhü. ³ Mähü dihita Cohäcüre waro ijire. Yuhü Jesucristo mähü ohorigü ijiäja. Sa ye ijipihüequina mähäre masiñequina, yuhü gähäre masiñequina ahmusepü mari mehna sa ijiducüeta, nidi Jesu.

⁴ Sa ninota ohö saha ni nemori mari Pacure:

—Ahri yehpare mähü ye dutirire ye peho tuhasau yuhü. Sa yegu mähäre masare ño peogü yei yuhü. ⁵ Ahri yehpa ijiato pano mähü mehna yuhü ijigü ijipihüequina yuhäre tiqüina ño peo mähtariro sahata yojopäre yuhäre tiqüina ño peogü yeya tja.

⁶ Ahri yehpare ijieyquinare yuhäre mähü ohoriquinare mähäre masigü yei. Mähü ohoriquina mähü yequina ijire. Sa yegu tiquinare ohori mähü yuhäre. Sa ye mähü dutiyere yeri tiqüina. ⁷⁻⁸ Yuhäre mähü yahurire tiquinare buhei. Yuhü sa buhegü tühoye yuhü buheyere cahmedi tiqüina. Sa ye potota mähü cahapü ahtarigü yuhü ijigü masine tiqüina. Sa ye mähü ohorigü yuhü ijigü “Ijirota ijire”, ni tühature tiqüina. Sa ye ijipihüye yee mähü ye ti ijigü masine tiqüina.

⁹ Tiquinare mähäre sini basagü niaja. Apeqüina pehere sini basagü niedaja yuhü. Yuhäre mähü ohoriquina mähü yequina ijire. Sa yegu tiquinare sini basagü niaja mähäre. ¹⁰ Tiqüina ijipihüequina mähü yequina ijire. Sa ye mähü yequina pehe yeequina ijire. Yuhäre wacü tutuaye yuhü tutuagü ijiyere masigü yere tiqüina masare.

¹¹ Yojopäre ahri yehpare tojoasi yuhü. Mähü cahapü wahaü tühü niaja. Yuhü sa wahaepögüta yojopäre yuhäre mähü ohoriquina ahri yehpare tojoare. Mai, mähü quehnoagü ijire. Yuhäre mähü ohoriquinare mähü tutuaye mehna ihña ihbo basaya. Mähü sa ihña ihbogü mari ihcäta mari ijiro saha tiqüina gähü ihcä curuata ijahro. ¹² Tiqüina mehna ijigü mähü tutuaye mehna tiquinare quehnoano ihña ihbou. Ihcäqüro pürita pecapü waharota mähü yere tiqüina ojoari püpü yahuriro sahata.

¹³ Yojopäre mähü cahapü wahaü tühü niaja. Sa yegu ahri yehpare ahri ijipihüyere yeequinare yahuaaja yuhü mehna tiqüina quehnoano bucuatire. ¹⁴ Mähü yere yahuu tiquinare. Tiqüina gähü yuhü yero sahata ahri yehpare iji dojoatiqüina ijierare. Sa

ye ahri yehpa cĵena pehe tiquinare ihña tuhtire. ¹⁵ “Ahri yehparu ijijequinare, yeequinare neahña”, niedaja. Yuhu sa niedapeguta tiquinare quehnoano ihña ihboya. “Watino ñañene tiquinare ye dutiari”, nigu, quehnoano ihña ihboya tiquinare. ¹⁶ Ahri yehpa cĵ ijieraja. Tiquina gahu yahu yero sahata ahri yehparu iji dojoatiquina ijierare. ¹⁷ Yeequinare mahu buhye mehna quehnoañequina yeya tiquinare. Mahu yahuye pehe ijirota ijire. ¹⁸ Ahri yehparure yahure mahu ohoriro sahata yahu pehe yeequina gahure mahu yere buhe dutigu ohou. ¹⁹ Mahu cahmeñene yegu tagu yariacju ijigu yahu pagure ohoaja. Sa yeaja yahu, yeequina gahu mahu cahmeñene poto tiquina quehnoano yojire.

²⁰⁻²¹ “Yeequina yeoyare ijijequina dihitare yedohoya”, ni sini basaeraja yahu. Yeequina arequina gahure yeere tiquina buheri bato tiquina gahu yahure wacu tuueta. Tiquina gahure yedohoya, yeequina ijipihiteyquina ihcã curua tiquina ijiro quehnoano. Yuhu mahu mehna mari puana ijiepenata ihcãta ijiaja. Ihcãta mari ijiro sahata tiquina gahu mari mehna ihcã curuata ijiaho. Ihcã curuata ijiaho, mahu ohorigu yahu ijijere ijipihiteyquina masa “Ijirota ijire”, tiquina niatire. ²² Yahure mahu tutuaye ohorire yeequinare ohou. Ti tutuayere cuoye, ihcãta mari ijiro sahata tiquina gahu ihcã curuata ijietā. ²³ Yuhu tiquina mehna ijiaja. Sa yegu mahu yahu mehna ijire. Mari sa ijigū yeequina poto ihcã curuata quehnoano ijietā. Ihcã curuata tiquina ijigū ihñañe mahu ohorigu yahu ijijere ahri yehpa cĵena masieta. Sa ye yahure mahu cahĵiro sahata yeequina gahure mahu cahñene masieta masa.

²⁴ ‘Mai, ahri yehpa iji ducato pano yahure cahĵe tiri mahu. Sa cahĵu yahu tutuagu ijijere ihñori mahu. Sa yegu yahure mahu ohoriquinare yahu mehna tiquina ijigū cahmeaja, yahu tutuagu ijijere tiquina masiatire. ²⁵ Mai, mahu quehnoagu ijire. Ahri yehpa cĵena ñañequina mahure masiedare. Yuhu pehe mahure masiaja. Sa ye mahu ohorigu yahu ijigū masine yeequina. ²⁶ Tiquinare mahure masigū yei. Came gahure mahure tiquinare masigū yeitja, yahure mahu cahĵiro sahata arequinare tiquina cahiatire. Sa yegu yeequina mehna ijigatja, nidi Jesu mari Pacare.

18

Jesure peresu yeahye

(Mt 26.47-56; Mr 14.43-50; Lc 22.47-53)

¹ Tiquiro sa nidi bato Jesu, usã gahu tiquiro buhena Cedro wame tiri mare pehã, olivo wame tiye cĵu wesepu esau. ² Peye tahari ti wesepu Jesu mehna cahmecoae

tii. Sa yero Juda Jesure ihña tuhtiyequinare ihñoatiquiro ti wesere masidi. ³ Sa masino puã curua surarare umuã tã cãhtari ti wesepu Jesure ihñono taro. Ihcã curua surara waro ijiri. Ape curua surara Cohãcĵu wuhure cohteyequina ijiri. Tiquina pahia puhtoã, fariseo masa tiquina ohoriquina ijiri surara, Cohãcĵu wuhure cohteyequina mehna. Sa ahtaye sihãñe pacare, sihãñe cĵu gahure sihã cãhtari. Tiquina wamoã gahure ne cãhtari tiquina. ⁴ Ti wesepu tiquina wihiri bato Jesu tiquiro ñano yahduatire masino, tiquinare piti ca, sinituri:

—¿Noare macana niajari masa? nidi Jesu.

⁵ —Jesu Nazare cĵanore macaja usã, ni yuhtiri tiquina.

—Tiquiro tjiaja yahu, nidi Jesu.

Juda pehe Jesure ñehe dutiro ihñoriquiro tiquina mehna ijiri. ⁶ Sa ye “Tiquiro tjiaja yahu”, Jesu niguta tiquina pehe tuho maria waha, du siti maa, yehparu bora quehe sari. ⁷ Tiquina sa wahagu ihñano pari turi sinituri tiquinare Jesu:

—¿Noare macana niajari masa? nidi.

—Jesu Nazare cĵanore macana niaja usã, ni yuhtiri tiquina tja.

⁸ —“Yahu tjiaja”, ni tuhasamigu yahu musare. Sa yena yahure ñehena ahriquinare yahu mehna cĵenare peresu yeracãhña masa, nidi Jesu.

⁹ Sa usãre cahño ne ihcãquirore butigū yerari. Sa yero to pano Cohãcĵure tiquiro nidiro sahata yero nidi tiquiro. “Yahure mahu ohoriquinare ne ihcãquiro boera”, tiquiro nidiro sahata yero nidi Jesu. ¹⁰ Sa ye Simo Pedro ñoseni pjñe cuoro, ti pjñe tuã we nedoqueo, pahia puhtoro cahacãno Malco wame tiriquiro cahmonore date pahre cãri. Poto pehe cĵa cahmonore date pahre cãri. ¹¹ Tiquiro sa date pahreġã ihñano Jesu tiquirore ohõ saha nidi:

—Mahu ñoseni pjñe ihboya. Yahu Pacu yahure tiquiro ñano yahdu dutiriro sahata ñano yahduatja yahu, nidi Jesu Pedrorre.

Pahia puhtoro cahapu Jesure neahye tiquina

(Mt 26.57-58; Mr 14.53-54; Lc 22.54)

¹² Tiquiro sa ni tuhasaguta surara, tiquina puhtoro mehna, Cohãcĵu wuhure cohteyequina surara gahu Jesure ñehe, tiquirore duhteri. ¹³ Duhte tuhasa Anã cahapu nea mahtari tiquina. Anã pehe Caifa mareino ijiri. Caifa pehe ti cahmare pahia puhtoro ijiri. ¹⁴ “Judio masa ye ijiatire ihcãquiro masno yariagu quehnoanota”, nidiquiro boro ijiri Caifa pehe.

—Jesure masiedaja, niahye Pedro

(Mt 26.69-70; Mr 14.66-68; Lc 22.55-57)

¹⁵ Sa yena yahu Simo Pedro mehna Jesure yoa cĵunopu ihña nãnu tãu. Caifa ya wuhuru neañe nidi Jesure. Yahu pehe pahia

puhtoro tiqiro ihña masinohga ijigu Jesu bato puhtoro ya wuhu ijiri sahrinopu saja waha. ¹⁶Yuhu sa sajagü Pedro pehe sahrino sopecahapu tojoaduca sari. Sa yegu majare wijia ta, sopecahare cohtericorore sinituu. Yuhu sa sinitu tuhasagü ticoro Pedore saja ta dutiri. Ticoro saja ta dutiri bato wuhu Pedore ne saja waha. ¹⁷Yuhu sa ne sajagü ihñano sopecahare cohtericoro pehe Pedore sinituri:

—¿Jesu buheyequina mehna cjä ijierajari mahu? nidi ticoro Pedore.

—Ijieraja wuhu, ni yuhtiri Pedro pehe.

¹⁸Usä esato pano to cjëna puhto cacacjëna, surara mehna tiquina sohmati pecare wijia tuhasari jiri. Yuharidi. Sa ye tiquina ti peca daktu caha ducuye, sohmanë nidi. Tiquina sa sohmagü ihñano Pedro gahu ahta, sohmani.

Pahia puhtoro Jesure sinituahye

(Mt 26.59-66; Mr 14.55-64; Lc 22.66-71)

¹⁹Sa ye pahia puhtoro Jesu buherire, usä tiqiro buhena gahure sinituahye Jesure. ²⁰Tiqiro sa sinitugü Jesu pehe yuhtiahye tiqirore:

—Ijipihtiequineare buhega tiquina ihñono ducuu. Sa buhega judio masa mari buheye wuhasepu Cohäcju wuhapu gahure sa buheducuu wuhu. Duhtitjiagu buhera wuhu. ²¹¿Duhsega yuhure sinituajari mahu? Sinitu duaga wuhu buheyequineare sinituya. Yuhu buherire tiquina masine, ni yuhtiahye Jesu.

²²Tiqiro sa nigü tuhoro topu ducuriqiro surara pehe tiqiro omoca mehna Jesure quëahye.

—Sa niedacähña pahia puhtoro, niahye surara pehe Jesure.

²³Tiqiro sa nigüta Jesu ohö saha niahye:

—Ñano wuhu ni yahuducurire yahuya yuhure. ¿Poto masare yuhu yahuepegüta, duhsega tagu yuhure quëajari mahu? niahye Jesu surarare.

²⁴Came Anás Jesure tiquina duhteriqirore Caifa pahia puhtoro cahapu ohoahye.

—*Jesure masiedaja, pari turi niahye Pedro*

(Mt 26.71-75; Mr 14.69-72; Lc 22.58-62)

²⁵Sa ye Simo Pedro peca daktu cahapu ducuro, sohmano nidi. Tiqiro sa sohmaducugü ihñañe to cjëna tiqirore sinituri:

—¿Mahu gahu Jesu buheyequina mehna cjä mahu ijierajari? nidi tiquina Pedore.

—Ijieraja wuhu, ni yuhtiri Pedro.

²⁶Sa yero pahia puhtoro cahacjëna mehna cjëno Pedro tiqiro cahmono dute pahrediqiro acayuro pehe Pedore sinituri:

—¿Jesure tiquina ñehedi wesepu wuhu ijigü mahu gahu tiqiro mehna ijieracoahte? ni sinituri tiqiro Pedore.

²⁷—Yuhu tiqiro mehna ijiera, nidi Pedro.

Tiqiro sa nigüta canaca yahuri.

Jesure Pilato sinituahye

(Mt 27.1-2, 11-14; Mr 15.1-5; Lc 23.1-5)

²⁸Ñami cjüno ijigü Caifa ya wuhapu ijiriquina Jesure ne wijia, Roma cjëna puhtoro Pilato ya wuhapu nea wahari tiquina. Sa wahaepeta tiqiro ya wuhapu sajädari. Pascua deco ijigü tiquina ihyatiquina ijiye, ohö saha nidi: “Judio masano ijierare Pilato. Tiqiro sa ijiriqiro ijigü tiqiro ya wuhare sajäna, mari dutiyere yuhdaducana niboaga. Sa yena mari sajagü marine bosc deco cjë ihyayere ihya dutieraboaga”, nidi. Sa niñe puhtoro Pilato ya wuhare sajädari Jesure neariquina pehe. ²⁹Tiquina sa sajädagü ihñano Pilato tiquina cahapu wuhu sopecahapu esaducaro, tiquinare sinituri:

—¿Yabe buhirire ahriqirore yahusä duajari masa? nidi Pilato tiquinare.

³⁰—Ahriqiro quehnoariqiro ijigü mähure usä ohoeraboaya. Ñariqiro ijire tiqiro, ni yuhtiri tiquina.

³¹Tiquina sa nigü Pilato ohö saha nidi:

—Masa basita tiqirore neaña. Sa yena masa ye dutiye ti nidiro sahata tiqirore buhiri dahreya, nidi Pilato tiquinare.

—Masa ye dutiye pehe usäre masanore wejë dutierare, nidi tiquina Pilatore.

Sa niñe Jesure wejë dutiye tee nidi.

³²Tiquina sa wejë dutigü Jesu pehe curasapu tiqiro yariare to pano tiqiro yahuro sahata wahari. ³³Tiquina sa nidi bato, Pilato pehe wuhapu majare saja, Jesure pijioahye. Pijio tuhasa, tiqirore sinituahye:

—¿Judio masa tiquina puhto tjajari mahu? ni sinituahye Pilato.

³⁴—¿Mahu esa tuharota sa ni sinituajari mahu yuhure? ¿O apeqina pehe yuhure tiquina yahusäri bato tire sinituajari mahu? niahye Jesu Pilatore.

³⁵—Judio masu ijieraja wuhu. Mahu ya yehpa cjëna, pahia puhto gahu mähure ohori usäre. ¿Yabere ñano yeari mahu tiquina sa buhiri dahre duagü? niahye Pilato.

³⁶—Ahri yehpa cjä puhto ijieraja wuhu. Ahri yehpa cjä puhto wuhu ijigü, wuhu buheyequina yuhure yedohoboaya. Judio masare ñehed dutieraboaya. Yuhu puhto ijiye ahri yehpa cjë ijierare, niahye Jesu Pilatore.

³⁷—¿Sa yegu puhto ijiajari mahu sa nigü? niahye Pilato.

—Mahu nino sahata puhto ijiaja. Masa tiquina puhto ijigu tagu masa bajuu wuhu. Sa yegu ahri yehapu ahtau tiquina puhto ijii tahu, poto ijiyere yahugu tahu. Ijipihtiequina poto ijiyere taho duayequina, wuhu yahuyere tuhore, niahye Jesu.

³⁸—¿Yabe boro ijiajari poto ijiye? niahye Pilato.

Judio masa Jesure wejē dutiahye
(Mt 27.15-31; Mr 15.6-20; Lc 23.13-25)

Sa ni tuhasa Pilato judio masa cahā masare tojoa tiquinare yahuri:

—Ahriquiuro Jesure ne buhiri mariedare.
39 Cuhmaripe pascua ijigā ihcāquiuro peresu ijiriquiurore masa wio dutiducure. ¿Sa yegu ahriquiuro Jesureta masa puhtoro ijiatiquiro masare wio basagari yahū? nidi Pilato judio masare.

40 Tiquiro sa nigū tahoye judio masa ohō saha ni sañuducuri:

—Tiquirore wioeracāhña. Barrabā pehere usāre wio basaya, ni sañuducuri judio masa Pilatore.

Barrabā pehe yaque bucuro ijiri.

19

1 Tiquina sa ni sañuducuri bato Pilato Jesure tana dutiahye. Sa ye tiquiro yequina surara pehe tiquiore tanahye. 2 Tana tuhasa tiquina pota behto ye tuhasa, Jesu dapu buipū duhu peohaye. Duhu peo tuhasa, puhtoā ye suhti borore tiquiore sāa tuhasa, tiquiro cahapū esa dūca, ohō saha ni bujūpeahye tiquina:

3 —Quehnoano ahtaya. Judio masa puhto, quehnoano ahtaya, ni bujūpe, Jesu wuhdoare quē mujahye.

4 Sa yero Pilato pari turi judio masa cahapū waha, tiquinare yahuri:

—Tuhoya masa. Ahriquiuro ne buhiri mariediquiro ijire. Sa yegu tire masa masitire masa cahapū tiquiore ne cāhtaa, nidi Pilato.

5 Tiquiro sa ni tuhasagū Jesu pota behto pesariquiuro, puhtoā ye suhti borore sañariquiuro wuhapū ijiriquiuro wijia tari. Tiquiro sa wijia tagū Pilato tiquinare ohō saha nidi:

—Ihñañā. Ahriquiuro ijire tiquiro, nidi Pilato.

6 Tiquiro sa ni tuhasagū tahoye, pahia puhtoā, surara gūhū Jesure ihñañe, sañuducuri:

—Curusapū quē biha wejēñā tiquiore. Curusapū quē biha wejēñā tiquiore, ni sañuducuri tiquina.

—Tiquiro ne buhiri mariedare. Sa yena masa basita tiquiore neahñā. Sa yena masata tiquiore curusapū quē biha wejēñā, nidi Pilato tiquinare.

7 —Tiquiro basi “Cohācǰū macu ijijaja”, nie tiri. Tire tiquiro sa nigū usā dutiye pehe tiquiore wejē dutire, nidi tiquina Pilatore.

8 Tiquina sa nigū tahoro cue yuhduā wahari Pilato pehe. 9 Sa yero pari turi wuhapūre majare sajā, Jesure sinituahye tja:

—¿Noho cǰū ijijajari mahū? ni sinituahye tiquiro Jesure.

Tiquiro sa ni sinituepegūta Jesu tiquiorere yuhtierahye.

10 Tiquiro sa yuhtieragū ihñāno Pilato tiquiorere sinitu nemoahye:

—¿Yuhūre yuhtierajari mahū? Yuhū mahūre peresupū ijirigūre wio masiaja. Sa yegu mahūre curusapū gūhūre quē biha wejē duti masiaja yuhū. ¿Tire masiedajari mahū? niahye Pilato Jesure.

11 —Cohācǰū mahūre tiquiro dutieragū yuhūre ñano ye dutieraboaya mahū. Yuhūre ihñā tuhtiyequinare ihñoriquiuro pehe mahū yuhduoro ñano buhiri tire, niahye Jesu Pilatore.

12 Tiquiro sa nigū tahoro Pilato pehe tiquiorere wio duamahye. Tiquiro sa wio duepegūta pari turi judio masa sañuducuri:

—Jesu “Puhto ijijaja”, nino mari ijipihitina puhtorore Roma cǰanore ihñā tuhtiriquiro ijire tiquiro. Sa yegu tiquiorere wioḡū mahū gūhū mari puhtorore ihñā tuhtigū ijijaga mahū, ni sañuducuri judio masa Pilatore.

13 Tiquina sa nigū tahoro Jesure wuhapū ijiriquiorere ne wijia ta, buhiri dahre dutiro taro tiquiro dujiri pahtapū nuju sari Pilato. Tiquiro buhiri dahre dutiri paa atā mehna tiquina yeri paa judio masa ye mehna Gabata wame tiri. 14 Ti deco pascua bose deco usā ihyatire usā quehnoari deco ijiri. Ti pjere coheri pje waro ijiri. Nuju sa tuhasa Pilato masare ohō saha ni yahuri:

—Ahriquiuro tjire masa puhtoro, nidi tiquiro.

15 Tiquiro sa nigū tahoye judio masa sañuducuri:

—Yariahro tiquiro. Yariahro tiquiro. Curusapū quē biha wejēñā tiquiore, ni sañuducuri tiquina.

—¿Masa puhtoro tiquiro ijiepegūta tiquiorere curusapū quē biha wejē dutiajari masa? nidi Pilato.

Tiquiro sa nigū ohō saha ni yuhtiri pahia puhtoā:

—Mari ijipihitina puhtoro Roma cǰanota tiquiro usā puhtoro ijire. Apequiuro puhtoro usāre mariedare, ni yuhtiri pahia puhtoā.

16 Tiquina sa ni yahuducuri bato Pilato Jesure curusapū quē biha wejē dutiro, tiquiorere ohori tiquinare.

Jesure quē biha wejēahye tiquina
(Mt 27.32-44; Mr 15.21-32; Lc 23.26-43)

Sa ye tiquina Jesure ne wijijari. 17 Tiquina ne wijijagū Jesu pehe tiquiro ya curusare tiquiro basi wua ne, dapu pehtoro wame tiropū esari. Usā judio masa ye mehna Gólgota wame tiri. 18 Topū esayē tiquina Jesure quē biha ohōri. Sa ye apequina puarore ihcāquiuro tiquiro poto pehe, apequiuro tiquiro cū pehe pehe quē biha ohōri tiquina. Sa yero Jesu tiquina deco curusapū

wahñari. ¹⁹ Tiquina quē biha tuhasagū Pilato taboa pñine ojoa duti, Jesure tiquina quē biha ohōri curusapū quē biha ohō dutiri jiri ti pñine. Ohō saha ni ojoa dutiri jiri tiquiro: “AHRIQUIRO JESU NAZARE CJĒNO, JUDIO MASA PUHTORO IJIRE”, ni ojoa dutiri jiri Pilato ti pñine. ²⁰ Ti pñine ojoaro judio masa ye mehna, Roma cjēna ye mehna, griego masa ye mehna ojoari jiri apequiro. Sa yero Jesure curusapū tiquina quē biha ohōriro maca cahagā ijiri. To cahagā ijieyequina peyequina judio masa Pilato ojoa dutirire ihña, buheri. ²¹ Sa buhe tuhasa judio masa usā pahia puhtoā ohō saha nidi Pilatore:

—“Ahriquiro judio masa puhtoro ijire”, ni ojoa dutieracāhña. Usā puhtoro ijierare ahriquiro. Sa yegū ohō saha ni ojoa quehno dutiya māhū. “Ahriquiro Judio masa puhto ijjaja”, ni ihcāquirota tiquiro basita sa ni tuhoturiquiro ijiri”, ni ojoa quehno dutiya, nidi pahia puhtoā.

²² —Yūhū ojoa duti muhtariro sahata ijirota, nidi Pilato tiquinare.

²³ Jesure tiquina quē bihari bato pititariro surara pehe Jesu suhtire tiquina basi itiri. Tiquina sa itū duepegāta ihcā suhtiro yoari suhtiro dohori marieni suhtiro ijiri. Ti suhtiro suhari suhtiro ijiri. ²⁴ Ti suhtiro sa ijjgū ohō saha nidi tiquina basi:

—Ahri suhtirore tuhrēdacāhña. Ahri suhtirore neatiquirore masi duana, doquepeihna mari, nidi tiquina basi.

Sa doquepeye, Cohācjū yere tiquina ojoari pūpū tiquina ni ojoariro sahata yeye nidi tiquina. “Yūhū suhtire tiquina basi itiri. Sa ye yūhū suhtire neatiquinare masi duaye, doqueperi tiquina”, ni ojoahye Cohācjū yere tiquina ojoari pūpū. Tiquiro sa ni ojoariro sahata sa yeye nidi tiquina.

²⁵ Surara tiquina sa yegū, Jesu pacoro, Jesu mūono, María Cleofa namono, María Magdalena mehna Jesu curusa cahagā ihñaducuri tiquina. ²⁶ Sa yero tiquiro pacoro yūhū tiquiro cahñogū gūhū tiquiro cahapū usā ducugū ihñano tiquiro pacorore yahuri Jesu:

—Yojopūre ahriquiro māhū macū ijire, nidi Jesu tiquiro pacorore.

²⁷ Sa ni tuhasa, yūhūre ohō saha ni yahuri tiquiro:

—Yojopūre ahricoro māhū paco ijire, nidi Jesu yūhūre.

Tiquiro sa nidi bato Jesu pacorore ya wūhūpū iji dutii.

Jesu yaria wahahye

(Mt 27.45-56; Mr 15.33-41; Lc 23.44-49)

²⁸ Tiquiro sa ni yahuri bato ohō saha ni tuhotu, masiahye Jesu: “Ijipihitiye Cohācjū yūhūre dahra dutiro tiquiro cūrire ye pehou”, ni tuhotu, masiahye Jesu. Sa masino

Cohācjū yere tiquina ojoari pūpū tiquiro ni yahuriro sahata ohō saha nidi Jesu:

—Aco wūoaga yūhū, nidi Jesu.

²⁹ Sa yero topū vino suēñe co pose tiri sutu dujiri. Sa yero topū ijiriquiro aco ihmīni suhtere suēñe co mehna tiquina sohari suhtere yucagū hisopo wame tidū sohtoapū duhte ohōri. Sa yero Jesu dūseropū siō ohōri.

³⁰ Ti core Jesu ihmī tuhasa ohō saha nidi:

—To punota ijjaga, ninota tiquiro dapure muhri yo, yariaa wahari.

Surara Jesu pati pahma batogā ñoseahye ñosenū mehna

³¹ Ti deco pascua bose deco pano ijiri. Bose deco cjēne usā ihyatire quehnori deco ijiri. Sa ye ape deco saurū ijjgū tiquina bose deco ijjgū curusaripū yariariquinare cū duerari. Ti deco Cohācjūre tiquina ño peori bose deco ijiri. Sa ye ti decopū tiquina quē biha ohōriquinare tiquina ñecu cohārine quē nuha dutiye tehe, judio masa siniahye Pilatore, “Tiquina yaria madoqueoahro”, niñe. Tiquina sa yeri bato tiquina pagurire ne dijio madoqueoye tee nidi. ³² Tiquina sa dutigū surara pehe curusari cahapū esa, ihcāquiro yaqueriquiro ñecu cohārine quē nuhari. Apequiro gūhūre sata yeri tiquina.

³³ Sa ye Jesu ñecu cohārine quē nuhae tee yemehe, tiquiro yariariquiro ijjgū ihñañe, quē nuhaedari.

³⁴ Sa quē nuhaedaye ihcāquiro surara tiquiro pati pahma batogā ñosenū mehna ñosedī. Tiquiro sa ñosegū duita tiquiro dii, aco mehna wijjari. ³⁵ Ti sa wahagū ihñāhū yūhū. Yūhū ahri pūre ojoarigū musare poto yahuaja. Poto yūhū yahuye ijjgū masiaja yūhū. Musare yahuaja mūsa gūhū Jesure mūsa wacū tutuato saha. ³⁶ Cohācjū yere tiquina ojoari pū ti nidiro sahata sa wahari: “Tiquiro cohārine ne ihcā cohāre quē nuhaedari”, tiquiro ni ojoariro sahata Jesu ñecu cohārine ne ihcā cohāre quē nuhaedari.

³⁷ Sa yero ape pūpū Cohācjū yere tiquina ojoari pūpū ohō saha nine. “Tiquirore tiquina ñosediquirore ihñæta tiquina”, ni ojoahye Cohācjū yere tiquina ojoari pūpū.

Jesu pagure masa copēpū cūahye

(Mt 27.57-61; Mr 15.42-47; Lc 23.50-56)

³⁸ Tiquiro yariari bato José Arimatea cjāno Jesu pagure ne dijioro taro, Pilatore siniahye. José pehe apequina judio masare cuero, Jesure wacū tutuariquiro tiquiro ijyere yahu duerahye. Sa yero tiquiro pagure sinidi bato Pilato pehe Jesu pagure nea dutiahye. Tiquiro nea dutigū José curusa cahapū esa, Jesu pagure nea wahahye. ³⁹ Nicodemo gūhū José mehna wahahye. Tiquiro yucagū cjē ehme sitiye, mirra wame tiye ehme sitiye yucagū cjē mehna

dahra moredire ne cāhye. Jesu pagure tiquina cohāto pano tiquina quehnoati ijiahye ti ehme sitiye. Tiquiro ne cāhtari treinta kilo nūcaahye. Nicodemo sohō ijiri pje Jesu mehna tiquiro coā yahuducuri pje űamipū Jesu cahapū esariquiro ijiahye. ⁴⁰ Sa ye tiquina p̄aro Jesu pagure ne, judio masa yariariquinare usā cohāducuro sahata tiquiro pagure ehme sitiye mehna suhti mehna wahmeahye. ⁴¹ Curusapū Jesure tiquina wejēdiro cahapū wese ijiri. Ti weseperū masa cope utāpū wahma tiquina seheri cope ijiri. Ti copere ne ihcāquiro yariariquirore cohāedarīdi. ⁴² Pascua bose deco judio masa bose deco usā ihyatire quehnori deco ijiri. Sa ijiri deco ijigū ti cope cahagā tiquiro curusa ijigū, topū cūahye tiquina Jesu pagure.

20

Jesu masa wijiahye

(Mt 28.1-10; Mr 16.1-8; Lc 24.1-12)

¹ Domingo űami cĵūnogā ijigū, bohreato panogā María Magdalena Jesu masa coperū esahye. Topū esaro ti copere tiquina tu biharia utāre yoa cĵūnorū tiquina p̄o cūria utāre ihñahye ticoro. ² Sa ijigū ihñano, usā cahapū oma tojoa tari ticoro. Simo Pedro mehna yuhū usā p̄ana ijii. Wihi ohō saha ni yahuri usāre ticoro:

—Mari puhtoro pagure ne cāri jiri. Nohorū ne cā cūcoayaye mari masiedaja, nidi ticoro usāre.

³ Ticoro sa nigū tahona, Pedro mehna masa coperū ihñana wahau usā. ⁴ Sa ihñana wahana usā p̄ana oma cāu. Sa oma cāna, yuhū Pedroro oma yuhū cāgu masa coperū esa muhtau. ⁵ Topū esagu muhri ihñā sōu ti copere. Muhri ihñā sōgu tiquirore tiquina wahmedi suhtiro dihitare ihñau. Sa ye ti copere sajāedu. ⁶ Yuhū sa ihñari batopū Simo Pedro yuhū batopū wihiri. Wihi masa coperū sajā, tiquiro pagure tiquina wahmedi suhtirore ihñari tiquiro. ⁷ Sa yero Jesu dapure tiquina wahmedi cahsero gūhure ihñari tja. Ti cahsero sijoro cuñano tiquiro torēdi cahsero ijiri. ⁸ Sa yegu yuhū gūhū masa coperū esa muhtarigu ti coperū sajāu. Jesu sa mariedagū ihñagu “Potota Jesu masa wijiahyā”, ni tuhoutu yuhū. ⁹ Ti coperū usā wahato pano Cohācĵū yere tiquina oĵoari p̄pū Cristo tiquiro yariatire yahurire, tiquiro masa wijiatire yahuri gūhure usā quehnoano masiedarīmi. Ti copere yuhū ihñari bato, “Ijirota Jesu masa wijiahyā”, ni, tuhoutu yuhū. ¹⁰ Sa ihñā tuhasa usā ye wahusepū tojoaa wahau.

Jesu María Magdalenare bajuahye

(Mr 16.9-11)

¹¹ Sa ye masa coperū María majare tojoata, ti cope sopecahapū wihi, ducuro, utiro

niahye. Sa utieperota ticoro muhri ihñā sōahye masa copepūre. ¹² Sa ihñā sōo p̄aro angelere, yehseye suhti sañañequinare Jesu tiquiro cuñamedirorū tiquina dujigū ihñahye ticoro. Ihcāquiro tiquiro dapu timedirorū dujiahye. Apequiro tiquiro dahpocāri timedirorū dujiahye. ¹³ Tiquinare ticoro ihñagū tiquina pehe ticorore sinituahye: —¿Numio, dahse yego utiajari muhū? niahye tiquina.

—Yuhū puhtoro pagure ne cāri jiri. Sa yego tiquiro pagure tiquina cūrire masiedaga yuhū, niahye ticoro.

¹⁴ Sa ni tuhasa, majareducameno Jesure topū ducuriquirore ihñahye ticoro. Sa ihñaperota Jesure masiedahye ticoro.

¹⁵ —¿Numio, dahse yego utiajari muhū? ¿Noare macago niajari? niahye Jesu ticorore.

“Ahriquiro ahri wesere cohteriquiro ijire”, ni tuhutumahye ticoro Jesure. Sa ni tuhoutu, ohō saha niahye ticoro:

—Muhū tiquiro pagure nedigū ijigū muhū cūrirore yahuya yuhure. Muhū yahuri bato tiquiro pagure negotja, niahye ticoro tiquirore.

¹⁶ Ticoro sa nidi bato Jesu ohō saha niahye:

—María, niahye.

Tiquiro sa ni pisugū tuhoro majare ihñadoqueo ticoro hebreo ye mehna ohō saha niahye:

—Rabunī, niahye ticoro Jesure. “Rabunī”, nino, “Buhegu”, nino niahye.

¹⁷ —Yuhū Pacū cahapū mujadarĵaja yuhū. Yuhū sa mujadarĵagū yuhure űehedacāhña. Sa yego apequina yeequina cahapū wahaya. Tiquina cahapū esago ohō saha ni yahuya tiquinare: “Yuhū Pacū cahapū wahau tūu niaja. Mūsa Pacū gūhū ijire tiquiro. Yaquiro Cohācĵū cahapū wahau tūu niaja. Mūsa yaquiro Cohācĵū gūhū ijire tiquiro”, nidi Jesu”, ni yahuya tiquinare, niahye Jesu Mariare.

¹⁸ Tiquiro sa nidi bato María Magdalena usā Jesu buhena cahapū wihi, yahuri usāre:

—Mari puhtorore ihñau yuhū, ni, Jesu tiquiro yahu dutirire yahuri usāre ticoro.

Jesu tiquiro buheyequinare bajuahye

(Mt 28.16-20; Mr 16.14-18; Lc 24.36-49)

¹⁹ Ti deco domingo űamicahapū usā Jesu buhena usā acaye judio masare cuena, wuhūpū biha sajā, dujii usā. Sa usā dujigū Jesu usā watoapū bajuadūca saro ohō saha nidi:

—¿Ne, ijiajari mūsa? Quehnoano ijiiya mūsa, nidi.

²⁰ Sa ni tuhasa, tiquiro omocarine, tiquiro pati pahma bato gūhure usāre ihñori. Sa yena usā tiquirore usā puhtorore ihñana bucui. ²¹ Pari turi Jesu usāre ohō saha nidi:

—Quehnoano ijiya m̄sa. Ȳhu Pac̄a ȳh̄re tiq̄uro ohoriro sahata, m̄sa ḡh̄re yee buheyere buheanare ohoaja, nidi Jesu us̄are.

²² Sa ni tuhasa tiq̄uro us̄are puti peori. Sa puti peoro Esp̄ritu Santore us̄a ñeheatire ih̄ono nidi us̄are. Ih̄no tuhasa oh̄o saha nidi:

—Yojop̄ Esp̄ritu Santore ñeheña m̄sa, m̄sa mehna ijiatiq̄urore. ²³ Apequina tiq̄uina ñañe yerire m̄sa boḡa, sata ijieta. Sa ye apequina tiq̄uina ñañe yerire m̄sa boeraḡa ti bori ijisi, nidi Jesu us̄are tiq̄uro buhenare.

Jesure masa wijariq̄urore Tomasu ih̄ñahye

²⁴ Jesu us̄a watoap̄ tiq̄uro bajuaḡa Tomasu s̄hd̄ariq̄uro tiq̄uina ni pisuriq̄uro us̄a mehna mariedari.

²⁵ Tiq̄uro sa mariedaḡa us̄a mehna c̄j̄ena tiq̄urore yahumedi.

—Mari p̄htorore us̄a ih̄ñau, ni yahumi us̄a Tomasure.

Us̄a sa ni yahuepeḡata oh̄o saha nidi Tomasu:

—Tiq̄uro omocarine tiq̄uina qūe bihari coperire ih̄ñedagu, ti coperire ȳhu omo piria mehna ohbe tuhueragu “Ijirota masa wijiahya”, nisi ȳhu. Sa yegu tiq̄uro pati pahma bato ijiri copere ȳhu omoca mehna sīo s̄odagu, “Ijirota masa wijiahya”, nisi ȳhu tiq̄urore, nidi Tomasu.

²⁶ Ocho decori bato pari turi us̄a tiq̄uro buhena us̄a w̄h̄ap̄ ijii. Ti pjere Tomasu us̄a mehna ijiri. Ti w̄h̄u bihari w̄h̄u ijiri. Bihari w̄h̄u ijiepeḡata Jesu w̄h̄ap̄ saj̄a taro, us̄a watoap̄ bajuaduca saro oh̄o saha nidi:

—¿Ne, ijiajari m̄sa? Quehnoano ijiya m̄sa, nidi.

²⁷ Sa ni tuhasa, tiq̄uro Tomasu yahuri:

—Ih̄ñaña ȳhu omocarine. Sa ye m̄hu omo piria mehna ȳhu omocarine tiq̄uina qūe bihari coperire ohbe tuhuya. Sa yegu m̄hu omoca mehna ȳhu pati pahma bato ijiri copere sīo s̄o tuhuya. “Poto ijierare”, niedac̄ah̄ña. “Ijirota ijire”, niñu m̄hu, nidi Jesu Tomasure.

²⁸ Tiq̄uro sa nidi bato Tomasu ȳhtiri:

—M̄hu ȳhu p̄hto ijire. Yaq̄uro Coh̄c̄j̄u ijire m̄hu, nidi Tomasu Jesure.

²⁹—Ȳh̄re m̄hu ih̄ñari bato ȳh̄re wac̄u tutuare m̄hu. Apequina pehe ȳh̄re ih̄ñedapeta ȳh̄re wac̄u tutuaeta. Sa ye tiq̄uina m̄hu ȳhd̄oro bucueta, nidi Jesu Tomasure.

Jesure mari masiatire ahri p̄re ojoahye Ñ̄u

³⁰ Sa yero peye apeye ḡh̄re Coh̄c̄j̄u tutuaye mehna ye ih̄ñori Jesu us̄a mehna ijiro. Tire tiq̄uro yerire ahri p̄p̄u ojoa pehoerad̄u ȳhu. ³¹ Sa ojoa pehoerapeḡata

ahri p̄p̄u ȳhu yahurire ojoa “Jesuta Cristo Coh̄c̄j̄u ohoriquiro ijire. Tiq̄uro potota Coh̄c̄j̄u mac̄no ijire”, m̄sa ni masiatire. Sa yena m̄sa tiq̄urore wac̄u tutuana Coh̄c̄j̄u mehna m̄sa sa ijiducuatire ojoa ahri p̄re.

21

Jesu siete tiq̄uro buheyequinare bajuahye

¹ Came Tiberia wame tiri ditara d̄ht̄u cahap̄ us̄are tiq̄uro buhenare Jesu pari turi bajuari tja. Us̄are bajuaro oh̄o saha yeri tiq̄uro. ² Simo Pedro, Tomasu s̄hd̄ariq̄uro tiq̄uina niniquiro, Natanae Galilea yehpap̄ ijiri maca, Cana wame tiri maca c̄j̄ano, apequina p̄aro buheyequina, Zebedeo pohna p̄ana us̄a oh̄o p̄equinata cahmecoau.

³ Sa us̄a cahmecoari bato Simo Pedro us̄are oh̄o saha nidi:

—Wahi wej̄eḡu wahau niaja, nidi tiq̄uro.

—Us̄a ḡh̄u m̄hu mehna wahanatja, nii us̄a tiq̄urore.

Sa ni tuhasa buhaa wahau. Sa yena yuc̄sa mehna wahau. Ti ñamine us̄a quehnoano wahi wej̄e bohreepenata ne ih̄c̄aqui wahi wej̄edad̄u. ⁴ Bohrea par̄i quehaḡu Jesu pad̄rop̄ ducuḡu tiq̄urore ih̄ñami us̄a. Sa ih̄ñaeopenata tiq̄urore ih̄ña masiedu us̄a. ⁵ Sa yero tiq̄uro pehe us̄are sinituri:

—¿Ne wahi wej̄ejari m̄sa? nidi Jesu.

—Ne wej̄edabutiaga us̄a, ni ȳhtii us̄a.

⁶—Yuc̄sa poto pehe pahr̄e pehe doque ñoña. Tie pehe doque ñona wahi wej̄enata m̄sa, nidi us̄are.

Tiq̄uro sa niḡu tuhona us̄a tiq̄uro ni-dirota doque ñou. Us̄a doque ño tuhasaḡata peyequina wahi saj̄ari. Peyequina wahi saj̄aḡu w̄ñan̄re yuc̄sap̄ weje s̄ana c̄tedad̄u us̄a. ⁷ Sa yegu ȳhu Jesu cah̄oḡu Pedore yahuu:

—Mari p̄htorota ijire siq̄uro pad̄rop̄ ducuriquiro, nii ȳhu Pedore.

Ȳhu sa niḡu tuhoro Jesuta tiq̄uro ijiḡu masino, Simo Pedro tiq̄uro suhtirore sañari. Wahi wej̄eno taro tiq̄uro suhtirore tu weriquiro ijinidi. Tiq̄uro suhtirore saña tuhasa, diap̄ uhp̄ ñojoaa wahari. ⁸ Sa yena us̄a apequina buhena yuc̄sap̄ ijina, cien metro yoaro diap̄re pahsau us̄a. Sa yena w̄ñan̄re wahi peyequina saj̄ad̄ure yuc̄sa mehna weje n̄juau us̄a. ⁹ D̄ht̄u cahap̄ us̄a wah̄a saḡu, top̄ peca niti dihita asi cuñari peca ijiri. Ti peca bui tiq̄uro puh̄o c̄riq̄urore wahire ih̄ñau us̄a. P̄a ḡh̄re ih̄ñau us̄a.

¹⁰ Sa us̄a ih̄ñaḡu ih̄ñano Jesu us̄are oh̄o saha nidi:

—Mianogã masa wejēdiquinare meheñequinagã ne cãhtaya, nidi usãre.

¹¹ Tiqairo sa nigũ Simo Pedro pehe Jesu mehna ijiriquiro yucusapũ sajã, wēñanure, bujãyequina wahi ciento cincuenta y tres wahi sajãdure weje majari. Peyequina wahi sajãepeta wēñanure tuhrēdari.

¹² —Ihyana ahtaya, nidi Jesu usãre.

“¿Noa boro ijiajari mahũ?” ni sinituerũ usã tiqairore. Usã puhtoro tiqairo ijigũ masii usã. ¹³ Sa yero Jesu peca cahapũ esaro, pãre ne, usãre itiri. Wahi gãhure itiri.

¹⁴ Sa yero Jesu tiqairo masa wijari bato paduropũ bajuaro ihtia taha usãre tiqairo buhenare bajuaro nidi.

Jesu Simo Pedro mehna yahuducuahye

¹⁵ Usã ihyari bato Jesu Simo Pedroro sinituri:

—¿Simo Ñu macũ, ahriquinare mahũ cahĩno yuhũoro yuhũare cahĩajari mahũ? nidi Jesu Simo Pedroro.

—Puhto, mũhare cahĩaja yuhũ. Mũhare yuhũ cahĩgũ masine mahũ, ni yahtiri Simo Pedro.

¹⁶ —Sa yegũ ovejagãre tiquina nuno saha yeequinare buheya mahũ, nidi Jesu.

Sa ni tuhasa pari turi tiqairo Simo Pedroro sinituri:

—¿Simo Ñu macũ, yuhũare cahĩajari mahũ? nidi Jesu.

—Puhto, mũhare cahĩaja yuhũ. Mũhare yuhũ cahĩgũ masine mahũ, ni yahtiri Simo Pedro.

—Ovejare cohteriquiro ovejare tiqairo quehnoano cohtero saha, yeequinare quehnoano buhe cohteya, nidi Jesu Pedroro.

¹⁷ Sa ni tuhasa pari turi Simo Pedroro sinituri:

—¿Simo Ñu macũ, yuhũare cahĩajari mahũ? nidi Jesu tja.

Ihtia taha sa ni tiqairo sinitugũ tuhoro Simo Pedro tutuaro bujãa witiri:

—Puhto, mahũ masi pehore. Mũhare yuhũ cahĩgũ masine mahũ, ni yahtiri Simo Pedro.

—Ovejare tiquina nuno saha yeequinare buheya mahũ. ¹⁸ Ijirota mũhare njaja. Mũhare wahmũ ijigũ mahũ suhtire saña, mahũ cahmediropũ tinie tiahye mahũ. Sa yerigũ mahũ ijiepegãta came mahũ bacũ ijigũ, mahũ omocarine mahũ siũdoqueogũ apeqiro mũhare suhtiro sãanota. Sa yero mahũ waha dueropũ mũhare neanota, nidi Jesu Simo Pedroro.

¹⁹ Sa nino Simo Pedroro dahse waha tiqairo yariatire yahuro nidi. Camepũ bacũro tiqairo wahagũ sa yeye taye niahye apeqina tiqairore. Cohãcjã yere Pedro yeri buhĩri apeqina tiqairore wejēñe taye niahye. Sa yero Pedro yariatire yahuro nidi

Jesu. Sa ni yahu tuhasa, ohõ saha ni nemori Pedroro:

—Poto yuhũ buheriro sahata yeya mahũ, nidi Jesu Pedroro.

Jesu tiqairo cahĩniquiro buheriquiro ahri pũre ojoariquiro ijire

²⁰ Tiqairo sa nigũta Pedro pehe majare ihñadoqueo, yuhũre Ñure Jesu tiqairo cahñogu buherigure tiquinare yuhũ nũnũ tãgũ ihñano Pedro Jesure sinituri. Yuhũ pehe Pedro ihñarigũ to pano ohõ saha nidigũ ijii. “¿Puhto, mũhare ihña tuhtiyequinare ihñootiquiro pehe noa boro ijiajari tiqairo?” ni Jesure siniturigũ ijii yuhũ. Ti pjere Jesu tiqairo pari paha ihya dujii yuhũ. Sa yero yuhũare ihñano Pedro Jesure sinituri:

²¹ —¿Puhto, ahriquirro pehe dahse waharotari? ni sinituri.

²² —Tire mũhare yahueraja. Ahri yehpapũ yuhũ tojoa tato pano ahriquirrore ijiducugũ yuhũ yeatire masiedare mahũ. Sa yegũ mũhare yahueraja. Poto yuhũ buheriro sahata yeya mahũ, nidi Jesu Pedroro.

²³ Tire tiqairo yahurire ijiphtiyequina Jesu yequina tiquina basi yahu sitemedi. Tire yahu siteye ohõ saha nimesi tiquina pehe: “Jesu tiqairo cahĩniquiro buheriquiro yariasi”, ni yahu sitemedi yuhũre Jesu yequina tiquina basi. Tiquina sa niepegãta “Tiqairo yariasi”, nino niedari jimedi Jesu. “Ahri yehpapũ yuhũ tojoa tato pano ahriquirrore ijiducugũ yuhũ yeatire masiedare mahũ. Sa yegũ mũhare yahueraja”, nidi Jesu Pedroro.

²⁴ Jesu buherigũ ahrire yahurigũ, ahri pũre ojoarigũ ijijaja yuhũ. Sa yena ahri yuhũ yahuye poto ijigũ masiaja mari.

²⁵ Peye apeye gãhure Jesu yeri. Tiqairo yerire mari ojoa pehogũ ti pũri ojoari pũri peye waro wahaboaga. Sa ye ti pũrine mari ihbogũ esa tuhaeraboaga ahri yehpa. Wahpaa wahaboaga, yuhũ tuhotugũ. To puno tjire.

Jesu buhe dutiro tiqiro cūriquina tiquina yerire yahuri pū ijire

—*Espíritu Santo ahtarota, niahye ahri pūre ojoariqiro*

¹⁻² Teófilo, ahri qutire mähare ojoagu niaja. To pano yuhū ojoa mähitari pūre Jesu yerire, tiqiro buheyere mähare yahu tuhasa. Tee ahmūsepu tiqiro mājariye yuhū yahu bato tii. Jesu tiqiro mājato pano Espiritu Santo tutuaye mehna dutiahye tiqiro bese cūriquinare. ³ Sa ye Jesu curusapu tiqiro yariari bato ihquē tahari pagu tiriqiro bajuahye tiqiro cūriquinare. Cuarenta decori bato bajua bato tiahye. Sa yero tiqiro basi catiriqiro ijiyere ihñohaye tiquinare. Sa bajuaro mari Pacu tiqiro puhtoro ijiyere quehnoañe buheyere yahuahye tiquinare.

⁴ Jesu tiqiro cūriquina mehna ijinino tiquinare ohō saha ni yahuahye:

—Jerusalēputa ijinina yojoḡare. “Espiritu Santore musare ohogutja”, yuhū Pacu tiqiro nidiquirore cohteniña. Tire tiqiro nidire musare yahuu yuhū. ⁵ Ūu musare wame yero aco mehna wame yemedi. Yuhū pehe ti yahduoro yeitja musare. Mehenogā bato Espiritu Santore musa mehna ijdudugū yeitja musare, niahye Jesu.

Jesu ahmūsepu mājaa wahahye

⁶ Sa ye ape taha cunapu Olivo wame tidapu Jesu tiquinare tiqiro bajuagū ihñañe tiquina sinituahye tiqirore:

—¿Puhto, Israe yehpare tiquina ehmani yehpare dähse ijiḡ usāre pari turi cūgtjari mähū? ¿Dähse ijiḡ mari acaye warore puhtoro sögtjari mähū? niahye tiqiro yequina.

⁷ Tiquina sa nigū tahoro Jesu ohō saha niahye:

—Mari Pacu dihita ti decore musa ya yehpare musa quehnoano ijiatire cū masine. Ti decore musare masino basioerare. ⁸ Sa masiedapenata musare Espiritu Santo tiqiro wihigū Cohācjū ye tutuayere cūonata musa. Tiqiro ye tutuayere musa cūona Jerusalē cjēnare, ijiptiyequina Judea yehpa cjēnare, Samaria yehpa cjēnare, sa ye ijiptiye yehpari cjēnare quehnoañe buheyere buhenata musa. Yuhū yariarire, yuhū masa mājariye tiquinare buhenata musa, ni yahuahye Jesu tiquinare.

⁹ Sa ni yahu tuhasa, Jesu ahmūsepu mājaa wahahye. Tiquina tiqirore ihñā nūnū tā mūogāta ehmeo curua puhiaḡ saḡ, buti mājaa wahahye. ¹⁰ Sa ye tiquina Jesu mājariqirore tiquina ihñā mūori watoa

puaro angele yehseye suhti sañañequina Jesu tiqiro cūriquina watoa bajuaduca sahye. ¹¹ Sa ye tiquinare ohō saha niahye:

—¿Musa Galilea cjāna, dähse ijiro boro ihñā mūoducuna niajari musa? Ahriqiro Jesu ahmūsepu mājariqiro, tiqiro mājariro saha ahtarota, ni yahuahye angele.

Jesu cūriquina Juda mūnanore comesa-tiqirore beseahye

¹² Sa ye Jesu yequina cunapu Olivo wame tidapu ijiiriquina dijia ta, Jerusalēpu tojoa sahye. Tu cunapure ihcā kilómetro yahduo cjūno yoaro ijiyahye Jerusalē dähū cahapure. ¹³ Tojoa sa, ahmūanapu tiquina ijiri tucūpu mājaa wahahye. Ahriquina ijiyahye: Pedro, Ūu, Santiago, Andre, Felipe, Tomasu, Bartolomé, Mateo, Santiago, Simo, Juda ijiyahye. Santiago pehe Alfeo macano ijiyahye. Simo pehe celote wame tiri curua cjāno ijimediquiro ijiyahye. Juda pehe Santiago acayoro ijiyahye. ¹⁴ Peye tahari ahriquina ijiptiyequina, numia mehna, Mariā Jesu pacoro mehna, Jesu bahana mehna quehnoano cahmecoa, tutuaro mehna mari Pacure sinie tiahye.

¹⁵ Sa ye ti decorire masa peyequina cahmecoahye. Ciento veinte ijiye ijiḡoaya. Sa yero Pedro pehe tiqiro mehna cjēna Cristo yequina watoa ducu, yahuahye tiquinare:

¹⁶ —Yuhū acaye, Cohācjū panopu tiqiro nidiro sahata waharo nidi. Tire Espiritu Santo Davire yahu dutiahye Juda mūnanore. Juda mūnāno Jesure ñeheatiquinare ihñoriquiro ijiri. ¹⁷ Sa yeatiqiro ijiḡerota mari mehna Jesu yere yeriquiro ijimedi. Sa yero usā mehna cjānata ijimedi, niahye Pedro.

¹⁸ Jesure ihñō dutiye tiquina wapa yerire Juda mūnāno pehe wiari bato tiqiro basita weḡe yariaa wahahye. Sa yero boraa waha, tiqiro cahta misi da tahñua waha, yariaa wahahye. Tiqiro wiari mehna aḡequina mehenogā yehpare dūahye. ¹⁹ Ijiptiyequina Jerusalē cjēna masi ptihti cāri jiri Juda mūnāno tiqiro ñano yerire. Sa masiñe tiqiro ye niñeru mehna tiquina dūri yehpare Acēldama wame yeri jiri tiquina ye yahuducuye mehna. Acēldama niñe, “Dii yehpa”, niñe nine. ²⁰ Came ohō saha ni nemoahye Pedro:

—Panopu tiquina ojoariro sahata sa wahari Juda mūnāno. Salmo tiqiro ojoari pūpu ohō saha ni ojoahye:

Tiqiro wuhū cohōri wuhū ijiāhro. Sa ye aḡequina ti wuhūre ijieracāhdo, ni, ojoahye.

Ohō ḡähare ohō saha ni ojoahye:

Aḡequiro tiqiro dahrayere comesariqiro ijirota, ni, ojoahye Salmopu.

21-22 'Sa yena mari ihcãquiro beseihna. Ñu wame yeriquiro mñnano masare tiquiro buheri watoa ihquẽquina Jesu yequina mari mehna wahari. Tiquina mehna cjanore ihcãquiro bese neno cahmene mari mehna cjanõ ijatiquirore. Jesu mehna mari ijigũ mari mehna sa ijiducuriquirore besero cahmene. Sa mari beseri bato Jesu tiquiro masa mujarire mari mehna buherota, ni yahuahye Pedro tiquiro acayere Cristo yequinare.

23 Tiquiro sa nigũ tuhoye puarore bese bocahye tiquina. Ihcãquiro José Justo wame tiriquirore beseahye. Tiquiro Barsaba tiquina ni pisuriquiro ijiahye. Sa ye apequirore Matia wame tiriquirore beseahye. 24-25 Tiquinare bese boca tuhasa, tiquina mari Pacure ohõ saha ni siniahye:

—Mũhũ usã puhto, ijipihitiyequina masa tiquina tuhutuyere masine. Ahriquina puaro usã beseriquina ijire. Juda mñnanore comesatiquirore diquiro mũhũ cahmeniquirore beseya. Jesure cohãtjiano Juda mñnano pehe pecaru wahahye. Tiquirore comesariquiro Jesu tiquiro cõriquiro ijirota. Sa yero usã mehna quehnoano wijiagũ, tiquiro pehe Jesu cõriquina once cõriquina mehna cjanõ tojoahye.

26 Sa niñeta Juda mñnanore comesatiquirore beseye tehe utã paca mehna doque cũ mujahye “Noa pehe sajãnotari”, niñe. Matia tiquiro quehnoano wijiagũ, tiquiro pehe Jesu cõriquina once cõriquina mehna cjanõ tojoahye.

2

Espõritu Santo Jesu yequina mehna iji ducahye

1 Sa ye Pentecoste wame tiri deco ijigũ tiquina ijipihitiyequina ihcã wuhũru cahmecoahye. 2 Ti pjereta wihnono tutuaro wẽno saha uhmũanopũ bisiro ca tahye. Sa bisiro ca tagũ tuhoahye ijipihitiyequina ti wuhũru ijiriquina. 3 Sa ye peca pohna yero saha ijieye tiquina ijipihitiyequina dapu paca bui bajuahye. Ti peca pohnarigã ñehmeno yero saha bajuahye. 4 Sa yero Espõritu Santo wihiahye tiquinare tiquiro tutuayere ohoro taro. Espõritu Santo tiquinare yedohoro puno tiquina pehe apequina ye mehna quehnoano yahuducuahye.

5 Ti decorire Jerusalẽru peyequina judio masa ijiahye. Mari Pacure ño peoyequina ijiahye. Tiquina macaripe cjẽna ijiahye. 6 Sa ye uhmũsepu bisigũ tuhoye Jesu buheyequina caharu peyequina cahmecoahye. Masape ye yahuducuyere Jesu buheyequina tiquina yahuducugũ tuhoahye. Sa tiquina yahuducugũ tuhoye, tiquina tuho maria wahahye.

7-8 —Ahyou, ¿Dũhse yeye ahriquina Galilea cjẽna ijiepeta quehnoano mari

ye yahuducujari? Tiquina mari masa bajuariopũ ahtariquina yero sahata yahuducuye ca tare, niahye tiquina pehe.

9-10 —Ijipihitiyequina mari yere yojopũre yahuducuye nine: Partia cjãna, Media cjãna, Elã cjãna, Mesopotamia cjãna, Judea cjãna, Capadocia cjãna, Ponto cjãna, Asia cjãna, Frigia cjãna, Panfilia cjãna, Egipto cjãna, Libiarũ ijieye macaripũ Cirene caharu ijina, Romaru ahtarina ijiaja mari. Ihquẽquina judio masa ijiaja mari. Apequina mari judio masa ijiena, judio masa ye buheyere buhenaru ijiaja mari. 11 Creta cjẽna gãhũ, Arabia cjẽna gãhũ ijire mari mehna. Sa yena ahriquina mari yere tiquina yahuducugũ tuhoaja mari. Tiquina mari ye mehna Cohãcjũ tutuaye mehna tiquiro yerire yahuye nine, ni yahuducuahye masa tiquina basi.

12 Sa niñeta tiquina tuho acuaa waha, tiquina ihñarire tiquina tuhorire quehnoano masiedahye.

—¿Ahrĩ dũhse ijiro boro ahriquina apequina ye mehna Cohãcjũ yere sa quehnoano yahuducujari, masa tuhutugũ? ni cahme sinituahe tiquina basi.

13 Tiquina sa ni tuhoutepegũta apequina tiquina mehna cjẽna bajuapeahye:

—¿Dũhse ahriquina sihbiori sihni, queheye nijari? ni bajuapeahye apequina tiquina basi.

Pedro masare yahuahye

14 Sa yero Pedro once Jesu cõriquina mehna ducu, masare yahuahye:

—Musa Judea yehpa cjãna, ijipihitina Jerusalẽru ijina, ahrire masiña musa. Yũhũ yahugũ tuhoya musa. 15 Musa tuhutuyere poto ijierare. Yojopũta nueve hora ijire. Sa ye ahriquina queherare. 16 Ahriquina Cohãcjũ panopũ tiquiro nidiro sahata yeye nine. Ti pjepure Joere Cohãcjũ yere yahu muhtariquirore, ahrire yahu dutiahye Cohãcjũ pehe:

17 Iji bato tiye decori ijigũ ohõ saha ijirota: Yaquiro Espõriture masare ijipihitiyequinare ohogutja. Sa ye musa pohnarũ yeere yahueta. Sa ye musa mehna cjẽna wahma pjia bajumehneñene ihñæeta. Sa ye musa mehna cjẽna bucuna quehẽnopũ quehẽeta. 18 Sa yegu yũhũ cahacjẽnare, yũhũ cahacjẽna numia gãhũre yaquiro Espõriture ohogutja. Sa ye tiquina yahueta yeere. 19 Sa yegu yũhũ tutuaye mehna bajumehneñene ye ihñogutja uhmũanopũ. Yehparu gãhũre yũhũ bajumehneñene ihñogutja: Diire, pecare, peca ohmeore ihñogutja.

20 Sa yero asũ deco cjanõ nahitiaa waharota. Ñami cjanõ dii yero

saha sohãriquiuro comesarota. Ohõ saha waharota Cristo musa puhtoro tiquiuro ahtati deco, yuhũ nidi deco pano. Ti decopũ ihña maria wahaeta masa. Sa yero ihyo ijiri deco ijisi. Ti deco quehnoari deco ijirota. ²¹ Sa yero ohõ saha ijirota. Ijipihitiyequina masa Cristore tiquina ñañene cohã duti siniñequinare tiquiuro yuhduorota, nine Cohãcjũ, ni ojoahye Joel.

²² Musa Israe masa yuhũ yahugũ tuhoya: Jesu Nazare cjãno pehe Cohãcjũ ohoriquiro ijiri. Jesure tiquiuro ohorire masa tiquina masiato saha tiquiuro tutuaye mehna ye ihñori musare. Musa tire masine. ²³ Jesure ohori musare apequiuro. Panopũ Cohãcjũ “Sa waharota”, tiquiuro nidiro sahata sa yeri apequiuro. Sa yena musa Jesure curusapũ wejẽ dutiri masa ñañequinare. ²⁴ Cohãcjũ pehe Jesure yariariquiuro munanore masori. Pari turi ne yariasi tiquiuro. Tiquiuro yaria dojoerare. Sa catiducuatiquiro ijire. ²⁵ Ohõ saha niahye Davi panopũ cjãno Cristo tiquiuro niboriro sahata:

Yuhũ puhto, yuhũ mehna ijire mũhu. Ijipihitiye decori Cohãcjũ yuhũ puhto yuhũ caha mũhu ijigũ ihñae ti yuhũ cuerato saha. ²⁶⁻²⁷ Mũhu Cohãcjũ yuhũ jeripohnare yariayequina tiquina ijiropũre ne cohãsi. Yuhũre ñanopũ yuhũ jeripohnare cohãsi mũhu. Yuhũ mũhu cahacjũ mũhare ño peogũ ijaia. Yuhũ pagure ahba dutisi mũhu. Sa yegũ tutuaro bucueaja. Bucueye mehna yahuducujaja. Sa yegũ mũhare Cohãcjũre quehnoano wacũ tutuagũ ijigũ cuero marieno quehnoano iji cjã. ²⁸ Yuhũre pari turi catigũ yeguta mũhu. Yuhũ mehna mũhu ijigũ tutuaro bucueaja, ni, ojoahye Davi munano Cristo tiquiuro niboriro sahata.

²⁹ Acaye, ohõ saha quehnoano yahugũtja musare Davire mari acayuro, panopũ cjãnore. Tiquiuro yariaa wahahye. Sa yero tiquirõre tiquina yari cope yojopũre ijire. Sa yero “Yuhũ pagure ahba dutisi mũhu”, ni ojoaro tiquiuro basi wame peo yahuro niedahye. ³⁰⁻³¹ Panopũ Cohãcjũ Davi munanore ohõ saha niahye: “Poto niita niaja. Mũhu panamena iji turiayequina mehna cjãno mũhu yero saha ahri yehpa cjẽna puhtoro ijirota”, niahye Cohãcjũ Davire. Davi Cohãcjũ yere yahu mũhtariquiuro ijiahye. Sa yero Cristore Cohãcjũ tiquiuro puhtoro soatire masino, Cristo tiquiuro masa mujatire yahu mũhta tuhasahye Davi pehe. Ohõ saha niahye: “Tiquiuro yariayequina ijiropũre iji dojoasi. Tiquiuro pagũ topũ ahbasi”, niahye Davi.

³² Ahriquiurore Jesure Cohãcjũ masori. Ušã ijipihitiina ihñan. ³³ Cristo mari Pacũ poto pehepũ ijire dutiriquiro ijiro. Sa yero tiquiuro Pacuro “Espiritu Santore yehpapũ ohogõtja”, niahye tiquirõre. Sa yero Cristo pehe ahriquinare Espiritu Santore ohori. Yojopũre Espiritu tiquiuro yeyere masa ihñana nine. Sa yena musa tuhore. ³⁴ Davi munano pehe Jesu tiquiuro mujariro sahata uhmũserũ mujaedahye. Sa yero tiquiuro basi ohõ saha niahye:

Cohãcjũ nidi yuhũ puhtorore: “Yuhũ poto pehepũ dujiya mũhu. ³⁵ Mũhare ihña tuhtiyequinare mũhare yuhduaca basautja yuhũ”, nidi Cohãcjũ yuhũ puhtorore, niahye Davi munano.

³⁶ Sa yena ijipihitiina Israe masa ahrire quehnoano masiña musa: Ahriquiuro Jesure musa curusapũ wejẽdiquirõre musa puhtoro sõri Cohãcjũ pehe. Tiquirõre musare yuhduoatiquirore Cristore cõri Cohãcjũ, ni yahuahye masare Pedro.

³⁷ Tiquiuro sa nigũ tuhoye tutuaro bujua witiye, cueye masa pehe Pedro gãhare sinituahye:

—¿Ušã acaye, dahse yenatari usã? ni sinituahye tiquina.

³⁸ Tiquina sa ni sinitugũ yuhtiahye Pedro gãhu:

—Musa ñañe yeyere bujua witina ijia. Quehnoañe pehere comesaya. Sa yena Jesu wame mehna wame yenohrina ijia musa ijipihitiina. Musa sa yegũ musa ñañene borota Cohãcjũ. Musa sa yegũ Espiritu Santo musa mehna ijirota. Cohãcjũ yaquiuro Espiritu Santore sa oho cãnota musare. ³⁹ Musare, musa pohñare, musa panamena iji turiayequinare, yoaropũ cjẽnare, ijipihitiyequina Cohãcjũ mari puhtoro tiquiuro beseriquinare, “Potota yuhduogõtja musare”, ni, cũahye Cohãcjũ, niahye Pedro.

⁴⁰ Sa ni tuhasa peye yahu nemoahye tiquiuro. Sa yero tutuaro mehna yahuahye tiquinare:

—Ahri yehpa cjẽnare tiquina ñano yeri buhirire buhiri dahrerota Cohãcjũ. Sa yena musa pehe Cohãcjũ yequina ijia. Musa sa ijigũ tiquiuro musare buhiri dahresi, niahye Pedro masare.

⁴¹ Tiquiuro sa nigũ tuhoye peyequina tiquiuro yahuducuyere quehnoano tuhohahye. Sa yero tiquinare tiquiuro wame yeahye. Sa ye Cohãcjũ yequina mehna cjẽna tres mil masa waha nemoahye. ⁴² Sa ye tiquina musa Cristo cõriquina mehna decoripe ijie tiahye. Sa ye tiquina ti buheyere decoripe tahoe tiahye. Tiquina ihyayere cahme iti, Cohãcjũre sini, Cristo cõriquina mehna quehnoano ijie tiahye.

Jesu yequina coã iji ducayequina tiquina ijiye tiyere yahuahye

⁴³ Sa ye Cohãcjũ tutuaye mehna ye ihñeahye Jesu cūriquina. Tiquina sa yegũ ihñañe masa ijipihiteyiquina ihña maria wahae tiahye. ⁴⁴ Sa ye ijipihiteyiquina Jesure wacũ tutuayequina cahmecoa, quehnoano ijie tiahye. Sa ye tiquina yere cahme itie tiahye. ⁴⁵ Tiquina yere dua, ijipihiteyiquinare apee boro marieñequinare tiquinape ohoe tiahye tiquina. ⁴⁶ Sa ye decoripe tiquina Cohãcjũ wuhũpũ cahmecoae tiahye. Ijipihiteyiquina tiquina ye wuhũsepũ bucueye mehna cahmecoa, ihvae tiahye. ⁴⁷ Tiquina sa cahmecoa, “Cohãcjũ quehnoariquiro ijire”, ni ño peoe tiahye. Sa ye apequna masa tiquinare cahme yuhdũe tiahye. Sa yero decoripe Cohãcjũ apequnare tiquiro yequina wahagũ yee tiahye.

3

Tini masieniquirore yuhduoahye mari Pacũ

¹ Ñamicahapũ tres ijigũ Cohãcjũ mehna yahuducuri pje ijigũ Pedro, Ñu mehna Cohãcjũ wuhũpũ wahaye niahye. ² Decoripe ti wuhũ cjã sopecaha quehnoari sopecaha wame tiri sopecahapũ apequna ihcãquiro masunore ne cãhta, duhu dapoe tiahye. Tiquiro masuno pehe wahma masa bajaropata tini masiedahye. Sa yero tiquiro ti sopecaha caha niñerure sini dujie tiahye ti wuhũpũ sajãñequinare. ³ Sa ye Pedro, Ñu mehna ti wuhũpũ tiquina esaducagũ tini masieniquiro pehe tiquinare ihña, niñerure siniahye. ⁴ Sa ye Pedro gũhu tiquirore ihña, Pedro pehe ohõ saha niahye: —Usãre ihñañe mũhu, niahye Pedro tiquirore.

⁵ Tiquiro sa nigũ tũhoro “Ahriquina mehenogã yũhũre niñerure ohoeta”, ni tũhoturo ihñadoque ohõ, tũhoahye tiquinare. ⁶ Tiquiro sa ni tũhotuepegãta Pedro tiquirore ohõ saha ni yahuahye:

—Niñerure cũoeraja yũhu. Cũoerapeita, ahrire yeitja mũhũre. Jesucristo Nazare cjãno tiquiro tutuaye mehna tiniña mũhu, niahye Pedro tini masieniquirore.

⁷ Sa ninota tiquiro omocare poto pehe cjã omocare ñehe, tiquirore weje wahcõ docoahye. Ti pjeta tini masieniquirore tiquiro ñecari tutuaa wahahye. ⁸ Tiquiro sa wahari bato tiquiro wahcãdũca sa, waha dũcahye. Sa yero tiquiro waha, uhpu maa, “Cohãcjũ quehnoariquiro ijire”, ni bucueahye. Sa bucuerdo tiquina mehna Cohãcjũ wuhũpũ sajã wahahye. ⁹ Tiquiro sa tinigũ “Cohãcjũ quehnoariquiro ijire”, tiquiro nigũ masa ijipihiteyiquina tiquirore

ihñahye. ¹⁰ Sa ye masa tiquirore ihña masiahye. Tiquiro Cohãcjũ wuhũ cjã sopecaha quehnoari sopecaha caha niñerure tiquiro sini dujirire masiahye masa. Sa ye tiquiro tinigũ ihñañe, ihña maria wahahye.

Cohãcjũ wuhũpũ Pedro masare buheahye

¹¹ Sa ye tini masieniquiro Pedro gũhũre tiquiro ñeheni watoa, masa ijipihiteyiquina ihña maria waha, quehnoari paapũ Salomo wame tiri paapũ oma cã, cahmecoahye. ¹² Tiquina sa cahmecoari bato Pedro pehe yahuahye tiquinare:

—¿Mũsa Israe masa, dũhse yena ahriquirore ihña mariajari? ¿Dũhse yena usãre mũsa ihña mũhuajari? Usã pehe usã ye tutuaye mehna Cohãcjũre usã wacũ tutuaye mehna usã esa tuharo ahriquirore tinigũ yerũ usã. ¹³ Abrahã, Isaac, Jacob mari ñecũsumũna panopũ cjẽna Cohãcjũre ño peoe tiahye. Tiquiro Cohãcjũ pehe tiquiro cahacjũnore Jesure tutuariquiro, quehnoariquiro tiquiro ijigũ mũsare ihñoe tiri. Mũsa Jesure tiquirore ihña tuhtiyequinare ohori. Sa yena Pilato tiquirore peresu wio duepegãta masa pehe tiquirore wiogũ cahmedari. Pilatore Jesure ohori mũsa. ¹⁴ Pilato tiquirore wio duamedĩ. Tiquiro sa wio duepegãta mũsa Jesure quehnoariquirore, quehnoano yeriquirore cahmedana, apeqũrore masa wejẽdiquiro pehere wio dutiri mũsa. ¹⁵ Sa yena Jesure marine catigũ yeriquirore wejẽdi mũsa, usã acaye judio masa. Tiquiro yariagũ Cohãcjũ tiquirore masori. Tire usã ihñau. ¹⁶ Sa yena usã tiquirore wacũ tutuana ijiaja. Usã sa wacũ tutuagũ ihñano ahriquirore mũsa yojopũ ihñariquirore mũsa ihña masiniquirore Jesu pehe tiquiro tutuaye mehna tinigũ yeri.

¹⁷ Yũhu acaye, mari pũhtoa mehna Jesure quehnoano masiedapenata tiquirore wejẽdi mũsa. Tire masiaja yũhu. ¹⁸ Sa ye panopũ cjẽna Cohãcjũ yere yahu mũhtariquina Cohãcjũ tiquinare tiquiro yahu dutiriro sahata yahuahye tiquina. “Cristo ñano yũhdũrota”, ni yahuahye tiquina. Tiquina sa ni yahuriro sahata sa wahari yojopũre. ¹⁹ Sa yena yojopũre mũsa ñañe yerire bujua witina ijiaja. Quehnoañe pehere comesaya. Cristore wacũ tutuaya. Sa yero mũsa ñañe yerire borota Cohãcjũ. Sa yero mũsare bucueye decori cũnota tiquiro. Sa yena quehnoano jeri sajãnata. ²⁰ Sa yero Cohãcjũ Cristore tiquiro beseriquirore mũsare ohorota. Cristo Jesuta ijire. ²¹ Cohãcjũ cahapũ iji nine Jesu. Panopũ Cohãcjũ tiquiro yere yahu mũhtariquinare yahuyu dutiahye. Masare ahri yehpa gũhũre tiquiro yeatire yahuyu dutiahye. Sa yero tiquiro yahuriro sahata yojopũre ijipihityere quehnono

nine. Quehno tuhasaro pari turi Cristore ahri yehpapu ohorota. ²² Moise tire yahuro ohō saha niahye: “Mari mehna cjanore mari acayurore Cohācjū yere yahu mēhtariquore Cohācjū mari puhtoro ohorota musare. Yuhare tiquiro ohoriro saha ohorota tiquiro gāhure. Sa yena musare tiquiro yahugū tuho pihiti cāhña masa. ²³ Ohō saha ijirota. Ijipihtiyequina tiquirore tuhoerariquinare, tiquiro dutiyere yerariquinare tiquiro cohānota. Cohācjū yequina mehna cjēna ijisi tiquina”, niahye Moise.

²⁴ ‘Ijipihtiyequina Cohācjū yere yahu mēhtariquinape Samuel, tiquiro bato ijieyehna gāhū ahri decorire yahuahye. ²⁵ Mari necasumare panopu cjēnare yahuahye Cohācjū. Mari gāhure sa ni yahuro niahye. Abrahāre tiquiro nidiro sahata mari gāhure ni yahuro niahye. Ohō saha ni yahuahye Cohācjū Abrahāre: “Ijipihitiri yehpa cjēnare quehnoano yeitja. Ohō saha tire yeitja: Camerpu iji nānū tāriquiro mūhū acayuro pehe masare quehnoano ye basarota yuhare”, niahye Cohācjū Abrahāre. ²⁶ Sa yero Cohācjū tiquiro macanore mari cahapu oho mēhtari mari nāne yeyere duhu dutiatiquirore. Sa yero marine tiquiro quehnoano yeri, niahye Pedro tiquinare.

4

Pedro, Ņu mehna puhtoare yahuducuahye

¹⁻³ Masa mehna tiquiro yahuducuri watoa pahia, Cohācjū wuhare cohteyequina surara puhtoro, saduceo masa gāhū tiquinare tuhoahye. Ohō saha ni buheahye Pedro Ņu mehna masare:

—Jesu tiquiro yariari bato masa mujaa wahari. Tiquiro sa masagū ihñana mari gāhū came mari tiquiro yequina mari masa mējatire masiaja mari, ni yahuahye Pedro gāhū.

Tiquina sa nigū tuhoye puhtoa pehe tiquina mehna usuahye. Sa usuaye nahi quehagū ihñāne tiquina Pedrore, apequina Jesu cūriquina gāhure ñehe, peresu yeahye. ⁴ Puhtoa tiquina sa cahmedapegūta peyequina Cohācjū yere tuhoyequina pehe “Ijirota ijire”, ni tuhotuahye. Sa ye Jesu yequina peyequina sa jāhaye. Tiquinare amaa sehsarore mari queogū Jesure wacū tutuayequina cinco mil masa ijiahye.

⁵ Sa ye ape decopu ti maca cjēna puhtoa, bucna, judio masa buheyequina mehna Jerusalēpu cahmecoahye. ⁶ Sa yero pahia puhtoro, Anás wame tiriquiro topu ijiahye. Tiquiro acaye gāhū ijiahye. Caifa, Ņu, Alejandro, apequina mehna Anás acaye gāhū ijiahye. ⁷ Sa ye tiquina Pedro

gāhure tiquina cahmedoqueogū, surara pehe puhtoa watoapu tiquinare ne wihi docoahye. Tiquina sa yeri bato puhtoa sinituahye Pedro gāhure:

—¿Noa ye tutuaye mehna masa tiquirore tinigū yeiri? ¿Noa ijiajari masare tire ye dutiriquiro? ni, sinituahye tiquina.

⁸ Tiquina sa nigū tuhoro Espiritu Santo tutuaye mehna yahuahye Pedro tiquinare:

⁹ —¿Musa puhtoa, masa bucna, usā tini masieniquirore quehnoa wahagū usā yerire sinituna najari masa? ¹⁰ Ahrire masiña masa ijipihitina, Israe masa. Ahrire Jesucristo sa yeri. Jesu Nazare cjāno, masa curusapu wejēdiquiro, Cohācjū tiquiro masoriquiro pehe ahriquiro tini masieniquirore quehnoa wahagū yeri. Sa yena ahriquirore yojopure masa ihñonopu tiquiro tinigū ihñare masa. Ohō saha nine Cohācjū yere tiquina ojoari pūpu Cristore yahuro: ¹¹ “Ahriquiro utā yero saha ijiriquiro ijire. Utāre wuhū dahreatiquina tiquina cohāno saha masa tiquirore cohāri. Tiquina sa yepegūta yojopure wuhū dahreriquina wuhure ye ye tiquina cū mēhtari utāre tiquina cūno saha Cohācjū tiquirore puhtoro sōri. Tiquiro Cristo pehe mariedagū Cohācjū yequina wahaeraboaya masa. Tiquiro sa ihyo ijiriquiro ijierapegūta masa mari puhtoa mehna tiquirore cahmedari. Masa sa cahmedapegūta Cohācjū pehe tiquirore mari puhtoro sōri”, ni ojoahye panopure. ¹² Ne, apequiro masare pecapu wahaboriquinare yuhduoriquiro ne mariedare. Ahri yehpapure Jesu dihita masare yuhduoriquiro ijire. Ne apequina tiquiro yero saha ijieyehna ne mariedare, ni yahuahye Pedro tiquinare.

¹³ Tiquiro sa ni yahuri bato Pedro, Ņu mehna buhemehneñequina tiquina ijigū ihñāne, cuero marieno tiquina buhegū ihñāne, puhtoa, bucna, judio masa buheyequina mehna tuho maria wahahye. Sa ye Jesu yero saha tiquina buhegū ihñāne, ohō saha masiahye tiquina: “Pedro, Ņu gāhū potota Jesu mehna cjēna ijire ahriquina”, ni, masiahye tiquina. ¹⁴ Sa yero tini masieniquiro ijimediquiro Pedro gāhū mehna ijiahye. Tiquiro quehnoariquiro ijigū ihñāne puhtoa, bucna, judio masa buheyequina mehna. Sa ye tiquina Pedro gāhure “Ņano ye ye nine”, ni yahusā masiedahye. ¹⁵ Sa yahusā masiedaye, puhtoa tiquina cahmecoari tucūpu ijieyehna Pedro gāhure wijia dutiahye. ¹⁶ Tiquina wijiaro bato tiquina basi ohō saha ni yahuducuahye:

—¿Ahriquinare dūhse yenatari mari? ni, yahuducuahye tiquina.

Ohō saha ni yahuducu nemoahye:

—Pedro, Ñu mehna Cohăcĵu tutuaye mehna tini masieniĵiurore tinigū yeri jiri. Sa ye Jerusalē cĵēna ijipihtiyequina tiĵuina sa yerire masidi. Sa yena mari pehe “Sa yerari tiĵuina”, ni masiedaja mari. ¹⁷ Sa yena Jesu tiĵuuro buherire apeĵinare buhe dutieracāhna tiĵinare, “Apeĵuina ti buheyere cahmeari”, nina, ni yahuducuahye tiĵuina basi.

¹⁸ Sa ni yahuducu tuhasa Pedro gūhare pijjo, ohō saha niahye:

—Jesu tiĵuuro buherire ne buheracāhna apeĵinare. Tire ne yahuducueracāhna, niahye tiĵinare.

¹⁹ Tiĵuina sa nigū tuhoye Pedro, Ñu mehna ohō saha niahye tiĵinare:

—Musa ohō saha nigū musare yahtina, Cohăcĵu pehere yahuducana niboaga usā. ĵNoa pehere usā yahtigū cahmeajari musa? ĵMusa pehere usā yahtigū cahmeajari musa? ĵO Cohăcĵu pehere usā yahtigū cahmedajari musa? ²⁰ Usā pehere usā ihñarire, usā tuhoriire usāre nuono basioerare, ni yahtiahye Pedro, Ñu mehna.

²¹ Tiĵuina sa nigū tuhoye puhtoa pehe pari turi dutimahye tiĵinare tja:

—Jesu tiĵuuro buherire masa buheri buhiri ñano yahdunata musa, niahye puhtoa tiĵinare.

“Ñu, Pedro mehna ñano yeye nine”, ni masiedari jiri tiĵuina. Sa ye masa pehe tini masieniĵiurore tiĵuuro yahdugū ihñañe, “Cohăcĵu potota quehnoariĵiurore ijire”, niahye masa. Tiĵuina sa nigū tuhoye puhtoa pehe Pedro gūhare buhiri dahre masieda, tiĵinare wioahye. ²² Tini masieniĵiurore, tiĵuina yahdoriĵiurore cuarenta cahmari caoriĵiurore ijiahye.

Jesu yequina tiĵuina cueratire siniahye Cohăcĵure

²³ Sa ye Pedro, Ñu mehna tiĵuina mehna cĵēna caharu esa, pahia puhtoa, bucana tiĵinare tiĵuina nidire yahuahye. ²⁴ Tiĵuina sa nigū tuhoye tiĵuina ijipihtiyequina mari Pacare Cohăcĵure siniahye:

—Usā puhto, mahu ahmasere, yehpare, mări gūhare yerigu, ijipihtiyequina catiyequinare yerigu ijire mahu. ²⁵ Mahu yaĵiuro Espiritu Santo usā ñecu manano Davire mahu cahacĵunore ahrire yahu dutiahye mahu nidiro sahata:

ĵDahse ye Israe masa ijieyequina usuajari? Tuho masieñequina ijire masa. ²⁶ Peye yehpari cĵēna puhtoa cahmecoa, mari puhtoro Cohăcĵure, tiĵuuro puhtoro sōriĵiurore Cristo gūhare ihña tuhti, ñano ye duare tiĵinare, ni yahu dutiahye mahu Davire panopure.

²⁷ Sa tĵire. Ahri macaru Herode, Poncio Pilato, judio masa ijieyequina, judio masa mehna mahu beseriĵiurore

Jesure quehnoariĵiurore mahu cahacĵunore wejē duaye, cahmeoari. ²⁸ Ti pje mahu cahmediro sahata “Sa waharota”, mahu nidiro sahata yeri tiĵuina. Mahu masiñe mehna sa ni yahuahye mahu. ²⁹ Sa yegu usā puhto, tiĵuina usāre “Musa buheri buhiri ñano yahdunata”, tiĵuina nidire wacūña mahu. Usāre yahduoya. Sa yegu usāre mahu cahacĵunore cuero marieno mahu buheyere yahu dutiya usāre. ³⁰ Mahu tutuaye mehna dohatiyequinare yahduoya. Sa yegu mahu buheyere cuero marieno yahu dutiya usāre. Sa yegu Jesu quehnoariĵiurore mahu cahacĵuno tiĵuuro tutuaye mehna ye ihño dutiya usāre. Sa yegu dohatiyequinare usā yahdu dutigū tiĵuuro tutuaye mehna yedohoya usāre, ni siniahye tiĵuina mari Pacare.

³¹ Tiĵuina sa ni sinidi bato, tiĵuina cahmeoari wahu ñuhmia wahahye. Sa ñuhmigūta Espiritu Santo tiĵuuro tutuaye mehna wacu tutuayequina wahagu yeahye tiĵinare. Sa wahaye, Espiritu Santo tiĵuuro dutiriro sahata yeye, cuero marieno Cohăcĵu yere yahuahye tiĵuina.

Jesu yequina tiĵuina yere itie tiahye

³²⁻³³ Sa ye Cohăcĵu tiĵuuro tutuaye mehna tiĵuina Jesu cūriĵuina ohō saha ni yahue tiahye masare: “Jesu tiĵuuro masarire usā ihñau”, ni, yahue tiahye tiĵuina masare. Sa yero tiĵinare ijipihtiyequinare Cohăcĵu quehnoano yedohoduce tiahye. Sa ye Jesure wacu tutuayequina peyequina ijie, tiĵuina ihcāno saha tuhotyeyuina ijie tiahye. Sa ye tiĵuina yere, tiĵuina doeri cĵēne “Yee dihita ijire”, ne nieda tiahye. Tiĵuina ijipihtiyequina tiĵuina yere apee boro marieñequinare tiĵuina mehna cĵēnare itie tiahye. ³⁴ Sa ye tiĵuina mehna cĵēna pejecuoyequina marieda tiahye. Tiĵuina mehna cĵēna dihta cuoyequina, wuhuse cuoyequina tiĵuina yere duae tiahye. ³⁵ Sa duaye tiĵuina wapatarire ne cāhta, Jesu cūriĵunare ohoe tiahye. Sa ye tiĵuina pehe tire tiĵuina mehna cĵēnare itie tiahye. Ijipihtiyequina cuoyequinare itie tiahye. ³⁶ Ti pĵere ihcāĵiurore tiĵuina mehna cĵāno Josē wame tiriĵiurore ijiahye. Jesu cūriĵuina Josē Bernabé wame yeahye. Tiĵuuro wame Bernabé “Masare bucueriĵiurore ijire”, nine griego ye mehna. Tiĵuuro Leví ya curua cĵāno Chipre nacuo cĵāno ijiahye. ³⁷ Sa yero tiĵuuro wese caoriĵiurore ijiro tire duahye. Sa yero tiĵuuro wapatarire Jesu cūriĵunare ohoahye tiĵuuro apeĵinare iti dutiro.

5

Anania tiĵuuro namono Safira mehna ni mehoahye

¹ Apequina gāhū Bernabé yero saha yemahye. Tiquina Anania wame tiriquiro, tiquiro namono Safira wame tiricoro ijiahye. Tiquina ya wesere duahye tiquiro. ² Sa dueperota tiquiro wapatarire tiquiro basi neahye. Tiquiro namono gāhū tiquiro sa yerire masiahye. Sa yero tiquina wapatarire tiquina dūharire ne cāhta, Jesu cūriquinare ohoahye Anania pehe. Sa ohoro “Oho pehogu niája”, nimahye tiquiro. ³ Tiquiro sa yegū ihñano Pedro tiquirore yahuahye:

—Anania, watino mūhare ni meho dutiri jiri Espiritu Santore. Sa yegu mūhu ya yehpare dua, mūhu wapatarire mūhu basi nedi jiri. ⁴ Mūhu duato pano mūhu ya wese ijiri. Sa yero mūhu duari bato mūhu ye wapata ijiri. ¿Sa yegu dūhse ijiro boro sa ni mehoari mūhu? Mūhu usā dihitaré ni mehoedari. Cohācjū gūhare ni mehoari mūhu, niahye Pedro tiquirore.

⁵ Tiquiro sa nigū tūhorota, Anania pehe doque quehe sa, yariaa wahahye. Sa ye ijipihitiyequina tiquiro sa wahagū masiñe, tuturo cueahye. ⁶ Tiquiro yariari bato wahma pjia ahta, tiquiro pagure suhtiro cahsero mehna wahme, sopecahapū ne wijia, yahye tiquirore.

⁷ Sa ye ihtia hora bato Anania manano namono, tiquiro yariarire masiedaro Pedro cahapū sajahye. ⁸ Sa yero Pedro ticorore ohō saha niahye:

—¿Musa ya wesere duatjiāna noho puno wapatarī musa? niahye tiquiro.

Sa yero ticoro manano manano tiquiro nidiro punota, “To punota wapataū usā”, ni yahumahye ticoro.

⁹ Sa yero Pedro yahuahye ticorore:

—¿Dūhse yena musa ihcāno saha Cohācjū yaquiro Espiriture ni meho duajari? Tūhoya yojojure. Mūhu manano mananore yariquina ahtare. Mūhu gūhare mūhu pagure neñe taye nine, niahye Pedro.

¹⁰ Tiquiro sa ni yahugāta ticoro doque quehe sa yariaa wahahye. Sa ye wahma pjia ti wūhare sajà wihī, ticoro pagure ne wijiaa wahahye. Ne wijia ticorore ne cā wahahye. Ne cā, ticoro manano manano pari paha yahye. ¹¹ Sa ye Jesu yequina ijipihitiyequina apequina tire tūhoye cue yūhdūahye.

Jesu cūriquina Cohācjū tutuaye mehna ye ihñohaye

¹² Sa ye masa watoapū Jesu cūriquina peye tahari Cohācjū tutuaye mehna ye ihñoe tiahye. Sa ye tiquina Salomo wame tiri tucūpū quehnoari tucūpū cahmecoae tiahye. ¹³ Sa ye apequina tiquinare cueye, tiquina cahapū wahaera tiahye. Sa cuepeta tiquinare Jesu cūriquinare, “Quehnoañequina ijire ahriquina”, nie tiahye masa. ¹⁴ Sa ye amna, numia peyequina Jesure wacū tutua

dūcahye. ¹⁵ Sa ye tiquina dohatiyequinare ne cāhta, coma cjūñe mehna pū ta, duhu cūe tiahye mahapū tiquinare. Sa ye Pedro tiquinare tiquiro ña peogū cahmeahye tiquinare ne cāhtariquina pehe dohatiyequina tiquina yūhdūgū cahmeñe. Tiquinare tiquiro ña peoeragū Pedro tiquina bui watidoque peogū cahmeahye tiquina. Ti dihitaré cahmeahye tiquina yūhdūato saha. ¹⁶ Sa ye Jerusalē caha ijije macari cjēna gāhū dohatiyequinare, watia mehna ijijequina gūhare ne cāhtae tiahye. Ijipihitiyequina tiquina pagari quehnoa wahahye.

Jesu cūriquinare apequina ñano yee tiahye

¹⁷ Tiquina sa yegū ihñañe pahia pūhtoro, tiquiro mehna cjēna mehna Pedro gūhare ihñā tuhtiahye. Pahia pūhtoro mehna cjēna saduceo masa ijiahye. ¹⁸ Sa ye tiquina usua yūhdūa, Jesu cūriquinare ñehe, peresu yeahye. ¹⁹ Sa yero ñamipū Cohācjū yaquiro angel pōohaye tiquinare peresupū dujiyequinare. Sa ye tiquinare wijia ta dutiro yahuahye angel:

²⁰ —Cohācjū wūhupū wahaya. Ti wūhupū ijina Cohācjū tiquiro masorire ahri quehnoañe buheyere yahuya masare, niahye angel tiquinare.

²¹ Tiquiro sa nigū tūhoye, ñami cjūno Cohācjū wūhupū sajà, masare buheahye tiquina. Ti decota pahia pūhtoro, tiquiro mehna cjēna, Israe masa pūhtoa mehna cahmecoae, Jesu cūriquinare peresupū ijijequinare ne cāhta dutimahye surara pūhtoare. ²² Sa niepegāta surara pūhtoa peresu tiquina yeri wūhupū waha, ihñahye. Tiquinare bocaerahye. Bocaera, tojoaa wahahye. Tojoa sa yahuahye tiquina pūhtoare:

²³ —Peresupū ijije sope pahmari bihari pahmari dihita ijiri. Sa ye ti pahmari cahapū tiquina peresu yeriquinare cohteyequina ducuri. Sa ihñān usā. Usā sa ihñāpepegāta pōo sāa, usā ihñagū, tiquina peresu yeriquina mariedari, ni yahuahye tiquina.

²⁴ Tiquina sa nigū tūhoye, surara Cohācjū wūhare cohteyequina pūhtoro, pahia pūhtoa mehna tire tuho, tuho maria wahahye. “¿Dūhse waha sohtori tiroari ahri, tiquina sa yeye?” ni, tūhotuahye tiquina. ²⁵ Sa yero tiquina cahapū apequiro ahta, tiquinare yahuahye:

—Musa peresu yeriquina Cohācjū wūhupū ijiri. Ihñāna wahaya. Ti wūhupū masare buheye nidi tiquina, ni yahuahye.

²⁶ Tiquiro sa nigū tūhoro, surara pūhtoro tiquiro yequina surara mehna waha, Jesu cūriquinare pari turi ñehe cāhtahye tja. Sa ñehepeta tiquinare surara tuhtierahye. Sa ye tiquinare quēboriquina ijiepetā, masare cueye quēdahye tiquinare. “Ahriquinare

mari quēgū apequna masa pehe utā paca mehna doqueeta marine”, ni, tuhotuahye tiquina surara pehe. ²⁷ Sa ye tiquinare ne cāhta, puhto caha duhu docoahye tiquina. Tiquina sa ne wihī duhu docogū pahia puhtoro tiquinare tuhtiahye:

²⁸ —Musare usā tutuaro dutimi. “Jesu yere buheracāhña”, nimi usā musare. Usā sa niepegūta masa pehe ijiphtiequina Jerusalē cjenare buheri masa. Jesu tiquiuro yariari buhiri, usāre buhiri tigū ye duana niaga masa, niahye puhtoro pehe.

²⁹ Tiquiuro sa nigū tuhoro Pedro pehe apequna Jesu cūriquina mehna yahtiahye:

—Cohācjū dutiri pehere ye muhtanajta. Sa yena came Cohācjū cahmegū masa tiquina dutiyere yenajta. ³⁰ Cohācjū, mari acaye panopu cjenā puhtoro Jesure masori jiri. Tiquiurota ijire masa curusapu quē biha wejēdiquiuro. ³¹ Jesure “Quehnoagu ijire”, ni, tiquiuro poto pehe duji dutiri Jesure tiquiuro Pacaro pehe. Sa yero Jesu masa puhtoro, masare masoriquiuro ijiro, Israe masare tiquina ñañe yerire bujua witiyequina iji dutiro, tiquina ñañene cohā duare Jesu. ³² Sa yena usā pehe Jesu tiquiuro yerire ihñarina ijina tire yahuaja usā. Espiritu Santo tire ihñariquiuro ijiro yahure tiquiuro gāhu. Tiquiurore Espiritu Santore Cohācjū ohori. Ijiphtiequina Cohācjū dutiyere yeyequinare tiquiuro Espiritu Santore ohori, ni yahuahye tiquinare.

³³ Tiquiuro sa nigū tuhoye puhto pehe usua yuhduahye. Sa ye tiquina Jesu cūriquinare wejē duamahye. ³⁴ Sa wejē duepegūta Gamalie, fariseo masano topu ijiriquiuro tiquinare “Wejēari”, nino tiquinare yahuro taro niahye. Tiquiuro puhto mehna cjenā, dutiyere buheriquiuro ijigū, masa tiquiurore ño peoe tiahye. Tiquiuro Jesu cūriquinare mehenogā cohte dutiro ape siepu tiquinare ne cā dutiahye surarare. Tiquina sa ne cāri bato tiquiuro yahuahye masare:

³⁵ —Musa Israe masa, ahriquinare masa yeatire quehnoano tuhotuya “Musapu wejēari”, nina. ³⁶ Wacūña Teuda munanore. Tiquiuro basi “Masare yuhduacagu ijija yahu”, nidi masare. Sa ye masa peyequina cuatro cientos masa tiquiuro mehna cjenā tojoari. Sa ye apequna pehe tiquiurore wejēdi jiri. Tiquiuro buheyere buheriquina pehe waha sitea wahari jiri. Sa ye tiquina muna yojopu mariedare. ³⁷ Came masare tiquina queori pje ijigū Galilea cjenā Juda wame tiriquiuro munano masare tiquiuro buhegū tiquiuro mehna masa peyequina tojoari. Tiquiuro gāhu yariaa wahari jiri. Sa ye tiquiuro yequina ijiphtiequina waha sitea wahari jiri. ³⁸ Sa nigū masare yojopu ahrire yahugu naja. Sa ihña cāhña ahriquinare Jesu yere yahuyequinare.

Sa ye ahri buheye, ahriquina ye buheye Cohācjū ye buheye ijieraro, pihtia waharota Teuda gāhu tiquina ye buheye ti pihtiriro sahata. ³⁹ Sa ijiepegūta ahri Cohācjū ye buheye ijiro, ne pihtisi. Ahri buheye Cohācjū ye ijigū ne ahrire butigū ye masiedare masa. Masa ahrire butigū ye duana Cohācjū mehna cahmequena niboaga masa, niahye Gamalie tiquinare.

⁴⁰ Tiquiuro sa ni yahugū tuhoye, “Ijirota ijire”, ni tuhotuahye masa. Sa ye tiquina Jesu cūriquinare pijio, tiquina wihigū ihñañe, tiquinare tanahye. “Jesu yere buheracāhña masa”, ni tuhasa, tiquinare waha dutiahye.

⁴¹ Tiquina sa waha dutigū tuhoye tiquina puhto cahapu ijiriquina wahaa wahahye. Jesu yere tiquina yeri buhiri ñano yuhduye tutuaro bucueahye Jesu cūriquina. ⁴² Sa ye decoriye Cohācjū wuhupu, tiquina ye wuhusepu Cristo Jesu ye buheyere yahue tiahye tiquina.

6

Siete yedohoyequinare beseahye Jesu yequina

¹ Ti decoriye Jesu buheyequina peyequina wahahye. Sa ye judio masa tiquina quehnoano yeragū ihñañe griego masa pehe tiquina mehna cahme tuhtiahye Jesu yequina dihita ijiepetā. Griego masa wape wiha numiare decoriye tiquina ihyayere quehnoano tiquina itieragū ihñañe, judio masare tuhtiahye. ² Sa ye doce Jesu cūriquina, peyequina Jesu buheyequinare tiquina cahapu pijio, ohō saha ni yahuahye:

—Usā Cohācjū yere buhena ijijaja. Ihyayere itiborina ijieraja usā. ³ Musa usā acaye, siete umuare, “Quehnoañequina”, apequna tiquina niñequinare, quehnoano tuho masiñequinare, Espiritu Santo cuoyequinare macaña. Tiquinare ihyayere iti dutiya masa. ⁴ Sa yena usā pehe decoriye Cohācjūre sini, Cohācjū yere buhenatja, niahye tiquina Jesu cūriquina.

⁵ Tiquina sa nigū tuhoye, “Au, sata yeihna”, niahye tiquina ijiphtiequina Jesu yequina. Sa ye Estebāre Cristore wacū tutuariquiurore, Espiritu Santo tutuayere pajiro cuoriquiurore beseahye tiquina. Apequna gāhure beseahye. Felipere, Prócorore, Nicanore, Timore, Parmenare, Nicolare ihyaye itiatiquinare beseahye tiquina. Nicola pehe judio masano ijieriquiuro Antioquia cjenā judio masa ye buheyere cahmeno, tiquina mehna sajāmediquiuro ijiahye. ⁶ Tiquina beseriquinare Jesu cūriquina cahapu ne wihiahye apequna Jesu yequina pehe. Tiquina sa ne wihigū ihñañe tiquina Cohācjūre sini basaye, tiquina beseriquina bui omocarine duhu peohaye.

7 Sa ye ti yehpa cjēna Cohācjū yere masi pihci cjūne niahye. Sa ye Jerusalēri ijiyequina Jesu buheyequina peyequina wahahye. Sa ye pahia gāhu peyequina Jesu yequina wahahye.

Apequina Estebāre ñeheahye

8 Sa yero Estebā Cohācjū tutuayere cōriquiuro ijiahye. Tiquiuro Cohācjū quehnoano yenhriquiuro ijiahye. Sa yero tiquiuro Cohācjū tutuaye mehna ye ihñoahe masa tiquina ihñono. 9 Tiquiuro sa yepegūta judio masa tiquina buheri wāhu cjēna tiquiurore ihña tuhtiahye. Sa ye tiquiuro mehna cahme dāse tini wiaye niahye. Cahacjēna ijiire yūhdū witiriquina wame tiyequina ijiahye tiquina. Cirene cjēna, Alejandría cjēna, Cilicia cjēna, Asia cjēna mehna peyequina ijiahye tiquina. 10 Sa ye Estebā quehnoano masiniquiuro Espiritu Santore pajiro cōriquiuro tiquiuro yahuducugū tūhoye tiquina “Mūhu nidi potō ijerare”, tiquiurore ni ihño masiedahye. 11 Sa tūho dueraye tiquina apequinare ni meho dutiye, wapa yeahye tiquinare. Tiquina sa ni meho dutigū ohō saha ni yahūsāmahye tiquina:

—Ahriquiuro Cohācjūre tiquiuro ñano yahuducugū, Moiserē tiquiuro ñano yahuducugū gūhare usā tūhou, ni yahūsāmahye ni mehoñequina pehe apequinare.

12 Tiquina sa nigū tūhoye masa, judio masa buheyequina, bucāna gāhu tiquiuro mehna usuahye. Sa ye tiquina Estebāre ñehe, tiquina puhtoā cahapū neahye tiquiurore. 13-14 Sa ye tiquina apequinare ni meho dutiahye:

—Ahriquiuro decoripe Cohācjū wūhare, tiquiuro dutiye gūhare ñano yahuducuriquiuro ijire. Tūhou usā tiquiurore tiquiuro ohō saha nigū: “Jesu Nazare cjūno Cohācjū wūhare cohānota. Sa yero tiquiuro Moise dutiyere marine yahurire comesarota Jesu”, nidi Estebā usā tūhogū, ni meho yahūsāmahye tiquina.

15 Sa ye ijiptiyequina topū dujiyequina Estebāre quehnoano ihñadoque ohō, tiquiuro wūhdoare ihñahye tiquina. Angel yero saha bajuahye tiquiuro wūhdoā.

7

Estebā Jesu yere yahuahye

1 Sa ye pahia puhtoro sinituahye Estebāre.

—¿Ahriquina niñe potota ijiajari? ni, sinituahye tiquiuro Estebāre.

2 Tiquiuro sa nigū tūhoro, Estebā pehe tiquinare ohō saha ni yahuahye:

—Yūhu acaye, bucāna, usā pacūsūmua tūhoya. Abrahā mari ñecu mūnāno panopū cjūno Mesopotamiapū tiquiuro ijiḡ, Harāpū tiquiuro ijiato pano, Cohācjū tutuariquiuro asi siteriquiuro pehe tiquiurore Abrahāre

bajuahye. 3 Sa bajoaro Cohācjū yahuahye tiquiurore. “Mūhu ya yehpare mūhu acaye mehna ijeracāhña. Sa yegu ape yehparū wahaya. Mūhu sa wahagū mūhure ti yehpare ihñogutja yūhu”, niahye Cohācjū Abrahāre. 4 Tiquiuro sa nigū tūhoye, Abrahā gāhu Caldea yehpa cjēna ya yehparū ijiriquina wahahye. Sa yero Harāpū esahye. Topū esa, ijiahye. Sa yero tiquiuro pacūro yariari bato ahri yehpa yojopū mūsa ijiri yehparū Cohācjū ahta dutiahye Abrahāre.

5 Cohācjū Abrahā tiquiuro ijiri yehpare quehnoano waro cūdarīahye tiquiurore. Ne mehenogā cūdarīahye. Sa yero Abrahā pohna marieniquiuro ijipegūta Cohācjū pehe tiquiurore ohō saha ni yahuahye.

“Mūhure, mūhu panamena ape tjuro cjēnapure ahri yehpare ohogutja”, niahye Cohācjū Abrahāre. 6 Sa ninota ohō saha ni yahu nemoahye Cohācjū. “Mūhu panamena ape tjuro cjēna ape yehparū wahaye, topū apequina cahapū ijire, tiquina cahacjēna ijieta tiquina. Sa ye cuatro cientos cūhmari waro to cjēna ñano yeeta mūhu panamena iji turiayequinare. 7 Sa yegu to cjēnare tiquina sa yeri buhiri buhiri dahregutja yūhu. Yūhu sa yeri bato mūhu panamena iji turiayequina ahri yehparū wihieta tja. Sa ye ahri yehparū yūhu cahacjēna ijieta tiquina”, niahye Cohācjū Abrahāre.

8 Sa nino Cohācjū “Yūhu nidiro sahata yegutja”, nino Abrahā tiquiuro wacūatire ohō saha cūahye tiquiurore. Cuhnucūno sohtoa cahserogāre yūhre ne dutiahye tiquiurore, tiquiuro ni yahuripure wacū dutiro. Sa ye Abrahā Isaare pohna tiahye. Ocho decori bato cuhnucūno sohtoa cahserogāre yūhre neahye Isaare. Came Isaac Jacore pohna tiahye. Sa yero Jacob doce waro pohna tiahye. Tiquina doce pehe mari ye cururipe mari dahpoto cjēna ijiatiquina ijiahye.

9 Sa ye tiquina mari ñecūsūmua mūna panopū cjēna Josere cooye ihña tuhtiyē, tiquiurore dua cāhye Egiptopū wahayequinare. Sa yero Josere Cohācjū yedohoahye. 10 Tiquiuro ñano yūhdūḡ ihñano Cohācjū tiquiurore yedohoahye. Tiquiuro sa yedohogū José pehe quehnoano tūho masiniquiuro wahahye. Sa yero faraō Egipto cjūno puhtoro pehe Josere cahmeahye. Tiquiurore cahmegū yeahye Cohācjū pehe. Tiquiuro sa yegū faraō pehe Josere puhtoro sōahye tiquiuro yequina masare dutiatiquiurore. Tiquiuro faraō ya wūhu gūhare puhtoro ijiahye.

11 Sa ye ti pjere Egiptopū, Canaapū ne acoro ahtaerahye. Sa ye ñano yūhdūahye to cjēna. Sa ye mari ñecūsūmua mūna panopū cjēna ihyayere bocaerahye. 12 Sa bocaeraro Egiptopū trigo ijiḡ tūhoro, Jacob tiquiuro pohnene mari ñecūsūmua mūnare topū coā ohoro niahye. 13 Came Egiptopū

tiquina esagū José tiqairo wahmisumare yahuahye. “Masa bahata ijjaja yuhū”, niahye tiquinare. Sa yero José acayere coā ihñano niahye puhtoro faraō. ¹⁴ Came José tiqairo wahmisumare tiqairo pacaro Jacore piji dutiro ohoahye. Tiqairo acaye setenta y cinco masa ijjahye. ¹⁵ Tiqairo macano pijjogā tūhoro Jacob wahahye Egiptoru tiqairo macano caharu. Tiqairo macano caharu ijiro, came yariaa wahahye. Sa ye mari ñecusumua muna gāhu topu yaria pihitia wahahye. ¹⁶ Sa ye Siquē wame tiropu tiquina pagurire nea, masa coperire sehe tuhasa cohāhye tiquina pagurire. Abrahā tiqairo dūri yehpa ijjahye ti yehpa. Panoru Abrahā ti yehpare Hamor pohnene dūahye niñeru mehna.

¹⁷ ‘Sa yero Cohācjū Abrahāre “Ahri yehpare ohogātja mūhare”, niahye. Ti yehpare “Ohogātja”, tiqairo nidi pje umu sagū tiqairo acaye Israe masa peyequina masa wahahye. ¹⁸ Egiptoru tiquina ijjinīgū, apequiro puhtoro sajāhye. Sa yero tiqairo puhtoro pehe Josere masiedahye. ¹⁹ Tiqairo mari acayere ñano ye dua, tiquina pohnene wejē dua, cohā dutiahye tiquinare. Sa yero mari ñecusumua muna iji turiayequinare ñano yeahye puhtoro faraō pehe. ²⁰ Tiqairo sa yeri watoa Moise munano pehe masa bajaahye. Tiqairo quehnoariquiro, Cohācjū tiqairo quehnoano ihña coariquiro ijjahye. Sa ye ihtia asū waro quehnoano ihboahye tiqirogāre tiqairo pacusumua. ²¹ Sa yero Moiser tiquina nno nemoedagū faraō macono tiqirogāre ihña boca, ne maja, ticoro macunore yero saha cūoahye tiqirogāre. ²² Sa ye Egipto cjēna quehnoano masifequina yere buheahye Moiser. Sa yero cuero marieno yahuducuriquiro puhtoro yero saha yeriquiro ijjahye Moise.

²³ ‘Sa ijjeperota tiqairo cuarenta cūhmari cuoro tiqairo acayere Israe masare ihña duaro tiquina caharu tinino wahahye. ²⁴ Sa tinino esaro Egipto cjāno Moise acayore tiqairo ñano yegū Moise ihñahye. Sa ihñano tiqairo acayore yedohoahye Moise. Tiqairo acayore yedohoro, Egipto cjāno pehere wejēahye tiqairo. ²⁵ Sa yero Moise ohō saha ni tūhotumahye. “Yuhū acaye tiquina acayore yuhū yedohogū ihñañe ‘Cohācjū marine quehnoano yedohogū ye dutiro ohoi ahriquiro’, ni tūhotueta yuhū acaye”, ni tūhotumahye Moise. Tiqairo sa ni tūhotuegūta tiquina pehe ne sa ni tūhotuerahye. ²⁶ Ape decoru Moise tiqairo acayere puaro tiquina basi cahmequeñequinare ihñahye. Sa yero tiqairo tiquinare yahumahye. “¿Musa basi ijjeperota cahmequejari musa?” nimahye Moise tiquinare. ²⁷ Tiqairo sa nigū tūhoro ihcāquiro tiqairo acayore ñano yeriquiro Moiser tūdoqueoahye.

“Muhū usā puhto ijjerare. Usāre dutigu ijjerare muhū. ²⁸ ¿Canare Egipto cjūnore muhū wejēdoro sahata yūhare wejē duagu nijari muhū?” niahye tiqairo Moiser. ²⁹ Tiqairo sa nigū tūho maria waha, Moise oma duhti cāa wahahye. Madiā yehparu wahaa wahahye. Topure numino boca puaro pohna tiahye.

³⁰ ‘Sa ye Moise cuarenta cūhmari waro topu tiqairo ijiri bato Sinaí wame tidu canu caha masa marienoru tiqairo ijjigū angel tiqirore bajaahye. Angel pehe yucagu mehenagā ujūri peca pohnapu bajaahye. ³¹ Tu sa ujūgū ihñano Moise ihña maria wahahye. Ti pecare cahagā quehnoano tiqairo ihñano wahagū waro Cohācjū tiqirore yahuahye. ³² “Cohācjū ijjaja yuhū. Muhū ñecusumua Abrahā, Isaac, Jacob tiquina ño peorigu ijjaja”, niahye Cohācjū Moiser. Tiqairo sa nigū tūhoro Moise pehe nanarea wahahye. Ne ihña wahcōedahye. ³³ Sa yero Cohācjū yahuahye tiqirore. “Mianogāta yuhū caharu ducugu nine muhū. Sa yegu cua pesaro mehna muhū dahpo sustire tu weya. ³⁴ Yeequina masa Egiptoru tiquina ñano yuhdugū ihñau. Tiquina utiyere tūhou. Sa yegu tiquinare yedohogu ahtau. Tiquina sa wahagū ihñagu wahaya muhū gāhu. Egiptoru mūhare ohogātja tiquinare yedoho dutigu”, niahye Cohācjū Moiser.

³⁵ ‘Tiqina pehe mari acaye Israe masa Moiser cahmedahye. “Muhū usā puhto ijjerare. Muhū usāre dutigu ijjerare”, Moiser sa niñe cahmedaye niahye tiquina. Tiquina sa cahmedapegūta Cohācjū tiqirore Egiptoru ohoahye, mari acayere Israe masare yedohoatiqirore, puhtoro ijiatiqirore. Angel tiqirore yucaguru bajuariquiro pehe oho basahye tiqirore. ³⁶ Moise mari acayere Israe masare Egiptoru ijyeyequinare wioahye. Sa yero Egiptoru ahriquiro Moise Cohācjū tutuaye mehna ye ihño dūcahye. Sa yero pajiri ma sohāri mapu sa yeahye tja. Cameru masa marienoru gūhare cuarenta cūhmari waro Cohācjū tutuaye mehna ye ihñoahye tiqairo. ³⁷ Ahriquiro Moise pehe mari acayere Israe masare yahuahye. “Yuhū yero saha ijyeyequirore Cohācjū yere yahu mūhtariquirore Cohācjū ohorota. Sa yero tiqairo musa mehna cjāno musa acayero ijyero”, niahye Moise tiquinare. ³⁸ Moise masa marienoru mari acaye Israe masa mehna ijjahye. Sa yero Sinaí wame tidu canaru tiqirore yahuriquiro angel mehna ijjahye. Sa yero mari ñecusumua panoru cjēna mehna ijjahye tiqairo. Cohācjū tiqairo dutiyere cūriquiro ijjahye Moise.

³⁹⁻⁴⁰ ‘Sa ye ti dutiyere canaru Moiser tiqairo cūri watoa mari ñecusumua panoru cjēna Egiptoru tojoaa duahye,

Moisere yuhduucaye. Tiquina tiqirore cahmedahye. Sa cahmedaye, tiquina Moise bahuro Aaröre ohõ saha niahye: “Cohãmana queoyere yeya mari yequina ijiatiquinare. Sa ye tiquina maha yeriquina marine dutiye mari waha duari maharu marine neaeta. ¿Tiquiro Egiptoru ijiyequinare marine ne cãhtariquiro Moise dahse wahayari tiquiro? Masiedaja usã”, niahye tiquina. ⁴¹ Sa ye ti decorire tiquina wecu queoyere uru mehna yeahye. Sa ye tuhasa, tiquina wahiquinare wejẽ, tiquina yeriquiro caharu ne cãhta, ño peohye tiquirore. Sa ye tiquina yeriquiro wecure ihña, bucu, bosc decu yeahye. ⁴² Cohãcã wecure tiquina ño peogũ ihñano tiquinare cohã cãa wahamahye. “Yuhare cohã, ñahpicoha pehere ño peocũnahõ”, nino cohã cãa wahamahye. Cohãcã yere yahu mãhtariquina sa ni, ojoahye.

Musa yuhare ña yuhduaro yeri. Israe masa masa marienoru cuarenta cahmari waro ijina, wahiquinare musa wejẽnequinare musa ujãnequinare ohona, yuhare musa ño peoboriro sahata yemedi musa. Sa yepenata yuhã pehere musa ño peorari. ⁴³ Sa yena musa Molo wame tiriquire ño peona ijina, tiquire ño peori wuhare cuori musa. Ñahpicoha apequiro cohãcã Rejã wame tiria queoyere musa yeriare musa ño peori tã. Ti queoyere musa yeriquinare musa ño peori. Musa sa yeri buhiri musare Babilonia ape sie pahrepu cohãgãtã yuhã, ni, yahu ojoahye Cohãcã yere yahu mãhtariquina.

⁴⁴ Sa ye masa marienoru Cohãcã masa mehna tiquiro ijiri wuhare wahiquina cahseri wuhare cuohye mari ñecusumã panoru cjãna. Ti wuhã Cohãcã masa mehna tiquiro yahuducuri wuhã ijiahye. Ti wuhã Cohãcã dutiye tiquiro ojoari pãni utã pãni ijiahye. Ti wuhare Cohãcã tiquiro yahuriro sahata Moisere tiquiro ihñoriro sahata dahre dutiahye Cohãcã Moisere. ⁴⁵ Sa ye mari ñecusumã panoru cjãna Josuẽ mehna ti wuhare wahiquina cahseri mehna tiquina yeri wuhare ne cãhtahye ahri yehparu mari ijiri yehparu. Tiquinare mari acaye Israe masare Cohãcã tiquiro cãti yehpare ahri yehpare tiquina whiato pano ahri yehparu iji mãhtariquina Canaa cjãna munare Cohãcã cohã cãhye. Ti pjere Cohãcãre ño peori wuhare wahiquina cahseri wuhare cuohye mari ñecusumã. Tee Davi munano tiquiro ijigãru cuo bato tiahye ti wuhare. ⁴⁶ Sa yero Davi munano Cohãcãre bucuẽgũ yeahye. Sa yero Cohãcã ye wuhã ijiatire Davi pehe ye duaro, sinimahye Cohãcãre. ⁴⁷ Tiquiro sa siniepegãta Salomo pehe Cohãcã ye

wuhare yeahye. ⁴⁸ Tiquiro sa yepẽgãta Cohãcã pehe masa tiquina yeri wuhare ijierare. Ohõ saha niahye Cohãcã yere yahu mãhtariquiro.

⁴⁹ “Uhmuse yuhã dujiru ijire. Topu dujigu dutiaja yuhã. Sa yero yehpa pehe yuhã dahpocãrine duhu peoro yero saha ijire. Yuhã tutua yuhduagu iji-aja. Ya wuhã ijiatore ye masiedare musa. Cohãcã yuhã ijigũ yuhã ijiati wuhare musa ye masiedare. ⁵⁰ Yuhã basi ahri yehpare ijiptiro yei yuhã”, niahye Cohãcã, ni ojoahye Cohãcã yere yahu mãhtariquiro.

⁵¹ Musa ne yahti duena ijire. Cohãcã yere tuhoopenata, tiquire yahti duerare. Espiritu Santore yuhduca yuhduare musa. Musa ñecusumã tiquina yeri sahata yere musa. ⁵² Musa ñecusumã ijiptiyequina Cohãcã yere yahu mãhtariquinare ñano yeahye. Tiquina Cohãcã yere yahu mãhtariquina pehe “Came quehoariquiro Cohãcã yere yahu mãhtariquiro ahtarota”, tiquina ni yahyequina ijigũ tuhoye musa ñecusumã mana sa ni yahuriquinare wejẽ tiahye. Sa yena “Quehoariquiro”, tiquina nidiquire musa gãhu yojopare tiquiro ya curua cjãna ijiopenata tiquire wejẽdi. ⁵³ Cohãcã dutiyere angele pehe yahumahye musare. Sa yena musa ti dutiyere cuomahye. Sa yena ti dutiyere yuhduca musa, niahye Estebã.

Tiquina Estebãre utã paca mehna doque wejẽahye

⁵⁴ Tiquiro sa nigũ tuhoye tiquina pehe tutuaro usuahye. Sa tutuaro usuaye, cuayequina wahahye. ⁵⁵ Tiquina sa usupegãta tiquiro Espiritu Santo dutiriro sahata ye pehoriquiro ijiro, tiquiro tutuayere quehoano cuoriquiro ijiro, uhmusepu ihñadoque maõ, Cohãcã asi siteyere ihñahye Estebã. Jesu Cohãcã poto pehepu ducugũ ihñahye tiquiro. ⁵⁶ Sa ihñano ohõ saha niahye:

—Uhmusepu mehenogã parĩ we maagũ Jesu Cohãcã ohoriquiro Cohãcã poto pehepu tiquiro ducugũ ihñaja yuhã, niahye Estebã.

⁵⁷ Tiquiro sa nigũ tuhoye tiquina tutuaro sañuducu, tiquina cahmo coperire biha cã, ihcãno mehna tiquiro caharu oma maa cã, tiquire ñeheahye. ⁵⁸ Ñehe tuhasa, tiquire ne cã, ti maca dahũ caharu cohãhye tiquire. Sa ye utã paca mehna doque wejẽahye tiquire. Tiquina sa wejẽato pano tiquire yahusãriquina tiquire utã paca mehna doqueatiquina tiquina suhtire tu we, wahmunore Saulo wame tiriquire tiquina suhtire cuo basa dutiahye. ⁵⁹ Sa yero Estebãre tiquina wejẽato pano ohõ saha niahye tiquire:

—Jesu yahu pahoto, yahu jeripohnare neña, niahye tiqiro.

Tiqiro sa nino watoa tiquina pehe utã paca mehna doqueye niahye tiqirore.

⁶⁰ Sa yero tiqiro dusepe curi mehna quehe sa, ohõ saha niahye:

—Pahoto Jesu, ahriquina yojopu ñano yahure tiquina yeyere tiquinare buhiri dahreracãhña mahu, niahye Estebã.

Sa nidi bato tiqiro yariaa wahahye.

8

¹ Sa yero Estebã tiqiro yariagũ ihñano, “Quehnoare”, niahye Saulo pehe.

Saulo Jesu yequinare ñano yeahye

Sa ye ti decoreta Jesu yequinare Jerusalẽpu ijyequinare ñano ye ducahye apequina pehe. Tiquina sa ye ducagũ Jesu yequina Judea yehparu, Samaria yehparu, yoropu duhti site cãa wahahye. Jesu cõriquina dihita wahaerahye. ² Sa ye apequina Cohãcjũ ño peoyequina Estebãre ya, tutuaro utiahye tiquina. ³ Sa yero Saulo pehe Jesu yequinare ña yahduaro yee timahye. Tiqiro tiquina ye wuhusepu sajã, amũare, numiare ñehe, peresupu biha docoe tiahye.

Samariapu Jesu yere buheahye Felipe

⁴ Sa yere yoropu waha siteriquina Jesu yere buheahye. ⁵ Sa yero Felipe Samaria wame tiri macapu esa, Cristo yere buheahye ti maca cjẽnare. ⁶ Tiqiro sa buhegũ ti maca cjẽna quehnoano tãhoe tiahye. Sa ye Cohãcjũ tutuaye mehna tiqiro ye ihñogũ ihñahye tiquina. Sa ihñañe tiqirore quehnoano tãhoe tiahye. ⁷ Peyequina wafare cuoyequina tiqiro cahapu tiquina wihigũ ihñano watã pehere waha dutie tiahye tiqiro. Watã pehe tutuaro sañuducu, duhu cãa wahahye tiquina. Sa yero peyequina tini masieñequinare, pari yuri wahayequinare quehnoano pagu tiyequina wahagũ yeahye. ⁸ Tiqiro sa yegũ ihñañe ti maca cjẽna peyequina masa bucueahye.

⁹ Ti pjere Simo wame tiriqiro ti maca cjãno yairo ijiahye. Sa yero yayia tiquina yerire ye ihñoe tiahye Samaria cjẽnare. Tiqiro sa ye ihñogũ ihñañe, ti maca cjẽna ihña maria waha, tiqirore cua pesaro ihña tiahye.

—Yuhu masi pehogu ijiaja, nimahye Simo pehe tiquinare.

¹⁰ Tiqiro sa yegũ ihñañe masa pehe ohõ saha nie timahye:

—Ahriqiro Cohãcjũ ye tutuayere cuoriquiro ijire. Cohãcjũ yero saha tutuariqiro ijire, nie timahye tiqirore masa, pahoto mehna.

Tiqina ijipihitiyequina quehnoano tãhoahye tiqirore.

¹¹ Tiqiro yayia tiquina yere mehna yoari pje ye ihñoe tiahye tiquinare. Tiqiro sa ye ihñogũ ihñañe tiquina ihña maria wahae tiahye. Sa ye tiquina tiqirore ño peoe tiahye. ¹² Tiquina sa ño peoepegãta Felipe pehe Cohãcjũ tiqiro pahoto ijyere,

Jesucristo yere quehnoañe buheyere yahuahye. Tiqiro sa yahugũ tiquina tiqirore quehnoano tãhoahye. Tiquina sa quehnoano tãhogũ ihñano amua, numia gãhure wame yeahye Felipe. ¹³ Sa yero Simo gãhu Felipere quehnoano tãhoe tiahye. Sa yero tiqiro gãhure wame yeahye. Tiqiro sa wame yeri bato Felipe mehna tojoae tiahye tiqiro. Felipe pehe Cohãcjũ tutuaye mehna tiqiro ye ihñogũ ihñano, dohatiyequinare tiqiro yuhduogũ ihñano Simo ihña maria wahahye.

¹⁴ Sa ye Samaria cjẽna Cohãcjũ yere tiquina tutuaro cahmegũ Jesu cõriquina Jerusalẽpu ijyequina tãhoahye tiquinare. Sa tiquina cahmegũ tãhooye Pedroro, Ñu gãhure ohoahye Samariapu. ¹⁵ Topu esaye Pedro gãhu Cohãcjũre siniahye. “Ahriquina Samaria cjẽna mũhure ño peoyequina mahu yaqiro Espõritu Santore cuoahro”, ni, sini basahye tiquina Cohãcjũ. ¹⁶ Tiquina Samaria cjẽna Jesucristo wame mehna wame yeriquina ijiahye. Ti dihitaro masiahye tiquina. Sa ye Espõritu Santore cuoera tiahye ti pjere tiquina. ¹⁷ Sa ye Pedro, Ñu mehna Samaria cjẽnare tiquina omocarine tiquina bui duhu peori bato Espõritu Santore cuo ducacae tiahye tiquina.

¹⁸ Sa yero Pedro gãhu tiquina omocari mehna tiquina duhu peogũ ihñahye Simo. Espõritu Santore tiquina ñehegũ gãhure ihñahye tiqiro. Sa ihñariqiro ijiro, ti tutuayere cahmeno, niñeru mehna wapa ye duamahye. Ohõ saha nimahye Simo:

¹⁹ —Yuhu gãhure ohoya ahri tutuayere. Yuhu gãhu yuhu omocari mehna masa bui duhu peo yegu tãu niaja Espõritu Santore tiquina ñeheatõ saha. Sa yegu ahri yuhu yeati wapare wapa ye duaja, nimahye Simo tiquinare.

²⁰⁻²¹ Tiqiro sa nigũ tãhoro Pedro ohõ saha niahye:

—Muhu niñeru mehna Cohãcjũ ye tutuayere mahu dú duari buhiri mahu niñeru mehnaata pecapu wahaya mahu. Cohãcjũ mahu tãhotuyere masine. Muhu ñagu ijinine. Sa yegu ahrire usã yeyere ye masiedare mahu. Ahrire yebogu ijierare mahu. ²²⁻²³ Tutuaro ihña coore mahu. Sa yegu ñaie yeyere ne duhu masiedare mahu. Sa yegu ahrire mahu ñaie yerire bujua witiya mahu. Cohãcjũre mahu ñaie tãhotuyere bo dutigu sinifã mahu. Mahu sa yegũ ihñano tiqiro mahu ñañene borota, niahye Pedro tiqirore.

²⁴ Tiquiro sa nigū tūhoro Simo yuhtiahye tiquirore.

—Yuhure sini basaya masa Cohācjüre muhu nidiro saha yuhu wahaeragū. Ti buhiri pecarū waha dueraja yuhu, niahye Simo tiquirore.

²⁵ Came Pedro Ņu mehna Cohācjū yere yahuahye. “Jesu tiquiro masa mujagū ihñau usā”, ni, Samaria yehparū ijije macari cjēnare quehnoañe buheyere buheahye. Tiquinare Cohācjū yere buhe tuhasa Jerusalēpū tojoaa wahahye.

Felipe Etiopía yehpa cjānore buheahye

²⁶ Sa ye Cohācjū tiquiro yaquiro angel Felipere yahuahye:

—Yojoapare sur pehepū wahaya. Jerusalē caha ijiri mahapū Gazapū wahari mahapū wahaya, ni yahuahye angel Felipere.

Ti maha masa marienopū ijire. ²⁷ Tiquiro sa nigū tūhoro tiquiro pehe ti mahapū wahahye. Came ti mahapū ihcāquiro masnōre piti caro taro niahye. Tiquiro piti catiquiro ijiahye Etiopía yehpa cjāno puhtoro. Sa yero Candace wame tiricoro Etiopía cjāno puhtoro yere, niñerure ijipihtiyere ihña ihboriquiro ijiahye. Sa yero tiquiro Jerusalēpū mari Pacure ño peoro waha tuhasahye. ²⁸ Tiquiro ya macapū tunuria mehna tojoa taro tiapū wahaerota buhero niahye. Cohācjū yere yahu muhtariquiro Isaia tiquiro ojoari pūre buhero niahye. ²⁹ Sa yero Espiritu Santo pehe Felipere ohō saha ni yahuahye:

—Siquiro tunuriapū wahariquiro cahapū wahaya, niahye Espiritu Santo tiquirore.

³⁰ Tiquiro sa nigū tūhoro Felipe pehe tunuria cahapū oma cā, Isaia ojoarire Etiopía cjāno buhegū tuhoahye. Sa tūhoro Felipe sinituahye tiquirore:

—¿Mūhu buheyere tuho masiajari mūhu? niahye tiquiro.

³¹ Tiquiro sa nigū tūhoro Etiopía cjāno ohō saha ni yuhtiahye:

—Apequiro yuhure yahu yuhduoatiquiro mariedagū quehnoano masiedaga yuhu. Ohō yuhure yahu dujigū ahtaya yuhu pari paha, ni yuhtiahye tiquiro Felipere.

—Au, ni, nuju sahye tiquiro caha.

³² Sa ye Cohācjū yere Etiopía cjānore tiquiro buheri pū ohō saha niahye:

Ovejare tiquina ñehe wejēdiro saha tiquiro gūhare ñehe wejēta masa. Sa yero ovejagāre tiquiro poarire tiquina segū tiquiro dihta marieno saha tiquiro masūno gūhu dihta marieno ijirota. ³³ Tiquirore tiquina bujūpeeta. Sa ye tiquiro ñano yerapegūta tiquina pehe ñano yeeta tiquirore. Tiquiro ahri yehparū ijigū tiquina tiquirore wejēta. Sa yero

tiquiro pohna marieniquiro yariaa waharota, ni ojoahye ti pūpūre.

³⁴ Ti pū sa ni yahugū ihñano, Etiopía cjāno sinituahye:

—Yahuya yuhure. ¿Ohō saha Isaia tiquiro nidiquiro noa boro ijajari ahriquiro? ¿Isaia tiquiro basi yahuro niagari? ¿O apequirore yahuro niagari? ni, sinituahye Etiopía cjāno.

³⁵ Tiquiro sa ni sinitugū tūhoro Felipe pehe ti pūre ihña, Jesu yere yahuahye Etiopía cjānore. ³⁶ Sa ye tiquina tia mehna waha, mágāpū esahye.

—Ihñaña, ohō mágā ijire. Ahri mágāpū yuhure wame yeya, niahye Etiopía cjāno.

[³⁷ —Jesure mūhu quehnoano wacū tutuagū ihñagu muhare wame yeitja, niahye Felipe tiquirore.

—Jesure wacū tutuaja yuhu. Tiquiro Cristo Cohācjū macāno ijire. Tire quehnoano masiaja yuhu, niahye Etiopía cjāno.]

³⁸ Sa ninota tunuria ohoturiquirore yusno dutiahye. Tia yusu quehe sari bato wijiahye tiquina. Wijia, ti mágāpū esa, ñumudaca sahye tiquina. Topū ñumudaca sa, Felipe pehe tiquirore wame yeahye.

³⁹ Wame ye tuhasa tiquina majadaca sagū Cohācjū yaquiro Espiritu Felipere nea wahahye. Tiquiro sa wahari bato Etiopía cjāno quehnoano bucueriquiro tiquiro ya yehparū tojoaa wahahye. Tiquiro sa yeri bato tigū ne pari turi Felipere ihña nemoedahye. ⁴⁰ Sa ye tuhasa Azotopū esahye Felipe pehe. Sa yero peye macarine quehnoañe buheyere buheahye masare. Cesarepū buhe bato tiahye.

9

Saulo Jesucristore ihñano tiquirore wacū tutua ducahye

(Hch 22.6-16; 26.12-18)

¹ Ti pjere Saulo Jesu yequinare ihña tuhtiriquiro, “Tiquinare wejēgutja”, nino, tiquiro pahia puhtoro cahapū wahahye. ² Topū esaro tiquiro ojoari pūrine siniahye pahia puhtoro. Ohō saha niahye:

—Damasco cjē wuhusepū judio masa mari buheye wuhusepū Jesu yequinare umuare, numiare boca sagū, tiquinare ñehe duhte, Jerusalēpū ne cāhtagutja. Ti wuhusepū ijieyquinare yuhu ñeheatire patera pūre ohoya, ni siniahye Saulo pahia puhtoro.

³ Ti pūre ne tuhasa, waha, Damasco cahagā tiquiro esagū waro umuanopū asi sitedoque dijoahye tiquirore. ⁴ Sa asi sitedoque dijiogūta tiquiro yehparū bora quehe saro, yahuducugū tuhoahye:

—¿Saulo, dahsegu mūhu yuhure ñano yeajari? nino ca tahye.

⁵—¿Puh̄to, noa boro ijiajari m̄h̄u? niahye Saulo pehe.

—Ȳh̄u Jesu, m̄h̄u ñano yenohrigu iji-aja. [M̄h̄u ȳh̄u mehna usuagu ȳh̄ure yuhtieragu, m̄h̄u basita ñano yuh̄dure, niahye Jesu Saulore.

⁶ Tiqairo sa nigū Saulo cue nanare, oh̄o saha ni sinituahye:

—¿Puh̄to, dahse ȳh̄u yegū cahmeajari m̄h̄u? niahye Saulo.

Tiqairo sa nigū oh̄o saha niahye Jesu:]

—Wahcāducaya m̄h̄u. Si macaru wahaya. Ti macaru m̄h̄u esagū ti maca cjan̄o m̄h̄u yeaire yahurota m̄h̄ure, niahye Jesu Saulore.

⁷ Tiqairo sa nigū Saulo mehna cjen̄a pehe tiqairo yahuducuye dih̄tare tuhoahye. Jesu pehere ih̄ñedahye. Tiqairo sa wahagū ih̄ñañe, cueye, tiquina yahuducu masiedahye. ⁸ Sa yero Saulo yehparu cuñariqairo wahcādūca, tiqairo ih̄ñagū tiqairo caperi bajuerahye. Sa ye tiquina tiqairo omocare ñehe, Damascopu tñā cāa wahahye tiqairore. ⁹ Sa yero tiqairo ihtia deco waro ne ih̄ñeda, ihyera, ne sniedadahye.

¹⁰ Sa ye Jesu buheriqairo Anania wame tiriqairo Damascopu ijiahye. Sa yero Jesu bajuahye Ananiare. Sa bajuaro pisuahye tiqairore:

—¿Anania, ijiajari m̄h̄u? niahye Jesu.

—Ijiaja, ni, yuhtiahye Anania tiqairore.

¹¹ Tiqairo sa nigū Jesu yahuahye tiqairore:

—Poto wame tiri maharu wahaya. Topu wahagu Juda ya wuh̄aru Tarso cjan̄ore Saulo wame tiriqairore macañā. Tiqairo Coh̄ajure sinino niaga. ¹² Sa yero queh̄eno saha tiqairo ih̄ñarire ih̄ñano niaga topure. Oh̄o saha ijiyere ih̄ñano niaga tiqairo: M̄h̄u omocare tiqairo bui duhu peo, tiqairo caperi queh̄noa wahagū ih̄ñano niaga tiqairore bajarire, niahye Jesu Ananiare.

¹³ Tiqairo sa nigū tuhoro Anania oh̄o saha niahye:

—Puh̄to, tiqairo m̄h̄u yequinare queh̄noañequinare Jerusalē cjen̄are ñano yeñoh̄ti. Peyequina masa yuh̄ure sa ni yahuri. ¹⁴ Sa yero oh̄ore tiqairo ijipihtiyequina m̄h̄ure cahmeñequinare peresu yero taro niñoh̄ti. Pahia puh̄toa tiqairore sa ye dutiñoh̄ti, niahye Anania Jesure.

¹⁵ Tiqairo sa nigū Jesu pehe yahuahye tiqairore:

—Tiqairo Saulo pehe yuh̄u beseriqairo ijire. Tiqairo yee buheyere peye macari cjen̄are, Israe masa ijieyequinare, tiquina puh̄toare, Israe masa ḡuh̄ure buherota. Sa yegu wahaya m̄h̄u. ¹⁶ Sa yero peye tahari yeere tiqairo yeri buhiri tiqairo ñano

yuh̄durota. Tire tiqairore masigū yegutja, niahye Jesu Ananiare.

¹⁷ Tiqairo sa nidi bato Anania pehe waha, esa, Saulo tiqairo ijiri wuh̄aru sajāhye. Sajā sa, tiqairo omocare Saulo bui duhu peo, yahuahye tiqairore.

—Ȳh̄u acayu Saulo, mari puh̄toro Jesu pehe maharu m̄h̄ure bajuariqairo yuh̄ure ohori, m̄h̄u caperire ih̄ña dutiro, Espiritu Santore m̄h̄ure cuo dutiro, tiqairo dutiriro sahata m̄h̄ure ye dutiro, ni yahuahye Anania Saulore.

¹⁸ Tiqairo sa nigūta tiqairo caperire wahi natari saha bajuyere tiqairo caperire pahna dijiagu ih̄ñahye Saulo. Tiqairo sa ih̄ña tuhasari bato wahcādūca sagū apeqairo pehe wame yeahye tiqairore. ¹⁹ Sa yero tiqairo ihyari bato pagu tutuariqairo wahahye.

Saulo Damascopu Jesu yere buhe dūcahye

Sa ye meheñe decorigā Damasco cjen̄a Jesu yequina mehna ijiahye Saulo.

²⁰ Sa yero ti pjereta tiqairo judio masa buheye wuh̄usepu Jesu yere buheahye masare. Jesu Coh̄ajū macano tiqairo ijiyere yahuahye Saulo. ²¹ Tiqairo sa yahugū ih̄ñañe ijipihtiyequina tiqairore tuhoyequina acuaa wahahye.

—Ahriqairo Coh̄ajū yequinare Jesure cahmeñequinare ñano yee tiriqairo ijire. Sa yero tiqairo tiquinare ñehe, dah̄te, pahia puh̄toare oho duari jimedi. Sa ye duaro oh̄opare ahtari jimedi tiqairo, niahye masa tiqairore tuhoyequina.

²² Tiquina sa ni tuhotuepegūta Saulo cuero marieno tutuaro mehna buhe dūcahye. Judio masare Damasco cjen̄are queh̄noano yahuahye. “Ahriqairo Jesu potota Cristo marine yuh̄duriqairo ijire”, tiqairo ni yahugū tiquina pehe tiqairore “Ni mehono nine ahriqairo”, ni masiedahye tiqairore.

²³ Sa ye peye decori bato judio masa tiqairore wejē duaye, tiquina basi yahuducuahye. ²⁴ Sa yero Saulo tiquina wejē duagu masiahye tiqairo basi. Sa ye ti maca cjen̄e sopecaharire decopure, ñamip̄u ḡuh̄ure coltee tiahye tiqairore wejē duaye. ²⁵ Tiquina sa wejē duagu ih̄ñañe ñamip̄u Saulo buheyequina tiqairore puh̄oro pajiri puh̄adupu ne s̄aa, ti maca cjen̄e sahr̄ino behero peheru duhu dijiyahye tiqairore.

Saulo Jerusalēpu ijiahye

²⁶ Sa ye Saulo Jerusalēpu esaro, topu Jesu yequina mehna tiqairo iji duamahye. Tiqairo sa iji duepegūta tiquina tiqairore “Jesu buheriqairo ijierare ahriqairo”, niñe, tiqairore cue niahye. ²⁷ Tiquina sa cuepegūta Bernabé pehe tiqairore ne cāhye Jesu cūriquina caharu. Sa yero Saulo

mahapu Jesure tiqiro ihñarire, Jesu mehna tiqiro yahuducurire, Damascopu cuero marieno Jesu yere tiqiro buhe ducarire yahuahye Bernabé pehe. ²⁸ Tiqiro sa ni yahuri bato Saulo tiqina mehna sajāno, Jerusalēpu tiqina mehna ijie tiahye. ²⁹ Sa yero tiqiro cuero marieno Jesu yere buhee tiahye. Sa yero tiqiro judio masare Jesu yere yahu yuhduducaro niahye. Tiquina judio masa griego masa yere yahuducuyequina ijiahye. Sa ye Saulo tiqiro sa yahu yuhduducari buhiri tiqina tiqirore wejē duamahye. ³⁰ Tiquina sa wejē duagū ihñañe, Saulo mehna cjēna Jesu yequina pehe tiqirore Cesareapu ne duhti cāa wahahye. Topu tiqirore siho ijiducume Tarsopu ohoahye tiqirore.

³¹ Sa ye ijipihitropu, Judea yehrapu, Galilea yehrapu, Samaria yehrapu Cohācjā yequina quehnoano ijie tiahye. Ti pjere ne masa ñano yera tiahye tiquinare. Sa ye quehnoano buheahye tiquina. Sa ye tiquina Cohācjāre cua pesaro ihñahye. Espiritu Santo tiquinare tiqiro yedohogū tiquina pehe masa peyequina wahahye.

Pedro Eneare quehnoa wahagū yeahye

³² Sa ye Pedro ijipihitiye macaripu waharo, Jesu yequina Lida maca cjēna cahapu gūhare esahye tiqiro. ³³ Topu esaro Enea wame tiriquirore boca sahye. Enea tini masieniquiro ijiro, ocho cahmari waro cuñari cahsero mehna cuñae tiahye tiqiro. ³⁴ Sa yero Pedro pehe tiqirore ohō saha niahye:

—Enea, Jesucristo mahure quehnoa wahagū yere. Wahcāducaya. Mūhu eō tu cuñari cahserore quehnoña, niahye Pedro tiqirore.

Tiqiro sa nigūta tiqiro wahcādūca wahaah wahahye. ³⁵ Sa ye ijipihitiyequina Lida cjēna, Sarona cjēna tiqirore ihñañe, tiquina ñañe yirire duhu, Jesure wacū tutuahye.

Dorca wame tiricorore masoahye Pedro Jesu tutuaye mehna

³⁶ Sa ye Jope wame tiri macapu Jesure ño peoricoro Tabita wame tiricoro ijiahye. Ticoro wame Tabita griego ye yahuducuye mehna Dorca ijire. Ticoro quehnoañene yero, peye ohoe tiahye pejecuoyequinare. ³⁷ Sa yero ti pjere ticoro dohati wahcō, yariaa wahahye. Ticoro yariagū ihñañe, tiquina ticorore quehnoano cose, ahmāno cjā tucūpu cūahye ticorore. ³⁸ Lida wame tiri maca Jope cahagāpu ijiri. Sa ye Jesu buheyequina Jope cjēna Pedro Lidapu tiqiro ijigū tuhoahye. Sa tuhoye, puaro ohoahye Pedro cahapu. Tiquiro cahapu esaye, Pedroro yahuahye tiquina.

—Sojaro mehna usā ijiropu wahaya, ni yahuahye tiquina.

³⁹ Tiquina sa nigū tuhoro tiqina mehna wahaah wahahye tiqiro. Topu tiqirore tiqina ne sari bato ahmāno cjā tucūpu ne mūjaa wahahye tiqirore. Sa ye ijipihitiyequina wape wiha numia tiqiro cahapu esadūca, utiahye. Tabita tiqina mehna ijininopu peye suhtire yee tiahye. Sa ye tiqina ticoro yeri suhti ijirire ihñeahye Pedroro. ⁴⁰ Tiquina sa ihñoepegūta Pedro tiquinare ti tucūpu ijyeyequinare wijia dutiahye. Tiquina wijari bato tiqiro dūsepe curi mehna quehe sa, Cohācjāre ticorore sini basahye. Sa yero ticoro pagure majare ihñahye.

—Tabita wahcāña, niahye tiqiro.

Tiqiro sa nigūta ticoro pehe ihñā wahcō, Pedroro ihñā, wahcā nuju sahye. ⁴¹ Ticoro wahcā nuju sagū ihñā, tiqiro ticoro omocare ñehe, tuā wahcō docoahye ticorore. Sa yero tiqiro to cjēnare Jesu yequinare, wape wiha numiare pijio, ticorore catiricorore wiahye tiquinare. ⁴² Tiquiro sa yeri bato ijipihitiyequina Jope cjēna tire masiñe peyequina masa Jesure wacū tutua dūcahye. ⁴³ Came Jopepu Simo wahiquina cahserire quehnoiquiro mehna peye decori Pedro tiqiro mehna ijiahye.

10

Pedro Corneliore Jesu yere yahu dūcahye

¹ Ti pjere Cesareapu Cornelio wame tiriquiro ijiahye. Tiquiro cien surara puhtoro ijiahye. Tiquina surara pehe tiqina ya curua Italiano wame tiahye. ² Cornelio tiqiro ya wūhu cjēna mehna mari Pacure ño peoyequina, cua pesaro ihñañequina ijie tiahye. Sa yero tiqiro judio masa pejecuoyequinare yedohoro, peye ohoahye. Sa yero decoripe tiqiro mari Pacure sinie tiahye. ³ Sa ye ñamicahapu tres hora ijigū Cohācjā yaqiro angel tiqirore bajuahye. Sa bajuaro Cornelio cahapu sa jāhye.

—Cornelio, niahye angel tiqirore.

⁴ Sa yero Cornelio tiqirore ihñā cuero ohō saha niahye:

—¿Puhto, yabere cahmeajari? niahye tiqiro.

—Pejecuoyequinare mūhu ohorire, mari Pacure mūhu sinidire tiqiro wacūno niaga.

⁵ Sa yegu Jopepu mūhu cahacjēnare ohoya. Topu Simo Pedro wame tiriquiro ijire. Tiquirore ne cāhta dutiya mūhu cahacjēnare.

⁶ Tiquiro apequiro Simo wahiquina cahseri quehnoiquiro cahapu, pajiri ma dūhtu cahapu ijiri wūhūpu ijire, niahye angel Corneliore.

⁷ Angel sa ni tuhasa, wijiaa wahahye. Tiquiro sa wijari bato Cornelio puaro tiqirore yedohoyequinare ihcāquiro surara mehna cjānore pijiahye. Surara

pehe mari Pacure ño peoriquiro ijiro, decoripe Corneliore yedohoe tiahye. ⁸ Sa yero Cornelio tiquinare yahu peho, Joperu ohoahye tiquinare.

⁹ Sa ye ape deco Joperu tiquina wahari watoa coheri pje ijigü Pedro pehe wahu buipü Cohäcjäre sinino wahahye. ¹⁰ Sa yero tiquiro ujua ahabagü ihya duahye. Sa ihya duaro apequina tiquiro ihyayere tiquina dahreri watoa tiquiro pehe bajuagü ihñahye. ¹¹ Uhmuanopu parí maagü, pajiri cahsero ti cahsero sohtoripü dahreri cahsero dijia tagü ihñahye. ¹² Ti cahsero puhiape peyequina wahiquina nüca cjëna, yehparü büa tiniñequina, minicjua pari ijiahye. ¹³ Tire tiquiro ihñari bato, Pedro yahuducugü tuhoahye.

—Pedro, wahcädacaya. Ahriquinare wejé ihyaya, ni yahuducugü tuhoahye tiquiro.

¹⁴ Tiquiro sa niepegüta Pedro ohö saha niahye:

—Puhto, ne tiquinare ihyeraja yuhu. Ñañequinare, Cohäcjü tiquiro ihya dutierariquinare ne ihyera tii yuhu, niahye Pedro.

¹⁵ Sa yero Pedro pari turi yahuducugü tuhoahye:

—Cohäcjü “Quehnoañequina ijire”, tiquiro nidiquinare “Ñañequina ijire”, niedacähña mühu tiquinare, ni yahuducugü tuhoahye Pedro.

¹⁶ Sa ye ihtia taha tiquina sa ni yahuducuri bato ti cahsero uhmuanopu mujaa wahahye tja. ¹⁷ Sa yero Pedro tutuaro wacü “¿Dähse ni yahu duaro niajari sa bajuaro?” ni tuhotuahye tiquiro basi. Tiquiro sa tuhoturi watoa Cornelio ohoriquina pehe Pedro ijiri wuhuru esahye. “¿Simo ya wahu nohorü ijiajari?” ni, tiquina sinituri bato ti wuhuru esahye tiquina. ¹⁸ Sa ye tiquina sinitu madoqueoahye. “¿Simo Pedro wame tiriquire ahri wuhure ijiajari?” ni sinituahye tiquina. ¹⁹ Sa yero Pedro tiquiro tuhoturi watoa Espiritu Santo tiquire yahuahye:

—Ihñañ. Ihtiaro umua mühare macañe nine. ²⁰ Wahcädacaya. Dijiahya. Tiquina mehna wahaya. Yabiro marieno wahaya quehnoano mehna. Yuhu pehe tiquinare ohörü ahtagü yei, niahye Espiritu Santo Pedrose.

²¹ Tiquiro sa nigü tuhoro Pedro tiquina caharu dijiaa wahahye.

—Ihñañ. Ohörü ijiaja yuhu müsa maca cãhtarigu. ¿Dähse yena tana niajari müsa yuhu caharü? niahye Pedro tiquinare.

²² Tiquiro sa nigüta tiquina pehe ohö saha niahye:

—Cornelio cien surara puhtoro, quehnoañene yeriquire, mari Pacure cua pesaro ihñariquire, ijipitiyequina

judio masa “Quehnoariquire”, tiquina nidiquiro mühare piji dutiro ohori usäre. Cohäcjü quehnoariquire yaquire angel Corneliore mühare piji dutiñohti. Ohö saha niñohti: “Pedrose mühu ya wuhuru ne cãhta dutiya mühu cahacjënare. Sa ye tiquiro mühare yahurota”, ni piji dutiñohti angel Corneliore, ni yahuahye Cornelio Pedrose tiquiro piji dutiriquina pehe.

²³ Tiquina sa nigü Pedro pehe tiquinare sajã ta duti, ihyaye oho, tiquiro ijiri wuhuru carí dutiahye tiquinare. Sa yero ape deco Pedro wahcã, tiquina mehna wahaa wahahye. Sa ye apequina Cristo yequina Jope cjëna Pedrose piti ti cãhye.

²⁴ Ape deco tiquina Cesarepu esahye. Sa yero Cornelio pehe tiquiro acayere, tiquiro mehna cjëna gühare piji cahmeco, Pedrose cohteahye. ²⁵ Sa yero Pedro Cornelio ya wuhuru caharu tiquiro ahtagü ihñano Cornelio pehe tiquire piti ca wijia, tiquiro dahpocãri caharu quehe sahye. ²⁶ Sa yepegüta Pedro tiquire ne wahcö doco ohö saha niahye:

—Ducuya mühu. Yuhu gühu mühu yero saha ijigü ijiaja. Cohäcjü ijieraja yuhu, niahye Pedro tiquire.

²⁷ Tiquiro sa ni tuhasari bato Cornelio tiquire ne sajã wahahye tiquiro ya wuhuru. Topu sajã saro masa pari ti wuhuru cahmeco, tiquire cohteyequinare ihñahye Pedro. ²⁸ Sa yero Pedro tiquinare yahuahye:

—Judio masu ijiepegüta ape curua cjëna mehna ijigü usã dutiyere yahuducagu niaja yuhu. Tire quehnoano masine müsa. Sa ijiepegüta ape curua cjënare “Ñañequina ijire”, mühare ni dutierari Cohäcjü. Sa ni yahuri mühare tiquiro. ²⁹ Tiquiro sa nigü tuhogu ohörü müsa caharü ahta. Müsa mühare pijigü “Ne wahaeraja”, niedu yuhu. “¿Dähse ijira boro yuhu ohörü ahtagü cahmeari müsa?” niahye tiquinare Pedro.

³⁰ Tiquiro sa nigü tuhoro Cornelio pehe ohö saha niahye:

—Tres hora ijigü waro mari Pacu yaquire angel mühare bajuari. Pititia deco wahare mühare tiquiro bajuari bato. Ti decota mari Pacure yuhu sinini watoa angel asi siteri suhtiro sañariquire yuhu caharu ducuri. ³¹ Sa yero tiquiro mühare ohö saha nidi: “Cornelio, mühu mari Pacure mühu sinigü tiquiro tuhori. Sa yero pejecuoyequinare tiquina cahmeñene mühu ohogü ihñano mari Pacu wacüno mühare yedohorota. ³² Sa yegu Joperu mühu cahacjënare ohoya, Simore, Pedro wame tiriquire mühu caharu tiquina ne cãhtagü. Tiquiro apequire Simo wahiquina cahseri quehnoariquire ya wuhuru pajiri ma dahrü caharu ijiri wuhuru ijire tiquiro”, ni yahuri mühare tiquiro. ³³ Tiquiro sa nigü tuhogu

yahu cahacjēnare mahuare ne cāhta dutiga ohou yahu. Sa yegu quehnoano yegu ahtari jiri mahu usā cahapare. Sa yena usā ijipihitina ohōre mari Pacu tiquiro ihñonopu ijina niaja usā. Ijipihitiyere mari Pacu mahuare tiquiro yahu dutirire tuho duana, cohte usā, niahye Cornelio Pedroro.

Pedro Jesu yere yahuahye

³⁴ Tiquiro sa nigū tuhoro, Pedro ohō saha ni yahuahye:

—Yojopu masiaja. Ijirota ijire. Cohācjū ihcāno saha quehnoano yere marine. ³⁵ Sa yero ijipihitiye macari cjēna Cohācjūre cua pesaro tiquina ihñagū, quehnoañene tiquina yegū Cohācjū pehe tiquina mehna bucuere. ³⁶ Cohācjū usā judio masa cahapu Jesucristore ohori. Masare Cohācjū mehna quehnoano iji dutiro Jesu pehe quehnoañe buheyere yahuri. Ti buheyere masa masine. Jesucristo pehe ijipihitiyequina masa puhtoro ijire. ³⁷ Nu wame yeriquiro ohō saha ni yahuri: “Masa ñañene bujua witiya. Sa yena wame yenohrina ijiya”, ni, yahuri Nu. Masare tiquiro sa ni yahuri bato Galileapu quehnoañe buheyere Jesu pehe yahu ducari. Came Judea yehparu ti buheyere yahu pehori. ³⁸ Ahriquiro Jesu Nazare cjanore Cohācjū pehe tiquiro tutuayere, Espiritu Santo mehna tiquiro ye masiatire ohori Jesure. Sa yero Jesu quehnoano yero wahari. Sa waharo watiare cuoyequinare ñano yuhduyequinare ijipihitiyequinare quehnoa wahagū yeri. Mari Pacu Jesu mehna ijiri. ³⁹ Judea yehparu, Jerusalēpu gūhare ijipihitiye tiquiro yerire usā ihñau. Came tiquina curusapu wejēdi tiquirore. ⁴⁰ Sa yero ihtia deco wahaboro Cohācjū tiquirore masori jiri. Sa yero Jesure apequinare bajuagū yeri jiri mari Pacu. ⁴¹ Ti pjere Jesure ijipihitiyequina ihñedari. Meheñequinagāre bajuari tiquiro. Mari Pacu tiquiro cahmenare, Jesure ihñatinare panopu usāre mari Pacu beseahye. Usā pehe Jesu tiquiro masari bato tiquiro mehna ihya, sihni. ⁴² Sa yero usāre tiquiro dutiri. “Masare yahuya. Yahu Jesu ijipihitiyequina catiyequinare, yariariquina gūhare buhiri dahreacju yahure ijigu yeri mari Pacu. Sa yena tire masare yahuya”, ni dutiri Jesu usāre. ⁴³ Ijipihitiyequina Jesure tiquina wacū tutuagū ihñano Cohācjū tiquina ñañene borota. Tire ijipihitiyequina Cohācjū yere yahu mūhtariquina panopu cjēna yahuyuahye, ni yahuahye Pedro.

Judio masa ijieyequina Espiritu Santore cuo ducahye

⁴⁴ Ti ijipihitiyere tiquiro sa ni yahuri watoapu, ijipihitiyequina tire tuhoyequina mehna Espiritu Santo iji ducahye. ⁴⁵⁻⁴⁶ Sa ye judio masa ijieyequina tuhohemeñeñe yahuducuye mehna bucuere mehna

yahuducu ducahye. Ti yahuducuye mehna Cohācjūre “Tutuagu, quehnoagu ijire”, niñe niahye. Tiquina sa nigū tuhoahye Pedro acaye judio masa Jesu yequina. Sa ye Espiritu Santo judio masa ijieyequina mehna tiquiro iji ducagū ihñañe judio masa pehe ihña maria wahahye. Sa yero Pedro ohō saha ni yahuahye judio masare:

⁴⁷ —Mari yero sahata Espiritu Santore cuore ahriquina gūhu. ¿Tiquina sa ijigū ihñana ahriquinare wame yeraboagari mari? niahye Pedro tiquinare.

⁴⁸ Sa ni tuhasa Jesu wame mehna judio masa ijieyequinare wame ye dutiahye Pedro. Tiquina sa yeri bato “Usā mehna meheñe decorigā tojoariña”, niahye tiquina Pedro gūhare.

11

Pedro Jerusalē cjēnare Jesu yequinare yahuahye

¹ Sa ye judio masa ijieyequina gūhu Cohācjū yere tiquina quehnoano cahmegū Jesu cūriquina pehe tiquina acaye Judeapu ijieyequina mehna tuhooahye. ² Sa ye Pedro Jerusalēpu tiquiro tojoa sagū ihñañe judio masa Jesu yequina meheñequinagā tiquirore ohō saha niahye:

³ —¿Judio masa ijieyequinare dahse ijiro boro ihñagū esari mahu? ¿Dahse ijiro boro tiquina mehna ihyari mahu? ni, tuhtiahye Pedroro tiquina.

⁴ Tiquina sa nigū tuhoro Pedro tiquiro yerire yahu peho cāhye tiquinare. ⁵ Ohō saha ni yahuahye:

—Yahu Jopapu ijigu Cohācjūre sinigu nii. Sa yero yahure ohō saha bajuari. Pajiri cahsero ti cahsero sohtoripu duhteri cahsero ahmuanopu yahu cahapu dijia tagū ihñau. ⁶ Sa yegu ti cahserore quehnoano ihñau, “¿Yabe boro ti cahseropure ijiajari?” nigū. Sa yegu ihñau ti cahseropure ijieyequinare: Wahiquinare nucu cjēnare, yehparu bua tiniñequinare, minicjua parire ihñau. ⁷ Sa yegu yahure tiquiro yahuducuyere tuhohu. “Pedro, wahcāducaya. Wejē ihyaya ahriquinare”, nino ca tari yahure. ⁸ Tiquiro sa nigū tuhogu ohō saha nii yahu. “Puhto, ne tiquinare ihyeraja yahu. Ñañequinare, Cohācjū tiquiro ihya dutieyequinare ne ihyera ti yahu”, ni yahu. ⁹ Yahu sa niepegūta ahmuanopu pari turi yahure yahuducuro ca tari tja. “Cohācjū ‘Quehnoañequina ijire’, tiquiro nidiquinare ‘Ñañequina ijire’, niedacāhña mahu”, nino ca tari yahure. ¹⁰ Sa yero ihtia taha usā sa ni yahuducuri bato ti cahsero ahmuanopu mūjaa wahari tja. ¹¹ Yahu sa ihñari watoa ihtiaro amua usā ijiri wuhapu esari jiri. Tiquina Cesarea cjāno ohoriquina ijiri. ¹² Sa yero Espiritu Santo pehe yahure tiquina

mehna waha dutiro “ ‘Tiquina ñañequina ijire’, niedacãhña tiquinare”, ni yahuri yuhure tiquiro. Sa ye ahriquina seis yuhũ acaye mehna Cesarea cãano ya wuhũpũ sajãũ usã. ¹³ Sa yero tiquiro usãre ohõ saha ni yahuri. “Angel yuhũ wuhũpũ ducugũ ihñau yuhũ. Ohõ saha ni yahuri yuhure: Joperũ Simore Pedro wame tiriquirore ne cãhta dutiya. ¹⁴ Tiquiro mũhũre mũhũ acaye mehna musare ijiphtinare pecapũ wahaborinare musa yuhũuatire yahurota’, nidi angel yuhure”, ni, yahuri Cesarea cãano yuhure. ¹⁵ Sa ye yuhũ yahuducuri watoa Espĩritu Santo pehe tiquina mehna iji ducari, marine tiquiro ye mũhtariro sahata. ¹⁶ Sa yegũ Jesu tiquiro yahurire wacũu yuhũ. Ohõ saha ni yahuri tiquiro: “Ñũ musare wame yero aco mehna wame yemedi. Yahu pehe tiquiro yuhũoro yeitja musare. Came Espĩritu Santore musa mehna ijiducugũ yeitja”, ni yahuri. ¹⁷ Sa yero Jesucristo mari puhtorore mari wacũ tutuagũ ihñano Cohãcãu yaquiro Espĩritu Santore ohori marine. Sa yero Cohãcãu marine Espĩritu Santore tiquiro ohoriro sahata judio masa ijieyequina gãhũre tiquiro ohori. Cohãcãu tiquiro sa yegũ ihñagũ tiquirore yuhũducũ masiedaja yuhũ, niahye Pedro tiquinare, judio masare Jesu yequinare.

¹⁸ Tiquiro sa nigũ tãhoye, tiquina tiquirore ne ni nemodahye. Tiquirore tuhti masiedahye. Sa ye tiquina,

—Cohãcãu quehnoariquiro, tutuariquiro ijire, niahye.

Ohõ saha ni nemoahye:

—Judio masa ijieyequina gãhũ tiquina ñañene bũjũa witiyequina ijieye, Cohãcãu yequina ijietã. Sa tiquiro yequina ijieye, tiquina gãhũ ijiphtieye decori tiquiro mehna ijietã, ni nemoahye tiquina.

Antioquiãpũ apeqũna Jesu yequina ijiahye

¹⁹ Sa ye Estebãre tiquina wejẽdi bato masa Jesu yequinare ñano yeahye. Tiquina sa yegũ ihñañe Jesu yequina duhti sitea wahahye. Sa ye tiquina Feniciãpũ, Chiprepũ, Antioquiãpũ waha, judio masa dihitare Cohãcãu yere yahue timahye tiquina. ²⁰ Tiquina sa yepegũta apeqũna pehe Jesu yequina mehna cãena Chipre cãena, Cirene cãena, Antioquiãpũ esa, judio masa ijieyequinare Jesu yere buheahye Cohãcãu tiquinare tiquiro yuhũuoatire. ²¹ Sa yero mari puhtoro tiquinare yedohoahye. Sa ye masa peyequina Jesure wacũ tutuaye, quehnoañe pehere comesahye.

²² Sa ye “Antioquiã cãenãpũ Jesure cahmeaga”, ni tũhooahye Jerusalẽ cãena Jesu yequina. Tiquina sa tũhooi bato Jerusalẽ cãena Bernabẽ wame tiriquirore Antioquiãpũ ohoahye. ²³ Sa yero tiquiro

Antioquiãpũ esaro, Cohãcãu yedohoye mehna judio masa ijieyequina tiquiro yequina tiquina wahagũ ihñano, tutuaro bucueahye. Sa yero tiquiro to cãenare ohõ saha ni yahuahye:

—Jesure sa wacũ tutuaducuya. Tiquiro yere ne duhueracãhña, ni yahuahye tiquiro ijiphtieyequina tiquinare.

²⁴ Bernabẽ quehnoariquiro ijiro, Espĩritu Santore pajiro cuoriquiro ijiro, tiquiro dutiriro sahata yeriquiro ijiro, Jesure quehnoano wacũ tutuahye tiquiro. Sa ye tiquiro buheri bato masa peyequina wacũ tutuahye Jesure.

²⁵ Came tiquiro Tarso wame tiri macapũ Saulore macano wahahye. ²⁶ Topũ tiquirore boca sahye. Tiquiro boca sari bato Antioquiãpũ ne cãhye Saulore. Topũ tiquina esari bato ihcã cahma waro tiquina Cohãcãu yequina mehna cahmecoa, peyequina masare buhee tiahye tiquina. Sa ye Antioquiãpũ Cristo yequina Cristiano wame ti dũcahye.

²⁷ Ti pjere Cohãcãu yere yahu mũhtariquina Jerusalẽpũ ijiriquina waha, Antioquiãpũ esahye. ²⁸ Sa yero tiquina mehna cãano Agabo wame tiriquiro Jesu yequina watoapũ ducuro, Espĩritu Santo tutuaye mehna yahuahye tiquinare. “Ijiphtiri yehpapure tutuaro wãjũa waharota”, ni yahuahye tiquiro. Ti pjere ihyaye mariedi pje ijigũ ijiphtieyequina puhtoro Claudio ijiahye. ²⁹ Sa ye Cristo buheyequina, ijiphtieyequina tiquina cuoro puno tiquina acayere oho duaye, tiquina basi cahme yahuducuahye. “Judea yehpa cãena Jesu yequinare niñerure ohouhna”, niahye tiquina basi. ³⁰ Tiquina sa nidi bato Bernabẽ, Saulo mehna ti niñerure ne cã basahye. Topũ esayẽ Judea yehpa cãenare Jesu yequina puhtoare wiahye ti niñerure.

12

Pedrore peresu yeahye

¹ Ti pjere puhtoro Herode ihquẽquinare Jesu yequinare ñano ye dũcae tiahye.

² Sa yero tiquiro Ñũ wahminore Santiago pehere ñoseni pjĩ mehna tiquiro wejẽ dutigũ apeqũna pehe tiquirore wejẽahye.

³ Santiagore tiquiro wejẽgũ judio masa bucueahye. Tiquina bucueyere Herode masino, “Sa dihitã cahmene tiquina”, nino Pedro gãhũre peresu yeahye. Ti decorire pugũ yeye moremehneñe pãre tiquina ihyati boscẽ deco pascua ijiahye.

⁴ Sa ye Herode ñehe dutiriquina Pedrore ñehe, peresu yeahye. Sa yero diez y seis surarare cohte dutiahye tiquirore. Pititiaro surara cohteahye tiquirore. Came pititiaro tiquina comesayequina tiquirore cohte mũjãe tiahye. Sata yeahye tiquina diez

y seis surara. Herode pehe pascua bato Pedrore peresupũ ijiriquirore masa ihñonopũ duhu doco duamahye tiquiore wejẽ dutiro taro. ⁵ Sa yero Pedro peresupũ ijiahye. Topũ tiquiore ijigũ Jesu yequina pehe Cohãcjũre tutuaro sini basae tiahye tiquiore.

Peresupũ ijiriquirore Pedrore Cohãcjũ wioahye

⁶ Sa ye ñamine Pedro come dari pua da mehna tiquina dũhteriquiro puaro surara watoapũ carĩno niahye. Sa ye surara sopecahapũ cohteducue tiahye tiquiore. Sa yero ti deco bohrearo Herode Pedrore judio masa ihñonopũ duhu doco duamahye tiquiore wejẽ dutiro taro. ⁷ Sa yero Cohãcjũ yaquiore angel pehe Pedro cahapũ tiquiore ducugũ peresupũ tiquiore ijiri tucũ buhrio pihtia wahahye. Sa yero angel Pedro cahapũ ducuro Pedro pati pahmapũ ohbe careahye.

—Sojaro mehna wahcãña, niahye tiquiore Pedrore.

Tiquiro sa nigũta tiquiore omocarine tiquina dũhteri dari come dari suru site dijiaa wahahye. ⁸ Sa yero angel tiquiore yahuahye:

—Weje dihoaya mũhũ weje dihuri dare. Mũhũ dahpo suhti gãhũre sañaña, niahye tiquiore.

Tiquiro sa nigũ Pedro pehe tiquiore nidiro saha yeahye.

—Mũhũ bui cjã suhtirore sañaña. Yũhũ mehna wahaya, niahye angel.

⁹ Tiquiro sa nigũ ti tucũpũ ijiriquirore wija, angel bato wahaa wahahye tiquiore. Sa wahaerota ohõ saha ni tũhotumahye tiquiore. “¿Ahri poto ijieragari? ¿Quehẽgu niagari yũhũ?” ni, tũhotumahye tiquiore.

¹⁰ Sa ye tiquina tiquiore ijiri tucũ sopecahapũ ducuyequina surarare yũhũ cã, apeqũna yoa cjũno ducuyequina gãhũre yũhũ cã, pajiri sopecahapũ esahye. Ti sope pahma macapũ wahari mahare cahmotari pahma ijiahye. Ti sope pahma esa tuharo parĩgũ tiquina wijaa wahahye. Wija a waha, tiquina mahapũ wahaa wahahye. Mehenogã tiquina waha nemogũ angel pehe wahaa wahahye. Sa yero Pedro ihcãquiota tojoahye. ¹¹ Sa tiquiore angel tiquiore wahari bato tiquiore yerire Pedro masiahye. Ohõ saha ni tũhotuahye tiquiore. “Angel Cohãcjũ ohoriquirore peresupũ yũhũ ijigũ yũhũre wioro wihiri. Yojopũ tire masiaja tiquiore sa yerire. Judio masa pehe yũhũre tiquina ye duarire Cohãcjũ pehe tiquinare ye dutierari. Sa yero yũhũre, Herode tiquiore peresu yerigũre wiori”, ni, tũhotuahye Pedro.

¹² Tiquiro sa ni tũhoturi bato María Ñu pacoro ya wũhũpũ esahye Pedro. Ñu pehe Marco wame tiri tiquiore ijiri. Ti wũhũpũ masa

peyequina cahmecoa, Cohãcjũre siniñe niahye. ¹³ Sa yero Pedro sope pahmare doteahye. Rode wame tiricoro cahacjõno tiquiore dotegũ tũhoro ihñano esahye ticoro. ¹⁴ Sa yero Pedro tiquiore tiquiore pisugũ tũhoro tiquiore yahuducuyere tũho masi, tutuaro bucue, sopecahare pũoedahye. Sa bucuemeno tiquiore pũoboricoro boaa wahahye. Pedro topũ tiquiore ducugũta ticoro majareduca oma sajàa wahahye.

—Pedro sopecahapũ wihiri, ni, yahuro sajàhye.

¹⁵ Sa ye tiquina wũhũpũ ijieyequina ticoro sa nigũ tũhoye,

—Sa nicõo niaga mũhũ. Sa ni macacõo nine mũhũ, niahye tiquina ticorore.

—Poto tjire. Poto nigota niaja, niahye ticoro.

Ticoro sa nigũ tũhoye,

—Tiquiro ijieraga. Tiquiro jeripohna wihiro niaga, niahye tiquina pehe.

¹⁶ Tiquina sa nini watoa Pedro sope pahmare sata doteducuro niahye. Tiquiro sa yegũ tũhoye, tiquina sopecahare pũo, tiquiore ihña, ihña maria wahahye. ¹⁷ Sa yero Pedro tiquiore omoca mehna “Dihta mariahña”, nino, Cohãcjũ peresupũ tiquiore wiorire yahuahye tiquinare.

—Ahrire yahuya Santiagore, apeqũna Jesu yequina gãhũre, niahye tiquiore.

Sa ni yahu tuhasa tiquiore ape sie pahrẽpũ yũhũ cãa wahahye. ¹⁸ Sa ye bohrea quehagũ surara Pedro tiquiore dũhse ye wijaarire ne masiedahye. Sa masiedaye acuaa wahahye. ¹⁹ Sa yero Herode Pedrore maca dutimahye. Sa yero tiquiore surarare peresu cohteriquinare tiquiore sinituri bato tiquinare wejẽ dutiahye Herode pehe. Sa yero Herode Judeapũ ijiriquirore waha, Cesareapũ ijiro wahahye.

Herode yariaa wahahye

²⁰ Sa yero Tiro wame tiri maca cjẽna mehna, Sidõ cjẽna mehna Herode pehe usuahye. Tiquiro sa usuagũ ihñañe ti macari cjẽna pehe Herode tiquina mehna tiquiore usarire quehnoñe waha, tiquiore mehna yahuducuyere wahahye. Sa ye tiquiore cahacjũnore Blasto wame tiri tiquiore piti tiahye tiquina. Sa ye tiquina Blasto yedohoro mehna Herode cahapũ esahye. Tiquiro cahapũ esa, ohõ saha niahye:

—Mari quehnoano ijihna. Mari basi ihña tuhtieracãhna, ni sinihaye tiquina Herodere.

Tiquina ya yehpa cjẽna Herode ya yehpapũ ihayere bocaie tiahye. Sa ye Herode tiquinare ihña tuhtigũ cahmedahye tiquina. ²¹ Sa yero Herode tiquiore queori decopũ, pahutoro tiquiore sañañe suhti quehnoañe suhtire sañahye tiquiore. Sa yero tiquiore dujiropũ dujtijãno, masare

yahuducu ihñoahye. ²² Tiqairo sa yahuducu ihñoḡū tūhoye masa pehe sañuducuahye:

—Ahriqairo yahuducuriqairo masano ijierare. Cohācjū ijire, ni sañuducumahye tiquina Herodere.

²³ Tiquina sa nigūta Cohācjū yaqairo angel Herodere dohatiyere ohoahye. “Cohācjū ijieraja yūhū”, ne niedahye Herode. Tiqairo sa niedari buhiri angel tiqairore dohatigū yeahye. Tiqairo sa dohatigū tiqairore becoa ihya wejē cāhye.

²⁴ Sa ye Jesu yequina peyequina masare Jesu ye buheyere buhe tiahye.

²⁵ Sa ye Bernabé, Saulo mehna buhe peho, Jerusalēpū ijiyequina Antioquíapū tojoaa wahahye. Sa ye Ņu Marco wame tiriquirore tiquina ne cāhye tiquina mehna.

13

Jesu yequina Bernabére Saulo mehna Cohācjū yere buhe dutiye ohoahye

¹ Ti pjere Antioquíapū Cohācjū yequina mehna cjēna, Cohācjū yere yahu mūhtariquina ijiahye. Masare buheyequinata ijiahye tiquina gāhū. Bernabé, Simo Negro wame tiriquiro, Ludio Cirene cjāno, Manae, Saulo mehna tiquina ijiahye. Manae pehe puhtoro Herode manano mehna tiquina puaro ihcāno mehna bucariquina ijimahye. ² Sa ye tiquina Cohācjūre tiquina ño peori watoa, tiquina sijiri watoa, Espiritu Santo pehe yahuahye tiquinare.

—Bernabére, Saulo mehna cūña yūhū cahmeno saha yeatiquinare. Tire yeatiquinare bese cūḡu niája tiquinare, niahye Espiritu Santo.

³ Tiqairo sa nigū tiquina pehe siji Cohācjūre sini, Bernabé bui Saulo bui tiquina omocarine duhu peoahye. Sa duhu peoye tiquinare buhe dutiye ohoahye.

Chiprepū Jesu cūriquina buheahye

⁴ Sa ye tiquina Saulo, Bernabé mehna Espiritu Santo tiqairo ohoriquina ijiye, Seleuciapū esa, ti macare yūhdū cā, Chipre wame tiri nucopū esahye tiquina. ⁵ Sa ye Salamina wame tiri petamahapū esahye. Ti macapū judio masa buheye wūhusepū, Cohācjū yere yahu dūcahye tiquina. Sa yero Ņu Marco gāhū tiquina mehna waha, tiquinare yedohoahye. ⁶ Sa ye tiquina ti nucāno sohtoapū maja, ti nucāno torepū ijiri macapū Pafō wame tiri macapū esaye, yairore boca sahye tiquina. Tiqairo judio masano, Barjesu wame tiriquiro ijiahye. Barjesu griego ye mehna niñe Elima tiquina ni pisuriquiro ijiahye. “Cohācjū yere yahu mūhtagū ijiája yūhū”, ni, masare ni mehoducuriqairo ijiahye tiqairo. ⁷ Sa yero tiqairo Sergio Paulo wame tiriquiro mehna cjāno ijiahye. Sergio Paulo pehe

ti nucāno cjēna puhtoro masi pehoriquiro ijiahye. Sa yero Cohācjū yere tūho duaro tiquinare Bernabé, Saulo mehna pijioahye tiqairo. ⁸ Tiqairo sa pijioepēgāta Elima, yairo pehe tiquinare buhe dutierahye. Tiqairo Sergio Paulo Jesu yere tiqairo ño peogū cahmesēdahye yairo pehe. Sa yero yairo pehe Sergio Paulore Cohācjū yere cohā dutiro nimahye. ⁹⁻¹⁰ Tiqairo sa cohā dutiepegāta Saulo, Pablo tiquina nidiquiro Espiritu Santore cuoriquiro ijiro, yairore quehnoano ihña diho cū tiqairore yahuahye:

—Mūhū ni mehoñe peyagū, ñagū, watīno tiqairo dutiyere yegū, quehnoañene ihña yabigū ijire mūhū. ¿Duhse yegū Cohācjū yere “Ni mehoñe ijire”, sa niducujari mūhū? ¹¹ Mūhū sa nigū Cohācjū caperi bajueragū yerota mūhūre. Sa yegū meheñe decorigā mūhū ihñasi, niahye Pablo.

Tiqairo sa nigūta yairo pehe bueri yero saha ijiyere ihña mūhtano, nahitiano dihitare ihñahye. Sa yero tiqairore tūātiqairore macahye tiqairo. ¹² Tiqairo sa wahagū ihñano, Sergio Paulo pehe Jesu yere “Ijirota ijire”, ni masiahye. Mari puhtoro yere tiqairo tūho, tūho maria waha, Jesure wacū tutua dūcahye.

Pablo Bernabé mehna Antioquíapū Pisidia yehrapū ijiri macapū ijiahye

¹³ Sa ye Pablo gāhū Pafopū ijiriquina yucūsa mehna waha, Pergepū esahye. Perge Panfilia yehrapū ijire. Topū esa, Ņu Marco tiquinare cohā cā, Jerusalēpū wahaa wahahye. ¹⁴ Sa ye tiquina Pergepū ijiriquina waha, Antioquíapū esahye. Antioquia Pisidia yehrapū ijire. Topū esaye, saurū deco ijigū tiquina judio masa buheri wūhupū saǵa sa, topū dūjahye. ¹⁵ Sa ye ti wūhūre cohteyequina Cohācjū dutiyere, Moisepū marine tiqairo cūrire, Cohācjū yere yahu mūhtariquina tiquina ojarire tiquina buheri bato tiquina pijiahye Pablo gāhūre.

—¿Usā acaye, masare mūsa yahu duaye ijiajari? Tire yahu duana yahuya mi-anogāta, niahye ti wūhūre cohteyequina.

¹⁶ Tiquina sa nigū tūhorō, Pablo wahcādūca sa, “Yahuducueracāhña”, nino tiqairo omoca mehna quē djiqoahye. Tiquina dihta mariagū ihñano, tiqairo ohō saha niahye:

—Israe masa, Israe masa ijiena gāhū mari Pacūre ño peona, tūhoya mūsa. ¹⁷ Mari ñecusumūa mūna panopū cjēna Cohācjūre ño peoe tiahye. Tiquina mūnare Cohācjū besee tiahye. Sa ye mari ñecusumūa mūna yoari pje Egiptopū ijie tiahye ape yehpa cjēna ijiepetā. Topū tiquina ijigū Cohācjū quehnoano yee tiahye tiquinare. Sa ye peyequina masaputiahye tiquina. Ohō saha yeahye tiquinare. Tiquinare

Egiptopu ijiriquirenare tiquireo tutuaye mehna wioahye Cohācjū. ¹⁸ Tiquireo sa wiori bato tiquina cuarenta cahmari waro masa marienopu tinie tiahye. Topu tiquireore tiquina yuhduacagū Cohācjū sata tuhutu cāhye. ¹⁹ Sa yero Canaa wame tiri yehpapure siete cururi cjenare cohā tuhasa, Cohācjū ti yehpare ohoahye Israe masa pehere. ²⁰ Ti ijipihitiyere tiquina yegū cuatrocientos cincuenta cahmari waro yuhduahye. Camerpu masare dutiatiquinare cūahye Cohācjū Israe masare. Cohācjū tiquireo cūriquina Samuel tiquireo ijigūpu iji bato tie tiahye. Samuel pehe Cohācjū yere yahu muhtariquireo ijie tiahye. ²¹ Came Israe masa pehe tiquina puhtoro ijiatiquireore macae tiahye. Sa ye Cohācjūre sinie tiahye. Tiquina sa sinigū ihñano Cohācjū Saulore cūahye tiquirenare. Saulo Cis macano ijiro, Benjami ya curua cjanō ijiahye. Sa yero cuarenta cahmari waro tiquina puhtoro ijiatiquireo cūahye Cohācjū tiquireore. ²² Sa yero Cohācjū Saulore tiquireo cohāri bato Davire cūahye tiquireo. Ohō saha niahye Cohācjū Davire: “Davi Isai macanore bocan yuhū. Tiquireo mehna bucueaja yuhū. Tiquireo yuhū cahmeñene yerota”, niahye Cohācjū.

²³ Ahriquireo Davi panamino iji turiariquireo ijire Jesu. Cohācjū Jesure cūri jiri Israe masare yuhduoatiquireo. “Masare quehnoano yeitja”, niahye Cohācjū. Tiquireo nidiro sahata yeri tiquireo. ²⁴ Tiquireo sa yeato pano Jesu wihiatō pano ņu ohō saha ni buheri jiri: “Musa ñañene bujua witiya. Quehnoañe pehere comesaya. Sa yena wame yenohrina ijija”, ni buheri jiri ņu ijipihitiyequina Israe masare. ²⁵ Sa yero ņu tiquireo buhe bato tiato pano, tiquireo yariato pano ohō saha ni yahue tiri jiri: “¿Noa boro ijijari yuhū, masa tuhutugū? Cristo ijieraja yuhū. Apegu ijijaja. Yuhū sa ijiepegū tuhoya yuhure. Yuhū bato yuhū yuhduoro tutuariquireo ahtarota. Tiquireo quehnoa yuhduariquireo ijire. Tiquireo yero saha ijieraja yuhū”, ni yahuahye ņu masare.

²⁶ Yuhū acaye, Abrahā panamena iji turiana, Israe masa ijiena gūhū ijipihitina mari Pacure ño peona, marine ahri tiquireo yuhduoatire yahuri buheyere ohori jiri mari Pacu. ²⁷ Jerusalē cjenā tiquina puhtoa mehna saurū decori ijigū Cohācjū yere yahu muhtariquina tiquina ojarire buhepeta quehnoano masiedari jiri. Sa masiedaye, Jesu tiquirenare yuhduoatiquireo tiquireo ijigū gūhure masiedari jiri. Tiquina sa masiedapeta Jesure wejē dutiahye. Sa yeye Cohācjū yere yahu muhtariquina tiquina ojariro sahata yeye niahye. ²⁸ Tiquireore tiquina wejēato pano tiquina Jesure yahusāmahye. Sa ye tiquireo ñañene

yerapegūta tiquina Pilatore Jesure wejē dutiye tee, siniahye. ²⁹ Sa ye panopu tiquina ojariro sahata Jesure ye tuhasa, tiquireore curusapu ijiriquireore ne dijio, masa copepu utāre tiquina seheri copepu cūahye tiquireore. ³⁰ Sa ijiepegūta tiquireo yariari bato Cohācjū masori jiri tiquireore. ³¹ Sa ye Galileapu ahtariquina Jerusalēpu tiquireo mehna esariquina peye decori tiquireore yaria masa bajuariquireore ihñae tiahye. Sa ye yojopure tiquireore tiquina ihñarire masare yahuri tiquina.

³²⁻³³ Sa yena quehnoañe buheyere yahuaja usā musare. Cohācjū mari ñecusumare “Masare quehnoano yeitja”, panopu tiquireo nidiro sahata yojopure marine tiquina acayere yeri. Tire tiquireo yahurire ohō saha yeri tiquireo. Cohācjū Jesure masori jiri. Sa yena Jesure tiquireo masorire yahuaja musare. Puro Salmopu panopu tiquina ojariro sahata sa wahari jiri. “ Mūhū yuhū macū ijire. Miare mūhare bajuagū yei’, nine Cohācjū tiquireo macanore”, ni ojoahye panopure. ³⁴ Sa yero Cohācjū Jesure tiquireo masoatire pari turi tiquireo yariere yahuyuro ohō saha ni, yahu ojoahye Salmore ojariquiro. “ Davire yuhū paja ihñariro sahata tiquireore yuhū nidiro sahata potota quehnoano yegūta mūhū gūhure’, nidi Cohācjū”, ni ojoahye. ³⁵ Sa yero ape Salmo gūhure ohō saha ni, yahuahye: “Cohācjū mūhū cahacjano quehnoariquireo tiquireo pagure abha dutiare mūhū”, ni, ojoahye. ³⁶ Sa yero Davi Cohācjū tiquireo cahmediro sahata tiquireo ijiri pje cjenare yedohoahye. Came tiquireo yariaa wahahye. Tiquireo yariari bato tiquireo pacusumare tiquina yeriro sahata yahye tiquireo gūhure. Sa yero tiquireo ahbaa wahahye. ³⁷ Tiquireo sa ahbaepēgūta ahriquireo, Cohācjū tiquireo masoriquireo pehe ne ahbaerari. ³⁸ Sa yena masa yuhū acaye ahrire masiña: Cohācjū masa ñañene tiquireo cohātire musare yahuaja usā. Jesu pehe ñañene cohātiquiro ijire. ³⁹ Sa yero tiquireore wacū tutuayequirenare tiquireo tiquina ñañe yerire borota. Moiserē Cohācjū cūri dutiyere masa yeri mehna Cohācjū cahapu wahasi masa. Sa yero dutiyere yeye mehna yuhdu duayequirenare tiquina ñañene cohāsi Cohācjū. ⁴⁰ Sa yena quehnoano yeya. Musa quehnoano yeragū Cohācjū yere yahu muhtariquina tiquina ojariro sahata musare wahaboaga. Ohō saha ni ojoahye:

⁴¹ Tuhoya masa. ņano ni bujupena, yuhure ihña tuhtina ijire masa. Yuhū ohō saha yegū cueya masa. Sa yena butia wahaya. Musa ijieye decorire Cohācjū tutuaye mehna musare ye ihñogūta. Yuhū sa ye ihñogū ihñapenata “Ijirota ijire”, nisi masa. Apequireo tire musare

tiqiro quehnoano yahuepegāta "Ijirota ijire", nisi mūsa, ni ojoahye Cohācjū yere yahu māhtariqiro, ni yahuahye Pablo tiquinare.

⁴² Tiquiro sa ni yahuri bato judio masa buheri wāhūpū tiquina wijjari bato masa tiqirore tūhoriqina pehe tiquinare sini-ahye:

—Ape semanapū saurū ijigū ūsāre ahrire buheya tja, ni siniyahye tiquina Pablo gāhūre.

⁴³ Sa ye ti wāhūpū ijiriqina wijja, judio masa peyequina, judio masa ijieyequina gāhū Pablo gāhū mehna wahahye. Judio masa ijieyequina judio masa yere buheye-quina ijiahye. Tiquina sa wahagū Pablo, Bernabé mehna quehnoano yahuahye tiquinare. "Cohācjū musare cahīne. Sa yena tiqirore ño peoducuya", ni buheahye tiquina.

⁴⁴ Sa ye ape semanare saurū ijigū ijipihtiyequina Jesu yere tuho duayequina cahmecoahye. ⁴⁵ Sa yepegūta judio masa pehe peyequina masare Jesu yere tuho duayequinare ihñāñe, ihñā tuhtiahye. Sa ihñā tuhtiyequina sijoro ni yahuducu, Pablōre ñano quiti dojomehneahye. "Musare tiqiro buheye poto ijierare", niahye tiquina. ⁴⁶ Tiquina sa nigū tūhoye, Pablo, Bernabé mehna tiquinare quiti dojomehnediquinare cuero marieno yahuahye:

—Cohācjū tiqiro dutiriro sahata musare buhe māhtamī ūsā. Ūsā sa buhepegūta mūsa pehe tire cahmeda tuhasari. Ijipihtiyequina decori Cohācjū mehna ijieye gāhūre cahmeda tuhasari mūsa. Sa yena ūsā pehe judio masa ijieyequina pehere buhe ducanātja. ⁴⁷ Sata dutiahye mari pūhtoro ūsāre:

"Mūsa judio masa ijieyequinare buhena tiquinare Cohācjū yere quehnoano masigū yenata mūsa. Sa yegū mūsa yoaropū ijieyequinare mūsa buhegū tūhoyequinare tiquina pehere pecapū wahaboriquinare yūhdūogūtja yūhū", ni yahuahye ūsāre Cohācjū, ni yahuahye Pablo, Bernabé mehna.

⁴⁸ Tiquina sa nigū tūhoye judio masa ijieyequina pehe bucueahye. "Cohācjū ye pehe quehnoañe ijire", niahye tiquina. Sa ye Cohācjū tiqiro cahmeñequina ijipihtiyequina decori tiqiro mehna tiquina ijiatire tiqiro oho duariquina Jesure wacū tutua dūcahye.

⁴⁹ Sa ye mari pūhtoro Cristo yere ti yehpapūre yahu pehoahye. ⁵⁰ Tiquina sa yahugū ihñāñe judio masa coerahye. Topū mari Pacure ño peoye nomia, quehnoañe numia ijiahye. Sa ye judio masa Pablo gāhūre ñano ni yahu wajahye. Tiquina sa ni yahu wajagū tūhoye ti numia Pablo mehna, Bernabé mehna gāhūre usuahye. Sa ye

ti maca cjēna pūhtoa gāhū tiquina mehna usuahye. Sa usuaye to cjēna ñano yeahye Pablo gāhūre. Tiquina sa yeri bato Pablo gāhūre tiquina ya yehpapū ijieyequinare cohā wioahye. ⁵¹ Tiquina sa yegū ihñāñe Pablo, Bernabé mehna tiquina dahpocāri cjē dihta wahārire wejē site boro cūahye ti maca cjēna tiquina ñāñe buhirire ihñōñe. Sa ye tuhāsa tiquina Iconiopū wahāa wahahye. ⁵² Sa ye tiquina Jesu yequina pajiro bucueye, Espiritu Santo pajiro cūoye, tiqiro dutiro sahata yeyequina ijiahye.

14

Pablo, Bernabé mehna Iconiopū ijiahye

¹ Sa ye Pablo, Bernabé mehna judio masa buheri wāhūpū sajā, Jesu yere yahuahye. Sa ye judio masa peyequina Jesure wacū tutua dūcahye. Sa ye judio masa ijieyequina gāhū Jesure wacū tutua dūcahye. ² Sa ijiepegūta judio masa Jesure cahmedariquina gāhū tiquina mehna ijiahye. Tiquina judio masa ijieyequinare usuagū yeahye. Jesu yequina mehna tiquinare usuagū yeahye judio masa pehe. Tiquina sa yegū judio masa ijieyequina ñano tūhotuahye Jesu yequinare. ³ Tiquina sa tūhotugū ihñāñe Jesu yequina Pablo, Bernabé mehna topū yoari pje ijieye, cuero marieno mari pūhtoro yere quehnoano buheahye. Cohācjū masare tiqiro cahīñene buheahye. Tiquina sa buheri watoa Cohācjū tutuaye mehna ye ihñōahye, "Ahri buheye ijiora ijire", niñe. ⁴ Sa ijiepegūta ti maca cjēna deco mehna judio masa yere cahmeñequina tojoahye. Deco mehna Jesu yere cahmeñequina gāhū tojoahye. Tiquina pūa curua tojoahye. ⁵ Sa ye judio masa ijieyequina, judio masa, tiquina pūhtoa mehna Jesu cūriquinare ñano yemahye. Ūtā paca mehna doque wejē duamahye tiquinare. ⁶ Tiquina sa ye duarire masiñe, Pablo, Bernabé mehna Licaonia yehpapū duhti cāa wahahye. Ti yehpapū ijiri maca Listra wame tiri macare yūhdū cā, Derberpū esahye. ⁷ Topū esaye, quehnoañe buheyere buheahye tiquina.

Listrapū Pablōre utā paca mehna doqueahye

⁸ Sa ye Listrapū tini masieniqiro ijiahye. Tiquiro wahma masa bajaropūta tini masieniqiro ijiahye. ⁹⁻¹⁰ Sa yero tiqiro Pablo buhegū tūhoahye. Tiquiro tūhori watoa Pablo pehe tiqiro dihtare ihñahye.

—Ahriqiro Jesure wacū tutuare. Sa yero tiqiro quehnoariqiro waha duare, ni tūhotuahye Pablo.

Sa ni tūhoturo tutuaro mehna ohō saha niahye Pablo tiqirore:

—Wahcādūcāya, niahye Pablo tiqirore.

Tiquiro sa nigū tuhorota tini masieniquiro pehe uhpuduca sa, wahaa wahahye. ¹¹ Pablo sa yegū ihñañe masa sañuducuahye. Tiquina Licaonia ye mehna sañuducuahye.

—Cohāmana, masa saha bajuyequina ahmūsepū ijyeyequina mari cahapū dijia tari jiri, ni sañuducuahye tiquina.

¹² Sa ye tiquina Bernabére “Zeus”, ni, pisuahye. Sa ye Pablo buhe mahtariquiro pūhtoro yero saha tiquiro ijigū ihñañe “Hermes”, ni, pisuahye tiquina tiquirore. ¹³ Sa yero Zeure ño peoyequina ya wāhū ti maca dūhtū cahapū ijyahye. Sa yero Zeus yequina tiquina yaquiro pahi pehe wecware, cohorī mehna macapū sajā tari sopecaha cahapū ne cāhtahye. Zeure ño peo duaro wecware oho duamahye. Sa yero tiquiro wecware ūjūa mūoñe mehna Pablōre, Bernabére ño peo duamahye tiquiro, masa mehna. ¹⁴ Tiquina sa yegū ihñañe Pablo, Bernabé mehna tiquina basi tiquina ye suhtire tuhrēdoqueohaye tiquina bujūa witiyere masare ihñoñe tehe. Tuhrēdoqueo tuhasa masa watoa oma cā, sañuducuahye tiquina:

¹⁵ —Musa ohō saha yeracāhña. Ūsā gūhū mūsa yero sahata masa ijaja. Mūsa ohō saha yeye ne duhseati ijierare. Sa yena mū sare buhena ahta mūsa ohō saha yeyere duhu dutina tana. Ahriquina cohāmanare mūsa yeriquinare ñañequinare cohāña. Sa yena Cohācjüre catiriquiro pehere ño peoya. Cohācjū pehe ahmūseere, yehpare, pajiri mare ijipihtiyere yeriquiro ijire. ¹⁶ Sa yero tiquiro panopū ijipihtiyere macari cjēna tiquina yerire sa ihña cāhye. ¹⁷ Sa yeperota tiquiro ijyeyere iyēre ihñore masare. Tiquiro masare quehnoañene ye, acoro ahtagū ye, dūca tigū ye, masare ihyayere ohoducure. Tiquiro sa ohogū masa bucuere. Sata tiquiro ijyeyere iyēre ihñore masare, niahye Pablo, Bernabé mehna.

¹⁸ Tiquina sa nigū tuhoepeta masa wecware wejē ūjūa mūo, tiquinare ño peo duamahye. Sata tiquina ño peo duagū ihñañe tiquinare sa ye dutierahye Pablo gūhū. Tiquina sa yeyere duhu duerapeta duhuahye.

¹⁹ Sa ye apequina judio masa Antioquía cjēna, Iconiō cjēna gūhū Listrapū esahye. Topū esaye, Pablōre ñano yahuducuahye judiō masa. Tiquina sa ni yahuducugū tuhoeye, masa tiquiro mehna usuahye. Sa usuaye utā paca mehna doqueahye tiquirore. Utā paca mehna tiquirore doque tuhasa “Ahriquiro yariaa wahare”, niñe, ti maca dūhtū cahapū tiquirore weje sa cū cā, wahaa wahahye. ²⁰ Tiquina sa yeri bato Jesu yequina Pablōre ihñañe esahye. Tiquiro cahapū tiquina cahmecoadauca sagū waro Pablo wahcāduca,

tiquina mehna macapū tojoaa wahahye. Sa ye ape decopū tiquiro Bernabé mehna Derberū wahahye.

²¹ Sa ye topū tiquina quehnoañe buheyere peyeyequina masare yahuahye. Sa ye peyeyequina Jesu yequina tiquina wahari bato, Pablo gūhū Listrapū esa, ti macare yūhdū cā, Iconiōpū esa, ti macare yūhdū cā, Antioquiapū Pisidia yehparū ijiri macapū esa, ti macapū tojoahye. ²² Ti macari pū esaye to cjēna Jesu yequinare quehnoañe buheyere yahuye, tiquinare quehnoano jeripohna tigū yeahye. Sa Jesure wacū tutuaducu dutiye ohō saha ni yahuahye tiquinare:

—Cohācjū ijirōpūre mari waha duana, tutuaro marine ñano yūhdūro cahmene, ni yahuahye Pablo gūhū.

²³ Sa ye macaripe cjēnare Jesu yequinare tiquina pūhtoa ijiatire cūahye Pablo, Bernabé mehna. Sa ye tiquina sijiri bato Cohācjüre siniahye:

—Pūhto, ahriquina mūhū yequinare ihña ihboya, ni sini basahye tiquina Cohācjüre, tiquina wacū tutuariquirore.

Pablo Bernabé mehna Antioquiapū tiquina iji mahtari macapū tojoaa wahahye

²⁴ Tiquina sa yeri bato tiquina Pisidia yehparū ijiriquina wahaa wahahye Panfilia yehparū. ²⁵ Sa ye Pergepūre tiquina buhe tuhasa, Atalia wame tiri macapū wahaa wahahye. ²⁶ Sa ye ti macapū esa, Antioquiapū tojoaye, yucūsa mehna wahaa wahahye. Ti macapūta panopū tiquina ijinigū Jesu yequina Cohācjū yere buhe dutiye Pablo gūhūre ohoahye. Sa ohoeye, ohō saha ni ahye:

—Cohācjū mūhū cahñe mehna ahriquinare ihña ihboya, ni ohoahye tiquina.

Sa ye tiquina buhe dutirire buhe pehoahye Pablo, Bernabé mehna. ²⁷ Sa ye tiquina Antioquiapū tiquina tojoa sari bato Jesu yequina mehna cahmecoa, Cohācjū tutuaye mehna tiquina yerire yahu pehoahye tiquina. Judio masa ijyeyequina gūhū Cohācjū yequina tiquina waharire yahuahye tiquina. ²⁸ Sa ye Pablo gūhū topūre Jesu yequina mehna yoari pje ijie tiahye.

15

Jerusalēpū Jesu yequina cahmecoahye

¹ Sa ye Judea yehpa cjēna meheñequinagā Antioquiapū esaye, Jesu yequinare ohō saha ni buhe dūcahye tiquina:

—Cohācjū dutiyere Moiserere cūno ohō saha ni cūahye. Ijipihtiyequina tiquina cuhnucunū sohtoa cahserogāre tiquina yūhre neatire yahu cūahye Moiserere. Mūsa tire yeragū Cohācjū mū sare yūhdūosi, ni buheahye tiquina to cjēnare.

² Sa ni buheye Judea yehpa cjēna pehe cahme duse tini wiahye Pablo, Bernabé mehna. Tiquina sa cahme duse tini wiari bato Jesu yequina pehe Pablöre, Bernabére apequina to cjēna gähäre Jerusalēpu ohoahye. Judea yehpa cjēna tiquina buherire Jesu cūriquinare, Jesu yequina puhto a gähäre sinitu dutiye ohoahye Pablo gähäre.

³ Sa ye Jesu yequina tiquinare ohogū waha, Fenicia yehpare esa, yuhdu cā, Samaria yehparū esahye. Ti macaripū esaye, judio masa ijieyequina Cohācjū yere tiquina cahme ducarire yahuahye tiquina to cjēnare. Tiquina sa yahugū tuhoye to cjēna Jesu yequina tutuaro bucueahye.

⁴ Sa ye tiquina Jerusalēpu esagū ihñañe to cjēna Jesu yequina tiqiuro cūriquina, tiqiuro yequina puhto mehna bucueye mehna quehnoano piti cahye tiquinare. Sa ye Pablo, Bernabé mehna Cohācjū tutuaye mehna tiquina yerire yahuahye tiquina Jerusalē cjēnare. Judio masa ijieyequina Jesu yequina tiquina wahari gähäre yahuahye tiquinare. ⁵ Sa ijiepegāta topū fariseo masa Jesu yequina meheñequinagā ijiahye. Sa ye tiquina topure wahcādaca, ohō saha ni yahuahye:

—Tiqinare judio masa ijieyequinare tiquina cuhnucunū sohto cahserogāre yahre neno cahmene. “Cohācjū Moisere tiqiuro dutirire yeya mūsa gūhū”, nino cahmene tiquinare, niahye tiquina fariseo masa gūhū.

⁶ Tiquina sa nigū tuhoye Jesu cūriquina, Jesu yequina puhto mehna tiquina sa ni-dire quehnoñe tehe, cahmecoahye. ⁷ Sa ye peye tiquina yahuducuri bato Pedro wahcādaca yahuahye tiquinare:

—Yūhū acaye, panopū yūhūre mūsa mehna ijirigare Cohācjū ohō saha ye dutiro yahure cūri. Tiqiuro yūhūre quehnoañe buheyere judio masa ijieyequinare yahu dutiro cūri. Tiquinare Jesure wacū tutua dutiro yūhūre tiquinare buhe dutiri. ⁸ Sa yero Cohācjū masa tuhoyere masine. Sa yero tiqiuro judio masa ijieyequinare tiqiuro yequina tiqiuro yerire ihñono taro Espiritu Santore ohori tiquinare, marine tiqiuro yeriro sahata. ⁹ Sa ohoro tiqiuro marine tiquina gähäre ihcāno saha quehnoano yeri. Tiqiurore tiquina wacū tutuagū tiquina ñañene bori tiqiuro. ¹⁰ Mari pehe Cohācjū Moisere tiqiuro cūri dutiyere ye peho masiedaja. Sa ye mari ñesuyūmū māna gūhū ti dutiyere ye peho masiedahye. ¿Sa mari ye masiedapegāta dahse yena Jesu yequinare judio masa ijieyequinare tire ye duti duajari mūsa? Sa ye dutina Cohācjū tiquinare tiqiuro yerire “Queoro wahaerare”, nina niaga mūsa. ¹¹ Mūsa sa niepegāta ohō saha usā

tuhotuaja. Yojobare judio masa ijieyequina yero sahata mari gähäre mari puhtoro Jesu cahñe mehna Cohācjū yuhduorota, niahye Pedro tiquinare.

¹² Tiqiuro sa nigū tuhoye ijipihtiyequina dihta maria wahahye. Sa ye Pablo, Bernabé mehna judio masa ijieyequina watoa Cohācjū tutuaye mehna tiquina ye ihñorire yahuahye tiquinare. ¹³ Sa tiquina yahu tuhasari bato Santiago yahuahye.

—Acaye, tuhoya yūhūre. ¹⁴ Cohācjū judio masa ijieyequinare tiqiuro yequina wahagū yeahye. Coā tiquinare sa wahagū yeahye. Tire yahu tuhasari marine Pedro pehe. ¹⁵ Panopū cjēna Cohācjū yere yahu muhtariquina tiquina yahuriro sahata sa wahari judio masa ijieyequinare. Ohō saha ni mari Pacū yere ojoahye tiquina:

¹⁶ Panopū Davi mānāno ya curua cjēna tiquina puhto tiquina ijiri pihtia wahari. Came tojoa tautja yūhū. Sa yegū pari turi Davi ya curua cjānore puhtoro sōutja. ¹⁷ Yūhū sa yeri bato ijipihtiyequina apequina judio masa ijieyequina yūhūre tiquina puhtore cahmeeta tiquina. “Yeequina ijiya”, yūhū ni pisuriquina pehe yūhūre cahmeeta. ¹⁸ Sata nine mari puhtoro. Panopū tiqiuro ahrire masare yahue tiri jiri, ni ojoahye Cohācjū yere yahu muhtariquina.

¹⁹ Sa yegū ohō saha tuhotuaja yūhū. Judio masa ijieyequinare Cohācjū yere wahma cahme ducayequinare peye ye dutieracāhna mari. ²⁰ Sa dutierapenata tiquinare ojoa ohouhna mari. Ohō saha ni, ojoa ohouhna. “Ñañe ihyayere, ‘Cohācjū ijire’, tiquina nimesi queoyere ño peo tiquina duhu peori ihyayere ihyeracāhña. Sa yena wūana tieracāhña. Sa yena wamūa tiquina ñehe wejēdiquinare wahiquinare ihyeracāhña. Diire sihniedacāhña”, ni yahu ojoa ohouhna. ²¹ Yoari pje judio masa buheye wuhusepū saurū ijigū Cohācjū Moisere tiqiuro cūri dutiyere buhee tiri masa. Sa ye ijipihtiye macaripū Moise tiqiuro yahuyere buhee tiri. Sa yena yūhū nidiro sahata judio masa ijieyequinare Jesu yequinare ojoa ohouhna, judio masa pehe tiquina mehna “Usuari”, nina, niahye Santiago.

Judio masa ijieyequinare Jesu yequina puhto ojoa ohoahye

²² Ti pjere Jesu cūriquina, Jesu yequina puhto ijipihtiyequina Jesu yequina mehna puaro tiquina mehna cjēnare beseahye tiquina ohoatiquinare. Antioquiapū Pablo, Bernabé mehna wahatiquinare tiquinare bese ohoahye. Sa ye tiquina Judare, Sila mehna ohoahye. Juda pehe Barsaba puaro wame wame tiahye. Tiquina acaye Jesu

yequina tiquinare ño peoahye. ²³ Tiquinare tiquina beseri bato Jesu yequina ojoari püre ohoahye tiquina mehna. Ohõ saha ni ojoahye tiquina:

—Jesu cürina, tiqiro yequina pũtoa, m̄sa acaye Jesu yequina mehna us̄a quehnoa dutiaja m̄sare. Ijipihina judio masa ijinare Antioquiap̄, Siriap̄, Ciliciap̄ ijinare m̄sare Jesu yequinare quehnoa dutiaja us̄a. ²⁴ Us̄a mehna c̄j̄ena m̄sa cahap̄ esaye, m̄sare peye dutiyere ye dutiñohti. Sa ye m̄sare cariboñohti. Tiquina sa dutiepegũta us̄a pehe tiquinare tire buhe dutina ohoerũ. ²⁵⁻²⁶ Sa yena us̄a ijipihina ihcãno mehna m̄sa cahap̄ ohoatiquinare us̄a besei. Mari cahĩnequinare Pablo, Bernabé mehna Cristo Jesu mari pũtoro yere cuero marieno tiquina buhegũ peye tahari apequina tiquinare wejẽmahye. Tiquina sa wejẽ duagũ mehenogã mehna yahud̄ahye tiquina. Tiquina mehna us̄a beseriquinare yojopure ohoaja. ²⁷ Sa yena Judare, Sila mehna m̄sa cahap̄ ohoaja. Us̄a ojoarire tiquina pehe m̄sare yahueta. ²⁸ Espĩritu Santo wacũno sahata us̄a gũhu tahotuaja. Ohõ saha ijire ti: Apeye dutiyepure cũedaja m̄sare. Ahri dutiye dihitare cũnatja m̄sare: ²⁹ Ñãne ihyayere, “Cohãcjũ ijire”, tiquina nimeidi queoyere ño peo tiquina duhu peori ihyayere ihyeracãhña. Diire sihniedacãhña. Wam̄ua tiquina ñehe wejẽdiquinare wahiquinare ihyeracãhña. Sa yena w̄ana tieracãhña. Ahri yũhu ye dutierarire yerana quehnoañene yena ninata m̄sa. To puno t̄jire m̄sare us̄a yahu duaye, ni ojoa ohoahye Jesu yequina Jerusalẽp̄ ijieyquina.

³⁰ Ti püre ojoa tuhasa, ohoahye Antioquiap̄ wahayequinare. Tiquina ohori bato waha, Antioquiap̄ esahye. Top̄ tiquina esari batõ peyequina masare cahmecoa duti, tiquina ojoari püre wiahye tiquinare. ³¹ Ti püre tiquina buheri bato quehnoañene tiquina yahugũ tahoye, quehnoano bucueahye. ³² Sa ye Juda, Sila mehna Cohãcjũ yere yahu m̄htariquina ijiye, yoari pje Jesu yequinare Cohãcjũ yere yahuahye. Tiquina sa yahugũ tahoye, Jesu yequina pehe bucue, quehnoano jeripohña tiahye. ³³ Sa ye Juda, Sila mehna top̄ meheñe decorigã tiquina ijiri bato tiquina tojoa tagũ to c̄j̄enare tiquina cohe tigũ, “Quehnoano wahaya m̄sa”, niahye Antioquiã c̄j̄ena. Sa ye Juda gũhare ohoriquinare quehnoa dutioahye. Tiquina sa nidi bato Juda pehe tojoa wahahye. ³⁴ Sa ijiepegũta Sila pehe top̄ta tojoa cãhye Antioquiap̄ta. ³⁵ Sa ye Pablo, Bernabé gũhu meheñe decorigã tojoariyahye ti macap̄. Sa ye tiquina apequina peyequina mehna Jesu yere buheahye.

Pari turi Pablo quehnoañe buheyere buhe tinino wahahye

³⁶ Sa ye meheñe decorigã bato Pablo, Bernabé mehna yahuducuahye:

—Ijipihyequinare mari buhe d̄ucariquinare ihñano wahahna tja, niahye Pablo gũhu tiquina basi.

³⁷ Sa yero Bernabé pehe Ñure tiquina mehna nea duamahye. Ñu Marco p̄aro wame wame tiriqiro ijiahye. ³⁸ To pano tiqiro tiquina mehna Panfliap̄ esaro tiquina mehna tojoerahye. Tiquina yerire ihcãno sahaeraro, tojoa wahahye. Tiqiro ihcãno sahaeragũ ihñano Pablo pari turi tiqirore nea duerahye. ³⁹ Tiqiro nea dueragũ ihñano Bernabé Pablo mehna p̄aro tiquina basi cahme yahuducu cahme tu wahye. Bernabé pehe Chipre wame tiri p̄uc̄op̄u Marco mehna pehãa wahahye. ⁴⁰ Pablo pehe Sila mehna piti ti cã, wahahye. Sa ye tiquina buheye wahato pano Jesu yequina tiquinare ohoye, “Cohãcjũ m̄sare quehnoano ihña ihboahro”, niahye. Tiquina sa nidi bato Pablo, Sila mehna waha wahahye. ⁴¹ Sa wahaye, Siria yehap̄u, Cilicia yehap̄u gũhare esaye, top̄ Jesu yequinare quehnoano jeripohña ti bucuegũ yahye tiquinare.

16

Timoteo Pablo mehna wahahye

¹ Tiquina sa yeri bato Pablo gũhu Derbep̄u, Listrap̄u esaye, Timoteore boca sahye. Timoteo Jesu yaqiro jiro, judio masono macano ijiahye tiqiro. Tiqiro pacoro gũhu Jesu yacorota ijiahye. Tiqiro pacoro pehe griego masano ijiahye. ² Sa ye Listra c̄j̄ena, Iconio c̄j̄ena Jesu yequina ohõ saha niahye Timoteore: “Timoteo masa quehnoariqiro ijire”, ni yahue tiahye. ³ Sa yero Pablo Timoteore nea duahye. Sa ijiepegũta ti yehpa c̄j̄ena judio masa pehe Timoteo pacoro griego masano tiqiro ijigũ masiahye. Sa yero Pablo judio masare “Usuari”, nino, Timoteo cuhnucunũ sohtoa cahserogãre yahre neahye. Judio masa dutiye nidiro sahata yeahye. ⁴ Tiqiro sa yeri bato tiquina esari macari c̄j̄enare tiquina dutiyere ojoari pũ c̄j̄ene yahuahye. Ti pũ Jesu c̄riquina, tiqiro yequina pũtoa mehna Jerusalẽp̄u ijieyquina tiquina ojoari pũ ijiahye. Sa ye ti dutiyere quehnoano yahuahye to c̄j̄enare Jesu yequinare. ⁵ Tiquina sa yahugũ tahoye Jesu yequina pehe Jesure wacũ tutua nemoahye. Sa ye Jesu yequina decoriye peyequina wahaducuahye.

Pablo quehẽnop̄u Macedonia c̄j̄anore ihñahye

⁶⁻⁷ Sa yero Asia yehap̄u pehere quehnoañe buheyere buhe dutierahye

Espíritu Santo tiquinare. Sa ye tiquina Frigia yehpare yuhduá, Galacia yehpare yuhduá, Misia yehpa duhtu cahapu esahye. Bitinia yehpa pehe waha duamahye. Tiquina waha duepegüta Espiritu Santo pehe tiquinare topre waha dutierahye. ⁸ Tiqiro sa nidi bato tiquina pehe Misia yehpare yuhduá, Troapu wihiri. ⁹ Topu tiqiro wihiri bato ohö saha quehëahye Pablo. Macedonia yehpa cjáno tiqiro caha ducugü ihñahye tiqiro. “Usäre Macedonia yehpa cjánare yedohogu ahtaya”, ni, pijihaye tiqiro Pablore. ¹⁰ Tiqiro quehëdi bato wahcá, usá yere quehno tuhasa, Macedoniapu waha waha usá. “Cohäcjü ti yehpare quehnoañe buheyere buhe dutiro nine marine”, ni tãhotuu usá.

Pablo, Sila mehna Filiporu ijihaye

¹¹ Sa yena usá Troapu ijina yucasa mehna Samotracia wame tiri nucunoru pehá san usá. Sa yena ape deco Neapolipu waha usá. ¹² Ti macare yuhdu cána Filiporu Roma cjéna ya macapu esau usá. Ti maca Macedonia yehpare ijiri maca ijiri. Ihyo ijiri maca ijierari. Topure meheñe decorigá usá ijii. ¹³ Sa yena sauru ijigü usá ti maca duhtu cahapu, dia duhtu cahapu esau. Topu Cohäcjü mehna tiquina yahuducuro ijiri. Topu dujina topu cahmecoañe numia mehna yahuducuu usá. ¹⁴ Ihcácoro usäre tuhoricoro Tiatira cjóno Lidia wame tiricoro ijiri. Sa yero ticoro quehnoañe suhti wapa tiye suhtire duaricoro, mari Pacure ño peoricoro ijiri. Sa yero Pablo yahuyere quehnoano tuhögü yeri Cohäcjü ticorore. ¹⁵ Sa ye ticorore, ticoro ya wahu cjéna mehna wame yeri Pablo. Tiqiro sa wame yeri bato ohö saha nidi ticoro:

—“Jesu yacoro tjire wahu gáhu”, nine musa yuhre. Sa yena ya wuhuru sajá taríña musa. Yuhu mehna tojoaríña, nidi ticoro usäre.

Ticoro sa nigü tuhona ticoro ya wuhuru tojoarí usá.

¹⁶ Ape deco Cohäcjü mehna tiquina yahuducuropu usá wahagü watínore cuoricoro pití cari usäre. Ticoro apequina cahacjóno ijiri. Sa yero ticoro masare “Ohö saha waharota musare”, ni, yahuyuricoro ijiri. Sa yahuro pajiro wapata basari ticoro puhtoare. ¹⁷ Sa yero Pablo mehna usá wahagü, usäre nanu tá, sañuducuri ticoro:

—Ahriquina Cohäcjü tutua yahduariqiro yedohoriquina ijire. Mari yariari bato Cohäcjü marine tiqiro quehnoano yuhduoatire yahure tiquina, ni sañuducuri ticoro.

¹⁸ Peye decori sa ni cariboducuri Pablore. Sa yero pari turi ticoro sa ni sañuducugü tuhoro Pablo majare ihña, ohö saha nidi watínore:

—Jesucristo tutuaye mehna dutiaja mähare. Ticorore duhuya. Waharísa mahu, nidi Pablo.

Tiqiro sa nigüta watíno pehe waha wahari.

¹⁹ Tiquina sa yeri bato ticoro puhto pehe niñeru ticoro wapataericoro wahagü ihñañe, tiquina Pablore, Sila mehna ñehedi. Ñehe tuhasa, tiquinare neari ti maca decoru puhto cahapu. ²⁰ Sa ne cá, buhiri dahre dutiyequina cahapu cüri tiquinare.

—Ahriquina judio masa mari ya maca cjénare cariboye nine. ²¹ Tiquina mari dutiyere cohä dutiye, apeye buheyere buheye nine. Mari ye dutiyere yuhduacagü ye duaye nine. Mari Roma cjána ijina ahriquina yahuye pehere ye masiedaja mari. Sa yena tiquina buheyere mari cahmedaja, nidi ticoro puhto buhiri dahre dutiyequinare.

²² Tiquina sa nigü tuhoye masa peyequina Pablo gáhu mehna usua yuhduá wahahye. Sa ye buhiri dahre dutiyequina pehe Pablo gáhu suhtire tiquina tuhre cohäri bato daye cjugá mehna tana dutiri tiquinare. ²³ Tutuaro tana tuhasa peresu yeri tiquinare. Tiquina sa peresu yeri bato peresu ijiequinare cohteriquirore quehnoano ihña ihbo dutiahye tiquina. ²⁴ Tiquina sa dutiri bato tiquinare cohteriquiro pehe ti wahu puhia cjä tucüpu tiquinare cü, taboa mehna tiquina dahpocärine biha cüahye.

²⁵ Ñami deco Pablo, Sila mehna Cohäcjüre sini, tiqirore basa peohye. Tiquina sa basagü tuhoahye apequina peresupu ijiequina. ²⁶ Tiquina sa ni basagüta ti wahu tutuaro ñuhmiahye. Sa ñuhmigü ihcáno mehna ijiphtiyeye sope pahmari paría wahahye. Sa ye peresupu ijiequinare tiquina dahteri dari come dari suru site dijiaa wahahye. ²⁷ Sa wahagü ihñano ti wuhare cohteriquiro pehe “Peresu ijiequina duhti tuhasari jiri”, ni tãhotumahye. Sa ni tãhoturo tiqiro ñoseni pjine nedoqueo tiqiro basi ñosemahye. ²⁸ Tiqiro sa yegü ihñano Pablo tiqirore tutuaro sañuducu ohö saha niahye:

—Mahu basi ñano yeracähña. Ijiphtina ohöre ijiaja usá, niahye tiqiro tiquinare cohteriquirore.

²⁹ Tiqiro sa nigü tuhoro tiquinare cohteriquiro pehe sihä duti, tiquina cahapu oma cá, Pablo, Sila tiquina dahpocäri cahapu nanare doque quehe sahye tiqiro. ³⁰ Sa yero tiqiro tiquinare ti tucüpu ijiequinare ne wijia, sinituahye:

—¿Duhse yeagari yahu Cohäcjü yaqiro iji duagu? ni, sinituahye tiqiro.

³¹ —Jesucristore wacü tutuaya mahu. Mahu acaye gáhu tiqirore wacü tutuahro.

Musa sa yegū musare pecapū wahaborinare Cohācjū yuhduorota, ni, yahuahye tiquina.

³²⁻³³ Tiquina sa nidi hora ñami deco batogā ijiahye. Tiquina sa nidi bato tiquinare cohteriquiro ya wuhupū neahye tiquinare. Tiquiro ya wuhupū ne sa, tiquina camine coseahye tiquiro. Tiquiro sa cose tuhasari bato tiquiro cohteriquiro acaye mehna ijigū Cohācjū yere buheahye Pablo gāhū. Tiquina buheri bato wame yeahye tiquinare. ³⁴ Tiquina wame ye tuhasari bato tiquinare cohteriquiro Pablo gāhūre ihyaye peohaye. Sa ye tiquiro acaye mehna quehnoañe buheyere tiquina tuhori bato tutuaro bucueahye, Cohācjūre masi ducaye.

³⁵ Bohrea parī cāhtagū ihñañe puhto pehe surarare peresu yeri wuhupū ohoahye Pablo gāhūre wio dutiye. ³⁶ Tiquina sa wio dutiri bato ti wuhūre cohteriquiro Pablo gāhūre yahuahye:

—Puhto masare wio dutiri. Sa yena cuero marieno wijiaya, niahye tiquiro Pablo gāhūre.

³⁷ Tiquina sa wio duepegūta Pablo yahuahye surarare:

—Usā ñano yeru. Sa yena usā ne buhiri mariedaja. Ihyo warota tiquina puhto pehe masa ihñonopū yucuri mehna tanari usāre, usā Roma cjāna usā ijiepegūta. Tana tuhasa peresu yeri usāre. Sa ye yojopū masa tiquina ihñeno wio duare usāre, usāre ñano tiquina yerire “Buoro yuhduari”, niñe. Puhto tiquina basita wioye ahtaahro usāre, niahye Pablo surarare.

³⁸ Tiquiro sa nigū tuhoye surara pehe puhtoare yahuyeh wahahye. Tiquina sa ni yahuri bato Pablo, Sila mehna Roma cjēna tiquina ijigū masiñe puhto pehe cue niahye. ³⁹ Sa ye tiquina Pablo gāhū cahapū esa, ohō saha niahye:

—Ñano yeahti usā musare. Ne pari turi sa yesi, niahye puhto Pablo gāhūre.

Sa ni tuhasa puhto tiquinare peresupū ijieyquinare wio, tiquinare ape siepū waha dutiahye. ⁴⁰ Tiquina sa nidi bato Pablo, Sila mehna peresupū ijiriquina wijia, Lidia wame tiricoro ya wuhupū wahahye. Ti wuhupū tiquina esari bato Jesu yequinare piti cahye. Sa ye tiquina Jesu yequinare quehnoano buheye, quehnoano jeripohna tigū yeahye tiquinare. Tiquina sa yeri bato Pablo, Sila mehna waha wahahye.

17

Tesalónica cjēna usuahye Jesu yequina mehna

¹ Sa ye tiquina Anfipolipū esa, yuhduaye, Apoloniapū esa, yuhduaye, Tesalonicapū esahye tiquina. Topū judio masa buheri wuhū ijiahye. ² Semanaripe tiquiro yeriro sahata Pablo buheri wuhupū waha tiahye.

Topū esa, ihtia semana waro saurū decorire tiquiro panopū cjē tiquina ojoarire Cohācjū yere masare buhe, tire tiquina basi cahme yahuducue tiahye Pablo. ³ Sa yero tiquiro Cohācjū yere yahuahye:

—Judio masa, musa puhtoro musa cohteriquiro Cristo ahtahye ñano yuhduatiquiro. Sa yero tiquiro yariaa wahahye masa mujano taro. Sa yero ahriquiro Jesu, yuhū yahuriquiro, tiquiro Cristo warota ijire marine yuhduoatiquiro. Tiquirota ijire musa cohteriquiro. Ohō sahata nine Cohācjū yere tiquina ojoari pū, ni yahuahye Pablo.

⁴ Tiquiro sa nigū tuhoye meheñequinagā topū ijieyquina “Potota ijire”, niahye. Sa ye tiquina Pablo gāhū mehna wahahye. Sa ye apequina gāhū griego masa peyequina mari Pacare ño peoyequina pehe Pablora tuhoye, tiquina mehna cjēna numia gāhū peyequina puhto numia gāhū tiquirore tuhoye Jesu yequina tojoahye. Sa ye Pablo gāhū mehna wahahye. ⁵ Sa ijiepegūta apequina judio masa pehe tiquina sa wahagū ihñañe, ihñā coahye. Sa ye tiquina ñañequina dahraeyequinare peyequinare piji cahmeco ohō saha ni dutiahye: “Ahriquina ñano yeye nine”, ni sañuducu dutiahye tiquinare. Sa sañuducuye ijipihtiyequina ti maca cjēnare usuagū yeahye Pablo gāhū mehna. Sa ye judio masa Jasō ya wuhupū sajā, Pablo gāhūre macamahye, tiquinare masapare ohoye tehe. ⁶ Sa macapeta tiquinare bo-caerahye. Sa ye Jasōre, apequina Jesu yequina gāhūre ñehe, weje wijiaa wahahye tiquinare. Puhto cahapū ne sa, ohō saha ni yahusāhye tiquina.

—Pablo gāhū masare ijipihtiropure caribo yuhduare. Sa ye yojopure tiquina mari ya macare wihi tuhasari. ⁷ Sa yero ahriquiro Jasō tiquinare tiquiro ya wuhupū sajā ta dutiri. Tiquina ijipihtiyequina mari puhtoro Roma cjāno tiquiro dutiyere yuhduducare. “Apequiro musa puhtoro ijire. Jesu tiquirota ijire”, niñe, mari puhtoro dutiyere yuhduducare tiquina, ni yahusāhye judio masa pehe puhtoare.

⁸ Tiquina sa ni yahusāgū tuhoye, ijipihtiyequina masa, puhto gāhū usua, tutuaro sañuducuhaye. ⁹ Tiquina sa sañuducuepegūta puhto Jasōre, tiquiro mehna cjēna gāhūre, niñerure wapa ye duti, wioahye.

Pablo Sila mehna Bereapū esahye

¹⁰ Ti pjeta ñamipū Pablo gāhūre Jesu yequina ñno ohoahye Bereapū. Topū esa tiquina judio masa buheri wuhupū sajāa wahahye. ¹¹ Berea cjēna pehe Tesalónica cjēna yuhduoro Jesu yere quehnoano tuhoyequina ijiahye. Sa ye tiquina Jesu yere tuhori bato “¿Potota ijiajari?” ni

masi duaye, decoripe tiqairo yere tiquina ojoari püre sa buheducue tiahye tiquina. ¹² Sa ye tiquina peyequina Jesure wacü tutuayequina ijiahye. Griego masa gāhu, ἀμα, pūtoa numia mehna Jesure wacü tutuayequina ijiahye. ¹³ Sa ijiepegūta Pablo Bereapū Cohācjū yere tiqairo buhegū gāhure tūhoye, Tesalónica cjēna judio masa torū esahye. Torū esaye, Berea cjēnare quiti dojomehneñe, Pablo gāhu mehna usuagū yeahye tiquina. ¹⁴ Tiquina sa yegū ihñañe Jesu yequina Pablöre sojaro mehna pajiri ma dūhtū cahapū ohoahye. Tiquina sa ohoepēgūta Sila, Timoteo mehna Bereapū tojoahye. ¹⁵ Sa ye apequina Pablöre Atenapū ne cā soahye. Tiquairore so tuhasa, majare tojoaa wahahye Bereapū tja.

—Sojaro mehna waha, piti tina wahaya Pablöre, ni yahuahye Silare, Timoteo gāhure.

Sa ni yahu dutiahye Pablo tiquinare.

Pablo Atenapū ijiahye

¹⁶ Sa yero Pablo Atenapū cohtero ni-ahye Sila, Timoteo gāhure. Sa yero Atena cjēna “Cohācjū ijire”, tiquina niñe queoyere peye tiquina cūogū ihñano Pablo tutuaro bujūa witiahye tiquina mehna. ¹⁷ Sa bujūa witiro judio masa buheri wāhūpū judio masa mehna yahuducuahye. Sa yero tja judio masa ijieyequina gāhure yahuducuahye tiqairo. Tiquina ihquēquina mari Pacūre ño peoyequina ijiahye. Sa yero Pablo ti maca decopū decoripe tiqairo cahapū sa tini majare sajāñequina mehna yahuducuahye. ¹⁸ Apequina Epicūreo yere buheyequina, Estoico yere buheyequina gāhu Pablo mehna yahuducuahye.

—¿Ahriqairo yahuducuye peyariqairo dūhse ni yahuducuro niajari tiqairo? niahye tiquina.

Pablo Jesu yere, tiqairo masa mejarire tiqairo yahugū tūhoye ohō saha ni tūhotumahye masa. “Tiquairo apequina cohāmanare yahuro niaga”, ni, tūhotumahye tiquina. ¹⁹ Tiquina tūhori bato Areópago wame tiropū Pablöre nea wahahye.

—Ahri buheye, wahma buheyere yojopū mūhu yahurire masi duaja usā. ²⁰ Mūhu buheye sijoro saha ijire. Sa yena usā tūre masi duaja, niahye tiquina Pablöre.

²¹ Ijipihtiyequina Atena cjēna decoripe wahma buheyere yahuducuducu duahye. Sa ye tūre tūho duahye. Ape yehpa cjēna gāhu Atenapū ijiye, sata ye duahye. Sa ye Pablo yahuyere tūho duahye tiquina.

²² Sa yero Pablo Areópago wame tiropū wahcādūca, ohō saha ni yahuahye:

—Atena cjāna, peyequina masa cohāmanare masa tutuaro ño peona masa ijigū masiaja yūhu. ²³ Ahri maca masa ya macare cohāmanare masa ño peorire ihñā

tini yūhu. Sa ihñā tinigū yūhu ihcā cuhtupū, cohāmanare ño peona masa ohoeyere masa cūnopū ahrire buhei. “Cohācjū, mari masimehnediqairo ya cuhtu ijire”, ni, ojoari jiri masa tūre masa cūnopū. Masa tiqairore masiedapenata tiqairore ño peori jiri masa. Tiquiroreta masa masiediqairore yahugū niaja yūhu masare.

²⁴ Cohācjū ijipihtiri yehpare, ijipihtiyere bajumehnediqairo ijire. Tiquairo ahmūasere, yehpapūre, puhtoro ijiro, tiqairo masa tiquina yeri wāhūpū ijierare. ²⁵ Sa yero tiqairo mari ijiyere, mari jeri neñe gāhure, ijipihtiyere marine apee borore ohoriqairo ijiro, mari yedohoyere cahmedare. Tiquiro pejecūoriquiro ijierare.

²⁶ Tiquiro ihcāqairo amūnore ye dūcahye. Tiquiro mehnata ijipihtiri yehpa cjēnare masare yeahye. Sa yero ijipihtiri yehpapūre marine cūahye tiqairo. “Ohō puno yoiari pje ohōpūre catieta”, nino queo cūahye marine. ²⁷ “Tiquina yūhure macañe, bocaeta”, ni tūhotuahye Cohācjū. Sa yero Cohācjū yoiaropū ijierare. Mari mehnata ijire. Ohō saha ni ojoahye. ²⁸ “Marine ijigū yere tiqairo. Sa yero masa mehna sa ijiducure tiqairo”, ni ojoahye. Masa mehna cjēna panopū cjēna basayere quehnoano ojoayequina tiquina ojoariro sahata nii niaja. “Mari gāhu Cohācjū pohna ijiaja”, ni ojoahye tiquina. ²⁹ Sa yena tiqairo pohna ijina ohō saha ni tūhotueracāhñā masa.

Queoyere, uru, plata, atā mehna masa esa tuharo masa yeriquinare “Cohāmana ijire”, ni tūhotueracāhñā masa. ³⁰ Panopū masa tiquina masieñequina ijiniḡū tiquina ñañene yepegūta Cohācjū sa ihñā cāhriahye. Sa yeperota yojopūre ijipihtiri yehpa cjēnare tiquina ñañene bujūa witi ditire Cohācjū. ³¹ Came Cohācjū tiqairo queori decopū ijipihtiri yehpa cjēnare queoro beserota quehnoañequinare, ñañequinare. Tiquiro bese duti cūriqairo Jesu pehe beserota. Jesure yariariqairore masoahye tiqairo. Sa masono “Ahriqairo yūhu cūriqairo ijire”, ni, ihñono niahye Cohācjū masare, ni yahuahye Pablo Atena cjēnare.

³² Tiquiro sa nigū masa mejarire tiqairo yahuducugū tūhoye apequina tiqairore bujūpeahye. Sa ye apequina pehe ohō saha niahye:

—Pari turi ahrire mūhu yahugū usā tūho duaja, niahye tiquina Pablöre.

³³ Tiquina sa nidi bato Pablo wahaa wahahye. ³⁴ Sa ye meheñequinagā tiqairo mehna ijiye, Jesure wacü tutua dūcahye. Dionisio Areópago cjāno puhtoa mehna cjāno Jesure wacü tutua dūcahye. Damari wame tiricoro gāhu, apequina mehna Jesure wacü tutua dūcahye.

18

Pablo Corintopu ijiahye

¹ Sa ye, Pablo Atenapu ijiriquiro waha, Corinto wame tiri macapu esahye. ² Topu esaro, judio masano Aquila wame tiriquirore boca sahye tiqiro. Ijiphiytiye-quina pahoro Claudio wame tiriquiro judio masare Romapu ijieyquinare tiqiro cohagū, Aquila pehe tiqiro namono Priscila mehna waha, Corintopu esahye. Aquila pehe Ponto wame tiri yehpapu masa bajuariquiro ijiahye. Sa ye tiquina Corintopu tiquina ijigū, Pablo tiquina cahapu esahye. ³ Aquila gūhu carpa cahseri wāhūserē yeyequina ijiahye. Pablo gūhu carpa cahseri wāhūserē yeriquirota ijiahye. Sa yero tiqiro tiquina mehna dahra, topu tojoahye. ⁴ Sa yero Pablo saurū ijigū semanaripe judio masa tiquina buheri wāhūpu judio masare, judio masa ijieyquina gūhure Cohācǵū yere yahuahye. Tiquiro sa ni yahugū tūhoye, “Ijirota ijire”, niahye tiquina ihquēquina.

⁵ Sa ye Sila, Timoteo mehna Macedoniapu ijiriquina, Pablo cahapu esahye. Topu tiquina esari bato Pablo pehe ijiphiytiye decori judio masare quehnoano buheh tiahye:

—Jesu, Cristo marine yāhdūoatiqiro mari coheriquiro ijire, ni yahue tiahye tiqiro.

⁶ Tiquiro sa ni buhepegūta, judio masa pehe tiqirore tūho duerahye. Sa ye tiquina űano ni quitī dojomehneahye tiqirore. Tiquina sa yegū Pablo tiquinare tiqiro tuhtīboriro sahata, tiqiro suhtirore dihta wahārire wejē site cūahye.

—Masa ye buhiri pecapu wahanata. Cohācǵū tiqiro dutiriro sahata masare buhemi yāhu. Sa buhepegūta masa yāhure tūho duerari. Yojoṗare judio masa ijieyquina pehere buhegu wahautja, niahye Pablo judio masare.

⁷ Tiquiro sa nidi bato tiqiro topu ijiriquiro waha, Ticio Justo wame tiriquiro ya wāhūpu esahye. Justo Cohācǵure űo peoriquiro ijiahye. Tiquiro ya wāhu pehe judio masa buheri wāhu cahapu ijiahye. ⁸ Sa ye Crispo wame tiriquiro buheri wāhure coheriquiro, tiqiro namono, tiqiro pohne gāhu Jesure wacū tutuayequina ijiahye. Sa ye apequina Corinto cǵēna peyequina Cohācǵū yere tūhoye, Jesure wacū tutuahye. Tiquina sa wacū tutuayequina ijigū tiquinare wame yeahye. ⁹⁻¹⁰ Ihcā űami Cohācǵū quehēnopu yahuahye Pablōre. Tiquirore ohō saha niahye:

—Māhu mehna ijiaja. Ahri macare yeequina peyequina ijire. Sa ye apequina masa

māhure űano ye masiedare. Sa yegū cueracāhña māhu. Sa cueragu yeere tutuaro yahuaya. Sa tūhotueracāhña, ni yahuahye Cohācǵū Pablōre.

¹¹ Sa ye ihcā cāhma quehnoano, ape cāhma deco waro to cǵēnare Cohācǵū yere buhe, ijie tiahye Pablo.

¹² Tiquiro sa ijiri watoa Galiō wame tiriquiro Acaya yehpa cǵēna pahoro tiqiro ijigū judio masa ijiphiytiyequina ihcāno mehna Pablōre yahusāne taye, tiqirore buhiri dahre dutiyequina cahapu neahye tiquina.

¹³ —Ahriquiro masare Cohācǵure űo peo dutiro ahri yehpa cǵē dutiye pehere cohā dutiro nine, ni yahusāhye judio masa buhiri dahre dutiyequinare.

¹⁴ Tiquina sa ni yahusāgū tūhoro Pablo pehe tiquinare yahu duamahye. Sa yahu duepegūta Galiō pehe judio masare yahuahye:

—Ahriquiro usā Roma cǵāna ye dutiye yāhdūdūcariquiro tiqiro ijigū masare yūhtīboaya yāhu. ¹⁵ Sa yena masa judio masa ye dutiye pehere ahriquiro yāhdūdūcariquiro ijigū masa basi quehnoña. Ahrire masa mehna masino pjerare yāhure, ni yahuahye tiqiro judio masare.

¹⁶ Sa ninota tiquinare judio masa yahusāne ahtamediqinare tiqiro ya tucūpu ijiriquinare cohā wioahye tiqiro.

¹⁷ Tiquiro sa cohā wiōri bato ijiphiytiyequina ti wāhūpu ijiriquina Sostenene judio masa buheri wāhure coheriquirore Jesu yaquirore űehe, buhiri dahre dutiyequina cahapu queāhye tiqirore. Tiquina sa quēgū ihñano Galiō sa ihñā cāhye.

Pablo Antioquiapu tojoaa wahahye

¹⁸ Sa yero Pablo Corintopu yoari pje ijiriquiro “Wahau niaja”, ni cohe tiahye tiqiro Jesu yequinare. Tiquiro sa nidi bato tiqiro Priscila, Aquila mehna Siria yehpapu ijiri macapu pehāa wahahye. Cencia wame tiri petamahapu tiquina esari bato Pablo Cohācǵure “Ohō saha māhure ye basautja”, tiqiro nidire ye tuhasariquiropu ijiahye. Sa yero sa yeriquina judio masa tiquina yeducuriro sahata tiqiro poarire wāha peho dutiahye. ¹⁹ Sa yero tiquina Efeso wame tiri macapu pehā sa, Priscilare, Aquila gāhure cūahye Pablo. Tiquinare topu cū, judio masa tiquina buheri wāhūpu wahahye. Ti wāhūpu esa, Cohācǵū yere yahuahye. Sa yahuro judio masa mehna yahuducuahye. ²⁰ Tiquiro sa yahuducuri bato tiqirore tiquina mehna tojoa dutimahye. Tiquina sa dutiepegūta ohō saha niahye Pablo:

—Tojoeraja masa mehna, niahye Pablo tiquinare.

²¹ Sa ninota,
—Wahagü niaja. Cohäcjä cahmegü pari turi tojoa taboaga, niahye tiquinare Pablo.

Sa ni tuhasa Efesopü ijiriquiro pehãa wahahye tiqiro.

²² Sa yero Cesareapü pehã sa, yahdu cã, Jerusalëpü esahye. Topü esa, to cjëna Jesu yequinare “¿Ne ijijari mûsa?” ni, tiquinare ihña yahduã Antioquiapü esahye. ²³ Topü meheñe decorigã ijiahye. Topü ijiriquiro yahduahye. Galacia yehparü ijiiye macaripü, Frigia yehparü ijiiye macaripü pari turi esa, ti macari cjënaresu yequinare buhero, bucegü yeahye.

Apolo wame tiriqiro Efesopü buheahye

²⁴ Ti pjere, judio masano Apolo wame tiriqiro, Alejandria cjëno Efesopü esahye. Tiquiro quehnoano yahu mihndiquiro ijiahye. Sa yero tiqiro Cohäcjä ojoarire quehnoano masiahye. ²⁵ Apequiro tiqirore Cohäcjä yere yahu tuhasae tiahye. Sa yero tiqiro Ñu wame yeriquiro ye buheye dihitare masiahye. Sa ijieperota tiqiro tutuaro bucueye mehna Cohäcjä yere quehnoano buheahye. ²⁶ Sa yero judio masa tiquina buheri wãhpü tiqiro cuero marieno tiquinare buhe ducähye. Tiquiro sa buhegü tiquina tuhori bato Priscila, Aquila mehna tiqirore tiquina mehna neahye. Cohäcjä yere tiqiro quehnoano poto yahu pehoeragü ihñañe quehnoano poto yahu pehoahye tiquina tiqirore. ²⁷⁻²⁸ Sa ye tiqiro Apolo pehe Acaya yehparü tiqiro waha duagü Jesu yequina tiqirore “Quehnoano wahaya”, ni, ojoari pürine ohoahye tiqirore. Ti püri Acayapü ijiiyequina Jesu yequinare Apolore quehnoano piti ca dutiye püri ijiahye. Sa yero Apolo topü esaro, to cjënaresu Jesure wacü tutuayequinare Cohäcjä cahñe mehna quehnoano yedohoahye. Judio masare ti macapü ijiiyequinare ohõ saha ni yahuahye:

—Cohäcjä ohoriquiro mûsa cohteriquiro ijire Jesu. Cristo waro ijire tiqiro, ni yahuahye judio masare apequina masa tiquina ihñonopü.

Cohäcjä yere tiquina ojoari mehna tiqiro quehnoano queoro yahugü tuhoye tiquina “Poto ijierare”, ni masiedahye. Sa yero Cohäcjä cahñe mehna tiqirore wacü tutuayequinare quehnoano yedohoahye Apolo.

19

Pablo Efesopü wahahye

¹ Corintopü Apolo tiqiro ijiri watoa, Pablo pehe cãna cjëpü mûja yahduã, Efesopü esahye. Topü esaro ihquëquina Jesu yequinare bocahye. ² Tiquinare boca saro tiqiro tiquinare sinituahye:

—¿Mûsa Jesure wacü tutuari bato mûsa pehe Espiritu Santore cão ducari? ni, sinituahye Pablo.

Tiquiro sa nigü tuhoye tiqirore ohõ saha ni yahuahye tiquina:

—“Espiritu Santo ijire”, ni yahuerari usãre, ni yahuahye tiquina.

³ Tiquina sa ni yahuri bato Pablo tiquinare sinituahye tja:

—¿Noa ye buheyere mûsa tuhori bato wame yeri mûsare? niahye tiqiro tja.

—Ñu ye buheyere usã tuhori bato wame yeri usãre, ni yahuahye tiquina.

⁴ Tiquina sa nigü tuhoro ohõ saha niahye Pablo:

—Masa tiquina ñañe yerire tiquina duhugü ihñano wame yeahye Ñu. Sa yero tiqiro wame yeye pehe tiquina ñañe yerire tiquina duhurire masare ihñoati ijire. Sa yero apee boro gãhare yahu nemoahye Ñu. “Yuhu bato ahtariqiro pehere wacü tutuaya mûsa”, ni yahuahye tiqiro. Sa nino Jesure yahuro niahye, ni yahuahye Pablo tiquinare.

⁵ Tiquiro sa nigü tiquina tuhori bato, Jesu wame mehna wame yeahye tiquinare.

⁶ Sa yero Pablo tiquina ihquëquina bui tiqiro omoca duhu peogü, Espiritu Santo pehe wihiahye tiquinapure. Tiquiro sa wihiri bato tiquina pehe tuhohemeñe yahuducuye mehna yahuducu, Cohäcjä yere yahuahye. ⁷ Tiquina ijipihtiyequina doce amua ijiiye ijiboaga.

⁸ Came Pablo judio masa tiquina buheri wãhpü sajã, ihtia asü waro decoripe cuero marieno Cohäcjä puhtoro tiqiro ijiiye yahuducuahe tiquina mehna. Tiquirore tiquina sa tuhori bato “Ahri ijirota ijire”, niahye tiquina. ⁹ Sa niepegãta apequina pehe tuho duerahye. Sa ye tiquina masa tuhoro quehnoañe buheyere ñano niahye. Tiquina sa nigü tuhoro Pablo pehe Jesu yequinare piji wijia, apee siepü wahahye. Waha, Tirano wame tiri wãhu buheri wãhpü decoripe masare Cohäcjä yere yahuahye tiqiro. ¹⁰ Pua cãhma waro buhee tiahye tiquinare. Tiquiro sa buhegü ijipihtiyequina Asia yehpa cjëna judio masa, judio masa ijiiyequina mehna mari puhtoro Jesu yere tuhoahye. ¹¹ Sa yero Cohäcjä tutuaye mehna Pablo peye tahari ye ihñoahe. ¹² Suhti cahseri Pablo tiqiro pagure pihari cahserire, tiqiro pihari suhti gãhare ne cã, dohatiyequinare ohoahye. Ti suhtire ohogü tire ñeheñe tiquina dohatiye yahduã wahahye. Sa ye watã tiquina mehna ijiriquina wahaa wahahye ti suhtire tiquina ñehedi bato.

¹³ Sa ijigü apequina judio masa, sa tiniducuyequina, watãre cohãñequina judio masa yaya ijiahye. Sa ye Pablo tiqiro yeriro

sahata Jesu tutuaye mehna wafiare cohã duamahye. Sa ye wafiare duhu dutimahye tiquina.

—Pablo yahuriquiro, Jesu tiquiro tutuaye mehna dutiaja musare. Wahaya. Ahriquiro mehna pari turi ijieracãhña, nimahye tiquina wafiare ohoye.

¹⁴ Esceva wame tiriquiro siete tiquiro pohne pehe sata yemahye. Esceva pehe judio masuno pahia puhtoro ijiahye. ¹⁵ Tiquiro pohne wafinore tiquina waha dutiri bato, wafino pehe ohõ saha niahye tiquinare:

—Jesure masiaja. Pablo gãhure masiaja. Mũsa pehere masiedaja, niahye wafino tiquinare.

¹⁶ Tiquiro sa nigũta wafinore cãoriquiro pehe tutuaro tiquinare ñehe maa wahahye. Sa yero tiquinare ña yũhũaro yeahye. Tiquiro sa yeri bato suhti marieñequina, camĩ tiyequina oma wijiaa wahahye tiquina ti wãhure. ¹⁷ Tiquina sa yeri bato ijipihitiyequina Efeso cãena, judio masa, judio masa ijieyequina mehna tire tuhoye, cue yũhũahye tiquina. Sa ye mari puhtoro Jesu yere bujũpero marieno yahuducuahye masa pehe.

¹⁸ Sa ye masa peyequina Jesure wacũ tutuayequina tiquina ñano yerire yahuye ah-tahye. ¹⁹ Tiquina mehna cãena peyequina yayia masare ujuayequina yero saha yeye-quina ijiahye. Sa ye tiquina ojoari pũrine yayia tiquina yerire yahuye pũrine topũ ne cãhta, masa ihũonopũ ti pũrine ujũa cohã cãhye tiquina. Ti pũri wapa tirire tiquina queogũ, ijipihitiye pũri cincuenta mil cjoeri niñeru cjoeri wapa timahye ti pũri. ²⁰ Sa ye Cohãcã yere cahmeñequina peyequina wahahye. Cohãcã tutuaye mehna tiquiro yequina wahahye.

²¹ Tiquina sa wahari bato Pablo ohõ saha ni tuhutuahye: “Macedonia yehparũ esa mũhta, ti yehpare yũhũa, Acaya yehpare esaũtja. Ti yehpare yũhũ esari bato Jerusalẽpũ wahaũtja. Ti macare yũhũ esari bato Romapũ wahaũtja”, ni tuhutuahye Pablo. ²² Pũaro tiquirore yedohoyequinare tiquiro pano oho mũhtahye Macedonia yehparũ. Timoteo, Erasto gãhũ ijiahye tiquina. Sa yero Pablo pehe ihcãquirota tojoa nũnũ tãriahye Asia yehparũ.

Efesopũ masa usua, saũnuducuahye

²³ Ti pjere Efesopũ Jesu yere apequina cahmedaye, Pablo gãhure tuhtiahye. ²⁴ Plata mehna dahrariquiro Demetrio wame tiriquiro plata mehna cohãcãono Artemisa wame tiricoro ya wãhũ queoyere yeriquiro ijiahye. Sa yero tiquiro apequina plata mehna dahrayequina mehna ti queoyere dua, pajiro wapatahye tiquina. ²⁵ Sa yero Demetrio apequina plata mehna

dahrayequinare piji cahmecoa yahuahye tiquinare.

—Tuhoya mũsa. Ahri dahraye mehna pajiro mari wapatarire masine mũsa. ²⁶ Ahriquiro Pablo yerire tiquiro buheri gãhure masine mũsa. Ohõ saha ni buhere tiquiro. “Cohãmana queoye masa tiquina yeyequina catiyequina ijierare”, ni yahue tiri tiquiro. Tiquiro sa nigũ tuhoye peyequina Efeso cãena, ijipihitropũ apequina Asia yehpa cãena gãhũ ti buheyere “Ijirota ijire”, nie tiri. ²⁷ Sa niñe mari dahrayere masa ñano yahuducuboaga. Sa ye mari yacoro cohãcãono Artemisa ya wãhure masa cohãboaga. Sa yero ticoro ijipihitiyequina Asia yehpa cãena, ijipihitiri yehpa cãena tiquina ño peoricoro ticoro ijiepegũta ticoro tutuaye butiarota. Sa ye masa ticorore masiedaboaga, niahye Demetrio tiquinare.

²⁸ Tiquiro sa nigũ tuhoye tiquina pehe tutuaro usua, saũnuducuahye:

—Artemisa Efeso cãena mari yacoro cohãcãono tutuaricoro ijire, ni, saũnuducuahye tiquina.

²⁹ Sa ye Efeso cãena ijipihitiyequina saũnudu yũhũa, tuho masiñe pihtia wahahye. Sa wahaye, Gayore, Aristarco gãhure ñehe, masa tiquina cahmecoanopũ tiquinare weje cãhye. Gayo, Aristarco mehna Macedonia cãena ijiye, Pablo mehna tiniñequina ijie tiahye. ³⁰ Sa ye Pablo masa cahapũ tiquiro waha duagũ, Jesu yequina pehe tiquirore waha dutierahye. ³¹ Sa ye apequina ti yehpa cãena puhtoa, Pablo mehna cãena ijiye, tiquina cahacãenare yahu dutiahye Pablare:

—Masa tiquina cahmecoanopũ wahaer-acãhña, ni yahu duti ohoahye puhtoa tiquina cahacãenare Pablopũ.

³² Sa ye topũ cahmecoañequina mehna cãena pehe peyequina “¿Dũhsena tana mari cahmecoana niajari?” ni, masiedahye. Sa ye tiquina saũnudu nemoahye. Ahrie pehepũ ijieyequina sijoro ni, saũnuducuahye. Apequina gãhũ sijoro ni saũnuducuahye. ³³ Sa ye judio masa pehe Alejandro wame tiriquirore masare yahu dutimahye. Sa yero Alejandro “Dihta mariahña”, nino tiquiro omoca mehna quẽ dijioahye. “Ahriquina usãre judio masare tuhtiye nine”, ni tuhuturo judio masare cahmota duaro, yahuducumahye. ³⁴ Tiquiro sa niepegũta judio masuno tiquiro ijigũ ihñañe masa ijipihitiyequina ihcãno mehna pũa hora waro saũnuducuahye:

—Artemisa, Efeso cãena mari yacoro cohãcãono tutuaricoro ijire, ni, saũnuducuahye tiquina.

³⁵ Tiquina sa ni saũnucugũ ihñano, Efeso cãena puhtoare yedohoriquiro masare, “Dihta mariahña”, ni, yahuahye tiquinare.

—Musa Efeso cjāna tuhoya. Efeso cjāna mari yacoro tutuaricoro cohācōno Artemisa ya wuhū cohtena mari ijigū ijipihitiri yehpa cjēna masine. Sa ye ahmusepū bora dijia tari queoyere cohtena mari ijigū gūhure masine masa. ³⁶ Sa ye apequna “Ahri poto ijierare”, ni masiedare. Sa yena usueracāhña mūsa. Quehnoano tuhotuaya mūsa. ³⁷ Ahriquina mūsa ñehe tariquina mari cohācōnore ñano ni yahuducuerari. Sa ye tiquina cohāmana wuhūseperē sajā, yaquerari. Sa yena quehnoano yeya mūsa. ³⁸ Sa ye Demetrio, plata mehna dahrayequina mehna ahriquinare mūsa ñehediquinare yahusā duaye, buhiri dahre dutiyequina pehere yahuahro tiquina. Tiquina buhiri dahre dutiyequinare ahriquinare yahusā masine. ³⁹ Pāri turi cahmecoana quehnoano mehna cahmecoaña. Yojoꝛpūre mūsa yeriro saha yeracāhña. ⁴⁰ Miare mūsa ihyo waro usua, sañuducirre mari puhtoā tuhoye, “Marine cohāñe niaga”, ni tuhotueta tiquina. Sa yena mūsa sa ni sañuducirre tiquinare quehnoano poto yahu masiedaja mari, niahye puhtoare yedohoriquiro masare.

⁴¹ Sa ni yahu tuhasa, “To puno tjire. Wahaya”, niahye tiquiro masare.

20

Macedonia yehpapū gūhure, Grecia yehpapū gūhure Pablo esahye

¹ Ti sa wahari bato, Pablo pehe Jesu yequinare pijji cahmecoā yahuahye. Yahu tuhasa, tiquinare cohe tiahye. Cohe ti tuhasa, Macedonia yehpapū wahaa wahahye. ² Topū esa, buhe, to cjēna Jesu yequinare bucuegū yeahye tiquiro. Tiquinare buhe tuhasa, Grecia yehpapū esahye tiquiro. ³ Topū tiquiro ihtia asū waro ijiahye. Topū ijiro Siria yehpapū pehāna waha duamahye. Tiquiro sa waha duepegāta judio masa duhti queahye, tiquirore ñehe duaye. Sa yero Pablo ape mahapū, Macedoniapū wahari mahapū wahahye. ⁴ Sa waharo Asiaputa esahye. Topū Berea cjāno Pirro macano Sópater wame tiriquiro pehe Pablōre piti ti cāhye. Sa ye Tesalónica cjēna Aristarco, Segundo gūhū tiquirore piti ti cāhye. Sa ye Asia cjēna Tiquico, Trófito gūhū Asiapū tiquirore piti ti cāhye. Derbe cjāno Gayo wame tiriquiro Timoteo gūhū tiquiro mehna wahahye. ⁵ Tiquiro mehna cjēna tiquiro pano waha, Troa wame tiri macapū tiquirore cohteri jiri. ⁶ Tiquina sa cohtegū pugū yeye moremehneñe pāre tiquina ihyari bose deco bato usā pehe Filipopū ijirina yucsa mehna waha, ihcā omoꝛe decori pehā,

Troapū usā esau. Siete decori waro ijii topūre.

Troapū Pablo tinino wahahye

⁷ Domingo ijigū Jesu yequina cahmecoā, pāre duhu peori Santa cena yeye tehe. Tiquina sa yeato pano Pablo tiquinare buheri. Sa yero Pablo ape decopū wahatiquiro ijiro yoari pje tiquiro buheri. Ñami decopū buhe duhuro taro nimesi. ⁸ Sa yena ahmūano cjā tucūꝛpū peye paca sihāñe paca ijiri tucūꝛpū cahmecoā usā. ⁹ Pablōre tiquiro tuhori watoa wahmūno Eutico wame tiriquiro meheni sopecahagā buipū mūja pje dujiri. Sa yero Pablo tiquinare yoari pje tiquiro buhe nemogū wahmūnore wūjūa ahtari. Sa yero tiquiro carī maa, ihtia casario buipū dujiriquiro majare maa dijiaa wahari. Tiquiro bora dijia bato tiquina tiquirore yariariquiroꝛpūre tu wahcō dapori. ¹⁰ Tiquina sa yegū ihñano Pablo dijia, wahmūnore quē suhsuri. Tiquiro sa yeri bato Jesu yequinare yahuri tiquiro:

—Jeripohna ñaedacāhña. Yariere ahriquiro. Catire, nidi Pablo pehe.

¹¹⁻¹² Tiquiro sa nigū wahmūno yariamediquiro masaa wahari. Tiquiro sa masagū ihñāñe tiquina bucue yuhduari. Sa bucueye ahmūano cjā tucūꝛpū mūja, pāre duhu peori Santa cena yeye tehe. Tiquina sa yeri bato yoari pje Pablo tiquinare buheri. Tee bohreato panogāꝛpū tiquinare buhe duhuri. Tiquiro buhe tuhasagū wahaa wahaa usā.

Pablo Troapū ijiriquiro waha, Miletopū esahye

¹³ Pablo pano yucsa mehna Asōꝛpū usā pehe esa muhtān. Pablo pehe mahapū waha duari. Pablo tiquiro nidiro sahata Asōꝛpū tiquirore usā piti can. ¹⁴ Tiquirore usā piti cagū, usā mehna tiquiro sajāri yucsapū. Tia mehna waha, Mitileneꝛpū usā esau. ¹⁵ Topūre esa yuhduā, ape decopū Quiore yuhduā usā. Ape decopū Samopū esau usā. Ape deco pehere Miletopū esau usā. ¹⁶ Pablo Pentecoste deco ijigū, Jerusalēꝛpū esa duari. Sa yero Asia yehpapū yoari pje iji duerari. Sa yero Efesore poto yuhduā, Miletopū wahā sau usā.

Pablo Efeso cjēnare Jesu yequina puhtoare yahuahye

¹⁷ Sa yero Pablo Miletopū ijiro, Efeso cjēnare Jesu yequina puhtoare pijjori tiquiro. ¹⁸ Sa tiquiro pijjori bato tiquina Pablo cahapū wihiri. Tiquina wihigū ihñano tiquinare Pablo yahuri:

—Asiapū coā wihigū mūsa mehna yuhū yerire masine mūsa. ¹⁹ Mūsa mehna ijigū ne sijoro nino marieno Jesu, mari puhtoro yere yee tii yuhū. Sa yegū mū sare

paja ihñau. “Musare yuhduducaja”, niedu yuhu. Judio masa yuhure tiquina ñano yepegüta Cohäcjä yere yee tii yuhu. ²⁰ Sa yegu musa quehnoano wahatire cahmegu musare yahu peho cäu yuhu. Masa tiquina ihñonopu musa wuhusepu gühure buhei yuhu. ²¹ Sa yegu judio masare, judio masa ijieyequina gühure ihcäno mehna buhei yuhu. “Musa ñañene bujua witina, Cohäcjä ye pehere comesaya. Sa yena Jesu mari puhtorore wacü tutuaya”, ni yahuu yuhu. ²² Sa yegu Espiritu Santo tiquiuro dutiriro sahata yojopure Jerusalëpu wahau niaja. Yuhu topu wahagu yuhu dühse wahatire masiedaja yuhu. ²³ Ohö saha nidi Espiritu Santo yuhure: “Jerusalëpu muhu ñano yuhduta. Sa ye muhare peresu yeeta”, nidi Espiritu Santo yuhure. Yojopure yuhu macaripe yuhu esagü sa ni yahuri yuhure. Jerusalëpu wahagu Espiritu Santo tiquiuro yahuri dihitaré masiaja. ²⁴ Tiquiro sa yahuepegüta quehnoañe buheyere, Cohäcjä tiquiuro cahñe buheyere yahuacju ijiaja. Jesu mari puhtoro tiquiuro ye dutirire ye peho duaja. Ahrire yerigu ijigu, yuhu yariatire cueraja yuhu.

²⁵ Sa yegu musa mehna ijigu Cohäcjä tiquiuro puhtoro ijiyere yahue tii yuhu musare. Ne musare pari turi ihñasi yuhu. Ahrire masiaja yuhu. ²⁶⁻²⁷ Sa masigü miare ahrire yahuaja musare. Ijipihtiyé Cohäcjä yere yahuu yuhu musare. Sa yero ijipihtiyequina musa mehna cjëna Cohäcjä yere cahmeeñequina tiquina ijigü yee buhiri ijierare. ²⁸⁻²⁹ Musa basi quehnoano yeya. Sa yena Jesu yequinare Espiritu Santo musare ihbo dutigü, tiquiuro ihbo dutiriquinare quehnoano ihboya. Ovejare ihboyequina ovejare tiquina ihboro saha Jesu yequina gühure ihboya musa. Cohäcjä macano tiquiuro yariaro tiquiuro dii cohäno mehna Cohäcjä tiquinare tiquiuro yequina ijiatiquinare yeri. Yuhu ohöre wahari bato arequina ñañequina pehe yaquiuro ovejare tiquina wejëno saha Jesu yere musa yeborire dojomehneeta. Sa yena Jesu yequinare quehnoano ihboya. ³⁰ Camerupe arequina musa mehna cjëna pehe Jesu yequinare ni meho, apeye buheyere tuho dutieta. Tiquina sa dutigü tiquina tuhoeta. ³¹ Sa yena quehnoano yeya musa. Decoripe, ñaminipe paja ihñañe mehna buhei yuhu musare. Ihtia cähma waro quehnoano buhei yuhu musare ijiphtinare. Tire quehnoano wacüña musa.

³² Yojopure yuhu wahari bato Cohäcjä musare ihña ihborota. Tiquiro cahñe buheyere buhena quehnoano ijinata musa. Cohäcjä tiquiuro buheye mehna musare tiquiuro yequinare quehnoano yedoho masine. Sa yero tiquiuro yequina dihitaré tiquiuro ye duariro sahata musa püritare

quehnoano yerota. ³³ Musa niñeru cuoyere, musa suhti cuoye gühure “Yuhure ohoya”, niedu. ³⁴ Yuhu basi dahra wapatau ye ijiatire. Sa yegu yuhu cahmeñene, yuhu mehna cjëna tiquina cahmeñe gühure yahu dahra wapatari mehna nei. Yuhu sa yerire masine musa. ³⁵ Mari ohö saha tutuaro dahrana apee boro cuoyequinare yedohoro cahmene marine. Ahrire musare ye ihñou yuhu. Jesu mari puhtoro tiquiuro nidire wacüña musa. “Tiquiro ohogü ñehediquiro yuhduoro ohoriquiro pehe bucuere”, nidi jiri Jesu tiquiuro basi, ni yahuri Pablo Jesu yequina puhtoare.

³⁶ Sa nidi bato Pablo tiquina mehna dusepe curi mehna quehe sa, Cohäcjäre sinidi. ³⁷ Tiquiro sa sinidi bato tiquina ijipihtiyequina Pablöre quë suhu, wahsupure ihmi, utiri. ³⁸ “Musare pari turi ihñasi yuhu”, to pano tiquiuro nigü tuhoye tutuaro bujua witiri tiquina. Sa ye tiquiore tu nünü tä buhari petamahapu. Topu usäre ihña nünü täri usä wahagü.

21

Pablo Jerusalëpu pari turi wahahye

¹ Jesu yequinare “Wahana niaja”, ni, yucusa mehna, Cos wame tiri nucuropu potu waha, pehä sau usä. Ape decoru Roda wame tiri nucuropu pehä sa, yuhdua, Pátara wame tiri macapu esau usä. ² Pátarapu ijina, Feniciapu wahatiare yucusare bocau usä. Sa yena tia mehna wahau usä. ³ Sa wahana Chipre wame tiri nucore potu ihña yuhduu usä. Cü pehe pehe ijiri ti nucuo. Ti nucore yuhdua, Siria wame tiri yehrapu esau usä. Sa yena yucusa cjë doeri cjëne yucusa cjëno Tiro wame tiri macapu tiquiuro dure mogü topu pahsarü. ⁴ Topu Jesu yequinare ihñana, siete decori waro tojoari usä ti macapu. Sa ye to cjëna Jesu yequinare Espiritu Santo tiquiuro yahuriro sahata tiquina Pablöre Jerusalëpu waha dutieramedi. ⁵ Tiquina sa niepegüta ti macare siete decori usä ijiri bato, wahau usä. Usä wahato panogä ijipihtiyequina Jesu yequina, tiquina namosänunia mehna, tiquina pohne mehna, maca duhtu cahapu usäre ihña tojoari. Sa yena ijiphtina usä paduropu esa, dusepe curi mehna quehe sa, Cohäcjäre sinii. ⁶ Usä sa sinidi bato, “Wahana niaja”, ni, tiquinare quë suhu bato ti wahau usä. Usä wahagü ihña nünü tä, tiquina pehe majaa wahari tiquina ye wuhusepu.

⁷ Tiro wame tiri macare maja yuhduu usä. Sa yena Tolemaidapu wahä sau usä. Toputa pajiri mare waha bato tii usä. Ti macapu esa, Jesu yequinare “Usä acaye, ijiajari?” ni, ihcä deco usä tiquina mehna ijinii. ⁸ Sa yena ape decoru tja Pablo mehna mahapu

wahau usā Cesarea wame tiri macapu wahana. Topu esa, quehnoañe buheyere yahuriquiroy Felipe wame tiriquiroy ya wuhupu esau. Sa yena tiquiroy mehna tojoau usā. Felipe Jesu yequina tiquina siete besenohriquina mehna cĵano ijiri. ⁹ Sa yero tiquiroy pititiaro numia pacaro ijiri. Tiquina numia pehe Cohācĵu yere yahuye numia ijiri. Nuhmia ijiri. ¹⁰⁻¹¹ Topu usā meheñe decorigā usā ijiri bato, Agabo wame tiriquiroy Cohācĵu yere yahu mahtariquiroy Judeapu ijiriquiroy usāre ihñano wihiri. Sa yero tiquiroy Pablo ya dare jeri turi dare ne, tiquiroy dahpocārine, tiquiroy omocarine duhtero, queo yahuri:

—Ohō saha nidi Espiritu Santo. “Ahri dare cuoriquiroy Jerusalēpu tiquiroy esagū, judio masa sa duhteata tiquiroy. Duhte tuhasa, judio masa ijieyequinare ohoeta tiquina tiquiroy”, nidi Espiritu Santo, ni yahuri Agabo.

¹² Tiquiroy sa nigū tuhona, usā Cesarea cĵēna mehna Pablory tutuaro cahñi usā. Tiquiroy Jerusalēpu waha dutierami. ¹³ Usā sa nigū Pablo pehe yahtiri:

—¿Dahse ni utina niajari musa? Yahu pehere bujua witiĵu yeaga musa. Tiquina yuhare peresu tiquina yegū quehnoanota. Yahu Jerusalēpu Jesu mari puhtoro yere yahu yeri buhiri yahu yariagū quehnoanota, nidi Pablo usāre.

¹⁴ “Wahaeraja”, tiquiroy nigū tuho duana nimi usā. Tiquiroy “Wahautja”, tiquiroy nigū, sa tuhutu cahñi usā. Ohō saha ni:

—Mari puhtoro tiquiroy cahmeno sahata yehro, ni usā.

¹⁵ Tire yahu bato ti, usā yere quehno, waha wahau usā Jerusalēpu wahana. ¹⁶ Topu usā wahagū meheñequinagā Cesarea cĵēna Jesu yequina pehe usā mehna wahari. Sa yena tiquina mehna cĵano Chipre cĵano Mnasō wame tiriquiroy ya wuhupu esau usā. Tiquiroy yoari pje Jesu buheriquiroy ijiri. Sa yero tiquiroy ya wahu usā ijia ti wahu ijiri. Sa yena Jerusalēpu esau usā.

Pablo Santiagore ihñano wahahye

¹⁷ Jerusalēpu usā esagū, to cĵēna Jesu yequina pehe “¿Wihiajari?” ni, bucuery mehna piti cari usāre. ¹⁸ Ape decopu Pablo usā mehna Santiagore ihñano esari. Usā topu esagū topu ijipihtiyequina Jesu yequina puhtoa ijiri. ¹⁹ Sa yero Pablo tiquinare tiquiroy omoca ñehedi bato judio masa ijieyequinare tiquiroy buherire yahu pehori Jesu yequinare. Cohācĵu tiquiroy yedohoye mehna tiquiroy yerire yahu pehori. ²⁰ Tiquiroy sa ni yahugū tuhoye, “Cohācĵu quehnoagu, tutuagu ijire mahu”, ni ño peori tiquina pehe Cohācĵure. Sa ni tuhasa tiquina Pablory ohō saha ni yahuri:

—Usā acayu, yojoĵure peyequina judio masa Jesure wacū tutuayequina ijire. Tire masine mahu. Sa ye tiquina ohō saha ni tuhutore: “Cohācĵu dutiyere, Moisereta marine tiquiroy cūrire marine ye pehoro cahmene”, niñe nine. ²¹ Ohō saha ni nemore tiquina. “Ape siepu ijieyequinare judio masa ijieyequina watoapu ijieyequinare judio masare Cohācĵu Moisere tiquiroy cūrire cohā dutiahye Pablo”, nimesi ohō cĵēna judio masa mahare. “Pablo judio masa pohene cuhnucunū sohtoa cahserogāre yahre ne dutierare”, nimesi mahare tiquina. “Judio masa tiquina yee tiyere Pablo duhu dutire”, ni ahri gāhare ni yahu wajare mahare. ²² Sa ye mahu ohōre wihigū tuhoye tiquina cahmecoeta mahare tuhtye tehe. Sa yegu ohō saha yero cahmene mahare. ²³ Mahare usā dutiro sahata yeya. Yojoĵure ohōre pititiaro amua Cohācĵure wacūñequina “Ohō saha yenatja”, niñequina ijire. ²⁴ Tiquina mehna wahaya. Sa ye Cohācĵu Moisere tiquiroy dutiroy sahata tiquina basi Cohācĵu yere yee tehe tiquina ñano yeyere coseye nine. Mahu gāhu sata yeya. Sa yegu tiquina sa yeati wapare wapa yeya mahu pehe. Mahu sa wapa yeri bato tiquina poarire waha peho duti masine tiquina. Mahu sa yegū ihñañe masa mahare tiquina niñe ni mehori ijigū masieta ijipihtiyequina. Cohācĵu Moisere tiquiroy cūri dutiyere yegu mahu ijigū masieta tiquina.

²⁵ Sa yena judio masa ijieyequina Jesu yequina pehere usā ojari pūre oho tuhasau. Ohō saha ni, ojoau usā. “‘Cohācĵu ijire’, tiquina niñe queoyere ño peo tiquina duhu peori ihyayere, diire, wama tiquina ñehe wejēdiquinare wahiquinare ihyeracāñña musa. Sa yena wuana tieracāñña”, ni, yahu ojoau usā ojoari pūpūre, nidi tiquina Pablory.

Cohācĵu wuhupu judio masa Pablory ñehahye

²⁶ Tiquina sa ni yahuducuri bato ape deco Pablo pehe pititiaro amua mehna tiquina basi Cohācĵu yere yeye tehe tiquina ñano yerire coseye tehe, Cohācĵu wuhupu saĵā wahahye. Ti wuhupu saĵā saro, tiquinare yahuahye Pablo: “Ohōpe decori dahsare musa coseato”, ni yahuahye tiquiroy pititiarore. Sa ye tiquina cose bato tiri decopu tiquinapequina Cohācĵure wahiquinare tiquina ohoati deco ijiri.

²⁷ Sa ye tiquina cose pehoboriro mehenogā dahsagū waro Cohācĵu wuhupu Pablo tiquiroy ijigū Asia yehpa cĵēna judio masa pehe ihñahye tiquiroy. Sa ihñañe Pablory mehni dojomehne, apequinare tiquiroy mehta usagū yeahye tiquina.

Sa usua, judio masa Pablore ñehe, sañuducuahye:

²⁸ —Musa usã acaye, Israe masa usãre yedohona ahtaya. Ahriquiroy ijiye. Ahriquiroy Cohãcã Moiseru tiquiroy cãri dutiyere, ahri wuhũ gãhũre cohã duti, buhere ijipihitiyequinare. Sa ye marine judio masare ñano ni yahuducure. Sa yero tiquiroy Cohãcã wuhũpũre judio masa ijieyequinare ne sajãri. Sa yero ahri wuhũre ñãne mariedi wuhũre tiquiroy dojomehnedi, ni, sañuducuahye judio masa Asia yehpa cãena to cãenare.

²⁹ To pano Jerusalẽpũ Pablo Tróximo mehna tiquiroy ijigũ judio masa ihãne tiahye. Tróximo Efeso cãano judio masano ijieriquiroy ijiri. Tiquiroy sa ijigũ masiãe ohõ saha ni tuhutuahye tiquina: “Pablo Tróximo Cohãcã wuhũre ne sajãno niaga”, ni tuhutuahye judio masa. ³⁰ Masare sa ni yahu tiquina sañuducuri bato ti maca cãena peyequina tutuaro usuahye. Peyequina oma cãhta, Cohãcã wuhũpũ ijiriquiroy Pablo ñehe weje wijiaa wahahye. Sa ye ti wuhũ sopecaharire bihahye tiquina. ³¹ Sa ye tiquina tiquiroy wejẽne tee nimahye. Tiquina sa yegũ ihãne “Ijipihitiyequina Jerusalẽ cãena usua, sañuducuyeni”, ni, apequina pehe yahuyeh wahahye surara puhtorore. ³² Tiquina sa nigũ tuhoro puhtoro pehe tiquiroy yequina surarare, tiquina dutiyequina gãhũre cahmecoadoqueo, tiquina mehna Pablore wejẽ duayequina cahapũ oma cã esahye. Surara tiquina esagũ ihãne Pablore quẽmediquina quẽ duhu cãhũ. ³³ Sa yero surara puhtoro Pablo cahapũ esa, pũa da come dari mehna tiquiroyre duhte dutiahye. Tiquina duhte tuhasagũ ihãno, puhtoro Pablore sinituahye:

—¿Noa boro ijijari ahriquiroy? ¿Yabe buhiri tiquiroyre sa yeajari masa? ni, sinituahye tiquiroy tiquinare.

³⁴ Tiquiroy sa sinitugũ tuhoye masa pehe “Ohõ saha yeri tiquiroy”, ni, apequina gãhũ sijoro saha ni sañuducu, yahuhaye surara puhtorore. Sa ni tiquina sañuducugũ surara puhtoro quehnoano tuhohahye. Sa yero tiquiroy surara ya wuhũpũ Pablore nea dutiahye. ³⁵ Ti wuhũpũ esa, Pablo mujari escarapũ tiquiroy mujano taro yegũ masa pehe tiquiroyre quẽ duaye nimahye. Tiquina sa yegũ surara pehe tiquiroyre ne wua mujaa wahahye. ³⁶ Masa tiquinare peyequina nũũ tã, sañuducu nũũ tãhũ.

—Tiquiroyre wejẽ cãhã, ni, sañuducuahye tiquina Pablore.

Pablo “Ne masare ñano yeraja yuhũ”, ni, yahuhaye

³⁷ Sa ye ti wuhũpũ tiquina peresu yeato pano, Pablo pehe puhtorore siniahye:

—Yuhũ mũhũ mehna yahuducu duaga, ni siniahye Pablo.

—¿Mũhũ griego masa yere yahuducujari? ³⁸ ¿Sohõ ijirigũ, Egipto cã ijierajari mũhũ? Tiquiroy masare tiquina puhtoare cohã dutiriquiroy, cuatro mil masa wejẽñequina pehere masa marienopũ neari jiri. ¿Tiquiroy ijierajari mũhũ? niahye surara puhtoro Pablore.

³⁹ Tiquiroy sa nigũ tuhoro Pablo yuhutiahye:

—Tiquiroy ijieraja yuhũ. Judio masa ijijaja. Tarsopũ Cilicia yehpũpũ ijiri macapũ masa bajupũ yuhũ. Ihyo ijiri maca cã ijieraja yuhũ. Yuhũ ahriquina masa mehna yahuducu duaga yuhũ, niahye Pablo tiquinare.

⁴⁰ Tiquiroy sa nigũ tuhoro puhtoro pehe tiquiroyre yahuducu dutiahye masa mehna. Sa yero Pablo mujari escarapũ ducuro tiquiroy omocari mehna “Dihta mariahãa”, niahye masare. Tiquiroy sa yegũ ihãne, dihta mari pihtia wahahye. Tiquina dihta mariahgũ ihãno, Pablo judio masa ye mehna yahuhaye tiquinare.

22

¹ —Yuhũ acaye, yuhũ yerire yahutja masare. Yuhũ yahugũ tuhoya masa, niahye Pablo.

² Tiquiroy sa nigũ Pablo judio masa ye mehna tiquiroy yahuducugũ tuhoye masa pehe dihta mari dojoa wahahye. Sa yero Pablo tiquinare yahuhaye:

³ —Yuhũ judio masãta ijijaja. Tarso wame tiri macapũ, Cilicia yehpũpũ ijiri macapũ masa bajupũ yuhũ. Sa ijiepegata ahri maca Jerusalẽputa bucũna yuhũ. Sa yero yuhũre Gamalie wame tiriquiroy buhee tiri. Sa yegũ yuhũ mari ñecusũmũ mũna panopũ cãena dutiyere quehnoano buhei. Yojoyũre mari Pacure masa yero sahata yuhũ gãhũ ño peoe timi. ⁴ Sa yegũ Jesu yequinare ñano yee tii yuhũ. Ihquẽquina tiquinare wejẽ tii yuhũ. Uũũare, numia gãhũre ñehe, peresu yee tii yuhũ. ⁵ Pahia puhtoro, judio masa bucũna mehna tiquina ojoaye pũrine Jesu yequinare ñehe dutiye pũrine yuhũre ojoa basari. Mari acayere Damasco cãenare ti pũrine ihõogu tũũ nimi Jesu yequinare ñehei tũhũ. Tiquinare ñehe, ne cãhta peresu yei tũũ nimi. Jerusalẽpũ tiquinare ne cãhta dumĩ buhiri dahrei tũhũ. Ohõ saha yuhũ nigũ pahia puhtoro, judio masa bucũna gãhũ quehnoano masine, ni yahuhaye Pablo.

Pablo Jesu yaquiroy tiquiroy waha dũcarire yahuhaye

(Hch 9.1-19; 26.12-18)

⁶ Sa ni tuhãsa ohõ saha ni yahu nemoahye:

—Sa yero coheri pje ijigũ Damascopũ yuhũ esa quehegũ waro uũũũanopũ asi site-doque dijiori yuhũre. ⁷ Sa wahagũ yuhũ

yehparu bora quehe saa waharu yuhu. Yuhu bora quehe sari bato yahuducuro ca tari yuhare. “¿Saulo, dahsegu yuhare ñano yejari?” nino ca tari yuhare. ⁸ “¿Puhto, noa boro ijijari mahu?” ni, sinituu yuhu. “Yuhu Jesu Nazare cju, mahu ñano yehohrigu ijijara yuhu”, ni, yuhtiri yuhare tiquiro. ⁹ Yuhu sa wahagu yuhu mehna cjenā buhriorore ihñari. Sa ihñapeta yuhu mehna tiquiro yahuducugū tahoerari tiquina. ¹⁰ “¿Puhto, dahse yegutari yuhu?” ni sinituu Jesure. “Wahcāducaya. Damascoru wahaya. Topu mahu wahagū, mahare ijipihyē yuhu ye dutiatiare apequiro yahurota mahare”, nidi tiquiro yuhare. ¹¹ Tutuaro tiquiro asi site- doqueogū, yuhu caperi opoa waharu yuhu. Sa ye, yuhu mehna cjenā yuhu omocare ñehe, Damascoru tuā cāri yuhare.

¹² Topu Anania wame tiri quiro, Cohācjūre ño peori quiro marine Cohācjū dutiyere ye pehori quiro ijiri. To cjenā judio masa ijipihyēquina tiquina ño peori quiro ijiri. ¹³ Sa yero tiquiro yuhu caharu whiduca yuhare yahuri. “Yuhu acayu Saulo, ihñāna pari turi tja”, nidi tiquiro. Tiquiro sa nidi bato pari turi ihñau yuhu. Sa yegu tiquirore ihñau yuhu. ¹⁴ Yuhu sa ihñagū tiquiro Anania yuhare yahuri. “Mari Pacu tiquiro cahmeñene quehnoano masiacjūre panoru bese tuhasahye mahare. Sa yero Yuhu maca quehnoari quirore ihñā, tūhorota’, ni yahuahye mahare mari Pacu panoru. Tiquiro ijire mari ñecusumma mana tiquina ño peori quiro. ¹⁵ Sa yegu mahu ihñarire, mahu tūhorire yahugata mahu ijipihyēquinare. ¹⁶ Sa yena yojopure yoari pje ijieracāhna. Wahcāducaya. Sa yegu wame yehohrigu ijija. Jesure mahu sinigū mahu ñañene cohānota”, nidi yuhare tiquiro, niahye Pablo tiquirore wejē duariquinare.

Pablo judio masa ijieyequinare tiquiro buherire yahuahye

¹⁷ Sa ni tuhasa Pablo yahu nemoahye: —Sa ye tuhasa yuhu Jerusalēru tojoa ta, Cohācjū wuhuru Cohācjūre sinigu esau. ¹⁸ Yuhu topu ijigū Jesu yuhare bajue tiri. Sa bajuaro yuhare yahuri. “Jerusalē cjenā yeere mahu yahugū tuho duerare. Sa yegu mhuñano ape sieru wahaya”, nidi Jesu yuhare. ¹⁹ Tiquiro sa nigū tūhogu yahuu tiquirore: “Puhto, mahu yequinare judio masa buheye wuhūseru ijieyequinare yuhu ñehe, quēdire masine Jerusalē cjenā. ²⁰ Sa yegu mahare yahuri quirore Estebā pehere tiquina wejēgū ihñagu ‘Quehnoano yeye wejēne’, nimi. Tiquirore tiquina wejēgū tiquina suhtire cūo basau yuhu. Ti gāhure masine ahri maca cjenā. Sa ye yuhu yahugū tūhoboaga yuhare”, ni yahuu yuhu Jesure. ²¹ Yuhu sa nigū tūhoro Jesu yuhare yahuri: “Yoaroru judio masa ijieyequinare

buehacjūre ohoutja mahare. Sa yegu wahaya mahu”, nidi yuhare yuhu puhtoro, niahye Pablo masare.

Surara puhtoro Pablo mehna yahuducuahye

²² Tiquiro yahu mūhanti dicitare quehnoano tūhomahye masa. Sa tūhoepeta judio masa ijieyequina caharu Jesu Pablōre tiquiro ohoatire tiquiro yahugū tūhoye tiquina sañuducu dūcahaye tja:

—Ahriquiro yojopu pūritare yari- acūnahdo, ni sañuducuahye tiquina.

²³ Sa ye tiquina sañuducu nemo, usuaye mehna tiquina suhtire wahba siteduca, dihta mehna doque mūoahye. ²⁴ Surara puhtoro surara ya wuhuru Pablōre ne sañā dutiahye tiquiro yequina surarare. Sa yero surara puhtoro “¿Dahse ijero boro Pablo mehna usua ñano sañuducuyē najari masa?” ni sinitu duamahye. Pablōre tire sinituro taro, yuta dari mehna tana dutimahye tiquirore. ²⁵ Sa tana dutiepegāta tiquirore tiquina dūhteri bato, tiquiro caharu ijiri quirore surarare yahuahye Pablo:

—Yuhu Roma cju ijijaja. Sa yena “Ñano yeriquiro ijire ahriquiro”, yuhare ni masiedare masa. Sa yena yuta dari mehna yuhare tana masiedare masa, niahye Pablo tiquirore.

²⁶ Tiquiro sa nigū tūhoro surara tiquiro puhtoro yahuro wahahye:

—Ahriquiro Roma cjanō ijire. Sa yegu quehnoano yeya tiquirore, ni yahuahye tiquiro puhtoro.

²⁷ Tiquiro sa nidi bato surara puhtoro pehe Pablōre sinituro wahahye:

—¿Potota mahu Roma cju ijijari? Yahuya yuhare tire, niahye tiquiro.

—To cjata ijijaja yuhu, ni yuhtiahye Pablo.

²⁸ Tiquiro sa nigū tūhoro puhtoro pehe tiquirore yahuahye:

—Yuhu Roma cju iji duagu niñeru pajiro wapa yei, niahye tiquiro.

—Yuhu Roma cja macaru masa bajuu. Sa yegu Roma cju ijijaja yuhu pehe, niahye Pablo.

²⁹ Tiquiro sa nigū tūhoye tiquirore tanaboriquina wahaa wahahye. Sa yero Pablo Roma cjanō tiquiro ijigū masino, tiquirore come dari mehna tiquina dūhterire wacūno, cue niahye puhtoro pehe.

Pablo judio masa puhtoro yahuahye

³⁰ Sa yero surara puhtoro judio masa Pablōre tiquina yahusārire quehnoano masi duahye. Sa masi duaro ape decoru come darire tiquirore pā dutiri bato, pahia puhtoare, judio masa būcana mehna cahmecoā dutiahye surara puhtoro. Tiquiro sa cahmecoā dutiri bato tiquiro topu Pablōre ne cā, tiquina ihñono duhu docoahye tiquirore.

23

¹ Sa yero Pablo judio masa bucunare ihña piti ca ducu, yahuahye:

—Yahu acaye, Cohãcã tiqiuo ihñonopu ijipihitiye decori quehnoano yeducuaja yuhu, niahye Pablo.

² Tiquiro sa nigũ tuhoro ijipihitiyequina pahia bui ijiriquiro Anania pehe Pablo duserore quẽ dutiahye. ³ Tiquiro cahapu ducuyequinare quẽ dutiahye. Tiquirore tiquina quẽdi bato Pablo Ananiare tuhtiahye:

—Masa ihñono dihita quehnoano iji mehodu ijire mahu. “Cohãcã dutiyere yãhduducagu nine”, yuhare niepegata yuhare quẽ dutire mahu. Sa quẽ dutiga mahu pehe dutiyere yãhduducagu niaga, niahye Pablo tiqiuore.

⁴ Tiquiro sa nigũ tuhoye Pablo cahapu ducuyequina ohõ saha niahye tiqiuore:

—Cohãcã tiqiuo beseriquiro pahia puhtorore ñano yahuducueracãhña mahu, niahye tiquina Pablore.

⁵ Tiquina sa nigũ tuhoro Pablo ni nemoahye tja:

—Yahu acaye, tiqiuo pahia puhtoro ijiyere masiedu yahu. Sa yegu sa ni maca cãhti yahu. Cohãcã yere tiquina ojoari ohõ saha ni yahure tiqiuore: “Mahu ya maca cãhã puhtorore ñano ni, yahuducueracãhña”, ni ojoahye, niahye Pablo tiquinare “Boya”, nino.

⁶ Sa ye topu pua curua cãhã ijiahye. Ihcã curua saduceo masa ijiahye. Ape curua pehe fariseo masa ijiahye. Pua curua tiquina ijigũ masino, Pablo judio masa bucunare tutuaro sañuducu yahuahye:

—Yahu acaye, yuhu fariseo masu ijiaja. Fariseo masuno macuta ijiaja yuhu gãhu. “Yariariquina masa mũaeta”, yuhu sa nidi buhiri yuhare ñano ye duare masa, niahye Pablo.

⁷ Tiquiro sa nigũ tuhoye fariseo masa, saduceo masa tiquina basi cahme tuhtiahye. Sa ye tiquina basi pua curua tu wahye.

⁸ Saduceo masa ohõ saha niñequina ijiahye: “Yariariquina masa mũaasi. Espiritua, angele gãhu ne mariedare”, niñequina ijiahye. Sa ye fariseo masa pehe tiquina yero saha niedahye. Sa ye Pablo “Yariariquina masa mũaeta”, tiqiuo nigũ tiquina basi cahme tuhtiahye. ⁹ Sa cahme tuhtiyere, tutuaro sañuducuahye. Sa ye fariseo masa mehna cãhã judio masa buhuyequina wahcãduca, tuhti, yahuahye:

—Ahriquiro Pablo ñano yerari. Sa yero espĩtu o angel, poto tiqiuo mehna yahuducuriquiro ijiboaga, niahye tiquina.

¹⁰ Tiquina sa nidi bato tiquina ijipihitiyequina cahme tuhti, tutuaro usuahye. Pablore tiquina wejẽ duagũ ihñano cuesãhye surara puhtoro pehe. Sa yero Pablore

tiqiuo ya wuhapu ne cã dutiro, tiqiuo masa watoapu surarare ohoahye.

¹¹ Ape ñami Jesu mari puhtoro Pablo cahapu ducuro, yahuahye tiqiuore:

—Cueracãhña. Yojoapare ohõre Jerusalẽpu yee buhuyere yahuri mahu. Sa yegu Romapu gãhure ohõ sahata yei wahaya, niahye mari puhtoro Jesu Pablore.

Judio masa Pablore wejẽ duamahye

¹²⁻¹³ Ape decopu ñami cãhã judio masa cahmecoahye.

—Ohõ saha yeihna. Pablore wejẽihna. Tiquirore mari wejẽato pano sih-niedacãhna. Ihyeracãhna. Tiquirore wejẽdana uãa mehna yariãhna. Sa yero Cohãcã mari pehere wejẽahdo, niahye tiquina.

Tiquina cuarenta bui cãhã judio masa ijiahye. ¹⁴ Tiquina sa nidi bato tiquina pahia puhtoare, bucuna gãhure yahuyere wahaye:

—Pablore usã wejẽato pano ihyayere usã ihyeraja. ¹⁵ Sa yena masa, bucuna mehna ohõ saha ni pijioya. “Pablore pari turi sinitu duaaja”, niãa surara puhtorore. Masa sa nidi bato surara puhtorore ne cãhta dutiya Pablore. Sa yena Pablo ohõ cahagã tiqiuo wihigã waro tiqiuore wejẽnatja usã, niahye tiquina pahia puhtoare.

¹⁶ Sa ye Pablo pacãno tiquina sa ni yahuducugũ tuhoahye. Tiquina sa nigũ tuhoro waha, surara ya wuhapu Pablore yahuro sajãhye. ¹⁷ Tiquiro sa yahuri bato Pablo pehe ihcãquiro surarare pijio yahuahye tiqiuore:

—Ahriquiro wahmunore puhtoro cahapu neahña. Ahriquiro mahu puhtorore yahu duaro nine, niahye Pablo.

¹⁸ Tiquiro sa nigũ tuhoro surara pehe Pablo pacãnore tiqiuo puhtoro cahapu ne sa, yahuahye:

—Peresupu ijiriquiro Pablo pehe yuhare pijio, ahriquiro wahmunore mahu cahapu ne cã dutiri. Ahriquiro mahure yahuro taro niñõhti, niahye surara tiqiuo puhtorore.

¹⁹ Tiquiro sa nigũ tuhoro puhtoro pehe wahmuno omocare ñehe tuã cã, masa marienopu tiqiuore sinituahye:

—¿Duhse nigũ tuu niari mahu yuhare? niahye tiqiuo Pablo pacãnore.

²⁰ Tiquiro sa sinitugũ tuhoro ohõ saha ni yahuahye:

—Judio masa ihcãno mehna “Ohõ saha yeihna”, ni, ñamiapu judio masa bucuna cahapu mahure Pablore nea dutieta. “Bucuna Pablore pari turi sinitu duare”, ni mehoeta. ²¹ Sa niepegata cuarenta bui cãhã masa tiqiuore wejẽ duayequina duhti, cohte duare. Tiquina tiqiuore wejẽato pano ihyayere ihyasi. Sa ye sihnisi. “Tiquirore mari wejẽdagũ Cohãcã marine wejẽahdo”, nidi tiquina basi. Sa ye yojoapare

muhare Pablore ne cãhta dutiye tiquina pehe duhti, cohte tuhasari, Pablore wejẽfie tehe. Sa yegu tiquina yahuye wihigũ tiquinare yuhtieracãhña mũhu, ni yahuahye wahmãno surara puhtorore.

²² Tiquiro sa nigũ tuhoro surara puhtoro ohõ saha niahye:

—Yuhare mũhu yahurire apequinare yahueracãhña, ni yahuahye wahmãnore.

Sa ni tuhasa wahmãnore “Waharĩsa”, ni ahye tiquiro.

Pablore puhtoro Feli wame tiriqũiro cahapũ ohoahye

²³ Sa yero surara puhtoro puaro tiquiro yequina cien surara puhtoare pijĩ cã, tiquinare dutiahye:

—Dos cientos surarare, setenta caballoya bui pesayequinare, dos cientos doquye cju cuoyequina mehna Cesareapũ waha-tiquinare tiquina yere quehno dutina wahaaya. Sa yena masa mia ñami nueve ijigũ masa wahatore cohteya. ²⁴ Sa yena Pablore caballoare tiquiro pesatiquinare quehno basaya. Puhtoro Feli cahapũ, Cesareapũ, quehnoano soya tiquirore, niahye surara puhtoro.

²⁵ Sa ni tuhasa papera ojoahye. Ohõ saha ni ojoahye tiquiro: ²⁶ “Yũhu Claudio Lisia muhare tutuagu puhto Felire quehnoa dutiaja. ²⁷ Judio masa ahriqũiro Pablore ñehe, wejẽmedi. Sa yegu Roma cjãno tiquiro ijigũ masigu, yequina surara mehna tiquirore yedohou esau. ²⁸ Sa yegu tiquirore tiquina yahusãrĩre masi duagu judio masa bucãna cahapũ ne sau tiquirore. ²⁹ Sa yegu tiquiro judio masa ye dutiye dihitarẽ tiquiro yũhdũducagũ mari ye dutiyere tiquiro yũhdũducaceraagũ ihũagu, tiquirore peresupũ cũ dueru. Yabe buhiri yariaro mariedare tiquirore. ³⁰ Sa yero judio masa tiquirore wejẽ dua, tiquina buca quehegũ ihũano apeqũiro yahuri yuhare. Tiquiro sa yahuri bato Pablore yojopure mũhu cahapũ ohogu niaja. Sa yegu tiquirore yahusãriquinare tiquiro ñaife yerire muhare yahu duti tuhasau yũhu”, ni, ojoahye surara puhtoro.

³¹ Sa ye surara tiquina puhtoro tiquiro dutiriro sahata yeahye. Ti ñamine Antipatri wame tiri macapũ Pablore ne sahye.

³² Ape decopũ apequina surara caballoa bui pesaerariquina ti macapũ tojaohya tiquina ya macapũ. Apequina surara caballoa bui pesayequina dihita tiquirore ne yũhdũ cãhye. ³³ Tee Cesareapũ ne sahye Pablore. Sa ye surara puhtoro tiquiro ohori pũre puhtoro Felire wiahye. Sa ye Pablore ne sahye puhtoro cahapũ. ³⁴ Tiquina sa wiari bato puhtoro ti pũre tiquiro ihũari bato apequinare sinituahye:

—¿Di yehpa cjãno ijiajari ahriqũiro Pablo? ni sinituahye tiquiro.

—Cilicia yehpa cjãno ijire, ni yahuahye tiquirore.

³⁵ Tiquinare sinitu tuhasa, Feli Pablore yahuahye:

—Muhare yahusãriquina ohõre tiquina wihigũ mũhu yahugũ tuhoutja, niahye Feli Pablore.

Tiquiro sa nidi bato Herode ya wuhupũ tiquirore cuahye. Sa yero tiquiro yequina surarare Pablore cohte dutiahye puhtoro.

24

Pablo “Ñano yeru yũhu”, ni yahuahye Felire

¹ Ihcã omope decori bato, Anania pahia puhtoro, apequina judio masa bucãna, dutiyere mihnidiquiro Tertulo wame tiriqũiro mehna Cesareapũ esahye. Sa ye tiquina Pablore yahusã duaye puhtoro Feli cahapũ esahye. ² Sa yero Pablore topure tiquina ne sari bato Tertulo tiquirore yahusã ducahye. Sa yahusã ducaro ohõ saha ni yahusãhye Felire:

—Mũhu quehnoano masigu, usã puhto mũhu quehnoano dutigũ usã ahri yehpa cjãna quehnoano iji cjã usã cahmequeno marieno. Mũhu dutiye mehna quehnoaife pehere comesaro nine ahri yehpa. ³ Sa yena usã quehnoano iji cãna bucueaja. Sa yena mũhu mehna quehnoano bucueaja. ⁴ Yojopure mehenogã muhare cariboutja yũhu. Mehenogã mũhu mehna yahuducu duaia. Usãre tuhodoqueorĩna mũhu. ⁵ Ahriqũiro usãre caribo yũhdũare. Ijipihtiyehpari cjẽnare judio masare tiquina usua saũducugũ yere ahriqũiro. Sa yero masa tiquina basi cahme tuhtigũ yere ahriqũiro. “Puhtoare cohãhna”, niñequina mehna cjãno ijire ahriqũiro. Sa yero nazareno wame tiri curua puhtoro ijire. ⁶ Sa yero Cohãcjũ wuhare ñano tiquiro ye duagũ ihũana usã ñehei ahriqũirore. [Usã ñehedi bato usã ye dutiye tiquiro yũhdũducariqũiro ijigũ tiquirore buhiri dahre duami usã. ⁷ Usã sa ye duepegũta surara puhtoro Lisia wame tiriqũiro tiquirore usãre tutuaro mehna ehma cãri.

⁸ Came tiquirore yahusãriquinare mũhu cahapũ waha dutiri Lisia. Tiquiro sa nigũ tuhona ahtaũ usã.] Mũhu pũrita ahriqũirore sinitugũ, ijipihtiyere tiquiro ye buhirire masiguta mũhu, niahye Tertulo Felire.

⁹ Tiquiro sa nidi bato apequina judio masa “Tertulo tiquiro nidiro sahata pote ijire”, niahye tiquina gãhu. ¹⁰ Tiquina sa ni yahusãri bato puhtoro Feli Pablore yahu dutiahye. Ohõ saha ni yahuahye Pablo:

—Peye cãhmari ahri yehpa cjẽnare mũhu dutirire masiaja yũhu. Sa yegu yũhu yerire

muhare yahugū bucueaja. ¹¹ Doce decorita wahare Jerusalēpū Cohācjūre yūhū ño peori bato. Mūhū ahri poto ijigū masi duagu apequnare sinituya. ¹² Judio masa yūhūre Cohācjū wāhūpūre boca tiquina ñehēgū masare ni sañuducugū niedū. Sa yegū “Musa puhtoare cohāña”, nigū niedū. Sa yegū judio masa buheye wāhūserē, tiquina ya maca gāhūre ne ñano yera tii. ¹³ Sa ye yūhūre yahusāriquina pehe tiquina yahusārire “Ohō saha yeri ahriquiuro”, ni, yahu masiedare mūhūre. ¹⁴ Yojoṙū yūhū yerire yahutja mūhūre. Duita usā ñecusumūa tiquina ño peoriquiurore mari Pacure ño peoaja yūhū gāhū. Sa yegū tiquiuro yere yeaja Jesu ye quehnoañe buheye nidiro sahata. “Jesu ye ni mehoñe ijire”, ni yahuducure ahriquina judio masa. Tiquina sa niepegūta Cohācjū dutiye, Moisepare tiquiuro cūrire ti gāhūre ño peoaja yūhū. Sa yegū Cohācjū yere yahu mūhūtiarquina tiquina ojoari gāhūre ño peoaja yūhū. ¹⁵ Ahriquina apequna judio masa tiquina tūhoturo sahata Cohācjū ijipihitiyequina masare yariariquinare quehnoañequina, ñañequina mehna tiquina masa mūjagū yerota. Yūhū gāhū sata ni tūhotuaja. ¹⁶ Sa yegū buhiri mariedaja yūhū. Cohācjū tire masine. Sa ye masa gāhū tire masine. Sa ye potota yahuaja yūhū mūhūre. Sa yegū quehnoano tūhotuaja.

¹⁷⁻¹⁸ ‘Peye cūhmarine ape siepū tinidigū ijigū Jerusalēne tojoa wihi, yūhū acayere judio masa pejecūoyequinare niñerure ohogū tūū nii yūhū. Tojoa wihi Cohācjūre ño peogū tūū, tiquiuro ya wāhūpū sajāmi. Sa yegū Cohācjū tiquiuro cose dutiriro sahata yūhū basi yūhū ñañene coseri bato wahiquiurore oho duami tiquiurore ño peogū tūhū. Topū yūhū ijigū ahriquina judio masa yūhūre bocari. Tiquina bocagū apequna yūhū mehna mariedari. Usua, sañuducuyequina mariedari. ¹⁹ Sa ye apequna judio masa Asia yehpa cjenā topū ijiri. Tiquina yūhū ñano yegū ihñariquina ijije, yahusāñe ahtaahro. ²⁰ Ahriquina ohōpūre ijijequina pehe judio masa bucūna mehna yūhū ijigū ihñariquina yūhū ñano yerire masiñe, tiquina gāhū yahusāahdo. ²¹ Ihcānogā pūritare yūhūre tiquina yahusā masine: Ti pje tiquina mehna ijigū ohō saha ni tutuaro sañuducuu yūhū. “Yariariquina masa mūjaeta’, yūhū nidi buhiri, buhiri dahrere masa”, nii tiquinare, ni yahuahye Pablo Felire.

²² Tiquiuro sa ni yahuri bato Feli ohō saha ni yahuahye Pablōre:

—Yojoṙū to puno tjire. Surara puhtoro Lisia tiquiuro wihiri bato mūhūre yūhū yeatore masiitja yūhū, niahye Feli Pablōre.

Feli pehe Jesu yequina tiquina yerire quehnoano masi pehoriquiuro ijiahye.

²³ Sa ni tuhasa, Pablōre cohteriquiro surarare Feli quehnoano ihña nūnū dutiahye “Peresupū ijiriquiro duhtiari”, nino. Sa ijieperota mehenogā ohori tiquiuro tinitatore. Pablo mehna cjenare tiquiurore peresupū ijiriquiurore yedoho dutiro sa dutiahye Feli.

²⁴ Meheñe decorigā bato Feli, tiquiuro namono Drusila wame tiricoro mehna ahta, Pablōre pijiahye. Feli namono pehe judio masono ijiahye. Pablōre tiquina pijiri bato, Jesucristore tiquiuro wacū tutuayere Pablo pehe yahuahye tiquinare. ²⁵ Sa yahuro quehnoañene, quehnoano wacū masiñene, ñañene cahmedare, pihitiri deco ijigū Cohācjū masare tiquiuro buhiri dahreatore yahuahye Pablo. Tiquiuro sa ni yahugū tūhoro Feli cuero, Pablōre yahuahye:

—Yojoṙūre wahaṙisa. Came yūhūre dahraye mariedagū mūhūre pijitja tja, niahye Pablōre.

²⁶ Sa nino Pablo tiquiuro niñeru ohogū cahmemahye Feli. Sa yero tiquiuro niñerure cahmeno, peye tahari Pablōre piji, tiquiuro mehna yahuducue timahye Feli. Niñerure tiquiuro wapa yegū Pablōre wioboaga, ape taħa yero. ²⁷ Pūa cūhma bato Porcio Festo wame tiriquiro Feli comesariquiuro ijiahye. Sa ijiepegūta Feli pehe puhtoro jiro, judio masare bucuegū ye duahye. Sa yero tiquiuro Pablōre peresupū iji dutiniahye.

25

Pablo Festore tiquiuro yerire yahuahye

¹ Sa ye Festo ti yehpapū ihtia deco tiquiuro ijiri bato, Cesareapū ijiriquiro waha, Jerusalēpū esahye. ² Topū tiquiuro ijigū pahia puhto, judio masa puhto mehna Pablōre tiquina yahusārire yahuahye Festore. ³ Pablo mahapū wahagū tiquiurore buca quehe, wejē duaye nimahye tiquina. Sa ye tiquina Festore tutuaro sinimahye:

—Pablōre Jerusalēpū ohoya, ni, sinimahye tiquina Festore.

⁴ Tiquina sa nigū tūhoro, Festo yahuahye tiquinare:

—Yojoṙūre Pablo Cesareapū peresu ijire. Yojoṙūre yūhū topū wahaū tūta niaja. ⁵ Pablo tiquiuro ñano yeriquiro ijigū, masa puhto Cesareapū yūhū mehna waha, tiquiurore yahusāahdo, niahye Festo.

⁶ Sa yero Festo ocho o diez decori tiquina mehna tiquiuro ijiri bato Cesareapū tojoaa wahahye. Ape decopū tiquiuro buhiri dahre dutiri wāhūpū dujiro, Pablōre ne cāhta dutiahye.

⁷ Sa ye Pablo Festo cahapū tiquiuro wihigū, judio masa Jerusalēpū ahtariquina pehe Pablo cahapū ducu, tiquiurore tutuaro mehna yahusā dūcahye. Sa yahusāepeta

“Ahriquiro tiquiro ñano yegū ihñau”, ni, masiedahye. ⁸ Tiquina sa ni yahusāri bato Pablo tiquiro yerire yahuahye:

—Judio masa tiquina dutiyere, Cohācjū wahu cĵe dutiyere, Roma cjāno puhtoro tiquiro dutiyere yuhdudacaeru, niahye Pablo.

⁹ Festo pehe judio masare bucuegū ye duaro, Pablore sinituahye:

—¿Jerusalēpu waha duajari mahu? Mahu yerire yuhare topu yahuta mahu, niahye Festo Pablore.

¹⁰ Tiquiro sa nigū tuhoro Pablo yahuahye:

—Ijiphtiyequina puhtoro tiquiro ya wuhapu buhiri dahre dutiri wuhapu ijiaja yojopure. Ahri wahu boropu yahu yerire tuhoya. Judio masare yahu ñano yerarire quehnoano masine mahu. ¹¹ Dutiyere yuhdudacarigu ijigu “Yuhare wejēdacāhña”, niedaboaya yahu. Sa yegu ahriquina yahusāri pehe ni mehoñe ijigū yuhare yahusāriquinare yuhare oho masiedare mahu. Yuhu yerire ijiphtiyequina puhtorore Césare yahu duaja, niahye Pablo.

¹² Tiquiro sa nigū tuhoro Festo pehe quehnoano masi yahuequinare sinitu tuhaya, yahuahye Pablore:

—Mahu ijiphtiyequina puhtorore mahu yerire mahu yahu duagū tiquiro cahapu ohonatja mahare, niahye Festo Pablore.

Festo puhtoro Agripare Pablo tiquiro ijie tiyere yahuahye

¹³ Caperu puhtoro Agripa, Berenice wame tiricoro mehna Cesareapu Festore ihñañe esahye.

—¿Ne, ijiajari mahu? niahye tiquina Festore piti caye.

¹⁴ Topu peye decori tiquina ijiri bato Festo yahuahye Agripare Pablo tiquiro ijie tiyere:

—Ohōre Feli tiquiro peresu yeriquiro ijire. ¹⁵ Sa ye Jerusalēpu yahu wahagū judio masa tiquina pahia puhtoa, tiquina bucana mehna ahriquirore yahusāri. “Tiquiro ye buhirire wejēña tiquirore”, ni, sinidi tiquina yuhare. ¹⁶ Tiquina sa ni sinigū tuhogu yahu tiquinare ohō saha ni yahuu. “Roma cjēna pehe peresu tiquina yeriquinare masare ohoerare. Sa yegu tiquirore ohoeraja musare. Usā ñehediquirore tiquirore yahusāriquinare tiquiro ihñato pano tiquirore buhiri dahre masiedaja usā. Tiquiro basi tiquiro yerire tiquiro yahueragū tiquirore buhiri dahre masiedaja usā”, nii tiquinare. ¹⁷ Sa yegu ohōre tiquina wihigū ihñagu yoari pje yeru yahu. Sa yegu ape decopu buhiri dahre dutiri wuhapu dujigu, tiquina yahusāriquirore pijii. ¹⁸ Sa ye ti wuhapu tiquiro wihigū ihñañe tiquirore ihña tuhtiequina wahcāducari. Tiquina sa wahcāducagū

ihñagu “Ña yuhduaro ni yahusāeta”, ni, tuhotumi yahu tiquinare. Tiquirore yahusā duepeta yahusā masiedari tiquina. ¹⁹ Sa ye ahriquirore Cohācjū yere tiquiro yahuri buhiri judio masa tiquirore tuhtiri. Jesu wame tiriquiro tiquiro yaria masa mularire tiquiro yahuri buhiri yahusāri ahriquirore. Ahri dihitare yahusāri. ²⁰ Tire masiedagu tiquirore quehnoano sinituu. “¿Jerusalēpu waha duajari mahu yuhu mehna? Topu yahuya mahu yerire yuhare”, nimi tiquirore. ²¹ Yuhu sa niepegūta tiquiro waha duerari. “Yuhu yerire ijiphtiyequina puhtorore yahu duaja”, nidi tiquiro yuhare. Tiquiro sa nidi bato ohōpata tiquirore cohte dutii, ijiphtiyequina puhtoro cahapu tiquirore yuhu ohoato pano, niahye Festo Agripare.

²² —Yuhu basi tuho duaja tiquirore, niahye Agripa Festore.

—Namiapu tiquirore tuhoya mahu, ni yahuahye Festo.

²³ Ape decopu Agripa, Berenice mehna tiquina buhiri dahre dutiri wuhapu esa, “Puhtoa ijiaja usā”, niñe cua pesaro ye ihñoahye tiquina, surara puhtoa, ti maca cjēna puhtoa mehna. Sata ye sajāhye ti wuhapu. Tiquina sajā sari bato Pablore pijiahye Festo. ²⁴ Sa yero Festo ohō saha ni yahuahye:

—Puhto Agripa, masa ijiphtina ahri wuhare cahmeoana, tuhoya. Ohōre ahriquiro peyequina judio masa tiquina yahusāriquiro ijire. Jerusalēpu, Cesareapu gūhare tiquina tiquirore yahusāri. “Tiquirore wejēña”, sa niducuye nine tiquina. ²⁵ Tiquina sa niepegūta ohō saha tuhotaaja yahu. Ahriquiro ne ñano yeriquiro ijierare. ¿Yabe buhiri wejēboagari mari tiquirore? Sa yegu ijiphtiyequina puhtorore César Augustore ahriquiro yerire tiquiro yahu duagū ijiphtiyequina puhtoro cahapu ohogatja tiquirore. ²⁶⁻²⁷ Sa yegu ahriquiro yerire tuho, quehnoano masiedarīaja yahu. Sa masiedagu mari puhtorore yahu ojoa masiedaja. Sa yegu musare tiquiro yahugū tuho dutigu niaja yojopure. Puhto Agripa, yojopu pūritare ahriquiro ijire mahu sinituatiquiro. Mahu sinitu tuhaya, mari masidi bato ahriquirore tiquina yahusārire quehnoano yahu ojoantja. Ahriquiro ñano yerire yuhu masiedapegūta mari puhtoro cahapu tiquirore yuhu ohogū quehnoaedare. Sa yegu yojopure tiquina yahusārire quehnoano masi duagu niaja, niahye Festo tiquinare.

26

Pablo Agripare tiquiro yerire yahuahye

¹ Tiquiro sa nidi bato Agripa Pablöre yahuahye:

—Mahu basita yahuya, niahye tiquiro Pablöre.

Tiquiro sa nidi bato Pablo pehe, “Dihta mariahña”, nino tiquiro omocarine siō muo, tiquiro yerire yahuahye:

² —Puhto Agripa, yahure judio masa tiquina yahusäre, yuhu yerire mahure yahuga, yojopure quehnoano jeripohna tiaja. ³ Mahu judio masa usä yee tiyere, usä buheye gähure mahu quehnoano masigä pūritare bucueaja yahu. Sa yegu mahu yahure quehnoano tuhoya, ni dcahye Pablo.

Pablo Jesu yaquiro tiquiro ijiato pano tiquiro ijie tirire yahuahye

⁴ Sa ni tuhasaro ohō saha ni nemoahye tiquiro:

—Wahmu yuhu ijie tirire ijipihyeyequina judio masa masine. Ijipihyeyequina masa bajuari bato yuhu ya dihtapure, Jerusalēpu gähure yuhu ijirire masine tiquina. ⁵ Coā waropure fariseo masa ijimi. Sa yegu fariseo masa tiquina dutiyere, tiquina yeye borore ye pehogu yuhu ijigū tiquina masine. Tiquina mahure yahu duaye, tire yahu masine tiquina. ⁶ Ahri buhirita yahure yahusā mujare. Usä necusumua iji turiyeyequinare “Yariariquinare masoutja”, Cohācjū tiquiro ni cūrire “Poto tjire”, yuhu nidi buhiri ahriquina yahure yahusā mujare. ⁷ Yuhu acaye judio masa ijipihyeyequina doce curi cjēna Cohācjū masare tiquiro masoatire bucue, cohteducure. Sa ye Cohācjūre ño peoducure. Sa cohteducuyequina ijie usä yero saha yere tiquina. Puhto Agripa, sa ihcāno saha yena usä ijiepegāta tiquina pehe tiquiro masoatire yuhu cohteri buhiri yahure yahusā mujare judio masa. ⁸ Musa judio masa pehe dahse yena Cohācjū tiquiro masorire tiquina yahugū tuho duerajari masa, judio masa? ni yahuahye Pablo.

Pablo Jesu yequinare tiquiro ñano yee tirire yahuahye Agripare

⁹ Sa ni tuhasa ohō saha ni yahu nemoahye:

—Jesure Nazare cjanore ihñedarigu, ñañe dihitare ye duami tiquiro yequinare. ¹⁰ Sa yegu Jerusalēpu sa yee timi yuhu. Pahia puhto yahure tiquina dutiri bato peyequina Jesu yequinare peresu yee tii. Sa yegu puhto tiquinare wejē dutigū, wejē dutii yuhu gāhu. ¹¹ Peye tahari ijipihyeyequina judio masa buheye wahusepu Jesu yequinare ñano ye dutie tira. Sa yegu Jesu yequina Jesure tiquina cohāgū ye duagu nimi. Tiquina mehna tutuaro usuu yuhu. Sa yegu apeye macaripu gähure tiquinare ñano yegu esae tii yuhu, ni yahuahye Pablo.

Pablo Jesu yaquiro tiquiro waharire yahuahye

(Hch 9.1-19; 22.6-16)

¹² Sa ni tuhasa ohō saha ni yahu nemoahye:

—Damascopu Jesu yequinare ñano ye duagu esami. Tiquinare ñano yuhu ye duagū ihñañe pahia puhto yahure waha dutiri. ¹³ Ohō saha ijiri puhto Agripa: Coheri pje ijigū waro mahapu yuhu wahagū uhmuano cjē asi siteye, asū deco cjanō yuhduaro, yahure yuhu mehna wahayequina gähure asi siteri. ¹⁴ Usä ijipihyeyequina yehrapu bora quehe sa, judio masa ye mehna yahure tiquiro yahuducugū tuhoyu. “¿Saulo, dahse yegu mahu yahure ñano yeajari? Mahu yuhu mehna usuagu yahure yuhtieragu, mahu basi ñano yuhdure”, nidi yahure. ¹⁵ “¿Puhto, noa boro ijaarari mahu?” ni, sinituu yuhu. “Yuhu Jesu, mahu ñano yenohrigu ijaarai. ¹⁶ Wahcāducaya mahu. Mahure yuhu cahacjū ijiajcu yegu tagu, yojopu bajuaja yuhu. Miare yuhure mahu ihñarire, came mahure yuhu ihñoati gähure apequinare yahugūta mahu. ¹⁷ Judio masare, judio masa ijieyeyequina gähure mahure buhe dutigu ohogutja. Tiquina cahapu mahu ijigū, mahure tiquina ihña tuhtigū mahure yedohogutja. ¹⁸ Yeere tiquinare masigū yeya mahu. Sa yegu tiquinare ñañene duhugū yeya. Quehnoañe pehere comesagū yeya tiquinare. Watinore cahmedagū yeya mahu. Sa yegu Cohācjū ye pehere yegu yeya mahu tiquinare. Mahu sa yegū tiquina yahure wacū tutueta. Tiquina sa wacū tutuagū ihñagu tiquina ñañe yerire boutja. Sa ye tiquina Cohācjū tiquiro beseriquina mehna cjēna ijieta. Tiquiro ohoatire cnoatiquina ijieta tiquina”, nidi Jesu yahure, ni yahuahye Pablo.

Pablo tiquiro yerire tiquiro dahrayere yahuahye

¹⁹ Sa ni tuhasa ohō saha ni yahu nemoahye:

—Puhto Agripa, uhmuano cjē yuhu tuhoyere yuhducaeru. ²⁰ Damascopu buhe muhtau. Came Jerusalēpu buhei tja. Came Judea yehrapu, judio masa ijieyeyequina cahapu gähure masare tiquina ñañe yerire bujua witi dutii, Cohācjū yere cahme dutigu. “Quehnoañene masa yegū ihñañe ñañene masa bujua witiyere apequina masieta”, nigu, tiquinare quehnoañene ye dutigu buhei. ²¹ Cohācjū ya wuhupu yuhu ijigū yuhu sa ni yahuri buhiri judio masa yahure ñehe, wejē duamedu. ²² Tiquina sa yepēgūta decoripe Cohācjū tiquiro yedohoro mehna sa buheducujaja. Sa yegu yojopure masa ijipihyeyequina puhtoare, ihyo ijina gähure tiquiro yere yahugū niaja. Panopu cjēna Cohācjū yere yahu muhtariquina, Moise mehna tiquina

yahuyuriro sahata yahuaja yahu gāhu. Ohō saha ni yahuyuahye tiquina. ²³ “Cristo Cohācjū ohoriquiro pehe ñano yuhdurota. Sa yero yariaro masa mūja muhtariquiro waharota tiquiro. Sa yero masare tiquiro yuhduotire judio masare, judio masa ijieyequina gāhare masigū yerota”, ni yahuyu ojae tiahye panopū cjēna. Yahu gāhu tiquina yero sahata yahuaja, ni yahuahye Pablo Agripare.

Pablo Agripare Jesu yaquiro wahagū ye duamahye

²⁴ Tiquiro sa ni yahuri bato Festo tiquiro tutuaro sañuducu yahuducuahye:

—Pablo, mūhu tuho masiegū ijire. Mūhu peye buhegu cohto tia wahare, ni sañuducuahye tiquiro Pablore.

²⁵ Tiquiro sa nigū tuhoro Pablo yuhtiahye Festore:

—Puhto, tuho masiegū ijieraja yahu. Yahu yahuye ijirota ijire. Sa yegu yuhu ahrire cua pesaro mehna quehnoano niaja. ²⁶ Puhtoro Agripa pehe ahri yuhu yahurire quehnoano masine. Sa yegu yahu tiquirore cuero marieno yahuaja. Ahri yahuyere ijipihtiyequina masa masine. Sa yegu ijipihtiyehrire yuhu nidire puhtoro Agripa tiquiro masigū masiaja yuhu, niahye Pablo Festore.

Sa ni tuhasa ohō saha niahye Agripare:

²⁷ —Puhto Agripa, Cohācjū yere yahu muhtariquina tiquina yahue tirire tuhore mūhu. Tiquina yahue tirire mūhu tuhogū masiaja yuhu, niahye Pablo Agripare.

²⁸ —¿Ahrire yuhare yahugū mehenogā mūhu yahuye mehna Jesu yaquiro yuhu wahagū ye duagu niajari mūhu? niahye Agripa Pablore.

Tiquiro sa nigū Pablo yuhtiahye:

²⁹ —Mehenogā yahuducugu o yoari pje yahuducugu masa ijipihtinare “Yuhu ijiro sahata Jesu yequina ijiahro”, ni sini basaja Cohācjūre. Sa siniepeguta yuhu yero saha peresupū masa ijigū cahmedaja yuhu, niahye Pablo Agripare.

³⁰⁻³¹ Tiquiro sa nidi bato Agripa, Festo, Berenice ijipihtiyequina apequina mehna wahcādaca, wijia, tiquina basi yahuducuahye:

—Ahriquiro buhiri mariedare. Sa yena tiquirore ne peresu ye masiedaja mari. ¿Sa yena mari yabe buhiri tiquirore wejēboagari? ni, yahuducuahye tiquina basi.

³² —Ahriquiro “Ijipihtiyequina puhtorore César pehere yuhu yerire yahu duaja”, tiquiro niedagū mari wioboaya tiquirore peresupū ijiriquirore, niahye Agripa Festore.

27

Pablo tiquirore tiquina yahusārire Romapū yahuro wahahye

¹ Pablore Italiapū yucusa mehna ohoye tehe, tiquirore apequina mehna tiquina peresu yeriquina mehna Julio wame tūriquiro mehna cūri tiquina. Julio cien surara puhtoro ijiro, tiquiro ya curua “Augusto yequina surara”, wame tiri. ² Sa yena Adramitio wame tiro cjāria yucsapū sajāu usā. Tia Asiapū wahatia ijiri. Sajā tuhasa, tia mehna wahu. Aristarco Tesalónica wame tiri maca cjāno usā mehna wahari. Tesalónica Macedonia yehparū ijire. ³ Ape decorū usā Sidōpū esau. Topū esaro Julio Pablore quehnoano yeri. Sa yero Pablore tiquiro mehna cjēna cahapū ihñano waha dutiri. Sa yero Pablo mehna cjēna tiquirore tiquiro cahmeñene tiquina ohogū “Quehnoanota”, nidi Julio. ⁴ Yucusa mehna usā pehāgū tutuaro wihnono usāre ape siepū wēdoque pehōri. Sa yena Chipre wame tiri nucuo cahmotaropū poto pehepū wahu usā. ⁵ Tee Ciliciare yuhduu, Panfilia gāhare yuhduu, Mira wame tiri macapū Licia yehparū ijiri macapū pehā sau.

⁶ Topū esana, Alejandriapū ahtariare, Italiapū wahatiare yucusare bocau. Sa yero usāre tiapū waha dutiri surara puhtoro. ⁷ Peye decori dero dero waha, “Wape cuo yuhduare”, ni, waha, Gnido wame tiri maca potopū esau usā. Topū esa yuhduu, wihnono tutuaro wēgū, usā waha duaripū usāre wē ohōedari. Sa yena usā cū pehe pehepū majare pehāa wahu. Sa yena Creta wame tiri nucuo cahmotari pahrē pehe usā pehāa waha, Salmón wame tiri ñoare yuhduu wahu usā. ⁸ Topū yuhdu, ti nucuo duhtū cahapū waha, “Wape cuo yuhduare”, ni, waha, Quehnoari petamaha wame tiropū wahā sau. Petamaha Lasea wame tiri maca cahapū ijiri.

⁹ Topū yoari pje usā ijiri bato, usā wahato pehe cua yuhduari. Sa yero tiquina sijiri deco bose deco yuhdūri bato, Pablo tiquinare yahuri:

¹⁰ —Tuhoja masa. Sijiri deco bose deco bato mari wahagū marine minino cua yuhduare. Ahria yucusa, yucusa cjē, masa doeri cjē gāhu mari mehna cjēna gāhu mari butiboaga mari wahana, nidi Pablo.

¹¹ Tiquiro sa niepegūta surara puhtoro yucusa upurore tuhoro, ohoturiquiro gāhare tuhoro, Pablo yahuye pehere tuho duerari waha duaro. ¹² Tiquina pahsari petamaha quehnoari petamaha pohecu ijigū tiquina pahsari petamaha ijierari. Sa ijiri petamaha ijigū yucusa cjēna peyequina waha dua, Fenicepū yojoa duamedī. Fenice Creta wame tiri nucuo cjā petamaha ijiro, wihnono ahtaro pehe, asū sajāno pehe

cū pehe pehepū, poto pehepū gūhare ihñadoqueo, wihnono ahtagū quehnoano cahmotari maca ijiri. Sa ijiri petamaha ijigū masiñe tiquina topū ihcā pohecu iji duamedī.

Pajiri mapū wihnono, acoro mehna pajiro wē cāhtahye

¹³ Sa ye sur pehe derogā wihnono ahta dūcari. “Miare quehnoari deco mari wahi deco ijire”, ni tahotumahye tiquina. Sa wihnono wēgū yucūsa mehna waha dūca, Creta nūcuo duhtū cahagā yojoau usā. ¹⁴ Sa yojoaepēgūta came cūno wihnono noreste wame tiri wihnono tutuaro wēdi. ¹⁵ Sa yero yucū sare wihnono tutuaro wahā wihiri. Wihnono ahtaro pehere waha masiedana, majare paha, wihnono wēonopū wahaū usā. ¹⁶ Cauda wame tiri nūcuogā cahapū sur pehepū waha, ti nūcuogā usāre mehenogā cahmotari. “Marine wape cuo yūhdūare”, nina tore pajiria yucūsa cjarīa meheniagā yucū sagāre quehnoano weje peo duhteī usā. ¹⁷ Tiagāre yucūsapū usā weje peo duhteri bato pajiria yucūsapū pajiri da mehna tiquina wahme ñehe peori. Sirte wame tiri padarore “Tia yucūsa doque wahā sari”, niñe, cue nidi tiquina. Sa ye wihno ñeheñe suhtire tiquina ne dijiori bato yucūsa dihtare wihnono wēdoqueori. ¹⁸ Wihnono, acoro mehna tutuaro ahtari. Ape deco gūhare wihnono mūnanota ahtagū ihñañe tiquina doeri cjenē diapū duredoque ño tuhasa, pehā wahaū usā. ¹⁹ Ape deco yucūsa cjenē diapū cohāri tiquina basi. ²⁰ Peyē decori ñicuñe decori ijigū, asū deco cjenō ñahpicoha paca gūhū ne bajuerari. Sa yero tutuaro wihnono wēdi. Sa yena “Minia wahaja mari. Sa yena yariaa wahanata”, ni tahotumī usā.

²¹ Sa ye tiquina yoari pje tiquina sijiri bato Pablo tiquina poto ducu, yahuri tiquinare:

—To pano mū sare yūhū yahugū tuhoerari mūsa. “Cretapū ijjirina mari wahagū cuarīaga”, yūhū nigū tuhoerari mūsa. Yūhare tūhona, ahria cje ijipihtiyere boeraboaya mūsa. ²² Sa niepegūta yojopū mū sare yahuaja. Cueracāhña. Ijipihtina mari yūhdūnata. Ahria yucūsa dihta marine wahtia waharota. ²³ Mia ñamine Cohācjū yaquiro angel yūhare bajuari. Cohācjū yaquiro ijiaja yūhū. Sa yegū tiquirore ño peoaja yūhū. Angel pehe yūhū cahapū ahtaro, yahuri. ²⁴ “Pablo, cueracāhña. Ijipihtiyequina puhtorore mūhū yerire mūhare yahuro cahmene. Cohācjū quehnoariquiro ijire. Sa yero tiquirore mūhū sinidiro sahata yojopūre mūhū mehna cjenā gūhare yedohorota”, nidi yūhare angel. ²⁵ Sa yena cueracāhña mūsa. Angel yūhare tiquiro nidiro sahata waharota. Cohācjūre wacū tutuaja yūhū. Sa

yegū tiquiro yahuriro sahata “Ijirota ijire”, ni tahotuaaja yūhū. ²⁶ Yūhū sa niepegūta marine nūcuopū wihnono wēdoque ohñota, ni yahuri Pablo tiquinare.

²⁷ Ihcā ñami pūa semana bato pajiri ma Adria wame tiri mapū wihnono usāre tutuaro wēdi. Ti pje ñami decopū yucūsa cjenā mūsa pehe “Duhtū cahapū ijiaja mari”, ni tahoturi tiquina. ²⁸ Sa ni tahotuyē nūcūria comea yuta da mehna duhte, duhudoque dijio, queori. Treinta y seis metro waro uhcūāri. Mehenogā waha, queori tja. Ti pje veintisiete metro waro uhcūāri. ²⁹ Sa ye utā pacare “Doque wahā sari”, niñe yucūsa ohoturopū pititia pjinē duhte pohoye pjinine duhudoque dijiori diapū. Sa ye “Sojaro mehna bohreahro”, ni, tutuaro sinidi tiquina. ³⁰ Yucūsa cjenā mūsa pehe duhtimedī. Tiquina meheniagāre yucūsa cjarīare diapū weje boro poho, yucūsa ehquēapū duhte pohoye pjinine tiquina dijioriro sahata yeri tiquina meheniagāre “Marine ihñari”, niñe. ³¹ Tiquina sa yepegūta Pablo surara puhtorore, tiquiro yequina surara mehna yahuri:

—Ahriquina mūsa meheniagā yucūsa mehna tiquina wahagū mūsa ijipihtina yarianata, nidi Pablo.

³² Tiquiro sa nigū tuhoye surara pehe meheniagāre duhteyē darire yūhre sure, tiare cohāri.

³³ Bohreato panogā Pablo tiquinare tutuaro ihya dutiri:

—Pūa semana waro mūsa dūhse wahatire masi duana, cohtena, ne ihyerari mūsa. ³⁴ Sa yena yojopūre ihyana taya. Tutuaro mū sare ihya dutiaja. Mūsa cati duana ihyaya. Ijipihtina mūsa yūhdūnata, nidi Pablo tiquinare.

³⁵ Tiquiro sa nidi bato Pablo pāre ne, ijipihtiyequina tiquina ihñonopū Cohācjūre “Quehnoare”, ni duhu peo, tire ihya dūcari tiquiro. ³⁶ Tiquiro sa ihyagū ihñañe tiquina cuero marieno waha, ijipihtiyequina tiquina gūhū ihyari. ³⁷ Usā ijipihtina doscientos setenta y seis masa yucūsapū iji usā. ³⁸ Tiquina ijipihtiyequina yapia waha “Ahria yucūsa nūcu niaga”, ni, peyē trigo ihyayere diapū cohāri.

Yucūsa paduropū doque quehe sahye

³⁹ Bohreagū yucūsa cjenā mūsa nūcuore ihñañe, “Ohō saha wame tiri nūcuo ijire ahri nūcuo”, ni, ihñā masiedari. Sa masiedapeta tiquina pari tucūpū padūro ijigū ihñañe, “Mari ti tucūpū wahana, topūre doque pje saboaga paduropū”, nidi tiquina. ⁴⁰ Sa niñe duhte pohoye pjinine duhteyē darire yūhre sure dijioahye. Ohoturi pji duhteyē dari gūhare yūhre sure cāri tiquina. Tiquina sa yeri bato yucūsa ehquēa cja suhtirore wahcō docori, poto wihnono

wêdoqueogü cahmeñe. ⁴¹ Sa yepegüta yucusa ehquëa pehe ape paduropü quehe sa, nuñua masiedari. Sa yero ohoturoro tutuaro pahcõri quê ohõgn tia ohoturo wahtia wahari. ⁴² Tia sa wahagü ihñañe ohõ saha nidi surara:

—Ahria minigü mari peresu yeriquina duhtü caharü ba nuñua duhtieta. Sa yena tiquinare wejê pehouhna, nidi surara.

⁴³ Sa niepegüta surara puhtoro pehe Pablöre wejê dueraro, ijipihtiequina peresu ijieyquinare wejê duerari. Sa yero ijipihtiequina ba masiequinare surara puhtoro potõ duhtü caharü ba nuñua dutiri. ⁴⁴ Sa ye apequina yucusa cjê pjini wahti siteri pjini mehna bora ñojoa, ti pjini bui pesa ba nuñuari. Usã sa yena usã ijipihntina duhtü caharü wahã san.

28

Pablo Malta wame tiri nucuropü ijiahye

¹ Sa ye ti nucuropü usã ijipihntina majadüca sana, ti nucro wamene masii. Malta wame tiri nucro ijiri. ² Ti nucro cjëna masa usãre quehnoano yeri. Sa yena usã acoro weri bato yusua yuhduari usãre. Sa ye to cjëna pehe peca wijã tuhasa, usãre sohna dutiri. ³ Pablo pecare ne cãhta, tu tiãri. Tiquiro tu tiãri bato ti peca puhiarü sañariquiro aña tutuaro asigü wijia taro, Pablo omocapü bahque wahã sari yaha wero marieno. ⁴ Tiquiro bahque wahã sagü ihñañe ti nucro cjëna tiquina basi ohõ saha ni yahuducuri:

—Ahriquiro masa wejêdiquiro ijiboaga. Sa yero tutuaricoro buhiri dahrericooro ahmuse cjõno tiquirore buhiri dahreoro, cati dutierare. Tiquiro pajiri mapü minino yuhdu tuhasari jimedi. YojoPURE ticoro pehe tiquirore cati dutierare, nimedi tiquina basi.

⁵ Sa niepegüta Pablo añare pecarü wejê sitedoqueori. Tiquirore aña puriedari. ⁶ “Ipirota”, niñe, cohtemedi tiquina. Ne ipierari tiquirore. “Tiquiro yariaa waharota”, niñe tiquina cohtemedi. Tiquirore puriedari. Yoari pje bato tiquirore ipieragü ihñañe, tiquirore puriedagü ihñañe, sijoro tuhoturi tiquina. “Ahriquiro cohãmama mehna cjãno ijiboaga” nimedi tiquina.

⁷ Tiquina ba wahã sarioro cahagãrü Publio wame tiriquiro ye weseri ijiri. Tiquiro ti nucro cjãno puhtoro ijiri. Sa yena usãre tiquiro quehnoano yegü ihtia deco waro tiquiro ya wuhãrü ijini usã. ⁸ Publio pacaro yojoa mehna, ujuaye dohatiriquiro ijiri. Sa yero tiquiro cuñanorü cuñari. Sa yero Pablo dohatiriquiro ya tucüpü sajã, Cohãcjüre sini, tiquiro omocarine tiquiro bui duhu peo, quehnoa wahagü yeri tiquirore. ⁹ Tiquiro quehnoa wahagü ihñañe ijipihtiequina apequina ti nucro cjëna dohatieyquinare

Pablo caharü ne cãhtari. Tiquina sa ne cãhtagü ihñaño Pablo quehnoa wahagü yeri tiquina gühare. ¹⁰ Came tiquina peyequina usãre wapa marieno ohori. Usã wahato panogã ijipihtieye usã cahmeñene, usã wahana ihyatire yucasarü dure sãri tiquina.

Pablo Romarü esahye

¹¹ Ihtia asü ti nucuropü usã ijiri bato yucusa mehna wahau usã. Tia yucusa ehquëarü puaro cohãmama Cástor, Pólux wame tiyequina tiquina queoye ducuri. Alejandriarü ahtaria ijiri tia. Pohecü ijiro puno ti nucropü tia yucusa pahsari. ¹² Waha, Siracusa wame tiri macarü esana, ihtia deco waro ti macare ijii usã. ¹³ Ti macare wijia, waha, Regio wame tiri macarü usã esau. Ape decorü surpü wihnono ahta, usãre wêdoqueori. Pua deco bato Puteoli wame tiri macarü esau. ¹⁴ Topü Jesu yequina meheñequinagã usãre piti cari.

—Ihcã semana waro usã mehna tojoaya, nidi tiquina usãre.

Tiquina sa nigü tuhona ihcã semana waro tiquina mehna tojoarü. Came maharü maja, Romarü esau usã. ¹⁵ To cjëna Jesu yequina pehe Romarü usã esatire tuhoye, Apio wame tiorpü doeri cjëne duarorü usãre piti cari. Apequina Jesu yequina ihtia wuhü wame tiorpü usãre piti cari. Tiquina sa piti cagü ihñaño Pablo bucuye mehna Cohãcjüre “Quehnoare”, ni, quehnoano jeri sãa wahari.

¹⁶ Romarü usã esari bato peresu tiquina yeriquinare to cjãnore peresu cohteyquina puhtorore yahuri. Sa yahuepegüta Pablo pehere ihcãquirota cüri to cjëna puhtoa. Sa yero tiquirore ihcãquiro surara cohteri.

Pablo Romarü buheahye

¹⁷ Ihtia deco bato Pablo judio masa puhtoa mehna cahmecoano taro, tiquinare pijiri. Tiquina cahmecoari bato tiquiro tiquinare yahuri:

—Yuhü acaye, mari acayere, mari ñecusumua panorü cjëna tiquina yee tirire, marine tiquina buheri gühare yuhducaera tii yuhü. Yuhü yuhducaerapegüta Jerusalëpü yuhure ñehedi apequina judio masa. Tiquina sa yeri bato Roma cjëna yuhure peresu ye dutiri tiquina. ¹⁸ Tiquina sa yegü Roma cjëna yuhure sinitu, yuhü ñano yerarigü yuhü ijigü yuhure “Buhiri tiriquiro ijire”, ni masiedari. “¿Ne yabe buhiri wejêboagari mari tiquirore?” nidi yuhure tiquina. Sa ye yuhure sinituequina pehe yuhure wio duamed. ¹⁹ Judio masa pehe yuhure wio dutierari. Sa yegü yuhü acayere judio masare yuhure tiquina yerire yahu duerapegüta “Ijipihtiequina puhtorore

yahū yerire poto yahu duaja yahū”, ni sinii yahū. Judio masa yahūre tiquina wio dueragū ihñagū “Romapū yahuro cahmene yahūre”, nii yahū. ²⁰ Sa yegū māsare ahrire yahu duagu pijii. Cristo marine yuhduoatiqiro judio masa tiquina cohteriqiro yere yahū yahuri buhiri yahū peresupū ijaia. Sa yegū tire māsare yahugū tahū pijii, nidi Pablo judio masa pahtoare.

²¹ Tiquiro sa nigū tahoye tiquina pehe tiqirore yahuri:

—Judio masa mahūre quti yahuye pūrine usāre ne ohoerari. Sa ye topū ahtariquina gāhū usā acaye usāre mahū sa waharire yahuera tiri. Tiquina “Tiquiro ñano yeriqiro ijire” ni mahūre yahuerari. ²² Tiquina sa yahuerapegūta mahū ya curuare ijipihitropū masa ñano tiquina yahuducugū usā masiaja. Sa masina mahū buheyere mahū yahugū tūho duaja usā, nidi tiquina tiqirore.

²³ Sa ni tuhasa, “Ape decopū ijiihna”, nidi tiquina. Ape decopū Pablo mehna cahmecoa mahūtiquina yuhduoro masa peyequina tiqiro ijitropū wihiri. Ñami cjunogā Cohācjū tiqiro pahutoro ijiyere quehnoañe buheyere tiqiro buhe dāca, tee ñamipū buhe duhuri. Cohācjū dutiyere Moisepare tiqiro cūrire, Cohācjū yere yahu mahūtiquina tiquina ojoari gāhūre buheri. Sa buhero, tiquinare Jesure masigū ye duaro nimesi Pablo. ²⁴ Ihquēquina tiqiro buherire cahmedi. Sa cahmepegūta apequna pehe tūho duerari. ²⁵ Sa ye tiquina basi pūa curua tu wa, wahaye tee nidi. Tiquina wahato pano Pablo Isaia tiqiro yahuducurire yahuri. Ohō saha nidi tiquinare:

—Isaia Cohācjū yere yahu mahūtiqiro tiqiro yahuri ijirota ijire. Mari ñecusmūna mūna iji turiayequinare yahuro taro Espiritu Santo Isaiare ohō saha ni yahu oja dutiahye:

²⁶⁻²⁷ Ahrire ahriquinare yahugū wahaya: “Dapu paca bātina ijire mūsa. Sa yena yeere tūho duerare mūsa. Cahmo coperi susueyequina yero saha tūho duerare mūsa. Sa yena yeere tūhoopenata tūhosi mūsa. Mūsa sa ijierana quehnoano tūhoboaya mūsa. Sa yena quehnoañe pehere comesaboaya mūsa. Sa yegū māsare pecapū wahaborinare yuhduoboaya yahū”, nidi Cohācjū, ni ojoahye Isaia, nidi Pablo tiquinare.

²⁸ Tiquiro sa nidi bato Pablo yahu nemori:

—Ahrire masiña mūsa. Cohācjū ye buheyere masare tiqiro quehnoano yuhduoyere judio masa ijieyequinare buhenatja usā. Tiquina pehe tūhoeta, nidi Pablo judio masare.

²⁹ Tiquiro sa nigū tahoye judio masa tire tiquina basi tutuaro cahme dāse tini wia, wijiari.

³⁰ Pūa cūhma waro Pablo apequna wāsori wāhūpū, tiqiro ijiye wapa wapa yeati wāhūpū ijiri. Topū ijiro, ijipihitiyequina ti wāhūpū wihieyequinare bucueye mehna piti cari tiqiro. ³¹ Sa yero tiqiro cuero marieno Cohācjū pahutoro ijiyere, mari pahutoro Jesucristo ye gāhūre buhee tiri. Tiquiro sa buhegū ne apequna tiqirore “Buheracāhña”, nieda tiri.

Romanos

Pablo Roma cjenare Jesu yequinare oja ohoahye

¹ Yuhũ Cohãcjũ cahacjũ ijiaja. Sa yero quehnoañe buheyere buhe dutiro yuhãre cũri tiqiro.

² Ti buheyere quehnoañe buheyere panopũ Cohãcjũ “Yahugũ tũ niaja”, nie tiahye. Tiquiro sa ni yahuriro sahata tiqiro yere yahu muhtariquinare panopũ cjenare tiqiro yahuatire tiqiro ya pũpũ oja dutiahye. ³ Ti buheyera tiqiro macnõre yahuye ijire. Tiquiro masũno waro ijiro taro Davi mũnano panamino iji turariquiro ijiahye tiqiro. ⁴ Jesucristo mari puhtoro Cohãcjũ macnõ ñañe marieniquiro tiqiro ijiyere ohõ saha ihũoahye Cohãcjũ. Tiquiro yariari bato Cohãcjũ tutuaye mehna tiqirore masa wijiagũ yeahye. Sa yero Jesucristo potota Cohãcjũ macnõ tiqiro ijiyere ihũoahye Cohãcjũ masare. ⁵ Tiquirota usãre paja ihũano usãre tiqiro yere buhe dutiro ohori ijipihtiyequina Jesucristore wacũ tutua tiquina ño peotire. ⁶ Sa yero masa gãhãre Jesucristo yequina ijianare beseahye tiqiro.

⁷ Musare, Cohãcjũ cahĩnare, Roma cjenare, tiqiro yequina ijianare yeri musare tiqiro. Musare ijipihtinare ahri pũre oja ohoaja. Sa yegũ Cohãcjũ mari Pacũ, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijiya masa.

Pablo Romapũre ihũano waha duaro nimahye

⁸ Ahrire yahu muhtantja musare: Ijipihtiye macari cjenã Jesucristore masa wacũ tutuarire masa yahuri yuhãre. Tiquina sa ni yahugũ tuhõgũ “Quehnoare”, niaja Cohãcjũre. Jesucristo yedohoro mehna sa ni sini basaja. Cohãcjũre sini basagũ musare sa sini basaducuaja. ⁹ Yuhãre tiqiro dutigũ tiqiro macnõ ye buheyere quehnoañe buheyere tutuaro buhegũ tiqiro cahacjũta ijiaja yuhũ. Sa yero musare Cohãcjũre yuhũ sa sini basaducugũ tiqiro masine. ¹⁰ Sa sini basagũ Cohãcjũ cahmegũ yojopũ pũritare masa cahapũ yuhũ ihũan wahatore siniaja. Yoari pje musare ihũa duagũ yuhũ wahatire cohteĩ ye cãmaja yuhũ. ¹¹ Cohãcjũ yere musare buhe duaja Jesure masa wacũ tutua nemoatire. Sa yegũ musare tutuaro ihũa duaja yuhũ. ¹² Jesure wacũ tutuaja mari. Sa yegũ musare ihũa duaja Jesure mari wacũ tutuaye mehna pũa peheri mari cahme bucwegũ yeatore.

¹³ Yuhũ acaye, ahrire masa masigũ cahmeaja. Quehnoañe buheyere yuhũ buheri bato apequina masa acaye judio masa ijieyequina Jesure wacũ tutuari. Sa yegũ peye tahari masa cahapũ waha duami apequina Jesure tiquina wacũ tutuariro sahata masa mehna cjenã gãhũ tiquina wacũ tutuatire. Sa waha duepegũta waha masiedũ yuhũ. ¹⁴ Ijipihtiyequinare quehnoañe buheyere buhero ijiro nine yuhãre. Pecasãre, pohteri cje gãhãre, masiñequinare, masiñequina gãhãre buheacjũ ijiita niaja yuhũ. ¹⁵ Sa buheacjũ ijigũ musare Roma cjenare quehnoañe buheyere tutuaro buhe duaja.

Quehnoañe buheyere masa tuhoye Jesure wacũ tutua dũcare

¹⁶ Quehnoañe buheyere tuhoye Jesure wacũ tutua dũcare masa. Sa yero ijipihtiyequinare Jesure wacũ tutuayequinare Cohãcjũ tutuaye mehna pecapũ waha boriquinare yuhdũore. Tiquina sa yuhdugũ masigũ ti buheyere quehnoañe buheyere buhegũ buoro yuhdũeraja. Ti buheyere judio masa pehere buhe muhtari jiri Jesu gãhũ. Tiquina buheri bato judio masa ijieyequina gãhãre usã buhei. ¹⁷ Ti buhoye ohõ saha ni yahure; Jesure wacũ tutuayequinare “Quehnoañequina ijire”, ni, ihũare Cohãcjũ. Tiquirore wacũ tutua dũcayequinare sata ni ihũare Cohãcjũ. Tiquiro sa ni ihũari bato tiqirore wacũ tutuaducure tiquina. Ahri panopũ tiquina ni ojoariro sahata ijire: “‘Quehnoañequina ijire’, tiqiro ni ihũañequina Cohãcjũre wacũ tutuayequinata ijire. Sa wacũ tutuaye, ijipihtiye decori Cohãcjũ mehna sa ijiducuetã”, ni, ojoahye.

Masa tiquina ñañe yeri buhirire yahuahye Pablo

¹⁸ Cohãcjũ ahmusepũ ijiriquirore masa tiquina yuhdũdũcarire, tiquina ñañe yeri gãhãre ihũano, tiquina sa yeri buhiri usuare. Tiquiro sa usarire masigũ yere tiquinare. Masa tiquina ñañe yeye mehna apequinare quehnoañe buheyere tuhõeragũ yere tiquina pehe. ¹⁹ Tiquiro basi tiqiro ijieye tiyere masigũ yeahye Cohãcjũ. Tiquiro sa yegũ Cohãcjũre masigũ mijõedare masare. ²⁰ Cohãcjũ ahmuse cjenã tiqiro ijiyere, tutuariquiro tiqiro ijieye gãhãre mari ihũedapegũta tiqiro basi tiqiro ijieye marine masigũ yere tiqiro. Ahri yehpare tiqiro bajumehnedi bato ijipihtiye tiqiro bajumehnedire ihũañe “Cohãcjũ tiqiro yeri ijire ahri”, niñe, Cohãcjũ tiqiro ijieye tiyere masine masa. Sa ye masa Cohãcjũre masiepeta sa ñañene yeducuye, buhiri tire. “Muhãre masiedũ. Sa yegũ ñañene yei”, ni masisi Cohãcjũre. ²¹ Sa ye Cohãcjũ tiqiro ijieye tiyere masiepeta

tiquina tiquirore ño peerare. Sa ye tiquinare tiquiro quehnoano yepegüta tiquina pehe “Quehnoare”, niedare tiquirore. Sa tuho masieñequina ijiye, ñaife dihitare tuhoture tiquina. ²² “Tuho masina ijiaya”, niepeta tuho masieñequina wahare tiquina. ²³ Sa wahaye Cohäcjäre sa ijiducuriquirore tiquina ño peerare. Sa ño peeraye, “Cohäcjä ijire”, tiquina niñe queoye pehere ño peore. Mari masa yarianaja dihita ijiaya. Mari sa ijina mari ijiepegüta Cohäcjäre ño peoyequina pehe masa queoyere yere tiquina. Tiquina sa yeri bato ti queoye pehere ño peore tiquina. Sa ye tja minicjua queoyere, pinoa queoyere, wahiquina queoye gähure “Cohäcjä ijire”, ni ño peo maca cähre tiquina.

²⁴ Tiquina sa yegü ihñano “Tiquina esa tuharo ñaifene yecünahdo”, nino Cohäcjä cohä cäri tiquinare. Tiquiro sa cohäri bato tiquina ña yuhduaro cahme yeducure tiquina basi. ²⁵ Sa ye Cohäcjä ye pehere cahmedaye, ni mehoñe pehere quehnoano tuhare tiquina. Cohäcjä ye pehere ni mehoñe yero saha ijigü yere tiquina. Potota Cohäcjä warore ijiphtiyere yeriquirore ño peoducuro cahmene. Sata ijiagro. Tiquina pehe tiquirore ño peerare. Sa tiquirore ño peeraye, Cohäcjä yeri pehere ño peore tiquina. Sata ijiagro.

²⁶ Tiquina sa yeducugü ihñano “Tiquina esa tuharo ñaifene yecünahdo”, nino Cohäcjä cohä cäri tiquinare. Sa ye tiquina mehna cjëna numia manu tiyequina numia yero saha ijierare. Sa ye tiquina numia, numia sehsaro ñano yere tiquina paguri mehna. ²⁷ Tiquina yero saha ijieyquina amua gähü tiquina esa tuharo ña yuhduaro yere tiquina paguri mehna. Sa ye tiquina basita ñano yeri buhiri tiquina paguri pehe ñano yuhdure.

²⁸ Sa Cohäcjäre tiquina cahmedari buhiri, Cohäcjä tiquinare cohäri. Tiquiro sa cohägü tiquina pehe ñano wacüducu, ñano yeducure. ²⁹ Sa ye tiquina tutuaro ñano yeducure. Ñaifene tutuaro cahmeducuyequina, apequina yere tutuaro cahmeñequina, apequinare ñano yeducuyequina, apequina apee boro tiquina cüogü ihña cooducuyequina, masare wejëñequina, cahme dase ünü wiayequina, ni mehoñequina, masare ihña tuhtiyequina, ñaife quitü dahreyequina, ³⁰ apequina tiquina yerapegüta ñano ni yahu wajayequina, Cohäcjäre ihña tuhtiyequina, apequinare purüno yuhtiyequina, “Üsâ pehe masi yuhduacaja”, ni tuhotuyequina, apequinare sa ni yahuyequina, apeye ñaifene ye ducayequina, tiquina pacusumare yuhtiyequina, ³¹ tuho masieñequina, tiquina nino sahata yeeyequina, masare ne cahieñequina, tiquina basi cahme pihopüri

duhueyequina, ne paja ihñeñequina ijire tiquina. ³² Sa ñano yeducuyequinare Cohäcjä pecapü cohänota. Tiquiro sa cohätire masiepeta tiquina ti ñaifene sa yeducure. Sa ye apequina tiquinare ihña cü tiquina yero saha ñano tiquina yegü ihñaife, “Üsâ yero saha yere”, ni bucuere.

2

Masare buhiri dahre dutiro tire mehono marieno potota yerota Cohäcjä

¹ “Tiquina ña yuhduayequina ijire”, ni yahu wajaeracähña apequinare. Musa gähü tiquina yero saha yere. “Ñaifene yeraja. Sa yena ñaife buhiri mariedaga”, ni masiedare masa. Sa yena ijina tiquinare yahu wajana ijina, masa basi buhiri dahre dutina niaga. ² Sa yena ñaife yena ijiepenata masa yahu wajagü masa gähure Cohäcjä buhiri dahrerota. Potota queoro tiquiro buhiri dahregü masiaja mari. ³ Apequinare “Buhiri tieta”, ni yahu wajana masa ijigü masa gähure buhiri dahrerota. Sa yena “Üsäre buhiri dahresi”, ni tuhotuboaga masa. Ijierare. Musa gähure buhiri dahrerota tiquiro. ⁴ Musa ñano yepegüta Cohäcjä masare paja ihñano duita buhiri dahrerare. Sa yena “Cohäcjä yahu mehna usuasi”, ni tuhotuboaga masa. Ijierare. Cohäcjä masare paja ihñano, duita buhiri dahrerare masa ñaifene bujua witiüg ihña duaro, tiquirore masa yuhtigü cahmeno. ⁵ Sa buhiri dahre dueraperota masa Cohäcjäre yuhti dueragü, masa ñaife yerire bujua witieragü, buhiri dahrerota masare. Buhiri dahrerü deco pano masare tiquiro buhiri dahrebörü yuhduoro ti deco waropure ñano masare buhiri dahrerota Cohäcjä. Ni mehono marieno buhiri dahrerota. ⁶ Sa yero ijiphtiyequinare tiquina ñano yeri buhiri buhiri dahrerota Cohäcjä. Sa yero quehnoañene tiquina yeri wapa quehnoano yerota masare. ⁷ Ihuëyequina quehnoañene yeducuyequina ijire. Tiquina quehnoañene ye duayequina, Cohäcjäre quehnoano bucügü ye duayequina, ijiphtiyequina decori Cohäcjä mehna iji duayequina ijire. Tiquina püritare decoripe tiquiro mehna ijigü yerota Cohäcjä. ⁸ Apequina pehe tiquina yero saha ijierare. Tiquina esa tuharo yeeyequina ijire. Cohäcjä yere cahmedare. Tiquina mehna Cohäcjä tutuaro usuarota. ⁹ Ijiphtiyequina ñano yeriquina ñano yuhdueta. Judio masare sata waha mahtanota. Sa ye judio masa ijieyequina gähure sata waharota. ¹⁰ Ijiphtiyequina quehnoañene yeeyequina pehere Cohäcjä “Quehnoare”, ninota. Sa ye masa tiquinare ño peoeta. Sa yero tiquinare quehnoano ijigü yerota Cohäcjä. Judio

masare sata waha mahtanota. Sa ye judio masa ijieyequina gähure sata waharota.

¹¹ Cohäcjä mari yerire ihñano queoro besere ijiphtinare, ñana, quehnoana gähure. ¹² Apequina Cohäcjä Moiserere tiqiro dutirire masieñequina tiquina ijiepegäta ñañene tiquina yegü, buhiri dahrerota Cohäcjä tiquina gähure. Sa yero ti dutiyere cwoyequina ñañene tiquina yegü ti dutiyere tiquina yuhdudacari buhiri buhiri dahrerota Cohäcjä. ¹³ Cohäcjä dutiyere tuhoepeta yuhtieyequinare “Quehnoañequina ijire ahriquina”, niedare Cohäcjä. Tiquiro ye dutiyere yeyequina pehere “Quehnoañequina ijire”, ni ihñare tiquinare Cohäcjä. ¹⁴ Judio masa ijieyequina Cohäcjä Moiserere tiqiro cüri dutiye cwoerapeta, tiquina esa tuharo quehnoañene yeye, Cohäcjä dutiyere yeye nine. Sa ye Moiserere tiqiro dutiyere ojoari püre cwoerapeta tiquina tuhotuyepu tiqiro ye dutiyere cwoere. ¹⁵ Sa ye tiqiro ye dutiyere tiquina tuhotuyepu potota cwoere tiquina. Sa cwoye ñañene yeye, duita tiquina ñañene yerire masine tiquina. Sa yero ñañene yeriquiro “¿Dahse ijiro boro ñañene yeri yuh?” ni tuhoture tiqiro. Sa yero quehnoañene tiqiro basi yeri gähure masine tiqiro. ¹⁶ Sa ye Cohäcjä Jesucristore tiqiro ohoati decopu masa tiquina yahu duerarire Jesucristo masi pehoru, tiqiro tiquinare beserota quehnoañequina, ñañequina gähure. Sata tiquina yerire masidiquiro ijiro, beserota tiqiro quehnoañene buheye ti nino sahata. Ti buheyeta ijire masare yuh buheri.

Cohäcjä Moiserere tiqiro dutirire yahuahye Pablo

¹⁷ Mäsa pehe judio masa ijina, Cohäcjä Moiserere tiqiro dutiyere ño peona ijina, “Cohäcjä yequina ijiaja”, ni tuhotumene mäsa. ¹⁸ Sa yena Cohäcjä dutiyere masina ijina, tiqiro cahmeñene masine mäsa. Sa masina ijina, “Quehnoañene üsä yeatire bese masiaja üsä”, ni tuhotumene mäsa. ¹⁹ Sa ni tuhotuna ohõ saha ni tuhotu nemore mäsa: “Apequinare ne masieñequinare quehnoano masigü yeaja üsä. Tiquinare üsä buheragü ne Cohäcjäre masiedaboaga tiquina. Sa ye ñañene duheraboaga”, ni tuhotumene mäsa. ²⁰ Sa yena “Tuho masieñequinare quehnoañene ye dutina, macanagü gähure buhena ijiaja üsä”, ni tuhotumene mäsa. Sa yena “Cohäcjä dutiyere cwoera, potu ijiyere masi pehoaja üsä”, ni tuhotumene mäsa. ²¹ ¿Sa yena apequinare buhena ijiepenata, dahse yena mäsa pehe mäsa buheriro saha yerajari? ¿Apequinare yaque dutierapenata dahsena mäsa pehe yaqueajari? ²² ¿Apequiro namono mehna ñano ye dutierapenata

dahsena mäsa pehe apequiro namono mehna ñano yeajari? “Cohäcjä ijire”, tiquina niñe queoyere ihña yabina ijire mäsa. Sa ihña yabina ijina Cohäcjä waro pehere ño peona ijimene mäsa. ¿Sa ño peona ijiepenata dahsena tiquirore quehnoano ño peerajari mäsa? ²³ “Cohäcjä Moiserere tiqiro dutiyere cwoaja üsä”, nina ijiepenata ti dutiyere yuhdudacare mäsa. Sa yuhdudacana Cohäcjäre ño peeragü yena niaga mäsa apequinare. ²⁴ Sata nine Cohäcjä yere tiquina ojoari püre: “Cohäcjä dutiyere mäsa yuhdudacari buhiri judio masa ijieyequina pehere Cohäcjäre tiquina ñano yahuducugü yere mäsa judio masa”, ni ojoahye Cohäcjä yere tiquina ojoari püre.

²⁵ “Cohäcjä yequina ijiaja”, ni tuhoture ihquëquina judio masa cuhnucunü sohtoa cahserogäre yuhre nenohriquina. Cohäcjä yere tiquina yegü judio masa tiquina ijigü quehnoañene. Tiquiro yere tiquina yeragü judio masa tiquina ijieye tiye dahseati ijierare. Yuhre nenohriquina tiquina ijieye tiye gähü dahseati ijierare. ²⁶ Sa yero judio masa ijieyequina cuhnucunü sohtoa cahserogäre yuhre nemehneñequina tiquina ijiepegäta, Cohäcjä dutiyere tiquina yegü ihñano “Yeequina masata ijire”, ni ihñare Cohäcjä tiquinare. Judio masa pehere tiqiro sa ni ihñaboriro sahata judio masa ijieyequina pehere sa ni ihñare. ²⁷ Peyequina judio masa Cohäcjä Moiserere tiqiro dutiyere cwoepeta tire yerare tiquina. Sa ye apequina judio masa ijieyequina pehe cuhnucunü sohtoa cahserogäre yuhremehneñequina ijiepetu tiqiro dutiyere yere. Sa yeyequina ijieye judio masa tiquina ñano yerire masigü yeye nine. ²⁸ Yojobure judio masuno waro tiqiro ijiyere yahutja masare. Tiquiro cuhnucunü sohtoa cahserogäre yuhre nenohriquiro ijieperota Cohäcjäre ño peeraro, potota judio masuno waro ijierare. ²⁹ Cohäcjä yaquiro Espiritu Santore cwoeriquiro tiquirore yuhtiriquiro tiqiro tjire judio masuno waro. Sa yero tiqiro cuhnucunü sohtoa cahserogäre tiqiro yuhre ne cohäro sahata tiqiro ñañene yerire duhere tiqiro. Tiquiro esa tuharo dutiyere yeriquiro ijieraperota Espiritu Santo yedohoye mehna tiqiro ñañene yerire duhere. Sa ijiriquirore “Quehnoariquiro ijire”, ni ihñare Cohäcjä pehe. Masa pehe tiquirore tiquina sa niedapegäta, sa nine Cohäcjä pehe.

3

¹ ¿Yuhü sa nigü judio masa ijieye tiye ihyo waro ijiajari, mäsa tuhotugü? Ne ihyo waro ijiro niedare. ¿Cohäcjä judio masare tiqiro dutiriro sahata tiquina pagurire cuhnucunü sohtoa cahserogäre tiquina

yahre ne cohãñe ihyo waro ijjajari, masa tãhotugũ? Ne ihyo waro ijiro niedare. ² Judio masa tiquina ijiye tiye ihyo waro ijierare. Cohãcjũ yere tiquina ojoari pũre judio masare cũ mãhtahye. Sa ye judio masa tiquina ijigũ quehnoarĩne tiquinare. ³ Sa ye ihquẽquina judio masa Cohãcjũre tiquina tãhoerapegãta tiquiro nidi ijirota ijire. Sa yero tiquiro ni cũriro sahata yerota tiquiro. ⁴ Sata ijire. Ijipihitiyequina masa ni mehoñequina tiquina ijiepegãta Cohãcjũ pehe ne ni mehoedare. Panopũ tiquiro yere yahu mãhtariquiro tiquiro ni ojoariro sahata ne ni mehoedare Cohãcjũ.

Poto nigũ ijire mãhũ Cohãcjũ. Sa ye mãhare masa ne “Queoro yahuducuerare”, ni yahusã masiedare, ni ojoahye panopũre.

⁵ Ohõ saha ni tãhotuboaga masa: “Mari ñañene yena Cohãcjũ quehnoañene tiquiro yeriquiro ijigũ masigũ yeaja. Sa yero ñañene mari yegũ quehnoarĩne. ¿Ti sa quehnoañe ijiepegãta dahsero tiquiro mari ñañene yeri buhirire buhiri dahre maca cjãri?” ni tãhotuboaga masa. Masa tiquina tãhotuboriro saha nigũ ni aja yahu. ⁶ Sa ijierare. Mari ñañe yeri pehe quehnoañe ijigũ Cohãcjũ mari ñañene yeri buhirire buhiri dahre masiedaboaga.

⁷ Masa pehe ni mehoñequina ijire. Cohãcjũ pehe ne ni mehoedare. Sa yena masa tiquina ni mehogũ ihñana Cohãcjũ pehe ne ni mehoeniquiro tiquiro ijigũ quehnoano ihña masiaja mari. Sa ye masa ni mehoñe, Cohãcjũ tiquiro ni mehoeniquiro tiquiro ijiyere ihñone niboaga tiquina. Sata ni tãhotumene ihquẽquina. Sa ni tãhotuye ohõ saha ni tãhotu nemomene tiquina: “Usã ni mehoñe mehna Cohãcjũ tiquiro ni mehoeniquiro ijiyere ihñona ni aja. Sa ihñona quehnoano yena ni aja. Sa ye usã ni mehoñe quehnoarĩne. ¿Usã ni mehoñe quehnoañe ijiepegãta dahse ijiro boro usã ni mehori buhirire usãre buhiri dahre maca cãboari Cohãcjũ?” ni tãhotumene ihquẽquina masa. ⁸ Sa ye ohõ saha ni mehore ihquẽquina usãre: “Ñano yena Cohãcjũ tiquiro quehnoariquiro ijigũ ihñona ni aja. Sa yena ñano yeihna, nidi Pablo gũhũ”, ni meho yahusãre usãre ihquẽquina. Tiquina sa nidi buhiri tiquinare Cohãcjũ buhiri dahrerota. Sata yero cahmene tiquinare.

Ijipihitina buhiri tina ijiaja mari

⁹ ¿Sa ye dahse ni tãhotuajari masa? ¿Mari judio masa apeqũna yãhdũoro quehnoana ijiajari mari? Ijieraja mari. Judio masa, judio masa ijiena gũhũ ijipihitina buhiri tina ijiaja mari. Sata ijire ijipihitiyequinare yãhũ buheriro sahata. ¹⁰ Panopũ tiquiro ni ojoariro sahata ijire ti: Ohõ saha ni ojoahye:

Ne ihcãquiro masũno quehnoariquiro mariedare. ¹¹ Ijipihitiyequina masa tãho dueyequina dihita ijire. Sa ye ijipihitiyequina masa ne Cohãcjũre wacũ peoerare. ¹² Sa ye tiquina Cohãcjũ yere cohãñe, ijipihitiyequina ñañene yeyequina wahari. Ne ihcãquiro quehnoañene yeriquiro mariedare. ¹³ Tiquina dahseri masa coperi tiquina põo docoro yero saha ijire. Tiquina yahuducugã, masa coperi arĩ wijiario saha ni mehoñe dihita tiquina dahserire wijiare. Sa yahuducuye añã dũsero tiquiro nima purĩñe wijiario saha purĩño tiquina yahuducuye wijiare tiquina dahserire. ¹⁴ Sa ye tiquina apeqũnare ñano yahuducuyequina purĩño yahuducuyequina ijire. ¹⁵ Sa ye usua ñañequina duita masare wejẽñequina ijire. ¹⁶ Sa ye noho tiquina waharopũ tiquina masare ñano ye, ñano yãhdũgũ yere tiquinare. ¹⁷ Sa ye apeqũna masa mehna tiquina quehnoano ijierare. ¹⁸ Sa ye Cohãcjũre ne ño peoerare, ni ojoahye panopũre.

¹⁹⁻²⁰ Cohãcjũ Moisere tiquiro dutiyere marine judio masare ohoahye tiquiro dutiyere ijipihitina mari ye pehoatire. Ti dutiyere cãoepeta, tire yeraye, “Ñañe buhiri mariedare usãre”, ni masiedare masa. Sa ye tiquina ijipihitiro cãena Cohãcjũ tiquiro buhiri dahrenohatiquina tiquina ijigũ, masieta tiquina basi. Sa ye ñañequina tiquina ijiyere masiñe, “Quehnoana ijiaja usã”, ni masiedare Cohãcjũre. Cohãcjũ tiquiro ye dutiye pehere ne masa yerare. Sa ye tiquina ñañequina ijiyere tiquiro dutiye pehe masigũ yere tiquinare. Sa masiñe ohõ saha ni masiedare tiquina: “Cohãcjũ dutiyere ye pehou. Sa yero Cohãcjũ usãre ‘Quehnoañequina ijire’, ne ni masiedare masa.

Cohãcjũre quehnoano mari wacũ tutuana tiquiro yequina wahaja mari

²¹ Sa ye Cohãcjũ Moisere tiquiro dutiye, tiquiro yere yahu mãhtariquina tiquina ojoari gũhũ Cohãcjũ masare tiquina ñañe yerire tiquiro borire yahuahye. Tiquiro dutiye sa yahuepegãta yojopũta Moisere tiquiro dutiri marieno masare tiquina ñañe yerire tiquiro borire yahure marine Cohãcjũ. ²² Ijipihitiyequina Jesucristore wacũ tutuayeqũnare, tiquirore tãhoyeqũnare “Quehnoañequina ijire”, ni ihñare Cohãcjũ. Cohãcjũ ijipihitiyequinare ihcãno saha yeriquiro ijire. ²³ Mari ijipihitina ñañene yerina ijiaja. Sa yena Cohãcjũ tiquiro cahmediro sahata ne yerã. ²⁴ Mari sa yerapegãta mari Pacũ marine tiquiro

paja ihñagū mari ñaŋe yerire Jesucristo pehe bore. Tiquiro sa bogū “Quehnoana ijire”, ni ihñare Cohācjū marine Jesure wacū tutuanare. Mari esa tuharo ye dutiro marieno Jesu yedohoro mehna mari ñaŋe yerire bore. ²⁵ Panopu cjēna tiquna ñaŋe yerire ihñano Cohācjū duita buhiri dahrerahye tiqunare. Sa buhiri dahreraro tiquna ñaŋe yerire ihyo warota sa tuhotu cāno niedahye. Came tiqiro Jesucristore ohori jiri mari ñaŋe buhiri yariatiquirore tiqiro diire cohātiquirore. Jesucristore mari wacū tutuagū Cohācjū pehe mari ñaŋe yerire borota. Sa yero tiqiro nidiro sahata yeriquiro tiqiro ijiyere masigū yero niahye. ²⁶ Sa yero yojopure tiqiro nidiro saha yeriquiro tiqiro ijiyere masa tiquna masigū cahmene tiqiro. Sa yero Jesure wacū tutuayequinare quehnoañequina tiqiro yerire tiquna masigū cahmene Cohācjū. Tiquiro sa yerire tiquna masiatire tiqiro macunore mari ñaŋe buhirire yariatiquirore ohori jiri.

²⁷ ¿Yojopure “Quehnoana ijiaja mari”, ni masiagari mari, masa tuhotugū? Tire ne ni masiedaja mari. ¿Duhseña tire ni masiedagari mari? ¿Cohācjū tiqiro dutiyere yena, “Quehnoana ijiaja”, ni masiboari mari? Ijierare. Ti gūhare ni masiedaja mari. Mari sa ni masiedapegūta Jesure mari wacū tutuagū “Quehnoana ijire”, ni ihñanota marine Cohācjū. ²⁸ Ohō saha masiaja mari: Jesure mari wacū tutuagū ihñano marine ihña coare Cohācjū. Sa yero marine “Quehnoana ijire”, ni ihñare tiqiro. Tiquiro ye dutiyere mari yeri wapa sa ni ihñedare. Tiquirore mari wacū tutuagū sa ni ihñare.

²⁹ Cohācjū judio masa puhtoro dihita ijierare. Judio masa ijieyequina puhtoro gūhu ijire tiqiro. ³⁰ Sa yero Cohācjū ihcāquirota ijiro, ijipitiyequina puhtoro ijire. Sa ijiriquiro ijiro judio masa Jesure tiquna wacū tutuagū tiqunare “Quehnoañequina ijire”, ni ihñanota. Sa yero judio masa ijieyequina gūhu Jesure tiquna wacū tutuagū tiquna gūhare “Quehnoañequina ijire”, ni ihñanota Cohācjū. ³¹ ¿Sa yena Jesure wacū tutuana Cohācjū Moiserere tiqiro dutiyere cohāna nihoari mari? Cohāedaja mari tire. Jesure wacū tutuana, Cohācjū dutiyere yena niaja mari.

4

Abrahā Cohācjūre tiqiro wacū tutuarire yahuahye Pablo

¹ Mari ñesu munano iji muhtariquiropure Abrahā munanore Cohācjū ohō saha yeahye: ² Abrahā quehnoano tiqiro yepēgūta “Quehnoariquiro ijire”, ni ihñedarlahye Cohācjū tiqirore. Sa yero

quehnoano yeperota ñariquiro ijinino “Yuhu pūrita quehnoagu ijiaja”, ni masiedahye Abrahā, Cohācjū ihñagū. ³ Cohācjū yere tiquna ojoari pū ohō saha nine: “Abrahā Cohācjū tiqiro nidire quehnoano tuhogū, Cohācjūre tiqiro wacū tutuagū Cohācjū tiqirore ‘Potota quehnoariquiro ijire’, ni, ihñahye”, ni ojoahye tiqiro yere tiquna ojoari pūpu. ⁴ Puhtoro dahrayequinare wapa yero, ihyo waro tiqiro paja ihñañe mehna wapa yero niedare. Tiquina dahrari wapa tiqunare wapa yero nine. ⁵ Cohācjūre wacū tutuayequina pehere dahrayequinare tiqiro wapa yero saha yerare Cohācjū. Cohācjūre wacū tutuariquirore “Quehnoariquiro ijire”, ni ihñare Cohācjū. Tiquiro sa ni ihñagū ti quehnoañe tiqiro yeri wapa ijierare. Cohācjū pehe tiqirore cahmeñequinare quehnoañequina wahagū yere. Sa yero masano Cohācjūre tiqiro wacū tutuagū ihñano “Quehnoariquiro ijire”, ni ihñare Cohācjū tiqirore. ⁶ Sata niahye panopu cjūno Davi munano. Masano quehnoano tiqiro yepēgūta Cohācjū pehe ihña coaeranine. Cohācjūre tiqiro wacū tutuagū ihñano Cohācjū ihña coare. Sa yero tiqirore “Quehnoariquiro ijire”, ni ihñare. Tiquiro sa ni ihñanohriquiro masano pehe tiqiro bucuere yahuahye Davi munano. Ohō saha niahye:

⁷ Tiquina ñaŋe yerire tiqiro bonohriquina pehe tutuaro bucuere. ⁸ “Quehnoañequina ijire. Tiquina ñaŋe yerire wacūsi yuhu”, Cohācjū sa ninohriquina tutuaro bucuere, niahye Davi munano.

⁹ ¿Judio masa tiquna cuhnucunu sohtoa cahserogāre yuhre nenohriquina dihitaro tiquna ñaŋe yerire boyari Cohācjū? Ijierare. Judio masa ijieyequina yuhre nemehneñequina gūhare tiquna ñaŋe yerire bore tiqiro. Pari turi Abrahāre wacūña masa. Tiquiro Cohācjūre wacū tutuagū ihñano “Quehnoariquiro ijire”, ni ihñahye Cohācjū. ¹⁰ ¿Duhse ijigū sa yeari Abrahā, masa tuhotugū? Tiquiro cuhnucunu sohtoa cahserogāre tiqiro yuhre neato panopota tiqirore “Quehnoariquiro ijire”, ni ihñahye Cohācjū. Sa yero yuhre nenohno, tiqiro ñaŋe yerire bo tuhasanohriquiro yuhre nenohahye. ¹¹ Sa yero duita Cohācjūre wacū tutu muhtahye Abrahā. Tiquiro sa wacū tutuagū ihñano “Quehnoariquiro ijire”, ni ihñahye Cohācjū tiqirore. Sa tiqiro wacū tutuayere, Cohācjū yaquiro tiqiro ijiyere tiqiro ihñaoatere Cohācjū tiqirore cuhnucunu sohtoa cahserogāre yuhre ne dutiahye. Sa yero Abrahā tiqiro yuhreato pano Cohācjū pehe “Quehnoariquiro ijire”, ni ihña tuhasahye tiqirore. Tiquiro yuhre neato pano

¹² Tiquiro sa wacū tutuagū ihñano “Quehnoariquiro ijire”, ni ihñahye Cohācjū tiqirore. Sa tiqiro wacū tutuayere, Cohācjū yaquiro tiqiro ijiyere tiqiro ihñaoatere Cohācjū tiqirore cuhnucunu sohtoa cahserogāre yuhre ne dutiahye. Sa yero Abrahā tiqiro yuhreato pano Cohācjū pehe “Quehnoariquiro ijire”, ni ihña tuhasahye tiqirore. Tiquiro yuhre neato pano

¹³ Tiquiro sa wacū tutuagū ihñano “Quehnoariquiro ijire”, ni ihñahye Cohācjū tiqirore. Sa tiqiro wacū tutuayere, Cohācjū yaquiro tiqiro ijiyere tiqiro ihñaoatere Cohācjū tiqirore cuhnucunu sohtoa cahserogāre yuhre ne dutiahye. Sa yero Abrahā tiqiro yuhreato pano Cohācjū pehe “Quehnoariquiro ijire”, ni ihña tuhasahye tiqirore. Tiquiro yuhre neato pano

¹⁴ Tiquiro sa wacū tutuagū ihñano “Quehnoariquiro ijire”, ni ihñahye Cohācjū tiqirore. Sa tiqiro wacū tutuayere, Cohācjū yaquiro tiqiro ijiyere tiqiro ihñaoatere Cohācjū tiqirore cuhnucunu sohtoa cahserogāre yuhre ne dutiahye. Sa yero Abrahā tiqiro yuhreato pano Cohācjū pehe “Quehnoariquiro ijire”, ni ihña tuhasahye tiqirore. Tiquiro yuhre neato pano

¹⁵ Tiquiro sa wacū tutuagū ihñano “Quehnoariquiro ijire”, ni ihñahye Cohācjū tiqirore. Sa tiqiro wacū tutuayere, Cohācjū yaquiro tiqiro ijiyere tiqiro ihñaoatere Cohācjū tiqirore cuhnucunu sohtoa cahserogāre yuhre ne dutiahye. Sa yero Abrahā tiqiro yuhreato pano Cohācjū pehe “Quehnoariquiro ijire”, ni ihña tuhasahye tiqirore. Tiquiro yuhre neato pano

¹⁶ Tiquiro sa wacū tutuagū ihñano “Quehnoariquiro ijire”, ni ihñahye Cohācjū tiqirore. Sa tiqiro wacū tutuayere, Cohācjū yaquiro tiqiro ijiyere tiqiro ihñaoatere Cohācjū tiqirore cuhnucunu sohtoa cahserogāre yuhre ne dutiahye. Sa yero Abrahā tiqiro yuhreato pano Cohācjū pehe “Quehnoariquiro ijire”, ni ihña tuhasahye tiqirore. Tiquiro yuhre neato pano

tiqairo sa ihñariro saha ijipihtiyequina Cohăcjure wacũ tutuayequinare judio masa ijieyequina yuhremehnefequinare “Quehnoafequina ijire”, ni ihñare Cohăcjũ. Tiquiro sa ni ihñanequina tiquina ijigũ Abrahă tiquina ñecano manano waro ijiriro saha wahare. ¹² Tiquina yero sahata judio masa, yuhrenohriquina Cohăcjure tiquina wacũ tutuagũ tiquina ñecano manano poto ijie tiahye Abrahă. Tiquiro wacũ tutuaye. Sa ye tiqairo yero saha wacũ tutuayequina judio masa Abrahă panamena iji turiayequina ijire.

Cohăcjũ Abrahăre tiqairo ni cũrire “Poto tjire”, niahye Abrahă

¹³ Panopũ ohũ saha niahye Cohăcjũ Abrahăre. “Ahri yehpare yuhare, muhu panamena iji turiayequinapu gũhare ohoutja”, ni, cũahye Cohăcjũ Abrahăre. Ti dutiyere tiqairo quehnoano yeri wapa sa niedahye Cohăcjũ tiqairore. Abrahă Cohăcjure tiqairo wacũ tutuari wapa pehere sa niahye Cohăcjũ tiqairore, “Quehnoariquiro ijire”, tiqairore tiqairo ni ihñari bato. ¹⁴ “Cohăcjũ Moiserere tiqairo cũri dutiye dihitare yero cahmene”, nine judio masa. Sa niñequina Cohăcjure wacũ tutuaro marieno ahri yehpa ijipihitire ne duare. Wacũ tutuaro marieno tiquina negũ mari pehe Cohăcjure mari wacũ tutuaye dahseati ijieraboaya. Sa yero Cohăcjũ marine tiqairo ni cũri dahseati ijieraboaya. ¹⁵ Moiserere tiqairo cũri dutiye pehere yerare masa. Sa ye ti dutiyere tiquina yerari buhiri ahri yehpare tiquinare neno basioerare. Sa yero ti dutiyere tiquina yuhduacarũ buhiri masare buhiri dahrerota Cohăcjũ. Sa ye ti dutiye mariedagũ ti dutiyere yuhduacarũ gũhu mariedaboaya.

¹⁶ Sa ye Cohăcjũre wacũ tutuayequina dihita tiqairo ohoatire neeta. Abrahă Cohăcjure wacũ tutuaye. Sa yero ijipihtiyequina tiqairo yero saha Cohăcjure wacũ tutuayequina tiquina ñecano poto yero saha tojoare Abrahă. Sa yero “Ahrire musare ohoutja”, Cohăcjũ nino ijipihtiyequinare tiqairore wacũ tutuayequinare nino niahye. Sa ye Cohăcjũ Moiserere tiqairo dutirire yeyequina Cohăcjure wacũ tutuayequina Cohăcjũ ohoatire neeta. Tiquina dihita nesi. Ijipihtiyequina Abrahă yero saha Cohăcjure wacũ tutuayequina gũhu tiquinare tiqairo ohoatire neeta. ¹⁷ Tire Abrahăre tiqairo nidiro sahata ojoahye panopũre: “ ‘Peye macari cjena tiquina ñecano ijiacjure cũu mahare’, ni cũahye Cohăcjũ Abrahăre”, ni ojoahye panopũ. Sa yero tiqairo Cohăcjure wacũ tutuaye. Sa ye tiqairo yero saha mari wacũ tutuagũ mari ñecu ijigũ yeahye Cohăcjũ tiqairore. Cohăcjũ pehe yariariquinare masoriquiro,

ijipihtiyequinare bajumehnediquiro ijire. Sa yero ijipihtiye, yojopũre mariedagũ gũhare bajumehneatiqairo ijire.

¹⁸ “Peye macari cjena muhu panamena iji turiayequina ijeta”, Cohăcjũ tiqairo sa nigũ Abrahă pehe pohna mariediquiro ijieperota, “Ijirota ijire”, ni tuhotuahye. ¹⁹ Sa yero cien cahmari cõoriqairo ijieperota pohna dahre masieniquiro ijieperota Sara tiqairo namono ne pohna mariedicoro ticoro ijiepegũta “Pohna ti masiedaja usã”, ni tuhotuerahye Abrahă. Sa yero Cohăcjũ tiqairo ni cũrire “Ijirota ijire”, niahye Abrahă. ²⁰ “Tiquiro nidiro sahata yeraboaga”, ne ni tuhotuerahye Abrahă. Sa yero tiqairo Cohăcjũ cũrire quehnoano tuhohayhe. Sa niñene tuhõtjiãno “Cohăcjũ tutuariquiro ijire”, ni ño peoro niahye. Sa yero Cohăcjure wacũ tutua nemoahye tiqairo. ²¹ “Cohăcjũ tiqairo nidiro sahata quehnoano ye masine”, ni tuhotu quehnoano masiahye Abrahă. ²² Tiquiro sa masigũ Cohăcjure tiqairo wacũ tutuagũ Cohăcjũ pehe “Quehnoariquiro ijire”, ni ihñahye Abrahăre. Sata ni ojoahye Cohăcjũ yere tiquina ojoari pũpũ.

²³ Sa ye Abrahă dihitare sa ni ojoerahye. ²⁴ Tire mari masiatire mari gũhare sa ni ojoahye. Sa yero Cohăcjure mari wacũ tutuagũ “Quehnoana ijire”, ni ihñanota mari gũhare Cohăcjũ. Tiquiro pũrita mari puhtoro Jesu tiqairo yariagũ masori jiri tiqairore. ²⁵ Jesu pehe mari ñaũe buhiri yariari jiri. Tiquiro yariari bato masa wijiari jiri tiqairo Cohăcjũ marine “Quehnoana ijire”, tiqairo ni ihñatire.

5

“Quehnoana ijire”, Cohăcjũ ni ihñagũ ohũ saha waharota marine

¹ Jesucristore mari wacũ tutuagũ ihñano “Quehnoana ijire”, ni ihñare marine Cohăcjũ. Tiquiro sa ni ihñagũ Cohăcjũ mehna cjana marine ijigũ yere mari puhtoro Jesucristo. ² Sa yena mari tiqairore wacũ tutuagũ ihñano Cohăcjũ marine cahũno, pecapu wahaborinare yuhduori tiqairo mehna mari ijiato saha. Cohăcjũ pũrita quehnoa yuhduariquiro ijire. Sa yero tiqairo yero saha ijigũ yerota marine tiqairo. Tiquiro sa yeatire quehnoano masiaja mari. Sa yena bucueaja. ³ Mari ñano yuhdũna gũhu bucueaja mari. Ñano yuhdũna, tire dũca cjã mari. Sa dũca cãna, ñano yuhdũepenata quehnoano Cohăcjure wacũ tutuana wahaja mari. Sa yena Cohăcjũ yere duhueraja mari. ⁴ Mari sa yegũ ihñano “Quehnoare”, ninota Cohăcjũ marine. Tiquiro sa nigũ marine tiqairo yuhduoatire quehnoano masiaja mari. ⁵ Sa yero Cohăcjũ marine tiqairo

yaquiro Espiritu Santore ohori mari mehna ijiatiquirore. Sa yero Espiritu Santo pehe mari mehna ijiro Cohācjū marine tiquiro sa cahīducuyere masigū yere. Tiquiro sa masigū yegū marine tiquiro yuhduoati quehnoano waro ijiro nine. Potota yuhduanata mari.

⁶ Sa yero mari ñaŋe yerire mari basi mari yuhduo masiedagū tiquiro queoriro esagū mari ñaŋe buhirire Cristo yariahye. ⁷ Quehnoañe dihitare yeriquire yuhduoro taro apequiro yariaboaga ape taha yero. ⁸ Mari pehe ñana mari ijinipegūta marine yuhduoro taro Cristo yariahye. Tiquiro sa yegū Cohācjū marine tiquiro tutuaro cahīŋene masiaja mari. ⁹ Mari ye buhirire tiquiro sa yariagū tiquiro dii wijiajū Cohācjū pehe marine “Quehnoana ijire”, ni ihñare. Tiquiro sa ni ihñari bato yojopū pehere marine pecapū wahaborinare yuhduorota Jesu. “Quehnoana ijire”, tiquiro niato pano marine yuhduoranidi. Yojopū pehere marine Cohācjū yequina tiquiro yeri bato marine buhiri dahresi pecapū Cohācjū. ¹⁰ Sa yena Cohācjūre ihñā tuhtina mari ijinipegūta tiquiro macūno yariaro, mari ñaŋe yerire cohāri. Sa cohāno Cohācjūre mari mehna usuerağū yeri tiquiro. Sa yena tiquiro yequina wahaja mari. Yojopū pūritare ti yuhduo cūno yerota marine. Tiquiro yequina mari ijigū Jesu tiquiro masa mājari mehna, marine pecapū wahaborinare quehnoano yuhduorota tiquiro. ¹¹ Caperū mari yuhduatire bucueaja. Yojopūre ahri gāhure bucueaja. Mari pūhoro Jesucristo mari ñaŋe buhirire tiquiro yariari bato Cohācjū yequina ijaiaja mari. Sa yena bucueaja.

Adāre, Cristore yahuahye Pablo Roma cñenare

¹² Adán tiquiro ñaŋene yeri bato ahri yehpare ñaŋe iji dūcahye. Ñaŋe iji dūcagū masa yaria dūcahye. Ijipihina mari ñaŋene yeaja. Sa yena ijipihina ñana mari ijiri buhiri yariaja. ¹³ Cohācjū tiquiro dutiyere Moiserē tiquiro cūato pano potota ahri yehpa cñena ñaŋene yee tiahye. Tiquina sa yepēgāta ti dutiye mariedagū ti dutiyere tiquina yuhduđacari buhiri buhiri dahre masiedahye. ¹⁴ Tiquiro sa buhiri dahre masiedapēgāta Adán gūhū tiquiro bato ijieyēquina gūhū dutiye mariedapēgāta yarie tiahye. Moise tiquiro ijato pano dutiye mariedapēgāta masa yarie tiahye. Apequina ñaŋe yeye Adán tiquiro ñano yeriro saha waro yera timahye. Sa ijiepetā tiquina gūhū yarie tiahye. Sa yero Adán ñaŋene tiquiro ye đacari saha yoari batopū ahri yehpapū ahtariquiro quehnoañene ye đacari jiri.

¹⁵ Adán tiquiro yuhduđacari Cohācjū masare tiquiro paja ihñañe yero saha

ijierare. Cohācjū tiquiro paja ihñañe pehe quehnoa yuhduare. Adán ihcāquirota ijieperota ñañene tiquiro ye đacari buhiri peyequina masa yarie tiahye. Cohācjū pehe marine paja ihñano, Jesucristore ohori jiri. Sa yero tiquiro ihcāquirota ijiriquiro pecapū wahaboriquinare masare peyequinare yuhduore. ¹⁶ Sa yero Cohācjū masare tiquiro paja ihñañe Adán tiquiro yuhduđacari yero saha ijierare. Adán pehe ihcāquirota ijiriquiro ñañene tiquiro yeri buhiri ijipihitiyequina masa buhiri tiyequina ijire. Sa tiquina buhiri tiyequina ijiepegūta masa pajiro ñañene tiquina yepegūta yojopūre masare paja ihñano Cohācjū tiquina ñañene bore. Sa boro “Quehnoañequina ijire”, ni ihñare tiquiro tiquinare. ¹⁷ Adán ihcāquirota ijiriquiro ñañene ye đucagū ijipihitiyequina masa yariaducure. Ti poto tjire. Sa ijiepegūta ahri pehere bucuenata mari. Yojopūre Cohācjū masare paja ihñano Jesucristo ihcāquirota ijiriquiro tiquiro yariari mehna tiquina ñañene boro, tiquinare “Quehnoañequina ijire”, ni ihñare. Sa ye ijipihitiyequina tiquiro sa ni ihñañequina uhmūserū Cristo mehna pūhota ijeta.

¹⁸ Ihcāquirota Adán ñañene ye đucagū ijipihitiyequina ñañene ye đucahye. Tiquina sa yegū Cohācjū buhiri dahrerota tiquinare. Apequiro Jesu pehe quehnoañene tiquiro yegū ijipihitiyequina tiquina ñañene bonohriquina iji masine. Ñañene tiquiro bonohriquina tiquina ijigū “Quehnoañequina ijire”, ni ihñanota tiquinare Cohācjū. Sa ye ijipihitiye decori tiquiro mehna ijiducuetā tiquina. ¹⁹ Ihcāquirota Adán Cohācjūre yuhduđucahye. Tiquiro sa yegū peyequina masa ñano yeyequina iji dūcahye. Sa yero apequiro Jesu pehe Cohācjūre yuhduahye. Tiquiro sa yegū peyequina masa tiquina ñaŋe yerire bonohriquina wahahye. Tiquina sa wahagū “Quehnoañequina ijire”, ni ihñahye Cohācjū tiquinare.

²⁰ Cohācjū dutiyere Moiserē cūahye ijipihitiyequina masa tiquina ñañene tiquina quehnoano masiatire. Sa ye masa tiquina ñañene masiñe, ti yuhduoro Cohācjū tiquinare tutuaro tiquiro cahīŋene masieta. Tiquiro marine cahī yuhduare. ²¹ Tiquina ñañene tiquina yeri buhirire masa yariatiquina ijire. Sa ye pecapū wahaeta. Cohācjū mari Pacū pehe masare cahī yuhduare. Tiquiro sa tutuaro cahīgū mari pūhoro Jesucristore tiquiro ohogū tiquiro pehe masare quehnoañequina wahagū yere. Sa ye tiquinare “Quehnoañequina ijire”, Cohācjū tiquiro ni ihñagū tiquina ijipihitiye decori tiquiro mehna sa ijiducuetā.

6

Yariariquina muna tiquina ñañene yerariro saha Cristo yequina gũhu ñañene yeducuerare

¹ ¿Duhse yenatari mari yojopure, musa tãhotugũ? ¿Cohãcjũre marine cahĩ nemo duti duana ñañene ye nemoboagari mari? ² Ijierare. Ñañene yeracãhna mari. Yariariquina muna ñañene tiquina yerariro saha Cristo yequina ijina mari gũhure ñañene yeraro cahmene. ³ Sa ye Jesu yequina mari ijiyere masa tiquina masiatire aco mehna wame yeri marine apequina. Jesu mari ñañe yeri buhiri yariari jiri. Sa yena tiquiro yequina ijina, mari ñañe yerire ye dueru. Sa yena duhuu. Tiquiro mari ñañe buhiri yariari jiri. ⁴ Sa yena Cristo pagure masa coperu tiquina ya cohãriro sahata mari ñañe yerire duhuaja. Sa yena mari Pacu tiquiro tutuaye mehna Cristo tiquiro masa mujariro saha mari gũhu tiquiro tutuaye mehna quehnoañe pehere comesaja. Sa yena quehnoana wahaja.

⁵ Sa yena Cristo yequina ijina Cristo yariaro ahri yehpa cjã pagure tiquiro cohãriro saha mari gũhu yariariquina tiquina duhuriro saha mari ñañe yerire duhuu. Sa yena Cristo yequina ijina tiquiro masa mujariro sahata mari gũhu quehnoana ijinata. Ti poto tjire. ⁶ Cristo yequina iji ducana tiquiro mehna yariariquina yero saha wahaũ pari turi mari ñañene yerato saha. Sa waharina ijina ñañene yeducu nemosi mari. Tire mari masiaja. ⁷ Yariariquiro munanopũ ñañene ye nemoedare. ⁸ Cristo mehna yariariquina yero saha ijina, tiquiro masa mujariro sahata mari gũhu quehnoana ijinata. “Ti poto tjire”, ni tãhotuaja mari. ⁹ Cristo tiquiro yaria masa mujari bato ne pari turi yariasi. Apequiro tiquirore pari turi yariagũ ye masiedare. Tire mari masiaja. ¹⁰ Sa yero Cristo ihcã taha yariaro, masa tiquina ñañe yerire cohãno taro yariahye. Tiquiro catiriquiro ijiro mari Pacu tiquiro cahmeno sahata yeducuatiquiro ijire tiquiro. ¹¹ Tiquiro yero sahata musa gũhu ohõ saha ni tãhotuya: “Yariariquina muna tiquina yeraro saha mari gũhu ñañene yeraja. Jesu yequina ijina mari Pacu tiquiro cahmeno sahata yeanaja ijina niaja mari gũhu”, ni tãhotuya musa.

¹² Sa yena musa yarianaja ijina ñañene yeducueracãhna. Sa yena musa ñañe ye duayere tutuaro cahmepenata tire sa tãhotu cãhna. ¹³ Ñañene yeracãhna. Pecaru wahaborina Jesu tiquiro yãhduonohrina ijire musa. Tiquiro sa yenohrina ijina Cohãcjũ cahmeñe dihitarre yeya musa. Sa yena quehnoañene yeya musa. ¹⁴ Yojopure

Cohãcjũ Moiserre tiquiro dutiye mehna marine dutierare. Cohãcjũ marine cahĩno tiquiro pehe marine dutire. Sa yena tiquiro yedohoro mehna ñañene ye duasi mari.

Musa ñañene yeducugũ ti ñañe musa puhtoro yero saha ijire

¹⁵ ¿Yũhu sa nigũ duhse ni tãhotuajari musa? ¿Cohãcjũ pehere yãhtianaja ijina Moiserre tiquiro dutiyere yãhtianaja ijierana, ñañene yeducuboagari mari? Ijierare. Yeducusi. ¹⁶ ¿Ahrire masiedajari musa? Musa quehnoano yãhtiriquiro musa puhtoro ijire. Sa yena tiquiro cahacãna ijire musa. Musa sa yãhti musa puhtoro tãriro sahata ñañene yeducuna musa ijigũ ti ñañe musa puhtoro yero saha ijire. Sa yena ñañene duhu masiedare musa. Sa yena ijina pecaru wahanaja ijire musa. Cohãcjũre quehnoano ño peona ijina tiquiro cahacãna ijire musa. Sa yena tiquiro yequina quehnoana ijire musa. ¿Tire masiedajari musa? ¹⁷ Panopũ ñañene yeducuna musa ijigũ ti ñañe musa puhtoro yero saha ijimedi. Yojopũ pehere quehnoañe buheyere tuhona Jesure wacũ tutuana Cohãcjũre quehnoano ño peona wahari musa. Tire masigũ “Quehnoare”, niaja Cohãcjũre. ¹⁸ Sa wahana yojopure ñañe ti dutiro saha yerare musa. Sa yena Cohãcjũ cahacãna ijina quehnoañe pehere yere musa. ¹⁹ Cahacãna puhtoare tiquina quehnoano ño peoyere masi pehere musa. Sa yegu ti musa masidi mehna queoye mehna buhei musare “Ahri buheyere musa esa tuharo tuhoeraboaga”, nigũ. Panopũ ñañene yeducuna ijimedi musa. Musa sa yeducuriro sahata yojopũ pehere quehnoañene yeducuna ijija musa. Sa yena Cohãcjũ cahmeñe dihitarre yena musa.

²⁰ Panopũ ñañe dihitarre yerina ijina, quehnoañe pehere yera tiri musa. ²¹ ¿Ti pjepure ñañe dihitarre yena yabere wapatarari musa? Ti musa ñañe yerire wacũna yojopure bue tiaga musa. Ti ñañene musa yeri buhiri pecaru wahaboaya musa. Sa yena ñañene yena ne wapataerare musa. ²² Yojopũ pehere musa ñañe yerire duhuna Cohãcjũ cahacãna wahari musa. Sa yena Cohãcjũ cahmeñe dihitarre yena ijinata. Sa yena ijipihtiye decori Cohãcjũ mehna ijinata. ²³ Ñañene mari yeri buhiri pecaru wahanaja ijija ijipihtina mari. Mari sa ijiepegũta mari puhtoro Jesucristore mari wacũ tutuagũ ihñano, ijipihtiye decori tiquiro mehna marine ijiducugũ yerota. Mari sa ijiducuatire sa oho cãnota.

7

Cohãcjũ Moiserre tiquiro ohori dutiyere yahu nemoahye Pablo

¹ Yǎhu acaye, Cohācjū Moiserē tiqiro dutirire quehnoano masine mǎsa. Masano tiqiro catinigū ti dutiyere yǎhduduca dutierare. Tiqiro yariari bato pūritare ti dutiyere yero basioerare. Ti gǎhure masine mǎsa. ² Ohō saha ijire: Numinore ticoro manano mehna dihita iji dutire Cohācjū Moiserē tiqiro dutiri pehe. Tiqiro sa dutiepegūta ticoro manano yariari bato ticoro pehe apeqirore manū ti masine. Ticoro ti dutiro mehna iji nemoedare. Ohō saha ni yahure ti dutiye. ³ Sa yero ticoro manano tiqiro catiepegūta ticoro apeqirore manū tiro, űano yero nine ticoro. Sa ijieperota ticoro manano yariari batopu apeqirore manū tiro, Cohācjū dutiyere yǎhduducaerare ticoro sa yerico. Sa yero űano yerico ijierare ticoro.

⁴ Mǎsa gǎhu yǎhu acaye Jesu yequina wahana, dutiyere mǎsa yeri wapa tiqiro yequina wahaerare mǎsa. Sa yena yariariqina mǎna dutiye mehna tiqina ijieraro saha mǎsa gǎhu ti dutiye mehna ijierare. Mǎsa Cristo ya curua cjāna ijire. Sa yena yojopure tiqiro yequina ijire mǎsa. Tiqiro pehe yariari bato masa mǎjari jiri Cohācjū cahmeno saha mari yeatire. ⁵ Panopu űañene mari esa tuharo yee timi. Sa yena Cohācjū Moiserē tiqiro dutirire mari masidi bato ti dutiyere yǎhduduca duami. Ti dutiye mariedagū yǎhduduca dueraboya. Sa yena ti dutiyere mari masidi bato űañene tutuaro yemi mari. Sa mari űañene yena mari pecapu wahaborinata ijie timi. ⁶ Sa wahaborina ijiepenata Cristo yequina ijina yojopure ti dutiye mehna ijieraja mari. Sa yero Espirito Santo mari mehna ijiriqiro marine quehnoañe pehere comesagū yere. Tiqiro sa yegū panopu cjē dutiye tiqiro ojoari ti mehna ijieraja mari yojopure.

Tiqiro űañe yerire yahuahye Pablo

⁷ ¿Sa yena Cohācjū Moiserē tiqiro dutirire dǎhse niboagari mari? ¿Ti dutiye űañe ijiajari, mǎsa tuhutugū? Ijierare. Ti dutiye mehna űañene masii. Sa yegu ti dutiye mariedagū űañene masiedaboya yǎhu. Ti dutiye ohō saha ijire. "Apeqina yepare tutuaro cahmedacǎhǎ", niahye ti dutiye. Sa niedagū apeqina yepare tutuaro cahmeñe ti űañe ijigū masiedaboya yǎhu. ⁸ Sa yegu ti dutiyere yǎhu masidi bato apeqina yepare tutuaro cahmee timi yǎhu. Ti dutiyere masiedagū apeqina yepare tutuaro yǎhu cahmeñe ti űañe ijigū masiedaboya yǎhu. ⁹ Ti dutiyere yǎhu quehnoano masiato pano sa tuhotu cǎhu. Sa yegu ti dutiyere yǎhu masidi bato tutuaro űañene ye duami. Sa yegu pecapu yǎhu wahatire masie tii. ¹⁰ Sa ye Cohācjū dutiyere yǎhduducaeraye, masa tiqiro mehna quehnoano ijiducuboya. Sa

ye ti dutiye pehe quehnoano ijiducugū yebori dutiye ijire. Sa ijieperota yǎhu yǎhduducari buhiri yǎhure pecapu waha dutimedi. ¹¹ Sa yegu űañene yegu Cohācjū Moiserē tiqiro dutiyere yǎhduduca duami. űañene tutuaro cahmegū yǎhu ijigū quehnoañene masiedu. Ti űañe pehe yǎhure dojomehnedi. Sa yegu quehnoano masiedu. Sa masiedagū Cohācjū dutiyere yǎhduducau. Sa yegu ti dutiyere yǎhu masidi bato yǎhu űañe buhirire pecapu yǎhu wahaborire masii. Ti dutiye mehna sa masii.

¹² Sa ye Moiserē tiqiro cūri dutiye quehnoañe ijire. Sa ye queoro ijirota nine ti dutiye. ¹³ ¿Sa ijieperota marine ti quehnoañe dutiye pehe pecapu wahagū yeajari? Ijierare. Topu wahagū yerare. Mari űañe yeye pehe marine pecapu wahagū yere. Ti dutiyere mari masidi bato ti dutiyere yǎhduducana, űañene yena mari ijiyere masiaja mari. Sa yena mari űana mari ijiyere masina, mari pecapu wahati gǎhure masiaja mari. Sa yena ti dutiyere masina mari yǎhduducarire ti űa yǎhduaye ijigū masiaja mari.

¹⁴ Moiserē tiqiro dutiri Cohācjū pehe tiqiro cūri ti ijigū masiaja mari. Yǎhu pehe apeqina yero saha űagū ijiaja. Sa yegu űañene yeducugū ijiaja. ¹⁵ Sa yeducugū ijiepegūta yǎhu yerire ne masiedu yǎhu. Yǎhu cahmeno saha yeraja yǎhu. Sa yegu yǎhu tutuaro ye dueramedireta yeaga yǎhu. Sa yegu yǎhu yerire ne masiedaga yǎhu. ¹⁶ Sa yegu űañene ye duerapegūta űañene yeaja yǎhu. Tire yegu Cohācjū dutiye quehnoañe ijigū masiaja yǎhu. ¹⁷ Sa yegu yǎhu waro ti űañene yojopure yeraja. Yǎhu tuhotuyepu ijie űañe ti pehe yǎhure űañene yegū yere. ¹⁸ Quehnoañene tutuaro ye duepegūta ne cūedaga. űañe pehe yǎhure dojomehne mǎjare. Ahri yehpa cjū yǎhu ijigū yǎhu tuhotuyepu űañe dihita ijire. Ne quehnoañe mariedabutiare. ¹⁹ Quehnoañe yǎhu ye duaye pehere ne yeraja yǎhu. Yǎhu űañene yǎhu ye dueye pehere yeaja. ²⁰ Sa yegu yǎhu ye dueyere yegu yojopure yǎhu waro tire yeraja. Yǎhu tuhotuyepu ijie űañe ti pehe yǎhure űañene yegū yere.

²¹ Sa yero yǎhure ohō saha wahare: Quehnoañene yǎhu ye duepegūta yǎhu tuhotuyepu űañe ijire. Sa yegu quehnoañe pehere yeraja. ²² Cohācjū Moiserē tiqiro dutirire yǎhu tuhotuye mehna tutuaro cahmeaja. ²³ Sa yegu yǎhu ahirire masiaja: Yǎhu tuhotuye mehna quehnoañene ye duaja. Sa ye duepegūta yǎhu basi űañene tutuaro ye duaja. Sa yegu yǎhu esa tuharo űañene duhu masiedaga yǎhu.

²⁴ Sa űañene duhu masiedagū pejesuogu ijiaja yǎhu. űañene yegu pecapu wahagūta yǎhu. Yohnah. ¿Yǎhu űañene yǎhure pecapu

waha dutiye ñañene noa yuhare cohã hasaboagari? ²⁵ Jesucristore yuhã wacũ tutuagũ tiqirota yuhã ñañene cohãnota. Tiquiro sa yegũ Cohãcjãre “Quehnoare”, niaja yuhã. Sa yegũ yojopure yuhã basi yuhã tuhutuye mehna Cohãcjũ dutiyere yeaia. Sa yegũ ijiepeguta yuhã esa tuharo ijigũ ñañene pehe yuhare ñañene yegũ yere.

8

Espíritu Santore cwoyequina tiquina ijiye tiyere yahuahye Pablo

¹ Yojopure Jesucristo yequinare tiquina buhiri tiato mariedare. [Tiquina ñañene tutuaro cahmeñene yerare. Sa ye Espiritu Santo tiquiro dutiro saha yeducure tiquina.] ² Sa yero Jesucristo yaquiro yuhã ijigũ Espiritu Santo ñañene duhugũ yere yuhare. Sa yero Espiritu Santo ijipihtiye decori Cohãcjũ mehna ijigũ yere yuhare. Ñañene yuhare duhugũ yero yuhare pecapũ wahaborigare yuhduore tiquiro. ³ Cohãcjũ Moiseri tiquiro dutirire mari esa tuharo ne ye pehosi. Sa ye pehoerana yuhduacana ijiaja mari. Sa yena mari ijigũ Cohãcjũ marine yuhduoerandi. Mari sa ijina ijiepegãta ohõ saha Cohãcjũ marine yuhduorota. Tiquiro mari ñañene buhirire yariatiqirore, ti ñañene cohãtiqirore tiquiro macũore ohoahye. Sa yero tiquiro macũo mari yero sahata pagu tiahye. Sa yero mari tuhutuyepũ ijiye ñañene tiquiro cohãri. ⁴ Marine sata yeri Cohãcjũ dutiyere tiquiro tutuaye mehna mari ye pehoatire. Ti dutiyere ye pehona ijina mari esa tuharo ijieraja. Sa ijina Espiritu Santo yedohoye mehna tiquiro dutiro sahata yeaia mari.

⁵ Ñañene ye duayequina, ti dihitare tutuaro cahmene. Espiritu Santo dutiro sahata yeducuyequina pehe ti dihitare ye duare tiquina. ⁶ Ñañene ye duayequina ti dihitare tutuaro cahmeñe, pecapũ wahaeta. Espiritu Santo cahmeno sahata tutuaro ye duayequina pehe ijipihtiye decori Cohãcjũ mehna ijieita. Sa ye tiquina quehnoano iji cãeta. ⁷ Tiquina esa tuharo yeyequina Cohãcjãre ihña tuhtire. Tiquina Cohãcjũ dutiyere ne yuhtire. Tiquiro dutiyere yuhti duerare. Yuhti masiedare tiquina. ⁸ Sa ye tiquina esa tuharo yeyequina Cohãcjãre bucegũ ye masiedare.

⁹ Mũsa pehe mũsa esa tuharo yerare. Espiritu Santo mũsa mehna ijigũ tiquiro cahmeno sahata yere mũsa. Sa ye Espiritu Santore cwoyequina pehe Cristo yequina ijierare. ¹⁰ Mũsa pehe tiquiro yequina ijire. Mũsa ñañene buhirita mũsa paguri yariare. Sa mũsa paguri yarianaja ijiepenata Cristo mũsa mehna tiquiro ijigũ tiquiro mehna sa ijiducunata mũsa. Cohãcjũ musare “Quehnoana ijire”, tiquiro ni ihñagũ mũsa

tiquiro mehna sa ijiducunata. ¹¹ Cohãcjãta Jesure masori jiri. Sa masoriquiro ijiro Espiritu Santo mari mehna tiquiro ijiducugũ mari yariari bato Cohãcjũ mari gũhare masonota. Sa masono mari paguire yariati paguire catigũ yerota marine.

¹² Yuhã acaye, tiquiro sa yegũ ihñana ñañene mari tutuaro cahmedire yeracãhna. ¹³ Mari ñañene yerina ijina, pecapũ wahaborina iji cãnata niaja. Espiritu Santo yedohoye mehna ñañene yeyere duhurina ijina, ijipihtiye decori Cohãcjũ mehna ijinata.

¹⁴ Ijipihtiyequina Espiritu Santore yuhtiyequina Cohãcjũ pohne ijire. ¹⁵ Espiritu Santo mari mehna tiquiro iji ducagũta Cohãcjũ pohna iji ducãu. Sa yena tutuaro mehna tiquiro dutinohrina ijieraja mari. Sa yena panopũ mari cueriro saha yojopũ pehere mari cueraja. Tiquiro pohna ijina, Espiritu Santo yedohoye mehna yojopũre “Yuhã Pacũ”, niaja mari Cohãcjãre. ¹⁶ Sa yero Espiritu Santo mari wacũñepũ marine ohõ saha masigũ yere: Potota Cohãcjũ pohna ijiaja mari. Tire marine masigũ yere tiquiro. ¹⁷ Sa yena tiquiro pohna ijina, Cohãcjũ ijipihtiyere tiquiro pohne tiquiro “Ohoutja”, tiquiro nidire mari pehe cõnata. Jesucristo mehna mari cõnata tire. Cristo yere mari yeri buhiri ñano yuhdurina ijina mari tiquiro mehna uhmasepũ quehnoano bucuete mehna iji cãnata. Sa yena Cohãcjũ tiquiro pohne “Ohoutja”, tiquiro nidire cõnata mari.

¹⁸ Yojopure ahri yehapũ ñano yuhdurãja mari. Camepũre mari uhmasepũ quehnoano iji cãnata. Sa yena yojopure ñano yuhdũna, pajiro bujua witi wacũ tuhotuercacãhna. Ahri mari ñano yuhduri sa iji cãno nine. Came quehnoano iji cãnata Cohãcjũ mehna. Sa yena tutuaro bucuena. Ahri pũrita ihyo waro ijierare. ¹⁹ Cohãcjũ pohna ijina Cohãcjũ mehna quehnoano ijinata. Mari sa wahatire cohteducuro saha yero nine Cohãcjũ bajumehnedi. ²⁰ Ijipihtiropure tiquiro bajumehnedi quehnoano ijiborire dojomehneahye masũno ñano ye ducaro. Ti esa tuharo sa wahaerahye. Ñañene iji ducari bato tiquiro bajumehnedi sa wahahye. Sa yero Cohãcjũ tiquiro bajumehnedire sata ñano iji dutiniahye. Came tiquiro bajumehnedire quehnoañe wahagũ yerota tiquiro. ²¹ Sa yero Cohãcjũ tiquiro bajumehnedire abha pihthorire quehnoañe wahagũ yerota tja. Cohãcjũ pohne quehnoañequina tiquiro wahagũ yerota sahata, tiquinare quehnoano tiquiro yuhduoriro sahata quehnoañe wahagũ yerota Cohãcjũ tiquiro bajumehnedire. ²² Ijipihtiye Cohãcjũ tiquiro bajumehnedi ñano ti iji ducari bato ñano yuhdue tiahye. Numino niji wahcõno ticoro ñano yuhdũro

sahata tiqiro bajumehnedi gāhū decoriþe ñano yuhduðucure. Tire mari masiaja. ²³ Mari pehe Espiritu Santore cōna ijiaja. Tiquiro yequina mari wahagū Cohācjū tiqiro yaqiro Espiritu Santore ðuita ohoi marine. Tiquiro bajumehnedi yero sahata mari gāhū ñano yuhduaja. Sa yena quehnoañe pehere tiqiro comesatire tutuaro cohteaja. Sa yena tiqiro pohna mari tiqiro mehna mari quehnoano ijiato gāhure tutuaro cohteaja mari. Wahma pagure marine tiqiro ohoati gāhure cohteaja. ²⁴ Mari sa cohtena ijigū, tiqirota marine pecapū wahaborinare yuhduore. Tiquiro cahapū ijinina ijina tiqiro cahapure mari wahatire cohteraboya mari. Marine tiqiro yuhduo tuhasari bato ijigū tire cohte nemoðaboya. ²⁵ Sa yena tiqiro ohoatire ihñedapenata Cohācjū marine tiqiro yuhduoatire cohtena, sa cohteducuaja.

²⁶ Sa yena Cohācjūre wacū tutuera cjūna tiqiro cahmeñene quehnoano masiena mari ijigū Espiritu Santo marine yedohore. Cohācjūre mari quehnoano sini masiedaja. Espiritu Santo pehe marine Cohācjūre tutuaro sini basare. Marine tutuaro paja ihñano marine tiqiro Cohācjūre tutuaro sini basare. ²⁷ Cohācjū cahmeno sahata marine Jesu yequinare sini basare Espiritu Santo. Tiquiro sa sini basagū Cohācjū mari tūhotuyere masi pehoritiquiro ijiro, Espiritu Santo tiqiro sini basarire masine.

Cristo tiqiro tutuaye mehna ñañe yeyere yuhduðucanata mari

²⁸ Ahrire yuhū yahuatire masiaja mari: Ijipihtina Jesure cahñna mari ijigū tiqiro cahmeñene yeanaþare beseahye marine. Sa ijina mari ijigū ihñano Cohācjū sa ihña ihbuðucure marine. Sa yena mari ñano yuhduepenata ñano yuhduðucu dojoeraja. Cohācjū tiqiro yedohoro mehna quehnoano ijinata mari. ²⁹ Cohācjū marine tiqiro yequinare ðuitaputa masi tuhasahye. Sa masino tiqiro macano Jesu tiqiro ijiro sahata marine iji ðutiro, marine quehnoañe pehere comesa ðuti tuhasahye. Tiquiro macano yero saha marine iji ðutiahye tiqiro peyequina masa tiqiro macanore mari wahmi tiatire. ³⁰ Panopū tiqiro yequina tiqiro iji ðutirina mari ijigū, tiqiro pohna mari ijiatina gāhure beseahye marine. Sa yero marine tiqiro beserinare tiqiro “Quehnoañequina ijire”, ni ihñare. Marine tiqiro sa ninohrinare tiqiro mehna ahmusepū quehnoano ijigū yerota marine Cohācjū.

³¹ Tire masina ohō saha tūhotuaja mari: Cohācjū marine tiqiro cahñonare ne apequina ihña tuhtiyē cūedare. ³² Cohācjū

mari ye buhirire yariatiquirore tiqiro macanore ohoahye. “Yuhū macare cahñaja. Sa yegu tiqirore ohoeraja”, niedahye tiqiro. Marine sa tutuaro yedohoritiquiro ijiro, ijipihtiyē mari cahmeñe ðahsarire marine oho pehorota. ³³ Cohācjū beserina mari ijigū, tiqiro marine “Quehnoana ijire”, ni ihñari. Mari sa ijina ijigū apequina marine “Ñana ijire”, ne ni yahusā masiedare. ³⁴ Cristo mari ye buhirire yaria masa wijiahye. Sa yero Cohācjū poto pehepū yojopure tiqiro ijire ðutiritiquiro ijiro. Sa yero tiqiro marine potota sini basaro nine Cohācjūre. Sa ye apequina pehe marine ne buhiri ðahre ðuti masiedare. ³⁵ Cristo marine tiqiro tutuaro cahñgū apequina tiqirore “Cahñedacāhña”, ne ni masiedare. Cahñ duhisi tiqiro. Mari ñano yuhduepenata, mari cūepegūta, apequina marine tiquina ñano yepegūta, mari ujua ahbaepegūta, suhti mariena mari ijiepegūta, cuaropū mari ijiepegūta, marine tiquina wejēpegūta Cristo marine sa cahñducorota. ³⁶ Cohācjū yere tiquina ojoari pūpū mari sa wahatire yahuro, ohō saha nine:

Muhū yequina usā ijiri buhiri apequina usāre sa wejē duaducure. Oveja tiquina wejōatiquina tiquina ijiro saha usā gāhure sa wahare, ni ojoahye Cohācjū yere tiquina ojoari pūpū.

³⁷ Sa yena mari ñano yuhduepenata Cristo marine cahñitiquiro tiqiro yedohoro mehna tutuaro mehna ñañene duhu pehonata mari. ³⁸⁻³⁹ Jesucristo yequina mari ijigū ihñano Cohācjū pehe marine tutuaro cahñe. Sa yero tiqiro marine ne cahñ duhusi. Mari yariagū gāhure, mari catigū gāhure, yojopure, camerū gāhure, tiqiro marine cahñ duhusi. Sa ye angele, wafia puhto, ahri yehpa cjēna puhto, ahmuse cjēna, ñañequina bajueyequina gūhū Cohācjūre “Muhū yequinare cahñedacāhña”, tiquina niepegūta marine ne cahñ duhusi Cohācjū. Cohācjū tiqiro bajumehnedi mehna marine ne cahñ duhugū yeye mariedare. Marine ne tiqiro cahñ duhusi.

9

Israe masa Cohācjū beseriquina ijire

¹⁻² Yuhū acaye Israe masare wacūgū, tutuaro bujua witiaja yuhū. Cristore cahmedare tiquina. Sa yegu ñano bujua witi jeripohna taja yuhū. Ti yuhū sa ni yahuye ijirota ijire. Yuhū Cristo yaqirota ijiaja. Sa yegu masare potota niaja. Sa yegu Espiritu Santo yuhū mehna tiqiro ijigū yojopure yuhū acayerē yuhū ni yahuye ti potota ijigū quehnoano masiaja yuhū. Tiquiro tire yuhure quehnoano masigū yere. ³ Israe

masa yuhū acaye ya maca cĵēna pecapū wahaeta. Cohācĵüre tiqūinare yuhduo dutiga ohō saha niboā yuhū pehe: “Tiqūina ye buhirire yuhū pehe pecapū wahaeta. Sa yero tiqūina ye buhirire yuhū pehere buhiri dahreahro Cristo”, niboā yuhū. ⁴ Tiqūina yuhū acaye Israe mnanano panamena iji turiayequina ijire. Sa yero Cohācĵū pohne ijiatiqūinare cūahye Cohācĵū tiqūinare. Sa yero Cohācĵū tiqūiro asi siteye mehna tiqūina watoa ijie tiahye. Sa yero tiqūina ijiipihitiyequinare tiqūiro masare tiqūiro yuhduoatire yahue tiahye tiqūinare. Sa yero Moiserē tiqūiro dutirire duita cū mūhtahye Israe masare. Sa ye Cohācĵüre ño peoati wūhure ye mūhtae tiahye tiqūina. Sa yero tiqūinare tiqūiro quehnoano yeatire yahue tiahye tiqūiro quehnoano yeatire yahue tiahye tiqūinare. ⁵ Ūsā ye cururi waro doce cururi waro ijire. Sa yena usā ñecusumua iji mūhtariqūina mnanapū tiqūina panamena iji turianapū ijiaya usā Israe masa. Sa yero mari yero saha pagū tiriqūiro ahtarō, usā acayuro Israe masano waro ijire Cristo. Tiqūiro Cohācĵūta ijire. Sa yero tiqūiro ijiipihitiyequina puhtoro ijire. Ijiipihitiye decori tiqūiro quehnoano ño peouhna mari. Sa ño peoducuuhna.

⁶ Apequina Israe mnanano panamena iji turiayequina ijiēpeta Cohācĵū yequina waro ijiērare. Sa yena tiqūina tiqūiro yequina ijiēragū ihñana ohō saha ni tuhotuboa mūsa: “Israe masare yequina ijiēgū yeitja”, nieperota ihquēquinare Cohācĵū tiqūiro nidiro sahata yerare”, ni tuhotuboa mūsa. Sa ni tuhotueracāhña. ⁷ Ohō saha ijire: Apequina Israe masa Abrahā panamena iji turiayequina tiqūina ijiēpēgata “Abrahā panamena iji turiayequina waro ijire”, ni ihñedare Cohācĵū tiqūinare. Sa yero ohō saha niahye Cohācĵū: “Muhū macū Isaac panamena iji turiayequina tiqūina pūrita potota mūhū panamena iji turiayequina waro ijieta”, niahye Cohācĵū Abrahāre. ⁸ Tiqūiro sa ni yahugū ahrire masinata mari: Abrahā panamena tiqūina masa bajuari bato duita Cohācĵū pohne waharĵedaga tiqūina. Cohācĵū tiqūiro ni cūrire quehnoano tuhojequina tiqūirore wacū tutuayequina pehe tiqūinata ijiaga Cohācĵū pohne. Sa ye tiqūinata ijire Abrahā panamena iji turiayequina waro. ⁹ Ohō saha niahye Cohācĵū Abrahāre: “Ape cahma ahri pje borota yuhū majare tojoa tagū mūhū namono Sara nijinogāre cūorota mūhū macure”, niahye Cohācĵū Abrahāre. Sa nino Cohācĵū Abrahā macano tiqūiro masa bajuatire yahuyuro niahye.

¹⁰ Came Isaac namono Rebeca wame tiri-coro duita pūaro pohna tiahye. Tiqūina pacaro Isaac usā ñecu mnanano iji turariqūiro ijiyahye. ¹¹⁻¹² Sa ye tiqūina pohne tiqūina masa bajuato pano quehnoañene,

ñañe gūhure tiqūina yeato pano Cohācĵū tiqūina pacoro ijiaticorore ohō saha nie tiahye: “Tiqūiro baharo pehe tiqūiro wahminore dutirota. Sa yero tiqūiro puhtoro ijirota”, nie tiahye ticorore. Cohācĵū tiqūiro cahmeno sahata besere tiqūiro. Sa beseriqūiro ijiro ihcāquirogāre besero ticorore sata ni yahue tiahye. Sa yero masa tiqūina yeyere ihñedaperota tiqūiro cahmeno sahata tiqūiro yequina ijiatiqūinare besere. ¹³ Sata ni ojoahye tiqūiro yere tiqūina ojoari pūru: “Jacob pehere cahñe tii. Sa yegu Esau pehere cahñeda tii”, niahye Cohācĵū”, ni ojoahye panopū.

¹⁴ ŪTire wacūna dūhse ni tuhotuboari mari? ŪTiqūina yeyere ihñedaperota ihcāquirore sa besero Cohācĵū queoro yeraboari, mūsa tuhotugū? Ijiērare. ¹⁵ Ohō saha nie tiahye Cohācĵū Moiserē: “Yuhū cahmediqūiro dihitarē paja ihñautja”, niahye tiqūiro Moiserē. Sa yero ihcāquirore sa besero potota yero niahye Cohācĵū. ¹⁶ Sa yena mari esa tuharo mari cahmeno saha Cohācĵüre marine paja ihñagū yeraja mari. Sa yero ne mari quehnoañene mari yeri wapa gūhure marine paja ihñedare tiqūiro. Tiqūiro esa tuharo tiqūiro cahmeñequina pehere paja ihñare. ¹⁷ Sa yero sata tiqūiro esa tuharo yeahye Egipto cĵēna puhtoro gūhure. Ohō saha niahye Cohācĵū tiqūirore faraōre: “Egipto cĵēna puhto ijiacĵure cūgu nii mūhure yuhū tutuayere ijiipihitiyequinare yuhū ihñoatire. Sa yegu ijiipihitiye yehpari cĵēna yuhure tiqūina masiatire puhto sōu nii yuhū mūhure”, niahye Cohācĵū tiqūirore. Ohō sahata nine Cohācĵū yere tiqūina ojoari pūru. ¹⁸ Sa yero tiqūiro cahmeñequinare tiqūiro esa tuharo paja ihñare tiqūiro. Sa yero tiqūiro esa tuharo apequinare yuhūtiēragū yere tiqūiro. Sa yero Cohācĵū tiqūiro cahmediro sahata yere.

¹⁹ Tiqūiro sa yeriqūiro ijiēgū ihñana yuhū pehere ohō saha niboaga mūsa: “Cohācĵū marine tiqūiro cahmediro sahata tiqūiro yegū mari pehe tiqūirore yuhduoaca masisi. ŪMari sa yuhduoaca masiedapegūta dūhse ijiro boro marine buhiri dahre duajari tiqūiro?” ni pihopūri sinituboaga masa yuhure. ²⁰ Ohō saha ni yuhūtiaja mūsa: “ŪMasa ihyo ijina ijiēpenata Cohācĵüre tuhtiajari mūsa? Dihī sutu dahreriqūirore ŪDūhsegu yuhure ohō saha ijiri sutu yeri mūhū?” ti sutu ni sinituboriro saha nina niaga mūsa Cohācĵüre. Sa ni masiedare mūsa. ²¹ Dihī sutu dahreriqūiro dihi mehna tiqūiro cahmeno sahata yere. Sa yero quehnoañene pose yeati suture ye masine tiqūiro. Tia dihi yuhū mehnata ihyo ijiyere pose yeati sutu gūhure ye masine tiqūiro. Tiqūiro yero saha Cohācĵū gūhū tiqūiro ye duaro sahata yere.

²² Sa yero Cohācjū pecapū tiquiro cohātiquinare tiquina ñañe yerire tiquiro ihña usuaro tiquinare buhiri dahre duamahye. Sa buhiri dahre dueperota, yoari pje tiquina ñañe yeyere sa ihña cāñahye, ijipihtiyequinare tiquiro buhiri dahreatire, tiquiro tutuayere ihñono taro. ²³ Sata yeahye Cohācjū tiquiro quehnoa butiariquiro tiquiro ijiyere, tiquiro tutuaye gāhure mari masiatire. Panopū marine tiquiro paja ihñanohanajare tiquiro be-seahye, ijipihtiye tiquiro tutuayere tiquiro quehnoañene mari cūoatire. ²⁴ Sa yena mari pehe tiquiro beserina ijinata niaja. Sa ye tiquiro beseriquina pehe ihquēquina judio masa dijite ijierare. Ihquēquina judio masa ijieyequina gāhū ijire tiquiro beseriquina. ²⁵ Sata nine judio masa ijieyequinare Cohācjū yere Osea mñano tiquiro ojoariro sahata:

Yeequina ijieyequina gāhure camerū tiquinare “Yeequina ijire”, niitja. Sa yegu yūhū cahñeñequina gāhure camerū tiquinare “Yūhū cahñina ijire masa”, niitja, niahye Cohācjū. ²⁶ “Yeequina ijierare masa”, Cohācjū tiquiro nimedī yehpari cjēna tiquina Cohācjū catiriquiro pohmeta ijietā, ni ojoahye Osea panopūre.

²⁷ Sa yero panopū cjāno Isaia mñano Israe masare ohō saha ni yahuhaye: “Pajiri ma cjē padū pjerigāre mari queona cūedaja. Israe masa ti padū pjerigā yero saha ijieyequina peyequina ijiepegūta meheñequinagā Cohācjū yūhdūorota tiquinare. ²⁸ Cohācjū ahri yehpa cjēnare peyequina masare so-jaro mehna potota buhiri dahre madoque-orota”, niahye Isaia. ²⁹ Sa yero pari turita ohō saha ni ojoahye Isaia:

Mari pūhtoro ijipihtiyequina pūhtoro meheñequinagā mari mehna cjēnare yūhdūoeraro, marine judio masare ijipihinare butigū yeboya tiquiro. Sodoma cjēnare, Gomorra cjēna gāhure tiquiro butigū yeriro sahata mari gāhure butigū yeboya tiquiro, ni ojoahye Isaia yūhū acaye Israe masare tiquiro yeato panopū.

Judio masa quehnoañe buheyere cahmedahye

³⁰ Sa tjire. Sa yena ahrire masi nemoña masa: Judio masa ijieyequina Cohācjūre macaedapeta tiquirore bo-care. Jesucristore tiquina wacū tutuagū, “Quehnoañequina ijire”, ni ihñari tiquinare Cohācjū. ³¹ “Cohācjū dutiyere mari yegū tiquiro marine yūhdūorota”, niñe judio masa pehe Cohācjū Moiserere tiquiro dutiyere yepeta, cūedari. Sa yero ti dutiyere tiquina yepegūta Cohācjū “Quehnoañequina ijire”, ni ihñedari. Sa ye quehnoañequina

iji duepeta cūedari. ³² Ohō saha ye, tiquina cūedari: Tiquina Cohācjūre wacū tutuaro marieno tiquina esa tuharo Moiserere tiquiro dutirire ye duamedi, tiquiro yequina iji duaye. Mari queoye mehna buhegū Cristo utā yero saha ijiriquiro ijire. Omaperiquiro utāpū doque wahā sa bora quehero, tiquiro esaborirore ne eserare. (Tiquiro yero saha tiquina Cristore utā yero saha ijiriquirore cahmeeñequina Cohācjū cahapū ne esasi.) ³³ Sata ni ojoahye Cohācjū yere tiquina ojoari pūpū:

Jerusalē wame tiri macapū utā yero saha ijiriquirore cūgū niaja. Mari queoye mehna buhegū ohō saha ijire: Omaperiquiro utāpū doque wahā sa bora quehero tiquiro esaborirore eserare. (Tiquiro yero saha ti maca cjēna utā yero saha ijiriquirore tiquina cahmedari buhiri Cohācjū cahapū ne esasi. Tiquiro pehe tiquinare topūre waha dutisi.) Sa ye tiquirore wacū tutuayequina pehe quehnoano bucueeta, ni ojoahye.

10

¹ Yūhū acaye, Israe masare pecapū waha-boriquinare Cohācjū tiquiro yūhdūoatire, tutuaro yūhū jeripohna mehna cahmesāja yūhū. Sa yegū Cohācjū tiquinare tiquiro yūhdūoatire sini basaja yūhū.

² Potota tiquina Cohācjū cahmeñene ye duamene. Sa ye duepeta tiquiro cahmeñene masiedare. ³ Sa ye tiquinare Cohācjū tiquiro quehnoañequina wahagū yeborire tiquina masiedare. Sa masiedaye tiquina esa tuharo quehnoañene yepeta, cūedari. Tiquina sa yegū Cohācjū tiquiro wacū tutuā dutiriro sahata tiquina yeragū ihñano, tiquiro pehe tiquinare “Quehnoañequina ijire”, ni ihñedari. ⁴ Ijipihtiyequinare Cristore wacū tutuayequinare “Quehnoañequina ijire”, ni ihñare Cohācjū. Sa yena dutiye yeye mehna yūhdū witieraja mari. Cristo mehna yūhdūaja.

⁵ Moise mñano panopū cjāno ohō saha ni ojoahye: “Cohācjū dutirire mari duhuro marieno ye pehogū Cohācjū yūhdūorota marine”, ni ojoahye tiquiro. ⁶⁻⁷ Tiquiro sa ni ojoapegūta yojopūre masa Cristore tiquina wacū tutuagū Cohācjū tiquinare “Quehnoañequina ijire”, ni ihñare. Ti buheye quehnoañequina wahagū yeri buheye ohō saha ni yahure: Cristo tiquiro basi ahri yehpapū wihi tuhasari jiri. Sa yero masa mūja tuhasari jiri. Sa yena ohō saha ni tuhotueracāñña masa: “¿Diquiro pehe ahmūsepe Cristore ne cāhta basaro wahaboagari marine tiquiro yūhdūoato saha? ¿Diquiro pehe yariariquina cahapū Cristore maso basaro ne cāhtaboagari?

Tiquirore ne cāhtaboriquiro mariedare”, ni tūhotueracāhña masa. ⁸ Sa yero ohō saha ni yahure Cohācjū yere tiquina ojoari pūpu: “Cohācjū ye buheyere mari macagū ti buheye ohōpu ijire. Ti buheyere masi tuhasare masa. Sa yena ti buheyereta yahuducue tire masa”, ni ojoahye. Ti buheyere Cristore wacū tutuaye buheyere masare yahuaja usā. ⁹ Ti buheye ohō saha ni yahure: “Jesu mari pūhtoro ijire”, ni mari yahugū, “Cohācjū Jesure yariariquirore potota masori”, ni mari tūhotugū, Cohācjū marine pecapu wahaborinare yūhdūorota. ¹⁰ Jesure mari wacū tutuagū Cohācjū pehe marine “Quehnoana ijire”, ni ihñanota. Sa yero Jesure mari wacū tutuayere apequinare mari yahugū tiquiro marine pecapu wahaborinare yūhdūorota.

¹¹ Ohō saha nine Cohācjū yere tiquina ojoari pūpu: “Cohācjūre wacū tutuayequina tiquirore tiquina wacū tutuarire ne bujña wītisi”, niahye Cohācjū yere tiquina ojoari pūpu. ¹² Judio masare, judio masa ijieyequina gūhure Cohācjū ihcāno saha yedohore. Mari pūhtoro ijipihtieyquina pūhtoro ijire tiquiro. Sa yero ijipihtieyquinare tiquirore siniñequinare quehnoano pajiro ohorota tiquiro. ¹³ Ohō saha ni ojoahye panopure: “Yūhu ñañene cohāña. Sa yegu yūhure yūhdūoya”, ni mari pūhtorore masa tiquina sinigū tiquinare pecapu wahaboriquinare mari pūhtoro yūhdūorota”, ni ojoahye Cohācjū yere. ¹⁴ Sa ye masa Cristore wacū tutueraye tiquirore sini masiedare tiquina. Sa ye tiquiro buheyere tūhoeraye, tiquirore wacū tutua masiedare. Sa ye tiquiro buheyere yahuriquiro mariedagū tire tiquina ne masisi. ¹⁵ Sa ye tiquiro ye buheyere yahuatiquinare Cohācjū pehe tiquiro ohoeragū tiquiro ye buheyere yahu masiedare. Tire ojoahye Cohācjū yere tiquina ojoari pūpu: “Quehnoañe buheyere yahuatiquina tiquina ahtagū ihñana quehnoano bucueaja mari”, ni ojoahye panopure.

¹⁶ Ti sa ijiepegūta masa peyequina quehnoañe buheyere tūho duerare. Sata ni ojoahye Isaia mūnāno: “Pūhto, tiquinare mari yahurire tiquina ne tūho duerari”, ni yahuahye Isaia Cohācjūre. ¹⁷ Sa ye masa quehnoañe buheyere tūhoye Cristore wacū tutuari. Sa ye Cristo yequina tiquiro yere tiquina yahugū, tiquiro ye buheyere tūhore masa.

¹⁸ Sa yegu ahrire sinitu duaja masare: ¿Israe masa Cohācjū yere tūhoera tiari, masa tūhotugū? Poto waro tiquina tūhomedī. Sata nine Cohācjū yere tiquina ojoari pū gūhu:

Cohācjū yere yahueyquina ijipihtiropu yahu siteye wahari. Sa ye ijipihtiro

cjēnapu tiquiro yere tūhori, ni ojoahye panopu.

¹⁹ Pari turi masare sinitu duaja tja: ¿Israe masa tūhoepeta quehnoano masiedari tiquina, masa tūhotugū? Masie timahye. Ahrire yahu nemogu Moise nidire yahu mūhtautja. Ohō saha ni ojoahye tiquiro:

Ohō saha ni yahure Cohācjū Israe masare: “Tūho masieñequina, ñañequina, ihyo ijieyquina ijire”, ni masa ihñañequinare yeequina ijiatiquina yeitja. Yūhu sa yegū masa pehe tiquinare ihña coonata. Sa yegu masare usuagū yeitja yūhu, ni yahuri Cohācjū Israe masa ijieyequinare tiquiro yequina ijigū yero taro, ni ojoahye Moise.

²⁰ Ape pūpūre Isaia cuero marieno ohō saha niahye:

Ohō saha nine Cohācjū: Yūhure macaedariquina pehe yūhure bocari. Sa yegu yūhure cahmeeñequinare tiquinare yūhure masigū yei yūhu, nidi Cohācjū, ni ojoahye Isaia judio masa ijieyequinare.

²¹ Israe masa pehere ohō saha ni ojoahye Isaia: “Ohō saha nine Cohācjū: Tiquina yūhure yūhdūucayequina, yūhure cahmeeñequina ijire. Sa yegu tiquinare tiquina ñañene bujña witi dutigu ‘Yeequina ijija’, sa niducumi tiquinare”, nidi Cohācjū, ni ojoahye Isaia.

11

Meheñequinagū Israe masare pecapu wahaboriquinare yūhdūorota Cohācjū

¹ ¿Sa yero Israe masare Cohācjū tiquiro beseriquinare yojopure cohāyari tiquiro, masa tūhotugū? Ijerare. Tiquinare cohāedari tiquiro. Yūhu gūhu Israe masu, Abrahā panami iji turiagupu ijiaja. Sa yegu Benjami ya curua cjū ijiaja yūhu. ² Panopu Israe masare Cohācjū beseetiahye. Tiquiro sa beseriquinare cohāedari. Cohācjū yere tiquina ojoari pūpu Elia mūnāno tiquiro yerire yahure. ¿Ti pūpu Israe masare Elia Cohācjūre tiquiro yahūsārire masiedari masa? Ohō saha ni yahūsāhye tiquiro:

³ “Pūhto Cohācjū, tiquina Israe masa mūhu yere yahu mūhtariquinare wejēdi. Sa ye tiquina mūhure wacū usā ño peoye altarire cohāri. Sa yegu yūhu dihita mūhu yaquiro dūhsaja yojopure. Yūhu sa ijigū tūhoye yūhu gūhure wejē duare tja, yojopure”, niahye Elia Cohācjūre. ⁴ Tiquiro sa nigū tūhoro Cohācjū pehe ohō saha ni yūhtiahye Eliare: “Siete mil amaa yeequina ijire yojopure. Tiquinare ihbou yūhu. Baal wame tiriquiro queoyere ne ño peoera tiri tiquina, yeequina”, niahye Cohācjū Eliare panopure cue dutieraro. ⁵ Ti pjere Elia tiquiro ijiri

pjere tiqairo yequina masare beseriro sahata vojopu gũhare meheñequinagã Israe masare tiqairo yequina ijiatiquinare beseri jiri Cohãcã. Cohãcã tiquinare paja ihãano beseri jiri. ⁶ Quehnoañene tiquina yeri wapa tiquinare beserari jiri. Tiquinare paja ihãano beseri jiri. “Quehnoañene masa yeri wapa musare beseitja”, nino, tiqairo tiquinare potota paja ihãano niedaboya.

⁷ Sa ye ohõ saha ijire. Israe masa Cohãcã tiquinare “Quehnoañequina ijire”, tiqairo ni ihãagũ cahmepeta tiquina ihcãno sahaerari. Cohãcã tiqairo basi tiqairo beseriquina pehe quehnoañequina tiqairo yequina wahari jiri. Apequina pehe tiqairore ihcãno sahaeraye, tiquina pehe tiqairo yere tãho duerari. ⁸ Sata niahye Cohãcã yere tiquina ojoari pũpũ: “Cohãcã tiqairore cahmeeñequinare tiqairo yere tãhoeyequina ijigũ yeri. Sa yero potota ijiyere tiquina tãhoepegũta tiquinare quehnoano tãhogũ yerari Cohãcã. Sata ijiducure tiquina vojopu gũhare”, ni ojoahye panopũre. ⁹ Sa yero ohõ saha niahye Davi panopũ cãano Cohãcãre:

Tiquina Israe masa tiquina bose decori tiquina bucuete decori yeve, ñano yere tiquina. Tiquina sa yegũ ihãagu buhiri dahreya mũhu. ¹⁰ Tiquinare quehnoano tuhoeragũ yeya mũhu. Sa ye sa buhiri tiducuyequina ijahro tiquina. Sa ye sa buña witiducuetã, niahye Davi Cohãcãre.

Judio masa ijieyequinare pecapũ waboriquinare yũhũoro Cohãcã

¹¹ ¿Judio masare Cristore tiquina cahmedagũ ihãano Cohãcã tiquinare cohãno, cohã bo cãno niboari, masa tãhotugũ? Cohã basi tiquinare. Sa cohãedaperota tiquina Cristore tiquina cahmedagũ vojopure judio masa ijieyequina pehere Cohãcã yũhũoro. Vojopure tiquinare tiqairo yequina wahagũ yeri Cohãcã. Tiquiro sa yegũ ihãahe ihquẽquina judio masa pehe tiquinare ihãa coboa. ¹² Judio masa tiquina yũhũducagũ tiquina quehnoano yeragũ apequina pehere ahri yehpa cãnare ihquẽquinare Cohãcã yũhũori. Tiquiro sa yũhũogũ tiquina pehere quehnoano wahari. Tiquiro sa yeriro yũhũoro, came judio masa pehe Cristore tiquina quehnoano wacũ tutua ducagũ pũritare ahri yehpa cãnare quehnoa yũhũoro waharota.

¹³ Vojopure musare judio masa ijienare yahugu tũ niaja. Cristo cũri yũhũre judio masa ijieyequinare buheacãre. Sa buhegu ihyo waro yei niedaja. ¹⁴ Sa niaja yũhũ acayere judio masare musare tiquina ihãa coogũ ye duagu. Cohãcã yũhũorina masa ijigũ ihãahe tiquina gũhu Cristore

cahme, tiqairo yũhũoriquina wahaboa. ¹⁵ Judio masare mehenogã cohãbo curero, judio masa ijieyequina pehere quehnoañe buheyere Cohãcã yahu dutiri. Ti buheyere tiquina tãhori bato Jesure tiquina wacũ tutuari bato ihquẽquina ahri yehpa cãnã Cohãcã yequina wahari. Sa ye judio masare mehenogã tiqairo cohãbo curegũ quehnoano wahari ahri yehpa cãnare. Tiquiro sa yeriro yũhũoro judio masare tiqairo yequina ijiatiquina tiqairo yegũ pũrita quehnoa yũhũoro waharota ahri yehpa cãnare. Tiquiro yequina tiquina wahagũ peyequina masa Jesure wacũ tutuayequinare pecapũ waboriquinare yũhũorota. ¹⁶ Ohõ saha ijire: Mehenogã trigo yũhũ Cohãcãre ño peo tiquina duhu peori yũhũ quehnoari yũhũ Cohãcã tiqairo yegũ, dũhsari yũhũ gũhu quehnoari yũhũta ijire. Sa yero yucũgũ ñũhcori quehnoagũ, tã dũpũri gũhu quehnoañe dũpũri ijire. (Ohõ saha mari ni queoye mehna buhegu Abrahã usã ñescu mũnãno quehnoariqiro tiqairo ijiriro sahata tiqairo panamena iji turiayequinapũ gũhu quehnoañequina ijietã Cristore wacũ tutuayequina ijie.)

¹⁷ Ihquẽquina sa ijiatiquina tiquina ijiepegũta apequina tiquina acaye pehere judio masare Cohãcã meheno cohãbo cureri. Olivo wame tidũ dũpũrire ihquẽ dũpũrire tiqairo date cohãboriro saha apequina judio masa pehere Cohãcã meheno cohãbo cureri. Sa yucũgũ dũpũrire cohãno tiqairo cohãri dũpũri ijiripũ apeye dũpũrire ñũscũ cãnũ olivogũ dũpũrire comesa doho ohõri. Sata Cohãcã musare judio masa ijienare Abrahã panamena iji turianare comesari musare, masa gũhare yũhũoro taro. ¹⁸ Musare tiqairo sa cũgũ “Judio masa yũhũoro quehnoana ijiaja usã”, ni tãhotueracãhã. Ahrire yũhũ yahuatire wacũña masa: Judio masa pehere bese mũhtahye Cohãcã. Sa besero tiquina acayuro ijiatiquirore cũahye Cristore, marine yũhũoro taro. Sa yena “Judio masa yũhũoro quehnoana ijiaja”, ni tãhotueracãhã masa.

¹⁹ Mũsa judio masa ijiena pehe ohõ saha niboã: “Ihquẽ ñahe dũpũrire tiqairo cohãboriro saha Cohãcã judio masare cohãbo cureri ihquẽquinare. Sa cohãbo cureri tiqairo apeye dũpũrire comesa tiqairo doho ohõno saha tiqairo yequina marine cũno taro”, niboã masa judio masare yũhũducã duana. ²⁰ Ti masa niñe ijirota ijire. Sa ijiepegũta tiquina Jesure tiquina wacũ tutuerari buhiri Cohãcã cohãbo cureri tiquinare. Sa yero masa gũhare Jesure masa wacũ tutueragũ tiqairo yequina ijianaja musare cũedaboaya. Sa yena “Judio masa yũhũoro quehnoana ijiaja usã”, niedacãhã masa. Sa niedana

Cohăcjure quehnoano ño peoya. ²¹ Ʋhmă tãñe đurpři yero saha judio masa pehe Cohăcjură yequina iji măhtahye. Tiquiro comesari đurpřire tiquiro doho ohôboriro saha camepă Cohăcjură tiquiro yequina masa pehere cŭahye. Sa yero tiquiro yequina iji măhtariquina judio masa tiquirore tiquina wacŭ tutueragă, tiquinare cohăbo cureri. Tiquinare tiquiro cohăriro saha masa găhure cohănota, tiquirore masa wacŭ tutueragă. Sa yena Cohăcjure quehnoano ño peoya masa. ²² Cohăcjură măsare quehnoano yeriquiro tiquiro ijigŭ masiña masa. Sa yena cua pesaró mehna buhiri dahreriquiro tiquiro ijigŭ găhure masiña masa. Tiquirore ño peoyequinare tiquiro buhiri dahrerota. Sa masa tiquirore ño peoducagŭ pŭrita măsare quehnoano yerota tiquiro. Ño peoerana ñañe đurpřire tiquiro cohăboriro saha masa găhure cohănota Cohăcjură. ²³ Sa yero judio masa tiquiro cohăbo cureriquina Cristore tiquina wacŭ tua đucagă, yucugă đurpřire masa tiquina doho ohôno saha Cohăcjură tiquiro yequina ijigŭ yerota tiquinare. Cohăcjură tiquiro sa yeati tutuayeré sŭori. Sa yero tiquiro tiquinare ihquëquinare tiquiro yequina wahagŭ yerota. ²⁴ Masa judio masa ijiena ijina, năcu cjană olivogă đurpři yero saha ijire masa. Sa ijina masa ijiepegă olivogă otedăpă năcu cje đurpřire masa tiquina ohôno saha Cohăcjură măsare tiquiro yequina ijigŭ yerota. Judio masa Cohăcjură tiquiro bese măhtariquina ijire. Sa yero tiquiro bese măhtarina masa ijierapegăta tiquiro yequina măsare ijigŭ yeri tiquiro. Judio măsare tiquiro bese măhtariquina pehere tiquiro yequina ijigŭ ye duare. Tire tiquiro yegŭ măsare yero yăhdworo mijoeda cjŭre.

Came judio masare pecapă waha-boriquinare yăhdworo Cohăcjură

²⁵ Yăhu acaye, ahrire masa tiquina masiedarire măsare yahutja. “Yojoapăre usă dihitaré besere Cohăcjură. Ʋsă pehe masi peho cja”, masa ni tăhotuerato saha ahrire yahutja. Ohô saha ijire: Yojoapăre peyequina judio masa Cohăcjure tuho duasi. Sa ye peyequina judio masa ijieyequinare Cohăcjură tiquiro queoriro puno tiquiro yequina tiquiro yeri bato judio masa pehe tiquirore cahmeeta. ²⁶ Tiquina sa cahmegă ijipihyequina tiquirore cahmeñequinare judio masa pecapă waha-boriquinare Cohăcjură yăhdworo. Cohăcjură yere tiquina ojoari pŭpă sata ni ojoahye:

Jerusalé wame tiri macapă judio masa ya macapă tiquinare yăhdwoatiquiro ahtarota. Sa yero Jacob panamena iji turiayequinare tiquina ñañe yerire tiquiro cohănota. ²⁷ Sa yegŭ tiquinare

yăhdwogă panopă tiquinare yăhu ni cŭiro sahata yei niaja, nidi Cohăcjură, ni ojoahye Cohăcjură yere tiquina ojoari pŭpă.

²⁸ Yojoapăre tiquina judio masa Cristo yere ño peoyequina Cohăcjure ihña tuhtire. Tiquina sa yegŭ yojoapăre masa pehe judio masa ijiena Cristore wacŭ tutua đucari. Judio masa pehere Cohăcjură bese măhtahye. Sa yero judio masa ñecusăma măna panopă cjeña tiquiro beseriquina tiquina ijigŭ yojoapă ijieyequina judio masa găhure tiquiro cahñe. ²⁹ Cohăcjură tiquiro ni cŭiro sahata masare tiquiro beseriro sahata potota yerota tiquiro. Tiquiro nidire bosí tiquiro. ³⁰ Panopăre masa găhu Cohăcjure yăhdwădăcari jiri. Yojoapăre judio masa Cohăcjure tiquina yăhdwădăcagŭ ihñano tiquiro masa pehere paja ihñano yăhdwori. ³¹ Yojoapăre judio masa tiquirore yăhdwădăcari. Tiquina sa yepegăta Cohăcjură măsare tiquiro paja ihñariro sahata tiquina găhure camepăre paja ihñanota. ³² Ohô saha ijire: Ijipihyequina măsare “Buhiri tiyequina ijire”, nine Cohăcjură. Sa yero ijipihyequina buhiri tiyequina tiquina ijigŭ ihñano ijipihyequinare paja ihña masine tiquiro.

³³ Yohou. Cohăcjură tutua yăhdwariquiro ijiajari. Quehnoano masi pehoriquiro ijire tiquiro. Sa yero tiquiro tăhotuyere, tiquiro yerire marine quehnoano masino basioerare. ³⁴ Ohô saha ni ojoahye Cohăcjură yere: “Cohăcjură mari păhtoro tiquiro tăhotuyere ne masa quehnoano masiedare. Sa ye masa tiquirore ‘Ohô saha yeya’, ni masiedare. ³⁵ Sa ye masa Cohăcjure apee borore tiquina ohori bato ‘Tiquiro marine wapamore’, ni masiedare masa”, ni ojoahye panopăre. ³⁶ Cohăcjură ijipihyere yeahye. Sa yero tiquiro tutuaye mehna ijipihyere ijigŭ yere tiquiro. Sa ye ijipihye tiquiro ye ijire. Tiquiro sa ijiriquiro ijigŭ ijipihye decori tiquirore ño peohna mari. Sata yeducu-hna.

12

Cohăcjură cahmeñene marine yeducu duti-ahye Babo

¹ Cohăcjură marine tutuaro paja ihñari. Tiquiro sa paja ihñariquiro ijigŭ ihñana yăhu acaye, masa basita Cohăcjură yere yeducuya. Sa yena quehnoañe pehere comesarina, ñañe mariena ijiaja. Masa sa ijigŭ tiquiro bucuerota. Sata yero cahmene marine Cohăcjure ño peona. Sa yegŭ măsare tire tutuaro ye dutiaja. ² Ahri yehpa cjeña ñañequina tiquina yero saha ye nemoedacăhña masa. Sa yena masa tăhotuyepăre quehnoañe pehere comesaya masa. Sa yena quehnoañe pehere comesarina ijinata masa. Sa comesana Cohăcjură

m̄sare tiq̄iuro ye dutirire masinata m̄sa. Sa yena quehnoañene, Cohãcjũ cahmeñene, ñañe marieñene masinata m̄sa.

³ Cohãcjũ yuh̄re paja ih̄ñano m̄sare buhe dutiro beseri yuh̄re. Sa yegũ ijipih̄tinare m̄sare ah̄rire ni dutieraja yuh̄. “Quehnoa yuh̄duana iji yuh̄ducaja usã”, ni tuh̄otueracãh̄ña. Sa tuh̄otu cãh̄ña. Jesure m̄sa wacũ tutuari bato Cohãcjũ m̄sare tiq̄iuro yedohoro punota “To punota ye masiaja usã”, ni tuh̄otuya. ⁴ Ohõ saha ni yahu nemoutja yuh̄: Mari omocari, mari dahpocãri, mari caperi, ijipih̄tiro mari pagurũ ijije peye ijire. Mari pagurũ ijije ihcã pagurũ ijipeta sijoro saha ijije dahraye dihitare cuore. ⁵ Mari queoye mehna buhegũ ah̄ri yero saha ijire. Cristo pagurũ yero saha ijina ihcã curuata ijiaja mari. Sa yena mari ijipih̄tina p̄yequina ijiepenata ihcã curuaruta ijiaja mari.

⁶ Cohãcjũ marine tiq̄iuro yedohoro punota tiq̄iuro tutuaye mehna ye dutire. Sa yero maripe sijoro saha ijije dahrayere cũre tiq̄iuro. Tiq̄iuro sa yegũ marine tiq̄iuro cũr̄ire mari quehnoano yeihna. Sa ye Jesu yequina ohõ saha yeahro. Ihquẽquinare Cohãcjũ tiq̄iuro yere yahuatiquinare cũre. Sa ye tiquina Cristore tiquina masino puno tiq̄iuro yere quehnoano yahuahro. ⁷ Ihquẽquinare Cohãcjũ masare yedohoatiquinare cũre. Sa ye tiquina masare quehnoano mehna yedohoahro. Ihquẽquinare Cohãcjũ masare buheatiquinare cũre. Sa ye tiquina masare quehnoano bueahro. ⁸ Masare bucuegũ yeatiquina ijije, tire quehnoano yeahro. Sa ye apee borore ohoyequina quehnoano mehna jeripohna ti, pajiro ohoahro. Sa ye apequinare dutiyequina quehnoano mehna dutiahro. Sa ye pejecuoyequinare yedohoyequina bucueye mehna yedohoahro.

Jesu yequina ijina ohõ saha yena ijija

⁹ Apequinare cah̄ña, potota cah̄ña tiquinare. Sa yena ñañene ih̄ña yabina ijija m̄sa. Sa yena quehnoañene pehere cahmeña. ¹⁰ M̄sa bahanare m̄sa cah̄ño sahata Jesu yequinare m̄sa mehna cjẽnare cah̄ña. Sa yena m̄sa mehna cjẽnare quehnoano cahme ño peoya.

¹¹ Cohãcjũ cahmeñene yena, ne capercãh̄ña. Sa yena mari puhtoro tiq̄iuro dutiriro sahata quehnoano bucueye mehna yeya.

¹² Cohãcjũ m̄sare pecarũ wahaborinare tiq̄iuro yuh̄duorinarũ ijire m̄sa. Tire masina bucueya m̄sa. Sa yena ñano yuh̄dãna, ihcãno sahaya “Cristo yere duhuari”, nina. Sa yena Cohãcjũre sa siniducuya.

¹³ Apee boro Jesu yequinare dahsagũ ohoya tiquinare. Sa yena m̄sa ye wuh̄userũ masa tiquina esagũ quehnoano jeripohna ti, tiquinare piti caya.

¹⁴ M̄sare ñano yeyequina pehere quehnoa dutiya. Sa quehnoa dutina, tiquinare “Ñano yuh̄ducũnahdo”, niedacãh̄ña.

¹⁵ Apequina bucueyequina mehna ijina m̄sa gũh̄ bucueya. Sa yena utiyequinare ih̄ñana, uti dohoya.

¹⁶ M̄sa mehna cjẽna mehna quehnoano ijija m̄sa. Sa yena “Apequina yuh̄duoro quehnoana ijiaja”, ni tuh̄otueracãh̄ña. Ohõ saha ni tuh̄otuya. “Ihyo ijina ijiaja”, ni tuh̄otu, ihyo ijijequina mehna ijija. Sa yena “Masi yuh̄ducũcana ijiaja usã”, ni tuh̄otueracãh̄ña.

¹⁷ Apequina m̄sare tiquina ñano yepegũta, tiquinare ñano ye cahmedacãh̄ña. Sa yena quehnoañene yeya, quehnoana m̄sa ijije tiyere ijipih̄tiyequina masa tiquina masiatire. ¹⁸ Tutuaro mehna quehnoañene yeya m̄sa, ijipih̄tiyequina mehna m̄sa quehnoano ijiatire. ¹⁹ M̄sa yuh̄ cah̄ña, yuh̄ acaye apequina m̄sare tiquina ñano yepegũta tiquina yero saha ñano ye cahmedacãh̄ña. Cohãcjũ pehe m̄sare tiquina ñano yeri buhiri buhiri dahreahro tiquinare. Cohãcjũ yere tiquina ojoari pũrũ sata ni ojoahye: “Yuh̄ pehe masa tiquina ñano yeri buhiri buhiri dahreacũ ijiaja. Sa yegũ potota buhiri dahreitja’, nine mari puhtoro”, ni ojoahye panopure. ²⁰ Sa yena ohõ saha yeya m̄sa: “M̄sare ih̄ña tuhtiriquiro tiq̄iuro w̄h̄a ahabagũ ih̄ñana nuña tiqiurore. Tiq̄iuro aco w̄hogũ ih̄ñana tiqiurore sihõña. M̄sa sa yegũ ih̄ñano tiq̄iuro b̄e tirota”, nine mari puhtoro. ²¹ Sa yena apequina m̄sare tiquina ñano yepegũta m̄sa pehe tiquinare ñano ye cahmedacãh̄ña. Sa yena tiquinare quehnoano yeya. Sa yena ñañene ye duerana ninata m̄sa.

13

¹ Ijipih̄tiyequina puhtoare Cohãcjũ dihitã cũre. Sa yero m̄sa puhtoa gũh̄re Cohãcjũ bese cũre. Tiq̄iuro sa cũriquina tiquina ijigũ ih̄ñana ijipih̄tina m̄sa tiquinare yuhtiya. ² Mari bui cjẽna puhtoare quehnoano yuhtierana Cohãcjũ tiq̄iuro bese cũriquinare yuh̄ducũcana niaga mari. Sa yuh̄ducũcariquinare Cohãcjũ pehe buhiri dahrerota. ³ Quehnoañequinare cuegũ yeatiquina ijierare puhtoa. Ñañene yeyequina pehere cuegũ yeatiquina ijire tiquina. Quehnoañene yeya m̄sa puhtoare m̄sa cueratire. Sa yena cuesi m̄sa. Quehnoañene m̄sa yegũ puhtoro pehe “Quehnoano yeri m̄sa”, m̄sare ninota. ⁴ M̄sa puhtoa m̄sare yedohoatiquinata

ijire m̄sa quehnoano ijiatire. Sa ye tiquina m̄sare buhiri dahreatiquinata ijire. Ijiphiyequina ñañene yeriquinare buhiri dahre dutiro Coh̄c̄j̄ tiquinare beseri. Tiquina sa buhiri dahreatiquina ijiḡ ñañene yena m̄sa p̄htoare cueya.⁵ Sa yena mari p̄htoare yuhtina, tiquina buhiri dahreatire cuerac̄h̄na. Sa yena ño peoye mehna “Quehnoañene yero cahmene yuh̄re”, ni tuhuro mehna quehnoano yuhtihna.⁶ M̄sa p̄htoare tiquina dahrayere c̄uri Coh̄c̄j̄. Sa yena tiquina dahrayere tiquina yeḡ ih̄ñana m̄sa p̄htoare wapa ne cohteyequinare wapa yere m̄sa.

⁷ Ijiphiyequinare m̄sa p̄htoare quehnoano yuhtiya. Sa yena p̄htoare wapa ne cohteyequinare wapa yeya m̄sa. Sa yena p̄htoa pehe apeyere tiquina wapa ye dutiḡ ḡuh̄re wapa yeya. Sa yena ijiphiyequina p̄htoare quehnoano ño peoya.⁸ Apequina masare wapamoedac̄h̄ña. Tiquinare cah̄no cahmene. Sa ye cah̄ nemono cahmene. Tiq̄uro cahap̄ ijiriq̄urore cah̄diq̄uro Coh̄c̄j̄ dutiyere ye peho tuhasariq̄uro ijire. Sa yena m̄sa caha ijiyequina ḡuh̄re cah̄ña.⁹ Oh̄ saha nine Coh̄c̄j̄ dutiye: “Apeq̄uro namono mehna ñano yerac̄h̄ña. Masare wej̄edac̄h̄ña. Yaquerac̄h̄ña. Apequina yere tutuaro cahmedac̄h̄ña”, ni yahure tiq̄uro dutiye. Apeye dutiye ḡuh̄ ijire. Sa ijiepeḡata ih̄c̄no dutirore masare yahuḡ tu niaja. Ti dutiro ih̄c̄no dutiro ijiepeḡata ti dutirore yena, Coh̄c̄j̄ dutiyere ye pehona niaja mari. “Muh̄ basi muh̄ cah̄no saha muh̄ caha ijiyequina ḡuh̄re cah̄ña”, nine ti dutiro. Ti dutirore yena Coh̄c̄j̄ dutiyere ye pehona ijina nine m̄sa.¹⁰ M̄sa caha ijiriq̄urore cah̄na, tiq̄urore ñano yesi. Sa yena tiq̄urore cah̄na, Coh̄c̄j̄ dutiyere ye pehona nine m̄sa.

¹¹ Sa yena car̄ñequina yero saha ijierac̄h̄ña m̄sa. Quehnoano wac̄ masiña. Jesure quehnoano wac̄ cohteya. Jesu marine tiq̄uro tojoa ta, tiq̄uro neatomehenoḡa d̄hsatj̄ãre. Tiq̄urore mari coã masi d̄cana, “Yoari batop̄ marine yuh̄doro tarota Jesu”, ni tuhutumi. Mari sa ni tuhotepeḡata yojop̄re mehenoḡa d̄hsare Jesu marine tiq̄uro yuh̄doro ahtato. Ahri yuh̄ nidire masine m̄sa.¹² Yojop̄re ñañene tiquina yeri deco ijire. Cristo tiq̄uro ahtaḡ ahri deco pihtirota. Tiq̄uro ahtato mehenoḡa d̄hsare. Tiq̄uro ahtato mehenoḡa d̄hsaḡ ih̄ñana ñañene duhu pehoc̄h̄na mari. Sa yena Coh̄c̄j̄ cahmeñe pehere yeihna mari. Sa Coh̄c̄j̄ yere yena, ñañene duhu pehoc̄h̄na mari.¹³ Sa yena quehnoañe pehere yeihna. Sa yena bose decorire yena ñano yerac̄h̄na. Sa yena queherac̄h̄na. Sa yena w̄ana

tina, apequina mehna ñano yena, cahme d̄se tini wiana, ih̄ña coona ijierac̄h̄na.¹⁴ Sa yena mari p̄htoro Jesucristo tiq̄uro yedohoye mehna quehnoano ijiya m̄sa. Sa yena ñañene m̄sa tutuaro cahmeñene yerac̄h̄ña.

14

M̄sa acayere Jesu yequinare “Ñano yee nine”, ni yahu wajaerac̄h̄ña
(1 Co 8.1-13)

¹ Jesure wac̄ tutuariq̄uro Jesu yere tiq̄uro quehnoano masiedariḡ tiq̄urore quehnoano yedohoya. Sa yena Jesu yere tiq̄uro quehnoano masiedariḡ ih̄ñana “Ne masiedare muh̄”, ni cahme d̄se tutuerac̄h̄ña tiq̄uro mehna.² “Ijiphiyere ihya masiaja yuh̄”, ni tuhuture apequina. Sa ye apequina pehe Jesu yere quehnoano masiedar̄ñe, wahiquinare ihyeraye, oteye d̄ca dihitarre ihyare.³ Ijiphiyere ihyequina pehe oteye d̄care ihyequinare ih̄ña tuhtierac̄h̄do. Sa ye oteye d̄ca dihitarre ihyequina pehe ijiphiyere ihyequinare “Ñano yee nine”, ni yahu wajaerac̄h̄do. Ijiphiyere ihyequina pehe Jesure wac̄ tutuayequina tiquina ijiḡ Coh̄c̄j̄ tiquinare tiq̄uro yequina ijiḡ ye tuhasari. Tiq̄uro yequina tiquina ijiḡ ih̄ñane wahiquinare ihyequina pehe tiquinare yahu wajaerac̄h̄do.⁴ Jesure wac̄ tutuayequina Coh̄c̄j̄ cahac̄j̄ena ijire. Tiquina sa ijiḡ ih̄ñana m̄sa tiquinare yahu waja masiedare. Jesure wac̄ tutuayequina Jesu cahmeno saha tiquina yeraḡ ih̄ñano tiq̄uro dihita tire yahu masine. Tiquina quehnoano yeḡ ḡuh̄re tire yahu masine tiq̄uro tiquinare. Sa yero tiq̄uro pehe “Ñano yeri muh̄”, ni yahuatiq̄uro ijirota. Sa yero tiq̄uro cahac̄j̄enare quehnoañene yeducu masiḡ yeriq̄uro ijire Coh̄c̄j̄.

⁵ Ihq̄equina ih̄c̄a decore Coh̄c̄j̄re tiquina ño peoati deco yere. Sa ye apeye decorire “Dahraye decori ijire”, ni tuhuture. Apequina pehe decoripe Coh̄c̄j̄re ño peoducure. Tiquina ih̄c̄no saha sa yerariquina ijiepeti ijiphiyequina oh̄ saha ni tuhotauro: “Jesu tiq̄uro cahmeno sahata quehnoano yena niaja”, ni tuhutu masiah̄do.⁶ Mas̄no ih̄c̄a deco tiq̄uro ño peoati deco yere Coh̄c̄j̄re ño peoro taro. Sa yero decoripe ño peoducuriq̄uro Coh̄c̄j̄re quehnoano ño peore tiq̄uro ḡuh̄. Sa yero sijieri q̄uro ḡuh̄ ihyaro, Coh̄c̄j̄re “Quehnoare”, ni sinine. Sa yero tiq̄uro ḡuh̄ ihyariq̄uro ijiro Coh̄c̄j̄re ño peoriq̄uro ijire. Sa yero ihq̄e ihyayere sijiriq̄uro pehe tiq̄uro sijire Coh̄c̄j̄re ño peoro taro. Sa yero tiq̄uro ḡuh̄ Coh̄c̄j̄re “Quehnoare”, ni sinine.

⁷ Mari cahmeñe dihitare yena iji masiedaja mari. Cristo ijire mari puhtoro. Sa yero mari catigū mari yariagū gūhare mari puhtoro ijire. ⁸ Yojopure mari catiro puno Cristo yere yeana ijiaja mari. Tiquiro yequina ijiaja. Mari yariari batopu gūhare tiquiro yequina ijinata. Sa yero mari catigū mari yariagū gūhare Cristo mari puhtoro ijire. ⁹ Sata ijire. Cristo yaria masa mujahye, catiyequina, yariariquina gūhu tiquina puhtoro ijiro taro.

¹⁰ ¿Duhšana tana masa acayurore Jesu yaquirore “Ñano yero nine”, ni yahu waja duajari masa? ¿Duhšana tana masa acayurore cahata diho cū duajari masa? Mari ijipihitina Cristo caha mari ducugū tiquiro pehe mari yerire masi pehoro, marine beserota quehnoana, ñana gūhare. Tiquiro sa beseatiquiro ijigū masa acayurore “Ñariquiro ijire” ni yahu wajaeracāhña. ¹¹ Cohācjū yere tiquina ojoari pūpu ohō saha ni ojoahye:

Ohō saha nidi mari puhtoro: “Ahri potota ijire. Ijipihitiyequina yūhu potodusepe curi mehna quehe saeta. Sa ye ijipihitiyequina ‘Quehnoagu, tuuagu ijire’, ni, yūhare ño poeta”, nidi mari puhtoro, ni ojoahye.

¹² Sa yena ijipihitina mari yerire Cohācjū siniturota. “¿Duhše yena sa yeari?” ni siniturota. Tiquiro sa ni sinitugū yūhtiro cahmene marine.

Musa acayurore ñano yegū yeracāhña masa

¹³ Sa yena mari mehna cjēna gūhare “Ñañequina ijire”, ni yahu wajaeracāhña. Sa yena mari acayurore Jesu yaquirore ñano yegū yeracāhña. ¹⁴ Yūhu Jesucristo yaquiro ijiaja. Sa yegu ahri yūhu niatire quehnoano masiaja yūhu: Yūhu pehe ijipihitiye ihayere yūhu ihyagū yūhu ihyari buhiri, buhiri mariedare. Apequiro pehe “Ahri ihayere ihyagu ñano yei niaja”, ni tuhoturiquiro pehe ihyaro, potota buhiri tiriquiro ijire. ¹⁵ Ti potota ijire. Masa apee borore masa ihyagū masa acayuro musare ihña cū ihyaro, “Yohou, ñano yei niaga yūhu”, ni pajiro tuhotuboaga tiquiro. Tiquirore sa ihña cū ihyagū yena, tiquirore cahiedare masa. Apee borore masa ihyagū ihña cū ihyaboaga tiquiro. Sa ihyaro “Ñano yei niaja”, ni tuhoturo Cristore duhuboaga. Masa acayuro ye buhirire yariari Cristo. Sa yena “Cristore duhuari”, nina tiquirore ihña cūgū yeracāhña. ¹⁶ Sa ye “Ahri usā yeri quehnoariaga”, masa ni tuhotugū apequina musare yahu wajaboaga. Tiquina sa yahu wajagū ihñana, masa sa yerire ye nemoedacāhña, “Yahu waja nemoari” nina. ¹⁷ Cohācjū pehe mari puhtoro ijire. Tiquiro sa ijigū mari ihyaye, mari sihniñe gūhu

sa iji cāno nine. Ihyo warota ijire. Sa ye mari puhtoro tiquiro dutiyere, quehnoañe gūhare mari yegū ti waro ijiro nine. Sa ye apequina mehna mari quehnoano ijigū gūhare quehnoañe waro ijiro nine. Sa ye Espiritu Santo yedohoye mehna mari bucuegū quehnoañe waro ijiro nine. ¹⁸ Sata Cristo yere yeriquirore ihñañe Cohācjū, masa gūhu “Quehnoano yeri mūhu”, nieta.

¹⁹ Sata yeihna mari pūrita quehnoano mari ijiatire, mari basi mari cahme yedohoatire. Sa yena Jesure wacū tutua nemonata. ²⁰ Apequiro Jesu yaquiro tiquiro ihya dutierarire masa ihyagū ihñano tire coaeraro, Cohācjū yere cohāboaga. Sa yena tire ihyeracāhña. Potota ijipihitiye ihyaye quehnoañe ihyayeta ijire. Sa ijiepegūta apee borore mari ihyagū apequiro “Ñañe ihyaye ijiaja ahri”, nidiquiro ijieperota ihña cū ihyaboaga. Sa ihyaro ñano yero niaga tiquiro. Sa yena marine tiquiro ihña cū ihyagū, mari gūhu ñano yena niaja.

²¹ Wahiquina dihire masa ihyagū ihñano, vinore masa sihniñe ihñano, apequiro Jesu yaquiro “Tire ihyagu ñano yei niaga yūhu”, ni tuhoturiquiro ijieperota tiquiro gūhu ihña cū, ihya sihniñe. Sa ni tuhoturiquiro pūrita ihya sihniñe ñano yero nine. Sa yena tiquiro ñano yerato saha Jesure tiquiro wacū tutua duherato saha wahiquina dihire, vino gūhare masa pehe masa duhugū quehnoañe. ²² “Ijipihitiyere ihya masiaja”, ni tuhotuna, tire Cohācjū dihitare yahuya. Ñañene yerariquiro, “Quehnoano yei niaga yūhu”, ni tuhoturiquiro bucuquiro ijire. ²³ Apequiro pehe “Ahri ihyayere ihyagu ñano yei niboaga yūhu”, ni tuhoturiquiro ijieperota ti ihyayere ihyaro, buhiri tiriquiro ijire tiquiro. “Ahrire ihyagu potota quehnoañene yei niaja”, ni tuhotuerare tiquiro. Sa ni tuhotueraro tire ihyaro, tiquiro ihyari buhiri buhiri tire tiquiro. “Quehnoañene yei niaja”, ni tuhotueraro tire yero, buhiri tire tiquiro.

15

Mari caha ijiequinare quehnoano yeihna

¹ Mari Cohācjūre quehnoano wacū tutuana pehe wacū tutuera cjūñequinare yedohouhna. Sa yena mari ye dihitare yeducueracāhña. ² Sa yena mari caha ijiequinare Jesu yequinare quehnoano yeihna tiquina quehnoano ijiatire, Cohācjūre tiquina quehnoano wacū tutua nemoatire. ³ Cristo pehe tiquiro ye dihitare yerahye. Sata nine Cohācjū yere tiquina ojoari pūpu. Ohō saha ni ojoahye: “Cristo ohō saha nidi Cohācjūre: ‘Mūhu pehere ñano yahuducuboriquina yūhu pehere ñano yahuducuri’,

nidi Cristo Cohãcjäre”, ni ojoahye panopure. (Sa tiquina ñano yahuducunohriquiuro ijiro Cristo tiquiuro Pacuro ye pehere ye basaro niahye.) ⁴ Panopu Cohãcjü yere tiquina ojoari püpu tiquina ojoahye mari quehnoano buheatire. Sa yena ti püre buhena bucueaja. Sa buhena mari ñano yuhduna ihcãno sahanata. ⁵ Cohãcjü masare tutuagü yeriquiuro bucuegü yeriquiuro masare ijipihtinare ihcãno saha quehnoano ijigü yeahro, Cristo cahmediro sahata. ⁶ Sata yeahro tiquiuro masa ijipihtina ihcãno mehna Cohãcjäre mari puhtoro Jesucristo Pacurore “Quehnoagu, tutuagu ijire”, ni masa ño peoatore.

Judio masa ijieyequinare quehnoañe buheyere yahu ducachye

⁷ Cristo marine tiquiuro yeriro sahata masa mehna cjënare quehnoano cahme piti caya. Masa sa yegü ihñañe “Potota Cohãcjü quehnoariquiuro ijire”, ni ihñaeta masa pehe. ⁸ Masare ahrire niita ni-aja: Judio masare yedohatiquiuro ahtahye Cristo. Cohãcjü tiquiore ohoro judio masa usã ñecusumua munapure panopu cjënare tiquiuro ni yahuriro sahata yero niahye. Tire tiquiuro yerire masare masigü yeatiquiuro ahtahye Cristo. ⁹ Masare Cristo tiquiuro yedohogü Cohãcjü paja ihñano nine tiquinare. Tiquiuro sa paja ihñagü judio masa ijieyequina gühu Cohãcjäre “Quehnoagu, tutuagu ijire”, ni, ño peore yojopure. Tiquina gühure tiquiuro yequina ijigü yero ahtahye Cristo. Cohãcjü yere tiquina ojoari püpu sata ni ojoahye:

Cristo ohõ saha niahye Cohãcjäre:

Judio masa ijieyequina caha mähure “Cohãcjü quehnoagu, tutuagu ijire”, ni ño peoutja. Sa yegü tiquina caha basagu mähure basautja, niahye Cristo Cohãcjäre, ni ojoahye panopure.

¹⁰ Sa yero ohõ saha ni ojoahye tja:

Cohãcjü tiquiuro beseriquina judio masa mehna cahme bucueya masa gühu judio masa ijiena, ni ojoahye panopure.

¹¹ Sa yero ohõ saha ni ojoahye tja:

Judio masa ijieyequina ijipihtiyequina Cohãcjäre ño peohro. Sa ye ijipihtiro cjëna tiquiore “Quehnoagu, tutuagu ijire”, ni ño peohro, ni ojoahye.

¹² Sa yero Isaia munano gühu ohõ saha ni ojoahye:

Isaí panamino iji turiariquiuro ahtarota. Sa ahtaroto judio masa ijieyequina puhtoro ijirota tiquiuro. Sa ye tiquina pehe tiquiore wacü tutua, tiquinare pecapu wahaboriquinare tiquiuro yuhdootire masieta tiquina, ni ojoahye panopure.

¹³ Cohãcjü marine yuhduoro ahtatiquiuro quehnoano masare bucuegü yeahro. Sa yero Jesure masa wacü tutuagü masare quehnoano ijigü yeahro tiquiuro. Masare tiquiuro sa yegü masare tiquiuro yuhdootire Espiritu Santo tutuaye mehna bucueye mehna masi nemonata masa.

¹⁴ Ahrire masare yuhu yahuatire quehnoano masiaja. Masa pehe quehnoana ijire. Sa yena Jesu yere quehnoano masine. Sa masina masa mehna cjënare cahme quehnoano yahu, buhe masine masa. ¹⁵ Masa sa masina masa ijiepegüta ihgué tahari ahri püpure masare cuero marieno quehnoano yahu peho ojoagu masa wacüato saha. Cohãcjü yuhure cahno masare buhe dutiro cüri yuhure. Sa yegü tiquiuro cüriro sahata yegü tagu masare wacügü yei. ¹⁶ Yuhure tiquiuro sa cügü Jesucristo cahacjü ijigü tiquiuro yere quehnoañe buheyere judio masa ijieyequinare buheaja yuhu. Yuhu sa buhegü tuhoye judio masa ijieyequina Jesure wacü tutuaeta. Tiquina sa wacü tutuagü ihñano tiquinare Cohãcjü “Quehnoañequina ijire”, ni ihñanota. Sa yero tiquinare cahmenota. Sa yero Espiritu Santo pehe Cohãcjü yequina ijigü yerota tiquinare. Pahia ujäa muo Cohãcjäre tiquina ohoriro sahata, tiquinare ñañe marieñequinare Cohãcjäre oho duaja.

¹⁷ Sa yegü Jesucristore wacü tutuagu ijigü Cohãcjü tiquiuro buhe duti cüriagu ijigü bucueye mehna buheaja masare. ¹⁸⁻¹⁹ Apequina judio masa ijieyequinare Cristo yedohoye mehna tiquinare yuhu buhegü tuhoye, yuhu yerire ihñañe, Cohãcjü tutuaye mehna ye ihñorire ihñañe, Espiritu Santo tiquiuro tutuaye mehna tiquina Cristore wacü tutuari. Ahri püritare masare pototi yahu duaja. Apequinapu tiquina yerire yahueraja. Jerusalëpu coä yuhu buhe ducari bato ijipihtiyé macaripu buhe ducäu. Tee Ilirico yehrapu gühure Cristo ye buheye quehnoañe buheyere buhei esau. ²⁰ Sa yegü Cristo yere masieñequina dihitare quehnoañe buheyere tutuaro buhe dua, yuhu mehna cjëna tiquina buhenohriquinapure buhe dueragu. ²¹ Sata ni ojoahye Cohãcjü yere tiquina ojoari püpu: Panopu tiquiore ne tuhoerariquina tiquiore masieta. Sa ye tiquiore ne tuhoerariquina tiquiuro yere quehnoano tuhoeta, ni ojoahye Cohãcjü yere tiquina ojoari püpu.

Pablo Romapu tiquiuro wahatire yahuahye

²² Sa yegü ijipihtiro cjënare buherigu ijigü peye tahari masa cahapu waha duepegüta waha masiedahti. ²³ Yojopure ahri yehparipure yuhu dahrage pihtia wahari. Sa pihtigü ihñagü, peye cahmari masa

cahapu waha duarigu ijigu masa cahapu wahaŋta. ²⁴ Sa ye Espaŋaru wahagu masare toru ihna yuhdu cāŋta. Sa yegu masa mehna bucuaitja. Sa yegu masa mehna yuhu mehenogā ijiri bato yuhare masa yedohoye mehna Espaŋaru wahaŋta. ²⁵ Yojoŋare Jerusalēru wahaŋ tuu niaja. To cjēnare Jesu yequinare yuhu acayere niŋerure sogu wahaŋ tuu niaja. ²⁶ Macedonia yehpa cjēna, Acaya yehpa cjēna gāhu quehnoano mehna Jesu yequinare Jerusalēru ijieyeyequinare pejecuoyequinare niŋerure ohori tiquinare yedohoye. Sa yegu tiquinare tire oho basagu wahaŋ tuu niaja. ²⁷ Ti niŋerure ohoye, quehnoano mehna ohori tiquina. Tiquina sa yegū quehnoarīne, yuhu tuhotugū. Tiquinare judio masa ijieyeyequinare judio masa pehe Cohācjū yere buhe mahtari. Sa ye tiquinare tiquiuro yuhduoato gāhare buhe mahtari judio masa. Tiquina sa buhegū ihŋagū Macedonia cjēna, Acaya cjēna mehna tiquinare tiquina yedohogū quehnoarīne yuhare. Tiquinare tiquina buheri wapa yero saha ijire ti, yuhu tuhotugū. ²⁸ Sa yegu Jerusalē cjēnare ti niŋerure oho tuhasagu Espaŋaru wahaŋta. Toru wahagu masare ihna yuhdu cāŋta. ²⁹ Sa yegu masa cahapu yuhu wahagū Cristo yere masare yuhu buhegū tiquiuro masare quehnoano jeripohna tigū yerota.

³⁰ Yuhu acaye, mari puhtoro Jesucristore wacū tutuare masa. Sa yena Espiritu Santo tutuaye mehna apequinare cahine masa. Sa yena yuhu gāhare tutuaro sini basaya Cohācjūre. ³¹ Ohō saha ni sini basaya: Judea yehpa cjēna Jesure ŋo peoyequina yuhare tiquina ŋano ye duagū Cohācjū yuhare tiquiuro yedohoato saha sini basaya. Sa yena Jerusalē cjēnare niŋerure yuhu ohogū tiquina tire bucueye mehna tiquina ŋeheatō saha sini basaya. ³² Masa sa sinigū Cohācjū cahmegū bucueye mehna masa cahapu wahaŋta. Sa yegu masa mehna ijigu bucueye mehna soutja. ³³ Cohācjū marine quehnoano ijigū yeriquiro masa mehna ijiducuahro. Sata ijiaho.

16

Pablo quehnoa dutiahye

¹ Mari acayoro Febe wame tiricoro masa cahapu waharo taro nine. Ticoro Cencrea wame tiri macapu Jesu yequinare cahmecoafnequinare yedohoricoro ijire. ² Sa yero peyequinare yedohoricoro yuhu gāhare yedohoricoro ijiri ticoro. Sa yero mari puhtoro Jesu yacoro ijire. Sa yena ticorore quehnoano mehna piti caya. Sata yero cahmene marine Jesu yequinare. Sa yena apee boro ticorore mariedagū ihŋana ticorore ohoya masa.

³ Aquila, tiquiuro namono Priscila gāhu quehnoahdo. Jesucristo yere yuhu buhegū tiquina gāhu yuhu mehna dahrari.

⁴ Tiquinare mehenō wejēmedi, apequina yuhare tiquina wejē duagū tiquina yedohori buhiri. Sa yegu tiquina mehna bucuēja yuhu. Sa ye judio masa ijieyeyequina Jesu yequina ijipihtieyequina tiquina gāhu tiquina mehna bucuere. ⁵ Sa ye Aquila ya wāhuru cahmecoafnequina gāhu Jesu yequina quehnoahdo. Yuhu cahŋiŋiquiro Epeneto gāhu quehnoahdo. Tiquiuro Asia yehpa cjāno toru ijiro Cristore wacū tutua mahtariquiro ijiri. ⁶ Maria gāhu quehnoahdo. Ticoro masa mehna tutuaro dahrari. ⁷ Yuhu acaye Andronico, Junia gāhu quehnoahdo. Peresupu yuhu ijigū tiquinata yuhare piti tiyequina ijiri. Sa ye yuhu pano Cristore wacū tutua mahtari tiquina pehe. Apequina Jesu cūriquina pehe tiquinare “Potota quehnoafnequina ijire”, ni yahuducure.

⁸ Amplia gāhu yuhu cahŋiŋiquiro Jesu yaquiuro ijire. Tiquiuro quehnoahdo. ⁹ Sa yero Urbano gāhu quehnoahdo. Tiquiuro gāhu mari mehna Cristo yere dahrari. Sa yero yuhu cahŋiŋiquiro Estaqui quehnoahdo. ¹⁰ Sa yero Apele gāhu quehnoahdo. Tiquiuro potota quehnoano Jesure wacū tutuare. Tiquiuro yerire ihŋana tire masiaja mari. Sa ye Aristobulo ya wāhu cjēna ijipihtieyequina tiquiuro namono tiquiuro pohne gāhu quehnoahdo. ¹¹ Yuhu acayoro Herodiō quehnoahdo. Sa ye Narciso ya wāhu cjēna Jesu yequina quehnoa pihti cāhdo. ¹² Sa ye Trifena, Trifosa gāhu quehnoahdo. Ti numia mari puhtoro Jesu ye dahrayere tutuaro yere. Mari cahŋicoro Pérsida gāhu quehnoahdo. Ticoro mari puhtoro yere tutuaro dahrari. ¹³ Sa yero Rufo mari puhtoro Jesure quehnoano wacū tutuariquiuro, tiquiuro yere quehnoano yeriquiro quehnoahdo. Tiquiuro pacoro gāhu quehnoahdo. Ticoro yuhu paco yero saha ijiricoro ijire. ¹⁴ Asincrito, Fle-gonte, Herma, Patroba, Herme, apequina Jesu yequina tiquina mehna cjēna gāhu quehnoahdo. ¹⁵ Sa ye Filologo, Julia, Nereo, tiquiuro bahoro gāhu, Olimpa, apequina tiquina mehna cjēna gāhu Jesu yequina quehnoahdo.

¹⁶ Sa yena masa mehna cjēnare piti cana, quehnoano mehna piti caya. Ijipihtieyequina Jesu yequina ijipihtiro cjēna masare quehnoa dutire.

¹⁷ Yuhu acaye, masa mehna cjēna ihquēquina masare cahme ihŋa tuhtigū yeyequina, cahme tu wagū yeyequina ijīnohti. Sa ye masare Jesu ye buheyere dojomehnene. Sa yena sa yeyequinare ihŋana quehnoano yeya, “Dojomehneari”, nina. Sa ijieyeyequinare piti tieracāhŋa. ¹⁸ Sa

yeyequina mari puhtoro Jesucristo yere yerare. Ñañene tiquina tutuaro cahmeñe dihitare yere. Sa ye quehnoano taho coaro dero majare doco ni meho buhere quehnoano masieñequinare. Tiquina sa ni mehogü tiquinare quehnoano tühore. Sa yena tiquinare piti tieracähña masa.¹⁹ Musa pehe Jesure quehnoano yuhtina ijiñhohti. Tire ijipihtiyequina masine. Sa quehnoano yuhtina masa ijigü bucueaja yuhu. Sa yegu quehnoano masa yeatire masa masigü cahmeaja yuhu. Sa yegu ne ñañene masa yeragü gähure cahmeaja yuhu.²⁰ Sa yero Cohäcjü marine quehnoano ijigü yeriquiro mehenogã bato musare yedohorota “Satanare yuhducaahro”, nino. Mari puhtoro Jesucristo mehna musare quehnoa dutiaja.

²¹ Timoteo yuhu piti musare quehnoa dutire. Yuhu acaye judio masa gähü, Lucio, Jasõ, Sosipate musare quehnoa dutire.

²² Yuhu Tercio ahri püre Pablöre oja basagu ijiaja. Yuhu Jesu yaquiro ijigu musare Jesu yequinare quehnoa dutiaja.

²³ Gayo ya wuhuru ijigu niaja yuhu Pablo. Tiquiro ya wuhuru Jesu yequina cahmecoare. Tiquiro gähü musare quehnoa dutire. Sa yero Erasto ahri maca cjëna puhtoare niñeru ihbo cohteriquiro musare quehnoa dutire. Mari acayuro Jesu yaquiro Cuarto gähü musare quehnoa dutire.

[²⁴ Mari puhtoro Jesucristo mehna musare ijipihtinare quehnoa dutiaja.]

Pablo Cohäcjäre ño peoro oja bato tiahye

²⁵⁻²⁷ Mari puhtoro Jesucristo ye buheye mehna quehnoañe buheye mehna Cohäcjü musare tiquirore wacü tutua nemogü ye masine. Panopure quehnoañe buheye ne masare yahuerari buheye ijimahye. Yojobure Cohäcjü yere yahu mahtariquina mana tiquina ojoari mehna ti buheyere yahuri jire. Yuhu gähü tire buheaja. Ti buheyere ijiphtiro cjëna yojobure masine. Cohäcjü sa ijiducuriquiro tiquiro dutiro sahata tiquina masine. Ti buheyere tiquirota yahu dutiahye masa tiquirore tiquina yuhtiatire, tiquirore tiquina wacü tutuati gähure. Sa yena tiquirore “Potota quehnoagu, tutuagu ijire”, ni ño peouhna. Tiquiro ihcäquirota Cohäcjü dihita quehnoano masi pehoriquiro ijire. Jesucristo yedohoye mehna Cohäcjäre sa ño peoducuuhna mari. Sata ijiducuuhna.

1 Corintios

Pablo Cohācjū yequinare Corinto cjēnare ojoa ohoahye

¹⁻² Yūhū Pablo, Jesucristo yere buhe duti tiqiro cūrigū ijiaja. Cohācjū tiqiro cahmeno sahata Jesu tiqiro cūcājure beseahye yuhare tiqiro. Mūsare Cohācjū yequinare Corinto cjānare ojoa ohoaja yuhū. Sostene mehna quehnoa dutiaja mūsare. Ahriqiro gūhū mari acayaro Jesu yaqiro ijire. Jesucristo mehna cjāna mūsa ijigū Cohācjū yequina ijiana beseahye Jesu mūsare. Sa ye ijipihyequina apequina mari pūhtoro Jesucristore sinīnequina ijije, tiquina gūhū Cohācjū yequinata ijire. Tiquina sa ijigū Jesucristo pehe mari ijipihitina pūhtoro ijire. Sa yena mūsare ijipihitinare ojoa ohoaja yuhū. ³ Sa yena Cohācjū mari Pacū, mari pūhtoro Jesucristo mehna mūsare quehnoa dutiaja. Tiquina yedohoye mehna quehnoano ijiya mūsa.

Jesucristo pehe mūsare quehnoano ye basahye mari Pacū tiqirore dutiro sahata

⁴ Jesucristo yequina mūsa ijiri bato tiqiro pehe mūsare quehnoano ye basare Cohācjūre. Tiqiro sa yegū ihñagu, Cohācjūre “Quehnoare”, niducuaja yuhū decoripe. ⁵ Cristo yequina mūsa ijigū ihñano Cohācjū pehe mūsare quehnoano ijigū yere. Sa yero tiqiro yere mūsare apequinare quehnoano yahuanare yeri tiqiro. Sa yero tiqiro yere quehnoano masigū yeri mūsare. ⁶ Cristo yere mūsare usā buheriro sahata sata wahari mūsare, Cristo yequina mūsa wahagū. ⁷ Sa yero Cohācjū mūsare quehnoano yedoho peho cānota. Mari pūhtoro Jesucristo ahi yehpapū tiqiro tojoa tatire mūsa cohtero watoa Cohācjū pehe mūsare sa yedohoducurota. ⁸ Sa yero Jesucristo pehe mūsa ñaife yerire cohāriqiro ijire. Tiqiro sa ijiriqiro ijigū mūsa pehe decoripe, ahri deco pihitigūpū gūhūre mūsa ñaife yerire tiqiro cohānohrina ijiducunata. Sata tiqiro mūsare yedohorota. Sa yena Jesucristo mari pūhtoro tiqiro tojoa tagūpūre ñaife buhiri mariena ijinata mūsa. ⁹ Tire Cohācjū tiqiro nidiro sahata tiqiro yere. Tiqiro macno mari pūhtoro Jesucristo yequina ijanare marine beseahye. Tiqiro sa besenohrinare Jesu yequina ijigū yeri marine.

Jesu yequina Corinto cjēna cahmecoañe cahme tuhtiahye

¹⁰ Yūhū acaye, mari pūhtoro Jesucristo tiqiro dutiro mehna mūsare tutuaro dutigū tagū niaja ahrire: Mūsa basi cahme tuhtieracāhña. Sa yena mūsa basi cahme

tu waeracāhña. Ihcā curuata ijiya mūsa. Sa yena sijoro saha ni yahuducueracāhña mūsa basi. Sa yena mūsa yeatire tūhotuna, ihcāno mehna yeya mūsa.

¹¹ Yūhū acaye, mūsa basi cahme tuhtina niñohiti mūsa. Sa ni yahuri Cloe ya wūhū cjēna yūhūre. ¹² Ihquēquina mūsa mehna cjēna ohō saha ni cahme tuhtihiti: “Pablo ya curua cjāna ijiaja usā”, ni cahme tuhtihiti ihquēquina mūsa. Sa ye apequina “Apolo ya curua cjāna ijiaja usā”, niñohiti tiquina gūhū. Sa ye apequina pehe “Pedro ya curua cjāna ijiaja usā”, niñohiti tiquina gūhū. Sa ye apequina pehe “Cristo ya curua cjāna ijiaja usā”, niñohiti tiquina gūhū. ¹³ Mūsa sa niepegāta Cristo yequina ihcā curuata ijiaja mari. Mari basi cahme tu wa doco masiedaja mari. Ihcā curuata ijiaja mari. Yūhū Cristo ijieraja. Tiqiro yero saha mūsa ye buhirire curusapū yariarigū ijierū. Tutuayere cūoeraja. Sa yegū ihyo ijigū ijiaja. Sa yero mūsare apeqiro wame yero, Cristo ye tutuaye mehna wame yeri. Yee tutuaye mehna wame yerari. ¹⁴ Mūsare, mūsa mehna cjēna gūhūre wame yerū yūhū. Crispore, Gayo gūhūre tiquina dhitare wame yei. Apequina pehere wame yerarigū yūhū ijigū quehnoare yūhūre. ¹⁵ Peyequina masare wame yerigū yūhū ijigū “Pablo ye tutuaye mehna tiqiro wame yeri usāre”, ni ihñaboaga mūsa yūhūre. Sa yegū tire cahmedū. ¹⁶ Estefana ya wūhū cjēna gūhūre wame yei yūhū. Topequinata wame yei yūhū. Apequinare yūhū wame yeriqinare boaa wahau yūhū. ¹⁷ Cristo yūhūre ohoro, wame yeacjūre cūdari tiqiro yūhūre. Quehnoañe buheyere buheacjū pehere cūri yūhūre. Cristo curusapū tiqiro yariarire yahuye buheye marine quehnoana wahagū yere. Tiqiro sa yepegāta quehnoañe buheyere yūhū esa tuharo yūhū buhegū yūhū pehere ihña wahāboaga mūsa. Mūsa sa ihña wahāna quehnoañe buheye pehere ño peoeraboaga mūsa. Sa yena quehnoana wahaeraboaga. Sa yegū Jesu ye buheyere buhegū yūhū esa tuharo yūhū masiñe mehna buheraja yūhū.

Cohācjū tiqiro tutuayere tiqiro masiñe gūhūre cūriqiro ijire Cristo

¹⁸ Pecapū butiatiquina pehe Cristo curusapū tiqiro yariarire yahuye buheyere “Tūho masiñequina ye buheye ijire ti”, nimene butiatiquina pehe. Mari pehe Cristo tiqiro yūhūonohatina ijina ohō saha niaja: “Curusapū tiqiro yariarire yahuye buheye ti waro ijiro nine. Ti buheye Cohācjū tiqiro tutuayere yahure marine”, niaja mari. ¹⁹ Cohācjū pehe tiqiro yere tiquina ojoari pūpū ohō saha nine:

Ahri yehpa cjēnare “Quehnoano masiñequina ijire”, tiquina

niñequinare tiquina masidire dūhseati ijieragū masigū yeitja yūhū, niahye Cohācjū tiqiro yere tiquina ojoari pūpū.

²⁰ Sa ye ahri yehpa cjēna quehnoano masiñequina dūhseatiqina ijierare. Ūsā acaye judio masare buheyequina gūhū dūhseatiqina ijierare. Yojoṗare yahuducu miññiñequina gūhū dūhseatiqina ijierare. Ahri yehpa cjēna quehnoano masiñequina tiquina ijiepegūta masiñequina tiquina ijiyere masigūyeri Cohācjū. ²¹ Cohācjū pūrita quehnoano masiniqiro ijire. Tiquiro sa ijigū ahri yehpa cjēna tiquina esa tuharo tiquina masiñe mehna Cohācjūre ne masiedare tiquina. Cohācjū tiqiro masi dutiero sahata sa wahari tiquinare. Cohācjūre cahmeñequina pehe ohō saha nine quehnoañe buheye warore: “Tūho masiñequina ye buheye ijire”, nimene. Sa yeye quehnoañe buheyere “Tūho masiñe buheye”, tiquina niñe buheyere tūhoye, Cristore masi dūcare masa. Tiquina sa masi dūcagū Cristore tiquina wacū tutuagū ihñano tiquinare tiqiro yequina wahagū yere Cohācjū. Sa waha dutiri tiqiro.

²² Judio masa Cohācjū tutuaye mehna tiqiro ye ihñorire ihña duaye nine. Sa yeye griego masa pehe, judio masa ijieyequina pehe quehnoano tiquina masiatire macañe nine. ²³ Mari pehe Cristo curusapū tiqiro yariare yahuye buheyere buheaia mari. Ti buheyere judio masa pehe ihña tuhtire. Sa ye ti buheyere judio masa ijieyequina pehe “Tūho masiñequina ye buheye ijire”, ni tuhoture. ²⁴ Tiquina sa ni tuhotuepegūta Cohācjū yequina ijiatire tiqiro beseriquina pehe ti buheyere ohō saha nine. “Cristo ye buheye Cohācjū tutuayere tiqiro quehnoano masiñene masigū yere marine”, nine tiquina ahri buheyere. Tiquina judio masa, judio masa ijieyequina ijiepetā, sa nine Jesu yequina.

²⁵ Cohācjū masi pehoriqiro ijire. “Tiquiro tūho masieni qiro ijire”, masa tiquina ni tuhotuepegūta ahri yehpa cjēna yūhduoro quehnoano masi pehoriqiro ijire tiqiro. Sa yero Cohācjūre “Tutuერი qiro ijire”, masa tiquina ni tuhotuepegūta tiquina bui tutua yūhduocariqiro ijire tiqiro. ²⁶ Ti yūhū nidi ijirota ijire.

Yūhū acaye, Cohācjū musare tiqiro yequina wahagū tiqiro yegū mūsa peyequina ihyo ijina mūsa ijirire wacūña mūsa. Ahri yehpa cjēnare “Quehnoano masiñequina”, tiquina niñequinare meheñequinagā Jesu yequina ijiatiquinare beseahye Cohācjū. Sa yero pūhtoā gūhūre meheñequinagā Jesu yequina ijiatiquinare beseahye tiqiro. Sa yero pūhtoā pohne gūhūre meheñequinagā Jesu

yequina ijiatiquinare beseahye tiqiro. ²⁷ “Tūho masiñequina ijire”, tiquina niñequinare Cohācjū beseahye “Quehnoano masiñequina ijire”, tiquina niñequina tiquina būoro wahatire. Sa yero “Wacū tutuayequina ijire”, tiquina niñequinare Cohācjū beseahye, “Wacū tutuayequina ijire”, tiquina niñequina tiquina būoro wahatire. ²⁸ Masa tiquina ihña tuhtiyequinare “Dūhseatiqina ijierare”, nine masa. Tiquina sa nidiquinare Cohācjū tiqiro yequina ijiatiquinare beseahye tiquinare. Sa besero “Pūhtoā waro ijire”, tiquina niñequinare ihyo ijieyequina tiquina ijiyere masigū yeahye Cohācjū tiquinare. ²⁹ Tiquiro sa yegū ahri yehpa cjēna ne ihcāqiro “Tutuagū, quehnoano masigū ijiaja”, ne ni yūhduca masiedare, Cohācjū ihñonopū.

³⁰ Cohācjū pehe marine Jesu yequina ijigū yerī. Tiquiro yequina ijina marine tiqiro yūhduori bato ijipihtiyē decori Cohācjū mehna ijinata mari. Jesucristo pehe Cohācjū yere quehnoano masigū yere marine. Sa yero mari ñaie buhirere cohāre. Sa yero mari ñaie yerire cosero, marine “Quehnoañequina ijire”, Cohācjū ni ihñagū yere Cristo Cohācjūre. Sa yero marine pecapū wahaborinare yūhduore. ³¹ Tiquiro sa yegū Cohācjū yere tiquina ojoari pūpū tiqiro ni ojoari sahata sa wahare: “Yūhū esa tuharo masi pehogū ijiaja’, nidiqiro tire niedacāhdo. Ohō saha niahdo: ‘Mari pūhtoā Cristo pehe marine yūhduoriqiro ijire’, niahdo tiqiro”, nine Cohācjū yere tiquina ojoari pūpū.

2

Ahri buheye Cristo curusapū tiqiro yariarire yahure

¹ Yūhū acaye, mūsa cahapū esagū “Quehnoano masi pehoaja”, musare ni buhera. Cohācjū yere musare buhegu, sa ni buhegu nieda. ² “Ohō saha ni buheitja”, nigū mūsa mehna ijigū Jesucristo ye dihitare curusapū tiqiro yariari dihitare wacūgū, ti buheyere buhei yūhū. ³ Sa yegū mūsa mehna ijigū ihyo ijigū yero saha ijii yūhū. Sa yegū Cohācjū yere queoro buhe duagū ijigū cuegū, nanaredigū yero saha ijii yūhū. ⁴ Sa yegū Cohācjū yere buhegu, “Masi pehoaja”, ni buhera. Tiquiro yere yūhū buhegū Espiritu Santo tutuaye mehna yūhū buhegū ihñari mūsa. ⁵ Ohō sahata ni buhei yūhū musare masa tiquina esa tuharo buheye pehere mūsa cahmedatire. Cohācjū pehere mūsa wacū tuatire sa ni buhei yūhū.

Espiritu Santo pehe Cohācjū ijieye tiyere buhere marine

⁶ Sa yena Cohācjū ye buheyere tiqiro masiñene musare Jesure quehnoano wacū

tutuanapure yahuaja usã. Masa tiquina esa tuharo tiquina buheye yero saha ijierare ahri musare usã buheye. Ti buheye puhtoa ye buheye gũh ijierare. Tiquina puhtoa pehe pihtia wahaeta. ⁷ Apequina tiquina masiedarire Cohãcjũ ye yahuducuyere yahuaja usã pehe. Panopũ ahri buheyere Cohãcjũ yequina mana quehnoano masi pehoerahye. Ahri yehpa ijiato pano ahri buheye ti nidiro sahata “Sata wahaahro”, ni tuhasahye Cohãcjũ. Marine pecapũ wahaborinare tiqiro yuhduoatire, tiqiro mehna mari ijiati gũhure “Sata wahaahro”, ni tuhasae tiahye tiqiro. ⁸ Tiquiro sa nigũ Cohãcjũre cahmeefnequina puhtoa ne tiqiro ye buheyere tuho dueraye, masiedare. Tire quehnoano masiñe, mari puhtore Cohãcjũ macũno warore curusapũ quẽ biha wejẽdaboaya tiquina. ⁹ Cohãcjũ yere tiquina ojoari pũpũ ohõ saha nine:

Ijipihtiequina Cohãcjũre cahñequina ye ijiatire Cohãcjũ quehnoano quehno basa tuhasahye. Quehnoa yuhduyere tiqiro quehno basahye. Tire masa ne ihñedari. Sa ye tire ne tuhoerari. Tire duhse masino basioerare marine, nine Cohãcjũ yere tiquina ojoari pũpũ.

¹⁰ Tiquiro sa niepegũta Espĩritu Santo pehe Cohãcjũ yere masigũ yere marine. Ijipihtie Cohãcjũ yere Espĩritu Santo masi pehore. Sa masino tiqiro marine tire masigũ yere.

¹¹ Ne apequina pehe masũno tiqiro masiñene ne masiedare. Sa ijiepegũta masũno pehe tiqiro esa tuharo tiqiro wacũñepũ tiqiro tuhutuyere masine. Sata apequina Cohãcjũ tiqiro masiñene ne masiedare. Cohãcjũ yaqiro Espĩritu Santo dihita tiqiro masiñene masine, masũno tiqiro esa tuharo tiqiro wacũñene tiqiro masino sahata. ¹² Sa yena mari pehe Jesu yequina ijina masa tiquina esa tuharo tiquina buheyere cuoeraja. Cohãcjũ yaqiro Espĩritu Santore ohori marine masigũ yero taro. Marine tiqiro quehnoano yeatire masigũ yere Espĩritu Santo pehe. ¹³ Sa yena Cohãcjũ yere musare buhena, masa ye masiñe mehna usã esa tuharo buheraja usã. Espĩritu Santo tiqiro buheye pehere musare buheaja. Sa buhena Espĩritu Santore cuoyequinare Cohãcjũ yere quehnoano buheaja usã.

¹⁴ Espĩritu Santore cuoyequina pehe Espĩritu Santo yere ne cahmedare. “Tiquiro ye ihyo warota ijire”, nimene tiquina. Espĩritu Santo tiqiro yedohoro marieno tiqiro yere masino basioerare masare. Sa ye tiquina tiqiro yere ne masiedare. Espĩritu Santo yedohoro mehna tiqiro yere masiaja mari. ¹⁵ Espĩritu Santore cuoyequina pehe Cohãcjũ yere

quehnoano masine. Apequina pehe tiquinare “Quehnoañequina ijire. Ñañequina ijire”, ni bese masiedare Espĩritu Santore cuoyequinare. ¹⁶ Ohõ saha nine Cohãcjũ yere tiquina ojoari pũpũ: “Mari puhtoro Cristo tiqiro tuhutuyere masiñequina ne mariedare. Sa ye tiqirore masa duti masiedare”, nine tiqiro yere tiquina ojoari pũpũ. Mari pehe Cristo yequina ijina, Cristo yero sahata masiaja.

3

Jesu yequina ihcãno saha Cohãcjũre dahra cohteyequina ijire

¹⁻² Yũhũ acaye, musare buhegũ Espĩritu Santore quehnoano yahtieyequinare yũhũ buheriro sahata buhe masiedare musa pehere. Cristo yequina ijiepenata, macanagã dihire tiquina ihya masieno saha Cohãcjũ yere quehnoano masiedare musa. Yojoapũ gũhũre quehnoano masiedañohti musa. Ahri yehpa cjẽna ñañequina yero saha tuhutuñohti musa. Sa yena macanagã epẽcore tiquina apũno saha mijoeda cjũñe buheye dihitare tuhufnohti musa. Sa yegũ ti yero saha ijiye buheye dihitaro buhei musare. Cristo yequina ijiepenata macanagã tiquina ihya masieno sahata Cristo yere quehnoano masiedañohti musa. ³ Musa pehe musa mehna cjẽnare cahme coona, cahmequina, musa basi ihquẽ cururi tu wadũca sana, Espĩritu Santore cuoyequina yero saha yena niñohti musa. Sa yena ahri yehpa cjẽna Cristore cahmeefnequina yero saha yeñohti musa. ⁴ Ohõ saha niñohti musa: “Pablo ya curua cjãna ijiaja usã”, niñohti musa ihquẽquina. Sa yena apequina musa mehna cjẽna pehe “Apolo ya curua cjãna ijiaja usã”, niñohti. Musa sa ni yahuducuna Espĩritu Santo mariefnequina yero saha ni yahuducũnohti musa.

⁵ Yũhũ Pablo, Apolo mehna duhseanaja ijiajari usã, musa tuhutuã? Ohõ saha yeana ja ijina niaja usã: Cohãcjũ tiqiro dutiriro sahata tiqirore dahra cohtena ihyo ijina ijiaja usã. Sa yena musare usã buhegũ tuhona Jesucristore wacũ tutua dũcare musa. ⁶ Quehnoañe buheyere buheyequina wesepũ dahrayequina yero saha ijire, mari queoye mehna buhegũ. Wese upũro tiqiro ote muhtariro saha yũhũ gũhũ musare buhe muhtau. Sa yero apequiro wesere tiqiro cure nanũ tãno saha Apolo pehe yũhũ bato musare buhe nũnũ tãri. Usã sa buhepegũta wese cjẽ oteyere bucuca nemogũ tiqiro yeriro saha Cohãcjũ pehe musare tiqiro yere masi nemogũ yeri. ⁷ Sa yegũ yũhũ buhe muhtarigũ ijiepegũta ihyo ijigũ ijiaja. Sa yero Apolo yũhũ bato buhe nemoriquiro gũhũ ihyo

ijiriqirota ijire. Cohācjū pūrita oteyere tiqiro b̄cua nemogū yeriro saha tiqiro yequinare tiqirore masi nemogū yere. Sa yena Cohācjū pehere ño peoro cahmene m̄sare. ⁸ Ote m̄htariqiro, came cure n̄n̄n̄ t̄ariqiro ihcāno saha dahra cohteyequina ihyo ijiyequinata ijimene tiquina. Sa ye tiquina dahrariro punota wapatate tiquina. Sata ijiaja usā, Apolo mehna. ⁹ Sa yena usā Cohācjū yere dahra cohtena ijiaja. Sa yero Apolo yuh̄ mehna cjāno ijire. Usā sa ijigū musa pehe Cohācjū ya wese yero saha ijire. Musa sa ijigū Cohācjū ya wese cjē oteyere tiqiro b̄cua nemogū yero saha m̄sare tiqiro yere masi nemogū yerota tiqiro.

Sa ye Cohācjū m̄sare tiqiro yequinare quehnoari curua yero nine. Sa yena utā mehna tiquina yeri wuh̄ yero saha ijire musa tiqiro ya curua cjāna, mari queoye mehna buhegū. ¹⁰ Musa sa ijigū Cohācjū yuh̄re tiqiro dutiriro sahata yuh̄ pehe wuh̄ dahre m̄hnidiquiro utāre tiqiro cū m̄htariro sahata Jesucristo yere m̄sare buhe m̄htau. Sa yero ti utā paca bui apeqiro tiqiro ye nemo m̄jano sahata apeqiro yuh̄ bato buhe nemo n̄n̄n̄ t̄ano nine. Sa buhe nemono quehnoano mehna buherota. Sa yero Cristo ye dihitare buherota tiqiro. Sata buheahro tiqiro. ¹¹ Wuh̄re tiquina dahre d̄ca tiquina cū m̄htaria utā yero saha ijire Cristo. Sa yena ti utāre usā quehnoano cū m̄htariro saha Cristo yere buhe tuhasau. Apeqiro ye buheye pehere mari buhegū quehnoaedaga.

¹²⁻¹⁵ Uru mehna, plata mehna, wapa buj̄ye utā paca mehna mari yeri wuh̄re mari uj̄aa tuhugū uj̄edare. Sata Jesucristo yere mari quehnoano yeri bato p̄htiri deco ijigū Cohācjū mari yerire uj̄aa tuhuro yero saha yerota mari yerire masino taro. Sa tiqiro yegū quehnoano yeri wuh̄ uj̄edariro saha mari yerire ti quehnoaŋe ijigū masinota. Sa yero mari quehnoano yerina mari ijigū masigū yerota tiqiro. Quehnoano mari yeri wapa quehnoano yerota marine.

Sa yero yuc̄ari mehna, taa mehna, ñaidi pūri mehna mari yeri wuh̄re mari uj̄aa tuhugū uj̄aa wahare. Sata Jesucristo yere mari quehnoano yerari bato p̄htiri deco ijigū, Cohācjū mari yerire uj̄aa tuhuro yero saha yerota mari yerire masino taro. Sata tiqiro yegū ñano yeri wuh̄ ti wuh̄ uj̄ariro saha mari yerire ñaŋe ijigū masinota. Sa yero mari quehnoano yerari bato ijigū marine masigū yerota tiqiro. Sa yero quehnoano yerarina mari ijigū ihñano quehnoaŋene mari yemedi wapare quehnoano yesi marine. Sa ijiyequinare Cohācjū yuh̄d̄orota. Sa ye sa quehnoano yerariquina mehenogā mehna yuh̄d̄eta.

¹⁶ Musa pehe Jesu yequina Cohācjū ya wuh̄ yero saha ijire. Musa sa ijigū ihñano ti wuh̄ru tiqiro ijiboro saha Espiritu Santo pehe musa mehna ijire. ¿Tire masiedajari musa? ¹⁷ Cohācjū ya wuh̄ ñaŋe marieni wuh̄ ijire. Sa yena musa ḡhu ti wuh̄ yero saha ijina tiqiro yequina waro ijire. Sa yero Jesu yequinare ihcāqiro dojomehnegū Cohācjū pecarū cohānota tiqiro pehere.

¹⁸ Ni mehoŋene tuhoturacāhña musa. “Yojoru cjēna ye masiŋene quehnoano masiaja”, ni tuhoturiquiro musa mehna cjāno ijiro Jesu ye pehere quehnoano masiahdo. Tiquiro sa masigū ihñane apequina tiqirore “Taho masieniquiro ijire”, nieta. Sa yero Jesu yere masino, potota quehnoano masidiquiro waharota. ¹⁹ Masa esa tuhoro tiquina basi tiquina masiŋene “Ihyo warota ijire”, ni tuhature Cohācjū. Sata nine Cohācjū yere tiquina ojoari pūru: “Tiquina esa tuhoro masiŋequina tiquina masiŋe dahseati ijierare, Cohācjū tiqiro ihñagū. Sa yero tiquina cahmeno saha yeragū yere tiquinare”, nine Cohācjū yere tiquina ojoari pūru. ²⁰ Sa ye ape pūru ohō saha nine: “Masa tiquina esa tuhoro masi pehoyequina tiquina tuhutuye dahseati ijieragū masine mari p̄htoro Cohācjū pehe”, nine Cohācjū yere tiquina ojoari pūru.

²¹⁻²² Sa yena “Pablo ya curua cjāna ijiaja usā”, niedacāhña. “Apolo ya curua cjāna ijiaja usā”, niedacāhña. “Pedro ya curua cjāna ijiaja usā”, niedacāhña. Usā ijipihtina musa yequina dihita ijiaja. Ijipihtiyē musa ye ijire. Cohācjū tiqiro bajumehnedire, catiye ḡhure ohori m̄sare. Sa yero pecarū wahaeragū yerota m̄sare. Yojoru ijiyere, camerū ijiaŋi ḡhure m̄sare ohorota. Sa ye ijipihtiyē musa ye ijire. ²³ Sa yena musa pehe Cristo yequina ijire. Sa yero Cristo pehe Cohācjū yaqiro ijire.

4

Cristo tiqiro yere buhe duti tiqiro cūriquina tiquina dahrayere yahuahye Pablo

¹ Ohō saha ni tuhutuya musa yuh̄re Apolo ḡhure: “Tiquina Cristore dahra cohteyequina ijire. Sa ye masa tiquina masiedarire Cohācjū yere buheyequina ijire”, ni, tuhutuya musa usāre. ² Dahra cohteyequinare tiquina p̄htoro tiqiro dutiriro saha ye cohtero cahmene tiquinare. Yuh̄ ḡhure sata yero cahmene Cristore. ³ Sa ijiepegūta yuh̄re musa yahu wajaepēgūta sa tuhutu cjā yuh̄. Apequina p̄htoā yuh̄re tiquina yahu wajaepēgūta sa tuhutu cjā yuh̄. Yuh̄ yerire ihñana “Ahri quehnoaŋe ijire. Ahri ñaŋe ijire”, ni masiedare musa. Yuh̄ ḡhu masuta ijiaja. Sa yegū yuh̄ yerire quehnoano

masi pehoeraja yahu gāhu. ⁴ “Cristo yere yahu yuhduɔcari yuhare mariedare”, ni tuhotumaja yahu. Yahu ohō saha ni tuhotuepegūta buhiri tiboaga yahu. Mari puhtoro Cristo dihita yahu yerire ihñano, quehnoano masine. ⁵ Sa yena mari puhtoro tiqairo tojoa tato pano masare ñano ni yahu wajaeracāhña masa. Tiquiro tojoa taro masa tiquina yerire, panopu apequina tiquina masiedarire Cristo masigū yerota. Sa yero mari ye duayere, mari tuhotuyere tiqairo masigū yerota. Sa yero tiqairo yere yeriquinare “Musa quehnoano yeri”, ninota Cohācjā.

⁶ Yahu acaye, yahu Apolo mehna usā buherire yahuu yahu, musare buhegu tagu. Sa ni yahuu yahu Cohācjū tiqairo yere tiquina ojoari pūpu tiqairo nidiro sahata masa yeducuare. Sa yena masa mehna cjēnare ihcāno saha cahme ño peoya. Ihcāquiroreta ño peoeracāhña. ⁷ Musa pehe apequina yuhduoro quehnoana ijierare. Masi yuhduɔcana ijierare masa. Cohācjū musare tiqairo ohori dihitarere core masa. Sa yena musare tiqairo yahuri dihitarere masine masa. ¿Musa esa tuharo cūona, masa esa tuharo masina ijierapenata, dahse yena “Masi pehona ijiaja”, nijari masa? Sa nina “Cohācjū usāre ohoerari. Sa yero usāre yahuerari”, niboriro saha yere masa.

⁸ Musa pehe “Cohācjū yere masi pehoaja usā. Usāre yabe boro duhsaerare”, nimene masa. Sa yena masa cahapu usā ijieragū masa ohō saha ni tuhotumene: “Puhtoa yero saha masina ijiaja usā”, ni tuhotumene masa. Potota Cohācjūre masi pehona puhtoa yero saha masina masa ijigū musare quehnoa yuhduaboaga. Musa sa ijigū masa mehna usā gūhu puhtoa yero saha masina ijiboaga. “Masina ijiaja usā”, ni tuhotuna, quehnoa yuhduaro ni tuhotumene masa. ⁹ Ohō saha ni tuhotuaja yahu pūrita: Usāre Jesu tiqairo yere buhe dutiro cūno, ijipihitiyequina iji bato tiri cjā curua cūri usāre. Tiquina wejē dutinohriquina yero saha ijjanare cūri usāre. Masa tiquina cahacjēna yero saha ijiaja usā. Ahri yehpa cjēna masa, angele gūhu cahacjēna yero saha ihñare usāre. ¹⁰ Cristo yere usā buhegū ihñañe “Tuho masieñequina ijire”, nine masa usāre. Sa Cristo yere usā yegū ihñañe, usāre ihñā tuhtire. Musa pehe quehnoa yuhduaro Cristo yere masina ijjajari masa. “Cohācjūre wacū tutueyequina ijire”, ni tuhotumene masa usāre. Musa pehe quehnoa yuhduaro wacū tutua yuhduana ijjajari. Musa pehere masa ño peore. Usā pehere masa ne ño peoerare. ¹¹ Usā pehe yojopure ñano yuhduna, uja ahbana, aco wūona, ñano suhti mariena, wuhuse mariena ijiaja. Sa ye apequina usāre ño peoera, usāre ñano yere. ¹² Sa yena usā tutuaro

dahraja. Sa yena apequina usāre tiquina ñano yahuducuepegūta usā pehe tiquinare “Quehnoano ijiaja”, niaja usā. Sa yena apequina usāre ñano tiquina yepegūta sa tuhotu cjā usā. ¹³ Sa yena “Ñano yepequina ijire”, usāre tiquina niepegūta usā pehe quehnoano mehna tiquinare yuhtiaja. Sa ye panopu, yojopu gūhare ñañe wete yero saha masape cururi iji bato tiri curua cjēna yero saha ihñare masa usāre.

¹⁴⁻¹⁵ Musare quehnoañe buheyere buhe muhtagu masa pacu yero saha wahan yahu. Peyequina musare Cristo yere buheyequina tiquina ijiepegūta musare buhe muhtarigu ihcāta ijiaja yahu. Sa ijigū musare buhe tigū yegu tagu ahrire ojoagu niedu yahu. Yahu pohñare, yahu cahñare yahu dutiboriro saha musare quehnoano mehna dutigu tagu ahrire ojoagu yahu. ¹⁶ Sa yegu ahrire musare tutuaro mehna dutigu tagu niaja yahu. Yuhare ihñā cūña masa.

¹⁷ Ahrire ye dutigu tagu masa cahapu Timoteore ohou. Tiquiro yahu macu yero saha ijiriquiro yahu cahñiquiro mari puhtoro Jesu yaquiro ijire. Sa yero Cristo yere yeducure tiqairo. Cristo yere mari yeatire ijipihitiyequina Jesu yequina cahapu buhei yahu. Timoteo tire musare wacūducugū yerota. Sa yegu Cristo yere yahu yeriro sahata masa ihñā cūato saha Timoteore ohou yahu. ¹⁸ Timoteore yahu ohogū ihquēquina masa mehna cjēna puhtoa iji duayequina ohō saha nine: “Pablo marine cuero, mari cahapu ahtasi”, ni tuhotumene tiquina. ¹⁹ Cohācjū cahmegū masa cahapu mianogāta esautja. Sa esagu puhtoa iji duayequinare masa mehna cjēnare Cohācjū ye tutuayere tiquina cuogū masigutja yahu. Sa yegu tiquina sa ni maca cāri gūhare masigutja yahu. ²⁰ “Cohācjū usā puhtoro ijire”, mari ni yahuepegūta tiqairo yere mari yeragū ti mari niñe duhseati ijierare. Cohācjū tutuaye mehna tiqairo cahmeno saha ye masiaja. Ti ihyo waro ijierare. ²¹ ¿Musa cahapu musare buhiri dahreacju musare tuhtiacju yahu wahagū cahmeajari masa yuhare? ¿O musare cahigu musare bucuegu yahu wahagū cahmeajari masa yuhare? ¿Duhse ijigū yahu wahagū cahmeajari masa?

5

Corinto cjēna tiquina wñana tirire yahuahye Pablo

¹ Potota ohō saha quiti tire usāre apequina: Ihcāquiro masa mehna cjāno tiqairo mūonore wñana tiñohi. Sa ni yahuri masa usāre. Apequina pehe Cohācjūre cahmeñequina ijiepetā tiquina pehe sa yerare. ² Musa mehna cjāno tiqairo sa yepegūta masa pehe “Quehnoana ijiaja

usã”, ni tãhotumene. ¿Dũhse yena tiqũiro ñano yeyere masiepenata bũja witiarajari mũsa? Sa yena sa ñano yeriquiõrore mũsa mehna Jesu yequina mehna ijiriquiõrore cohãña mũsa. ³⁻⁴ Yũhũ mũsa mehna ijierapegata yũhũ wacũñerũ mũsa mehnata ijiaja yũhũ. Sa yegũ mũsa mehna ijigũ yũhũ niboriro saha ñano yeriquiõrore tiqũiro sa ñano yeri buhiri buhiri dahre duti tuhasaja yũhũ. Jesu tiqũiro dutiro mehnata sa ye dutiaja. Sa yena mũsa cahmeoana yũhũ wacũñe mehnarũ mũsa mehna yũhũ ijigũ mari puhtoro Jesu tiqũiro tutuaye mehna tiqũirore ñano yeriquiõrore cohãña, ohõ saha niña: ⁵ “Watũno tiqũiro cahmeno saha mũhare yecũnahdo”, niña tiqũirore. Sata niña tiqũirore ñañene tiqũiro tutuaro cahmeñene tiqũiro duhuatire. Mũsa sa cohãgũ tiqũiro ñano yũhdarota. Mari puhtoro Jesu tiqũiro tojoa tati deco ñano yeriquiõro Jesu mehna tiqũiro quehnoano yũhdũatire yojopũre tiqũirore sa niña.

⁶ “Quehnoana ijiaja usã”, niepenata ñano yena niaga mũsa. Ñano yeriquiõrore mũsa sa ihña cãna, ti ñañene mũsa ijipihtina piha pihtia wahanata. Pãre pugũ yeye trigore ti quehnoano sehõsaro saha ti ñañe mũsare piharo quehnoano sehõsaa waharota. ¿Tire masiedajari mũsa? ⁷ Yũhũ acaye judio masa pascuia ijigũ ovejare wejẽ, hũãa mũo, Cohãcũre ño peore. Sata oveja tiqũiro yariariro saha Cristo mari ñañe buhirire yariaa wahahye. Tiquiõro sa waharire masina mũsa pehe ñano yeriquiõrore mũsa mehna cãnõrore cohãña ti ñañe mũsare “Pihari” nina. Mũsa ñañe yerire cohã tuhasari Cristo. Sa yena ñano yeriquiõrore cohãña “Pari turi ti ñañene pihari”, nina. ⁸ Pãre pugũ yeye trigore ti sehõsariro saha panopũ ñañene ihña cũ, ye pihtirina ijimi mari. Sa yena pascuia bõse decopũ pãre pugũ yeye marieno pãre tiqũina ihyariro saha mari gãhũ ñañene cahmeno marieno ñano yero marieno ijihna mari. Panopũ mari ñañene yeriro saha yeracãhna. Sa yena potota quehnoano tũhotuye mehna, quehnoañene yeihna.

⁹ Mũsare yũhũ ojoari pũpũre Jesu yaqũiro tiqũiro ijiepegũta sa wũana tiducuriqũirore ne piti ti dutierami. ¹⁰ Sa nigũ wũana tiyequinare, apeqũna yere tutuaro cahmeñequinare, yaqueyequinare, “Cohãcũ ijire”, tiqũina niñe queoyere ño peoyequinare Jesu yequina tiqũina ijieragũ “Tiquina mehna ijieracãhña”, niedaja. Ahri yehparũ sa ijieyequina marieno Jesure cahmeñequina marieno mari dihita iji masiedaja. Ijipihtropũre ijire tiqũina pehe. ¹¹ Sa yegũ mũsare ojoagũ ohõ saha dutimi: Mũsa mehna cãnõ “Jesu yaqũiro ijiaja”, nidiquiõro ijieperota numino mehna ñano yeriquiõro, apee borore tutuaro cahmediquiõro, “Cohãcũ ijire”, tiqũina niñe

queoyere ño peoriqũiro, ñano quiti yeducuriqũiro, queheriqũiro, yaqueriqũiro tiqũiro ijigũ tiqũirore piti tieracãhña. Sa yeriquiõro “Jesu yaqũiro ijiaja”, nidiquiõro ijigũ tiqũirore piti tieracãhña. Sa yena sa yeriquiõro mehna ihyeracãhña. ¹² Sa yegũ Jesu yequina ijieyequinare tiqũina ñañe yeri buhirire buhiri dahre dutirigũ ijieraja yũhũ. Sa yũhũre yeraro cahmene. Yũhũ sa niepegũta mũsa mehna cahmeoañequina Jesu yequina mũsa basi mũsa yerire ihñana, masino cahmene mũsare. Sa ihña cãedarõ cahmene. Sa yena tiqũina ñano yegũ ihñana mũsare buhiri dahrero cahmene tiquinare. ¹³ Jesu yequina ijieyequina pehere Cohãcũ pehe buhiri dahrerota. Sa yena mũsa pehe mũsa mehna cãnõrore ñano yeriquiõrore buhiri dahrena tiqũirore cohãña.

6

Jesu yequinare yahusãrire yahuahye Pablo

¹ ¿Mũsa basi cahme ihña tuhti yahusã duana dũhse ijiro boro Jesu yequina ijieyequina cahapũ mũsa acayere Jesu yequinare yahusãna wahajari? Jesu yequinare mũsa mehna cãnõre yahusã duana apeqũna Jesu yequinare tire yahuro cahmene mũsare. Sa ye Jesu yequinapũ beseahro. ² Pihtiri deco ijigũ mari Jesu yequina pehe masa ijipihtiyequina tiqũina yerire ihñana besenata mari tiquinare. ¿Tire masiedajari mũsa? Sa yena pihtiri deco ijigũ masa ijipihtiyequinare beseatina ijina, yojopũ gãhũre bese masiaja mari. Sa yena yojopũre ihyo ijieyegã buhiri gãhũre bese masiaja mari. ³ Angele tiqũina yerire ihñana tiqũina gãhũre besenata mari. ¿Tire masiedajari mũsa? Mari sa beseatina ijina potota ti yũhdũoro yojopũ gãhũre Jesu yequina tiqũina yerire ihñana bese masiaja mari. ⁴ ¿Sa yena dũhse yena mũsa mehna cãnõre yahusã duana Jesure cahmeñequina cahapũ ihyo ijieyegã buhirire yahusãna wahajari mũsa? ⁵ Ahrire nigũ niaja mũsa queoro yerarire mũsa bũja witiatire. ¿Mũsa mehna cãnõre mũsa cahme dũse tini wiagũ mũsare yahuatiquiõro mũsa mehna cãnõ quehnoano masiniquiõro marijedajari? Ijire. ⁶ Sa ijiepegũta mũsa mehna cãnõ Jesu yaqũiro apeqũro Jesu yaqũirore yahusã duaro Jesu yequina ijieyequinare yahusãno wahare.

⁷ Masare beseyequina puhtõa cahapũ mũsa mehna cãnõre yahusãna Cohãcũ ye pehere yũhdũducana nine mũsa. Apeqũro mũsa mehna cãnõ mũsare ñano tiqũiro yegũ sa tũhotu cãboaga mũsa. Jesu yequina ijieyequinare mũsa yahusãto pano mũsa acayõrore mũsa sa tũhotu cãgũ quehnoa yũhdũaboaga. Jesu yaqũiro mũsare tiqũiro yaqegũ tiqũirore mũsa yahusãto pano

tiqiro yaquerire musa sa tuhotu cāgū quehnoa yuhduaboaga. ⁸ Musa gāhu sa ijinata ijire. Apequinare ñano yere musa. Sa yena yaquere musa. Sa yena apequina musa mehna cĵēna Jesu yequina tiquina ijiepegūta tiquinare ñano yena, yaquere musa.

⁹ Sa yeyequina Cohācĵū puhtoro ijioropre ahmusepare waha masiedare. ¿Tire masiedajari musa? Ni mehoñene tuhotueracāhña musa. Mari puhtoro ijioropre ne wahasi ohō saha yeyequina: Wuana tiyequina, “Cohācĵū ijire”, tiquina niñe queoyere ño peoyequina, numia mehna ñano yeyequina, amua mehna ñano yeyequina numia, amua sehsaro tiquina paguri mehna ñano yeyequina, numia sehsaro tiquina paguri mehna ñano yeyequina numia, ¹⁰ ni meho ehmañequina, apequina yere tutuaro cahmeñequina, queheyequina, masare ñano tuhtiyequina, yaqueyequina, ne Cohācĵū puhtoro ijioropre ahmusepare waha masiedare. ¹¹ Panopre musa gāhu sa yerina ijimedi. Sa yemedina musa ijiepegūta yojopre musa ñano yerire cose tuhasari Jesucristo pehe. Sa tiqiro cosenohrina musa ijigū tiqiro yequina ijiatinare yeri Cohācĵū musare. Sa yero “Quehnoana ijire”, ni ihñare musare tiqiro. Sata yere musare mari puhtoro Jesucristo, Espiritu Santo gāhu tiquina tutuaye mehna.

Mari paguri Cristo ye paguri ijire

¹² “Yuhū cahmeno saha ye masiaja yuhū”, nine ihquēquina. Sata ijire. Yuhū gāhu sa nidigū ijiepegūta tire yegū apequinare yedohorigū ijieraboaga yuhū. Yuhū cahmeno saha ye masiaja. Sa ye masiepegūta ihquē tahari sa yegū ijigū duhu masiedaboaga yuhū. Sa yegū tire pari turi yesi yuhū, “Duhu masiedaboaga”, nigū. ¹³ Ohō saha nine musa: “Ijipihtiye ihyaye mari paa cĵē ijati ijire. Sa yero mari paa ihyaye pose tiati paa ijire”, nine musa. Ti ijirota ijire. Sa ijieperota came Cohācĵū pehe mari ihyaye mari paa gāhure pihtia wahagū yerota. Sa ye mari ihyaye ihyo warota ijiro nine. Ihyaye mari paa cĵē ijati ijire. Sa ijieperota mari paguri numia mehna ñano yeati paguri ijierare. Mari paguri pehe mari puhtoro Cristo ye paguri ijire nine. Sa yero mari puhtoro pehe mari pagurire quehnoano yeatiqiro ijire. ¹⁴ Sa yero Cohācĵū tiqiro tutuaye mehna mari puhtoro Cristore masoahye. Sa tiqiro yeriro sahata mari gāhure masonota tiqiro.

¹⁵ ¿Sa yena musa paguri Cristo ye paguri ijigū masiedajari musa? ¿Ti sa ijigū Cristo ya pagū mehna wuana tiricoro mehna mari ñano yegū quehnoajari? Quehnoaedare. ¹⁶ Wuana tiricorore ñeheniquiro tiqiro pagū pehe ticoro ya pagū mehna ijiro, ihcā pagū

yero saha ijire. ¿Tire masiedajari musa? Sata ni ojoahye Cohācĵū yere tiquina ojoari pūpū: “Tiquina puaro ijiepetā ihcā pagū yero saha wahare”, ni ojoahye. ¹⁷ Mari puhtoro Jesu tiqiro yaqiro masano mehna ijiro nine. Sa yero masano mari puhtoro mehna puaro ijiepetā ihcā pagū yero saha ijire.

¹⁸ Sa yena wuana tieracāhña. Tire musa yabiro saha tire yeracāhña. Apeye ñañene mari yena mari pagure dojomehnedaja. Wuana tiriqiro pehe tiqiro pagure ñano dojomehnene. ¹⁹ Espiritu Santore marine ohori Cohācĵū. Sa yero mari paguri mehna ijire Espiritu Santo. ¿Tire masiedajari musa? Sa ye musa paguri, musa jeripohnari gāhu musa ye waro ijierare. ²⁰ Musa ñañe buhirire buhiri dahre tuhasari Cristore. Sa yena tiqiro yequina waro ijire musa. Tiqiro yequina ijina musa paguri mehna Cohācĵū tiqiro cahmeno sahata yeya. Sa yena Cohācĵūre ño peona nine musa. Sa yena apequina gāhure tiqirore ño peogū yena nine.

7

Namo tiyere yahuahye Pablo

¹ Yojopre yuhare musa sinitu ojoarire yuhū gāhu yuhti cahmegū tagū niaja: Masano namo tieragū quehnoare, yuhū ihñagū. ² Ti sa ijiepegūta apequina amua pehe namo tiahro apequina numia mehna tiquina “Ñano yeari”, niñe. Sa ye ihquē numiata manū tiahro apequina mehna tiquina “Ñano yeari”, niñe. ³⁻⁴ Manū tiricoro pagū ticoro ya pagū dihita ijierare. Ticoro manūno ya pagū gāhu ijire. Ticoro manūno gāhu tiqiro pagū tiqiro ya pagū dihita ijierare. Tiqiro namono ya pagū gāhu ijire. Sa yena musa amua pehe musa namosānumiare quehnoano cuoya. Sa yena musa numia gāhu musa manusamūare “Yuhū pagure piheracāhña”, niedacāhña. ⁵ Sa ijiepegūta Cohācĵūre puaro musa sini duana “Meheñe decorigā yuhū mehna ijieracāhña. Cohācĵūre siniñhna”, ihcāno mehna sa nina, sa ye masine musa. Musa sa nidi bato musa iji mūhtariro saha ijiducuya tja, Satana musare “Ñano ye dutiari”, nina. “Apequina mehna ñano yeboaga”, nina, musa basi piti ti duhueracāhña. Musa iji mūhtariro saha ijiducuya tja.

⁶ Ahrire musare yojopre yuhū nidire nigū musare dutiye waro mehna niedaja. Sa yahugū niaja musa yeatire musa masiatire. ⁷ Ijipihtina musa yuhū yero saha namo tienā musa ijigū quehnoaboaga yuhure. Sa iji duepenata mari ijipihtina ihcāno saha ijieraja. Ihquēquinare namo ti dutire Cohācĵū. Sa yero tiqiro ihquēquinare namo ti dutierare.

⁸ Sa yegu namo marienare, manu marienare, wape wiha numia gühare ohö saha ni-aja musare: Namu mariena, manu mariena iji masina, sata iji cähña yuhu yero saha. ⁹ Sa iji masiedana tutuaro ñañene cahmena, namo tiya. Sa yena manu tiya. Ñañene musa tutuaro cahmegü quehnoadere musare. Musa sa tutuaro cahmegü musa namo tigü pürita quehnoaríne. Sa yena musa manü tigü gühare quehnoaríne.

¹⁰ Musa namo tinare, manü tina numiare ohö saha dutiaja. Yuhu sa niepegäta yee dutiye waro ijierare ahri. Mari puhtoro Cristo ahrire dutire: Musa numia pehe musa manusumare cohäedacähña. ¹¹ Musa manusumare cohäna, manü mariena numia tojoaya. Sa tojoerana pari turi musa manusumä mehna quehnoano ijiya tja. Sa yena musa gühü umä musa namosänumiare cohäedacähña.

¹² Sa yegu musa gühare apequinare ohö saha niaja yuhu. Mari puhtoro tiqiro dutiye ijierare ahri. Yuhu pehe ohö saha niaja musare: Ihquëquina musa mehna cjëna Jesu yequina pehe Jesure cahmeeñequina numiare namo tiriquina ijire. Sa ye tiquina namosänumia tiquina mehna tojoa duagü tiquina numiare cohäedacähdo tiquina. ¹³ Sa ye ihquëquina musa mehna cjëna numia Jesu yequina numia Jesure cahmeeñequinare manü tiriquina numia ijire. Sa ye tiquina manusumä tiquina numia mehna tojoa duagü tiquinare cohäedacähdo. ¹⁴ Musa manusumä Jesure cahmeeñequina ijiepegüta Jesu yequina numiare tiquina namo tigü, Cohäcjü quehnoañequina yero saha ihñare tiquinare. Sa yena musa umä pehe Jesu yequina musa ijigü musa namosänumia Jesure cahmeeñequina numia ijiboaga. Tiquina sa ijiepegüta musa mehna tiquina numia manü tigü Cohäcjü quehnoañe numia yero saha ihñare tiquina numiare. Tiqiro sa ihñedagü musa pohna Jesure cahmeeñequina pohne yero saha ihñaboaga Cohäcjü. Sa yero tiquina pohne gühare quehnoañequina yero saha ihñare Cohäcjü. ¹⁵ Sa ye musa umä pehere musa namosänumia Jesure cahmeeñequina numia musare cohä duaye, sata yeahro. Musa manusumä gühü sa cohä duaye, sata yeahro. Quehnoano mari ijigü cahmene Cohäcjü. Sa yero tiquina numia Jesu yequina ijieye numia musare cohä duagü “Tiquina numia mehna ijiniña”, ni, dutierare Cohäcjü. ¹⁶ Tiquina namosänumia Jesu yequina numia pehe quehnoano yegü ihñañe camerü tiquina manusumä Jesure cahmeboaga. Sa cahmegü Cohäcjü tiquinare pecarü wahaboriquinare yuhduorota. Sa ye tiquina manusumä Jesu yequina pehe quehnoano yegü ihñañe camerü tiquina

namosänumia Jesure cahmeboaga. Sa cahmegü Cohäcjü tiquina numiare pecarü wahaboriquina numiare yuhduorota. Sa Jesure cahmeboriquina tiquina ijiepegüta potota Jesure tiquina cahmeatire masiyuro basioerare musare.

¹⁷ Sa yena ijipihtina musa mari puhtoro Cristo musare tiqiro iji dutiriro sahata yeya. Sa yena Cohäcjü musare tiqiro cürire yeya musa. Tire ijipihtiyequina Jesu yequinare sa ye dutiducüaja yuhu. ¹⁸ Jesu yequina musa ijia to pano cuhñucunü sohto cahserogäre yuhre nena ijina, tire ihña yabieracähña. Sa yena Jesu yequina musa ijia to pano cuhñucunü sohto cahserogäre yuhre nedarina ijina yojopü gühare sata ijiducüya. ¹⁹ Yojopure ti cahserogäre yuhre nedina musa ijigü dahseati ijierare. Tire yerarina musa ijigü gühare dahseati ijierare. Sa ijiepegüta Cohäcjü dutiyere mari yegü ti pürita ihyo waro ijierare. ²⁰ Sa yena Cohäcjü Jesu yequina musare tiqiro cüri pje musa ijiriro sahata tojoaya. ²¹ Jesu yaqiro muhü iji dacato pano apeqiro cahacjü muhü ijigü quehnoanota. Sata tojoaya. Muhü puhtoro muhäre tiqiro wio duagü pehere wijiaya muhü. Muhü wijiagü quehnoanota muhäre. ²² Sa yero mari puhtoro Jesu yaqiro ihcäqiro ijiro masno cahacjano ijieperota Jesu tiqiro yuhduoriquiro ijire. Sata apeqiro mari puhtoro Jesu yaqiro ijiro, masno cahacjano ijieraperota Jesu cahacjano ijire tiqiro gähü. ²³ Mari ñañe buhirire buhiri ti tuhasahye Cristo. Sa yena tiqiro dihitare potota musa puhtoro waro tuhötuya musa. Apequina musare tire tiquina ye dutieragü tiquinare tuhoeracähña. ²⁴ Sa yena yuhu acaye, Jesu yequina ijiatiquina Cohäcjü musare tiqiro cüri pje musa ijiriro sahata tojoaya. Sa tojoana Cohäcjü mehna cjëna ijiya.

²⁵ Yojopure namo marienare, manü mariena numia gühare yahu duaja musare. Mari puhtoro ahrire “Ohö saha niña”, niedare yuhare. Yuhäre tiqiro paja ihñagü yuhäre tiqiro yedohogü tiqiro cahmeno sahata yeducurigü ijiaja yuhu. Sa ijirigü ijigü ahrire quehnoano yahutja musare. ²⁶ Yojopure musa ñano yuhduna niaga. Sa yena musa namo mariena gähü, manü mariena gähü musa tojoagü quehnoanota, yuhu tuhötügü. ²⁷ Namu mariena, manü mariena numia musa ijina sata tojoaya. Sa yena musa pehe namo tina, manü tina numia gähü sata tojoaya. ²⁸ Namu tina ñano yerare musa. Sa yena musa numhü manü tina, ñano yerare musa gähü. Sa yena namo tina, manü tina numia musare wape cuoro tojoarota. Sa yegu musare “Sa wape tiari”, nigü “Namu mariena, manü mariena numia tojoaya”, niaja yuhu.

²⁹ Yũhũ acaye, ahrire mäsare yahugũ niaja. Cristo ahri yehparũ tiqũiro tojoa tato mehenogã dahsare. Sa ye yojopãre namo mariefũequina Cohãcjũ cahmeno saha tiquina quehnoano ye masino sahata quehnoano yero cahmene namo tiyequina gãhũre. Sa ye manũ tiyequina numia gãhũre sata Cohãcjũ tiqũiro cahmeno saha quehnoano yero cahmene. ³⁰⁻³¹ Ahri yehpa yojopãre ijiro saha camerũ ijisi. Camesa pihtia wahaarota. Sa pihtiatu yehpa ijigũ yojopãre mari ñehe quea utiye, mari bucueye, mari cõoye pihtia wahaarota. Sa ye ti ihyo waro ijire. Cohãcjũ yere yeye pehe ihyo waro ijierare. Sa ye ahri yehpa cjẽne cõoyequina, cõoyequina yero saha ijiaharo. Ahri yehpa cjẽne pajiro tãhotueraro cahmene. Ahri yehpa yojopãre ijiri yehpa camesa pihtia wahaarota.

³² Mũsa ñano yãhdũeragũ cahmeaja yũhũ. Sa yegũ mũsa pajiro mũsa tãhotueragũ gãhũre cahmeaja. Namu mariediũquiro Jesu yaquiro ijiro Jesu yere wacũducure. Sa wacũducuro Jesu cahmeñene tutuaro ye duare. ³³ Namu tiriũquiro pehe tiqũiro namono cahmeñe pehere tutuaro ye duare. Sa yero ahri yehpa cjẽne pajiro tãhoture. ³⁴ Sa yero tiqũiro pãarore ye duare. Jesu cahmeñene, tiqũiro namono cahmeñe gãhũre tiqũiro ye duare. Sa yero bũcõoro manũ mariedicoro ijiro, ticoro mari pãhtoro Jesu cahmeñene tutuaro ye duare. Nuhmino gãhũ sata ye duare. Sa ye duaro ticoro tutuaro Cohãcjũ yacoro iji duare. Manũ tiricoro pehe ahri yehpa cjẽ pehere ticoro manũno cahmeñe pehere tutuaro ye duare. Sa yero ahri yehpa cjẽne pajiro tãhoture.

³⁵ Ahrire mäsare nii niaja mäsare yedohogũ tagũ. Tutuaro dutiyere mäsare cũ dueraja. Sa cũ duerapegũta quehnoano mũsa yegũ cahmeaja. Sa yegũ Jesu mari pãhtoro yere mũsa tutuaro ye duagũ cahmeaja yũhũ.

³⁶ Mũsa mehna cjãno tiqũiro cahmedicoro bũcõoro wahagũ ihũano ticorore namo tiaharo. “Sata yero cahmene”, ni tãhoturo, namo tiaharo. Sa yero ticorore namo tiro ñano yero niedare. ³⁷ Apequiro pehe tiqũiro cahmedicorore “Yũhũre namo tiro cahmene”, ni dueraro, tiqũiro cahmediro sahata yeharo. Tiqũiro namo ti dueragũ, quehnoanota. Quehnoano yero nine. ³⁸ Sa yero tiqũiro cahmedicorore namo tiriũquiro gãhũ quehnoano yere. Sa yero yojopãre ticorore namo tieriqũiro pehe apequiro yãhdũoro quehnoano yere.

³⁹ Manũ tiricorore ticoro manũnore cohã dutierare Cohãcjũ. Tiqũiro sa cohã dutierapegũta ticoro manũno tiqũiro yariari bato ticoro apequiro mehna ticoro cahmedicoro mehna manũ ti

masine. Ticoro manũ tiriũquirore Jesu yaquiro ijiro cahmene tiqũirore. ⁴⁰ Ticoro manũ mariedicoro tojoaro, manũ tiricoro yãhdũoro quehnoano bucuericoro ijirota ticoro. Sata ni tãhotuaja yũhũ pehe. Cohãcjũ yaquiro Espĩritu Santore saõogũ ijiaja. Yũhũ sa cõogũ ijigũ masina, ahri yũhũ yahurire masiña mũsa.

8

“Cohãcjũ ijire”, tiquina niñe queoyere ño peo, ihyayere duhu peoahye masa. Ti ihyayere yahuahye Pablo

¹ Yojopãre “Cohãcjũ ijire”, tiquina niñe queoyere ño peo, tiquina duhu peori ihyayere yahu duaja. Ijipihtina mũsa ti borore “Masiaja”, ni tãhoture mũsa. Sa ni tãhotuna “Apequinare masi yãhdũucaja”, ni tãhotumene mũsa. Sa ni tãhotuna apequinare yedohorare mũsa. Apequinare cahĩna tiquinare yedohore mũsa. Sa ye masiñe yãhdũoro apequinare cahĩne pehe ihyo waro ijierare. ² “Masi peho cjã”, nina ijina, Cohãcjũ quehnoañene tiqũiro masi dutiyere masiedarĩaga mũsa. ³ Sa ijiepegũta Cohãcjũre masia cahĩgũ mäsare masine tiqũiro. Sa yena tiqũiro yequina ijire mũsa.

⁴ “Cohãcjũ ijire”, tiquina niñe queoyere ño peo, tiquina ihyayere duhu peore. Ti ihyayere mäsare yahutja: Ti queoye ne dahseati ijierare. Potota ti queoye jeripohna mariedare. Cohãcjũ pehe ihcãquirota ijire. Apequina cohãmana mariedare. Ahrire masiaja mari. ⁵⁻⁶ “Peyequina cohãmana ijire. Tiquina mari pãhtoa ijire”, ni tãhotumene masa. Sa yero ahũmãserũ, ahri yehparũ gãhũre “Cohãmana”, tiquina niñequina ijiepegũta mari pehere ihcãquirota ijire Cohãcjũ. Tiqũiro mari Pacũ ijipihtiyere bajumehnediũquiro ijire. Sa yero tiqũiro yequina ijiatinare yeahye tiqũiro marine. Sa yero mari pãhtoro Jesucristo ihcãquirota ijire. Tiqũiro ijipihtiyere mari Pacũre ye basariũquiro ijire. Tiqũiro yequina ijiatinare yeahye tiqũiro marine. Sa yena tiqũiro mehna sa ijiducunata mari.

⁷ Yũhũ nidiro saha ijiepegũta apequina Jesu yequina tire masiedare. Pãnorũ tiquina “Cohãcjũ ijire”, tiquina niñe queoyere “Catiyequina ijire”, ni tãhotuducumahye. Ti pjeperẽ sa yeriquina ijieye yojopãre gãhũre ti queoyere ño peo, tiquina duhu peo ihyayere “Cohãmana ye ihyaye ijire”, ni tãhotumene. Sa ye ti ihyayere ihyaye, “Mari ñano yena niaja”, ni tãhotumene. Tire tiquina yerire quehnoano masiedaye, sa ni tãhotumene. ⁸ Ti ihyayere mari ihyagũ mari ihyeragũ gãhũre Cohãcjũ marine “Quehnoañequina ijire”, ni ihñedare. Sa ye ti ihyayere mari ihyagũ ihyo warota iji cãhno nine

ti ihyaye. Mari tire ihyana ñano yeraja. Ti ihyayere mari ihyeragã gũhare ihyo warota iji cãhno nine. Mari ihyerana apequina yũhdũoro quehnoana ijieraja mari gãhũ. ⁹⁻¹⁰ Sa ijiepegũta quehnoano yeya musa. Ti ihyayere ihyarina musa ijigũ apequina musare “Masijaja”, ninare ihña cũ ihyaboaga. Sa ihña cũ ihyaye tiquina yerire quehnoano masiedaye, “Ñano yena niaja mari”, ni tuhutueta tiquina gãhũ. Tiquina sa ni tuhutueta tiquina pehere ñano yegũ yena niaga musa. Sa yena quehnoano yeya musa. ¹¹ “Mari ti ihyayere mari ihyagũ quehnoanota marine”, musa ni tuhutueta ijina apequina quehnoano masieñequinare ñano yegũ yeboaga musa, musare tiquina ihña cũgũ. Sa yeriquina ye ijia ti gũhare yariahye Cristo. Sa yena Cristo yequinare musa acayere ñano yegũ yena niaboaga musa. ¹² Quehnoano masieñequinare Cristo yequinare musa ñano yegũ yena, Cristo gũhare ñano yena nine musa. ¹³ Sa yegũ ti queoyere ño peo, tiquina duhu peo ihyayere yũhũ ihyagũ Cristo yequinare ñano yegũ yegũ niaboaga yũhũ. Jesu yequina ñano yegũ cahmedaja. Sa yegũ “Yũhũ tiquinare ñano yegũ yeari”, nigu ti ihyayere ne pari turi ihyasi yũhũ.

9

Pablo Jesu cũriquiuro tiquiuro ijyere yahuahye

¹ Jesu tiquiuro yere buhe dutiro cũrigũ ijia. Sa yegũ apequina tiquiuro cũriquina tiquina yero saha ye masijaja yũhũ gãhũ. Jesu cũriguta ijiaja yũhũ gãhũ. Mari pũtoro Jesure ihñariguta ijiaja yũhũ. Sa yena Jesu yere yũhũ buhegũ musa pehe tire quehnoano tuhona tiquiuro yequina wahare musa. Sa yena Jesu cũrigũ yũhũ ijyere masi tuhasare musa. ² Apequina yũhare yahu wajaye “Jesu cũriquiuro ijierare”, ni-boaga. Tiquina sa niepegũta musare yũhũ buheri bato Jesu yequina wahana, “Jesu cũriquiuro ijire”, ni, yũhare masi tuhasare musa. Sa yena apequina yahu wajaepẽgũta musa pehe tiquiuro cũrigũ yũhũ ijyere tyere masine.

³ Yũhare yahu wajayequinare ohõ saha ni yũhtitja. ⁴ Musare yũhũ buheri bato yũhũ ihyatire yũhũ sihniati gũhare yũhare ohoro cahmene musare. ⁵ ¿Sa yegũ namo tigu ijigũ yũhũ namono Jesu yacoro ticoro ijigũ ticoro mehna tini masiedaboagari yũhũ? Apequina Jesu cũriquina, Jesu bahana, Pedro gãhũ tiquina namosãnumia mehna tiquina tinidiro sahata yũhũ gãhũ tini masiboaga. Yũhũ sa tinigũ yũhũ namo tigu ijigũ ticoro gũhare ihyayere ohoboaga musa. ⁶ Yũhũ Bernabé mehna musare quehnoañe buheyere usã buhepegũta usãre

ne apee borogã ohoerari musa. Sa yena usã basita usã ihyatire dahra wapatau usã. ¿Usã dihitarẽ wapataro marieno buhero cahmeajari, musa tuhutueta? ¿Usã sa buhena apee dahraye pehere duhu masiedaboagari usã? ⁷ Ahriquina yũhũ queoye mehna yahuatiquina pehe tiquina dahrari wapa wapatare. Ihcãquiuro surara dahragũ tiquiuro pũtoa tiquiurore wapa yere. Tiquiuro basi wapa yere. Ihyayere oteriquiro gãhũ tiquiuro oteri dũca tigũ tireta ihyã masine. Sa yero wapatare tiquiuro. Sa yero ovejare ihña ihboriquiro tiquiuro nuñequina epẽcore sihni masine tiquiuro. Sa yero wapatare tiquiuro gãhũ. ⁸ “Tiquina dahrari wapare wapa yero cahmene”, nigu musa tiquina dutiye dihitarẽ musare yahueraja. Cohãcjũ dutiyepũ tiquiuro nidi gũhare musare yahugũ niaja. ⁹ Tiquiuro dutiyere tiquina ojoari pũpũ ohõ saha ni yahure: “Wecũ trigo pjerire tiquiuro dahpocãri mehna suhti weriquiro ihyã duagũ tiquiuro dũserore cahmotaeracãhña”, niahye Cohãcjũ dutiye. Sa dutiro wecũare nino niedahye. ¹⁰ Sa dutiro marine nino niahye marine buhero taro. Wesere seheriquiro gãhũ ti dũcare nediquina gãhũ tiquina dahrari bato dũca tiri pje ijigũ tiquina wapatare cohere. Sa yena dahrayequinare tiquina dahrari wapare ohoro cahmene marine. ¹¹ Musare Cohãcjũ yere quehnoañe buheyere buheĩ usã. ¿Usã sa buhegũ musa pehe usãre ihyayere ohoeraro cahmeajari, musa tuhutueta? Ohoro cahmene. Musã ohogũ quehnoaboaga usãre. Sa ijiepegũta musa ohoerari usãre. ¹² Sa ohoerapenata apequina ihyayere musare sinigũ tiquina pehere ohore musa. Tiquina musare ihyayere sinigũ tiquina yũhdũoro usã pehe oho dutiboaga musare.

Sa oho dutiborina ijiepenata usã pehe “Usãre ohoya” ne niedũ. “Cristo ye buheyere musapũ cahmedaboaga” nina, usãre mariedapẽgũta musare ne siniedũ. ¹³ Cohãcjũ wũhũpũ dahrayequina ti wũhũpũta tiquina ihyayere nene. Sa ye Cohãcjũre tiquina ño peori altarpũ cohteyequina wahiquirore tiquina ijia mũoriquirore mehenogã ne, ihyari tiquina gãhũ. ¿Tire masiedari musa? ¹⁴ Sa tiquina yeriro saha quehnoañe buheyere buheyequinare tiquina buheri wapare tiquina ihyatire tiquinare ohoro cahmene musare. Sata ye dutiri mari pũtoro Jesu. ¹⁵ Sa yegũ musare siniborigũ ijiepegũta yũhũ ne apee borore siniedũ musare. Sa yegũ ahrire yojopũre ojoa ohogũ apee borore wapa cahmegũ tagũ ojoagũ niedaja. Musare ne wapa cahme dueraja. Yariacũ ijiepegũta ne wapa cahmesi yũhũ musare. Wapa marieno buhegũ tutuaro bucueaja. Sa yegũ musare yũhũ buheri wapa ne wapata ihyasi.

¹⁶ Quehnoañe buheyere buhe dutiro yahure cūri Cohācjū. Tire buheacjūta ijigū niaja yūhū. Quehnoañe buheyere buheragū pejesuogū ijiboaga yūhū. Sa yegū ti buheyere buhegū “Apequinare masi yūhdūdūcaja”, niacjū ijieraja yūhū. ¹⁷ Quehnoañe buheyere yūhū esa tuharo buhegū yūhū buheri wapa wapa neboaga yūhū. Cohācjū yahure tiqiro yere buhe dutiro cūri yūhūre. Sa yegū yahure tiqiro cūrire yegū niaja. Sa buheacjū ijiaja yūhū. ¹⁸ ¿Tiqiro yere sa buhegū yabe borore wapatajari yūhū? Ohō saha ijire yūhū wapataje: Quehnoañe buheyere buhegū mūsare ne apee borore siniedagū wapa marieno ti buheyere buheaja mūsare. Yūhū sa nidire masigū bucueaja. Yūhū bucueyeta ijire yūhū wapataje.

¹⁹ Ne masa cahacjū ijierapegūta ijipitiyequina cahacjū yero saha ijiaja yūhū apequina masa Jesu yequina tiquina wahatire. ²⁰ Sa yegū yūhū acaye judio masa mehna ijigū, tiquina yero saha yeaja yūhū Jesu yequina tiquina wahatire. Cohācjū dutiyere Moiserē tiqiro cūrire ño peorigū ijierapegūta, ti dutiye dihitate ño peoyequina mehna ijigū ti dutiyere ño peoriquiro yero saha ijiaja yūhū. Sata yeaja yūhū tiquina Jesu yequina tiquina wahatire. ²¹ Sa yegū Cristo yaquiro ijigū Cohācjū dutiyere Moiserē tiqiro cūrire cohā dueraja. Ti dutiyere cohā duerapegūta ti dutiye marieñequina mehna ijigū ti dutiye marieniquiro yero saha ijiaja. Sata yeaja yūhū Jesu yequina tiquina gūhū wahatire. ²² Jesu yere quehnoano masieñequina mehna ijigū tiquina yero saha ijiaja. “Masi pehogū ijiaja”, niedaja yūhū. Sata yeaja yūhū Jesu yequina tiquina gūhū wahatire. Sa yegū ijipitiyequina masa tiquina ijiro saha ijiaja yūhū, ihquēquina Jesu yequina tiqiro yūhdūoriquina tiquina wahatire. ²³ Ahrire yeaja quehnoañe buheyere ijipitiyequina tiquina tūhoatire. Yūhū sa yegū ihñano Jesu tiqiro buheriro saha yūhū gūhūre quehnoano yere. Sa yegū masa tiquina ijie tiro saha ijiaja.

²⁴ Ohō saha ijire mari queoye mehna buhegū. Oma cohāpeyequina omañe tiquina ijipitiyequina omare. Tiquina sa oma pihtiepegūta oma tutuariquiro pehe esa muhtare. Sa esa muhtariquiro wapatare. Sa yena tiquina omariro saha mūsā gūhū Cohācjū cahmeñene yeya mūsā wapatare. ²⁵ Ijipitiyequina omañequina tiquina pagure dojomehnefene duhu cā, quehnoano omapore tiquina oma tutuatiere. Sa ye tiquina quehnoano omatiere queoro ihyaye, queoro carñe, quehnoano yere tiquina. Sata yere tiquina wapatare saha. Sa ye tiquina wapataje pūri mehna tiquina yeri behto ijire. Ti behto pehe yoari pje

ijierare. Duita ahbaa wahare. Mari pehe Cohācjū yere quehnoano buheaja tiqiro yere mari wapatare saha. Ti wapataje pūrita ne ahbaerare. ²⁶ Sa yegū yūhū ape siepū omariquiro yero saha yeraja. Sa yegū cahmequeperiquiro ape siepū dote macā cāriquiro yero saha yeraja. Sa yegū Cristo yere queoro ye duaja. ²⁷ Sa yegū omapeyequina, cahmequepeyequina gūhū tiquina pagūre tiquina buheriro saha, quehnoano queoro tiquina yeriro saha yūhū gūhū yūhū pagū mehna quehnoañe dihitate yeroaja. Sa yeragū apequinare buherigū yūhū ijiepegūta dūhseacjū ijieraboaga yūhū pehe.

10

“Cohācjū ijire”, tiquina niñe queoyere ño peo dutierahye Pablo

¹ Sa yena yūhū acaye, ahrire masiñā mūsā. Ūsā Israe masa ñečsūmūta mūsā panopū cjēna ijipitiyequina Cohācjū ya ehmeo curuare ihñā nūnū tā cāa wahahye. Sa wahaye, aco sohāri mare aco pūa peheri tojoadacari mahapū wūa queheri mahapū tūniñe, pehāa wahahye. ² Sa wahaye, tiquina ijipitiyequina ehmeo curua mehna aco sohāri ma cjē aco mehna Cohācjū ye ijiatire wame yenhriquina yero saha wahahye. Wame yenhriquina wahana Cristo yequina mari ijiyere ihñona niaja. Sa tiquina aco sohāri mare wame yenhriquina yero saha wahaye, Moise yequina tiquina ijiyere ihñofne niahye. ³ Sa ye tiquina ijipitiyequina ahmuse cjē ihyayere ihyaye tiahye Cohācjū tiqiro ohoyere. ⁴ Sa ihyaye tiquina ijipitiyequina Cohācjū ohori aco gūhūre sihnie tiahye. Ti pjepeure ti acore Cohācjū cūri utāpū wijiari acore sihnie tiahye tiquina. Tia utā yero saha ijiriquiro, tiquinare aco ohoriquiro Cristo ijiahye. ⁵ Tiquina sa wahariquina ijiepegūta apequina tiquina mehna cjēna ñano yegū ihñano Cohācjū pehe peyequina tiquina mehna bucuerahye. Sa yero tiquinare masa marienopū yariagū yeahye Cohācjū.

⁶ Sata yeahye tiquinare Cohācjū marine buhero taro. Sa yero tiquinare ihñā cū ñañene mari tutuaro cahmedatiere Cohācjū sa yeahye tiquinare. ⁷ Sa yena “Cohācjū ijire”, tiquina niñe queoyere tiquina ño peoriro saha yeracāhñā mūsā. Ti queoyere tiquina ño peorire Cohācjū yere tiquina ojoari pūpū yahuro ohō saha niahye: “Tiquina ihya duji sihni tuhasa, wahcādūca, bose deco ye dacahye wecu queoyere ño peoye tehe”, ni ojoahye panopūre. ⁸ Came apequina Israe masa pehe numia mehna ñano yeahye. Tiquina yeriro saha yeraro cahmene marine. Tiquina ñano yeri bato ihcā decota tiquina veintitres mil masa

yariaa wahahye. ⁹ Apequina Israe masa Cohãcãure tiquina mehna usuagũ yeahye. “Marine buhiri dahresi”, niñe Cohãcãure tuhtiahye. Sa tuhtiyi tiquirore usuagũ yeahye. Tiquina sa yeri buhiri Cohãcãũ añaa pari mehna bahque wejẽahye tiquinare tja. Sa yena tiquina yero saha Cristore yeracãhña musa. ¹⁰ Apequina Cohãcãure unure tuhtigũ angel masare wejẽdiquiro tiquinare wejẽahye. Sa yena tiquina yero saha yeracãhña.

¹¹ Sa wejẽ dutiahye tiquinare Cohãcãũ marine buhero taro. Mari pehe pihtiri deco panogã ijina ijiaja. Mari sa ijina ijigũ panopũ cãena tiquina sa waharise Cohãcãũ ojoa dutiahye marine quehnoano buhero taro. ¹² Sa yena “Quehnoana ijiaja, Cohãcãũ tiquiro ihñagũ”, ni tãhotu, quehnoano yeya musa “Ñañene yeari”, nina. ¹³ Mari ijipihitina ihcãquiro duhsaro marieno ihquẽ tahari ñañene wacũtaja. Sa wacũna ti ñañene ye duaja. Mari sa ye duepegũta Cohãcãũ marine yedohoducuriquiro ijire. Sa yero ti ñañe wacũñene mari bo masiedagũ tiquiro pehe marine yedohorota. Sa yero ti ñañene mari ye duagũ ihñano Cohãcãũ ti ñañene marine ye dueragũ yerota. Tiquiro sa yegũ ti ñañene ye duasi mari.

¹⁴ Sa yena yahũ cahña yahũre tahoya. “Cohãcãũ ijire”, tiquina niñe queoyere ne ño peoeracãhña. ¹⁵ Musa quehnoano masina ijigũ musare yahuaja. Sa yena yahũ niato poto ijigũ masiña musa basi. ¹⁶ Cristore tiquina ñehedi ñamine vinore tiquiro sihnato pano Cohãcãure “Quehnoare”, niahye. Tiquiro nidiro saha mari gãhu ti vinore sihnina Cohãcãure “Quehnoare”, nina, mari ye buhiri Cristo tiquiro yariarire masigũ yena niaja. Tiquiro dii wijiari masigũ yena niaja. Sa yena tiquiro yequina mari ijieye gãhũre masigũ yena niaja mari. Sa yena pãre mari Cristo yequina nuhana mari ye ijiatire tiquiro pagũ curusapũ tiquiro yariarire masigũ yena niaja. Sa yena tiquiro yequina mari ijieye tiye gãhũre masigũ yena niaja. ¹⁷ Sa yena peyequina masa ijiepenata ihcãria pãgãre ihyana, ijipihitina mari Cristo yequina ihcã curuata ijiaja. Sa yena peyequina ijiepenata ihcã curuata ijiaja.

¹⁸ Israe masa tiquina yerire wacũña musa: Tiquina wahiquirore wejẽñe, uãã mũo, ohoye, Cohãcãure ño peore. Sa tiquina ohori bato ihcã curuata tiquina ohoriquirore ihyare. Sa ihyaye Cohãcãũ yequina tiquina ijieye tiyere masigũ yere tiquina. ¹⁹ Ohõ sahata nii niaja musare: “Cohãcãũ ijire”, tiquina niñe queoye duhseati ijierare. Sa yero queoyere ño peo tiquina duhu peoye ihyaye pehe ihyo warota ijero nine. Ti ihyaye marine sijoro saha wahagũ yerare. ²⁰ Ti ihyaye sijoro saha wahagũ yerapegũta ti ihyayere ihyeraro

cahmene. Ohõ saha ijire ti. Cohãcãure cahmeñequina wahiquirore wejẽ, uãã mũo, Cohãcãure ño peoye niedare. Sa ye queoyere ño peoye watã pehere ño peore tiquina. Tiquina sa ño peoyequina ijigũ tiquina mehna ihyana watãno yequina yero saha yena niaga musa. Musa sa yegũ pũritare ne cahmedaja. ²¹ Santa cenare mari yeri deco mari pahuro Jesure wacũna tana sihniaja. Mari sa sihnina, watãno ye pehere sihni masiedaja mari. Sa yena Jesure wacũna tana pãre ihyaja. Mari sa ihyana, watã ye pehere ihya masiedaja mari. ²² ¿Jesure musa mehna usuagũ ye duajari musa? ¿Tiquiro yahũoro tutuana ijiajari musa? Ijierare musa. Sa yena quehnoano yeya musa.

Cohãcãũ cahmeñe dihitaro yeya

²³ Musa yeri ñañe ijierapegũta tire yena apequinare yedohoeaboaga musa. Sa yena tire yena Jesure wacũ tutua nemogũ yeraboaga musa apequinare. ²⁴ Musa cahmeñe dihitaro yeracãhña. Apequina pehere quehnoano yedohoya musa.

²⁵⁻²⁶ Ihyaye duaropũre ihyayere dũna “¿Ahri ihyaye cohãmana queoye cahapũ tiquina duhu peori ihyaye ijiajari?” ni, sinitueracãhña. “Ñañene yeari”, nina, sinituboaga musa. Sa ni sinitueracãhña. Ahri yehpa, ahri yehpapũ ijieye gãhu Cohãcãũ ye ijire. Sa yena ti ihyayere “¿Ñañe ihyaye ijiajari?” niedacãhña.

²⁷ Jesure cahmeñequiro musare ihya dutiro tiquiro pijigũ waha duana wahaya. Sa wahana musare tiquiro duhu peoyere ihyaya. “¿Ahri ihyaye Cohãcãũ queoye cahapũ tiquina duhu peori ihyaye ijiajari?” ni, sinitueracãhña. ²⁸ Sa yena apequiro Jesu yaquiro “Ahri ihyaye Cohãcãũ queoyere tiquina duhu peori ihyaye ijire”, musare tiquiro ni yahugũ ti ihyaye pũritare ihyeracãhña. Musare sa ni yahuriquiro “Ñañe ihyayere ihyare ahriquina”, musare tiquiro ni tãhotueratire ihyeracãhña. ²⁹ Sa ihya dutieragũ musa pehere yedohogũ tagu sa niedu. Musare ahrire yahuriquiro pehere yedohogũ tagu sa ihya dutieraja. Tiquiro pehe musare “Ñañe ihyayere ihyare ahriquina”, niboaga. “Sa niari”, nina ti ihyayere ihyeracãhña.

“Ihyeracãhña”, yahũ nigũ ohõ saha ni sinitu yahũtoaga musa yahũre: “¿Dahse ijero boro apequirore ‘Sijoro saha wacũari’”, nina ihyeraboagari usã? ³⁰ “¿Ti queoyere ohori ihyayere usã ihyagũ Cohãcãũ warore ‘Quehnoare’, usã niepegũta dahsero tire usã ihyari buhiri apequiro usãre yahu wajaboagari?” ni sinitu yahũtoaga musa yahũre. ³¹ Ahri ijipihitiyere yahugũ ohõ saha nigũ

niaja musare: Decoripe Cohācjū tiquiro dutiriro sahata bucueye mehna ihya, sihni-aja, Cohācjūre masa tiquina ño peoatire. Sa yena ijiphiytyere quehnoano yeducuya Cohācjūre masa tiquina ño peoatire. ³² Ne judio masare, judio masa ijieyequinare, Cohācjū yequina gūhare ñano yegū yeracāhña msa tiquinare. ³³ Ohō saha yeaja yūhū pehe. Masa ijiphiytyequinare yedoho duaja. Sa yegū yee ijiatī pehere pajiro tūhotueraja. Yūhū ñano yūhdugū quehnoanota. Masa pehere yedohoaja tiquinare pecarū wahaboriquinare Cohācjū tiquiro yūhdūoatire.

11

¹ Sa yena Cristore yūhū ihña cūriro sahata msa gūhū yūhūre ihña cūña.

Corinto cĵēna cahmecoanorū numia tiquina yeatire yahuahye

² Musare yūhū buhe turiarire wacū pehoñohi msa. Sa wacūna musare yūhū nidire yūhū ye dutiriro saha yeñohi msa. Sa yena quehnoano yere msa. ³ Sa yena msa ijiepegāta ahri gūhare msa masigū cahmeaja: Ijiphiytyequina msa tiquina pūhtoro, Cristo ijire. Sa yero tiquiro namono pūhtoro ijire ticoro manano. Sa yero Cristo pūhtoro tiquiro Pacaro ijire. ⁴ Cohācjūre sinidiquiro tiquiro dapure mohariquiro sinino, tiquiro basi pūhtoro ijiyere wijiario nine. Cohācjū yere yahuriquiro gūhū tiquiro dapure mohano, sata yero nine tiquiro gūhū. ⁵ Sa yero ticoro dapure moheno Cohācjūre sinino, ticoro manano pūhtoro ijiyere wijiagū yero nine. Cohācjū yere yahuricoro gūhū ticoro dapure moheno, sata yero nine ticoro gūhū. Sa yero ticoro poarire wūhari pĵī mehna wūha pehoricoro yero saha yere ticoro. ⁶ Ticoro dapure moha dueraro ticoro poarire se peho cā dutiahro. Ticoro sa yeri bato ticoro dapure bue tiro, ticoro mohaahdo ticoro dapure. ⁷ Msa pehe Cohācjū yero saha pūhtoa ijire. Sa ye Cohācjū quehnoariquiro, tutuariquiro tiquiro ijie tyere ihñore tiquina pehe. Sa ye tiquina dapure moheñequinata ijiahro. Numia pehe msa tiquina pūhtoa ijie tyere ihñore. Sa yeye tiquina dapure mohaahdo. ⁸ Cohācjū mñanore yero, numino ya pagū cĵē mehna mñanore yerahye. Numino pehere yero, mñano ya pagū cĵē mehna yeahye ticorore. ⁹ Sa yero mñanore yero, numino yaquiro ijiatiquirore yerahye. Numino pehere yero mñano yacoro ijiaticorore yeahye Cohācjū ticorore. ¹⁰ Sa ye numia tiquina dapure mohaahdo angele gūhū tiquina ihña bucueatire. Sa mohañe msa tiquina pūhtoa tiquina ijiyere ihñofne nine. ¹¹⁻¹² Cohācjū numinore yero, mñano

pagū cĵē mehna yeahye. Sata yojoṗure mñano masa bajuaro, numino pagūṗu masa bajuare. Sa yero ijiphiytyequinare Cohācjū pehe yeahye. Sa yero mñano tiquiro iji mūhtaedagū numino mariedaboaga. Sa ye numino ticoro mariedagū mñano gūhū mariedaboaga. Sa ye tiquina msa numia gūhū tiquina basi cahme yedohore masa putiatire. Sa yero ijiphiytyequinare ijiatiquinare bajumehnediquiro ijire Cohācjū.

¹³ ¿Msa basi dūhse ni tūhotuajari? ¿Numino ticoro dapu mohedico, Cohācjūre ticoro sinigū quehnoajari, msa tūhotugū? Ne quehnoaedare. ¹⁴ Sa yero mñano poa nahmo cuoriquiro tiquiro ijigū ñarñe. Ijiphiytyequina masa tire masine. ¹⁵ Sa yero numino ticoro poa nahmo ticoro dapure mohari cahsero yero saha ijire. Sa yero ticoro poa nahmo cuoricoro ijero quehnoaricoro bajure ticoro. Ti gūhare ijiphiytyequina masine. ¹⁶ Msa mehna cĵano ahrire yūhū yahurire tiquiro cahmedagū, ohō saha ni yahutja tiquirore: “Yūhū ni yahuriro saha yeducuaja mari. Apequina Jesu yequina gūhū sata yere tiquina gūhū. Ušā sa yerina ijigū ihñagū yūhū ni yahuriro saha yero cahmene mūhū gūhare”, ni yahutja yūhū yahurire cahmeediquirore.

Santa cenare tiquina ihyari watoa dojomehneahye Corinto cĵēna

¹⁷ Yojoṗure musare ahrire yahugū tūhū, “Quehnoano yena ijire”, niedaja yūhū musare. Msa cahmecoana quehnoano yerare. Ñano yere msa. ¹⁸ Ohō saha ni yahu mūhtaautja musare: Msa cahmecoanorū cahme dūse tutuana msa basi ihquē cururi tu wana niñohi msa. Apequina tire yūhūre tiquina yahugū “Potota ijiaga”, ni tūhotuaja yūhū. ¹⁹ Sata yere msa. Sa yena ohō saha ni tūhotumene msa. “Mari tu warina ijina, Jesu yequina waro ijieyequina pehere masinata mari. Sa yena marine tu waro cahmene”, ni tūhotumene msa. ²⁰ Msa basi sa cahme ihña tuhtana, msa ihcānorū cahmecoa ihyana quehnoano yerare. Potota Santa cena waro yena niedare. ²¹ Msa cahmecoana ihquēquina msa sehsaro ihya mūhtana, apequina pehere uja ahbagū yere. Sa ye sihni mūhtana quehea wahare. ²² ¿Musare msa ihyaye wūhuse mariedajari? ¿Musare msa sihniñe wūhuse mariedajari? Ti wūhuseṗata ihya, sihniña. Yojoṗure Cohācjū yequina tiquina cahmecoanore dojomehnena niaga msa. Sa yena apequina Jesu yequina pejescoyequinare ihyaye marieñequina pehere msa pehe boro yūhdagū yere. ¿Dūhse ni yahugutari yūhū musare? “Quehnoano yerare msa”, niaja yūhū.

Santa cenare ihyarire yahuahye Pablo
(Mt 26.26-29; Mr 14.22-25; Lc 22.14-20)

²³ Mari puhtoro Jesu tiqiro ihya bato tirire yahuri yuhure. Sa tiqiro yahuri bato yuhū pehe musare tire yahuu. Ti ohō saha ijire: Tiquirore ihña tuhtiequinare Juda tiqiro ihñoati ñamine mari puhtoro Jesu-cristo pāre ne, ²⁴ Cohācjūre “Quehnoare”, niñohiti. Tiquiro sa nidi bato ti pāre nuha, tiqiro buheyequinare itihohiti. Sa itiro ohō saha niñohiti: “Ahrire ihyaya. Ahri yuhū pagu ijire. Mūsa ye ijiatire yariatja. Yuhure mūsa wacūatire ahrire ihyaya”, niñohiti Jesu mari puhtoro. ²⁵ Sa tiquina ihyari bato tiqiro sihnidi pare neno ohō saha niñohiti: “Mūsa ñañe yeyere cohāgu tagu yariatja. Sa yegu ye diire cohāgutja. Cohācjū ‘Musare yuhduoutja’ tiqiro nidiro esagū yuhū yariaro mehna tiqiro nidiro sahata sohtori tirota. Ahri papu pose tiyere sihnina, yuhū dii wijiarire wacūnata. Ahrire sihnina, yuhure mūsa wacūatire sihnina”, niñohiti Jesu. ²⁶ Sa yena Santa cena cjē pāre mūsa ihyana, sihnine sihnina, Jesu mari puhtoro mari ye buhirire tiqiro yariarire wacū, ihñona nine mūsa. Sa ihñoducunata mūsa tee ahri yehpapu tiqiro tojoa tato pano.

“Santa cenare ihya sihnina ohō saha yeya”, ni yahuahye Pablo

²⁷ Santa cenare ihya, sihnina, Jesure ño peoro marieno cua pesaro yerana, tiqiro pagure tiqiro dii cohāri gūhare bujupero saha yena niaja mari. Sa yena Jesure bujupena niaja mari. Sa yeyequina buhiri tiyequina ijire. ²⁸ Sa yena mari yerire, mari ijije tiyere quehnoano wacūhna. Sa wacūna Santa cenare ihya, sihni masiaja mari. ²⁹ Mari puhtoro mari ye ijiatire tiqiro pagu yariarire wacūno marieno Santa cenare ihya, sihnina mari buhiri tinata. ³⁰ Ohō saha dihita yere peyequina mūsa mehna cjēna. Sa ye tiquina ihquēquina tutueyequina, dohatiyequina wahare. Sa ye apequina tiquina sa yeri buhiri yariaa wahare. ³¹ Sa ijiepegāta tiquina ihya, sihnine tiquina yerire, tiquina ijije tiyere quehnoano wacūne, tiquina ñañe yerire duhu, ti buhirire buhiri tieraboaga. ³² Mari puhtoro pehe marine tuhtire, tiquina ye buhirire marine buhiri ti dutieraro. Apequina ñañequina Jesure ño peoyequina buhiri tiatiquina dihita ijire. Tiquina yero saha marine buhiri tigū cahmedare mari puhtoro.

³³ Sa yena yuhū acaye, Santa cenare ihyana tana cahmecoana, mūsa basi cohteniña. ³⁴ Sa ye mūsa mehna cjēna ujua ahba, tiquina ye wñhūseru ihyariñado. Sa yena Santa cenare ihyana tana cahmecoana, cua pesaro yerariquina ye buhiri buhiri tisi

mūsa. Apee borore yahu duami mūsa. Came yuhū basi esagū mūsa yahuatja tire.

12

Cohācjū yere mari yeatire cūno marine ye masigū yere Espiritu Santo

¹ Yuhū acaye ahrire yahu duaja mūsa. Cohācjū yere mari yeatire cūno marine ijipitinare ye masigū yere Espiritu Santo. Sa yegu tire mūsa quehnoano masigū cahmeaja.

² Jesu yequina ijieranina sijoro saha ijije buheyere tuho nanana ijina, mūsa pehe “Cohācjū ijire”, tiquina niñe queoyere, yahuducueye queoyere ño peomedi. Tire masine mūsa. ³ Sa ijimedina mūsa ijigū yojopare ohō saha ni yahuatja mūsa. “Jesu ñano wahacūnahdo”, niñequina Cohācjū yaqiro Espiritu Santo tutuaye mehna sa niñe niedare. Espiritu Santo warore coerare tiquina. Sa ijije “Jesu mari puhtoro ijire”, niñequina pehe Espiritu Santo tutuaye mehna sa niñequina ijire tiquina.

⁴ Cohācjū yere ye masiñe peye ijire. Ti sa ijiepegāta marine ye masigū yeriquiro pehe ihcāquiota ijire. Tiquiro Espiritu Santo ijire. ⁵ Sa ye apequinare yedohoye gūhu peye ijire. Ti sa ijiepegāta mari puhtoro Jesu pehe marine yedoho dutiriquiro ihcāquiota ijire. ⁶ Sa ye Cohācjū yere yeye gūhu peye ijire. Ti sa ijiepegāta Cohācjū ijipitina marine ye masigū yeriquiro pehe ihcāquiota ijire. ⁷ Marine Jesu yequinare Espiritu Santo yedohoro, Cohācjū tutuayere ihñono nine. Ohō sahata yedohore tiqiro Jesu yequinare ijipitieyequinare mari quehnoano yeatire. ⁸ Ihquēquinare quehnoano masi yahugū yere Espiritu Santo. Sa yero apequinare Cohācjū yere quehnoano buhegū yere tiqiro. ⁹ Sa yero apequinare Cohācjūre quehnoano wacū tutuagū yere tiqiro. Sa yero apequinare Cohācjū tutuayere ohore tiqiro. Ti tutuaye mehna tiquina pehe dohatiyequinare yuhdugū yere. Cristore tiquina wacū tutuagū ihñano tiqirore tiquina sinidiro sahata yere tiqiro. Espiritu Santo ihcāquiota ijiriquiro ti tutuayere ohore. ¹⁰ Sa yero apequinare Cohācjū tutuaye mehna ihñofene ye masigū yere tiqiro. Sa yero apequinare Cohācjū yere quehnoano yahu masigū yere tiqiro tiquinare. Sa yero apequina Jesu yequinare buheyere quehnoano bese masigū yere tiqiro. Sa masiñe watino ye buheye ti ijigū masine tiquina. Espiritu Santo waro ye buheye gūhare ti ijigū masine tiquina. Sa yero apequinare tuhohemneñe yahuducuyere yahuducu masigū yere tiqiro. Sa yero tuhohemneñe yahuducuyere yahuducuyequina tiquina nino sahata yahu yuhduo

masigū yere tiqiro apequnare. ¹¹ Espiritu Santo ihcāquirotā ijiriquiro tiqiro cahmeno saha marine ijipitnare yahu yahuriro saha ye masigū yere. Ihquēquinare sijoro saha ye masigū yere. Apequna gūhare sijoro saha ye masigū yere.

Cristo yequina ijina ihcā curuata ijijaja mari

¹² Ohō sahata ijire ahri mehna mari queoye mehna yahugū: Mari pagu ihcā pagu ijiepegūta omocari, caperi, dahpocāri, cahmo ti pūritā peye ijire mari paguru ijije. Sata ijijaja mari Cristo yequina gūhu. Cristo yequina tiqiro pagu yero saha ihcā curuata ijijaja. ¹³ Sa yena Cristo yequina ijina, tiqiro pagu yero saha ihcā curuata ijijaja mari. Judio masa, judio masa ijiena, cahacjāna, cahacjāna ijiena peye cururi mari ijiepenata ihcāquirotā ijiriquiro tiqiro pagu yero saha ihcā curuata ijijaja mari. Espiritu Santo ihcāquirotā ijiriquiro tiqiro tutuaye mehna wame yenohrina ijijaja mari ijipitina. Sa yena ihcāquirotā Espiritu Santore cūoaja mari, Cristo ya curua cjāna ijina.

¹⁴ Mari pagu ihcā pagu ijiepegūta omocari, caperi, dahpocāri, cahmo, ti mari paguru ijije peye ijire. ¹⁵ Mūhu dahpocā yahuducuri dahpocā ijiro, ohō saha ni-boaga mūhare sijoro saha ni duaro: “Omoca ijieraja yahu. Sa yegu pagu cjā dahpocā ijieraja yahu”, ni-boaga. Mūhu dahpocā sa nieperota pagu cjā dahpocā ijirota nine. ¹⁶ Mūhu cahmono yahuducuri cahmono ijiro, ohō saha ni-boaga mūhare sijoro saha ni duaro: “Capea ijieraja yahu. Sa yegu pagu cjā cahmono ijieraja yahu”, ni-boaga. Mūhu cahmono sa nieperota pagu cjā cahmono ijirota nine. ¹⁷ ¿Mari pagu capea dihita ijigū dūhse tuhoboagari mari? Basioerare. ¿Sa yena mari pagu cahmono dihita ijigū dūhse wijiboagari mari? Basioerare. ¹⁸ Sa ijierare mari pagu. Ohō saha ijire. Mari paguru ijijere Cohācjū tiqiro cahmeno saha cūahye mari pagure. ¹⁹ ¿Mari paguru ijije mariedagū dūhse wahaboagari mari pagu? ¿Mari omocari dihita ijigū dūhse wahaboagari mari pagu? ²⁰ Mari pagu ohō saha ijire: Ihcā pagu ijiepegūta mari paguru ijije peye ijire.

²¹ “Mūhu yedohogū cahmedaja”, mūhu capea ni masiedare mūhu omocare. Sa yero mūhu dapu mūhu dahpocārine “Masa yedohogū cahmedaja”, ni masiedare. ²² Apeye mari paguru ijijere “Ihyo iji cūñe ijire”, mari nife pehere pototi cahmeaja mari apeye mari paguru ijije yūhdoro. ²³ Sa yena mari paguru ijijere “Ihyo ijije ijire”, mari ni tuhoteupenata tire mari paguru ijijere cahmeaja mari, mari quehnoano ijiatō saha. Sa yena apeye mari paguru ijijere mari bue tiyere suhti mehna nūoaja mari. ²⁴ Apeye

mari paguru ijijere nūoedaja mari. Ti pūritare ihñona, bue tierajā. Ohō saha iji dutiahye Cohācjū mari pagure. Mari ihñoeñene mari paguru ijijere mari quehnoano ño peoye mehna cūoaja. Sata ye dutiahye Cohācjū. ²⁵ Sa ye mari paguru ijije ti basi cahme yedohore. ²⁶ Sa ye mari caperi ñano yūhdugū apeye mari paguru ijije gūhu ñano yūhdare. Sa ye mari caperi quehnoañe wahagū mari paguru ijije gūhu quehnoano tuhature.

²⁷ Sa yegu ohō saha nigū njaja mūhare: Masa pehe Cristo pagu yero saha ihcā curuata ijire. Sa yena ijipitina masa tiqiro paguru ijije yero saha tiqiro yequina ijire. ²⁸ Sa yero Jesu yequinare mari yedohoatire cūahye Cohācjū marine. Ohō saha cūahye tiqiro marine. Ihquēquinare marine buhe dutiro Jesu cū mūhtarinare cūahye tiqiro. Apequnare tiqiro yere yahu mūhtariquinare cūahye. Apequnare masare buheatiquinare, apequnare Cohācjū tutuaye mehna yeatiquinare, apequnare dohatiyequinare yūhdūoatiquinare, apequnare masare yedhoatiquinare, apequnare masa pūhtoā ijiatiquinare, apequnare tuhohemneñe yahuducuyere yahuducuatiquinare cūahye Cohācjū marine. ²⁹ Sa tiqiro cūgū ijipitina ihcāno saha tiqiro cūrina ijieraja mari. Apequna Cohācjū buhe dutiro tiqiro cūriquina ijierare. Sa yena apequna Cohācjū yere yahu mūhtarina ijieraja mari. Sa yena apequna masare buhena ijieraja mari. Sa yena apequna Cohācjū tutuaye mehna yeatina ijieraja mari. ³⁰ Sa ye apequna dohatiyequinare yūhdūoatiquina ijierare. Sa yena apequna tuhohemneñe yahuducuyere yahuducuna ijieraja mari. Sa yena apequna tuhohemneñe yahuducuyere yahu yūhdūoana ijieraja mari. Sa yero maripe mari yeatire cūahye tiqiro. ³¹ Sa yena Cohācjū yere ye masi duana quehnoa yūhdūye pehere tutuaro cahmeñā masa. Sa yegu ijipitiyē yūhu nidi yūhdūoro masa cahmeatire yojopure yahutja mūhare yūhu.

13

Apequnare quehnoano tiquina cahiatire yuahyē Pablo

¹ Masa ye yahuducuyere yahuducu masiepenata, angele ye yahuducuyere yahuducu masiepenata apequnare cahiedana, dūhseanaja ijieraja mari. Sa ye mari yahuducuyē gūhu dūhseati ijierare. Sa yena apequnare cahiedana mari yahuducuna, ihyo waro yahuducuna njaja. ² Cohācjū yere quehnoano yahu masiepenata, masa tiquina masiedarire Cohācjū yere tiquina buheri gūhare

masi pehoepenata apequinare cahiedana dūhseanaja ijieraja mari. “Ahdū cūnū ape siepū wahaahro”, mari nigū “Potota mari nidiro sahata Cohācjū yerota”, ni mari tūhotugū sata yerota. Cohācjūre sa ni tūhotuyequina ijiepenata apequinare cahiedana ne dūhseanaja ijieraja mari. ³ Ijipihtiyere pejecūoyequinare mari ohoepēgūta apequinare mari cahiedagū ti mari ohori dūhseati ijierare. Sa yena Cohācjū yere yena tana mari pagure mari ūjūa mūo dutiepegūta apequinare mari cahiedagū ti mari sa yeye dūhseati ijierare.

⁴ Usueraja apequinare cahīna. Tiquinare cahīna quehnoano yeaja tiquinare. Sa yena apequinare cahīna tiquinare cooeraja. Sa yena mari cahīniqiuro mehna ijina “Mūhū yūhdūoro ijigū ijiaja”, niedaja mari. ⁵ Apequinare cahīna “Mūsare masi yūhdūdcāja”, niedaja mari tiquinare. Sa yena apequinare cahīna tiquinare űo peoro mehna yeaja mari. Apequinare cahīna “Ūsā cahmeno saha yeaja. Mūsa cahmeno saha yeraja”, niedaja mari. Sa yena tiquinare cahīna duita usueraja mari tiquina mehna. Sa yena apequinare cahīna marine űano tiquina yegū gūhūre tiquina mehna sa usuaducueraja mari. ⁶ Apequinare cahīna űañene tiquina yegū ihñana bucueraja mari. Quehnoañe pehere tiquina yegū ihñana tutuaro bucueraja. ⁷ Apequinare cahīna tiquina ye buhiri űano yūhdūepenata tiquinare sa cahīducūaja mari. Apequinare cahīna apequina pehe mari cahīñequinare tiquina yahu wajagū tūhoepenata tire tūho dueraja. Mari cahīñequinare apequina yahugū quehnoañe dihitarē tūho duaja mari. Apequinare cahīna “Tiquina űañene yesi”, ni tūhotuaja mari tiquinare. Apequinare cahīna űano yūhdūepenata tiquinare cahī dūhisi mari.

⁸ Ti cahme cahīne ne pihtisi. Cohācjū yere yahuye pehe came pihtia waharota. Tūhomehneñe yahuducuyere gūhū came pihtia waharota. Cohācjū yere masa tiquina buheri gūhū came pihtia waharota. Apequinare cahme cahīne pehe ne pihtisi. ⁹ Yojoṗure Cohācjū yere mari masi peho masiedaja. Sa yena tiqiuro yere yahuna mari yahu peho masiedaja. Mari masi pehoati dūhsare. ¹⁰ Sa yena Cristo űañe marieniquiro tiqiuro tojoa wihiri bato mari masi pehonata. Sa yena űañe mariena ijinata. Ti ṗjere masi pehonata. “Masiedaja”, ni nemosi.

¹¹ Mari masi pehoati ohō saha ijire: Nijigū ijigū nijinogā yero saha yahuducumi yūhū. Sa yegū nijinogā yero saha tūhotumī. Sa yegū būcū wahagū nijinogā tiqiuro yeriro saha dūhū cāu. Sata mari yojoṗure “Masi pehoeraja”, niepenata cameṗure masi pehonata. ¹² Eōno quehnoano wūhdo

bajuero saha yojoṗure quehnoano masi pehoeraniaja mari. Came apequiore quehnoano mari ihñā masino saha mari masi pehonata. Yojoṗure mari masi pehoati marine dūhsare. Cohācjū marine tiqiuro quehnoano masi pehoriro saha came mari gūhū quehnoano masi pehonata. ¹³ Sa ye ihtiarore mari ye masiaja yojoṗure. Cohācjūre wacū tutua masiaja. Sa yena marine tiqiuro yūhdūoatire masina, mari quehnoano cohte masiaja. Sa yena apequinare cahme cahī masiaja. Ahri ihtiaro ijire pototi mari yeati. Sa yena apequinare cahme cahīna, ahri ṗuro yūhdūoro yena niaja. Wacū tutuaye, tiqiuro yūhdūoatire cohteye yūhdūoro ijire cahme cahīne pehe.

14

Tūhomehneñe yahuducuyere yahuahye Pablo

¹ Sa yena apequinare cahme cahīna mūsa. Sa ye Cohācjū yere mūsa quehnoano ye masiatire cahmeñā mūsa. Cohācjū yere mūsa yahūati ṗūritare tutuaro cahmeñā mūsa. ² Tūhomehneñe yahuducuyere yahuducuriqiuro Cohācjū mehna dihita yahuducure. Sa ni yahuducuro masa mehna yahuducuro niedare tiqiuro. Tiquiro sa ni yahuducugū tūhoye masa pehe ne tūhoerare tiqiurore. Masa tiquina masiedarire Espīritu Santo tutuaye mehna yahuducuro nine tiqiuro. ³ Cohācjū yere yahuriqiuro pehe masa pehere yahure. Sa yahuro tiqiuro masare yedohoro nine. Sa yero tiquinare buhero nine tiqiuro. Sa yero tiquina űano yūhdūgū tiquinare bucuēgū yere. ⁴ Tūhomehneñe yahuducuyere yahuducuriqiuro ihcāquirotā buhere. Apequinare buherare. Cohācjū yere yahuriqiuro pehe apequinare Jesu yequinare buhero, yedohore tiqiuro.

⁵ Tūhomehneñe yahuducuyere ijipihtina mūsa yahuducugū quehnoaboaga, yūhū tūhotugū. Sa ijiepegūta Cohācjū yere mūsa yahugū ṗūritare tutuaro cahmeaja. Cohācjū yere yahuriqiuro pehe tūhomehneñe yahuducuyere yahuducuriqiuro yūhdūoro apequinare yedohore. Sa ijiepegūta tūhomehneñene yahuducuriqiuro tiqiuro yahuducuyere apequiuro yahu yūhdūogū tiquina pehe pototi apequinare yedohore. Tiquiro yahuducuyere yahu yūhdūoriquiro ijiro tiqiuro pehe apequinare Jesu yequinare buhero nine. ⁶ Tūhomehneñe yahuducuyere mūsa mehna yūhū yahuducugū, apequiuro mū sare tiqiuro yahu yūhdūoeragū mū sare yedohoeraboaga yūhū. Sa yegū Cohācjū yūhūre tiqiuro yahurire yahugū, tiqiuro yere yūhū masiñene yahugū, apeyere tiqiuro yere

yahugü masare yedohogu niaja. Tire musa tũhoatire musare buhegu musare quehnoano yedohogu niaja yũhu.

⁷ Tũhomehneñene yahuducuriquiro tiquiro yahuducuye basa wamo a yero saha ijire. Carisure putina, arpare bua putẽna tire mari queoro yeragũ ti basayere apeqũnare masino basioerare. ⁸ Sa yero cornetare putiriquiro surara ijiro tiquina cahme wejẽato panore queoro tiquiro putieragũ apeqũna surara pehe tiquina cahme wejẽatire masisi. Sa ye tiquina cahme wejẽato pano tiquina wejẽatire wamoare quehnoyuriquina ijisi tiquina. ⁹ Sata musa gãhu tũhomehneñene yahuducuyere musa yahuducugũ tũhoye, yahu yũhdũoriquiro mariedagũ apeqũna tire ne masisi. Tiquina sa masiedagũ musa yahuducuye dũhseati ijierare. ¹⁰ Ahri yehparu peye yahuducuye ijiaga. Sa ye tire yahuducuyequina tiquina basi sa yahuducuyere quehnoano tũhore. ¹¹ Ihcãquiro ye yahuducuyere yũhu tũhoeragũ ihãano tire yahuducuriquiro pehe “Ape dihta cjãno ijire”, ni tũhoturota yũhure. Sa yegu yũhu gãhu sata ni tũhotutja tiquirore. ¹² Sata ijiri musa gãhu tũhomehneñene yahuducuna. Espĩritu Santo tiquiro tutuaye mehna tutuaro ye duamene musa. Tiquiro tutuaye mehna sa ye duana apeqũna Jesu yequinare musa buheatire tiquinare musa yedohotire tutuaro cahmeña musa.

¹³ Sa yero tũhomehneñene yahuducuriquiro tiquiro yahuducurire tiquiro quehnoano yahu yũhdũoatire Cohãcjãre siniahdo tiquiro. ¹⁴ Tũhomehneñene yahuducuye mehna Cohãcjãre sinigu yũhu tũhotuye mehna sinigu niaja. Sa sinigu yũhu tũhotuyere apeqũnare quehnoano yahueraja. Sa yegu apeqũnare yedohoeraja yũhu.

¹⁵ Ahrire masina, ohõ saha yenata mari: Espĩritu Santo tutuaye mehna tũhomehneñene yahuducuye mehna Cohãcjãre sininata. Sa yena ape decoru quehnoano masi tũhotu, apeqũna tiquina quehnoano tũhoatire tiquina ye mehna Cohãcjãre sinina, ti gãhure sininata tja. Espĩritu Santo tutuaye mehna tũhomehneñene yahuducuye mehna Cohãcjũ yere basanata. Sa yena ape deco quehnoano masi tũhotu, apeqũna tiquina quehnoano tũhoatire tiquina ye mehna Cohãcjũ yere basana, ti gãhure basanata tja.

¹⁶ Mari sa yeragũ tũhomehneñene yahuducuye mehna Espĩritu Santo tutuaye mehna Cohãcjãre “Quehnoariquiro, tutuariquiro ijire”, mari niepegũta apeqũna pehe ne tũhoerare. Sa tũhoeraye “Poto ijire”, ni masiedare. ¹⁷ Tũhomehneñene yahuducuye mehna Cohãcjãre “Quehnoare”, ni masiaja mari. Mari sa niñe quehnoañe ijiepegũta tire yahu yũhdũoerana apeqũnare buheraja mari. Sa yena tiquinare yedohoeraja

mari. ¹⁸ Ijipihtina musa yũhdũoro yũhu pehe tũhomehneñene yahuducujaja. Sa yegu Cohãcjũ yũhure sa yahuducu masigũ tiquiro yegũ tiquirore “Quehnoare”, niaja yũhu. ¹⁹ Sa yahuducugu yũhu ijiepegũta Jesu yequina cahmecoañequina watoa yũhu ijigũ, tũhomehneñene yahuducuye mehna peye yũhu yahuepegũta dũhseati ijierare. Ti yũhdũoro masa tiquina quehnoano tũhoati pehe meheñegã yũhu yahuepegũta quehnoarĩne, yũhu tũhotugã.

²⁰ Yũhu acaye, macanagã tũho masieñequinagã tiquina ijiro saha ijier-acãhña musa. Sa yena coã bajuyequina ñañe yeyere tiquina masieno saha ijiya musa gãhu. Sa yena bucana tũho masieñequina tiquina ijiro saha ijiya musa. ²¹ Cohãcjũ yere tiquina ojoari pũru ohõ saha nine: “Tũhomehneñene yahuducuyequinare ahriquina masare yeere yahu dutiitja. Sa yegu ape dihta cjẽnare yeere yahu dutiitja ahriquina masare. Yũhu sa yahu dutiepegũta ahriquina yũhu yahuyere tũhosi”, nine Cohãcjũ mari pũhoro”, nine Cohãcjũ yere tiquina ojoari pũru. ²² Sa ye tũhomehneñene yahuducuye Jesu yequinare Cohãcjũ tutuayere masigũ yeati ijierare. Ti yahuducuye Jesure cahmeeñequina pehere Cohãcjũ tutuayere masigũ yeati ijire. Sa yero Cohãcjũ yere yahuye Jesure cahmeeñequinare Cohãcjũ tutuayere masigũ yeati ijierare. Cohãcjũ yere yahuye Jesu yequina pehere Cohãcjũ tutuayere masigũ yeati ijire.

²³ Sa ye ijipihtina musa Jesu yequina cahmecoagũ tũhomehneñene musa yahuducugũ tire masieñequina, apeqũna Jesure cahmeeñequina gãhu sajã, tũhoboaga. Sa tũhoye “Tiquina tũho masieñequina ijire”, niboaga musare tiquina. ²⁴ Ijipihtina musa Cohãcjũ yere musa yahugũ pũrita tire masiedariquiro, Jesure cahmedariquiro sajã dũca tũhoro, tiquiro ñañe yerire masiboaga tiquiro. Sa yero tiquiro ñañe yerire bujua witiboaga tiquiro. ²⁵ Sa yero poto tiquiro ijiye tiyere tiquiro tũhotuye gãhure masiboaga tiquiro. Sa yero Cohãcjũ poto dũsepe curi mehna quehe saro, tiquirore ño peorota. Sa yero “Cohãcjũ potota musa mehna ijire”, ninota tiquiro musare.

Musa cahmecoana quehnoano yeya do-jomehneneno marieno

²⁶ Sa yegu yũhu acaye, musare ahrire nigũ niaja: Cahmecoana ihquẽquina musa mehna cjẽna Cohãcjũ yere basa duare. Sa yena apeqũna buhe duare. Sa yena apeqũna Cohãcjũ musare tiquiro buherire yahu duare musa. Sa yena apeqũna tũhomehneñene mehna yahuducu duare musa. Sa yena musa apeqũna ti

yahuducuyere yahu yuhduo duare musa. Ti ijiphtiyere sa yena apequna musare tuhoyequna tiquina quehnoano masiatire tire yeya.

²⁷ Sa yena tuhohmeheñe mehna musa yahuducuna pñana, ihtiana topenata yahuducuya musa. Sa yena camesa yahuducuya. Musa sa yahuducugã, ihcãquiro musa mehna cãño musa yahuducurire apeqinare yahu yuhduoahro. ²⁸ Musa yahuducuyere yahu yuhduoiquiro mariedagã musa cahmecoana ijiphtina musa tuhohmeheñe yahuducu duana yahuducueracãña. Sa yena masa marienopñ Cohãcã yere mehna yahuducuya musa. ²⁹ Sa yena Cohãcã yere yahu duana pñana, ihtiana topenata yahuya musa. Musa sa yahugã apequna musare tuhoyequna musa yahurire quehnoano tuho nunuãhdo. ³⁰ Sa yero Espiritu Santo Cohãcã yere apeqirore topñ dujiriquirore yahu ducaboaga. Tiquiro yahu ducagã tiquirore tuhoriqirore gũhu Jesu yeqinare yahu duaboaga. Sa yero tiquiro pano yahuriquiro pehe dihta mariahdo. ³¹ Sa yena ijiphtina musa Cohãcã yere yahuna, camesa yahuya musa ijiphtiyequna apequna tiquina quehnoano tuhoatire, tiquina quehnoano bucueatire. ³² Sa yena Cohãcã yere yahuna ijina, quehnoano tuho masi, quehnoano tuhotu yahuducuya.

³³ Cohãcã tiquiro yequna tiquina cahmecoanopñ tiquina cahme yahuducugã, suhrigã cahmedare tiquiro. Dojomehnenno marieno tiquina quehnoano ijigã cahmene tiquiro. Ijiphtiropñ Jesu yequna cahmeco, ohõ saha yere tiquina. ³⁴ Tiquina cahmecoanopñ numiare yahuducu dutierare. Tiquina numiare mari pehe yahuducu dutieraja. Cohãcã ojoari pũpñ tiquiro nidiro sahata numiare amũare quehnoano yuhtiyequna numia ijiro cahmene. Sa ye cahmecoanopñ numia masare yahuducueracãhdo. ³⁵ Jesu yequna tiquina cahmecoanopñ numia tiquina yahuducugã ñarĩne. Sa yero apee borore masi duaro numino ticoro ya wuhũpũta ticoro manũnõre sinituahro.

³⁶ Ahri yuhũ yahuatire quehnoano masiña musa. Cohãcã yere yahu muhtana ijierare musa. Sa yena tiquiro yere tuhõrina musa dihita ijierare. Apequna gãhu tiquiro ye buheyere cõore. ³⁷ Musa mehna cãño “Yuhũ Cohãcã yere yahugã ijiaja”, ni tuhoturiquiro ijiro ahri musare yuhũ ojoari Cohãcã dutiye ijigã masiahdo tiquiro. Sa yero apeqiro “Espiritu Santo tutuaye mehna ye masiaja”, ni tuhoturiquiro ijiro tiquiro gũhu ahri yuhũ ojoari Cohãcã dutiye ijigã masiahdo tiquiro. ³⁸ Tire tiquiro masi dueragã yuhũ ojoarire “Poto

ijierare”, tiquiro nigã tiquirore duhu cãhña. Tuhoeracãhña tiquirore.

³⁹ Sa yena yuhũ acaye, Cohãcã yere yahuna musa ijiatire tutuaro cahmeña musa. Sa yena musa mehna cãña musa cahmecoanopñ tuhohmeheñe yahuducuyere mehna tiquina yahu duagã “Sa yahuducueracãhña”, niedacãhña tiquinare. ⁴⁰ Sa cahmecoana quehnoano, cahme dojomehnenno marieno yeya musa.

15

Quehnoañe buheyere tiquiro yahurire yahuahye Pablo

¹ Yojoapũre yuhũ acaye, quehnoañe buheyere musare yuhũ yahurire musare wacũgũ ye duaja. Ti buheyere quehnoano cahmene musa. Sa cahmena ti buheyere ne cohãedare musa. ² Musa sa cahmegũ tire musa cohãedagũ Cristo musare pecapũ wahaborinare yuhduo tuhasari. Musa sa tuhõri bato Cristo yere musa duhu cãgũ ti musa tuhõri duhseati ijierare.

³ Ohõ saha ni yahu muhtantja musare. Ahri ihyo wano ijierare. Musare buhegu yuhũre Cristo tiquiro yahurire musare ohõ saha ni yahuu: Cohãcã yere tiquina ojoariro sahata mari ñañe buhirire Cristo yariahye. ⁴ Sa yero Cohãcã yere tiquina ojoariro sahata Cristo tiquiro yariari bato apequna tiquirore tiquina yagũ ihtia deco wahaboro tiquiro pehe masa wijiayhe. ⁵ Tiquiro sa masa wijiari bato Pedroro bajuahye. Tiquiro sa bajuari bato apeqinare tiquiro buheyeqinare bajuahye tja. ⁶ Tiquiro sa bajuari bato ihcã tahata quinientos bui ijieyeqinare tiquiro yeqinare bajuahye tja. Ihquẽquina tiquirore ihñariquina muna yojoapũre yariariquina muna ijire. Tiquina sa ijiepegũta peyequina tiquina mehna cãña yojoapũre ijinine. ⁷ Came Cristo Santiagore bajuahye tja. Sa tiquiro bajuari bato ijiphtiyequna buhe duti tiquiro cõriquinare bajuahye tja.

⁸ Ijiphtiyequna apeqinare tiquiro bajuari bato yuhũ gũhũre bajuari tja. Nijinogã queoro masa bajueriquirogã tiquiro masa baja nũnũ tãriro saha yuhũ gũhu Jesure wacũ tutua nũnũ tãrigũ ijiaja. Yuhũ sa ijirigũ ijigũ tiquina batopñ bajuari Jesu yuhũ gũhũre tja. Yuhũreta tiquiro baja bato tiri. ⁹ Panopũre Jesu yeqinare ñano yemi. Sa yerigũ ijigũ apequna Jesu cõriquina ijiphtiyequna tiquina docapũ waro ijiaja yuhũ. Sa yegũ yojoapũ gũhũre Jesu buhe duti tiquiro cõnohborigũ ijierami yuhũ. ¹⁰ Sa ijiepegũta Cohãcã yuhũre cahigũ yojoapũre Jesu cõrigũ ijiaja yuhũ. Sa yegũ yuhũre tiquiro cahigũ yojoapũre tiquiro cahmeñene ye pehoaja. Sa yegũ yuhũre cahigũ tiquiro yaquiro sa iji cãgũ niedaja. Ijiphtiyequna apequna

tiqiro cūriquina yuhduoro yuhū pehe tutuaro buhei. Sa buhegū yuhū esa tuharo buhera. Cohācjū yuhūre cahīno yuhūre yedohori. ¹¹ Ūsā buheye pehe ihyo waro ijierare. Yuhū mūsare quehnoañe buheyere buherigū yuhū ijigū apequina yuhduoro yuhūre masa űo peogū ihyo waro ijiro nine. Tiquina gūhū mūsare buheyequina ijigū apequina yuhduoro tiquina gūhūre masa űo peogū ihyo waro ijiro nine. Ūsā pehe ahrire buhena ijiepenata ihyo ijina ijaia. Ūsā buheye pehe ihyo waro ijierare. Sa yena mūsā pehe ahri buheyere quehnoano tuhore.

Yariariquina mūna tiquina masa wijiare yahuahye Pablo

¹² Cristo yariari bato tiqiro masa wijiare usā buhepegūta “Yariariquina mūna ne masa wijaerare”, nine masa mehna cjēna ihquēquina. ¿Duhse ijiro boro sa niajari tiquina tire? ¹³ Sa yero yariariquina mūna masa wijaeragū Cristo gūhū ne masa wijaeraboya. ¹⁴ Sa ye Cristo masa wijaeragū quehnoañe buheyere usā yahuri ne dahseati ijieraboya. Tiqiro masa wijaeragū tiqirore mūsā wacū tutuaye gūhū dahseati ijieraboya. ¹⁵ Masa wijiario mariedagū usā pehe Cohācjū yere ni mehona niboja. Yariariquina mūna tiquina masa wijaeragū Cohācjū pehe Cristore masa wijaagū yeraboya. Tiqiro sa yeragū “Cohācjū Cristore masa wijaagū yeahye”, nina ni mehona ijiboaga usā. ¹⁶ Yariariquina mūnare Cohācjū masoedaro, Cristo gūhūre tiqiro masoedaboya. ¹⁷ Sa yero Cristo masa wijaeragū tiqirore mūsā wacū tutuaye dahseati ijieraboaga. Sa yena mūsā űaűe buhiri, buhiri tiboaga mūsā. ¹⁸ Masa wijiario mariedagū Cristo yequina mūna yaria muhtariquina pecapū waha tuhasaboya. ¹⁹ Cristore mari wacū tutuari bato mari yariana masa wija masiedana ijipihitiyequina apequina masa yuhduoro pejecuona ijiboaga mari pehe. Sa yena tiqirore ihyo warota wacū tutuana niboaga mari.

²⁰ Potota Cohācjū Cristore masa wijaagū yeahye. Cristo masa wijiari bato mari gūhū yarianapū masa wijanata ijaia. Tiqiro sa masā wijiario, marine siho masa wija muhtariqiro ijire. ²¹ Ohō saha ijire ahri: Adān mehna masa yaria dūcahye. Ohō saha apeqiro mehna yariariquina mūna masa wijaeta. ²² Adān yequina iji nūnū tānapū mari ijipihitina yarianata. Sata Cristo yequina mari ijigū mari yariari bato marine masa wijaagū yerota Cohācjū. ²³ Ihquē cururi masare tiquina queori pje ijigū masa wijaeta. Cristo marine iji muhtariqiro masa wija muhtahye. Came ahri yehpapū tiqiro tojoa tagū tiqiro yequina gūhū masa wijaeta. ²⁴ Ti pjeta

pihtiri deco ijirota. Sa yero ijipihitiyequina watāre, watā puhtoare, tutuayequinare cohāno, Cristo yuhduocarota. Tiqiro sa yeri bato ijipihitiyequina puhtoro tiqiro ijire Cristo wijiario, Cohācjūre mari Pacare comesarota. ²⁵ Tiqiro wijiato pano mari Pacū Cristore ihña tuhtiyequinare tiqiro yuhduaca pehoato pano Cristo pūrita ijipihitiyequina puhtoro ijirota. Sa ijiriqirota ijiro cahmene tiqirore. ²⁶ Tiqirore ihña tuhtiyequinare tiqiro yuhduacari bato, yariamedi gūhūre cohā cānota. Yariaye pihtia waharota. ²⁷ Ijipihitiyequina bui dutiatiqirore cūahye Cohācjū Cristore. Ijipihitiye cūoriquiro gūhūre cūahye tiqirore. Sata nine Cohācjū yere tiquina ojoari pūpū. Cohācjū pehe tiqirore cūriqiro ijire. Sa yero “Ijipihitiyequina bui dutiatiqirore cūahye tiqirore”, nino, “Cohācjū bui dutiriqiro ijire tiqiro”, nino niedahye tiqiro yere tiquina ojoari pūpū. ²⁸ Ijipihitiyequina bui dutiriqiro Cristo Cohācjū macano ijigū Cohācjū tiqirore cūriqiro pehe tiqiro macano bui dutiriqiro ijirota. Sa yero Cohācjū pehe ijipihitiyequina puhtoro waro ijire. Ijipihitiye cūoriquiro gūhū ijire.

²⁹ ¿Masa wijiario mariedagū dahse ye apequina masa yariariquina mūna ye ijiatire tiquina wame yenhriquina ijaia? Yariariquina mūna masa wijaeragū tiquina ye ijiatire apequina wame yegū ihyo warota wame yenhriquina ijiboaga.

³⁰ Ūsā pehe usā buheri buhiri decoripe apequina usāre tiquina űano ye duagū cuarīne usā gūhūre. Ūsāre sa cuaepegūta masa wijiario ijigū masina sa buheducujaja usā. ³¹ Mari puhtoro Jesucristo yequina mūsā ijigū tiqirore wacū tutua nemona mūsā wahagū yuhū pehe tutuaro bucueaja yuhū mūsā mehna. Ti ijirota ijire. Sa yero “Duhse ijiri decopū yuhūre yariario cuarīne”, yuhū nigū ti gūhū ijirota ijire. ³² Efeso cjēna usuayequina quehnoañe buheyere yuhū buheri buhiri yuhūre quēdi. Masa wijiario mariedagū Jesu yaqiro yuhū ijieragū, yuhū sa űano yuhduari dahseati ijieraboya. Ihyo waro űano yuhduagū niboja yuhū. Yariariquina mūna tiquina masa wijaeragū ohō saha niboaga mari: “Came cjūnogā yarianata. Duhse wahasi mari. Sa yena ihya sihnihna. Mari esa tuharo yeihna”, niboaga mari.

³³ Ni mehoñene tuhotuercāhña mūsā. “űaűequinare piti tina, quehnoañe masa yerire bonata mūsā”, nine masa. Ti ijirota ijire. ³⁴ Quehnoañene tuhotuna ijiya mūsā. Sa yena quehnoañene yena ijiya tja. Sa yena űaűene ye nemoedacāhña tja. Ihquēquina mūsā mehna cjēna ne Cohācjūre masiedare. Mūsā buoro wahati pehere mūsare sa niaja.

Yariariquina muna tiquina masa wijiare yahu nemoahye Pablo

³⁵ Sa ye muna mehna cjano ohõ saha ni sinituboaga yuhure: ¿Duhse yariariquina muna masa wijaetari? ¿Duhse ijiye paguri masa wijaetari? ni sinituboaga. ³⁶ Sa sinituriquiro taho masieniquiro ijire. Oteri pjere mari oteri bato ti pje ahbagu waro pihnine. Ahbaeraro ne pihnsi. Tire masine muna. ³⁷ Bujaye cjurare oteraja mari. Ti pjeri dhitare oteaja mari. Ti pjeri trigo pjeri ijiro ijiaboaga. O apee boro pjeri ijiro ijiaboaga. ³⁸ Ti pjerire mari oteri bato Cohacju tiquiro cahmediro saha ti pjerire bucua mujagu yere. Sa yero oteye pjerire bujaye pihniyu yere tiquiro. Sata pihni dutire Cohacju.

³⁹ Ijipihtiyequina paguri ihcãno saha bujere. Masa paguri pehe ihcãno saha ijire. Wahiquina paguri gahu sijoro saha bajure. Minicjua paguri gahu sijoro saha bajure. Sa yere wahi gahu sijoro saha pagu tire. ⁴⁰ Sa ye umhuse cje gahu sijoro saha bajure. Sa yeye ahri yehpa cje gahu sijoro saha pagu tire. Sa yeye umhuse cje gahu sijoro saha pagu tire. Sa yeye ahri yehpa cje umhuse cje yero saha ijierare. ⁴¹ Ohõ saha ijire. Asu deco cjeano asi siter. Sa ye ñami cjeano gahu sijoro saha ijire tiquiro gahu. Ihyo buhriore. Sa yeye ñahpicoha gahu sijoro saha asi paare. Ñahpicoha pari gahure mari ihñagu ihquẽ paca mehenogã asiye paca bajure. Sa yeye apeye paca tutuaro asiye paca bajure.

⁴² Ohõ saha ijire yariariquina muna tiquina masa wijiagu. Masano tiquiro pagure mari yari bato tiquiro pagu ahbaa waharota. Sa yero ape pagu sijoro saha ijiri pagu ijipihtiyere decori catiati pagu masa wijaerota. ⁴³ Ti pagure mari yagu yariariquiro munano pejesno nine. Cohacju tiquirore masogu tiquiro pagu quehnoa yuhduari pagu ijire. Sa yero tiquiro pagu mari yari pagu tutuare mariedi pagu ijire. Sa yero Cohacju tiquirore masogu tiquiro pagu tutua yuhduare. ⁴⁴ Ahri yehpa cje pagure mari yagu yariariquiro munano tiquiro masa wijiagu tiquiro pagu umhuse cje pagu ijirota. Ahri yehpa cje pagure mari cuna, umhuse cje pagu gahure cunata, masa wijiara.

⁴⁵ Sata ni yahure Cohacju yere tiquina ojoari puru: "Ahri yehparu iji muhtariquiro Adan wame tiriquiro catiriquiro wahahye", ni ojoahye. Ti sa ijiepeguta Adan yero saha ijiriquiro bato tiriquiro Cristo pehe catiyere ohoro ahtahye. ⁴⁶ Ahri yehpa cje pagu iji muhtari pagu ijire. Cameru umhuse cje pagu ijirota. ⁴⁷ Ohõ saha ijire: Iji muhtariquiro Adan pehe ahri yehpa cjeano dihta mehna tiquiro yeri pagure pagu tiahye. Tiquiro bato ahtariquiro, Cristo pehe umhusepu ahtahye. ⁴⁸ Dihta mehna tiquiro yeri pagure

pagu ti muhtariquiro tiquiro ijiriro saha ijipihtina apequina dihta mehna tiquiro yeri pagure pagu tina ijiaya mari. Sa yena umhusepu ahtariquiro yero saha tiquiro yequina ijipihtina tiquiro yero saha pagu tina ijinata mari. ⁴⁹ Dihta mehna tiquiro yeri pagure pagu tiriquiro yero saha bajuaja mari. Tiquiro yero saha mari ijiriro saha umhuse cjeano yero saha bajunata mari.

⁵⁰ Yuhu acaye, musare ahriye yahu duaja: Ahri yehpa cje pagu dii mehna, dihi mehna ijiri pagu Cohacju puhtoro ijiropure umhusepore ne wahasi. Mari pagu ahbati pagu ijire. Sa ye umhusepu ijipihtiyere decori mari ijiatopure ahri pagu wahasi. ⁵¹⁻⁵² Panopure masa tiquina masiedarire yojopure musare yahu duaja: Mari mehna cjeana ihquẽquina yariasi. Sa ye duita, tiquina pagurire comesayequina ijieta. Cornetare tiquiro puti, bato tiri decopu sata waharota marine. Ohõ saha waharota. Corneta bisiri bato yariariquina munare Cohacju masonota ijipihtiyere decori tiquina ijiatire. Sa yena pagurire comesarina ijinata mari gahu. ⁵³ Mari pagurire tiquiro comesagu to pano mari ahbati paguri ijiepeguta mari comesari bato ne ahbasi. Sa ye mari paguri comesagu to pano mari yariati paguri ijiepeguta ne yariasi. ⁵⁴ Mari ahbati paguri ne ahbaerati pagurire comesarota. Sa ye mari yariati paguri sa ijduducati pagurire comesarota. Sa marine comesagu panopu tiquiro ojoariro sahata sa waharota: "Cohacju yariayere cohã cari. ⁵⁵ Yojopure ne pari turi mari yariasi. Sa yena yariaro mehna pari turi ñano yuhduasi mari", ni ojoahye panopure. ⁵⁶ Mari ñahe buhiri ijigu purita yariaro mehna ñano yuhduana. Sa ye Cohacju dutiyere Moiser tiquiro curire mari masidi bato, buhiri tiaja mari. Sa yero marine pecapu waha dutire Cohacju dutiyere. ⁵⁷ Tiquiro sa dutiepeguta mari puhtoro Jesucristo pehe marine pecapu wahaeragu yere. Tiquiro sa yeriquiro ijigu masina Cohacju mehna bucue, "Quehnoare", niaja mari.

⁵⁸ Sa yena yuhu acaye, yuhu cahna, Cristore wacu tutua duhueracãhna. Sa yena apequina musare quehnoane buheyere tiquina cohã dutigu, ne cohãedacãhna tire. Sa yena decoripe mari puhtoro Jesucristo tiquiro ye dutiyere quehnoano yeducuya muna. Mari puhtoro Jesucristo yere mari yegu, ahri ihyo waro ijierare. Ahri masina tiquiro ye dutiyere quehnoano yeducuya muna.

16

Apequinare Jesu yequinare Corinto cjeana niheru tiquina ohoatire yahuahye Pablo

¹ Yojoꝛꝛe apequnare Jesu yequinare m̄sa niñeru ohoatire yahu duaja m̄sare. Galacia yehpa c̄jēnare Jesu yequinare yahu dutiriro sahata m̄sa ḡh̄u yeya. ² Semanaripe domingo ijigū ijipihntina m̄sa Jesu yequinare ohoati niñerure mehenogā ohoya. Mehenogā c̄uona mehenogā ohoya. Sa yena paji c̄jūnogā c̄uona paji c̄jūnogā ohoya. Semanaripe m̄sa sa yegū m̄sa caharū yuh̄u esagū m̄sa ohoati niñeru iji tuhasarota. ³ M̄sa ohoatire yahuye p̄urine ojoastja. Sa yegū yuh̄u topū esagū ti p̄urine topū wahatiquinare m̄sa beseriquinare ohoutja. Sa oho tuhasagū Jesu yequinare m̄sa ohori niñerure neatiquinare ohoutja Jerusalēꝛ. ⁴ Ti macapure yuh̄u yeati ijigū yuh̄u ḡh̄u wahagutja. Yuh̄u sa wahagū yuh̄u mehna tiquina wahaeta.

Tiquiro tinitire yahuahye Pablo

⁵ Macedonia yehpa c̄jēnare ih̄ña yuh̄d̄utja yuh̄u. Yuh̄du c̄ā, m̄sa caharū Corintopū esautja. ⁶ Topū esagū m̄sa mehna meheñe decorigā ijiboaga yuh̄u ape taha yegu. Yoa c̄jūri pje pohero ijiro puno m̄sa mehna ijiboaga yuh̄u. Sa yena ape sieꝛu yuh̄u wahagū m̄sa ḡh̄u yuh̄ure yedoho masine. ⁷ Meheñe decorigā iji dueraja yuh̄u m̄sa mehna. Sa yegu Cohāc̄jū cahmegū yoa c̄jūri pje m̄sa mehna ijitja yuh̄u. ⁸ Sa iji duepeguta Pentecoste bose deco ijigūꝛ Efesopū ijiniitja yuh̄u. ⁹ Ohōꝛꝛu Efesopū yojoꝛꝛe mari p̄h̄toro Jesu yere tuho du-ayequina peyequina ijire. Tiquina sa ijigū tiquinare yahuaja. Yuh̄u sa yahugū yuh̄ure ih̄ña tuhtiyequina peyequina ijire.

¹⁰ Timoteo yuh̄u yero saha mari p̄h̄toro yere yere. Tiquiro sa yeriquiro ijigū m̄sa caharū esagū quehnoano mehna tiquiore piti ca, tiquiro mehna quehnoano bucueye mehna ijiya m̄sa. ¹¹ Sa yena tiquiore yuh̄d̄ucaeracāh̄ña m̄sa. Sa yena tiquiro cohe tigū quehnoano mehna tiquiore yedohoya yuh̄u caharū tiquiro tojoa tagū. Apequina Jesu yequina mehna usā tiquiore cohtena niaja. Sa yena quehnoano yedohoye mehna tiquiore ohoya.

¹² Apolo mari acayaro Jesu yaquiore m̄sare ih̄ñano wahagū tutuaro cahmemi. Sa yegu tiquiore waha dutimi apequna Jesu yequina mehna tiquiro wahatire. Yuh̄u sa waha dutiepegūta yojoꝛꝛe tiquiro waha duerare. Sa yero came tiquiro yeye mariedagū m̄sa caharū waharota.

Pablo quehnoa duti bato tiahye

¹³ Quehnoano wacū masiña m̄sa. Cristore wacū tutua duhueracāh̄ña. Ne cuenata ijiducuya m̄sa. Sa yena Cohāc̄jū tutuaye mehna tutuana ijiya m̄sa. ¹⁴ Apequnare sa cahiducuya.

¹⁵ Yojoꝛꝛe yuh̄u acaye m̄sare ahrire yahu duaja: Estefana ya wuh̄u c̄jēna Acaya yehpa c̄jēna quehnoañe buheyere tuho m̄h̄tariquina, tiquina ya yehpapū Cristore wacū tutua m̄h̄tariquina ijire tiquina pehe. Sa ye apequnare mari acayere Jesu yequinare tiquina quehnoano yedohoducure. Tire m̄sa masine. ¹⁶ Tiquina yero saha ijiyequinare, apequna Cristo yere yedohoyequinare m̄sa quehnoano yuh̄tigū cahmeaja yuh̄u. ¹⁷ Estefana, Fortunato, Acaico ḡh̄u yuh̄u caharū wihi tuhasare. Ohōꝛꝛu tiquina ijigū quehnoano bucueaja yuh̄u. M̄sare tiquina bucuegū yeriro saha yuh̄u ḡh̄ure bucuegū yere tiquina. M̄sa mariedagū m̄sare tutuaro wac̄imi yuh̄u. Sa yegu tiquina wihigū bucueaja yuh̄u. ¹⁸ Tiquina mehna ijigū quehnoano jeripohna tigu iji yuh̄u. M̄sa ḡh̄ure sata bucuegū yere tiquina, yuh̄u tahotugū. Tiquinare quehnoano ño peoya m̄sa. Sa yena apequna tiquina yero saha ijiyequina ḡh̄ure ño peoya.

¹⁹ Asia yehpa c̄jēna Jesu yequina m̄sare quehnoa dutire. Sa ye Aquila, Priscila, tiquina ya wuh̄ꝛꝛu cahmecoañequina mehna Cristo tiquiro cahñe mehna m̄sare tutuaro quehnoa dutire. ²⁰ Ohō c̄jēna Jesu yequina ijipihntiyequina m̄sare quehnoa dutire. M̄sa mehna c̄jēnare quehnoano mehna piti caya.

²¹ Yuh̄u, Pablo yuh̄u basi ahri dihitate ojoaja. M̄sare quehnoa dutiaja.

²² Mari p̄h̄toro Jesucristore apequro tiquiro cahñedagū, Cohāc̄jū tiquirore buhiri dahreahro. Mari p̄h̄toro sojaro mehna tojoa taahro.

²³ Mari p̄h̄toro tiquiro cahñe mehna m̄sare quehnoa dutiaja. ²⁴ Mari ijipihntina Jesucristo yequina ijaia. Sa yegu m̄sare tutuaro cahñaja.

2 Corintios

Ohõ saha ojoa ohoahye Pablo Corinto cñenare

¹ Yuhu Pablo, Jesucristo yere buhe duti tiquiuro cürigu ijijaja. Mari Pacu tiquiuro cahmediro saha cüri yuhure Jesu. Yuhu, musare Cohäcju yequinare, Corinto cñanare ojoa ohoaja. Ijipihtina Cohäcju yequinare Acaya cñanare musa gähure ojoa ohoaja. Mari acayuro Timoteo mehna quehnoa dutiaja musare. ² Sa yena Cohäcju mari Pacu, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijija musa.

Pablo tiquiuro ñano yuhdurire ohõ saha ni yahuahye:

³ Mari puhtoro Jesucristo Pacuro Cohäcju marine paja ihñare. Sa yero tiquiuro dihita marine yedohore. Quehnoa yuhduriquiro ijire tiquiuro. ⁴ Mari ñano yuhdugü ihñano ijipihtinare marine tiquiuro yequinare yedohore tiquiuro apequinare mari yedohoitire. Sa yena apequina tiquina ñano yuhdugü ihñana tiquina pehere yedohoro cahmene marine. Cohäcju marine tiquiuro yedohoye mehna mari gähü tiquina gähure yedohonata. ⁵ Cristo yequina mari ijiri buhiri mari ñano yuhdugü tiquiuro tutuaro yedohorota marine. ⁶ Usä pehe musare yedohona ñano yuhduaja. Sa yena Cristo mehna musa yuhduatire musare usä yahuri buhiri ñano yuhduaja. Sa yena Cristo usäre tiquiuro yedohogü usä pehe musa gähure yedoho masiaja. Sa yena usä ñano yuhduriro sahata musa gähü ñano yuhduna, quehnoano mehna ihcäno sahanata musa, yuhu tahotugü. ⁷ Quehnoano mehna musa ihcäno sahatire usä masiaja. Usä ñano yuhduriro sahata ñano yuhduri musa gähü. Sa yena Cohäcju tiquiuro yedohoye mehna usä ihcäno sahariro sahata musa gähü ihcäno sahanata, yuhu tahotugü.

⁸ Usä acaye, yojoPURE ahri yuhu yahuatire musa quehnoano masigü usä cahmeaja. Asia yehparu ña yuhduaro yuhdue tii usä. Ohõ saha ni tahotumi usä: "Ne yuhdusi mari. Sa yena mari yarianata", ni tahotumi usä. ⁹ Sa yena "Marine wejé cäeta", ni tahotumi usä. Sa ñano yuhduna Cohäcju dihitare usä wacü tutua nemo. Usäre tiquina ñano yegü cahmeahye Cohäcju tiquiore usä wacü tutua nemoatire. Tiquiro pehe yariariquinare masoriquiro ijire. Sa tiquiore wacü tutuana usä esa tuharo usä ihcäno sahaerare masiaja. Cohäcju marine yedohore. ¹⁰⁻¹¹ Usäre cuaro yepegüta tiquiuro yedohoro mehna usä yuhduu. Camerpu gähure pari turi usäre yuhduorota. Usäre

Cohäcjure musa sini basagü tiquiuro usäre yedohorota. Usäre tiquiuro yedohoitire masiaja usä. Sa yena usäre tiquiuro yedohogü ihñana, tiquiore "Quehnoare", ninata musa. Peye musa sini basarire tiquiuro yuhtigü ihñana bucue, "Quehnoare", ninata musa Cohäcjure. Peyequina apequina gähü sata nieta.

Pablo Corintopu tiquiuro waha duamedire yahuahye

¹² Sa yena musa mehna usä ijirire wacüna bucuere mehna ohõ saha tuhotaaja usä: Ahri yehparu Cohäcju tiquiuro yedohoye mehna ñañe marieno quehnoano mehna masare piti ti buhei. Musa püritare quehnoano piti ti buhei. Ohõ saha yena usä esa tuharo yeru. Cohäcju cahñe mehna tiquiuro tutuaye mehna sa yei. ¹³⁻¹⁴ Sa yena quehnoano yahu ojoa musare, quehnoano musa masiatire. YojoPURE usäre quehnoano masiedare musa. Usä ijije tiyere musa quehnoano masigü tutuaro cahmeaja usä. Sa yena mari puhtoro Jesu tiquiuro tojoa tagü usä mehna bucuenata musa. Musa mehna usä bucuero sahata musa gähü usä mehna bucuenata.

¹⁵⁻¹⁶ Ohõ saha nigü Macedonia yehparu waha duamaja yuhu. Sa yegu musare ihñana yuhdu cä duamaja yuhu. Sa yegu toPURE esarigu tojoa tagu pari turi musa mehna meheñe decorigä ijiboaga yuhu. Sa yena puu taha musa mehna yuhu ijigü ihñana pajiro yuhu mehna musa bucuaboaga. Musa cahapu ijirigu Judea yehparu yuhu wahagü ihñana yuhure yedohoboaga musa. ¹⁷ ¿"Wahautja", yuhu nigü tuhorina ijina musa cahapu yuhu eseragü ihñana "Pablo ni mehono nine", ni tuhotaajari musa? "Wahautja", nigü yuhu esa tuharo sa nigü niedaja yuhu. ¿"Tiquiro nidiro saha yerere", yuhure ni tuhotaajari musa? ¹⁸ Ohõ saha ni mehogu ijieraja yuhu. Sa yegu "Yeitja", nigü yuhu nidiro saha yeaja yuhu. Tire masine Cohäcju.

¹⁹ Yuhu, Sila, Timoteo mehna Jesucristo Cohäcju macano yere musare yahuu usä. Cristo pehe "Yeitja", nino, poto yeriquiro ijiro nine. Cohäcju tiquiuro nidiro sahata Cristo yere. ²⁰ Ijipihtiyere Cohäcju tiquiuro yahurire Cristo ye pehoahye. Tiquiro sa yeriquiro ijigü ihñana tiquiuro yere usä apequinare yahuaja Cohäcjure tiquina ño peoatire. ²¹ Cristo yequina marine ijiducugü yeriquiro Cohäcjuta ijire. Sa yero tiquiuro yere yahuanajare marine söri tiquiuro. ²² Sa yero tiquiuro yequina mari ijiyere ihñano tire marine masigü yere tiquiuro. Sa yero tiquiuro yaquiuro Espiritu Santore mari mehna iji dutiri tiquiuro. Mari mehna ijiro tiquiorta marine Cohäcju yuhduoatire masigü yere.

²³ Yojoṗare poto yahutja musare. Poto yuhu yahueragū Cohācjū pehe musare poto yahuahro. Tiquirota yuhu tuhutuyere masine. Musare tuhti dueragu musa cahapu wahaeru. “Musare bujua witiḡu yeari”, niḡu musa cahapare Corintopare wahaeru. ²⁴ Sa yena “Musare dutina ijiaja usā”, nina niedaja. Cristore quehnoano wacū tutua tuhasari musa. Sa yena “Ohō saha Cristore wacū tutuaro cahmene musare”, nina niedaja usā. Musare quehnoano bucueḡu ye duaja usā.

2

¹ Sa yegu ohō saha ni tuhutu: “Pari turi tiquinare bujua witiḡu ye dueraja. Sa yegu yojoṗare wahaeraja”, ni tuhutu. ² Musare bujua witiḡu ye dueraja. Musa bujua witiḡu ihñagu yuhu pehe musare bucueraoaga. Sa yena yuhare bucueḡu yeatina ijieraboaga musa pehe. ³ Sa yegu musa cahapu wahaeru. Sa wahaeragu musare ihyo ojoau. Musa yuhare bucueḡu yeatina ijiepenata yuhare bujua witiḡu yeboaga musa, musa cahapu yuhu esagū. Musa mehna yuhu bucueḡu, musa ḡuhu bucuenata. Tire masiaja yuhu. Sa yegu yojoṗare musa mehna bujua witi dueragu wahaeru musa cahapu. ⁴ Pajiro tuhutuḡu, ñano jeripohna tiḡu, tutuaro utigu musare ojaopeḡuta musare bujua witiḡu ye dueru. Musare tutuaro yuhu cahñene musare masigū ye duagu musare ojoau.

Corinto cjēna mehna cjāno tiquiro ñano yerire bo dutiahye Pablo Jesu yequinare

⁵ Ihcāquiro musa mehna cjāno yuhare bujua witiḡu yeriquiro ijiri. Sa yeriquiro ijiepeḡuta musare tiquiro tutuaro bujua witiḡu yeriro saha yuhu pehere pajiro bujua witiḡu yerari tiquiro. Tiquiro sa ñano yepeḡuta pajiro waro buhiri dahre duti dueraja. ⁶ Peyequina musa mehna cjēna tiquirore buhiri dahre tuhasañohti. To punota buhiri dahre duhuro cahmene tiquirore. ⁷ Tiquirore musa buhiri dahreducugū tutuaro bujua witiḡu tiquiro. Sa yero Cristo yere duhuboaga. Sa yena tiquiro ñaḡe yerire boya musa. Tiquirore yedohoya tiquiro bucueḡu. ⁸ Sa yena tiquirore quehnoano yeya musa tiquirore musa cahñene tiquiro masigū. Musa sa yegū tutuaro cahmeaja yuhu. ⁹ To pano musare ojoagu “¿Potota yuhare yuhtietari?” niḡu sa ni ojoau musare. Yuhare musa yuhtigū ihña duagu musare sa ni ojoau. ¹⁰⁻¹¹ Yojoṗare tiquiro ñaḡe yerire musa bogū ihñagu yuhu ḡuhu tire boutja. Yuhare ñano yerahye tiquiro. Musa pehere ñano yeahye. Tiquiro sa ijiepeḡuta tiquiro ñaḡe yerire boaja yuhu ḡuhu. Musare quehnoano yedoho duagu Cristo ihñonopu tiquiro ñaḡe yerire boaja. Tire boaja Satana marine

tiquiro yuhducaerature. Tiquiro marine ñaḡene yegū cahmene. Tire quehnoano masiaja mari. Sa yena Jesu yequina tiquina ñaḡe yerire wacūdueraja mari, “Tiquinapu Satana yere yeari”, nina.

Troa wame tiri macapu ijiro Titore bocaeraro pajiro bujua witi tuhutuahye Pablo

¹² Sa yegu Troa wame tiri macapu esau Cristo yere buheḡu wahagu. Topu yuhu ijigū peyequina masa quehnoañe buheyere tūho duayequina ijiri. Mari puhtoro tiquiro yedohoye mehna tiquiro yere yuhu buheatiquina peyequina masa ijiri. ¹³ Sa ijiepeḡuta mari acayarore Titore bocaeragu pajiro bujua witi tuhutu. Sa yegu to cjēnare cohe ti tuhasagu Macedonia yehpapu wahan.

Cristo yedohoye mehna ñaḡene yeduceraja mari

¹⁴ Sa ye Cohācjū pehe marine ñaḡene yeragū yere. Cristo yequina mari ijigū ihñano marine ñaḡene yeragū yere. Sa yegu Cohācjūre bucuere, “Quehnoare”, ni-aja. Sa yena Cohācjū marine tiquiro dutigū masina ijipihtirapu Cristore masare masigū yeaja mari. Sa tiquirore masiḡe tiquina quehnoano tuhutore. ¹⁵ Cristo yequina ijina, Cohācjū pehere bucueḡu yeaja mari, ehme sitiye mari bucuero saha. Sa ye Cristo yequina mari ijiyere ihña masine apequina Cohācjū yuhduoatiquina. Apequina tiquina ñaḡe buhiri pecapu waha-tiquina ḡuhu Cristo yequina mari ijiyere ihña masine. ¹⁶ Cristo yequina mari ijigū ihñaḡe, tiquina ñaḡe buhiri pecapu waha-tiquina pehe pecapu tiquina wahatire masine. Cohācjū yuhduoatiquina pehe marine Jesu yequinare ihñaḡe, ijipihtiyere decori tiquiro mehna tiquina ijiatire masine. Sa ye Cristo ye ihyo ijije buheyere ijierare. Sa yero ahrire Cristo yere ihcāquiro esa tuharo buhe sohtori tiquiro ne mariedare. Cohācjū yedohoro mehnata tiquiro yere mari buhe masiaja. ¹⁷ Peyequina apequina Cohācjū yere buhemene niñerure wapata duaye. Usā pehe tiquina yero saha yeraja. Ni mehono marieno Cristo tutuaye mehna tiquiro yere buheaja usā. Cohācjū usāre cūḡu tiquiro ihñonopu quehnoano buheaja usā.

3

“Ohō saha yeitja”, Cohācjū ni cūrire wahma buheyere yahuahye Pablo

¹ ¿Pari turi usā ijije tiyere musare yahuna niajari usā, musa tuhutuḡu? Apequina musare tiquina buheato pano tiquina ijije tiyere masi duana tiquina ojoari pūre cahme muhtari musa. Usāre masi tuhasari musa. ¿Usāre masiepenata ti pū borore cahmejari musa? ¿O apequina cahapu usā buhena wahana ti pū borore

usäre neno cahmeajari, masa tuhutugü?
² Ti pü borore cahmedaja usä. Mäsa pehere ijiphiyequina apequina ihñañe müsare usä quehnoano buherire masieta. Müsare usä buhegü Cristo yequina iji ducari mäsa. ³ Cristo yequina mäsa ijigü ihñañe masa müsare Cohäcjö ye buheye warore usä queoro buherire masi tuhasare. Müsare buhena Cohäcjö yaquiro Espiritu Santo tiquiro yedohoye mehna buhei. Tiquiro Cohäcjö catiriquiro waro ijire. Usä sa buhegü tuhona Cristore quehnoano cahmedi mäsa. Sa cahmena mäsa ijigü apequina müsare ihñañe Cristo yequina mäsa ijiyere quehnoano masine. Sa masiñe müsare Cohäcjö ye buheye warore usä queoro buherire masine masa.

⁴ Ahrire ijiphiyere tuhotuaja usä Cohäcjöre quehnoano wacü tutuana. Cristo tiquiro yedohoye mehna sa wacü tutuaducujaja mari. ⁵⁻⁶ “Usä esa tuharo ahri dahrayere yeaja usä”, ni masiedaja usä. Cohäcjö tiquiro yedohoye mehna ye masiaja usä.

Yojopäre tiquiro yahuyere quehnoañe buheyere Cohäcjö pehe quehnoano usäre buhe masigü yere. Ahri buheye panopu tiquiro dutiye tiquiro ojoari yero saha ijierare. Quehnoañe buheye pehere buheaja usä. Panopu tiquiro dutirire mari esa tuharo ne ye masiedaja. Sa mari ye masiedari buhiri pecapu wahaboya mari. Quehnoañe buheye pehere tuhona Cristore wacü tutuaja. Sa yena ijiphiye decori Cohäcjö mehna ijinata mari. ⁷ Cohäcjö tiquiro dutiyere utä pjinipü ojoaro Moiseri cüahye. Tiquiro sa cüri bato tiquiro asi siteye bajuahye. Moise wühdoo asi siteahye. Asi site yuhduahye. Came ti asi siteye pihtia wahahye. Came ti asi siteye pihtia wahati ijiepegüta coä warore tiquiro wühdooare masa ne ihñadoque ohö masiedahye. Ti dutiyere masa tiquina ye pehoerari buhiri pecapu wahatiquina ijiahye. Sa ye ti dutiye masare pecapu waha dutiepetä, tutuaro asi siteye mehna iji ducahye ti dutiye.

⁸ Ti dutiye yuhduoro quehnoañe buheye pehe quehnoa yuhduare. Ahri buheyere apeqinäre mari buhegü tiquina quehnoano tuhögü Espiritu Santo tiquina mehna ijirota. Sa ye panopu cjä dutiye yuhduoro Cristo ye pehe quehnoa yuhduare. ⁹ Cohäcjö dutiye panopu cjä masare pecapu waha dutiahye. Sa dutieperota Cohäcjö tutuaye mehna tiquiro asi siteye mehna iji ducahye. Ti yuhduoro quehnoañe buheye pehe Cohäcjö tutuaye mehna ijire. Ti buheye mehna quehnoañequina wahare masa, Cohäcjö ihñagü. ¹⁰ Panopu Cohäcjö tiquiro dutiri pehe ihyo ijiiye dutiye yero saha tojoa cähre yojopäre quehnoañe buheye mehna

mari ihña piti cagü. Quehnoañe buheye pehe quehnoa yuhduare. Ti buheye mehna ahmüsepü mari waha masiaja. ¹¹ Panopu tiquiro ye dutiye yoa cjöri pje asi siteye ijiducume, pihtia wahahye. Ti dutiye yuhduoro quehnoañe buheye pehe quehnoa yuhduare. Ti buheyere quehnoano tuhona, Cohäcjö mehna sa ijiducunata.

¹²⁻¹³ Mari sa ijiducuatire masina, cuero marieno quehnoañe buheyere quehnoano yahu peho cjä usä. Moise pehe usä yero saha ijierahye. “Cohäcjö asi siteye pihtiro nine”, Israe masa ni ihñari”, nino, tiquiro wühdooare cahmotahye Moise. Bue tiro sa cahmotahye. Tiquiro yee tiriro saha bue tieraja usä pehe. Sa yena cuero marieno tiquiro yere quehnoañe buheyere buheaja. ¹⁴ Ti pjerü cjäna Israe masa pehe ne masieda tiahye. Yojopu gähäre Cohäcjö yere panopu tiquiro ojoari pürine tiquina buheye, ne masiedare. Moise tiquiro wühdooare cahmotagü Cohäcjö asi siteyere tiquina ihñadoque ohöedariro saha tiquina quehnoañe buheyere quehnoano masiedare. Cristore cahmedaye, masisi tiquina. Tiquirore tiquina wacü tutuari bato, tiquiro yere masieta.

¹⁵ Yojopu gähäre Israe masa Cohäcjö dutiye Moiseri tiquiro cürire buheye, tiqinäre cahmotaro saha ne masiedare tiquina. ¹⁶ Mari pehe mari puhtorore cahmegü tiquirota marine masigü yere. Moise tiquiro wühdoo cahmotaritore tiquiro ne cäboriro saha mari puhtoro marine tiquiro yere quehnoano masigü yere. ¹⁷ “Mari puhtoro”, nigü Espiritu Santore nigü niaja. Cohäcjö yaquiro Espiritu mari mehna tiquiro ijigü pecapu wahaborinare tiquiro yuhduorina ijiaja. Sa yena “Panopu cjä dutiye mehna mari yuhduanata”, niedaja mari. Sa yena ti dutiyere duhuna, Espiritu Santo ye dutiye pehere yeaja mari. ¹⁸ Sa yena Jesu yequina ijina, Cohäcjö yere masiaja mari. Tiquina wühdoo pacare cahmotamehneñequina yero saha Cristo tutuayere ihñona niaja mari. Sa yero mari puhtoro Espiritu Santo marine quehnoañe pehere comesagü yere. Tiquiro sa yegü Cristo quehnoa yuhduariquiro tiquiro ijiro saha wahana niaja mari.

4

¹ Sa ye Cohäcjö usäre paja ihñano, quehnoañe buheyere yahuanajare cüri usäre. Tiquiro sa cügü masina, tiquiro yere buhena caributieraja usä. ² Tiquiro yere buhena ni meje cü buheraja. Sa yena usä tire comesaeraja. Sijoro saha cjunogä buhena buoro yuhduoaga. Sa yena tire buhe dueraja. Cohäcjö ihñonopu ijiaja usä.

Sa yena quehnoañe buheyere quehnoano potu buheaja usã. Usã sa buhegũ ihñañe tire quehnoano masine usãre ihñañequina waro. ³ Usã buheyere quehnoañe buheyere buheaja usã. Usã tire buhepegũta apequina ne tuho duerare. Sa tuhoeyequina pecapũ wahatiquina ijire. ⁴ Satana ñariquiro ahri yehpa cãena puhtoro tiquinare masiedagũ yere. Caperi bajueyequina tiquina ihña masiedaro saha masiedagũ yere tiquinare. Quehnoañe buheyere Cristo tutuayere tiquinare masiedagũ yere tiquiro. Cristo pehe Cohãcãu ijire tiyere marine masigũ yere. Tiquiro Cristo Cohãcãu waro ijire. ⁵ Usã buhena “Usã pehere ño peoya”, ni buheraja. Ohõ saha ni buheaja usã: “Jesucristo pehe ijire mari puhtoro”, ni buheaja usã. Usã pehe Jesure yuhtina ijijaja usã. Sa yena musare yedohoaja usã. ⁶ Panopũ ohõ saha niahye Cohãcãu: “Nahitianopũre buhrioro ijija”, ni, dutiahye tiquiro. Yojoapũre tiquirota ijire marine tiquiro tutuayere masigũ yeriquiro. Buhrioro marine ti ihñaagũ yero saha, tiquiro tutuayere marine masigũ yere. Cristo Cohãcãu tutuayere marine masigũ yere.

Cristo tutuaye mehna mari ijijaja

⁷ Sa masina ijina, tiquiro tutuayere apequinare masigũ yeaja. Sa yena ijiepenata tutueraja usã. Dihĩ sutu duita wahtiro ti butiro saha usã gũhũ tutueraja. Sa ijiepenata Cohãcãu tutuayere apequinare buheaja usã. Usã sa tutuerapenata tire buheaja usã. Usã sa buhegũ ihñañe usãre “Tiquina esa tuharo ahri buheyere masiedare. Cohãcãu pehe tiquinare masigũ yere”, ni masieta apequina usãre. ⁸ Ijipihtiyequina apequina usãre ñano yepeta Cohãcãu usãre tiquiro yedohogũ tiquina usãre yuhducaerare. Sa yena usã caributiepenata, Cohãcãu yere ne yahu duheraja. ⁹ Usãre tiquina ñano yeducuepegũta Cohãcãu usãre sa yedohoducure. Usãre tiquina queðoque cũ mujaepegũta tiquiro yedohoye mehna yarietaja usã. ¹⁰ Tiquina wejẽatina ijinata niaja usã, Cristo ahri yehpapũ tiquiro ñano yuhduariro saha. Tiquina wejẽatina ijiducuna niaja usã Cristo catiducugũ yeriquiro tiquiro ijijere masa tiquina masiato saha. Usã sa ñano yuhdugũ ihñañe tire masieta masa.

¹¹ Sa ye decoripe usãre apequina wejẽno cuarĩne Cristo yequina usã ijiri buhiri. Ohõ sahata ñano yuhduaja usã Cristo catiducugũ yeriquiro tiquiro ijijere apequina tiquina masiato saha. Usã paguri came yariaa waha-rotã. Usã sa wahatina ijiepenata Cristore catiducugũ yeriquirore masigũ yeaja usã apequinare. ¹² Sa ye musare usã buheri buhiri usã pehere apequina wejẽno cuarĩne.

Usã buheyere musa tuhori bato ijipihtiye decori Cohãcãu mehna ijiatina ijire musa.

¹³ Cohãcãu yere tiquina ojoari pũpũ ohõ saha nine: “Cohãcãure wacũ tutuagu, tiquiro yere buhei”, ni ojoahye panopũ cãano. Usã gũhũ sata yeaja. Cohãcãure wacũ tutuana, tiquiro yere buheaja. ¹⁴ Ahri yuhũ niati gũhũre quehnoano masiaja usã: Cristo yariari bato Cohãcãu tiquirore masoahye. Sa yero Cristo yequina mari ijigũ ihñaño tiquiro mari gũhũre masonota. Tiquiro sa masori bato tiquiro cahapũ neanota marine. ¹⁵ Sa yena musare yedoho duana, ñano yuhduaja usã. Sa yena Cristo yequina musa peyequina wahana, peyequina musa Cohãcãure bucueye mehna ño peonata. Tiquirore “Quehnoare”, ninata.

¹⁶ Musã sa wahagũ ihñaña, usã ñano yuhduepenata bujua witeraja. Sa yena Cristo yere buhe duheraja. Usã pagũ tutuaye decoripe pihti cãano nine. Usã tutuaye sa pihti cãepẽgũta quehnoano jeri sajãja usã. ¹⁷ Yojoapũre ñano yuhduepenata ñano yuhdu dojoeraja. Ti mari ñano yuhduye pihtia waha-rotã. Sa yena marine mehenogã ñano yuhduro cahmene. Sa mari ñano yuhduarĩna ijina, camerũre tutuaro bucueye mehna ijiducunata Cohãcãu mehna. Sa yena mari ñano yuhduari yuhduoro pajiro bucueye mehna ijiducunata. ¹⁸ Mari ihñari ahba pihtia waha-rotã. Mari ihñedari pehe sa ijiducurota. Sa yena mari ihñarire wacũducueraja. Mari ihñedari pehere Cohãcãu yere sa wacũducuaja mari. Sa yena camerũ mari quehnoano ijiatire bucueaja.

5

¹ Wuhũre tiquiro cohãboriro saha came mari paguri pehe butia waha-rotã. Sa yero wahma wuhũre tiquiro yeboriro saha Cohãcãu wahma pagurire yerota. Sa yero ti pagurire marine ohorota. Ti paguri masa tiquina yeri paguri ijierare. Sa yena ahmusepũ sa ijiducunata ti paguri mehna. Tire mari masiaja. ² Sa yena ti pagurire ahmuse cãe pagurire tutuaro cahmena, mari sa cohteducuna niaja. ³ Suhtirore tutuaro mari saña duaro saha ti pagurire tutuaro cahmeaja mari. Sata cohteaja mari paguri mariena iji duerana. ⁴ Yojoapũre ahri pagurire cohã duerapenata wahma paguri pehere tutuaro cohteaja mari. Yojoapũre mari pagurire cohã duerapenata ijipihtiye decori Cohãcãu mehna mari ijiatire tutuaro cahmeaja mari. Sa yena ahri mari paguri yariati paguri ti ijigũ masina, wahma paguri mehna Cohãcãu mehna sa ijiducu duaja mari. ⁵ Mari sa ijiducuatire quehnoahye Cohãcãu pehe. Sa quehnono tiquiro yaquiro Espĩritu Santore ohori marine. Sa yero tiquiro yaquiro Espĩritu Santo mari mehna

ijiro, marine Cohācjū tiquiro yeatire “Poto tjire”, nino, marine masigū yere tiquiro.

⁶ Sa yena Cohācjūre wacū tutuaducuaaja mari. Cuero marieno ijiaja mari. Ahri mari iji muhtari pagupū ijina, mari puhtoro mehna ijieraniaja. ⁷ Ūhmuse cjēne Cohācjū gūhare mari ihñedapenata “Ti potota ijire”, ni tuhotuaja mari. Sa yena tiquirore wacū tutuaja mari. ⁸ Sa yena mari cueraja. Mari pagurire ahri yehpapū cohāna mari puhtoro mehna ūhmusepū ijiducunata mari. Sa yero mari yariagū quehnoanota marine. ⁹ Sa yena Cristore bucuegū ye duaja mari. Ahri yehpa cjā pagū mehna ijinina tiquirore bucuegū ye duaja. Ūhmusepū gūhare tiquirore bucuegū ye duaja. ¹⁰ Ijipihtina Cristo cahapū mari wahagū ihñano tiquiro mari yerire ihñano marine beserota. Nāno mari yerire masinota tiquiro. Sa masino marine tiquiro ohoborire marine ohosi tiquiro. Quehnoañene mari yeri gūhare masinota. Sa masino bucuero marine quehnoano yerota. Tiquiro sa masidiquiro ijigū ihñana tiquirore bucuegū ye duaja mari.

Cohācjūre mari ihña tuhtigū ihñano Cristo pehe marine bosare

¹¹ Sa yena cua pesaro mehna Cristore ño peoro cahmene marine. Tire masina, Cristo yere masigū yeaja usā masare. Tiquinare cuesāna, tiquirore wacū tutuagū ye duaja usā tiquinare. Quehnoano mehna tire usā buherire Cohācjū quehnoano masine. Ūsā sa buherire masa gūhare quehnoano masigū cahmeaja yuhū. ¹² Pari turi quehnoana usā ijije tyere musare yahuna niedaja. “Apequinare yuhducaja”, niñequinare masa yahuatī pehere quehnoano mehna usā buherire yahuna niaja usā musare. Tiquina pehe tiquina wacūñepū ñañequina ni mehoñequina ijiepetā masa tiquina ihñono dihita quehnoañequina yero saha ye ihñomene. Sa yena usā mehna masa bucuēatī pehere ahri ijipihtiyere musare yahu ojoana niaja. “Pablo gūhū usāre quehnoano mehna buhere”, usāre apequinare masa ni cahmotatī pehere ahri ijipihtiyere musare yahu ojoana niaja. ¹³ Ūsā ohō saha ni yahuna tuho masiena ijajari usā, masa tuhotugū? Masa usāre ihñañe, tuho masieñequina yero saha ihñare usāre. Cohācjū yere usā yegū ihñañe sa ihñaboaga usāre. Sa tiquina ihñanohrina ijiepenata sa ijina ijieraja musare yedoho nemonā tana.

¹⁴ Cristo marine tiquiro cahīgū ihñana musare sa yedohoaja. Tiquiro sa cahīgū ihñana tiquiro yere sa yahuducuaaja usā. Ihcāqirota Cristo ijipihtina mari ñañe buhirire yariari jiri. Tiquiro sa yariari bato

mari pehe ijipihtina mari ñañe buhirire yariariquina yero saha ijiaja. Tiquiro buhiri dahre tuhasariquina yero saha ijiaja. Cristo tiquiro yariari mehna marine tiquiro buhiri dahre tuhasariquina yero saha ihñanota Cohācjū. ¹⁵ Ijipihtina mari ñañe buhiri yariari jiri Cristo tiquiro ye dihitare mari yeato saha. Sa yero tiquiro cahmeñe pehere marine ye dutiro yariari jiri tiquiro. Mari ye ijiatire yariaro, masa mujari jiri. ¹⁶ Sa yena yojopure usā esa tuharo masare “Quehnoañequina ijire. Ñañequina ijire”, ni ihñedaja usā. Panopū usā esa tuharo yee timi. Sa yena Cristore masiedū. Yojopure Espiritu Santo yedohoye mehna tiquirore quehnoano masi tuhasaja. ¹⁷ Sa yena Cristo yequina wahana quehnoañe pehere yena wahaja mari. Panopū mari esa tuharo mari yemedire duhu cjā mari. Yojopure quehnoañe pehere comesana tire yeaja mari.

¹⁸ Cohācjū pehe marine quehnoañe pehere comesagū yeri. Cohācjūre ihña tuhtina mari ijigū ihñano Cristo pehe mari ñañene cohāri. Sa cohāno mari ihña tuhtiyere duhugū yeri tiquiro. Sa yegū yeri Cohācjū Cristore. Sa yero usāre tiquiro yere buhe dutiro cūri. Sa buhena, apequinare Cohācjū mehna tiquina ihña tuhtirire duhugū yeaja usā gūhū. ¹⁹ Ohō saha masare yahu dutiri Cohācjū usāre: “Cristore mari wacū tutuagū ihñano mari ñañe buhirire buhiri dahrerare Cohācjū marine. Sa yero marine ihña tuhtiriquiro ijieperota tiquiro marine tiquiro yequina ijigū yere”, ni yahu dutiri Cohācjū usāre. ²⁰ Sa yena Cristo yere buheanaja tiquiro cūrīna ijiaja usā. Cohācjū musare tiquiro yahuboriro saha usā pehe ohō saha ni musare yahuaja: Cristore yahu basana niaja. Sa yena musare ihña tuhtieragū yeaja. Cohācjūre masa ihña tuhtiyere to punota duhuya. ²¹ Cristo tiquiro ñañene yerapegūta Cohācjū pehe tiquirore mari ñañe buhirire yaria duti-ahye. Sa yero mari ñañe buhirire buhiri dahreahye Cohācjū tiquiro pehere. Sa yero Cristo yequina mari wahagū Cohācjū yero saha quehnoana marine ijigū yere tiquiro.

6

¹ Cohācjūre yedohona ijiaja usā. Sa yena ahrire tutuaro musare ye dutiaja usā. Cohācjū yere quehnoañe buheyere masa tuhoriro sahata yeya masa. Masa tuhoriro sahata masa yeragū ti masa tuhori duhseati ijierare. ² Ohō saha nine Cohācjū:

Musare yuhū quehnoano yeati pjere masa sinifene tuho yuhtitija. Sa yegū musare yuhū yuhduoati decore musare yedohoutja, nine tiquiro.

Tuhoya musa. Yojoþare Cohãcþu musare tiqairo quehnoano yeati pje ijire. Yojoþare Cohãcþu musare tiqairo yãhdwoati deco ijire.

³ Ne mehenogã apequnare ñano yeraja usã. Apequnare ne ñano ni yahuducueraja, "Quehnoañe buheye pehere cahmedari", nina. ⁴ Sa yena Cohãcþu cahacþãna usã ijiyere musare masigũ ye duaja. Sa yena ohõ saha ijiaja usã: Ñano yãhduna, apee borore cwaoerana sa tuhutu cã. Usãre tiqaina ñano yepegũta usuaro marieno ijiaja. ⁵ Ohõ saha ñano yãhduna usã: Masa usãre quẽgũ, peresu tiqaina yegũ, peyequina masa usãre wejẽ duagũ tiqaina sañuducugũ ñano yãhduna usã. Usã tutuaro dahra wahyia yãhduna, wãjua puriþegũta cariedana, wãjua ahbana ñano yãhduna. ⁶ Numia mehna ñano yeru. Sa yena Cohãcþu yere quehnoano masiñe mehna buhei musare. Sa yena ne uuseru usã. Sa yena quehnoano cahĩne mehna yei usã musare. Sa yena Cohãcþu cahacþãna usã ijiyere musare masigũ yena nii usã. Espiritu Santo tiqairo yedohoye mehna Cohãcþu cahacþãna usã ijiyere masigũ yena nii musare. Sa yena poto musare usã cahĩgũ ihñana, tiqairo cahacþãna usã ijiyere masine musa. ⁷ Sa yena quehnoañe buheyere musare poto usã buhegũ ihñana, Cohãcþu tutuaye mehna usã yegũ ihñana tiqairo cahacþãna usã ijiyere masine musa. Quehnoañe pehe ijipihtiyẽ usã yeri usã wamoa yero saha ijire quehnoano usã cahmotati pehe. Tire quehnoañene yena wafĩnore usã cahmotana niaja. Sa yena ti quehnoañene usã yeri mehna tiqairore usã yãhduducaja.

⁸ Apequna usãre ño peore. Apequna pehe usãre ño peorerare. Apequna ñano ni yahuducure usãre. Apequna pehe quehnoano ni yahuducure usãre. Poto usã buhepegũta "Ni mehoñequina ijire", ni yahusãre apequna usãre. ⁹ Apequna usãre ihña masiñequina yero saha yere. Ihquẽ tahari usãre masiñequina yero saha yere. Usãre tiqaina wejẽ duepegũta catiniaja usã. Ihñaña usãre. Ijirota ijire. Tiquina wejẽ dutinohrina ijiepenata, yarieraniaja usã. ¹⁰ Usã ihquẽ tahari bujua witina ijiepenata, sa buceducujaja. Pejeczona ijiepenata apequnare quehnoañe buheyere buhena tiqunare pajiro doeri cãene usã ohoboro saha yena niaja tiqunare. Apee boro cwocena ijiepenata, potota Cohãcþu ye pehere cwao peho cã usã.

¹¹ Ne Corinto cãna yãhu acaye, musare quehnoano mehna yahu peho ojoau usã musare. Musare tutuaro cahĩna, sa yahuu musare. ¹² Usã pehe musare cahĩ duhueraja. Musa pehe usãre cahĩeda cãure. ¹³ Sa yegu pohna tigu yãhu pohnare yãhu yahuboro saha musare yahutja: Musare usã tuhoturiro sahata musa gũhu sata

quehnoano tuhutuya usãre. Sa yena usãre cahĩña musa.

Cristore cahmeeñequinare piti ti dutierahye Pablo

¹⁴ Sa yena Cristore cahmeeñequina mehna sa piti tiducueracãhña. Tiquina mehna cãna ijieracãhña. Ihcãno saha ijierare musa. Quehnoañene yeriquiro ñañene yeriquiro mehna quehnoano iji masiedare. Cohãcþure cahmeeñequina Cohãcþure cahmeeñequina mehna quehnoano cahme piti ti masiedare. ¹⁵ Sa yero Cristo wafĩno mehna ihcãno saha tuhutuerare. Sa yero Cristo yaquiro, Cristore cahmeediquiro mehna quehnoano cahme piti ti masiedare. ¹⁶ Cohãcþu wãhuru "Cohãcþu ijire", tiquna niñe queoyere mari cwogũ ñarĩne. Ti wãhuru ti queoyere mari cãgũ quehnoaedare. Ti yero sahata Cristo yequina Cristore cahmeeñequina mehna mari piti tiducugũ gũhure ñarĩne. Ti cururi pua curua ihcãno mehna iji masiedare. Cohãcþu catiriquiro tiqairo ya wãhu yero saha ijiaja mari. Ti wãhuru tiqairo ijiro saha mari mehna ijire tiqairo. Ohõ saha nine Cohãcþu:

Tiquina mehna ijigutja yãhu. Sa yegu tiquna watoa sa ijiducugutja. Yãhu Cohãcþu tiquna puhto ijigutja. Sa ye tiquna pehe yeequina masa ijietã, nine tiqairo.

¹⁷ Sa yero ohõ saha ni nemore tiqairo mari puhtoro:

Ñañequina mehna tojoeracãhña. Sa yena tiqunare piti tieracãhña. Cristore cahmeeñequinare tiquna ñañene ne pihercãhña. Sa yegu yãhu pehe musare piti tigutja. ¹⁸ Sa yegu musa Pacu ijigutja. Musa pehe yãhu pohna ijinata, nine Cohãcþu mari puhtoro tutua yãhduariquero.

7

¹ Yãhu acaye, yãhu cahĩna, musare ahrire yahutja: Ahri ijipihtiyere Cohãcþu tiqairo sa ni yahugũ tuhona ijipihtiyere mari ñañene yeyere duhuuhna. Sa yena mari ñañene wacũne gũhure duhuuhna. Sa yena Cohãcþure quehnoano ño peoye mehna ñano yero marieno ijihna mari.

Pablo buceye mehna yahuahye Corinto cãñare

² Quehnoano mehna ijiaja musa usã mehna. Ne mehenogã mehna ñano yeru usã musare. Sa yena usã buheye mehna musare ñano yegũ yeru usã. Ne ihcãquiro musa mehna cãñore ni mehoñe mehna wapa cahmedu. ³ Sa nigũ "Usãre wapa yerari. Sa yena buhiri tina ijire musa", nigũ niedaja musare. Musare yahu tuhasau. Musare cahĩaja usã. Catinina ihcã curuata ijiaja mari. Mari yariari batopũ gũhure

ihcã curuata ijinata mari. ⁴ Quehnoano musa yerire masiaja yuhu. Sa yegu musare wacũdoqueogu bucueaja. Sa yena usã ñano yuhdari watoa musa pehe yuhure pajiro bucuẽgũ yeri.

⁵ Sa ye Macedonia yehparũ usã esari bato topũ ijina, ne soeru usã. Topure ñano yuhduũ usã. Apequina usã mehna cahmeque duari. Sa yena “Cristo yere duhuari”, nina Cristo yequina pehere cuesã nii usã. ⁶ Usã sa ñano yuhduepegũta Cohãcjũ usãre bucuẽgũ yeri. Tiquiro bujua witiyequinare bucuẽgũ yeriquire ijire. Sa yero Tito usã caharu tiquiro wihiro mehna usãre bucuẽgũ yeri Cohãcjũ. ⁷ Tito wihigũ ihñana bucuei. Ahri gũhure bucuei. Musare tiquiro quiti yahugũ gũhure tutuaro bucuei usã. Yuhure musa ihña duarire yahuri usãre. Yuhure musa wacũe ti bujua witori gũhure yahuri tiquiro. Tiquiro sa ni yahugũ tuhogu tutuaro bucuei yuhu.

⁸ To pano yahu ojoari pũ mehna musare bujua witiigũ yemi. Sa yerigu ijiepegũta bujua witiaraja yuhu pehe. Ti pũre musa buheri bato bujua witiñohti musa. Sa yena mehenogã bujua witi, duhuñohti musa. Sa yegu coã ojoa mahtagu bujua witipegũta yojopure bujua witiaraja. ⁹ Yojopũ pũritare bucueaja yuhu. Musa bujua witiigũ tuhogu bucueraja. Sa ijiepegũta sa bujua witiina, quehnoañe pehere comesañohti musa. Sa yero musa bujua witiigũ ihñano, Cohãcjũ pehe musare quehnoañene comesagũ yere. Sa yena musare bujua witiigũ yena, ñano ye dojomehnena niedu usã musare. ¹⁰ Sa yena Cohãcjũ tiquiro cahmeno saha bujua witiina, mari ñañene bujua witiinata. Quehnoañe pehere comesanata. Sata mari bujua witiigũ ihñano marine pecaru wahaborinare yuhduore Cohãcjũ. Mari sa bujua witiigũ quehnoañene marine. Cristore cahmeñequina pehe tiquina ñañene bujua witiarapeta, sa bujua witi maca cã, pecaru wahatiquina ijinine.

¹¹ Musa pehe Cohãcjũ tiquiro cahmeno saha bujua witiñohti. Musa sa bujua witiina ohõ saha yeñohti musa: Yojopure ñañene yeyequinare sa ihña cãdañohti musa. Tiquinare duhu dutiñohti musa. Sa yena tiquina ñañe yeyere cueñohti musa “Tiquina yero saha yeari”, nina. Sa yena yuhure ihña duañohti musa. Sa yena ñañene yeriquire buhiri dahre duañohti musa. Ti ijipitiyere musa yena yojopure poto yena musa ijiyere masigũ yeri musa usãre. ¹² Panopũ ñano yeriquire musare yahu ojoapegũta tiquirore yedohogu tagu sa ni yahu ojoaeru. Tiquiro ñano yenohriquire gũhure yedohogu tagu sa ni ojoaeru. Musa pehere yedohogu tagu ti pũre ojoau. Usãre quehnoano ño peore musa. Tire musa ño peorire quehnoano musa masiatire ti pũre

ojoau musare. Cohãcjũ tire musare masigũ cahmene. ¹³ Sa yena Tito musa yerire tiquiro quiti yahugũ tuhona tutuaro bucuei usã.

Tito gũhu tutuaro bucueri. Tiquirore musa quehnoano mehna musa piti cagũ tuhona, musa mehna tiquiro bucuere tuhona usã gũhu quehnoano bucuei. ¹⁴ Coã waropũ musa caharu tiquiro wahato pano musa mehna yahu bucuere, quehnoana musa ijirire yahuu tiquirore. Sa yena yuhu nihiro saha quehnoano yeñohti musa tiquirore. Sa yegu tiquirore yahu niidire buẽ tieraja. Musare poto sa yuhducuaaja usã. Ohõ saha Tito gũhure poto usã yahuu musare tiquiro ihñariro saha. ¹⁵ Musa caharu tiquiro esagũ ño peoye mehna tiquirore piti cañohti musa. Sa yena quehnoano yuhtina yuhducucaro mariena musa ijigũ ihñañohti tiquiro. Sa yero musare cahĩ nemore tiquiro. ¹⁶ Yojopure quehnoano yuhtina, Cohãcjũ cahmeno saha musa quehnoano ye pehona musa ijigũ quehnoano masiaja yuhu. Sa masigu tutuaro bucueraja.

8

Cristo yequina ijina, pejecuoyequinare sa oho cãno cahmene marine

¹ Usã acaye, ahri yuhu yahuatire musare masigũ cahmeaja usã. Cristo yequina Macedonia yehpa cjẽna Cohãcjũ cahĩne mehna tiquiro paja ihñane mehna tiquina yerire musare yahutja. ² Tiquina ñano yuhduepeta, niñeru marieñequina ijiepeta cahĩno marieno sa oho cahri pejecuoyequinare Jesu yequinare. Cristo mehna tutuaro bucuerequina ijieye, tiquina Judea yehpa cjẽnare quehnoano mehna tiquina cuoyere sa oho cahri. ³ Musare niita niaja. Tiquina cuoro puno ohori. Ijierare. Bui cjũnogã ohori. Usã sini basaerapegũta pejecuoyequinare ohori tiquina. ⁴ Cohãcjũ yequinare pejecuoyequinare tutuaro yedoho duaye, tiquinare tiquina ohoatire nea dutiri usãre. ⁵ “Ohõ puno ohoeta”, tiquinare usã ni tuhoturiro bui cjũnogã ohori tiquina. Ohõ saha yeri tiquina: Coã warore niñerure tiquina ohoato pano mari puhtoro Cristo cahmeno saha ye pehori jiri tiquina. Sa ye Cohãcjũ cahmeno saha usã gũhure ño peoye mehna yuhtiri jiri. Sa yeyequina ijieye tiquina niñerure ohori.

⁶ Tiquina sa oho tuhasagũ ihñana Titore usã pehe ohõ saha nii: “Corinto cjẽnare maũu buhe ducariro saha quehnoano mehna pejecuoyequinare tiquina ohoatire buhe pehoya”, nii usã tiquirore. Musa gũhu apequinare paja ihñana, musa yedohoatire sa nii tiquirore. ⁷ Sa yena musa pehe ijipitiyere quehnoano yena iji tuhasare:

Cristore potota quehnoano wacū tutuare mūsa. Sa yena tiqiro yere quehnoano yahure mūsa. Sa yena Cohācjū yere quehnoano masine mūsa. Sa yena Cohācjū cahmeno saha tutuaro ye duare mūsa. Sa yena ūsāre cahīne mūsa. Ohō saha quehnoano yena iji tuhasare mūsa. Mūsa sa quehnoana ijiepegūta mehenogā dahsare mūsa. Pejēcūoyeqūina pūrtare mūsa paja ihñagū cahmeaja ūsā. Sa yena cahīno marieno tiquinare quehnoano mehna mūsa pajiro ohogū cahmeaja ūsā.

⁸ Sa nīgū mūsa dutīgū niedaja. Sa ni yahugūta niaja mūsa. Apequino pejecūoyeqūinare tiquina tutuaro yedohorire mūsa yahugū niaja. “¿Potota paja ihñana ijjajari mūsa?” ni, masi duagū niaja. ⁹ Mari pahoro Jesucristo pehe marine tiqiro paja ihñarire masine mūsa. Ti ijirota ijire. Tiquiro hñm̄ser̄m̄ pajiro cūoriquiro ijieperota ahri yehp̄m̄ ahtaro pejecūoriquiro wahahye. Sa yero mari ye ijiatire yariaro pejecūoriquiro wahahye. Ohō saha wahahye tiqiro mari pehe tiqiro yere pajiro mari cūoatire, tiqiro mehna mari sa ijiducutaire.

¹⁰ Mūsa sa yahugūta niaja. Ohō saha tuhutuaja yūhū pehe: Ihcā cūhma wahare mūsa oho duagū. Mūsa pehe pejecūoyeqūinare oho dua mūhtamedī. Sa yena tiquinare oho mūhtaborina ijimedi mūsa. ¹¹ Sa yena mūsa ye duariro saha yojor̄p̄re sohtori tiya. Mūsa oho dua mūhtariro saha yojor̄p̄re quehnoano oho pehoya. Sa yena pajiro cūona ijina pajiro ohoya. Mehenogā cūona ijina mehenogā ohoya. ¹² Tutuaro mūsa oho duagū tire mūsa ohorire Cohācjū bucuerota. Sa yena noho mūsa cūoro puno ohoya. Mūsa ohoro punota bucuerota Cohācjū. “Pejecūoyeqūinare mūsa cūoye yūhdūoro ohoya”, mūsa nino niedare Cohācjū.

¹³ “Pejecūoyeqūinare ohoya”, nīgū tiquinare pajiro cūo dutīgū niedaja. Sa yegū mūsa pehere pejecūoro ye duaraja. ¹⁴ Mūsa ihcāno saha cūo dutīgū sa nīgū niaja. Yojor̄p̄re mūsa pehe pajiro cūore. Sa cūona apee boro marieñeqūinare oho masine mūsa. Came mūsa apee boro mariedagū tiquina gūhū oho masine mūsa. Mūsa sa cahme ohona ihcāno saha cūonata ijiphtina Cristo yequina. ¹⁵ Ohō saha nine Cohācjū yere tiquina ojoari pūp̄m̄: “Pajiro nediquiro gūhū apequina bui cūjūnogā cūoerari. Mehenogā nediquiro gūhūre ne mehenogā dahsaerari”, nine Cohācjū yere tiquina ojoari pūp̄m̄.

Tito tiqiro mehna cĵēna mehna Corintop̄m̄ wahahye

¹⁶ Sa ye mūsa yūhū yedohoriro sahata Tito gūhū mūsa yedoho duare. Cohācjū

pehe tiqiro yedoho duagū yeri tiqirore. Tiquiro sa yegū ihñagū “Quehnoare”, niaja Cohācjūre. ¹⁷ Titore mūsa cahp̄m̄ ūsā waha dutīgū tiqiro quehnoano mehna yūhtiri. Sa yero tiqirore ūsā waha dutiatio pano tiqiro basita mūsa cahp̄m̄ tutuaro waha duariquiro iji tuhasari.

¹⁸ Tiquirore apequiro Jesu yaquiro mehna piti dahrei ūsā tiqirore. Tito mehna cĵānore ijiphtiequina apequina Jesu yequina quehnoano ño peore. Quehnoañe buheyere tiqiro quehnoano yahuriquiro ijigū ihñañe tiqirore quehnoano ño peore. ¹⁹ Sa ye Jesu yequina tiqirore cahmene ūsā mehna tiqiro tinino wahagū. Tiquina ye niñerure pejecūoyeqūina cahp̄m̄ ūsā neagū ūsā mehna wahatiqirore cahmene tiqirore. Sa ye ti niñerure ūsā ohogū ihñañe “Marine yedohoriquiro ijire”, nieta masa Cohācjūre. Ūsā sa ohona, tiquinare tutuaro mari yedoho duarire masigū yenata tiquinare. ²⁰ Sa yena ahri niñerure, pajiro Jesu yequina tiquina ohorire neana, quehnoano ihñā ihbonata tiquina ohorire, “Ūsāre yahūsāri”, nina. ²¹ Mari pahoro tiqiro ihñonop̄m̄ queoro, quehnoano ye duaja ūsā. Sa yena masa tiquina ihñono gūhūre queoro ye duaja.

²² Sa yena tana apequirore mari acayurore ohonatja Tito gūhū mehna. Ūsā piti dahreriquirore peye tahari apequinare tiqiro quehnoano yedohogū ihñāy ūsā. Sa yero yojor̄p̄re mūsa pehe apequinare mūsa yedoho duagū ihñāno to pano tiqiro yeriro yūhdūoro quehnoano mūsa yedoho duare. ²³ Tito pehere mūsa yahutja. Tiquiro yūhū mehna cĵāno ijire. Mūsa yūhū yedohogū tiqiro yūhū mehna dahrariquiro ijire. Apequina tiqiro mehna wahatiquina Jesu yequina tiquina bese ohoriquina ijire. Cristo yere tiquina yere, apequina tiqirore ño peoatire. ²⁴ Sa yena cahīno mehna quehnoano mehna tiquinare piti caya mūsa. Mūsa sa yegū ihñañe apequina Jesu yequina quehnoañeqūina pehe mūsa cahīñene masieta. “Quehnoano piti caeta Corinto cĵēna”, ni yahu tuhasāy apequinare. Mūsa sa quehnoano piti cagū ihñañe tiquina ūsā yahuri poto ijigū masieta apequina Jesu yequina.

9

Jesu yequinare pejecūoyeqūinare tiquina ohoatire yahuahye Pablo

¹ Sa yena Cohācjū yequinare mūsa yedohoatire mūsa ohoatire masi tuhasare mūsa. ² Apequinare mūsa yedoho duagū masiaja yūhū. Sa masigu Macedonia yehpa cĵēnare ohō saha ni yahu: “Corinto cĵēna

Jesu yequina pehe apequnare yedoho dua tuhasari. Ihcā cāhma yūhdure tiquina yedoho duari”, ni yahu tuhasa tiquinare. Mūsa sa yedoho duagū tūhoye peyequina tiquina gūhū pejecūoyequnare yedoho duari. ³ Mū sare sa ni yahugū yojorūre ahriquinare mari acayere mūsa caharū ohogū tagū niāja, yūhū yahuriro saha mūsa yeato. Sa yegū pejecūoyequnare mūsa ohoatire mūsa cahmecoā cūoyuatire ahriquinare ohogū niāja. ⁴ Tiquinare ohoeragū Macedonia yehpa cĵēna mehna mūsa caharū esagū, mūsa ohoatire mūsa cūoyuatire ihñāgū bue tisāboaga yūhū mū sare. “Pejecūoyequnare ohoeta”, mū sare yūhū ni tūhoturī bato mūsa ohoeragū ihñāgū bue tisāboaga yūhū. Mūsa gūhū buoro yūhdūboaga. ⁵ Sa yegū mūsa caharūre yūhū esato pano tiquinare mari acayere oho mūhtagū niāja. “Pejecūoyequnare ohonatja”, to pano mūsa nidire mūsa cūoyuatire tiquinare oho mūhtagū niāja. Mūsa ohoatire mūsa cahmecoagū tiquina pehe mū sare yahueta. Mūsa ohoatire mūsa cūoyu tuhasagū bucueye mehna mūsa oho duari ijigū masitiū.

⁶ Sa yena ahrire wacūñā mūsa: Meheñe pjerigā oteriquiro meheñe pacagā nenota. Peye pjeri oteriquiro peye paca nenota. (Ohō saha ijire pejecūoyequnare mari ohogū. Mehenogā mari ohogū, Cohācĵū mehenogā ohorota marine. Pajiro mari ohogū, pajiro marine ohorota.) ⁷ Sa yena ihquēquina mūsa “Ohō puno ohonatja”, ni ohoya. Cahīno marieno ohoya. “Marine oho dutiri”, nino marieno ohoya. Bucueye mehna ohoyequnare cahīne Cohācĵū. ⁸ TiQUIRO pehe mūsa cahmeno yūhdūoro mū sare ohorota. Sa yena ijipihtiyē mūsa cahmemedire dūhsaro marieno cūo pehonata. Sa yero apequnare mūsa ohogū gūhūre quehnoano esa tuharota mūsa cūoye. ⁹ Sata nine Cohācĵū yere tiquina ojoari pūpū:

Pejecūoyequnare pajiro ohore tiQUIRO. Quehnoano mehna masare sa yeducure tiQUIRO, nine tiQUIRO yere tiquina ojoari pūpū.

¹⁰ Sa yero oteye dūca tiri bato oteriquiro tiQUIRO oteati capere ohore Cohācĵū. Came tiQUIRO oterire dūca tigū yere tiQUIRO ihyatire. Pejecūoyequnare mūsa pajiro ohogū oteriquirore tiQUIRO ohoriro saha mūsa gūhūre pajiro ohorota Cohācĵū. Sata mū sare ohorota pejecūoyequnare mūsa oho nemoatire. ¹¹ Sata ijire. Pajiro ohorota mū sare apequnare pajiro mūsa sa ohoducuatire. Sa ye mūsa oho dutirire pejecūoyequnare usā ohogū peyequina tiquina pehe Cohācĵūre bucueye mehna “Quehnoare”, nieta. ¹² Sa yena pejecūoyequnare Cohācĵū yequnare ohona,

tiquinare yedohore mūsa. Sa yedohona bucueye mehna Cohācĵūre “Quehnoare”, tiquina nigū yenata mūsa. ¹³ Sa mūsa apequnare yedohogū ihñāñe, Cohācĵūre ño peoye mehna yahuducuenta masa. Sa ye tiquinare apequnā gūhūre pajiro mūsa ohogū ihñāñe Cohācĵūre “Quehnoa yūhdūgū ijire mūhū”, nieta masa. Ohō saha nieta Cristo buheye quehnoañe buheye ti nidiro sahata mūsa yegū ihñāñe, tiquinare mūsa ohogū ihñāñe. ¹⁴ Sa ye Cohācĵū mū sare tiQUIRO paja ihñāno sahata mūsa gūhū tiquinare mūsa paja ihñāgū tiquina pehe mū sare cahmeeta. Sa cahmeñe mū sare sini basaeta Cohācĵūre. ¹⁵ Cohācĵū marine quehnoa yūhdūaro yerota. TiQUIRO sa yeatire masina “Quehnoa yūhdūare”, niilna mari tiQUIROre.

10

Jesu cūriQUIRO tiQUIRO ijiyere yahuahye Pablo

¹ Yojorūre yūhū Pablo, mū sare yahutja. Ihquēquina mūsa mehna cĵēna ohō saha nine yūhūre: “Mari mehna ijiro apequnare yūhdūdūca dueriquiro, ihyo ijiriquiro yero saha ijire. Sa ijieperota ape sierū ijiro marine cuero marieno tuhti ojoadoqueore”, nine mūsa ihquēquina yūhūre. Cristo pehe ne usueriquiro, masare quehnoano yeriquiro ijire. TiQUIRO yero saha yūhū gūhū iji duaja. ² Sa yegū mū sare ahrire tutuaro mehna yahutja: Mūsa caharū yūhū esagū quehnoano yeya mūsa “Pablo usāre tuhtiari”, nina. Ihquēquina yūhūre ohō saha nine: “TiQUIRO esa tuharo, Cohācĵū dutiro marieno yere”, nine yūhūre ihquēquina. Sa niñequna pūritare tuhtiboaga yūhū.

³ Usā gūhū ahri yehpa cĵānata ijina niāja. Sa ijiepenata ahri yehpa cĵēna tiquina esa tuharo tiquina yero saha yeraja usā. ⁴ Surara cahme wejē tiquina yūhdūdūcariro saha usā pehe ñāñene yūhdūdūca duaja. Ti ñāñene ye dueraja. Usā sa yegū usā wamoā ahri yehpa cĵēna tiquina wamoā yero saha ijierare. Surara tiquina wamoare tiquina cūoro saha usā pehe Cohācĵū tutuayere cūoaja. Ti tutuaye mehna Cohācĵūre cahme dutieyequnare cohāja usā. Masa tiquina esa tuharo tiquina masiñene ti dūhseati ti ijieragū masigū yeaja usā ti tutuaye mehna. ⁵ Sa yena ijipihtiyequna tiquina esa tuharo tūhotuyequnare Cohācĵūre tiquina masi dutierarire dūhugū yeaja usā. Sa yena ti tutuaye mehna Cohācĵūre cahmeñequnare Cristore quehnoano yuhtiyequna tiquina ijigū yeaja usā. Cristo cahmeno saha tiquinare tūhotugū yeaja usā. ⁶ Sa yena apequnā mūsa mehna cĵēna Cristore tiquina yūhdūdūcagū ihñāna tiquinare buhiri dahrenatja usā.

11

Musa pehe musa quehnoano yahrtiri bato Cristore yuhduɔcayequinare sa buhiri dahreatinata ijinata musa.

⁷ Yuhu pagu dihitar masine musa. Yuhu ijiye tiye pehere ne masiedare musa. "Cristo yequina ijiaya", nina ijiya, ohō saha masiña musa: Usā gāhu musa yero saha Cristo yequinata ijiaya. ⁸ "Mari puhtoro ye buheyere quehnoañe buheyere buhe dutiro, cūri usāre", nigu peye tahari musare sa ni yahuepegata bue tieraja yuhu. Usāre sa buhe dutiro musare yedohoanajare cūri usāre. Musare dojomehneanajare cūno niedari usāre. ⁹ Ohō saha poto ni yahuaja musare "Cueari", nigu. Ahri yuhu ojarri pūre ihñana musa ihña mariagū cahmedaja. ¹⁰ Ihquēquina musa mehna cjēna ohō saha nine: "Pablo ojoaro dusero purñiquiro yero saha oja mujare marine. Sa ijiriquiro ijieperota mari mehna ijiro ne sa ijiaga niediquiro ijire. Pejecuoriqiro yero saha ijire. Sa yero marine tiqiro yahuducuye dūhseati ijierare", nine ihquēquina. ¹¹ Sa niñequinare ohō saha ni yahutja: Musare usā oja ohoriro sahata yahunatja musare musa cahapu ijiya. Sa yena "Ohō saha yenata", usā ni ojoarri sahata yematja usā, musa cahapu ijiya.

¹² Ihquēquina musa mehna cjēna "Quehnoano masi pehona ijiaya", ni yahuducure tiquina basi. Yohou, quehnoa yuhduɔcayequinare ijiajari tiquina sa ni yahuducuye. Usā pehe tiquina yero saha ne sa nisi. Tiquina basi cahme ihña piti ca "Mari pehe quehnoa yuhduɔcayana ijiaya", nine tiquina basi. Sa ni maca cāñe nine tiquina basi. ¹³ Usā pehe tiquina yero saha yesi. Cohācjū usāre buhe duti tiqiro cūri dihitar yahuaja usā pehe musare. Apequina ye dahrayere "Yei", nina niedaja. Cohācjū musare buhe dutiro usāre cūri. ¹⁴ Ohō saha nina, ni mehona niedaja usā. Quehnoañe buheyere Cristo yere musare buhe muhtana esau usā. ¹⁵ Sa yena apequina ye dahrayere "Usā pehe tire yei", ne niedaja usā. Sa yena Cristore musa wacū tutua nemogū cahmeaja usā. Sa cahmena musare buhe nemo duaja usā. Sa buhena Cohācjū tiqiro cūriro punota buhe duaja musare. ¹⁶ Sa yena musa ya yehpa yuhduɔcayequinare buheyere yahuna wahanatja. Sa wahana apequina tiquina buheri bato esana, "Usā buhei", nisi usā.

¹⁷ Mari yerire "Usāta yeaja", niedaro cahmene. Mari puhtoro Jesu tiqiro yeri pehere ihñana bucuero cahmene. Ti pehere apequinare yahuro cahmene. ¹⁸ Masa tiquina basi "Usā pehe yei", tiquina nigū bucuere Cohācjū. Mari puhtoro Cristo "Ahriquina quehnoano yeri", tiqiro ni-nohriquina pehere bucuere Cohācjū.

"Jesu cūrina ijiaya usā", ni mehoñequinare yahuahye Pablo

¹ Yuhu ijiye tiyere yahugu tuho masiegu yero saha yahugu niaja. Yuhu ijiye tiyere yahugu mehenogā bue tiaja. Sa yahurigu yuhu ijiepegata yahure tuhoriña musa yojopure. ² Cohācjū musare tiqiro cahño saha tutuaro cahñaja yuhu gāhu musare. Sa yegu musare cuesaja yuhu "Ñañene yeari", nigu. Nuhmino omoca dūhteaticoro amano mehna ijiericoro quehnoaricoro ticoro ijiro saha quehnoana musa ijigū tutuaro cahmeaja, Cristo dihitar musare cahme dutigu. Sa yegu Cristo cahapu musa wahagū ñañe mariena musa ijigū cahmeaja.

³ Apequina ñañequina musare ni mehoñe, sijoro saha ijiye buheyere cahmegū yeboaga musare. Pinono Evare ni mehono tiqiro masiñe mehna ticorore Cohācjūre yuhduɔcayegū yeahye panopure. Tiqiro sa yeriro sahata yojopure ñañequina musare ni mehoñe, Cristore musare quehnoano ño peoeragū yeboaga. Sa yegu musare cuesaja. ⁴ "Ohō saha ijiriquiro ijire Jesu", tiquina esa tuharo sijoro saha ni meho buhepegata tuhomene musa. Musare usā buheriro saha ijiepegata musare ni meho buheyequinare tuhomene musa. Sa yena "Ohō saha ijiriquiro ijire Espiritu Santo", tiquina esa tuharo sijoro saha ni meho buhepegata tuhomene musa. Usā musare buheriquiro Espiritu Santo waro ijire. Tiqiro pehere queoro tiquina yahuerapegata musare ni meho buheyequinare tuhomene musa. Tiquina sijoro saha ijiye buheyere tiquina ni meho buhegū quehnoañe buheyere tiquina buherapegata tire tuhomene musa.

⁵ Musa mehna cjēna "Jesu cūrina ijiaya", nimediquina yahure masi yuhduɔcayere. Tiquinare docaducayeraja yuhu. ⁶ Quehnoano yahu mihnigu ijieraboaga yuhu. Quehnoano yahu mihniedapegata Cohācjū yere quehnoano masiaja. Yuhu sa masiñene peye tahari musare quehnoano masigū yei.

⁷ Quehnoañe buheyere Cohācjū yere musare buhegu ne wapa cahmedu. Musare yedoho duagu wapa cahmedu. Ihyo ijiriquiro yero saha ijii yuhu. ¿Yuhu sa wapa cahmedagū quehnoaedajari, musa tuhutugū? ⁸ Musare yuhu buhegū ayepe macari cjēna Jesu yequina yahure niñerure ohori. Tiquina sa ohogū ti niñerure ñehei sinino marieno musare buhegu tagu. Musa pehe yahure musa ohoborire tiquina pehe yahure ohori. ⁹ Musa mehna ijigū apee boro yahure dūhsapegata musare niñerure ne siniedu. Mari acaye Macedonia yehpa cjēna Jesu yequina ijipitiye yuhu cahmedire ne wihiri yahure. Panopure

músare ne cariboeru yuhu. Cameru gühare músare ne caribosi. ¹⁰ Cristo potota tiqiuero yahuriro sahata yuhu gühu vojopure músare potota yahugu niája. Ijipihtiroy Acaya yehparu ijiyequinare ahri músare yuhu siniedarire sa yahuducugatja. ¹¹ ¿Músare yuhu siniedarire apequnare yuhu sa yahuducugü tühona, dahse tühotuajari mäsá? ¿“Pablo sa yahuro usäre cahiedaro niaga”, ni tühotuboagari mäsá? Ijierare. Músare cahíaja. Músare yuhu cahígü Cohácjü masine.

¹² Wapa cahmeno marieno músare yuhu buhe ducariro sahata sohtori tiitja. Yuhu buheri wapa yuhu wapa negü ihñañe tiquina “Jesu cürina ijiája”, ni mehoñequina ohó saha niboaga: “Pablo quehnoañe buheyere buhero, wapa cahmene. Sa yena usá gühü tiqiuero yero sahata yenañja”, niboaga tiquina wapa cahmeñe. ¹³ Tiquina potota Jesu cüriquina waro ijierare. Tiqunare ne cüedari tiqiuero. “Jesu cürina ijiája”, ni mehoñe, usá yero saha ijimene. ¹⁴ Tiquina sa ni mehoñequina ijigü masi tuhasaja yuhu. Satana gühü quehnoariqiuero yero saha comesa mujare. Tiqiuero angel asi siteriqiuero yero saha iji duaro comesamene. ¹⁵ Tiqiuero sa yeriqiuero ijigü masigu, Satanare yedohoyequina “Jesu cürina ijiája”, ni mehoñequina Cohácjüre yedohoyequina yero saha tiquina comesagü ihñagu, ni mehoñequina tiquina ijigü masi tuhasaja yuhu. Vojopure tiquina sa comesapegüta pihtiri deco ijigü ijipihtiyé tiquina ñano yeri buhirire buhiri dahrerota Cohácjü tiqunare.

Tiqiuero ñano yuhdurire yahuahye Pablo

¹⁶ Pari turi ahrire músare yahutja. Ne “Tüho masieniquero ijire”, yuhare niedacähña. Yuhu sa ni dutierapegüta yuhare mäsá sa ni tühotugü quehnoanota yuhare. “Tüho masieniquero ijire”, yuhare ni tühotuepenata tühoriña mäsá yuhare. Mehenogá yuhu ijiye tiyere yuhu yahugü tühoya mäsá. ¹⁷ Músare sa yahugu tüho masiegu yero saha yei niája. Yuhu ijiye tiyere yahugu mehenogá bue tiaja. Mari puhtoro Jesu yuhare “Muhu basi muhu ijiye tiyere yahuya”, niedare yuhare. ¹⁸ Tiqiuero sa niedapegüta ahrire yahutja músare. Tiquina esa tuharo “Quehnoana ijiája”, niñequina tiquina ijigü ihñagu yuhu gühü yuhu ijiye tiyere músare yahutja. ¹⁹ Mäsá pehe tüho masieñequinare tühona bucueye mehna ihñare mäsá tiqunare. Quehnoa yuhduaro masina ijiajari mäsá pehe sa tühona. ²⁰ Músare cahacjána tiquina yegü, mäsá yere tiquina ehmagü, sa ihña cáhre mäsá. Sa yena músare tiquina doca cügü, mäsá wahsupurire tiquina quégü sa tühotu cáhre mäsá. ²¹ Quehnoa yuhduaro yeajari

músare tiquina. Usá pehe tiquina yero saha yuhducaeraja.

Sa yena tiquina yero saha yeraja. Tiquina yero saha ijierapegüta tiquina “Ohó saha ijina ijiája”, tiquina nigü tühogu yuhu gühü sata ni yahuboaga. Pari turi bue tiepegüta ohó saha ni yahutja músare tja. ²² Tiquina “Hebreo masa ijiája”, nine apequnare masi yuhduca duaye. Hebreo masata ijiája yuhu gühü. “Israe masa mari Pacu tiqiuero beserina ijiája”, nine tiquina pehe. Tiquina yero saha tiqiuero beserigu ijimaja yuhu gühü. “Abrahá panamena iji turiana ijiája”, nine tiquina tja apequnare masi yuhduca duaye. Tiquina yero saha Abrahá panami iji turiagüta ijimaja yuhu gühü. ²³ “Cristo cahacjána ijiája”, nine tiquina pehe. Yuhu gühü Cristo cahacjüta ijiája. Tiquina yuhduoro Cristo yere quehnoano yeaja yuhu. Yohou, sa nigü tüho masieniquero yero saha yahuducugu niája. Sa yahuducugu mehenogá bue tiaja yuhu. Tiquina yuhduoro tutuaro dahrau yuhu Cristo yere yegu. Peye tahari tiquina yuhduoro Cristo yaqiuero yuhu ijiri buhiri peresu yeri apequna yuhare. Tiquina yuhduoro peye tahari tanari yuhare masa. Tiquina yuhduoro Cristo yaqiuero yuhu ijiri buhiri masa yuhare wejé duamedí. Sa yegu mehenogá yuhduu yariaborigu. ²⁴ Ihcá omopre tahari judio masa yuhare ñehedi. Yuhare tiquina ñehepe tahari treinta y nueve tahari yuhare tanari. ²⁵ Ihtia taha apequna yuhare ñehedi. Sa ñeheñe tiquina pürita yuhare ñano yucari mehna quédi. Ape taha yuhare apequna utá paca mehna doqueri. Ihtia taha yucasa mehna utápu doque quehe sa, minii. Sa yegu ihcá deco, ihcá ñami taboa píj bui pajiri ma decopure ba pahsau. ²⁶ Peye tahari macaripure buhe tinigu esau. Yuhu sa buhe tinigü cua yuhduari yuhare. Yuhare minino cua yuhduari. Yuhare apequna yaquero cua yuhduari. Ya dihta cjéna judio masa, judio masa ijieyequina gühü yuhare ñano yero cua yuhduari. Macaripu, masa marienopu, pajiri mapu gühare yuhare yariaro cua yuhduari. “Muhu mehna cjána ijiája”, ni mehoñequina gühü yuhare ñano yero cua yuhduari. ²⁷ Cristo yere yegu tutuaro dahrae tii. Sa dahragü ñano wahyie tii. Peye tahari yuhare wujua ñano puriepegüta sa dahraducue tii. Ñano ujua ahbae tii. Sa yegu ñano aco wnoe tiru. Peye tahari ihyaye bocaera tii. Yuhu suhti sañañoye gühü ne marieda tiri yuhare. Sa yero yuhare yusua yuhdué tiru.

²⁸ Sa ñano yuhdupepegüta decopire ijipihtiyequina apequna Cristo yequinare, mäsá gühare pajiro wacü tühotuaja. ²⁹ Sa yegu ihcáqiuero Cristo yaqiuero tiqiuero sa iji

cāriquiroy ijjū ihñāgu bujua witiāja. Apequina Cristo yaquiroyre ñano ye dutiboaga. Tiqina sa yegū ihñāgu Cristo yaquiroyre cuesāgu, tiqina ñañequina mehna usuaja.

³⁰ Yahu duerapeguta yuhū ijiye tiyere yahugū tagu, yuhū esa tuhuro tutuegu yuhū ijiye tiyere musare bucueye mehna yahuaja. ³¹ Cohācjū mari puhtoro Jesu pacaro decoripe mari ño peotiquiroy tiquiroyta musare yuhū ni mehoedagū masine. Ahrire musare poto yahutja. ³² Damasco wame tiri macapu yuhū ijjū ihñāno, ihcāquiroy puhtoro yuhūre ñehe duamed. Ijipihtiyequina masa puhtoro Areta wame tiriquiroy doca ijiriquiroy puhtoro pūrita yuhūre ñehe duamed. Sa ñehe duaro ti maca cjā sahrīno sopecaharipe surarare cohte dutimedi. ³³ Tiqina sa cohteri watoata yuhū mehna cjēna pajiri puhūdupu yuhūre duhu sā, ti sahrīno cjā sopecahagāpu yuhūre duhu dijiori. Ti sahrīno behero peheru yuhūre duhu dijiori. Tiqina sa duhu dijiori bato duhti cāa wahau.

12

Pablo Cristo tiquiroy ihñorire yahuahye

¹ Yuhū ijiye tiyere bucueye mehna yuhū yahugū dahseati ijierare. Sa ni yahugū mehenogā bue tiepeguta yahu nemoutja musare. Mari puhtoro Jesu yuhūre tiquiroy ihñorire tiquiroy masigū yerire yahutja musare. ² Ohō saha ihñō ducari tiquiroy yuhūre: Catorce cahmari waro wahare yuhūre Cristo yaquiroyre ahmusepu tiquiroy ne mujari bato. Ahmusepu ñahpicoha buipu yuhūre ne mujari. Yuhū jeripohna dihitare tiquiroy negū masiedaja yuhū. O yuhū pagu gāhūre tiquiroy negū masiedaja. Cohācjū dihita tire masine. ³⁻⁴ Sa yero paraíso wame tiropu ne mujari yuhūre. Yuhū jeripohna dihitare tiquiroy negū masiedaja yuhū. O yuhū pagu gāhūre tiquiroy negū masiedaja. Cohācjū dihita tire masine. Tiquiroy sa ne mujagū esagu topure tiquiroy yahurire tuhōu. Ti yuhū tuhōrīre masa ne masiedare. Tiquiroy yahurire yahu dutierare.

⁵ Ohō saha yuhūre tiquiroy ihñorire musare yahugū, “Yuhū ihcāta apequinare yuhūducaja”, niboaga yuhū. Sa niedaja yuhū. Yuhū esa tuhuro masiegu yuhū ijiyere, yuhū tutuegu yuhū ijiyere bucuegu musare yahutja. Ti dihitare bucuegu musare yahutja. ⁶ “Apequinare yuhūducaja”, musare ni yuhū yahu duagū yuhū nidi potota ijiyoaga. Sa yegu sa ni yahugū tuhō masiegu ijieraboaga yuhū. Sa ijierapeguta “Ohō saha apequinare yuhūducaja”, ni yahusi yuhū musare, “Cua pesa yuhūaro yuhūre ihñari”, nigū. Yuhūre ihña masina ño peore masa. Masa ño peoepēguta ti yuhūoro yuhūre masa ño peogū cahmedaja.

⁷ Cristo quehnoa yuhūduayere ahmusepe yuhūre tiquiroy ihñōgu ihñarigu ijjū, “Apequinare yuhūducaja”, niboaga yuhū pehe. Sa yuhū niedatire Satana yuhū pagure tiquiroy duti dahregū ihñāno “Quehnoanota”, nidi Cohācjū. Yuhūre duti dahreri Satana yuhūre ñano wahagū yero. Ahri dohatiye pota sajanō purīno saha yuhūre purīne. ⁸ Ohō yuhū dohatiye yuhūre yuhūoro dutigu sinie timi Cristore mari puhtorore. Ihtā taha sinimi. ⁹ Ohō saha ni yuhūtie tiri yuhūre tiquiroy: “Ohō mūhū dohatiye pūritare mūhūre yuhūdosi yuhū. Sa mūhūre yuhūduerapeguta mūhūre cahñaja. Yuhū cahñe mehna quehnoano ijiita mūhū. Dohatigu tutuegu ijjū yuhū tutuayere quehnoano ihñoguta mūhū. Tutuayequina yuhūoro mūhū pehe yuhū tutuayere masare masigū yeita mūhū”, ni yuhūtie tiri tiquiroy yuhūre. Tiquiroy sa nigū tuhōgu tutuegu yuhū ijiyere masigū bucueaja. Sa yegu tutuegu yuhū ijiyere musare bucueye mehna yahutja. Ohō saha ni yahutja Cristo tiquiroy tutuaye pehere musare yuhū quehnoano masigū yeatire.

¹⁰ Sa yegu Cristo yaquiroy yuhū ijiri buhiri yuhūre purīepēguta bucueaja. Apequina ñano yuhūre tiqina yahu wajaepēgata, ña yuhūaro yuhūdupepēguta bucueaja. Yuhūre tiqina ñano yeducepēguta yuhūre bujua witiqū tiqina yepegata bucueaja yuhū. Sa ñano yuhūdupepēguta Cristo tutuaye mehna ihcāno sahaja, tiquiroyre wacū tutuagu. Sa yegu bucueaja.

Corinto cjēnare Cristo yequinare pajiro bujua witi tuhōtuahye Pablo

¹¹ Yuhū ijiye tiyere yahugū mehenogā bue tiaja yuhū. Yuhū sa yahuepēguta ti musa ye buhiri ijire. Musa pehe yuhū ijiye tiyere apequinare quehnoano yahuboaga. Yuhū esa tuhuro ijjū dahseacju ijieraboaga yuhū. Sa ijiborigū ijepeguta “Jesu cūrina, masi pehona ijiāja”, ni mehoquinare docadacaeraja yuhū. ¹² Potota ñano yuhūdūrigū ijepeguta Cohācjū tutuaye mehna ye ihñōmi musare. Sa ihñōgu Jesu cūrigū yuhū ijiyere ihñōgu nimi musare. ¹³ Apeye macari cjēnare Jesu yequinare musa gāhūre ihcāno saha yee timi yuhū. Sa yepeguta musa pehere sijoro saha cjūnogā yemi. Musa dihitare cariboeramī. Musa dihitare apee boro gāhūre siniedami. ¿Yuhū sa siniedagū ñanajari, musa tuhōtugū? Ti ñañe ijjū ti ñañene boya musa yuhūre.

¹⁴ Ahri yuhū yahuatire tuhōya musa. Pua taha musa cahapu yuhū esari bato pari turi waha duaja tja. Topu esagu musare caribosi yuhū. Apee borore sinisi yuhū musare. Musa yere cahmedaja. Cristo ye pehere musa yuhūtigū cahmeaja yuhū. Masa pohne pehe tiqina pacasumare tiqina cahmeñene

ohoerare. Tiquna pacasumma pehe tiquna pohne cahmeñe pehere ohore. Ohõ saha musa yuhu pohna yero saha ijina yuhu cahmeñe pehere ohosi musa. ¹⁵ Sa yegu yuhu pûrita yuhu cwoye pehere oho duaja musare yedohogu tagu. Musa cahacjuno yero saha iji duaja musare yedohogu tagu. Musa pehere yuhu tutuaro cahiepegûta yuhu pehere musa mehenogã cahine, yuhu tahotugã.

¹⁶ Sa yegu musa mehna ijigu musare cariboeru. ¿Sata ijiyari yuhu, musa tahotugã? Yuhu sa ijiepegûta ihquẽquina musa mehna cjẽna ohõ saha niiboaga: “Pablo apee borore marine ne duaro ni mehoi marine”, niiboaga. ¹⁷ ¿Musa sa nidiro saha yerigu ijigu, dahse tire yeari yuhu, musa ihñagũ? ¿Musa cahapu yuhu ohoriquna yabe borore yuhare ni meho ehma basari tiquna musare, musa ihñagũ? Ni meho ehmedari jiri. ¹⁸ Sohõ ijiri pjepe musa cahapu Titore waha duti tuhasau tiqiore. Sa yegu apeqirore Cristo yaqiore tiqiore mehna piti dahre ohou. ¿Tito apee borore musare ni meho ehmarì, musa ihñagũ? Ni meho ehmedari jiri. Tiqiore yuhu yero saha Cohãcjũ cahmeno saha yeriqiuro ijire. ¿Sa yero yuhu yero saha yerari tiqiuro, musa ihñagũ? Yuhu yero saha yerari jiri.

¹⁹ “Ñano yeraja usã”, ni cahmotana niedaja usã. Cristo yequina ijijaja. Sa yena Cohãcjũ tiqiuro ihñonopu musare yahuna nijaja. Yuhu acaye, yuhu cahina, musare yahuu musa pehere yedoho duana. Musare yahuna, usã pehere musare cahmegũ yena niedu. ²⁰ Topu yuhu esagũ yuhu cahmeno saha yerapena ijiboaga musa. Sa yegu musare tutuaro cuesãja. Sa yegu musa cahmeno saha yerigu ijieraboaga yuhu gũhu, topu esagu. Sijoro saha musa yegũ ihñagu yahutja musare. Topu yuhu esagũ musa pehe cahme duse tini wiana, apee boro tiquna cwogũ ihña coona, duita usuana, musa esa tuharo apeqinare yuhducaca duana, apeqinare ñano yahuducuna, ñano quitì yena, “Apeqinare masi yuhducacaja”, nina, musa cahme-coanore dojomehna ijiboaga musa. “Tire yeari”, nigu cuesãja yuhu musare. ²¹ Topu yuhu esagũ yuhare musare bue tisãgũ yeboaga Cohãcjũ. Sa yegu ijiphtiyeqinare panopu ñano yeyequinare, tiquna ñañene bujua witiyequinare ihñagu, tutuaro bujua witiitja yuhu. Numia mehna ñano yeyequinare, amma mehna ñano yeye numiare, wuana tiyequinare, ñañene tutuaro cahmeñeqinare ihñagu bujua witiitja yuhu.

13

Pablo yahu bato tiahye

¹ YojoPURE musa cahapu wahagu ihtia taha esagutja topure. Pua taha topure esa tuhasau. Sa yegu musare ahrire yahutja. Ohõ saha nine Cohãcjũ yere tiquna ojoari pûpu: “Ihcãqiore mari buhiri dahreato pano ihtiaro tiqiore yahusãno cahmene. Ihtiaro mariedagã puaro tiqiore yahusãno cahmene. Tiquna sa yahusãri bato buhiri dahre masiaja mari”, nine Cohãcjũ yere tiquna ojoari pûpu.

² Panopure ñano yerina musa ijigũ musare, ijiphtiyeqina apeqina gũhure pari turi ahrire cuaro mehna yahutja. Ihcã taha musa cahapu pari turi esagu musare ahrire yahuu. YojoPURE musa mehna ijieragu pari turi musare ahrire yahutja: YojoPURE musa cahapure esagu, ñano yeyequinare potota buhiri dahregutja yuhu. ³ Sa yeitja Cristo yuhu mehna tiqiuro buherire musa ihño dutigũ. Cristo pehe musare dutiriquiro tutua yuhduariquiro ijire. Sa yero tiqiuro tutuayere ihñore musare. ⁴ Mari yero saha pagu tiro, tiqiuro tutueriquiro ijiro, curusapu yariahye. Sa yarieperota Cohãcjũ tutuaye mehna catiriquiro ijire tiqiuro yojoPURE. Tiqiuro curusapu ijiro tiqiuro tutuerariro saha usã gũhu tutuena ijijaja. Sa yena usã esa tuharo musare yedoho masiedaboaga. Sa yena Cohãcjũ tutuaye mehna ijinata musare yedohona tana.

⁵ Sa ye musa pehe musa basi ohõ saha ni tahotuya. “¿Potota Cristore wacũ tutuajari yuhu?” ni tahotuya musa. ¿Potota Cristo musa mehna cjũno ijijajari? Tiqiuro ijieragũ tiqiuro yequina waro ijierare musa. Tiqiuro yequina ijierana ni mehona ijire musa. ⁶ Usã pehe “Jesu yequina ijijaja”, ni mehona ijieraja. Tiqiuro yequina waro ijijaja usã. Tire musa masigũ cahmeaja yuhu. ⁷ Sa yegu musa ñano yeratire Cohãcjũre sini basaja musare. Sata sini basaja usã musa quehnoañene musa yeatire. Musa sa yegũ ihñana usã ohõ saha niiboaga: “Usã pehe tiqinare quehnoañeqina wahagũ yei usã”, niiboaga usã apeqinare usãre ño peo dutina. Sa ño peo dutieraja usã. Sa yena Cohãcjũre sini basana, musa ye ijiatire sini basana nijaja. Apeqina usãre “Ni mehoñeqina ijire”, tiquna niepegûta quehnoañene musa yegũ pûritare cahme yuhduaja usã. ⁸ Ijiphtiyè musa quehnoañene yegũ cahmeaja usã. Cohãcjũ yere quehnoañene dojomehne masiedaja usã. ⁹ “Cristo cahmeñene yeaja usã”, ni ihño masiedana, tutueyequina yero saha ijiboaga usã, musa ihñagũ. Quehnoanota. Quehnoañene yena musa pehe tutuana ijire. Musa sa ijigũ ihñana tutueyequina yero saha usã ijiepenata bucueaja. Sa yena quehnoana musa wahatire Cohãcjũre sini basana nijaja usã musare. ¹⁰ Sa yegu musa mehna ijieragu musare ahri pûre ojoayugu

niaja. M̄sa cahap̄u esaḡu, m̄sa ñano yerina ijiḡu ihñaḡu m̄sare buhiri dahreitja. Cristo yahure tiq̄uiro dutiriro sahata m̄sare buhiri dahreitja. Yah̄u sa buhiri dahreratire ahri p̄ure m̄sare ojoayuḡu niaja. Cristo yahure tiq̄uiro dutiriro sahata m̄sare yedohoacj̄u ijiaja. M̄sare dojomehneacj̄u ijieraja.

¹¹ Yojoṓpare, yah̄u acaye, m̄sare quehnoa dutiaja. Cristore wac̄u tutua nemoña. Sa yena quehnoana ijiya. M̄sare yah̄u yahurire quehnoano t̄ho n̄n̄ña. M̄sa mehna cj̄ena mehna ihc̄ano mehna ijiya. M̄sa basi quehnoano mehna ijiya. M̄sa sa ijiḡu ihñano m̄sa mehna Coh̄acj̄u ijirota. Tiq̄uiro marine cahme cah̄ḡu yeriquiro, marine quehnoano mehna ijiḡu yeriquiro ijire. ¹² Sa yena m̄sa mehna cj̄enare quehnoano bucueye mehna piti caya. ¹³ Ijipihtiyequina oh̄o cj̄ena Coh̄acj̄u yequina m̄sare quehnoa dutire.

¹⁴ Mari pah̄toro Jesucristo mehna m̄sare ijipihtinare quehnoa dutiaja. Sa yeḡu Coh̄acj̄u mari Pac̄u tiq̄uiro cah̄ñe mehna ijipihtina m̄sare quehnoa dutiaja. Sa yero Esp̄iritu Santo ijipihtina m̄sa mehna quehnoano ijire.

Gálatas

Galacia wame tiri yehpa cjênare Jesu yequinare ojoa ohoahye Pablo

¹ Yuhũ Pablo, Cristo yere buhe duti tiqũro cũrigũ ijiaja. Masa cũrigũ ijieraja yuhũ. Masa pehe yuhũre buhe dutiye cũedari. Cohãcjũ mari Pacũ pehe Jesure yariariquirore masoriqũro yuhũre cũri tiqũro yere buheacjũre. Jesucristo gũhũ yuhũre cũri. Tiquina sa cũrigũ ijigũ ahrire ojoa ohoaja musare. ² Yuhũ musare Jesu yequinare Galacia yehpa cjênare quehnoa dutiaja. Yuhũ mehna cjêna Jesu yequina gũhũ musare quehnoa dutire. ³ Cohãcjũ mari Pacũ, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijija musa. ⁴ Tiquiro Jesucristo pehe mari ñañene yeri buhirire yariahye. YojoPURE masa tiquina ñañene yeri pje ijire. Sa yero tiqũro yariahye Cohãcjũ mari Pacũ tiqũro cahmediro saha marine yuhũoro taro. Sa tiqũro yuhũogũ yojoPURE ñañene tiquina yeriro saha ye duasi mari. ⁵ Sa ye ijipilthiye decoripe tiqũrore mari Pacũre ño peouhna. Sata yehna.

Cohãcjũ masare tiqũro yuhũoati buh-eye ihcãnota ijire. Apeye buheye mariedare

⁶ Cristo musare cahĩno tiqũro yequina ijianajare musare cũri. Sa yegũ musare cũriqũro yere cohãna sijoro saha ijije buh-eye pehere duita musa cahmegũ ihña acũaa wahaja. ⁷ Apeye buheye quehnoañe buh-eye yero saha ijije buheye waro ijierare. Ti sa ijierapegũta ihquẽquina musa cahapũ ijieyequina musare cariboye, sijoro saha ijije buheyere buheye, quehnoañe buheyere dojemehne duare. ⁸ Sa yena musare usã buhe muhtarire mari cohãgũ sijoro saha ijije buheyere mari buhegũ Cohãcjũ marine buhiri dahreahro. Sa yero angel umuse cjãno sa tiqũro buhegũ tiqũro gũhũre buhiri dahreahro Cohãcjũ. ⁹ Mianogãta usã niديو saha pari turi ni-ijta: Ihcãquiro musare usã buherire cohãno, sijoro saha ijije buheyere tiqũro buhegũ Cohãcjũ tiqũrore buhiri dahreahro.

¹⁰ Sa nigũ yuhũ “Pablo dihita quehnoano buheriquiro ijire”, yuhũre ni dutigũ niedaja. Cohãcjũ pehe yuhũre “Quehnoano buheri mũhũ”, tiqũro nigũ cahmeja. Masare bu-cuegũ yegũ tagũ sijoro saha ijije buheyere buheboaga yuhũ. Masa dihitare bucuegũ yegũ ijigũ ne Cristo cahacjũ ijieraboaga yuhũ.

Pablo Cristo cũriqũro tiqũro iji ducarire yahuahye

¹¹ Yuhũ acaye, ahrire musa masigũ cah-meja yuhũ: Quehnoañe buheyere yuhũ buheri masa ye buheye ijierare. ¹² Ti buh-eye masare yuhũ tuhori ijierare. Sa ye ape-quina masa yuhũre ti buheyere yahuerari. Jesucristo pehe yuhũre ti buheyere masigũ yeri.

¹³ Panopũ judio masũ yuhũ ijie tirire masine musa. Ohõ saha yee tii yuhũ: Jesu yequinare tutuaro ñano yegũ tiquinare quehnoano wejẽ peho cã duami. ¹⁴ Mari ñecũsumua muna iji turiayequina tiquina buherire tutua yuhũoro ye duagu yuhũ acaye yuhũ ihcãno mehna masariquina yuhũoro ye muhtarigũ ijie timi yuhũ. ¹⁵ Yuhũ sa ijirigũ ijiepegũta yuhũ masa bajuato pano Cohãcjũ yuhũre bese tuhasari jiri. Sa yero yuhũre cahĩno tiqũro yaquiro ijiajũ cũri yuhũre. ¹⁶ Sa yero tiqũro cahmeno saha tiqũro macũnore yuhũre masigũ yeri. Tiquiro yere quehnoañe buheyere judio masa ijieyequinare buheacjũ yuhũ ijiatire tiqũro macũnore masigũ yeri yuhũre. Tiquiro sa yegũ “¿Duhse ni buhero cahmeagari yuhũre?” ni masare sinituerũ yuhũ. ¹⁷ Sa yegũ Cristo cũriquina yuhũ pano ijiriquina cahapũre JerusalẽPURE sinitugũ wahaerũ. Duita Arabia yehpapũ wahaũ. Sa yegũ Damascopũ majare tojoa wihii.

¹⁸ Ihtia cahma bato Pedore ihñagũ wahaũ JerusalẽPURE. Topũre pua semana waro ijii. ¹⁹ Sa yegũ apeqũnare Cristo cũriquinare ihñedũ. Santiago dihitare mari puhtoro baharore ihñaa. ²⁰ Ohõ saha ni ojoagu Cohãcjũ mehna ne ni meho ojoaeraja.

²¹ Came Siria yehpapũ, Cilicia yehpapũ gũhũre wahaũ. ²² Topũre yuhũ esagũ ti pjere Judea yehpapũ ijieyequina Jesu yequina yuhũre ihña masiedari. ²³ Sa ye ahri dihitare yuhũre masi dũcari tiquina: “Panopũre marine ñano yeriquiro yojoPURE quehnoañe buheyere tiqũro cohã duari buheyere buhero nine”, ni, masi dũcari tiquina. ²⁴ Yuhũre sa masiñe Cohãcjũre “Quehnoa yuhũdagũ ijire”, nidi tiquina.

2

Apeqũna Cristo cũriquina Pablõre piti ca, duita cahmene

¹ Catorce cahmari bato pari turi JerusalẽPURE wahagũ Bernabẽ mehna wahaũ. Tito gũhũ wahari yuhũ mehna. ² Cohãcjũ yuhũre tiqũro waha dutigũ topũre wahaũ. JerusalẽPURE ijigũ “Jesu yequina puhtoa”, masa niñequina tiquina sehsharo cahmecoagũ quehnoañe buheyere judio masa ijieyequinare yuhũ buherire yahuu tiquinare. “¿Judio masa ijieye-quinare quehnoañe buheyere yuhũ buhegũ quehnoajari, musa tuhutugũ?” nigũ, sa yahuu tiquinare. Sa yahuu tiquinare

panopu yuhu buherire, yojopure yuhu buheri gáhure tiquina quehnoano masiatire, tire “Quehnoare”, tiquina niatire. Tiquina sa niedagū yuhu buheri dūhseati ijieraboaga.

³ Yuhu mehna cjāno Tito judio masano ijieriquiro ijiri. Sa yero cuhnucunū sohtoa cahserogāre yuhre nemehnediquiro ijire. Sa yuhremehnediquiro tiquiro ijiepegāta Jesu yequina puhtoā “Mūhu gāhu ti cahserogāre yuhre neña”, niedari tiquirore.

⁴ Tiquina sa niedapegāta ihquēquina “Jesu yequina ijijaja”, ni mehoñequina wacūeno mehna usā mehna sajā, tiquirore ti cahserogāre yuhre negū cahmemedi tiquina. Jesu yequina mari ijina “Panopu cjēne tiquina dutiriro saha yena ti mehna yuhdūsi”, ni tuhutuaja mari. Mari sa ni tuhutugū mari yeyere ihña duaye tiquina pehe usā mehna ni meho sajāri. Sa yeye usā ñecusamua muna iji turiayequina ye dutiyere ye duti duaye, ti dutiyere ño peoducugū ye duamedi usāre tiquina. ⁵ Tiquina sa ye duepegāta quehnoañe buheyere potō masa masiatire ne mehenogā mehna tuhō dueru usā tiquinare.

⁶ Sa ye Jesu yequina puhtoā quehnoañe buheyere yuhū buherire tiquina tuhori bato “Ahri buheye mehna apeye buheyere buhe moreña”, ne niedari tiquina yuhare. Jesu yequina puhtoare ihyo ijieyequina yero saha tuhutuaja tiquinare. Cohācjū pehe ijipih-tieyquinare ihcāno saha ihñare. Sa yegu sata tuhutuaja yuhu gāhu puhtoā gāhure, ihyo ijieyequina gāhure. ⁷ Sa ye yuhū buheri mehna tiquina “Ahri buheye mehna apeye buheyere buhe moreña”, ne niedari. Sa ye judio masa ijieyequinare yuhū buheatire Cohācjū yuhare tiquiro cūrire tuhoye, “Tita ijire”, nidi tiquina. Judio masare buheyere Cohācjū Pedrore tiquiro cūrirō sahata yuhū gāhure cūri judio masa ijieyequinare yuhū buheatire. ⁸ Judio masare Pedrore buhe dutiriquirota Cohācjū yuhū gāhure tiquirota buhe dutiri judio masa ijieyequinare.

⁹ Sa ye Santiago, Pedro, Ņu mehna Jesu yequina puhtoā waro quehnoañe buheyere buherire Cohācjū yuhare tiquiro cūrire tuhoye “Tita ijire”, nidi tiquina. Sa nieta yuhare Bernabē mehna quehnoano bucueye mehna omoca ñehedi usāre piti tiye tehe. Sa yena judio masa ijieyequinare buhena ijijaja usā. Santiago gāhu pehe judio masare buheyequina ijire. “Sata ijiahro”, nii usā basi. ¹⁰ Sa niepeta tiquina judio masare pejesuoyequinare yedoho dutiri usāre. Pejesuoyequinare yedohoacjū ijiita niaja yuhū.

Antioquiāru Pablo Pedrore tuhtiahye

¹¹ Sa ye Antioquiāru yuhū esari bato Pedro gāhu esari. Sa yegu quehnoano

tiquiro yerari buhiri tuhtii tiquirore. ¹² Ohō saha yeri tiquiro: Santiago ohoriquina Antioquiāru tiquina esato panogā, Pedro pehe judio masa ijieyequina mehna ihyaro nidi, judio masano ijieperota. Santiago ohoriquina judio masa ijieyequinare “Cuhnucunū sohtoa cahserogāre yuhre neña”, niñequina, usā judio masa panopu cjēna ye dutiyere ye dutieyequina ijiri. Pedro sa ihyari watoa Santiago ohoriquina esari. Sa ihyariquiro ijieperota tiquina tiquiro caharu esagū ihñano, tiquinare cuero, Pedro judio masa ijieyequinare duhu cā, pari turi tiquina mehna ihyaro wahaerari. “Panopu cjēna mari judio masa yere yuhduducagu niaja. Sa yeye yojopure wihieyequina yuhare tuhtiarī”, nino, judio masa ijieyequina mehna ihya nemoedari. ¹³ Tiquiro sa ye mehoriro saha tiquiro yegū ihñañe, apequina judio masa gāhu tiquiroreta ihña cū, tiquina gāhu tiquiro yero saha yeri. Sa yero Bernabē quehnoariquiro ijieperota tiquina yero saha yeri tiquiro gāhu.

¹⁴ Cristo ye buheye marine quehnoano, queoro ye dutire. Sa ye Pedro gāhu ti buheye nidiro sahata yerari, judio masa ijieyequina mehna ihya duhuye. Tiquina sa yegū ihñagu, ijipih-tieyequina Jesu yequina ihñonopu Pedrore ohō saha ni yahuu: “Mūhu judio masū ijiepegāta judio masa ye dutiyere, tiquina ijiye tiyere duhu cāri mūhu, Jesu yere yegu tuhū. Sa yegu judio masa ijieyequina dutiye marieñequina yero saha yee tiri mūhu. Sa yerigu ijiepegāta apequina judio masa wihigū ihñagu, judio masa ijieyequinare piti ti nemoedari mūhu. ¿Judio masa dihitare mūhu piti tigū ihñañe, dūhse ni tuhutuetai judio masa ijieyequina pehe? ‘Judio masa yero saha ijiijina’, ni tuhutuboaga tiquina. ¿Tiquina gāhure judio masare ihña cūgū cahmeajari mūhu? To ijierare”, nii tiquirore.

Judio masare apequina masa yero saha Jesure wacū tutua dutiahye Cohācjū

¹⁵ Usā pehe judio masa masa bajauna, apequina ñano yeyequina judio masa ijieyequina yero saha ijieraja usā. ¹⁶ Sa ijina ijiepenata Cohācjū dutiyere Moiserē tiquiro cūrire usā yerina ijigū “Quehnoana ijire”, ni ihñedare Cohācjū usāre. Tire mari masi-aja. Sa yero Jesucristore mari wacū tutuagū Cohācjū marine “Quehnoana ijire”, ni ihñanota. Tire masina, usā gāhu Jesucristore wacū tutuaja tiquirore usā wacū tutu-ari mehna usāre “Quehnoana ijire”, Cohācjū tiquiro ni ihñatire. Sa yero tiquiro dutiyere usā yerina ijigū “Quehnoana ijire”, ni ihñedare Cohācjū usāre. Ne masa ti dutiyere yeye mehna “Quehnoañequina ijire”, ni ihñedare Cohācjū tiquinare.

¹⁷ Cristore mari wacū tutuaye mehna quehnoana Cohācjū yequina mari waha duagū, ñana mari ijyere masigū yerota Cristo. ¿Cristo mari iñāne marine masigū yero, ñana marine iñāgū yeajari tiquiro, masa tuhogū? Ne mehenogā mehna sa yere. ¹⁸ Ūsā dutiye yeye mehna yūhdū damedina ijiepenata ti buheyere cohān. Sa cohāepenata pari turi ti buheyere yena ti dutiyere ūsā ye pehoerari buhiri potota buhiri tinata ūsā. ¹⁹ Cohācjū dutiyere Moiserere tiquiro cūrire ihcāno sahaeraja mari. Sa yena ti dutiye mehna ne yūhdūsi mari. Sa yena Cohācjū tutuaye mehna tiquiro yequina ijiaja mari.

²⁰ Cristo mehna curusapū yariariquina yero saha ijiaja mari. Sa yena yariariquiro tiquiro esa tuharo tiquiro yerariro saha mari esa tuharo yeraja. Cristo ye tutuaye mehna yeaja. Sa yena yojoṗare Cohācjū macnōre wacū tutuaye mehna ijiducujaja mari. Tiquiro Cohācjū macno marine cahīne. Sa yero mari ye buhirire yariari. ²¹ Ti dutiye yeye mehna quehnoana Cohācjū yequina mari wahagū Cristo yariari pehe ne dūhseati ijieraboaga. Cohācjū marine tiquiro cahīdire, Cristo tiquiro yariarire ihyo ijyere waro yero saha ijigū ye dueraja yūhū pehe. Sa yegu “Dutiye mehna yūhdugātja”, ne nisi yūhū.

3

Cohācjū dutiye Moiserere tiquiro cūrire, wacū tutuaye gūhure yahuahye Pablo

¹ Yūhū acaye, masa Galacia cjāna tuho masiena iji wame tire masa. Jesucristo curusapū tiquiro yariarire buheyere ijipihtyequina tiquina ihñonopū masare yahū. ¿Sa yena yojoṗare tiquiro yere masa yūhdūducature ni mehoñequina masare tiquina dojemehnegū dahse yena tiquinare yūhtiri masa? ² Ahrireta yahu duaja masare: Dutiyere masa yeye mehna Espiritu Santore cūo dūcaerari masa. Quehnoañe buheyere pehere tuhona Cristore masa wacū tutuaye mehna Espiritu Santore cūo dūcari masa. ³ Espiritu Santo tutuaye mehna masa Cristo yequina iji dūcagū yojoṗare masa basi dutiyere masa yeye mehna Cohācjū cahapū masa waha duagū ñarīne. Tuho masiena ijyere masa, sa yena. ⁴ ¿Quehnoañe buheyere masa yeri buhiri peye tahari masa ñano yūhdūna ihyo warota ñano yūhdūna niyari masa, sa wahana? Ihyo waro ijierare masa sa ñano yūhdūri. Dutiyere yeye mehna Cohācjū cahapū masa waha duana ihyo warota ñano yūhdūna niboaga masa. ⁵ ¿Dūhse masa yeri wapa Espiritu Santore masare ohori Cohācjū, masa tuhogū? Tiquiro dutiyere masa yeri wapa ohoerari tiquiro. Tiquiro buheyere

quehnoano masa tuhogū ihñano tiquirore masa wacū tutuari batopū Espiritu Santore ohori tiquiro. ¿Cohācjū masa watoa tiquiro tutuaye mehna ye ihñono dūhse ijyero boro sa ye ihñojari tiquiro, masa tuhogū? Tiquiro dutiyere masa yeri wapa sa ye ihñodari tiquiro. Tiquiro buheyere quehnoano masa tuhogū ihñano tiquirore masa wacū tutuagū sa ye ihñori tiquiro.

⁶ Abrahā Cohācjūre wacū tutuahye. Tiquiro sa yegū tiquirore Cohācjū “Quehnoariquiro ijyere”, ni ihñahye. ⁷ Sa yena ahri yūhū niatere masiña masa: Cohācjūre wacū tutuayequinata potota Abrahā panamena iji turiayequina ape tjuro cjēna yero saha ijyere. ⁸ Panopū Cohācjū yere tiquina ojoari pūpū ohō saha ni yahuahye: Judio masa ijyeyequina Cohācjūre tiquina wacū tutuagū ihñano “Quehnoañequina ijyere”, ni ihñare Cohācjū. Tiquiro sa ni ihñatire Cohācjū panopū masiyuro, tiquiro quehnoañe buheyere Abrahāre yahu mahta tuhasahye. “Mañū mehna ahri yehpa cjēnare ijipihtyequinare quehnoano yeitja”, niahye Cohācjū Abrahāre. ⁹ Sa yero Abrahā Cohācjūre quehnoano tuho wacū tutuahye. Tiquiro sa wacū tutuagū ihñano Cohācjū tiquirore quehnoano yeahye. Sa ye apequina masa Cohācjūre tiquina wacū tutuagū, tiquina gūhure quehnoano yerota Cohācjū, Abrahāre tiquiro yeriro sahata.

¹⁰ “Ti dutiyere Moiserere tiquiro cūri mehna Cohācjū yequina wahanata”, ni tuhoyequina buhiri tiyequina ijyere. Tiquiro ojoari pūpū sata nine: “Cohācjū dutiyere tiquiro ya pūpū tiquina ojoarire ye pehoeyequina buhiri tiyequina ijyere tiquina ijipihtyequina”, ni ojoahye. ¹¹ Cohācjū yere tiquina ojoari pūpū ohō saha nine: “Cohācjūre wacū tutuayequinare ‘Quehnoañequina ijyere’, ni ihñare Cohācjū. Sa wacū tutuaye ijipihtye decori Cohācjū mehna sa ijiducujaja”, nine Cohācjū yere tiquina ojoari pūpū. Tiquiro sa nigū ahri yūhū niatere mari quehnoano masiaja: Ti dutiyere tiquina yeye mehna masare quehnoañequina yero saha ihñedare Cohācjū. ¹² Dutiyere yeye mehna Cohācjū cahapū waha duayequina Cohācjūre wacū tutuerare. Ohō saha nine Cohācjū yere tiquina ojoari pūpū: “Dutiye yeye mehna quehnoañequina waha duayequinare ti dutiyere ye pehoro cahmene tiquinare”, nine Cohācjū yere tiquina ojoari pūpū.

¹³ Sa ye ti dutiye marine buhiri tigū yere. Mari buhiri tigū ihñano Cristo pehe tiquiro basi mari ye buhirire buhiri tiriquire waharo, mari buhiri tiborire buhiri ti basahye marine. Cristo tiquiro buhiri tiatire yahuro ohō saha ni ojoahye panopūre: “Ijipihtyequina yucuripū

tiquina duhu ohõriquina buhiri tiriquina ijire”, ni, ojoahye panopure. ¹⁴ Tiquiro sa ni ojoariro sahata sa yeahye Cristore. Cohãcjũ Abrahãre “Ahri yehpa cjẽnare quehnoano yeitja”, tiquiro nidiro sahata yero niahye masare. Sa yeahye Cristo mehna. Tiquiro yariahye judio masa ijieyequinare Cohãcjũ quehnoano tiquiro yeatire. Sa yero Jesucristo mehna sohtori tiahye Cohãcjũ Abrahãre tiquiro nidiro sahata. Sa yeahye tiquirore mari wacũ tutuari bato Espiritu Santore mari cõoatore.

Tiquiro buherire quitu mehna yahu nemoahye Pablo

¹⁵ Yũhũ acaye, masa ye quitu mehna ti yũhũ nidire yahutja musare: Tiquina pacuro tiquiro yariato pano tiquiro pohne comesatire yahuri pũ ohõ saha ni ojoare. “Yeere yũhũ pohmare ohoutja”, ni ojoare. Tiquiro sa ni ojoa cũri pũre tiquiro yariato pano apequiro pehe ti pũre sijoro saha ni ojoa nemo masiedare. Sa yero ti pũre “Poto ijierare”, ni masiedare. ¹⁶ Ti pũre tiquina pacuro tiquiro pohne tiquiro cũriro saha “Musare quehnoano yeitja”, Cohãcjũ nino, Abrahãre tiquiro panamino iji turiariquiro gãhũre nino niahye. Sa nino apequina tiquiro panamena iji turiayequinapure nino niedahye. Ihcãquiroreta tiquiro panamino iji turiariquiro dihitate nino niahye Cohãcjũ. Tiquiro Abrahã panamino iji turiariquiro Cristo ijire. ¹⁷ Yojoapure quehnoano yahutja musare: Abrahã gãhũre Cohãcjũ “Musare quehnoano yeitja”, tiquiro ni cũri bato cuatro ciento treinta cahmari yãhdũri bato tiquiro dutiyere Moiserẽ cũahye. Sa cũno Abrahã gãhũre Cohãcjũ “Musare quehnoano yeitja”, tiquiro nidire boro taro niedahye. ¹⁸ Cohãcjũ marine yãhdũoro dutiyere mari yeye mehna marine yãhdũoerare. Dutiyere yeye mehna mari yãhdũgũ Cohãcjũ “Musare quehnoano yeitja”, tiquiro nidi pehe dũhseati ijieraboaga. Marine yãhdũoro taro Cohãcjũ Abrahãre tiquiro ni cũri mehna sa yero taro niahye.

¹⁹ ¿Sa yero dũhse yeatire tiquiro dutiyere cũri Cohãcjũ? Tiquiro dutiyere cũahye ti dutiyere mari yãhdũdũcarire mari quehnoano masiatire. Sa yero panopure Cohãcjũ “Mũhũ panamino iji turiariquiro mehna masare quehnoano yeitja”, Abrahãre tiquiro nidi tiquiro wihato pano Cohãcjũ dutiyere cõomahye masa. Sa yero Cohãcjũ dutiyere tiquiro cũgũ tiquiro yequina angele pehe tire duti turiahye. Sa ye Moiserẽ tiquina cũgũ, tiquiro pehe masare cũ turiahye tja. ²⁰ Ti dutiyere Moise cũ turia gũ Cohãcjũ tiquiro basita masare cũedahye. Sa cũedaperota Cohãcjũ “Mũhũre quehnoano

yeitja”, Abrahã pehere ni cũno, tiquiro basita sa ni cũahye.

²¹ Cohãcjũ Moiserẽ tiquiro dutiyere cũno, to pano Abrahãre tiquiro nidire “Abrahãre yũhũ nidiro saha yesi yũhũ”, nino niedahye tiquiro. Abrahãre tiquiro nidiro sahata yero taro niahye. Tiquiro dutiyere yeye mehna Cohãcjũ yequina wahana ti pje pũrita dutiyere mari yeye mehna quehnoana wahaboaga mari. ²² Sa yero Cohãcjũ tiquiro yere tiquina ojoari pũ pehe ijipihtiequina ñãñe buhiri tiyequina tiquina ijiyere yahuahye. Sa ni yahuahye Cohãcjũ “Musare quehnoano yeitja”, to pano tiquiro nidiro sahata yero taro. Sa yero Jesucristore wacũ tutuayequinare quehnoano yere to pano tiquiro nidiro sahata.

²³ Cohãcjũre wacũ tutuati buheyere marine tiquiro cũato pano tiquiro dutiyere pehe mari ñãñe yerire marine masigũ ye tuhasari. Sa ye marine yahuri ti dutiyere pehe. Cohãcjũre wacũ tutuati buheyere marine tiquiro yahugũpũ tiquiro dutiyere marine yahu duhuri. ²⁴ Sa ye Cohãcjũ dutiyere pehe Cristo wihato pano marine yahuri. Sa yahuri marine Cristore mari wacũ tutuaye mehna Cohãcjũ “Quehnoana ijire”, marine tiquiro ni ihñatire. ²⁵ Yojoapũ pũritare Cristore mari wacũ tutuari pje ijire. Ti sa ijigũ tiquiro dutiyere pehe marine yahu nemoedare. Marine duti nemoedare.

²⁶ Sa yena Cristo Jesure musa wacũ tutuaye mehna Cohãcjũ pohna ijire musa. ²⁷ Ijipihtina musa Cristo wame mehna wame yenohrina ijina, Cristo Cohãcjũ macũno tiquiro ijiro sahata tiquiro pohmata ijire musa gãhũ. ²⁸ Yojoapure pũ curua ijierare musa. Judio masa ijiena, judio masa mehna pũ curua ijierare musa. Cahacjãna, cahacjãna ijiena mehna pũ curua ijierare musa. Umũna, numia mehna pũ curua ijierare musa. Sa yena ijipihtina musa Cristo yequina ijina, ihcã curuata ijire musa. ²⁹ Sa yena Cristo yequina ijina, Abrahã panamena iji turiana yero saha ijire musa. Musã sa ijina ijigũ Cohãcjũ Abrahãre “Musare quehnoano yeitja”, tiquiro nidiro sahata musa gãhũre quehnoano yerota tiquiro. Cristo yequina musa ijigũ ihñãno musare quehnoano yerota.

4

¹ Ohõ saha ijire ahri quitu mehna yũhũ yahu nemogũ: Tiquiro pacuro came tiquiro yere neatiquiro wahmũno iji cãhtariquiro ijiropũ ijipihtie tiquiro ye ijiepegũta cahacjãno yero saha ijire tiquiro. ² Sa ye tiquiro wahmũno iji cãhtariquiro ijigũ tiquirore ihña ihboyequina tiquiro yere ihña ihbore. Sa yero tiquiro pacuro queoriro esagũpũ tiquiro pacuro yere cõorota. ³ Ohõ saha wahmũno iji

cāhtariquiro yero saha ijimi mari gūhu. Sa ijina mari ijigū cahacjēnare tiquina dutiro saha ahri yehpa cje dutiye masa ye dutiye marine dutinimedi. ⁴ Mari sa ijina ijiepegūta tiquiro queori pje esagū Cohācjū tiquiro macnōre ohoahye. Sa tiquiro ohogū tiquiro macno ihcācoro nuhmino mehna masa bajuahye. Sa yero tiquiro judio masno masa bajuagū Cohācjū dutiye Moisere tiquiro cūri tiquirore dutinimahye. ⁵ Mari gāhure ti dutiyeta dutinimahye. Sa yero marine yūhdūotiquirore ohoahye Cohācjū tiquiro macnōre, tiquiro pohna mari wahatire.

⁶ Sa yero tiquiro pohna mari ijigū Cohācjū macno tiquiro yaquiro Espiritu Santore mari mehna ijiaitiquirore ohoahye Cohācjū. Tiquiro yaquiro Espiritu Santo pehe Cohācjāre “Mai”, niniquiro ijire. ⁷ Sa yena masa Cohācjū yedohoye mehna cahacjāna ijierare masa yojopare. Tiquiro pohna ijire masa. Sa yena tiquiro pohna ijina, Cohācjū tiquiro ohoatire cūonata.

Pablo Galacia cjēnare Jesu yequinare cuesāhye

⁸ Panopū Cohācjūre masa masiena ijina “Cohācjū ijire”, masa niñe queoyere ño peona ti queoye cahacjāna ijimahye masa. Masa sa ño peoyequina cohāmana waro ijierahye. ⁹ Sa ijirina ijiepenata yojopare Cohācjūre masine masa. Ijierare. Tiquiro pūrita masa pehere masine. ¿Tiquiro sa masiepegūta dahse yena ahri yehpa cjēna ye buheye pehere cahmeajari masa? Ti buheye dahseati ijierare. ¿Dahse yena panopū masa yeriro sahata Cristo marieno ye duajari masa? ¿Dahse yena dutiye masa yeducuri mehnata Cohācjū cahapū waha duajari masa? Wahasi masa. ¹⁰ Ihquē decorire, ihquē asārine, ihquē pohēcarire, ihquē cahmarine bose decorire dahre dutire masa. “Mari sa yeye mehna dutiye mehna yūhdūnata”, ni, tuhutumene masa. ¹¹ Masa sa ni tuhotugū musare tutuaro yūhu buheri dahseati ijieraboaya, yūhu tuhotugū. Sa yegu musare cuesāja.

¹² Yūhu acaye ahrire tutuaro dutiitja musare: Cristore yūhu tuhoturiro sahata masa gūhu tiquirore tuhotuya. Panopū dutiye yeye mehna yūhdū duayequina ijieramahye masa judio masa ijina ijina. Yojopū pehere yūhu gūhu masa yero saha wahau, dutiye yeye mehna yūhdū dueragu. Sa yena Cristore yūhu tuhoturiro sahata masa gūhu sata tiquirore tuhotuya.

Masa mehna yūhu ijigū quehnoano yeri masa yūhure. ¹³ Dohatigūputa musare quehnoañe buheyere coā warore buhe dūcau yūhu. ¹⁴ Yūhu sa dohatigū ijiepegūta yūhure yabierari masa. Sa yena yūhure cohā tojoerari masa. Sa yena Cohācjū

yaquiro angelre, Jesucristo gūhure masa piti caboriro saha yūhure quehnoano piti cari masa. ¹⁵ ¿Yojopare dahse wahari masa bucueye? Musare ahrire niitja: Purifene dūcana masa caperire ore we ne yūhure ohoboaya masa. ¹⁶ ¿Yūhu mehna cjāna ijiepenata yojopare queoro musare yūhu yahuri buhiri ihña tuhtiajari masa yūhure?

¹⁷ Sohō ijiriquina musare tutuaro cahmesāre. Tiquina tuhutuye sijoro saha ijire. Quehnoañe ijierare. Tiquina musare yūhure yūhdūducagū cahmene, tiquina pehere ño peo dutiye. ¹⁸ Quehnoano mehna masa quehnoano wahati pehe musare tiquina cahmesāgū quehnoariboaga. Sa ye topare yūhu marriedagū gūhure tiquina sa cahmesāgū quehnoariboaga. ¹⁹ Yūhu pohnagā, niji wahcōricoro ticoro ñano yūhdūro saha musare ñano wacū tuhoutuaja yūhu. Tee Cristo yero saha masa ijigūpū musare wacū duhutja. ²⁰ Mianogā masa mehna ijigū tuhtiro marieno bucueye mehna masa mehna yūhu yahugū quehnoaboaga yūhure. Musare pajiro tuhotugu niaja yūhu.

Agar Sara mehna tiquina ijirire yahuahye Pablo

²¹ Tuhoya masa yūhure. Cohācjū dutiyere yeye mehna yūhdū duana ijiepenata tiquiro dutiye pehere quehnoano masiedare masa. ²² Ohō saha niahye Cohācjū yere tiquina ojoari pūpū: Abrahā pūaro pacuro ijiahye. Tiquiro cahacjōno Agar wame tiricoro mehna ihcāquirore pohna tiahye. Sa ye tiquiro namono poto Sara wame tiricoro mehna gūhure ihcāquiro pohna tiahye. ²³ Sa ijiepegūta tiquiro cahacjōno macno masa mari yero saha masa bajuahye tiquiro. Tiquiro namono poto macno pehe “Ihcāquirogā pohna tinata masa”, Cohācjū ni yahuriro sahata masa bajuahye tiquiro pehe. ²⁴ Ahri quiti marine quehnoano queoye mehna yahure: Cohācjū pūa taha masare “Musare yedohoutja”, tiquiro niñe yero saha ijire ahriquina numia pūaro numia. Ihcācoro Sinaí wame tidūpū Cohācjū dutiyere ohori yero saha ijire. Ticoro Agar ijire. Ticoro mehna mari queoye mehna buhegū judio masa gūhu dutiyere yeducuye mehnata yūhdū duayequina ticoro yero saha ijire. Tiquina cahacjēna yero saha ijire. ²⁵ Ticoro Sinaí wame tidū Arabiapū ijidu yero saha ijiricoro ijire. Yojopare Jerusalē cjēna judio masa dutiye yeye mehna yūhdū duayequina dutiye cahacjēna yero saha ijire. Sa yeye mari queoye mehna buhegū tiquina ticoro yero saha ijire cahacjōno ticoro ijiro saha. Tiquina Cohācjū pohne ijierare. ²⁶ Mari pehe Cristo yequina ijina Cohācjū pohna ijiaja. Sa yena ūhmuse cjāna ijiaja. Jerusalē ūhmūserpū ijiri maca cjāna

ijiaja mari. Topare masa tiquina yuhduatire dutiyere yeye mariedare. ²⁷ Cohácjü yere tiquina ojoari pürü ohõ saha ni ojoahye Cohácjü pohne warore, Sara yero saha ijiricorore yahuro:

Pohna mariego, bucueya. Sa ijigo bucueye mehna sañuducuya, niji wahcõno purĩnore masiego ijigo. Mũhũ pehe manũ cohõrigo ijigo apecoro manũ tiricoro yuhduoro peyequina pohna tigota. Sa yego bucueya, ni ojoahye panopare ticoro pohna tiato pano Sara yero saha ijiricorore yahuro.

²⁸ Yũhũ acaye, Cohácjü nidiro sahata Isaac masa bajuahye. Mari gãhũ tiqiuero yero saha Cohácjü nidiro sahata tiqiuero pohna ijiaja mari. ²⁹ Sa ijiepegũta ti pjeppure ihyo ijiriquero yero saha masa bajuariquero ñano yeahye apequrore Espĩritu nidiro sahata masa bajuariquero. Yojoprü gãhũre sata ijire Cohácjü yequinare masa ñano yegũ. ³⁰ Sa yero ohõ saha nine Cohácjü yere tiquina ojoari pürü: “Cahacjõno macũno tiqiuero pacũro yere cũo masiedare. Tiquiro namono poto macũno pehe tiqiuero pacũro yere cũo masine. Sa ye tiqiuero cahacjõnore ticoro macũno mehnata cohã cãhña”, ni ojoahye. ³¹ Yũhũ acaye, ne cahacjõno pohne yero saha ijieraja mari. Sa yena Abrahã namono poto pohne yero saha ijiaja. (Sa yena Cohácjü mari Pacũ yere cũo masiaja.)

5

Cristo marine cahacjẽna yero saha ijiyere tiqiuero duhugũ yeri bato tutuana ijiro cahmene marine

¹ Sa yero mari cahacjẽna yero saha ijirire potota Cristo marine duhugũ yeri. Tiquiro sa duhugũ yeri bato tutuana ijiaja masa. Ti dutiye mehna yuhdu duayequina cahacjẽna yero saha ijimedina pari turi cahacjãna sajãedacãhña masa.

² Yojoppure yũhũ Pablo ahrire yahutja musare: “Cuhñucunũ sohtoa cahserogãre mari yũhre nedi mehna yuhduanata”, masa ni tuhotugũ Cristo musare tiqiuero yedohori duhseati ijierare musare. ³ Ijipihtina ti cahserogãre masa yũhre nedi mehna yuhdu duanare pari turi ohõ saha ni yahutja yũhũ. Ti cahserogãre masa yũhre nedi mehna yuhdu duana, apeye Cohácjü dutiyere ye pehoerana, yuhduũ masa. ⁴ Dutiyere yeye mehna yuhdu duana Cristo pehere cohãri masa. Sa yena musare Cohácjü tiqiuero cahĩñene, tiqiuero yuhduo duayere duhũ cãri masa. ⁵ Sa ijiepegũta Espĩritu Santo tutuaye mehna Cohácjũre mari pehe wacũ tutuaja. Mari sa wacũ tutuagũ “Quehnoana ijire”, ni ihñare Cohácjü marine. Tiquiro sa ni ihñagũ marine tiqiuero yuhduoatire masiaja

mari. ⁶ Cristo Jesu yequina ijina cuhñucunũ sohtoa cahserogãre mari yũhre negũ ne duhseati ijierare. Ti cahserogãre mari yũhre nedagũ gãhũre ne duhseati ijierare. Sa ijiepegũta Cristo puritare wacũ tutuana apequnare cahĩnata mari. Ti wacũ tutuaye pehe ihyo waro ijiro niedare.

⁷ Musa Cristore quehnoano wacũ tutuamedi. ¿Quehnoañe buheyere musare yũhũ acaye judio masa tiquina yuhduca dutigũ duhse yena tiquinare yũhtiri masa?

⁸ Tiquina ye buheye Cohácjü musare cũriquero tiqiuero ye buheye ijierare. ⁹ Ahri yũhũ niatire wacũña masa: Mehenogã pã pugũ yeye trigo yũbure quehnoano ti sehsaro saha yũhũ acaye judio masa ye buheye pehere peyequina masa mehna cjẽna cahmeboaga. ¹⁰ Mari puhtoro Cristore wacũ tutuaja yũhũ. Sa yegũ ahri yũhũ niatire masiaja yũhũ. Cristo yedohoye mehna apeye buheyere cameppure cahmesi masa. Tire masiaja yũhũ. Musare dojemehne cohteyequina noho ijieyquina ijiaja. Tiquinare Cohácjũri buhiri dahrerota.

¹¹ Yũhũ acaye, “Dutiye yeye mehna yuhduanata”, tiquina ni buheyere yũhũ buhegũ ijigũ judio masa yũhũre ñano yeraboaga. Cristo curusapũ tiqiuero yariarire yahuye buheyere yũhũ buheri buhiri tiquina ñano yeri yũhũre. Cristo ye buheye mehna judio masa ye buheyere yũhũ buhe moregũ yũhũre ñano yeraboaga tiquina. ¹² Musare dojemehne cohteyequina masa cuhñucunũ sohtoa cahserogãre yũhre ne dutiyequina tiquina basi dihita yũhũre neahdo.

¹³ Yũhũ acaye, “Dutiye mehna yuhduanata”, ni tuhotu dutiare Cohácjü musare. Ti dutiye mehna yuhduerapenata ti dutiyere yuhducaeracãhña masa. Sa ye masa mehna cjẽnare cahme cahina, tiquina cahacjẽna yero saha yedohoya tiquinare. ¹⁴ Ihcã dutirote quehnoano yena, Cohácjü dutiyere ye pehona niaja mari. Ohõ saha ijire ti dutiro: “Mũhũ basi mũhũ cahĩno saha mũhũ cahapũ ijieyquina gãhũre cahĩña”, ni, dutiahye. ¹⁵ Sa yena wahiquina yero saha masa basi cahme duse tutueracãhña. Sa yena cahmequedacãhña. Masa mehna cjẽna “Cristo yere duhuari”, nina, quehnoano yeya masa.

Masa ñañene tiquina tutuaro cahmeñene, Espĩritu Santo cahmeñe gãhũre yahuahye Pablo

¹⁶ Espĩritu Santo tiqiuero cahmeno sahata ijiaja masa. Sa yena masa ñañene masa tutuaro cahmeñene yeracãhña. ¹⁷ Ñañene masa tutuaro cahmegũ Espĩritu Santo ihña tuhtire. Tiquiro sa ihña tuhtigũ ti ñañene duhu duare masa. Sa yena ñañene masa tutuaro cahmena, Espĩritu Santore ihña

tuhtire m̄sa. Sa ih̄ña tuhtina tiq̄uiro cahmeno saha yerare m̄sa. Sa ye ñañene m̄sa tutuaro cahmeñe Esp̄ritu Santo tiq̄uiro cahmeñe yero saha ijjerare. Sa ye Esp̄ritu Santo tiq̄uiro cahmeñe ñañene m̄sa tutuaro cahmeñe yero saha ijjerare ti. Sa yena m̄sa cahmeno saha yerare m̄sa. ¹⁸ Sa yena Esp̄ritu Santo tiq̄uiro cahmeñene yena ijina “Dutiye mehna mari yuh̄dnata”, ni, tuhotuerare m̄sa.

¹⁹ Masa ñañene tiquina yeyere mari quehnoano masi tuhasaja. Oh̄o saha ijire ti: Numino mehna ñano yeye, um̄no mehna ñano yeye, w̄ana tiye, b̄e tiro marieno ñano yeye, ²⁰⁻²¹ “Coh̄c̄j̄u ijire”, tiquina niñe queoyere ño peoye, masare ujuayequina yaya tiquina yeye, ih̄ña tuhtiyē, cahme d̄ase tini wiaye, doeye, usuaye, tiq̄uiro basi dihita c̄o duaye, ih̄ña tuhti cahme tu waye, ih̄c̄a curua c̄j̄ena ape curua c̄j̄enare ih̄ña tuhtiyē, apeq̄uina yere cooye, masare wej̄eñe, queheye, queheye b̄ose decorire yeye, oh̄o saha ijire ñañene yeye. Panop̄u m̄sare cuaro mehna yuh̄u nidiro sahata yojop̄u ḡah̄ure niitja: Ti borore yeriquina Coh̄c̄j̄u puhtoro ijiorop̄are um̄sepepe ne esasi.

²² Esp̄ritu Santo pehe marine oh̄o saha yena ijiḡu yere: Masare cah̄ña, bucuena, cueye mariena, usua muñena, apeq̄uina quehnoano yena, quehnoana, duhuro marieno Coh̄c̄j̄u cahmeñene yena, ²³ quehnoano mehna yena, tiquina ñañe ye duarire yerana ijiḡu yere marine tiq̄uiro. Sa yeyequinare “Sa yerac̄h̄ña”, ne ih̄c̄aqui no niedare. ²⁴ Cristo Jesu yequina ijina tutuaro mari ñañene ye duarire coh̄a tuhasaa. ²⁵ Esp̄ritu Santo marine Coh̄c̄j̄u mehna sa ijiducuḡu yerota. Sa yena tiq̄uiro cahmeno sahata yeducuna ijilina mari.

²⁶ “Apeq̄uina masi yuh̄dud̄caja us̄a”, ni, tuhotuna ijierac̄h̄ña mari. Sa yena mari mehna c̄j̄enare usuaḡu yerac̄h̄ña mari. Sa yena mari basi cahme coerac̄h̄ña.

6

M̄sa mehna c̄j̄enare yedohoya

¹ Yuh̄u acaye, ih̄c̄aqui m̄sa mehna c̄j̄eno tiq̄uiro ñañene yeḡu Cristore quehnoano wac̄u tutuana ijina cah̄ñe mehna tiq̄uirore yedohoya quehnoañene pari turi tiq̄uiro yeatire. Sa yena m̄sa ḡahu “Ñañene tutuaro cahmeari”, nina quehnoano yeya. ² M̄sa mehna c̄j̄ena tiquina ñano yuh̄duḡu ḡah̄ure yedohoya tiquinare. M̄sa sa yena Cristo tiq̄uiro dutiro saha yena ninata m̄sa.

³ Ih̄c̄aqui ihyo ijiriquiro ijieperota “Apeq̄uina masi yuh̄dud̄caja”, ni tuhoturo, tiq̄uiro basi ni mehoñe dihitare tuhoturiq̄uiro ijire. ⁴ Ih̄quēquina m̄sa sehsaro m̄sa yerire “Ahri quehnoañe ijire.

Ahri ñañe ijire”, ni masiñe. Sa masina m̄sa yeri quehnoañe ijiḡu m̄sa basi bucuenata. Sa yena “Apeq̄uina masi yuh̄dud̄caja”, nisi m̄sa. Sa niedana apeq̄uina m̄sa yuh̄dud̄cari mehna bucuēsi m̄sa. ⁵ Sa yero Jesu yaq̄uiro Coh̄c̄j̄u yere tiq̄uiro basi yere. Apeq̄uiro mas̄no tiq̄uirore tire yedoho masiedare.

⁶ Sa yena quehnoañe buheyere buheriquirore apee boro m̄sa cuoyere tiq̄uirore ohoya m̄sa tiq̄uiro buhena.

⁷ Oteyere oteriquiro ñañe p̄erire otero ñañe d̄ucare cuorota. Quehnoañe p̄erire otero quehnoañe d̄ucare cuorota. Oh̄o saha mari ḡahu ñañene yena ñañene cuonata. Sa yero mari ñari buhiri buhiri dahrerota. Quehnoañene yena quehnoañene cuonata. Sa yena quehnoano ijinata. Sa yena “Us̄a ñañene yeḡu Coh̄c̄j̄u us̄are buhiri dahresi”, ni tuhotuerac̄h̄ña. Ñañene yeyequina Coh̄c̄j̄ure bujapeyequina ijire. Coh̄c̄j̄ure bujapeyequinare buhiri dahrerota tiq̄uiro.

⁸ Mari ñañene tutuaro cahmena, tire yena, ti mehnata yarianata. Sa yena pecap̄u wahanata. Esp̄ritu Santo pehe tiq̄uiro cahmeñene mari yeḡu tiq̄uiro marine ijipihtiyē decori um̄sepepe ijiducuḡu yerota. ⁹ Sa yena quehnoañene yena tire caributierac̄h̄ña mari. Coh̄c̄j̄u tiq̄uiro queori p̄e ijiḡu quehnoañene cuonata mari caributierana. ¹⁰ Sa yena ijipihtiyequinare mari ih̄ñañequina quehnoano yehna mari. Mari acaye Jesu yequina p̄iritare apeq̄uina yuh̄duoro quehnoano yehna.

Pablo yahu bato tiro, quehnoa duti bato tiahu

¹¹ Bujuye letra yuh̄u ojoari mehna ya omoca mehna m̄sare yuh̄u ojoarire ih̄ñañe m̄sa. ¹² M̄sare cuhnucun̄u sohtoa cahseroḡare yuh̄re ne dutiyequina masa tiquinare ño peoḡu cahmene. Cristo curusap̄u tiq̄uiro yariarire yahuye buheyere mari buheri buhiri masa ñano yere marine. Tiquina sa yeḡu ih̄ñañe ahriquina m̄sare cuhnucun̄u sohtoa cahseroḡare yuh̄re ne dutire “Judio masa ye buheyere yeaja”, niñe. Sa tiquina ye dutiḡu judio masa tiquinare ñano yeraboaga. Sa ye ti cahseroḡare yuh̄re ne dutire. ¹³ M̄sare ti cahseroḡare yuh̄re ne dutiyequina pehe Coh̄c̄j̄u tiq̄uiro dutirire ye pehoerare. Sa ye ti cahseroḡare m̄sare tiquina yuh̄re ne dutiri bato m̄sa yuh̄tiḡu ih̄ñañe, judio masa pehe tiquinare m̄sare yuh̄re ne dutiyequinare ño peoboaga. Tiquina sa ño peoatire m̄sare dutire tiquina.

¹⁴ Yuh̄u pehe masa yuh̄ure tiquina ño peoḡu cahmeda yuh̄duaja. Mari puhtoro Jesucristo curusap̄u tiq̄uiro yariari pehere masa tiquina ño peoḡu cahmes̄aja yuh̄u. Sa curusap̄u tiq̄uiro yariaḡu ahri yehpa

cǵē ñañene watĩno yũhũre tiqũiro ye dutigũ
 yerũ yũhũ. Sa yariaro ti ñañene yũhũre
 cahmedagũ yeri tiqũiro. ¹⁵ Tiquiro sa yegũ
 Cristo Jesu yequina ijina ti cahserogãre
 mari yũhre negũ ne dũhseati ijierare. Ti
 cahserogãre mari yũhre nedagũ gũhũre ne
 dũhseati ijierare marine. Sa ijiepegũta
 quehnoañe pehere mari comesagũ pũritare
 quehnoare. ¹⁶ Ijipihtina ahri yũhũ buherire
 yena, potota Cohãcjũ yequina ijina, cuero
 marieno quehnoano ijiya mũsa. Sa yena
 Cohãcjũ tiqũiro paja ihũano mehna ijiya
 mũsa.

¹⁷ Mari pũhoro Jesu cahacjũ yũhũ ijiri
 buhiri yũhũ pagũre camĩ tiaja yũhũ. Yũhũ
 sa ijirigũ ijigũ yojopũre arequina yũhũre
 cariboeracãhdo.

¹⁸ Yũhũ acaye, mari pũhoro Jesucristo
 mehna mũsare ijipihtinare quehnoa duti-
 aja. Sata ijiahro.

Efesios

Efeso cjenare ojoa ohoahye Pablo

¹ Yuhũ Pablo musare Efeso wame tiri maca cjanare ojoa ohoaja. Yuhũ Jesucristo yere buhe duti tiquiro cūrigu ijiaja. Cohācjū tiquiro cahmeno sahata Jesu yuhũre tiquiro yere buheacjare cūri. Sa yegũ musare Jesucristo sa wacũ tutuaducunare ojoa ohoaja yuhũ. ² Sa yegũ Cohācjū mari Pacũ mehna, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijiaja musa.

Cristo yequina mari ijigũ ihñano Cohācjū quehnoano yere marine

³ Cohācjū, mari puhtoro Jesucristo Pacũro marine quehnoano yeducure. Ijipihtiyē tiquiro ye uhmuse cjē quehnoañe mehna tiquiro marine quehnoano yeducure. Marine tiquirore quehnoano wacũ tutuagũ yeducure. Cristo yequina mari ijigũ ihñano sa marine quehnoano yeducure. Tiquiro sa yeriquiro ijigũ ihñana quehnoano ño peoye mehna tiquirore quehnoano yahuducuhna. ⁴ Ohõ saha yeahye tiquiro marine tiquiro yequinare: Ahri yehpa ijati pano tiquiro yequina ijanajare bese tuhasahye tiquiro marine. Sa beseahye marine ñañe mariena mari ijiatire. Sa yena ñañe mariena ijiaja mari, tiquiro ihñagũ. Sa yero marine “Ñana ijire musa”, nisi tiquiro. ⁵ Marine cahĩno, paja ihñano panopũ ohõ saha niahye tiquiro marine: “Yuhũ macũ Cristo yedohoro mehna tiquina yuhũ pohna ijiaja”, ni cūahye marine panopũ. Tiquiro cahmediro sahata sa yeahye tiquiro marine. ⁶ Marine tiquiro sa quehnoano yegũ ihñana ño peoye mehna tiquirore quehnoano yahuducuhna. Tiquiro macũno tiquiro cahĩniquiro yequina mari ijigũ ihñano quehnoano yere marine. Sa yena tiquirore quehnoano yahuducuhna.

⁷⁻⁸ Cristota ijire marine pecapũ waha-borinare yuhduoriquiro. Mari ñañe yerire tiquiro cohāgũ ihñano, Cohācjū pehe mari ñañene bore. Cristo mari ñañe buhirire yariaro tiquiro diire cohāhye. Marine tutuaro cahĩno, marine paja ihñano sa ye dutiahye Cohācjū. Tiquiro masi pehoye mehna sa ye dutiahye tiquiro. ⁹⁻¹⁰ Sa yero marine tiquiro yeatire marine masigũ yeri. Panopũ apequnare tire masigũ yerahye tiquiro. Ohõ saha ijire marine tiquiro yeati: Tiquiro cahmediro sahata tiquiro tuhotururo sahata ijipihtiyequinare ihcã curuata Cristo yequina ijigũ yerota. Sa yero ijipihtiyere tiquiro ye ijigũ yerota. Tiquiro queori pje ijigũ uhmuse cjenare, ahri yehpa cjenã gũhare, ihcã curuata tiquiro yequina ijigũ

yerota. Sa yero uhmuse cjēne, ahri yehpa cjē gũhare tiquiro ye ijigũ yerota. Sa yero Cristo pehe ijipihtiyequina puhtoro ijirota. Sa ye ijipihtiyē tiquiro ye dihita ijirota. Sa ijiatitiquiro iji dutiahye Cohācjū tiquirore.

¹¹ Sa yero Cristo yequina mari ijiatire masino panopũ Cohācjū marine bese tuhasahye tiquiro yequina mari ijiatire. Ahri ijipihtiyere cūahye tiquiro tuhotururo sahata, tiquiro cahmediro sahata yero taro. ¹² Sa yeahye tiquiro yere mari yeatire. Mari sa yegũ ihñañe apequna tiquirore ño peoye, “Tutuagũ ijire muhũ”, nine. Usã pehe judio masa Jesure cahme ducarina ijina tiquirore wacũ tutua muhtarina ijii. ¹³ Musã gũhũ poto yahuducuyere ta quehnoañe buheyere tuhori. Ti buheye mehnata Cohācjū cahapũ wahanata musa. Tire tuhona tiquirore wacũ tutuari musa. Sa wacũ tutuana tiquiro yequina wahari musa. Tiquiro yequinare ohõ saha niahye Cristo: “Musare Espiritu Santore ohoutja”, ni yahu cūahye. Sa yero tiquirore musa wacũ tutuagũ ihñano Espiritu Santore ohori musare. Sa yero Espiritu Santo musa mehna ijiro Cohācjū yequina musa ijieye tiyere masigũ yere tiquiro pehe. ¹⁴ Cohācjū marine yuhdugũ yere. Sa yero came tiquiro cahapũ neanota marine. Marine tiquiro neatõ pano Espiritu Santo pehe Cohācjū yere mari cuoatire masigũ yere marine. Cohācjū marine tiquiro sa yegũ ihñana tiquirore ño peoye mehna “Quehnoagũ ijire muhũ”, niaja mari.

Pablo Cohācjüre sini basahye Jesu yequinare

¹⁵⁻¹⁶ Cristore musa wacũ tutuana ijigũ ihñagũ Cohācjüre sa sini basaducua ja musare. Jesucristore musa wacũ tutuarire, ijipihtiyequina tiquiro yequinare musa cahĩdire tuhogũ Cohācjüre “Quehnoare”, niaja. Ohõ saha tiquirore sini basaja musare: ¹⁷ Cohācjū uhmuse cjāno tiquiro yere musa quehnoano masiatire sini basaja. Sa yegũ tiquirore musa quehnoano masiatire sini basaja musare. Tiquiro mari puhtoro Jesucristo Pacũro ijire. ¹⁸ Sa yegũ musa quehnoano masiatire musare sini basaja Cohācjüre. Tiquiro musare yuhduoro, tiquiro yequina ijigũ yeri musare. Tiquiro sa yegũ quehnoa yuhduare marine. Tire musa masiatire sini basaja musare Cohācjüre. Sa yegũ marine tiquiro ohoatire quehnoa yuhduaye ti ijigũ gũhare musa masiatire sini basaja. ¹⁹ Ohõ saha musa masiatire sini basaja musare Cohācjüre. Cohācjüre wacũ tutuana mari ijigũ ihñano tiquiro tutuaye mehna marine yedohore. Tutua yuhduariquiro ijire. Ti gũhare musa masiatire sini basaja Cohācjüre. ²⁰ Ti tiquiro tutuaye mehna tiquiro Cristo yariariquirore masoahye. Sa

yero aħmasepa tiqairo pota pehera Cristore dujigū yeahye Cohācjū, ijiptiyequinare tiqairo dutiata saha. ²¹ Topa dujiro ijiptiyequina aħmase cĵena pħtoa bui, ijiptiyequina apequina bui ijire Cristo. Sa yero yojopare ijiptiyequina aħri deco cĵena bui pħtoro ijire. Camedu ijiptiyequina ape deco cĵenapu gāhure tiquina bui pħtoro ijiatiqairota ijire tiqairo. ²² Sa yero ijiptiyequina bui cūahye Cohācjū Cristore. Sa yero ijiptiyere cūoriquiro yeahye tiqairore. Sa yero Cristo yequina ihcā curua ijiyequina bui pħtoro sōahye tiqairore. Tiquina dapu ijire tiqairo pehe. ²³ Cristo yequina ihcā curuata ijina, tiqairo pagu yero saha ijaja. Cristo ijiptiropu sa ijiducure. Sa yero ijiptiye tiqairo bajumehnedi mehna sa ijiducure.

2

Cohācjū marine cahĭno, paja ihĭano yuħduoahye marine

¹ Naĭe buhiri tina, pecapu butiborina masa ijepegūta Cohācjū masare yuħduori. ² Panopare aħri yehpa cĵena Cohācjūre yuħduocayequina yero saha yemedi masa. Sa yena watino tiqairo nidiro saha yemedi masa. Tiqairo watino aħri yehpapu dutiriquiro Cohācjūre yuħduocayequina pħtoro ijire. ³ Panopare ijiptihina mari ohō saha dihita yerina ijimi. Mari naĭe dihitare tutuaro cahmemi. Mari esa tuharo, mari tuhoturo saha yemi. Sa yena ijina ijiptiyequina apequina yero saha, mari gūhu ĩana ijimi. Mari sa yena ijigū ihĭano Cohācjū mari mehna usuaro, buhiri dahre duamahye. ⁴ Sa ye duariquiro ijeperota marine tutuaro paja ihĭano, quehnoano cahĭdi marine. ⁵ Sa cahĭ yuħduaro, mari naĭe buhiri pecapu butiborina mari ijepegūta marine tiqairo mehna sa ijiducuanaja ijigū yeri. Cristo yequina mari ijigū ihĭano marine sa yeri. Marine paja ihĭano, yuħduori tiqairo marine. ⁶ Sa yero Cristo yequina mari ijigū ihĭano Cohācjū marine came tiqairo masoatinare cūri. Cristo tiqairo masoatinare cūri marine. Sa yena tiqairo mehna masa mujanata mari. Sa yero aħmasepa marine Cristo mehna ijigū yerota Cohācjū. ⁷ Ohō saha yeri marine tiqairo paja ihĭarare, camedu ijiatiquinare masigū yero taro. Sa yeri tiqairo tutuaro cahĭene tiquinare masigū yero taro. Cristo yequina mari ijigū ihĭano sa yuħduori tiqairo marine.

⁸ Cristore mari wacū tutuagū ihĭano Cohācjū marine pecapu wahaborinare yuħduori. Marine paja ihĭano, marine cahĭno marine yuħduori. Mari esa tuharo mari quehnoano yeye mehna Cohācjū

cahapu waha masiedaja mari. Cohācjū pehe marine yuħduore. Sa yero tiqairo mehna mari sa ijiducuatire ohore marine. Tiqairo sa ohogū mari esa tuharo quehnoaĭene mari yeri wapa ijierare ti. ⁹ “Īsā esa tuharo pecapu wahaborina yuħduu”, niboaga”, nino ohō saha dutiahye tiqairo: Mari esa tuharo yuħdu dutierare marine. ¹⁰ Cristo yequina ijigū yeri marine Cohācjū pehe quehnoaĭe dihitare yeanaja mari ijiatire. Panopu quehnoaĭene mari yeatire cū tuhasahye tiqairo marine.

Cristore cūona mari quehnoano ijaja

¹¹ Sa yena panopu masa ijie tirire yojopu gāhure wacūna masa. Cristo yequina ijieranina judio masa ijiena ijina masa acaye yero saha yerina ijimedi masa. Cuhnucunu cahserogāre yūhre nedari masa. Masa sa yūhre nedagū ihĭana usā judio masa pehe cuhnucunu cahserogāre yūhre nena pehe musare ihĭa tuhtina ohō saha nie tii. “Cuhnucunu cahserogāre yūhre neeĭequina ijie, Cohācjū yequina ijierare”, nie tii musare. ¹² Ti pjere Cristo yequina ijierari jimedi masa. Īsā judio masa pehe Cohācjū beserina ijie tii. Īsā sa ijigū “Musare yuħduoutja”, ni cūahye Cohācjū usāre. Sa yena masa pehe tiqairo sa ni cūrina ijierari jimedi. Sa ye Cohācjū beseriquinare ihĭa tuhtina ijinimedi masa. Masa naĭe buhirire pecapu wahanaja ijiri jimedi masa. Cohācjū mariena ijina pecapu waha, butiborina ijie tiri jimedi masa.

¹³ Yojopu pehere Cristo Jesu yequina ijire masa. Panopu Cohācjūre ihĭa tuhtirina ijepepenata, yojopare tiqairo yequina ijire masa. Cristo masa naĭe buhiri curusapu tiqairo dii cohāri bato Cohācjū yequina ijigū yeri musare. ¹⁴ Īsāre judio masare ihĭa tuhtina masa ijigū ihĭano Cristo marine ihĭa tuhti dutierari. Masare sa ni yahuriquiro ijire tiqairo. Īsā judio masa, judio masa ijiena mehna pa curua mari ijigū ihĭano, tiqairo ihcā curuata ijigū yeri marine. Mari cahme ihĭa tuhtirire duhugū yeri tiqairo. ¹⁵⁻¹⁶ Ohō saha tire yeri tiqairo: Mari naĭe buhirire curusapu yariaro marine pecapu wahaborinare yuħduori. Sa yuħduoro tiqairo yequina ijigū yeri marine. Sa yero pa curua mari ijepegūta ihcā curuata wahma curua ijigū yeri marine. Sa yero panopu mari cahme ihĭa tuhtirina mari ijepegūta marine ihĭa tuhtieragū yeri. Sa yero judio masa usā dutiyere cohāri tiqairo. Ti dutiye marine pa curua iji dutiri jimedi. Yojopare ihcā curuata ijaja mari. Sa yero Cristo Cohācjū yequina ijigū yeri marine.

¹⁷ Sa yero marine cahme ihĭa tuhtieragū yero taro Cristo quehnoaĭe buheyere yahuro ahtahye. Masa judio masa ijiena Cohācjū yere cuerari jimedi. Masa sa

сuoeragū ihñano mūsare yahuro ahtahye. Ūsā judio masa pehe Cohācjū yere сuoу. Ūsā gūhure yahuro ahtahye. Sa yero ijipihntinare marine cahme ihña tuhtieragū yero, bosaro ahtahye tiqiuero. ¹⁸ Yojoṗure ijipihntina mari judio masa, judio masa ijiena gūhū mari Pacu mehna quehnoano iji masiaja mari. Espiritu Santo tiqiuero yedohoye mehna mari Pacu mehna quehnoano iji masiaja mari. Cristo pehe marine sa ijigū yeri.

¹⁹ Sa yena yojoṗure ape dihta cjēna yero saha ijierare mūsa. Yojoṗure Cohācjū yequinare ihña tuhtina ijierare mūsa. Cohācjū yequina mehna cjāna ijire mūsa. Tiquiro ya curua cjāna ijire mūsa. ²⁰ Cohācjū yere yahu mahtariquina panopu cjēna tiqiuero ye yahuducuyere ojoa, mūsare yahue tiahye. Ūsā gūhū tiqiuero yere yahu dutiro tiqiuero cūrina gūhū Cristo yere yahue tii mūsare. Ūsā ijipihntina sa yahugū tuhona, Cristore wacū tutua ducari mūsa. Quehnoa yuhduariquiro, ñaṇe marieniquiro ijiro, tiqiuero yequina ijigū yeri tiqiuero mūsare. Tiquiro mariedagū mari ne yuhdueraboya. ²¹ Sa yero tiqiuero masiñe mehna marine tiqiuero yequinare ihcā curua ijigū yeri tiqiuero. Sa yena tiqiuero masiñe mehna quehnoana wahaja mari. Mari sa ijigū ihñano, tiqiuero mari mehna ijire. ²² Sa yena Cristo yequina ijina ijipihntiyequina apequina tiqiuero yequina mehna ihcā curua wahari mūsa gūhū. Mūsa sa wahagū Cohācjū yaquiro Espiritu Santo mūsa mehna ijiro nine.

3

Judio masa ijieyequinare quehnoañe buheyere yahuriquiro ijiahye Pablo

¹ Sa yegu yuhū Pablo, Cristo Jesu yere mūsare ijipihntina judio masa ijienare yuhū yahuri buhiri peresupu ijiaja yuhū. ² Cohācjū yuhure paja ihñano, yuhure cahño, quehnoañe buheyere mūsare judio masa ijienare yuhure yahu dutiro, cūri. Tire tuho tuhasari mūsa. ³ Panopu mūsare tiqiuero yahuerarire Cohācjū yojoṗure yuhure masigū yeri. Ahrire mehenogā yahu, mūsare ojoa tuhasau. ⁴ Yuhū sa ojarire buhena Cristo yere yuhure tiqiuero masigū yerire masinata mūsa. ⁵ Ti tiqiuero yahurire panopu cjēnare tiqiuero yahuerahye. Yojoṗu pehere usāre Jesu cūrinare, Cohācjū yere yahu mahtariquina gūhūre tiqiuero yahurire masigū yeri Cohācjū. Tiquiro yaquiro Espiritu Santo pehe usāre masigū ye basari tiqiuore. ⁶ Ohō saha ijire tiqiuero yahuri: Ūsā judio masa dihtare Cohācjū yuhduerare. Judio masa ijieyequina gūhūre yuhduorota tiqiuero. Quehnoañe buheyere tiquina quehnoano tuhogū yuhduorota tiqiuero tiquinare. Sa yena usā

judio masa, mūsa judio masa ijiena mehna ihcā pagu yero saha ihcā curuata ijiaja mari. Sa yena mari ijipihntina Cristo Jesu yequina ijina ihcāno saha Cohācjū “Mūsare yuhduoutja”, tiqiuero ni cūriro sahata tiqiuero yuhduonohrina ijiaja mari.

⁷ Cohācjū yuhure paja ihñano, yuhure cahño ahri quehnoañe buheyere yahucjare yuhure cūri. Tiquiro masiñe mehna sa cūri yuhure tiqiuero. ⁸⁻¹⁰ Ijipihntiyequina apequina Jesu yequina docapu ijieyequina tiquina docapu waro ijiaja yuhū. Yuhū sa ijiepegatā judio masa ijieyequinare quehnoañe buheyere yahucjare cūri Cohācjū yuhure. Ti buheye Cristo quehnoa yuhduariquiro tiqiuero ijijere, quehnoa yuhduye tiqiuero сuoeyere tiqiuero ohoatire yahure marine. Yuhure sa cūno Cohācjū “Ohō saha yuhduoutja masare pecapu wahaboriquinare”, nino tiqiuero yuhduoatire quehnoano yahu pehoacjare cūri tiqiuero yuhure. Sa yero panopu cjēnare ti buheyere ne yahu pehoeraniahye Cohācjū. Ijipihntiyere bajumehnediquiro ijire tiqiuero. Yojoṗure quehnoañe buheyere yahu dutiro cūri tiqiuero yuhure, tiqiuero quehnoano masi pehoyere masigū yero taro. Masi pehoriquiro tiqiuero ijijere tiyere ahmuse cjēna dutiyequinare, angele puhtoa gūhure masigū ye duahye tiqiuero. Sa yero taro quehnoañe buheyere buhe dutiri marine Jesu yequinare. Mūsare judio masa ijienare yahu dutiri yuhure.

¹¹ Ahri yehpa ijiatu panoputa “Masare pecapu wahaboriquinare yuhduoutja” niahye Cohācjū. Sa nidiquiro ijiro yojoṗure mari puhtoro Cristo Jesu tiqiuero yariaro mehna tiqiuero nidiro sahata marine yuhduori Cohācjū. ¹² Tiquiro sa yuhduogū yojoṗure Cristore wacū tutuana tiqiuero yequina wahaja mari. Tiquiro yequina ijina cuero marieno Cohācjū mehna yahuducu masiaja mari. ¹³ Quehnoañe buheyere mūsare yuhū buheri buhiri yojoṗure peresupu ijigū yuhū ñano yuhduagū ihñana bujua witeracāhña. Quehnoañe buheyere yuhū yahugū tuhona Cohācjū yequina wahari mūsa. Yuhū sa yeri buhiri peresupu ijiaja. Sa yegu mūsa ye ijiatire ñano yuhdugū niaja. Sa yena bucueya mūsa. Tire tutuaro bucue dutiaja mūsare.

Cristo masare tutuaro cahñe

¹⁴ Sa yegu ahri ijipihntiye mari Pacu tiqiuero yerire wacūgū tiqiuero potu dusepe curi mehna quehe sagū sini basaja mūsare. ¹⁵ Tiquiro ijipihntiye cururi cjēna, tiqiuero yequina ahmusepu ijieyequina, ahri yehpapu ijiniñequina gūhū tiquina Pacuro ijire. Ijipihntina mari Pacu ijire tiqiuero. ¹⁶ Tiquiro ohō saha ni sini basaja mūsare: Tiquiro masi pehoriquiro ijire. Tutua

yahduariquiro ijire. Sa yero tiquiro masiñe mehna musare quehnoano tiquiro wacū tutuagū yeatire sini basaja. Espiritu Santo yedohoro mehna sa yerota.

¹⁷ Sa yegu Cristore musa wacū tutua nemoatire tiquiro musa mehna tiquiro quehnoano ijiatire sini basaja musare. Sa yegu apequinare quehnoano cahina musa ijigū, Cristo tiquiro tutuaro cahifene musa masiatire sini basaja musare. ¹⁸⁻¹⁹ Ijiphtiyequina apequina Cohācjū yequina gāhu Cristo tiquiro tutuaro cahifene tiquina masiatire sini basaja. Tiquiro ijiphtiyequina masare cahī yahduariquiro ijire. Sa cahiniquiro tiquiro ijire tiyere musa quehnoano masiatire sini basaja musare. Sa yegu tiquiro cahifene musa masigū cahmeaja musa mehna Cohācjū quehnoano ijiatire. Quehnoa yahduariquiro, ñaife marieniquiro tiquiro ijiro saha musa wahatire tiquiro cahifene musa masigū cahmeaja. Sa yegu tiquiro cahifene musa masiatire sini basaja musare Cohācjūre.

²⁰ Sa ye Cohācjūre ño peoye mehna “Tiquiro tutuariquiro ijire”, niinha mari. Tiquiro masiñe mehna quehnoañe pehere comesa masine tiquiro marine. Marine quehnoana ijigū ye masine. Mari sinidi yahduoro ye masine tiquiro. Mari cahmeñe mari tuhoturi yahduoro ye masine tiquiro. ²¹ Cristo Jesu yequina mari ijigū ihñañe, Cristo ijire tiye gāhare ihñañe, ijiphtiyē decori ijiphtiyequina Cohācjūre ño peahoro. Sata yehoro.

4

Cristo yequina ijina ihcā curuata ijiaja mari

¹ Sa yegu musare tutuaro yahuaja: Cohācjū tiquiro yequina ijiatinare musare besee tiahye. Sa yena tiquiro beserina ijina tiquiro iji dutiriro saha quehnoana ijiaja musa. Tire musare yahuaja yāhu. Mari puhtore yāhu yedohori buhiri peresupū ijiaja yāhu. Sa ye musare quehnoana iji dutiaja. ² “Usā pūrita masi yahduocaja”, ni tuhotuna ijieracāhña. Apequinare quehnoano mehna yeya usaro marieno. Musā mehna cjenā musare tiquina ñano yepēgāta tiquinare cahife mehna sa ihña cāhña. ³ Sa yena Espiritu Santo yedohoye mehna quehnoano mehna ihcāno mehna ijiducuya musa. Sa yena cahmequeno marieno ijinata musa. ⁴ Ihcā pagū yero saha ihcā curua ijiaja mari. Sa yero Espiritu Santo ihcāquiota ijire. Cohācjū tiquiro yequina ijanajare musare besee tiahye musare yahduoro taro. Sa yena tiquiro yahduoatire masine musa. Ti musa masidi ihcānota ijire. ⁵ Mari puhtoro Cristo

ihcāquiota ijire. Tiquiro buheye gāhu ihcānota ijire. Tiquiro yequinare wame yeye gāhu ihcānota ijire. ⁶ Sa yero Cohācjū ihcāquiota ijire. Tiquiro ijiphtiyequina Pacaro ijire. Sa yero mari puhtoro ijire. Sa yero ijiphtinare marine yedohore tiquiro. Ijiphtina mari mehna ijire tiquiro. Sa yero ijiphtioropū ijire tiquiro.

⁷ Ihcā curua mari ijiepegāta ijiphtina marine mari ye masiatire cūri Cristo. Tiquiro cūriro sahata ye masiaja mari. Tiquiro marine sa cūno apee borore tiquiro sa oho cāriro saha yero nidi tiquiro. ⁸ Sata nine Cohācjū yere tiquina ojoari pūpu: Cohācjūre ihña tuhtiyequinare tiquiro yahduocari bato tiquiro pari turi mujaa waharota. Sa mujano tiquiro peye sa oho cānota masare, ni ojoahye panopare.

⁹ “Tiquiro pari turi mujaa waharota”, tiquiro nigū coā warore tiquiro dijia tari gāhare mari masiaja. Ahri yehpapare tiquiro dijia tarire mari masiaja. ¹⁰ Sa yero ohōpāre dijia tariquiro tiquiota ijire mujaa wahariquiro. Ijiphtiyē bui mujaa wahari tiquiro, ijiphtioropū ijiro taro. ¹¹ Tiquiro ijire “Masare peye sa oho cāriquiro”, tiquina nidiquiro. Masare tiquiro sa oho cāno saha tiquiro peye tiquina ye masiatire cūri masare.

Ohō saha cūri tiquiro: Ihquēquinare Cristo ye buheyere buheatiquinare cūri. Apequinare Cohācjū yere yahu muhtatiquinare cūri. Quehnoañe buheyere buhe tiniatiquinare apequinare cūri. Cristo yequina cahmecoañequina puhtoia ijiatiquinare, quehnoano buheatiquinare cūri apequinare.

¹² Sa dihita cūri marine apequinare tiquiro yequinare mari yedohoatire. Sa cūri marine tiquiro yequinare tiquirore mari wacū tutua nemoatire, tutuana mari wahatire. ¹³ Sa yena mari ijiphtina quehnoano mehna ihcāno mehna ijinata. Sata ijiro cahmene marine Cristore wacū tutuana ijina. Sa yena mari ijiphtina Cohācjū macūnore quehnoano masinata. Sa yena Cristo tutuariquiro, quehnoano masiniquiro tiquiro ijiriro saha mari gāhu quehnoano masina wahanata.

¹⁴ Mari sa wahana macanagā yero saha ijisi mari. Macanagā quehnoano taho masiedarīaga. Apequina tiquina buhegū “Ahri poto ijire”, ni tiquina ni meho buhegū macanagā yero saha ijieyequina apeye buheyere taho, beseducure. Sa ye apequina tiquina sijoro saha buhegū ti buheye pehere cahmene. Tiquina yero saha ijisi mari.

¹⁵ Ohō saha yematja mari: Mari mehna cjenare cahme cahina, poto quehnoañe buheyere yahumatja tiquinare. Sa yena macanagā tiquina bucna taho masifequina

tiquina wahariro saha mari gāhu tutuana, Cohācjū yere quehnoano masina wahanatja. Cristo ijiro saha wahanata.

Tiquiro ijire mari dapu. ¹⁶ Tiquiro yequina ijina tiquiro pagu yero saha ihcā curuata ijiaja mari. Sa yena mari caperi, mari cahmo, mari dahpocāri ihcā pagapu ti quehnoano ijiro saha mari gāhu peyequina ijiepenata ihcāno mehna quehnoano ijiaja. Mari sa ihcāno mehna mari ijiatire Cristo yedohore. Mari omocari mari pagure ti quehnoano yedohoro saha mari quehnoano yedohoaja apequinare Cristo yequinare. Sa yena mari mehna cjenare Cristo yequinare quehnoano cahña, tiquinare quehnoano yedohona, tutuana Cristore wacū tutua nemona wahanata mari.

Cristo yequina wahana mari ñañe yeyere duhu, quehnoañe pehere comesaja mari

¹⁷ Sa ye mari pūhtoro Cristo tiquiro dutiro mehna ohō saha niitja musare: Cohācjūre cahmeñequina waro yero saha yeracāhña musa. Tiquina tūhotuye pehe ñañe di-hita ijire. Sa ye tiquina tūhotuye dahseati ijierare. ¹⁸ Sa yero Satana Cohācjū yere tiquinare tūhoeragū yere. Sa ye tiquiro yere ne tūhoerare. Tūho duerare tiquina. Sa ye Cohācjū tiquiro quehnoano iji dutiriro saha ijierare tiquina. ¹⁹ Sa ye tiquina ñano yeye ne bæ tiera yūhdware. Ne bujua witiere. Ñañene tiquina tutuaro cahmeñe dihitare yeducure. Ijiphtiye ti ñañene yeducuye duhu duerare. ²⁰⁻²¹ Musa pehe poto tiquiro yere tūhona musa ijigū, Jesu yere quehnoano masina musa ijigū musa pehere tiquina yero saha ye dutierare tiquiro. ²² Sa yena panopu musa yerire duhu cāhña. Ti pjere ñañene yeducuna musa ijigū ti ñañe pehe musare dojemehnoo nimesi. “Ñañene yena, quehnoano bucuenata”, ni tūhotuna ijiepenata ne bucuerari musa. ²³ Sa ye musa tūhotuyere quehnoañe pehere comesaro cahmene musare. ²⁴ Panopu musa ñañe yerire duhu cāhña. Sa yena quehnoañe pehere comesarina ijiaja musa. Ohō saha ijieyequina Cohācjū yero saha ijire. Musa sa ijina, quehnoañene yeducunata. Sa yena ñañene yabinata musa.

²⁵ Sa yena musa ni mehorire duhu cāhña. Musa mehna cjenare poto yahuya, ni mehono marieno. Mari ihcā pagu yero saha ihcā curua cjenata ijina niaja. Sa yena musa basi ni mehoedacāhña.

²⁶ Apequinare usuana, tiquinare ñano yeracāhña. Sa yena usuana, ne yoari pje usuaducueracāhña musa. ²⁷ Yoari pje usuana, watino tiquiro cahmeno saha yena niaga musa. Sa yeracāhña.

²⁸ Ihquēquina musa mehna cjana Jesu yequina musa ijiato pano yaquerina ijina

pari turi yaqueracāhña. Sa yena yojopure quehnoano dahraya pejesuoyequinare musa ohoatire.

²⁹ Ne ñano yahuducueracāhña. Quehnoañene yahuducuna apequinare yedohore musa. Sa yena quehnoañe dihitare yahuducuya. ³⁰ Ñañene yena Espiritu Santore bujua witiyū yena niaga musa. Sa yeracāhña. Yojopure pihtiri decopano Cristo marine tiquiro neato pano Espiritu Santo marine ihña ihbore marine ñañene ye dutieraro. Sa yero Cristo yequina mari ijiyere masigū yere tiquiro marine. Sa yena tiquirore bujua witiyū yeracāhña.

³¹ Sa yena ne ñano ye nemoedacāhña. Usua, cahme duse tutua nemoedacāhña. Apequinare ñano ni safiuducu nemoedacāhña. Apequinare quti dahre nemoedacāhña. Ne apequinare ñano ni tūhotu nemoedacāhña. ³² Sa ye musa mehna cjenare quehnoano mehna quehnoano yeya. Cristo yequina musa ijigū ihñano musa ñañene bo cāhri Cohācjū. Ohō saha apequina musare tiquina ñano yegū ihñana tiquina ñañene bo cāhña musa gāhu.

5

“Cohācjū pohneñe ohō saha ijiro cahmene”, ni yahuahye Pablo

¹ Sa ye Cohācjū pohna tiquiro cahñona ijina Cohācjūre ihña cūña musa. ² Sa yena apequinare sa cahiducuya. Cristo marine cahño, mari ñañe buhiri yariahye. Sa yariaro Cohācjūre bucuēgū yeahye tiquiro. Sa yena marine tiquiro cahidiro saha musa gāhu apequinare cahña.

³ Sa yena Cohācjū yequina ijina ne numia mehna ñano yeracāhña. Numia gāhu umua mehna ñano yeracāhña. Apeye ñañene ohō saha ijieye ñañene yeracāhña. Apee borore cahme yūhdueracāhña. Ne sa yeraro cahmene musare Cohācjū yequina ijina.

⁴ Sa yena buoyere cahme yahuducueraro cahmene musare. Tūho masieñequina yero saha yahuducueraro cahmene musare. Sa yena ñano ni bujuperaro cahmene musare. Ahri pehere yero cahmene musare. Cohācjū mehna yahuducuro cahmene musare. Sa yahuducuna tiquirore “Quehnoano yeri mūhu usāre”, nino cahmene. ⁵ Apee borore cahme yūhdwana, “Cohācjū ijire”, mari niñe queoyere mari cahmeno saha yena niaja mari tire. Doeri cjene ño peoyequina yero saha yena niaja mari. Sa ye wuana tiyequina, ñañe dihitare tūhotuyequina, apee borore cahme yūhdwayequina Cohācjū, Cristo mehna tiquina pūhtoro ijirōpu ne wahasi tiquina. Tire quehnoano masiaja mari. ⁶ Ohō saha yeyequina tiquina yeri buhiri buhiri dahrerota Cohācjū tiquirore yūhduducayequinare. Sa yena apequina

m̄sare “Ahri ñaŋe ijierare”, tiquina ni mehog̃ t̄ahoerac̄ãh̄ña. ⁷ Sa yena oh̄o saha ñano ye ȳhd̄ud̄uc̄ayeq̄inare ne piti tierac̄ãh̄ña.

⁸ Cristo yequina m̄sa ijiato pano sa ijjirinata ijimedi m̄sa g̃ãh̄. Yojoꝑ̄ pehere tiq̄iro yequina ijina, Coh̄ãc̄j̄re quehnoano masine m̄sa. Coh̄ãc̄j̄ yequina quehnoañene yere. Sa yena sa yero cahmene m̄sare. ⁹ Sa yena Cristo yequina ijina quehnoañene, Coh̄ãc̄j̄ cahmeñene, ni mehono marieno yeducunata m̄sa. ¹⁰ Quehnoañene mari yeg̃ ih̄ñano mari puhtoro Cristo bucuere. Sa yena tire yeya. ¹¹ Cristore cahmeñequina ñaŋe tiquina yeye ñaŋe waro ijire. Sa yena tiquina yero saha m̄sa pehe yerac̄ãh̄ña. Quehnoañe buheyere Cristo yere yahuya tiquinare. Sa yena tiquina ñaŋe yeyere tiquinare masig̃ yeya. ¹² Masa ih̄ñenop̄ tiquina ñano ye cohtere. Tiquina sa yerire yahuducuna mari b̄ue tiboaga. Sa yeye ña ȳhd̄uro yere tiquina. ¹³ Sa yena tiquinare quehnoañe buheyere mari yahuna, ña ȳhd̄uayeq̄ina tiquina ijiyere masig̃ yena niaja mari tiquinare. Ijipihtiyere mari yerire marine masig̃ yere quehnoañe buheyere, buhrioro marine ti ih̄ña masig̃ yero sahata. ¹⁴ Ti ijirota ijire. Sa ye oh̄o saha ni yahure Coh̄ãc̄j̄ yere yahuyeq̄ina:

Ne, ȳhure t̄uho duena, t̄uhoya m̄sa. M̄sa ñaŋe yeyere bajua witi, tire duhuya. Cristo m̄sa ñaŋe yeyere masig̃ yerota, ni yahure.

¹⁵ Sa yena decoripe quehnoano yeya m̄sa. T̄uho masieñequina yero saha ijierac̄ãh̄ña. T̄uho masina ijija. ¹⁶ Yojoꝑ̄ c̄j̄ena masa ña ȳhd̄uro yeducure. Sa yena m̄sa pehe quehnoañene, Cristo yere sa yeducuya m̄sa. ¹⁷ Sa yena t̄uho masiena ijierac̄ãh̄ña. Coh̄ãc̄j̄ cahmeñene quehnoano masiña. Sa yena tire yeya. ¹⁸ Sa ye pairure sihni queherac̄ãh̄ña. Queheyequinare ñano ȳhd̄uro cua ȳhd̄uare. Sa yena pairure tutuaro cahmedac̄ãh̄ña. Esp̄iritu Santo pehere tutuaro cahmeña m̄sa mehna tiq̄iro quehnoano ijjiatire. Tiquirore quehnoano yuhtiya. ¹⁹ Sa yena m̄sa basi Coh̄ãc̄j̄re ño peo basayere cahme yahuducuya. Sa yena Salmore Coh̄ãc̄j̄ yere basayere, apeye tiq̄irore ño peo basaye g̃ãh̄re tiq̄irore basa peoya m̄sa. Quehnoano wac̄ ño peoye mehna basa peoya. Sa yena mari puhtoro Cristore ño peoya. ²⁰ Coh̄ãc̄j̄ mari Pac̄u ijipihtiyere m̄sare tiq̄iro ohorire bucuere “Quehnoare”, sa niducuya m̄sa tiq̄irore. Mari puhtoro Jesucristo yequina ijina mari Pac̄are “Quehnoare”, sa niducuya m̄sa.

“M̄sa ih̄c̄ã w̄h̄u c̄j̄ãna Jesu yequina ijina, oh̄o saha yeya”, ni yahuahye Pablo

²¹ Sa ye m̄sa mehna c̄j̄enare cahme ño peoye mehna yuhtiya. Sa cahme ño peo yuhtina Cristo g̃ãh̄re ño peona nine m̄sa.

²² M̄sa namos̄ãnumiare yahutja yojoꝑ̄re. Mari puhtoro Cristore mari yuhtiro saha m̄sa man̄s̄m̄are quehnoano mehna yuhtina numia ijija. ²³ Jesucristo marine ȳhd̄ore tiq̄iro ya curua c̄j̄ãna mari ijjiatire. Sa yero mari tiq̄iro ya curua c̄j̄ãna mari puhtoro tiq̄iro ijiro saha m̄sa man̄s̄m̄a m̄sa namos̄ãnumia puhtoa ijire. ²⁴ Sa yena Cristo yequina ijina tiq̄irore sa yuhtiducuya mari. Sata m̄sa namos̄ãnumia m̄sa man̄s̄m̄are quehnoano yuhtiducuna numia ijija.

²⁵ M̄sa man̄s̄m̄a pehere yahutja yojoꝑ̄re. Cristo marine tiq̄iro yequinare cah̄no, mari ye ijjiatire yariahye. Sa yena marine tiq̄iro cah̄d̄iro saha m̄sa g̃ãh̄ m̄sa namos̄ãnumiare quehnoano cah̄ducuya. ²⁶ Cristo mari ye ijjiatire yariahye mari ñaŋe yerire cosero taro. Tiquiro buheyere quehnoañe buheyere mehna mari ñaŋe yeyere cosere. Sa yero tiq̄iro yequina mari ijig̃ ih̄ñano aco mehna marine wame yere. ²⁷ Sa cosere marine tiq̄iro yequina ijjianare yero taro. Tiquiro sa coseg̃ ne ñaŋe buhiri mariena ijjinata, tiq̄iro ih̄ñag̃. Sa yena quehnoano, Cristo yero saha ijjinata. ²⁸ M̄sa namos̄ãnumiare cah̄na, m̄sa basi m̄sa pagurire m̄sa cah̄no saha tiquina numiare cah̄ña. Mari namonore cah̄na mari pagure cah̄na niaja.

²⁹⁻³⁰ Ne mari pagurire ñano wahag̃ cahmedaja. Mari ih̄yayere ih̄yana quehnoano yena niaja mari pagurire. Cristo yequina ijina tiq̄iro pagu yero saha tiq̄iro ya curua c̄j̄ãna ijija mari. Sa yero marine quehnoano yere tiq̄iro. Sa yena Cristo marine tiq̄iro quehnoano yeriro sahata mari g̃ãh̄ mari pagure quehnoano yeaia. Mari namos̄ãnumia g̃ãh̄re sata quehnoano yero cahmene marine. ³¹ Sata nine Coh̄ãc̄j̄ yere tiquina ojoari p̄p̄re: “Sa ye m̄sano tiq̄iro pac̄s̄m̄are wijiario tiq̄iro namono mehna ijirota. Sa ye tiquina puaro ijiepet̄a ih̄c̄ãq̄iro yero saha ijjeta”, ni ojoahye panop̄. ³² Ahri tiq̄iro ojoarire apequina quehnoano t̄uhoerari jiri. Sa yegu tire oh̄o saha ni yahutja m̄sare. Oh̄o saha ni yahuro niaga. “Cristo tiq̄iro yequina mehna ih̄c̄ã pagu yero saha ih̄c̄ã curuata ijire”, ni yahuro niaga. ³³ Sa yegu m̄sare oh̄o saha ni yahu nemoutja tja: M̄sa pagurire m̄sa cah̄no saha m̄sa namos̄ãnumiare cah̄ña. Sa yena m̄sa man̄s̄m̄are quehnoano ño peoya m̄sa.

6

¹ Yojoꝑ̄re macanag̃are yahutja. Mari puhtoro Cristo yequina ijina m̄sa pac̄s̄m̄are quehnoano yuhtiya. M̄sa

sa yegū quehnoarīne. ²⁻³ Ohō saha niahye Cohācǵū dutiye: “Musa pacsūmware quehnoano ño peoya”, ni dutiahye tiqiro. Ahri dutiro mehna Cohācǵū yahu nemoahye. Ohō saha niahye: “Musa pacsūmware ño peona, ahri yehpapū yoari pje bucueye mehna ijinata musa”, ni yahuahye. Tiquiro sa ni yahugū ahri dutiro ihyo ijiri dutiro ijierare. Sa yena tiqiro nidiro saha musa pacsūmware ño peoya.

⁴ Yojoḡare tiquina pacsūmware yahutja: Musa pohñare sa tuhtiducueracāhña, “Usuagū yeari”, nina. Mari pūhtoro Cristo tiqiro cahñe mehna tiqiro yedohoye mehna tiquinare quehnoano cohteya. Sa yena tiquinare quehnoano yahuya.

⁵ Yojoḡare cahacǵānare musare yahutja: Cua pesaro mehna, ño peoye mehna ahri yehpa cǵēnare musa pūhtoare quehnoano yuhtiya. Ni mehono marieno quehnoano yuhtiya. Cristore musa yuhtiro sahata tiquinare yuhtiya musa.

⁶ Tiquina ihñono dihitare yuhtina ijieracāhña. Sa yeyequina masa dihitare tiquinare ihña bucuegū cahmene. Musa pehe Cristo tiqiro cahacǵāna musa ijiro saha musa pūhtoa gūhure sa yuhtiducuya. Cohācǵū tiqiro cahmeno sahata quehnoano bucueye mehna yuhtiya. ⁷ Sa yena Cristore yuhtina musa ijiro saha bucueye mehna yuhtiya musa pūhtoa gūhure. “Masa dihitare yuhtina niaja”, ni tuhotueracāhña. ⁸ Sa yena ahrire wacūña: Ijipihtina quehnoañene mari yegū ihñano Cohācǵū quehnoano yerota marine. Cahacǵēnare, cahacǵēna ijieyequina gūhure quehnoano yerota.

⁹ Yojoḡare pūhtoare yahutja: Musa cahacǵēnare quehnoano yeya. Tiquinare quehnoano yuhū ye dutiriro sahata yeya musa gūhū tiquinare. Tiquinare tuhtiperacāhña. Ūhmuse cǵēno Cohācǵū potota tiquina pūhtoro ijire. Musa yaqiro pūhtoro ijire tiqiro gūhū. Sa yena ijipihtina musa tiqiro cahacǵāna dihita ijire. Sa yero tiqiro ihcāno saha ihñare musare ijipihtinare. Sa yena musa cahacǵēnare tuhtiperacāhña.

Cristo yequina watñore tiquina cahmotarire yahuahye Pablo

¹⁰ Ahrire yahu bato tiitja musare: Quehnoano wacū tutuana ijiya musa. Mari pūhtoro Cristo musa mehna ijire. Sa yena tiqiro ye masiñe mehna wacū tutuana ijiya. ¹¹ Watñno marine ni mehono, ñano ye dutire marine. Cohācǵū marine cahmotare mari ñañene yeborire. Marine tiqiro cahmotaye surara tiqiro cahmotari suhtiro, come suhtiro yero saha ijire. Sa yena ti suhtirore musa sañano saha Cohācǵū tiqiro cahmotayere quehnoano cw

pehoya. ¹² Jesu yequina mari ijigū, marine ihña tuhtiyequina masa waro ijierare. Ūhmuse cǵēna ijimediquina ñañequina, tutuayequina, tiquina pehe ijire marine ihña tuhtiyequina. Watñ ahri yehpa cǵēna pūhtoa ijire. Sa ye tiquina gūhū ijire marine Jesu yequinare ihña tuhtiyequina.

¹³ Sa yena yojoḡare cahmotari suhtirore musa sañano saha Cohācǵū musare tiqiro cahmotatire tiqiro yere quehnoano cw pehoya. Sa yena watñno musare tiqiro ñano ye dutigū, musare tiqiro ñano ye duagū, tiqirore cahmotanata. Sa yena yuhduducanata. Sa tiqirore yuhduducana, tutuana tojoanata musa.

¹⁴ Sa yena tutuana ijiya. Cohācǵū musare tiqiro cahmotatire ohō saha yeya musa: Surara tiqiro come suhtiro mehna tiqiro jeripohñare cahmotariro saha poto yahuyere Cohācǵū yere quehnoano tūhoya musa watñore musa cahmotatire. Sa yena Cristo yedohoye mehna quehnoana ijiya musa, watñore musa quehnoano cahmotatire.

¹⁵ Surara tiqiro dahpo suhti mehna tiqiro dahpocārine tiqiro cahmotariro saha quehnoañe buheyere quehnoano masiña musa, watñore musa cahmotatire. Ti buhaye marine quehnoano ijigū yere.

¹⁶ Surara tiqiro tohoriro mehna tiqiro cahmotariro saha Cristore quehnoano wacū tutuaducuya musa watñore musa cahmotatire. Bueye cǵū mehna tiqiro sihā musare tiqiro buedoqeboro saha watñno musare ñano yegū ye duare. Sa yena Cristore quehnoano wacū tuana, cahmotanata musa.

¹⁷ Surara tiqiro come sapea mehna tiqiro dapure cahmotariro saha musare pecapū wahaborinare Cristo yuhdudorina ijiya musa, watñore musa cahmotatire.

Surara tiqiro ñoseni pǵi mehna tiqiro cahmotariro saha Cohācǵū ye buheyere quehnoano masiña musa, quehnoano musa cahmotatire. Sa yena apequinare quehnoano yahuya tiqiro yere. Ti Cohācǵū ye buheyere Espiritu Santo marine yahure.

¹⁸ Sa musa watñore cahmotana Cohācǵūre decoripe sa siniducuya. Espiritu Santo yedohoye mehna sa siniducuya. Sa yena quehnoano wacū masiña. Sa sinina, caributeracāhña. Ijipihtiyequina Cohācǵū yequinare sa sini basaducuya. ¹⁹ Sa yena yuhū gūhure sini basaya Cohācǵūre. Ohō saha ni sini basaya: Quehnoañe buheyere, panopū tiquina masiedarire quehnoano yuhū yahuatire sini basaya yuhure. Sa yena cuero marieno yuhū yahuatire sini basaya yuhure. ²⁰ Cristo tiqiro yere yahu dutiro yuhure ohori. Yuhū sa yahuri buhiri peresupū ijiya yojoḡare. Ohōpū yuhū ijiepegūta cuero marieno tiqiro yere yuhū

yahuatire sini basaya yuhare. Tiquiro yere yahuacju ijigata niaja yahu.

Pablo quehnoa duti bato tiahye

²¹ Yojopure Tiquico musa cahapu esaro yahu ijiye tiyere musare yahu pehorota. Tiquiro mari acayuro mari cahiniquiro ijire. Sa yero mari puhtoro yere quehnoano yedohoriquiro sa ijiducure. ²² Usa ijiye tiyere musare yahu dutigu tiquirore ohogu niaja musa quehnoano bucueatire.

²³ Cohacju mari Pacu mari puhtoro Jesucristo guhu tiquina mehna musa ijipihinare usa acayere quehnoa dutiaja. Cristore musa quehnoano wacu tutuaye mehna musa cahme cahiatire Cohacjare sini basaja musare. ²⁴ Ijipihitiyequina mari puhtorore Jesucristore sa cahiducuyequinare Cohacju mehna quehnoa dutiaja.

Filipenses

Peresupu ijiriquiro ahri püre ojoa ohoahye Pablo

¹ Yuhu Pablo, Timoteo mehna Jesucristo cahacjana ijiaja usa. Sa yena ijipihtinare musare quehnoanare Jesucristo yequinare Filipino cjanare quehnoa dutiaja usa. Musare, masa puhto gahure, musare yedohoyequina gahure ojoa ohoaja yuhu, Pablo. ² Sa yena Cohacju mari Pacu, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijiya masa.

Pablo Jesu yequinare Cohacjüre sini basahye

³⁻⁶ Cohacju musare quehnoañe pehere comesagu yero nine. Sa yero musare tiquiro sa ye ducariro sahata sohtori dahrerota tiquiro. Sa yena Jesucristo ahri yehpape tiquiro wihigupare ñaie mariena ijinata masa. Sa yena coa waropure Jesu yequina masa ijiri bato, yojoru gahure yedohore masa yuhure quehnoañe buheyere yuhu buhegu. Masa sa yegu ihñagu Cohacjüre "Quehnoare", niaja yuhu. Musare wacugu sa dihita niaja yuhu. Musare Cohacjüre sini basaga, bucueye mehna sini basaja.

⁷ Musare yuhu sa tuhogugü quehnoañe. Quehnoañe buheyere "Poto tjire", puhtoare yuhu tutuaro ni yahuducugü masa yuhure yedohori. Poto ti buheye ijigü yuhu tiquinare yahugü masa yuhure yedohori. Peresupu yuhu ijigü gahure masa yuhure yedohori. Sa yero Cohacju marine quehnoano yero, tiquiro ye buheyere cüri marine. Masa yuhure yedohori. Sa yena ti buheyere yuhu mehna masa buheboriro saha yena nine masa, yuhure yedohona. Sa yegu yuhu jeripohna mehna tutuaro wacüaja yuhu musare. ⁸ Jesucristo cahñe mehna tutuaro musare wacüaja yuhu. Yuhu sa wacügü Cohacju tire masine.

⁹ Musare ohö saha ni sini basaja yuhu Cohacjüre: Cohacju yere quehnoano masiñe mehna, tuho masi pehoye mehna apequinare masa cahñi nemoatire sini basaja yuhu musare Cohacjüre. ¹⁰ Quehnoa yuhduyere masa masiati gahure sini basaja musare. Masa sa yegu yerota Jesucristo ahri yehpape tiquiro tojoa tagü quehnoañene yena, ñaie buhiri mariena ijinata masa. ¹¹ Sa yena ijina Cohacju cahmeñene yenata masa. Musare sa yegu yerota Jesucristo pehe. Cohacju quehnoa yuhduariquiro, tutuariquiro tiquiro ijiyere ihñono taro, ijipihitiyequina tiquirore tiquina ño peoatire tiquiro cahmeñene musare yegu yerota.

Pablo Cristo yaquiro tiquiro ijiye tiyere yahuahye

¹² Yuhu acaye, ahri yuhu niatire masa quehnoano masigü cahmeaja yuhu. Yojopare peresupu yuhu ijiepegata quehnoañe buheye pehe sa uhmu taducuro nine. ¹³ Sa ye Cristo yaquiro yuhu ijiri buhiri peresupu yuhu ijirire masi pihitire puhtoro ya wahu cñena surara. Ijipihitiyequina apequina gahu ohöru ijieyquina tire masine. ¹⁴ Sa ye peresupu yuhu ijigü ihñañe, peyequina mari acaye Jesu yequina mari puhtoro Jesure wacü tutua nemoñe nine. Sa wacü tutuaye, cuero marieno quehnoañe buheyere apequinare buhere tiquina.

¹⁵ Ihquëquina Cristo yere buheraboriquina ijiepetata yuhure ihña cooye, Cristo yere buhere apequinare tiquinare ihña wahägü cahmeñe. Apequina pehe quehnoano mehna Cristo yere buhere. ¹⁶⁻¹⁷ Quehnoañe buheyere yuhu tutuaro yahuatire Cohacju yuhure tiquiro cürire quehnoano masine ahriquina pehe. Sa masiñe tiquina cahñe mehna Cristo yere buhere. Apequina pehe yuhure ihña tuhtiyere, masare tiquina pehere tiquina ihña wahägü cahmeñe, Cristo yere buhere. Sa ye peresupu yuhu ijigü tiquina yuhure bujua witiwü ye duare. ¹⁸ Quehnoanota. Cristo yereta buheye nine. Tiquina Cristore poto cahñedapeta Cristo yereta buhere. Apequina pehe quehnoano mehna buhere. Ijipihitiyequina tiquina tiquiro yere buhegu bucueaja.

¹⁹ Sa yegu sa bucueducugutja yuhu. Cohacjüre masa sini basari mehna Jesucristo yaquiro Espiritu yedohoye mehna Cohacju yuhure wiorota peresupu ijirigüre. Tire masiaja. ²⁰ Ohö saha yeitja yuhu. Decoripe yuhu yeriro sahata yojoru gahure cuero marieno Cristo yere buheaja, masa tiquirore quehnoano tiquina ño peoato saha. Ohö saha ye duaja yuhu yerire yuhu buoro yuhduerato saha. Catinigu waro ohö saha ye duaja. Tiquina yuhure wejü duepegata ohö saha ye duaja. ²¹ Catinigu Cristo yere yenigatja. Yariagupu pürita ti yuhduoro quehnoano tojoagutja yuhu. ²² Sa niepegata catinigu Cristo yere yuhu ye nemoato saha cati nemo duaja. Sa niepegata yariaye gahure cahmeaja. ¿Dise boro pehere yuhu cahmeboagari? Masiedaja yuhu. ²³ Yuhu ohö saha ni yahuducugü mijorine yuhure. Cristo mehna tutuaro iji duaja. Sa yegu yojopare tiquiro caharu waha duaja. Catiye yuhduoro ahri pehe quehnoa yuhduacare. ²⁴ Sa ijiepegata musare yuhu yedohoato saha catinino cahmene yuhure. ²⁵ Tire masigu ohöru masa mehna yuhu ijiniatire masiaja yuhu. Sa ijinigatja Cristore masa wacü tutua nemoatire, ti wacü tutuaye mehna

musa bucuere. ²⁶ Ahri yehparu ijiniḡu musa cahapu pari turi yuhu wahagū musa bucuenata. Cristo Jesu yahure tiquiro yedohogū masina, “Tutuagu ijire mahu”, ni ño peonata musa tiquirore.

²⁷ Yojoḡare ahri dihitare yahutja musare. Cristo ye buheye ti ni diro sahata ijiducuya musa. Wacū tutuana ijiya. Sa yena cahme tu waro marieno quehnoañe buheye yahu tutuaya. Sata yuhu mariedagū gūhure yuhu ijigū gūhure musa yegū cahmeaja. Sa ijina musa ijigū tuhoo duaja yuhu. ²⁸ Musare ihña tuhtiyequinare cueracāhña. Musa sa cueragū ihñañe Cohācjū yequina musa ijigū masieta tiquina. Sa masiñe pecapu tiquina wahati gūhure masieta. Sa ye Cohācjū musare tiquiro yuhduoati gūhure masieta. Ohō saha masigū yere Cohācjū masare. ²⁹ Cristore musa wacū tutuatire Cohācjū cūri. Ahri gūhure cūri. Cristo yere musa yeri buhiri musa ñano yuhduati gūhure cūri Cohācjū. ³⁰ Sa ye Cristo yequina musa ijiri buhiri apequna musare ñano yere. Musare tiquina yeriro saha yuhu gūhure ñano yere tiquina. Musa mehna yuhu ijigū yahure tiquina sa yegū ihñari musa. Yojoḡu gūhure yahure tiquina sa yegū tuhoore musa. Sa yena mari ihcāno saha ñano yuhduaja.

2

Cristo ihyo ijiriquiro sañano, ijipihtiyequina puhtoro ijatiquiro ijahye

¹⁻² Cristo musare quehnoano jeripohna tigū tiquiro yegū, Cristo tiquiro cahñe mehna musa bucuena, yahure quehnoano bucuegū yeya musa. Sa yena Espiritu Santo ijipihtina musa mehna tiquiro ijigū apequnare cahña, paja ihñana ijina, yahure quehnoano bucuegū yeya musa. Ahrire musa yegū bucuaitja: Ihcāno mehna quehnoano jeripohna tiya musa. Sa yena musa basi cahme cahña. Quehnoano mehna ijiducuya. Sa yena ihcāno mehna quehnoano ijiya. ³ Apequnare yuhduaca dueracāhña. Sa yena sa tuhotu cāhña musa. Sa yena apequnare quehnoano ño peo, ohō saha ni tuhotuya: “Tiquina pehe yuhu yuhduoro quehnoañequina ijire”, ni tuhotuya. ⁴ Ihcāquiro apequnare yedoho dueraboaga. Tiquiro yero saha yeracāhña. Apequna gūhure yedohoya.

⁵ Cristo Jesu apequnare yuhduaca dueriquiro tiquiro ijiro saha musa gūhu apequnare yuhduaca dueracāhña. ⁶ Tiquiro pehe Cohācjū waro ijieperota “Cohācjū mehna ihcāno saha ijigu wijiasi yuhu”, ni tuhotuerahye tiquiro. ⁷ Sa yero tiquiro Cohācjū mehna ihcāno saha tiquiro ijiyere wijia, ohōḡu ahtarō masuota masa bajoaro tiquiro cahacjāno yero saha iji dcahye. ⁸ Sa yero tiquiro masuota ihcāno

saha pagu tiriquiro ijiro, ihyo ijiriquiro waro wahahye. Sa waharo “Curusapu wejēña tiquirore”, tiquina nigū tiquiro yuhduacaerahye. Curusapu yariatiquiro ijieperota tiquiro yuhduacaerahye. ⁹ Sa yero mari Pacu ijipihtiyequina tiquina ño peoatiquirore cūahye Jesure. Sa yero ijipihtiyequina apequna puhtoro sōahye Cohācjū tiquirore, ¹⁰ ijipihtiyequina ahmuse cjēna, ahri yehpa cjēna, yariariquina gūhu Jesu wamene tuhoyequina tiquina dusepe curi mehna quehe sa, tiquina ño peoato saha. ¹¹ Sa puhtoro sōahye tiquirore mari Pacu, “Jesucristo mari puhtoro ijire”, ijipihtiyequina tiquina niatiquirore. Sa niñe Cohācjūre mari Pacare ño peoye nine.

Cristo yequina buhrioro yero saha ijiye, quehnoano masare yahu, masigū yere

¹² Sa yena yuhu cahña, musa mehna yuhu ijigū musa yuhducuriro saha, yojoḡu yuhu yoaropu ijigū gūhure panopu musa yuhtiriyo yuhduoro yahtiya yahure. Sa yena ijipihtina musa quehnoano ijina tana Cristo yedohoro mehna ñañene yeracāhña. Sa yena ño peoye mehna apepero marieno Cohācjū yere yeya. ¹³ Cohācjū quehnoañe pehere musare cahmegū yero nine tiquiro cahmeno saha musa yeato saha. Sa yero tire musa yeatire yedohorota Cohācjū. Tiquiro sa yedohogū ti yuhu ni diro saha yeya musa.

¹⁴ Ijipihtiyere yena tuhtiro marieno, musa basi unureno marieno yeya. ¹⁵ Sa yeya musa ñañe buhiri mariena, ñañene yerarina Cohācjū pohna musa ijiatire. Sa yeya musa masa ni mehoñequina, ñañequina watoapu dojomehnenno marieno musa ijiatō saha. Tiquina ñañequina watoapu ijina, buhrioro ihña masigū yero saha quehnoañe buheyerē buhena, masigū yere musa ahri yehpa cjēnare. ¹⁶ Ti buheyerē musa tuho ñehedi bato Cohācjū mehna sa ijiducuaana wahari musa. Ti buheyerē ahri yehpa cjēna pehere musa sa buhegū ihñagu musa mehna bucuaitja. Sa yegu musare yuhu buherire “Ihyo waro buherari ijii yuhu”, niitja yuhu. Sa yegu Cristo ahri yehparu tiquiro tojoa tagū musa mehna bucuaitja. Sa yegu buoro yuhduasi yuhu. ¹⁷ Cristore musa wacū tutuagū Cohācjū musa mehna bucuero. Tiquiro sa bucuegū masigu musare Cristo yere yuhu buheri buhiri yahure tiquina wejē duepegūta bucuaitja. Sa yena mari ijipihtina ihcāno saha bucuenata. ¹⁸ Sata musa gūhure bucuero cahmene yuhu mehna, came yuhu sa yariagū ihñana.

Timoteore, Epafrodito gūhure yahuahye Pablo

¹⁹ Mari puhtoro Jesu tiquiro cahmegū sojaro mehna Timoteore musa cahapu oho duaja yuhu musa ijiye tiyere masigu tuhu. Sa masigu bucuaitja. ²⁰ Ijirota ijire.

Timoteo msa quehnoano ijiatire pajiro tuhature msare. Apequiro tiqiro yero saha ijirokuo mariedare yahu mehna. ²¹ Apequina pehe ijiptiyequina tiquina cahmeñe dihitare ye duaye, Cristo Jesu tiqiro cahmeñe pehere ye duerare. ²² Timoteo pehe quehnoano yeriokuo tiqiro ijiyere masine msa. Yahu macu yero saha tiqiro yahu mehna quehnoañe buheye yahue tiri. Sa yena usã ihcãno saha Cristo yere buhee tii. ²³ Sa yegu puhtoia yuhure tiquina dñhse yeatire masigu, Timoteore msa caharu oho duaja. ²⁴ Sa yegu mari puhtoro Jesu yedohoye mehna sojaro mehna yahu gahu msa caharu wahaatja.

²⁵⁻²⁶ Yuhure yedoho dutina msa Erafroditore ohori yahu caharu. Tiqiro yahu acayuro yahu mehna dahrariokuo, yahu mehna cãno, Cohãcju yere buhe tutuariokuo ijiere. Tiqiro msare tutuaro wacũ tiri. Sa yero tiqiro dohatirire msa tuhogũ masino tiqiro pehe pajiro bujua witi tuhaturi. Sa pajiro tiqiro tuhutugũ ihñagu "Tiqirore msa caharu oho majare tojoro cahmene yuhure", ni tuhutuaja yahu yojopare. ²⁷ Potota ijiere. Tiqiro tutuaro dohatiri. Meheno yariabo cure yuhuri. Tiqiro sa tutuaro dohatiepegũ Cohãcju tiqirore paja ihñano, yuhugũ yeri. Tiqiro yariagũ yahu pehe tutuaro bujua witiyoa. Sa yero Cohãcju yahu gahure paja ihñari tiqirore yuhugũ yero. ²⁸ Sa yegu yojoru puiritare sojaro mehna tiqirore msa caharu oho duaja pari turi msa tiqirore ihña, msa jeri saãno quehnoano. Msa sa bucuegũ ihñagu yahu gahu bucueitja. ²⁹ Sa yena tiqirore Erafroditore mari puhtoro yaquirore mari acayurore quehnoano bucueye mehna piti caya. Sa yena apequinare tiqiro yero saha ijiyequinare ño peoya. ³⁰ Tiqiro Cristo yere yedohomehno yariamedi. Msa pehe yahu caharu ijeragũ, yuhure yedoho masiedagũ tiqiro pehe yuhure yedohomedi. Sa yero yariamedi tiqiro.

3

Quehnoanyeye warore yahuahye Pablo

¹ Yoju puiritare ahrire yahutja. Mari puhtoro yequina ijiña bucueya. Ahri buheye to pano yahu yahurire pari turi msare ni ojuagu bucueaja yahu. Sa yegu msare ahrire yahugu yedohogu naja msare. ² Quehnoano yeya msa. Ñañene yeducuyequina, diaye yero saha ijiyequina ñañequina cuhnucun cahserogãre yuhre ne dutiye, msa pagurire yuhre ne duare. Quehnoano yeya msa, "Sa ye dutiyequina sijoro saha ni buheari", nina. ³ Tiquina cuhnucun cahserogãre

yuhre nepeta Cohãcju dutiyere quehnoano yerare. Mari pehe potota Cohãcju dutiyere quehnoano yena ijiãa mari. Espiritu Santo tiqiro yedohoye mehna Cohãcju ño peoaja mari. Sa yena Jesu yequina mari ijiyere bucueye mehna apequinare mari yahua. "Usã esa tuharo Cohãcju dutiyere ye peho masiaja", ne ni tuhutuera. ⁴ Sa ni tuhutuerapegũ "Tiqinare doca cũ cã", tiquina yero saha nidigu ijiu sa tjiboa yahu gahu. Apequiro ohõ saha ni yuhducã duare. Yahu pehe tiqiro yuhduro sa niboaga yahu.

⁵ Ohõ saha yerigu ijiimi yahu: Ocho decori yahu masa bajuari bato cuhnucun cahserogãre yuhre nedi jiri yuhure. Israe masu ijiu Benjami ya curua cã ijiãa yahu. Yahu pacusũña hebreo masa tiquina ijiu potota hebreo masu warota masa baju. Cohãcju dutiyere potota peho duagu fariseo curua mehna saãmi yahu. ⁶ "Cohãcju ye ijiu", nigu quehnoano yemi. Sa yegu Jesu yequina pehere ñano yee timi yahu. Potota Cohãcju dutiyere yegu tire yuhducãro marieno ye pehou.

⁷ Panopure "Ti quehnoañe ijiu", ni tuhutumi. "Ti yahu sa ni tuhuturi panopu yahu iji tiri dahseati ijerari", ni tuhutuaja yojupe. Sa ni tuhutu dcau yahu Cristore wacũ tutuagu tã. ⁸ Cristo Jesu yahu puhtoro yahu masigu puirita quehnoa yuhure. Sa yegu apeye pehere masa "Quehnoañe ijiu", tiquina nidire "Ti ijiptiye dahseati ijerari", ni tuhutuaja yahu. Tire ijiptiyere duhu cãu Cristo ye pehere yegu tã. Sa yegu tire yahu cohãre "Ñañe waro ijiu", ni tuhutu Cristore quehnoano masigu tã, tiqiro mehna cã ijiu tã. ⁹ Sa yero yahu esa tuharo quehnoano yahu yeri wapa "Quehnoagu ijiu", ni ihñare Cohãcju yuhure. Sa yero Cohãcju dutiye Moiser tiqiro cãre yahu yeri wapa gãhure "Quehnoagu ijiu", ni ihñare. Cristore yahu wacũ tutuari bato "Quehnoagu ijiu", ni ihñare tiqiro yuhure. Cohãcju pehe marine buhiri mariena ijiu yere, tiqirore mari wacũ tutuagu. ¹⁰ Sa yegu to pano yahu ni tuhutu mhtamedire duhu cã Cristore quehnoano masigu tã. Cohãcju tutuaye mehna Cristo masa mujahye. Ti tutuaye mehna iji duaja. Sa yegu ti tutuaye mehna quehnoañene ye duaja. Cristo curusapu yariahe mari ñañe yerire cohãno taro. Sa yegu tiqiro yere yahu yeri buhiri tiqiro yero saha ñano yuhdu duaja yahu gahu. ¹¹ Sa yegu Cristo tiqiro masa mujariro sahata masa mujaju ijiitja yahu gahu.

¹² Ahri ijiptiyere sa nigu, "Cristo yero saha ñañe mariegu ijiãa", ni tuhutuera. Yahu sa ni tuhutuerapegũ Cristo tiqiro yaquiro ijiu ye tuhasari yuhure. Sa yegu

tiqiro yere tiqiro gāhare quehnoano masi duagu tutuaro mehna tiqiro yere yeaja yūhu. ¹³ Yūhu acaye, “Tiqirore quehnoano masi peho tuhasaja”, ni tūhotueraja. Sa ni tūhotuerapegata ahri pūritare yeaja: ¹⁴ Omaperiqiro tiqiro wapata duariro saha tutuaro yeaja yūhu, yūhu wapatarire yūhu ñeheatō saha. Cristo yaqiro yūhu ijigū ihñano Cohācjū ti yūhu wapatarire yūhare ohoro taro ahmūsepu pijjori yūhare.

¹⁵ Ohō saha yūhu tūhoturiro sahata tūhotuya mūsa gāhu Cristore quehnoano masina. Sa yero ahri mū sare yūhu yahurire mūsa tūho dueragū, sijoro saha mūsa tūhotugū Cohācjū mū sare quehnoano masigū yerota. ¹⁶ Sa yena tiqiro yere mari masidire quehnoano ye sohtori tihna.

¹⁷ Yūhu acaye, mūsa ijiphtina yūhare ihñā cūñā. Sa yena apequina usā yero saha yeyequinare quehnoano ihñā diho cūñā mūsa tiqinane mūsa ihñā cūato saha. ¹⁸ Peye tahari apequina tiqina ijije iyere yahuu yūhu mū sare. Yojo pu gāhare tutuaro bujua witi gu tiqinaretā yahuaja mū sare. Tiqina Cristo curusapu tiqiro yariari buheyere ihñā yabiyequina ijire. ¹⁹ Tiqina pecapu wahatiqina ijire. Tiqina ñañe tutuaro cahmeñe pehere tutuaro ye duare tiqina. Sa ye tiqina bue tiboyere yeye, tire quehnoañe yero saha tūhoture tiqina. Ahri yehpa cjē dihitare quehnoano tūhoture tiqina. ²⁰ Mari pehere mari ya maca ahmūsepu ijire. Sa yero topota marine yūhdūoatiqiro, mari puhtoro Jesucristo ahtarota. Sa yena tiqiro ahtatire cohtena niaja mari. ²¹ Tiqiro ahtarō mari pagurire pejecuoye pagurire sijoro saha ijije paguri dihita comesarota tiqiro. Sa yero tiqiro ya pagu yero saha quehnoari pagure asi siteri pagure ohorota marine tiqiro tutuaye mehna. Ijiphtiyequina puhtoro sajāri tiqiro, tiqiro tutuaye mehna. Sa yero ijiphtiyere upuro ijire tiqiro ti tutuaye mehna.

4

Decoripe mari puhtoro mehna bucueya

¹ Sa yena yūhu acaye, yūhu cahña, tutuaro yūhu wacūna, yūhare bucuegū yena, yūhu buhegū quehnoano tūhorina, panopu mūsa wacū tutuaro saha mari puhtoro tutuaro wacū tutuaya mūsa.

² Ahrire yahutja mū sare Evodiare, Sintique gūhare: Jesu yequina numia ijire mūsa. Sa yena cahme ñeheatō tutuaro marieno quehnoano mehna ijiducuya mūsa. ³ Mūhu pehe potota yūhu mehna cjū warota ijire. Mūhu gūhare yahutja: Tiqina numia yūhu mehna, Clemente mehna, apequina yūhu piti tiyequina mehna dahrari quehnoañe

buheyere usā buhegū. Cohācjū tiqinare ijiphtiyequina wamene ojoa ohōahye tiqiro ya tju pu. Ijiphtiyere decori catiyere tiqiro ohoriquina wamene tiqiro ojoa ohōri tju pu ojoa ohōahye. Sa yegu tiqina numiare bosaya mūhu.

⁴ Decoripe mari puhtoro mehna bucueya. Pari turita yahutja: Bucueya. ⁵ Quehnoano yeya ijiphtiyequinare. Mari puhtoro Cristo ahtato mehenogā dūhsare.

⁶ Ne bujua witi tūhotueracāhña. Cohācjūre quehnoano yahu pehoya. Sa yena tiqirore siniña. Sa yena mūsa sinidire tiqiro yūhtigū ihñana “Quehnoare”, niña tiqirore. ⁷ Mūsa sa yegū quehnoano ijigū yerota mū sare Cohācjū. Tiqiro sa yegū quehnoa yūhdūare. Ahri mari quehnoano ijije quehnoa yūhdūare. Sa yero Cristo Jesu yequina mari ijigū marine quehnoano ijigū yero, Cohācjū marine quehnoano jeripohna tigū yerota. Sa yero bujua witi tūhotueragū yerota marine.

Quehnoañe tūhotuya

⁸ Ahrire yahu bato tigu tūhu niaja mū sare, yūhu acaye. Queoro ijiyere, masa tiqina ño peoyere, quehnoano yeyere, ñañe marieñe, bucueyere, masa “Quehnoañe ijire”, tiqina niñene tūhotuya mūsa. Quehnoa yūhdūye ijigū tūretā tūhotuya. Masa quehnoañe ihñañe tiqina bucueye pehere mūsa gāhu bucu tūhotuya.

⁹ Mū sare yūhu buheriro sahata sa yeducuya mūsa. Sa yena yūhare ihñā cūñā mūsa. Mūsa sa yegū Cohācjū mū sare quehnoano ijigū yeriqiro mūsa mehna ijirota.

Filipo cjēna Pablōre tiqina ohorire yahuahye tiqiro

¹⁰ Yojo pu pūrita yoari pje bato mūsa pari turi yūhare wacūna, mūsa yedohoyere bucueaja. Sa bucuegu mari puhtoro Cristore “Quehnoare”, niaja. “Yūhare boaa wahari mūsa”, niedaja yūhu. Panopure yūhare yedoho duepenata yedoho masiedari mūsa. ¹¹ Yūhare mūsa yedohorire yahuu yūhare dūhsarire mū sare yahuu tūhu niedaja. Mū sare apee borore cahmegū sa nigu niedaja. Yūhu cuoye mehna iji masiaja yūhu. ¹² Apee boro cuoeragu gūhu quehnoano iji masiaja yūhu. Sa yegu pajiro cuogu gūhu quehnoano iji masiaja. Decoripe cuja ahbaga gūhu dūcapoā wahaja. Yari gu ijigu gūhu ijipoa wahaja. Pajiro cuogu gūhu ijipoa wahaja. Yūhare apee boro mariedagū gūhare ijipoa wahaja. ¹³ Cristo yūhare tutuagū yeriqiro mehna ijiphtiyere Cohācjū cahmeñe ye masi pehoaja yūhu. ¹⁴ Yūhu sa ijiporigu yūhu ijiepegata yūhu ñano yūhdūgū mūsa yedohona yūhare quehnoano yeri mūsa.

¹⁵ Quehnoañe buheyere yūhu buhe ducagū Macedonia yehpapu mūsa ya

yehparu ijirigu yahu wahagu musa dihita yuhure yedohori. Sa yedohona, musare yahu buheri wapa musa wapa yero saha yena nidi musa. ¹⁶ Sa yena Tesalonicaru yahu ijiri watoa yuhure yedohona, ihquē tahari ohori musa. ¹⁷ Apee borore sinigu sa nigu niedaja. Apequinare musa yedohogu Cohācjū musare quehnoano yerota. Tiquirore musa yedohori wapa Cohācjū musare tiquiro quehnoano yegu cahmeaja yahu. Sa yegu yuhure musa yedohorire wacūgu yeaja musare. ¹⁸ Yojopure yuhure quehnoano oho pehori musa. Yahu cahmedi yuhdoro ohori musa yuhure. Yuhure Epafrodito mehna musa ohori bato apee boro ne duhsaerare yuhure. Cohācjū wahupe ehme sitiye bue mo, Cohācjūre tiquina quehnoano bucuegū yeriro saha yuhure musa ohori gūhu Cohācjūre quehnoano bucuegū yeri. ¹⁹ Musa Cristore wacū tutuare. Sa yero ijipihiyere musare duhsarire ohorota mari Pacu musare, quehnoa yuhduye tiquiro cuoyere. ²⁰ Ijipihiyere decori mari Pacure Cohācjūre ño peouhna. Sata yeihna.

Pablo quehnoa dutiahye

²¹ Ijipihiyequina quehnoañequina Jesucristo yequina quehnoahdo. Mari acaye gūhu Jesu yequina yahu mehna cjēna musare quehnoa dutire. ²² Ijipihiyequina ohō cjēna quehnoañequina Jesu yequina quehnoa dutire. Roma cjēna puhtoro ya wahu cjēna pūrita tutuaro quehnoa dutire.

²³ Mari puhtoro Jesucristo cahñe mehna quehnoano ijiya.

Colosenses

Colosa cjenare ojoa ohoahye Pablo gahu

¹⁻² Yahu Pablo mari acayaro Timoteo mehna musare Colosa cjanare quehnoa dutiaja usa. Yahu Jesucristo yere buhe dutiro tiqairo cirigu ijiaja. Cohacju cahmeno sahata Jesu yuhare tiqairo yere buheacjare cūri. Sa yegu musare usa acaye Cristore wacu tutuaducunare ojoa ohoaja yahu. Sa yena Cohacju mari Pacu mehna musare quehnoa dutiaja. Sa yena tiqairo mehna quehnoano ijiaja masa.

Jesu yeqinare Pablo sini basahye Cohacjare

³⁻⁸ Musa ye ijiatire Cohacjare sini basana "Quehnoare", sa niducujaja usa. Tiqairo pehe mari puhtoro Jesucristo Pacuro ijire. Ijiphihye decori umusepu musare ijigu yerota Cristo pehe. Tiqairo sa yeatiqairo ijigu tire masa sa cohteducu wame tire. Cristo Jesure wacu tutua wame tire masa. Sa yena tiqairo yeqinare cah wame tire masa. Musa sa iji wame tigu Cohacju mehna bucue, tiqairore "Quehnoare", niaja usa. Ijiphihpore Jesu yequina pota ijiye buheyere quehnoane buheyere tiquina yahugu tuhoye masa quehnoane pehere comesare. Ahrireta masa guhare Epafra quehnoane buheyere yahuri jiri. Tiqairo usa tutuaro cahniqairo usa mehna Cristore dahra cohteriqairo ijire. Sa yero Cristo yere ne duherare tiqairo. Musare tiqairo sa yahugu tuhona, duita quehnoano ye wame tire masa. Sa yena Cohacju musare tiqairo cahinene pota masina, duita quehnoano ye wame tire masa. Musa sa yerire Epafra yahuri usare. Espiritu Santo yedohoye mehna Jesu yeqinare masa cahinene yahuri tiqairo usare. Tiqairo sa yahugu tuhona "Quehnoare", niaja usa Cohacjare.

⁹ Sa yena musare tuhona musare duita sa sini basaducujaja usa Cohacjare. Cohacju cahmeñene masa masi pehoatire tiqairore sini basaja usa. Tiqairo yere quehnoano masina masa ijiatire sini basaja usa. ¹⁰ Sa sini basaja usa mari puhtoro Cristo cahmeno sahata quehnoano masa yeatire. Musa sa yegu ihnāno tiqairo bucuero. Sa yena ijiphihye quehnoane masa yeatire sini basaja. Cohacjare masa masi nemoatire sini basaja. ¹¹ Ahri yahu yahuati guhare sini basaja usa. Cohacju tutuaye mehna masa tutuatire musare sini basaja. Sa sini basaja nāno yuhdupenata masa ihcāno sahatire. Nāno yuhdupenata masa sa tuhota cātire, masa bucueye mehna masa sa ijducuatit guhare sini basaja. ¹² Cohacju tiqairo yequina ijanare marine yere. Sa yero

tiqairo ohoyere cuoanajare yere marine tiqairo. Tiqairo ijioru buhrioru marine ohorota tiqairo. Tiqairo sa yegu ihnāna tiqairore masa "Quehnoare", niatire sini basaja usa musare.

¹³ Tiquirota marine pecaru waha-borinare yuhdugu yere. Panopare ti ñañene ye duhu masiedami mari. Nariqairo pehe marine dutiriqairo injinemedi. Cohacju pehe marine pecaru waha-borinare yuhdugu yeri. Macanore tiqairo cahniqairore puhtoro sōno umusepu marine ijigu yere. Sa yena tiqairo macano mehna injinata. ¹⁴ Tiquiro macano mehna marine yuhduore Cohacju. Tiquiro macano yariari mehna mari ñañene yerire bori Cohacju.

Masa Cohacju mehna tiquina cahme ihna tuhtigu ihnāno Cristo bosahye

¹⁵ Mari Pacure ihñamehnedare. Tiquiro macano pehe tiqairo Pacuro ijiye tiyere ihñore masare. Tiquiro macano ijiphihyequina pano, ijiphihye pano iji tuhasari jiri. Sa yero puhtoro ijire tiqairo. ¹⁶ Mari Pacu tiqairo dutigu tiqairo macano pehe tiqairo Pacuro mehna ijiphihyeqinare, ijiphihyere bajumehneahye. Umusepu ijiyere, ahri yehpapu ijiye guhare bajumehneahye. Mari ihñare, mari ihñedari guhare bajumehneahye. Umusepejena puhtoare, dutieyquine ijiphihyeqinare bajumehneahye. Tiquiro ijiphihyequina guhare ijiphihye guhare bajumehneahye. Sa yeye ijiphihyequina tiqairo yequina ijiatiquina ijimahye. Ijiphihye gahu tiqairo ye ijati ijimahye. ¹⁷ Ijiphihyequina pano, ijiphihye pano Cristo iji tuhasahye. Sa ye tiqairo tutuaye mehna ijiphihye gahu, ijiphihyequina gahu yojopare ijiye nine.

¹⁸ Mari tiqairo yequina ijiphihyequina tiqairo pagu yero saha tiqairo ya curua cjana ijiaja. Sa yero tiqairo mari dapu ijire. Tiquiro yariaro masa maha muhtariqairo ijire ijiphihyequina puhtoro, ijiphihyere cuoriquiro ijiro taro. ¹⁹ Cristo ihcāno sahata ijire mari Pacu tiqairo ijiro sahata. Tiquiro sa ijigata cahmeahye mari Pacu pehe. ²⁰ Ijiphihyequina masa tiqairo Pacurore cahme ihna tuhtie tiahye. Sa tiquina cahme ihna tuhtigu ihnāno Cristo bosa duahye. Umusepejenare, ahri yehpa cjenā guhare tiqairo Pacurore ihna tuhtieragu ye duahye Cristo. Sa yero umusepejenare, ahri yehpa cje gahu quehnoano ijigu cahmeahye tiqairo. Sa bosa duahye tiqairo curusapu yariaro, tiqairo diire cohāno. Tiquiro Pacuro cahmediro sahata yeahye Cristo.

²¹ Musa guhare sata yeri tiqairo. Tiquiro Pacurore ihna tuhtina tiqairo mehna cjana ijieramahye masa gahu. Nāñene yeri jinedi masa. ²² Tiquiro yariari mehna tiqairo Pacurore musare ihna tuhtieragu

yeri tiqiro. Sa yeri tiqiro quehnoana, ñañe mariena, buhiri mariena masare ijigū yero taro. Mūsa sa ijigū masare sa buhiri marienapure tiqiro Pacurore ohorota. ²³ Sata ohorota, mūsa tiqirore wacū tutuaducugū. Sa yerota tiqiro quehnoañe buheyere mūsa tuhorire mūsa boeragā. Ti buheyere quehnoañe buheyere ijipihtiequina ahri yehparapere ijieyequina tuhori jire. Sa yegu yūhū gūhū Pablo ti buheyereta yahugata ijiaja.

Jesu yequinare yedohoriquiro ijiro, bucueahye Pablo

²⁴ Cristo mari ñano yeri buhirire ñano yūhdūahye. Sa yegu yūhū gūhū masare yūhū buheri buhiri ñano yūhdūgū bucueaja. Sa ñano yūhdūgū Cristo marine tiqiro cūrire ye sohorti tigū niaja. Sa yegu bucueaja. Cristo yere mari yeri buhiri mari ñano yūhdū nemoñe duhsarīne. Sa yegu tiqirore mūsa wacū tutuatire ñano yūhdūgū bucueaja yūhū. Tiqiro pagū yero saha ijina tiqiro ya curua cĵāna ijire mūsa. ²⁵ Jesu yequinare yedohoacjare cūri Cohācĵū yūhure. Mūsa ye ijiatire yedohoacjare yūhure cūri tiqiro. Tiqiro yere masare yahu pehoacjare cūri yūhure. ²⁶ Tiqiro yere peye cahmari panopū cĵēnare yahu pehoera tiahye mari Pacū. Yojoṛū cĵēnare tiqiro yequinare tire quehnoano yahu peho cāhre. ²⁷ “Judio masa ijieyequinare yūhū buhegū yee buheye quehnoa yūhdūare”, ni tiqiro yequinare tire yahuri. Panopū tiqiro yahuerarire yojoṛū yahuri. Ohō saha ijire tiqiro ye: Cristo tiqiro yequina mehna ijire. Tiqiro sa ijigū tiqiro yequina ahmaseṛū quehnoa yūhdūaropū ijieti. Ti ijire panopū tiquina masiedari mari Pacū ye.

²⁸ Cristoreta yahuaja. Ijipihtieyquinare cuesāgū tiqinare buheaja yūhū. Quehnoano masīne mehna buheaja yūhū quehnoano Cristore masare masigū yegu tagū. Sa buheaja yūhū tiqiro yere tiquina quehnoano yeyequina ijigū yegu tagū. ²⁹ Ahri ijire yūhū dahraye. Mari Pacū tiqiro ye tutuaye mehna yūhure tiqiro ohori tutuaye mehna tutuaro dahraja yūhū, tiqiro yere buhega.

2

¹ Ahrire mūsa masigū cahmeaja. Mūsa ye ijiatire, Laodicea cĵēna ye ijiatire, ijipihtiequina apequina ye ijati gūhure tutuaro dahraja yūhū. Ijipihitina mūsa yūhure ihñena ye ijati gūhure tutuaro dahraja yūhū. ² Sa dahraja yūhū mūsa quehnoano jerepohna tiatire. Mūsa mehna cĵēnare mūsa cahme cahīati gūhure sa dahraja yūhū. Cohācĵū ye panopū tiqiro yahuerari Cristore masigū yeye ijire. Tiqiro yere masina tiqirore

wacū tutuare mūsa. Tiqirore mūsa quehnoano masiatire, tiqiro mehna mūsa quehnoano ijiatire tutuaro yedohoaja masare. ³ Apequina tiquina masiedarire Cristo dihita quehnoano masi peho cāhre. Sa yero quehnoano masiniqiro ijire tiqiro. ⁴ Ahrire niaja masare “Apequina masare sijoro saha tuho coaye buheye mehna ni mehoari”, nigū. ⁵ Yūhū mūsa watoa ijierapeguta yūhū wacūno mehna mūsa watoa ijigū yero saha tuhotuaja. Sa yegu Cristore mūsa quehnoano wacū tutuaducurire, mūsa quehnoano yeri gūhure masigū bucueaja yūhū.

⁶ Sa yena Cristore mūsa wacū tutu dūcariro sahata sata tiqirore wacū tutuaye mehna decoripe quehnoano ijiducuya. ⁷ Tiqirore quehnoano masina ijiaja mūsa. Sa yena decoripe tiqirore masi nemoñe panopū masare apequina tiquina buheriro sahata. Sa yena Cristore bucue, “Quehnoare”, niducuna ijiaja mūsa.

Cristo yequina ijina, quehnoañe pehere cahmeaja mari

⁸⁻¹⁰ Quehnoano yeya mūsa. Masa tiquina esa tuharo tiquina buheye tiquina ni mehoñene tuhoeracāhña. Tiquina panopū cĵēna tiquina esa tuharo niñene buhere. Tiquina sa niñe duhseati ijierare. Uhmuse cĵēna puhto a yere, watīa ye gūhure sa buhe maca cāhre. Cristo ye pehere buherare. Cristo mari Pacū ijiro sahata ijiriquiro ijiro, Cohācĵū warota ijirota nine. Tiqiro yequina ijina Cohācĵū mehna quehnoano ijiaja mari. Tiquirota ijipihtiequina puhto bui, angele puhto bui gūhure puhtoro ijire. Tire masina ni mehoñene buheyequinare tuhoeracāhña.

¹¹ Sa yena Cristo yequina ijina cuhnucunū cahserogāre yūhure nediquina yero saha ijire mūsa. Ti cahserogāre tiquina yūhure ne cohāriro sahata Cristo mūsa ñañene tutuaro cahmeñene cohāri. ¹² Tiqiro yequina ijina wame yenohrina wahari jiri mūsa. Tiqiro wame yenohrina wahana ohō saha ni ihñona nidi jiri mūsa: Panopū cĵē mūsa ñañe yerire mūsa duhurire ihñona nidi jiri mūsa. Ti mūsa ñañe yerire mūsa ya cūboro saha tire duhuri jiri mūsa. Cristo masa mujano quehnoanopū wahahye. Tiqiro sa wahariro sahata Cohācĵūre wacū tutuana “Tiqiro tutuariqiro ijire”, nina, quehnoañe pehere comesari jiri mūsa. Tiqiro Cohācĵū pehe Cristore masoriquiro ijire. Tiqiro wame yenohrina ijina quehnoañe pehere mūsa comesarire ihñona niaga mūsa.

¹³ Panopūre mūsa ñana mūsa ijiri buhiri pecapū wahaborina ijimahye mūsa. Sa wahaborina ijimahye mūsa Cohācĵū yequina ijierana. Tiqiro dutiye mariena ijimahye

musa. Yojoṗare mari Pacu marine tiqairo mehna sa ijiducuanare yeri. Cristo tiqairo yariari mehna sa yeri tiqairo marine. Sa yero ijipihina mari ñaṇe yerire bo cāhiri jiri tiqairo. ¹⁴ Cohācǰū tiqairo dutiyere yuhdudacana mari ijiepegāta tiqairo marine buhiri ti dutierari jiri. Ti dutiye marine buhiri dahre dutiepegāta ti dutiyere sa ihña cāhno, marine buhiri ti dutierari jiri. Cristo curusapu tiqairo yariari mehna Cohācǰū pehe mari ñaṇe buhirire cohā cāhre. ¹⁵ Masa tiquina ihñonopu wafia pūhtoare Cohācǰū yuhdudacahye. Ihyo ijieyequina tojoa cāhye tiquina pehe. Sa yero tiquinare buoro wahagū yeahye. Curusapu yariaro Cristo ñaṇequina pūhtoare yuhdudacahye.

Ūhmuse cǰēne Cohācǰū yere cahmeña

¹⁶ Sa ye apequina masa ihyayere, masa sihniñe gāhure ihñaṇe musare “Buhiri tina ijire”, ni ihñaboaga. Tiquina sa ni ihñagū sa ihña cāhña tiquinare. Cuhmaripe ijie decorire, asūripe ijie decorire, semanaripe ijie decorire bose decori masa yeragū ihñaṇe musare “Buhiri tina ijire”, niboaga tiquina. Tiquina sa nigū sa ihña cāhña tiquinare. ¹⁷ Panopu ti ihya dutiyere, bose decorire ye dutiyere, apeye dutiye gāhure cūahye Cohācǰū marine buhero taro. Ti dutiye mehna camepu tiqairo yeatire Cohācǰū ye ihñono niahye. Cristo tiqairo ijie tiatire mehenogā ye ihñono niahye masare. “Tiqairo ohō saha waharota”, nino sa ye ihñono niahye. Sa yeati ijimahye ti dutiye. ¹⁸ Ohō saha nimene ti dutiyere ye dutiyequina. “Sijoro saha ijiyere bajuagū ihñau usā”, niñe, tiquina angelere Cohācǰūre tiquina ño peoboro saha ño peomene. Apequina masa yero saha tiquina ñaṇene tutuaro cahmeñene tuhotumene tiquina. Sa ijieyequina ijie “Masi peho cǰā usā”, ni tuhotumene tiquina. Sa yeze tiquina apequinare “Yuhdudacaeraja”, niñequina, sijoro saha yeeyequina yero saha ye ihñomene musare. Sa yeze musare tiquinare ihña cū dutire. Tiquina sa dutigū tiquinare sa ihña cāhña. ¹⁹ Sa yepeta Cristo tiqairo dutiro saha yeze niedare. Cristo pehe tiqairo yequinare dapu yero saha ijire tiqairo yequina pūhtoro jiro. Tiqairo yequina pehe tiqairo pagu yero saha ijieyequina tiqairo ya curua cǰēna ijire. Mari cohāri dohye mari wa dari gāhu mari pagure ihcā pagu ijigū yere. Sata Cristo pehe tiqairo yequinare ihcāno mehna quehnoano mehna ijigū yere. Sa yero Cohācǰū pehe tiqairo yequinare tiqirore masi nemogū yere.

²⁰ Sa ye Cristo yequina ijina ñaṇene ye duhurina ijire masa. Sa yena ahri yehpa cǰē ñaṇe buheyere cahmedacāhña. Ti buheye ūhmusepu ijimediquina ñaṇequina pūhto

ye ijire. Sa yena ti buheyere cahmedacāhña. ¿Dahse yena masa tiquina esa tuharo dutiyere ño peojari masa?

²¹ Ohō saha ni dutire tiquina esa tuharo dutiyequina: Ahri borore ihyeracāhña. Ahri borore ne ihya tuheracāhña. Ahri borore piheracāhña. Sata ni, dutire tiquina. ²² Mari apee borore ihyagū duita pihtia wahare. Sa ijie borore pihtie borore tuhotuye nine sa dutiyequina. Tiquina sa dutigū ahri yehpa cǰē dutiye dihitā ijire ti dutiye. Masa tiquina esa tuharo tiquina buheye dihitā ijire ahri buheye. Sa ye dahseati ijierare. ²³ Ti dutiyere yeeyequina Cohācǰūre ño peoyequina yero saha ijimene. Sa ijie apequinare yuhdudacayequina yero saha ye ihñomene. Tiquina pagurire ñano yuhdugū yeze Cohācǰūre ño peoyequina yero saha ye ihñomene tiquina. Tiquina sa yegū tiquina ye dutiye pehe masi peoyequina ye dutiye yero saha ijimene. Sa ijierare. Ti dutiyere yepeta tiquina ñaṇene tutuaro cahmeñene duhuereare. Sa ye tiquina ye dutiye pehe dahseati ijierare.

3

¹ Sa yena Cristo yequina ijire masa. Panopu masa ñaṇe yerire duhu, quehnoañe pehere comesari jiri masa. Sa comesana ijina ūhmuse cǰēne Cristo yere cahmeña masa. Topare mari Pacu potō pehepu dujire tiqairo. ²⁻³ Ūhmuse cǰē Cohācǰū yere quehnoano tuhotuya masa. Ahri yehpa cǰē ñaṇene wacū nunuedacāhña masa. Cristo yequina ijina ti ñaṇene wacū duerare masa. Tiqairo pehe ti ñaṇene cahmotare. Sa yena tire wacū nunuedaro cahmene musare. ⁴ Sa yena Cristo ūhmusepu marine sa ijiducuatinare yeriqairo tiqairo ahtagū tiqairo mehna wahanata masa. Sa wahana tiqairo mehna cǰāna ijinata.

Cristo yequina mari ijato panore ñaṇene yemi mari

⁵ Sa ye ñaṇene ye duhu cāhña masa: Omoca dāhterina gāhu, dāhterarina gāhu wāana tiyere, ña yuhduaro yeze, apeqiro namonore tutuaro cahmeñene, apecoro manonore tutuaro cahmeñene, ñaṇene tutuaro cahmeñene duhu cāhña masa. Apee borore tutuaro cahmena “Cohācǰū ijire”, tiquina niñe queoyere mari cahmeno sahata yena niaja mari tire. Doeri cǰēne ño peoyequina yero saha yena niaga masa. ⁶ Ti ñaṇene yeeyequina Cohācǰūre yuhdudacayequina ijire. Tiquina sa ye yuhdudacagū ihñano tiquinare buhiri dāhrerota. ⁷ Panopare masa pehe ti ñaṇene yena ijina tiquina mehna ijrina ijimahye masa.

⁸ Sa ijimedina ijiepenata vojopare ahri ñañene duhu peho cãhña musa: Usuayere, apequinare ñano ni tuhotuyere, apequinare ñano quti dahreyere, ñano yahuducuyere tire ijipihtiyere duhu cãhña. ⁹⁻¹⁰ Musa pehe Jesu yequina wahana ti ñañe yeyere duhu tuhasari jiri. Sa yena quehnoañe pehere comesarina ijire musa. Musare quehnoañe pehere cahmegü yero nine Cohãcjü tiqiro yero saha musa ijiato saha. Sa yere tiqiro quehnoano tiqirore musa masiato saha. Sa yena musa mehna cjênare ni mehoedacãhña. ¹¹ Cristo yequina ijina judio masa, judio masa ijena gãhu ihcãno saha ijire musa, Cohãcjü ihñagü. Cuhnucunã cahserogãre yãhre nediquina, yãhre nedariquina gãhu Cristo yequina ijie ihcãno saha ijire, Cohãcjü ihñagü. Ape yehpa cjêna, musa masieñequina, musa ya yehpa cjêna gãhu Cristo yequina ijie ihcãno saha ijire, Cohãcjü ihñagü. Dahra cohteyequina, dahra cohteyequina ijieyequina gãhu Cristo yequina ijie ihcãno saha ijire, Cohãcjü ihñagü. Jesu ijipihtiyequina tiqiro yequina mehna ijire. Ihyo ijiriqiro ijierare, tiqiro yequina ihñagü.

¹²⁻¹³ Sa ye Cohãcjü beserina, quehnoana, tiqiro cahña ijina ohõ saha ijia musa: Apequinare paja ihñana, apequinare quehnoano yena, apequinare quehnoano mehna yena, “Apequinare masi yuhduducaja”, niëna, musare tiquina ñano yepegãta sa tuhotu cãna ijia musa. Musa mehna cjêna mehna usuana, tiquinare quti dahrena, musa basi usua duhuya. Mari puhtoro musa ñañe yerire bori. Sa tiqiro boriro sahata musa gãhu musa mehna cjêna musare tiquina ñañe yerire boya. ¹⁴ Ahri dutiye yuhduoro ohõ saha ni dutiaja musare: Apequinare cahña. Musa sa yena quehnoano ijipihtiyequina mehna ihcãno mehna ijinata. ¹⁵ Cristo marine quehnoano ijigü yere unureno marieno mari ijiato saha. Tiqiro sa yegü quehnoano ijia musa basi. Sa yeatinare tiqiro yequina ijiatinare cãhye mari Pacu musare. Sa yena Cristo pagu yero saha ihcã curuata ijire musa. Sa ye Cohãcjüre “Quehnoare”, ni bucuena ijia musa.

¹⁶ Cristo ye buheyere quehnoano wacüducuya musa. Quehnoano masi buheya tiqiro yere. Cua pesaro mehna tire yahuya. Sa yena Salmore Cohãcjü yere basayere, apeye tiqirore ño peo basayere tiqirore basa peoya. Quehnoano wacü ño peoye mehna basa peoya. Sa basana tiqiro yere quehnoano wacüña musa. Sa yena Cohãcjüre “Quehnoare”, ni bucuena ijia musa. ¹⁷ Ijipihtiyere dũhse ijiyere musa yeyere quehnoano jeripohna ti yeya, mari puhtoro Jesu tiqiro bucuato saha. Cristore ño peore musa. Sa yena

tiqirore ño peoye mehna quehnoañe dihitare yahuducuya. Sa yena Cristo yedohoye mehna Cohãcjü mari Pacure sinina “Quehnoare”, ni bucuaya tiqirore.

Jesu yequinare ihcãno mehna iji dutiye ohõ saha ijire

¹⁸ Musa manũ tina numia, musa manũsumãre quehnoano yuhtiya musa. Sata yero cahmene musare mari puhtoro Cristo yequina numia ijina.

¹⁹ Musa namo tina, musa namosãnumiare cahña. Sa yena tiquina numiare tuhtieracãhña.

²⁰ Musa tiquina pohna gãhu, musa pacusumãre yuhduducacãhña. Musa sa yegü ihñano mari puhtoro quehnoano bucuere.

²¹ Musa tiquina pacusumãre gãhu musa pohnare sa tuhtiducueracãhña “Bũjua witiãgü yeari”, nina.

²² Cahacãna, musa puhtoare ahri yehpa cjênare quehnoano yuhtiducuya. Tiquinare bucuere dutina tiquina ihñonopũ dihitare yuhtina ijieracãhña. Tiquina mariedagü gãhure yuhtiya. Mari puhtoro Cristore cua pesaro mehna musa ihñano sahata quehnoano mehna yuhtiya musa puhtoa gãhure.

²³ Potota Cristo yequina ijina quehnoano yuhtire musa tiqirore. Sa yena musa puhtoare ahri yehpa cjênare yuhtina, Cristore musa yuhtiro saha yuhtinata nine musa. Sa yena musa puhtoa tiquina dutiro sahata tutuaro mehna dahraya, Cristo ye dutiye ti ijiboriro saha. ²⁴ Musa sa yegü Cristo musare quehnoano yerota. “Musare ohoutja”, tiqiro niñene musare ohorota mari puhtoro. Tire masine musa. Mari puhtoro Cristo cahacãna ijire musa. Sa yero tiqiro pehe musa puhtoro waro ijire. ²⁵ Tiquina puhtoare yuhduducayequinare buhiri dahrerota mari puhtoro pehe. Sa yuhduducayequinare ihcãquiro duhsaro marieno ihcãno saha buhiri dahrerota tiqiro.

4

¹ Musa puhtoa pehe, musa cahacjênare pote queoro quehnoano yeya tiquinare. Musa gãhu puhtoro core. Musa puhtoro musa cuoriquiro pehe ahmuse cjãno ijire. ² Decorie Cohãcjüre siniña musa. Quehnoano wacü tuhotu siniña. Sa yena “Quehnoare”, niña mari Pacure. ³⁻⁴ Usã ye ijiati pehere sini basaya tja. Cristo yere apequina panopũ tiquina masiedarire buhena niãja usã. Tiquinare usã quehnoano masigü yeati pehere sini basaya mari Pacure. Cristo yere yuhũ buheri buhiri yuhũ vojopare peresupũ ijiaja. Sa yegü musa sa sini basagũ cahmeaja

tiqiro yere yuhū quehnoano yahuatire. Cristo dutiriro saha yuhū yahuatī pehere sini basaya.

⁵ Jesu yequina ijieyequina mehna ijina quehnoano yeya m̄sa. Cristo yere yahuya tiquinare. Tiquina mehna m̄sa ijiro puno sata quehnoano yeya. ⁶ Tiquina mehna yahuducuna quehnoano bucueye mehna yahuducuya. Quehnoañe dihitare yahuducuya. Apequina m̄sare tiquina sinitugū quehnoano masiña m̄sa yuhtiatire.

Quehnoa duti bato tiahye Pablo

⁷ Tiquico mari acayuro Jesu yaquiro ijire. Tiquiro yuhū ijiye tiyere m̄sare yahurota. Tiquiro mari cahñiquiro ijire. Cristo yere buhero, usā mehna dahrariquiro ijire. Sa yero Cristo yere ne duhuerare tiqiro.

⁸ M̄sa cahapu tiqirore ohou yuhū usā ijiye tiyere m̄sa masino quehnoano. Tiquirore ohou yuhū m̄sare bucuegū yeatiqirore.

⁹ Onésimore mari acayurore m̄sa cahapu ohou. Tiquiro gūhu Cristo yere ne duhuerare. M̄sa mehna cjāno ijire. Tiquina p̄aro usā ohōre dahse yuhūre yahuetā m̄sare.

¹⁰ Aristarco peresupu ijiriquiro yuhū mehna cjāno m̄sare quehnoa dutire. Marco gūhu quehnoa dutire. Tiquiro Bernabé basuriro ijire. Tiquirore yahu tuhasau m̄sare. M̄sa cahapu tiqiro esagū quehnoano mehna tiqirore piti caya. ¹¹ Jesu “Justo”, tiquina ni pisuriquiro quehnoa dutire tiqiro gūhu. Ahriquina ihtiarota yuhū mehna dahrayequina judio masa waro ijire. Judio masa waro tiquina dihita Cohācjū yere yuhū mehna buhere. Sa buheaja usā Cohācjū yequina masa wahatire, Cohācjūre tiquina puhtoro tiatire. Tiquina yuhūre quehnoano yedohoriquina ijire. ¹² Epafra m̄sa mehna ijiriquiro m̄sare quehnoa dutire. Tiquiro Cristore dahra cohteriquiro ijire. Cohācjūre sinino, m̄sa ye ijiatire tutuaro sini basaducuro nine tiqiro. Cohācjūre quehnoano wacū tutuaducuatiquinare, tiqiro cahmeno saha yeatiquinare m̄sa ijiatire sa sini basaducuro nine tiqiro Cohācjūre.

¹³ Tiquiro m̄sa ye ijiatire tutuaro sini basare. Laodicea cjēna ye ijiatire, Hierapoli cjēna ye ijiati gūhure tiqiro tutuaro sini basare. Tiquiro sa yeriquiro ijigū ihñagu m̄sare yahugu niaja. ¹⁴ Duturu Luca mari cahñiquiro m̄sare quehnoa dutire. Dema gūhu quehnoa dutire.

¹⁵ Quehnoahdo mari acaye Jesu yequina Laodicea cjēna. Ninfa gūhu quehnoahdo. Jesu yequina ticoro ya wuhupu cahme-coañequina gūhu quehnoahdo. ¹⁶ Ahri pūre yuhū oja ohori pūre m̄sa mehna cjēnare m̄sa buhe tuhasari bato Laodicea cjēna gūhure ohoya. Sa yena tiquinare Laodicea cjēnare yuhū oja ohori pūre m̄sa gūhu

buheya. ¹⁷ Sa yena ohō saha niña Arquipore: “Mari puhtoro Jesu yaquiro m̄hu ijigū tiqiro yere buheacjūre cūri m̄hure. Tiquiro sa cūgū quehnoano buhe sohtori tiya m̄hu”, niña tiqirore.

¹⁸ Yuhū Pablo, yuhū omoca mehna ahrire ojaaja. M̄sare quehnoa dutiaja yuhū. Peresupu yuhū ijiyere wacū, sini basaya m̄sa Cohācjūre. Quehnoano ijiya m̄sa. Cohācjū cahñe mehna m̄sare quehnoa dutiaja.

1 Tesalonicenses

Pablo oja ohoahye Jesu yequinare Tesalónica cjēnare

¹ Yuhu Pablo, Silvano, Timoteo gāhu musare quehnoa dutiaja. Sa yegu ahrire musare oja ohoaja yuhu, Pablo. Musa pehe Tesalónica cjēna mari Pacu Cohācjū yequina ijire. Mari puhtoro Jesucristo yequina gāhu ijire masa. Sa yena Cohācjū mari Pacu, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijija masa.

Jesu yequina Tesalónica cjēna pehe Jesure quehnoano wacū tutuahye

² Cohācjūre sinina ijipihtiyequina Jesure masa wacū tutuayerē wacūna, “Quehnoa yuhduare usāre”, niducuaja usā musare. Cohācjūre sinina, masa ye ijiatire sa sini basaducuna niaja usā. ³ Musa pehe Jesucristore quehnoano wacū tutuañohiti. Sa wacū tutuana, Jesu yere yeñohiti masa. Jesucristore, apequina gūhare masa cahñohiti. Sa cahña, Jesu yere tutuaro yena niaga masa. Jesucristore mari puhtorore wacū tutuaducūñohiti masa. Sa wacū tutuaducuna musare tiqiro yuhduoatire masina, tire cohtena niñohiti masa. Sa yena tiqirore wacū tutua duhuerañohiti masa. Cohācjū mari Pacure sinina, tire masa sa yerire wacūaja usā. ⁴⁻⁵ Usā acaye, Cohācjū cahñona ijire masa. Musare tiqiro beserire masiaja usā. Sohō ijiri pje musare quehnoañe buheyere buhena sa yahu cāna niedu musare. Espiritu Santo tiqiro tutuaye mehna quehnoañe buheyere buhena nii musare. Sa buhena ti buheye poto ijigū quehnoano masii usā. Sa yena masa watoa usā ijina, usā yerire masine masa. Musare yedohona sa yei usā. Musare buherina ijina, Cohācjū beserina masa ijigū masiaja usā.

⁶ Sohō ijiri pjepure masa ñano yuhduna, quehnoañe buheyere cahmedi masa. Masa sa cahmegū, Espiritu Santo pehe musare quehnoano bucegū yeri. Tiquiro sa yegū masa pehe usāre ihña cū, usā yeriro sahata yeri. Sa yena Jesu gūhare ihña cūri masa. ⁷ Sa ye Jesu yequina Macedonia yehpa cjēna, Acaya yehpa cjēna gāhu Jesu yere masa yerire masidi. Sa masiñe tiquina gāhu musare ihña cū, masa yeriro sahata yeri. ⁸ Macedonia yehpa cjēna, Acaya yehpa cjēna gāhu mari puhtoro yere masa bugegū tuhooñohiti. Cohācjūre masa wacū tutuarire tuhoriquina pehe tiquina dihita ijierare. Ijipihtiro cjēna masa wacū tutuarire tuhooñohiti. Sa ye usā tiquinare yahuerapēgūta tire masi tuhasari tiquina. ⁹ Sa ye masa cahapu usā

tinidire, usāre masa quehnoano piti carire yahuri tiquina ijipihtiro cjēnare. Sa yena Cohācjū pehere wacū tutuana, “Cohācjū ijire”, ni masa ño peoye queoyere cohā cāri masa Cohācjū ye pehere yena tana. Tiquiro Cohācjū pehe catiriquiro, Cohācjū waro ijire. ¹⁰ Sa ye “Cohācjū macunore hhmasepu ahtatiquirore Tesalónica cjēna cohteye nine”, ni yahuri masa musare. Tiquiro macunore yariariquirore Cohācjū masoahye. Tiquiro sa masogū tiqiro macuno Jesu pehe marine ña yuhduaro tiqiro buhiri dahreborinare yuhduori jiri.

2

Tesalónica wame tiri macapu tiqiro dahrarire yahuahye Pablo

¹ Musa cahapu ijina usā sa iji cāna nieda tii. Musare quehnoano yedohorina ijie tii usā. Tire quehnoano masine masa, usā acaye. ² Sa yena Filipopu ijina ñano usā yuhdarire, usāre ñano tiquina yerire quehnoano masine masa. Usāre tiquina sa yepegūta Cohācjū yedohoye mehna cuero marieno Cohācjū yere quehnoañe buheyere buhei usā masa gūhare. Usāre masa peyequina tiquina ihña tuhtiepegūta quehnoañe buheyere buhei usā musare. ³ Musare buhena quehnoano usā masidire buhei usā musare. Sa buhena potota musare yedohona nii. Musare buhena ni mehoedu. ⁴ Cohācjū cahmeno saha buheaja usā. Quehnoañe buheyere buheanare Cohācjū beseri usāre. Tiquiro sa beserina usā ijigū tiqiro ye buheyere usā bugegū quehnoarine, Cohācjū ihñagū. Sa yena ohō saha buheaja usā. Masa tiquina ihña bucuatire buhena niedaja usā. Cohācjū pehe usāre tiqiro ihña bucuatire tiqiro yere buheaja usā. Tiquiro pehe mari tuhutuyere, mari ye duayerē quehnoano masine. ⁵ Quehnoañe buheyere buhena tuho buceati yahuducuyē mehna buhena niedu. Queoro quehnoano mehna buhei usā musare. Ahrire masine masa. Sa yena usā buhena, musare apee borore wapa cahmena niedu usā. Ahrire Cohācjū masine. Potota nigu niaja. ⁶ Sa buhena masa usāre tiquina ño peoatire yena niedu usā. Musare apequina gūhare usāre ño peo dutina tana niedu.

⁷ Sa ño peo dutierapenata Cristo cūrina ijiaja. Sa tiqiro cūrina ijina musare wapa cahmeboya usā. Sa yena puhto yero saha musare dutina ijiboya usā. Sa ijiepenata numino ticoro nijinogāre ticoro quehnoano masoriro saha quehnoano mehna yei usā musare. ⁸ Sa yena musare quehnoano cahmena, Cohācjū yere quehnoañe buheyere buhei usā musare. Sa yena ti dihitarē yena

niedu musare. Musare quehnoano yedohou, usã catinina. Usã cahîna musa ijigũ musare sa yedohou usã. ⁹ Sa musare cahîna tutuaro yedohou usã musare. Tire wacũre musa, usã acaye. Cohãcjũ yere quehnoañe buheyere buhena musa cwoyere sinî cariboeru musare. Sa yena decori, ñamini gãhure dahrau usã.

¹⁰ Quehnoano, potu, ni mehonu marienu musare Jesu yequinare usã yerire masine musa. Cohãcjũ gãhu tire masine. ¹¹ Sa yena ihcãquiro masano tiquiro pohnene tiquiro quehnoano yahu bucuegũ yeriro saha musa gãhure yahuna bucuegũ yei. Tire masine musa. ¹² Cohãcjũ tiquiro puhtoru ijiroru, quehnoa yuhduaroru musare pijiori. Sa yena tiquiro yequina musa ijigũ Cohãcjũ cahmediro sahata musare iji dutũ usã.

¹³ Cohãcjũ yere musare usã yahurire musa tuhona, ohõ saha ni tuhaturi musa: “Masa tiquina esa tuhoro tiquina buheye ijierare. Cohãcjũ ye buheyeta ijire”, ni tuhaturi musa. Tire musa tuhutugũ masina bucueaja usã. Sa yena Cohãcjũre sinina “Quehnoare”, niaja usã tiquirore. Ijirota ijire. Musare usã buheye Cohãcjũ yahuducuye potu ijirota nine. Sa yero musa Jesure wacũ tutuana ijigũ Cohãcjũ tiquiro ye buheye mehna musare quehnoañe pehere comesagã yere. ¹⁴ Jesucristore wacũ tutuayequinare Judea yehpa cjenare tiquina yeriro saha musa gãhure yeri apequina. Judea yehpa cjẽna Jesu yequina pehere tiquina acaye ijiepetã ñano yuhdugũ yeri judio masa pehe. Musa gãhure musa ya dihta cjẽna ñano yuhdugũ yeri. ¹⁵⁻¹⁶ Judio masa pehe Cohãcjũ yere yahu mahtariquinare panoru cjenare wejẽe tiahye. Sa ye mari puhtoro Jesu gãhure wejẽahye tiquina. Sa yeye tiquina usãre cohãri. Cohãcjũre tiquina bujua witigũ yeri. Sa ye peyequina masare ihña tuhtiri tiquina. Judio masa ijieyequinare Cohãcjũ yere usã yahu duami tiquina gãhure pecaru wahaboriquinare “Cohãcjũ yuhduoahro”, nina. Usã sa yahu duepegũta judio masa pehe usãre ne Cohãcjũ yere apequinare yahu dutierari. Sa yahu dutieraye pajiro buhiri ti nemoñe nine tiquina. Yojoaru tiquinare tutuaro Cohãcjũ buhiri dahrerota.

Pablo Tesalónica cjẽna caharu pari turi tini duamahye

¹⁷ Usã acaye, yojoaru mehenogã musa caharu ijierana musare wacũna niaja. Sa yena musare tutuaro ihña duana, musa caharu waha duami. ¹⁸⁻¹⁹ Ihquẽ tahari yahu Pablo musare ihñagu waha duami. Yahu sa waha duepegũta Satana pehe usã wahaboriuro dojomehnedi. Sa yena wahaeru usã. Usãre bucuegũ yena musa ijigũ musare ihña duami. Usã buhegũ quehnoano tuhoriga ijire musa. Mari

puhtoro Jesu ahri yehparu tiquiro tojoa tagũ musa pehe usãre bucuegũ yenata. Sa yena bucueye mehna musa mehna Jesu potu ducunata. ²⁰ Sata ijire. Musare ihñano Jesu pehe “Quehnoano buheri musa”, ninota usãre. Sa yena quehnoano bucueaja usã.

3

¹⁻² Sa ye musare yoari pje ihñedana musare tutuaro tuho duana tire wacũna, Timoteore musa caharu ohou. Tiquiro mari acayuro Jesu yaquiro Cohãcjũ cahacjũno ijiro, usã mehna quehnoañe buheyere buheriquiro ijire. Sa yena tiquirore ohou Jesucristore quehnoano musa wacũ tutuatare, musa bucueati gãhure. Tiquirore ohona usã sehsharo Atena wame tiri macaru tojoari. ³ Musa ñano yuhduapenata Jesu yere musa cohãedatire ohou usã Timoteore. Jesu yequina ijina ñano yuhduanata mari. Tire masine musa. ⁴ Panopure musa mehna usã ijinina, mari ñano yuhduatireta yahu tuhasaru musare. Sa yena usã nidiro sahata mari ñano yuhdu. Tire musa quehnoano masine. ⁵ Sa yegu musare yoari pje ihñedagu musare tutuaro tuho duau. Sa yegu Jesure musa wacũ tutuarire masigu tagu Timoteore ohou yahu. “Watino musare ñano ye dutiari”, nigu, “Musare usã buherire musaru duhari”, nigu, tiquirore ohou yahu. Jesu ye buheyere musa duhugũ musare usã buheri duhseati ijieraboaga.

⁶ Sa yero yojoaru Timoteo musa caharu ijiriquiro usã caharu tojoa wihiri. Sa tojoa wihiro quehnoañe qutire usãre yahuri tiquiro. Jesure musa quehnoano wacũ tutuayere, apequinare musa cahñe gãhure tiquiro yahuri usãre. Sa ni tuhasa usãre musa quehnoano wacũrre, musare usã ihña duariro sahata musa gãhu tutuaro usãre musa ihña duarire yahuri usãre tiquiro. ⁷ Sa yena usã acaye yojoaru ñano yuhduapenata musa Jesure quehnoano wacũ tutuagu tuhona usã bucueaja. ⁸ Jesure musa quehnoano wacũ tutuarire tiquiro yere musa cohãedarire tuhona quehnoano jeri sajãja usã. ⁹ Sa ni tuhutuna, Cohãcjũ ihñonopu usã tutuaro bucueaja. Sa bucuenta Cohãcjũre “Quehnoare”, niaja usã. ¹⁰ Deco gãhure, ñamipu gãhure Cohãcjũre siniaja musare usã ihñatire. Jesu yere musa quehnoano masi pehogũ ye duaja usã quehnoano musa tiquirore wacũ tutua nemoatire.

¹¹ Cohãcjũ mari Pacu tiquiro basi, mari puhtoro Jesu gãhu usãre tiquina yedohogũ cahmeaja musa caharu usã wahatire. ¹² Sa yero mari puhtoro Jesu ijipihtiyequina musa mehna cjenare, ijipihtiyequina apequina gãhure cahî nemogũ yehro musare. Musare usã cahĩdiro sahata tutuaro cahî nemogũ yehro musare.

13 Músare quehnoano tiquiro yedohogā, buhiri mariena, ñaŋe mariena ijinata msa, Cohācjū mari Pacu ihñagū. Mari puhtoro Jesu ijiptiyequina tiquiro yequina quehnoañequina mehna ahri yehpapu tiquiro tojoa tagū sata ijinata msa.

4

“Cohācjūre bucuegū ye duana ohō saha yeya”, ni yahuahye Pablo

¹ Yojoḡure Jesu mari puhtoro tiquiro dutiro mehna músare ohō saha ni yahuaia: “Cohācjūre bucuegū ye duana ohō saha yeya”, ni buhei usā músare. Usā sa buheri bato usā buheriro sahata yeñohti msa. Msa sa yeriro sahata ye nemoña. Tire tutuaro ye dutiaja músare.

² Jesu mari puhtoro tiquiro buhe dutiro mehna músare usā buherire quehnoano masine msa. ³ Ahrire músare yahu nemoutja: Msa ohō saha ijigū cahmene Cohācjū: Ñañene yeracāhña. Cohācjū ye pehere yeya. Sa yena numia mehna ñano yeracāhña. Msa numia gāhñu mehna ñano yeracāhña. ⁴ Ñano yero marieno, ño peoye mehna msa namosānumiare cuoya. Cohācjū msa tire masigū cahmene.

⁵ Cohācjūre cahmeñequina Cohācjūre masieñequina ñañene tutuaro cahmeñe, numia mehna ñano tiquina yeriro saha yeracāhña msa pehe. ⁶ Tiquina yero saha msa yeragū cahmene Cohācjū, msa acayro namono mehna msa ñano yeratire. Msa sa ñano yena msa acayrore yuhducana niaga. Mari puhtoro Cohācjū ti ñañene tiquina yegū ihñano buhiri dahreatiquiro ijiro nine. Sa yena músare cuesāna tire yahuaia músare.

⁷ Ñañene yeannare beserahye Cohācjū marine. Ñañene ye dutieraro beseahye marine. ⁸ Sa yena ijiptitina msa ahri usā buherire yuhducana, masa ye buheyere yuhducana niedare msa. Cohācjū ye pehere yuhducana nine. Tiquiro músare Espiritu Santore ohoriquiro ijire.

⁹⁻¹⁰ Msa acayere Jesu yequinare cahme cahñene Cohācjū músare buhe tuhasari. Tiquiro sa buhegū potota Jesu yequinare Macedonia cjēnare ijiptiyequinare quehnoano cahñe msa. Msa sa cahñgū ihñana “Msa acayere cahme cahña”, ni buheraja músare. Tiquinare cahñ tuhasare msa. Sa ni buhe nemoedapenata ahri pehere músare dutiaja. Yojoḡure apeqinane msa cahño sahata cahñ nemoña msa.

¹¹ Sa yena msa basi cahme ihña tuhtiro marieno ijija msa. Apeqinane sijoro saha ni yahuducueracāhña. Sa ihña cāhña tiquinare. Sa yena msa ye dahraye pehere quehnoano dahraya. Panoputa músare sa ye dutii. ¹² Sata yeya msa, apeqina

músare tiquina ño peotire, apeqina yere msa cariboerare.

Ahri yehpapure Jesu tojoa tatire yahuahye Pablo

¹³ Yojoḡure yariariquina mnanare yahutja músare: Jesure cahmedaye, masa Cohācjū cahapu wahasi. Sa ye tiquina mehna cjēna tiquina yariagū ihñañe tutuaro bujua witiere. Yariariquina mna tiquina dahse wahatire potota quehnoano msa masigū cahmeaja usā, apeqina tiquina bujua witiro saha msa bujua witiatore. ¹⁴ Jesu yariari bato masa mujari jiri. “Ti potota ijire”, niaja mari. Sa yena ahri gāhñe “Ijirota ijire”, ninata. Cohācjū pehe tiquiro yequina mnanare yariariquina mnanare masa mujagū ye, neanota Jesu mehna. Ti gāhñe “Ijirota ijire”, niaja mari.

¹⁵ Jesu tojoa tagū tiquiro yequina yariariquina mna catiyequina pano masa msa muhtaeta. Mari puhtoro Cohācjū ye yahuyeta ijire ahri. ¹⁶ Ohō saha ijirota Jesu tojoa tagū: Mari puhtoro tiquiro basi tutuaro sañuducu muhtanota. Sa yero tiquiro yequina angele puhtoro tutuaro pisurota. Sa tiquiro pisugū Cohācjū ya corneta bisirota. Tiquina sa yegū Jesu yequina yariariquina mna masa msa muhtaeta. ¹⁷ Came catiyequinare, yariariquina mna mehna Cohācjū ahmusepu mujagū yerota. Tiquiro sa yegū mari puhtoro Jesure piti canata mari. Sa piti cana ijiptiye decori mari puhtoro Jesu mehna ijinata mari. ¹⁸ Ahri yuhñu yahurire msa mehna cjēnare yahuya. Sa ni yahuna, bucuenata msa ijiptitina.

5

¹ Jesu tojoa tati decore “Ahri deco tojoa tarota”, ni, músare yahu ojoasi. ² Yojoḡu msa masino saha tiquiro tojoa tati decore marine masino basioerare. Yaqueriquiro ñamipu wacūeno mehna tiquiro yaquero ahtaro saha ahri yehpapure mari puhtoro wacūeno mehna tojoa tarota. Ahrire msa basita masine. ³ “Yojoḡure mari quehnoano ijija. Cuaru mariedare marine”, masa tiquina ni wacūgū duita ñano waharota tiquinare. Sa wahagū tiquina duhti masisi. Niji wahcōricoro wacūeno mehna ticoro purino tuhoturo saha wacūeno mehna sa waharota masare.

⁴ Yuhñu acaye, msa pehere sa wahasi. Yaqueriquiro wuhñu cjānore tiquiro cuegū yeriro saha msa pehere sa wahasi. Jesu ahtaro músare cuegū yesi. Nahitanopu ijiyequina tiquina ihña masieno saha apeqina Jesure ne masiedare. Msa pehe

tiquina yero saha ijierare. ⁵ Musa ijipihina Jesu yequina ijire. Sa yena buhri-oropu tiquina ihña masino saha Jesu ah-tatire masine musa. Apequina tiqiurore masieñequina yero saha ijieraja mari.

⁶ Sa yena Cohâcjüre tuho nunana ijiihna. Carîñequina yero saha Cohâcjüre tuho nunena ijieracâhna mari. Apequina sata yere. Tiquina yero saha yeracâhna mari. Carîñequina yero saha, queheyequina yero saha quehnoano wacû masina ijiihna mari. ⁷ Carîñequina ñamipû carîne. Sa ye queheyequina ñamipû quehere. ⁸ Mari pehe buhri-oropu ijiiyequina yero saha Jesure masina ijina, quehnoano wacû masina ijiihna. Sa yena surara come suhtiro mehna tiqiuro cutirore saña cahmotariro saha Cohâcjüre wacû tutuaya musa, watînore tiqiuro cahmotatire. Sa yena Cohâcjüre, apequina gûhare cahña. Musa sa yegû Cohâcjû musare ihña ihborota. Sa yena musare pecarû wahaborinare Jesu tiqiuro yahduoatire "Potota ijire", niña musa. Musa sa nigû surara tiqiuro dapure come sapea mehna tiqiuro pesa cahmotariro saha watîno musare ñano ye dutigû Cohâcjû tiqiurore cahmotarota.

⁹ Tiquiro buhiri dahreatinare marine beserahye Cohâcjû. Jesucristo mari puhtoro pecarû wahaborinare tiqiuro yahduoatire marine beseahye tiqiuro. ¹⁰ Jesu mari ye ijiatireta yariahye tiqiuro mehna mari ijiatire. Catiyequina, yari-ariquina gâhu tiqiuro mehnata ijietâ. Sa yena ijipihina tiqiuro mehna ijinata mari tiqiuro yequina ijina. ¹¹ Sa yena musa mehna cjênare yojoipu musa bucuegû yeriro saha musa basita bucuegû ye nemoña musa. Sa yena musa basita Cohâcjüre wacû tutua nemogû yeya musa mehna cjênare.

Jesu yequinare Pablo yahu bato tiahye

¹² Musare buheyequinare mari puhtoro buhe dutiro beseri jiri. Tiquiro sa ni besenohriquinare quehnoano ño peoya musa. Musa sa ño peogû cahmegû musare tutuaro dutiaja. ¹³ Tiquina dahrayere yegû tiquinare cahñe mehna quehnoano ño peoya. Sa yena musa mehna cjêna mehna cahmequeno marieno ijia.

¹⁴ Musare usâ acayere, ahrire tutuaro dutiaja: Dahra dueyequinare dahra dutiya musa. Bujua witiyequinare bucuegû yeya musa. Jesure wacû tutuera cjûñequinare yedohoya. Tiquina ijipihitiyequina mehna quehnoano usuaro marieno bucueye mehna ijia musa.

¹⁵ Ihcâquiuro musare tiqiuro ñano yegû ihñana tiqiurore ñano ye cahmedacâhña. Sa yena musa mehna cjênare, ijipihitiyequina apequina gûhare quehnoano yeya.

¹⁶ Sa yena decoripe sa bucueducuya musa. ¹⁷ Sa yena decoripe Cohâcjüre siniducuya. ¹⁸ Musa ñano yahduopenata Cohâcjüre bucue, "Quehnoare", niña. Musa quehnoano yahduri pje gûhare "Quehnoare", niña. Sa nina Cohâcjû cahmeno sahata yena niaga musa. Cristo Jesu yequina musa ijigû ihñano musa sa nigû cahmene tiqiuro.

¹⁹ Espîritu Santore yahtiena ijieracâhña. ²⁰ Espîritu Santo masiñe mehna apequina musare buhere. Tiquina sa buhegû ti buheye yahtiena ijieracâhña. ²¹ Apequina musare sijoro saha tiquina ni buhegû ti Cohâcjû ye ijieragû masiña musa. Sa yena Cohâcjû ye buheye ti ijigû gûhare masiña musa. Sa masina quehnoañe buheye dihitare cahmeña. ²² Sa yena ijipihitiye ñañene yeracâhña musa.

²³ Cohâcjû marine quehnoano ijigû yeriqiuro ijire. Tiquiro basi musare tiqiuro yequinare quehnoana, ñañe mariena ijigû ye nemoahdo musare. Musa paguri gûhare musa jeriphonari gûhare quehnoano ihña ihboahro. Mari puhtoro Jesucristo ahri yehrapure tiqiuro tojoa tato pano musare Cohâcjû quehnoano ihña ihboahro musare "Ñañene yeari", nino. Tiquiro sa yegû Cristo ahtagû ñañe mariena ijinata musa. ²⁴ Sata ijigû yerota Cohâcjû. Tiquiro musare beseriquiro tiqiuro nidiro sahata yere.

Pablo gâhu quehnoa dutiahye

²⁵ Usâ ye ijiatire Cohâcjüre sini basaya musa, usâ acaye.

²⁶ Musa mehna cjênare quehnoano mehna piti caya.

²⁷ Ijipihitiyequina Jesu yequinare ahri pûre buheya musa. Jesu mari puhtoro dutiye mehna ahrire musare dutiaja yehu.

²⁸ Jesucristo mari puhtoro cahñe mehna musare tutuaro quehnoa dutiaja.

2 Tesalonicenses

*Pablo oja ohoahye Jesu yequinare
Tsalónica cjēnare*

¹ Yuhu Pablo, Silvano, Timoteo gāhu musare quehnoa dutiaja. Sa yegu yuhu Pablo ahrire oja ohoaja. Musa pehe Tsalónica cjāna mari Pacu Cohācjū yequina ijire. Mari puhtoro Jesucristo yequina gāhu ijire musa. ² Sa yena Cohācjū mari Pacu, mari puhtoro Jesucristo mehna musare quehnoa dutiaja. Tiquina yedohoye mehna quehnoano ijija musa.

*Ahri yehpapure Cristo tojoa tagū buhiri
dahrerota Cohācjū*

³ Cohācjūre sinina, Jesure musa wacū tutuayerē wacūna “Quehnoa yuhduare usāre”, niducujaja usā Cohācjūre. Usā sa nigū quehnoarīne. Decoripe Cohācjūre musa quehnoano wacū tutua nemona niñohiti. Sa yena decoripe musa mehna cjēnare cahī nemona niñohiti musa. Sa ye Cohācjūre “Quehnoa yuhduare usāre”, usā nigū quehnoarīne. ⁴ Apequina musare ñano tiquina yepegūta Jesure wacū tutuaducūñohiti musa yojopu gāhare. Sa yena tiqiurore wacūna duhuerañohiti. Musa sa yegū ihñana tire musa yerire apequinare Cohācjū yequinare bucueye mehna yahuaja usā. ⁵ Sa wacū tutuaducuna Cohācjū mari puhtoro yequina musa ijiri buhiri ñano yuhduna niñohiti musa. Sa yero Cohācjū tiqiuro puhtoro ijirōpūre waha dutiri jiri musare. Tiquiro sa dutigū queoro yeriqiuro tiqiuro ijigū masiaja mari.

⁶ Sa yero Cohācjū queoro yeriqiuro ijire. Sa yero musare ñano yuhdugū yeyequina pehere ñano yuhdugū yerota tiqiuro. ⁷ Sa yero mari ñano yuhdūrina ijigū ihñano tiqiuro marine quehnoano ijigū yerota. Mari puhtoro Jesu tiqiuro yequina angele tutuayequina mehna, peca mehna uhmasepū bajaro quehnoano ijigū yerota marine, ñano yuhdūrinare. ⁸ Sa yero Cohācjūre masieñequinare, mari puhtoro Jesu ye buheyere quehnoañe buheyere yuhdūcariquinare Cohācjū buhiri dahrerota. ⁹ Sa yero Cohācjū tiquinare ohō saha buhiri dahrerota: Pecapū tiquina ñano yuhdūducueta. Sa ye tiquina tutuariqiuro mari puhtoro Jesu cahapū ne waha masiedare. Sa ye tutua yuhdūariqiuro tiqiuro ijiyere ihñasi tiquina. ¹⁰ Sata wahaarota ti decopū Jesu tiqiuro tojoa tagū. Ti decopata tiqiuro ahtarota tiqiuro yequina “Quehnoariqiuro, tutuariqiuro ijire Jesu”, tiquina ni ño peotire. Sa ye tiqiurore wacū tutuayequina ño peota tiqiurore. Musare usā buherire musa

quehnoano tuhori. Sa yena musa pehe tiqiuro mehna ijinata.

¹¹ Sa yena Cohācjūre sa sini basaducujaja usā musa ye ijiatire. Ohō saha ni Cohācjūre sini basaja usā: Tiquiro cahmeno sahata musa yeatire, musa mehna tiqiuro bucueatire sini basaducujaja usā musare. Musa quehnoana iji duanata niñohiti. Sa yena Cohācjū tutuaye mehna quehnoana musa iji duariro sahata musa ijiatire sini basaducujaja usā. Musa Cohācjūre wacū tutuañohiti. Sa wacū tutuana tiqiuro yere yeñohiti musa. Tire musa quehnoano ye nemoatire Cohācjūre sini basaducujaja usā musare. ¹² Sa yena mari puhtoro Jesucristore apequinare tiquina ño peogū yenata musa. Musa sa yegū Jesucristo yequina musa ijigū ihñāne apequina ño peota musare. Cohācjū cahīñe mehna, mari puhtoro Jesucristo gāhu tiqiuro cahīñe mehna sa wahaarota.

2

Ñano yeducuriqiurore yahuahye Pablo

¹ Yojopure mari puhtoro Jesucristo ahri yehpapure tiqiuro tojoa tatire, tiqiurore mari cahmecoa mari piti catire yahu nemo duaja yuhu. Ahrire tutuaro yahu duaja musare, usā acaye. ² Apequina musare ohō saha niboaga: “Mari puhtoro tiqiuro tojoa tati deco, mianogā pihtiri decopū ijiro nine”, ni mehoboaga musare. Tiquina sa nigū tuhona, tuho mariedacāhña. Sa yena tuho wisieracāhña. “Cohācjū yuhure sata nidi ijiri”, ni mehoboaga musare apeqiuro. Apeqiuro gāhu musare buhero, sata ni mehoboaga. Apeqiuro gāhu sata ni oja ohoboaga, “Yuhu Pablota ijiaja”, ni meho ojoaro. Tire musare yahuriqiurore masiedaja yuhu. ³ Apequina musare tiquina ni mehogū tuhoeracāhña musa. Ti decopū ahri yehpa pihtiato panogā peyequina masa Cohācjūre duhueta. Sa yero ti decopū ñano yeducuriqiuro pecapū wahatiqiuro ijirota. ⁴ Tiquiro Cohācjū warore, “Cohācjū ijire”, tiquina niñe queoye gāhare ijipihtiequina masare ño peo dutisi ñano yeducuriqiuro. Tiquiro ohō saha ni tuhotorota. “Ahriquina ijipihtiequina puhto tijaia yuhu”, ni tuhotorota. Sa yero Cohācjū wuhapū dujoro “Yuhu pehe Cohācjū ijiaja”, ninota.

⁵ Musa mehna ijiginū tireta yahuu musare. ¿Tire wacūajari musa? ⁶ Yojopure apeqiuro pehe ñano yeducuriqiurore ne iji dutieranine. Sa yena tiqiurore iji dutieriqiurore masine musa. Sa yero tiqiuro dutigū tiqiuro queori deco ijigū ñano yeducuriqiuro ijirota. ⁷ Yojopure masa ihñenopū tiqiuro yero saha apequina ñañene ye tuhasari. Tiquina sa yepegūta ñañene ye dutieriqiuro tiqiuro wahato pano ñano

yeducuriquiro pehe ijisi. ⁸ Tiquiro wahari bato pūritare ñano yeducuriquirota ijirota. Sa yero came mari puhtoro Jesucristo tiquirore yaria dutirota. Tiquiro asi siteye mehna ahri yehparu tojoa taro, tiquiro putiye mehna tiquirore wejē borota. ⁹ Ñano yeducuriquiro pehe wafino ye tutuaye mehna ahtaro, ti tutuaye mehna ni meho, peye ye ihñonota. ¹⁰ Tiquiro peye ñahe mehna ni mehogu pecapu wahatiquina pehe tiquirore tuhoeta. Tiquina pehe quehnoañe buheyere cahmedare. Tiquina sa cahmedagū Cohācjū tiquinare pecapu wahatiquinare yuhduosi. Sa ye tiquina ñano yeducuriquiro ni mehoriquiro tiquiro yerire “Ijirota ijire”, nieta. ¹¹ Sa yero, quehnoañe buheyere tiquina cahmedari buhiri Cohācjū tiquinare wisiagū yerota. Sa wisiaye ni mehoñene cahmeeta tiquina. ¹² Sa yero ijipihtiyequina quehnoañe buheyere tuho dueyequinare, ñahe ye coayequinare tiquirota buhiri dahrerota.

“Cohācjū musare beseahye tiquiro yequina ijigū yero taro”, ni yahuahye Pablo

¹³ Musa usā acaye, mari puhtoro Jesu tiquiro cahñona ijire musa. Duita coā waropureta musare pecapu wahaborinare tiquiro yuhduoatinare Cohācjū beseahye musare. Musare beseahye Espiritu Santo tutuaye mehna tiquiro yequina ñahe mariena musare ijigū yero taro. Sa yero quehnoañe buheyere “Ijirota ijire”, nianaja musa ijigū ihñano musare bese neahye. Tiquiro sa besenohrina musa ijigū ihñana Cohācjūre bucuena, “Quehnoare”, niducujaja usā. ¹⁴ Quehnoañe buheyere musare usā buhegū Cohācjū musare beseahye mari puhtoro Jesucristo tiquiro masa mujariro sahata musa gūhu masa mujatire.

¹⁵ Sa yena quehnoano wacū tutuana ijiya musa. Sa yena usā yahuducuye mehna usā ojoari pūri mehna musare usā buherire quehnoano wacūña musa. Sa yena ti buheyere yuhduacaeracāhña. ¹⁶ Mari puhtoro Jesucristo tiquiro basi, Cohācjū mari Pacu gūhu marine cahñe, ijipihtiye decori marine bucuēgū yere. Marine cahñe, marine pecapu wahaborinare yuhduoeta. Sa yena Cohācjū tiquiro yuhduoatire quehnoano masina, bucuējaja mari. ¹⁷ Jesucristo, mari Pacu mehna musare quehnoa dutiaja quehnoano musa bucuēatire. Sa ye ijipihtiye quehnoañene musa yeatire, musa quehnoano yahuducuatire Cohācjūre musare sini basaja.

3

“Usā ye ijiatire Cohācjūre sini basaya”, ni ojoahye Pablo gūhu

¹ Yojoḡu usā acaye, usā ye ijiatire Cohācjūre sini basaya mari puhtoro Jesu

ye buheyere peyequina masare usā buheatire. Sa yena tiquiro ye buheyere musa quehnoano cahmediro sahata apequina pehe ti buheyere ño peoye mehna tiquina cahmeatire sini basaya musa Cohācjūre. ² Ihquēquinata Jesure wacū tutuare. Apequina pehe tiquiro yere tuho dueraye, Jesure wacū tutuerare. Sa yena ñahequina musa usāre tiquina ñano ye duagū Cohācjūre sini basaya musa usāre tiquiro yedohogū. ³ Mari puhtoro Jesu tiquiro nidiro sahata yeriquiro ijire. Sa yero musare tiquirore wacū tutuagū yerota. Sa yero wafino musare tiquiro ñano ye dutigū Jesu musare yedohorota. ⁴ Cohācjū musare tiquiro yedohorire masiaja usā. Sa yena musare usā dutiriro sahata musa yegū gūhure masiaja usā. Sa yena sata yeducunata musa. Ti gūhure masiaja usā. ⁵ Cohācjū musare tiquiro cahñene musare masigū yeahro. Sa yero Cristo yero saha musa ñano yuhdueregūta ihcāno sahaḡū yeahro musare mari puhtoro. Sa ihña cāhña musare ñano yeyequinare.

Marine tutuaro dahraro cahmene

⁶ Jesucristo mari puhtoro tiquiro dutiro mehna ohō saha ni dutinatja musare: Jesu yequinare dahra dueyequinare, usā dutiyere yeeyequinare, tiquinare piti ti duhuya. ⁷ Sohō ijiri pje musa mehna usā ijigū tutuaro usā dahragū ihñari musa. Sa yena usā yeriro saha musa gūhure dahraro cahmene. Tire quehnoano masine musa. ⁸ Sa yena musa ihyayere wapa yero marieno ihyeru usā. Sa yena decopure, ñamipū gūhure tutuaro dahra usā “Musa ihyayere siniari”, nina. ⁹ Usā buheri wapa musare wapa ye dutiboaga usā. Sa wapa ye dutiborina ijiepenata wapa ye dutierana, tutuaro dahra usā, usāre musa ihña cūatire. ¹⁰⁻¹¹ Musa mehna ijina, ohō saha ni buhei musare: “Dahraeyequina ihyeracāhdo”, ni buhei usā musare. Ihquēquina musa mehna cjēna ne dahra duerañohiti. Sa ye apequinare ñano quiti yeye, caribo yuhduañohiti tiquina. Sa yeeyequina musa mehna tiquina ijigū ihñana ohō saha ni ojoaja musare: “Dahraeyequina ihyeracāhdo”, niaja usā. ¹² Mari puhtoro Jesucristo tiquiro dutiro mehna dahra dueyequinare ohō saha niaja: Quehnoano bucuēye mehna dahraahro quehnoano tiquina ijiatire.

¹³ Usā acaye, musa pehe quehnoañene yeducuna caributieracāhña. ¹⁴ Ihquēquina to cjēna ahrire usā ojoarire yuhduacaboaga. Tiquina sa yegū tiquina yerire quehnoano ihñaña. Sa ihñana tiquinare piti ti duhuya tiquina buoro wahatire. ¹⁵ Sa piti ti duhupenata tiquinare ihña tuhtieracāhña. Tiquina musa acaye, Jesu yequinata ijire.

Tiquina sa ijigū tiquina yuhduducarire yahuya tiquinare tire tiquina duhugū.

Pablo tiquinare quehnoa duti bato tiahye

¹⁶ Mari puhtoro Jesu marine quehnoano ijigū yeriquiro mehna decoripe quehnoano ijiducuya m̄sa. Sa yegu “Mari puhtoro m̄sa mehna ijiphtina mehna ijiducuahro”, nigū m̄sare quehnoa dutiaja.

¹⁷ Yuhū Pablo, yuhū omoca mehnata yojopare yuhū basita ojoa bato tiaja. Sa yegu m̄sare quehnoa dutiaja. Ijiphtiyē yuhū ojoari pūrīne ohō saha dihita yuhū omoca mehna ojoa bato tiaja yuhū. Yuhū ohō saha dihita yuhū ojoa bato tigū ihñana yuhū ojoari pū ijigū masinata m̄sa. ¹⁸ Mari puhtoro Jesucristo cahñē mehna tutuaro quehnoa dutiaja m̄sare ijiphtinare.

1 Timoteo

Pablo Timoteore ojoa ohoahye

¹ Yuhu Pablo ahrire mähare Timoteore ojoa ohoaja. Cohäcju marine pecapu wahaborinare yuhduoriquiro ijire. Jesucristo yere buhe duti tiquiro cürigu ijiaja yuhu. Mari Pacu, Jesu mehnata tiquina dutiriro sahata tiquiro cürigu ijiaja yuhu. Jesuta marine yedohore. Sa yena marine tiquiro yuhduoatire masina, tire cohteaja mari. ² Mähare Timoteore Jesu yere buhei. Yuhu sa ni buhegü tuhogu Jesure wacü tutua ducari mähü. Sa yegu mähü potota yuhu macu yero saha ijiguta nine. Sa yegu Cohäcju mari Pacu mehna, mari puhtoro Jesucristo mehna mähare quehnoa dutiaja. Sa yegu mähare paja ihñañe tiquina yedohoye mehna quehnoano ijitya mähü.

Pablo ni mehoñe buheyere buhe dutierahye

³ Sohõ ijiri pjere Macedonia yehparu wahagu mähare Efesoru cü yuhdu cäu. Topu ihquëquina tiquina ye buheyere ni mehoñe buheyere buheyequina ijiri. Ti buheyere buhe dutieracjäre mähare cüu yuhu. ⁴ Tiquina esa tuharo sa buhe maca cäre. Sa ye tiquina acaye panopu cjenä tiquina esa tuharo tiquina buherire sa buheducure. Ti buheye mehna apequna mehna cahme duse tutuaducure. Cohäcju marine tiquiro dutirire quehnoano yegü yerare tiquina sa buheye. Cohäcju ye pehere yena tiquirore wacü tutuaja. Sa yegu tiquina esa tuharo tiquina buherire buhe dutieracjäre cüu mähare.

⁵ Sa cüu mähare Jesu yequina apeqinare "Cahiaho", nigu. Ñahe buhiri marieno mehna, quehnoañe wacüñe mehna, poto Cohäcjure wacü tutuaye mehna apeqinare tiquina cahitäre sa cüu mähare. ⁶ Ihquëquina ahri quehnoañe buheyere cohä tuhasa, apeye buheye pehere cahmene. Sa ye ti buheye pehere cahme duse tutuaye wisia wahare. Ti buheyere tiquina cahme duse tutuaye ti dahseati ijierare. ⁷ Sa ye tiquina Cohäcju dutiyere buheyequina iji duamene. Sa buhe duepeta ti buheyere tiquina basi quehnoano masiedare. Sa ye ti buheyere masiñequina yero saha buhepeta ti buheyere ne masiedare tiquina.

⁸ Cohäcju dutiyere Moise marine tiquiro cürire queoro mari buhegü quehnoañe dutiye ijire. Tire mari quehnoano masiaja. ⁹⁻¹⁰ Ti dutiyere buhena ahrire masino cahmene: Ti dutiye quehnoañequinare tiquina buheati ijierare. Ahriquina

pehere tiquina buheati ijire. Dutiye yuhduacayequinare, Cohäcjure yuhduacayequinare, ñahe dihitare yeyequinare, Cohäcjure cahmeeñequinare, tiquina pacasumare wejñequinare, tiquina pacosänumia gühare wejñequinare, apequna masare wejñequinare, wuana tiyequinare, cahme numia mehna tiquina ñano yeriro saha umaa sehvaro o numia sehvaro ijiepetä tiquina pagari mehna ñano yeyequinare, masa tiquina ijiepegüta tiquinare duayequinare, ni mehoñequinare, Cohäcju dutiye Moise marine tiquiro cüri pehe tiquinare buheati ijire. Sa yero apequna ijipihtiyequinare quehnoañe buheyere yuhduacayequinare buheati ijire Cohäcju dutiye. ¹¹ Quehnoañe buheye pehe quehnoariquiro Cohäcju tiquiro ye buheyeta ijire. Ti buheye pehere yuhare Cohäcju buhe dutiri.

Cohäcju paja ihñañe yahuahye Pablo

¹² Sa yuhu buhegü Jesucristo mari puhtoro yuhare tutuayere ohoro, yuhare yedohore. "Pablo buhero, yee buheyere quehnoano buherota", ni tuhotori Jesu yuhare. Sa yero yuhare besero tiquirore yedohoacjäre cüri yuhare. Tiquiro sa yegü "Quehnoare", niaja yuhu tiquirore. ¹³ Panopure Cristore yuhu ñano yahuducuepegüta, tiquiro yequinare ñano yuhu yepegüta, tiquiro yuhare beseri. Sa yegu tiquirore masiedarigu tiquirore ñano yegu "Ñano yei niaga yuhu", ni tuhotuera. Yuhu sa masiedagü ihñano tiquiro paja ihñari yuhare. ¹⁴ Sa yero Cohäcju mari puhtoro yuhare tutuaro cahño, quehnoano yeri yuhare. Sa yero Cristo Jesure wacü tutuagü yeri yuhare tiquiro. Sa yero apeqinare cahgü yeri yuhare Cohäcju.

¹⁵ Yuhu pehe apequna yuhduoro ña yuhduagu ijimi. Ñana mari ijiepegüta Jesucristo ahri yehparu ahtari jiri ñañequinare pecapu wahaboriquinare yuhduoatiquiro. Ti ijirota ijire. Tiquiro sa ijiriquiro ijigü ijipihtiyequina tire masiaho. ¹⁶ Ña yuhduagu yuhu ijiepegüta tiquiro yuhare paja ihñari. Sa paja ihñano Jesucristo usuaro marieno yuhare tiquiro quehnoano yerire masigü yero nidi apeqinare came tiquirore wacü tutuatiquinare masigü yero taro. Sa wacü tutuatiquina uhmusepu sa ijiducüta. ¹⁷ Cohäcju ijipihtiye decori masa puhtoro ijire. Tiquiro ne yariere. Sa yero mari mehna tiquiro ijiepegüta tiquirore ihñedaja mari. Sa yero tiquiro dihita Cohäcju waro ijire. "Potota quehnoariquiro, tutuariquiro ijire tiquiro", niinha mari tiquirore. Ijipihtiye decori tiquirore ño peouhna. Sata yeihna.

¹⁸ Timoteo yuhu macu yero saha ijire mähü. Sa yegu yojopure ahrire mähare

duitaja: Mari acaye Jesu yequina Cohācjū yere yahu mħtariquina mħhure tiquina ni mħhtariro sahata mħhure duitaja. Cristo yere quehnoano yahuducuya. Sa yegu ñano yħdħepreguta tiqirore wacū tutua duheracāhña mħh. ¹⁹ Jesure sa wacū tutuaducuya. Ñañe buhiri mariegu ijiya mħh. Sa yegu quehnoañe dihitare yeya. Iħquēquina tire yeraye, Jesu yere cohāre. Sa cohāñe tiqirore wacū tutua duhuri. ²⁰ Sata yeri Himeneo, Alejandro mehna. “Watño tiqiro cahmeno sahata yecūnahdo musare”, ni cūu tiquinare, Cohācjūre tiquina ñano yahuducu nemoedatire.

2

Cohācjūre sini basayere yahuahye Pablo

¹ Yojopare ohō saha ni duti mħtaja musare: Ijipihtiequina ye ijiatire Cohācjūre sini basaya. Sa sini basana “Quehnoare. Bucueaja”, niña Cohācjūre. ² Pħtoa, apequina masa bui dutiequina gūh tiquina ye ijati gūhure Cohācjūre sini basaya, cahmequeno marieno Cohācjūre ño peona mari quehnoano ijiatire. Sa sini basana mari quehnoañene yena quehnoano iji masiaja. ³⁻⁴ Sata apequina ye ijiatire mari sini basagū quehnoarīne. Tire mari yegū ihñano Cohācjū marine yħdħoatitqiror pehe marine quehnoano ihña bucuere. Ijipihtiequina pecarū wahaboriqinare tiqiro yħdħoriquina ijigū cahmene Cohācjū. Sa yero quehnoañe buheyere tiquina masigū cahmene tiqiro. Sa yero apequina ye ijiatire mari sini basagū bucuere tiqiro. ⁵ Iħcāquirotā ijire Cohācjū. Sa yero Cohācjūre mari ihña tuhtigū Cohācjū gūh marine tiqiro ihña tuhtigū, marine bosariqiro iħcāquirotā ijire. Tiqiro Jesucristota ijire. Jesucristo gūh masanota ijiri. ⁶ Sa yero wapamonore wapa ye basaro saha ijipihitina mari ñañe buhirire yariahye. Cohācjū tiqiro queori pjepr tire masare masigū yeri. ⁷ Tire yahuaçjare, Jesu tiqiro cūaçjare Cohācjūpū yħhure beseri. Sa yero judio masa ijieyequinare Jesure wacū tutuayere, quehnoañe buheyere buheaçjare beseri yħhure. Potota musare yahugū niaja yħh. Ni mehoedaja.

⁸ Cohācjū yere quehnoano yeyequina, ijipihitiro cjēna pehe Cohācjūre tiquina sinigū cahmeaja. Sa yegu tiquina usaro marieno, unureno marieno tiqiro mehna tiquina yahuducugū cahmeaja.

⁹ Sa yegu numia pehere quehnoañequina numia ye suhti yero saha sañañequina numia ijigū cahmeaja. Sa ye sijoro saha bajuye poari tiquina poarire yeracāhdo. Uru dari busaye darire, perla dari gūhure busaeracāhdo, tiquina umuare “Ihña ñe

pjeari”, niñe. Sa ye wapa bajuye suhtire sañaedacāhdo tiquina Jesu yequina numia. Umuare tutuaro ñe pjeğū yeracāhdo. ¹⁰ Sa ye tiquina numia quehnoañe pehere yeahro. Sata yero cahmene “Cohācjū yequina numia ijiaja”, niñequina numiare. ¹¹ Dihta marieno ño peoye mehna buheyere tuhoahro tiquina numia. ¹²⁻¹⁴ Sa yeye numia umuare buheracāhdo. Sa yeye umuare dutieracāhdo. Tiquina numia pehe dihta marieno ijiaho. Adāre Cohācjū ye mħtahye. Tiqiro bato Evare yeahye. Sa yero watño ni mehogū tħhoriqiro Adān ijierahye. Tiqiro ni mehogū tħhoricoro pehe Eva ijiahye. Sa tiqiro ni mehogū tħhoro, Cohācjūre yħdħucaricoro wahahye ticoro. Sa yeye, numia pehe umuare dutieracāhdo.

¹⁵ Numino iji mħhtaricoro ticoro yħdħucaepegūta numia tiquina pohna tigū ihñano tiquinare Cohācjū yedohorota. Tiquina numia pohna tiye numia pehe Cohācjūre tiquina wacū tutuaducugū tiqiro yedohorota tiquinare. Sa yero masare, Cohācjū gūhure tiquina cahīducugū, quehnoañequina numia tiquina ijiducugū, ñañe marieñequina numia tiquina ijigū Cohācjū tiquinare yedohorota.

3

Jesu yequina pħtoa tiquina yeatire yahuahye Pablo

¹ Masa Jesu yequina pħtoa iji duaye, quehnoañene ye duaye niaga tiquina. Ti ijirota ijire. ² Jesu yequina pħtoare besegu ohō saha ijieyequinare beseya: Buhiri marieñequinare beseya “Apequina tiquinare ñano ni yahusāri”, nigū. Sa yegu ihquēquina numiare namo tiyequinare, quehnoano tuho masiñequinare, cua pesayequinare, masare quehnoano mehna tiquina ya wħhure sajā ta dutiequinare, apequinare quehnoano buhe niñiñequinare beseya mħh. ³ Sa besegu queheye marieñequinare, cahmequeñe marieñequinare, masare quehnoano yeyequinare, cahme dħse tutueyequinare, niñerure cahñequinare beseya mħh. ⁴ Sa ye mħh beseriquina tiquina pohnene, tiquina namosānumia gūhure ño peoye mehna yħtigū yeyequina ijiaho. ⁵ Tiquinare yħtigū ye masiedaye Jesu yequina gūhure yħtigū ye masiedaboaga tiquina.

⁶ Jesu yequina pħtoa iji duayequina Jesu yequina coā sajāñequina ijieye, tiquina pħtoa iji masiedare. Coā sajāñequinare Jesu yequina pħtoa masa cūgū tiquina “Quehnoa yħdħuana ijiaja”, ni tħhotuboaga. Tiquina sa ni tħhotugū Cohācjū tiquinare buhiri dahre dutirota watñore tiqiro

yeriro saha. Watfno gāhu sata ni tūhotumahye Cohācjāre yūhdūca duaro.

⁷ Sa ye Jesu yequina pūtoa ijiatiquina ohō sahata ijiro cahmene. Jesu yequina ijieyequina tiquina űo peonohnequina ijiro cahmene tiquinare. Quehnoano yevequina tiquina ijigū ihñāñe apequina űo peoeta tiquinare. Sa quehnoano yeve, watfno cahmeñene wacūeno mehna tiqiro ye dutigū tiquina pehe watfno cahmeñene yesi. Sa ye masa tiquinare űano quti dahresi.

Jesu yequinare yedohoatiquina tiquina yeatire yahuahye Pablo

⁸ Sa yegū Jesu yequinare yedohoatiquina pehere besegu ohō saha ijieyequinare beseya: Tiquina cua pesaro ijieyequinare, quehnoano potota yahuducyequinare, queheye marieñequinare, apequina yere ni meho ehmeñequinare beseya mūhu. ⁹ Sa yegū ñāñe buhiri marieno Cohācjū ye buheyere sa wacū tutuaducyequinare beseya mūhu. ¹⁰ Sa yegū Jesu yequinare yedohoatiquina iji duayequinare tiquina yerire ihñāñe mūhu. Tiquinare mūhu sa ihñari bato tiquina pehe buhiri marieñequina ijieye, Jesu yequinare yedohoatiquina sajāahdo tiquina.

¹¹ Sa yena tiquina namosānumia ohō saha tiquina ijigū cahmeaja mari. Cua pesayequina numia, ñāñe quti marieñequina numia, tūho masiñequina numia, ijipihiyere quehnoañene yeducyequina numia tiquina ijigū cahmeaja mari. ¹² Sa yegū Jesu yequinare yedohoatiquinare besegu ihquēquina numiare namo tiyequinare, tiquina pohnene apequina tiquina ya wūhu cjēna gūhure quehnoano yūhtigū yevequinare beseya.

¹³ Sa ye mūhu beseriquina Jesu yequinare tiquina yedohogū apequina tiquinare quehnoano ihñā bucueeta. Sa ye tiquina yedohoyequina pehe quehnoañe buheyere, Jesucristo tiquina wacū tutuaye gūhure cuero marieno buheeta tiquina.

Cohācjū ye buheyere yahuahye Pablo

¹⁴⁻¹⁵ Yojoṗare mūhu caharū waha duagu niaja. Sa waha duepegūta yojoṗare wahaeranigū ahri pūṗu yahu, mūhure ojoa ohogu niaja. Jesu yequina cahmeoañequina watoa masa yeatire mūhure yahu ojoa ohogu niaja, “Mianore waharīsi”, nigū. Jesu yequina Cohācjū catiriquiro yequina ijire. Tiquiro yequina pota ijieye buheyere Cohācjū ye buheyere cuore. Sa cuoye tire buheducure. ¹⁶ Ahri ijirota ijire. Marine Cohācjū tiquiro buheri, panorū mari quehnoano masiedari quehnoa yūhdūaye buheye ijire. Ahri buheye ohō saha ijire:

Tiquiro Cristo mari pagū yero saha pagū tiriqiro masa bajaahye. Quehnoariqiro, ñāñe marieniqiro

tiquiro ijigū ihñori Espiritu Santo pehe. Angele gūhu tiquirore ihñari. Sa ye tiquiro buhe duti cūriquina pehe apeye yehpari cjēnare tiquiro yere yahu buhere. Sa ye ahri yehparū masa peyequina tiquirore wacū tutuari. Came űhmuseṗu Cohācjū neari tiquirore. Ti ijire quehnoañe buheye.

4

Quehnoañe buheyere cohāriquinare yahuahye Pablo Timoteore

¹ Espiritu Santo ahrire quehnoano yahure: Pihtiri deco panogā ihquēquina masa Jesu ye buheyere cohāeta. Sa ye ni meho buheyere watfno ye buheye pehere tūho nūnūeta tiquina. ² Ti buheyere ni mehoducyequina yahueta masare. Tiquina ni mehoducyequina pehe “Ñāñe buhiri mariedare űsāre”, ni tūhotuyequina ijire. Sa ye tiquina ñāñe yeyere “Ñāñe ijire”, ni tūhotuerare. ³ Ohō saha ni buheeta tiquina: “Namo tieracāhña. Ahri ihyayere ihyeracāhña”, ni buheeta tiquina. Tiquina sa ihya dutierapegāta Cohācjū ihyayere bajumehnoo mari ihyatire quehnoañene cūahye tiquiro. Mari Cristore wacū tutuana ijigū quehnoañe buheyere mari masina ijigū, mari ye ijiatire ti ihyayere bajumehneahye tiquiro. Ti ihyayere cuona tiquirore “Quehnoare”, mari nigū cahmene tiquiro. ⁴ Ijipihtiyē Cohācjū tiquiro bajumehnedi quehnoañe ijire. Sa yena tiquiro bajumehnedi ihyayere nena, Cohācjūre “Quehnoare”, nina, tire marine cohāedarō cahmene. Tire marine bucue ihyaro cahmene. Sa yegū apequina tiquina ihya dutieragū tūhoeracāhña tiquinare. ⁵ Tiquiro bajumehnedi quehnoañe ti ijigū yahu tuhasahye Cohācjū. Sa ye tiquirore “Quehnoare”, mari ni bucueri bato ti ihyaye tiquiro yeri ihyaye quehnoañe waro ijiro nine.

Jesucristo cahacjānore Timoteore quehnoariqirore yahuahye Pablo

⁶ Ahri yūhu yahurire Jesu yequinare mari acayere buhegu Jesucristo cahacjū quehnoagu ijire mūhu. Sa buhegu quehnoañe buheyere, quehnoano mūhu tūhorire quehnoano masi pehogū ijire mūhu. ⁷ Sa yegū tiquina esa tuharo tiquina buherire, Cohācjū ye ijieyere tūhoeracāhña. Sa yegū Cohācjū cahmeñe pehere yepogu ijia mūhu. ⁸ Mūhu dahrapogū quehnoa cjūre. Mūhu dahraporiro yūhdūoro Cohācjū cahmeñene mūhu yepogū quehnoa yūhdūare mūhure. Cohācjū cahmeñene yepogu yojoṗare quehnoano ijigūta mūhu. Sa yegū mūhu yariari batopū gūhure masa mūjagu quehnoano ijigūta mūhu. ⁹ Ti

ijirota ijire. Ijipihtiyequina tire yahu nidire masiñequinare "Ijirota ijire", nino cahmene tiquinare. ¹⁰ Ijipihtiyequina tire tiquina niatire Cohācjū cahmeñene tiquina yeatire mari tutuaro dahraja. Sa yena ñano yuhduaja mari apequina marine ñano tiquina yegū. Cohācjū catiriqiro, ijipihtiyequinare pecarū wahaboriqinare yuhduoriqiro ijire. Tiqirore wacū tutuayequina pūritare tiqiro yuhduorota. Sa yena tiqiro yuhduoatire masina, cohteaja mari. Sa yena Cohācjū cahmeñe pehere masa tiquina yeatire tutuaro buhe dahraja mari.

¹¹ Ti ijipihtiye yahu nidire dutiya Jesu yequinare. Sa yegu tire buheya mahu. ¹² Wahmu mahu ijigū ihñañe apequina Jesu yequina mahure yuhduca duaboaga. Tiquina "Sa yeari", nigu, ohō saha ye ihñañe tiquinare. Masare cahña. Sa yegu Jesure wacū tutuaducuya. Sa yegu buhiri mariegu ijiya. Wahmu ijiepeguta mahu sa yegū ihñañe mahure yuhduacasi tiquina. Sa ye mahu yahuducurire tuhoye, mahu yerire ihñañe mahure ihña cūeta. ¹³ Sa yegu mahu caharū yahu esato pano Jesu yequinare Cohācjū yere tiquina ojoari pūre buhe tuhasa tiquinare sa yahu quehnoducuya. ¹⁴ Jesu yequina puhtoare Cohācjū tiqiro dutigū tiquina pehe Cohācjū yere yahu tuhasa mahu bui tiquina omocarine duhu peori. Tiquina sa duhu peogū Cohācjū ye ijiatire mahu ye masiatire cūri mahure Cohācjū. Tiqiro sa cūrire ye duhueracāhña.

¹⁵ Ahri dutiyere sa yeducuya mahu. Sa yegu ahri dutiyere quehnoano masiña. Mahu sa yeri bato quehnoañene mahu ye nemogū ijipihtiyequina ihñaeta. ¹⁶ Mahu pehe quehnoano yeya mahu, "Sijoro saha yeari", nigu. Sa yegu quehnoano buheya mahu, "Sijoro saha buheari", nigu. Sa yegu mahu basita pecarū wahaborigu yuhduaguta mahu. Sa ye mahure tahoriquina gūhu pecarū wahaboriquina yuhdueta.

5

"Apequina Jesu yequinare ohō saha yeya mahu", nahye Pablo Timoteore

¹ Ne búcarore tuhtieracāhña. Mahu pacare mahu quehnoano yeriro sahata búcaro gūhure quehnoano mehna yahuya. Sa yegu mahu bahanare mahu quehnoano yeriro sahata wahma pjia gūhure quehnoano ño peoro mehna tiquinare yahuya. ² Sa yegu mahu pacore mahu quehnoano yeriro sahata búcuna numia gūhure quehnoano ño peoye mehna yahuya. Sa yegu mahu bahana numiare mahu quehnoano ño peoriro sahata numia gūhure ñano ne pjero marieno,

quehnoano ño peoye mehna yahuya tiquinare.

³ Sa yegu wape wiha numiare potota acaye marieñequina numiare ño peoye mehna yedohoya tiquinare. ⁴ Wape wihoro pohna tiricoro ijigū, o panamena tiricoro ticoro ijigū gūhure ticoro pohne, ticoro panamena gūhu yedohoahro ticorore. Sa yedohoye Cohācjū masare tiquina acayere tiqiro ye dutiyere yeye nine tiquina. Sa yeye tiquina ticorore wapamonore wapa yeye niaga. Tiquina sa yegū ihñano Cohācjū quehnoano bucuere. ⁵ Pejecoricoro, wape wihoro acaye marienico ijiro, Cohācjū ticorore tiqiro yedohoatire cohtere ticoro. Sa yero ñaminipe, decoripe ticoro Cohācjūre sa siniducure. ⁶ Apecoro pehe wape wihoro ñañe mehna bucu duaricoro ijiro, Cohācjū catiricoro ijieperota pecarū wahaticoro ijire.

⁷ Ahri ijipihtiye yahu yahurire Jesu yequina gūhure ye dutiya mahu, quehnoañe dihitarē tiquina yeatire. Tiquina sa yegū ihñañe apequina tiquinare "Ñano yeye nine", ni masiedare. ⁸ Ihcāqiro tiqiro acayere ihña ihboeraro, tiqiro pohne tiquina pacoro gūhure quehnoano ihña ihboeraro "Jesu yaqiro ijiaja", ni masiedare. Sa yero Jesure cahmeñequina yuhduoro ña yuhduariqiro ijire tiqiro.

⁹ Wape wiha numiare yedohonata maha. Ohō saha beseya maha yedohoatiquina numiare. Tiquina wamene ojoa ohōati pūru ojoagu tagu ohō saha beseya tiquina numiare: Sesenta cahmari caoericorore ticoro wamene ojoa ohōedacāhña. Sa yegu wape wihoro ihcāqiroreta manū timedicorego ticoro wamene ojoa ohōña. ¹⁰ Sa manū timediquina numiare "Quehnoañene yeyequina numia ijire", masa tiquina niñequina numiare, tiquina pohnene quehnoano masori numiare beseya. Sa yegu tiquina ye wuhseru apequinare quehnoano sajā ta dutiyequina numiare, cahacjēna yero saha Jesu yequinare yedohoye numiare, tiquina dahpocārine coseri numiare, ñano yuhduyequinare yedohoye numiare, quehnoañe dihitarē yeye numiare beseya. Tiquina numiare maha yedohoati numiare bese tuhasaguru, tiquina wamene ojoa ohōña mahu.

¹¹ Sa ye wape wiha numia numia cūno tiquina ijigū tiquina numia pehere bescacāhña. Sa yegu ti pūru tiquina wamene ojoa ohōedacāhña. Came tiquina yere tutuaro ye duaye, Cristore cohā, pari turi manū tiboaga. ¹² Tiquina Cristore "Mahu yequinare yedohonatja", nidiquina numia ijiepetā camepūre tiquina nidiro sahata yedohoeraboaga tiquina. Tiquina sa yedohoerari buhiri buhiri tieta. ¹³ Tiquina numia ohō saha yere: Dahraeye numia ijipore.

Sa ye apequina ye wuhusepu waha, ñañe quti dahre, sijoro saha mari yegū marine sa yahuducure. Sa ye tiquina yahu dutierarire yahu wajare tiquina numia.

¹⁴ Sa yegu tiquina numia ohō saha yegū cahmeaja yahu: Wape wiha numia numia cjunogā ijiye numia manū tiahro. Sa ye Jesu yequinare “Usāre yedohoya”, nino marieno ijahro tiquina numia. Sa ye tiquina pohna tiahro. Sa ye tiquina ye wuhuse cjenare quehnoano ihña ihboahro. Mari ye numia wape wiha numia tiquina sa yegū marine ihña tuhtiyequina marine “Ñañene yeye nine”, ni tuhti masiedare. ¹⁵ Yojopū pūritare ihquē numia wape wiha numia Cristo yere duhu, wafino cahmeñe pehere ye tuhasare. Sa yegu sa ni yahuaja mahure.

¹⁶ Jesu yequina tiquina acayoro wape wihoro ticoro ijigū tiquina ticoro acaye ticorore yedohoahro. Apequina Jesu yequina pehe ticorore yedohoeracāhdo. Sa ye Jesu yequina ticoro acaye cuoricorore yedohoeraye, apequina numia wape wiha numia acaye marieñe numia pehere yedoho masine.

¹⁷ Jesu yequina puhto masare tiquina quehnoano buhegū tiquina dahrayere tiquina quehnoano yegū ihñano ño peoya tiquinare. Sa yena quehnoano wapa yeya tiquinare. Ihquēquina tiquina mehna cjenā Cohācjū yere yahuequina masare buheyequina gāhu ijire. Tiquina pūritare apequina yuhduoro quehnoano ño peoya. ¹⁸ Cohācjū yere tiquina ojoari pūpu ohō saha nine, dahrariquirore tiquina wapa yeaire yahuro: “Wecu trigo pjerire tiquiro dahpocāri mehna suhti wegū tiquiro duserore cahmotaeracāhña. Tiquiro cahmeno ihyaahro”, ni ojoahye. Sa yero ape pūpu ohō saha nine: “Dahrariquirore tiquiro dahrari wapare ohoro cahmene”, nine Cohācjū yere tiquina ojoari pūpu. Tiquiro sa nigū tuhona Jesu yequina puhtoare quehnoano ño peoya masa. Sa yena quehnoano wapa yeya tiquinare.

¹⁹ Jesu yequina puhtorore tiquiro ñano yegū ihñano ihcāquirota yahusā masiedare. Puhtorore ñañene yahusātiquina ihtiaro ijiye, tiquirore yahusā masine. Ihtiaro mariedagū puaro yahusā masine. ²⁰ Sa yena ñañene yeducuriquirore ijiptina masa watoa tiquiro ijigū tiquirore tuhtiya, apequina cueaire, ñañene tiquina yeratire. ²¹ Sa yegu Cohācjū, Jesucristo, tiquiro beseriquina angele gāhu tiquina ihñonopu ahrire dutiaja mahure: Yojopū mahure yahu dutirire ye pehoya. Sa yegu ijigū ijiptiyequinare Jesu yequinare ihcāno saha yeya. Apequirore sijoro saha, apequirore sijoro saha yeracāhña. ²² Apequinare Cohācjū dahrayere mahū cūatire tiquina bui mahū omocarine mahū duhu peoato pano

sojaro marieno quehnoano taho masiñe mehna tiquinare beseya. Tiquina ñañequina ijiboaga. Sa ijiyequinare Cohācjū dahrayere cūdacāhña. Sa cūgu mahū gāhu mahū duhu peoyequina tiquina ñañene yero sahata yegu niboaga mahū. Sa yeracāhña. Sa yegu ñañe mariegu ijiya mahū.

²³ Usuro waro paa purīnoghū ijire mahū. Sa yegu yojopare acō dihitarē sihnimene mahū. Sa yegu mehenogā vino gāhure sihniña mahū. Paa purīne cō ijire ti.

²⁴ Ihquēquina tiquina ñañene yegū mari ihñaja. Sa yena Cohācjū tiquinare tiquiro buhiri dahreatire masiaja mari. Apequina pehere tiquina ñañe yerire mari masiedaja. Tiquina ñañe yerire came masinata. ²⁵ Ti ijiro sahata ihquēquina quehnoañene tiquina yegū tire mari masiaja. Apeye tiquina quehnoañe yerire yojopare masiedapenata camepu masinata mari. Ti quehnoañene nuono basioerare.

6

¹ Cahacjena Jesu yequina pehe tiquina puhtoare quehnoano ño peoahro. Tiquina sa ño peogū ihñañe apequina Cohācjūre, mari buheye gāhure ñano yahuducu masiedare. ² Tiquina puhto Jesu yequina tiquina ijigū ihñañe tiquina cahacjena pehe Jesu yequina ijiye, tiquinare ihñapoye ño peoeraboaga. Sa yeraro cahmene. Tiquina puhto Jesu yequina tiquina ijigū pūritare tiquina cahacjena quehnoano ño peoahro tiquinare. Sa ño peoye tiquina cahacjena pehe Jesu yequinare, tiquina cahñequinare yedohoye nine. Tiquina puhtoare Jesu yequinare yedohoye, Jesure cahmeñequinare tiquina ño peoriro yuhduoro Jesu yequina pehere ño peoahro tiquina cahñequina ijigū. Ahri yahu yahurire buheya. Sa yegu ahrire dutiya.

Cohācjūre ño peoye gāhure quehnoano ijiye gāhure yahuahye Pablo

³ Sijoro saha ijiye buheyere buheriquiro mari puhtoro Jesucristo ye buheyere quehnoañe buheyere “Ijirota ijire”, ni taho duerare. Sa yero mari ye buheyere Cohācjūre ño peoye buheyere cahmedare. ⁴ Sa yero tiquiro “Masī pehogū ijiaja”, nieperota tire ne masiedare. Sa yero taho masieniquiro yero saha tutuaro cahme duse tutua duare tiquiro. Sa yero Cohācjū yere sa ni maca cāriquiro ijire. Masa tiquiro yero saha ijiyequina cahme duse tutuaye, tiquina basi cahme ihña cooye, cahme ihña duerare. Sa ye apequinare ñano quti dahreye, masiedapeta masare ñano ni tshoture tiquina. ⁵ Sa ye tiquina ñañe dihitarē tshotuyequina, poto ijiyere ne masieñequina sa cahme duse tutuaducure.

Sa ye “Cohācjū yere buhena, niñerure wapatanata mari”, ni tuhature tiquina.

⁶ Mari ye mehenogā mari cwoye mehna bucuenta, Cohācjūre ño peona, potota quehnoano ijina najaja mari. ⁷ Ahri yehparure masa bajuaana ne apee borore ne cāhtaerū mari. Sa yena mari yari-ari bato wahana, ne apee borore nea masiedaja mari. Sa yena masa yere masa cwoye mehna to punota bucueya. Pajiro cahme nemoedacāhña. ⁸ Sa yena mari ihyayere mari suhti gūhare cwoña apeyere cahme nemoedacāhña. Masa cworo punota bucueya masa. ⁹ Doeri cjē opana iji duayequinare watño ñañene tiquiro ye dutigū tiquina pehe peye ñañene yeducueyena ijiboaga. Sa ye tiquina peye tahari tuho masieñequina yero saha apee borore tutuaro cahmeñe, ñañe yeyere duhueraye, tiquina basita ñano yūhdare. Sa duhueraye, pecarū wahaeta tiquina. ¹⁰ Niñerure tutuaro cahmeñe, peye ñañene ye dūcare masa. Ihquēquina niñerure cahñe, tutuaro cahmeñe, Jesure wacū tutua duhuye, peye tahari ñano jeripohna tire tiquina.

Cohācjū yere yena ñañene duhuya

¹¹ Mūhū pūrita Cohācjū yaquirota ijire. Sa yegū ahri ñañene yeracāhña. Sa yegū quehnoañe pehere cahmeña. Cohācjū yere yeya. Sa yegū Jesure wacū tutuaya. Sa yegū apequinare cahñña. Ñano yūhduepeguta ihcāno sahaya. Sa yegū sa tuhutu cāhña. ¹² Hmūserū sa ijiducucjūre Cohācjū beseri mūhare. Sa yegū Cohācjūre mūhū wacū tutuayere peyequina masare quehnoano yahuri mūhū. Sa yegū ñano yūhduepeguta tiquirore wacū tutua duhueracāhña hmūserū mūhū sa ijiducuatire. ¹³ Cohācjū ijipihtiyequinare catigū yeriquiro ijire. Ijipihtiyere ijigū yeriquiro ijire. Sa yero Jesucristo pehe Poncio Pilatore Cohācjū yere quehnoano yahuriquiro ijire. Sa yegū Cohācjū, Jesucristo gūhū tiquina ihñonorū ahrire mūhare ye dutiitja: ¹⁴ Mūhare tiquiro dutirire ye peho cāhña. Jesucristo tiquiro tojoa tato pano masa mūhare ñañene tiquina “Yahusāri”, nigū, tiquiro dutirireta yeducuya. ¹⁵ Tiquiro queoriro sahata Cohācjū Cristore tojoa tagū yerota. Cohācjū quehnoariquiro, tiquiro dihita masare dutiriquiro ijire. Sa yero ijipihtiyequina apequina pūhtoā bui pūhtoro ijire tiquiro. ¹⁶ Sa yero tiquiro dihita ne yariერიquiro ijire. Tiquiro asi siteye mehna ijiriquiro ijire. Sa ye masa tiquiro asi siteye caharū waha masiedare. Sa yeye tiquirore masa ne ihñedari. Sa yeye yojorū gūhare tiquirore ihñedare. Tiquiro pehere ño peouhna. Sa yena “Ijipihtiye decori tutuariquiro ijire tiquiro”, niñna tiquirore. Sata niñna.

¹⁷ Ahri yehpa cjēna doeri cjē opanare ohō saha ni dutiya mūhū: “Apequinare masi yūhduecāja”, ni tiquina basi tuhouteracāhdo. Tiquina doeri cjē tiquina cwoye pihtia waharota. Sa yeye tiquina cwoye dihitaro bucueracāhdo. Cohācjū pehere bucueahro. Ijipihtiye pototi mari cahmeñene ohoriquiro ijire tiquiro. Tiquiro pehere wacū tutuahro tiquina doeri cjē opana. ¹⁸ Sa yeye tiquina quehnoañe pehere yeahro pajiro quehnoañene yeyequina tiquina ijiatire. Sa yeye tiquina cworire apequinare ohoahro. ¹⁹ Tiquina sa yegū hmūserū Cohācjū caharū tiquina ye ijirota. Topū tiquina ye ijigū ne butisi. Sa ye topū sa ijiducuetā tiquina.

Pablo Timoteore duti bato tiahye

²⁰ Timoteo, mūhare Cohācjū tiquiro cūrire tiquiro buhe dutirire quehnoano yeya. Boeracāhña mūhū. Ihquēquina masa Cohācjūre cahmeñequina yero saha ni mehoñe, tuho masieñequina ye buheyere yahuducuducure. Sa yahuducue “Quehnoano masieñequina ye buheye ijire”, nimene tiquina. Sa tiquina ni buheyere tuho nūnedacāhña. ²¹ Ihquēquina ti buheyere tuho nūññequina Cristo yere cohā cāhre. Cohācjū tiquiro cahñe mehna mūhare tutuaro quehnoa dutiaja.

2 Timoteo

Pablo Timoteore pari turi ojoa ohoahye

¹ Yuhu Pablo, ahrire mähare Timoteore ojoa ohoaja. “Ijiphtiyequina Jesucristore wacü tutuayequina ahmüsepü sa ijiducüeta”, ni, cüri marine Cohäcjö. Tiquiro sa ni cürire yahuacjäre yuhäre bese cüri Jesu. Sa cüno Cohäcjö tiquiro cahmeno sahata yero nidi yuhäre. ² Mähü Timoteo yuhu cahügu ijire. Mähare Jesu yere yuhu buhegü tahogu tiquirore quehnoano wacü tutua ducari mähü. Sa yegu yuhu macu yero saha ijire mähü. Sa yegu Cohäcjö mari Pacu, mari puhtoro Jesucristo mehna mähare quehnoa dutiaja. Sa yeye mähare paja ihña, tiquina yedohoye mehna quehnoano ijiya mähü.

Masare Cristo yere tiquina yahurire yahuahye Pablo

³ Namipü, decopü gähare Cohäcjö mehna yahuducugü mähü ye ijiatire sini basagü mähü mehna bucueaja. Sa bucuegü Cohäcjöre “Quehnoare”, niaja yuhu. Panopü cjöna yuhu acaye ñahe buhiri marieno Cohäcjö yere tiquina yeriro sahata yuhu gähü yojoapäre tiquiro yere yeaja. ⁴ Sohö ijiri pjere yuhu wahagü mähü uti nünü täe tirire wacügü mähare tutuaro ihña duaja, mähü mehna quehnoano bucue duagu. ⁵ Sa yegu Jesure potota mähü wacü tutuarire wacüaja yuhu. Mähü ñeco, Loida, mähü paco Eunice gähü mähü yero sahata Jesure wacü tutua mähü tari mähü pano. Sa yegu yojoapäre mähü gähü tiquirore mähü wacü tutuagü quehnoano masiaja yuhu.

⁶ Sa yegu ahrire mähare wacügü ye duaja. Mähü bui yuhu omocarine yuhu duhu peogü Cohäcjö yere mähü yeatire tutuayere ohori mähare. Ti tutuaye mehna ye nemoña mähü. ⁷ Cohäcjö marine tiquiro yaquiro Espiritu Santore ohori. Sa yero masare marine cueragü yere Espiritu Santo. Sa yero tutuana, masare cahüna, tuho masina marine ijigü yere tiquiro. ⁸ Sa yegu mari puhtoro ye ijiatire apeqinare yahugü, bue tieracähña mähü. Yuhu tiquiro yere yuhu yeri buhiri peresupü ijigü niaja. Peresupü yuhu ijigü yuhäre bue tisäedacähña mähü. Sa yegu quehnoañe buheyere mähü buheri buhiri ñano yuhdugü “Quehnoanota”, niña mähü gähü. Mähü sa ñano yuhdugü Cohäcjö mähare yedohorota. ⁹ Cohäcjö pehe marine pecapü wahaborinare yuhdori. Sa yero quehnoana, tiquiro yequina ijianare tiquiro beseahye marine. Mari quehnoano yeye mehna tiquirore marine besegü yeru. Tiquiro esa tuhoro tiquiro cahmediro sahata yero ahri yehpare tiquiro bajumehneato pano marine cahüno,

tiquiro marine beseahye. Marine sa cahüno marine yuhdwoatiquirore Jesucristore ohoahye Cohäcjö. ¹⁰ Yojoapäre Jesucristore marine yuhdwoatiquirore ohoro, marine potota tiquiro cahüne masigü yero niahye Cohäcjö. Jesu marine tiquiro yequinare pecapü wahaeragü yeri. Sa yero “Yuhäre wacü tutuana Cohäcjö mehna sa ijiducunata”, nino, quehnoañe buheyere marine yahuro ahtahye tiquiro.

¹¹ Ti buheyere quehnoañe buheyere yahuacjäre tiquiro cüacjäre beseri yuhäre. ¹² Sa tiquiro beserigü ijigü yojoapäre ñano yuhdwoaja yuhu. Ohö saha ñano yuhdwoepaguta yuhu bue tieraja. Yuhu wacü tutuariquirore Jesure masiaja yuhu. Tutuariquiro ijire tiquiro. Sa yero yuhäre tiquiro yere buhe duti cüno quehnoano yedohorota. Sa yero ahri yehrapü tiquiro tojoa tato pano, “Mähare yuhdwoatja”, tiquiro nidiro sahata sohtori tirota yuhäre. Yuhäre yuhdwoorota tiquiro. Tire quehnoano masiaja.

¹³ Mähare quehnoano yuhu yahurire ye pehoya. Cristo Jesu yequina ijina tiquirore quehnoano wacü tutuaja mari. Sa yena apeqinare quehnoano cahüaja. Sa yegu tiquirore sa wacü tutuaducuya mähü. Apeqinare quehnoano cahüducuya. ¹⁴ Sa yegu Espiritu Santo mari mehna ijiriquiro tiquiro yedohoro mehna quehnoañe buheyere quehnoano yeya. Queoro buheya.

¹⁵ Ijiphtiyequina Asia yehpa cjöna Jesu yequina yuhäre yedoho dueraye, cohä cäa wahari. Tiquina mehna cjöna puaro Figelo, Hermógene sata yeri tiquina gähü. Tiquina sa cohä cärire masi tuhasare mähü. ¹⁶⁻¹⁷ Tiquina sa cohäepagüta Onesiforo pehe peye tahari yuhäre yedohoro quehnoano jeri sajägü yeri. Sa yero yuhu peresupü ijigü tiquiro yuhäre bue tisäedari. Sa yero yuhu Romapü ijigü sa macaducuri jiri yuhäre. Sa macaducuro yuhäre bocari. Sa yero tiquiro pohnene, tiquina pacoro gähare paja ihñanota Jesu mari puhtoro. Tiquirore sa paja ihña dutigü tiquirore sini basaja. ¹⁸ Sa yero ahri yehrapü Jesu mari puhtoro tiquiro tojoa tati deco tiquirore paja ihñanota. Tiquirore sa paja ihña dutigü tiquirore sini basaja. Efesopü marine Onesiforo tiquiro yedohore quehnoano masine mähü.

2

Ñano yuhdwoepenata Jesu yequina ijina ihcäno sahoro cahmene marine

¹ Mähü pehe yuhu macu yero saha ijigü, Jesucristo yedohoro mehna tiquirore wacü tutuaducuya. ² Sa yegu peyequina masare yuhu buherire mähü tuhorire apeqina gähare buheya mähü. Tiquina mähü

buheyequina Cohācjū yere yeducuyequina ijiahero. Sa ye apequinare buhe masifequina ijiahero.

³ Surara ñano yuhduerperota tiqiro ihcāno sahariro saha mahu gahu Jesu yaquiro ijigu ñano yuhdugu, ihcāno sahaya mahu. Sa yegu apequina Jesu yequina yero saha yegu nine mahu. ⁴ Surara tiqiro puhtoro dutiye pehere yere. Sa yero tiqiro surara ijieyequina yero saha ihyo ijiyere yerare tiqiro. Mahu gahu sata Cohācjū dutiye dihitare yeya. ⁵ Omariquiro oma dutiyequina tiquina dutiye queoro yeraro, tiqiro oma yuhduducari wapare ne masiedare. (Sa yegu omariquiro ti dutiye queoro tiqiro yeriro saha Cohācjū dutiye quehnoano ye pehoya mahu.) ⁶ Sa yero wese dahrariquiro quehnoano dahrariquiro pehe apequina pano quehnoano wapatare. (Sa yegu mahu gahu tiqiro yero saha quehnoano dahraya mahu.) ⁷ Ijipihtiyere quehnoano masigū yerota Jesu mari puhtoro mahure. Sa yegu yojopare mahure yuhu nidire quehnoano wacū tautuya.

⁸ Sa yegu Jesucristore wacūña. Tiquiro puhtoro Davi manano panopa cĵano tiqiro panamino iji turiariquiro ijiahye. Sa yero yariaro masa mahayhe tiqiro. Quehnoañe buheye buhegu tiqiro sa waharireta buhegu niaga. ⁹ Tiquiro yere buhegu ñano yuhduaja yuhu. Sa yegu tire yuhu buheri buhiri ñañene yeriquiro yero saha peresupa ijiaja yuhu. Yuhu sa ijiepegāta Cohācjū ye yahuducuyere buhe duhugū ye masiedare masa yahure. ¹⁰ Sa yegu Cohācjū beseriquinare buhegu peye tahari ñano yuhduaja yuhu, tiquina gahu Jesucristo yequina tiquina ijiatire. Tiquiro yequina ijieye tiquina pecapu wahaboriquina pehe tiqiro yuhduoatiquina ijieta. Sa ye tiquina Cohācjū mehna sa ijiducuenta.

¹¹ Ahri yuhu niati ijirota ijire. Cristo yere mari yeri buhiri apequina marine tiquina wejēgū tiqiro mehna ahmusepu sa ijiducuenta.

¹² Sa yena tiqiro yere mari yeri buhiri ñano yuhduepenata ihcāno sahana tiqiro puhtoro ijipore tiqiro mehna puhtoata ijinata mari gahu.

¹³ “Cristore usā masiedaja”, mari nigū, tiqiro gahu marine sata ninota. Tiquirore mari yuhduducagū ihñano tiqiro nidiro sahata marine buhiri dahrerota. Tiquiro nidiro sahata yeriquiro ijire tiqiro. Ne ni mehoedare. Ahri ijipihtiyere tiqiro yahuri ijirota ijire.

Cohācjū tiqiro ihña coayequinare, tiqiro yere buheyequinare yahuahye Pablo Timoteore

¹⁴ Ahri yuhu yojopa yahuatire mahu mehna cĵenare wacūgū yeya. Tiquina esa tuharo ihyo ijiyere tiquina yahuducuye duhseati ijierare. Sa yeye tiquinare tuhoriquinare ñano yegū yere. Sa yegu mari puhtoro ihñonopa ohō saha ni yahuya tiquina esa tuharo buheriquinare. “Masa yahuducuro saha yahuducueracāhña”, niña tiquinare.

¹⁵ Mahu pehe Cohācjū yere quehnoano buheya. Sa yegu Cohācjū yere tutuaro yeya. Mahu sa yegū ihñano “Quehnoano yeri mahu”, ninota Cohācjū mahure. Sa yegu mahu buherire tiqiro ihñagū bue tisi mahu. Sa yegu tiqiro ye buheyere quehnoano masiña. Sa yegu tire queoro buheya. ¹⁶ Tiquina esa tuharo yahuducuyequina ñañene sa yeducure. Sa yegu tiquina sa ni yahuducuyere taho yabiya mahu. ¹⁷ Tiquina pehe tiquina yahuducuye camino ahba mujano yero saha ijire. Camino ahba mujano saha tiquina yahuducuye gahu apequina Jesu yequinare ñañequina wahagū yeeta. Sa yahuducuyequina mehna cĵena Himeneo, Fileto gahu ijire. ¹⁸ Sa yeye tiquina “Jesu yequina masa maja tuhasari”, ni buheye, quehnoañe buheyere duhu cāri tiquina. Sa sijoro saha buheye, meheñequinagā Jesu yequinare tiqirore wacū tutua duhugū yeri tiquina. ¹⁹ Tiquina sa ñano buhepegāta Cohācjū ye buheye pehe ne comesaerare. Ohō saha nine tiqiro ye buheye: “Mari puhtoro Jesu tiqiro yequinare masine. Sa ye, ijipihtiyequina ‘Jesu yequina ijiaja’, niñequina ñañene duhu cāhdo”, ni yahure Cohācjū ye buheye.

²⁰ Mari queoye mehna buhegū masa sihniñe pari yero saha ijire. Pajiri wahuapu uru, plata mehna tiquina yeri pari ijire. Sa yero ti wahuapu apeye pari yucuga mehna, dihi mehna tiquina yeri pari ijire. Uru, plata mehna tiquina yeri pari quehnoañene tiquina pose yeati ijire. Apeye pari ihyo ijiyere tiquina pose yeati ijire. ²¹ Sa yero ñañene yerariquiro uru pa quehnoari pa yero saha ijirota. Sa yero tiqiro pehe Jesu ye dihitare yeducuriquiro ijirota. Sa yero wahu cĵano quehnoari pa mehna quehnoañene tiqiro yeriro saha, ñañene yerariquiro Jesu ye ijiatire quehnoañene yerota.

²² Wahma ijire mahu. Sa yegu wahma pĵia ñañene tiquina tutuaro ye duaro sahata yeracāhña mahu. Sa yegu quehnoañene yeya. Jesure wacū tutuaducuya. Sa yegu tiqirore, masa gahure cahña. Sa yegu mahu mehna cĵena Jesu yequina mehna ijigu cahmequeno marieno quehnoano ijia mahu. Sa yeya mahu Cohācjūre yahtiyequina tiqirore siniducuyequina mehna ijigu. ²³ Sa yegu tauturo marieno

tiquina cahme yahuducuyere mahu gahu tuho nahmedacahna. Sa yegu mahu gahu sa cahme yahuducueracahna. Sa ni yahuducuyere masa tiquina basi cahme tuhti, usuare. ²⁴ Cohacju cahacjano ihcaquiro ijiro, cahme tuhtiraro cahmene tiquirore. Sa yero ijiphiyeyequinare quehnoano yeriquiro, buhe mihnidiquiro, duita useriquiro ijiro cahmene tiquirore. ²⁵ Sa yero apequina tiquiro mehna tiquina cahme tuhtigu tiquiro tiquinare yahuro, quehnoano mehna usuaro marieno yahuro cahmene tiquirore. Tiquiro sa yahugu ihnahe Cohacju yedohoye mehna tiquina pehe tiquina nahe yerire buja witiwoaga. Sa ye quehnoahe buheyere masi dacaboaga. ²⁶ Tiquinare watino cuomedi tiquiro cahmeene yeatiquinare. Sa ye tiquina nahe yerire buja witori bato quehnoahe buheyere masihe, watinore cohaceta.

3

Pihtiati deco ijatire yahuahye Pablo Timoteore

¹ Pihtiati deco panogare nano yuhdueta masa. Tire quehnoano masiha mahu. ² Ti pjere masa apequinare wacu peoyequina, niherure cahme yuhducayequina, "Apequinare masi yuhducaja", ni tiquina basi tuhotuyequina, masare nano tuhtiyequina, tiquina pacusumare yuhducayequina, tiquina ohopegata "Quehnoare", niehequina, Cohacjare no peoyequina ijiet. ³⁻⁴ Sa ye masare cahnehequina, paja ihnehequina, nahe quitu dahreyequina, tiquina esa tuharo nano yeducuyequina, masare sa queducuyequina, quehnoahe yabiyequina, tiquina mehna cjenare nano yeyequina, tuho masiehequina, "Masi pehoaja", ni tuhotuyequina ijiet masa. Sa ye nahe cahme yuhducayequina ijie, Cohacju pehere cahmehequina ijiet. ⁵ Sa ye tiquina masa ihonopu Cohacjare no peopeta "Cohacju ihyo ijiriquiro ijire", ni tuhotumene tiquina.

Sa nihequinare piti tieracahna mahu. ⁶ Tiquina mehna cjen tuho masiehequina numia ye wahusepu saj, tiquina numiare ni mehoene buhere. Tiquina numia pehe sa nahe yeducuyequina numia, tutuaro nahe ye duare. ⁷ Tiquina numia sa buheducuyere ihyo ijie buheyere, sijoro saha ijie buheyere tuhoye numia ijie, Cohacju ye buheyere pehere ne masiedare. ⁸ Panopu Jane, Jambre yayia muna Moiseri tiquina ihna tuhtiraro sahata pihtiati deco panoga ijiequina masa quehnoahe buheyere pehere ihna tuhtiet. Tiquina nahe dihitaro tuhotuyequina ijiet. Sa ye Jesure wacu tutuayequina waro ijierare. ⁹ Sa yeyequina tiquina ni mehoene tuho

duasi apequina pehe. Came tiquina ni mehoene, tuho masiehequina tiquina ijie gahere ijiphiyeyequina masieta. Jane, Jambre mehna tiquina ni mehoene panopu masa tiquina masidiro sahata sata masieta pihtiati deco panoga ni mehohequina tiquina ijieyere.

Pablo Timoteore duti bato tiahye

¹⁰ Yuhu buheyere, yuhu yee tirire, yuhu ijieyere tiyere, yuhu ye duayere, Jesure yuhu wacu tutuayere masine mahu. Sa yegu usuaro marieno yuhu yerire, masare yuhu cahnehe, nano yuhdureguta yuhu ihceno saharire masine mahu. ¹¹ Sa yegu yahere tiquina nano yerire, yuhu nano yuhdire masine mahu. Sa yegu Antioquaru, Iconopu, Listraru, yahere na yuhdaro tiquina yerire masine mahu. Yuhu sa wahagu ihnano mari puhtoro Jesu pehe yahere yedohori. ¹² Ijiphiyeyequina Jesucristo yequina tiquina iji duagu Cohacju dutiraro sahata tiquina yeducu duagu apequina tiquinare nano yeeta. Ti ijirata ijie. ¹³ Sa ye nahequina pehe ni mehohequina gahu na yuhducayequina wahaeta. Apequinare ni mehohe, tiquina basi ni mehoene "Sa tjire", nihe, na yuhducayequina wahaeta.

¹⁴ Mahu pehe mahere yahu buherire, quehnoano mahu tuhorire sa wacuducuya. Sa yegu yuhu buheriro sahata yeya. Mahere buheriquinare masine mahu. ¹⁵ Mahu nijigu ijigapata Cohacju yere tiquina ojoari pure masi dacahye mahu. Tiquiro yere tiquina ojoari puru ohohaha ni yahere mahere: Jesucristore wacu tutuayequina dihitaro pecaru wahaboriquinare yuhduore Cohacju. ¹⁶ Cohacju yere tiquina ojoari puru ijiphiyere Cohacju pehe oja dutiahye. Sa yena ti pure buhena mari masi nemoaja. Ti pure buhena Cohacju dutiyere mari yeatire masiaja. Sa buhena mari nahe yerire "Ahi nahe ijie", ni tuhotuaja mari. Sa yero ti pu marine quehnoahe pehere camesa dutire. Sa yero decoripe quehnoahe mari yeducuatire yahere ti pu. ¹⁷ Sa yero Cohacju yaquiro tiquiro ya pure buhero, masi pehorota. Sa masino ijiphiyere quehnoahe ye masinota tiquiro.

4

¹ Jesucristo ijiphiyeyequina puhtoro, tojoa tatiquiro, catiequinare, yariariquina gahere buhiri dahre dutiatiquiro tiquiro ihonopu mahere ohohaha ni yahutja. Cohacju ihonopu gahere ohohaha ni yahutja mahere: ² Decoripe masa tiquina tuho duagu tiquina tuho dueragu gahere Cohacju yere yahuya. Sa yahugu masa tiquina nahe yerire masigu yeya tiquinare. Sa yegu tiquina nahe yerire "Ye nemoedacahna", ni yahuya tiquinare.

Quehnoañe pehere ye dutiya. Sa buhegu ne usuegu, caributieracãhña mũhũ. Sa yegu ne arequinare buhe duhueracãhña. ³⁻⁴ Cameru masa quehnoañe buheyere tuho duasi. Sa tuho dueraye, tiquina cahmeno sahata yeye, tiquina tuho coaye dihitare buheyequinare cahmeeta tiquina. Sa ye ni mehoñe buheyere peyequina buheyequinare cœoeta. Tiquina sa yeye quehnoañe buheyere pehere cohã, tiquina sa buhe maca cãrre tuho nũnũeta. Sa yegu quehnoañe buheyere buhe duhueracãhña mũhũ. ⁵ Mũhũ gãhũ sa ijigũ decoripe tuho masigu ijija. Sa yegu ñano yũhduepegũta ihcãno sahaya. Sa yegu quehnoañe buheyere sa buheducuya. Cohãcũ mũhũre tiqiro ye dutirire ye peho cãhña mũhũ.

⁶ Yũhũ Cohãcũ yere yũhũ yeri buhiri yũhũ yariato mehenogã dũhsare. Sa yegu meheñe decorigã catiniitja. ⁷ Yũhũ yariato panogã ahrire yahutja: Jesu quehnoañe buheyere yũhũre buhe dutiro tiqiro cũrre quehnoano buhe sohtori tii. Tiquiro ye dutiyere quehnoano ye pehou. Sa yegu ñano yũhduepegũta tiqirore ne wacũ tutua duhueru. ⁸ Yojoũre quehnoañene yũhũ yeri wapare aũmũsepu ihboro niaga. Sa yero mari pũhtoro, ijipihtiyequinare masi pehoriqiro, buhiri dahre dutiro queoro yahuriqiro tiqiro tojoa tati deco tiqiro yere yũhũ yeri wapare ohorota yũhũre. Arequina gãhũre tiqiro tojoa tatire cohteyequinare tiqirore cahĩnequinare tiqiro yere tiquina yeri wapare ohorota Jesu.

Pablo yahu nemoahye Timoteore

⁹ Yũhũ cahapu aũmũñano ihñagu ahtaya mũhũ. ¹⁰ Dema ahri yehpa cẽ ijipihtiyere tutuaro cahmeno yũhũre yedoho dueraro cohã cãa wahari Tesalõnicapu. Crescente gãhũ Galacia yehpapu wahari. Sa yero Tito gãhũ Dalmaciapu wahari. ¹¹ Luca dihita yũhũ mehna ijire. Marco yũhũre quehnoano yedohoatiqiro ijire. Sa yegu tiqirore ne cãhtaya mũhũ. ¹² Sa yegu Tiquicore Efesopu ohou. ¹³ Ohõpu ahtagu, yũhũ bui sañari suhtirore, Troapu Carpo ya wũhũpu yũhũ cũri suhtirore ne cãhtaya. Sa ye sohõ ijiri tunuri ojoari tunuri gãhũre ne cãhtaya. Sohõ ijiri cahseri ojoari cahseri pũritare tutuaro cahmeaja yũhũ. Sa yegu ti cahseri gãhũre ne cãhtaya.

¹⁴ Alejandro comene dahrariqiro yũhũre ña yũhdũaro yeri. Sa yero tiqiro sa yeri buhiri Cohãcũ buhiri dahrerota. ¹⁵ Tiquiro Alejandro mari ye buheyere tutuaro ihña tuhtiri. Sa yegu tiqiro masare “Ñano yeari” nigũ, tiqirore ihñagu, quehnoano wacũ masiña.

¹⁶ Masare beseriqirore peresupu ye dutiriqirore yũhũ yerire, yũhũ buherire

tiqirore yũhũ coã yahugũ ne ihcãqiro boro Jesu yaqiro yũhũre yedohoerari. Ijipihtiyequina yũhũre yedohoeraye, cohã cãa wahari. Tiquina sa cohãepẽgũta yũhũre tiquina cohãri buhiri Cohãcũ buhiri dahreracãhdo. ¹⁷ Yũhũ sa wahaepẽgũta Cohãcũ yũhũre yedohori. Sa yero tiqiro ye buheyere yũhũ quehnoano yahuatire tiqiro ye tutuayere ohori yũhũre, ijipihtiyequina judio masa ijieyequina ti buheyere tiquina tuhoatire. Sa yero yũhũre tiquina ñano tiquina ye duepẽgũta yũhũre tiquina ñano yeborigare yedohori mari pũhtoro. ¹⁸ Ijipihtiyequina yũhũre ñano yeyequinare yũhdũũcaro, yũhũre yedohorota mari pũhtoro. Sa yero aũmũsepu tiqiro pũhtoro ijirõpu yũhũre iji dutiro, yũhũre yũhdũorota tiqiro. Sa yena “Tiquiro quehnoa yũhdũariqiro, tutua yũhdũariqiro ijire”, niñna mari ijipihtiyere decori. Sata niñna.

Pablo quehnoa dutiahye Timoteo cahapu ijieyequinare

¹⁹ Prisca, Aquila, Onesiforo ya wũhũ cẽna gãhũ quehnoahdo. ²⁰ Erasto Corintõpu tojoari. Trõfimo Miletopu dohatia wahari. Sa yegu tiqirore topu cũu yũhũ. ²¹ Pohero pano aũmũñano ahtaya mũhũ. Eubulo, Pudente, Lino, Claudia gãhũ, ijipihtiyequina Jesu yequina mũhũre quehnoa dutire.

²² Mari pũhtoro Jesucristo mũhũ mehna ijirota. Sa yegu masare ijipihntinare Cohãcũ mehna pajiro quehnoa dutiaja.

Tito

Pablo Titore oja ohoahye

¹ Yuhũ Pablo Cohãcjũ cahacjũ, Jesucristo yere tiqũro buhe duti cũrigũ ijiaja. Cohãcjũ beseriquina Jesure tiqũna wacũ tuatire quehnoañe buheyere tiqũna masiatire Jesu buhe dutiro yũhare cũri. Ti buheye Cohãcjũ dutiro saha mari yeatire yahure. ² Sa yegũ ijipihtiye decori Cohãcjũ yequina uhmũsepu tiqũna ijiducuatĩ gũhare buheaja tiqũnare. Cohãcjũ ne ni mehoñe marieniquiro ahri yehpare tiqũro bajumehneato pano ohõ saha ni cũahye marine: “Uhmũsepu sa ijiducunata masa”, ni cũahye marine. ³ Sa yero tiqũro queori pje Cohãcjũ tiqũro ni cũrire yahu dutiri masare. Sata yũhare ni yahu dutiri tiqũro. Marine pecapu wahaborinare yũhduoriqũro ijire. ⁴ Mũhare Titore Jesu yere buhei. Yuhũ sa buhegũ tuhogũ Jesure wacũ tutua dũcari mũhu. Sa yegũ mũhu potota yũhu macũ yero saha ijiguta nine. Mũhare ahrire ojaogu niaga. Sa yegũ Cohãcjũ mari Pacũ mehna, Jesucristo marine yũhduoriqũro mehna mũhare quehnoa dutiaja. Sa ye paja ihñañe, mũhare tiqũna yedohoye mehna quehnoano ijiya mũhu.

Creta wame tiri nũcnopũ Tito tiqũro yeatire yahuahye Pablo

⁵ Creta wame tiri nũcnopũ mũhare yũhu cũgũ Jesu yequina tiqũna buheati dũhsarĩdi ti pjere. Sa yegũ tiqũna yeatire yahuyuacjũre cũgũ nii yũhu mũhare. Sa yegũ macaripe cjẽna Jesu yequina puhtoa ijiatiqũnare bese dutigũ cũgũ nii mũhare. ⁶⁻⁸ Tiquina puhtoa Cohãcjũ cahacjẽna ijire. Sa yegũ tiqũnare besegũ quehnoañequinare beseya sijoro saha yeeyequinare. Sa yegũ ihquẽquina numiaretã namo tiyequinare, “Apequinare masi yũhduacaja”, ni tuhotueyequinare, usueyequinare, queheye marieñequinare, cahmequeñe marieñequinare, apequina yere ni meho ehmeñequinare beseya. Sa besegũ tiqũna wũhũsepu sajã sayequinare quehnoano ihña ihboyequinare, quehnoañe pehere quehnoano bucueyequinare, tuho masiñequinare, quehnoañene yeducueyequinare, ñañe marieñequinare, ñañene yeeyequinare, niji siaro marieno dahrayequinare, quehnoañene yeducueyequinare beseya. Sa ye mũhu beseatiquina pohnene ohõ saha ijieyequina ijiro cahmene: Jesure wacũ tutuayequina, quehnoano yeducueyequina, ijipihtiyequinare quehnoano yũhtieyequina ijiro cahmene puhtoa pohnene. ⁹⁻¹⁰ Sa ye quehnoañe buheyere queoro mari

buheducuiri sahta ne duhueyequina ijiaho puhtoã mũhu beseatiquina. Sa ye tiqũna quehnoañe buheyere yahueyequina ijietã. Sa ye quehnoañe buheyere ihña tuhtieyequinare buheye, tiqũna ye ni mehoñe ijigũ masigũ yeeta tiqũna. Sa yegũ quehnoano beseya Jesu yequina puhtoã ijiatiqũnare.

Pevequina tiqũna puhtoãre yũhduacayequina, quehnoano tuhotu yahuducueyequina, ni mehoñequina ijire yojopũre. Sa yeeyequina judio masa pũrita ña yũhduaro yeve nine. Tiquina ye buheye poto ijieragũ tiqũnare masigũ yero cahmene. ¹¹ Tiquina judio masa pehe niñerure wapata dua, buhere. Sa yeraro cahmene. Sa buheye ihquẽ wũhũse cjẽnare ijipihtiyequinare Cohãcjũ ye pehere cohãgũ yeve niaga tiqũnare. Tiquina sa yegũ tiqũnare sa ye dutieraro cahmene.

¹² Tiquina yere panopũ yahuriqũro ti nũcno cjẽno ijieperota ohõ saha ni yahuahye: “Creta nũcno cjẽna sa ni mehoducueyequina ijire. Ti nũcno cjẽna wahiquina yero saha usuayequina ijire. Sa ye sa ihyaducueyequina ijieye ne dahra duerare”, niaheye tiqũro, tiqũro ya nũcno cjẽnare. ¹³ Tiquiro sa niñe ijirota ijire. Tiquina sa ijigũ ihñañe tiqũnare tutuaro tuhtiya Jesu ye buheye pehere quehnoano tiqũna masiatire. ¹⁴ Sa yegũ judio masa panopũ cjẽna tiqũna esa tuharo tiqũna ni macã cãrire, Jesu yere cahmeñequina tiqũna dutieye gũhare Creta cjẽna tiqũna tuho nũnũdatire tuhtiya tiqũnare.

¹⁵ Buhiri marieñequina quehnoañe dihitare tuhoture. Ñañene yeducueyequina, Jesure wacũ tutueyequina pehe ñañe dihitare tuhoture. Tiquina tuhotuyepũre ña yũhduare. Sa ye quehnoañe pehere bese masiedare. ¹⁶ Tiquina “Cohãcjũre masiaja usã”, niepeta, ñañene yere. Sa yeeyequina tiqũna ijigũ ihñañe Cohãcjũre masieñequina tiqũna ijigũ masiaja mari. Sa ye tiqũna ña yũhduayequina, Cohãcjũ yere yũhduacayequina ijire. Sa ye tiqũna quehnoañene ye masiedare.

2

Quehnoañe buheyere queoro yahu duti-ahye Pablo Titore

¹ Mũhu pehe buhegũ, quehnoañe buheye ti nidiro sahta quehnoano buheya. ² Bũcnũnare ohõ saha ni yahuya: Cua pesayequina, masa ño peonohñequina, tuho masiñequina, Jesure quehnoano wacũ tutuayequina, quehnoañe buheyere quehnoano yeeyequina, Jesure masa gũhare cahñequina, ñano yũhduapeta ihcãno sahayequina ijiaho tiqũna. ³ Bũcna numia gũhare sata ni yahuya: Cua pesaye numia, ñañe quitĩ dahreraye numia, queheraye

numia ijiahiro tiquina numia gāhu. Sa ye ye numia ijije, quehnoañene buheahro apequina numiare. ⁴ Apequina numiare ohō saha ni buheahro bućna numia: Tiquina manušumare, tiquina pohne gāhure cahāhdo. ⁵ Sa ye ye tiquina tuho masiñe numia, apequina umua mehna ñano yeraye numia, ihcā wñhu cǵēna ijieyquinare quehnoano ihña ihboye numia, masa quehnoañe numia, tiquina manušumare quehnoano yuhtiyē numia ijiahiro tiquina, Cohācǵū ye buheyere apequina “Ñano yahu wajari”, niñe.

⁶ Sa yegu wahma pǵia gāhure ohō saha ni yahuya: Tuho masiñequina ijiahiro tiquina. ⁷ Sa yegu mñhu pehe quehnoañe dihitare yeducuya mñhure tiquina ihña cūatire. Buhegū ne ni mehono marieno buheya. Sa buhegū cua pesaro mehna buheya mñhu. ⁸ Sa buhegū tuho masiñe mehna quehnoano buheya apequina mñhure “Yahu wajari”, nigū. Mñhu sa buhegū ihñañe marine ihña tuhtiyequina ijiepetā marine ihyo warota yahu waja masiedare. Marine sa yahu waja maca cāñe, buoro wahaeta tiquina.

⁹ Sa yegu cahacǵēnare ohō saha ni yahuya: Tiquina puhtoare quehnoano yuhtiahiro. Sa ye ye tiquina puhtoare quehnoano bucegū yeahro. Sa dihita yeahro. Sa ye tiquina puhtoare purino yuhtieracāhdo. ¹⁰ Sa ye tiquina puhtoa yere yaqueracāhdo. Sa ye quehnoañequina ijiahiro. Tiquina puhtoa dutiyere queoro yeducuahro. Tiquina sa quehnoano yuhtiyequina ijigū ihñañe, Cohācǵū marine yuhtioriquiro ye buheyere tuho bucueeta apequina.

¹¹ Masare tiquiro cahñene Cohācǵū ihño tuhasari. Sa cahño ijipihtiyequina pecapū wahaboriqinare Cohācǵū tutuaro yuhtuoro duare. ¹²⁻¹³ Masare sa cahño Cohācǵū marine ohō saha ni buhere: Cohācǵū ihña tuhtiyere, ñañe tutuaro cahmeñene duhu cā dutire marine. Cohācǵū tutuariquiro, Jesucristo marine yuhtuoriquiro tiquiro asi siteyere mari ihñati decore, quehnoari decore mari cohtena niaja. Sa yero mari cohteri deco pano tuho masina, quehnoañene yeducuna, Cohācǵū ño peoducuna marine iji dutire Cohācǵū. ¹⁴ Tiquiro Jesucristo mari ye ijiatire yariahye ijipihtiyē mari ñañe yerire duhugū yero taro, marine tiquiro yequina wahagū yero taro. Mari ñañene tiquiro sa cohāgū mari ñañe buhiri mariena ijinata. Sa yena tutuaro quehnoañene ye duana ijinata.

¹⁵ Ahri ijipihtiyere ti nućno cǵēnare Jesu yequinare buheya mñhu. Tiquina puhtoro ijigūta nine mñhu. Sa yegu tiquinare yahuya. Sa yegu tiquina ñañene yegū ihñagu tuhtiya tiquinare. Sa ye ijipihtiyequina apequina mñhure doca cūedacāhdo.

3

Jesu yequina tiquina yeatire yahuahye Pablo

¹ Ohō saha ni yahuya to cǵēnare Jesu yequinare: Tiquina puhtoare quehnoano yuhtiyequina ijiahiro. Ijipihtiyere quehnoañene yeatiquina ijiahiro. ² Sa ye apequinare ne ñañe quti dahreracāhdo. Cahme tuhtieracāhdo. Sa ye masa quehnoañequina, ijipihtiyequinare ño peoyequina ijiahiro.

³ Panopure mari gāhu tuho masiena, yuhtuoducana, ni mehoñene tuho nunana, ñañene ye duana, ñañene tutuaro cahme duhu masiena, decoripe ñañene yeducuna, apequinare ihña coona ijie timi mari gāhu. Sa ye marine apequina ihña tuhtiri. Sa yena mari gāhu tiquinare ihña tuhtimi. ⁴⁻⁵ Sa ijirina mari ijiepegūta Cohācǵū marine pecapū wahaborinare yuhtuori. Sa yuhtuoro tiquiro quehnoariquiro ijiyere, masare tiquiro cahñe gāhure marine ihñono nidi. Quehnoano mari yeri mehna yuhtuore marine. Marine paja ihñano mari ñañe yerire cohāno Espiritu Santo mehna marine yuhtuori. Sa yero marine tiquiro pohna wahagū yeri. Espiritu Santo pehe quehnoano mari ijiatire comesagū yeri marine. ⁶ Jesucristo marine yuhtuoriquiro tiquiro yaria masa mñañe mehna Cohācǵū yaquiro Espiritu Santore ohori marine pajiro tiquiro tutuayere mari cuoatire. ⁷ Marine cahño, marine quehnoano ye duari. Sa yero tiquiro yaquiro Espiritu Santore marine ohori ñañe buhiri mariena mari ijiatire, umusepū mari sa ijiducuatire. Mari sa ijiducuatire masina, tire cohtena niaja.

⁸ Ti yñhu nidi ijirota ijire. Sa yegu tire yñhu ni ojoariro sahata masare buhegū, ti dutiyere ye peho dutiya mñhu. Sa yegu Cohācǵū wacū tutuayequinare tire buheya quehnoañene tiquina quehnoano yeatire. Ahri yñhu ni buheri quehnoañe buheye ijire. Sa ye masa ahri buheyere tiquina tuho nunagū ihyo waro ijierare. ⁹ Apequina tiquina yahuducuyē pehe dahseati ijierare. Sa ye masiedapeta tiquina yahuducu yuhtuoducayere mñhu tuho nunagū ihyo waro tuho nunagū nine mñhu. Sa ye tiquina acaye panopū cǵēna tiquina ijie tirire yahuducu yuhtuoducayere, Cohācǵū Moisere tiquiro dutiyere tiquina yahuducu yuhtuoducayere ti ijipihtiyere quehnoano mñhu tuho nunagū ihyo waro tuho nunagū nine mñhu. Sa yegu tire tuho nunedacāhña. Mñhu gāhu tiquina yero saha yahuducu yuhtuoducaracāhña.

¹⁰ Masa mehna cǵēno sa ni yuhtuoducariquiro masare cahme tu wagū tiquiro yegū ihñagu “Yeracāhña”, niña tiquirore. Pua taha tire

tiquirore mahũ ye dutierari bato tiquiro yahtieragũ ihñagũ tiquirore piti ti duhuya.

¹¹ Ohõ saha yeriquiro ñañe dihitare tutuaro cahmeducuriquiro ijire. Tiquiro sa ijigũ ihñana tiquiro ñariquiro ijigũ masiaja mari.

Pablo duti bato tiahye

¹² Nicopolipũ pohecũ ijiro puno ijigũ tagũ niaja. Sa yegũ Artemare o Tiquicore mahũ cahapũ yahũ oho mahtagũ topũre yahũre piti caya mahũ. ¹³ Sa yegũ dutiyere quehnoano mihnidiquirore Zena wame tiriquirore, Apolo gahũre quehnoano yedohoya tiquina wahatire. Sa yegũ apee boro tiquina cahmeñene ijipihtiye tiquinare ohoya tiquinare tiquina cahmeno puno. ¹⁴ Sa ye Jesu yequina mari mehna cjẽna quehnoañene yepoahro apee borore dahsayequinare tiquina yedohoatire, quehnoañene yeducuyequina tiquina ijiatire.

Pablo quehnoa dutiahye Jesu yequinare

¹⁵ Ijipihtiyequina yahũ mehna cjẽna mahũre quehnoa dutire. Topũ ijiyequina Jesu yequina usãre cahñequina quehnoahdo. Ijipihinare musare Cohãcjũ mehna pajiro quehnoa dutiaja.

Filemón

Pablo Filemo wame tiriquirore ojoa ducahye

¹ Yuhũ Pablo, Jesucristo yaquiro yuhũ ijiri buhiri peresupũ ijiaja. Yuhũ, mari acayaro Jesu yaquiro Timoteo mehna mũhare Filemore quehnoa dutiaja usã. Sa yegu mũhare ojoa ohoaja yuhũ, Pablo. Mũhu usã cahĩgu Cristo yere usã mehna dahradohogu ijire mũhu. ² Sa yena Jesu yequina mũhu ya wũhũpũ cahmecoafĩequina gũhare ojoa ohoaja yuhũ. Mari acayaro Jesu yacoro Apia gũhare ojoa ohoaja yuhũ. Mari cahĩniquiro Arquipo gũhare ojoa ohoaja yuhũ. Arquipo pehe usã yero saha Cristo yere yahuriquiro ijire. ³ Sa yena Cohãcjũ mari Pacũ, mari puhtoro Jesucristo mehna mũsare quehnoa dutiaja. Tiquina yedohoye mehna quehnoano ijija musa.

Filemo apequinare tiquiro cahĩñene, Cristore tiquiro wacũ tutuayere yahuahye Pablo

⁴⁻⁵ Yuhũ acayũ Filemo, Cohãcjũre mũhare sini basagu mũhare wacũgu “Quehnoare”, niaja tiquirore. Cristore mũhu cahĩgũ tiquirore mũhu wacũ tutuagũ, apequina Cohãcjũ yequinare mũhu cahĩgũ tũhou yuhũ. Sa yegu Cohãcjũre “Quehnoare”, ni bucueaja. ⁶ Mari ihcãno mehna Cristore wacũ tutuana ijiaja. Sa wacũ tutuagu mũhu ijigũ ohõ saha ni sini basaja Cohãcjũre. Jesucristo yequina ijina, pajiro quehnoañene cõnata mari. Tire quehnoano mũhare masi peho dutigu sini basagu niaja Cohãcjũre. ⁷ Yuhũ acayũ, yojopũre apequinare mũhu cahĩgũ tũhogu bucueaja yuhũ. Ijipihtiyequina Cohãcjũ yequinare quehnoano bucuegũ yehohti mũhu. Mũhu sa yegũ tũhogu bucueaja yuhũ.

Pablo Onésimore sini basahye Filemore

⁸⁻¹⁰ Sa yegu yojopũre Onésimore mũhu cahacjãnore mũhu quehnoano yeaire mũhare sini basa duaja. Peresupũ yuhũ mehna tiquiro ijigũ Cristo yere yahuu yuhũ tiquirore. Tire tũhoro Cristore cahmedi tiquiro. Sa yero tiquiro Cohãcjũ yaquiro wahari. Sa waharo yuhũ macũ yero saha ijire. Sa yegu yuhũ Pablo bucũ ijigũ Cristo yere yuhũ buheri buhiri peresupũ ijigũ mũhare yahutja Onésimore mũhu yeaire. Cristo buhe dituro tiquiro cũrigũ ijiaja yuhũ. Sa tiquiro cũrigũ ijigũ Onésimore mũhu yeaire dutioborigũ ijiaja yuhũ. Sa niepeguta mũhare dutisi yuhũ. Cahĩñe mehna mũhare yahutja, to punota.

¹¹ Cristo yaquiro tiquiro ijianto pano Onésimo mũhu cahacjãno ijiro dahseatiquiro ijierari jiri. Mũhare quehnoano yedoho masiedari jiri. Yojopũ

pũritare tiquiro mũhare, yuhũ gũhare quehnoano yedohoriquiro ijiorota. Yojopũre Cristo yaquiro ijiro ihyo ijiriquiro waro ijierare.

¹² Sa yegu yojopũre tiquirore mũhare wia tojogu niaja. Sa yegu tiquirore quehnoano piti caya mũhu. Tiquirore tutuaro cahĩaja. ¹³ Quehnoañe buheyere yuhũ buheri buhiri peresupũ yuhũ ijiri watoa tiquirore yuhũre yedoho dutiboaya yuhũ tiquirore ohoeragu. Sa yegu yuhũ mehna toja dutiboaya yuhũ. Mũhu pehe yuhũre mũhu yedohoro basioeragũ tiquiro pehe mũhare comesariquiro ijiboaya. ¹⁴ Yuhũre yedohoboriquiro tiquiro ijiepegũta tiquirore mũhare oho tojoaja. Mũhu pehe tiquirore “Pablo mehna tojoarĩña”, mũhu nigũ masigu yuhũ mehna tiquirore toja dutiboaya yuhũ. Yuhũ pehe “Yuhũ mehna cũña tiquirore”, ni dueraja mũhare. Sa yegu tiquirore oho tojoarĩña.

¹⁵ Tiquiro Onésimo meheñe decorigã mũhare tiquiro duhti cãri bato pari turi mũhu mehna ijire. Cohãcjũ tiquiro cahmediro sahata mũhare duhti cãri jiri tiquiro Cohãcjũ yaquiro tiquiro wahato saha, yuhũ tũhotugũ. Sa yero pari turi mũhu mehna ijiro, sa ijiducurota mũhu mehna. ¹⁶ Sa yero tiquiro yojopũre cahacjãno ijierare. Cahacjãna tiquina bui cũño ijiriquiro ijire tiquiro, yuhũ ihñagũ. Yojopũre tiquiro mũhu acayaro Jesu yaquiro ijire. Sa yegu tiquirore tutuaro cahĩaja. Mũhu pehe yuhũ yuhũdũoro tiquirore cahĩguta. Mũhu sa cahĩdiquiro ijiro, cahacjãno ijieperota yojopũre cahacjãno tiquiro ijiriro saha ijierare tiquiro. Tiquiro mũhu acayaro Jesucristo yaquiro ijire.

¹⁷ Sa yegu yuhũre mũhu piti caboriro sahata Onésimo gũhare quehnoano piti caya. Mũhu mehna cju yuhũ ijigũ tũhotugũ tiquiro gũhare quehnoano piti caya mũhu. ¹⁸ Sa yegu mũhare sijoro saha tiquiro yeriquiro ijigũ mũhare tiquiro wapamoriquiro ijigũ yuhũ pehe tire wapa yeitja. ¹⁹ Yuhũ Pablo, yuhũ basi ahrire mũhare yahu ojoantja: Yuhũ pehe wapa yeitja mũhare. Mũhare yuhũ buheri bato Cristo yaquiro wahagu ijipihtiyede decori Cohãcjũ mehna ijiajũ ijire mũhu. Mũhare yuhũ sa buheri bato mũhu gũhu yuhũre pajiro wapamorigũ ijiboaya. Mũhu sa ijiepegũta mũhare wapa yeitja tiquiro wapamoñene. ²⁰ Sa yegu yuhũ acayũ, yuhũ cahĩgu, mari puhtoro Cristo yaquiro ijire mũhu. Sa yegu Onésimore quehnoano piti caya. Cristo yaquiro ijigũ yuhũ acayũ ijire mũhu. Sa yegu yuhũre quehnoano bucuegũ yeya.

²¹ Ahri yuhũ yahurire quehnoano yegũta mũhu. Sa yegu yuhũ yahuri yuhũdũoro yegũta mũhu. Tire masigu mũhare ojoa ohogu niaja. ²² Ahri gũhare yahugutja mũhare. Musa cahapũ yuhũ wahatire Cohãcjũre

sini basañohti m̄sa ȳh̄re. M̄sa sa sini basarire tiq̄iro ȳhtiboaga. “Añ”, tiq̄iro niḡ c̄ahmeaja ȳh̄. Sa yeḡ m̄sa c̄ahap̄ ȳh̄ esati tuc̄re quehnoyuya m̄h̄.

Pablo quehnoa duti bato tiahye Filemore

²³ Epafra m̄h̄re quehnoa dutire. Tiq̄iro pehe Cristo yere tiq̄iro yeri buhiri ȳh̄ mehna peresup̄ ijire. ²⁴ Sa ye Marco, Aristarco, Dema, Luca mehna m̄h̄re quehnoa dutire. Cristo yere ȳh̄ buheḡ tiquina pehe ȳh̄re yedohoyequina ijire.

²⁵ Mari p̄h̄toro Jesucristo mehna quehnoa dutiaja m̄sare. Tiq̄iro m̄sare quehnoano yerota.

Hebreos

¹ Panopu Cohăcju ijiahye. Tiquiro peye tahari mari acayere panopu cjenare tiquiro yere yahuahye. Apequinare tiquiro bajuaro yahuahye. Apequinare quehonoru yahuahye. Apequinare tiquiro piti caro yahuahye. Tiquiro yere yahu mŕhtariquinare yahu dutiro, sa yahuahye tiquiro mari acayere. ² Yojopare pihiri deco panogă ijiye decorire tiquiro macnore tiquiro yere yahu dutigă tiquiro pehe marine yahue tiri. Tiquiro Pacuro ye dutiro mehna ahri yehpare, ũhmuse găhure yeriquiro ijire. Tiquiro Pacuro pehe pihiri deco ijigă ijipihitiyere cŕoatiquirore cŕahye tiquiro macnore. ³ Sa yero tiquiro macno pehe tiquiro Pacuro ye asi siteyere cŕoriquiro ijiro, tiquiro tutuayere marine ihŕore. Sa yero ihcăno saha tiquiro Pacuro yero sahata ijiro, tiquiro Pacuro ijiye tiyere marine ihŕore tiquiro macno. Sa yero tiquiro macno tiquiro tutuaye mehna dutigă ahri yehpa, ũhmuse găhu sa ijiducure. Sa yero mari ŕano yerire tiquiro coseri bato ũhmusepu tiquiro Pacuro tutua yuhduariquiro poto pehe dujiahye, puhtoro tiquiro ijiyere ihŕono.

Cohăcju macno angele yuhduoro ijire

⁴ Tiquiro “Cohăcju macno”, wame tite. Ti wamene Cohăcju cŕahye tiquirore. Sa wame tiro apequina puhtoro ijire. Sa yero tiquiro angele yuhduoro ijire. ⁵ Tiquiro yequina angele pehere Cohăcju ne ohŕ saha ni yahuera tiahye:

Yuhu macu ijire mahu. Miare mahure bajuagă yei, niahye Cohăcju tiquiro macnore.

Angele pehere ne sa ni yahuera tiahye. Sa yero tiquinare ahri găhure ne yahuera tiahye:

Tiquiro Pacuro ijiitja yuhu. Sa yero tiquiro yuhu macu ijirota, niahye Cohăcju tiquiro macnore.

Angele pehere ne sa ni yahuera tiahye. Sa yero tiquiro macno tiquina yuhduoro ijire. ⁶ Sa yero ape taha tiquiro macnore coă masa bajuariquirore ahri yehparu cŕno ohŕ saha niahye Cohăcju tiquirore:

Ijipihitiyequina yeequina angele dusepe curi mehna quehe sa, ŕo peota tiquina yuhu macure, niahye tiquiro.

⁷ Sa yero tiquiro yequina angele pehere yahuro taro ohŕ saha niahye tiquiro:

Yeequina angelere wiŕnono yero saha pagu tigă yeaja yuhu. Tiquina yuhu cahacjena ijire. Sa yegu tiquinare peca pohna yero saha pagu tigă yeaja yuhu, ni yahuahye Cohăcju.

⁸ Tiquinare sa nieperota tiquiro macno pehere ohŕ saha niahye:

Muhu Cohăcju ijipihitiyequina puhto sa ijiducugata. Queoro dutigata muhu, mahu yequinare. ⁹ Ni mehono marieno yeyere, quehnoano yeyere tutuaro cahmene muhu. Sa yegu ŕaŕe yeyere ihŕa yabire muhu. Muhu sa ijigă ihŕagu yuhu mahu Pacu ijipihitiyequina apequina yuhduoro mahure bucuegă yei, niahye Cohăcju mari Pacu.

¹⁰ Ahri găhure niahye tiquiro, tiquiro macnore “Puhto” ni pisuro:

Puhto, coă waropare ahri yehpare, ũhmuse găhure bajumehnedi muhu. ¹¹ Ti ijipihitiye comesa pihita waharota. Muhu pehe ne comesasi. Sa ijiducugata muhu. Ti ijipihitiye suhtiro ahba bora djiaro saha pihita waharota. ¹² Ti ijipihitiye ũhmusere, ahri yehpa găhure comesagă yeita muhu. Munano suhtirore muhu cohaboro saha ti ijipihitiyere comesagă yeita muhu. Sa yero suhtiro ahba bora djiaro saha ti ijipihitiye comesarota. Muhu pehe ne comesasi. Sa ijiducugata muhu, niahye Cohăcju tiquiro macnore.

¹³ Ne angele pehere ahrire yahuera tiahye mari Pacu:

Yuhu poto pehe dujiya muhu. Puhto ijire muhu. Sa yegu mahure ihŕa tuhtiyequinare yuhdaduca basagutja. Sa yegu tiquina puhto ijigata muhu, niahye Cohăcju tiquiro macnore.

¹⁴ Ijipihitiyequina angele pehe Cohăcju cahacjena ijire. Sa yero mari Pacu ohore tiquiro yequina angelere Cristo yuhduoatiquinare yedoho dutiro.

2

Cohăcju yere quehnoane buheyere marine sa tuhotu căhno cahmedare

¹ Sa yena Cohăcju macno waro marine yahuriquiro tiquiro ijigă masina tiquiro yahuyere mari tuhorire quehnoano wacŕno cahmene marine, “Tire boari”, nina. ²⁻³ Angele yahurire masa pehe yuhduocagă ihŕano Cohăcju tiquinare buhiri dahreahye. Sa buhiri dahrero angele tiquina yahuri poto ijigă ihŕono niahye. Sa yena angele yahuri poto ijigă masina, tire marine yuhtiro cahmene. Ti yuhduoro Cristo pehere yuhtiro cahmene. Tiquiro mari puhtoro marine tiquiro yuhduoatire yahu mŕhtahye. Sa ye tiquirore tuhoriquina pehe tiquiro yahurire marine yahu turiari, marine quehnoano masigă yee tehe. Sa yero ti buheyere marine tiquiro yuhduoati buheyere mari sa tuhotu căgă Cohăcju

marine buhiri dahrerota. Tire duhti masiedaja mari.

⁴ Ti buheyere tuho muhtariquina tiquina buheri watoa Cohācjū pehe ti buheye potō ijigū ihñono nidi. Tiquiro tutuaye mehna ihñono nidi. Sa yero peye tahari tiquiro tutuaye mehna ye ihñono ti buheyere potō ijigū ihñono nidi. Sa yero tiquiro yequinare tiquina ye masiatire tiquiro cahmeno sahata cūahye. Espiritu Santo pehe ijire marine ye masigū yeriquiro.

Jesucristo mari yero sahata pagu tiriquireo masa bajuahye

⁵ Pihtiri deco bato ijiyequina Cohācjū caha ijiyequina puhtoa ijisi angele pehe. Tiquinare puhtoa sōsi mari Pacu. ⁶ Sa yero ihcāquireo mari Pacare tiquiro yahuducurire ohō saha ni ojoahye panopu:

Masa ihyo ijiyequina tiquina ijiepegūta tiquinare wacūre mahu. Masare quehnoano yere mahu. ⁷ Meheñe decorigā angele docapu masare cūahye mahu. Sa cūepegūta yojopure tiquinare tutuayere ohogu, puhtoa sōahye mahu. ⁸ Mahu sa sōgū ahri yehpapu ijiyequina wahiquina gāhu bui dahsaro marieno masare cūahye mahu, niahye panopu cjāno mari Pacare.

Sa sōno ahri yehpapu ijiyequina wahiquina gāhu bui dahsaro marieno masare cūahye. Masare tiquiro sa puhtoa sōepegūta ijipihtiyequina ahri yehpapu ijiyequina wahiquina masare ihña wahāedarīaga, usā tūhotugū. Ahri yehpapu ijiyequina wahiquinare ihña wahāgū yeraniaga masa. Ijipihtiye bui ijieraniaga masa. ⁹ Sa tiquinare ihña wahāgū yerapenata Jesu pehere wacū tutuaja mari. Meheñe decorigā angele docapu mari Pacu tiquiro macuno gūhure cūahye, mari ñañe buhiri yariatiquireore. Mari Pacu marine cahño mari yariaborirore Jesure yariagū cahmeahye. Sa yero tiquiro sa yariagū ihñano tiquirore tutuayere ohoro, puhtoro sōahye tiquirore.

¹⁰ Cohācjū ijipihtiyere bajumehnediquiro ijire. Sa ye ijipihtiye tiquiro ye dihita ijire. Sa yero Jesure yaria dutiro ñañene cohāgū yeahye tiquirore. Sa yeahye tiquiro masa peyequina tiquiro yequina ijiatiquinare ahmasepu neano taro. Jesu sa yero, ñañe marieniquiro, quehnoa yuhduariquiro tiquiro ijiyere ihñono niahye. Sa yero Jesu pehe marine yuhduoriguero, mari puhtorota ijire. ¹¹ Ijipihtiyequina masare tiquina ñañe yerire cose were tiquiro. Sa yero Jesu mari tiquiro cose wenohrina mehna Pacu tire Cohācjūre. Mari Pacu ihcāquirota ijire. Mari Pacu tiquiro ijigū Jesu marine tiquiro yequinare tiquiro cose

wenohrinare “Yuhu acaye ijire”, ni pisuro ne bue tierare. Tiquiro sa ni pisurire masare yahutja. ¹² Ohō saha nino niahye tiquiro:

Cohācjū, mahu ijiye tiyere yahutja yuhu acayepare. Ijipihtiyequina yequina ihñonopu mahure ño peogu “Tutuariquireo ijire”, ni yahutja yuhu tiquinare, niahye tiquiro Pacarore.

¹³ Ahri gūhure niahye tiquiro:

Cohācjūre wacū tutuautja yuhu, niahye tiquiro.

Ahri gūhure niahye tiquiro:

Ohō ijiaja yuhu. Cohācjū pohne mehna ohō ijiaja. Yuhure tiquiro cūriquina yuhu acaye mehna ohō ijiaja, niahye tiquiro yequinare “Yuhu acaye” ni pisuro.

¹⁴ “Tiquiro pohne” tiquiro niñequina pagu tiyequina mari ijigū ihñano, Jesu pehe mari ya pagu saha pagu tiriquireo ahtahye. Sa ijiriquireo ahtahye tiquiro curusapu yariaro taro, watñore butigū yero taro. Tiquiro watño pehe yaria dutiriquiro ijire. ¹⁵ Sa ye watñore butigū yero, marine yuhduore. Mari pehe decopre mari yariare cuemi. Sa cuerina ijina pecapu wahaborina ijimi mari. Sa ijina mari ijigū ihñano tiquiro marine yuhduore. ¹⁶ Sa yuhduoro angele pehere yedohoro ahtaerahye tiquiro. Abrahā panamena iji turianare Cohācjū yequinare mari pehere yedohoro ahtahye. ¹⁷ Sa yero tiquiro mari acayuro warota ahtahye. Ihcāno saha mari yero saha pagu tiriquireo ahtahye. Sa ahtarō mari yuhduatire mari ñañe yerire mari Pacare cohā dutiro ahtarō niahye. Sa yero mari yequina pahia puhtoa tiquina yeriro saha yero ahtarō niahye. Mari yero saha ijiro marine quehnoano paja ihñare. Sa yero Cohācjū cahmeno saha sa yeducuriquiro ijire. Sa yero tiquiro mari yaquiro pahia puhtoro ijiro nine. ¹⁸ Tiquiro ñano yuhduahye. Sa yero watño tiquirore ñano ye dutimahye. Yerahye tiquiro. Sa ñañene yerariquiro ijiro, tiquiro pehe mari gūhure ñañene yeragū ye masine. Watño ñañene tiquiro ye dutigū ihñano marine ñañene yeragū ye masine Jesu.

3

Jesu Moise yuhduoro ijiriquireo ijire

¹ Jesu tiquiro sa ijiriquireo ijigū ihñano tiquirore quehnoano wacūña masa. Yuhu acaye Jesu yequina, Cohācjū besenohrina ijire masa. Tiquiro Jesu pehe Cohācjū cūriquireo ijiro mari yaquiro pahia puhtoro ijire. Tiquiro ye buheyere quehnoañe buheyere mari quehnoano ño peoaja. Tiquiro pehere quehnoano wacūña masa. ² Cohācjū tiquirore marine yuhduoatiquireore tiquiro cūgū tiquiro

pehe Cohācjū cūriro saha yeahye. Ne yuhduḁcaerahye. Moise gūhū Cohācjū yequina Israe masare yedohoro ne yuhduḁcaerahye. Sata yeahye Jesu gūhū.

³ Sa yero Moiserē tiquina ño peoriro yuhduoro Jesu pehere ño peoro cahmene marine. Ohō saha ijire ti mari queoye mehna buhegū. Wuhure mari ño peoriro yuhduoro wuhū dahreriquiro pehere ño peoro cahmene marine. Sa yero Jesu pehe wuhū dahreriquiro yero saha ijiriquiro tiquiro ijigū Moiserē mari ño peoriro yuhduoro tiquiro pehere ño peoro cahmene marine. ⁴⁻⁶ Ohō saha ijire ti. Mari Cristo yequina Cohācjū ya curua cjāna ijiaja. Cristo pehe wuhure tiquiro cūboriro saha marine tiquiro ya curua cjāna ijiatinare cūno nine. Masa pehe wuhuse yeyequina ijire. Cohācjū pehe ijiphtiyere yeriquiro ijire. Moise pehe Cohācjū ya curua cjēnare yedohoducuriquiro ijiro, camerū Cohācjū yahuatire yahue tiahye masare. Cristo pehe Cohācjū macano ijiro, Cohācjū yere yeducuriquiro ijiro, Cohācjū ya curua cjēna pahtoro ijire. Sa ijiriquiro ijigū ihñana Moiserē mari ño peoriro yuhduoro Cristo pehere ño peoro cahmene marine. Sa yena mari pehe Cristore wacū tutua duhuerana, marine tiquiro yuhduoatire sa bucueducuna, tiquiro ya curua cjāna ijiaja mari.

Cohācjū tiquiro yequinare tiquiro mehna quehnoano sogū cahmene

⁷ Sa yena Cristore mari wacū tutua duheratire ohō saha yero cahmene marine. Ohō saha nine Espiritu Santo:

Miare yuhū, Cohācjū, masare yuhū yahugū, yuhti dueyequina yero saha ijieracāhña. ⁸ Quehnoano yuhtiya masa yuhure. Panopū Israe masa masa marienopū ijieye, sa yuhduḁdari yuhure. Sa ye yuhure ne bucueraḁgū yeri tiquina. Sa yena tiquina yero saha yeracāhña masa yuhure. ⁹ Topure cuarenta cahmari waro tiquinare yuhū tutuaye mehna ye ihñomi. Yuhū sa ye ihñoepegūta tiquina pehe ohō saha ni tūhotue timedi: “¿Ñañene mari yegū ihñano Cohācjū marine buhiri dahreboagari?” ni tūhotue timedi. Sa ni tūhotuye ñano ye tuhue tiri. ¹⁰ Tiquina sa yegū ihñagu tiquina mehna usuau. Sa usuagu ohō saha nii: “Tiquina yuhū yahuducuyere tūho dueraye, sijoro saha ijieye buheyere sa wacūducuye nine. Yee pehere ne yuhti duerare”, nii tiquinare. ¹¹ Sa yegū tiquina mehna usuagu ohō saha ni yahuu: “Tiquina yuhū mehna cjēna ne ijisi.

Sa ye wape tiro marieno ijisi tiquina’, ni yahuu yuhū”, ni yahuahye Cohācjū, niahye Espiritu Santo pehe.

¹² Sa yena yuhū acaye, quehnoano yeya masa, “Cohācjūre cohāri”, nina. Masa ñañene tūhotuna, Cohācjūre catiriquirore wacū tutuerana, tiquirore cohāboaga masa. Ne ihcāquiro masa mehna cjāno sa yeracāhdo. ¹³ Sa yena ahri pehere yero cahmene: Masa mehna cjēnare decoripe Cohācjū yere masa basi cahme yahuducuyā “Ñañene yeari”, nina. Ñañene yena, “Ti mehna bucueaja”, nina ni mehoñene tūhotuna niaja mari. Sa ni tūhotueracāhña. Ñañene yeducuna Cohācjū ye pehere cahmedaja mari. Sa yena ñañene duhu dueraja. “Sa yeari”, nina, masa mehna cjēnare Cohācjū yere masa basi cahme yahuducuyā. Cristo tiquiro ahtato pano decoripe tūre sa cahme yahuducuyā. ¹⁴ Sa yena coā waropū Cristore mari wacū tutua ḁcariro saha mari wacū tutuaducuna, mari catiro puno tiquiro yere duhuerana, tiquiro mehna cjāna ijiaja.

¹⁵ Ohō saha nine Cohācjū yere tiquina ojoari pūpū:

Miare yuhū Cohācjū masare yuhū dutigū quehnoano yuhtiya masa yuhure. Panopū cjēna Israe masa yuhū yahuepegūta ño peo dueraye, yuhure yuhti duerari. Sa yena tiquina yero saha yeracāhña masa, niahye Cohācjū, ni ojoahye panopūre.

¹⁶ Sa ye Cohācjū tiquiro yahurire tūhomediquina ijiepetā tiquina tiquirore yuhtierahye. Tiquina ijiphtiyequina Egiptopū ijieyequina Cohācjū wioriquina ijiepetā tiquirore ne yuhtierahye. ¹⁷ Sa ñano yeye cuarenta cahmari waro Cohācjūre usuagu yee tiahye. Tiquina sa yeri buhiri masa marienopū yariahye tiquina. ¹⁸ Tiquirore tiquina sa yuhti dueragū ihñano ohō saha cua pesaro mehna niahye tiquiro: “Tiquina yuhū mehna cjēna ne ijisi. Sa ye wape tiro marieno ne ijisi tiquina”, niahye tiquiro. ¹⁹ Tiquiro sa nigū tūhona ahri pehere masinata mari: Cohācjūre tiquina wacū tutuerari buhiri tiquiro mehna cjēna iji masiedahye. Sa ye tiquiro mehna quehnoano so, iji masiedahye.

4

¹ Sa yero panopū cjēnare tiquiro mehna tiquina quehnoano soatire cahmeno, tiquinare “Yuhū mehna wape tiro marieno sonata”, ni cūahye Cohācjū. Mari gūhure sata ni cūahye tiquiro. Sa yena cua pesaro mehna Cohācjūre quehnoano yuhtihna mari, “Wihearī”, nina. Sa wihena tiquiro mehna quehnoano sosi mari. ² Panopū cjēna Cohācjū yere tiquina tūhoriro saha

mari gāhū quehnoañe buheyere tūhou. Tiquina tūho mūhtariquina pehe tūhoye, “Cohācjū ye waro ijire”, ni tūhotuerahye. Sa ye tiquina tūhori dūhseati ijierahye. ³ Mari pehe tiquirore wacū tutuana Cohācjū mehna cjāna ijinata. Sa yena tiquiro mehna quehnoano iji, sonata. Wape tiro marieno ijinata. Cohācjū tiquiro nidiro sahata ijire ti. Ohō saha niahye tiquiro tiquirore yūhtierariquinare:

Tiquina mehna usuagū cua pesaro mehna ohō saha ni yahuu: “Tiquina yūhū mehna cjēna ne ijisi. Sa ye wape tiro marieno ne ijisi”, ni yahuu, niahye Cohācjū yere tiquina ojoari pūrū.

Ahri yehpare tiquiro yeri bato dahra duhurīahye tiquiro. ⁴ Ahrīre mari masiaja. Seis decori ahri yehpare tiquiro yeri bato tiquiro dahra duhurire yahuro ohō saha niahye Cohācjū ye yahuducuyere tiquina ojoari pūrū:

Seis decori bato ijipihtiyere tiquiro dahrarire pehoro, Cohācjū dahra duhuahye, niahye tiquiro yere tiquina ojoari pūrū.

⁵ Sa yero Cohācjū yere tiquina ojoari pūrū ohō saha ni yahure tiquiro mehna quehnoano ijieyequinare:

“Tiquina yūhū mehna cjēna ne ijisi. Sa ye wape tiro marieno ne ijisi”, niahye Cohācjū, nine tiquiro yere tiquina ojoari pūrū.

⁶ Sa ye quehnoañe buheyere tūho mūhtariquina tiquirore tiquina yūhdūdcari buhiri tiquiro mehna cjēna ijisi tiquina. Sa ye tiquiro mehna wape tiro marieno ijisi tiquina. Apequina pehe tiquiro mehna cjēna ijietā. Sa ye tiquiro mehna wape tiro marieno soyequina ijietā. ⁷ Sa yero masare tiquiro yūhdūoati deco ihcā deco cūahye parī turi Cohācjū. Ti decoa vojopūre ijire. Peye cūhmari bato Israe masā Cohācjūre tiquina tūho mūhtari bato ti decore yahuahye Davi pehe. Cohācjū tiquirore yahu dutigū yahuahye. Cohācjū ye yahuducuyere tiquina ojoarire masare yūhū yahuri decore ohō saha ni ojoahye Davi:

Ahri decore yūhū Cohācjū masare yūhū yahugū yūhdūdcaro marieno quehnoano yūhtiya mūsa yūhūre, ni ojoahye panopūre.

⁸ Coā waropūre Josué Israe masare Cohācjū ohori yehparū ne sahe. “Yūhū mehna wape tiro marieno soyequina ijietā”, nino, ti yehparū tiquina soatire nino niedahye Cohācjū. Ti yehparū so dutiro, ape deco tiquiro yūhdūoati decore cūedaboaga tiquiro. ⁹ Seis decori bato ahri yehparūre tiquiro yeri bato Cohācjū tiquiro dahra duhuriro saha mari tiquiro yequina gūhū tiquiro mehna wape tiro marieno mari soati ijirota. Tiquiro mehna mari quehnoano

ijiatō ijirota. ¹⁰ Sa yero Cohācjū tiquiro dahrarire duhu cāriahye. Sa yena mari gāhū mari wape tirire duhu cānata. ¹¹ Sa yena mari tiquiro yequina quehnoano yeihna. Cohācjū yere quehnoano yūhtiihna tiquiro mehna mari quehnoano soato saha. Panopū cjēna mari acaye tiquina yūhdūdcari bato Cohācjū mehna cjēna iji masiedahye tiquina. Tiquina yero saha yeracāhna mari.

¹² Cohācjū ye yahuducuyere marine catigū yere. Quehnoañe pehere marine comesagū yere. Sa ye tiquiro ye yahuducuyere ihyo ijieye ijierare. Sa ye űoseni pījī pua peheri siori pījī mehna dihirore tiquina yūhre ihñā tiquina masino saha tiquiro ye yahuducuyere gāhū mari ijieye tiyere quehnoano masigū yere. Tiquiro ye yahuducuyere mari tūhogū, tire mari buhegū mari ijieye tiyere quehnoano masi pehogū yere marine. ¹³ Ne Cohācjūre mari ijieye tiyere mari yerire nūo masiedaja mari. Ijipihtiyere tiquiro bajumehnedire, tiquiro bajumehnediquina gūhūre ihñāre tiquiro. Sa yena mari yerire tiquirore yahu yūhdūro cahmene marine.

Jesu tutuariquiro mari yaquiro pahia puhtoro ijire

¹⁴ Jesu Cohācjū macuno tiquiro Pacaro cahapū tojoariquiro ijire. Tiquiro tutuariquiro mari yaquiro pahia puhtoro ijire. Sa yero marine Cohācjūre sini basare. Tiquiro sa ijiriquiro ijigū ihñāna mari pehe tiquiro yere quehnoano yūhtiihna. Tiquirore quehnoano wacū tutuaducuhna. ¹⁵ Tiquiro mari yaquiro pahi mari űano yūhdūgū ihñāno quehnoano paja ihñāriquiro ijire. Mari űañene tutuaro cahmeñene masine tiquiro. Watīno ijipihtiyere űañene marine tiquiro ye dutiro sahata tiquiro gūhūre űañene ye dutimahye. Tiquiro sa ye dutiepegāta tiquiro űañene yerahye. Sa űañene tiquiro ye dutinohriquiro ijiro, marine paja ihñāno tiquiro yedoho masine marine. ¹⁶ Sa yena cuero marieno Cohācjūre sinihna. Tiquiro marine cahīne. Sa yero tiquirore mari sinigū tiquiro pehe paja ihñāno, marine yedohorota. Watīno marine tiquiro űañene ye dutigū, mari űano yūhdūgū gūhūre tiquiro marine yedohorota.

5

¹ Ijipihtieyquinare pahia puhtoare besero, masare besere Cohācjū. Sa tiquiro beseri bato pahia puhtoa pehe tiquina mehna cjēnare yedohoye tehe Cohācjū cahacjēna ijire. Sa ye űañene tiquina yeri buhiri Cohācjūre sini basare tiquina mehna cjēnare. Wahiquirore wejē űjūa mūoñe, Cohācjūre sini basare. ² Pahia puhtoa apequina masa yero saha quehnoano

masi pehoeyequina ijire. Sa masieñequina ijije, apequina masieñequinare yedoho masine. Sa ye quehnoano yerariquina gũhare quehnoano yedoho masine. ³ Sa ye pahia quehnoano ye pehoeyequina ijije ñañe buhiri tiyequina ijire. Sa ye tiquina basi ñañene tiquina yeri buhiri wahiquirore wejê ujã mno, Cohãcjũre sinine. Apequina masare yedohoye tehe, tiquina ñañe buhiri tiquina sini basariro sahata tiquina basi tiquina ñañe buhiri gũhare sinine Cohãcjũre.

⁴ Sa yero tiquiro basi tiquiro esa tuharo pahia puhtoro sajãedare. Cohãcjũ pehe tiquirore besero, pahia puhtoro sõre. Panopũ cjũno Aaron munanore tiquiro cũriro sahata apequina pahia puhto gũhare cũre tiquiro. ⁵ Sata Cristo gũhũ tiquiro basi tiquiro esa tuharo pahia puhtoro sajãedahye. Cohãcjũ pehe tiquirore puhtoro sõno, ohõ saha niahye:

Yũhũ macũ ijire muhũ. Miare muhare ba-juagũ yei, niahye Cohãcjũ.

⁶ Ape taha ohõ saha niahye Cohãcjũ Cristore: Ijipihitiye decori pahĩ ijiducuguta muhũ. Melquisede tiquiro ijiriro saha pahĩ ijiducuguta muhũ, niahye tiquiro macanore.

⁷ Cristo ahri yehpapũ ijiro sañuducuyeh mehna, utiye mehna mari Pacũre tutuaro siniahye tiquiro “Yũhare masoña”, nino. Mari Pacũ pehe tiquirore yariariquirore maso masiniquiro ijire. Tiquiro sa sinigũ mari Pacũ tuhoahye tiquirore. Mari Pacũ cahmeñe dihitarẽ tiquiro ye duagũ ihñano mari Pacũ pehe tiquiro sinidire tuhoro, tiquirore yuhtiahye. ⁸ Sa yero Cristo Cohãcjũ macano ijieperota ñano yuhduahye tiquiro. Sa ñano yuhduro yuhtiahye mari Pacũre. Sa yuhtiro quehnoano yuhti masiahye. ⁹ Sa ñano yuhduro, curusapũ yariaro ijipihitiyequina tiquirore yuhtiatiquinare yuhduoatiquiro wahahye. ¹⁰ Sa yero mari Pacũ pehe tiquirore pahia puhtoro cũahye. Sa yero Melquisede pahia puhtoro tiquiro ijiriro saha ijire Cristo.

Cristo yequina tiquirore wacũ tutua duhugã cuarĩne

¹¹ Peye ohõ saha ijiyere musare yahu nemo duaja usã. Usã sa yahu nemo duepegũta musa pehe dapu butina ijire. Sa yena musare yahuro basioerare usãre. ¹² Yoari pje Cristo yequina ijimene musa. Sa yena yojopãre apequinare buhenapũ iji tuhasaboya musa. Musa sa ijiborina ijiepegũta apequina musa pehere buheeta. Cohãcjũ yere mijoeda cjũñe buheye dihitarẽ tuhore musa. Macanagã epẽco dihitarẽ tiquina apũ masino saha musa gũhũ mijoeda cjũñe dihitarẽ quehnoano tuhore. Coã buhe dũcayequina yero saha ijire musa.

¹³ Epẽcore apũñequina macanagã ijimine. Tiquina yero saha musa gũhũ ijire. “Ahri ñañe ijire. Ahri quehnoañe ijire”, ni ihñã masiedare musa. ¹⁴ Ihyayere ihyayequina pehe bucãna ijire. Tiquina yero saha ijieyequina quehnoano tuho masieñequina quehnoano buheriquina ijire. “Ahri ñañe ijire. Ahri quehnoañe ijire”, ni ihñã masine tiquina pehe.

6

¹⁻² Sa yena Cohãcjũ yere quehnoano masina, quehnoano yuhtina ijiihna. Cristo yere coã warore mari buhe dũcana ohõ saha masi dũcaũ: Mari ñañene yerire bujũa witi, duhuro cahmene. Mari ñañene yeri buhiri pecapũ wahanata. Sa yena Cohãcjũre wacũ tutuaro cahmene marine. Ahrire coã waropãre marine buhe dũcari. Sa ye wame yeyere, omocarine marine tiquina duhu peoyere, yariariquina tiquina masa mujañene, ahri deco pihtiri bato Cohãcjũ buhiri dahreatire, tiquiro buhiri dahreatiquina tiquina ñano yuhduducuato gũhare ahri gũhare coã waropãre marine buhe dũcare. Sa ijije buheyere masi tuhasana, quehnoano buhe nemouhna tja.

³ Sa yena Cohãcjũre, tiquiro ye gũhare masi nemouhna. Cohãcjũ cahmegã sa yenata mari.

⁴ Mari sa yerana Cohãcjũ yere duhuboaga mari. Cohãcjũ yere duhuriquinare ne pari turi tiquina ñañe yerire tiquinare bujũa witi gũ ye masiedare. Sa ijieyequina Cristo tiquiro yuhduomediquina ijije, Espĩritu Santore cuomedi. ⁵ Sa ye Cohãcjũ ye yahuducuyere tuhoye quehnoañe ti yahuducuyere ijigũ masimedi. Sa ye pihtiri deco batopũ Cohãcjũ tutuaye mehna mari sa ijiducuatire, masare tiquiro buhiri dahreato gũhare tiquina masimedi.

⁶ Sa ijiriquinapãre Cristo yere tiquina duhugã pari turi tiquina ñañe yerire tiquinare bujũa witi gũ ye masiedare. Sa duhuriquina Cohãcjũ macanore pari turi curusapũ tiquina quẽ bihaboriro saha tiquirore yeye nine. Tiquina sa yegũ ihñañe apequina masa Cristore bujũpẽre. Sa ye tiquina ñañe yerire tiquinare bujũa witi gũ ye masiedare. ⁷ Ohõ saha ijire ti mari queoye mehna buhe gũ: Quehnoari yehpare pajiro acoro ahtagã ti oteye quehnoano bucãna, dũca tire. Sa yero ti wese upãro dũcare cuore tiquiro ihyatire. Ti yehpa Cohãcjũ quehnoano tiquiro yeri yehpa ijire. Sa quehnoano yere tiquiro yequina gũhare. ⁸ Sa ijiepegũta pota mehna, taa mehna ti yehpa diaro duhseati ijierare. Sa ijiri yehpare Cohãcjũ ujã cohãnota. Sata yere tiquiro tiquirore duhuyequinare.

Cristore sa ño peoducuyequinare yãhduoatire Cohãcjũ

⁹ Yũhũ cahĩna, musare sa ni yahuepegata musa pehere “Cristore Cuhuna ijire”, nigũ niedaja. Musa pehe Cristo yãhduoatire hĩna ijire. Sa yena quehnoañene yena niaga musa. Ahrire masiaja yũhũ. ¹⁰ Quehnoano mari yeri wapa queoro marine quehnoano yeriquireo ijire mari Pacũ. Sa yero tiquireo yere musa tutuaro dahrari wapare bosu tiquireo. Tiquireore cahĩna quehnoano yedohore musa tiquireore. Apequina Cristo yequina gãhũre yedohore musa. Sa yena tiquireore yedohona niaga musa. Sa yerina musa ijigũ ihĩano bosu tiquireo. ¹¹ Musa catiro puno apequinare musa cahĩducugũ, musa yedohoducugũ gãhũre cahmeaja usã. Musa sa yeri wapa queoro quehnoano yerota mari Pacũ musare. ¹² Sa yena musa cape bujuna musa ijigũ cahmedaja usã. Apequina Cristo yequina ñano yãhduepeta tiquireo yere ne duhuerare. Tiquina sa yegũ ihĩano mari Pacũ “Musare ohoutja”, tiquireo nidire tiquireore oho pehorota. Sa yena musa gãhũ tiquina yero saha yeducuya.

¹³⁻¹⁴ Panopũ Cohãcjũ Abrahãre ohõ saha ni cũahye. “Yũhũ wame mehna ahrire potu nii niaja mũhũre. Mũhũre quehnoano yeitja. Sa yegũ mũhũ panamena iji turiayequinare peyequina masa ijigũ yeitja”, ni yahu cũahye Cohãcjũ. Sa ni yahu cũno tiquireo ye wame mehna wame peo yahuro niahye. Apequireo tiquireo bui ijiriquireo ne mariedagũ tiquireo ye wame mehna tiquireo basita sa wame peo yahuahye. ¹⁵ “Mũhũre quehnoano yeitja”, Cohãcjũ tiquireo ni cũire Abrahã pehere quehnoano tiquireo cohtegũ ihĩano tiquireo nidiro sahata tiquireore quehnoano yeahye. ¹⁶ “Cohãcjũ mehna potu nina niaja”, masa pehe niñe, tiquina bui ijiriquireo wame mehna wame peo yahuye nine. “Cohãcjũ mehna potu nii niaja”, ihcãquireo nigũ tuhoro apequireo pehe tiquireo mehna cahme dase tutuariquireo pehe “Ijirota ijire”, ninota. Sa ye cahme dase tutua duhuetu tiquina. ¹⁷ Sa yero Cohãcjũ Abrahãre “Mũhũre quehnoano yeitja”, ni cũno wame peo yahuahye. Tiquireo sa wame peorire tuhona “Ijirota ijire ti. Tiquireo sa nidi ne comesasi”, ni, masiaja mari. Tire mari masiatu saha tiquireo ni cũri mehna wame peo yahuahye.

¹⁸ Sa yero pũaro tiquireo ni yahuducuri mehna tiquireo nidi potu ijigũ masigũ yeahye Cohãcjũ marine: Tiquireo ni cũri gãhũ tiquireo wame peori gãhũ ti pũaro mehna tiquireo ni yahuducurire yahuahye tiquireo. Sa ye tiquireo ni cũri gãhũ, tiquireo wame peori gãhũ ne comesaerare. Sa yero Cohãcjũ ne ni mehoedare. Tiquireo sa ijiriquireo ijigũ masina, mari tiquireore quehnoano wacũ tutuana, bucueye mehna marine tiquireo yãhduoatire cohtenatja mari. ¹⁹⁻²⁰ Sa

tiquireo yãhduoatire cohtena, wacũ tutuana ijiaja mari. Sa yena cueraja. Pahia pũhtoro Cohãcjũ ijiri tuacũ waropũ sajãno, cahmotari suhtirore yãhdũ sajãre. Sa sajãno masa ye ijiatire sini basare Cohãcjãre. Tiquireo sa yeriro sahata Jesu gãhũ came mari wahato sahata ãhmũsepe Cohãcjũ cahapũ waharo, mari ye ijiatire sini basare Cohãcjãre. Topũ mari wahato pano tiquireo pehe wahahye. Sa yero ijipihitiye decori pahia pũhtoro ijire tiquireo. Melquisede pahi tiquireo ijiriro saha pahia pũhtoro ijire tiquireo gãhũ.

7

Melquisede pahi tiquireo ijiriro saha Jesu pahia pũhtoro ijire

¹ Melquisede Salẽ wame tiri maca cjẽna pũhtoro ijiahye. Sa yero pahi ijiro Cohãcjũ tutuariquireore, ãhmũse cjũnore sini basariquireo ijiahye. Sa yero apequina pũhtoare Abrahã wejẽ tuhasa, tiquireo toja tagũ waro Melquisede tiquireo ya macapũ ijiriquireo Abrahãre piti caro esahye. Sa piti caro tiquireore sini basahye Cohãcjãre. “Quehnoano yeya ahriquireore”, ni sini basahye Abrahãre Cohãcjãre. ² Tiquireo sa piti cato pano Abrahã pehe tiquireore ihĩna tuhtiyequinare wejẽ tuhasa tiquireo wejẽdiquina pũhtoare yere neahye. Tiquireo sa nedire mehenogã ohoahye Melquisedere. Melquisede tiquireo wame pehe “Pũhtoro quehnoano yeriquireo ijire”, nino nine. Sa yero tiquireo Salẽ wame tiri maca cjẽna pũhtoro ijigũ tiquireo wame ohõ saha nino nine: “Pũhtoro quehnoano ijigũ yeriquireo”, nino nine. “Salẽ” nino, “Quehnoano ijiye”, nino nine. ³ Ne Melquisede pacasumãre, tiquireo pano iji mũhtariquinare, tiquireo acayere tiquina yahu ojo ohõri mariedare. Tiquireo masa bajarire, tiquireo yariari gãhũre yahu ojo ohõri mariedare. Sa yero sa ijiducuriquireo yero saha ijire tiquireo. Tiquireo sa ijiriquireo ijigũ Cohãcjũ tiquireo mehna marine queoye mehna buhere. Cohãcjũ macano tiquireo pahi ijirire marine buhere. Melquisede pahi sa ijiducuriquireo yero saha ijire. Tiquireo yero saha Cristo gãhũ pahi sa ijiducuriquireo ijire.

⁴ Sa yero Melquisede ne ihyo ijiriquireo ijierahye. Abrahã mari ñecu manano pũhtoro waro ijieperota mehenogã tiquireo nedire Melquisede pehere ohoahye. ⁵ Sa yero Cohãcjũ dutiye Moiserre tiquireo cũri ijipihitiyequina apequina Israe masare to punota wapa ye dutire. Sa dutiro Levĩ panamena iji turiayequinare tiquina acaye wapa yerire ñehe dutiro, cũahye. Levĩ panamena pahia wahae tiahye. Sa ye Israe masa Abrahã panamena iji turiayequina ijiepetu tiquina pahiare wapa yee tiahye. ⁶ Melquisede pehe Levĩ panamino iji

turiariquiro ijieraperota wapa neahye Abrahäre. Sa yero Cohäcjö “Muhäre quehnoano yeitja”, tiquiro ni cüriquiro ijieperota Abrahä pehe Melquisedere wapa yeahye. Sa yero Melquisede pehe Cohäcjöre Abrahäre sini basaro quehnoano ye dutiahye.

⁷ Quehnoano ye dutiriquiro Melquisede pehe tiquiro quehnoano ye dutinohriquiro Abrahä bui ijire. Tire mari quehnoano masiaja. ⁸ Mari mehna cjëna pahia marine mehenogä wapa neñequina mari yero saha masa ijire. Sa ye yariatiquinata ijire tiquina gühu. Ahriquiro Melquisede pehe Abrahäre mehenogä wapa nediquiro sa catiducuriquiro yero saha ijire. Tiquiro yariarire yahueraro, sata nino niahye Cohäcjö yere tiquina ojoari püpu. ⁹ Yojopu cjëna Leví panamena iji turiayequina pahia ijije, mehenogä wapa nene. Sa ijijequina tiquina ijiepegäta Abrahä Melquisedere mehenogä wapa yero, ijiphtiequina Leví panamena ye ijati gühure oho basaro saha yero niahye. Sa ye tiquina gühu Melquisedere mehenogä ohoyequina yero saha ijire. ¹⁰ Melquisedere Abrahä tiquiro wapa yeri pjere Leví pehe masa bajueraniahye. Sa ijieperota tiquiro ñecano manano Abrahä pagupu tiquiro ijiboriro saha Leví pehe iji tuhasaro niahye. Sa yero Melquisede Abrahäre tiquiro piti cagä Leví gühu tiquiro ñecano manano mehna ijiro saha ijiro niahye. Sa ye Leví, tiquiro panamena mehna Melquisedere mehenogä wapa yezequina yero saha ijije, tiquina tiquiro docapu ijije niahye.

¹¹ Tiquiro dutiyere cüno Cohäcjö Levíre tiquiro acaye gühure pahia iji dutiahye. Sa ye tiquiro dutiye nidiro sahata tiquina pahia wahiquinare wejë ujä müo, Cohäcjöre sini basahye masare. Tiquina sa yeri mehna mari yuhdüna, apequiro pahi sijoro saha ijiriquiro pahire cahme nemoedaboya mari. Sa yena apequiro pahire cahmeaja mari yojopure, Melquisede yero saha ijiriquirore. Leví ya curua cjüno Aaron manano yero saha ijijequina pahiare yojopure mari cahmedaja. ¹² Sa yena pahiare comesana niaja mari. Mari sa comesana, marine dutiye gühure comesaro cahmene marine. ¹³ Aaron, Leví gühu tiquina ya curua cjëna dihitare pahia sajä duti muhtamahye Cohäcjö, tiquiro dutiyere cüno. Tiquiro sa dutiepegäta yojopure mari puhtoro pahi söriquiro ape curua cjëno ijire. Sa ye ti curua cjëna ne pahia sajäedahye. ¹⁴ Tiquiro Cristo Judä ya curua cjëno masa bajuahye. Tire mari quehnoano masiaja. Sa yero, Moise pahia söno, Judä ya curua cjënare ne pahia söeda tiahye.

¹⁵ Ahrire masina, ohö saha mari quehnoano masiaja: Yojopure wahma tiquiro söriquiro pahi Cristo Melquisede yero saha ijiriquiro ijire. ¹⁶ Panopu cjë dutiye ti nidiro sahata Leví ya curua cjëna dihita pahia sajähye. Yojopure tiquiro söriquiro pahia tiquina yero saha pahi sajädare. Tiquiro Cohäcjö tutuaye mehna ijiphtieye decori ijiriquiro ijire. Sa yero ti tutuaye mehna pahi sajähye tiquiro. ¹⁷ Ohö saha nine Cohäcjö yere tiquina ojoari püpu: Ijiphtieye decori pahi ijiducugäta mühu. Melquisede pahi tiquiro ijiriro saha pahi ijiducugäta mühu, niahye Cohäcjö tiquiro macanore, ni ojoahye panopu.

¹⁸ Ti dutiye tiquiro cü muhtari dutiye duhseati ijierahye. Sa yero ti dutiyere duhu cähye Cohäcjö. ¹⁹ Moiserre tiquiro cüri dutiye mehna ne yuhdüerare masa. Sa yero yojopu pehere Cohäcjö marine tiquiro yuhdüoatire marine cüre. Tiquiro sa yegü yojopure tiquiro mehna yahuducu masiaja.

²⁰ Sa yero Cristore pahi söno, wame peoro mehna tiquirore söahye. Apequina pahiare tiquiro yero saha wame peo söedahye.

²¹ Cristo pehe Cohäcjö wame peoro mehna pahi sajähye. Ohö saha niahye tiquiro Pacaro Cristore:

Yuhu mühu puhto yuhu wame mehna mühure poto yahutja. Sa yegu ahrire ne duhu cüno marieno yahuaja mühure. Pahi sa ijiducugäta mühu, ni cüahye Cohäcjö tiquiro macanore.

²² Sa wame peo cüno, wahma buheyere quehnoañe buheyere marine cüno, marine tiquiro yuhdüoatire cüno niahye. Panopu cjë dutiye yuhdüoro mari quehnoano ijiatire cüno niahye. Sa yero Cohäcjö “Mü sare yuhdüoutja”, tiquiro nidiro sahata yero taro, Jesure ohoahye marine yuhdüoatiquirore. ²³ Iji muhtariquina pahia tiquina yariagü ihñañe apequina comesa sajäre tja. Sa ye tiquina peyequina pahia wahare. ²⁴ Jesu pehe sa ijiducure. Sa ye tiquirore comesayequina mariedare pahia. ²⁵ Sa yero tiquiro sa ijiducuro, Cohäcjöre sa sini basaducure tiquiro yequina ye ijiatire. Sa yero Cohäcjö mehna tiquina sa ijiducuatö saha masare yuhdüo masine tiquiro. Ijiphtiequina tiquirore wacüta tutuayequina Cohäcjö cahapu wahaeta. Sa yero Jesu ijire potota tiquinare yuhdüoriquiro.

²⁶ Sa yero Jesu ijire mari yaquiro pahia puhtoro. Tiquiro puhtare tutuaro cahmeaja mari. Ne ñañe buhiri marieniquiro ijire tiquiro. Sa yero masa yero saha ne ñañene yerare. Sa yero Cohäcjö tiquirore ñañequina cahapu ijiriquirore neano, mümüseru cü, ijiphtiequina apequina bui puhtoro söahye. ²⁷ Apequina pahia yero saha

ijjerare tiqiro. Tiqina pehe decoriye wahiquinare wejē, ujāa m̄uo, Cohācjüre sinie tiri. Tiqina basi tiqina ñañe buhirire sini muhtae tiri. Came apequna masa tiqina ñañe buhiri gāhure sini basae tiri tiqina. Sa ye peye tahari tiqina Cohācjüre sinie tiri. Jesu pehe pahi ijero, ihcā tahata tiqiro yariari mehna siniahye Cohācjüre masa tiqina ñañe buhirire yūhdūoro taro. Sa yariaro tiqiro basi tiqiro pagure tiqiro jeripohna gāhure tiqiro ohoboriro saha yero niahye. ²⁸ Cohācjū dutiye Moiseri tiqiro cūri pahia puhtoare saǵa dutire. Sa saǵaepeta ñañe mariñequna ijjerare sa pahia saǵañe. Ti dutiye bato ijiye buheye mehna Cohācjū wame peoro mehna tiqiro yahuri buheye mehna tiqiro macano pahia puhtoro saǵahye. Tiqiro pehe ñañe marieniqiro sa ijiducure.

8

Cohācjū “Musare yūhdūoutja”, ni cūahye tja Moiseri tiqiro cūriye comesaro. Tire yahu basariqiro ijire Jesu

¹ Ti ijipihtiyere yahuna, ahri pūritare musare yahuna tana niaja: Musare usā yahuriqiro pahia puhtoro tiqiro pūrita mari yaquiro waro ijire. *Uhmusepū Cohācjū* tutua yūhdūariqiro tiqiro puhtoro dujoro pota pehe dujore Cristo mari yaquiro pahia puhtoro. ² Sa yero ahri yehpa cǵa wūhūpū, masa tiqina yeri wūhūpū pahia dahrayere yerare tiqiro. *Uhmusepū ijiri wūhūpūre* mari puhtoro tiqiro yeri wūhūpūre pahia dahrayere yere tiqiro. Ti wūhū pūrita Cohācjū waro ya wūhū ijire.

³ Ijipihtiyequina ahri yehpa cǵena pahia puhto wahiquinare wejē ujāa m̄uo, ohore Cohācjüre ño peoye. Sa ye dutie tiahye tiquinare. Mari yaquiro pahi gāhure Cohācjüre oho dutiahye. Mari ñañe buhirire tiqirore oho dutiahye. Sa yero Cristo mari ñañe buhiri yariaro bucuegū yehye Cohācjüre, pahia puhto Cohācjüre ohoye tiqina bucuegū yeriro saha. ⁴ Mari judio masa mari dutiye ti nidiro sahata ahri yehpāpū pahia masa tiqina ñañe buhirire ohore Cohācjüre siniñe. Sa ye ahri yehpāpū pahia iji tuhasare. Sa yero Jesu pehe mari yaquiro pahi ahri yehpāpū ijinino, pahi ijieraboa tiqiro pehe. ⁵ Ahri yehpa cǵena pahia tiqina dahrayere ahri yehpa cǵa wūhūpūta dahrare. Ti wūhūpū Cohācjüre tiqina ño peorire ihñana uhmuse cǵa wūhūpūre tiqirore mari ño peoatire masi cǵena niaja. “Ti wūhū yero saha ijire”, nino niahye Cohācjū canūpū Moiseri tiqiro ya wūhure dahre dutiro. Tiqiro sa dahreato panogā Cohācjū ohō saha niahye tiqirore. “Canūpū mahure yūhū ihñoriro sahata ti wūhū ijiriro sahata ya

wūhure queoro dahreya”, niahye Cohācjū tiqirore. ⁶ Sa yero yojopū pehere Jesu pahi ijero, tiqiro dahraye apequna pahia ye dahraye yūhdūoro ijire. Ihyo waro ijjerare. Cohācjū marine “Musare yūhdūoutja”, tiqiro ni yahuri panopū cǵē dutiye Moiseri tiqiro cūri dutiye yūhdūoro ijire. Marine tiqiro yahuri ti dutiye yūhdūoro marine quehnoano ijigū yeeta. Sa yero marine yūhdūo basariqiro ijero, Cristo pehe apequna pahia yūhdūoro ijire.

⁷ Coā waropūre tiqiro dutiri mehna mari yūhdūeraja. Ti dutiye mehna mari yūhdūgū, apeye buheyere cūedaboya Cohācjū. ⁸ Sa yero ti dutiyere tiqina ihcāno sahaerarire yahuro ohō saha niahye tiqiro yeequinare Israe masare:

Ohō saha nine mari puhtoro: “Quehnoano tūhoaya. Camepū apeye buheyere yahutja yequinare Israe masare, Judā ya curua cǵena gāhure. ⁹ Ti buheye tiqina ñecusama muna iji turiayequinare yūhū yahu cūri yero saha ne ijisi. Yūhū basi tiquinare Egipto yehpāpū ijieyequinare wiogū tiquinare yahu cūmi. Yūhū sa ni yahu cūriye yūhdūucare tiqina. Tiqina sa yegū ihñagū wahmanore tiquinare yūhū yahumedire duhu cāhū.

¹⁰ Sa yegū camepū Israe masare ohō saha ni yahutja: Yūhū dutiyere tiquinare wacūgū yeitja. Sa ye yūhū dutiyere yūhtietā. Sa yegū yūhū Cohācjū tiqina puhto, tiquinare ihñā ihbogū ijigutja. Sa ye tiqina pehe yeequina masa ijietā. ¹¹ Sa ye ti pjere tiqina mehna cǵenare ne tiqina ohō saha cahme nisi: “Mari puhtoro Cohācjüre masiñā musa”, ne ni cahme buhesi. Tiqina ijipihtiyequina yūhure masi tuhasaeta. Macanagā, bucūna gāhū yūhure masiñequina dihita ijietā. ¹² Sa yegū tiqina ñañe yerire boutja yūhū. Sa yegū tiquinare buhiri dahresi yūhū. Tiqina ñañe yerire pari turi wacūsi yūhū”, niahye mari puhtoro, nine Cohācjū yere tiqina ojoari pūpū.

¹³ Yojopūre marine tiqiro ye buheyere cūno, panopū cǵē dutiyere duhuro nidī. Sa yero muna dutiyere tiqiro duhuri bato ti dutiye comesa wahare.

9

Ahri yehpa cǵa tucūre uhmuse cǵa tucū gāhure Cohācjüre ño peori tucūre yahuahye

¹ Coā waropūre Cohācjū tiqiro dutiye Moiseri cūno, masa tiqirore tiqina ño peoato gāhure cūahye. Sa yero Cohācjüre tiqina ño peoati wūhū gāhure ye dutiro cūahye. ² Ti wūhū wahiquina cahseri wūhū

ijiahye. Pua tucū cūoahye. Paji cǐuri tucū tiquna sajā sa muhtari tucū “Cohācǐū ya tucū”, wame tiahye. Ti tucūru tiquna sihō docodū ijiahye. Sa yero mesa gāhu ijiahye. Ti mesa bui Cohācǐure tiquna ohori pā pesahye. ³ Ape tucū suhti cahseri mehna tiquna cahmotari tucū ijiahye. Ti tucū “Cohācǐū ijiri tucū waro”, wame tiahye. ⁴ Ti tucūru uru mehna tiquna yeri altar, ehmeo bueyere tiquna ujāari altar ijiahye. Sa yero uru quehnoañe mehna tiquna duhu ohōri acaro toru cūñahye. Ti acaro puhia ru pa manā wame tiye ihyaye pose tiri pa ijiahye. Sa yero ti acaro puhia ru Aaron yadu tuadu pūri tidu ijiahye. Sa yero pua pǐi utā pǐini Cohācǐū dutiyere tiquro ojoari pǐini gāhu ti acaro puhia ru sañahye. ⁵ Ti acaro bui puaro angele queoye ijiahye. Ti queoye Cohācǐū asi siteyere, ti tucūru tiquro ijiyere ihñōñe niahye. Ti acaro mohano bui tiquna wāye dāpuri mehna mohahye. Ti acaro mohano bui masa ñañe buhirire tiquna ohore wejē site peoe tiahye pahia puhtoro. To punota yahutja ahri wāhu cǐene yojoPURE.

⁶ Sa ye ti wāhure tiquna quehnoano quehnoari bato pahia decorepe tiquna sajā sa muhtari tucūru sajā sa, tiquna dahrayere yee tiahye. ⁷ Sa yero pahia puhtoro dihita ape tucūru sajāhye. Cūhmaripe ihcā tahata tiquro sajāri deco boroputa sajāe tiahye tiquro. Sa sajāno tiquna wejēdiquro wahi quro tiquna ohori quro diire ne sajāno, Cohācǐure ño peoe tiahye. Dii marieno ne sajāedahye. Tiquro basi tiquro ñañe yeri buhirire diire ne sajāe tiahye. Sa yero ijiphiyequina apequina Israe masa “Ñañe ijiaga”, nino marieno tiquna ñañe yeri buhiri gāhure diire ne sajāe tiahye tiquro Cohācǐure sinino taro.

⁸ Ijiphiye ahri mehna Espiritu Santo ohō saha ni marine buhero nine: Ti wāhuru Moiserere tiquro cūri wāhuru mari ño peo rina, tiquro cūri dutiyere yeatina ijinina, ihyo ijinina Cohācǐure ño peona wahaeraboya mari. Pahia puhtoro dihita Cohācǐū ijiri tucū waroru sajā masine. Sa yena ihyo ijiyequina tiquna ño peoye wahaeraro saha sa ijiboya mari Moiserere tiquro cūri dutiyere yena.

⁹ Ahri ijiphiyere Cohācǐure ño peori wāhuru ijiyere marine cūno, marine yojoPURE cǐenare buhero niahye Cohācǐū. Wahiquinare wejē ujāa mūo, masa Cohācǐure tiquna ño peori mehna ne Cohācǐū caharu wahasi. Tiquna sa yeri mehna tiquna ñañe yerire cose werahye. ¹⁰ Sa wahi qurare ohoye, tiquna ihyaye, tiquna sihniñe, tiquna pagu coseye, tiquna ohō saha yeye mehna Cohācǐure ño peoe timahye. Ahri tiquna sa yeri ihyo warota ijire yojoPURE. Sa yeye ti

dutiye Moiserere tiquro cūri dutiyere marine quehnoana wahagū yerahye. Sa ye wahma buheyere Cohācǐū tiquro cūri bato muna dutiyere pehe dahseati ijierare.

¹¹ Cristo pehe mari pahia puhtoro ijiro ahta tuhasari jiri. Sa ijiro marine quehnoañe cū tuhasari jiri. Cohācǐure ño peori wāhu uhmusepu pahia puhtoro tiquro dahrari wāhu apequina pahia tiquna dahraye wāhure yuhduoro quehnoari wāhu ijire. Uhmuse cǐā wāhu ijire. Ti wāhu ahri yehpa cǐā wāhu ijierare. Sa yero masa tiquna yeri wāhu ijierare. ¹² Sa yero Cristo uhmusepu Cohācǐū ijiro waroru ihcā taha sajāhye mari ñañene yeri buhirire Cohācǐure ohoro saha yero taro. Toru uhmusepu ohoru tiquro ijiri tucū waro yero saha ijire mari queoye mehna buhegū. Sa yero chivoa diire, wecūagā diire ne sajā, ohoerahye tiquro. Tiquro pehe tiquro ye dii warore Cohācǐure tiquro ohoro saha yero niahye yariaro. Ijiphiye decori Cohācǐū mehna mari ijiducato saha tiquro ye diire cohāhye. Mari ñañe buhirire yariahye.

¹³ “Yariariquinare dahra peona mūsa pagu wete tina ijire”, ni cūahye Cohācǐū Moiserere. Sa ijire ñañene wete tiyere cose wee tiahye chivoa diire tiquna ohori mehna. Wecūa diire tiquna ohori mehna, wecūagāre tiquna ujāari nitine tiquna ohori mehna sa ijire ñañene cose wee tiahye. ¹⁴ Sa ijire ñañene wahi quna diire tiquna ohori mehna, nitine tiquna ohori mehna tiquna cose weriro saha ti yuhduoro Cristo pehe tiquro diire cohāno mehna mari ñañe yerire quehnoano cose we peho cāre. Tiquro ñañe marieniquiro ijiro, curusaru yariaro tiquro basita tiquro pagu, tiquro jeripohna mehna Cohācǐure ohoro saha yeahye. Espiritu Santo sa ijiducuriquiro yedohoye mehna sa yeahye tiquro. Sa ye mari ñañe yerire tiquro cose wegū ihñāno mari ñañe buhirire Cohācǐū bo cāhye. Ti ñañe buhirire cūona pecaru wahaborina ijimi mari. Tiquro cose wenohrina ijinina, Cohācǐū catiriquiro tiquro cahmeñene ye masiara mari.

¹⁵ Sa yero “Ohō saha mūsa yuhduoutja”, masare pari turi Cohācǐū ni yahu cūgū Cristo pehe tiquro yahuyere yahu basari quro ijire. Sa yahu basare tiquro Cohācǐū beseriquinare yuhduoro taro. Tiquro sa yuhduogū ijiphiye decori tiquro mehna ijinata mari tiquro yequina. Sa yena mari tiquro yequinare Cohācǐū marine ohoatire cūonata mari. Moiserere tiquro cūri dutiyere dihita ijigū masa tiquna ñañe buhiri ijiniahye. Sa yero curusaru yariaro ti pjeta tiquna ñañe yeri buhirire yuhduoahye tiquro yequinare.

¹⁶⁻¹⁷ Masano came tiqiro acayere tiqiro ohoatire oja ohöyure papera pūpū. Tiqiro ohoatire yahuro taro oja ohöyure. Ti pūre oja ohöyuriqiro tiqiro yarieranigū ti pū dūhseati ijierare. Tiqiro acaye tiqiro suorire nea masiedare. Sa ye tiqiro yariagū ihñañe ti pūpū tiqiro ni ojariro sahata tiqiro yere neañeta tiqina. ¹⁸ Tiqiro yariato pano ti pū dūhseati ijieraro sahata yariaro marieno dii wijiario marieno Cohācjū Moiserere tiqiro cūri dutiye gāhū ne dūhseati ijieraboya. Sa yero wahiquiro diire tiqiro wejē siteri bato ti dutiyere potota yero niahye.

¹⁹ Sa yero ohō saha ye mūhtahye Moise; Cohācjū tiqiro cūri dutiyere masare yahu pehoahye. Came wecuagā diire, chivoa diire aco mehna moreahye. Sa yero hisopo wame tidū dūpū mehna oveja poari sohāñe mehna tiqina ñimiori poarire torēahye. Ti dūpū mehna diire soharo, Cohācjū dutiyere tiqiro ojarī pū bui wejē site peoahye. Ijipihtiyequina masa bui gāhūre wejē site peoahye.

²⁰ Sa yero ohō saha niahye tiqiro: “Cohācjū marine tiqiro yahuri tiqiro dutiri ahri dii mehna poto jigū masiaja mari. Ahri diire ihñana tiqiro nidiro sahata marine tiqiro yeatire masiaja mari. Ti dutiyere yūhti dutiahye tiqiro marine”, niahye Moise. ²¹ Sa yero masare tiqiro yeriro saha Cohācjūre tiqina ño peori wāhū wahiquina cahseri wāhūre, ijipihtiyē ti wāhūpū ijīye gāhūre wejē siteahye. ²² Sa tjire. Ti dutiye ti nidiro sahata peye ñañene dii cohāno mehna cose wero cahmene. Mehenogā dūhsaye ñañene apee boro mehna cose wegū quehnoare. Sa yero Cohācjū mari ñañe yerire ne bosī dii cohāedagā.

Cristo tiqiro diire cohāno, yariaro, tiqiro yequina ñañe yerire cose weahye

²³ Ti ijipihtiyē Cohācjūre tiqina ño peori wāhū, ti wāhūpū ijīye gāhū ūhmūse cǵā wāhūpū ijīye yero saha ijīahye mari queoye mehna buhegū. Ūhmūse cǵā wāhū pehe potota Cohācjū ya wāhū waro ijire. Sa yero ahri yehpa cǵā wāhūre, ti wāhūpū ijīye gāhūre wahiquina diire tiqiro wejē siteri mehna cose wero cahmeahye. Sa ye ti yūhdūoro ūhmūsepū wahatiquinare tiqina ñañe buhiri tiyequinare cose wero cahmene. Sa yero wahiquina yūhdūoro ijiriquiro ye dii tiqiro cohāno mehna tiqina ñañe yerire cose wero cahmene.

²⁴ Sa yero Cohācjūre tiqina ño peori wāhū masa yerī wāhū ijire. Ūhmūse cǵā wāhū yero saha ijire ti wāhū gāhū, mari queoye mehna buhegū. Sa yero Cristo pahī ijiro, marine sini basaro taro ahri yehpa cǵā wāhūre sajāedahye. Potota ūhmūsepū

wahahye tiqiro Cohācjū caha marine sini basaro taro. ²⁵ Mari judio masa mari pahia pūhtoro cūhmaripe Cohācjū ijiri tucū waropū sajāe tiahye wahiquina diire ohoro taro. Cristo pehe tiqiro diire Cohācjūre ohoro saha yero taro, yariaro, peye tahari sajāedahye. ²⁶ Peyē tahari yariariquiro ijiro, ahri yehpa iji dūcari bato peye tahari yariaboya tiqiro. Peyē tahari tiqiro mari ñañe buhirire yariaducuriquiro ijiboya. Sa ijiboriquiro ijieperota pihtiri deco panogā yojopūre marine ijipihntinare yūhdūoro taro ihcā taha bajuahye tiqiro ahri yehpapū. Sa bajuahye yariaro taro, mari ñañe buhirire cohāno taro.

²⁷ Ijipihtiyequina masa ihcā tahata yarieta. Tiqina sa yariari bato masa quehnoañequinare, ñañequina gāhūre beserota Cohācjū. ²⁸ Ihcā tahata mari yariaro saha Cristo gāhū ihcā tahata yariahye peyequina masa tiqina ñañe yerire cohāno taro. Came pari turi ahtarota. Mari ñañe yerire cohā tuhasariquorū ijirota. Sa yero pari turi mari ñañe yerire cohāno taro ahtasi. Sa ahtarō tiqirore cohteyequinare, bucueye mehna tiqirore ihñā duayequinare yūhdūoro ahtarota.

10

¹ Cohācjū dutiye Moiserere tiqiro cūri quehnoañe buheye yero saha ijiepetā, ihcāno saha ijierare. Ti dutiye ti ye dutiro saha cūhmaripe wahiquinare wejē, ūjā mūo, Cohācjūre ño peoduce. Tiqina sa yeye mehna masa tiqina ñañe yerire boerare Cohācjū. ² Ti mehna tiqina ñañe yerire Cohācjū bogū, ihcā tahata Cohācjūre tiqina ño peori bato “Yojopūre buhiri mariedare ūsāre”, ni tahotuboya masa. Sa ye pari turi wahiquinare wejē ūjā mūo, Cohācjūre ño peo ohoeraboya. Duhū cāboya. ³ Cūhmaripe wahiquinare wejē ūjā mūo, Cohācjūre tiqina ño peogū tiquinare ñañe buhirire wacūgū yere. To punogāta yedoho duare ti tiquinare. ⁴ Wecūa dii mehna mari ño peori mehna, chivoa dii mehna mari ño peori mehna ne mari ñañe buhirire cohāedare.

⁵ Ti ijirota ijire. Ti sa ijigū ihñano Cristo ahri yehpapūre tiqiro ahtato pano ohō saha niahye Cohācjūre:

Wahiquinare ūjā mūo tiqina ohogū, trigore tiqina ohogū gāhūre mūhū ihñagū bucuereare mūhū. Sa yegū yūhū pagare yerī mūhū ya pagū ijiatire. ⁶ Ñañene tiqina cohātore wahiquinare wejē, tiqina ūjā mūogū ihñagū bucuereare mūhū. ⁷ Mūhū sa bucuereagū ihñagū ohō saha nii mūhūre: “Mūhū cahmeno sahata yegū wahagūtja. Sata ni yahure mūhū

ya p̄p̄n̄”, nii yuħn̄, niahye Cristo tiq̄iuro Paçarore.

⁸ “Wahiq̄uinare uĵ̄a m̄no tiq̄uina ohoḡu, trigore tiq̄uina ohoḡu ḡuħure ih̄n̄agu bucuerare m̄ħn̄”, ni yahu m̄ħtahye tiq̄iuro. Coã warop̄are tiq̄iuro ye dutiye wahiq̄uinare, trigo ḡuħure tiq̄uina ohoye mehna ti ño peo dutiepeḡata sa niahye tiq̄iuro. ⁹ Sa ni tuhasa oh̄o saha ni nemoahye: “M̄ħn̄ cahmeno sahata yeḡu wahagat̄ja”, niahye. Tiq̄iuro sa niḡu oh̄o saha masiaja mari. Panop̄u wahiq̄uinare wej̄e uĵ̄a m̄noñe mehna tiq̄uina ño peorire duħuḡu yero, apeye buheye pehere c̄uno niahye Coh̄ãc̄j̄u. (Sa c̄uno yoĵop̄are Cristo tiq̄iuro yariari mehna masare yuħduorota Coh̄ãc̄j̄u.) ¹⁰ Jesucristo tiq̄iuro pagure ohoro, yariaro, iĵip̄ihtina marine mari ñano yerire coh̄ãre. Ihc̄ã tahata tiq̄iuro pagure ohore mari ñañene coh̄ãno taro. Sa yero Coh̄ãc̄j̄u cahmeno sahata yero niahye.

¹¹ Iĵip̄ihtina mari judio masa mari yequina pahia decoripe Coh̄ãc̄j̄ure ño peori w̄ħn̄p̄u dahraducure. Sa dahraducuye decoripe m̄nanota wahiq̄uinare wej̄e, uĵ̄a m̄no, Coh̄ãc̄j̄ure siniducure. Tiq̄uina sa wej̄e uĵ̄a m̄noepeḡata ti uĵ̄a m̄noiri mari ñano yerire ne coh̄ãdare. ¹² Cristo pehe ihc̄ã tahata mari ñañe buhirire yariahye, mari ñañe yerire quehnoano coh̄ã pehoro taro. Tire coh̄ã tuhasa, wahaa wahahye tiq̄iuro Paçaro cahap̄u tiq̄iuro pota pehe duĵiro waharo. Puħtoro iĵiro, top̄u duĵire. ¹³ Top̄u duĵiro, coħtero nine. Tiq̄iurore ih̄ña tuhtiyequinare Coh̄ãc̄j̄u pehe tiq̄iuro yuħduduca basatore coħtero nine. ¹⁴ Sa yero ihc̄ã tahata tiq̄iuro yariari mehna tiq̄uina ñañene coh̄ãnohriquinare ñañe mariefequina sa iĵiducuḡu yere tiq̄uinare. ¹⁵ Ti iĵirota iĵire. Sata ni yahure Esp̄iritu Santo marine. Oh̄o saha ni yahure tiq̄iuro:

¹⁶ Oh̄o saha nine Coh̄ãc̄j̄u: “Camep̄ure oh̄o saha ni yahut̄ja Israe masare. ‘Yuħn̄ dutiyere tiq̄uina wac̄uñep̄u c̄uĵ̄a’, ni yahut̄ja”, nine tiq̄iuro.

¹⁷ Oh̄o saha ni nemore Coh̄ãc̄j̄u:

“Tiq̄uina ñañe yerire pari turi wac̄u nemosi yuħn̄”, nine tiq̄iuro, ni yahure Esp̄iritu Santo.

¹⁸ Mari ñañe yerire tiq̄iuro sa boḡu pari turi mari ñañe buhiri yariatiq̄iurore cahmedaja mari.

Coh̄ãc̄j̄u cahap̄u esana, cuero marieno tiq̄iuro mehna mari yahuducuboriro saha tiq̄iuro mehna yahuducu masiaja yoĵop̄are
(Mt 27.51; Mr 15.38; Lc 23.45)

¹⁹ Sa yena yuħn̄ acaye, Cristo tiq̄iuro yariaro mehna tiq̄iuro dii coh̄ãno mehna yoĵop̄are mari ḡuħu cuero marieno Coh̄ãc̄j̄u mehna yahuducu masiaja. Sa yena tiq̄iurore sini masiaja. ²⁰ Ahri yehpa

cĵãno pahia puħtoro Coh̄ãc̄j̄u iĵiri tuçũ warop̄u tiq̄iuro yemedi yoĵop̄are marine duħseati iĵierare. Ti mehna Coh̄ãc̄j̄u mehna yahuducu masiedaja mari. Cristo pehe mari ñañene yeri buhirire yariaro tiq̄iuro dii coh̄ãri mehna Coh̄ãc̄j̄u mehna yahuducu masiaja mari. Pahia puħtoro ti tuçũp̄u tiq̄iuro sajãriro sahata Cristo pehe Coh̄ãc̄j̄u cahap̄u esahye mari ñañe yerire bo dutiro waharo. Ti tuçũ cĵã cahserore cahmotari cahserore tiq̄iuro tuħr̄e coh̄ãriro saha Cristo tiq̄iuro pagure coh̄ãhye Coh̄ãc̄j̄u mehna marine iĵi dutiro. ²¹ Sa yero Coh̄ãc̄j̄u ya w̄ħn̄p̄u dahrariq̄iuro mari yaq̄iuro pahi tutua yuħduariq̄iuro iĵire tiq̄iuro. ²² Sa yena Coh̄ãc̄j̄ure sinihna pota ni mehono marieno. Tiq̄iurore quehnoano wac̄u tutua, cuero marieno tiq̄iurore sinihna. Cristo mari ñañe yerire tiq̄iuro cose wenohrinap̄u iĵaja. Sa yena “Buhiri tina iĵaja mari”, ni tuhotuna iĵeraja mari. Sa yena wete marief̄e aco mehna mari cose wero saha Esp̄iritu Santo tiq̄iuro cose wenohrinap̄u iĵaja. Sa yena Coh̄ãc̄j̄ure sinihna. ²³ “Masare yuħduout̄ja”, tiq̄iuro nidiro sahata yerota. Sa yena marine tiq̄iuro yuħduoatore quehnoano masiaja mari. Tire masina, ne boerac̄ãhna. Coh̄ãc̄j̄ure sa wac̄u tutuaducuhna. Sa wac̄u tutuana tire apequinare yahuaja. ²⁴ Mari mehna cĵẽnare cah̄ina, tiq̄uinare yedohouhna mari, iĵip̄ihtina mari ihc̄ãno saha mari cahme cah̄i yedohoato saha. ²⁵ Sa yena quehnoano cahmecoadducuhna Coh̄ãc̄j̄u yere yena tana. Apequina pehe tiq̄uina cahmecoamedirore duħyue nine. Tiq̄uina yero saha yerac̄ãhna. Mari mehna cĵẽnare bucuẽḡu yeihna. Ahri yehpap̄are mari puħtoro ahtato mehenoḡã duħsare. Tire masina tutuaro bucuẽḡu yeihna mari mehna cĵẽnare Jesu yequinare.

²⁶ Pota iĵiye buheyere quehnoañe buheyere mari masiepenata ñañene mari pari turi sa yeducuḡu mari ñañene cose we nemoato ne mariedare. ²⁷ Sa yero sa yeyequinare cuar̄ine. Iĵip̄ihtiyequina tiq̄iurore ih̄ña tuhtiyequinare buhiri dahrero, tutuaro uĵ̄onop̄u coh̄ãnota Coh̄ãc̄j̄u tiq̄uinare. Sa ye tiq̄iuro buhiri dahreatire cueyequina dihita iĵimene tiq̄iurore duħyuequina. ²⁸ Coh̄ãc̄j̄u dutiye Moisere tiq̄iuro c̄ũr̄ire yuħduducayequinare buhiri dahreye, mari acaye judio masa wej̄ene tiq̄uinare. Ne paĵa ih̄fãno marieno wej̄ene tiq̄uinare. Ihtiaro tiq̄uina yahusãḡu tuħoro beseriquiro tiq̄uina yuħduducarire masino tiq̄uinare buhiri dahre dutire. Ihtiaro mariedaḡu puaro tiq̄uina yahusãḡu tiq̄uinare buhiri dahre dutire. Sa dutiḡu tiq̄uinare wej̄ene.

²⁹ Ti bui cĵũno Coh̄ãc̄j̄u mac̄nore ih̄ña yabiyequina tiq̄iuro buhiri dahreatiquina

ijjeta. Cristo dii cohāri mehna mari ñaife yerire cohāre Cohācjū. Sa cohātore yahuahye tiquiro marine. Sa yeye tiquina ñaife yerire cohānohriquina ijjepeta pari turi ñaifene yeye, tiquina ñaife yerire tiquiro cohārire tiquiro dii gāhure “Ihyo waro ijire”, niñe nieta. Sa niñequina tiquiro buhiri dahreatiquina waro ijiye nieta. Sa niñequina Espiritu Santore ñano ni yahuducuyequina ijire. Tiquiro tiquinare cahñiquiro ijire. Tiquina sa ñano yahuducugū ihñano tutuaro buhiri dahrerota Cohācjū tiquinare. ³⁰ Ahrire mari quehnoano masiaja. Cohācjū tiquiro basita ohō saha niahye: “Yuhū ijijaja buhiri dahreacjū. Tiquina ñaifene yeri buhiri buhiri dahreitja yuhū”, niahye tiquiro. Ohō saha ni nemoahye: “Yeequina ijimediquinare ñano yeequinare buhiri dahreitja yuhū”, niahye tiquiro. ³¹ Cohācjū catiriquiro marine tiquiro buhiri dahregū cua yuhūare.

³² Panopū mūsa ijiire wacūña mūsa. Ti pjere Cohācjū yere coā masi ducana peye tahari ñano yuhūepenata tiquiro yere cohāedari mūsa. ³³ Ihquē tahari masa tiquina ihñonopū arequina mū sare ñano ni, ñano yeperi mū sare. Sa yena arequina Jesu yequinare tiquina ñano yegū ihñana, tiquinare paja ihñari mūsa. ³⁴ Peresupū ijijequinare paja ihñari mūsa. Sa yena mūsa yere tiquina ehmaepēgūta bucūeye mehna, “Quehnoana”, nidi mūsa. Ahri yehpa cjē yuhūoro quehnoañene cūore mūsa uhmūsepu. Ti quehnoañe sa ijiducuetā. Tire masina, mūsa cūoyere tiquina ehmagū bējua witiere mūsa. ³⁵ Sa yena cueracāñā. Cohācjū sa wacū tutuaducuya. Mūsa sa yeri wapa tiquiro quehnoano yerota mū sare. ³⁶ Cohācjū “Mū sare ohō saha yedohoutja”, tiquiro ni cūire quehnoano cohteya mūsa tiquirore wacū duhuro marieno. Sa cohtena tiquiro cahmeñene yenata mūsa. Sa yena tiquiro ni cūire cūonata. ³⁷ Ohō saha nine Cohācjū yere tiquina ojoari pūpu:

Mehenogā dūhsare Cristo wihiato. Sa ahtaro duita wihi madoqueorota. ³⁸ Yeequina quehnoañequina pehe yahure wacū tutuaducuetā. Sa ye yeequina yuhū mehna sa ijiducuetā. Yeere cohāñequina pehere ihñā yabijaja yuhū, niahye tiquiro ye yahuducuye tiquina ojoari pūpu.

³⁹ Mari pehe Cohācjū yere cohārina ijieraja mari. Sa yena pecapū wahatina ijieraja mari. Cohācjūre wacū tutuaja mari. Sa yena tiquiro yuhūorina ijijaja.

11

Wacū tutuayere yahuahye

¹ Ohō saha ijire wacū tutuaye: Cohācjūre wacū tutuana, marine tiquiro quehnoano yeatire quehnoano masiaja mari. Cohācjū tiquiro nidiro sahata yeraniepēgūta tiquiro yahuyere “Ijirota ijire”, ni tūhotuaja mari tiquirore wacū tutuana. Tiquirore ihñedapenata, wacū tutuana, “Ijirota ijire”, ni tūhotuaja mari tiquiro yahuyere tūhona. ² Panopū cjēna Cohācjūre tiquina wacū tutuagū ihñano bucueahye tiquiro pehe.

³ Cohācjū tiquiro yahuducuye mehna ijijipihiyere bajumehnee tiahye. Sa yero tiquiro mari ihñedari mehna ijijipihiyere mari yojopū ihñañene bajumehnee tiahye. Tire mari quehnoano masiaja Cohācjūre wacū tutuana pūrita.

⁴ Cohācjūre wacū tutuaro Abe pehe corderore wejē, uñūa mūo, Cohācjūre ño peo “Quehnoare”, niahye. Tiquiro wahmīno Cāi yuhūoro quehnoanore ohoro, ño peoahye tiquiro Cohācjūre. Sa yero Cohācjū tiquiro ohore bucueahye. Sa bucūero “Quehnoariquiro ijire”, ni ihñahye tiquiro Abere. Sa Cohācjūre tiquiro wacū tutuagū ihñana mari tiquirore ihñā cūaja. Sa yena tiquiro yariari bato ijiepēgūta tiquiro wacū tutuarire ihñā cūaja mari.

⁵ Enoco Cohācjūre tiquiro wacū tutuagū ihñano bucueahye Cohācjū. Sa bucūero tiquirore tiquiro cahapū ne mūoahye. Sata nine Cohācjū yere tiquina ojoari pūpu. Tiquiro ne mūori bato masa tiquirore ne bocaerahye. Tiquiro ne mūonohriquiro ijiro ne yarierahye. ⁶ Cohācjūre wacū tutuerana tiquirore bucuegū ye masiedaja mari. Cohācjūre wacū tutuerana, tiquirore ño peo masiedaja mari. “Potota tiquiro Cohācjū warota ijire. Sa yero tiquirore mari ño peogū marine quehnoano yere tiquiro”, mari ni tūhotuerana mari tiquirore sini masiedaja.

⁷ Noē Cohācjūre wacū tutuaro, tiquirore Cohācjū yahurire quehnoano yūhtiahye. Camerū tiquina ñano wahatore tiquiro yahugū tūhoro quehnoano yūhtiahye tiquiro. Sa yūhtiro, pajirja yucū sare yeahye. Sa yeye tia yucūsa mehna tiquiro acaye mehna dia mininore yuhūahye. Sa wacū tutuariquiro ijiro ahri yehpa cjēna ñañequina tiquina wacū tutuarire tiquina pecapū wahato gāhure ihñono niahye. Sa yero tiquiro wacū tutuagū ihñano “Quehnoariquiro ijire”, ni ihñahye Cohācjū tiquirore.

⁸ Abrahā gāhū Cohācjūre wacū tutuaro tiquirore yūhtiahye. Ape dihtapūre tiquirore ohoati dihtapūre Cohācjū waha dutigū tūhoro Abrahā yūhtiahye. Tiquiro ya dihtapū ijiriquiro wijijaa waharo, tiquiro masiedi dihtapū esahye. ⁹ “Ahri dihtare mahure ohoutja”, Cohācjū nigū tūhoro tiquirore wacū tutuaro ti dihtapūta

tojoahye tiqiuro. Topu ijiro ape dihta cjāno ijieperota topūta tojoa cāhye. Tiquiuro, tiqiuro macano Isaac gūhure, tiqiuro panamino Jacob gūhure tiquinare “Ahri dihtare musare ohoutja”, ni Cohācjū yahue tiahye tiquinape. Tiquina tūhoe tiahye. Sa yeye tiquina ti dihtapu ijiye, wahiquina cahseri wūhusepu ijie tiahye mūnāno ijieyequina ijiye. ¹⁰ Topu ijinie tiahye Abrahā Cohācjū mehna tiqiuro ijiatore cohtero. Ape macapu Cohācjū ijiri macapu ūhmusepu tiqiuro wahatore cohtero niahye. Ti macare dahreahye Cohācjū. Sa yero ti maca ne pihtisi.

¹¹ Cohācjūre wacū tutuaro, bucuro waro ijieperota, tiqiuro namono Sara bucuro waro ticoro ijiepegāta, Abrahā pohna tiahye. “Tiquiro nidiro sahata yerota”, Cohācjūre nino sa pohna tiahye. ¹² Sa yero Abrahā bucuro waro ijieperota pohna tiahye. Sa yeye tiqiuro panamena iji turiayequinapu peyequina waha cāhye. Nāhpicoha parire, padu pjeri gūhure mari queona ihcāno sahaeraro sahata tiqiuro panamena iji turiayequina gūhure queona ihcāno sahaeraja mari.

¹³ Ijipihitiyequina ahriquina yūhu yahuriquina Cohācjūre wacū tutua tuhasayequinapu yariahye. Cohācjū tiquinare “Musare ohō saha yeitja”, tiqiuro ni cūriore eserapeta yariaa wahahye. Tire űhedapeta Cohācjū tiqiuro nidiro sahata cameru tiquina cūoatire masiahye. Sa masiűe bucueahye. Sa yeye ohō saha niahye tiquina: “Ahri yehparu tinina ijiaja. Ape yehpa cjāna ijiaja”, niahye tiquina. ¹⁴ Sa niűequna ape yehpare tiquina ya yehpa ijiatore cohteye nine. Tire mari quehnoano masiaja. ¹⁵ “Ape yehpa cjēna ijire”, nigū panopu tiquina cohāri yehpare nigū niedaja. Ape yehparu tiquina iji muhtari yehparu waha dua, wahaa wahaboya. ¹⁶ Quehnoa yūhduari yehpa pehere cahmeűe niahye. Ti yehpa ūhmusepu ijire. Tiquina sa cahmegū ihűāno “Cohācjū usā puhtoro ijire”, tiquina nigū tūhoro bue tisi Cohācjū. Tiquina ya maca ijiatore dahre basa tuhasahye tiqiuro.

¹⁷⁻¹⁸ Cohācjū Abrahāre tiqiuro macanore Isaare wejē űjūa mūo dutiahye. Tiquiuro ihűa duaro sa dutiahye, “űjirota yūhure wacū tutuajari?” nino. Cohācjūre wacū tutuaro tiqiuro nidiro sahata yemahye Abrahā. “Mūhu macu Isaac mehna panamena iji turiayequinare peyequinare cūogūta mūhu”, Cohācjū tiqiuro nidiquiro ijiepegāta tiqiuro macanore wejēno taro nimahye Cohācjūre űo peoro taro. ¹⁹ “Yūhu macu Isaare yūhu wejēgū Cohācjū tiqiurore masonota”, ni tuhoturo, tiqiurore wejēno taro nimahye. Sa nidiquiro ijieperota Cohācjū tiqiurore cahmota, wejē

dutierahye. Tiquiro pacuro tiqiuro sa wejēboriquiro ijiro yaria masariqiuro yero saha ijiahye Isaac, Abrahā ihűagū. Sa yero Abrahā tiqiurore catiriquiurore pari turi cūoahye.

²⁰ Isaac Cohācjūre wacū tutuaro, tiqiuro pohnene Jacore, Esaū gūhure “Cameru Cohācjū musare pajiro quehnoano yerota”, niahye.

²¹ Cohācjūre wacū tutuaro Jacob tiqiuro yariato panogā José pohnene, ūmūare “Cohācjū musare pajiro quehnoano yerota”, niahye Jacob. Dasepe curi mehna quehe sa, tiqiuro tuadu mehna tua űhe cuűa, Cohācjūre űo peoro “Cohācjū musare quehnoano yerota”, ni cūahye.

²² Cohācjūre wacū tutuaro José tiqiuro yariato panogā Israe masa Egiptopu ijieyequina tiquina wijiatire yahuyuahye. Sa tiquina wijiatire masiyuro tiqiuro yariari bato tiqiuro pagare nea dutiahye tiqiuro pohnene.

²³ Cohācjūre wacū tutuare, Moisegāre ihtia asū waro űuo cūoahye tiqiuro pacusūmūa, tiqiuro masa bajuari bato. Quehnoariqiurogā tiqiuro ijigū ihűaűe tiqiurogāre űoahye. Ti yehpa cjēna puhtoro tiquina pohnene tiqiuro wejē dutiurore yūhdūca cāhye tiquina. Tiquiurore cuerahye.

²⁴ Moisere masoricoro Egipto yehpa cjēna puhtoro macono ijiahye. Sa ticoro masonohriqiuro ijiro, Cohācjūre wacū tutuaro “Ticoro macano ijire”, ni pisugū cahmedahye Moise. ²⁵ Cohācjūre yūhdūcariqiuro ijiro tiqiurore masoricoro cahapu meheűe decorigā quehnoano ijiboya. Sa ijiboriqiuro ijieperota ti yūhdūoro tiqiuro Cohācjū yequina mehna űāno yūhdū duahye. ²⁶ Sa űāno yūhdūoro Cristore tiquina bajupeato sahata tiquina bajuperiqiuro ijiahye. Cameru tiqiuro quehnoano yeri wapa Cohācjū tiqiurore tiqiuro quehnoano yeatire masino űāno yūhdū duahye, Cristo tiqiuro űāno yūhdūato sahata. Ijipihitiyequina Egipto cjēna quehnoaűene tiquina cūoro yūhdūoro tiqiuro Cohācjū pehere tutuaro cahmeahye. űāno yūhdūeperota, Cohācjūre cahmeahye.

²⁷ Cohācjūre wacū tutuaro, Egipto cjēna puhtoro tiqiuro mehna usuagū cuerahye. Sa cueraro ti yehparu ijiriqiuro ti yehpare cohā cāa wahahye. Sa yero Cohācjūre bajueriqiurore tiqiuro ihűaboriuro saha cuerariqiuro ijiahye. Cohācjū tiqiurore ye dutirire ne cohāedahye Moise. ²⁸ Cohācjūre wacū tutuaro Moise Israe masare Cohācjū yūhdūoatire masiahye. Sa masino Cohācjū dutiriro sahata Israe masa tiquina sopec-aharire ohōűe pűinine dii mehna wejē site dutiahye tiqiuro. Tiquina sa yegū ihűāno angel masare wejēdiqiuro tiquina

wahmisumwære wejēboriquiro Israe masa pohne wahmisumwære wejēdahye.

²⁹ Cohācjäre wacū tutuaye, Israe masa “Sohāri ma”, tiquina nidi mapu aco watoa ijiri maharu aco marieni maharu pehāa wahahye. Tiquina sa pehāgū ihñāne Egipto cjēna gūhu tiquinare ihñā cū, nūnu tā pehāmehe, mini yariaa wahahye.

³⁰ Cohācjäre wacū tutuaye, Israe masa Jericó wame tiri maca cjā sahrīno pajiri sahrīno behero pehe majare sotoahye. Siete decori waro ti macare majare sotoa tiniahye. Tope decori tiquina majare sotoa tinidi bato ti sahrīno sehte bora dijia pihitia wahahye. ³¹ Cohācjäre wacū tutuaro umūa mehna ñano yeducumedicoro Rahab wame tiricoro, ti maca cjōno Israe masare yedohoahye. Ti macare tiquina cohāto pano meheñequinagā Israe masa topu sajā tiquina duhti ihñagū, ticoro tiquinare yedohoahye. Ticoro sa yedohogū ihñāne Israe masa wejēdahye ticorore. Sa yeye ti maca cjēnare Cohācjäre yuhduwacayequinare wejēpeta ticoro pehere wejēdahye.

³² Apequinare Cohācjäre wacū tutuayequinare yahu nemoboa yūhu. Sa yahu duepegunata peyequinare sa Cohācjäre wacū tutuayequinare yahu ojoa peho masiedaga yūhu. Peyequina ijire tiquina. Gedeō, Barac, Sansō, Jefté, Davi, Samuel, Cohācjū yere yahu muhtariquina gūhu ahriquina ijipihityequina yūhu yahuboriquina ijire. ³³ Cohācjäre wacū tutuayequina ihquēquina apeye yehparipu ijije macari cjēnare cahme wejē yuhduwacahye. Sa yeye apequina quehnoano dutiyequina ijiahye. Cohācjū tiquinare “Musare yedohoutja”, tiqiuro nidiro sahata tiquinare yedohoahye. Tiqiurore tiquina wacū tutuagū ihñano sa tiquinare yedohoahye. Sa wacū tutuaye, yayia tiquinare ihya duagū tiquina duserire bihagū yeahye tiquina. ³⁴ Tutuaro wjūri pecaru ijiepetā wjūedahye tiquina Cohācjäre wacū tutuaye. Apequina tiquinare ñose wejē duagū duhti cāa wahahye Cohācjäre wacū tutuaye. Tutuayequina ijiepetā Cohācjäre wacū tutuaye tutuayequina wahahye. Cohācjäre wacū tutuayequina ijije, cahme wejēñe tutuayequina ijiahye. Sa ye apeye yehpari cjēna surara tiquinare wejēñe ahtayequina ne ihcāno sahaerahye tiquinare. ³⁵ Ihquēquina numia Cohācjäre wacū tutuagū ihñano tiquina acaye yariagū ihñano Cohācjū pehe tiquinare maso basahye.

Apequina “Cohācjäre cahmedacāhña”, tiquina ni peresu yenohriquina ijiepetā Cohācjäre duhu duerahye. “Cohācjäre mūsa duhugū mū sare wionata”, nimahye tiquinare peresupu yenohriquina Cohācjū yequinare. Tiquina sa niepegūta tiquinare yahtierahye, Cohācjū caharu tutuaro

waha duaye. Sa yeye tiquinare ña yuhduaro tiquina yepegū yariaa wahahye. ³⁶ Apequinare Cohācjäre wacū tutuayequinare ñano ni bujape tiquinare tana mujae tiahye. Sa yeye apequinare dahpocārine, omocarine duhte cāa, peresu yeahye. ³⁷ Cohācjäre wacū tutuayequinare ñañequina utā mehna doque wejēahye. Apequinare tiquina pagūrire seroti mehna yūhre sure mujahye. Apequinare ñoseñe pjñi mehna ñose wejēahye tiquina. Sa yeye tiquina sa ñano yepenohñequina oveja cahseri mehna, cabra cahseri mehna suhti tiyequina pebrəoyequina ijiahye. Sa ye apequina tiquinare ñano yepeahye. ³⁸ Tiquina quehnoa yuhduayequina ijigū ahri yehpa cjēna ñañequina tiquina mehna ijiboriquina ijierare. Ahriquina Cohācjäre wacū tutuayequina wāhuse marieñequina ijije, masa marienoru, cūhu cjūru iji soto tae tiahye. Sa iji soto tae, cūhuru ijije coperipū, yehparū ijije coperipū gūhure carī soto tae tiahye.

³⁹ Ahriquina ijipihityequina Cohācjäre tiquina wacū tutuagū ihñano bucueahye tiqiuro. Tiquina sa wacū tutuepegūta Cohācjū tiquinare “Mū sare yuhduoutja”, tiqiuro nidiro eseraniahye. ⁴⁰ Tiqiuro yuhduoerandire yahuro ohō saha ni tūhotuahye Cohācjū. “Ahriquina yeequina camerūre ijiatiquina mehna ihcāno saha ihcā curuaputa yuhduoutja”, ni tūhotuahye. Sa ni tūhoturo tiqiuro nidiro sahata yerota. Tiqiuro sa yegū quehnoa yuhduare panoru tiqiuro yeriro yuhduoro.

12

Jesure sa wacūducūhna mari

¹ Sa yena ahriquina yūhu yahuriquinare peyequina Cohācjäre wacū tutuayequinare ñañene yeeyequinare masina, ijipihitye ñañe yeyere duhu cāuhna mari gūhu. Ohō saha ijire mari queoye mehna buhegū: Omaperiquirore oma tutuagū cahmotaye ijire apeye. Tiqiuro dahpo suhti nūcūñe suhti tiqiurore oma tutueragū yeboaga. Ti yero saha Cohācjū cahmeñene mari ye duagū cahmotaye gūhu ijire. Ti gūhure duhuuhna mari. Sa yena omapeyequina tiquina oma tutuaro saha mari gūhu tutuaro Cohācjū cahmeno saha yeihna. ² Sa yena Jesure sa wacūducūhna mari. Tiqiurota ijire marine wacū tutua ducagū yeriquiro. Sa yero marine wacū tutua nemoğū gūhure yere tiqiuro. Curusaru yariaro wacū tutuahye. Came tiqiuro bucueatore masino curusaru yariahye. Sa yariaro bue tiboriqiuro ijieperota bue tierahye tiqiuro. Sa yero yojopure Cohācjū tiqiuro pūhoro dujiro poto pehe dujitjāno tiqiuro dutiriquiro ijire.

³ Ñañequina masa tiqirore tiqina ña yuhduaro yegū ihcāno sahaheye tiqiro. Tire wacūña masa, masa gūhu ñano yuhduna, “Ihcāno sahaeraboa”, nina. Tire wacūña masa “Tiqirore wacū tutua duhuari”, nina. ⁴ Ñano yuhdūepenata ñañene yerare masa. Sa ñano yuhdūepenata ña yuhduaro waro yuhdūeraniaga masa. Ñañequina musare wejēdarīaga. ⁵ ¿Cohācjū musare tiqiro pohname tiqiro yahurire bo cjāri masa? Masa ñano yuhduatire tiqiro yahurire wacūña masa. Ohō saha niahye tiqiro:

Yūhu macū, muhūre yūhu yahugū usueracāhña ñano yuhdūepegūta. Muhūre yūhu tuhtigū tuhogu bujua witiēacāhña. ⁶ Ijipihtiyequina yūhu cahñequinare yahuaja. Sa yegu ijipihtiyequina “Yūhu pohna ijire masa”, yūhu ni ihñañequinare yuhdudaca dutieraja. Sa yegu tiqina yuhdudacagū ihñagu tiquinare buhiri dahreaja, niahye Cohācjū.

⁷ Ñano yuhduna Cohācjū yere duhueracāhña. Cohācjū musare tiqiro pohname buhiri dahrore nine. Tiqina pacūsumua tiqina pohname sa yahuducure. Sa yeye tiquinare buhiri dahreducure. Sata yere Cohācjū gūhu marine tiqiro pohname. ⁸ Ijipihtiyequina tiqiro pohname yahure Cohācjū. Cohācjū musare yahueragū tiqiro pohna waro ijierare masa. Pacūsumua marieñequina yero saha ijire masa tiqiro yahumehna ijinā. Sa ijinā “Ūsā pacū waro ijire”, ni masiedare masa Cohācjūre, musare tiqiro yahueragū. ⁹ Mari pacūsumua marine tiqina yahugū tuhona tiquinare ño peoaja mari. Mari pacūsumuare mari ño peoro yuhduoro ño peoro cahmene mari Pacūre Cohācjūre tiqiro yahugū. Sa yena tiqirore yūhtiro cahmene marine. Sa yūhtina ijinā ijipihtiyē decori tiqiro mehna ijinata. ¹⁰ Meheñe decorigā ahri yehparū mari ijinigū mari pacūsumua marine yahuyē, buhiri dahre. Tiqina esa tuharo tiqina masino punota marine yahuyē, buhiri dahre. Cohācjū pehe marine quehnoano yahure. Sa yero tiqiro masiñe mehna marine buhiri dahre, marine quehnoana bucua dutiro. Sata yere marine tiqiro yero saha quehnoana marine iji dutiro. ¹¹ Marine tiqiro buhiri dahregū bucueraja mari. Mari ihyo bujua witiāja. Sa bujua witiēpenata tiqiro sa buhiri dahrerī bato quehnoana wahanata mari. Sa yena ñañene yero marieno quehnoano ijinata.

Cohācjū marine tiqiro dutiyere mari yūhtieragū cuarīne marine

¹² Sa yena wacū tutuera cjūna ijiepenata Cohācjūre wacū tutuana ijija. Tiqirore duhueracāhña. ¹³ Quehnoano potori

mahare masa waharo saha quehnoano poto yeya masa. Masa sa yegū ihña cūñe apeqina Jesu yequina ñañene yesi. Masa quehnoano yegū ihña cūñe quehnoano wacū tutuera cjūñequina gūhu wacū tutuayequina wahaeta.

¹⁴ Ijipihtiyequina masa mehna quehnoano ijija, cahmequeno marieno. Sa yena ñano yeracāhña. Ñañe marieñequina dihita mari pūthoro Cristore ihñāeta. ¹⁵ Quehnoano yeya masa. Cohācjū musare tiqiro yedohogū quehnoano yūhtiya. Ñañe taa diaye tiqina oteyere ti dojomehnoano saha masa gūhu Cristo yere duhueracāhña, “Apequinare dojomehneri”, nina. ¹⁶ Ne wūana tieracāhña. Sa yena Cohācjū yere cahmeena ijieracāhña. Cohācjūre cahmeediquiro ijiahye Esaú. Tiqiro wahmino ijimahye. Sa yero tiqiro pacūro yariari bato tiqiro pacūro yere cūoatiqiro ijimahye. Cohācjū tiqiro pacūrore tiqiro ni cūri gūhūre cūoatiqiro ijimahye. Sa yero ihcā deco ihcā pa ihyaye pose tiri pare cahmeno, ti pa mehna tiqiro bahūro pehere tiqiro wahmino wahagū yero taro comesahye. ¹⁷ Tiqiro sa yeri bato tiqiro dahse waharire masine masa. Tiqiro pacūro tiqirore ohoatire tutuaro cahmemahye Esaú. Tiqiro sa cahmepegūta tiqiro bahurore wahmino wahagū yeri buhiri, came tiqiro cūoborire ohoerahye tiqiro pacūro. Tire utiye mehna tiqiro siniepegūta tiqirore ohoerahye.

¹⁸ Cohācjū dutiyere Moiserē tiqiro cūgū mari acayē Israe masa mūna Cohācjū mehna ijie tiahye. Tiqina tiqiro mehna ijiriro saha masa pehe ijierare. Ohō saha yeahye tiqina pehe. Cūnarū Cohācjū mehna ijie taye, esahye. Ti cūnu pehe Sinai wame tidū ijiahye. Ti cūnūre dahra tuhu masiahye masa. Ti cūnarū tiqina esagū tutuaro peca űjūahye. Sa yero nahitiano, bueri, tutuaro wiñnoano mehna ijiahye ti cūnarūre. ¹⁹⁻²⁰ Ti cūnarū tiqina esagū corneta bisiro ca tahye. Sa yero yahuducuyē bisiro ca tahye. Ti sa yahuducuyē bisigū tuhoye, masa ihcāno sahaerahye. Cohācjū cuaro mehna ohō saha ni, dutiahye tiquinare: “Ijipihtiyequina ahdu cūnūre dahra tuhuyequinare utā mehna doque wejēña tiquinare. Ahdūre dahra tuhuriqiro wahiquiro waro tiqiro ijiepegūta tiqiro gūhūre utā mehna doque wejēña tiqirore. O ñosenū mehna ñose wejēña tiqirore”, niahye Cohācjū. Tiqiro sa nigū tuhoye ihcāno sahaerahye tiqina. ²¹ Sa yero ijipihtiyē tū cūnarū ijiro tiqiro ihñarire ihña cuero, ohō saha niahye Moise: “Cuegū nanaregū niaja”, niahye tiqiro.

²² Sa Cohācjū mehna tiqina iji dūcariro sahata ijierare masa pehe. Cohācjū

mehna ijina wahana, Siō wame tidapū uhmuse cjādapū mūsa esaboro saha potota Cohācjū mehna yahuducure mūsa. Cohācjū catiriqūiro ya macapū mūsa esaboro saha potota tiqūiro mehna yahuducure mūsa. Ti maca ape maca wahma maca Jerusalē uhmuse cjā maca ijire. Topure peyequina angele pari ijire. ²³ Tiquina Cohācjū mehna bucueye tehe cahmecoañequina ijire. Sa yena mūsa pehe tiqūiro ya maca cjāna ijina, topū Cohācjū pohne iji mūhtañequina mehna mūsa cahmecoaboro saha ijire. Tiquina tiqūiro pohne wamene tiqūiro ojoa ohōri tjupū uhmusepū tiquina wamene tiqūiro ojoa ohōnohriquina ijire tiqūiro pohne. Tiquiro pehe mari Pacū pehe ijp-ihtieyquinare beseatiqūiro ijire. Tiquiro mehna cjāna ijire mūsa pehe. Sa yena tiquina quehnoañequina Cohācjū yequina mehna cahmecoano saha ijire mūsa gāhū. Tiquinare iji mūhtariquinare ñañe marieñequina ye tuhasahye Cohācjū. ²⁴ Sa yena Jesu mehna cjāna ijire mūsa pehe. Wahmanopū Moisere tiqūiro duti cūrire comesaro “Mū sare yuhduoutja yuhū”, ni ctahye Cohācjū marine. Tiquiro sa ni cūriro sahata yeriqūiro ijire Jesu. Tiquiro diire cohā, tiqūiro yariari mehna marine sa yuhduore. Abe mūnano tiqūiro dii cohāgū ihñano Cohācjū Abere wejēdiqūirore buhiri dahreahye. Jesu pehe tiqūiro diire cohāgū, tiqūiro yariari mehna quehnoano yuhduaja mari. Sa yero Abe tiqūiro dii cohāri ihyo warota ijahye. Cristo pehe tiqūiro dii cohāri bato quehnoa yuhduaro yeahye Cohācjū marine. Sa ye tiqūiro dii cohāri ihyo warota ijerare.

²⁵ Sa yena quehnoano yeya mūsa. Cohācjū yere mū sare yahuriqūirore quehnoano yahtina ijiya. Panopū ahri yehpapū ijiriqūiro Moise Cohācjū yere tiqūiro yahugū tūhoye, peyequina tire tuho duer-ahye. Sa tiquina tūhoerari buhiri buhiri dahreahye Cohācjū tiquinare. Tiquina yuhduoro buhiri dahrerota Cristore cohāñequinare. Cristo pehe uhmusepū ijiriqūiro Cohācjū yere yahuriqūiro ijire. ²⁶ Ti pjere Moisere tiqūiro dutiyere cūri pjere Cohācjū tiqūiro yahuducuro mehna yehpa ñuhmigū yeahye. Yojoṛpū pehere ohō saha ni yahuahye tiqūiro: “Ihcā tahata ahri yehpa ñuhmigū ye nemoutja. Ahri yehpa dihitare ñuhmigū yesi yuhū. Uhmusepū gūhure ñuhmigū yeitja”, ni yahuahye tiqūiro. ²⁷ “Ahri yehpa ñuhmigū ihcā tahata ye nemoutja”, nino, ijipihiyere tiqūiro bajumehnedire tiqūiro cohātire masigū yero niahye. Cohācjū puhtoro ijiropure cohāno basioerare. Sa yero tiqūiro bajumehnedire cohāgū tiqūiro puhtoro ijiro dihita tojarota. ²⁸ Tiquiro puhtoro ijiropū wahanata mari. Sa yena tiqūiro

puhtoro ijirore tiqūiro cohāedagū ihñana, Cohācjūre “Quehnoare”, nihna mari. Sa yena tiqūirore ño peoye mehna, cua pesaro mehna tiqūiro yere yeihna mari tiqūirore bucuegū yena tana. ²⁹ Peca uñāno cuaro saha Cohācjū gūhū cuaro mehna buhiri dahreriqūiro ijire.

13

Ohō saha Cohācjūre bucuegū yeya

¹ Mūsa mehna cjēnare cahī duhueracāhña. ² Masa mūsa ihña masieñequina tiquina ijiepegūta tiquinare mūsa wuhusepū quehnoano mehna sañā ta dutiya. Apequina sa yeye, masiedapeta angelere tiquina ye wuhusepū sañā ta dutiahye. Sa yena tiquina yero saha yeya mūsa gūhū.

³ Peresupū ijieyquinare paja ihñaña. Mūsa pehe tiquina mehna peresupū ijina mūsa ijiboro saha tiquinare paja ihñaña. Apequina tiquina ñano yenohriquina gūhure paja ihñaña. Tiquina yero saha mūsa gūhū ñano yuhduaboro saha tiquinare paja ihñaña.

⁴ Omoca duhterina ijipihitina mūsa basi quehnoano cahme ño peoya. Sa yena apequina mehna ñano yeracāhña. Ijipihiyequina numia mehna ñano yeyequinare, uhmūsa mehna ñano yeye numia gūhure buhiri dahrerota Cohācjū.

⁵ Niñerure ne cahiedacāhña. Ohō saha niahye Cohācjū: “Mū sare ne cohāsi yuhū. Mū sare sa yedohoducugatja”, niahye tiqūiro. Sa yena noho puno mūsa cuoye mehna to punota bucueya. Pajiro cahme nemoedacāhña. ⁶ Sa yena cuero marieno ohō saha ni tuhotonata mari:

Mari puhtoro Cohācjū marine yedohoriqūiro ijire. Ne cuesi mari. Masa marine tiquina ñano yeatire cuesi mari, ni tuhotonata.

⁷ Cohācjū yere mū sare yahuriquinare mū sare dutiriquinare wacūña mūsa. Sa yena quehnoano tiquina ijie tirire quehnoano tiquina yee tirire wacūña. Sa wacūña, Cristore tiquina wacū tutuariro saha yeya mūsa gūhū.

⁸ Jesucristo ne comesaerare. Panopū, yojoṛpū gūhure, camepū gūhure tiqūiro ijiriro sahata ijiducurota tiqūiro. ⁹ Peye buheyere sijoro saha ijiye buheyere tūhoeracāhña mūsa “Quehnoañe buheyere uñāpū cohāri”, nina. “Ahrire ihyaya. Ahrire ihyeracāhña”, ni buhere ihquēquina. Sa tiquina ni buheyere mari yahtigū ti marine yedohoerare. Sa yero sa ijiye buheyere mari yegū ihyo warota ijire. Ti marine wacū tutuana ijigū yerare. Cohācjū pehe marine wacū tutuana ijigū yere. Sa yena tiqūiro ye tutuaye mehna tiqūirore wacū tutuana ijiya mūsa gūhū.

¹⁰ Cristo mari ñaife buhirire yariahye mari ñaifene cohãno taro. Pahia pehe ohõ saha niñequina ijire: “Wahiquina mari wejê ñjãa m̃o, mari ohoyequina mehna yuhd̃anata”, niñequina ijire pahia. Sa niñequina tiquina ñaife yerire cohãnohriquina iji masiedare. ¹¹ Mari judio masa mari pahia pũhtoro Cohãcjũ ijiri tucũ waropũ diire ne sajãno wejê siteahye, masa tiquina ñaife yerire cose wero taro. Sa yero tiquiro wejêdiquiro wahiquiro pag̃re ti maca dũhtũ cahapũ ñjãa cohã cãre. ¹² Tiquiro yeriro saha Jesu gãhũ maca dũhtũ cahapũ yariahye, masa tiquina ñaifene tiquiro dii cohãno mehna cose wero taro. ¹³ Maca dũhtũ cahapũ tiquiro yariagũ ihñaife, tiquina ye buheyere tiquiro cohãgũ ihñaife judio masa pũhtoa tiquirore ihña tuhtiahye. Sa yena mari gãhũ tiquiro mehna cjãna ijiinha. Mari sa ijigũ ihñaife, masa mari gãhũre ihña tuhtia. ¹⁴ Ahri yehrapũ mari iji dooati maca ne mariedare. Mari camepũ ijati macare cohtena niaja mari. ¹⁵ Sa yena Jesu yedohoro mehna mari Pacũ mehna yahuducuaja mari. Sa yena tiquirore quehnoano siniinha. “Mũhũ usã Pacũ quehnoagũ, tutuagũ ijire”, ni, ño peoducuuhna. “Jesu yequina ijiaja”, ni, sa niña mari Pacũre. Mari sa nigũ tiquiro bucuero. ¹⁶ Mũsa mehna cjẽnare quehnoano yeya. Sa yena tiquinare yedohoya. Tire boeracãhña. Mũsa sa quehnoano yena Cohãcjũre ño peona niaga mũsa. Sa yena tiquirore bucuẽgũ yena niaga.

¹⁷ Mũsa pũhtoare quehnoano yũhtiya. Tiquina dutiro sahata yeya. Cohãcjũ ihña ihbo, buhe dutiro cũre mũsare tiquinare. Sa cũnohriquina ijiye mũsare sa ihña ihboducuye nine “Cohãcjũre yuhd̃ad̃acari”, niñe. Camepũ mũsare tiquina dutirire, tiquina yerire Cohãcjũre yahueta. Sa yena tiquinare quehnoano yũhtiya mũsa. Mũsa sa yũhtigũ ihñaife bucuẽye mehna mũsare yedohoeta tiquina. Mũsa yũhtieragũ ihñaife tiquina b̃jãa witieta. Sa yũhtierana quehnoano ijisi mũsa.

¹⁸ H̃sãre sini basaducuya Cohãcjũre. Decoripe quehnoaife dihitare ye duaja usã. Sa yena “Ñañene yena niaja”, ni tuhoturaja usã. ¹⁹ Ahri pũritare tutuaro sini basaya Cohãcjũre yũhũre: Sojaro mehna mũsa cahapũ yuhũ wahatire tiquirore sini basaya.

Ahri pũre ojoariquiro quehnoa duti bato tiahye

²⁰ Cohãcjũ mari pũhtoro Jesure yariariquirore masoahye. Marine quehnoano ijigũ yeriquiro ijire. Tiquiro “Mũsare yuhd̃outja”, ni cũahye Cohãcjũ marine. Tiquiro sa ni cũrere yeriquiro marine

yuhd̃oriquiro Jesu pehe ijire. Mari ñaife buhirire yariahye tiquiro. Sa yero tutuariquiro ovejare ihña ihboriquiro yero saha ijiro, marine tiquiro yequinare quehnoano ihña ihbore. ²¹ Sa yero Cohãcjũ tiquirore masoriquiro mũsa gãhũre yedohoahro ijipihtiye quehnoañene tiquiro cahmeñene mũsa yeatire. Sa yero Jesucristo yedohoro mehna Cohãcjũ cahmeno saha ijipihtinare marine quehnoañe pehere comesagũ yeahro. Sa yena ijipihtiye decori Cristore ño peouhna. Sata yeihna.

²² Yuhũ acaye, ahrire tutuaro mũsare duitiitja: Ahri pũpũ yuhũ yahurire quehnoano mehna tuhoya mũsa. Ahri mũsare yuhũ ojoari pũ pajiro ijierare. Sa yena ahrire quehnoano tuhoya. ²³ Ahri gãhũre mũsare yahutja: Mari acayũrore Timoteore peresu ijiriquirore wioñohti. Sojaro mehna tiquiro wihigũ mũsare ihñagũ wahagũ tiquirore neagutja. Yuhũ mehna waharota.

²⁴ Mũsa pũhtoare, ijipihtiyequina apequinare Cohãcjũ yequinare topũ ijiyequinare quehnoa dutiaja. Italia cjẽna Jesu yequina gãhũ mũsare quehnoa dutire.

²⁵ Ijipihtinare mũsare Cohãcjũ mehna quehnoa dutiaja.

Santiago

Santiago Israe masare macari wahariquinare oja ohoahye

¹ Yuhu, Santiago ahri pūpu masare quehnoano duti oja ohogu niaja. Mari Pacu, mari puhtoro Jesucristo gahu cahacjūta ijiaja yuhu. Sa yegu Israe masa ye cururi cjanare doce cururi cjanare Jesu yequinare macari waharinare yuhu acaye masare oja ohogu niaja.

Cohācjū pehe quehnoano masigū yere

² Yuhu acaye, peye ijietā mūsa űano yuhduati. Sa űano yuhduepenata quehnoano bucueye mehna tūhotuya. ³ Sa űano yuhdāna, potota Jesure mūsa wacū tutuarire ihūona ninata mūsa. Sa yena űano yuhduepenata Jesure mūsa quehnoano wacū tutuana ijina, tiqiurore wacū tutua nemona wahanata. Sa wahana mūsa űano yuhduyere ihcāno sahanata. ⁴ Sa yena duhuro marieno sa ihcāno sahana ijiducuya mūsa quehnoano tūho masina mūsa ijiatire.

⁵ Mūsa masiati duhsagū tūhotuna Cohācjūre siniña. Tiquiro duhsaro marieno ijipihtiyequinare ohore. Sa ohoro tiqiurore siniñequinare sijoro saha nino marieno ohore tiqiuro. Tiquiro sa ijiriquiro ijigū masina, mūsa masiati duhsagū tūhotuna, tiqiurore siniña. Mūsa sa sinigū masare masi nemogū yerota tiqiuro. ⁶ Sa sinina Cohācjūre quehnoano wacū tutuatjāna siniña mūsa. “Usā sinigū Cohācjū ohoeraboaga usāre,” ni tūhotueracāhña. Sa ni tūhotuyequina pajiri ma cje pahcōri yero saha ijire. Pahcōri ti usaro comesaro saha tiquina gūhu tiquina wacūñepure usaro comesare. Ihcāno saha yerare tiquina. Sa ye Cohācjūre wacū tutuerare. ⁷ Sa ni tūhotuyequinare tiquina siniepegūta ne mehenogā tiquina siniñene tiquinare ohosi mari puhtoro, Cohācjū. ⁸ Miare ahrire cahmediquiro ijieperota űamiare sijoro saha tūhoture tja. Sa yeriquiro queoro yerare.

⁹ Jesu yequinare ihyo ijieyequinare Cohācjū pehe puhtoa sōnota. Sa ijiatiquina ijieye bucuehro tiquina. ¹⁰ Sa ye Jesu yequina doeri cje opana ijieye tiquina ye doeri cje pihtiatire masiñe bucuehro. Ti doeri cje ihyo warota ijire, Cohācjū ihñagū. Cohori ti duita ahba bora dijiaa waha saha ti doeri cje pihtia waharota. Sa ijieye tiquina gūhu bucuehro. ¹¹ Asū mūja taro tiqiuro tutuaro asigū taa pehe űaia wahare. Sa ye cohuri gūhu űai bora dijiaa waha, quehnoañe cohuri ti ijieye pihtia wahare. Sata waharota doeri cje opanare doeri cje tiquina ne cahmecoania watoa. Tiquina, ti doeri cje mehnata butia wahaeta.

űano ye dutiyere yerariquiro bucueriquiro ijire

¹² űano yuhdūriquiuro ihcāno saharo, űano ye dutiyere yeraro bucueriquiro ijirota. Tiquiro sa ihcāno sahaḡū, tiqiuro űañene yeragū ijipihtiyē decori uhmūsepu ijiducugū yerota Cohācjū tiqiurore. “Sa uhmūsepu ijiducugū yeitja”, ni cūahye Cohācjū ijipihtiyequina tiqiurore cahñequinare. ¹³ Mū sare apequina űano ye dutigū “Cohācjū yuhare űano ye dutiro nine,” ni tūhotueracāhña. űano yeyere tūhoturiquiuro ijierare Cohācjū. Sa yero tiqiuro pehe masare űano ye dutiriquiro ijierare. ¹⁴ Masa űañene tiquina tutuaro cahmeñeta tita tiquinare űano yegū yere. ¹⁵ Sa ye űañene tutuaro cahmene masa. Sa ye ti pehere tūhoture. Sa tūhotuye, ti űañene yeducure tiquina. Tiquina sa yeducuri buhiri Cohācjū tiquinare pecapu cohānota.

¹⁶ Sa yena yuhu acaye yuhu cahña, “Cohācjū yuhare dutigū űano yei,” ni tūhotueracāhña. Poto ijierare ti. ¹⁷ Mari Pacu uhmūse cjanore marine quehnoañe dihitare ohore. Tiquiro pūrita asū deco cjanore, űami cjanore, űahpicoha paca gūhure bajumehnediquiro ijiro, tiqiuro pehe tiqiuro ijiriro saha sa ijiducu cāre. ¹⁸ Tiquiro cahmediro saha quehnoañe buheye mehna marine tiqiuro pohna wahagū yeri. Sa yeri tiqiuro, tiqiuro pohna iji mūhtana marine iji dutiro.

Potota Cohācjūre űo peoye ohō saha ijire

¹⁹ Yuhu cahña, yuhu acaye, ahrire quehnoano tūhoya mūsa. Cohācjū yere quehnoano tūhoya mūsa. Sa tūhona, tūhoturo marieno yahuducueracāhña. Sa yena usuercāhña. ²⁰ Ihcāquiuro usuariquiro ijigū tiqiuro yerire bucuere Cohācjū. ²¹ Sa yena ijipihtiyē mūsa űañe yeyere, mūsa űañene tutuaro cahmedire duhuya mūsa. Sa yena Cohācjūre quehnoano yūhtina ijina tiqiuro buheyerē tūho, cahmeña mūsa. Tiquiro ye buheyerē mūsa tūho cahmegū Cohācjū pehe mū sare pecapu wahaborinare yuhduorota.

²² Tiquiro yere tūhoepenata yūhtierana ni mehoñene tūhotuna nine mūsa. “Yūhtieragū quehnoanota,” ni tūhotuna ni mehoñene tūhotuna nine mūsa. Sa yena tiqiuro yere tūhona ti pehere yeya. ²³ Cohācjū yere tūhoepenata, yūhtierana, tiqiuro wūhdoare eño mehna ihñariquiro yero saha ijire mūsa. ²⁴ Tiquiro wūhdoare tiqiuro ihñari bato waha, tiqiuro ihñarire boaa wahare. ²⁵ Sa yero apequiuro pehe tiqiuro ihñarire boero saha Cristo ye dutirire tūhoro tire yero, bucueriquiro ijirota. Ti dutiyē Cristo cahñe mehna masare tiqiuro yuhduoti buheye ijire. Ti buheyerē ne cohāediquiro bucueriquiro ijirota. Tiquiro pūrita tiqiuro

tuhorire yeriquiro ijire. Sa yeriquirore quehnoano yerota Cohãcjũ.

²⁶ Ihcãquiro sa ni maca cãriquiro ijiro, potota Cohãcjũre ño peoerare. “Cohãcjũre quehnoano ño peoaja,” ni tuhotoriquiro ijieperota ni mehoñene tuhutore tiquiro. “Cohãcjũre ño peoaja,” nidiquiro ijiepegũta tiquiro ño peoye ne ðuhseati ijierare. ²⁷ Ijirota Cohãcjũre mari Pacũre mari ño peona, tiquiro cahmeno saha ño peona, ohõ saha yeaja mari: Pacũsumua marieñequinare, wape wiha numia gãhũre tiquina ñano yũhðgũ ihñana, tiquinare yedohojaja mari. Sa yena ahri yehpa cjẽna ñañene tiquina yerire ne ye dueraja mari. Sa yena potota Cohãcjũre ño peonata ijjaja mari.

2

Masare ihcãno saha quehnoano yero cahmene marine

¹ Yũhu acaye, quehnoa yũhðuariquirore Jesucristore mari pũtorore tuhona, tiquirore wacũ tutuana ijire musa. Sa wacũ tutuana masare ihcãno saha quehnoano yero cahmene masare. ²⁻³ Sa ye uru behorire, omoca sañañe behorire cuoriquiro, wapa bujũye suhtire sañariquiro musa Jesu yequina cahmeoano cahapũ tiquiro ahtagũ ihñana tiquirore quehnoano mehna piti caboaga. “Ohõpũ dujiro ijire,” niboaga musa tiquirore. Sa niepenata ti pjeta pejecuoriquiro gãhũ ñano suhti tiriquiro musa cahapũ tiquiro ahtagũ ihñana tiquiro pehere quehnoano piti caeraboaga. “Ohõpũ ducuya. O yehpapũ dujiya,” niboaga musa tiquirore. ⁴ Musa sa yena masare ihcãno saha yena niedaga musa. Sa yena ñañene tuhutoryequina masare beseyequina yero saha ijina niaga musa. “Ahriquiro pehe quehnoariquiro ijire. Ahriquiro ñariquiro ijire,” ni besemene musa.

⁵ Yũhu acaye, yũhu cahĩna, yũhũre tuhoya. Peyequina pejecuoyequina pehere Cohãcjũ beseahye. Tiquirore quehnoano wacũ tutuatiquinare, tiquiro pũtoro ijiropũre ijiatiquinare beseahye tiquinare. “Topũre wahanata musa,” ni cũahye Cohãcjũ tiquirore cahĩñequinare. ⁶ Tiquinare tiquiro sa besepegũta musa pehe pejecuoyequinare quehnoano ño peoerare. Doeri cjẽ opana pehe musare ñano yere. Sa ye tiquina masare beseriquiro cahapũ musare neare musare yahusãñe tehe. ⁷ Musa pehe “Cristo yequina,” masa tiquina ninohna ijire. Peyequina doeri cjẽ opana pehe Cristore ñano ni yahuducuyequina ijire. Sa ye pejecuoyequinare musa ño peoriro yũhðoro doeri cjẽ opanare musa ño peogũ ñarĩne.

⁸ Cohãcjũ dutiye mehna cjã dutirore apeye dutiye bui cjũnogã ijiri dutirore ohõ saha ni ojoahye: “Mũhu basi mũhu cahĩno saha mũhu cahapũ ijieyequina gãhũre cahĩña,” nine Cohãcjũ dutiro. Ahri dutirore yena, quehnoañene yere musa. ⁹ Masare ihcãno saha yerana ñano yena nine musa. Sa yena Cohãcjũ dutiyere yũhðuducana ijire musa. Sata nine Cohãcjũ yere tiquina ojoari pũpũ. ¹⁰ Cohãcjũ dutiyere yena ijiepenata ihcãno dutirogãre musa yeragũ apeye dutiyere musa yepegũta ðuhseati ijierare. Sa yena ñañe buhiri tina ijinine musa. ¹¹ “Apequiro namono mehna ñano yeracãhña,” ni, musare dutiriquiro Cohãcjũta ijire. “Masare wejẽdacãhña,” nidiquiro tiquirota ijire Cohãcjũ. Apequiro namono mehna ñano yerapenata masũnore wejẽna Cohãcjũ dutiyere yũhðuducana ijire musa.

¹² Cristo marine tutuaro cahĩno, marine dutire marine yũhðoro taro. Tiquiro dutiyere mari yerire, mari yerari gãhũre ihñano marine besero ahtarota. Tiquiro sa besenohanaja ijina tiquiro dutiyere quehnoano yeihna. Sa yena tiquiro cahmeno sahata yahuducuuhna mari. ¹³ Yojoapũre mari apequinare paja ihñedagũ Cohãcjũ pehe masare tiquiro beseri pje ijigũ marine paja ihñasi. Sa yena apequinare mari paja ihñagũ Cohãcjũ pehe marine paja ihñano, marine buhiri dahresi.

Cristore wacũ tutuayequina pehe quehnoañene yere

¹⁴ Yũhu acaye, tuhoya musa. “Cristore wacũ tutuaja yũhu,” ihcãquiro tiquiro ni tuhutoryepẽgũta tiquiro quehnoañene yeragũ tiquiro sa nimeri pehe ne ðuhseati ijierare. Sa ni wacũ tutua maca cãriquirore Cohãcjũ yũhðuosi. ¹⁵⁻¹⁶ Jesu yaquiro, Jesu yacoro ñañe suhti dihita tiquina cuogũ ihñana, tiquina ihyati mariedagũ ihñana, ðuhse yeajari musa tiquinare apee boro cuona ijina? “Quehnoano ijija musa. Sa yena quehnoano suhti sañaña. Sa yena quehnoano ihya yapi iji cãhña,” niepenata tiquina cahmeñene musa ohoeragũ musa sa nimeri ne ðuhseati ijierare. ¹⁷ Sa yena “Cristore wacũ tutuaja,” musa niepegũta quehnoañene musa yeragũ Cristore musa wacũ tutuaye ne ðuhseati ijierare.

¹⁸ Musa mehna cjãno ahri yũhu buherire tuho dueraro ohõ saha masi-ahdo. Quehnoañene yeraperota “Cristore wacũ tutuaja,” niboaga tiquiro. Quehnoañene yeraro Cristore tiquiro wacũ tutuayere apequinare masigũ ye masiedare. Quehnoañene yeriquiro pũrita quehnoañene tiquiro yeye mehna Cristore tiquiro wacũ tutuayere masigũ ye masine. ¹⁹ “Cohãcjũ ihcãquirota ijire,” ni tuhutor

3

musa. Musa sa ni tahotugū quehnoarīne. Sa ijiepegāta to punota Cohācjüre yahtiro marieno tiqiurore musa masigū ti dūhseati ijierare. Watīa gūhū musa tahoturo sahata tahotuñohti. Sa ijīye Cohācjū tiqiuro ijīye tiyere masiñohti tiqiuna. Sa masiñe, cue, nanareñohti. ²⁰ Ihcāquiro quehnoañene yeraperota “Cristore wacū tutuaja,” ni tahoturiquiro ijiro tuho masieniquiro ijire. Cristore wacū tutuamediquiro quehnoañene yeraro potota Cristore wacū tutuerare.

Ohō saha ni yahutja musare ahrire: ²¹ Abrahā mari ñecu munano tiqiuro macno Isaac wame tiriquirore wejē basamahye Cohācjüre. Sa yero tiqiurore utā paca mehna tiqiuna yeri buhu bui duhu peomahye. Sa duhu peoro Cohācjū dutiriro sahata tiqiuro macnore wejēno taro nimahye Cohācjüre ño peoro taro. Tiquiro sa yegū ihñano “Potota quehnoariquiro ijire,” ni ihñahye Cohācjū tiqiurore. ²² Tiquiro sa ni ihñagū ahrire masine musa: Abrahā Cohācjüre wacū tutuaro tiqiurore yahtiahye. Sa yahtiro Cohācjüre tiqiuro wacū tutuayere ihñono niahye. ²³ Sa yero Cohācjū yere tiqiuna ojoari pūpū tiqiuro nidiro sahata sa wahahye: “Abrahā Cohācjüre wacū tutuahye. Tiquiro sa yegū ihñano ‘Quehnoariquiro ijire tiqiuro’, ni ihñahye Cohācjū tiqiurore”, ni ojoahye Cohācjū yere tiqiuna ojoari pūpū. Tiquiro sa ni ihñagū masiñe “Abrahā Cohācjū mehna cjāno ijire”, nine masa tiqiurore.

²⁴ Sa yena ahri yahu yahuatire masine musa: “Cohācjüre wacū tutuaja,” nidiquiro, tiqiuro quehnoañene yeragū ihñano Cohācjū pehe tiqiurore “Quehnoariquiro ijire,” ni ihñedare. Cohācjüre wacū tutuariquiro pehere potota tiqiuro quehnoañene yegū ihñano “Quehnoariquiro ijire,” ni ihñare Cohācjū tiqiuro pehere. ²⁵ Sata ni ihñahye Cohācjū Rahab wame tiricorore umña mehna ñano yeducumedicorore. Josué munano tiqiuro ohoriquinare quehnoano piti ca, “Quehnoano sañā taya,” niahye ticoro. Sa yero tiqiuna tojoa duagū ticoro pehe ape maha pehere ihñoahye tiquinare “Tiquinare ihña tuhtiyequina wejēari,” nino. Ticoro sa yegū ihñano “Quehnoaricoro ijire,” ni ihñahye Cohācjū ticorore.

²⁶ Sata ijire. Mari pagupure jeripohna mariedagū catieraja mari. Sa yero jeripohna mariedagū mari pagū dūhseati ijierare. Sata “Cohācjüre wacū tutuaja,” mari niepegāta mari quehnoañene yeragū queoro ijierare mari wacū tutuaye. Sa yero mari quehnoañene yeye mariedagū mari wacū tutuaye dūhseati ijierare, jeripohna marieni pagū yero saha.

Mari duseropu wijiayere mari yahuducuyereyahuahye

¹ Cohācjū yere masare buheyequina tiqiuro yere tiqiuna quehnoano yeragū ihñano tiqiuna pūritare masare buheeyequina yuhduoro Cohācjū buhiri dahrerota. Tire musa masine. Sa yena musa mehna cjēna masare buheyequina peyequina ijieracāhdo.

² Ijipihtiyequina peye tahari mari ñañene yeaia. Ihcāquiro ñañene yahuducueriquiro Cohācjū cahmeñene quehnoano yeriquiro ijire tiqiuro. Sa yero apeye ñañe gūhare yerare.

³ Ohō saha ijire ahri mari queoye mehna buhegū: Caballo duseropu come pji tiqiuro ñehmenore ña dihori pjiñe mari cūaja, tiqiurore mari majareducagū yena tana. Sa yena ti pji come pji mehna tiqiurore tiqiuro wahatoru mari weje majare docoaja. Ti pjiñā meheni pjiñā ijiepegāta ti pjiñā mehna tiqiurore wahagū yeaia mari. Sata mari dusero mehenogā ijiepegāta ti dusero mehna pajiro yeaia mari.

⁴ Yucusa quiti mehna queoye mehna yahu nemoutja musare: Yucusa pajiria ijiepegāta tiare wihnono tutuaro wēdoqueoepegāta ohoturiquiro pehe meheni pjiñā mehna tiare noho tiqiuro waha duaropu ohoture.

⁵ Sata ijire mari duseropu wijiaye. Mari dusero mehenogā ijiepegāta ti dusero mehna pajiro yeaia mari. Meheni pecagā pajiro ti peca ujū cāno saha mari dusero mehna mari yahuducuye mehna pajiro ñañene yeaia. ⁶ Sa yero mari dusero ujūri peca yero saha ijire. Mari duseropu wijiaye ijipihtiye ñañene yegū yere marine. Peca ujū ducarō saha mari duseropu wijiaye mehna mari quehnoano ijiborire ña yuhduaro yeaia mari. Ñañene yahuducuna watīno tiqiuro dutiro saha mari yena niaia.

⁷ Ijipihtiyequinare nucu cjēnare wahiquinare, minicjüre, sihcō cāñhequinare, wahire mari ihña wahāgū ye masiaja. Sa yena mari peyequina tiqiuna borore ihña wahāgū ye tuhasau. Sa ye tiqiuna quehnoano tuho masine. ⁸ Tiquinare mari yahtigū yepegāta mari dusero pehe ñañene yahuducuro ne duhuera yuhduare. Sa yero nuñequinare mari yahtigū yero saha mari dusero pehere ne yahtigū ye masiedaja mari. Mari duseropu wijiaye ña yuhduaye ijire. Sa yero aña apequinare tiqiuro wejēno saha marine apequina gūhare ña yuhduaro wahagū yere mari dusero.

⁹ Mari dusero mehna Cohācjū mari puhtoro mehna mari quehnoano yahuducuaia. Sa yahuducupenata masa Cohācjū yero saha ijiequinare tiqiuro bajumehnediquina tiqiuna ijiepegāta

tiqunare ña yuhduaro ni yahuducuaa mari. ¹⁰ Ihcã duseroputa quehnoañene yahuducuye gũhu, ñañene yahuducuye gũhu wijiare. Yuhũ acaye, sa ni yahuducueracãhña. ¹¹ Mágã pohterũ aco wijiari coperũ quehnoañe aco, ñañe aco gũhu ne wijiareare. ¹² Yuhũ acaye, higuerao olivo pacare dũca tierare. Sa yero uhse da higuera pacare dũca tierare. Sa ye moreno mehna rne paca dũca tierare. Sa ye mágã pohterũ aco wijiari coperũ moa yuaye co wijiagũ moa marieñe co wijiareare. Sata mari duseropũ quehnoañe yahuducuye, ñañe yahuducuye mehna wijaeracãhdo.

Quehnoano masiñe waro ohõ saha ijire

¹³ Ihquẽquina mũa mehna cẽna quehnoano masiñequina ijire. Sa yena “Apequina yuhduoro quehnoano masiaja usã,” niedacãhña. Sa niedana quehnoañene yeya mũa. Sa quehnoano yena potota quehnoano masina ijire mũa. ¹⁴ Sa yena apequiro apee borore tiquiro cuogũ ihñana cahme ihña coona, apequina mehna usuaducuna, apequinare yuhduca duana, “Cohãcjũ yere quehnoano masiaja usã,” niedacãhña mũa. Mũa sa nina ni mehona ijire mũa. ¹⁵ Sa yeyequina tiquina wacũñe Cohãcjũ ye wacũñe ijierare. Tiquina wacũñe ahri yehpa cẽna tiquina ñañe wacũñe ijire. Tiquina wacũñe pehe wafino ye ijire. ¹⁶ Masare cahme ihña cooyequina, apequinare yedoho dueyequina sa cahme tuhtiducure. Sa ye ijipliye ñañene yedure.

¹⁷ Apequina pehe Cohãcjũ yere quehnoano masiñequina pehe tiquina pũrita sa ye maca quẽhe niedare. Sa ye tiquina ne cahme tuhtierare. Sa ye masa quehnoañequina, dutiyere quehnoano yuhtiyequina, paja ihñañequina, masare yedohoyequina, masare ihcãno saha yeyequina ijire tiquina. Tire yeye, ni mehono marieno yere tiquina. ¹⁸ Sa yena cahmequeno marieno ijina, apequinare “Cahmequedacãhña,” mari ni yahuna quehnoañequina wahagũ yena niaja mari masare.

4

Ahri yehpa cẽ ñañene cahmena, Cohãcjũre ihña tuhtina ijire mũa

¹ ¿Duhse ijiro boro mũa cahme tuhtiajari? ¿Saha yena duhse ijiro boro cahmequeajari mũa? Ñañene tutuaro cahmena, cahmeque duare mũa. Quehnoañene ye duepenata ñañene yere mũa. ² Apee borore mũa cahmene. Sa cahmena masare wejẽne mũa tiquina yere nena tana. Sa yena apequiro apee borore tiquiro cuogũ ihñana tire mũa tutuaro cahmene. Sa cahmepenata tire nea masiedare mũa. Sa yena tire

cahme sehña soducure mũa. Cohãcjũre siniedana, mũa cahmeñene ne bocaerare. ³ Sa yena Cohãcjũre sinina, mũa ye ijiati dihitare sinimene mũa, mũa cahmeno sahata yeducuna tana. Apequina ye ijiati pehere sini basaerare. Sa mũa sinigũ Cohãcjũ mũa siniñene ohoerare.

⁴ Cohãcjũre duhurina ijire mũa. Ahri yehpa cẽ ñañene cahmena, Cohãcjũre ihña tuhtire mũa. ¿Tire masiedajari mũa? Sa yero ahri yehpa cẽ ñañene cahmediquiro Cohãcjũre ihña tuhtiriquire iji tuhasare. ⁵ Ohõ saha niahye Cohãcjũ yere tiquina ojoari pũrũ: “Cohãcjũ yaquiro Espĩritu Santore mari mehna ijiatiquire cũri. Sa yero Espĩritu Santo pehe marine cahño, ñañene mari tutuaro cahmepegãta cahmesãedare tiquire. Ihcãquiro namonore tiquire cahĩ doero saha marine tutuaro cahĩne Espĩritu Santo”, ni ojoahye panorpũ. Tiquiro sa ni ojoari ihyo warota ijierare. Poto ijirota nine.

⁶ Sa yero Cohãcjũ marine quehnoano yedohore tiquire mari quehnoano yuhtiatire. Ohõ saha nine Cohãcjũ yere tiquina ojoari pũrũ: “Yuhũ pũrita apequinare masi yuhducaja,” nidiquire, Cohãcjũ ihña tuhtire. Apequiro pehere ‘Ñagu, ihyo ijigu ijiaja,’ nidiquire pehere Cohãcjũ yedohore, tiquire quehnoano yuhtĩ dutiro”, nine tiquire yere tiquina ojoari pũrũ.

⁷ Sa yena Cohãcjũre quehnoano yuhtina ijiaja mũa. Sa yena wafinore yuhtieracãhña. Sa mũa yuhtieragũ ihñano tiquire pehe musare duhti oma cãa waharota. ⁸ Cohãcjũre quehnoano yuhtiya mũa. Mũa sa yegũ tiquire pehe musare yedohorota.

Ñana ijire mũa. Sa yena ñañene ye nemoedacãhña. Ñañe gũhure cahmena, quehnoañe gũhure cahmena ijire mũa. Sa yena mũa ñañe yerire bujua witiya. Mũa sa yegũ ihñano Cohãcjũ mũa ñañe yerire cohãnota. ⁹ Mũa ñañene yerire tutuaro bujua witiya. Sa yena mũa ñañe yeri buhirire utiya. Bucueye mehna bujana ijieracãhña. Sa yena mũa ñañe yerire ñano jeripohna tina, tire bue tina ijiaja. ¹⁰ “Ñagu ihyo ijigu ijiaja yuhũ”, nina, Cohãcjũre ño peoya. Mũa sa yegũ tiquire pehe mũa ñañe yerire cohãno, quehnoano yerota musare.

Tiquina acayere Jesu yequinare tiquina basi ñano quiti ye dutierahye

¹¹ Yuhũ acaye, Jesu yequina ijina, mũa basi ñano quiti yeracãhña. Mũa acayorore ñano quiti yena tiquire buhiri dahre duti duana niaga mũa. Cristo ye dutiye pehe masare buhiri dahre dutiye iji tuhasare. Sa yena masare ñano quiti yena Cristo ye dutiyere ohõ saha nina niaga mũa: “Marine quehnoano dutierare Cristo ye. Sa

yena mari esa tuharo buhiri dahre duti-ihna", nina niaga musa masare ñano quti yena. Sa nina Cristo ye dutiyere ñano ni yahuducuna tojoare musa. Sa yena ti dutiyere yerana tojoare. ¹² Masare dutiyere ohoriquiro, masare beseriquiro Cohācjūta ijire. Sa yero masare pecapū waboriquinare tiquirota yuhduo masine. Sa yero tiquirota masare pecapū cohā masine. Sa yena mari pehe masare "Ñañequina ijire", ni masiedaja. Cohācjū dihita mari acayere beseatiquiro ijire.

Ñamiare dahse mari ijatire masiedaja mari

¹³ Yojoapure yuhare tuhoya musa. Ohō saha nina tuhoya yuhare: "Miare, ñamiare ape macapū ijina wahanata. Topure ihcā cahma ijina, apee boro dua, dúnata. Sa yena wapatanata mari", nina ihquēquina musa mehna cjēna Cohācjūre wacūno marieno. Sa nina ijina, yuhū pehere tuhoya musa. Sa niñequinare ahrire yahugū tagū niaja. ¹⁴ Ñamiapū dahse musa ijatire masiedare musa. Ehmeo iji, duita pihti mujano saha ijire mari ijije tiye. Ehmeo mehenogā iji, pihtia wahare. Ohō saha mari gāhū mehenogā ijina, yariaa wahanata. ¹⁵ Sa yena ohō saha ni tuhoyaya musa: "Cohācjū cahmegū ijinata mari. Sa yena tiquiro cahmegū ohō saha yenata mari", ni tuhoyaya musa. ¹⁶ Yuhū sa niepegūta yojoapure "Mari esa tuhoro ohō saha yenata", niducumene musa pehe Cohācjūre wacūno marieno. Sa niducuna ñañene yere musa. ¹⁷ Quehnoañene mari yeatire masiepenata tire yerana, ñañene yena niaja mari.

5

Doeri cjē opanare yahuahye Santiago

¹ Doeri cjē opana musa yojoapure tuhoya yuhare. Camepūre musa ñano yuhdunata. Sa yena uti sañuducuya musa. ² Musa doeri cjē ahba pihtia waharota. Sa ye musa suhtire casia gāhū ihya pehoeta. ³ Musa niñerure musa pajiro ihbogū ne ti dahseati ijierare. Pihtiri deco panogā musa sa ihbogū ihñano niñerure musa cahīgū masine Cohācjū. Sa yena niñerure musa cahidi buhiri pihtiri deco ijigū ñano yuhdunata pecapū musa ujīgū musa pagure ujū pjero saha. ⁴ Musa weserire dahra cohteyequinare wapa yerari musa. Sa yena musa tiquinare ni mehoiri. Sa yero tiquinare musa wapa yerari niñerure ihñano, musa ni mehorire masine Cohācjū. Musare dahra cohteyequina wapa ye dutiye, sañuducure tiquina. Tiquina sa ni sañuducugū mari puhtoro Cohācjū tutua yuhduriquiro tiquinare tuhore. ⁵ Ahri yehpapure peye doeri cjē mehna ijie tiri musa. Sa yena musa bucueye dihitarre yee

tiri musa. Sa yena pajiriquiro weca tiquina quehnoano nuriquiro yero saha ijire musa. Sa ye pajiriquiro weca pajiro tiquiro ihyari bato tiquirore tiquina wejēati cuhtupū ne cāre. Sata musa gūhare pajiro musa cūori bato musare tiquiro buhiri dahreatopū ne cānota Cohācjū. ⁶ Quehnoañequinare peresu ye, wejē dutiri musa tiquinare. Musa sa yegū tiquina pehe duhti wijia masiedare.

Cristo tiquiro tojoa tatire quehnoano cohte dutiahye marine Santiago

⁷ Sa yena yuhū acaye, mari puhtoro Cristo ahri yehpapure tiquiro tojoa tatire quehnoano cohteya. Wese upūro tiquiro oteye dūca tiati pjere quehnoano tiquiro cohtoro saha quehnoano cohteya. Tiquiro oteyepure "Acoro ahtaahro" nino tiquiro ya wesere ti quehnoano pihniatire quehnoano cohtere tiquiro. ⁸ Sata musa gāhū quehnoano cohteya. Mari puhtoro tiquiro tojoa tato mehenogā dahsare. Sa yena Cohācjūre sa wacū tutuaducuya musa. Sa yena tiquiro ahtatire sa cohteducuya musa. ⁹ Yuhū acaye, musa basi ñano quti yeracāhña Cohācjū musare "Buhiri dahreari", nina. Sa yena ahrire wacūña musa. Buhiri dahreatiquiro tiquiro ahtato mehenogā dahsare. ¹⁰ Yuhū acaye, ñano yuhdūepenata mari puhtoro quehnoano cohteya Cohācjū yere yahu muhtariquina tiquina yeriro sahata. Tiquina ihcāno sahariro sahata ihcāno sahaya, tiquinare ihña cūna.

¹¹ Sa yena ahri yuhū yahuatire wacūña musa. Nano yuhdūepeta Cohācjūre duhueyequina bucueyequina ijire. Panopū cjūnore Job wame tiriquireto tuhori musa. Tiquiro ñano yuhdūeperota Cohācjūre duhuerahye. Sa yero tiquiro ñano yuhdūri bato Cohācjū tiquirore quehnoano yehye. Cohācjū mari puhtoro quehnoano paja ihñariquiro ijiro, sata yehye tiquiro. Ti ijipihiyere masine musa.

¹² Yuhū acaye, ahrire tuhoya. Ohō saha ni wame peore masa: "Uhmuse cjāno mehna poto nina niaja", nina masare tuho dutiye. Tiquina yero saha sa ni wame peoeracāhña. Uhmuse mehna, ahri yehpa mehna, apee boro mehna sa ni wame peoeracāhña. Ahrire musare tutuaro dutiaja. Musa apequinare yahuna, quehnoano potota yahuya tiquinare. Ni wame peo yahu nemoedacāhña. Sa musa poto yahugū ihñano Cohācjū sijoro saha musa nidi buhirire buhiri dahresi.

¹³ Musa mehna cjāno ñano yuhdūriquiro ijiro, Cohācjūre siniahdō tiquiro. Apequiro bucuquiro ijiro Cohācjūre bucueye mehna basaahro. ¹⁴ Musa dohatina, Jesu yequina puhtoare pijioya musa. Musa sa pijiogū tiquina pehe musare ahse mehna

wisōeta. Sa yeye mari p̄h̄torore Cohācjāre m̄sare sini basaeta tiq̄ina. ¹⁵ Sa tiq̄ina sini basagū “Mari sinino sahata tiq̄iro yerota”, tiq̄ina ni t̄hotugū Cohācjū m̄sare dohatinare ȳhd̄orota. Sa yero m̄sare quehnoana wahagū yerota mari p̄h̄toro. Sa ye m̄sa ñañe yeri buhiri m̄sa dohatina ijigū ihñañe m̄sare sini basaeta. Tiq̄ina sa sini basagū ihñano m̄sa ñañe yerire borota Cohācjū. ¹⁶ Sa yena m̄sa mehna cjēnare m̄sa ñañe yerire cahme p̄a peheri yahu ȳhd̄uya. Sa yena m̄sa basi Cohācjāre cahme sini basaya. M̄sa sa sini basagū m̄sa sini basariquinare Cohācjū ȳhd̄orota. Quehnoañene yena m̄sa ijigū Cohācjāre tutuaro m̄sa sini basariro sahata yerota Cohācjū. Sa ye m̄sa sini basaye tutuarñaga. Ihyo ijiye ijierare. ¹⁷ Cohācjū yere yahu m̄htariq̄iro m̄nano Elia wame tiriq̄iro mari yero sahata mas̄no ijie tiahye. Sa yero “Acoro ahtaeracāhdo” ni tutuaro siniyahye Cohācjāre. Tiq̄iro sa ni sinigū ihtia c̄hma quehnoano ape c̄hma deco ahri yehpap̄re ne acoro ahtaerahye. ¹⁸ Sa yero pari turi t̄ja Cohācjāre acorore tiq̄iro sinigū acoro ahtahye. Sa yero pari turi ahri yehpap̄re yuc̄ari pihni, buc̄aa, d̄aca tiahye. Sa ye Cohācjāre mari siniñe ihyo ijiye ijierare.

¹⁹ Ȳh̄u acaye, m̄sa mehna cjāno Cohācjū yere cohāriq̄iro Cohācjū yere pari turi tiq̄iro cahmeatire tiq̄irore yahuna, quehnoano yena nine m̄sa. ²⁰ Sa yena ahrire masiña m̄sa: Cohācjāre duhuriq̄irore Cohācjāre pari turi cahmegū yena, pecap̄re wahaboriq̄irore ȳhd̄ugū yena niaga m̄sa. Sa yero tiq̄iro ñañe yerire Cohācjū borota.

1 San Pedro

Jesu yequinare macari wahariquinare oja ohoahye Pedro

¹ Yũhu, Pedro, Jesucristo tiquiuro buhe duti cūrigata ijiája. Sa yegu musare yoaro cĵe macaripũ waharinare Ponto yehpapũ, Galacia yehpapũ, Capadocia yehpapũ, Asia yehpapũ, Bitinia yehpapũ ti yehparipũ waharinare musare ijiphtinare oja ohoaja yũhu. Musare quehnoa duti ojoaja yũhu. ² Coã waropũre Cohãcĵũ mari Pacũ “Ohõ saha yeitja”, tiquiuro ni wacũyuriro sahata musare beseahye. Tiquiuro sa beseri bato tiquiuro yaquiuro Espĩritu Santo musare Cohãcĵũ yequina ijigũ yeahye. Sa yeahye tiquiuro Jesucristore quehnoano yũhtiana musa ijiatire, tiquiuro dii cohãno mehna musa ñañene cosenohrina musa ijiatire. Cohãcĵũ cahĩne mehna tutuaro quehnoa dutiaja musare.

Jesu yequina ijina marine uhmũsepu tiquiuro neatire cohtena niaja mari

³⁻⁵ Cohãcĵũ marine tutuaro paja ihñano, Jesucristo yaria masa mũjari mehna marine pecapũ wahaborinare yũhdugũ yere tiquiuro. Sa marine yũhdugũ tiquiuro yegũ pari turi mari masa bajaruro saha Cohãcĵũ pohmata wahaja mari. Sa wahana tiquiuro mehna mari sa ijiducuatire quehnoano masiaja mari. Sa yero musare quehnoano yero taro musare cohtero nine. Tiquiuro mehna musa sa ijiducuatire cũnota tiquiuro. Sa yena sa ijiducunata musa. Sa yero tiquiurore musa wacũ tutuagũ, Cohãcĵũ tiquiuro tutuaye mehna musare ihña ihboro, yũhdugũ yerota. Pihitri deco ijigũ musare tiquiuro yũhdũorire masigũ yerota tiquiuro. Marine tiquiuro sa paja ihñagũ ihñana, tiquiurore Cohãcĵũre mari pũtoro Jesucristo pacarore ño peouhna.

⁶ Sa tiquiuro yũhdũoana ijina, mehenogã ahri yehpapũ musa ijiro puno peye tahari musa ñano yũhdũepenata bucuere musa. ⁷ Sa ñano yũhdũepenata Cohãcĵũre cohãedana musa tiquiurore wacũ tutuaye potota ti ijigũ tire masigũ yena niaga musa. Uru ahri yehpa cĵe pũrita pihtia waharota. Uru yũhdũoro musa wacũ tutuaye pehe ihyo waro ijierare. Sa ye masa uru ti ijiyere masi duaye doha tuhu ihñare. Urure tiquina doha tuhu ihñano saha musa wacũ tutuayere Cohãcĵũ ihña duaro “Ñano yũhdũahro”, niboaga musare. Musa sa ñano yũhdũari bato potota tiquiurore musa quehnoano wacũ tutuaducugũ ihñano, Cristo ño peoye mehna musare “Quehnoano yeri musa”, ninota. Ahri yehpapũ tojoa taro sa ninota.

⁸ Tiquiurore Jesucristore musa ihñedapenata cahĩne musa. Sa yena yojoapũre tiquiurore ihñedapenata tiquiurore wacũ tutuare. Sa wacũ tutuana, tutuaro bucuere musa. Cohãcĵũ tiquiuro sa musare bucueregũ yegũ tutuaro bucuere musa. Ti bucuere quehnoa yũhdũare. ⁹ Sa yero Cohãcĵũ musare pecapũ wahaborinare yũhdugũ yerota, musa tiquiurore quehnoano wacũ tutuagũ.

¹⁰ Cohãcĵũ musare tiquiuro sa yũhdũoatire panopũ cĵena Cohãcĵũ yere yahu mũhtariquina tire masi duaye, sinitue tiahye. ¹¹ Cristo tiquiuro ñano yũhdũatire, tiquiuro masa mũjatire, ijiphtiyequina pũtoro tiquiuro ijiatire tiquiuro masa bajato panopũta tire yahuyu tuhasae tiahye tiquina. Jesucristo yaquiuro Espĩritu Santo tiquiuro yedohoye mehna sa yahuyuahye tiquina. Sa ye tiquina Cohãcĵũ yere yahu mũhtariquina tiquina yahurire quehnoano masi duaye sinitue tiahye tiquina Cohãcĵũre. “Cristo wihirota”, Espĩritu Santo tiquiuro nidire “¿Noa boro pehe ijiorari?” ni sinitue tiahye tiquina. Tiquiuro wihiati pje gũhare sinitue tiahye. ¹² Tiquina yahuyuri tiquinare masi pehogũ yeati ijierahye. Maripũre masi pehogũ yeatire sa ni yahue tiahye. Tire tiquinare masigũ yeahye Cohãcĵũ. Uhmũsepu ahtariquiuro Espĩritu Santo yedohoye mehna yojoapũre quehnoañe buheyerere musare usã yahuaja. Panopũ musa masiatire tiquina yahuyuri tita ijire yojoapũre musare usã yahuye. Ti buheyerere angele gũhu tutuaro masi duae tiahye.

Cohãcĵũ marine ñañe mariena iji dutire

¹³ Sa yena quehnoano wacũ masiñiãna ijyuya musa. Sa yena tũho masina ijiya. Cristo tiquiuro tojoa tagũ Cohãcĵũ musare quehnoano tiquiuro yeatire wacũña. Sa yena tire quehnoano cohteya. ¹⁴ Panopũ Cohãcĵũre masiedarĩna ñañene tutuaro cahmena ijimedi musa. Yojoapũre tire yeracãhña. Sa yena tiquina pohne tiquina pacũsumũare quehnoano tiquina yũhtiro saha yeya musa. ¹⁵ Sa yena tiquiuro yequina ijiatire musare beseriquiro ñañe marieniquiro tiquiuro ijiro sahata musa gũhu ñañe mariedacãhña. Sa yena quehnoañe dihitare yeya. ¹⁶ Sata ni ojoahye Cohãcĵũ yere tiquina ojoari pũpu: “Ñañe mariegu ijiája yũhu. Yũhu sa ijigũ musa gũhu ñañe mariena ijiya”, ni, ojoahye.

¹⁷ Tiquiuro Cohãcĵũ ijiphtiyequinare tiquina yerire ihñano ihcãno saha besere tiquinare. Ñañequinare, quehnoañequinare besere. Tiquiuro sa yeriquiro ijigũ tiquiurore “Yũhu Pacũ” ni duana quehnoano yeya. Ahri yehpapũ musa ijiro puno cua pesaro mehna quehnoano ijiducuya musa. ¹⁸ Musa

ñecusumma mæna panopu cjæna tiquina yeri ne dahseati ijierahye. Musa gũhu tiquina yeriro saha yena musa ijiepegũta Cristo musare tiquiro yequina ijigũ yeri. Wapamoñequinare tiquina wapamorire tiquina boriro sahata tiquiro pehe musa ñaÑe yerire potota bo cãhri. Tire quehnoano masine musa. Musare sa yero plata mehna, uru mehna wapa ye wioerare tiquiro musare sa yero. Plata, uru butia wahaerota. ¹⁹ Tiquiro pehe oveja quehnoariquiro, wete marieniquiro yero sahata ijiriquiro Cristo tiquiro dii mehna tiquiro yariari mehna musa ñaÑe yerire cohã, musare yuhduerota. Tiquiro dii mehna marine sa yero quehnoano waro yero nidi. ²⁰ Panopure ahri yehpare tiquiro bajumehneato pano Cristo tiquiro sa wahatire masi tuhasahye mari Pacu. Yojobu pehere pihtiatu deco panogã ijigũ, Cristore quehnoano masigũ yeri mari Pacu musare. ²¹ Cristo yedohoro mehna mari Pacure wacũ tutuare musa. Mari Pacu pehe Cristore yariariquirore masori jiri. Sa yero tiquirore ahmusepu cũno ijipihituequinare tiquirore ño peogũ yeahye mari Pacu. Tiquiro sa yegũ mari Pacure wacũ tutuare musa. Sa yena musare tiquiro yuhduoatire quehnoano masine musa.

²² QuehnoaÑe buheyere tiquiro nidiro sahata yena ijina, musa ñaÑe yerire cohãnohrina ijire musa. Sa yena potota mari acayere Jesu yequinare cahĩ masine musa. Sa yena musa mehna cjænare musa jeripohnari mehna tutuaro cahĩña. ²³ Sa yena coã bajuayequina yero saha ijina Cohãcjũ pohna wahari musa. Mari pacusumma mehna masa bajuarina ijina came yarianata. Ti yero saha ijierare Cohãcjũ pohna musa wahagũ. Cohãcjũ buheye mehna tiquiro catigũ yeye buheye mehna tiquiro pohna wahari musa. Ti buheye mehna Cohãcjũ mehna sa ijiducunata mari. ²⁴ Ohõ saha nine Cohãcjũ yere tiquina ojoari pũpu:

Ijipihituequina masa taa yero saha ijire.

Sa ye quehnoaÑe tiquina cuoye, taa cohoru yero saha ijire. Taa ñaia wahare. Cohori gũhu buru dijia, ahbaa wahare. Ti yero saha yariare masa gũhu. ²⁵ Mari puhtoro ye buheye pehe ne pihtisi. Tiquiro nidiro sahata sa wahaerota, ni ojoahye.

Ti buheye musare tiquina yahuri quehnoaÑe buheyeta ijire.

2

¹ Sa yena ijipihitue ñaÑe yeyere, ni mehoÑene, masa ihõnoo dihita quehnoano iji mehoÑene, apee borore tiquina cuogũ cooyere, apeqinare ñano quitu yeyere tire duhuja musa. ² Sa yena coã masa

bajuayequina epẽcore tiquina cahmeno saha musa gũhu quehnoaÑe buheyere Cohãcjũ yere tutuaro cahme nemoña. Sa cahme nemoña musa tiquirore musa wacũ tutua nemoatire, tiquiro yuhduonohatina musa ijiatire. ³ Sata ijinata musa. Mari puhtoro musare tiquiro quehnoano yeyere mehenogã masi tuhasare musa.

Cristo catigũ yeriquiro utã yero saha ijire

⁴ Cristo catigũ yeriquiro utã yero saha ijire. Wũhu dahreyequina ihcãria utãre tiquina cahmedaro saha masa tiquirore cahmedare. Cohãcjũ pehe tiquirore ihñagũ tiquiro beseriquiro quehnoa yuhduariquiro ijire. Tiquiro sa ijiriquiro ijigũ tiquirore wacũ tutuaya. ⁵ Sa yena musa gũhu wũhu cjẽ utã paca yero saha ijire. Musa sa ijina Cohãcjũ ya wũhu cjẽ utãre ihcãno saha tiquina cũriro saha musa tiquiro yequina gũhu ihcãno saha quehnoano ijinata. Sa yena Cohãcjũ ya wũhu cjãna quehnoana pahia ijinata musa. Sa yena Jesucristo yedohoye mehna Cohãcjũ yere quehnoano yenata musa. Musa sa yegũ ihña bucuero Cohãcjũ. ⁶ Ohõ saha nine Cohãcjũ yere tiquina ojoari pũpu:

Utã wũhupu tiquina cũ muhtaria mariedagũ wũhare ye duca masiedare. Sata Cristo marieno yeequina waha masiedare masa. Sa yero tiquiro ihyo ijiriquiro ijierare. Sa yegu tiquirore Jerusalẽpu yojobure cũgu ñaja. Tiquiro wũhu beseriquiro quehnoa yuhduariquiro ijire. Sa ye tiquirore wacũ tutuayequina bucueta, ni ojoahye.

⁷ Tiquirore wacũ tutuayequina pehe quehnoa yuhduaro wahaeta. Sa yero ihyo ijiriquiro ijierare tiquiro. Tiquirore wacũ tutueyequina pehe sijoro saha wahaeta. Tiquinare ohõ saha nine Cohãcjũ yere tiquina ojoari pũpu.

Ahriquiro Cristo utã yero saha ijire. Utãre wũhu dahreyequina tiquina bese cohãno saha masa tiquirore cohãeta. Tiquina sa yepegũta yojobure wũhu dahreyequina wũhare yeye, tiquina cũ muhtaria utãre tiquina cũno saha Cohãcjũ tiquirore puhtoro cũri, ni, ojoahye.

⁸ Ahri gũhare nine Cohãcjũ yere tiquina ojoari pũpu:

Omariquiro utãre doque wahã saro tiquiro esaborirore ne eserare. Sata utã yero saha ijiriquirore Cristore cahmedana, tiquirore yuhduacana, Cohãcjũ cahapu esasi mari, ni ojoahye panopu.

Tiquina Cohãcjũ ye buheyere yahtierare. Sa yeye panopu tiquiro ni ojoariro sahata Cristore cahmedare. Cohãcjũ panopu "Sa

waharota”, tiqiro nidiro sahata Cristore cahmedare tiquina. Sa yeatiquinare cūahye Cohācjū tiquinare.

Ohō saha ijire Cohācjū yequina

⁹ Musa pehe Cohācjū beserina ijire. Tiquiro mari puhtoro tiqiro yequina pahia, tiqiro yere ye basana ijire musa. Sa yena tiqiro ya curua cjāna ñaŋe mariedana, Cohācjū yequinata ijire musa. Sata ijire musa. Cohācjū tiqiro quehnoa yuhduayere tiqiro yerire apequinare yahuatina ijire musa. Musare beseahye tiqiro musare ñaŋene ye dutieraro. Sa besero quehnoaŋe pehere yeanaŋere cūri musare. ¹⁰ Panopure dahseatina ijierari jiri musa. Yojoṗu pūritare Cohācjū yequina ijire musa. Panopure musare paja ihñariqiro musare mariedahye. Yojoṗu pūritare musare Cohācjū paja ihñari.

Cohācjū yere yena ijiya musa

¹¹ Yuhū cahīna, ahri yehpaṗu iji dojatina ijierare musa. Cohācjū yequina ijire musa. Musa sa ijina ijiḡu ahrire tutuaro yahuaja musare: Musa ñaŋe tutuaro cahmeŋene yeracāhña. Ti ñaŋene tutuaro cahmena, ñana wahana niaga musa. ¹² Cohācjūre cahmeŋequina watoa ijina quehnoano yena ijiya musa, musare “Yahusāri”, nina. Musa sa yegū tiquina yojoṗure musare ñano yahusā duepeta, musa quehnoano yeyere masieta tiquina. Sa masiŋe, tiquina Cohācjūre “Quehnoaga, tutuaga ijire”, nieta. Sata nieta Cristo ahri yehpaṗu tiqiro toja tagū.

¹³ Mari puhtoroŋe yuhti duana ahri yehpa cjēna puhtoŋa ḡūhure yuhtiya musa. Roma cjānore musa ijiṗihntina puhtoroŋe tiqiro ḡūhure yuhtiya. ¹⁴ Puhtoŋe yuhduayereapequinare buhiri dahre dutiro, ohori puhtoro tiqiroŋe yedohoyequinare. Sa yero quehnoano yeyequinare “Quehnoano yeri musa”, ni dutiro ohori tiqiro tiquinare. Tiquiro sa ohogū, tiquinare yuhtiya musa. ¹⁵ Musa quehnoano yegū ihñañe tuho masieŋequina tiquina esa tuharo musare quti dahre duepeta quti dahre masiedare. Musa sa yegū cahmene Cohācjū. Sa yena musa puhtoŋe yuhtiya.

¹⁶ Cohācjū musa puhtoro ijire. Apequina cahacjāna ijierare musa. Sa ijiṗenata “Usāre dutiriqiro mariedare. Sa yena ñaŋene yenatja”, ni tuhotueracāhña, “Ñañene yeari”, nina. Cohācjū cahacjāna ijire musa. Sa yena tiqiroŋe quehnoano yuhtina ijiya musa. ¹⁷ Ijiṗihtiyequina masare ño peoya. Mari acaye Jesu yequinare cahiña. Cohācjūre ño peoye mehna ihñaña. Ahri yehpa cjēna puhtoro ḡūhure ño peoya.

Cristo ñano yuhduoro tiqiro ihcāno sahariro sahata ihcāno sahaya musa ḡūhū

¹⁸ Cahacjāna, musa cua pesaro mehna musa puhtoŋe yuhtiya. Quehnoaŋequina, musare quehnoano yeyequina dihtare yuhtina ijieracāhña. Musa mehna usuayequina ḡūhure yuhtiya musa. ¹⁹ Musa ñano yerapeḡata musare tiquina buhiri dahregū “Cohācjū cahmeno sahata ye duaŋa”, musa ni tuhotugū tire musa ihcāno sahaḡū “Quehnoano yeri musa”, ninota Cohācjū musare. ²⁰ Musa ñano yeri buhiri tiquina musare buhiri dahregū tire musa ihcāno sahaḡū ti dahseati ijierare. Sa yena musa quehnoano musa yeri buhirire tiquina buhiri dahregū tire musa quehnoano mehna ihcāno sahaḡū Cohācjū “Quehnoano yeri musa”, ninota musare.

²¹ Sa ñano yuhduanaŋere musare tiqiro yequina iji dutiri jiri Cohācjū. Cristo musa ye ijiatire ñano yuhduari tiqiroŋe musa ihña cūatire. ²² Tiquiro ne ñano yerari. Sa yero ne ni mehoedari. ²³ Tiquiroŋe tiquina tuhtigū, tiqiro pehe tiquinare tuhti cahmedari. Tiquiroŋe tiquina ñano yepeḡata “Queiŋa musare”, ne niedari. Tiquina sa yepeḡata tiquinare Cohācjū tiqiro buhiri dahreatire potota tiqiro yeatire masino, “Yuhū Pacṗu tiquinare buhiri dahrerota”, ni tuhoturi. ²⁴ Tiquiro basi curusapū mari ñañe buhirire yariari. Sa waha yariari pari turi mari ñañene yeratire, Cohācjū cahmeŋe pehere mari yeatire. Tiquiro ñano camī tire, marine pecapū wahaborinare yuhduoro taro. ²⁵ Oveja wisiaye tiquina butiriro sahata mari ḡūhū pecapū butiatina ijimi. Yojoṗu pehere Cristore, ovejare ihña ihboriqiroŋe yero saha ijiŋiqiroŋe, marine ihña ihboriqiroŋe waḡu tutuaja mari. Sa waḡu tutuana, tiqiro yequina wahaṗu mari.

3

Omoca dahteriquinare ohō saha yero cahmene tiquinare

¹ Sa yegū cahacjēnare yuhū dutiriro sahata musa namosānumiare dutiitja. Musa manṗumhare yuhducaeracāhña tiquina Cohācjū buheyere tiquina cahmeatire. Ihquēquina tiquina Cohācjū buheyere cahmeŋequina ijiye, tiquinare musa yuhducaeragū ihñañe Cohācjū ye buheyere cahmeboaga tiquina. Ti buheyere musa yahuerapeḡata tiqiro yere cahmeboaga tiquina. ² Sata cahmeboaga tiquinare musa quehnoano yeyere, musa ño peoye ḡūhure ihñañe. ³ Musa numia, cariboyequina numia yero saha yeracāhña. Sa yena musa poarire wuhapo sepahtana numia, uru darire busana numia, wapa bujaye suhtire sañana numia ijieracāhña, musa musare “Ūe pjeḡu yeari”, nina.

Musa pagurire masa tiquina ne pjegü yeracãhña. ⁴ Sa yena masa cua pesaro mehna apequinare tutuaro cahĩne mehna yena, cua pesaro mehna yahuna, ti pehere ihña bucuwegü yeya. Ti pehere masa yegü ihyo waro ijierare, Cohãcjü ihñagü. ⁵ Sata yee tiahye panopu cjëna numia Cohãcjü yequina numia. Tiquina numia Cohãcjäre wacü tutuaye numia ijiye, tiquina manasumare yuhducãera tiahye. ⁶ Sata Sara ticoro manano Abrahãre quehnoano mehna yuhtie tiahye. Sa yero tiqiurore “Puhto”, ni pisuayhe. Sa yena masa quehnoano yena numia ijina, cuero marieno ijina numia ijina, Sara yero saha ijire masa gãhu.

⁷ Sata masa umua gãhu masa namosãnumiare quehnoano yeya. Tiquina numia mari umua yero saha tutuayequina numia ijierare. Sa yena ño peoye mehna quehnoano yeya tiquina numiare. Cohãcjü ijipihtiye decori tiqiuro mehna mari ijiatire tiqiuro ohoriro sahata tiquina numia gãhure ohorota tiqiuro. Tiquina sa ijiyequina ijigü tiquina numiare quehnoano yeya. Cohãcjäre masa siniñene masa dojomehnedatire tiquina numiare quehnoano yeya.

Quehnoano tiquina yepegüta apequina tiquinare ñano yeyere yahuahye Pedro

⁸ Ahri mehna musare yahu bato tiitja: Musa ijipihitina ihcãno saha quehnoano mehna ijiya. Sa yena masa mehna cjënare quehnoano paja ihñaña. Musa acaye Jesu yequinare pu peheri cahme cahña. Sa yena quehnoano yeya tiquinare. Sa ye “Ihyo ijina ijiaja”, ni tahotuya. ⁹ Apequina musare tiquina ñano yegü tiquinare ñano ye cahmedacãhña. Musare tiquina tuhtigü tiquinare tuhti cahmedacãhña. Musare tiquina sa yepegüta quehnoano yeya tiquinare. Sa yena “Quehnoano ijiya”, niña tiquinare. Tire yeatinare tiqiuro yequinare cüri musare Cohãcjü pehe musare quehnoano yero taro.

¹⁰ Sata nine Cohãcjü yere tiquina ojoari pũru:

Musa quehnoano bucuwe mehna iji duana ne ñano ni yahuducuer-acãhña. ¹¹ Ñahe yeyere duhu cãhña. Quehnoañe pehere yeya. Cahme masa basi ihña tuhtiro marieno ijiya. Tire tutuaro yeya. ¹² Quehnoañequinare mari puhtoro sa ihña ihboducuro nine. Sa yero tiqiurore tiquina siniñene sa tuhoducuro nine. Ñano yeyequina pehere tiqiuro ihña tuhtire, ni ojoahye.

¹³ Quehnoañene masa tutuaro ye duagü apequina pehe musare ñano yuhdagü ye

duaye, ye masisi tiquina. ¹⁴ Quehnoano masa yepegüta musare tiquina ñano yuhdagü yegü ihñano Cohãcjü musare quehnoano yerota. Tiquiro sa yegü musare ñano ye duayequinare cueracãhña. Sa yena bujua witieracãhña. ¹⁵ Musa Cristore “Usã puhtoro ijire”, ni tahotuna, ño peoya tiqiurore. Sa yena Cristore masa wacü tutuayere, Cohãcjü mehna masa ijiatire apequina sinituoba. Tiquina sa sinituato pano tiquinare masa yuhtiatire quehnoano masiyuya. Sa yuhtina cahno mehna, quehnoano ño peoye mehna yahuya tiquinare. ¹⁶ Quehnoana ijiya. Sa yena “Ñañene yeaja”, ni tahotusi masa. Sa ye Cristo yere quehnoano yena masa ijigü apequina musare ñano quiti yeye, buoro wahaeta tiquina. ¹⁷ Ñañene masa yeri buhiri masa ñano yuhdagü quehnoaedare. Sa yero Cohãcjü cahmegü quehnoañene masa yeri buhiri masa ñano yuhdagü quehnoarĩne ti pũrita.

¹⁸ Sata ñano yuhduri Cristo. Ihcã tahata ijipihtiyequina tiquina ñañe buhirire yariari tiqiuro. Quehnoariqiuro ijiri. Sa yero mari ñañe buhiri ñano yuhduri tiqiuro. Ñano yuhduri tiqiuro marine Cohãcjü yequina wahagü yero taro. Tiquiro pagu yariaa wahari. Yariari bato tiqiuro masari jiri. ¹⁹ Sa masariqiuro ijiro tiquina buhiri dahreatire cohteyequina mana yariariquina mana jeripohnarine buheahye tiqiuro. ²⁰ Sa cohteyequina panopu Cohãcjäre yuhtierariquina mana ijiahye. Ti pjeppure Noé tiqiuro ijiro pjeppure, pajiria yucasare dohoro niahye. Tiare tiqiuro dohori watoa Cohãcjäre yuhtierariquina manare tiquina yuhtigü cahmeno, tiquina yuhtiatire yoari pje cohtemahye Cohãcjü. Sa ye meheñequinagã ocho masa dia minidi pjere yuhduahye. ²¹ Minigü tiquina yuhduriro saha wame yeye mehna yuhdure masa. Mari pagure mari wete tu cosero saha ijierare wame yeye. Sijoro saha ijire wame yeye. Ñañe mariena mari ijiatire Cohãcjäre mari siniñe ijire ahri wame yeye. Sa yena Jesucristo tiqiuro masa mujari mehna yuhduaja mari. ²² Tiquiro Jesucristo ahmusepu wahahye poto peheru dujiro taro, Cohãcjü mehna dutiro taro. Sa yero tiqiuro angele bui, ahmuse cjëna puhtoa bui, dutiyequina bui tiquina puhtoro ijire.

4

Cristo yequina ijina quehnoañe pehere comesarina ijinata

¹ Mari ñano yuhduna ñañe yeyere duhu cjã mari. Sa yena Cristo ñano yuhdaro tiqiuro cuerariro sahata tiqiuro userariro sahata masa gãhu tiqiuro yero sahata yeya. ² Sa

yeya masa ñañene masa ñe pjerire masa duhuo quehnoano, Cohâcǵũ cahmeñe pehere masa yero quehnoano.

³ Панорѹ Cohâcǵũre cahmeeñequina ñañene tiquina ñe pjerire tiquina yeriro sahata yeducumahye masa gâhũ. Bue tiro marieno ñano yena, ñañene tutuaro masa ñe pjerire yena, quehena, queheye bose decorire yena, “Cohâcǵũ ijire”, masa niñe queoyere ño peona ti pehere yee timahye masa. Ti queoyere ihña yabire Cohâcǵũ. Sa yena to punota ye bato tiya. ⁴ Sa ye ti ña yuhduayerẽ yeyequina mehna masa ijigũ yojopure masa tire yeragũ ihñañe tiquina pehe ihña maria wahari. Sa ye tiquina musare quiti dojomehnedi. ⁵ Tiquina sa yegũ ihñano tiquina ñañe yerire Cohâcǵũ pehe sinituro, yahu yuhdu dutirota tiquinare. Tiqiro catiyequinare, yariariquina gâhare beseatiqiro buhiri dahreatiqiro ijire. ⁶ Tiqiro sa beseatiqiro ijigũ Jesu yequina pehe yojopure yariariquina manare quehnoañe buheyere yahuri tiquina yariato pano. Sa ni yahuri tiquina pagarire Cohâcǵũ tiqiro yaria dutiepegãta. Sa yahuri tiquinare Cohâcǵũ ijiphiyte decori tiqiro ijiro saha tiqiro mehna tiquina ijiducuatire.

⁷ Pihtiati deco mehenogã duhsare. Sa yena quehnoano wacũ masina ijia, yojopure Cohâcǵũ mehna masa quehnoano yahuducuatire. ⁸ Apequinare cahña, peye tahari tiquina ñañene tiquina yepegãta sa ihña cǵã mari. Sa yena masa mehna cǵenare sa cahiducuya. Apeye dutiye yuhduoro ahrireta yeya. ⁹ Masa mehna cǵenare unureno marieno masa ye wuhusepu sajã ta dutiya. ¹⁰ Cohâcǵũ musare ijiphihtinare masa yeatire cũri. Tiqiro sa cũgũ, masa ye masino sahata masa mehna cǵenare tire quehnoano yeya. Cohâcǵũ musape cũri masa yeatire. Tiqiro cũriro sahata apequinare quehnoano yedohona, Cohâcǵũ cũriro saha quehnoano yena niaga masa. ¹¹ Masa quehnoano yahuna, Cohâcǵũ tiqiro yahuboriro saha quehnoano yahuya masa gâhũ. Masare yedohona Cohâcǵũ tiqiro cũri tutuaye mehna apequinare yedohoya. Ti ijiphihtiyere yena Cohâcǵũre masa tiquina ño peoatire sa yeducuya. Jesucristo pehe tire masa yegũ yedohorota. Tiqirore ijiphihtiyere decori ño peo, “Tutuagũ ijire”, nino cahmene ijiphihtiyequinare. Sata niahdo.

Jesu yequina tiquina ijiri buhiri tiquina ñano yuhduayerẽ yahuahye Pedro

¹² Yuhũ cahña, yojopure ña yuhduaro yuhdãna, “Yohou, sijoro saha ijiro wahaga yuhure”, ni, wacũedacãhña. ¹³ Cristo tiqiro ñano yuhduariro saha masa gâhũ tiqiro yero saha sa wahana, bucueya masa. Sa bucuna Cristo asi siteye mehna tiqiro

tojoa tagũ masa quehnoano bucuenata. ¹⁴ Cristo yequina masa ijiri buhiri apequina musare tiquina tuhtigũ Cohâcǵũ yaqiro Espiritu Santo asi siteriqiro masa mehna ijiro nine. Sa yena bucueya masa. ¹⁵ Sa yena musare wejẽdacãhña masa. Apee borore yaqueracãhña. Ñano yeracãhña. Sa yena apequina tiquina yerire ihñana tiquinare sijoro saha ni dojomehnedacãhña. Ti buhiri masa ñano yuhdugũ ñarine. ¹⁶ Sa yena Cristo yequina masa ijiri buhiri ñano yuhdãna, bue tieracãhña. Ñano yuhduepenata Cristo yequina masa ijie mehna bucuna, Cohâcǵũre “Quehnoare”, ni, ño peoya masa.

¹⁷ Cohâcǵũ tiqiro yequina yerire ihñano tiqiro beseati pje ijiro nine yojopure. Ijiphihtina mari tiqiro yequina mari yerire ihñano bese mahtanota, “Ahri ñañe ijire. Ahri quehnoañe ijire”, nino. ¿Sa bese mahtano dahse yerotari tiqiro yequina ijieyequina pehere? Tiqirore yuhtieyequina pehere tutuaro buhiri dahrerota. ¹⁸ Sa ye quehnoañequina yuhdueta. Tiquina sa yuhduati mijo cǵũre. Ti sa mijo cǵũgũ Cohâcǵũre cahmeeñequina, ñañequina pehe ne yuhdusi. Basioerare tiquinare. ¹⁹ Sa yena Cohâcǵũ cahmegũ masa ñano yuhdãna, quehnoañene masa yerire duhueracãhña. Sa yena musare bajumehnediqirore, musare ne duhueriqirore tiqirore wacũ tutuaya masa.

5

Jesu yequina tiquina yeatire yahuahye Pedro

¹ Yojopure Jesu yequina puhtoare yahutja. Yuhũ Jesu yequina puhto ijiaja. Masa gâhũ tiquina puhtoata ijire. Musare yuhũ yero saha puhtoa ijinare ahrire yahugũ tagũ niaja yuhũ. Cristo tiqiro ñano yuhduarire ihñarigũ ijigũ, ahmusepu Cristo mehna yuhduacǵũ ijigũ ahrire musare yahutja. ² Cohâcǵũ yequina oveja yero saha ijire. Masa pehe ovejare ihña ihboyequina yero saha ijire. Tiquinare Cohâcǵũ musare tiqiro cũriquinare tiqiro yequinare quehnoano ihña ihboya. Sa yena Cohâcǵũ tiqiro cahmediro sahata quehnoano jeripohna tiye mehna tiquinare ihña ihboya. Sa yena tiquinare ihña ihbona, “Usã ihña ihbori wapa niñerure wapatanata”, niedacãhña masa. Cohâcǵũ cahmeno sahata yeducuna ijia. ³ Sa ihña ihbona tiquinare ñano dutiperacãhña. Sa yena quehnoano yeya masa Jesu yequina musare tiquina ihña cũatore. ⁴ Masa sa yena Cristo ijiphihtinare marine ihña ihboriqiro tojoa tagũ tiqiro musare quehnoañene ohoatire masa yuhduatire cuonata. Ti masa cuoati ne pihtisi.

⁵ Tiqinare yñhũ dutiriro sahata m̄sa wahma p̄ja gũhũ m̄sa p̄htoare yũhtiya. Sa yena m̄sa mehna c̄jẽnare ijip̄htiyeqinare ño peoya.

“Masi yũhdũdũcaja”, niñequina pehere Cohãc̄jũ ihña tuhtire. Apequinare ño peoyequina pehere “Ihyo ijina ijiaja”, ni tuhotuyequina pehere quehnoano yere tiqũiro.

⁶ Sa yena Cohãc̄jũ tutuariquiro m̄sare tiqũiro dutigũ tiqũirore ño peoya. M̄sa sa yegũ tiqũiro queori p̄je ijigũ m̄sare apequina ño peoeta tiqũiro dutiro mehna.

⁷ Tiquiro m̄sare pajiro tuhotu ihña ihbore. Sa yena tiqũirore wacũ tutuana, ne pajiro tuhotueracãhña m̄sa pehe.

⁸ Sa yena wacũ masi ijiya. M̄sare ihña tuhtiriquiro watĩno yairo usuariquiro tiqũiro macã ihya duaro saha m̄sare ñano yũhdũgũ ye duare. Sa yero m̄sare ñano ye dutire. ⁹ Ijip̄htiropũ ahri yehp̄ap̄are apequina Jesu yequinare ñano yũhdũgũ yere watĩno. Tire masina, tiqũirore yũhtieracãhña. Sa yena Cristore tutuaro wacũ tutuaya m̄sa. ¹⁰ Sa yena mehenogã m̄sa ñano yũhdũri bato Cohãc̄jũ m̄sare yedohorota. M̄sare quehnoana ijigũ yerota. Sa yero tiqũirore m̄sa wacũ tutua nemogũ, tiqũirore m̄sa ne duhueragũ yerota m̄sare. Tiquiro ijip̄htiyē decori uhm̄sepũ Cristo mehna m̄sa ijiatire m̄sare c̄ũriquiro ijire. Tiquiro Cohãc̄jũ ijire ijip̄htiyeqinare p̄ja ihñariquiro. ¹¹ “Ijip̄htiyē decori tiqũiro tutuariquiro ijire”, ni ño peuhna tiqũirore. Sata yehna.

Quehnoa duti bato tiahye Pedro

¹² Ahri pũ meheni pũgãre m̄sare yũhũ oho duagũ Silvano pehe yũhũre ojoa basari. Tiquiro Jesu yaquiro yũhũ acayũro Jesure duhueriquiro ijire, yũhũ tuhotugũ. M̄sare quehnoano yahu duaja. Sa yegu “Ahri buh-eye potota Cohãc̄jũ marine tiqũiro cahĩñene yahuri buheye ijire”, ni yahugũ m̄sare ahri pũre ojoaja. Sa yena ahri buheyere ne duhueracãhña m̄sa.

¹³ M̄sare tiqũiro yequina ijiatinare tiqũiro beseriro sahata Jesu yequina Babilonia c̄jẽna gũhũre beseahye Cohãc̄jũ. Tiquina pehe m̄sare quehnoa dutire. Marco gũhũ yũhũ macã yero saha ijiriquiro m̄sare quehnoa dutire. ¹⁴ M̄sa mehna c̄jẽnare quehnoano mehna piti caya.

Ijip̄htina Jesucristo yequinare quehnoa dutiaja m̄sare.

2 San Pedro

Jesu yequinare oja ohoahye Pedro

¹ Yuhu Simo Pedro, Jesucristo buhe duti tiqiro cūrigu ijiaya. Sa yegu tiqiro cahacjāta ijiaya. Sa yegu musare oja ohoaja yuhu. Cohācjū marine yuhduoriquiro Jesucristo pehe ñaŋe marieniquiro ijire. Sa yero tiqirore musa wacū tutuagū, tiqiro yequina wahagū yeri jiri musare. Sa wahana musa gūhu usā yero saha tiqiro yequina ijire. Mari ihcāno saha tiqiro yequina ijiaya. Sa yegu musare oja ohoaja.² Sa yena Cohācjū gūhare, mari puhtoro Jesu gūhare masi nemona tiqina cahñe mehna quehnoano ijiducunata musa. Sa quehnoano musa ijiatre musare sini basaja. Sa yegu musare quehnoa dutiaya.

Ohō saha ijire Cristo yequina

³⁻⁴ Tiquiro yequina ijiatnare Cristo marine pijiri. Tiquiro sa pijigū tuhona, tiqirore yuhtii mari. Sa yuhtina Cohācjūre masi nemona, tiqiro tutuaye mehna tiqiro cahmeno sahata quehnoana ijinata mari. Tiquiro ijire tiqiro yequina ijiatnare marine pijiriquiro. Quehnoariquiro, masi pehoriquiro tiqiro ijiro sahata ijiatnare marine pijiriquiro ijire. Sata tiqiro tutuaye mehna marine quehnoa yuhduaro yeri. “Ohō sahata musare quehnoano yeitja”, tiqiro nidiro sahata marine quehnoa yuhduaro yeri. Marine tiqiro sa yegū ahri yehpa cje ñaŋene, ñaŋene mari ue pjeje pehere mari duhu cja. Ti ñaŋe pehe marine ñano wahagū yemedi. Sa yena tiqirore yuhtina, Cohācjū ijiro saha ijinata mari.⁵ Sa yena Cristore wacū tutuana iji tuhasare musa. Sa yena ohō saha ye nemoŋa tja: Quehnoana ijiya musa. Quehnoano wacū masina ijiya musa.⁶ Ñano ye dupepenata Cohācjū cahmeŋe pehere yeducuya musa. Sa yena Cristo yequina musa ijiri buhiri ñano yuhdupepenata sa ihcāno sahaducuya musa. Sa yena Cohācjūre ño peona, tiqiro cahmeŋe yeya musa.⁷ Sa yena musa mehna cjenare cahme cahina, tiqinare quehnoano yedohoya musa. Sa yena ijipihtiyequina apequina gūhare cahñña musa.

⁸ Musa sa ye nemoŋata quehnoa yuhduare. Musa sa ye nemona, quehnoaŋene yena ijiducunata. Sa yena Cristo tiqiro cahmeŋene quehnoano yeducuna ijinata musa. Ihyo ijina ijisi musa. Sa ye Cristore musa wacū tutuari ihyo warota ijisi. Yuhu nidiro sahata musa ye nemoŋū quehnoa yuhduare.⁹ Musa sa ye nemoedana Cohācjū yere ne

masiedabutiare musa. Sa ye nemoedana Cristo musa ñano yerire tiqiro cohārire ne wacūedare musa. Sata bo cā duare musa.¹⁰ Sa yena, yuhu acaye, Cohācjū yequina ijiatnare musare tiqiro iji dutigū yuhtiri musa. Sa yuhtirina ijina, tiqiro yere wacūduca duana, tiqiro cahmeŋene tutuaro sa yeducuya. Musa sa yena potota Cohācjū mehna ijinata musa. Sa yena potota tiqiro beserina ijinata musa. Sa yena ñaŋene yeducusi musa.¹¹ Musa sa tiqiro cahmeno saha yerina ijina mari puhtoro marine yuhduoriquiro Jesucristo tiqiro ijiroru quehnoano wahanata musa. Potota tiqiro yequina waro musa ijigū ihñano “Quehnoano mehna yuhu mehna ijiya musa”, ninota Jesu musare.

¹² Sa yegu ahri musare sa wacūgū yeducutja. Ahri musare yuhu yahurire masi tuhasari musa. Sa masina Cohācjū yere musa tuhoriro sahata quehnoano yena nine musa. Sa yerina musa ijiepegūta ahri musare yuhu yahurire sa wacūgū yeducutja musare.¹³⁻¹⁴ Mehenogū duhsare yuhu yariato. Tire quehnoano yahuri mari puhtoro Jesucristo yuhare. Sa yegu catinigū waro ahri yuhu yahurire musare sa wacūgū yeducutja. Yuhu sa yegū quehnoarñe.¹⁵ Sa yegu ahri yuhu yahu ojarire musare oja cū pehogutja, yuhu yariari bato musa quehnoano masiatire. Sa yena ahri yuhu yahurire sa wacūducunata musa.

Cristo tutuariquiro tiqiro ijiye tiyere ihñahye Pedro gūhu

¹⁶ Sa yena Cristo tiqiro tutuaye gūhare tiqiro ahtati gūhare musare yahuna, usā esa tuharo yahuna niedaja. Tutuariquiro tiqiro ijiyere usā basita ihñau.¹⁷ Cristo tutua yuhduariquiro tiqiro ijiyere usāre ihñori Cohācjū mari Pacu. Tiquiro sa ihñogū tiqiro pehe quehnoano asi siteriquiro ijiri. Tiquiro sa asi sitegū ohō saha nino ca tari ti asi siteropu: “Ahriquiro yuhu macu, yuhu cahñniquiro ijire. Tiquiro mehna quehnoano bucueaja”, nino ca tari usā tuhogū.¹⁸ Ūhmusepu tiqiro sa nigū tuhōu usā. Cūnu buipū Cohācjū tiqiro ijiri cūnupu Cristo mehna iji usā.

¹⁹ Tire ihñarina ijina, Cohācjū yere yahu mahtariquina panopu cjenā tiqina ojaari potota ijigū quehnoano masiaja usā. Tiquina ojaari quehnoano buheducuna quehnoano yena nine musa. Ti tiqina ojaari Cohācjū yere marine quehnoano masigū yere. Ahri yehparū ñano tiqina yeri yehparū mari ijigū quehnoano masigū yere marine. Sa yena Cohācjū yere tiqina ojaari sa buheducuya. Sa buheducuna Cristo tiqiro tojoa tagūpu buhe duhunata. Sa tojoa taro tiqiro yere mari masiedarire marine quehnoano masi pehogū yerota.

20 Ijipihtiyē ti yahu yahuri yuhduoro ahri pehere quehnoano masiña masa: Cohācjū yere panopu tiquina ojoarire buhena mari esa tuhago tire buhena, “Ohō saha nino niaga”, ni masiedaja mari. Espiritu Santo yedohoro mehna masiña mari. ²¹ Ne masa tiquina esa tuhago Cohācjū yere ojoerahye. Panopu cjēna Cohācjū yere tiquina ojoagū Espiritu Santo pehe tiquina ojoatire tiquinare masigū yeahye.

2

“Cohācjū ye buheye ijire”, ni meho buheyequinare yahuahye Pedro
(Jud 1.4-12)

¹ Panopu mari acaye judio masa mehna cjēna “Cohācjū yere yahu mahtarina ijiaja”, ni mehoñequina ijie tiahye. Tiquina yero sahata vojopu gūhure masa mehna cjēna sa ni mehoñequina ijietā. Potota tiquina buheborō sahata ni mehoñe pehere buheeta. Sa buheye Cristo ye buheye pehere dojomehneeta. Sa ye “Cristo yuhduonohrina ijiaja”, niepeta Cristo dutiyere ne yuhtierare tiquina. Sa ye tiquiore “Ūsā puhtoro ijire”, ni tuhotuerare. Ti ijipihtiyequina sa yeri buhiri duita tiquinare Cohācjū pecapu waha dutirota. ² Sa ni meho tiquina buhegū tuhoye tiquina ñañene tutuaro cahmediro sahata peyequina masa tiquinare ihña cū ñano yeeta. Tiquina sa ñano yegū ihñañe apequina masa gūhu quehnoañe buheyere ñano quiti dahreeta. ³ Sa ye tiquina ni mehoñequina niñerure wapa cahmeñe, ni mehoñe buheyere buheeta masare. Tiquina sa buhiri buhiri Cohācjū tiquinare pecapu waha dutirota. Panopure sa yeyequinare buhiri dahre duti tuhasahye tiquiore.

⁴ Sata panopu buhiri dahre dutiahye ñañequina angele gūhure. Tiquinare pecapu peresu yeahye. Sa yero pihtiri deco bato tiquinare buhiri dahrerota. ⁵ Sata panopu cjēnare Cohācjūre cahmeñequinare buhiri dahreahye. Sa yero ijipihtiro ahri yehpare miono, ijipihtiyequina ñañequina masare mio wejēahye. Sa yero Noéne tiquiore mehna cjēna gūhure yuhduoahye. Tiquina ijipihtiyequina tiquiore yuhduoriquina ocho masa ijiahye. Noé pehe quehnoañene ye dutiro ti pje cjēnare buhee timahye.

⁶ Sata Sodoma wame tiri maca cjēnare, Gomorra wame tiri maca cjēna gūhure Cohācjū buhiri dahreahye. Ti macarine peca mehna quehnoano ūjā peho cāhye. Sa yero cameru ijiatiquinare tiquiore cahmedatiquinare ihñono niahye. Ñañequinare tiquiore buhiri dahreatire ihñono niahye tiquinare. ⁷ Sa yero Lote wame tiriquiore yuhduoahye. Lote pehe quehnoariquiore

ijiahye. Sa quehnoariquiore ijiro Sodoma cjēna Cohācjū dutiyere yuhduocayequina ña yuhduaro tiquina yegū ihñano caributia wahahye tiquiore Lote. Sa yero ma tiquina basi tiquina pagari mehna tiquina ñano yegū ihñano caributia wahahye tiquiore.

⁸ Tiquiore quehnoariquiore ñañequina watoa ijiahye. Sa yero decoripe ña yuhduaro tiquina yegū ihñano, ñano tiquina yahuducugū tuhoro ñano jeripohna tiahye. ⁹ Tiquiore Cohācjū yuhduogū ihñana ahri yahu yahuatire masiña mari. Cohācjū mari puhtoro tiquiore cahmeñequinare tiquina ñano yuhduogū ihñano tiquinare yuhduorota. Sa yero ñañequina pehere peresu yero, tiquinare cuore pihtiri deco ijigū tiquiore buhiri dahreatiquinare.

¹⁰ Ñañene tutuaro we pjeyequina Cohācjūre yuhduocayequina tiquina pūritare ñano buhiri dahrerota tiquiore. Tiquina masa mehna cjēna ni meho buheyequina ñañene ye, ne cuerare. Sa ye bue tierare tiquina. “Apequinare masi yuhduocaja”, ni tuhotuyequina ijire tiquina. Sa ijieyequina ijieye ahmase cjēna tutuayequinare ne ño peera, ñano ni bujupere tiquinare. ¹¹ Angele pehe ne tiquina yero saha yerare. Tiquina pehe ni meho buheyequina yuhduoro tutuayequina ijire. Sa ijiepeta tiquina ne bujupere mehna ni meho buheyequinare ñano yahusāedare Cohācjūre, yuhduocayequina ijieye.

¹² Sa ye ahriquina ni meho buheyequina pehe nucū cjēna wahiquina yero saha tuho masieñequina ijire. Nucupu boca sa tiquina wejēatiquina yero saha ijire tiquina. Tiquina basi cahmeno saha yere tiquina. Sa ye tiquina masieñequinare bujupere, ñano ni yahuducu cohtere. Sa yeyequina ijigū wahiquinare mari wejēdoro saha Cohācjū tiquinare pecapu cohānota. ¹³ Sa yero tiquina ñano yeri buhiri buhiri dahrerota Cohācjū. Tiquina ñañene tutuaro cahmene. Sa ye ñano yeducure. Masa mehna bose deco ye, ti bose deco ijigū tiquina ñañene ye yuhduare. Sa yeye masa bose decore tiquina wete ohōno saha tiquina ñañene pihore musare.

¹⁴ Sa ye numiare ihñañe, ñehe duare tiquina. Sa ye ñañene sa yeducu duare. Cohācjūre wacū tutuera cjūñequinare ñañene ye dutiye, sa ijieyequinare tiquinare ihña cūgū yere. Sa ijieye tiquina sehsharo apee borore, niñeru gūhure ni meho ehma mihniñequina ijire. Tiquina Cohācjū tiquiore buhiri dahreatiquina ijire. ¹⁵ Tiquina Cohācjū yere buheraye, sijoro saha ijieye buheye pehere buhere. Sa ye Balāa yero saha yeye nine. Balāa, Beor macano ijiahye. Tiquiore pehe panopu tiquiore ñañe yeri mehna niñerure wapata duamahye.

16 Tiquiro sa yegū ihñano tiquiro yacoro burro tuhtiahye ticoro up̄rore. Tiquiro yacoro burro yahuducuericoro ijiepegāta Cohācjū ticoro up̄rore tuhti dutiahye ticorore. Ticoro sa tuhtigū t̄ahoro Balāa tutuaro tiquiro ñañene ye duamedire duhu cāhye.

17 Ahriquina ni mehoñequina m̄ari pohterip̄a aco marieno yero saha ijire. Aco marieñe pohteri ti d̄uhseati ijieraro saha tiquina ni mehoñequina ne d̄uhseati ijierare. Sa ye ehmeo cururi wiñono ti w̄edoqueoye cururi ti sa comesaducuro sahata, tiquina ni mehoñequina ḡuhū ihcāno saha yahuducuera, sa comesaducure. Sa yero nahitiano warore quehno tuhasahye Cohācjū top̄a tiquinare buhiri dahrero taro. 18 Tiquina ni mehoñequina tiquina yahuducuyē d̄uhseati ijierare. Masīñequina yero saha masare sa buhe maca cāhre. Ohō saha ni buhere tiquina: “Mari cahmeno sahata mari yegū quehnoarīne”, ni buhemene tiquina. Tiquina sa ni buhegū masa t̄ahoye ñañene ne p̄jeye, tiquina ye buheyere cahmene. Apequina masa Cohācjūre potota coā cahme d̄ucayequina mehenogāta wahare tiquina ñañene tiquina duhuri bato. Tiquinare ni mehoñequina buhegū t̄ahoye ñañene cahmene t̄ja Cohācjū yequina ijiboriquina ijiepetā. 19 Tiquinare ohō saha ni buhere ni mehoñequina: “Mari cahmeno sahata mari yegū quehnoarīne”, ni buhemene tiquina. Tiquina sa ni buhepegāta tiquina nidiro saha wahaerare tiquinare. Ñañene duhu dueraye, tire duhu masiedabutiare. Tiquina sa ñano yeye, “Queoro ijire usā yeri”, ni t̄ahotumene tiquina. Sa ye tiquina ti ñañene ne duhu masiedare. Ti ñañe tiquina p̄htoro yero saha ijire.

20 Mari p̄htoro Jesucristore marine yahd̄uoriquirore coā cahme d̄ucayequina pehe ahri yehpa cjē ñañene duhu cāmedi. Tiquina sa duhuri bato pari turi ñañene yeye, ña yahd̄uaro tojoare tiquina. Cristore tiquina masiato pano tiquina iji m̄ahariro yahd̄uoro ña yahd̄uaro tojoare, pari turi ñañene yeye. 21 Sa ña yahd̄uaro tojoaye quehnoañe buheye pehere tiquina ne masi m̄ahaedagū quehnoa yahd̄uboya tiquinare. 22 Sa ye pari turi ñañene yeye, masape tiquina ni yahuducue t̄iriro saha yee nine tiquina. Ohō saha ni yahuducure masa: “Diero etoa tuhasa pari turi tiquiro etoa c̄ūrire ihyare. Sa yero yesere tiquina coseri bato pari turi tiquiro ñari sahbar̄a cuhsare t̄ja. Sata yere quehnoañene cahmemediquina ḡuhū pari turi ñañene cahmeñe t̄ja”, ni yahuducue tire masa.

3

Cristo ahri yehpap̄a tiquiro tojoa tatire yahuahye Pedro

1 Ȳhū cahñna, m̄usare ihcā p̄ū ojoa oho tuhasa. Sa yegū ahri p̄ūre t̄ja yojop̄are m̄usare ojoa ohogū niaja. Sa yegū p̄na taha ojoaga ahri ijip̄htiyere m̄usare wacūgū ye duagu niaja quehnoañe dihitare m̄usare t̄ahotu dutiga. 2 Ahri ȳhū yahuatire wacūña m̄usa: Panop̄a cjēna quehnoañequina Cohācjū yere yahu m̄ahariquina m̄ana tiquina yahu ojoarire wacūña. Sa yena mari p̄htoro marine yahd̄uoriquiro Cristo tiquiro dutiye ḡuhare wacūña. Ti dutiyere usā tiquiro c̄ūrina m̄usare buhei.

3 Sa yena ahrire wacū m̄ahña: Pihtiati deco panogā Cohācjū yere buj̄apeyequina ijietā. Tiquina ñañene tutuaro cahmeducuyequina ijiye, ti ñañene yeducueta. Ohō saha ni buj̄apeeta: 4 “Cristo ‘Tojoa taut̄ja’, nieperota ne tojoa tasi. ¿Tojoa ta dueperota d̄uhsero ne bajuerajari tiquiro? Ahri yehpa iji d̄ucari bato mari ñecusum̄a m̄ana iji turiayequina tiquina yariari bato ijip̄htiro sijoro saha waharo marieno sa ijiducure. M̄unanota sa ijiducu cāre. Sa yero ahri yehpare ahtatiquiro ahm̄usep̄are mariedare”, ni buj̄apeyequina ijietā. 5 Sa ni buj̄apeye ahri pehere ne wacū duerare tiquina: Panop̄are Cohācjū tiquiro dutiro mehna ahri yehpare, ahm̄use ḡuhare bajumehneahye. Sa yero ahri yehpap̄a aco dihita ijirirore dihta ijigū yeahye tiquiro. Sa yero aco mehna ahri yehpa yojop̄are ti ijiro sahata ahri yehpare yeahye tiquiro. 6 Sa yero camep̄a ahri yehpare miono, cohā pehoahye ahri yehpa cjēne. Sa yero ahri yehpare ihcā tahata sijoro saha wahagū ye tuhasahye Cohācjū. 7 Sa sijoro saha wahagū yeperota yojop̄are ahm̄usere, ahri yehpa ḡuhare pari turi comesagū yerari tiquiro. Tiquiro dutiro mehna ahri yehpare, ahm̄use ḡuhare yojop̄are ti ijiro sahata ijiducu nemogū yero nine. Sa yero cohtero nine came ijip̄htirorepe uñano taro. Sa cohtero nine Cohācjū tiquirore cahmeeñequinare buhiri dahrero taro. Sa buhiri dahrero tiquinare pecap̄a cohānota.

8 Ȳhū cahñna, ahrire wacūña m̄usa: Mil cahmarine “Yoa yahd̄uari p̄je ijire”, mari ni t̄ahotuepegāta ihcā decota ijire, Cohācjū ihñagū. 9 “Cohācjū tiquiro nidiro saha am̄añano yerabutiare”, nine masa. Sa ijierare. Masare quehnoano ye duaro cohtenino nine. Ne ihcāquiro mas̄unore pecap̄a cohā duerare tiquiro. Sa yero ijip̄htiyequina tiquina ñañene buj̄ua witiḡū, ñañene duhugū cahmeno nine tiquiro.

10 Ñamip̄are yaque buc̄aro tiquiro wacūeno mehna yaquero saj̄ariro saha Cristo ahri yehpap̄are wacūeno mehna ahtarota. Tiquiro ahtagāta to tutuaro

bisigāta uhmuse cjē pihtia waharota. Ujū pihtia waharota. Sa yero ahri yehpa gāhū, ahri yehpa cjē gāhū ujū pihtia waharota.

¹¹ “Ahri ijipihtiye pihtia waharota”, Cohācjū nigū tūhona ñañene duhuna, Cohācjū cahmeñene yero cahmene marine. ¹² Mari puhtoro ahri yehpapū tiquiro ahtatire cohtena, sojaro mehna tiquiro ahtagū yeya mūsa. Ti deco uhmuse cjē ujū pihtia waharota. ¹³ Ti sa cuaro wahati ijiepegāta mari pehe Cohācjū ni cūriro sahata ijipihtiyere tiquiro comesagū yeatire cohteaja mari. Ijipihtiye ti ujū pihtiari bato ohō saha ijirota. Uhmusepū gāhū ahri yehpapū gāhū wahma ijirota. Sa ye ti pjeppure quehnoañe dihitarē yeeta ijipihtiyequina. Tireta cohteaja mari.

¹⁴ Sa yena yuhū cahīna, mari puhtoro tiquiro ahtatire cohtena, Cohācjū ihñonopū quehnoano yena ijiya mūsa. Sa quehnoano yena ijiya mūsa Cohācjū mūsa mehna tiquiro bucueatire. ¹⁵ Sa yena yoa cjūri pje tiquiro bajueragū ihñana ahrire masiña mūsa. Masa tiquirore cahmeñequina tiquiro yuhduoatiquina duhsarīne yojopū. Sa yero tiquinare cohtenino nine Cohācjū. Sata ni mū sare ojoa ohori jiri mari acayuro mari cahīniquiro Pablo. Cohācjū masiñe mehna tire ojoari jiri tiquiro. ¹⁶ Sa dihita ni ojoari jiri Pablo tiquiro ojoaripe. Cristo tiquiro ahtatire, ñañene yeeyequina mari ijiati gāhure yahuro ohō saha dihita ni ojoari jiri tiquiro. Ihquē tahari mijo cjūñene tiquiro yahu ojoari jiri. Apequina ne masieñequina, tūho masieñequina ni mehoñe mehna tiquiro sa nidire comesa mujare. Sa ye tiquiro sa nidi ijiepegāta sijoro saha ni comesa yahure tiquina. Apeye Cohācjū yere tiquina ojoari pūri gāhure sata yeri tiquina. Tiquina sa yegū ihñano Cohācjū tiquinare buhūri dahrero, pecapū cohānota.

¹⁷ Yuhū acaye, yuhū cahīna ahri ijipihtiye ti sa wahato pano yahuu mū sare. Sa yena ahrire masina, quehnoano yeya mūsa. Ñañequina mū sare sijoro saha ni tiquina buhegū tūhoeracāhña tiquinare, “Cristo yere duhuari”, nina. ¹⁸ Sa yena mari puhtoro marine yuhduoriquirore Cristore quehnoano wacū tutua nemoña mūsa. Tiquirore quehnoano masi nemoña mūsa. Yojopure, ijipihtiye decori tiquirore quehnoano ño peouhna mari. “Quehnoariquiro, tutuariquiro ijire”, niihna mari tiquirore. Sata niihna.

2

1 San Juan

Jesucristo catiyere ohoriqiro ijire

¹ Jesu Cohãcǵũ mari Pacũ ye yahuducuyere yahuriqiro ijire. Duita coã waroputa ijiriqiro tiqiro mari Pacũ mehna masare sa ijiducugũ yeriqiro ijiahye. Yojoþure usã tiqiro yere, tiqiro ijiye tiyere yahu ojoana niaja. Tiquirore tuhona, tiqiro waroreta ihñau usã. Sata ijire. Tiquirore ihñana, usã omocari mehna tiqirore dahra tuhuu. ² Ahriqiro mari Pacũ mehna sa ijiducugũ yeriqiro ahri yehpapũ tiqiro masa bajuari bato tiqirore usã ihñau. Sa yena tiqirore yahuaja usã musare. Ijipihitiye decori mari Pacũ mehna tiqiro ijiducuriqiro ijigũ, yojoþure mari Pacũ tiqirore ihñori usãre. Tire yahuaja usã musare. ³ Mari Pacũ mehna cǵãna ijiaja usã. Tiquiro macano mehna cǵãna gũhu ijiaja usã. Sa yena musa gũhu usã mehna cǵãna, mari Pacũ mehna cǵãna, tiqiro macano mehna cǵãna musa ijiatire usã ihñarire, usã tuhore musa gũhure usã yahuaja. ⁴ Ahrirete usã ojoaja quehnoano mari bucueatire.

Buhrioro to wete marieno saha Cohãcǵũre ñañe ne mariedare

⁵ Ahri buheye Cohãcǵũ macano usãre tiqiro yahuri ijiye nine. Yojoþuta ahriye yahunatja usã musare: Cohãcǵũ buhrioro yero saha ijire. Buhrioro to wete marieno saha tiqirore ne ñañe mariedare. Ñañe nahitiano yero saha ijire. Cohãcǵũre ne ñañe mariedare. Tiquiro sa ijiye tiyere yahuaja musare. ⁶ Sa yena nahitanopũ ijina yero saha mari ñañene yena ijiepenata "Cohãcǵũ mehna cǵãna ijiaja", nina, mari ni mehona niaja. Sa yena Cohãcǵũ yere queoro yeraja. ⁷ Sa yena buhrioropũ ijina yero saha Cohãcǵũ tiqiro yero saha mari quehnoañe pehere yena, apeqina Jesu yequina mehna quehnoano ijina niaja. Mari sa yegũ Cohãcǵũ macano Jesu tiqiro dii cohãno mehna, curusapũ tiqiro yariari mehna ijipihitiye mari ñañe yerire bore.

⁸ "Yũhu pũrita ne ñañene yeraja", ni wacũna, mari ni mehoñene tuhotuna niaja. Mari sa ni tuhotuna Cristo yere ne masiedaja. ⁹ Sa yena Cohãcǵũre mari ñañene mari yahu yuhdugũ tiqiro poto yeriqiro mari ñañene borota. Sa yero ijipihitiye mari ñañe yerĩ gũhure, mari ñano tuhotuye gũhure cose werota tiqiro. Tiquiro nidiro saha yeriqiro ijire. ¹⁰ "Ñañene yeraja", nina, "Cohãcǵũ ni mehoriqiro ijire", nina niaja mari. Sa niñequina tiqiro buheyere cahmedare.

Cristo marine yedohore

¹ Yũhu pohna, musare "Ñañene yeari", nigũ ahriye ojoagu niaja. Yũhu sa ni ojoaepẽgũta ñañene yeboaga musa. Musa sa yegũ ihñano Jesucristo quehnoariqiro musa ye ijiatire tiqiro Pacũre ohõ saha ni sini basarota: "Ahriquina tiquina ñañene yerĩ buhirire buhiri dahreracãhña", ni sini basarota tiqiro Pacũre. ² Cristo mari ñañene cohãriqiro ijire. Mari ñañene mari dihitarẽ cohãedare. Ijipihitiye cǵãna gũhure tiquina ñañene cohã masine tiqiro.

³ Cohãcǵũ dutiyere yena, tiqirore potota quehnoano masiaja mari. ⁴ Ihcãqiro Cohãcǵũ dutiyere yeraperota "Yũhu Cohãcǵũre masiaja", nino, tiqiro ni mehoriqiro ijire. Sa yero Cristo yere ne masiedare. ⁵ Apeqiro pehe Cohãcǵũ dutiyere yeriqiro Cohãcǵũre tutuaro cahñiqiro ijire. "¿Cohãcǵũ mehna cǵãna ijiajari mari?" ni masi duana, ohõ saha mari masinata: ⁶ Cohãcǵũ mehna cǵãno Jesucristo quehnoañene tiqiro yeriro saha yeriqiro ijire. Sata yeducuhna mari.

Wahma dutirore yahuahye

⁷ Yũhu cahña, ahri dutiro yojoþure musare yũhu yahuati wahma dutiro ijierare. Ahri dutiro musa coã waropure cworiro muna dutirota ijire. Ti dutirore musa tuho tuhasari. ⁸ Yojoþu pehere musare yũhu yahuati muna dutiro ijieperota wahma dutiro gũhu ijire. Cristo gũhu, musa gũhu ti dutirore yere. Yojoþu nahitiano pihti cã mari ihña masino saha mari masiedarire masi dũca cãna niaja mari. Sa yero buhrioro mehna mari ihña masino saha Cristo musare poto ijiyere masigũ yero ahta tuhasari.

⁹ "Yũhu buhrioropũ ijiriqiro yero saha Cohãcǵũ dutiyere yegũ ijiaja", ihcãqiro nieperota, apeqinare ihña tuhtiro, tiqiro Cohãcǵũ dutiyere yerare. ¹⁰ Sa yero apeqirore cahñiqiro pũrita buhrioropũ ijiriqiro yero saha Cohãcǵũ dutiyere yeriqiro ijire tiqiro. Sa yero ñañene pari turi ye duerare. ¹¹ Masare ihña tuhtiriqiro pehe nahitanopũ ijiriqiro yero saha ijiro nine. Tiquiro caperi bajueriqiro yero saha ijire. Tiquiro wahatore ihña masiedare tiqiro.

¹² Yũhu pohna, Cristo tiqiro yariari mehna musa ñañe yerire cohãri jiri. Sa yegũ musare yahu ojoagu niaja. ¹³ Musa pacusũmũna gũhu, musa Cristore coã waropũ ijiriqirore masine musa. Musa sa masigũ ihñagu musa gũhure yahu ojoagu niaja. Musa wahma pja ñariqiro watnõre yuhduducari musa. Musa sa yuhduducana ijigũ musa gũhure yahu ojoagu niaja.

Yuhu pohna, mari Pacure musa masine. Musa sa masigū ihñagu musare yojopure yahu ojoagu niaja. ¹⁴ Musa pacasumua, musa Cristore coā waropu ijiriquirore masine musa. Musa sa masigū ihñagu musare yahu ojoagu niaja. Musa wahma pjia potota musa Cohācjüre wacū tutuana ijire. Sa yena musa Cohācjü yere yena niaga. Sa yena, musa ñariquiro watñore yuhduducari. Sa yegu musare yahu ojoagu niaja. ¹⁵ Ahri yehpa cjē ñañene cahmedacähña. Ahri yehpa cjē ñañene cahmena mari Pacu pehere cahmedare musa. ¹⁶ Ñañequina tiquina basi ñañene tiquina tutuaro cahmedí, ñañene tiquina ihña duari mari Pacu Cohācjü ye ijierare. “Ijipihtiyere cwo pehogu, masi pehogu ijiaja yahu. Ne ihcāquiro masano yuhure yuhduducarare”, masa tiquina ni tuhotuye mari Pacu ye ijierare. Ti ijipihtiyere ahri yehpa cjē ijire. ¹⁷ Ahri yehpa, ahri yehpa cjē gāhu masa tiquina cahmeñe pihtia waharota. Sa yero Cohācjü cahmeñene yeriquiro ijipihtiyere decori Cohācjü mehna ijirota.

Cristore ihña tuhtiriquiro pehere yahuahye Ñu

¹⁸ Yuhu pohna, ahri yehpa pihtiatí deco mehenogā duhsare. “Cristore ihña tuhtiriquiro ahtarota”, ni, Jesu yequina musare yahu tuhasari. Yojopure Cristore ihña tuhtiyequina peyequina iji tuhasare. Tiquina sa ijigū ihñana yojopure pihtiatí deco mehenogā duhsagū masiaja mari. ¹⁹ Ahriquina Cristore ihña tuhtiyequina pehe mari caha ijiepetota potota mari mehna cjēna ijierare. Sa ye tiquina marine cohā cāri. Tiquina mari mehna cjēna ijiepe, mari mehna ijiboaga. Marine cohā cāri. Tiquina sa cohāgū mari mehna cjēna tiquina ijieragū masiaja mari.

²⁰ Cristo Espiritu Santore musa pehere ohori. Sa yero Espiritu Santo musa mehna ijire. Sa yena musa ijipihnta Cristo yere masi tuhasare. ²¹ Musare yahugu “Cristo yere masiedare musa”, ni tuhotueraja yuhu. Musa Cristo yere masigū ihñagu musare yahuaja. Cristo ye ne ni mehoñe mariedare. Ti gāhure masina musa ijigū masiaja yuhu. ²² Ahriquiro ijire ni mehoriquiro: “Jesu Cohācjü macano ijierare”, nidiquiro pehe ni mehoriquiro ijire. Potota Cristore ihña tuhtiriquiro ijire tiquiro. Mari Pacure, tiquiro macano gāhure cahmedariquiro ijire Cristore ihña tuhtiriquiro. ²³ Ohō saha ijire: Jesure cahmeediquiro pehe mari Pacu gāhure cahmeediquirota ijire. Jesure cahmediquiro pehe mari Pacu gāhure cahmediquiro ijire.

²⁴ Coā waropu Cohācjü yere musa tuhore quehnoano wacūña. Tire musa wacūna,

Jesu mehna cjēna ijinata. Sa yena mari Pacu mehna cjēna ijinata. ²⁵ Tireta Jesu marine yahuri. Ohō saha ijire tiquiro yahuri: “Musa ijipihtiyere decori Cohācjü mehna ijiducunata”, ni cūri Jesu marine.

²⁶ Apequina musare ni mehoñe nine. Tiquina sa ni mehogū masigū musare yahu ojoagu niaja. ²⁷ Tiquina sa ni mehonohrina musa ijiepegāta musa pehere Cristo tiquiro yaquiro Espiritu Santore oho tuhasari. Espiritu Santo musa mehna ijire. Musa mehna ijire musare buheriquiro ijire. Tiquiro ijipihtiyere musare yahure. Tiquiro yahure ijirota ijire. Ni mehoñe yahuerare tiquiro. Espiritu Santo nidiro sahata yeya musa yojopure. Sa yena musa Cristo yere tuhona, tiquiro mehna quehnoano ijiaja.

²⁸ Sata ijire. Yuhu pohna, musa Cristo mehna cjēna ijiaja. Sa yena Cristo ahtati decore cuesi musa. Sa yena tiquiro ahtati decore bue tye mehna duhtisi musa. ²⁹ Cristo quehnoañene yeriquiro tiquiro ijigū musa masine. Tire masina ahri gāhure masiña musa. Ijipihtiyequina quehnoañene yequequina Cohācjü pohnta ijire. Ti gāhure masiña musa.

3

Musata Cohācjü pohna ijire

¹ “Musa yuhu pohna ijire”, nino, tutuaro cahí yuhduducaro nine marine mari Pacu. Tiquiro sa cahñona ijina tiquiro pohna ijiaja mari. Ahri yehpa cjēna ñañequina Cohācjüre masiedare. Sa yere Cohācjü pohna mari ijigū ihñañe tiquina mari gāhure masiedare. ² Yuhu cahña, yojopure Cohācjü pohna ijiaja mari. Sa ijiepenata came mari ijiatire mari quehnoano masiedaja. Sa masiedapenata ahri pehere masiaja. Cristo toja tagū mari ihñana, tiquiro ijire sahata tiquirore mari ihñanata. Sa yena Cristo marine bajuagū ihñana tiquiro yero saha mari came-sanata. ³ Ijipihtiyequina ahri masiñequina Cristore ihña cūñe, ñañene ye duerare.

⁴ Ñañene yena dutiyere yuhduducana niaja. Sa ye ijipihtiyequina ñañene yequequina Cohācjü dutiyere yuhduducayequina ijire. ⁵ Cristo masare tiquina ñañene cohātiquiro bajuahye. Tiquiro ne ñañene yerere. Tire masine musa. ⁶ Sa ye ijipihtiyequina Cristo yequina ñañene yeducuerare. Apequiro pehe ñañene sa yeducuriquiro Cristore ne masiedare. Sa yero Cristo yaquiro ijierare. ⁷ Yuhu pohna, musare ni mehoñequinare tuhoreracähña. Ijipihtiyequina quehnoañene yequequina Cristo yero saha quehnoañequina ijire. ⁸ Apequiro pehe ñañene sa yeducuriquiro watño yaquiro ijire. Watño pūrita duita ñañene yeriquiro ijiahye. Sa yero watño

tiqiro ñañene ye dutiyere cohãtiqiro Cohãcjũ macũno masa bajuahye.

⁹ Cohãcjũ pohna ijina Cohãcjũ yero saha ijina ijaja. Sa yena ñañene yeducueraja. Cohãcjũ mari Pacũ tiqiro ijigũ mari pehe ñañene yeducu masiedaja. ¹⁰ Ohõ saha ijieyquina Cohãcjũ pohne tiquina ijigũ masinata: Cohãcjũ pohne watĩno pohne yero saha ijierare. Ñañene yeducuyequina, apequinare cahĩñequina Cohãcjũ pohne ijierare.

Musa mehna cjẽnare cahĩña

¹¹ “Mari mehna cjẽnare cahĩña”, ni buheyere coã waropure tũho tuhasari masa. ¹² Mari Caĩ tiqiro ñano yeriro sahata yeracãhna. Tiquiro watĩno yaqiro ijiro, tiqiro bahũrore wejẽahye. ¿Duhse yero tiqirore wejẽyari, masa tuhotugũ? Tire yahutja musare: Caĩ tiqiro yeri ñañe ijiahye. Tiquiro bahũro pehe quehnoañene yeriqiro ijigũ ihũano tiqiro wahmino pehe tiqirore wejẽahye.

¹³ Sa yena yũhũ acaye, ahri yehpa cjẽna musare tiquina ihũa tuhtigũ “¿Duhse ijiro boro yũhũre ihũa tuhtijari tiquina?” ni, tuhotueracãhña. ¹⁴ Mari pecapũ wahaborina ijimi. Yojoyure uhmũsepe sa ijiducuatina comesarina ijaja mari. Jesu yequinare cahĩna, Cohãcjũ marine tiqiro comesagũ yerire masiaja mari. Masare cahĩniqiro pecapũ wahatiqiro ijire. ¹⁵ Tiquiro acayũrore ihũa tuhtiriqiro masare wejẽdiqiro ijire, Cohãcjũ ihũagũ. Masare wejẽñequina uhmũsepe ijiducusi. Tire quehnoano masine masa. ¹⁶ Masare cahĩñene ohõ saha masinata. Ijipitiye decori Cohãcjũ mehna mari ijiatire Cristo yariaro marine tutuaro cahĩdi. Sa yariaro marine tiqiro sa cahĩducirre masigũ yero nidi. Sa yena mari gũhũre Jesu yequina ye ijiatire yariaro cahmeboaga. ¹⁷ Peye cuoriquiro Jesu yaqirore pejecuoriquirore ihũaeperoa tiqirore paja ihũedarõ, Cohãcjũre cahĩedarõ tiqiro. ¹⁸ Yũhũ pohna, masare mari cahĩñe pehe mari dũserõ dihita wijiaeracãhdo. Masare mari cahĩna, tiquinare yedohoro cahmene marine.

Cuero marieno Cohãcjũ cahapũ iji masiaja mari

¹⁹⁻²⁰ Sa cahĩna mari potota Cohãcjũ yequina mari ijiey gũhũre masinata. Sa yena Cohãcjũ cahapũ cuero marieno mari iji masiaja. Sa yena “Ñañe buhiri ijiaja yũhũre”, mari ni tuhotuepegũta, Cohãcjũ cahapũ cuero marieno iji masiaja. Tiquiro pehe mari yũhũrore tutuariqiro ijiro ijipitiyere masine. ²¹ Yũhũ cahĩna, quehnoañene yena, “Quehnoañe pehere yena niãja”, ni tuhotuna, Cohãcjũ cahapũ mari cuero marieno iji masiaja. ²² Cohãcjũ dutiyere, tiqiro cahmeñe gũhũre mari

yeğũ, tiqirore mari sinino punota tiqiro ohorota. ²³ Ohõ saha dutire tiqiro marine: “Cohãcjũ macũnore Jesucristore wacũ tutuaya. Sa yena Cristo marine tiqiro dutiriro sahata masa mehna cjẽnare cahĩña masa”, nino, ye dutire marine. ²⁴ Cohãcjũ dutiyere yeriqiro Cohãcjũ mehna cjãno ijiro nine. Sa yero Cohãcjũ tiqiro mehna cjãno ijire. Cohãcjũ mari mehna cjãno tiqiro ijiyere mari masi duagũ marine tiqiro ohoriquiro Espĩritu marine masigũ yerota.

4

Ni mehoñe buheye gũhũre, Cohãcjũ ye buheye gũhũre quehnoano ihũa masi dutiahye

¹ Yũhũ cahĩna, apequina “Cohãcjũ yaqiro Espĩriture cuoaja”, niñequina tiquina ijiepegũta tiquina ye buheye ni mehoñe ijire. Sa ye apequina pehe Espĩritu Santo warore cuoyequina ni mehono marieno buhere tiquina. Peyequina “Cohãcjũ yere yahu mũhtarina ijaja”, niepeta ni mehoñequina ijire yojoyure. Ijipitiropure ijire tiquina. Sa yena apequina musare tiquina buheye ni mehoñe buheye ijigũ ihũa masiña masa. Cohãcjũ ye ti ijigũ gũhũre ihũa masiña masa. ² Cohãcjũ yaqiro Espĩriture cuoyequinare masa ihũa masi duana, ohõ saha masinata: “Jesucristo ahri yehpapũ masũno pagũ waro cuoriquiro ahtari jiri”, ni, buheyequina Cohãcjũ yaqiro Espĩriture cuoyequina ijire tiquina. Sa yena sa ni buheyequinare ihũa masinata masa. ³ Apequina pehe “Jesu ahri yehpapũ masũno pagũ waro cuoriquiro ahtaerari jiri”, ni buheyequina Cohãcjũ yaqiro Espĩriture cuoyequina ijire. Tiquina ye tuhotue Cristore ihũa tuhtiriqiro tiqiro tuhoturo saha ijire. “Cristore ihũa tuhtiriqiro ahtarota”, tiquina nidire tũho tuhasari masa. Sa ye tiqiro ye buheye ahri yehpapure wihi tuhasari.

⁴ Musa pehe yũhũ pohna, Cohãcjũ yequina ijire masa. Sa yena “Cohãcjũ yere yahu mũhtarina ijaja usã”, ni, mehoñequinare yũhũducũ tuhasari masa. Musa mehna ijiriquiro Espĩritu Santo pehe tutua yũhũducũre. Sa yero ahri yehpa cjẽna yaqiro watĩno yũhũrore tutuare. Sa yena ni mehoñequinare yũhũducũri masa. Sa yena ti buheyere cahmedari masa. ⁵ Ni mehoñequina pehe ahri yehpa cjẽna ijire. Sa ye tiquina ahri yehpa cjẽ ñañene tiquina buhegũ ahri yehpa cjẽna ñañequina pehe tiquinare quehnoano tuhore. ⁶ Mari pehe Cohãcjũ yequina ijaja. Sa ye Cohãcjũre masiñequina marine quehnoano tuhore. Apequina pehe Cohãcjũ yequina ijieraye, marine ne tũho duerare. Tiquina sa tũho

dueragū ihñana tiquina ye buheye Cohācjū ye buheye ti ijieragū masinata mari. Sa yena apequina pehe marine tiquina tūhogū tiquina ye buheye quehnoañe buheye ti ijigū gūhure masiaja mari.

Cohācjū masare tutuaro cahīducuriqiro iji

⁷ Yuhū cahīna, Cohācjū marine apequinare cahīgū yeriqiro iji. Tiquiro sa yeriqiro ijigū ihñana mari mehna cjēnare cahīhna mari. Masare quehnoano cahīnequina pehe Cohācjū pohne iji. Sa ye tiquina Cohācjūre quehnoano masine. ⁸ Cohācjū masa ijipihitequinare tutuaro cahīducuriqiro iji. Tiquiro sa cahīducuriqiro ijigū masare cahīnequina pehe Cohācjūre masiedare. ⁹ Cohācjū marine tiquiro cahīhne mari masi duana, ohō saha masinata: Cohācjū pehe tiquiro macūnore ihcāquiota ijiriquirore marine yuhduoatiqirore ahri yehpapare ohoahye. Sa ohoro marine tiquiro cahīhne marine masigū yero niahye. ¹⁰ Apequinare cahīhne waro ohō saha iji: Cohācjūre mari cahīhne pehe poto cahīhne waro ijierare. Marine Cohācjū tiquiro cahīhne pūrita potota cahīhne waro iji. Sa yero tiquiro macūnore mari ñañene cohātiqirore ohoro marine tutuaro cahīne tiquiro.

¹¹ Yuhū acaye, Cohācjū marine tiquiro sa tutuaro cahīgū ihñana mari gūhū mari mehna cjēnare cahīhna. ¹² Masa pehe ne Cohācjūre ihñedari. Tiquirore mari ihñedapegūta mari mehna cjēnare mari cahīgū, Cohācjū pehe mari mehna sa ijiducuro nine. Sa yero potota marine cahī nemoducugū yere tiquiro. ¹³ Cohācjū pehe marine tiquiro yaqiro Espiriture ohori. Sa yena Espiriture cūona, Cohācjū mehna mari quehnoano ijijere masiaja mari. ¹⁴ Sa yena mari Pacū tiquiro macūnore ahri yehpa cjēnare yuhduoatiqirore tiquiro ohorire usā ihñau. Tire ihñana apequinapare tire yahuaja usā. ¹⁵ Cohācjū mehna cjāno ohō saha nidiquiro iji: “Jesu Cohācjū macūno iji”, nidiquiro tiquiro pūrita Cohācjū mehna cjāno ijiro nine. Sa yero Cohācjū gūhū tiquiro mehna cjāno ijiro nine.

¹⁶ Sa yena marine Cohācjū tiquiro cahīhne mari masiaja. Sa yena marine potota cahīniquiro tiquiro ijigū masiaja mari. Cohācjū masa ijipihitequinare tutuaro cahīducuriqiro iji. Sa yero apequiro masare cahīducuriqiro Cohācjū mehna cjāno iji. Sa yero Cohācjū gūhū tiquiro mehna cjāno iji. ¹⁷ Sa yena mari quehnoano cahī nemoducuaaja Cohācjūre, apequina gūhure, buhiri dahrerri deco ijigū mari cuero marieno mari ijiatire. Sa yena cuesi mari ahri yehpapū Cristo yero saha ijina. ¹⁸ Apequinare mari cahīgū

cuero mariedare. Cohācjū marine tiquiro cahīhne masina mari ne cueraja. Masa cueye tiquinare buhiri dahreatire cue nine. Sa cueye ñano yuhdare. Sa yero cueriquiro pehe Cohācjū cahīhne masieniquiro iji. ¹⁹ Marine Cohācjū cahī muhtahye. Sa yena mari gūhū tiquirore cahīaja. ²⁰ Ihcāquiore “Cohācjūre cahīaja”, nidiquiro ijieperota apequirore ihñana tuhtiro, ni mehoriquiro iji tiquiro. Tiquiro ihñariquirore cahīedaro, Cohācjūre tiquiro ihñeniquiro gūhure cahī masiedare tiquiro. ²¹ Sa yero ahri iji marine Cristo tiquiro dutiriro: Cohācjūre cahīna, mūsa cahapū ijiequina gūhure cahīhna.

5

Cohācjū pohne ahri yehpa cjē ñañene ye duerare

¹ Ijipihitequina Jesure “Cristo iji. Cohācjū ohoriquiro iji”, niñequina, Cohācjū pohne iji. Apequina pacūnore cahīna, tiquiro pohne gūhure cahīaja mari. Sata Cohācjūre cahīna, tiquiro pohne gūhure cahīaja mari. ² Cohācjūre cahīna, tiquiro dutiyere quehnoano yena, tiquiro pohne gūhure mari cahīna niaja. ³⁻⁴ Tiquiro dutiyere yena Cohācjūre cahīna niaja. Marine Cohācjū dutiyere yegū mijoedare. Mari ijipihitina Cohācjū pohna ijina, ñañene cahmedaja mari. Sa ye marine tiquiro dutiyere yegū mijoedare. Cohācjūre wacū tutuana ñañene cahmedaja. Sa yena tiquirore mari wacū tutuari bato ñano ye dueraja. ⁵ Ñañene cahmedana ohō saha nina ijiaja mari: “Jesu Cohācjū macūno iji”, nina ñañene cahmedaja mari.

Cohācjū macūnore yahuahye Ñu

⁶ Jesucristo ahri yehpapū tiquiro ahtagū tiquirore Ñu aco mehna wame yerire masina, curusapū tiquiro dii cohāri gūhure masina, Cohācjū macūno tiquiro ijijere masiaja mari. Tiquiro wame yeri dihita Cohācjū macūno tiquiro ijijere marine masigū yerare. Tiquiro dii cohāri gūhū marine tire masigū yere. Espiritu Santo “Ahri ijirota iji”, ni yahure marine. Tiquiro poto ni yahuriquiro iji. [⁷ Sa ye Jesu Cohācjū macūno tiquiro ijijere uhmuse cjēna yahuyequina ihtiaro iji: Mari Pacū, tiquiro macūno Jesu, Espiritu Santo mehna “Jesu potota Cohācjū macūno iji”, niñequina iji tiquina. Tiquina ihtiaro ijiepetā ihcāno mehna yahure tiquina Jesure.] ⁸ Jesu Cohācjū macūno tiquiro ijijere ahri yehpapū ihtiaro yahure: Cohācjū macūno tiquiro ijijere Espiritu Santo pehe marine yahure. Sa yena Jesure aco mehna tiquiro wame yeri gūhure masina, Cohācjū macūno tiquiro ijijere masiaja mari. Sa yena mari ye

ijiatire tiqairo yariarire tiqairo dii cohãrre masina, Cohãcjũ macũno tiqairo ijijere masiaja mari. Sa ye ti ihtiaro ihcãno mehna marine masigũ yere Cohãcjũ macũno Jesu ijijere.

⁹ Masa tiqaina yahuyere tuhona “Ijirota ijire”, niaja mari. Sa niepenata mari Pacũ tiqairo macũnore yahugũ masa tiqaina yahuye yũhdũoro tiqairo pehere tuhoro cahmene marine. Cohãcjũ waro tiqairo ijigũ tiqairo yahuyere tuhoro cahmene marine. ¹⁰ Sa ye ijipihiteyequina Cohãcjũ macũnore wacũ tutuayequina Jesure yahuri buheyere quehnoano tuhore. “Queorota ijire”, ni tuhore tiqaina Jesure yahuri buheyere. Cohãcjũ macũnore tiqairo yahurire tuhoreiquiro “Cohãcjũ ni mehoriqairo ijire”, nidiquiro ijire tiqairo. ¹¹ Cohãcjũ marine ijipihiteye decori tiqairo mehna sa ijiducugũ yerota. Cohãcjũ macũno yequina mari ijigũ tiqairo mehna sa ijiducugũ yerota marine. Ahri ijire Cohãcjũ marine tiqairo yahuye. ¹² Cohãcjũ macũno yequina ijije tiqairo mehna sa ijiducuetã. Sa ye apeqũna pehe tiqairore cahmeeñequina tiqairo mehna sa ijiducusi.

Ñu yahu oja bato tiahye

¹³ Mũsa Cohãcjũ macũnore wacũ tutuana Cohãcjũ mehna sa ijiducunata. Tire mũsa masiatire mũsare yahu oja niaja.

¹⁴ Cohãcjũ tiqairo cahmediro sahata mari tiqairore dahse ijijere mari sinigũ tiqairo marine quehnoano tuhoro. Sa mari sina “Potota quehnoano tuhore tiqairo”, ni masiaja mari. ¹⁵ Tiquirore mari sinigũ, marine tuhore. Tiquiro sa tuhore masina, tiqairore mari sinino punota tiqairo ohoati gũhũre masiaja mari.

¹⁶ Mũsa acayũro tiqairo ñañene yegũ ihñana, ti ñañe Cohãcjũ pecapũ tiqairo waha dutiye ñañe ijieragũ, tiqairore sini basaya Cohãcjũre. Sa yero Cohãcjũ tiqairore yedohoro tiqairo mehna sa ijiducugũ yerota tiqairore. Cohãcjũ pecapũ tiqairo waha dutieyequina dihitare sini basaya mũsa. Apeye ñañe pehe Cohãcjũ pecapũ tiqairo waha dutiye ñañe waro ijire. Ihcãquiro ti ñañe warore tiqairo yegũ “Tiquirore sini basaya mũsa”, niedaja yũhũ. ¹⁷ Ijipihiteye ñañe yeye ñañe warota ijire, Cohãcjũ ihñagũ. Ti sa ijiepegũta apeye ñañe Cohãcjũ pecapũ tiqairo waha dutiye ñañe ijierare.

¹⁸ Cohãcjũ macũno Jesu pehe Cohãcjũ pohnene quehnoano ihña ihbore. Tiquiro sa ihña ihbogũ watĩno pehe Cohãcjũ pohnene ñano ye masiedare. Sa ye Cohãcjũ pohne pehe ne ñañene sa yeducerare. Ahrire mari masiaja.

¹⁹ Mari pehe Cohãcjũ yequina ijiaja. Watĩno pehe ahri yehpa cãna pũtoro ijire. Ahri gũhũre mari masiaja.

²⁰ Cohãcjũ macũno ahri yehpapũre ahtaro marine quehnoano masigũ yeri tiqairo. Tiquiro sa yegũ potota Cohãcjũ waroreta mari quehnoano masiaja. Ahri gũhũre mari masiaja. Cohãcjũ macũno Jesucristo yequina ijiaja mari. Sa yena potota Cohãcjũ waro mehna cãna ijina niaja mari. Ahriqairo yũhũ nidiquiro potota Cohãcjũ waro ijire. Sa yero tiqairo hũmũserũ sa ijiducugũ yeriqairo ijire.

²¹ Yũhũ pohna, “Cohãcjũ ijire”, tiqaina niñe queoyere ño peoracãhña.

2 San Juan

Jesucristo yere, potota apeqinare cahĩne gũhare yahuahye Ñu

¹⁻² Yũhũ bucu musare Cohãcjũ beserinare ahri pũre ojoa ohoaja. Jesucristo yere yuhtina ijiaja mari. Sa ye tiquiro buheye gũhũ mari mehna ijipihitiye decori sa ijiducurota. Sa yegũ potota musare cahĩaja yũhũ. Yũhũ dihita cahĩgu niedaja musare. Apequina Jesu yere masĩnequina tiquina gũhũ potota cahĩne musare. ³ Cohãcjũ mari Pacu, Jesucristo tiquiro macano gũhũ poto tiquina cahĩne mehna marine quehnoano yeeta. Sa ye marine paja ihñaeta. Sa yeye marine quehnoano ijigũ yeeta tiquina. Sata yeahro marine. Sa nigũ musare quehnoa dutiaja.

⁴ Mari Pacu marine tiquiro dutiriro sahata ihquẽquina musa mehna cjẽna tiquiro yere yuhtiyequina tiquina ijigũ masigu bucueaja yũhũ. ⁵ Yojoũpũre musare yũhũ dutiati wahma dutiro ijierare. Coã waropũre ahri dutiro marine duita ijiahye. Ohõ saha dutire marine. Mari mehna cjẽnare cahĩhna. ⁶ Tiquiro ye dutiyere ye pehona mari tiquirore cahĩaja. Sa yero coã waropũre musa tuhõriri sahata yojoũpũ gũhare ohõ saha dutire musare. Apeqinare sa cahĩducuya.

Peyequina ni mehoñequina ijire

⁷ Peyequina ni mehoñequina “Potota Jesucristo ahri yehpapũ masano paguta cuoriquiro ahtaerari jiri”, niñequina gũhũ ahri yehpa cjẽnare buheye wahari. Cristore ihña tuhtiriquiro ni mehoriquiro tiquina yero sahata ijire. ⁸ Quehnoano yeya musa. Cohãcjũ ye wapare musa quehnoano yeri wapare boeracãhña. Musa sa boeragũ Cohãcjũ quehnoa yuhũaro yerota musare.

⁹ Ijipihitiyequina Cristo yere yuhũducayequina, Cristo yere cohãñequina mari Pacu yequina ijierare. Sa ye Cristo yere ne duhueyequina Cohãcjũ mari Pacure, tiquiro macano gũhare masine tiquina. ¹⁰ Cristo ye buheyerere cahmedariquiro, apeye buheyerere buheriquiro musa cahapũ ahtagũ, tiquirore musa ya wũhũpũ sajã ta dutieracãhña. Tiquirore piti caeracãhña. ¹¹ Apeye buheyerere buheriquiro Cristo yere cahmedariquiro ñano yere. Sa yero tiquirore piti cariquiro pehe ñano yeriquirore yedohoro nine. Sa yena tiquirore piti caeracãhña.

Ñu yahu ojoa bato tiahye

¹² Peye musare yahu duepegata tire ojoa dueraja. Musare ihñagũ waha duaja. Musare ihñagũ musa mehna yahuducutja, mari quehnoano bucueatire.

¹³ Cohãcjũ beseriquina ohõpũ cahme-coañequina, musa mehna cjẽna musare quehnoa dutire.

3 San Juan

Ñu Gayo wame tiriqirore “Quehnoariqiro yahuahye Ñu ijiire”, niahye

¹ Yuhu bucu muhare Gayore potota yahu cahigure ahri pure ojoa ohoaja.

² Yuhu cahigu, Cohacjü mehna cju mahu ijigü masiaja yuhu. Tiquiro mehna mahu quehnoano ijiriro sahata mahu quehnoano yuhduatire, mahu pagu dohatiro marieno mahu ijiatire Cohacjüre sini basaja muhare.

³ Ihquëquina Jesu yequina yuhu caharu wihyie mahu ijiye tiyere yahuri yuhare. “Cristo cahmeno sahata potota yere Gayo”, ni yahuri tiquina yuhare. Tiquina sa ni yahugü tuhogu tutuaro bucuei yuhu. ⁴ Musa Jesu yere yuhu buherina tiquiro cahmeno sahata musa yegü tuhogu tutuaro bucueaja.

⁵ Yuhu cahigu, Jesu yequinare yedohogu quehnoano yeri mahu. Sa yegu Jesu yequinare mahu ihña masieñequina pehere yedohogu quehnoa yuhduaro yeri mahu. ⁶ Tiquina panoru mahu ihña masieñequina pehe Jesu yequina ohöru cahmecoañequinare usäre ohö saha ni yahuri: “Gayo usäre quehnoano cahine”, ni yahuri panoru mahu ihña masieñequina pehe. Came mahu ya macare tiquina yuhdu cägü ihñagu tiquinare quehnoano yedohoya Cohacjü tiquiro bucueatire. ⁷ Tiquina Jesu yere buhe tiniñe wahaye, Cohacjüre cahmeeñequinare yedohogü cahmedari. ⁸ Sa yena tiquinare Jesu yere buhe tiniñequinare yedohouhna mari. Tiquinare sa yedohona, tiquina yero saha mari gahu Cohacjüre yedohona niaja.

Diotrefe tiquiro ñañe yerire yahuahye Ñu

⁹ To cjëna Jesu yequinare ojoami. Yuhu sa ojoaepëgüta Diotrefe tiquiro basi tiquina puhtoro yero saha iji duaro, yuhare tuho duerari. ¹⁰ Musa caharu yuhu esari bato tiquiro yerire masare yahu pehoutja. Usäre ñano yahuducure tiquiro. Sa yero ni mehoñe peyariqiro ijiire tiquiro. Sa yero apeye ñañe gahure yere tiquiro. Jesu yequinare tiquiro yere buhe tiniñequinare tiquiro ya wuhare sajä dutierare. Sa yero apequina to cjëna Jesu yequina pehe buhe tiniñequinare tiquina sajä dutigü ihñano tiquiro pehe “Buhe tiniñequinare sajä dutieracähña musa ye wuhusepüre”, ni yahusäre tiquinare. “Musa ye wuhusepüre buhe tiniñequinare musa sajä dutiri buhiri mari Jesu yequina mari ya wuhusepüre mari cahmecoari wuhusepüre sajäedacähña musa pehe”, nine Diotrefe to cjëna Jesu yequinare.

¹¹ Yuhu cahigu, ñañequinare ihña cüedacähña. Quehnoano yeyequina pehere

ihña cüña. Quehnoañene yeyequina Cohacjü yequina ijiire. Ñañene yeyequina Cohacjüre masiedare.

Demetrio quehnoañene tiquiro yerire yahuahye Ñu

¹² Ijipihtiyequina quehnoano yahuducuri Demetriore. Sa ye tiquiro yerire ihñañe quehnoano tiquiro yeriquiro ijigü masine masa. Usä gahu tiquirore sata ni yahuaja. Sa yena usä yahuye pehere potota ijigü masine masa.

Yahu bato tiahye Ñu

¹³ Muhare peye yahu duami. Sa yahu duepeguta tire ojoaeraja. ¹⁴ Mehenogä bato muhare ihña duaja. Sa yena mari basi cahme yahuducunata.

¹⁵ Quehnoa dutiaja muhare. Mari mehna cjëna ohö cjëna Jesu yequina muhare quehnoa dutire. To cjëna mari mehna cjëna ijipihtiyequina quehnoahdo.

San Judas

Juda Jesu yequinare ojoa ohoahye

¹ Yuhū Juda Santiago bahū, Jesucristo cahācjū māsare Jesu yequinare ahri pūre ojoa ohoaja. Māsare mari Pacū Cohācjū beseahye. Sa yena tiqiro cahīne mehna quehnoano ijire mūsa. Sa yero Jesucristo yedohore māsare “Ŋañene yeari”, nino.
² Quehnoa dutiaja māsare. Cohācjū yedohoro mehna quehnoano ijiya mūsa. Sa yegū Cohācjūre paja ihña dutigū, māsare cahī dutigū sini basaja Cohācjūre yuhū.

Ni mehoñequina tiquina ye buheyere yahu dūcahye Juda

³ Cohācjū marine pecarū wahaborinare tiqiro yūhdūoye pehere tutuaro ojoa duami māsare, yuhū cahīnare. Sa ojoa duepegūta māsare yojorūre ni mehoñe buheyere cahme dutieragū māsare ojoaja. Sa yena Jesucristo ye buheye pehere tutuaro buheya mūsa. Ahri buheye pehe Jesu yequinare Cohācjū cūri buheye sa ijiducurota comesaro marieno.
⁴ Ihūcēquina masa ŋañequina wacūeno mehna mūsa caharū esari. Mūsa mehna ijiye tiquina ohō saha ni buhemene māsare: “Cohācjū yequina mūsa ijigū, tiqiro cahīne māsare. Sa yero numia mehna mūsa ŋano yegū tiqiro māsare ne buhiri dahresi”, ni buhemene tiquina. Sa ye mari pūhtorore ihcāqirota ijiriquirore Jesucristore “Cohācjū macūno ijierare”, ni buhemene tiquina. Ohō saha ni buheyequinare Cohācjū tiqiro buhiri dahreatire yahuahye panopūre. Tiqiro yere tiquina ojoari pūpū sata ni yahuahye.

⁵ Yojorūre māsare apeyere wacūgū ye duaja. Ahrire mūsa masiepegūta pari turi ahrire māsare wacūgū ye duaja. Cohācjū judio masare Egiptorū ijiyequinare tiqiro wiori bato tiquina mehna cjēnare tiqirore wacū tutueyequinare tiqiro wejēahye.

⁶ Sa yena mūsa apequina gūhūre wacūñā. Apequina angele pehe Cohācjū dutiyere ye duerahye. Sa ye tiquinare tiqiro iji duti cūrirorore tiquina iji duerahye. Sa ye tiquina ijimedirore duhu cāhye tiquina. Tiquina sa duhugū ihñano Cohācjū nahitianorū tiquinare peresu yeahye. Sa ye tiquina pihitiati deco pano come dari mehna dūhteriquina yero saha ijiducūeta. Sa yero pihitiati deco ijigū tiquinare buhiri dahrerota Cohācjū.

⁷ Sata yeahye apequina gūhū. Tiquina gūhūre wacūñā mūsa. Tiquina Sodoma wame tiri maca cjēna, Gomorra wame tiri maca cjēna ti macari caharū ijiye macari cjēna gūhū numia mehna ŋano yeahye. Sa

ye sijoro saha ye ye gūhūre ye, mūsa pehe tiquina basita tiquina pagūri mehna ŋano yeahye. Numia gūhū sata yeahye. Tiquina sa yeri buhiri Cohācjū tiquinare ujūa peho cāhye. Tiquinare ujūano Cohācjū ijipihiyequina tiqirore yūhdūdūcāriquinare tiqiro buhiri dahreatire masare ihñono niahye. Tiquinare tiqiro buhiri dahrereri peca ne yatisi.

⁸ Tiquina Cohācjū buhiri dahrenohriquina mūna yero saha yojorū gūhūre sata yeducure ni mehoñene buheyequina. Tiquina quehñequina yero saha ijiye, tiquina pagūri mehna ŋano yere. Sa ye Cohācjū dutiyere cahmedare tiquina. Sa ye tiquina yūhdūoro tutuayequinare tiquina pehe ŋano yahuducu cohtere. ⁹ Quehnoañequina angele pehe tutuayequina ijieperota sa ni yahuducuerare. Miguel wame tiriqiro angele pūhtoro pehe Moise pagūre cahmeno, watīno mehna cahme sehñā soahye. Tutua yūhdūariqiro ijieperota tiqiro “Watīno yūhdūoro yuhū pūrita tutuaja”, ni tūhotuerahye. Sa yero tiqiro esa tuhara watīnore ŋano yahuducuera, tiqirore tuhtierahye. Sa yero ohō saha niahye watīnore. “Cohācjūpū mūhūre tuhtiahro”, niahye Miguel watīnore. ¹⁰ Sa ye ahriquina ni mehoñequina pehe tiquina masieñequinare ŋano yahuducu cohtere. Sa ye wahiquina tūho masieñequina tiquina esa tuhara tiquina yero saha ni mehoñequina pehe yere. Sa ye yequina ijiye, pecarū wahaeta.

¹¹ Tiquinata ŋano yūhdūeta. Caī yeriro saha ŋano yeri tiquina. Sa ye Balāa tiqiro yeriro saha tiquina niñerere cahī wapata duaye, ni mehoñene buhere. Sa ye niñeru neatī dihitarē tūhotu, ti dihitarē yere. Sa ye Coré tiqiro pūhtorore cohā duariro saha tiquina gūhū tiqiro yero saha yere. Sa ye tiqiro yero saha tiquina gūhū pecarū wahaeta. ¹² Tiquina ni mehoñequina pehe mūsa cahme cahīati bose decorire ihyaye, ŋo peoro marieno tiquina cahmena saha apere. Sa ye tiquina sehsarota ihyayere bore apequinare ohoro marieno. Wete yero saha tiquina mūsa bose decorire quehnoañē decori ijiborirore dojemehne cohtere.

Ehmeo cururi acoro marieñe cururi ti dūhseati ijieraro saha tiquina ni mehoñequina ne dūhseatiquina ijierare. Sa ye ehmeo cururi wihnono wēdoqueoye cururi ti sa comesaducuro saha tiquina ni mehoñequina gūhū ihcāno saha yahuducueraye, sa comesaducure.

Sa ye, dūca tiri pje ijigū dūca marieñe cū yero saha ijire tiquina. Ti cū pūa taharū yariaa wahare. Ihcā taha dūca tieye cū, yariae cū yero saha waha tuhasare. Ti cūre tiquina duhari bato

pari turi yariaa wahare tja. Ti cju yero saha ijyie dūhseatiquna ijierare tiquna ni mehoñequna.

¹³ Sa ye pajiri ma cjē pahcōri bujaye pahcōri yero saha ijire tiquna. Ti pahcōri quē ohōgā, wete bujaye sahpori wahare. Dūhse ijyiere tiquna ni mehoñequna tiquna yegā pahcōri cjē sahpori wete bujaye sahpori ti waharo saha ni mehoñequna tiquna ñano yeye ijire.

Sa ye asi maa cāe paca ñahpicoha paca yero saha ijire tiquna. Sa yeye ñahpicoha paca nahitianopu ti waharo saha tiquna gāhu ñanopu wahaeta. Sa ye topure sa ijiducua tiquna ni mehoñequna.

¹⁴⁻¹⁵ Enoco panopu cjāno Adán panamino jji turiariquiro seis cururi bato masa bajuariquiro ohō saha niahye. Tiqunare ni mehoñequnare ohō saha niahye: “Tuhoya yuhare. Cohācjū peyequina tiquiro yequina angele quehnoañequna mehna ijipihitiyequina ñañequnare tiquna ñañe buhiri buhiri dahrero ahtarota. Sa yero ijipihitiyequina Cohācjūre ihña tuhtiyequnare tiquna ñañe yeri buhiri tiqunare buhiri dahre dutiro ahtarota Cohācjū. Sa yero Cohācjūre ñano tiquna yahuducuri buhiri gāhure tiqunare buhiri dahre dutiro ahtarota”, niahye Enoco. ¹⁶ Tiquina ni mehoñequna unureducuyequina, apequinare yahu wajayequina tiquna ñano wacūñe dihitare yere tiquna. Sa ye “Apequinare masi yuhdūducaja usā”, niducure tiquna. Sa ye tiquna cahmeno saha ye duaye, apee borore ehma duaye, tuhoro quehnoanoputa yahuducure masare.

Jesu yequinare yahu nemoahye juda

¹⁷ Mari puhtoro Jesucristo buhe duti tiquiro cūriquina tiquna buherire wacūña masa, yahu cahina. ¹⁸ Ohō saha nidi tiquna masare. “Ahri yehpa pihtiato panogā Cohācjūre ñano yahuducu bujapeyequina ijieta. Sa ye tiquna Cohācjūre cahmedaye, ñañene tiquna tutuaro cahmeñene yeeta tiquna”, ni yahuri Jesu cūriquina masare. ¹⁹ Jesu yequinare tiquna basi tiquna cahme ihña tuhtigā yere tiquna ni mehoñequna pehe. Sa ye tiquna ñañequna ahri yehpa cjēna ijyie, Espiritu Santore ne cuerare tiquna. Sa ye tiquna ñañene tutuaro cahmeñe dihitare yere tiquna.

²⁰ Mūsa pehe yahu cahina, Jesucristo ye buheyere quehnoano tūho nemoña, quehnoano wacū tutuana mūsa ijiro quehnoano. Ti buheye pehe quehnoa yuhdūare. Espiritu Santo yedohoye mehna Cohācjū mehna yahuducuya mūsa. ²¹ Quehnoañene yeya mūsa Cohācjū masare tiquiro cahñene mūsa masino quehnoano. Sa yena Jesucristo mehna

mūsa sa ijiducuatire cohteya. Tiquiro marine paja ihñano ahmūsepu sa ijiducugū yerota.

²² Cristo yere tūho duera cjūñequnare paja ihñaña. Sa yena tiqunare buhe, masigā yeya. ²³ Tiqunare pecapu wahaboriqunare Cohācjūre yuhdūogū yeya mūsa. Sa yena apequinare paja ihñaña mūsa. Tiqunare yedohona mūsa gāhu tiquna ñañe yeyere ihña cūedacāhña. Wete tiri suhtirore mūsa yabiro saha, apequina tiquna ñañe yeyere yabiya, “Tiquina ñañe yeyere pihari”, nina.

Juda Cohācjūre tiquiro ño peoye ijire

²⁴⁻²⁵ Cohācjū mari puhtoro marine ihña ihbo masine “Ñañene yeari”, nino. Sa yero tiquiro marine ñañe buhiri marienare ahmūsepu tiquiro cahapu cū masine. Sa marine topu tiquiro cūgū mari bucuenata. Tiquiro Cohācjū ihcāquirola ijire. Apequiro mariedare. Sa yero marine pecapu wahaborinare yuhdūoriquiro ijire tiquiro. Tiquiro pehe panopu, yojopure, ijipihitiye decori gāhure quehnoa yuhdūariquiro, mari puhtoro, tutua yuhdūariquiro, ijipihitiyequinare dutiriquiro ijire. Tiquiro sa ijigū mari puhtoro Jesucristo yedohoro mehna tiquirore ño peouhna. Sata yeihna.

Apocalipsis

Camepare ahri deco dūhse wahatire marine masigū yeahye Jesucristo

¹ Ahri pūpu Jesucristo marine tiquiro masigū yerire yahu ojoagu niája. Mari Pacu pehe tire yahu dutiro cūahye tiquirore, tiquiro yequinare tiquiro cahacjēnare masigū ye dutiro. Sa yero mianota dūhse wahatire masigū yeri tiquiro. Mehenogā dūhsatjiāno nine sa wahato. Jesucristore tiquiro sa cūgū tiquiro pehe angelre tire yūhure ņure yahu dutiro ohori. ² Sa yegu yūhu ņu ijiphiytyere yūhu ihñarire yahu ojoagu niája. Cohācjū ye yahuducuyere Jesucristo ye buheyer yahu ojoagu niája.

³ Ahri pūpu camepare dūhse wahatire yahu ojoagu niája. Mehenogā dūhsatjiāno nine ahri ijiphiytye sa wahato. Sa ye ijiphiytyequina ahri pūre buheyequina, yūhu yahūre quehnoano tūhoyequina ahri pū nidiro saha yeyequina bucyequina ijjeta.

Siete cururi cjēnare Jesu yequina cahme-coañequinare ojoa ohoahye ņu

⁴ Yūhu, ņu mūsare siete cururi cjānare Jesu yequinare Asia yehpa cjānare ojoa ohoaja: Cohācjū tiquiro cahñe mehna mūsare quehnoa dutiaja. Sa yena tiquiro yedohoye mehna quehnoano ijiya mūsa. Tiquiro panopūta sa ijiducuriquiro ijje tiahye. Yojoṛpu gūhure sa ijiducure. Cameṛpu ahtarota. Tiquiro pūhtoro dujiro potō ijieyequina sietē pagū bajueyequina ijire. Tiquina cahñe mehna mūsare quehnoa dutiaja tja. ⁵ Cristo tiquiro cahñe mehna mūsare quehnoa dutiaja tja. Cohācjū yere ni mehono marieno yahuriquiro ijire tiquiro. Sa yero tiquiro yariari bato tiquiro masa mūjari bato ne pari turi yariasi tiquiro. Sa yero ijiphiytyequina ahri yehpa cjēna pūhtoa tiquina bui pūhtoro ijire tiquiro. Marine cahñno tiquiro dii cohāri mehna mari ñañene coseri tiquiro. ⁶ Sa cosero marine pūhtoa sōri tiquiro. Marine pahia wahagū yeri tja. Cohācjū mari Pacu tiquiro yere yeatiquinare marine sa sōri tiquiro. Ijiphiytye decori “Tutuagu ijire mūhu”, ni ño peoducuetā ijiphiytyequina tiquirore. Ijiphiytyequina pūhtoro sa ijiducure tiquiro. Sata ijiāhro.

⁷ Quehnoano wacū masi cohteya mūsa. Ehmeo cururi watoa dijia tarota Cristo. Tiquiro sa ahtagū ihñæta ijiphiytyequina. Tiquirore quē biha wejēdiquina gūhu tiquirore ihñæta. Sa ye tiquiro ahtagū ihñæne ahri yehpa cjēna ijiphiytye cururi cjēna tutuaro utieta. Sata utiahro.

⁸ Ohō saha nine mari pūhtoro Cohācjū: “Yūhu ijiphiytyere bajumehnedigu ijiaja. Sa

yegu ijiphiytyere pihitigū yeacjū ijiaja. Tutua yūhdūdcagū ijiaja yūhu. Panopū gūhure sa ijiducue tii. Yojoṛpu gūhure sa ijiducujaja. Came ahtaṭja”, nine Cohācjū.

Cristore asi siteriquirore tiquiro ihñarire yahuahye ņu

⁹ Yūhu ņu mūsa acayū Jesu yaquiro ijiaja. Sa yegu mūsa yero saha yūhu gūhu Jesu yere yūhu yeri buhiri ñano yūhdū. Sa yegu mūsa yero saha yūhure tiquina sa ñano yepegūta Jesu yedohoye mehna Jesure cohāedu. Mari ihcāno saha tiquiro pūhtoro ijiro cjāna ijiana ijiaja mari. Ya dihta cjēna tiquina cohārigū ijigu Patmo wame tiri mūcōṛpu ijiaja. Cohācjū yere, Jesucristo tiquiro buheri gūhure apequinare yūhu buheri buhiri ohōṛp tiquina cohārigū ijiaja. ¹⁰ Ohōṛp yūhu ijigū ihcā deco domingo ijigū Espiritu Santo yūhure quehēnopū ihñono nidi. Tiquiro sa ihñogū yūhu behero peheṛp tutuaro yahuducuro ca tari. Corneta tutuaro bisiro saha tutuaro bisiro ca tari tiquiro yahuducuye. ¹¹ Ohō saha nino ca tari yūhu tūhogu:

—Yūhu ijiphiytyere bajumehnedigu ijiaja. Sa yegu ijiphiytyere pihitigū yeacjū ijiaja. Yojoṛpu mūhu ihñatire ojoati pūpu ojoa ohōña. Mūhu sa ojoa ohōri bato sietē cururi cjēnare Cohācjū yequinare ohoya ti pūre. Tiquina siete cururi Asia dihtapū ijieye macari cjēna ijire. Efeso cjēnare, Esmirna cjēnare, Pérgamo cjēnare, Tiatira cjēnare, Sardis cjēnare, Filadelfia cjēnare, Laodicea cjēnare mūhu ihñatire ojoa ohoya, nino ca tari yūhure.

¹² Tiquiro sa nigū tūhogu majaredūcayū yūhure yahuducuriquirore ihñagū tūhu. Sa majaredūcagū siete sihñe pacare tiquina duhu peoye cjāre uru mehna tiquina yeri cjāre ihñau. ¹³ Ti cjū watoa ducuriquirore masuno yero saha bajuriquirore ihñau. Tiquiro yoari suhtiro dahpocāriṛp esari suhtirore sañariquiro ijiri. Sa yero uru mehna tiquina yeri cahsero mehna tiquiro cutiro bui tūā dihoriquiro ijiri. ¹⁴ Sa ye tiquiro poari buhsa cohori yero saha yehseri. Sa ye tiquiro caperi peca pohna yero saha asiri. ¹⁵ Sa ye tiquiro dahpocāri bronze wame tye come asiye come yero saha asi siteri. Broncere peca mehna tiquina quehnoano əjāa weri bato tire wahtere quehnoano asi pahā dutiye. Ti quehnoano wahtenohriro yero saha tiquiro dahpocāri quehnoano asi siteri. Sa yero tiquiro yahuducuye peo tutuaro cuari peo yero saha tutuaro bisiro ca tari. ¹⁶ Tiquiro omoca potō pehe siete ñahpicoha pacare cōri. Sa yero tiquiro dūseropū ñoseni pji pūa peheri siori pjiñe cuñuri. Sa yero asū deco cjāno tiquiro tutuaro asi sitero saha tiquiro wahdoa tutuaro asi siteri.

17 Sa yegu tiquiore ihñagu tiquiore dahpocāri cahapu doque quehe sau yariariquiore yero saha. Yuhu sa doque quehe sagū ihñano tiquiore poto pehe cja omoca mehna yuhare duhu peo ohō saha nidi:

—Cueracāhña. Yuhu ijipihiyere bajumehnedigu ijiaja. Sa yegu ijipihiyere pihitigū yeacju ijiaja. 18 Catigu ijiaja yuhu. Yariarigu ijimi. YojoPURE ihñaña. Ijipihiyere decori sa catiducugū ijiaja yuhu. Pari turi masagu masare pari turi yariaragū ye masiaja yuhu. Sa yegu masare yariariquina tiquina ijiropū wahaeragū ye masiaja yuhu. 19 Sa yegu yojoPURE wahatire ihñagu, ojoa ohōña. Camerū dahse wahati gūhure ihñagu ojoa ohōña mūhu. 20 Ahri siete ñahpicoha pacare yuhu poto pehe yuhu cuoye pacare yahutja mūhure. Sa yegu siete sihāñe pacare tiquina duhu peoye cju uru cju gūhure yahutja. Ohō saha ijiye yahuyere panorū cjena masare ne yahuera tii. Ohō saha ijire ti: Siete ñahpicoha paca siete cururi cjena yeequina puhtoa ijiye nine, mari queoye mehna buhegū. Sa ye siete sihāñe pacare tiquina duhu peoye cju siete cururi cjena yeequina ijiye nine, mari queoye mehna buhegū, nidi yuhare.

2

Efeso cjenare Jesu yequinare ojoa oho basa dūca dutiahye Ñure

1 Sa ni tuhasa ohō saha ni nemori yuhare ojoa dutiriquiro:

—Efeso cjena yeequina, tiquina puhtoro gūhure ohō saha ni ojoa oho basaya mūhu: “Yuhu omoca poto pehe siete ñahpicoha pacare cuogu ijiaja. Sa yegu siete sihā do- coyē cju watoa tinigu ijiaja. Sa tinigu ijigu musare ohō saha ni yahuaja: 2 Ijipihiyere musa yerire masi pehoaja. Yee ijiatire musa tutuaro dahrarire, yuhare musa wacū tutua duhuerari gūhure quehnoano masiaja. Ñañe yeriquinare musa ihña yabigū gūhure masiaja. Sa yena ‘Jesu buhe dutiro tiquiore cūrina ijiaja’, nimediquinare queoro tiquina buheragū ihñana, ni mehoñequina tiquina ijigū masidi musa. 3 Yeere musa yeri buhiri musa ñano yuhdūperenata ihcāno sahari musa Efeso cjena. Sa yena yuhare ne duhuerari musa. 4 Sa quehnoano yena ijiepenata ihcānore queoro yerari musa. Ahri ijire ti: Yuhare musa quehnoano cahī mūhtariro saha yojoPURE yerare musa. 5 Yuhare musa cahī mūhtarire wacūña musa tja. YojoPURE yuhare musa cahēda cjurire wacūña. Sa yena musa ñañe yerire bujua witiya. Tire duhuya. Sa duhuna, yeere musa ye mūhtariro sahata yeya tja. Musa ñañe yerire musa duhueragū sojaro mehna sihāriare yuhu duhu peodu musa ya dūre

yuhu dapodure ne cohāntja. (Sa nigū ohō saha ni yahugu niaja musare. Musa to cjena yuhare cohāboaga. Sa cohāna to punota pihinatata musa ñañe yeere duhuerana.) 6 Yuhare cahēda cjūna ijiepenata ahrire quehnoano yeri musa: Nicolaita wame tiye- quinare ñañequinare ihña yabire musa. Yuhu gūhu tiquinare ihña yabiaja. 7 Cahmo tina ijire musa. Sa yena musa ye cururi cjenare yeequinare Espiritu Santo tiquiore yahurire tuhoya musa. Ohō saha nine tiquiore: ‘Ijipihiyequinare Jesure wacū tutua duhueyequinare Cohācjū ya wese paraíso wame tiro cjadu dūcare ihya dutiitja. Tu dūca catigū yeere ijire’, nine Espiritu Santo”, ni yahu ojoa oho basaya Efeso cjena yeequinare, tiquina puhtoro gūhure.

Esmirna cjenare Jesu yequinare ojoa oho basa dutiahye Ñure

8 ‘Esmirna cjena yeequinare, tiquina puhtoro gūhure ohō saha ni ojoa oho basaya mūhu: “Yuhu ijipihiyere bajumehnedigu ijiaja. Sa yegu ijipihiyere pihitigū yeacju ijiaja. Yariaa waha. Pari turi catiaja tja. Sa yegu ohō saha ni yahuaja musare: 9 Musa ñano yuhdarire masiaja. Pejecuona musa ijigū gūhure masiaja. Sa ijiepenata Cohācjū yere quehnoañene pajiro cuore musa. Apequina pehe ‘Judio masa ijiaja’, nimediquina ni mehonēquina ijire. Tiquina musare ñano quitī yerire masiaja. Tiquina Satana yequina ijire. 10 YojoPURE musa ñano yuhduatire cueracāhña. Tuhoya musa. Watino musare Cohācjūre duhu dutiro ihquēquina musa mehna cjenare peresu ye dutirota. Pua omope decori waro ñano yuhdūnata musa. Tiquina sa ñano yegū musare tiquina sa wejē duepegāta yuhare, yee gūhure cohāedacāhña. Musa sa yuhare cohāedagū ihñagu ijipihiyere decori Cohācjū cahapu musare sa ijiducugū yeitja. 11 Cahmo tina ijire musa. Sa yena musa ye cururi cjenare yeequinare Espiritu Santo yahurire tuhoya musa. Ohō saha nine tiquiore: ‘Ijipihiyequina Jesure wacū tutua duhueyequina pecapu wahasi. Tiquina yariari bato pecapu wahasi’, nine Espiritu Santo”, ni ojoa oho basaya Esmirna cjena yeequinare, tiquina puhtoro gūhure.

Pérgamo cjenare Jesu yequinare ojoa oho basa dutiahye Ñure

12 ‘Pérgamo cjena yeequinare, tiquina puhtoro gūhure ohō saha ni ojoa oho basaya mūhu: “Yuhu ñoseni pjī pua peheri siori pjīne cuogu ijiaja. Musare ohō saha ni yahutja: 13 Musa yerire, musa ya maca cjena tiquina yeri gūhure masiaja. To cjena puhtoro Satana ijire. To cjena Satanare ño peoyequina Antipare yeere quehnoano yahuriquirore wejēdi. Tiquiore tiquina sa wejēgū ihñāepenata yuhare ne wacū

tutua duhuerari m̄sa. ¹⁴ M̄sa sa wac̄ũ tutua duhuerapenata mehenog̃a yuh̄are yuh̄dud̄acari m̄sa. Ihq̄equina m̄sa mehna c̄j̄ena Bal̄aa ye buheyere cahmene. Panop̄u Balac wame tiriq̄uero p̄h̄torore oh̄o saha ni buhee tiri Bal̄aa pehe: 'Israe masare yuh̄dud̄aca duana "Coh̄ac̄j̄ũ ijire", m̄sa niñe queoyere ño peo m̄sa duhu peo ihyayere ihya dutiya tiquinare. Sa yena numia mehna ñano yeḡũ yeya tiquinare', ni buhee tiri Bal̄aa m̄n̄ano. Panop̄u tiq̄uero yeriro saha vojop̄u ḡuh̄are ñano yeḡũ yere ihq̄equina m̄sa mehna c̄j̄ena apeq̄uinare. ¹⁵ Sa ye tiquina yero saha apeq̄uina m̄sa mehna c̄j̄ena Nicolaita wame tiyequina ye buheye pehere cahmene. ¹⁶ Sa yena m̄sa ñañe yerire duhuya m̄sa. M̄sa sa duhueraḡũ ih̄ñaḡũ sojoro mehna m̄sa cahap̄u wahaḡũ, sa ñano yeequina mehna cahmequeitja yuh̄ũ d̄userop̄u ijiri p̄j̄i ñoseni p̄j̄i mehna. ¹⁷ Cahmo tina ijire m̄sa. Sa yena m̄sa ye cururi c̄j̄enare yeequinare Esp̄ritu Santo tiq̄uero yahurire t̄h̄oya m̄sa. Oh̄o saha nine tiq̄uero: 'Ijip̄ihtiequinare Jesure wac̄ũ tutua duhuyequinare man̄a wame tiye ihyayere uhm̄use c̄j̄e ihyayere ohoutja. Yehseye ut̄a paca ḡuh̄are ohoutja tiquinare. Ti ut̄a pacap̄are wahma wamene yuh̄ũ ojoo oh̄oti ut̄a paca ijirota. Apeq̄uina ti wamene ne masisi. Ti ut̄a pacare neñequina dihita ti wamene masieta', nine Esp̄ritu Santo", ni ojoo oho basaya P̄rgamo c̄j̄ena yeequinare, tiquina p̄h̄toro ḡuh̄are.

Tiatira c̄j̄enare Jesu yequinare ojoo oho basa dutiahye Ñure

¹⁸ "Tiatira c̄j̄ena yeequinare, tiquina p̄h̄toro ḡuh̄are oh̄o saha ni ojoo oho basaya m̄hu: "Yuh̄ũ Coh̄ac̄j̄ũ mac̄u yuh̄ũ caperi peca pohna yero saha asire. Sa ye yuh̄ũ dahpoc̄ari bronce wame tiye come tiquina wahteri come yero saha asi sitere. M̄sare oh̄o saha ni yahuaja.

¹⁹ M̄sa yerire masiaja yuh̄ũ. Coh̄ac̄j̄ure, apeq̄uina ḡuh̄are m̄sa cah̄idire, yuh̄are m̄sa coh̄aedarire, apeq̄uinare m̄sa yedo-horire, ñano yuh̄d̄epenata yuh̄are m̄sa duhuerarire masiaja. Coã warop̄u m̄sa yeriro yuh̄d̄oro vojop̄u pehere quehnoano ye nemoni nine m̄sa. Ti ḡuh̄are masiaja yuh̄ũ.

²⁰ M̄sa sa quehnoano yena ijiepenata oh̄o saha yuh̄are yuh̄dud̄acari m̄sa: Jezabe wame tiricoro 'Coh̄ac̄j̄ũ yere yahugo ijiaja', ni mehoricoro m̄sare ticoro ñano buheḡũ t̄h̄ona ticorore tuhtierari m̄sa. Ni meho buhero yeequinare yuh̄ũ cahac̄j̄enare numia mehna ñano yeḡũ yere. Sa yero 'Coh̄ac̄j̄ũ ijire', tiquina niñe queoyere apeq̄uina ño peo, tiquina duhu peoe tiri ihyayere. Ti ihyayere yeequinare ihya dutire ticoro.

²¹ Ticoro ñañene buj̄ua witiatiare cohtenimi. Yuh̄ũ sa cohtepeḡuta m̄m̄a mehna ticoro ñano yeyere duhu duerari. ²² Yuh̄are t̄h̄oya m̄sa. Ticorore dohatiḡũ yeitja. Ticoro mehna ñano yeriquina ḡuh̄are dohatiḡũ yeitja. Sa ye tiquina tutuaro ñano yuh̄d̄eta. Sata yeitja tiquinare ticoro mehna tiquina ñano yerire tiquina buj̄ua witiaraḡũ, tire tiquina duhueraḡũ. ²³ Sa yeḡũ ticoro pohnene wej̄eitja. Yuh̄ũ sa yeḡũ ih̄ñañe ijip̄ihtiequina yeequina yuh̄ũ quehnoano masiḡũ ijiḡũ masieta. Masa t̄h̄otuyere tiquina tutuaro cahmeñe ḡuh̄are masiaja. Yuh̄ũ sa masiñene masieta tiquina ticorore yuh̄ũ buhiri dahreḡũ ih̄ñañe. Ijip̄ihtina m̄sa ñañene yeri buhirire buhiri dahreitja m̄sare. Sa yeḡũ m̄sa quehnoañene yeri wapa pehere quehnoano yeitja m̄sare. ²⁴ Apeq̄uina m̄sa mehna c̄j̄ena Tiatira c̄j̄ena ticoro ye buheyere cahmedari. M̄sa pehe Satana ye buheyere 'Panop̄u tiq̄uero yahuerari jiri', tiquina niñe buheyere cahmedari m̄sa. Sa yeḡũ m̄sa pehere duti nemosi yuh̄ũ. ²⁵ Ahri dihitarre ye duti nemoutja m̄sare: M̄sa cahap̄u yuh̄ũ tojoo tato pano yuh̄ũ buheyere m̄sa masidire ne mehenoḡã duhuerac̄h̄ña. ²⁶⁻²⁷ Ijip̄ihtiequina ñañene duhuyequinare, yeere sa yeducuyequinare p̄h̄toa s̄outja. Yuh̄ũ Pac̄u yuh̄are tiq̄uero p̄h̄toro s̄oriro sahata m̄sa ḡuh̄are p̄h̄toa s̄outja. Ijip̄ihtie ye h̄epari c̄j̄ena bui p̄h̄toa s̄outja m̄sare. Sa p̄h̄toa saj̄ana, m̄sa docap̄u ijieyequinare ijip̄ihtie ye h̄epari c̄j̄enare tutuaro dutinara m̄sa. Dih̄i suturire mari yuc̄aḡũ mehna pohaḡũ duita wahtiro saha tiquina duita pihtia wahaeta. ²⁸ Sa yeḡũ m̄sare yeere ne duhuyequinare ñahpicoha bohrea m̄j̄a tariare ohoutja m̄sare. Sa yeḡũ m̄sa mehna ijitja yuh̄ũ.

²⁹ Cahmo tina ijire m̄sa. Sa yena m̄sa ye cururi c̄j̄enare yeequinare Esp̄ritu Santo tiq̄uero yahurire t̄h̄oya m̄sa", ni ojoo oho basaya Tiatira c̄j̄ena yeequinare, tiquina p̄h̄toro ḡuh̄are.

3

Sardis c̄j̄enare Jesu yequinare ojoo oho basa dutiahye Ñure

¹ 'Sardis c̄j̄ena yeequinare, tiquina p̄h̄toro ḡuh̄are oh̄o saha ni ojoo oho basaya m̄hu: "Yuh̄ũ siete pagu bajueyequinare Coh̄ac̄j̄ũ yequinare cuogu ijiaja. Sa yeḡũ siete ñahpicoha pacare cuogu ijiaja. M̄sare oh̄o saha ni yahuaja:

M̄sa yerire masiaja. Oh̄o saha ni t̄h̄otumene apeq̄uina m̄sare: 'Tiquina Coh̄ac̄j̄ũ yere quehnoano ye pehoyequina ijire', ni t̄h̄otumene m̄sare apeq̄uina. Tiquina sa ni t̄h̄otuepeḡuta Coh̄ac̄j̄ũ yere quehnoano yerare m̄sa. ² Sa yena

quehnoano yeya masa 'Ñañene yeari', nina. Cohācjū yere masa masidire quehnoano wacūña, 'Tiquiro yere duhuari', nina. Cohācjū ihñagū quehnoano ye pehoerare masa. ³ Sa yena yeere masa taho mħhtarire quehnoano wacūña masa. Sa wacūña yeere yeya. Masa ñañe yerire duhuya. Yuhu nino saha masa yeragū wacūeno mehna musare buhiri dahreitja. Yaqueriquiro wacūeno mehna tiquiro yaquero sajāriro saha musare wacūeno mehna buhiri dahreitja. ⁴ Ihquēquina masa mehna cjēna Sardis cjēna ñañene yeducuerare. Wete marieni suhtirore masa sañaboriro saha ti ñañe yeyere piha duerare masa. Sa quehnoana ijina, yehseri suhtiro sañana yuhu mehna ijinata masa pehe. ⁵ Ijipihtiequina yeere duhuyequina sata yehseye suhti sañaducuyequina ijieta. Sa yeye yuhu mehna sa ijiducuatiquina wamene tiquiro ojoa ohōri tjupe tiquina gūhu tiquina wamene ojoa ohōnhriquina ijieta. Tiquina wamene tiquiro ojoa ohōrire cosesi yuhu. Yuhu Pacu ihñonopu, angele gūhu tiquina ihñonopu yeequina masa ijjire yahutja tiquinare.

⁶ Cahmo tina ijire masa. Sa yena masa ye cururi cjēnare yeequinare Espiritu Santo tiquiro yahurire tahoja masa", ni ojoa oho basaya Sardis cjēna yeequinare, tiquina puhtoro gūhare.

Filadelfia cjēnare Jesu yeequinare ojoa oho basa dutiahye Ñure

⁷ 'Filadelfia cjēna yeequinare, tiquina puhtoro gūhare ohō saha ni ojoa oho basaya muhu: "Yuhu ñañe mariegū ijiaya. Poto yegu ijiaya. Davi manano panopu cjāno sawire tiquiro cuoboriro saha, masare tiquiro puhtoro ijiropu tiquiro pōoboriro saha yeitja yuhu. Sa yegu Cohācjū tiquiro puhtoro ijiropu sajātoe yuhu pōogū ne apequina tire biha masiadere. Yuhu bihagū ne apequina pōo masiadere.

⁸ Ijipihtie masa yeere masiaja yuhu. Wacū tutuera cjūna ijiepenata yuhu buheyere quehnoano tħhori masa. Sa yena yuhare, yee gūhare duhuerari masa. Sa yegu yeere cūu musare. Sa ye apequina 'Tire yeracāhña', ni cahmota masiadere musare. ⁹ Sa yegu ohō saha yeitja: Apequina masa caha ijiequina Satana yequina ijire. 'Judio masa ijiaya', niepeta judio masa waro ijierare. Tiquinare masa caha dusepe curi mehna quehe sa, musare ño peogū yeitja tiquinare. Yuhu sa yegu ihñañe musare yuhu cahñene masieta tiquina. ¹⁰ Musare yeere yuhu duhu dutieragū tħhona quehnoano yuhtiri masa. Masa sa yegu ihñagū ahri yehpa cjēna ijipihtiequina tiquina ñano yuhduati pje ijigū musare cahmotaatja. Ti pje ijipihtiequina tiquina ñano yuhduati pje ijirota. ¹¹ Mehenogā dħhsare ahri

yehpapu yuhu tojoa tato. Yeere masa masidire boeracāhña. Sa yena yuhare sa yuhtiducuya, masa quehnoano yeri wapare 'Boari', nina. ¹² Sa yegu yeere sa yeducuyequinare yuhu Pacu ya wahu cjēna ijiatiquinare cūtja tiquinare. Tiquiro ya wahu cjē botari ti yoari pje ijiducuro saha Cohācjū mehna ijiducugū yeitja tiquinare. Sa ye tiquina mehna cjēna sa ijiducuetā. Sa yegu Cohācjū wahu cjē botaripū yuhu ojoa ohōno saha tiquinare tiquina pagaripū ohō saha ni ojoa ohōutja: Cohācjū yuhu Pacu wamene, tiquiro ya maca wame gūhare ojoa ohōutja. Tiquiro ya maca wahma maca Jerusalē ijirota. Ti maca uhmasepū Cohācjū cahapū ahtari maca ijirota. Yuhu wahma wame cuoutja. Ti wame gūhare ojoa ohōutja tiquina pagaripū.

¹³ Cahmo tina ijire masa. Sa yena masa ye cururi cjēnare yeequinare Espiritu Santo yahurire tahoja masa", ni ojoa oho basaya Filadelfia cjēna yeequinare, tiquina puhtoro gūhare.

Laodicea cjēnare Jesu yeequinare ojoa oho basa dutiahye Ñure

¹⁴ 'Laodicea cjēna yeequinare, tiquina puhtoro gūhare ohō saha ni ojoa oho basaya muhu: "Yuhu poto yegu ijiaya. Sa yegu ni mehono marieno yuhu ihñarire, yuhu tħhore sa yahuducugū ijiaya. Ijipihtiyere mari Pacu tiquiro yerire ye basagū ijiaya yuhu.

¹⁵ Ijipihtie masa yerire masiaja yuhu. Yuhare wacū tutuana ijiepenata mehenogā wacū tutuana ijire masa. Ohō saha ijire ti: Aco yusueye aco asū mehna asi busuye aco yero saha ijire masa. Sata ijieye acore mari coaero saha yuhare wacū tutuera cjūna masa ijigū yuhu gūhu musare coaeraja. Yuhare masa quehnoano wacū tutuagū quehnoaboaga yuhare. Yuhare masa wacū tutueragū ñariboaga yuhare. Ti yuhduoro mehenogā wacū tuana masa ijigū ña yuhduare. ¹⁶ Masa sa ijigū ihñagū yabi yuhduaja yuhu. Ñañe acore yuhu sihco puti cohāno saha yuhare mehenogā wacū tutuayeequinare yabi yuhduaja yuhu. ¹⁷ Sa yena ohō saha ni tħhotumene masa: 'Ijipihtiyere cuoaja. Ne yabe dħsaerare marine', ni tħhotumene masa. Sa niepenata pejecuoyequina yero saha ijire masa. Sa yena suhti marieñequina bue tiro saha Cohācjū ihñonopu masa ñañe yerire bue tiana ijire masa. Sa yena caperi bajueyequina tiquina ihña duayerē tiquina masieno saha Cohācjū yere ne masiadere masa. ¹⁸ Masa sa yena ijigū ihñagū ohō saha ni yahutja musare: Uru warore masa dūro saha quehnoañene yuhu cuoyere ñeña masa. Musare yuhare wacū tutuagū yeitja. Sa yena potota Cohācjū ye mehna pajiro

cuonata. Sa yena yehseri suhtirore mäsä dü mäsä sañano saha yuhü dii cohäri mehna yuhü yariari mehna mäsä ñañe yerire cosenohrina ijija. Sa yena quehnoañe suhti sañañequina tiquina bue tiero saha mäsä ñañene cosenohrina ijina ne bue tisi mäsä gähü. Sa yena mäsä caperire mäsä aco tiri bato quehnoano masare caperi bajuro saha Cohäcjä yere quehnoano tuhoya, mäsä masino quehnoano.

¹⁹ Ijipihtiyequina yuhü cahññequinare yahuaia. Sa yegu yuhü cahññequina tiquina ijigä ihñagu, tiquina yuhtieragä tiquinare buhiri dahreaja, tiquinare yedohogu tuhü. Sa yena yee pehere tutuaro cahmeña. Sa yena ñañene duhuaya. ²⁰ Tuhoya yuhäre. Mäsä wuhäre bihari wuhäre yuhü esadaca yuhü säjä duaboriro saha mäsä mehna cjä iji duagu niaja. Yuhü sa ye duagä tuhona yuhäre mäsä mehna iji dutiya. Yeequina ijija. Mäsä sa ye dutigä mäsä mehna ijiitja. Sa yegu mari siho ihyaro saha mäsä mehna quehnoano ijiitja. Sa yena yuhü mehna cjäna ijinata mäsä. ²¹ Ñañene yuhü cohäri bato yuhü Pacu puhtoro tiquiuro dujiro caharu dujaja yuhü gähü dutigu tuhü. Sata mäsä gähü ñañene mäsä duhuri bato yuhü puhtoro dujiro caharu dujinata mäsä dutina tana. Masare yuhü caharu dujigä yeitja.

²² Cahmo tina ijire mäsä. Sa yena mäsä ye cururi cjenare yeequinare Espiritu Santo tiquiuro yahurire tuhoya mäsä”, ni oja oho basaya Laodicea cjäna yeequinare, tiquina puhtoro gähäre, nidi yuhäre oja dutiriquiuro.

4

Uhmusepu Cohäcjä caharu dusepe curi mehna quehe sa tiquina ño peoyere ihñahye Ñu

¹ Yuhäre tiquiuro sa ni yahuri bato uhmusepu pöori sopecahare ihñau. Pari turi corneta tutuaro bisiro saha tutuaro yahuducuye bisiro ca tari, yuhü tuhögü. Ohö saha nidi yuhü tuhögü.

—Ohöpu müja taya. Ahri yuhü yahuati camepure sijoro saha waharota. Sa wahreni mähäre ihñoutja. Yuhü nidiro sahata waharota, nino ca tari uhmusepu.

² Tiquiuro sa ni yahugata toru müja esagu Espiritu Santo tutuaye mehna ihñagu nii. Sa yegu puhtoro dujirore uhmusepu ihñau. Toru ihcäquiuro dujiri. ³ Sa yero quehnoano así siteriquiuro dujiri. Jaspe wame tiri utä yero saha, cornalina wame tiri utä yero saha quehnoano así siteriquiuro dujiri tiquiuro. Sa yero buheni da esmeralda yero saha así siteri da docapu dujiri tiquiuro. ⁴ Sa yero tiquiuro dujiro caharu veinticuatro dujiyere ihñau. Ti dujiye puhtoa ye dujiye

yuhü ihña muhtariquiore duji behtori. Ti dujiyepu veinticuatro Jesu yequina puhtoa dujiri. Yehseye suhti sañañequina ijiri. Sa ye puhtoa pesaye behtori uru behtorire pesariquina ijiri tiquina. ⁵ Yuhü ihña muhtariquiuro dujiropu miadoqueori. Sa yero sijoro saha ijiro bisiro ca tari. Uro gähü bisiro ca tari. Ti dujiro poto siete sihñe paca ijiri. Siete sihñe paca mehna tiquiuro queoye mehna buhegä Cohäcjä yequina siete pagu bajueyequina ijiri. ⁶ Sa yero tiquiuro dujiro poto pajiri ma yero saha vidrio yero saha, quehnoano aco sitiri ma yero saha ijiri.

Ti dujiro caharu pititiaro sijoro saha bajueyequina ijiri. Tiquina paguri paa pehe gähäre tiquina behero pehe pehe gähäre peye caperi tiyequina ijiri tiquina. ⁷ Yuhü ihña muhtariquiuro sijoro saha bajuriquiuro yairo sohäriquiuro yero saha bajuri. Tiquiuro bato ijiiriquiuro wecu yero saha bajuri. Tiquina bato ijiiriquiuro masino wuhdo saha wuhdoa tiriquiuro ijiri. Tiquina ihtiaro bato ijiiriquiuro cacu wäye duperire seö dujiiriquiuro yero saha bajuri. ⁸ Tiquiuro seis duperi wäye duperi tiriquiuro ijiri. Tiquiuro mehna cjäna gähü sa dihita wäye duperi tiri. Sa ye tiquina wäye duperi pua peheriputa peye caperi tiye duperi ijiri. Sa ye decoripe, ñaminipe sa basaducuye nidi. Ne basa duhuerari. Ohö saha ni basari:

Quehnoariquiuro, quehnoariquiuro, quehnoariquiuro, Cohäcjä mari puhtoro tutua yuhdäriquiuro ijire. Tiquiuro panoputa sa ijiducuahye. Yojopu gähäre sa ijiducure. Camepu ahtarota, ni basaducuye nidi.

⁹ Sa basaye tiquina pititiaro sijoro saha bajueyequina tiquiuro tutuayere basa peoye nidi. Sa ye tiquiore ijipihtiyere decori ijiducuriquiore ño peoye “Quehnoare”, niñe nidi. ¹⁰ Tiquina sa ye peogü ihñañe veinticuatro Jesu yequina puhtoa pehe puhtoro dujiropu dujiiriquiuro poto dusepe curi mehna quehe sa, tiquiore ño peori. Tiquiuro ijipihtiyere decori ijiducuriquiuro ijire. Sa ño peoye tiquina puhtoa pesaye behtorire tiquiuro dujiro caha doque peori. Sa doque peoye ohö saha nidi tiquina:

¹¹ Muhü Cohäcjä usä puhtoa waro ijire. Tutuagu, quehnoagu ijire muhu. Muhü usä ño peoguta ijigu nine. Muhäre sa ño peoducuro cahmene usäre. Ijipihtiyere bajumehnedigu ijire muhu. Muhü cahmedigü sahata ti ijipihtiyere bajumehneahye muhu, nidi tiquina Cohäcjäre, toru dujiiriquiore.

5

Ojoari püre torëdi tunure cordero gähäre

yahuahye Ñu

¹ Came topu dujiriqiro tiqiro omoca pota pehe tiqiro cœori pũre ojoari pũre ihña. Ti pũ pua peheri ojoari pũ tiqiro torēdi tunu ijiri. Sa yero siete piha ñeheñe mehna tiqiro piha ñehedi tunu ijiri. ² Sa yegu tutuariqiro angelre ihña. Tiquiro tutuaro yahuducuye mehna ohō saha ni yahuri:

—Ahri tunure piha ñeheñene quehnoariqiro dihita tahrē masine. ¿Diquiro pehe ijajari tahrēatiqiro? nidi tiqiro angel.

³ Sa nieperota tiquina ti tunure tahrēatiqirore bocaerari. Ti tunure tahrēatiqirore, quehnoariqirore bocaerari. Ëhmusepu, ahri yehparu, catiyequina watoapu, yaria tuhasariquina watoapu ne ti tunure ñeheñene tahrēatiqiro mariedari. Sa yero ti tunure buheatiquiro mariedari. ⁴ Sa yegu tahrēatiqirore, ti pũre buheatiquirore tiquina bocaeragū ihñagu tutuaro utii yuha.

⁵ Yuhū sa utigū ihñano ihcāqiro Jesu yequina pũtoa mehna cjana ohō saha nidi yuhare:

—Utieracāhña. Ti tunure ñeheñene ihcāqiro tahrē masine. Tiquiro Judā ya curua cjana tutuariqiro ijire. Tutuariqiro ijiro “Yairo sohāriqiro”, tiquina ni pisuriqiro ijire. Tiquiro pũhtoro Davi panamino iji turiariqiro ijire. Watñore yuhdūcariqiro ijire tiqiro. Sa yero tiqiro ti tunure siete ñeheñene tahrē masidiquiro ijire, nidi tiqiro yuhare.

⁶ Tiquiro sa nigū tãhogu pũhtoro dujiro pota cordero ducugū ihña. Pititiro sijo saha bajuequina, Jesu yequina pũtoa gāhu tiquina watoa ducuri cordero. Tiquiro tiquina wejēdiquiro mnanano saha bajuri. Siete sahari tiriqiro, siete caperi tiriqiro ijiri. Ti siete caperi mehna tiqiro queoye mehna buhegū Cohācjū yequina pagu bajueyehina siete bajueyehina yero saha ijire. Tiquina tiqiro yequina pagu bajueyehina ijipihitiro ahri yehparu Cohācjū ohoriquina ijiri. ⁷ Sa yero cordero pehe pũhtoro dujiro cahapu esaro, tiqiro pota pehe cœori tunure tã we nedi tiqirore.

⁸ Tiquiro sa tã we negū ihñañe cuatro sijo saha bajuequina, veinticuatro pũtoa gāhu cordero pota dusepe curi mehna quehe sa, tiqirore ño peori. Tiquina pũtoa ijipihitueyehina arpa wame tiye bua patēñene, uru pari gāhure cœori. Ti pari bueye ehme sitiye quehnoano wahpaye pose tiye pari ijiri. Ti ehme sitiye mehna tiqiro queoye mehna buhegū Cohācjū yequina tiqirore tiquina sini basari yero saha ijiri. ⁹⁻¹⁰ Sa tiqirore ño peoye ohō saha ni wahma basayere tiquina basa peori tiqirore: Mūhu tiquina wejēdigu ijire. Sa yegu mūhu

dii cohāri mehna usā ñañe yerire coseri mūhu Cohācjū yequina usāre iji dutigu. Sa yegu usāre ijipihitueyehina

cjanare, ijipihitueyehina yahuducuyere yahuducunare, ijipihitueyehina yehpari cjanare usāpe usāre ijipihitueyehina mūhare cahmena dihitarē usā ñañe yerire mūhu dii cohāri mehna cosere mūhu Cohācjū yequina usāre iji dutigu. Usāre ijipihitueyehina Cohācjū yequina ijiatinare cūri mūhu. Sa yegu pahia cūri mūhu usāre Cohācjū cahacjana usāre iji dutigu. Sa yegu peye yehpari cjana bui pũtoa sōri mūhu usāre. Sa yerigu ijigu mūhu ti tunure piha ñeheñene tahrēacju ijire mūhu, ni basa peori tiquina corderore.

¹¹ Pari turi ihñagu millones angele parire ihña. Pũhtoro dujirore pititiro sijo saha bajueyehina, veinticuatro pũtoare angele pehe tiqinare wahme dūca sari. Tiquina angele pari tutuaro tiquina sañuducu peogū ihña. ¹² Ohō saha ni tutuaro yahuducu peori tiquina:

Cordero tiquina wejēdigu mūhu ijipihitueyehina dutigu, ijipihitueyehina cœogu, masi pehogu, tutua yuhdūgu ijire mūhu. Masa tiquina ñañe buhiri tiquina wejēdigu mūhu ijigū ihñana sa ni ño peoaja mūhare. “Quehnoa yuhdūgu ijire”, ninatja mūhare. Mūhare quehnoano yahuducunatja, ni yahuducu peori angele pari.

¹³ Sa yegu apequina gāhure tiquina yahuducu peoye ca tagū tãhou. Ijipihitueyehina ãhmuse cjana, ahri yehpa cjana, catiyequina, yariariquina gāhu, pajiri ma cjana, ijipihitueyehina ijieyehina ohō saha ni yahuducu peoye ca tari:

Cohācjūre mūhu dujiropu dujigare, Cordero gāhure māsare pũanare quehnoano yahuducunatja. Māsare ño peonatja. “Quehnoa yuhdūna ijire. Tutua yuhdūna ijire”, nina, ijipihitueyehina decori sa niducunatja māsare, ni yahuducu peoye ca tari.

¹⁴ Sa ye tiquina pititiro sijo saha bajueyehina tiquina sa yahuducu peogū tãhoye “Sata ni yahuducu peoahro”, nidi. Sa ye Jesu yequina pũtoa pehe dusepe curi mehna quehe sa Cohācjūre, Cordero gāhure ño peori.

6*Papera tunure tiqiro nedi tunure piha ñeheñene tahrēne Cordero*

¹ Came papera tunure tiqiro nedi tunure Cordero piha ñehe mahtarire tahrēdi. Tiquiro sa tahrēgū ihña. Tiquiro sa tahrēdi bato ihcāqiro sijo saha bajueyehina mehna cjana, “Ihñana ahtaya”, nidi. Sa nino apo yero saha bisiri tiqiro.

² Tiqiro sa nidi bato ihñau yahu. Yehseriqiro caballore ihñau. Tiqiro bui pesariqiro bæedare caori. Tiqirore puhtoro pesari behtore ohori apeqiro pehe. Tiqiro sa ohori bato tiqiro pehe tiqirore ihña tuhtiequinare yuhducuro wahari.

³ Came ihcāno ñehenore tuhrē tuhasa Cordero apero ñehenore tuhrēdi tja. Tiqiro sa tuhrēdi bato apeqiro sijoro saha bajuequina mehna cjāno "Ihñana ahtaya", tiqiro nigū tūhou tja.

⁴ Sa yegu apeqiro caballore sohāriqirore ihñau tja. Tiqiro bui pesariqirore tutuayere ohori apeqiro pehe. Ahri yehpa cjēnare cahme wejē dutiatiqirore cūri tiqirore. Sa ye ijiphtiro cjēna cahme wejēta ahri yehparū. Sa yero pajiri pji ñoseni pjiñe ohori tiqirore.

⁵ Came puarore tuhrē tuhasa Cordero apero ñehenore tuhrēdi tja. Tiqiro sa yegu puaro tiquina yahuducuri bato apeqiro sijoro saha bajuequina mehna cjāno "Ihñana ahtaya", tiqiro nigū tūhou.

Tiqiro sa nidi bato ñiniqiro caballore ihñau. Tiqiro bui pesariqiro balanza nūcañe queorore caori. ⁶ Tiqirore yahu ihñari bato sijoro saha bajuequina watorū ohō saha bisiro ca tari:

—Ihcā deco dahrari wapa mehna trigore ihcā kilota dúeta masa. Ihcā deco dahrari wapa mehna cebada wame tiye pjerire ihtia kilota dúeta masa. Trigo, cebada gūhu pihntia waharota. Sa ye ti wapa bujinota. Sa ijiepegūta ihyaye dahreye uhse, vino gūhu peye ijininota, nino ca tari.

⁷ Came ihtiarore tuhrē tuhasa Cordero apero ñehenore tuhrēdi tja. Tiqiro sa tuhrēdi bato apeqiro sijoro saha bajuequina mehna cjāno iji bato tiriqiro "Ihñana ahtaya", nidi tja.

⁸ Tiqiro sa nigū tūhogū opoariqiro caballore ihñau. Tiqiro bui pesariqiro "Yariagū yeriqiro", wame tiri. Sa yero tiqiro bato ahtariqiro "Peca", wame tiri. Sa yero tiquinare tutuayere ohori apeqiro pehe. Ahri yehparūre deco mehna ijiequina docarū peyequina masare wejē dutiri. Cahme wejēne mehna, uñua ahbaye mehna, dohatiye mehna, wahiquina nūcari cjēna usuayequina mehna peyequina masare tiquina wejēatire cūri tiquinare.

⁹ Came pitiario ñehedire tuhrē tuhasa Cordero apero ñehenore tuhrēdi tja. Tiqiro sa tuhrēgū altar docarū Jesu yequinare tiquina wejēdiquina jeripohnarine ihñau. Cohācjū yere tiquina yahuri buhiri, "Jesu yequina ijiaja", tiquina ni yahuri buhiri tiquinare wejēdi jiri. ¹⁰ Tiquina sañuducure ohō saha nidi Cohācjūre:

—Mūhu usā puhto, ñañe mariegu, ni mehoñe mariegu, mūhu nidiro sahata yegu

ijire mūhu. ¿Ahri yehpa cjēnare, usāre wejēdiquinare dūhse ijigū buhiri dahreitjari mūhu? ni sañuducuri tiquina.

¹¹ Sa yero tiquinare yehseye suhti yoaye suhtire ohori. Tiquinare sa ohoro ohō saha nidi tiquinare:

—Sorñā. Apequina masa acaye Jesu yequina masa yeriro sahata yojopū gūhure quehnoañe buheyere buheniñe nine. Musare tiquina wejēdiro sahata tiquina gūhure tiquina wejē pehoato dūhsarñe. Sa yena tiquinare ijiphtiequinare tiquina wejēato pano mehenogā sorñā masa, nidi tiquinare.

¹² Came ihcā omope ñehedire tuhrē tuhasa Cordero apero ñehenore tuhrēdi tja. Tore tiqiro sa tuhrēgūta tutuaro yehpa ñuhmīdi. Sa yero asū deco cjāno ñiniqiro wahari. Ñini suhtiro yero saha ñiniqiro wahari. Sa yero asū ñami cjāno dii yero saha sohāriqiro wahari. ¹³ Sa ye ñahpicoha paca yehparū bora dijiaa wahari. Yucu dāca yahsayere wiñnono wē bure dijoro saha ñahpicoha paca bora dijiaa wahari. ¹⁴ Sa yero uhmuse butia wahari. Papera tunure mari torēgū bajuero saha bajuerari uhmuse. Sa ye ijiphtieye canū cju gūhu, nūcāpo gūhu ape siepū esaducari. ¹⁵ Sa wahagū ihñañe, ahri yehpa cjēna puhto canū cju cje utā wuhusepū duhtiri. Apequina puhto, surara puhto, doeri cje opana, tutuayequina, ijiphtiequina tiquina cahacjēna, cahacjēna ijieyequina gūhu topata duhtimedī. ¹⁶ Sa duhtieye, canū cjure, utā wuhuse gūhure ohō saha nidi:

—Usā bui bora pjeya. Usāre nūoña. Siquiro puhtorore, dujiropū dujiriqirore cue yuhduaja. Cordero usāre ñano buhiri dahrerota. Sa yena nūoña usāre. ¹⁷ Ijiphtiequinare tutuaro buhiri dahreati deco iji tuhasare. Sa ye ti buhiri dahreatire ne ihcāqiro duhtiriqiro ihcāno sahasi, nidi tiquina ijiphtiequina.

7

Israe masa pagurire Cohācjū tiqiro wame ña ohōatire yahuahye Ñu

¹ Came pitiario angelere ihñau. Tiquina ijiphtiropū wahari. Ihcāqiro nortepū waharo topū ahtari wiñnonore ahtaeragū yeri. Apeqiro surpū, apeqiro asū mūja taropū, apeqiro asū sajānopū wahaye, nortepū wahariqiro yero saha yeri tiquina gūhu. Sa yero ahri yehparū, pajiri marū gūhure ne wiñnono ahtaerari. Ne ihcādū yucūgure wiñnono ñuhmigū yerari. ² Sa yegu apeqiro angelre ihñau tja. Asū mūja taropū ahtaro nidi tiqiro. Cohācjū catiriqiro tiqiro wame ña ohōnore ne cāhtaro nidi tiqiro. Sa ne cāhtaro apequina pitiario angelere tiqiro sañuducuri. Tiquina angele pehe ahri yehpare, pajiri ma gūhure Cohācjū

tiqiroo ñano wahagü ye dutinohriquinapü ijiri. ³ Tiquinare sañuducuro ohõ saha nidi angel:

—Cohteniña. Cohäcju cahacjena tiquina wãdoa pacare tiqiroo wamene ohõna tana niaja. Usã sa ohõato pano ahri yehpare, pajiri mare, yucari gãhure ñano wahagü yeracãhña masa, nidi tiqiroo apequina pititiaro angelere.

⁴ Sa yero Cohäcju tiqiroo wame mehna tiquina wãdoa pacare tiquina ohõatiquinare “Ohõpequina ijire”, ni yahuri yahure ihcãqiro. Israe masa doce cururi cjëna ciento cuarenta y cuatro mil masa tiquina ohõatiquina ijirñohiti. ⁵ Ahriquina ijirñohiti tiquina ohõatiquina: Doce mil masa Judã panamena iji turiayequina tiquina ohõatiquina ijiri. Apequina doce mil masa Rubë panamena iji turiayequina tiquina ohõatiquina ijiri. Apequina doce mil masa Gad panamena iji turiayequina tiquina ohõatiquina ijiri. ⁶ Apequina doce mil masa Aser panamena iji turiayequina, apequina doce mil masa Neftalí panamena iji turiayequina, apequina doce mil masa Manase panamena iji turiayequina tiquina ohõatiquina ijiri. ⁷ Apequina doce mil masa Simeo panamena iji turiayequina, apequina doce mil masa Leví panamena iji turiayequina, apequina doce mil masa Isacãr panamena iji turiayequina tiquina ohõatiquina ijiri. ⁸ Apequina doce mil masa Zabulon panamena iji turiayequina, apequina doce mil masa José panamena iji turiayequina, apequina doce mil masa Benjami panamena iji turiayequina tiquina ohõatiquina ijiri. Topequinata ijipihtiyequina masa ciento cuarenta y cuatro mil tiqiroo wame mehna tiqiroo ohõatiquina ijiri.

Peyequina yehseye suhti sañañequinare yahuahye Ñu marine

⁹ Came peyequina masare ihña. Ijipihtiye yehpari cjënare, ijipihtiye cururi cjënare, ijipihtiye yahuducuyere yahuducuyequinare, ijipihtiye macari cjënare peyequinare Cristore cahmeñequina dihitare topu ducuyequinare ihña. Pãhtoro dujiro poto, Cordero caha ducuri tiquina masa. Peyequina masa ijiri. Sa ye queo pehoyequina ijerari. Yehseye suhti sañañequina ijiri tiquina. Sa ye iqui pohnarine cãori. ¹⁰ Sa ye tiquina ijipihtiyequina ohõ saha ni tutuaro sañuducuri:

Cohäcju ijire usãre yahduoriqiro. Tiquiro dujiropu dujiriqiro ijire. Cordero gãhu usãre yahduoriqiro ijire, ni sañuducuri tiquina.

¹¹ Sa ye ijipihtiyequina angele, Jesu yequina pãtoa gãhu, sijoro saha bajuyequina mehna pãhtoro dujiro cahapu ducuri. Sa

ducuye tiqiroo dujiro poto dasepe curi mehna quehe sa, Cohäcjure ño peori. ¹² Ohõ saha ni ño peori tiquina:

Sa tjire. Cohäcju usã pãhto, mãhure quehnoano yahuducuaja. Quehnoa yahduagü ijire mehna. Masi pehogü ijire mãhu. Mãhure “Quehnoare”, niaja. Mãhure ño peoaja. Tutua yahduagü ijire mãhu. Mãhu tutuaye mehna yerigü ijire mãhu. Sa ijiducugü ijire mãhu ijipihtiye decori. Sa tjire, ni ño peori tiquina.

¹³ Sa yero ihcãqiro Jesu yequina pãtoa mehna cjãno yahure sinituri:

—¿Ahriquina yehseye suhti sañañequinare masiajari mãhu? ¿Tiquina ahtarirore masiajari mãhu? ni sinituri yahure.

¹⁴ Tiquiro sa nigü tãhoga,

—Masiedaja, ni yãhtii.

—¿Noa ijiajari tiquina? ni sinituu tiqirore.

Yãhu sa nigü tãhoro ohõ saha nidi yahure:

—Ahriquina ña yahduaro yahduri deco ijigã ihcãno sahayequina ijire. Tiquina suhti cosenohriquina tiquina ijiro saha Cordero tiqiroo dii cohãno mehna tiquina ñañene cosenohriquina ijire. Sa ye quehnoano yehseye suhti sañañequina ijire.

¹⁵ Sa tiqiroo cosenohriquina ijiye Cohäcju dujiro poto tiqiroore sa ño peoducure. Decoripe, ñaminipe tiqiroore sa ño peoducure, pahia Cohäcju wãhãpu tiquina yeriro saha. Sa yero tiquina mehna sa ijiducuro, tiquinare yedohorota Cohäcju “Sijoro saha wahari”, nino. ¹⁶ Ne pari turi mãhu ahbasi tiquina. Sa ye ne aco wãosi tiquina. Ne asã doce cjãno asiye tiquina asiye peco. Tutuaro asiye tiquinare ñano yahduagü yesi. ¹⁷ Pãhtoro dujiro poto ducuriqiro Cordero tiquinare ihña ihborota. Ovejare ihña ihboriqiro yero saha tiquinare ihña ihborota. Sa yero mãri pohteripu catigü yeye mãri pohteripu tiquinare ahmu tã cãnota, ovejare ihña ihboriqiro tiqiro ahmu tã cãno saha. Sa yero sa bucueducugü yerota tiquinare. Sa ye ne pari turi utisi tiquina, nidi Jesu yequina pãtoa mehna cjãno yahure.

8

Seis papera tunurine tiquina piha ñehedire tãhrë tuhasaro aperore tãhrëhye tja Cordero

¹ Seis papera tunurine tiquina piha ñehedire tãhrë tuhasaro aperore tãhrëdi tja Cordero. Tiquiro sa tãhrë tuhasagü hora deco topu ahmusepu quehnoano dihta mariaa wahari. ² Sa yegü siete angelere

Cohācǵu poto ducuyequinare ihñau. Sa yero tiquinare siete cornetarire ohori apequiro. ³ Apequiro angel uru pare bueye ehme sitiye pose yeati pare caoriqiro altar cahapu esa, ducuri. Topu tiquiro ducugū peye ehme sitiye tiquirore ohori ijiptiyequina Cohācǵu yequina tiquirore tiquina sinidi mehna moreaire. Sa yero uru altarpu Cohācǵu dujiro caha ijiri altarpu ti ehme sitiye bueri Cohācǵure. ⁴ Sa ye angel tiquiro caori pa cǵe ehme sitiye altarpu tiquiro poho siteri bato ti ehme sitiye cǵe ohmeo Cohācǵu yequina tiquirore tiquina sinidi mehna mǵaja wahari. ⁵ Sa wahari bato altar cǵe nitine ti papu wehe sāa tuhasa, yehpapu doque cūri. Tiquiro sa doque cǵgāta mia sitedoqueo, tutuaro upo pari. Sa yero sijoro saha ijiro bisi maa, yehpa ñuhmi maari.

Cornetarire yahuahye Ñu

⁶ Came siete angele tiquinape tiquina cornetarire putie tee nidi.

⁷ Ihcāquiro angel tiquiro yariare puti mǵhāri. Tiquiro sa putigū aco paca yusaaye paca, peca mehna, dii mehna moreñe paca yehpapu doque dijiori. Sa doque dijiogāta yehpa uǵāa wahari. Ohō puno uǵāri: Ahri yehpa deco esaro taro yemehno uǵāa wahari. Sa yero to puno poseta yucari gāhu, taa gāhu uǵāa wahari.

⁸ Angel ihcāquiro tiquiro sa puti mǵhāri bato apequiro angel tiquiro yaria cornetarire putiri tǵa. Tiquiro sa putigū pajidu canu yero saha bajudu quehnoano uǵāducudu pajiri mapare waha maa ñojoaa wahari. Sa yero yehpa uǵāriro puno to punota pajiri ma dii ma dojoa wahari. ⁹ Sa ye pajiri ma cǵēna wahi deco mehna meheno esaboro yariaa wahari. Sa ye tope yucasari gāhu minia wahari pajiri mapare.

¹⁰ Puro angele tiquina putiri bato apequiro angel gāhu tiquiro yaria cornetarire putiri tǵa. Tiquiro sa putigū pajiria ñahpicoha, sihāria yero saha asiria yehpapu bora sa quehea wahari. Ahri yehpa cǵe māri deco mehna meheno esaboro tope māri bui bora sa quehea wahari ñahpicoha. Tope māri pohteri bui bora sa quehea wahari. ¹¹ Tope mārita suēne māri wahari. Sa wahagū peyequina masa ti māri cǵe acore sihñime, yariaa wahari. Tia ñahpicoha "Suēnia", wame tiri.

¹² Ihtiaro angele tiquina putiri bato apequiro angel gāhu tiquiro yaria cornetarire putiri tǵa. Tiquiro sa putigū asū deco cǵāno, ñami cǵāno gāhu deco mehna meheno esaboro dojoa wahari. Ñahpicoha pari gāhu deco mehna meheno esaboro tope pacata dojoa wahari. Tope paca umuse cǵe paca quehnoano buhrioterari. Decopu pititia hora waro asū deco cǵāno ne buhrioterari.

Ñamine pititia hora waro asū ñami cǵāno, ñahpicoha pari gāhu ne buhrioterari.

¹³ Came ihñadoque mǵou tǵa. Uhmusepu wuriquirore cacare ihñau. Sa yegu tiquiro sañuducugū tuhou. Ohō saha nidi tiquiro:

—Ña yuhduare. Ña yuhduare. Ihtiaro angele dahsari yojoru putiatiquina. Tiquina putiri bato ña yuhduaro waharota. Sa wahagū ahri yehpapu ijiyequina ña yuhduaro yuhdueta, nidi tiquiro.

9

¹ Came pitiaro angele tiquina putiri bato apequiro angel tiquiro yaria cornetarire putiri tǵa. Tiquiro sa putigū ñahpicoha yero saha ijiriquiro angel umusepu bora dijia tariquirore ihñau. Sa yero tiquirore uhcaāri cope cǵā sawire ohori. ² Sa yero tiquiro ti copere tiquiro pōogū peca ohmeo wijiari. Pajiri peca cǵe ohmeo yero sahā pajiro ohmeo wijiari ti copere. Sa wijiario ti ohmeo duita asū deco cǵānore, umuse gāhure butia wahagū yeri. ³ Sa ye ti ohmeo puhia pu ijiyequina poreroa yehpapu ahtari. Sa ye cutipa tiquina tutuaro purino saha tiquina gāhu tutuaro puridi. ⁴ Sa yero taare, yucarire, apeye oteyere ñano ye dutierari tiquinare. Masa dihitare ñano ye dutiri tiquinare. Cohācǵu wamene tiquina wāhdoa pacare ohōmehnequina dihitare ñano ye dutiri tiquinare poreroare. ⁵ Sa ñano ye dutieperota tiquinare weǵe dutierari. Tiquinare weǵe dutieraperota ihcā omope asūri waro tiquinare ñano purigū ye dutiri. Cutipa toaye tiquina purino saha purigū ye yequina ijiri poreroa gāhu. ⁶ Tiquinare tiquina sa purigū yegū masa yariaa duaeta. Tiquina sa yaria duepegūta tiquinare yaria dutisi.

⁷ Poreroa pehe caballoa yero saha bajuri. Tiquina cahme weǵēto pano caballoare tiquina suhti sāriri saha sa bajyequina ijiri tiquina poreroa gāhu. Tiquina dapu paca bui puhto pesaye behtori uru behtori yero saha bajuri. Tiquina wāhdoa paca masa yero saha bajuri. ⁸ Tiquina poari numia poari yero saha ijiri. Sa ye tiquina upiri yayia upiri yero saha ijiri. ⁹ Jeripohna cahmotari cahsero come cahsero yero saha bajuri tiquina cutiro. Sa ye tiquina wugū peyequina caballoa omañequina tiquina omano saha tiquina wugū bisiri. Caballoa tunuñe paca weyequina tiquina cahme weǵēnoru wahaye, tiquina bisiro saha bisiri poreroa wugū. ¹⁰ Sa ye cutipa picōno tiro saha, toaria tiquiro caoro saha ijiri tiquina poreroa. Sa ye tiquina toaye paca mehna toaye, ihcā omope asūri waro masare purigū yeri. ¹¹ Sa ye tiquina puhtoro tiyequina ijiri. Uhcāāri cope upuro ijiri tiquina puhtoro. Tiquiro angel ijiri. Hebreo ye mehna Abadōn wame tiri tiquiro. Griego ye mehna Apoliōn wame

tiri. (Apolión “Dojomehneniquiro” nino nine.)

¹² Poreroa masare ñano tiquina purigü yeri bato ahri tiquina ñano yuhdu mahtariro pihitia wahari. To bato pua taha pari turi ñano yuhdueta masa.

¹³ Came ihcä omopequina angele tiquina putiri bato apequiro angel tiquiro yaria cornetare putiri tja. Tiquiro sa putigü Cohäcjä caha ducuri altarpü uru altarpü yahuducuye bisi wijiario ca tari. Ti altar cjë sahari pititia saharopü yahuducuye bisi wijiario ca tari. ¹⁴ Sa yahuducuro cornetare putiri quiro angelre yahuri:

—Eufrates wame tiri ma pajiri mapü peresupü ijyeyequinare angelere wioya. Tiquina pititiario angele ijire, nino ca tari.

¹⁵ Sa nigü tuhoro angel pehe tiquinare pititiarore wiori, peyequina masare wejëatiquinare. Ahri cühmare, ahri asäre, ahri decore, ahri horare queero cohteyenidi tiquina pititiario angele. Tiquina cohteriro esa tuhasare. Sa ye wejëñe tee nine. Ijipihtiyequina deco esaboro caha masare wejëatiquina ijire. ¹⁶ Sa yegü tiquina yequina surarare “Ohöpequina ijire”, tiquina nigü tühou. Tiquina caballoa bui pesayequina ijiri. Doscientos millones surara ijiri.

¹⁷ Sa yegü caballoare tiquina bui pesayequina gühare ihñau. Sa ye caballoa bui pesayequina tiquina jeripohnarine cahmotaye suhti come suhti sohäñe suhti, yahsaye suhti, bojoyaye suhti ijiri. Sa ye caballoa tiquina dapu paca yayia sohäñequina yero saha bajuri. Tiquina duseripü peca, ohmeo, azufre wame tiye ohmeo gühu wijiari. ¹⁸ Sa ye caballoa duseripü wijiaye masare wejëdi. Ijipihtiyequina deco mehna meheno esaboro waro topequina masare wejëdi. Sa ye peca mehna, ohmeo mehna, azufre mehna peyequina masare wejëdi. ¹⁹ Tiquinare caballoa duseri mehna wejëdi. Sa ye caballoa picöri mehna wejëdi tja. Tiquina picöri sohtoapü añaa dapu paca yero saha bajuri. Sa ye tiquina picöri mehna ñano yeri tiquina masare.

²⁰ Peyequina masa yarieyequina tiquina wejë dühariquina pehe tiquina ñañe yerire ne duhuerari. Watñare ño peo duhuerari. “Cohäcjä ijire”, tiquina niñe queoye gühare ño peo duhuerari. Ti queoye uru mehna, plata mehna, bronce wame tiye come mehna, utä mehna, yucari mehna tiquina yeri queoye ijiri. Sa ye ti queoye pehe ihñedari. Tuhorerari. Tiniedari. ²¹ Peye ñañe gühare tiquina ne bujua witierari. Masare tiquina wejëdire, tiquina numia mehna tiquina ñano yerire, tiquina yacueri gühare ne bujua witierari tiquina. Sa ye masare ujuayequina yayia tiquina

yero saha yeye, ti gühare ne bujua witierari tiquina.

10

Meheni tunugäre papera tunugäre ne cähtahye angel

¹ Came apequiro tutuariquiro angel ahmasepü tiquiro dijia tagü ihñau. Ehmeo curua watoapü ahtari. Sa yero buheni da tiquiro dapu bui pesari. Tiquiro wahdoaa sü deco cjäno yero saha asi siteri. Tiquiro ñecari üjüri peca yero saha bajuri. ² Sa yero mehene tunugäre papera tunugäre tiquiro päri tunugäre cuori tiquiro. Tiquiro dahpocä poto pehe cjä dahpocä mehna pajiri mapü cahta cüri. Tiquiro dahpocä cü pehe pehe mehna dihtapü cahta cüri. ³ Sa ducuro yayia tiquina sañuducuro saha tiquiro tutuaro sañuducuri. Tiquiro sa sañuducuri bato siete upoa yahuye ca tamedü. ⁴ Tiquina sa yahugü tuhogu ojoa ducami. Yuhü sa ojoa ducagüta ahmasepü yuhäre yahuducuro ca tari.

—Siete upoa tiquina nidire apequinare yahueracähña. Sa yegü tire ojoa nedacähña, nino ca tari yuhäre.

⁵ Tiquiro sa nidi bato pajiri mapure cahta cü, dihtapure cahta cüriquiro angel tiquiro omoca poto pehe siðdoque müori ahmasepü. ⁶ Sa siðdoque müono Cohäcjä sa catiducuriquiro wame mehna wame peori. Tiquiro Cohäcjä pehe ijipihtiyere ahmase, ahmase cjëne, ahri yehpare, ahri yehpa cjëne, pajiri mare, pajiri ma cjëne yeriquiro ijire. Sa yero ohö saha nidi angel:

—Cohäcjä mehna poto niñ niaja. To punota cohtenatja. ⁷ Seis angele cornetarire tiquina putiri bato apequiro angel putigü Cohäcjä panopü tiquiro “Ohö saha yeitja” nidiro sahata yerota. Panopü masare tire quehnoano yahuerahye. Came tiquiro cahacjënare, tiquiro yere yahu mahtariquina pehere quehnoano yahu pehoahye tiquiro. Ti tiquiro yahu cürire yojopure yerota tiquiro, nidi angel.

⁸ Tiquiro sa nidi bato ahmasepü yuhäre yahuducuriquiro pari turi yahuducuro ca tari tja. Ohö saha nino ca tari yuhäre:

—Pajiri mapü cahta cüriquiro dihtapü cahta cüriquiro siquiro angel cahapü wahaya. Sa wahagü papera tunugäre tiquiro cuori tunugäre neña, nino ca tari yuhäre.

⁹ Tiquiro sa nigü tuhogu angel cahapü wahau. Tiquirore papera tunugäre yuhü sinigü tuhoro ohö saha ni yuhtiri yuhäre:

—Neña. Sa yegü ahri tunu papera tunugäre ihyaya. Mühu coä ihyagü umi yero saha quehnoano bisirota. Mühu paarpü mühu ihya söri bato suëñe waharota, nidi yuhäre.

¹⁰ Tiqairo sa nigū tūhogu ti tunugāre angelre yūhū nedi bato ihyaū. Yūhū coā ihyaḡū umi yero saha bisiri. Yūhū ihya sōri bato yūhū paapu suēno wahadu. ¹¹ Yūhū sa ihyari bato ohō saha nidi yūhure:

—Pari turi ijipihtiye macari cjēna, ijipihtiye yehpari cjēna, peye yahuducuyere yahuducuyequina, tiquina puhtoa ḡūhū came tiquina dūhse wahatire yahuyuya māhū, nidi yūhure.

11

P̄huro Cohācjū yere yahuatiquinare yahu ojoahye Nū marine

¹ Came yūhure queodure ohori Cohācjū. Tuadu puno yoadū ijiri tū. Ture ohoro ohō saha nidi yūhure:

—Ya wūhure queogu wahaya. Ti wūhū cjā altar ḡūhure queoya. Sa yegu ti wūhūpū yūhure ño peoyequinare queoya. ² Sopenaha wijia sadūcari paare quehnoari paare queoeracāhña. Ti paa yūhure cahmeeñequinare tiquina cūri paa ijire. Tiquina cuarenta y dos asūri waro Cohācjū ya macare, ti maca cjēna ḡūhure ñano yeeta. Sa yegu queoeracāhña tiquina ya paare quehnoari paare. ³ Sa yegu yeere yahuatiquinare p̄harore ohoutja. Mil doscientos sesenta decori waro yeere yahueta. Masa dija suhtire sañañequina ijietā tiquina yūhū yahu dutiyequina, ni yahuri yūhure.

⁴ Ahri yehpa cjēna puhtoro poto p̄adu Olivo wame tiye cju ducure. P̄adu sihā peoye cju ḡūhū ti cju cahapu ducure. Ti cju mehna queoye mehna yūhū buheḡū ahriquina p̄huro mari puhtoro yere yahuyequina ti cju yero saha ijire. ⁵ Sa ye tiquinare ihña tuhtiyequina tiquinare ñano ye duagū tiquina pehe dūseri cjē peca mehna uḡūa pehoeta tiquinare ihña tuhtiyequinare. Sata tiquinare ñano yeyequinare wejēta tiquina p̄huro mari puhtoro yere yahuyequina pehe. ⁶ Sa ye tiquina p̄huro acoro ahta dutieragū acoro ahtasi. Sa yero mari puhtoro yere tiquina yahuro puno acoro ahtasi. Sa ye mārine dii māri wahagū yeeta tiquina. Sa ye ahri yehpare ñano wahagū yeeta. Ijipihtiye dūhse ijijere, ijipihtiyequina dūhse ijijeyequinare masare ñano wahagū yeeta. Tiquina cahmeno sahata sa ñano wahagū yeeta ahri yehpare.

⁷ Tiquina sa ye pehogū ūhcūāri coperpū ijiriquiro ñariquiro nacu cjāno wijiarota. Sa wijiaro Cohācjū yere yahuyequina mehna cahmequenota. Sa cahmequeno tutua yūhdūducaro tiquinare wejēnota. ⁸ Tiqairo sa wejēdi bato tiquina paguri pajiri maca cjā mahapu cuñaeta. Yahuyequina puhtorore tiquina quē biha wejēdi maca ijire ti maca. Ti maca cjēna ñañequina

ijije Sodoma cjēna, Egipto cjēna yero saha ijire. ⁹ Sa cuñañe ihtia deco quehnoano cuña, ape deco deco mehna tiquina paguri mahapu cuñaeta. Sa ye ijipihtiye yehpari cjēna, ijipihtiye cururi cjēna, ijipihtiye yahuducuyere yahuducuyequina tope decori waro tiquina pagurire ihñadueta. Sa ye tope decori waro tiquina pagurire ya dutisi. ¹⁰ Tiquina sa yariariquina ijigū ihñañe ahri yehpa cjēna buceeta. Sa buceye bose decore yeeye, tiquina basi apee borore sa oho quēta. Tiquina p̄huro Cohācjū yere yahuyequina masare ñano yūhdūgū yeriquina ijiahye. Sa ye tiquina sa yariagū ihñañe buce yūhdūeta ahri yehpa cjēna.

¹¹ Sa yero ihtia deco ape deco mehna bato Cohācjū tiquina pagurire masonota. Tiqairo sa masogū tiquina pari turi wahcādūcaeta. Tiquina sa wahcādūcagū ihñañe ijipihtiyequina cue yūhdūgū tiquinare. ¹² Came tiquina p̄huro ūhmūserū tutuaro yahuducugū tūhoeta. Ohō saha ninota tiquinare.

—Ohōpū mūja taya musa, ninota.

Tiqairo sa nigū tūhoye ehmeo curua watoa mūjaa wahaeta. Tiquina yabiriquinare mūjagū ihñaeta masa. ¹³ Tiquina sa mūjagūta yehpa tutuaro ñuhminota. Sa ñuhmigū ti maca cjē wūhūse peye bora dijiaa waharota. Sa ye yehpa ñuhmino mehna siete mil masa yariaa wahaeta. Apequina dūhsariquina pehe acūaa wahaeta. Sa ye Cohācjūre ūhmūse cjanore “Tutuagu ijire” ni ño peoeta tiquirore.

¹⁴ Ahri ijipihtiye tiquina sa wahari bato p̄a taha masa ñano yūhdū tuhasariquina ijietā. Tiquina sa yūhdūri batogūta pari turi duita masa ñano yūhdūeta tja.

Seis cornetarire tiquina putiri bato apequiro putiahye

¹⁵ Came seis cornetarire tiquina putiri bato apequiro angel tiqairo yariare putiri. Tiqairo sa putigū ūhmūserū tutuaro yahuducuye ca tari. Ohō saha nino ca tari: Yojoḡū mari Pacū, Cristo mehna ahri yehpa cjēna puhtoa ijietā. Sa yero puhtoro sa ijiducurota Cohācjū, nino ca tari.

¹⁶ Sa ye Cohācjū poto puhtoa dujiyepū dujiyequina veinticuatro Jesu yequina puhtoa Cohācjū poto quehe sa, tiquirore ño peori. ¹⁷ Sa ño peoye ohō saha nidi:

Ūsā puhtō Cohācjū, tutua yūhdūagū ijire māhū. Mūhū panopū sa ijiducuahye. Sa yegu yojoḡū ḡūhure sa ijiducure. Camerū ahtaūta māhū. Mūhū tutuaye mehna masa tiquina puhtō māhū ijiducagū “Quehnoare” niāja māhure. ¹⁸ Ijipihtiyequina ahri yehpa cjēna māhure cahmedariquina māhū mehna usuamedī. Yojoḡūre

tiquinare mähü buhiri dahreati pje ijire. Yariariquina gähäre mähü buhiri dahreati pje ijire. Sa yero mähü yequina pehere quehnoañene tiquina yeri wapare mähü ohoati pje ijire. Ihqëquina tiquina mähü cahacjëna mähü yere yahu mähitariquina ijire. Sa ye tiquina, apeqüina mähü yequina mehna ijiphtiyequina mähäre ño peoyequina ijire. Sa yegu pühtoare, ihyo ijijyequina gähäre mähü yequina tiquina ijiri wapa quehnoano yeita mähü. Sa yero ahri yehpa cjenare dojomehne cohteriquinare mähü cohäti pje ijire yojopäre, ni ño peori pühtoa Cohäcjäre.

¹⁹ Tiquina sa yeri bato ühmuse cjä wähü Cohäcjä ya wähü tiquiro pñori wähü ijiri. Sa yena ti wähü ijiri acarore ihñau. Ti acaro puhäpü Cohäcjä masare tiquiro yedohoatire yahuri pü sañari. Yühü sa ihñagüta mia sitedoqueo, upo pa maari. Sa yero sijoro saha ijiro bisí maa, yehpa ñuhmi maa, aco paca yusüaye paca ühmusepü peye bora dijia tari.

12

Numino gähäre pinono gähäre yahuahye

Ñü

¹ Came ahri yehpa dühse wahatire ühmusepü ihñori. Tiquiro sa ihñori ihyo waro ijierari. Ohö saha ihña mähtau: Ühmusepü numinore ihñau. Ticoro suhtiro asü deco cjäno yero saha así siteri. Sa yero asü ñami cjäno bui ducuri. Pühtoro pesari behto borore doce ñahpicoha paca cñori behtore pesaricoro ducuri. ² Sa yero mehenogä dühsari ticoro pohna tiato. Sa yero ticoro sañuducuri. ³ Came pari turi ihñau ühmusepü tja: Pajiriquiro pinonore sohäriquirore ihñau. Siete dapu paca tiriquiro ijiri. Ijiphtiye tiquiro dapu paca pühtoa pesaye behtori borore pesaye dapu paca ijiri. Sa yero diez waro sahari tiriquiro ijiri tiquiro. ⁴ Tiquiro picöno mehna ñahpicoha pacare wäha sitedoque dijiori yehpau. Ijiphtiye ñahpicohare deco esaboro caha wäha sitedoque dijiori. Sa yero numino pohna tiaticoro potu ducuri pinono. Ticoro macsnogä bajuagü tiquirogäre ihyaro taro nimesi. ⁵ Camegäta cño tuhasari nijinogäre. Ijiphtiye yehpari cjëna pühtoro ijiatiquiro ijiri tiquirogä. Tiquiro sa pühtoro tutuariquiro ijigü, masa tiquirore yühduäcaye ihcäno sahasi. Tiquiro sa masa bajuagüta Cohäcjä tiquiro dujiro cahapü tiquirogäre ne cäa wahari. ⁶ Tiquiro sa yegü numino pehe masa marienopü duhti cäa wahari. Cohäcjä tiquiro quehnoyuripü duhti cäa wahari

ticoro. Topäre mil doscientos sesenta decori waro Cohäcjä ticorore ihña ihbori.

⁷ Coä waropäre ühmusepü cahme wejë dücahye. Miguel wame tiriquiro angel tiquiro yequina angele gähü pinono mehna cahmequeahye. Tiquina sa cahmequegü pinono tiquiro yequina angele mehna Miguel gähü mehna cahmequeahye. ⁸ Sa ye Miguel gähü pinonore yühduäcayehye. Sa yero pinono yequina angele gähäre ühmusepü iji nemo dutierahye. ⁹ Sa yero pajiriquiro pinonore cohä cähye Cohäcjä. Tiquiro pinono watñota ijiro nidi. Satana wame tiriquiro ijiri. Panopü tiquiro pinono pagü saha bajuriquiro ijiahye. Sa yero ijiphtiri yehpa cjenare ni mehoriquiro ijire. Tiquirore tiquiro yequina angele mehna yehpau cohä dijioahye.

¹⁰ Came ühmusepü sañuducuro ca tagü tühou:

Yojopäre mari Pacü masare yühduori. Yojopü püritare mari Pacü mari pühtoro ijiro ahtari tiquiro tutuayere ihñono taro. Sa yero tiquiro ohoriquiro Cristo gähü tiquiro pühtoro ijijyere tiquiro tutuayere ihñori ijiphtiyequinare. Watñore ühmusepü ijiriquirore yehpau cohä dijiori. Sa yero tiquiro tutuayere ihñori mari Pacü. Tiquiro watño pehe decopre, ñaminipe Jesu yequinare “Ahriquina ñañequina ijire”, ni yahusäno niahye mari Pacure. Sa yero mari acayere Jesu yequinare yahusäriquiro ijiahye.

¹¹ Cristo Cordero wame tiriquiro tiquiro dii cohäri mehna mari acaye Jesu yequina tiquirore wacü tutuayequina tiquina ñano yerire tiquiro cohänohriquina ijire. Sa wacü tutuayequina ijije, watñore yühduäcari. Sa ye quehnoañe buheyere buheye, watñore yühduäcari. Tiquiro yere buheye apeqüina tiquinare wejë duepegäta, Cristo yere duhuerari. ¹² Sa yena masa ühmuse cjäna bucueya. Watñore yehpau tiquiro cohä dijioagü ihñana bucueya. Sa yepegäta ahri yehpa cjäna, pajiri ma cjäna gähü pejecñona wahanata masa pehe. Masa cahapü dijiri watño. Tiquirore buhiri dahreato mehenogä dühsare. Sa yero usua yühduare tiquiro. Masa cahapü tiquiro esagü pejecñona müsare tojoagü yerota tiquiro, ni sañuducugü tühou.

¹³ Sa yero pinono tiquiro cohä dijioriquiro numinore, nijinogä pacorore nünü tä cäri. ¹⁴ Sa yero ticorore pajiriquiro cacü tiquiro wäye düpürire ohori Cohäcjä, masa marienopü ticoro wü duhti cätore. Topü ticoro esari bato ihtia cähma quehnoano ape cähma deco waro ticorore

ihña ihbori Cohăcĵă. Tiquiro sa ihña ihbogă pinono ticorore ñano ye masiedari. ¹⁵ Topă ticoro ijigă ihñano pinono acore pajiro puti sitedoqueori ticorore miono taro. ¹⁶ Tiquiro sa yegă yehpa pehe ticorore yedohori. Pinono dăseropă wijiaye acore yehpa pehe aco ihmi pehe cĂri. ¹⁷ Sa wahagă ihñano pinono numino mehna usua yahdăari. Sa usaro ihquėquina ticoro panamena iji turiayequina mehna cahmequeno wahari. Tiquina pehe Cohăcĵă dutiyere yeyequina ijiye, Jesu ye buheyere quehnoăne buheyere ne duhueyequina ijiri. ¹⁸ Sa yero pinono pajiri ma dăhta cahapă ducuri.

13

Păaro năcu cĵėnare yahuahye Ńu

¹ Pajiri ma dăhta cahapă ducugă, năcu cĵănore ti mapă ijiriquirore wahcă pahagă ihñau. Tiquiro pehe siete dapu paca, diez sahari waro cĂoriquiro ijiri. Tiquiro sahari pŃhtoa pesaye behitori borore pĂsari. Sa yero tiquiro dapu pacare tiquiro wamene oĵoa ohĂri dapu paca ijiri. Ti wame tiquiro ñano wame tigă ihña yabiri Cohăcĵă. ² Sa yero tiquiro năcu cĵăno yairo dohroriquiro yero saha bajuri. Sa yero mie yero saha dahpocĂri tiriĵuoro ijiri. Sa yero yairo sohĂriĵuoro pajiriquirodu yero saha dĂsero tiriĵuoro ijiri. Sa yero pinono pehe tiquiro tutuayere ohori năcu cĵănore. Sa ohoro tiquirore pŃhtoro dĂĵiropă cĂno tiquiro yero saha peyequina masare dutigă yeri pinono năcu cĵănore. ³ Ihcă dapu năcu cĵăno dapu tiquina weĵĂbo cureriquiro dapu yero saha bajuri. Sa bajuepegăta tiquiro camino pehe yatia wahari. Ti dapu catigă ihñaăne, ihña maria wahari ijipihtiyequina ahri yehpa cĵėna. Sa ihña maria wahaye, năcu cĵănore ño peori. Sa ye tiquiro yequina wahari masa. ⁴ Sa ye năcu cĵănore pinono tiquiro tutuayere tiquiro ohogă ihñaăne masa pehe tiquirore pinonore dĂsepe curi mehna quehe sa, ño peori. Sa ye năcu cĵăno gĂhure dĂsepe curi mehna quehe sa, tiquirore ño peori. Sa ño peoye ohĂ saha nidi:

—Ne apeĵuoro mĂhă yero saha tutu-
ariquiro mariedare. Apeĵuoro mĂhure ne
yahdădăca masiedare, ni ño peori masa
năcu cĵănore.

⁵ Sa yero tiquiro năcu cĵăno “Tutua
yahdădăcagă ijijaja”, tiquiro niepegăta
Cohăcĵăre tiquiro ñano yahuducuepegăta
sa tuhotu cĂrdi Cohăcĵă pehe. Sa yero
cuarenta y dos asĂri waro tiquiro năcu
cĵăno masare dutinimedi. To punota tiquiro
pŃhtoro ijigă cahmedi Cohăcĵă. ⁶ Sa yero
tiquiro Cohăcĵăre ñano yahuducuri. Tiquiro
wamene, tiquiro ya wahure, ahmĂsepe

tiquiro ijiro cĵėna gĂhure ñano yahuducuri
năcu cĵăno. ⁷ Sa yero Cohăcĵă yequinare
cahme weĵĂno tiquinare yahdădăcari.
Tiquiro sa yepegăta sa ihña cĂrdi Cohăcĵă.
Cohăcĵă tiquiro sa ye dutieragă yeraboya.
Sa yero ijipihtiyequina ahri yehpa cĵėna
bui pŃhtoro iĵinimedi năcu cĵăno. Ijipihtiye
cururi cĵėna bui, ijipihtiyequina macari
cĵėna bui, yehpari cĵėna bui, ijipihtiye
yahuducuyere yahuducuyequina bui
pŃhtoro iĵinimedi tiquiro. ⁸ Sa ye ijipi-
htiyequina ahri yehpa cĵėna tiquiro năcu
cĵăno poto dĂsepe curi mehna quehe
sa tiquirore ño peori. Ahri yehpare
Cohăcĵă tiquiro bajumehneato pano tiquiro
yequina iĵiatiquinare, sa iĵiducuatiquinare
tiquina wamene oĵoa ohĂ tuhasahye. Ti tĵu
tiquiro sa oĵoa ohĂri tĵu Cordero tiquina
weĵĂdiquiro ya tĵu ijire. Ti tĵupă tiquina
wamene oĵoa ohĂnohedariquina dihita năcu
cĵănore ño peori.

⁹ Cahmo tina ijire mĂsa. Sa yena tuĵoya.
¹⁰ Ijipihtiyequina masare peresu yenoha-
tiquinare came tiquinare peresu yeeta.
Ijipihtiyequina masa ñose weĵĂnohatiquinare
tiquinare ñose weĵĂta. Tire masina
mari Cohăcĵă yequina ñano yahdĂepenata
tiquirore cohĂedacĂhna. Sa yena tiquirore
wacĂ tutuăhna.

¹¹ Came apeĵuoro năcu cĵănore ihñau
tĵa. Yehpa puhapă ijiriquiro wijiagă
ihñau. Pua sahoro oveja sahari yero saha
bajuye sahari yahri tiriĵuoro ijiri. Sa yero
pinono yero saha yahuducuri. ¹² Sa yero
năcu cĵăno iji mĂhtariquiro pehe came
ijiriquiro pehere pŃhtoro sĂri. Tiquiro
sa pŃhtoro sĂnohriĵuoro pehe ijipihtiye
yehpari cĵėnare iji mĂhtariquirore ño peogă
yeri. Iji mĂhtariquiro năcu cĵăno tiquina
weĵĂbo cureriquiro camino yatiriquiro
ijiri. ¹³ Sa yero came ijiriquiro năcu cĵăno
tutuaye mehna ye ihĂri masa tiquina
ihña mariatore. Sa yero masa tiquina
ihĂonopă peca pajiri peca ahmĂsepe bora
dijia tagă yeri. ¹⁴ Sa yero iji mĂhtariquiro
ihĂonopă apeĵuoro năcu cĵăno pehe tutuaye
mehna masare mehori “Ahriĵuoro mĂsa
ño peotiquiro ijire”, nino. Sa yero
tiquiro masare mehono, iji mĂhtariquiro
queoyere masare ye dutiri. Tiquiro iji
mĂhtariquiro ñoseni pĵi mehna tiquina
ñosediquiro ijieperota catiriquiro ijiri.
Tiquiro yero saha bajuye queoye ye dutiri
apeĵuoro năcu cĵăno masare. Tiquina sa
yegă Cohăcĵă yabieperota sa ihña cĂrdi ahye.
¹⁵ Sa yero came ijiriquiro năcu cĵăno
pehe iji mĂhtariquiro queoyere catigă
yeri masare ti queoye dutiatio saha. Sa
yero ti queoyere ño peoyequinare weĵĂ
dutiari masare queoye pehe. ¹⁶ Sa yero
ijipihtiyequinare tiquina omocari poto
pehe, tiquina wahdoa paca gĂhure oĵoa

ohō dutiri n̄c̄u cjāno came ijiriquiro. Ihyo ijieyquinare, p̄h̄toare, doeri c̄jē opanare, pejes̄oyequinare, tiquina cahac̄jēnare, cahac̄jēna ijieyquinare, ijipihtieyquinare tiquina omocarine tiquina w̄h̄doa paca ḡh̄are oja ohō dutiri. ¹⁷ Tiquiro jji m̄htariquiro n̄c̄u cjāno tiquiro wamene, tiquiro ya numerore oja ohōñequinare ne dū dutierari. Sa yero tiquinare dua dutierari.

¹⁸ Tire quehnoano wacū masiña m̄sa. T̄ho masina ijina n̄c̄u cjāno tiquiro ya numerore quehnoano ih̄ña masiña. Ti numero m̄m̄no wame yero saha ijire. Ti numero seis cientos sesenta y seis ijire.

14

Coh̄c̄j̄u tiquiro ȳh̄d̄uoriquina wahma basayere basahye

¹ Came Siō wame tid̄u c̄n̄u bui ducuriquirore Corderore ih̄ñau. Tiquiro mehna ciento cuarenta y cuatro mil masa ijiri. Tiquina tiquiro ye wamene, tiquiro Pac̄aro ye wame ḡh̄are tiquina w̄h̄doa pacare tiquina oja oh̄nohriquina ijiri. ² Tiquinare ȳh̄u ih̄ñaḡta uhm̄s̄ep̄u yahuducuro ca tari. Pajiri peo bisiro saha p̄o tutuaro bisiro saha bisiro ca tari tiquiro yahuducuye. Sa yero arpa wame tiyere tiquina bua p̄t̄eno saha bisiro ca tari tiquiro yahuducuye. ³ Top̄u p̄h̄toro dujiro cahap̄u pititiaro sijoro saha bajueyquina, Jesu yequina p̄h̄toa ḡh̄u ijiri. Sa ye tiquina poto ciento cuarenta y cuatro mil masa ducuri. Top̄u ducuye, wahma basayere basaye nidi. Ti basayere tiquina dihita masidi. Cristo ȳh̄d̄uoriquina dihita ti basayere masidi. Tiquina ahri yehp̄ap̄u ijimediquina tiquiro ne m̄oriquina ijiri. ⁴ Ne tiquina ih̄c̄a tahaḡa numiño mehna ñano yerari. Sa ye Corderore ih̄ñu cūñequina ijiey, tiquiro yere sa yeducuyequina ijiri. Sa yero ñañequina mehna ijieyquinare tiquiro ȳh̄d̄uotiquinare nedi Coh̄c̄j̄u pehe. Sa tiquiro ȳh̄d̄uoriquina ijiey, Coh̄c̄j̄u yequina ijiatiquina, Cordero yequina ijiatiquina ḡh̄u jji m̄htariquina ijiri. ⁵ Sa ye tiquina mehna cjēna ne ih̄c̄aquirō ni mehoriquirō mariedare. Sa ye Coh̄c̄j̄u tiquiro t̄hotuḡu ñañe marieñequina ijiri tiquina.

Ihtiaro angele yahuducu dijioahye

⁶ Came uhm̄s̄ep̄u w̄riquirōre angelre ih̄ñau. Tiquiro ahri yehpa cjēnare, ijipihtiey cururi cjēnare, ijipihtiey yahuducuyere yahuducuyequinare, ijipihtiey yehpari cjēnare, quehnoañe buheyere yahuatiquiro ijiri. Ti buheyere ne comesayera, sa ijiducure. ⁷ Sa yero angel sañuducuro ohō saha ni yahuducu dijiori:

—Coh̄c̄j̄ure cueya. “Tutua ȳh̄d̄uaḡu, quehnoa ȳh̄d̄uaḡu ijire”, niña tiquirore. Yo-jop̄are masare tiquiro buhiri dahreati pje ijiro nine. Tiquiro uhm̄s̄ere, ahri yehpare, pajiri mare, m̄ari pohteri ḡh̄are yeriquiro ijire. Sa yena tiquirore d̄sepe curi mehna quehe sa, ño peoya, ni sañuducuri angel.

⁸ Tiquiro sa nidi bato apequiro angel uhm̄s̄ep̄u w̄riquirō ohō saha ni yahuducu dijiori:

—Tiquinare coh̄a c̄h̄ri. Pajiri maca Babilonia wame tiri maca cjēnare coh̄a c̄h̄ri Coh̄c̄j̄u. Tiquina tiquiro coh̄ariquina pehe ijipihtieyquina apequirore ñano yeḡu yeru. Queheyequina vinore tiquina tutuaro cahmeno saha tiquina ñañene tutuaro cahmeñe, Babilonia cjēnare ih̄ñu c̄uri. Sa yero Coh̄c̄j̄u tiquinare tutuaro buhiri dahreru, ni yahuducu dijiori apequiro angel.

⁹⁻¹⁰ Tiquina p̄aro angele tiquina bato nidi bato apequiro angel tiquina bato w̄riquirō ohō saha ni yahuducu dijiori:

—Ijipihtieyquina n̄c̄u cjānore ño peoyequinare, tiquiro queoyere ño peoyequinare, tiquina w̄h̄doa pacare, tiquina omocarine tiquiro wamene oja oh̄nohriquina ḡh̄are buhiri dahrerota Coh̄c̄j̄u. Tiquina mehna usuaro, tiquina p̄uritare tutuaro waro buhiri dahreducurota Coh̄c̄j̄u. N̄c̄u cjānore ño peoyequina ijipihtieyquina pecap̄u wahaeta. Top̄u tutuaro pur̄nota tiquinare peca mehna, azufre wame tiye mehna tiquina wijiari peca mehna. Quehnoañequina angele, Cordero ḡh̄u tiquina ih̄ñonop̄u ñano ȳh̄dueta tiquina. ¹¹ Ti peca sa ohmeo tiducurota. Ne yatisi. Tiquinare sa pur̄ducuḡu yere. Ijipihtieyquina n̄c̄u cjāno poto d̄sepe curi mehna quehe sa, ño peoyequinare sa pur̄ducurota. Decoripe, ñaminipe sa pur̄ducuro c̄h̄nota. Tiquiro queoyere ño peoyequina, tiquiro wamene oja oh̄nohriquina ḡh̄u sata ñano ȳh̄dueta, ni yahuducu dijiori angel.

¹² Sa tiquina ñano ȳh̄d̄uḡu ih̄ñana Coh̄c̄j̄u yequina tiquiro dutiyere yena, Jesure coh̄edarina ijina, tiquiro yere duhuerac̄h̄ña. Ñano ȳh̄d̄uerep̄nata Coh̄c̄j̄u yere coh̄edac̄h̄ña.

¹³ Came uhm̄s̄ep̄u ȳh̄are yahuducuro ca taḡu t̄hou. Ohō saha nidi ȳh̄are:

—Ahr̄ire ojaaya m̄h̄u. Coh̄c̄j̄u yequina tiquirore coh̄edarina ijina yo-jop̄are musa yariari bato ḡh̄are bucuena ijire musa, ni yahuducu dijiori ȳh̄are.

Tiquiro sa nidi bato Esp̄ritu Santo pehe ohō saha ni nemori tja:

—Sa tjire. Poto tjire. Tiquina tutuaro tiquina dahrayere duhu, soeta. Uhm̄s̄ep̄u tiquina wahaḡu quehnoano tiquina yerire wac̄nota Coh̄c̄j̄u. Sa yero tiquina sa yeri wapa tiquinare quehnoano yerota. Sa

ye tiquina bucueyequina ijire, ni nemori Espiritu Santo.

Wese cjê oteye ducare mari bese neno saha Cohâcjâ tiquiro yequinare bese nenota. Nãñequina pehere sijoro bese docorota

¹⁴ Came ehmeo curua yehseri curuare ihñaa. Ti curua bui masano yero saha bajuriquiro dujiri. Tiquiro uru behto puhtoro pesari behto borore pesari. Sa yero dihi pjî siori pjîne cœori tiquiro. ¹⁵ Came apequiro angel Cohâcjû wuhapû ijiriquiro wijia tari. Sa wijia taro tutuaro sañuducuri ehmeo curua bui dujiriquirore:

—Muhû dihi pjî mehna wese cjê ducare ahri yehpa cjê ducare dute ne pehoya. Yojoipare tiquiro queori pje esare. Yojoipare ducâ nenî pje esare, nidi angel.

¹⁶ Tiquiro sa nigû tuhoro tiquiro dihi pjî mehna ahri yehpa cjê ducare ne ducari ehmeo curua bui dujiriquiro.

¹⁷ Came apequiro angel gâhû Cohâcjû wuhapû ijiriquiro wijia tari. Tiquiro gâhû dihi pjî siori pjîne cœori. ¹⁸ Sa yero apequiro angel altar cahapû ijiriquiro wijia tari. Tiquiro pehe altar cjâ pecare ihña ihboriquiro ijiri. Sa wijia taro dihi pjî siori pjîne cœoriquirore sañuducuri:

—Muhû dihi pjî mehna ahri yehpapû ijiri wese, uhse wese cjê ducare neña. Uhse pehe ñi tuhasari, ni sañuducuri.

¹⁹ Tiquiro sa nigû tuhoro angel tiquiro ya pjî dihi pjî mehna ahri yehpa cjê uhse tôhorine yuhre nedi. Tiquiro sa yeri bato ti tôhorine uhse tôhorine tiquiro ñatihâtopû cohâri. Tiquiro sa cohâriro saha Cohâcjû tiquirore cahmeeñequinare tutuaro usuaro, cohânota. ²⁰ Ti maca duhtû cahapû tiquina ñatihâtopû ti uhse tôhorine ñatihâri. Topû tiquina ñatihâgû dii wijjari. Dii ma yero saha ijiri. Tres cientos kilômetro yoari ma, ihcâ metro quehnoano ape metro deco uhcûari ma ijiri.

15

Masa tiquina ñano yuhduatire angele cû bato tiahye masare

¹ Came uhmusepû sijoro saha ijirore ihñaa. Tire ihñañe masa ihña maria wahaga. Ahri yehpapure dahse wahatore marine ihñori. Sa yero ti ihyo waro ijierare. Ohô saha ihñaa: Siete angele ijiri. Cohâcjû usuaro, siete tahari masare buhiri dahre bato tiro taro nidi. Sa ye tiquina siete angele pehe buhiri dahre dutiro tiquiro cûatiquina ijiri.

² Angelere yuhû ihñari bato pajiri mare quehnoano aco sitiri ma yero saha ijiri mare ihñaa. Ti ma peca mehna ijiri ma ijiri. Sa yegû nûcû cjânore tiquiro queoye gâhure yuhduucayequinare ihñaa. Tiquina tiquiro wamene tiquiro ya numerore

cœoyequina ijiri. Tiquina yuhû ihñagû pajiri ma aco sitiri ma duhtû cahapû ducuri. Topû ducuyequina arpa wame tiyere bua putêñene cœori. Ti bua putêñe Cohâcjû tiquiro ohori ijiri. ³ Sa ye Cohâcjû cahacjâno, Moise ye basayere basaye nidi. Cordero ye basaye gâhure basaye nidi. Ohô saha ni basari:

Ušâ puhto muhû Cohâcjû tutua yuhduagu ijire. Muhû yerire ihñana ihña maria wahaja ušâ. Muhû yeri quehnoa yuhduare. Muhû ijipihtiye yehpari cjêna puhto ijire. Quehnoano ni mehono marieno yeducure muhû. Ijipihtyequina muhure cueeta. ⁴ Ijipihtyequina muhure “Tutuagu ijire”, nieta. Muhû dihita ñahe mariega ijire. Ijipihtiye yehpari cjêna muhû cahapû esaye, dusepe curi mehna quehe sa, muhure ño peoeta. Sata yeeta tiquina ijipihtyequina queoro muhû yerire ihñañe, ni basaye nidi tiquina.

⁵ Came uhmusepû ihña maogu, Cohâcjû wuhû pœori wuhure ihñaa. Topû Cohâcjû ijiri tucû waropû Cohâcjû dutiye tiquiro ojoari pjîni utâ pjîni tiquina ihbori pjîni ijiri. ⁶ Ti wuhure yuhû ihñagûta siete angele ti wuhû puhiapû ijiriquina wijia tari. Tiquina Cohâcjû buhiri dahre dutiro tiquiro cûatiquina ijiri. Tiquinape tiquina buhiri dahreatire cœori tiquina angele. Quehnoañe suhti, yehseye suhti sañañequina ijiri. Sa ye tiquina cutiro bui uru cahsero mehna tûâ dihoriquina ijiri. ⁷ Ti wuhapû ijiriquina tiquina wijia tagû pititiaro sijoro saha bajuyequina mehna cjâno tiquinare siete angelere siete uru parire ohori. Ti pari Cohâcjû usua tiquiro buhiri dahreati mehna quehnoano wahpari ti pari. Tiquiro Cohâcjû sa ijiducuriquiro ijire. ⁸ Tiquiro sa ohogû Cohâcjû wuhû puhiapû tiquiro asi siteye mehna tiquiro tutuaye mehna ohmeo ti sehsaa wahari. Sata ohmeo wuhû wahagû ne masa ti wuhure sajà masiedari. Siete angelere Cohâcjû buhiri dahre dutiro tiquiro cûiro saha masare tiquina buhiri dahre tuhasari bato pari turi ti wuhapû sajà masine tja. Tiquiro buhiri dahreato pano sajà masiedari.

Cohâcjû masare tiquiro buhiri dahreatore yahuahye

16

¹ Came Cohâcjû wuhapû tutuaro yahuducuro ca tari. Siete angelere yahuro nidi:

—Siete paripû pose tiyere yehpapû pio sitedoque dijiona wahaya. Yehpa cjênare Cohâcjû tiquiro nidiro sahata buhiri dahreya yojoipare, ni yahuducuro ca tari.

² Tiquiro sa nigã tuhoro iji muhtariquiro angel tiquiro cœori papu pose tiyere yehpapu pio sitedoque dijiori. Tiquiro sa pio sitedoque dijiogã nucu cãano wamene ojoa ohõnohriquina, tiquiro queoyere ño peroriquina ñano camì tiri. Ti camì tutuaro puriði tiquinare.

³ Tiquiro sa pio siteri bato apequiro angel tja tiquiro cœori papu pose tiyere pio sitedoque dijiori tja pajiri mapu. Tiquiro sa pio sitedoque dijiogãta ti ma dii ma wahari. Yariariquiro dii yero saha ijiri ti dii. Sa wahagã ti ma puhia pu ijieyequina yaria pihtia wahari.

⁴ Puaru tiquina sa pio siteri bato apequiro angel tja tiquiro cœori papu pose tiyere pio sitedoque dijiori tja mãripu, ti mãri poheteripu gãhure. Tiquiro sa pio sitedoque dijiogã mãri dii mãri dihita wahari. ⁵ Sa wahagã ihãano apequiro angel mãrine cohteriquiro ohõ saha nidi:

Cohãcjũ mũhu ñaãe mariegu ijire. Yojo pu gãhure sa ijiducugu ijire mũhu. Panopu gãhure sa ijiducue tiri mũhu. Sa yegu masa tiquina ñano yegũ ihãagu queoro buhiri dahri mũhu tiquinare. Dii mãrine yegu quehnoano yeri mũhu. ⁶ Nucu cãano yequina pehe mũhu yequinare wejẽne, dii cohãgũ yeri. Mũhu yere yahueyequina gãhure wejẽne, dii cohãgũ yeri. Tiquina sa wejẽdi buhiri mãri dii mãri wahari. Sa ye tiquinare diire mũhu sa sihnigã yegã quehnoarĩne. Sata mũhu buhiri dahregã tiquina ye buhiri ijire, nidi mãrine cohteriquiro angel.

⁷ Tiquiro sa nidi bato altarpu yahuducuro ca tari:

—Sa tjire. Cohãcjũ usã puhto tutua yuhduagu ijire mũhu. Ni mehono marieno, queoro masare bese, buhiri dahre mũhu, ni yahuducuro ca tari.

⁸ Ihtiaro angele tiquina pio siteri bato apequiro angel tiquiro cœori papu pose tiyere pio sitedoque dijiori tja asũ deco cãano bui. Tiquiro sa pio sitedoque dijiogãta asũre masare tutuaro asigũ yeri Cohãcjũ. ⁹ Sa yero asũ deco cãano masare tutuaro asiri. Sa ye Cohãcjũ tiquinare tiquiro buhiri dahre dutigã masiãe, tiquirore ñano yahuducuri masa. Sa ñano yuhduapeta tiquina ñaãe yerire ne bujua witiarari. Sa ye duhuerari. Cohãcjũre “Tutuagu ijire”, ni ño peo duerari.

¹⁰ Pititiaro angele tiquina pio siteri bato apequiro angel tja tiquiro cœori papu pose tiyere pio sitedoque dijiori tja nucu cãano tiquiro dujiro bui. Puhtoro dujiro ijiri tiquiro dujiro. Tiquiro sa pio siteri bato tiquiro yequina tiquina ijiri yehpapu nahitiaa wahari. Sa ye tiquiro

yequina masa ñano purigã bahque dihori. ¹¹ Tiquinare ñano puriepegãta ñano camì tiepeta, ne tiquina ñaãe yerire bujua witiarari. Sa ye tire duhuerari. Sa ye Cohãcjũ tiquinare tiquiro camì dahregã masiãe tiquirore ahmuse cãanore ñano yahuducuri.

¹² Ihcã omopequina angele tiquina pio siteri bato apequiro angel tja tiquiro cœori papu pose tiyere pio sitedoque dijiori tja Eufrates wame tiri ma pajiri mapu. Tiquiro sa pio sitedoque dijiogãta ti ma sihi quehea wahari. Asũ muja taro cãena puhto yequina masa mehna ti mare tiquina pehã tatore sa yeri.

¹³ Came ihtiaro wafãre taharocua yero saha bajueyequinare ihãau. Ihcãquiro pinono puhia pu ijiri tiquiro duseropu wijia tari. Apequiro wafãno nucu cãano duseropu wijia tari. Apequiro wafãno “Cohãcjũ yere yahu muhtagu ijiãa”, ni mehoriquiro duseropu wijia tari. ¹⁴ Sa ye tiquina ihtiaro wafã tutuaye mehna yeyequina ijiri. Ijipihtiro cãena puhtoare cahmecoagũ yeri tiquina cahme wejẽ dutiye tehe. Tiquina sa cahme wejẽati deco Cohãcjũ tutua yuhduariquiro ijipihtieyequinare tiquiro dutiati deco, pihtiatu deco ijire.

¹⁵ Ohõ saha nidi Jesu: “Ihããa musa. Yaqueriquiro wacũeno mehna tiquiro yaquero ahtaro saha yuhũ gãhu wacũeno mehna ahtaãtja. Yuhũ ahtatore quehnoano cohteriquiro bucueriquiro ijirota. Tiquiro ye suhtire quehnoano quehnoyuriquiro yero saha yeere quehnoano yeriquiro ijire bucueriquiro. Sa yeriquiro ijiro yuhũ ahtagũ suhtũ marieniquiro tiquiro bæ tiboriro saha bæ tisi tiquiro”, nidi Jesu.

¹⁶ Came ihtiaro wafã yehpari cãena puhtoare cahmecoagũ yeri tiquinare. Tiquina cahmecoano Hebreo ye mehna “Armagedon”, wame tiri.

¹⁷ Seis angele tiquina pio siteri bato apequiro angel tja tiquiro cœori papu pose tiyere ehmeo cururi caharu pio sitedoque dijiori tja. Tiquiro sa pio sitedoque dijiori bato puhtoro dujiropu Cohãcjũ wuhpu tiquiro dujiropu tutuaro yahuducuro ca tari:

—To punota ijiãa, nino ca tari.

¹⁸ Tiquiro sa nigãta mia sitedoqueo, upo pa maa, sijoro saha ijiro bisi maa, cuaro yehpa ñuhmida. Ahri yehpapu masa tiquina iji ducari bato ne sa ñano yehpa ñuhmida tiri. Apeye ñuhmiãe yuhduoro cuaro yehpa ñuhmida. ¹⁹ Sa ñuhmigã pajiri macare ihtia maha yihti maa wahari. Sa ye bujaye macari ahri yehpapu ijieye macari sehte dijiaa wahari. Sa yero Babilonia wame tiri maca pajiri maca cãenare wacũri Cohãcjũ tiquinare buhiri dahre taro. Tiquina

ñañene yeri buhiri tiquina mehna tutuaro usuari. Sa usuaro tiquinare tutuaro buhiri dahreri. ²⁰Tiquiro sa yegū ijipihtiye nūcəpə, cūnū cju gūhū cohō pihtia wahari. Sa ye ne mariedare. ²¹Sa ye bujaye paca aco paca yūshaye paca yehparū masa bui bora dijia tari. Ijipihtiye paca aco paca cuarenta kilo nūcəñe paca ijiri. Tiquina bui ti paca sa bora dijia tagū Cohācjū masare tiquiro tutuaro buhiri dahregū masiñe ñano yahuducuri masa Cohācjūre.

17

Ҫмua mehna ñano yeducuricorore ña yūhdūaro yericorore buhiri dahre dutirotā

¹ Came siete pari cəoyequina angele mehna cjäno yūhū caharū wihiro ohō saha nidi yūhure:

—Ihñagu ahtaya. Peye māri bui dujiricorore Ҫмua mehna ñano yeducuricorore ña yūhdūaro yericorore Cohācjū tiquiro buhiri dahreatire ihñagu ahtaya mūhū. ² Ahri yehpa cjäna pūhtoa ticoro mehna tiquina ñano yeboro saha ticoro yero saha yeri. Cohācjū ye pehere cahmedari. Ahri yehpa cjäñare ticoro quehegū yeboro saha tiquina mehna ticoro ñano yeboro saha ticoro masare ñañene tutuaro cahmegū yeri. Sa yero ñañene yegū yeri masare, ni yahuri angel yūhure.

³ Tiquiro sa nidi bato Espiritu Santo pehe yūhure ihñori: Angel pehe masa marienopū neari yūhure. Topū numinore ihñan. Ticoro nūcə cjäno sohāriquiro bui pesaricoro ijiri. Nūcə cjäno pehe tiquiro pagapū peye wame tiquina ojoa ohōnohriquiro ijiri. Ti wame ñañe wame Cohācjū tiquiro ihña yabiye wame ijiri. Sa yero siete dapu paca tiriquiro, diez sahari tiriquiro ijiri nūcə cjäno. ⁴ Sa yero numino pehe quehnoano yahsaye suhti pūhtoa tiquina sañañe suhti saha ijiyere sañaricoro ijiri. Sohāñe suhti gūhure sañaricoro ijiri. Peye urure, wapa tiye utāre, perla pjeri gūhure ohōri suhtire sañaricoro ijiri ticoro. Sa yero uru pare cəori ticoro. Ti papū pose tiye ñañe ticoro yeri jiri. Ҫмua mehna ñano yero, pajiro ñano yeri ticoro. Ti ñañene ihña yabire Cohācjū. ⁵ Ticoro wūhdoapū ticoro wame tiquina ojoa ohōnohricoro ijiri. Ti wamene quehnoano masiedaja mari. Ti wame queoye mehna buheri wame ijire. Ahri ijire ti wame: “Pajiri maca Babilonia wame tiri maca ijire. Ijipihtiye wūana tiye dahpoto cjäno, ña yūhdūayere yericoro ijire”, ni, ticoro wūhdoapū tiquina ojoa ohōnohricoro ijiri. ⁶ Sa yero ticoro peyequina Cohācjū yequinare wejedicoro ticoro ijigū masii. Queheyere ticoro bucuero saha tiquinare wejēno, tiquina dii cohāgū bucueri ticoro. Jesure tiquina cohāedari buhiri ticoro

wejēdi tiquinare. Ticorore ihñagu, ihña maria wahau.

⁷ —¿Dahsegu mūhū ihña maria wahajari? nidi angel yūhure.

Sa nino yūhure ohō saha ni nemori:

—Mūhū masiedarire mūhure yahutja. Numinore mūhure yahutja. Ticoro pesariquiro gūhure yahutja. Tiquiro nūcə cjäno ijiri. Sa yero siete dapu paca tiriquiro, diez sahari tiriquiro ijiri. ⁸ Tiquiro panopū ijiriquiro ijiri. Yojoḡare mariedare tiquiro. Came tiquiro uhcəāri cəpəpū ijiriquiro wijia tarota. Tiquiro sa wijia tari bato pecapū waharota. Ahri yehpa cjäna tiqiore ihña maria, ño peori tiqiore. Ahri yehpa ijiatō pano Cohācjū tiquiro yequina ijiatiquinare sa ijducuatiquinare tiquina wamene ojoa ohōhāye. Tiquiro ojoa ohōnohedariquina ijiri nūcə cjäno ño peoyequina. Tiquiro pehe panopū ijiri. Yojoḡū pehere mariedare. Cəpəpū pari turi bajarota. Sa ye tiquiro bajuagu ihñañe masa tiqiore ihña maria wahaeta.

⁹ Yojoḡare yūhū yahuatire masi duana, quehnoano tūhonata masa. Sa yena tūho masina ijija. Nūcə cjäno dapu paca siete dapu paca siete cūnū cju ijire, mari queoye mehna buhegū. Ti cūnū cju buipū pesare ticoro Ҫмua mehna ñano yeducuricoro. ¹⁰ Ti dapu paca siete pūhtoa yero saha ijire, mari queoye mehna buhegū. Peyequina masa pūhtoa ijire. Ihcā omopequina pūhtoare cohā tuhasari. Apequiro tiquina bato ijiriquiro pūhtoro ijire yojoḡare. Apequiro pehe came pūhtoro sajänota. Sa sajäno mehenogā pūhtoro ijirota tiquiro. ¹¹ Sa yero nūcə cjäno sohāriquiro panopū iji mūhtariquiro, yojoḡare marieniquiro tiquina siete pūhtoa bato pūhtoro ijirota. Siete pūhtoa mehna cjäno ijire. Came pecapū waharota.

¹² Nūcə cjäno sahari diez sahari diez pūhtoa yero saha ijire, mari queoye mehna buhegū. Peyequina masa pūhtoa ijire. Tiquina pūhtoa sajäedare yojoḡa. Cəpəpū pūhtoa sajäñe mehenogā pūhtoa ijjeta. Yoari pje iji dutisi tiquinare. Sa pūhtoa ijije nūcə cjäno mehna pūhtoa ijjeta. ¹³ Tiquina diez pūhtoa ihcāno saha tūhotuyequina ijire. Sa ijije tiquina nūcə cjäno ño peoyequina ye yehpari cjäna pūhtoro sōeta. ¹⁴ Sa ye Cordero mehna cahme wejēeta. Tiquina sa cahme wejēpegūta Cordero tiquiro beseriquina mehna tiqiore ne cohāñequina mehna tiquinare yūhdūcaeta. Tiquiro ijipihtiyequina apequina pūhtoa bui pūhtoro ijire. Sa yero tiquinare yūhdūcarota, nidi angel yūhure.

¹⁵ Ahrire yūhure yahu nemori angel:

—Ҫмua mehna ñano yeducuricoro māri bui dujiri. Ti māri ahri yero saha ijire

mari queoye mehna buhegā: Ijipihtiye yehpari cjēna, peye cururi cjēna, peye yahuducuyere yahuducuyequina yero saha ijire ti māri. ¹⁶ Nūcu cjāno, diez puhtoā gūhu ūmua mehna ñano yeducuricorore ihña yabieta. Tiquina diez puhtoā nūcu cjāno mehna ticoro yere ehma peho, suhti mariedicoro cohāeta ticorore. Sa ye ticoro pagure ihyaeta. Tiquina sa yeri bato ticorore ūjāa pehoeta. ¹⁷ Tiquina diez puhtoā ihcāno saha tūhotuye, nūcu cjānore tiquina ye yehpari cjēna puhtoro sōeta. Tiquinare sa yegū yeri Cohācjā, tiqiuo cahmeno saha yero taro. Sa yero nūcu cjāno pehe puhtoro ijirota. Ijipihtiye Cohācjā panorū tiqiuo yahuriro sahata tiqiuo yeri bato nūcu cjānore cohānota. ¹⁸ Ticoro mūha ihñaricoro mehna ohō saha ni queoye mehna buhere: Ticoro pajiri maca Babilonia wame tiri maca yero saha ijire. Ijipihtiyequina apequina puhtoā bui ijire ti maca cjēna, nidi angel yūhure.

18

Babilonia wame tiri maca tiqiuo cohāri maca ijire

¹ Came apequiro angel ūmūsepū dijjia tariquirore ihñān. Tiquiro puhtoro waro ijiri. Sa yero tiqiuo asi siteye ijipitiropū quehnoano buhrio sehśaa wahari. ² Tiquiro sa dijjari bato tutuaro sañuducu yahuri:

—Cohāri jiri. Babilonia wame tiri maca pajiri maca cjēnare cohāri jiri. Yojoṗore watīa, peyequina ñañequina pagū bajueyequina gūhu ti macarū ijiye nine. Ñañequina boro minicjua pari gūhu ti macarū ijiye nine. Tiquina minicjua masa tiquina ihña yabiyequina ijiri. ³ Ijipihtiye yehpari cjēna ti maca cjēnare ñañequinare ihña cūñe, tiquina gūhu ñano yeri. Sa ye ahri yehpari cjēna puhtoā ti maca cjēna numia mehna ñano yeri. Ticoro sa ūmua mehna ñano yeducuricoro ijiro wapa tiyere dūe tiri. Pajiro ticoro sa dūgū ahri yehpa cjēna doeri cjē duayequina pajiro wapatarī, ni yahuri angel.

⁴ Came pari turi ūmūsepū yahuducuro ca tari. Ohō saha nidi:

—Yeequina, ahricoro ūmua mehna ñano yeducuricoro mehna ijieracāhña masa. Ticoro mehna masa ijigū masa gūhure buhiri dahrerota. Sa yena ticoro ñano yeyere ihña cūedacāhña. ⁵ Ticoro ñano yeri peye ijire. Ticoro ñano yerire pari tju mari duhu peo mūogū ti tju pehe ūmūsepū wahā sa cāboaga. Sa ye ticoro ñano yeri peye ijire. Sa yero ticoro ñano yerire wacūre Cohācjā. Sa wacūno ticorore buhiri dahre dutirota. ⁶ Ticoro tutuaro tiqiuo buhiri dahrenohaticoro ijiahro.

Masare ticoro ñano yegū yeriro saha ticoro gūhure ñano yūhdugū yeahro. Masare ticoro sa ñano wahagū yeriro saha ti yūhdūoro ticorore ñano buhiri dahreahro. ⁷ Ticoro “Quehnoago ijiaja”, ni tūhotumedi. Sa ni tūhoturo, wapa bujuyere pajiro cūori ticoro. Ti wapa bujuyere pajiro ticoro cūoro punota ticorore pajiro ñano yūhdugū yeahro. To punota ticorore bujua witigū yeahro. Ticoro basi ohō saha ni tūhotumene. “Ohōṗū dutigo dujjaja. Wape wiho ijieraja. Sa yego ne ñano yūhdūsi yūhu”, ni tūhotumene ticoro. ⁸ Sa ni tūhoturicoro ijigū wacūeno mehna ticorore buhiri dahrerota. Ticoro dohati, yariariquinare yahco uti, ūjua ahbarota. Sa yero ticorore ūjua borota. Masa puhtoro Cohācjā ticorore buhiri dahre dutiriquiro tutua yūhdūariquiro ijire. Sa yero sa yūhu nidiro saha ticorore buhiri dahre dutirota, nino ca tari ūmūsepū.

⁹ Sa ye ticoro yero saha ijiri macare Cohācjā tiqiuo buhiri dahri bato ahri yehpa cjēna puhtoā tutuaro bujua witi, utieta. Ti maca cjēna mehna ñano yeyequina ijiri. Ti maca ūjagū ihñañe utieta tiquina. ¹⁰ Sa ūjagū ihñañe tiquina puhtoā yoarorū ihñadoqueoducuetā, “Ūsā gūhure buhiri dahreari”, niñe. Topū ihñadoqueoducuyē ohō saha nieta:

—Yohou, pejecūori maca ijire, Babilonia. Si maca pajiri maca tutuari maca ijimedi. Wacūeno mehna si macare buhiri dahri, nieta tiquina.

¹¹ Ijipitiro cjēna doeri cjē duayequina ti macare ihñañe tutuaro bujua witi utieta. Ti maca pihitigū ihñañe, tiquina ye doeri cjēne dūyequina mariedagū ihñañe bujua witieta tiquina. Sa ye utieta. ¹² Tiquina ne cāhtarire urure, platare, wapa bujūye ūtāre, perla wame tiye paca gūhure dūyequina marisi. Sa ye apeye tiquina ne cāhtarire suhti quehnoañe suhtire, yahsaye suhti puhtoā tiquina sañañe suhti saha ijiye suhtire, seda wame tiye suhtire, sohāñe suhtire dūyequina marisi. Sa ye apeye tiquina ne cāhtarire yucari ehme sitiye yucarire dūyequina marisi. Sa ye apeye tiquina ne cāhtarire marfil wame tiye mehna tiquina yerire, wapa bujūye cju mehna tiquina yerire, bronce wame tiye come mehna tiquina yerire, come butiye mehna tiquina yerire, marmol wame tiye mehna tiquina yerire dūyequina ne marisi. ¹³ Sa ye apeye tiquina ne cāhtarire canela wame tiyere tiquina ihyayere ocagū yeyere, apeye tiquina ihyayere ocagū yeyere, bueyere, mirra wame tiye ehme sitiye, apeye ehme sitiye dūyequina marisi. Sa ye apeye tiquina ne cāhtarire vinore, ūhse ihyaye moreñene, trigore, trigo pjerire, wecūare, corderoare, caballoare, tunuñe cohrori caballoa tiquina wejeje cohrore

dúyequina marisi. Cahacjēnare dú tiquinare c̄oyequina gūh̄u marisi. Masa tiquina ijiepegūta tiquinare dúyequina ijimedi. Yojoppure marisi. Sa ye buj̄na witieta doeri cjēne duayequina. ¹⁴ Sa ye oh̄o saha nieta tiquina ti maca cjēna ijiriquinare:

—Adei, ñabutiario wahayari. Ijipihtiye m̄sa cah̄imedi pihtia wahari. Sa ye ijipihtiye quehnoañe m̄sa c̄omedi pihtia wahari. Sa yena tire pari turi bocasi m̄sa, nieta doeri cjēne duayequina.

¹⁵ Tiquina ti macare doeri cjēne duaye, pajiro wapatamedi. Sa ye tiquina ti macare yoarop̄u ih̄ñadoqueoducuetā, “Ūsā gāh̄ure buhiri dahreari”, niñe. Sa ih̄ñadoqueoducuye ti macare tutuaro buj̄na witi utieta. ¹⁶ Oh̄o saha nieta ti macare:

—Adei, pejec̄oyequina ijire si maca pajiri maca quehnoari maca cjēna m̄na. Si maca numino yero saha quehnoañene c̄ori. Numino pehe quehnoañe suhtire, yahsaye suhti p̄h̄toa tiquina sañañe saha ijie suhtire, soh̄ñe suhti gāh̄ure sañari. Sa yero uru, wapa buj̄nye utā, perla wame tiye paca oh̄ori suhtire sañari. Sa yeri si maca cjēna. ¹⁷ Sa ye wac̄ieno mehna si maca buti pihtia wahari, nieta ti macare.

Sa ye ijipihtiyequina yucasari mehna tiniñequina, ti yucasari opana, tiquina m̄na, arequina pajiri map̄u dahra wapatayequina gāh̄u ti macare yoarop̄u ih̄ñadoqueoducuetā. ¹⁸ Top̄u ih̄ñadoqueoducuye ti macare to wj̄gū ih̄ñañe oh̄o saha ni sañuducuetā:

—Quehnoañe macari si maca yero saha ijieye macari ne apeye macari mariedare, ni sañuducuetā tiquina.

¹⁹ Sa buj̄na witiyequina ijieye tiquina dapu paca bui dihtare orē peoeta. Sa ye tutuaro yahco utiye oh̄o saha nieta:

—Adei, pejec̄oyequina ijire si maca cjēna m̄na. Quehnoari maca ijimedi. Ijipih̄tina yucasarire c̄ona pajiri map̄u tinina ijina si maca cjē doeri cjē mehna quehnoano wapatami mari. Sa ye duita si maca cjē buti pihtia wahari, nieta yucasari cjēna.

²⁰ Ti macare tiquiroy coh̄āgū ih̄ñana bucueya m̄sa ūhm̄se cjāna. Coh̄ācjū yequina, Jesu tiquiroy cūrina, tiquiroy yere yahu muhtarina ijipih̄tina m̄sa bucueya. Ti maca cjēna m̄sare ñano yuh̄dgū yeri. Tiquina sa yeri buhiri buhiri dahreri Coh̄ācjū. Sa yena bucueya m̄sa.

²¹ Sa yero tutuariquiroy angel pajiria utāre ne wahc̄o, pajiri map̄u doque ñori. Sa doque ñono oh̄o saha nidi:

—Ahria utā bora ñojoariro saha pajiri maca Babilonia wame tiri maca boraro tutuaro bisirota. Sa borari bato ti macare pari turi ih̄ñasi masa. ²² Ti macare butia wahagū yerota. Sa ye ti macap̄u basayere m̄sa basaducuriro saha ne acaro tisi. Arpa

wame tiyere m̄sa bua putēducuriro saha, flauta wame tiye pacare, corneta gāh̄ure m̄sa putiducuriro saha pari turi ti macap̄u acaro tisi. Sa ye ti maca mariedagū pari turi ti macap̄u dahrayequina dahrasi. Sa ye utā mehna trigore m̄sa ña m̄toñe gāh̄ure t̄ahonohsi. ²³ Ne ti maca buhriro cuñariro saha ne ijisi. Sa ye omoca dah̄tena m̄sa bucue yahuducuriro saha pari turi ne acaro tisi. Ti maca cjāna m̄sa doeri cjēne duana, dūna gāh̄u arequina yuh̄d̄oro c̄omedi m̄sa. Sa yena yayia masare ujuayequina yero saha yena ijipihtiroy cjēnare mehori m̄sa. M̄sa sa yerire ih̄ña mariañe, Coh̄ācjū pehere cahmedari masa, nidi tutuariquiroy angel.

²⁴ Ti maca cjēna Coh̄ācjū yere yahu muhtariquinare arequina tiquiroy yequina gāh̄ure ijipih̄tiro cjēnare wejēdi jiri. Tiquina sa wejēdi buhiri buhiri dahreri Coh̄ācjū Babilonia cjēnare.

19

¹ Babilonia dahse wahatire yuh̄u ih̄ñari bato ūhm̄sep̄u peyequina masa sañuducue ca tari yuh̄u tuhogū. Oh̄o saha ni sañuducuri:

Alaluya. Coh̄ācjūre quehnoano yahuducuhna. Coh̄ācjū marine yuh̄d̄oriquiroy ijire. Tiquiroy quehnoano ño peouhna. Tutua yuh̄d̄ariquiroy ijire tiquiroy. ² Mehono marieno queoro masare buhiri dahre tiquiroy. Ñañe buhiri marieñequinare tiquinare buhiri dahreare. Ñaricorore ūm̄a mehna ñano yeducuricorore ih̄ña cūñe ijipih̄tiro cjēna, ahri yehpa cjēna ñano yeri. Ticoro pehere buhiri dahreri Coh̄ācjū. Sa yero tiquiroy cahacjēnare ticoro wejēdi buhirire buhiri dahreri tiquiroy, ni sañuducue ca tari.

³ Pari turi sañuducue ca tari tja:

Alaluya. Coh̄ācjūre quehnoano yahuducuhna. Ti maca ñari maca tiquiroy wj̄ari maca sa ohmeo tiducurota, ni sañuducue ca tari.

⁴ Sa yere veinticuatro Jesu yequina p̄h̄toa, pititiaro sijoro saha bajuyequina mehna dusepe curi mehna quehe sa, mari Pacare tiquiroy dujirop̄u dujiriquirero ño peori. Oh̄o saha ni ño peori tiquina: “Alaluya. Sata yeihna. Mari Pacare quehnoano yahuducuhna,” nidi tiquina. ⁵ Came p̄h̄toro dujirop̄u oh̄o saha nino ca tari:

Mari p̄h̄toro Coh̄ācjūre ño peoya. Tiquiroy cahacjāna, tiquiroy ño peona, ihyo ijina, p̄h̄toa gāh̄u ijipih̄tina m̄sa tiquiroy quehnoano yahuducuya, nino ca tari.

Cordero tiqiro omoca dũhteati deco bosc decore yahuahye Ñu

⁶ Came peyequina masa tiquina yahuducugũ tuhõ. Sa ye pajiri peo, apõ mehna tutuaro bisiro saha yahuducue ca tari yuhũ tuhõgũ:

Alেলা. Cohãcãre quehnoano yahuducuhna. Tiquiro mari puhtoro pehe puhtoro sajã tuhasari. Tutua yuhũariquiro ijire tiqiro. ⁷⁻⁸ Cordero tiqiro omoca dũhteati pje ijire vojõpũre. Tiquiro omoca dũhteaticoro quehnoano tiquina quehno tuhasaricorõpũ ijire. Ticorore quehnoari suhtiro wetẽ marieni suhtirore ohori. Ti suhtiro Cohãcã yequina quehnoañene tiquina yeri yero saha ijire, mari queoye mehna buhegũ. Sa yena ti omoca dũhteati pje ijigũ bucuẽhna mari. Cohãcãre “Tutua yuhũariquiro ijire”, niuhna, ni yahuducue ca tari.

⁹ Tiquina sa nidi bato angel ohõ saha nidi yuhũre:

—Ahrire ojoa neña: “Cordero tiqiro omoca duhteri deco bosc decore tiqiro pijioriquina bucuẽyequina ijire”, ni ojoa neña, nidi angel yuhũre.

Sa ninota ohõ saha ni nemori:

—Ijirota ijire ahri yuhũ yahuri. Cohãcã ye yahuducuye ijire, ni nemori yuhũre.

¹⁰ Tiquiro sa nigũ tuhõguta tiqiro caha dũsepe curi mehna quehe sa, tiqirore ñõ peo tũn nimi. Yuhũ sa yegũ waro ohõ saha nidi tiqiro yuhũre:

—Tire yeracãhã. Mũhũ yero saha yuhũ gãhũ Cohãcã cahacãta ijiaja. Mũhũ acaye Jesu yequina ijipihitiyequina tiqiro ye buheyere duhũyequina yero saha yuhũ gãhũ Cohãcã cahacãta ijiaja. Sa yegũ Cohãcã pehere dũsepe curi mehna quehe sa, tiqirore ñõ peoya, nidi angel yuhũre.

Cohãcã yere yahu mãhtariquina mãna panõpũ cãena Espĩritu Santo yedohoro mehna ti buheyere Jesu ye buheyere yahuahye.

Caballo yehseriquiro bui pesariquirore yahuahye Ñu

¹¹ Came uhmũse parĩ maa wahagũ ihũã. Topũ caballo yehseriquiro ijiri. Tiquiro bui pesariquiro ohõ saha wame tiri: Tiquiro ni-diro sahata yeriquiro poto yeriquiro wame tiri tiqiro. Queoro masare dutiriquiro ijiro, tiqirore ihũã tuhtiyequina mehna cahme wejẽne. ¹² Tiquiro caperi peca pohna yero saha ijiri. Sa yero tiqiro dapurũ peye puhto pesaye behtori ijiri. Sa yero tiqiro pagurũ wame ojoa ohõnohriquiro ijiri. Ti wamene tiqiro dihita masidi. Apequina masiedari. ¹³ Tiquiro sañari suhtiro yoari

suhtiro dii wahñari suhtiro ijiri. Tiquiro ohõ saha wame tiri: Cohãcã ye yahuducuyere yahuriquiro wame tiri tiqiro. ¹⁴ Sa ye tiqiro yequina surara uhmũse cãena tiqirore nũnũ tãri. Yehseyequina caballo bui pesayequina quehnoañe iyehye suhtire, wetẽ mariẽne suhtire sañariquina ijiri. ¹⁵ Tiquiro dũserõpũ ñõseni pãne siori pãne cuhñuri. Ti pã ijipihitiye yehpari cãenare tiqiro yuhũdũcãti pã ijiri. Sa yero tiqiro tutuaye mehna tiqiro dutigũ ne ihcãquiro tiqirore yuhũdũcãro cũsi. Cohãcã ijipihitiye yehpari cãena mehna usuare. Tiquiro sa usuagũ caballo bui pesariquiro tiquinare tutuaro buhiri dahrerota. ¹⁶ Tiquiro suhtiropũ, tiqiro ñecũ gãhũre ahri wamene ojoa ohõri jiri: “Ijipihitiyequina apequina puhto bui puhtoro”, ni ojoa ohõri jiri.

¹⁷ Came asũ asiropũ ducuriquirore angelre ihũã. Ijipihitiyequina uhmũserũ wãyequina yucaã parire sañuducũ muõri tiqiro. Ohõ saha ni tutuaro sañuducũ muõri:

—Cahmecoana ahtaya. Cohãcã tiqiro bosc decõpũ ihyana ahtaya. ¹⁸ Peyẽ yehpari cãena puhtoare, surara puhtoare, surara parire, caballoare, tiquina bui pesayequinare, ijipihitiyequina apequina masare, cahacãenare, cahacãena ijieyequinare, apequina puhtoare, ihyo ijieyequinare tiquina ijipihitiyequina tiquina pagurũ ijirire ihyana ahtaya, nidi angel yucaare.

¹⁹ Came nũcũ cãnore, ahri yehpa cãena puhto tiquina yequina surara pari gãhũre ihũã. Caballo bui pesariquiro mehna tiqiro yequina surara pari mehna cahme wejẽne tehe cahmecoari tiquina. ²⁰ Tiquina sa cahme wejẽgũ caballo bui pesariquiro nũcũ cãnore peresu yeri. Apequiro “Cohãcã yere yahu mãhtagũ ijiaja”, ni mehoriquiro gãhũre peresu yeri. Tiquiro ni mehoriquiro pehe nũcũ cãno tiqiro ihũnoõpũ tutuaye mehna ye ihũoriquiro ijiri. Tiquiro sa ye ihũori mehna nũcũ cãno wamene wahñañequinare tiqiro queoyere ñõ peoyequinare ni mehori “Ahri Cohãcã ye ijire”, nino. Tiquina pũarore tiqiro peresu yeri bato tiquinare catiequinareta pecapũ cohãri. Ti peca pajiri ma yero saha pajiri peca azufre mehna uñãri peca ijiri. ²¹ Sa yero dũhsariquinare tiquina yequina surara parire ñõseni pã mehna tiqiro dũserõpũ ijiri pã mehna wejẽdi caballo bui pesariquiro pehe. Sa tiqiro wejẽdi bato yucaã pari tiquina pagurũ ijirire ihyaye, yapĩ yuhũã wahari.

20

Mil cãmari waro Cristo tiqiro yequina

mehna masare dutirota

¹ Came apequiro angel $\text{u}\text{h}\text{m}\text{u}\text{s}\text{e}\text{p}\text{u}$ tiquiro dijia tagū ihñau. $\text{U}\text{h}\text{c}\text{u}\text{a}\text{r}\text{i}$ cope cĵa sawire, pajiri da, come da gūhure cūori tiquiro.

² Sa dijia wihiro pinonore ñehedi tiquiro. Tiquiro pinono panopu pinono saha pagu tiriquire ijiro, watño Satana wame tiriquire ijiri. Tiquirore ñeheno tiquirore dūhteri mil cūhmari waro peresu yero taro. ³ Sa dūhte tuhasa, $\text{u}\text{h}\text{c}\text{u}\text{a}\text{r}\text{i}$ coperu cohāri tiquirore ahri yehpari cĵenare mil cūhmari waro tiquiro “Mehoari”, nino. Sa cohā tuhasaro ti copere biha, piha ñehe cāri. Sa yero mil cūhmari bato pari turi meheñe decorigā tiquirore wiorīnota.

⁴ Came puhtoa dujiyere ihñau. Ti dujiyepu dujiyequina gūhure ihñau. Tiquinare masare tiquina besatore ñañene yeyequinare tiquina buhiri dahreatore cūri Cristo. Apequina gūhure ihñau. Tiquina pehe Jesu yere Cohācĵu yere tiquina yahuri buhiri tiquina dapu pacare dūte cohānohriquina ijiri. Nacu cĵanore tiquiro queoye gūhure dūsepe curi mehna quehe sa ño peerari. Sa ye tiquina wūhdoa pacare tiquina omocari gūhure tiquiro wamene oja ohō dutierari tiquina. Sa ye apequina tiquinare wejēdi bato masaa wahari tja. Masari tiquina mil cūhmari waro Cristo mehna puhtoa ijije tehe. ⁵ Apequina Cristo yequina yariariquina muna masaedarīdi. Tiquina wejēdiquina tiquina masari bato mil cūhmari puhtoa tiquina ijiri bato apequina gūhu masaa wahaeta. Sa ye tiquina wejēdiquina muna Cristo yequina tiquiro bato masa muhtañequina ijiri. ⁶ Tiquiro maso muhtariquina pehe tutuaro bucueyequina ijjeta. Ñañe marieñequina ijjeta tiquina. Sa ye pecapu wahasi tiquina. Masa pecapu wahaye, pari turi tiquina yariaro saha wahare. Sa ye tiquina pecapu wahaerare. Masa muhtariquina Cohācĵu, Cristo yequina pahia ijjeta tiquina. Sa ye mil cūhmari waro Cristo mehna masa puhtoa ijjeta.

⁷ Mil cūhmari bato Satanare peresupu ijiriquirore wiorota. ⁸ Tiquirore sa wiori bato ahri yehpa cĵenare mehono waharota tiquiro. Gog wame tiyequinare, Magog wame tiyequina gūhure mehono waharota. Sa ye tiquina tiquiro mehoñene tahoye, tiquina yequina surara parire cahmecoaeta cahme wejēne tehe. Surara pari peyequina ijjeta. Pajiri ma cĵe padu pjeri peye ti ijiro saha peyequina surara ijjeta.

⁹ Sa ye ahri yehparure waha siteye, Cohācĵu yequina tiquina ijiri macare Cohācĵu tiquiro cahīdi macare majare behtoa cahmotaeta. Tiquina sa cahmotari bato Cohācĵu tiquinare $\text{u}\text{h}\text{m}\text{u}\text{s}\text{e}$ cĵa peca mehna uĵadoque dijiorota. ¹⁰ Sa wahari bato watñore tiquinare mehoriquire

pecapu cohānota. Ti peca pajiri ma yero saha ijiri peca azufre mehna uĵari peca ijiri. Topu nacu cĵanore, “Cohācĵu yere yahu muhtagu ijija”, ni mehoriquire gūhure cohā tuhasari. Topu tiquina ijigū deco, ñamipū gūhure sa ñano purīducurota tiquinare.

Cohācĵu masare buhiri dahre bato tire

¹¹ Came pajiro dujirore quehnoano yehserore puhtoro dujirore ihñau. Ti dujiro bui dujiriquiro gūhure ihñau. Ahri yehpa cĵena gūhu $\text{u}\text{h}\text{m}\text{u}\text{s}\text{e}$ cĵena gūhu tiquirore cueye, duhti oma cāa wahari. Sa duhtiepeta tiquirore duhtye cūedari. ¹² Sa yegu puhtoro poto yariariquina muna tiquina ducugū ihñau. Tiquina ihyo ijijequina, puhtoa ijiriquina gūhu ijiri. Topu tiquina ducugū oja ohōñe tjurire pōori. Ti tjuri masa tiquina yerire tiquina oja ohōñe tjuri ijiri. Sa yero beseriquiro ti tjurire ihña tuhasa tiquina yerire masidi. Tire masino yariariquinare beseri ñañequina, quehnoañequina gūhure. Came ape tju gūhure pōori. Ti tju Cohācĵu mehna sa ijiducuatiquinare tiquina wamene oja ohōri tju ijiri. ¹³ Came pajiri mapu, diapu gūhure yaria dijariquina wahcā muĵaa wahari. Sa ye yehpa puhapu ijijequina, yariariquina tiquina ijiroru ijijequina gūhu muĵaa wahari. Tiquina sa muĵa sagū topu dujiriquiro tiquina yerire masi pehero, tiquinare beseri ñañequina, quehnoañequina gūhure. ¹⁴ Came yariarore, yariariquina tiquina ijiro gūhure cohā cāhri Cohācĵu pari turi mari yariarore. Pecapu cohā cāhri. Ti peca pajiri ma yero saha ijiri peca pajiri peca ijiri. Pecapu wahayequina pehe pari turi yariaro saha wahare. ¹⁵ Sa yero sa ijiducuatiquina tiquina wamene Cohācĵu tiquiro oja ohōri tju pu ĵiipihtiyequina tiquina wamene oja ohōmehneñequina pehere pecapu cohāri tiquiro.

21*Uhmusepu, ahri yehpa gūhure wahmare comesarota Cohācĵu*

¹ Came $\text{u}\text{h}\text{m}\text{u}\text{s}\text{e}\text{p}\text{u}$, ahri yehpa gūhure wahmare tiquiro comesarire ihñau. $\text{U}\text{h}\text{m}\text{u}\text{s}\text{e}\text{p}\text{u}$ iji muhtari, yehparu iji muhtari, pajiri mapu iji muhtari gūhu pihitia wahari. Mariedari. ² Sa yegu yahu Ñu quehnoari macare, wahma macare Jerusalēne ihñau. Ti maca $\text{u}\text{h}\text{m}\text{u}\text{s}\text{e}\text{p}\text{u}$ Cohācĵu cahapu dijia tagū ihñau. Omoca dūhteaticorore quehnoañe suhti mehna wahma suore omoca dūhteatiquire bucuegū yero taro. Sata ti macare quehnoyuri jiri Cohācĵu, tiquiro yequinare bucuegū yero taro. ³ Tire yahu ihñari bato puhtoro dujiropu tiquiro sañuducugū tahou:

—Ihñaña. Yojoḡare masa watoḡaḡ ijiro nine Cohācjū. Tiḡuina mehna ijirota tiḡuio. Sa ye tiḡuio yeḡuina ijieta tiḡuina. Sa yero Cohācjū tiḡuio basi tiḡuina mehna cjāno ijiro, tiḡuina yaḡuio Cohācjū ijirota.⁴ Sa yero sa bucueducuḡa yerota tiḡuio tiḡuinare. Sa ye pari turi buḡa wītisi tiḡuina. Sa ye ne pari turi yariasi tiḡuina. Ne ñano jeripohna tiye, utiye, purīñe ḡāḡa marisi tiḡuinare. Ahri ijipihitiye panḡaḡ cjē ijiri pihitia waharota, ni sañuducuro ca tari.

⁵ Came pahtoro dujirḡaḡ dujiriḡuio ohō saha nidi:

—Ihñaña. Ijipihitiyere wahma comesaḡaḡ yeitja, nidi.

Tiḡuio sa nidi bato yuhare ohō saha nidi tja:

—Ahri yuhū niñene ojoa neña. Yuhū niñe ijirota ijire. Sa yero yuhū nidiro sahata sa waharota. Sa yeḡa yuhū niñene ojoa neña, nidi yuhare.

⁶ Came ohō saha nidi tja yuhare:

—To punota ijiaga. Yuhū ijipihitiyere bamehnediḡa ijiaga. Sa yeḡa ijipihitiyere pihitḡa yeacḡa ijiaga. Aco wḡoḡeḡuina tutaro tiḡuina acore cahmeno saha yuhū caharḡa ahta duayeḡuina yuhare cahmeeta. Sa ye yuhare yahtieta. Yuhū catiḡa yeḡe aco yero saha ijiḡa ijiaga. Yuhare cahmeñeḡuina yuhū mehna sa ijiducugū yeitja tiḡuinare. Tiḡuina esa tuhoro ye dutiro marieno, yuhū tutuaye mehna yuhū mehna sa ijiducugū yeitja.⁷ Ijipihitiyeḡuina yuhare wacū tutua duhueyeḡuina ohō saha yeitja: Tiḡuina yaḡuio Cohācjū iji-itja. Sa ye tiḡuina pehe yuhū pohna iji-eta.⁸ Sa ijieḡeta cueye, yeere duhueyeḡuina, yuhare cahmeñeḡuina, ña yuhduyere yeḡeḡuina, masare weḡeñeḡuina, wuana tiyeḡuina, masare ujuayeḡuina yero saha yeḡeḡuina yayia, “Cohācjū ijire”, tiḡuina niñe queoyere ño peoyeḡuina, ijipihitiyeḡuina ni mehñeḡuina pecarḡa wahaeta. Topḡa pajiri ma yero saha ijiri peca pajiri peca azufre mehna ujāno nine. Topḡa wahayeḡuina pari turi tiḡuina yariaro saha wahaye nine, nidi yuhare.

Wahma maca Jerusalēne yahuahye

⁹ Came ihcāḡuio angel yuhū caharḡa wihiri. Tiḡuio siete pari cuoyeḡuina, tiḡuio buhiri dahre duti cūriḡuina angele mehna cjāno ijiri. Sa wihiro, ohō saha nidi yuhare:

—Ihñāḡa ahtaya. Cordero tiḡuio omoca duhtericorore ihñoutja muhare, nidi angel yuhare.

¹⁰ Sa yero Espiritu Santo yuhare Cohācjū ya macare ihñori. Ohō saha bajuro ihñori yuhare: Uhmuanu canu buipḡa yuhare ne mujari. Tḡḡa usā ijiḡa Jerusalēne Cohācjū ya macare quehnoari macare ihñori yuhare. Cohācjū caharḡa uhmuseḡaḡ ijiri maca dija

taro nidi ahri yehparḡa.¹¹ Cohācjū tiḡuio asi siteye mehna asi siteri maca ijiri ti maca. Wapa tiye utā yero saha asi siteri. Jaspe wame tiye utā yero saha asi siteri. Sa yero vidrio yero saha quehnoano aco sitiri maca ijiri ti maca.¹² Sa yero pajiri sahrīno uhmuari sahrīno tiḡuina sahrī sāri maca ijiri ti maca. Doce sopecahari tiri ti sahrīno. Ti sopecaharipe cohteri angele. Ti maca cjē sope pahmaripḡa Israe masa cururi doce cururipe tiḡuina wame wahñari.¹³ Asū muja taro pehe ti sahrīno cuori ihtia sopecaha. Sur cū pehe pehe ihtia sopecaha ijiri. Norte poto pehe ihtia sopecaha ijiri. Asū sañano pehe ḡāḡare ihtia sopecaha ijiri. Ijipihitiro doce sopecahari waro cuori ti sahrīno.¹⁴ Ti sahrīno doce utā paca bui pesari. Ti utā pacape Cordero cūrina doce tiḡuio cūrina usāpe wame wahñari.

¹⁵ Sa yero angel yuhare yahuriḡuio queoḡa uru mehna tiḡuina yedare cuori. Ti macare, ti maca cjē sopecaharipe, sahrīno ḡāḡare queoro taro nidi.¹⁶ Ti maca yoaro punota ehsaro ḡāḡa to punota ehsari. Uhmuanu ḡāḡa to punota uhmuari. Sa yero angel queoḡa mehna ti macare queori. Ti maca dos mil doscientos kilómetro yoari maca ijiri. To punota ehsari maca ijiri. To punota uhmuari maca ijiri.¹⁷ Sa yero ti maca cjā sahrīnore queori angel. Sesenta y cinco metro uhmuari sahrīno ijiri. Masa mari queoro sahata queoro nidi tiḡuio angel.

¹⁸ Ti sahrīno jaspe wame tiye utā paca mehna tiḡuio yeri sahrīno ijiri. Sa yero ti maca pehe uru mehna tiḡuio yeri maca ijiri. Ti uru wete marieñe ijiro quehnoano asi siteri.¹⁹ Ti sahrīno docarḡa ijiye utā pacapare peye sijoro saha ijiye wapa tiye paca wahñari. Ti utā paca sahrīnoḡa pesaye paca doce paca ijiri. Iji muhtaria utāre jaspe wame tiye utā wahñari. Ti paca bato ijiria utāre zafiro wame tiye utā wahñari. Puarria bato ijiria utāre ágata wame tiye utā wahñari. Ihtiarria bato ijiria utāre esmeralda wame tiye utā wahñari.²⁰ Pittiarria bato ijiria utāre ónice wame tiye utā wahñari. Ihcā omope paca bato ijiria utāre cornalina wame tiye utā wahñari. Seis paca bato ijiria utāre crisólito wame tiye utā wahñari. Siete paca bato ijiria utāre berilo wame tiye utā wahñari. Ocho paca bato ijiria utāre topacio wame tiye utā wahñari. Nueve paca bato ijiria utāre crisoprasa wame tiye utā wahñari. Diez paca bato ijiria utāre jacinto wame tiye utā wahñari. Once paca bato ijiria utāre amatista wame tiye utā wahñari bato tiri.

²¹ Sa ye doce sope pahmari doce perla mehna tiḡuio yeri pahmari ijiri. Ti pahmaripe ihcā pje perla pje mehna tiḡuio yeri pahmari ijiri. Sa yero ti maca cjā maha

uru mehna tiqiro yeri maha ijiri. Ti uru wete mariefe uru ijiri. Sa yero quehnoano aco sitiri maha ijiri ti maha.

²² Ti macapꝫ Cohācjū wuhure ihñedu. Mariedari. Ti macapꝫ ijipihitropꝫ mari puhtorore Cohācjū tutua yuhduariquirore, Cordero gūhure ño peore masa. Sa yero ti maca ijipihitiro Cohācjū wuhū yero saha ijiri. ²³ Sa yero ti macapꝫ Cohācjū tiqiroro asi siteye quehnoano buhriori. Cordero gūhū sihāria yero saha buhriori. Sa ye asū deco cjūno gūhure ñami cjūno gūhure topꝫ tiquina buhriogū cahmedari. ²⁴ Sa ye ahri yehpapꝫ ti buhrioye mehna ijietā ijipihitiro cjēna. Sa ye ijipihitiye yehpari cjēna puhtoā ti macapꝫ quehnoa yuhduayerē tiquina cwoyere ne wiheta. ²⁵ Sa ye decore ti maca cjē sopecahari pōori sopecahari ijietā. Topꝫ ne ñami marisi. Sa ye ti sopecaharire ne bihasi. Sa susuducurota. ²⁶ Sa ye ahri yehpari cjēna quehnoañene tiquina cwoyere ti macapꝫ ne wiheta. ²⁷ Ñañe pehere ti macapꝫ ne ne wihisi. Bue tigū yeyequina, ñañene yeyequina gūhū ti macapꝫ ne wahasi. Mehoñequina gūhū ne wahasi. Cordero tiqiro ojoari tjupꝫ tiquina wame wahñañequina dihati ti macapꝫ wahaeta. Ti tju tiqiro yuhduoriquina tiquina wamene tiqiro ojoa ohōri tju ijire. Ti tjupꝫ tiquina wame wahñañequina sa ijiducuetā.

22

¹ Came quehnoari mare catigū yeri mare ihñori yuhure angel. Ti ma quehnoano aco sitiri ma Cohācjū, Cordero gūhū tiquina dujiropꝫ ahtari ma ijiri. ² Sa yero ti maca cjā maha deco buruāri ti ma. Ti ma pua peheri duhtū cahapꝫ catigū yeye cju ducuri. Ti cju asūripe dūca tiri. Ihcā cahmare doce tahari dūca tiri. Sa ye ti cju cjē pūri mehna quehnoano aco tieta ahri yehpa cjēna. ³ Ti macare ne ñañe buhri dahreati marisi. Ti macapꝫ Cohācjū dujiro ijirota. Cordero dujiro gūhū ijirota topꝫ. Sa ye ijipihitiyequina masa topꝫ ijiiyequina tiquina cahacjēna tiquina potō dusepe curi mehna quehe sa, tiquinare ño peoeta. Sa yero topꝫ ñañe ne marisi. ⁴ Ti quina Cohācjūre ihñā piti ca dujieta. Sa ye ti quina wuhdoā pacapꝫ tiqiro wame wahñañequina ijietā. ⁵ Topꝫ ne ñami ne marisi. Sa ye sihāñe paca gūhure cahmesi topꝫ ijiiyequina. Asū buhriogū gūhure cahmesi. Mari puhtoro Cohācjū buhriorota. Sa ye ti macapꝫ ijiiyequina ape sie cjēna puhtoā ijiducuetā.

Jesucristo ahri yehpapꝫ tiqiro tojoa tato mehenogā dūhsare

⁶ Came angel yuhure ohō saha nidi:

—Ijipihitiye ahri tiquina yahuri ijirota ijire. Sa ye tiquina nidiro sahata waharota. Mari puhtoro Cohācjū tiqiro yere yahu

māhtariquinare masigū yeriquiro ijire. Tiqiro pehe yojopꝫ tiqiro yaquiro angelre ohori tiqiro cahacjēnare masigū yero taro. Came cjūnogā dūhse wahatire masigū yero taro tiqiro yaquiro angelre ohori, nidi angel yuhure.

⁷ Jesu pehe ohō saha nidi:

—Tuhoya mūsa. Mehenogā dūhsare yuhū tojoa tato. Ahri pū cjē yahuyere yuhducaeyequina bucueyequina ijietā, nidi Jesu.

⁸ Yuhū Ñū ahri ijipihitiye yuhū ojoa nedire tuhōu. Sa yegū tire ihñān. Sa yegū yuhū tuhōri bato, yuhū ihñāri bato yuhure ihñōriquiro angel potō dusepe curi mehna quehe sami. Tiqirore ño peogū tūu nimi. ⁹ Yuhū sa yegū ihñāno ohō saha nidi yuhure:

—Sa yeracāhñā. Mūhū yero saha yuhū gūhū Cohācjū cahacjūta ijijaja. Mūhū acaye Cohācjū yere yahu māhtariquina, ijipihitiyequina ahri pū cjē dutiyere yeyequina gūhū tiquina ijiro saha yuhū gūhū Cohācjū cahacjūta ijijaja. Sa yegū Cohācjū potō dusepe curi mehna quehe sa, tiqiro pehere ño peoya, nidi angel yuhure.

¹⁰ Sa yero ohō saha ni yahu nemori yuhure:

—Ahri pūꝫ came dūhse wahatire yahure. Sa wahato mehenogā dūhsare. Sa mehenogā dūhsagū ahri pūꝫ yahurire nuodacāhñā mūhū. ¹¹ Ti pje yuhū yahuri pjere ñañequina pehe sa yeducūnahdo ñañene. Ñabutiayequina gūhū ña yuhduaro yeducūnahdo. Quehnoañequina pehe quehnoano yeducuahro. Sa ye ñañe mariefequina gūhū ñañe mariefequina sa ijiducuahro ti pjere, nidi angel yuhure.

¹² Ohō saha nidi Jesu:

—Tuhoya mūsa. Mehenogā dūhsare yuhū tojoa tato. Mū sare yeequinare yuhū ohoatire ne cāhtagū tūu niāja. Sa yegū quehnoañene mūsa yeri wapa mū sare quehnoano yeitja. ¹³ Yuhū ijipihitiye bajumehnedigū ijijaja. Sa yegū ijipihitiye pihitigū yeacjū ijijaja.

¹⁴ Ijipihitiyequina wete mariefe suhtire sañañequina tiquina ijiro saha tiquina ñañe yerire cosenohriquina ti macapꝫ esaeta. Sa ye ti maca cjē cju catiyere ohoye cju dūcare ihyaeta. Sa ye bucueyequina ijietā tiquina, nidi Jesu. ¹⁵ Ti macapꝫ eseyequina pehe ahriquina ijire: Ña yuhduayequina, masare ujuayequina yero saha yeyequina yaya, wūana tiyequina, masare wejēñequina, “Cohācjū ijire”, tiquina niñe queoyere ño peoyequina, ni meho peyayequina gūhū ijire ti macapꝫ eseyequina.

¹⁶ Sa yero ohō saha ni yahu nemori Jesu:

—Yuhū, Jesu, yaquiro angelre ohou mū sare yeequinare ahri pū cjēna yahugū tūhū. Puhtoro Davi panami iji turiagū ijijaja

yuhũ. Yuhũ bohrearia yero saha ijigu ijjaja, ni yahu nemori Jesu.

¹⁷ Espiritu Santo Jesure “Tojoa taya”, nine. Jesu yequina tiquiro omoca dahateacoro yero saha ijiyequina gũhũ “Tojoa taya”, nine. Ijipihtiyequina tiquina “Tojoa taya”, nidire tuhoyequina gũhũ “Tojoa taya”, nihdo Jesure.

Aco wũoyequina acore tutuaro tiquina cahmeno saha Cohãcjũ cahapũ waha duana Jesure tutuaro cahmeña. Tiquiro catigũ yeye aco yero saha ijire. Tiquirore cahmeñequinare ahmasepũ sa ijiducugũ yerota Cohãcjũ. Tiquina esa tuharo ye dutiro marieno Jesu yedohoro mehna sa ijiducugũ yerota.

¹⁸ Yuhũ Ñu, ijipihina ahri pũ cjẽ Cohãcjũ yere tuhorinare mũsare ohõ saha ni cua pesaro mehna yahutja. Ahri buheye mehna apeye buheye mehna more yahu

nemoñequina Cohãcjũre yuhdũdũcaye nine. Tiquina sa yuhdũdũcagũ ihñano ijipihtiye ahri pũpũ tiquiro buhiri dahreatire tiquiro yahuriro sahata cũnota tiquina gũhũre. Sa yero sata tiquina gũhũre buhiri dahrerota. ¹⁹ Sa ye ahri pũ cjẽ yahuyere yahu dahayequina Cohãcjũre yuhdũdũcayequina ijire. Tiquina sa yuhdũdũcagũ ihñano catigũ yeye cjũ dũcare tiquinare ihya dutisi. Sa ye sa ijiducusi tiquina. Sa yero tiquiro ya macapũ quehnoari macapũ waha dutisi. Ti cjũ, ti maca gũhũ ahri pũpũ tiquina yahuripũ ijire.

²⁰ Ijipihtiye ahri pũ cjẽne yahuriquiro ohõ saha nine:

—Sa tjire. Mehenogã dahsare ahri yehpapũ yuhũ tojoa tato, nine tiquiro.

Sa tjiya. Ũsã puhto Jesu, tojoa taya.

²¹ Mari puhtoro Jesu tiquiro yedohoro mehna ijipihina mũsa quehnoano ijiya.